



c. sup. 15. Pl. 5.



32

3 C

13





HIERONYMI PLATI EX SOCIETATE IESV, DE BONO STATVS RELIGIOSI LIBRI TRES.

Recogniti ab auctore, & pluribus
locis aucti.

*Ex libris
S. Bernardi*



L V G D V N I,
A P V D
IOANNEM BAPTISTAM B V Y S S O N.
M. D. X C I I.
C V M P R I V I L E G I O.

~~Ex libris S. Bernardi~~
~~Ex libris S. Bernardi~~

IMYUORZII
ITAI
L Vdouicus Richeomus Prouincialis Colegio-
rum Societatis I E S V, in Prouincia Lugdu-
nensi, iuxta priuilegium eidem Societati ꝑ Chri-
stianissimo Galliarum Rege die 10. mensis Maij,
anni 1583. concessum, (quo Bibliopolis omnibus
prohibetur, ne libros ab eiusdem Societatis homi-
nibus compositos, absque illorum permissione im-
primant) permittit Ioanni Baptistæ Buysson Lug-
dunensi Bibliopolæ, vt *Hieronymi Plati eiusdem So-*
cietatis opus, cui titulus est *De bono status Religiosi*, ad
sex proximos annos imprimere, ac liberè diuende-
re possit. Datum Lugduni Die 30. Nouembris,
1591.

RICHEOMVS.

ADMODVM R. IN CHRISTO PATRI P.

CLAVDIO AQUAVIVAE

Societatis IESV Praeposito Generali
meritissimo, Ioannes Baptista
Buysson Bibliopola Lu-
gdunensis S.



VM propositum mihi esset, admodum R. Pater, post
Gulielmi Rouillij optimi vxoris aui, qui cum, & ne-
cessitudinis, amorisq; vinculum, & commercij So-
cietas intercedebat Librariam officinā nouo ineunte
anno, nouo nomine, nouisq; insignibus aperire, nihil
antiquius mihi fuit, quā insignis etiam illam scriptoris alicuius
nomine initiari, cuius spectata in primis pietas esset, quiq; non le-
uem legentibus vtilitatem afferret. Quare cum omnino fermē ser-
mone accepissem Hieronymi Plati, viri Societatis vestrae praclari li-
bros, De bono status religiosi tales esse, quales ego maximē opta-
bam, eosque re ipsa vehementer ab omnibus flagitari comperirem,
qui maiora praestantium vestri ordinis hominum volumina breui
Deo propitio editurum me spero, quique Bibliopola munus non ad
priuatum commodum, sed ad publicam vtilitatem exercere statui,
feliciter mihi successurum esse credidi si ab eo potissimum illud au-
spicarer libro, qui & ceteros siue nostra, siue Patrum memoria eius
argumenti omnes facile superare & ingens tum omnibus, tum vero
maximē perfectā vitā statum amplecti cupientibus emolumentum
afferre posse iudicatur. Hoc verō dum meditor, & rei quam optimē
possem perficiēda consilia conquirō, per opportunē audio R. P. Ber-
nardinū Castorium Collegij nostri Lugdunensis Rectorem, quem ego
merito & meo, & cōmuni ciuitatis nomine obseruo, eius libri exē-
plar accepisse ab ipso auctore non antē multō quā vitā fungeretur,
emendatum. Quamobrem cum illum, qui multis hactenus sibi me

Societ' atiq; v'stra vniuersa beneficij's obstrinxit, h'ac ob caus' ady's-
scm, nouo eti' h'oc me tand' pro sua humanitate munere cumula-
uit, vt illo vti ex'plari in hac mea Plati editione liceret, ac licet ip-
se autor ob singular' animi modestiam, & summ' rer' humanar'um
contempt' opus hoc nulli dicatum ha'tenus euulgarit, operapreti'um
me factur'um tam' omnino iudicaui, si cumprim' ex officina nostra
suo quodammodo parente iam morbatum prodiret, quasi posthumum
Hieronymi Plati fili' tibi maxime comendarem, qui totius Societa-
tis, in qua ille sanctissime vixit, moderator, & caput sapientissime
omnia gubernas, qua ab ea toto orbe summa omniu' hominum vti-
litate geruntur, & ad quem post scriptoris mortem hereditario
quodam iure ex asse contingit. No' enim dubito permulta in hoc toto
opere contineri, qua Platus ipso a te vel familiarius de perfecta vi-
ta comodis agente, vel alios tua cura commissos informante audita,
atq; in suu' opus translata diligenter postea suis quaq; locis digesta
posuerit. Qua licet nemine conscio absque vlla monitoris opera fa-
cile recognoscas, patere tamen illa tibi a me defuncti Plati nomine
tacito representari, eaque obsecro pro singulari tua benignitate no'
aqua solu', sed eti' lata fronte sic recipe ac si rediuuos tui ama-
tissimi, atque obseruantissimi, tibi que carissimi Plati vultus ac vo-
ces exprimeret. Nec vero mouere te quoquo modo velim, me homi-
n' tibi plan' nouu', nec de nomine quidem adhuc notu' te cogitatio-
nu' curis adeo multis, adeoque serijs in societate Iesu amplissima ta'
ta cu' laude administranda prapeditu' incomposita, tuoque aded in-
digna cospectu Epistola interpellare. Ita enim multis, ita magnis, me
v'stra familia homines qui Lugduni sunt, officijs deuinxerunt, vt cu'
pen' iure nexi addictus iadiu societati sim, nefas omnino duxerim
illius id capiti non aliqua tand' ratione profiteri. Et quonia' qua-
cu'que a me tibi, tuisq; praestari possunt obsequia, meritis lo'ge mino-
ra su't, Deu' perpetuo simplex obsecrabo, vt cui' a vobis causa geru'-
tur omnia, Societate v'stra vniuersa sart'a tecta custodiat, teq; illa
prud'entissime ac religiosissime moderant' diutissime conseruet. Vale,
Lugduni Calendis Ianuarij augustissimo Iesu nomini, quod v'stra
societatis insigne auspiciatissimum est, consecratis, M. D. XCII.

I N D E X

CAPITV M O P E R I S.

CAPITA LIBRI PRIMI, in quo agitur de vtilitate.



*P*roœmium de pulchritudine status religiosi, vtque
semper à demone oppugnatus fuerit.

Testimonia sanctorum Patrum in commendatio-
nem status religiosi. Cap. I.

Quid sit religio, & quotuplex eius bonum. cap. II.

Hominem non esse suum, sed Dei, idque ob septem causas.
cap.

Religiosum statum satisfacere huic obligationi, dum nos perfecte
Deo tradit. III.
cap. IIII.

De laqueis, & occasionibus peccandi, quæ sunt in seculo.
cap. V.

De tribus mundi malis, quæ Ioannes Apostolus commemorat.
cap. VI.

De fuga mundi per religiosam vitam. cap. VII.

Quam vtile, & salutare sit, nudari omnibus omnino creaturis.
cap. VII.

De vtilitate religiosa paupertatis. cap. IX.

De vtilitate religiosa castitatis. cap. X.

De vtilitate religiosa obedientia. cap. XI.

Non solum religiosos, sed omnes Christianos obligatos esse ad vitæ
perfectiorem. cap. XII.

Primus religionis fructus, integra remissio omnium peccatorum.
cap. XIII.

Secundus fructus religionis ex eo, quod sit status pœnitentia.

3 cap.

cap.

xiiii

Tertius fructus ex victu seueriores.

cap. xv.

Quartus fructus, quod omnem peccati materiam perfectissime remouet.

cap. xvi.

Quintus fructus, commoditas vacandi Deo.

cap. xvii.

Sextus fructus, exequi in omnibus diuinam voluntatem.

cap.

xviii.

Septimus fructus, quod faciat vt Dei praecepta facilius seruentur.

cap.

xix.

Octauus fructus, ipsa humilitate, & abiectione status.

cap.

xx.

Nonus fructus, quod religio sit schola virtutum.

cap. xxi.

Decimus fructus, ex vberiore in fluxu gratia.

cap. xxii.

Vndecimus fructus, vberius meritum ex vi status.

cap. xxiii.

Duodecimus fructus ex ductu, & gubernatione Praepositorum.

cap.

xxiiii.

Decimustertius fructus, utilitas ex regulis scriptis.

cap. xxv.

Decimusquartus fructus, ex bonis exemplis.

cap. xxvi.

+ Decimusquintus fructus, vnitas quam maxima religiosorum inter se.

cap. xxvii.

Decimus sextus fructus, ex mutua ope in omnibus rebus.

cap.

xxviii.

Decimus septimus fructus, conuiuio omnium bonorum operum.

cap.

xxix.

Decimusoctauus fructus, ex vinculo votorum.

cap. xxx.

Decimusnonus fructus, mortis securitas, & tranquillitas.

cap.

xxxi.

Vigesimus fructus, quod sit signum diuina praedestinationis.

cap.

xxxii.

Vigesimusprimus fructus, peculiaris Dei cura, ac patrocinium.

cap.

xxxiii.

Vigesimus secundus fructus, patrocinium Beatissimae Virginis Mariae.

cap. xxxiiii.

Vigesimustertius fructus, quod religiosorum preces facilius à Deo exaudiant.

exaudiantur.	cap. x x x v.
Comparatio status religiosi cum seculari laico.	cap. x x x v i.
Comparatio status religiosi cum ordine clericorum simplicium.	cap. x x x v i i.
Comparatio status religiosi cum statu Episcoporum, & Pralatorum.	ca. x x x v i i i.
Comparatio status religiosi cum vita solitaria.	cap. x x x i x.
De beneficio vocationis religiosa.	cap. x x x.

CAPITA LIBRI SECVNDI, in quo agitur de Dignitate.

Proœmium, quod in statu religioso cum vtilitate coniuncta
etiam sit dignitas.

De vtilitate rerum omnium temporalium. Cap. I.

In quo sita sit vera nobilitas, & dignitas. cap. i i.

De dignitate religiosa paupertatis. cap. i i i.

De prestantia religiosa castitatis. cap. i i i i.

De dignitate religiosa obedientie. cap. v.

Religiosum eminere super omnes res terrenas, idque quam sit gloriosum. cap. v i.

De religiosi eminentia in relinquendis carnalibus propinquis. cap. v i i.

Quod religiosus reliquerit etiam se ipsum, idque summum esse. cap. v i i i.

In religiosum statum confluere omnes virtutes. cap. i x.

Quanta sit perfectio religiosi status. cap. x.

De dignitate status religiosi ex similitudine Christi, & Dei. cap. x i.

Religionem esse genus martyrij. cap. x i i.

Religiosos esse amicos, & filios, & sponfas Dei. cap. x i i i.

Religiosos, quia Deo consecrantur, esse templum Dei. cap. x i i i i.

Religiosos propter sui oblationem esse perpetuum sacrificium. x v.

Comparatio religiosa dignitatis cum regia. cap. x v.

De iudiciaria potestate, quam habebunt religiosi. ca. x v i i.

De peculiari gloria, quam in cælo consequentur religiosi.
cap. x v i i i.

De antiquitate status religiosi, & prius ut in lege veteri designatus fuerit. cap. x i x.

Religiosum statum ab ipso Christo institutum fuisse, & in ipsis primum Apostolis. cap. x x.

Ut religiosum institutum viguerit tempore Apostolorum. cap. x x i.

Quomodo deinceps ordines religiosi propagati sint vsque ad nostra tempora. cap. x x i i.

De religiosis Clericorum ordinibus. cap. x x i i i.

De tanta multitudine & religiosorum, & religionum.
cap. x x i i i i.

De viris insignibus sanctitate simul, & doctrina qui religiosi fuerunt. cap. x x v.

De viris principibus, qui religiosam vitam duxere.
cap. x x v i.

De principibus fœminis, quæ religiosam vitam complexæ sunt.
cap. x x v i i.

De summis Pontificibus, qui ex religiosis ordinibus creati sunt.
cap. x x v i i i.

De Prælatibus, qui ex religione prodierunt. cap. x x i x.

De fructu à religiosis in Ecclesia Dei facto. cap. x x x.

Causæ cur status religiosus aptissimus sit omnium ad hunc fructum faciendum. cap. x x x i.

De doctrina religiosorum, & eloquentia. cap. x x x i i.

De causis cur religiosi in literis profecerint. cap. x x x i i i.

De triplici religionum pulchritudine, & dignitate. c. x x x i v.

Religiones continere formam perfectissimæ Republicæ.
cap. x x x v.

Quantum Ecclesiæ ornamentum addiderint religiosi ordines.

cap. x x x v i.

De honore, qui etiam in hac vita exhibetur religiosis. cap. x x x v i i.

Capitulum

CAPITA LIBRI TERTII,

in quo agitur de iucunditate.

Proœmium de iucunditate status religiosi, & de impedimentis
qua obijci solent, ex figura Hebraorum.

Delectationes animi multo esse maiores, quam corporis. c. 1.

Veram animi delectationem non esse ~~de deo~~. nisi in hoc. cap. 11.

De primâ iucunditate religionis, quia careat secularibus molestiis.
cap. 111.

De facilitate religioſe disciplina. cap. 1111.

De iucunditate vitæ religioſe ex paſſionum mortificatione. c. v.

De iucunditate quam religioſi capiunt ex oratione. cap. vi.

De alijs multis religioſorum gaudijs. cap. vii.

De delectatione, quam religioſi capiunt ex paupertate.

cap. viii.

De iucunditate caſſitatis, & obedientiæ. cap. ix.

De religioſorum delectatione ex ſpiritualium fratrum conuictu.
cap. x.

De religioſi delectatione ex ſtudijs litterarum. cap. xi.

De gaudio, quod ex animarum proſectu religioſi capiunt.

cap. xii.

De Centuplo religioſis promiſſo. cap. xiii.

Comparatio religionis, & paradisi. cap. xiiii.

De ijs, qua obijci ſolent contra religionem, & primum quod hæc
gaudia ſint paucorum. cap. xv.

De eo, quod multi obijciunt, in religione multa eſſe aſpera.

cap. xvi.

De eo, quod obijcitur, religioſos priuari delectationibus huius vi-
tæ. cap. xvii.

De tentationibus, quas aliqui obijciunt in religione multas eſſe.

cap. xviii.

Reſponſio ad eos, qui dicunt, contra naturalem inclinationem eſſe,
vt quis viuatur ſub aliena poteſtate. cap. xix.

Reſponſio ad eos, qui putant, melius eſſe retinere res ſuas ad pia
opera, quam omnino relinquere. cap. xx.

* 5 Reſponſio

Responsio ad eos, qui dicunt, se in seculo manere, vt fructum in proximis faciant. cap. xxi.

Ad eos, qui dicunt satis esse relinquere mundum affectu, etiam si non effectu. cap. xxii.

Ad eos, qui dicunt perfectius esse viuere in seculo, propter maiores difficultates bene viuendi. cap. xxiii.

Ad id quod obijcitur, religiosos maioris perfectionis obligatione teneri. cap. xxiiii.

Contra eos, qui obijciunt, aliquos religiosos non bene viuere. cap. xxv.

Responsio ad illud argumentum, quod si omnes fierent religiosi, mundus periret. cap. xxvi.

Contra quorundam metum, ne desint necessaria ad vitam. cap. xxvii.

De aliorum timore, ne acceleretur mors ex corporis incommodis. cap. xxviii.

Ad eos, quos retardat amor corporis proprii. cap. xxix.

De iis, qui amore seculi impediuntur, ne fiant religiosi. cap. xxx.

Contra quorundam timorem, ne non possint exuere prauos habitus. cap. xxxi.

Ad eos, qui timent, ne non perseuerent in religione. cap. xxxii.

Contra tentationem de differendo ingressu religionis. ca. xxxiii.

De tentatione ex parentibus aut propinquis. cap. xxxiiii.

In eos, qui liberos, vel propinquos a religione reuocant. c. xxxv.

Responsio ad eos, qui dicunt non posse se cognoscere vocationem Dei. cap. xxxvi.

Epilogus totius operis, ad religiosos. cap. xxxvii.

Epilogus totius operis, ad seculares. cap. xxxviii.

F I N I S.

Explicit tractatus de perfectione religionis.

Explicit tractatus de perfectione religionis.

INDEX RERVM

A

Actiua vita laus. 503. melior
tamen quæ simul addit con-
templationem. 507. 742.

Ambitio quantas molestias affe-
rat. 543.

Ambitiosi indigni sunt honore.
512.

Ambrosius monasterium instituit.
411. eius eloquentia quam dul-
cis. 588.

Amicitia cum Deo requirit in
creatura eleuationem quan-
dam. 360.

Amicitia inter homines, quam iu-
cunda 578. non potest fundari
nisi in virtute. 579.

Andreas Spinula Soc. Iesu ingres-
sus. 446. mitigatur ei difficultas
religionis. 610.

Animarum fructus. Vide Proximi.

Anonij Patauni eloquentia 499.
constantia aduersus Tyran-
num. 323.

Antonini doctrina. 496. virtus in
Episcopatu. 469. quam inuius
cum admiseru. 261.

Anonius rem monasticam ampli-
ficauit. 409. eius animi equali-
tas. 320. 324.

Anselmus religiosus fuit. 438. eius
fortitudo. 466. quantum ama-
ret vitam religiosam. 260.

Appetitus naturaliter obedit ra-
tioni. 548.

Apostoli omnium primi religiosi

fuere. 399.

Apostolos imitantur religiosi. 344.
381.

Asperitas vita mitigatur consue-
tudine. 608. Dei gratia. 610. 615.
spe cælestis gloria. 611. spiri-
tualibus consolationibus. 612.
aliorum exemplis. 683. odio car-
nis. 682. 759. interdum etiam
miraculo 613.

Vide etiam, Caro.

Auaritia pericula. 56. 240.

Augustinus religiosus fuit. 435.
difficillime conuersus. 758. eius
eloquentia. 588.

Aulicorum vita misera, & pericu-
losa. 242. quanta in ea molestia.
344. & Vanitas. 771.

B

Baptismus totum hominẽ Deo
obligat. 40. cur deleat omnia
peccata. 107.

Basilus monachus fuit. 433. &
patriarcha monachorũ in Oriẽ-
te. 409. eius constantia in Va-
lentem Imp. 466. stylus qua-
li. 588.

Beda monachus fuit. 438. cur di-
ctus sit venerabilis. ibid. quo se-
culo vixerit. 492.

Benedictus patriarcha monacho-
ram in Occidente. 411. scri-
psit regulam optimam. 178.
412.

Benedictini ordinis origo. 412. am-
plitudo maxima. 426. oppugna-
tus

I N D E X

tus est à damone. 8. 224. multos habuit doctos. 491. & seq.

Bernardini Senensis eloquentia. 498 fortitudo. 323.

Bernardus Cisterciensem familiam illustrat. 414. quantum fructum in ecclesia fecerit. 479. eius eloquentia. 589. amor in B. Virginem. 228.

C

CAmaldulensis familia origo. 413.

Canonicorum regularium origo. 421.

Cardinales ex ordinibus religiosi. 464.

Caritatis virtus inest in religioso statu. 333. & assidue augetur. 147. 334.

Caritatis ordo est ut suam quisque salutem prius curet. 642.

Carmelitani ordinis origo. 414. est in tutela B. Virginis. 229.

Carnis voluptas etiā licita obtundit animam. 86. plurimum nocet. 58. 114. facile à licitis ad illicita labitur. 87. 88. 395.

Carnis delectationes minores sunt quam animi. 532. 537. coniuncta cum motu. 532. habent admixtam tristitiam. 534.

Caro castiganda est. 681. idque odium verus est amor. 682. & utile ipsi carni. 684.

Carnis afflictio retundit eius insolentiam. 114. auget vires animae. 115. meretur consolationes spirituales. 117. est unica ad cælum via. 117.

Vide etiam, *Asperitas.*

Carthusiensis ordinis initia. 414. est in tutela B. Virginis. 228.

Castitatis consilium à Christo promulgatum. 398. ab ipso observatum. 340. & à B. Virgine. 126.

Eius excellentia. 332. est supernaturam. 304. est martyriū quoddam. 357. facit homines angelis similes. 305. 244. immo ipsi Deo. 307. facit animam Dei sponsam. 362. habet in cælo maximam gloriam. 310.

Colligit totam animam. 84. iuuat ad bene orandum 557. ad proximorum fructum. 489. etiam ad humanas scientias. 501.

Eius facilitas ex Dei gratia. 575. praesertim in religione. 79. 308. & dulcedo. 576.

Sine alijs virtutibus est imbecilla. 81.

In religione est perfectissima quia tollit facultatē matrimonij. 310. quando autem hoc introductum sit. 406.

Appetitus generandi unde sit. 302. 669. quomodo nunc cessare debeat. 670.

Centuplum religiosi promissum 591. 596. 754. 757. in rebus spiritualibus. 593. quae centupliciter placent. 765. & in ipso Deo. 595. immo etiam in rebus temporalibus. 592.

Promissum est non solis perfectis, sed omnibus. 605.

Christus est magister virtutum. 150. suo exemplo honorauit humilia. 350.

Omnes homines à Christo empti, eique

- eique subiecti sunt. 37.
 Christi imitatio perfecta est relinquere terrena affectu, & effectu. 654.
 Christi imitatio perfecta est in religione. 349. idque quam gloriosum. 156. ipse omnes inuitat ad religionem. 774. eius passionis precipuus fructus sunt religiosi. 699.
 Chrysostomus monachus fuit. 434. eius constantia in episcopatu. 427. suauitas eloquentia. 588.
 Cisterciensis ordinis origo. 413. amplitudo. 428. est in tutela B. Virginis. 228.
 Clerici simplices seculares non habent statum. 246. habent magnam obligationem ad perfectionem, & simul magna impedimenta. 152. sunt multo inferiores religiosi. 247. 253. Eorum pericula ex ordinis dignitate. 248. ex animarum cura. 250. ex redditibus ecclesiasticis. 251.
 Clerici prisci in ordine sacro suscipiendo obedientiam, & castitatem spondebant. 418. & paupertatem. 419.
 Clericorum regularium institutum antiquissimum. 418. quam sit prestans. 423. 424. Eorum ordo ab Eusebio institutus. 420. & ab Augustino. 421. & alij recentes. 422. à Paulo III Pont. 464.
 Cluniacensis ordinis origo. 412.
 Cœlestini ordinis origo. 416.
 Communitas in religione preclara res. 20.
 Communio bonorum operum in quibus rebus consistat. 185. quo modo in religione vigeat. 197. quam sit utilis ad multa. 196. 198. & ad impetrandam à Deo. 236. 605.
 Congregatio plurium est causa maioris gratia. 152. habet magnam pulchritudinem. 3. & iucunditatem. 582.
 In congregatione viuere est valde utile. 154. ad cognoscenda vitia, & extirpanda. 188. 261. ad tentationes vincendas. 189. 264. ad virtutes exercendas. 265. 279. 598. & ad opera externa 192.
 Conscientia bona iucunditas. 175.
 Consilia perfectiora sunt praeceptis ob multa. 346. iuuant ut praecepta seruentur. 138.
 Consolationes spirituales dantur à Deo pro cuiusque dispositione. 565. 604. magis tamen ex Dei liberalitate. 608. negantur ijs qui sectantur consolationes terrenas. 116.
 Mitigant omnem laborem. 612. redundant etiam in corpus. 621.
 Consolationes religiosorum. 20. 616. 620.
 Contemplatiua vita laus. 510.
 Creationis iure omnes Deo subiecti esse debent. 34. 35.
 Creatura omnis vilis, & pusilla. 283. semper fluens. 284. brevis. 285. fragilis. 286. exigui usus. 287. plena molestijs. 534. fere nihil. 288.
 Creaturarum consideratio oblectat

566. 584.

Creaturis omnibus eminet religiosus status. 320. quam autem id sit gloriosum. 322.

Crucigerorum ordo quando coëptus sit. 416.

Cupiditates terrena melius sanantur carendo, quam fruendo. 87. 619.

Cura animarum quam periculosa. 250. 254. sed non in religione. 257.

D

Dæmon valde odit, & insectatur religionem, per tyrannos. 4. per hæreticos. 6. per alios. 7.

Vititur creaturis ad tentandum. 120.

Est communis omnium hostis. 622. magis tamen oppugnat magis spirituales. 711.

Delectationes animi maiores sunt quam corporis, quia interiores. 531. nobiliores. 533. magis propria homini. 535.

Delectationes corporis magis sensibiles. 618.

Delectatio facilius tota praeiudicium quam temperari potest. 650.

Vide, voluptates.

DEVS est finis ultimus humana natura. 35. 36. amandus est super nos ipsos. 37.

Omnes ei subiecti esse debent ob eius excellentiam. 32. & ob creationem. 33. & ob alias causas. 34. & seq.

Deo subiectum esse ipsi homini uti-

le est. 46 628.

Deus omnia gubernat per causas subordinatas. 92.

Est vera anima delectatio. 537. quia est anima bonum & finis. 539. & omnia bona continet. 540. 541.

Dei voluntas homini obscura. 137. 653. & tamen in omnibus querenda. 130. id autem perfecte sit in religione, resecta propria voluntate. 133. & per Superiores. 135.

Deus ad hominum salutem alijs hominibus vititur. 169.

Eius providentia in pauperes voluntarios. 572. 574. & seq.

Deo honor debetur, deinde ijs qui se ei consecraverunt. 520.

Dei similitudo perfecta in religioso statu. 351. ex passionum mortificatione. 352. ex unione voluntatis. ibid. ex stabilitate in bono. 156. ex eminentia super res creatas. 353. ex castitate. 370.

Præbet hominibus instrumenta salutis 1. largus est in donando. 604. nunquam reuocat dona sua. 697.

Quam suavis sit ad cogitandum. 557.

Qui à Deo mouentur, non indigent humano lumine. 707.

Deo grati esse debemus pro eius beneficij. 744.

Diuitiarum mala propter periculum in acquirendo. 55. & in utendo. 56. propter animi occupationem. 156. propter vitia quæ eas comitantur. 57. propter delicias 58.

Earum

Earum periculum etiā bene utendos. 65. 650.

Sunt instrumentum felicitatis. 635. sed actiua, non contemplatiua. 641.

Vix possunt haberi sine affectu. 652.

Doctrina est ornamentum naturale, sed magnum. 490. In secularibus saepe est instrumentū vanitatis. 242. Quam autem id malum sit. 772. In religiosis seruit obsequio Dei. 500.

Religiosi valde doctrinam auxere. 497. ad eam aptissimi sunt ob multas causas. 501. & precipue ob Dei opem. 502.

Dominicus remouet redditus à suo ordine. 125. quantum ab omnibus honoraretur. 521.

Dominicani ordinis origo. 415. est in tutela B. Virginis. 230. à Deo defensus est. 9. quos fructus in ecclesia fecerit. 476. quam multos doctos habuerit. 495. quando ad Indias nauigauit. 481.

Dominicani Pontifices. 460.

E

E*cclēsia quātum ornetur religiosis ordinibus. 516. 518. 667. Ecclesiastica potestas est in bonum subditorum. 629.*

Elemosyna est bona, sed melior paupertas. 637. & dare se melius, quam sua. 105.

Elyas & Elysaus monachorum duces. 393.

Episcoporum status quam sit periculosus. 255. quantam exigit

perfectiōnem. 257. eius comparatio cum statu religioso. 256.

Episcopi ex religiosis quam multi. 464. quam utiles ecclesia. 465. & seq.

Episcopatum multi religiosi recusarunt. 258.

Eremitani ordinis origo. 411.

Exempla bona quantum incitent ad bonum. 177. & quidem suauiter. 179. iuuant ad sui cognitionem, & humiliationem. 180.

Exempla mala quantum noceant. 49.

Non omnia sanctorum exempla ab omnibus imitanda. 656.

Exempla aliorum incitant ad ingressum religionis. 758.

F

F*eruor sine discretionē periculosus. 168.*

Fides & spes magna inest in statu religioso. 333.

Fortitudo perfecta inest in statu religioso. 336.

Franciscus paupertatis amator. 79. 298. 572. quantum ab omnibus honoraretur. 521.

Franciscani ordinis origo. 415. oppugnatus est initio, & à Deo defensus. 9. 225. est in tutela B. Virginis. 230. & Dei. 217.

Eius amplitudo. 427. quam multos doctos habuerit. 496. 497. quos fructus fecerit. 471. 477. quādo ad Indias nauigauit. 481. quot ibi martyres habuerit. 483. quot Pontifices. 462. quot episcopos ab aliquot annis. 464.

Franciscus

Franciscus Paulensis fundator Minorum. 417. quomodo honoratus in Gallia. 522.

Franciscus Xaverius ad Indiam navigat. 482. ad id diuinitus inuitatur. 484. quibus consolationibus frueretur. 564.

Franciscus Borgia Dux Gandiensis Soc. Iesu ingreditur. 455. quid eum mouerit. 763.

Fructus animarum. Vide Proximi.

Fulgentius ex monacho Episcopus. 437. eius constantia, & humilitas. 466. quam agrè eam dignitatem admiserit. 260. quomodo inductus ad religionem. 770.

G

Gloria cœlestis varios habet gradus. 387.

Gloria religiosorum quanta erit in cœlo ob multas causas. 392. & seq. & nominatim ex societate suorum. ibid.

Cœlestis gloria causa omnes se Deo debent. 39.

Eius spes omnem mitigat molestiam. 611.

Gratia quid sit, & quotuplex. 150. eius quatuor fontes in religione. 152. facit facilem virtutem. 163. quanta eius sit vis. 609. 692. semper ei confidere debemus. 698.

Gregorius Pont. antea monachus. 437. quantum hanc vitam amaret. 184. quanta in Pontificatu gesserit. 452. eius eloquentia. 589.

H

Habitatus quantum possint. 608. habitus virtutis quasi altera natura. 550.

Habitatus mali exuuntur cessando ab actibus. 690. exercitatione contraria ibidem gratia Dei. 692.

Hæretici & armis, & scriptis religiosos oppugnant. 7.8.

Henricus rex Franciscanorum ordinem ingreditur. 443.

Hieronymus ecclesia doctor monachus. 435. eius eloquentia 588

S. Hieronymi ordo quando cœperit. 417. est in tutela B. Virginis. 231

Hilarion rem monasticam auxit. 409

Homo non est suus, sed Dei ob septem causas. 30. & seq. potest fieri similis Deo, vel brutis. 291. sunt in eo quatuor plaga ex peccato. 51. optimum remedium earum est religio. 1.2

In hominis natura est inclinatio ad virtutem. 548

Hominum iudicia quantum noceant. 49

Honoris materia est sola virtus. 519

Honor religiosorum etiam in hac vita. 144 519. & seq. minime tamen periculosus. 145

Humilitas status signum predestinationis. 141. habet tria priuilegia. 142

Humilitas facile acquiritur in religione. 147. immo inest in ipso statu. 338. magnam verò habet

bit



D E
BONO STATUS
RELIGIOSI
LIBER PRIMVS.

PROOEMIUM.

HUMANANA natura si, vt à Deo facta est, ita
semper recta, atque integra persistisset, non
solum facilis, sed etiam iucundus fuisset ei
cursus ad immortalitatem, & gloriam, pro-
pter quam erat facta, nullo alio adiumento,
præter eiusdem Dei gratiam, quam quidem
in ipsa origine hausisset, & suis deinde meritis vberinè cu-
mulasset. Nunc autem, cum hæc natura adeo fracta, defor-
mata, ac debilitata sit. primum ex originali culpa, quæ in
omnes homines pertransiit, deinde ex propriis cuiusque pec-
catis, cumq; insuper perpetua sit ei colluctatio & cum mun-
do, in quo versatur, & aduersus principes ac potestates tene-
brarum harum, à quibus infensissimè oppugnatur, nihil iam
ei difficilius, aut laboriosius esse potest, quàm ad illam bea-
titudinem aspirare, nihil procliuus, quàm ab ea excidere, &
contra in sempiternum animæ, corporisque exitium ruere.
Hanc igitur ob causam ille hominum creator, & custos, cu-
ius natura bonitas, cuius opus misericordia, vt ait S. Leo, *Ser. 2.*
numquam cessauit, nec cessat nostram hanc imbecillitatem *Natiuit.*
aptissimis quibusdam adiumentis fulcire, & omnibus diuina
quædam quasi instrumenta proponere, quibus, si velint, secu-
rè, & quidem etiam facillè salutem suam operari possint. Hinc
enim tot consilia, tot rationes, tamque varia, vt ita dicam,
Domini, ac Saluatoris nostri inuēta, quæ in catholica Eccle-
sia videmus, ad hominem per se adeo lubricum, ac debilem,
vel sustinendum ne cadat, vel si ceciderit, subleuandum, &

De bono status Religiosi

ad eum roborandum, & confirmandum in omni Christianæ legis perfectione. Ex hoc igitur genere, & certe præcipuus, & maximus in hoc toto genere, est religiosus status, cuius adeo sunt ingentes utilitates, & bona spiritualia, vt sine ulla dubitatione in ijs omnibus, quæ dixi, cælestibus cõlliis, ac veluti morborum nostrorum medicamētis, recteque viuēdi regulis, nihil huic non modo præferendum, sed nec conferendum videatur. Non enim vnā rem, aut vnū tempus, vnāve tantummodō functionem, vt plerāque aliā cuiusmodi beneficia, sed vitā totā, & omnes vitæ partes cõplectitur, nōsque ad omnia perfectæ virtutis mūnera informat, & ita informat, vt omnibus iis, quæ ante attigimus, impedimentis detractis omnia, quæ optari possunt, præsidia cõferat, & plane efficiat, vt de illorum quasi inimicorum nostrorum manu liberati, se uiamus ei, qui verus, & solus est nobis dominus, in sanctitate, & iustitia coram ipso omnibus diebus nostris. Primum enim id agit, vt omnes peccati illecebras, atque occasiones procul à nobis remoueat, & arceat, dum nos mundo, & mundana conuersatione eximit, & in placidissimo portu, vel potius in arce munitissima constituit, vt facile resistamus diabolo, ac de eo, cui nulla in terris potestas cõparari potest, gloriosissime triumphemus. Quo fundamēto posito, & quasi terra ijs spinis, quæ sementem suffocāt, purgata, illud deinde addit, vt bonum semen spiritualium virtutum iaciat; quarum etsi multæ cum reliquis etiam Christianis omnibus communes esse possunt, & esse deberent, pauci tamen, vt videmus, huic se studio applicant: religiosi vero ipsamet disciplina, quam profitentur, certius, abundantius, & firmitus etiam virtutes has confert, quæ videlicet crebram, ac potius quotidianam earum materiam præbet, ac perpetua exercitatione paulatim bonos omnes habitus inserit, & in summa nihil aliud meditari, aut cupere, & curare docet, quam Dei timorem, & cultum, & maximam, quæ possit esse, cum illa sanctitate coniunctionem. Verum ad has virtutes quas communes dixi, accedunt insuper aliæ quædam ita propriæ, vt in ceteris viuendi institutis ne locum quidem habeant, vt est paupertas, nuditasque perfectissima, vt obedientia, & totius propriæ voluntatis abdicatio, vt denique contemptus quidam vniuersarum rerum quæ sunt in mundo, & quas mundus ostentat, quas sane religio ita despicit, ac conterit, vt etiam hanc animi constitutionem, qua nihil vel vtilius, vel generosius esse potest, in animo nostro efficiat, camque in dies magis,

gis, ac magis confirmet. Porro præter hanc vtilitatem, quam quæque anima per se, & proprio studio consequitur, existit etiam in hoc statu quiddam multo maius ex vinculo, ac nexu multarum inter se animarum, quo nexu omnis eiusmodi multitudo ita coalescit, ut quasi ex pluribus membris vnum corpus effici videatur. Nam qui separatim Deo seruiunt, quamuis diligenter, & impigre id faciant, non plus certe habent, quam sit in vnoquoque roboris, atque virium. At in religiosa societate ita vnius virtus cum alterius virtute commiscetur, vniûsque benefacta ita cum altero communicatur, ut singuli non suis solum sed aliorum etiã diuitiis, & opibus augeantur, & omnino ex ea coniunctione, ac vinculo innumerable pene commoda in singulos redundant. Quemadmodum autem in rerum naturalium fabrica hoc Deo magnæ curæ fuisse videmus, ut vna cum vtilitate, atque usu, pulchritudinem etiam, ac venustatem coniungeret, ut in homine, cuius membrorum conformatio, ac dispositio non solum apta est ad omnem motum, & munus, sed etiam ad speciem, & decus quoddam, quod facile cognoscitur ex sceditate, quæ inuerso, ac distorto quoque membro appareat: cum igitur hoc summa illa omnium artifex sapientia in hoc naturali ordine tanto inferiori tam diligenter seruarit, multo magis credendum est in religiosis institutis, quorum ordo multo superior est, ita vtrumque temperasse, ut præter vtilitatem, formam quoque haberent eximiam, quæ sine dubio ipsius Dei, Angelorumque oculos mirabiliter delectaret. Euenit enim in hoc quoque simile quiddam, ut cum ex multis gemmis, atque vnionibus corona, aut opificium aliquod contexitur, in quo non solum sit pulchritudo illa, quæ singulæ gemmæ afferunt, sed ea etiã augeatur, & multiplicetur ex ipsa copia, atque ex earum inter se ordine, ac dispositione. Quin etiam ut nervorum, vel vocum cantus delectant illi quidem, etiamsi soli sint, sed tamen multo vberius, & suauius complet aures concensus ille qui plurius sonorum varietate temperatus sit, in quo acuta cum grauibz æquali inæqualitate sibi inuicem congruant, apteque respondeant, sic virtus omnis etsi per se, ac quodammodo solitaria non potest non approbari, & amari, in religione tamen propter multorum, in quibus eiusdem virtutis splendor elucet, aggregationem, multo eam magis enitere, & splendere necesse est. Iure igitur omnium concessu, licebit nobis ad hunc statum, & ad hanc vitæ formulam accommodare illud Regine Sabæ dictum, quæ cum Salomonis

Col. 2.
Thes. 2.

Prom. 15.

fama excita ad eum adisset, auditis deinde sapientibus eius responsis, tum etiam perspectis opibus, diuitiis, ædium magnificentia, mensarum splendore, ac præcipuè seruorum domiciliis, ministrantium ordinibus, eorùmque vestimentis, denique holocaustorum quoque copia, ita obstupuisse legitur, ut exclamarit, Beati viri, & beati serui tui, qui hic stant coram te, & audiunt sapientiam tuam. Quis enim verior Salomon, quam Saluator noster, non solum pacificus, sed etiam pacificans quæ in cælis, & quæ in terris? Hic igitur Salomon, in quo sunt omnes thesauri sapientiæ, & scientiæ Dei, idemque omnium rex, ac dominus, etiam si alios quoque subditos habeat, ij tamen omnium maximè, & verissimè eius serui sunt, qui scilicet in eius domo habitant, eiusque ori semper astant. Hi verò sunt religiosi greges, qui hanc vnam ob causam parentes, fratres, amicos, domos denique proprias reliquere, ut in ipsius se domum, perpetuùmque famulatum conficerent, & ij quidem in varios ipsi quoque ordines tum institutis, tum etiam habitu, vestibusque distincti. Hic ergo regis illius epulæ, id est, solatia, & gaudia interna, & ipsa animi securitas, quæ est iuge conuiuium. Hic holocaustorum frequentia, quia quot religiosi, tot holocausta, quin potius, quot eorùm opera, tot penè holocausta, quoniam Deo offeruntur, & ad Dei obsequium diriguntur. Denique horum quoque munus, atque vnicum negotium est, Salomonis sui, id est, Domini Dei sapientiam audire. Nihil enim aliud agunt, quam ut diuinæ illi luci assiduè inhæreant, nunc orando, nunc meditando, nunc salutaribus libris animùm exudiendo, vel aliis pluribus modis, quibus ab illo bonorum fonte lumen, & robur, & gratiam, & omnia denique bona hauriunt. Beati igitur ij quoque, qui hic stant coram Deo suo, & multo certè beatiore, quam veteris illius Salomonis serui. cum tanto maiorem, tantòque meliorem dominum habeant, & ad benefaciendum promptiorem.

Ac meo quidem iudicio religionis vel utilitas, vel excellentia quædam non tantum ex eo intelligi potest, quanta in gratia sit, apud Deum, sed etiam quanto in odio sit apud Dæmonem; de quo si verè cogitare voluerimus, inueniemus eam tot, tantisque ab illo perenni humani generis inimico insidiis ac machinamentis oppugnatam, ut facile constet, inter omnia dona, quæ à cælo hominibus concessa sunt, nullum vmquam fuisse, ad quod perdendum adeò illius malitia exarscrit. Mitto nunc tentationes, & pugnas, quas singulis importunc

tunc intentat, tantum loquor de generali bello, quod ille aduersus vniuersum religiosum nomen acerbissime semper gessit. Nam si initia repetamus, statim ac simul cum Christiana fide, monastica etiam disciplina propagari in mundo cœpit, quod fuit aureo Constantini sæculo, atque ex illis latebris, ac solitudine erumpere, in qua per trecentos, eoque amplius annos antea penè delituerat, hoc obseruare licuit, quoscumq; Dæmō sceleris sui adinistros nactus est ad Ecclesiam perturbandam, eosdem etiam primum, ac præcipuè in hanc quasi Ecclesiæ arcem armasse, atque incendiisse. Atq; hos quidem in duo genera distractos video. Alij enim potentia, imperio, armis religiosæ vitæ cultores opprimere conati sunt: alij, qui hoc non poterant, fallaciis maledictis, dolisque fingendis, atque hæresum erroribus disseminandis. Primum enim Iulianus, eo acerbior, ac nocentior hostis, quo magis omnia nostra interiora norat, non ille quidem ferro, ac cæde religiosos homines afflixit nam hoc quoque martyrij decus, *Orat. 1. in Iuli.* ut ait Nazianzenus, Christianis inuidit: sed quicquid citra sanguinem ad eos vexandos, insectandos, atque omnino delendos excogitare potuit, in id omnes ingenij sui vires, quo non mediocriter valuisse dicitur, semper contulit. Declarat *Ibidem.* hoc eiusdem Nazianzeni oratio ad Apostatam illum, in qua extrema, deprecatores se pro vniuersis religiosorum gregibus constituens, offerre se illi ait suppliciter Philosophorum cœtum (sic enim eos appellat) qui nullo vinculo humi tenentur, qui sola corpora, ac ne ea tota quidem possident, qui Cæsari nihil, Deo omnia debēt, hymnos, preces, vigillas, lachrymas. Hos inquit, si mitius tractaris, & omnino Dei seruos, & discipulos, & cœlestium rerum contemplatores, has gregis Domini primitias, has columnas, has fidei coronas, has pretiosas margaritas, hos templi illius lapides, cuius fundamentum, & lapis angularis est Christus, præclarissime utique & ipsis, & tibi, & nobis consulueris. Similis penè fuit Valentis furor, eius, qui in Basilium præsertim impius fuit. Hic enim generali edicto Monachos omnes armis sumptis militare iussit, idque grauissimis pœnis propositis: quæ quidē res Dei famulos magnopere perturbauit, cum alij, qui recusarent, acerbissime tractarentur, alij in castra vi abriperentur, cō-⁴plures etiam impedirentur, ne se se Dei seruitio dicarent, & qui iam dicant, ne spiritali otio frui possent. Atque utri-⁴que quidem ea immanitas caro stetit, alter enim post annum ferme imperij, ac dimidium, hasta de cœlo vibrata in pugna

occisus est. Alter cum non multo amplius imperasset, exercitu fœde caeso, in villam se se proximam recipiens, igne ab hostibus iniecto conflagrauit. Hos deinde imitatus est etiam Constantinus Copronymus, vir ferus, ac barbarus cum in reliquam Christi Ecclesiam tum præcipuè in sacras hæc familias, quas partim ignominias, ac probris omnibus quam despectissimas reddere, partim cruciatibus insectari non destitit, nec illi quicquam deliberatius fuit, quam vniuersas, non disputando, & cauillando, aut legibus latis, vt isti, sed cæde, carcere, tormentis euertere. Itaque magna eos sanè affixerat clade, iamque sibi triumphare Satanas videbatur, cum Dei prouidentia, quæ suæ causæ numquam deest, illo è medio sublato, Leonem primo filium haud paulo mitiorem, deinde Irenem quoque Imperatricem substituit, cuius præstans pietas tum in reliquæ Ecclesiæ, tum præsertim Monastici ordinis plagas sanandas incubuit, quem etiam istius patrocínio magnopere auctum, & propagatum accepimus. Atque eam etiam sequutus est Nicephorus Imperator religiosorum omnium studiosissimus, & amantissimus. Sed tamen ne ea tranquillitas diuturnior esset, ecce paulo post excitata est à Dæmone Leonis Armeni rabies, quem in omnes monasticæ vitæ studiosos ferunt fuisse teterrimum, eosque exilio, vinculis, inedia, denique malis omnibus affixisse. Et in eo quidem simillime diuina ultio breui apparuit, quippe qui à suis militibus in ara ipsa, ad quam confugerat, mactatus sit, vt quorum immanitatem imitatus fuerat, exitum quoque perferret. Sed hæc vetera, & ex annalibus illa recentia, ac pene in nostris oculis gesta. Nam in Anglia, cum Henricus v r r. ab Ecclesia desciscens, funestum sibi, ac suis pactum cum inferno iniit, primus eius impetus, tum in Carthusiensem, tum in alias Deo sacratas familias fuit, quas ille omni supplicij genere lacerauit. Quæ acerbitas non modo non mitigata, sed multo magis prouecta semper est ad hoc vsque tempus, quo crudelia edicta, crudeliora facta illinc ad nos quotidie perferuntur, cum toto illo regno religiosis omnibus, nominatim vero nostræ huic Sociati carceres, equuleos, cruces inteterari, quin etiam omnibus aliis, qui eos receperint, aut re vlla iuuerint, eadem capitalem penam constitutam audiamus. Neque vero hoc in illa modo insula, sed in Gallia, Germania, Belgio, quocumq; eadem hæc sum flamma penetravit, primum, ac præcipuè semper in religiosa capita sauitum est. Nam nō solum domus disturbata, ea nobis

prophanata,

prophanata, possessiones occupatae, ac direpta sed ipsa quoque Deo dicata corpora tam vario, ac multiplici, & inaudito suppliciorum genere excruciatia sunt, ut certum sit, tantam feritatem non ab hominibus in homines exstere potuisse, nisi eos daemon odij, ac furoris sui ministros adhibuisset.

A r q v e hi quidem omnes gladiis, & potentia ad inermem, imbellemque gentem opprimendam vsi sunt, alij mirius in speciem, sed eo fortasse periculosius bellum intulerunt argumentis, disputationibus, libris scriptis, ne quid videlicet hostis noster intentatum, aut inexpertum relinqueret. Itaque multis hinc ante seculis, Hieronymi ætate, duos illos extitisse legimus & tempore, & improbitate æquales, Iovinianum Romæ, Vigilantium in Gallia, quorum alter virginitati matrimonium, alter paupertati diuitias æquando, ambo quod in ipsis erat, religiosæ vitæ iugulum petebant. Huic utrique simillimus, & sine dubio etiã perniciosior fuit aliquândo post Vicleffus hæreticus, qui cum in multa Ecclesiæ dogmata, tum præcipue in sacras religiones ita inuectus est, ut eas hominum inuentum esse diceret, & quidem inane, ac commentitium, quin etiam nihil habere melius, aut perfectius, quam ipsam communem religionem Christianam, quippe ab ipso Christo institutam: præterea aduersari honori parentum, quem diuina lex præcipit, quoniam liberorum obsequio priuentur. Sed huius quidem commenta e-

De Sacerdotis.

9. a. c.

83.

Sess. 2.

gregie profligauit Vvaldensis luculenter auctor, qui illius caninam audaciam (sic enim appellat) ita repressit, ut non possit doctius, ac plenius: & illud inter alia, mirari se cum de calamo Manichæi argumentum ad religionem impugnandam arripuisset, cur non etiam de Augustini calamo responsum accepisset. Eundem tamen Hæreticum maiori auctoritate iugularunt duo concilia, primum Romanum à Ioanne xxii. coactum, deinde etiam Constantiense, in quo & ille, & illius iam mortui memoria damnata, & anathematizata, ac corpora etiam, & ossa exhumari iussa sunt, & procul ab ecclesiæ finibus proijci. Verum nihil necesse est veteres hæreses in hac re commemorare, cum hæc ipsa nostra tempora satis experiantur istos peruersorum dogmatum architectos nullam Ecclesiæ partem vel acerbius odisse, vel pertinacius insectari. Hinc enim Lutherus præter alia multa, impio simul ineptoque loco, religiosos omnes idolo Moloch sua corpora cremare, Calvinus religiosâ vota Satanæ retia, Melancthon obseruationes fatuas, traditiones Mahumeticas, dicere non

dubitaui. Nec denique ullus est, qui vel dicendo, vel scribendo Catholicæ veritatis hostem se profiteatur, qui non hoc sibi præcipue proposuerit, vt religiosorum nomen inuisum, odiosumque reddat.

NEQUE vero hæreticos tantum Diabolus incitat, immitte; in Religiosos, sed sæpe etiam, quod deterius est, ipsos fidei domesticos, quorum maledicis sermonibus religiosorum vitam in crimen, atque inuidiam vocare conatur, & si non aliud obrineat, certe auctoritatem apud alios eleuare: quæ quoniam frequentia sunt, & quotidiana, neque exemplis, neque nostra indigent oratione. Tantum hoc dicam quod obseruatum est, nullum vmquam à Deo religiosum ordinem excitatum esse, cui, dum tener adhuc esset, perdendo vel deformando, atque adeo præfocando omnes inferni exercitus non totas vires, intenderint. Quorum improbus conatus plane videtur in Pharaone olim expressus, qui Iudæorum infantes, si quidem masculi essent, tolli iusserat, fœminas vero solas à quibus nihil videlicet mali timeret, seruari. Sic enim Princeps iste huius mundi, cum de alijs infirmioribus non adeo sollicitus sit, eos quorum virtutem, ac robur pertimescit, mature enertere nititur. Expertus est hoc, quod dico, Benedictus cum suo nouello grege, quem vt Gregorius narrat, cum in dies magis multiplicari cerneret, Florentium presbyterum inuidiæ facibus incitauit, vt primum quidem caput ipsum veneno peteret; deinde, quoniam id nõ processerat, discipulorum animas magis etiam venenato, noxioque spectaculo extinguere aggesseretur. Cuius quidẽ tam sceleratæ maleuolentiæ celeres pœnas luit, subita tecti ruina misere oppellus. Idem quoque euenit in duos celeberrimos, sanctissimosque ordines, Dominicanum, & Franciscanum, quibus, cum fœlici iam progressu adolefceret, annis ab eorum ortu ferme quinquaginta, opposuit Dæmon Gulielmum quendam Matifconensem canonicum, eique amentia ac scelere paem Gyraldum Parisiensem Doctorem, qui tum voce in circulis, & cathedris, tum etiam iustis voluminibus conscriptis omnem conatum ad eos perdendos conterrent, cum videlicet nec mendicare, nec literis studere, nec ad populum concionari, vel confessiones pœnitentium excipere licitum eis esse affirmarent. Itaque magnam sane, vt accepimus, aduersus Dei famulos commouerant procellam, nec modo in plebe indocta, sed in maioribus plerisque, quos calliditate quadam disputandi, & doctrinæ auctoritate deceperat.

Repugna-

Exo. I.

2. Dial.

6. 8.

Repugnarunt his acriter duo utriusque illius ordinis lumina, B. Thomas Aquinas, & Bonaventura, & hic quidem Pauperum apologiam (sic enim incripsit) ille opusculum edidit cōtra impugnantes religionem, cuius illud est initium, aptum omnino, & causæ conueniens: Ecce inimici tui sonuerunt, & qui oderunt te, extulerunt caput. Super populum tuum malignauerunt consilium, & cogitauerunt aduersus sanctos *Psal. 81.* tuos; quo loco illud præclare inter alia, quamquam Deus cum sit omnipotens, vniuersum humanum genus ad eam salutem, cuius causa conditum est, facile per se adducere posset, tamen ut illam suauitatem, qua ipsius prouidentia in rebus omnibus delectatur, in hac quoque re omnium maxima, retineret, ministrorum etiam operam adhibere voluisse, qui quidem, ut ait Paulus, Dei adiutores essent, Itaque è contra *1. Cor. 3.* consilium esse principis tenebrarum, qui Dei gloriæ animarumque saluti aduersatur, hos Dei ministros in tanto, tamque salubri opere disturbare, ex quo illud est Gregorij, Illos præcipue reprobi in sancta Ecclesia persequuntur, quos multis conspiciunt esse profuturos. Atque hæc S. Thoma. *13. mor. ca. 5.* Quamquam hic quidem scriptis, Deus autem multò grauius, acerbiusque, tactis ipsis illorum impietatem confutauit. Gulielmus enim ab Alexandro Quarto Pontif. Romam euocatus in publico Cardinalium concessu, vtraque familia pro sua, Deique causa adnitente, conuictus, dānatusque est, ac nō solū liber in omnium cōspectu igni traditus, sed ipse quoque eius auctor tum Ecclesiastici ordinis functione, tum omnibus etiam redditibus exutus, atque insuper à Ludouico Rege tota Gallia interdictus. Gyraldus autem aliquanto etiam seueriori pœna affectus est, qui non ita multo post paralyti primum, deinde lepra diuinitus immissa interiit, ut ipsa extraordinariæ mortis fœditas, peccati quoque fœditatem ostenderet. Cæterum, ut Dæmon his duobus ordinibus adhuc recentibus a deo infestus fuit, sic etiam aliis omnibus, sic postremo Societati nostræ, quam non solum per partes varijs in locis, vario præliorum genere exercuit sed Romæ quoque fundamenta eius vix iacta, summa vi demoliri conatus est, cum fictis per quosdam suos ministros criminibus Ignatium caput nostrum, eiusque socios in summam hæresis, aliorumque flagitiorum intamiam adduxisset. Verum hic quoque Dei se numen ostendit, cuius certa, atque illustri prouidentia effectum est, ut nostri primum honorifica iudicium sententia ab omni suspieione eximerentur, deinde omnes illi tam turpis

calumnix auctores sua quisque pœna multarentur, vnus in exilium actus, alter paulo post morbo consumptus, cum magna testificatione doloris ob hoc factum; tertij, cum male tibi de hæresi conscius fugisset, statua publice combusta. quartus item ob hæresim perpetuo carceri addictus: vltimus ad Lutheranos, quod ipsum fuit supplicium grauissimum, se se recepit. Sic igitur si hos euentus aliosque similes conferre velimus, hoc inueniemus, vilam esse Dei Domini bonitatem cum Dæmonis malitia semper circa religiosos ordines certasse, illam in ijs constituendis, ornandis, stabiliendis. hanc in oppugnandis, omniq̃ue telorum, ac machinarum genere diuexandis; sic tamen, vt ea vicerit, quæ tanto maior, ac superior est, Dei benignitas, ac potentia, ad quam pertinuit vt opus hoc suum, & tale præferti opus, scuto bonæ voluntatis suæ protegeret, ac tueretur.

Esaï. 12. Hæc ob causas magnum futurum videtur operæpretium, tum ad improbos Dæmonis conatus retundendos, tum ad Dei sapientiam in tanta re commendandam, si religiosi status præstantiam, vtilitateq̃ue innumerabiles, quatenus quidem nobis liceat, exponamus. Ad hoc enim nos hortari videtur Esaïas, cum ait, Notas facite in populis adiunctiones eius. Nam certè, vt initio dixi, inter omnia quæ sapientissime, & amantissime à Deo pro hominum salute inuenta, ac perfecta sunt, hæc præcipue viuendi ratio certis legibus, formulisq̃ue constricta numeranda est. Ad quas vtilitates illa quoque non mediocriter accedet, quod ipsos etiam fortasse religiosos excitabimus, vt bona sua & iucundius recognoscant, & auidius retineant quorum animus vel ipsa horum bonorum magnitudine, & copia quodammodo obrutus, vel inteto aliarum rerum studio absorptus vel etiam assuetudine quadam occupatus ita nonnumquam hebetatur, vt suas diuitias ipsi non videant, & quasi inter plenas epulas eiuriât. Itaque his euenit interdum quod rusticis hortorum, aut vinearum cultoribus, qui cum in ea amœnitate degant, quæ multos etiam ex remotis locis ad spectandum inuitet, & quæ deinde fruenda, & laudanda vix satiari possint: ipsi tamen ne aduertunt quidem, quasi oculorum iudicio careant. Sed hæc culpa eo in religioso turpior est, quod is nullam aliam occupationem habere debet, præter hanc, aut certe reliquas occupationes, & curas ad hanc vnâ dirigere, & nisi id faciat, non solum iucunditate quadam, vt rustici illi, sed etiam magnis se priuat commodis, acque animum illum, quem

debet

debet, præstare Deo potest, memorem, gratum, & amantem. Itaque, ut dixi, hos quoque, quantum possumus, excitemus, ut tantum beneficium perspiciant, & eo perspecto, vitam quoque, ac mores ei congruentes instituant.

Testimonia sanctorum Patrum in commendationem status religiosi.

C A P V T P R I M V M.

DV O sunt, quæ inter homines magnam vim ad persuadendum habere solent, ratio, & auctoritas. ratio lumine proprio, auctoritas alieno niritur, quod tantum abest, ut aliquid firmitatis ad fidem detrahat, ut potius multum addat. Nam si iis, quæ à nobis ipsis inuenta, aut cognita sunt, ideo assenimur, quia ingenio nostro condidimus, multo magis illorum ingeniis confidere debemus, quos iudicio, ac sapientia præstitisse nouimus, & nobis ipsis longe superiores esse confitemur. Itaque ipse etiam scientiæ, quæ ad veritatem rationis tantummodo momenti niri solent, non tamen auctoritatem respuunt, habentque singulæ suos principes, quorum sententias mordicus tuentur: quod etiam multo magis valere debet in moralibus, de quibus, ut recte iudicetur, præter ingenij acumen, voluntas quoque recta requiritur, quod sola virtus efficit, sæpe etiam necessaria est experientia quædam rerum earum, de quibus decernendum est. Quare si in eloquentiæ præceptis Ciceronem, aut Demosthenes, si in philosophia alij Platonem, alij Aristotelem, in Mathematicis Euclidem, aut alium eiusmodi tamquam duces sectandos esse putant, & quod illi vel aperte scripserint, vel etiam occulte insinuant, pro rato habendum, habemus nos etiam in Schola nostra Christiana præcipuos quosdam, quorum testimonia eo pluris esse debent, quod ita suam doctrinam cum vitæ sanctitate cõiunxerunt, ut tum per se multum vidisse; tum multo magis à Deo illuminatos fuisse credendum sit. Quapropter hoc primum nobis in hac causa religionis tractanda, visum est faciendum, ut aliquot talium auctorum sententiæ proferantur, æque solæ, ac nudæ nulla nostra ratiocinatione adhibita; quæ tanto maius pondus habebunt, quod vno eorum, vel fortasse altero excepto, omnes hoc idem, quod laudabant, ipsimet vita quoque, & opere complexi sunt, ne illa etiam, quam antea dicebamus, experientia eorum auctoritati deesset. Hos igitur tamquam firmissimum huius causæ præsidium in prima acie collocemus.

Primus

Autori

Primus autem sit Nazianzenus, cuius est illud encomium in
Or. i laus religiosos: Ecclesiæ, inquit, pars selectior, & sapientior; si-
d. Basil. quidem ij sapientiores habendi sunt, quam reliquum mortali-
 um vulgus, qui se ipsos à mundi consortio segregarunt, &
 vitam suam Deo consecrarunt Nazarios nostrates dico.

Atque idem etiam alio loco, *Qui* supra terram assurgunt,
In car- coniugisque expertes viuunt, commerciique quam nuni-
mine ad num cum mundo habent, ac vitæ rationem ita compararunt,
Hellen. vt Deum piis hymniis noctes, diésque celebrent, atque in ter-
 renis opibus quibus mundi huius princeps miserorum mor-
 talium animos eludere, quasque ad alios, aliósque subinde
 transterre solet, omnino abhorreant, spémque bonorum eo-
 rum, quæ nunquam dominos suos deserant, instar omnium
 opum habent, nec costam illam corpus adamanter desider-
 rent, nec nouæ liberorum manum innitantur, nec in fratri-
 bus, sociisque, id est, in sanguine, ac cinere iam iamque pe-
 rituro ludiciam suam collocent, nec denique gloriam huma-
 nam celeriter auolantem concupiscant. quin potius mentem
 suam Deo penitus addicunt, eique tamquam firmissimæ pe-
 træ rudentes suos alligant, vitæque in Christo absconditæ
 inicianur, vt cum illa illuxerit, ipsi quoque vndique collu-
 ceant, magnamque cœlestis exercitus gloriam, non iam ob-
 scura quadâ specie, nec exiguis veritatis vestigiis, sed pure,
 ac liquide intuentes. Recte quidem Nazianzenus, atque ele-
 ganter, idque in primis, quod vxorem, quæ religiosi carent,
 costam appellat quæ viri corpus, vnde sumpta est, appetat,
 quasi ad indicandam vno verbo eorum felicitatem, qui se ex
 talibus illecebris, præliisque subdlexerint. Sed idem etiam
Or. i in vberius in oratione quadam. Vides ne, inquit hos pauperes
lul. victu, ac tecto carentes, hos humiles, & terrenos, & suprà
 terrena, qui inter homines versantur, & rebus humanis sunt
 superiores, qui vinculis pressi, & liberi sunt retenti, & teneri
 non possunt, qui nihil in mundo habent, & omnia habent, qui
 mundo superiores sunt, hos inquam propter mortificatio-
 nem immortales, propter solutionem Deo coniunctos, qui
 ab amore alieni, sed diuino amore ardentes, quorum fons
 lucis & quorum iam radij, splendorisque traiectiones, quo-
 rum angelici psalmorum cantus, & pernox statio, & mentis
 ad Deum excessio ante mortem in cœlum se rapientis, quo-
 rum purgatio, & tamen purgantur, quippe nullum ascensus
 & Deificationis modum sibi constituentes, quorum est
 conteri, & abiici, & quorum simul est super thronos sedere,
 qui &

qui & nudi sunt, & incorruptibili vestiuntur indumento, qui in solitudine huius seculi, alterius seculi frequentia, ac celebritate fruuntur, qui voluptates abiiciunt, & tamen perpetuam, atque inexplicabilem animorum oblectationem habent, quorum lacrymæ peccati diluvium sunt, & mundi expiamentum, quorum extensio manuum flammam extinguit. Denique Nazianzenus idem in præclara illa apologia, quæ rationem reddit, cum episcopatu repudiato, in Pontum fugisset, hanc in primis causam affert, propter innumera bona religiosæ huius vitæ: quam ille appellat quietam, & remotam à turbis, & denique asylum; quibus hæc etiam addit. Nihil enim, inquit, mihi felicius esse videbatur eo homine, qui clausis, compressisque corporis sensibus, atque extra carnem, & mundum positus, in se, & se collectus nec, nisi summa necessitate impellente, quicquam humanarum rerum attingens, atque & secum ipse, & cum Deo colloquens, vitam agit: rebus omnibus visibilibus superiorem, divinamque speciem, & imagines puras semper, nec ullis terrenis, & errabundis formis permixtas in se ipso circumfert, & Dei, rerumque divinorum purum omnino speculum est, in diemque efficitur, & cum angelis versatur, ac, licet in terris agens, terram deserit, atque à se ritu in cælo collocatur. Hæc ille. Chrysostomus autem multo etiam plenius hunc locum tractavit tum multis hominibus, in quibus plurimas huius instituti laudes congerit, tum præsertim tribus integris libris, quos scripsit aduersus vituperatores vitæ monasticæ, in quibus totis, non Christiano tantum, sed etiam, quod mirabilis est, gentili parenti persuasisse se putat, si eius filius, quanquam omnibus diuitiis affluens, ad paupertatem, humilitatemque religiosam sese conferat, multo melius cum eo actum esse, idque rationibus non ex futura vita allatis, quas scilicet ethnicus ille non caperet, sed ex hac ipsa præsentis. Nam & maiores, verioresque religiosi opes, ac diuitias esse probat, & puriores diuitias, solidioresque voluptates, & potentiam, tum ad se tuendum, tum ad hostes debellandos firmiorem, quodque incredibilius sit, gloriam etiam in mundo celebriorem. Addit exempla gentiliū Philosophorum, quorum inopiam, ac paupertatem illustriorem fuisse demonstrat, & adhuc esse post tota secula, quam Regum opes, atque imperia. Deinde cum Christiano etiā agens, quod iam facilius est, ita de infernis cruciatibus, de supremo Christi iudicio, de cælesti gloria de mundi laqueis, de peccati fœditate, ex Euangelij sacræque scripturæ testimoniis disputat,

tat, vt nullum planè dubitandi locum relinquat. Climachus
Grad. 4. quoque, antiquus auctor, & grauis, tum multa alia toto suo
 libro, tum illud breue quidem verbis, sed re multa comple-
 ctens, Monasterium esse quoddam cælum terrenum, & ideo
 quo affectu, ac reuerentia credimus Angelos ministrare
Ser. de Deo, eadem nos etiam fratribus nostris ministrare debere.
virtu. & Cui simillimum est, quod B. Ephren eiusdem antiquitatis, &
vit. grauitatis auctor scriptum reliquit. Cum, inquit, angelicam
 hanc vitæ rationem considero, singula ipsius salutaria insti-
 tuta beata existimo. Qvis enim rectè, & piè viuentem, &
 castimoniam colentem ob infinita, & immensa illa bona, quæ
 ei reposita sunt, non beatum dixerit? Quocirca operam de-
 mus, vt hoc breui spatio cum Dei timore in hoc angelico, &
 monastico, & religioso viuendi instituto versemur, totisque
In Hist. viribus cum humilitate, sancta Domini, & Saluatoris nostri
B. Iosa- præcepta complectamur. Damasceni autem illa in religio-
phat. forum laudem præclara. Beati, inquit, certe illi, ac ter beati,
 vt qui Dei amore flagrarunt, atque ob eius amorem omnia
 pro nihilo duxerunt; siquidem lacrymas profuderunt, dièque,
 ac nocte in luctu versati sunt, vt æternam consolationem
 adipiscerentur, se ipsos vltro depresserunt, vt illic in
 altum extollerentur, carnes suas fame, & siti, & vigiliis con-
 fecerunt, vt illic paradisi delitiæ, & gaudia eos exciperent.
 Spiritus sancti tabernaculum per cordis puritatem extiterunt,
 vt ad Christi dexteram starent, lumbos suos in veritate suc-
 cinxerunt, atque in promptu semper lampades habuerunt,
 immortalis sponsi aduentum expectantes. Nam cum mentis
 oculis præditi essent, horrendum illum diem semper prospici-
 ebant, atque tum futurorum bonorum, tum futuri supplicij
 contemplationem ita in corpore defixam gerebant, vt ab
 ipsa nunquam diuellerentur. Laborare hic studuerunt, vt
 sempiternæ gloriæ compotes essent. perturbationum exper-
 tes, non secus atque Angeli fuerunt. Beati illi, ac ter beati,
 quoniam firmis mentis oculis præsentium rerum vanitatem,
 atque humanæ prosperitatis incertitudinem, & inconstan-
 tiam prospexerunt, eaque reiecta, sempiterna bona sibi ipsis
 condiderunt, & vitam eam quæ numquam occidit, nunquam
 morte interruptitur arripuerunt. Extremo loco inter Græ-
 cos addere possumus Eusebium Cæsariensem, cuius illa sunt.
Lib. 1. In Ecclesia, inquit, Dei duo modi viuendi instituti sunt; alter
demon. quidem naturam nostram, & communē humanæ vitæ ratio-
Euāgel. nem excedens, non nuptias, non sobolem, non substantiā, non
 opum

opum facultatē requirens, & soli diuino cultui ex immenso rerum cœlestium amore addictus Qui hunc modū amplecti sunt, quasi ab hac mortali vita seiuncti, ipsūmq; dumtaxat corpus in terra gerentes, cogitatione vero, atq; animo in ipso cœlo degentes, quasi quidā cœlites reliquorum omnium vitam despiciunt. quippe qui pro vniuerso genere summo omnium Deo sacra sine. Et talis quidē existit in Christianismo perfectæ vitæ modus. Alter vero remissior, atq; humanior: hic & modesto coniugio, & sobolis procreatiōe implicatur, & rei familiaris curâ sustinet, & iusto militatibus quę sint agēda præscribit; agros quoq; & mercaturā adiuncta religione non negligit: & his quidem secundus pietatis attributus est gradus.

Utrū vero ad Latinos nostros veniamus, luculenta est etiam illa laus, quam Cyprianus tribuit virginibus Deo sacratis; quem locum, ut selectum, Augustinus quoque affert in libris de doctrina Christiana. Flos, ait, est ille Ecclesiastici geminis, decus, atque ornamentum gratiæ spiritualis, læta indoles laudis, & honoris, opus integrum, atque incorruptum, Dei imago respondens ad sanctimoniam Domini, illustrior portio gregis Christi. Gaudet per ipsas: atque in illis largiter florer sanctæ matris Ecclesiæ gloriosa fecunditas, quantūq; plus gloriosa virginitas numero suo addit, tanto plus gaudiū matris auget. Accedit etiam eodem testis locuples Ambrosius, qui in libro de viduis in illud Domini præceptum; Cum omnia feceritis, quæ præcepta sunt vobis, dicite, serui inutiles sumus, quod debuimus facere fecimus, Hoc inquit, Virgo non dicit, hoc non dicit ille, qui bonā suā vendidit; sed quasi reposita expectat præmia, sicut Sanctus Apostolus ait, Ecce nos reliquimus omnia; & sequuti sumus te: Quid ergo erit nobis? Non enim quasi inutilis seruus, quod debuit facere fecisse se dicit, sed quasi utilis Domino, qui commissa sibi talenta quasitis multiplicauit vsuris, mercedemque dei, atque virtutis bene si conscius, meritorumque securus expectat. Idēque Ambrosius in epistola quadam, Hæc Angelorum militia est, semper esse in Dei laudibus, orationibus crebris conciliare, atque orare Dominum student lectiōne, vel operibus continuis mētem occupant separati à cœtu mulierum, sibi inuicem vitam præbent & custodiam. Qualis hæc vita in qua nihil sit quod timeas, & quod imiteris plurimum? Multa quoque Hieronymus in hanc sententiam, tum alibi sparsim, tum quibusdam totis epistolis, ut ad Heliodorum, & Iulianum ad Marcellam autē illud omnino illustre.

De habi
tu virg.
Lib. 4. c.
21.

Ep. 25.

Ep. 1.
34.
Ep. 17.

Certe,

De bono status Religiosi

ad eum roborandum, & confirmandum in omni Christianæ legis perfectione. Ex hoc igitur genere, & certo præcipuus, & maximus in hoc toto genere, est religiosus status, cuius adeo sunt ingentes utilitates, & bona spiritualia, ut sine ulla dubitatione in ijs omnibus, quæ dixi, celestibus cõlliis, ac veluti morborum nostrorum medicamentis, recteque viuendi regulis, nihil huic non modo præferendum, sed nec conferendum videatur. Non enim vnā rem, aut vnum tempus, vnāve tantummodo functionem, ut pleræque aliā cuiusmodi beneficia, sed vitā totā, & omnes vitæ partes cõplectitur, nōsque ad omnia perfectæ virtutis munera informat, & ita informat, ut omnibus ijs, quæ ante attigimus, impedimentis detractis omnia, quæ optari possunt, prædicia cõferat, & plane efficiat, ut de illorum quasi inimicorum nostrorum manu liberati, seruiamus ei, qui verus, & solus est nobis dominus, in sanctitate, & iustitia coram ipso omnibus diebus nostris. Primum enim id agit, ut omnes peccati illecebras, atque occasiones procul à nobis remoueat; & arceat, dum nos mundo, & mundana conuersatione eximit, & in placidissimo portu, vel potius in arce munitissima constituit, ut facile resistamus diabolo, ac de eo, cui nulla in terris potestas cõparari potest, gloriosissime triumphemus. Quo fundamēto posito, & quasi terra ijs spinis, quæ sementem suffocāt, purgata, illud deinde addit, ut bonum semen spiritualium virtutum iaciat; quarum etsi multe cum reliquis etiam Christianis omnibus communes esse possunt, & esse deberent, pauci tamen, ut videmus, huic se studio applicant: religiosi vero ipsamet disciplina, quam profitentur, certius, abundantius, & firmitus etiam virtutes has confert, quæ videlicet crebram, ac potius quotidianam earum materiam præbet, ac perpetua exercitatione paulatim bonos omnes habitus inserit, & in summa nihil aliud meditari, aut cupere, & curare docet, quam Dei timorem, & cultum, & maximam, quæ possit esse, cum illa sanctitate coniunctionem. Verum ad has virtutes, quas communes dixi, accedunt insuper aliæ quædam ita propriæ, ut in ceteris viuendi institutis ne locum quidem habeant, ut est paupertas, nuditasque perfectissima, ut obedientia, & totius propriæ voluntatis abdicatio, ut denique contemptus quidam vniuersarum rerum quæ sunt in mundo, & quas mundus ostentat, quas sane religio ita despicit, ac conterit, ut etiam hanc animi constitutionem, qua nihil vel utilius, vel generosius esse potest, in animo nostro efficiat, eamque in dies magis,

gis, ac magis confirmet. Porro præter hanc vtilitatem, quam quæque anima per se, & proprio studio consequitur, existit etiam in hoc statu quiddam multo maius ex vinculo, ac nexu multarum inter se animarum, quo nexu omnis eiusmodi multitudo ita coalescit, ut quasi ex pluribus membris vnum corpus effici videatur. Nam qui separatim Deo seruiunt, quamuis diligenter, & impigre id faciant, non plus certe habent, quam sit in vnoquoque roboris, atque virium. At in religiosa societate ita vnius virtus cum alterius virtute commiscetur, vniûsque benefacta ita cum altero communicatur, ut singuli non suis solum sed aliorum etiã diuitiis, & opibus augeantur, & omnino ex ea coniunctione, ac vinculo innumerable pene commoda in singulos redundant. Quemadmodum autem in rerum naturalium fabrica hoc Deo magnæ curæ fuisse videmus, ut vna cum vtilitate, atque usu, pulchritudinem etiam, ac venustatem coniungeret, ut in homine, cuius membrorum conformatio, ac dispositio non solum apta est ad omnem motum, & munus, sed etiam ad speciem, & decus quoddam, quod facile cognoscitur ex fæditate, quæ inuerso, ac distorto quopiam membro appareat: cum igitur hoc summa illa omnium artifex sapientia in hoc naturali ordine tanto inferiori tam diligenter seruarit, multo magis credendum est in religiosis institutis, quorum ordo multo superior est, ita vtrumque temperasse, ut præter vtilitatem, formam quoque haberent eximiam, quæ sine dubio ipsius Dei, Angelorumque oculos mirabiliter delectaret. Euenit enim in hoc quoque simile quiddam, ut cum ex multis genimis, atque vnionibus corona, aut opificium aliquod contextitur, in quo non solum sit pulchritudo illa, quæ singulæ gemmæ afferunt, sed ea etiã augeatur, & multiplicetur ex ipsa copia, atque ex earum inter se ordine, ac dispositione. Quin etiam ut nervorum, vel vocum cantus delectant illi quidem, etiam si soli sint, sed tamen multo vberius, & suauius complet aures concensus ille qui plurium sonorum varietate temperatus sit, in quo acuta cum grauibz æquali inæqualitate sibi inuicem congruant, atque respondeant, sic virtus omnis etsi per se, ac quodammodo solitaria non potest non approbari, & amari, in religione tamen propter multorum, in quibus eiusdem virtutis splendor elucet, aggregationem, multo eam magis enitere, & splendere necesse est. Iure igitur omnium concessu, licebit nobis ad hunc statum, & ad hanc vitæ formulam ac- 3. Reg. commodare illud Reginæ Sabæ dictum, quæ cum Salomonis 10.

Col. 2.
Thes. 2.

Prov. 15.

fama excita ad eum adisset, auditis deinde sapientibus eius responsis, tum etiam perspectis opibus, diuitiis, ædium magnificentia, mensarum splendore, ac præcipuè seruorum domiciliis, ministrantium ordinibus, eorūque vestimentis, denique holocaustorum quoque copia, ita obstupuisse legitur, ut exclamarit, Beati viri, & beati serui tui, qui hic stant corā te, & audiunt sapientiam tuam. Quis enim verior Salomon, quam Saluator noster, non solum pacificus, sed etiam pacificans quæ in cælis, & quæ in terris? Hic igitur Salomon, in quo sunt omnes thesauri sapientiæ, & scientiæ Dei, idemque omnium rex, ac dominus, etiam si alios quoque subditos habeat, ij tamen omnium maximè, & verissimè eius serui sunt, qui scilicet in eius domo habitāt, eiusque ori semper astant. Hi verò sunt religiosi greges, qui hanc vnam ob causam parentes, fratres, amicos, domos denique proprias reliquere, ut in ipsius se domum, perpetuūque famulatum conficerent; & ij quidem in varios ipsi quoque ordines tum institutis, tum etiam habitu, vestibūsq; distincti. Hic ergo regiæ illæ epulæ, id est, solatia, & gaudia interna, & ipsa animi securitas, quæ est inge conuiuium. Hic holocaustorum frequentia, quia quot religiosi, tot holocausta, quin potius, quot eorū opera, tot penè holocausta, quoniam Deo offeruntur, & ad Dei obsequium diriguntur. Denique horum quoque munus, atq; vnicum negotium est, Salomonis sui, id est, Domini Dei sapientiam audire. Nihil enim aliud agunt, quam ut diuine illi luci assiduè inhæreant, nunc orando, nunc meditando, nunc salutaribus libris animū erudiendo, vel aliis pluribus modis, quibus ab illo bonorum fonte lumen, & robur, & gratiam, & omnia denique bona hauriunt. Beati igitur ij quoque, qui hic stant coram Deo suo, & multo certè beatiore, quam veteris illius Salomonis serui, cum tanto maiorem, tantòque meliorem dominum habeant, & ad benefaciendum promptiorem.

Ac meo quidem iudicio religionis vel vtilitas, vel excellentia quædam non tantum ex eo intelligi potest, quanta in gratia sit apud Deum, sed etiam quanto in odio sit apud Dæmonem; de quo si verè cogitare voluerimus, inueniemus eam tot, tantisque ab illo perenni humani generis inimico insidiis ac machinamentis oppugnatam, ut facile constet, inter omnia dona, quæ è cælo hominibus cōcessa sunt, nullum vumquam fuisse, ad quod perdédum ad eò illius malitia exarsit. Mitto nunc tentationes, & pugnas, quas singulis importunc

tunc intentat, tantum loquor de generali bello, quod ille
aduersus vniuersum religiosum nomen acerbissime semper
gessit. Nam si initia repetamus, statim ac simul cum Chri-
stiana fide, monastica etiam disciplina propagari in mundo
cepit, quod fuit aureo Constantini seculo, atque ex illis la-
tebris, ac solitudine erumpere, in qua per trecentos, eoq̃ue
amplius annos antea penè delituerat, hoc obseruare licuit,
quoscumq; Dæmō sceletis sui administros nactus est ad Ec-
clesiam perturbandam, eosdem etiam primum, ac præcipuè
in hanc quasi Ecclesiæ arcem armasse, atque incendisse. Atq;
hos quidem in duo genera distractos video. Alij enim potentia,
imperio, armis religiosæ vitæ cultores opprimere conati
sunt: alij, qui hoc non poterant, fallaciis maledictis, dolisque
fingendis, atque hæresum erroribus disseminandis. Primum
enim Iulianus, eo acerbior, ac nocentior hostis, quo magis
omnia nostra interiora norat, non ille quidem ferro, ac cæde
religiosos homines afflixit nam hoc quoque martyrij decus,
vt ait Nazianzenus, Christianis inuidit: sed quicquid citra
sanguinem ad eos vexandos, insectandos, atque omnino de-
lendos excogitare potuit, in id omnes ingenij sui vires, quo
non mediocriter valuisse dicitur, semper contulit. Declarat
hoc eiusdem Nazianzeni oratio ad Apostatam illum, in qua
extrema, deprecatorum se pro vniuersis religiosorum gregi-
bus constituens, offerre se illi ait suppliciter Philosophorum
cætum (sic enim eos appellat) qui nullo vinculo humi tenen-
tur, qui sola corpora, ac ne ea tota quidem possident, qui Cæ-
sari nihil, Deo omnia debēt, hymnos, preces, vigillas, lachry-
mas. Hos inquit, si mitius tractatis, & omnino Dei seruos, &
discipulos, & cælestium rerum contemplatores, has gregis
Domini primitias, has columnas, has fidei coronas, has pre-
tiosas margaritas, hos templi illius lapides, cuius fundamen-
tum, & lapis angularis est Christus, præclarissime vtiq̃ue &
ipsis, & tibi, & nobis consulueris. Similis penè fuit Valentis
furor, eius, qui in Basilium præsertim impius fuit. Hic enim
generali edicto Monachos omnes armis sumptis militare
iussit, idq̃ue grauissimis pœnis propositis: quæ quidē res Dei
famulos magnopere perturbauit, cum alij, qui recusarent,
acerbissime tractarentur, alij in castra vi abriperentur, &
plures etiam impedirentur, ne se se Dei seruitio dicarent, &
qui iam dicarent, ne spiritali orio frui possent. Atq̃ue vtri-
que quidem ea inhumanitas caro stetit, alter enim post annum
ferme imperij, ac dimidium, hasta de cælo vibrata in pugna

Orat. 1.
in Iuli.

Ibidem.

occisus est. Alter cum non multo amplius imperasset, exercitu fœde caeso, in villam se se proximam recipiens, igne ab hostibus iniecto conflagrauit. Hos deinde imitatus est etiam Constantinus Copronymus, vir ferus, ac barbarus cum in reliquam Christi Ecclesiam tum præcipuè in sacras hæc familias, quas partim ignominiiis, ac probris omnibus quam despectissimas reddere, partim cruciatibus insectari non destitit, nec illi quicquam deliberatius fuit, quam vniuersas, non disputando, & cauillando, aut legibus latis, vt isti, sed cæde, carcere, tormentis euertere. Itaque magna eos sanè afflixerat clade, iamque sibi triumphare Satanas videbatur, cum Dei prouidentia, quæ suæ causæ numquam deest, illo è medio sublato, Leonem primo filium haud paulo mitiorem, deinde Irenem quoque Imperatricem substituit, cuius præstans pietas tum in reliquæ Ecclesiæ, tum præsertim Monastici ordinis plagas sanandas incubuit, quem etiam istius patrocínio magnopere auctum, & propagatum accepimus. Atque cum etiam sequutus est Nicephorus Imperator religiosorum omnium studiosissimus, & amantissimus. Sed tamen ne ea tranquillitas diuturnior esset, ecce paulo post excitata est à Dæmone Leonis Armeni rabies, quem in omnes monasticæ vitæ studiosos ferunt fuisse terribilissimum, eosque exilio, vinculis, inedia, denique malis omnibus afflixisse. Et in eo quidem simillime diuina ultio breui apparuit, quippe qui à suis militibus in ara ipsa, ad quam confugerat, mactatus sit, vt quorum immanitatem imitatus fuerat, exitum quoque perferret. Sed hæc vetera, & ex annalibus illa recentia, ac pene in nostris oculis gesta. Nam in Anglia, cum Henricus VI. ab Ecclesia desciscens, funestum sibi, ac suis patetum cum inferno iniit, primus eius impetus, tum in Carthusiensem, tum in alias Deo sacratas familias fuit, quas ille omni supplicij genere lacerauit. Quæ acerbitas non modo non mitigata, sed multo magis prouecta semper est ad hoc vsque tempus, quo crudelia edicta, crudeliora facta illinc ad nos quotidie perferuntur, cum toto illo regno religiosi omnibus, nominatim vero nostræ huic Sociati carceres, equuleos, cruces insectari, quin etiam omnibus aliis, qui eos receperint, aut re vlla iuuerint, eadem capitalem poenam constitutam audiamus. Neque vero hoc in illa modo insula, sed in Gallia, Germania, Belgio, quocumque eadem hæresum flamma penetrauit, primum, ac præcipuè semper in religiosa capita sæuitum est. Nam non solum domus disturbata, cœ nobis

ptophanata,

prophanata, possessiones occupatae, ac direpta sed ipsa quoque Deo dicata corpora tam vario, ac multiplici, & inaudito suppliciorum genere excruciatata sunt, ut certum sit, tantam feritatem non ab hominibus in homines exstere potuisse, nisi eos daemon odij, ac furoris sui administratos adhibuisset.

A R Q V E hi quidem omnes gladiis, & potentia ad incrimen, imbellemque gentem opprimendam vsi sunt, alij mitius in speciem, sed eo fortasse periculosius bellum intulerunt argumentis, disputationibus, libris scriptis, ne quid videlicet hostis noster intentatum, aut inexpertum relinqueret. Itaque multis hinc ante seculis, Hieronymi ætate, duos illos extitisse legimus & tempore, & improbitate æquales, Iovinianum Romæ, Vigilantium in Gallia, quorum alter virginitati matrimonium, alter paupertati diuitias æquando, ambo quod in ipsis erat, religiosæ vitæ iugulum petebant. Huic utrique simillimus, & sine dubio etiâ perniciosior fuit aliquândo post Vvicleffus hæreticus, qui cum in multa Ecclesiæ dogmata, tum præcipue in sacras religiones ita inuectus est, ut eas hominum inuentum esse diceret, & quidem inane, ac commentitium, quin etiam nihil habere melius, aut perfectius, quam ipsam communem religionem Christianam, quippe ab ipso Christo institutam: præterea aduersari honori parentum, quem diuina lex præcipit, quoniam liberorum obsequio priuentur. Sed huius quidem commenta e-

De Sa-
cras. 11.

9. d. c.

83.

Ses. 2.

dubitauit. Nec denique ullus est, qui vel dicendo, vel scribendo Catholicæ veritatis hostem se profiteatur, qui non hoc sibi præcipue proposuerit, vt religiosorum nomen inuisum, odiosumque reddat.

NEQUE vero hæreticos tantum Diabolus incitat, immit-
tite; in Religiosos, sed sæpe etiam, quod deterius est, ipsos
fidei domesticos, quorum maledicis sermonibus religioso-
rum vitam in crimen, atque inuidiam vocare conatur, & si
non aliud obtineat, certe auctoritatem apud alios eleuare:
quæ quoniam frequentia sunt, & quotidiana, neque exem-
plis, neque nostra indigent oratione. Tantum hoc dicam
quod obseruatum est, nullum vmquam à Deo religiosum or-
dinem excitatum esse, cui, dum tener adhuc esset, perden-
do vel deformando, atque adeo præfocando omnes inferni
exercitus non totas vires, intenderint. Quorum improbus
conatus plane videtur in Pharaone olim expressus, qui lu-
dæorum infantes, si quidem masculi essent, tolli iusserat, fœ-
minas vero solas à quibus nihil videlicet mali timeret, serua-
ri. Sic enim Princeps iste huius mundi, cum de alijs infirmio-
ribus non adeo sollicitus sit, eos, quorum virtutem, ac robur
pertimescit, mature euertere nititur. Expertus est hoc, quod
dico, Benedictus cum suo nouello grege, quem vt Gre-
gorius narrat, cum in dies magis multiplicari cerneret, Flo-
rentium presbyterum inuidiæ iacibus incitauit, vt primum
quidem caput ipsum veneno peteret; deinde, quoniam id nõ
processerat, discipulorum animas magis etiam venenato,
noxioque spectaculo extinguere aggrediretur. Cuius quidẽ
tam sceleratæ maleuolentiæ celeres pœnas luit, subita recti
ruina misere oppressus. Idem quoque euenit in duos celeber-
rimos, sanctissimosque ordines, Dominicanum, & Francisca-
num, quibus, cum fœlici iam progressu adolesceret, annis ab
eorum ortu ferme quin quaginta, opposuit Dæmon Guliel-
mum quendam Matisconensem canonicum, eique amentia
ac scelere pa'em Gyraldum Parisiensem Doctorem, qui tum
voce in circulis, & cathedris, tum etiam iustis voluminibus
conscriptis omnem conatum ad eos perdendos conterrent,
cum videlicet nec mendicare, nec literis studere, nec ad po-
pulum concionari, vel confessiones pœnitentium excipere
licitum eis esse affirmarent. Itaque magnam sane, vt accepi-
mus, aduersus Dẽi famulos commouerant procellam, nec mo-
do in plebe indocta, sed in maioribus plerisque, quos callidi-
tate quadam disputandi, & doctrinæ auctoritate deceperat.

Repugna-

Exo. I.

2. Dial.

6.8.

Repugnarunt his acriter duo vtriusque illius ordinis lumina, B. Thomas Aquinas, & Bonauentura, & hic quidem Pauperum apologiam (sic enim incripsit) ille opusculum edidit cōtra impugnantes religionem, cuius illud est initium, aptum omnino, & causæ conueniens: Ecce inimici tui sonuerunt, & qui oderunt te, extulerunt caput. Super populum tuum malignauerunt consilium, & cogitauerunt aduersus sanctos *Psal. 81.* tuos; quo loco illud præclare inter alia, quamquam Deus cum sit omnipotens, vniuersum humanum genus ad eam salutem, cuius causa conditum est, facile per se adducere posset, tamen vt illam suauitatem, qua ipsius prouidentia in rebus omnibus delectatur, in hac quoque re omnium maxima, retineret, ministrorum etiam operam adhibere voluisse, qui quidem, vt ait Paulus, Dei adiutores essent, Itaque è contra *1. Cor. 3.* consilium esse principis tenebrarum, qui Dei gloriæ animarumque saluti aduersatur, hos Dei ministros in tanto, tamque salubri opere diuturnare. ex quo illud est Gregorij, Illos præcipue reprobi in sancta Ecclesia persequuntur, quos multis conspiciunt esse profuturos. Atque hæc S. Thoma. *13. mor. ca. 5.* Quamquam hic quidem scriptis, Deus autem multò grauius, acerbiusque, factis ipsis illorum impietatem confutauit. Gulielmus enim ab Alexandro Quarto Pontif. Romam euocatus in publico Cardinalium concessu, vtraque familia pro sua, Deique causâ adnitente, conuictus, dānatusque est, ac nō solū liber in omnium cōspectu igni traditus, sed ipse quoque eius auctor tum Ecclesiastici ordinis functione, tum omnibus etiam redditibus exutus, atque insuper à Ludouico Rege tota Gallia interdictus. Gyraldus autem aliquanto etiam feueriori pœna affectus est, qui non ita multo post paraly si primum, deinde lepra diuinitus immissa interijt, vt ipsa extraordinariæ mortis fœditas, peccati quoque fœditatem ostenderet. Cæterum, vt Dæmon his duobus ordinibus adhuc recentibus adeo infestus fuit, sic etiam aliis omnibus, sic postremo Societati nostræ, quam non solum per partes varijs in locis, vario præliorum genere exercuit sed Romæ quoque fundamenta eius vix iacta, summa vi demoliri conatus est, cum fictis per quosdam suos ministros criminibus Ignatium caput nostrum, eiusque socios in summam hæresis, aliorumque flagitiorum intamiam adduxisset. Verum hic quoque Dei se numen ostendit, cuius certa, atque illustri prouidentia effectum est, vt nostri primum honorifica iudicum sententia ab omni suspitione eximerentur, deinde omnes illi tam turpis

calumniæ auctores sua quisque pœna multarentur, vnus in exilium actus, alter paulo post morbo consumptus, cum magna testificatione doloris ob hoc factum; tertij, cum male tibi de hæresi conscius fugisset, statua publice combusta, quartus item ob hæresim perpetuo carceri addictus: vltimus ad Lutheranos, quod ipsum fuit supplicium grauissimum, se se recepit. Sic igitur si hos euentus aliosque similes conferre velimus, hoc inueniemus, visam esse Dei Domini bonitatem cum Dæmonis malitia semper circa religiosos ordines certasse, illam in ijs constituendis, ornandis, stabiliendis. hanc in oppugnandis, omniq̃ue telorum, ac machinarum genere diuexandis; sic tamen, vt ea vicerit, quæ tanto maior, ac superior est, Dei benignitas, ac potentia, ad quam pertinuit vt opus hoc suum, & tale præfertim opus, scuto bonæ voluntatis suæ protegeret, ac tueretur.

Esaï. 12. Hæc ob causas magnum futurum videtur operæpretium, tum ad improbos Dæmonis conatus retundendos, tum ad Dei sapientiam in tanta re commendandam, si religiosi status præstantiam, vtilitateque innumerabiles, quatenus quidem nobis liceat, exponamus. Ad hoc enim nos hortari videtur Esaïas, cum ait, Notas facite in populis adiunctiones eius. Nam certè, vt initio dixi, inter omnia quæ sapientissime, & amantissime à Deo pro hominum salute inuenta, ac perfecta sunt, hæc præcipue viuendi ratio certis legibus, formulisque constricta numeranda est. Ad quas vtilitates illa quoque non mediocris accedet, quod ipsos etiam fortasse religiosos excitabimus, vt bona sua & iucundius recognoscant, & adidius retineant quorum animus vel ipsa horum bonorum magnitudine, & copia quodammodo obrutus, vel inteto aliarum rerum studio absorptus vel etiam assuetudine quadam occupatus ita nonnumquam hebetatur, vt suas diuitias ipsi non videant, & quasi inter plenas epulas eiuriât. Itaque his euenit interdum quod rusticis hortorum, aut vinearum cultoribus, qui cum in ea amœnitate degant, quæ multos etiam ex remotis locis ad spectandum inuitet, & quæ deinde fruenda, & laudanda vix satiari possint: ipsi tamen ne aduertunt quidem, quasi oculorum iudicio careant. Sed hæc culpa eo in religioso turpior est, quod is nullam aliam occupationem habere debet, præter hanc, aut certe reliquas occupationes, & curas ad hanc vnâ dirigere, & nisi id faciat, non solum iucunditate quadam, vt rustici illi, sed etiam magnis se priuat commodis, neque animum illum, quem

debet

debet, præstare Deo potest, memorem, gratum, & amantem. Itaque, ut dixi, hos quoque, quantum possumus, excitemus, ut tantum beneficium perspiciant, & eo perspecto, vitam quoque, ac mores ei congruentes instituant.

Testimonia sanctorum Patrum in commendationem status religiosi.

C A P V T P R I M V M.

DV O sunt, quæ inter homines magnam vim ad persuadendum habere solent, ratio, & auctoritas. ratio lumine proprio, auctoritas alieno nititur, quod tantum abest, ut aliquid firmitatis ad fidem detrahat, ut potius multum addat. Nam si iis, quæ à nobis ipas inuenta, aut cognita sunt, ideo assentimur, quia ingenio nostro condidimus, multo magis illorum ingeniis confidere debemus, quos iudicio, ac sapientia præstitisse nouimus, & nobis ipsis longe superiores esse confitemur. Itaque ipse etiam scientiæ, quæ ad veritatem rationis tantummodo momentis niti solent, non tamen auctoritatem respuunt, habentque singulæ suos principes, quorum sententias mordicus tuentur: quod etiam multo magis valere debet in moralibus, de quibus, ut recte iudicetur, præter ingenij acumen, voluntas quoque recta requiritur, quod sola virtus efficit, sæpe etiam necessaria est experientia quædam rerum earum, de quibus decernendum est. Quare si in eloquentiæ præceptis Ciceronem, aut Demosthenes; si in philosophia alij Platonem, alij Aristotelem, in Mathematicis Euclidem, aut alium eiusmodi tamquam duces sectandos esse putant, & quod illi vel aperte scripserint, vel etiam occulte insinuatint, pro rato habendum, habemus nos etiam in Schola nostra Christiana præcipuos quosdam, quorum testimonia eo pluris esse debent, quod ita summam doctrinam cum vitæ sanctitate cõiunxerunt, ut tum per se multum vidisse; tum multo magis à Deo illuminatos fuisse credendum sit. Quapropter hoc primum nobis in hac causâ religionis tractanda, visum est faciendum, ut aliquot talium auctorum sententiæ proferantur, eæque solæ, ac nudæ nulla nostra ratiocinatione adhibita; quæ tanto maius pondus habebunt, quod vno eorum, vel fortasse altero excepto, omnes hoc idem, quod laudabant, ipsimet vita quoque, & opere complexi sunt, ne illa etiam, quam antea dicebamus, experientia eorum auctoritati deesset. Hos igitur tamquam firmissimum huius causæ præsidium in prima acie collocemus.

Primus

Autori

Primus autem sit Nazianzenus, cuius est illud encomium in
Or. i. laus religiosos: Ecclesiæ, inquit, pars selectior, & sapientior; si-
d. Basil. quidem ij sapientiores habendi sunt, quam reliquum mortu-
 alium vulgus, qui se ipsos à mundi consorcio segregarunt, &
 vitam suam Deo consecrarunt. Nazarios nostrates dico.
 Atque idem etiam alio loco, Qui supra terram assurgunt,
In car- coniugisque expertes viuunt, commerciique quam mini-
mine ad mum cum mundo habent, ac vitæ rationem ita comparant,
Hellen. ut Deum piis hymniis noctes, diēsque celebrent, atque in ter-
 renis opibus quibus mundi huius princeps miserorum mor-
 talium animos eludere, quasque ad alios, aliosque subinde
 transferre solet, omnino abhorreant, spemque bonorum eo-
 rum, quæ nunquam dominos suos deserant, instar omnium
 opum habent, nec costam illam corpus adamantem deside-
 rent, nec nouæ liberorum manum innitantur, nec in fratri-
 bus, sociisque, id est, in sanguine, ac cinere iam iamque pe-
 rituro fiduciam suam collocent, nec denique gloriam huma-
 nam celeriter auolantem concupiscant. quin potius mentem
 suam Deo penitus addicunt, ei que tamquam firmissimæ pe-
 træ rudentes suos alligant, vitæque in Christo absconditæ
 iniantur, ut cum illa illuxerit, ipsi quoque vndique collu-
 ccant, magnamque cœlestis exercitus gloriam, non iam ob-
 scura quadam specie, nec exiguis veritatis vestigiis, sed pure,
 ac liquide intuentes. Recte quidem Nazianzenus, atque ele-
 ganter, idque in primis, quod uxorem, qua religiosi carent,
 costam appellat, quæ viri corpus, vnde sumpta est, appetat,
 quasi ad indicandam vno verbo eorum felicitatem, qui se ex
 talibus illecebris, præliisque subduxerint. Sed idem etiam
Or. i. in vberius in oratione quadam. Vides ne, inquit hos pauperes
Iul. victu, ac tecto carentes, hos humiles, & terrenos, & supra
 terrena, qui inter homines versantur, & rebus humanis sunt
 superiores, qui vinculis pressi, & liberi sunt retenti, & teneri
 non possunt, qui nihil in mundo habent, & omnia habent, qui
 mundo superiores sunt, hos inquam propter mortificatio-
 nem immortales, propter solutionem Deo coniunctos, qui
 ab amore alieni, sed diuino amore ardent, quorum fons
 lucis & quorum iam radij, splendorisque traiectiones, quo-
 rum angelici psalmorum cantus, & pernox statio, & mentis
 ad Deum excessio ante mortem in cœlum se rapientis, quo-
 rum purgatio, & tamen purgantur, quippe nullum ascensus
 & Deificationis modum sibi constituentes, quorum est
 conteri, & abiici, & quorum simul est super thronos sedere,
 qui &

qui & nudi sunt, & incorruptibili vestiuntur indumento, qui in solitudine huius seculi, alterius seculi frequentia, ac celebritate fruuntur, qui voluptates abiciunt, & tamen perpetuam, atque inexplicabilem animorum oblectationem habent, quorum lacrymæ peccati diluvium sunt, & mundi expiamentum, quorum extensio manuum flammam extinguit. Denique Nazianzenus idem in præclara illa apologia, quæ rationem reddit, cur episcopatu repudiato, in Pontum fugisset, hanc in primis causam affert, propter innumera bona religiosæ huius vitæ: quam ille appellat quietam, & remotam à turbis, & denique asylum; quibus hæc etiam addit. Nihil enim, inquit, mihi felicius esse videbatur eo homine, qui clausis, compressisque corporis sensibus, atque extra eam, & mundum positus, in se, ut collectus nec, nisi summa necessitate impellente, quicquam humanarum rerum attingens, atque & secum ipse, & cum Deo colloquens, vitam agit rebus omnibus visibilibus superiorem, divinamque speciem, & imagines puras semper, nec ullis terrenis, & errabundis formis permixtas in se ipso circumfert, & Dei, rerumque divinarum purum omnino speculum est, in diemque efficitur, & cum angelis versatur, ac, licet in terris agens, terram deserit, atque à sp. ritu in cælo collocatur. Hæc ille. Chrysostomus autem multo etiam plenius hunc locum tractavit tum multis hominibus, in quibus plurimas huius instituti laudes congerit, tum præsertim tribus integris libris, quos scripsit aduersus vituperatores vitæ monasticæ, in quibus totis, non Christiano tantum, sed etiam, quod mirabilius est, gentili parenti persuasisse se putat, si eius filius, quanquam omnibus diuitiis affluens, ad paupertatem, humilitatemque religiosam sese conferat, multo melius cum eo actum esse, idque rationibus non ex futura vita allatis, quas scilicet ethnicus ille non caperet, sed ex hac ipsa præsentī. Nam & maiores, verioresque religiosi opes, ac diuitias esse probat, & puriores diuitias, solidioresque voluptates, & potentiam, tum ad se tuendum, tum ad hostes debellandos firmiorem, quodque incredibilius sit, gloriam etiam in mundo celebriorem. Addit exempla gentiliū Philosophorum, quorum inopiam, ac paupertatem illustriorem fuisse demonstrat, & adhuc esse post tota secula, quam Regum opes, atque imperia. Deinde cum Christiano etiā agens, quod iam facilius est, ita de infernis cruciatibus, de supremo Christi iudicio, de cælesti gloria de mundi laqueis, de peccati fœditate, ex Evangelij sacræque scripturæ testimoniis disputat,

tat, vt nullum planè dubitandi locum relinquat. Climachus,
Grad. 4. quoque, antiquus auctor, & grauis, tum multa alia toto suo
 libro, tum illud breue quidem verbis, sed re multa comple-
 ctens, Monasterium esse quoddam cœlum terrenum, & ideo
 quo affectu, ac reuerentia credimus Angelos ministrare
 Deo, eadem nos etiam fratribus nostris ministrare debere.
Ser. de virtutib. Cui simillimum est, quod B. Ephten eiusdem antiquitatis, &
 grauitatis auctor scriptum reliquit. Cum, inquit, angelicam
 hanc vitæ rationem considero, singula ipsius salutaria insti-
 tuta beata existimo. Quis enim rectè, & piè viuentem, &
 castimoniam coleantem ob infinita, & immensa illa bona, quæ
 ei reposita sunt, non beatum dixerit? Quocirca operam de-
 mus; vt hoc breui spatio cum Dei timore in hoc angelico, &
 monastico, & religioso viuendi instituto versemur, totisque
 viribus cum humilitate, sancta Domini, & Saluatoris nostri
 præcepta complectamur. Damasceni autem illa in religio-
 siorum laudem præclara. Beati, inquit, certe illi, ac ter bea-
 ti, vt qui Dei amore flagtarunt, atque ob eius amorem om-
 nia pro nihilo duxerunt; siquidem lacrymas profuderunt,
 dièque, ac nocte in luctu versati sunt, vt æternam consola-
 tionem adipiscerentur, se ipsos vltro depresserunt, vt illic in
 altum extollerentur, carnes suas fame, & siti, & vigiliis con-
 fecerunt, vt illic paradisi delitiæ, & gaudia eos exciperent.
 Spiritus sancti tabernaculum per cordis puritatem extiterunt,
 vt ad Christi dexteram starent, lumbos suos in veritate suc-
 cinxerunt, atque in promptu semper lampades habuerunt,
 immortalis sponsi aduentum expectantes. Nam cum mentis
 oculis præditi essent, horrendum illum diem semper prospici-
 ebant, atque tum futurorum bonorum, tum futuri suppli-
 cij contemplationem ita in corpore defixam gerebant, vt ab
 ipsa nunquam diuellerentur. Laborare hic studuerunt, vt
 sempiternæ gloriæ compotes essent. perturbationum exper-
 tes, non secus atque Angeli fuerunt. Beati illi, ac ter beati,
 quoniam firmis mentis oculis præsentium rerum vanitatem,
 atque humanæ prosperitatis incertitudinem, & inconstan-
 tiam prospexerunt, eaque reiecta, sempiterna bona sibi ipsis
 condiderunt, & vitam eam quæ numquam occidit, nunquam
 morte interruptur arripuerunt. Extremo loco inter Græ-
 cos addere possumus Eusebium Cæsariensem, cuius illa sunt.
 In Ecclesia, inquit, Dei duo modi viuendi instituti sunt; alter
 quidem naturam nostram, & communē humanæ vitæ ratio-
 nem excedens, non nuptias, non sobolem, non substantiā, non
 opum

*Lib. 1.
 demon.
 Euangel.
 78*

opum facultatē requirens, & soli diuino cultui ex immēso rerum cœlestiū amore addictus Qui hunc modū amplecti sunt, quasi ab hac mortali vita seiuncti, ipsūmq; dumtaxat corpus in terra gerentes, cogitatione vero, atq; animo in ipso cœlo degentes, quasi quidā cœlites reliquorum omniū vitam despiciunt. quippe qui pro vniuerso genere summo omniū Deo sacrati sint. Et talis quidē existit in Christianismo perfectæ vitæ modus. Alter vero remissior, atq; humanior: hic & modesto coniugio, & sobolis procreatione implicatur, & rei familiaris curâ sustinet, & iuste militatibus quę sint agēda præscribit; agros quoq; & mercaturā adiuncta religione non negligit: & his quidem secundus pietatis attributus est gradus.

Uter vero ad latinos nōstros veniamus, luculenta est etiam illa laus, quam Cyprianus tribuit virginibus Deo sacratis; *De habi- quem locum, vt selectum, Augustinus quoque affert in libris tu virg. de doctrina Christiana. Flos, ait, est ille Ecclesiastici germi- Lib. 4. c. nis, decus, atque ornamentum gratiæ spiritualis, læta indoles 21. laudis, & honoris, opus integrum, atque incorruptum, Dei imago respondens ad sanctimoniam Domini, illustrior portio gregis Christi. Gaudet per ipsas: atque in illis largiter florer sanctæ matris Ecclesiæ gloriosa fecunditas, quantūq; plus gloriosa virginitas numero suo addit, tanto plus gaudiū matris auget. Accedit etiam eodem testis locuples Ambrosius, qui in libro de viduis in illud Domini præceptum: Cum omnia feceritis, quæ præcepta sunt vobis, dicite, serui inutiles sumus, quod debuimus facere fecimus, Hoc inquit, Virgo non dicit. hoc non dicit ille, qui bonam suam vendidit, sed quasi reposita expectat præmia, sicut Sanctus Apostolus ait, Ecce nos reliquimus omnia; & sequuti sumus te: Quid ergo erit nobis? Non enim quasi inutilis seruus, quod debuit facere fecisse se dicit, sed quasi utilis Domino, qui commissa sibi talenta quæ sitis multiplicauit vsuris, mercedem sui dei, atque virtutis bene se conscius, meritorūque securus expectat. Idēque Ambrosius in epistola quadam, Hæc Angelorum militia est, semper esse in Dei laudibus, orationibus crebris conciliare, atque orare Dominum student lectio- ne, vel operibus continuis mētem occupant separati à cœtu mulierum, sibi inuicem vitam præbent & custodiam. Qualis hæc vita in qua nihil sit quod timeas, & quod imiteris plurimum? Multa quoque Hieronymus in hanc sententiam, tum *Epist. 1. 34. Epist. 17.* alibi sparsim, tum quibusdam totis epistolis, vt ad Heliodorum, & Iulianum. ad Marcellam autē illud omnino illustre.*

Certe,

Epist. 8.

Certe, inquit, flos quidam, & pretiosissimus lapis inter Ecclesiastica ornamenta Monachorum, & virginum chorus est. & ad Demetriadem, Apostolici fastigij est, perfecta & que virtutis, vendere omnia, & pauperibus distribuere, & sic leuem, atque expeditum cum Christo ad cœlestia subuolare: quamquam in hoc, omni ætati, omni que personæ libertas arbitrij relicta sit. Si vis inquit, perfectus esse. Non cogo, non impero, sed propono palmam, ostendo præmia. tuum est eligere, si volueris in agone, atque in certamine coronari.

Cap. 31.

IN Actis Apostolorum quando adhuc Domini nostri calebat cruor, & feruebat recens in credentibus fides, vendebant omnes possessiones suas, & pretia earum ad Apostolorum deferrebant pedes, vt ostenderent pecunias esse calcandas, dabantque singulis prout cuique opus erat. Similia, ac simili omnino eloquentia commemorat etiam Augustinus in libro de Ecclesiæ moribus. Quis non illos, inquit, miretur & prædicet, qui contemptis, atque desertis mundi illecebris, in communem vitam castissimam, sanctissimamque congregati, simul ætatem agunt, viuentes in orationibus, in lectionibus, in disputationibus, nulla superbia tumidi, nulla peruiuatia turbulenti, nulla inuidencia liuidi, sed modesti, verecundi, pacati, concordissimam vitam, & intensissimam in Deum, gratissimum ipsi munus offerunt, à quo ita posse meruerunt? Nemo quicquam possidet proprium, nemo cuiquam onerosus est. Patres verò non solum sanctissimi moribus, sed etiam diuina doctrina excellentissimi nulla superbiâ consulunt ijs, quos filios vocant, magna sua in iubendo auctoritate, magna eorum in obtemperando voluntate. Denique post multa, Hos mores, hanc vitam, hunc ordinem, hoc institutum, si laudare velim, neque digne valeo, & vereor, ne iudicare videar per se ipsum tantummodo expositum, placere non posse. Addamus iis etiam Bernardum, qui

Ad fratres de monte Dei.

etsi diligentior ferme est in religiosis inflammandis, quam in laudandis, multa tamen de eorum laudibus in pluribus locis scripsit, idque præsertim, Quos, inquit, quo nomine dignius appellem nescio, homines cœlestes, an Angelos terrestres, degentes in terris sed conuersationem habentes in cœlis. Atque idem alibi religionem vocat arcem Dei, & quidem munitissimam, vocat etiam Dei agrum, ex quo perpetuos redditus accipiat ingentes. Sic enim de sua Clara ualle, quod idem conuenit omnibus. Optimum, inquit, certè castrum tulisti Christo, si inimicis eius tradideris Clara ual-

Dedit. Eccles.

Serm. 4.

uallem. Optimos inde singulis annis, & pretiosos in oculis suis redditus accipit, & prædam multam, quam hostibus eripit, in hunc munitionis suæ locum solet inducere, & habet fiduciam multam in fortitudine eius. Ecce enim quos redemit de manu inimici, & de regionibus congregavit eos, à solis ortu, & occasu, ab aquilone, & mari. Sed vberissime, & copiosissime alio loco idem Bernardus, quod à spiritu sancto ad sponsam Ecclesiam in Canticis dicitur, Dentes tui, sicut grex tonsarum, id ad religiosos scite omnino accommodat, his ipsiis verbis. Dentes candidi sunt, & fortes; carnem non habent, carent corio, nihil inter se pati possunt, non est dolor, sicut dolor eorum; clausi sunt labiis, ne videantur, indecens est cum videntur, nisi ridendo, toti corpori masticant cibum, nullum inde saporem habent, non facile consumuntur per ordinem positi sunt, superiores alij, & alij inferiores, & cum inferiores moveantur, superiores nunquam. Huiusmodi dentes ego arbitror homines monasticæ professionis, qui viam compendiosiorē, & securiorem vitam eligentes, de toto corpore Ecclesiæ, quod candidum est, candidiores videntur. Quid enim illis candidius, qui totius immunditias spurcitias, euitates, cogitationum, sicut actionum peccata deplorant? Quid fortius illis, quibus tribulatio pro solatio, contumelia pro gloria, inopia pro abundantia ducitur? Isti carnem non habent, quia in carne carnem oblici audiunt ab Apostolo, Vos autem in carne non estis, sed in spiritu. Corio carent, quia nitorem, & distensionem mundanarum sollicitudinum non habentes, in pace in idipsum dormiunt, & requiescunt. Nihil morari intra se patiuntur, quia nec modicum quidem offendiculum tolerabile putant aut intra se, aut in conscientiis singulorum. Non est dolor, sicut dolor eorum; quia nihil tam horrendum, & horribile est, sicut murmur, & dissensio in cōgregatione. Clausi sunt labiis, ne videantur, sic & nos materialibus muris circumcingimur, ne secularium oculis, & accessui pateamus. Indecens est si appareant, nisi interdum forte ad risum, quia nihil turpius quam monachus per vrbes, & castella discurrens, nisi cum illa cogit, quæ operit multitudinem peccatorum. Caritas enim risus est, quia hilaris est, lata quidem, non tamen dissoluta. Toti corpori masticant cibum dentes, quia ipsi pro toto Ecclesiæ corpore, videlicet tam pro viuis, quam pro mortuis orare sunt constituti. Nullum inde saporem habere debent, nullam sibi gloriam assignare, sed dicere cum Pro-

*In serm.
paruis.
63.*

pheta, Non nobis Domine non nobis, sed nomini tuo da gloriam. Non facile consumuntur, quia quanto annosiores, tanto feruentiores, & eo rapidius currunt, quo vicinius appropinquant ad palmam. Per ordinem positi sunt. Vbi enim aliquid ordinatum est, si hic non est, vbi cibus, & potus, vigilare, & dormire, laborare, & quiescere, ambulare, & sedere, & cetera omnia in numero, mensura, & pondere constituuntur? Superiores, & inferiores sunt, quia inter nos Prælati, & subditi sunt, & sic superiores inferioribus iunguntur, vt inferiores à superioribus non discordent. Cum autem inferiores moueantur, superiores numquam moueri debent, quia etsi subditi quandoque turbeantur, Prælatorum in mente composita perdurare. Sicut grex tonsarum inquit. Quam bene monachi tonsis ouibus cõparantur, quia re vera tonsi sunt quibus nec corda, nec corpora, nec aliquid mundanum in proprietate relictum est? Quæ ascenderunt de lauacro, lauacrum baptismus est, de quo ascendit, qui ad celsitudinem veræ perfectionis intendit, descendit autem, qui se vitæ mancipat inhonestæ. Omnes gemellis fortibus: quia & verbo parlunt, & exemplo. Et sterilis non est in eis, quia nullus est infœcundus. Haftenus Bernardus. quibus consentanea sunt, quæ ab Hugone Cardinali, docto, & vetere auctore in illum psalmi locum scribuntur. Esto mihi in Deum protectorem, & in locum munitum. Hunc enim munitum locum vult esse religionem, in qua sint muri pauperatis, vigiles Prælati, turres doctrinarum, turba predicationis, scutum orationis, saxa etiam, nempe vitæ duritia, nec desit aqua lacrymarum. Atque idem quoque illud è psalmo exponens, Omnia ossa mea dicent, Domine quis similis tibi, ossa Christi, & Ecclesiæ quorum ea vox sit, ait esse religiosos, tum quia ipsi firmi sint, & fortes ad onera, & labores, citiusque frangi, quam à recto infecti queant, tum quia sustentant, & portant carnem id est, infirmitatem imbecilliorum, præterea quia sensu carent, vt pote qui mortui sint, eorumque vita abscondita in Christo, sintque insuper candidi, tum intus per conscientia puritatem, tum foris per bonæ vitæ exempla, sint pleni medulla, nempe pinguedine caritatis, & deuotionis. Denique, vt ossa in carne latent, inuicemque heruiss colligantur, sic religiosi & à conturbatione hominum absconditi sint, & mutuis nexibus in vnitatis spiritus, & vinculo pacis astringantur. Afferamus etiam Antequinum, qui cum multa alia in religiosi status commendatio-

nem congerit, tum illud aptissime, quod eius bonum nobili illa scala Iacob significatum sit, cuius gradus nulli alij sint quam lectionis, meditationis, mortificationis, aliarumque omnium eiusmodi exercitationum, quibus religio constat. in hac ascendere Angelos ad hæc opera Deo Domino offerenda, descendere autem ad deferenda vicissim ad religiosas animas varia Sponsi munera, ac beneficia. Et porro incumbere ipsum Deum, quod eius gratia, atque auxilio nostra omnia studia nitantur, quæ eo tenente cadere non possunt, ipsæque & ascendentibus firmamentum, & peruenientibus in fine sit præmium. Ex quibus efficitur, ut de hac etiam spiritali scala illud idem veræ dici possit, quod de illa Iacob dixit; Non est hic aliud, quam domus Dei & porta cæli. Huic eidem applicat etiam môtis Thabor, in quo Dominus semetipsum transfiguravit, significationem, quod religio ipsa quoque ob altitudinem status, mons quidam sit, sed mons coagulatus, & pinguis, mons in quo beneplacitum est Deo habitare; in quo sit Petrus, cuius nomen significat obedientiam, sit Iacobus mundum per paupertatem supplantans, sit etiam Ioannes virgo, per castitatem, quæ omnia tantopere Deo accepta sint, ut in hac ipsa vita æternæ illius gloriæ, ac felicitatis specimen fruendum concedat, ut qui id gustarit, & verbis, & multo magis operibus clamet, Bonum est, nos hic esse. Luculente etiam Laurentius Iustinianus, cuius auctoritas, & ob sanctitatem, & doctrinam digna est, quæ in horum omnium numerum, ac societatem veniat. Is igitur tum ubique multus est in laudanda religione, tum in Opusculo de monastica conversatione hæc habet. O beata paupertas voluntaria nihil in hoc seculo possidens, nihil formidans, quoniam omnem thesaurum suum recondit in cælo: semper hilarius, semper abundans est, & cum nihil habeat, omnia sibi facit communia, omne incommodum suo facit profectui deferuire. Nemo certe nisi expertus percipere sufficit quam amabilia, quam dulcia, quam prætiosa sint, quæ largitur Deus iis, qui pro ipsius amore suis, sibi que renunciant. Hæc, & alia illo loco, idem vero vberius etiam in libro de obedientia. Quid aliud, inquit, esse dixerim religiosorum monasteria, & Deo famulantium loca, quam stadia militaria, atque spiritalia castra pugnantium? in illis namque in corpore per corpus in spiritu bellum geritur. in ipsis, inquam, non visibilia, sed invisibilia tela exercetur. Nonne in eisdem frequen-

P. 3. titu.

26. c. 10.

§. 11.

Gen. 28.

Cap. 2.

Cap. 18.


tissimè deuotionis lachrymæ, compunctionis gemitus, suspiria pietatis, compassionis, & caritatis ad Deum incessanter effunduntur vora, quæ profecto contra hostes nostros spirituales ignita sunt iacula, per quæ eorum prostermitur virtus, debilitatur audacia, deteguntur fraudes, & tentamenta superantur? Sane quod religionis, quod sanctitatis, quod unitatis, quod in eisdem agitur laudis, glorificat Deum, lætificat Angelos, prodest iustis, terret dæmones, patrocinator sæculo, & peccatores ad pœnitentiam flectit. Et quidem rationaliter nam cuncta, quæ in ipsis geruntur, redolent sanctitatem.

Mar. 18. tem, præsentia Domini Saluatoris id perficiente qui ait, ubi duo, vel tres fuerint congregati in nomine meo, in medio eorum ego sum. Ibi paupertas voluntaria primatum tenet, atque perfectionis Ecclesiæ, quam in suo exordio aestimabat, præbet imaginem. Hæc planè est verè paupertatis forma, immo imprehabiliu thesaurorum locupletatio maxima, eorum videlicet, qui renunciant sæculo, suâ erogât, et Christo Domino libentius famulentur. Quid, oro, locupletius, quam nihil habere, & omnia possidere, carere rebus superfluis, & ut necessariis, proprium spernere patrimonium, & Christi esse hæredem? Monasteriorum quippe redditus thesauri sunt Saluatoris, & elemosynarum fidelium pia suffragia, qui de prædâ nequeunt, neque consum rubigine neque tinea demoliri. Ii profecto communes sunt omnibus in commune viuentibus, & impertiuntur non ad libitum, sed pro necessitatis competentia. Non secernitur persona diuitis, non potentis statui deferitur, sed prout cuique expedit, erogatur; quod est opus diuinum, commendatio gratiæ, charitatis officium, & naturæ exemplum. Sumit planè humanum corpus ciborum nutrimentum, quod quidem in singulis quibûsque diuiditur membris, sine disceptatione, & zelo, pro ut natura ipsa congruere nouit. Hoc quippe voluntariæ paupertatis genus reddit animum à curis secularibus liberum, ad se cognoscendum, secumque habitandum aptissimum, ad vacandum orationi paratum, in pacitate lætum, in communicatione hilarem, in periculis securum & in omni virtutum exercitatione dispositum: eo amplius quo possessorem suum eximit de mundo, à tumultibus secularium negotiorum segregat, & sanctæ religionis reseruat in tumulo. Ibi enim illum requiescere facit ab æstu carnalium desideriorum, & à tentationum eripitur turbine, à visibilium voluptatum illecebris, à fragoribus

bus seculi, à diaboli laqueis, & ab immanium delictorum multiplicibus casibus. Nemo procul dubio explicare valet, quanto repleatur gaudio, quanta potiarur pace, quibus spiritualibus reficiatur deliciis, & quot diuinis quotidie illustretur splendoribus, qui deliberato animo, & cœlesti inspiratione afflatus renunciat sponte seculo, secedit in clauitro, & militat Deo, nihil terrenum ambiens, nihil temporale possidens, nihilque quod amorem suum vendicare queat, omnino reseruans.

Est quippe claustrum hortus conclusus, paradysus deliciarum, thalamus nuptialis, cubile immaculatum, virtutum schola, tabernaculum fœderis, reclinatorium sponsi, bellatorum statio, sanctitatis domus, castitatis custos, pudicitiae firmamentum, religionis magisterium, & obedientiae sanctae speculum singulare. Adiungamus his omnibus etiam Thomam de Kempis notae sanctitatis hominem, et si antiquitatem quaerimus, qui ante ducentos ferme annos floruit. Eius igitur illa sunt. Magnus honor, magna gloria tibi seruire, & omnia propter te contemnere. Habebunt enim gratiam magnam, qui sponte se subiecerint tuae sanctissimae seruituti. Inuenient suauissimam sancti spiritus consolationem, qui pro amore tuo omnem carnalem abiecerint delectationem. Consequentur magnam cordis libertatem qui arctam pro nomine tuo ingrediuntur viam, & omnem mundanam neglexerint curam. O grata, & iucunda Dei seruitus, qua homo veraciter efficitur liber, & sanctus. O sacer status religiosi famulatus, qui hominem Angelis reddit æqualem, Deo placabilem, dæmonibus terribilem, & cunctis fidelibus commendabilem. O amplectendum, & semper optandum seruitium, quod summum promeretur bonum, & gaudium acquirit sine fine mansurum. Atque idem etiam in sermone quodam ad fratres multa de religiosa congregationis commodis. Qui bonae inquit, voluntatis est, & Deum quaerit, inter Deum quaerentes amplius proficiet, & firmitus stabit. Ibi homo magis in virtute probatur, & exercetur. Ibi ad frequenter de negligentia arguitur. Ibi ad perfectiora, verbo, & exemplo trahitur. Ibi suam imperfectionem considerare, & lugere compellitur. Ibi alterius seruire excitatur, alterius humilitate docetur, illius obedientia, illius patientia mouetur. Ibi confunditur inueniri tardior. Ibi inuenit quos timet. Ibi habet quos diligit, & sic ex omnibus proficit. Ibi alterius correptio ipsius fit admonitio. Ibi alienum periculum

*Libr. 3.
de imita.
Christia.
cap. 11.*



*1. part.
serm. 2.*

proprium efficitur speculum. Ibi vnus alterius est custodia. Ibi homo portat, & portatur. Ibi multa audit, & videt vnde doceatur. Ibi boni commendantur, vt meliores fiant. Ibi negligentes arguuntur, vt referuescant. Ibi homo non permittitur torpescere, nec secundum suum libitum agere.

Ibi diuersa sunt officia, & multa exhibentur caritatis obsequia. Ibi omnia tempus habent, & ad opus suum quisque ex obedientia vadit. Ibi infirmus à fortiori sustentatur. Ibi sanus infirmum visitans, Christo seruire latatur. Ibi vno deficiente, alius locum eius supplet. Ibi sana membra pro debilibus sollicitatur. Ibi actius pro vacante laborat, vacans pro laborante exorat. Ibi homo habet multos pro se orantes, & in extremis se contra diabolum protegentes. Ibi tot auxiliarios inuenit, quot socios habet. Hæc auctor iste, & complura alia, quæ ex ipso met petere licet, cui libebit.

Veniat postremo Magnus Basilius, cui idcirco postremum locum reseruauimus, quoniam & eius auctoritas grauiissima & oratio vberrima, ac disertissima, quæque vel sola per se sufficiat ad hoc argumentum, etiam si nihil præterea totum hoc volumen contineret. Is enim de cœnobialis vitæ commodis agens, Primum, inquit, qui communionem, ac consociationem hanc vitæ complectuntur, ad illud bonum, quod ex natura est, reuertuntur. Siquidem perfectissimam ego illam vitæ communionem appello, à qua omnis propria, & priuata rei cuiuslibet possessio exclusa est, & à qua omnis abest dissensio, omnis perturbatio, & rixa: contra vero vbi omnia communia animi, mentes, corpora, eaque quibus necessario ad cultum, & victum vtimur. Communis Deus, communis pietatis mercatura, communis salus, communia certamina, communes labores, communia præmia, & certaminum coronæ, vbi multi vnus, & vnus non solus, sed in pluribus. Huic vitæ instituto quid est tandem, quod iure equiparari possit? quid beatius dici, quid hac coniunctione, vnitæ, & necessitudine aptius excogitari? quid elegantius fingi mutua inter se morum, animorumque contemperatione? Homines ex diuersis nationibus, ac regionibus profectos per exactam morum, ac disciplinæ similitudinem adeo veluti in vnum coaluisse, vt pluribus corporibus vnus tantum animus inesse videatur, vicissimque plura corpora vnius mentis instrumenta cernantur. In his, qui infirma corporis valitudine est, is complurimum animos infirmitatis suæ particeps habet. Qui vero animo læger est, ei complures.

*Const.
Monast.
ca. 19.*

complures præsto sunt, à quibus curetur, & à quibus assidue erigatur. Hi æquabili iure inter se alij aliorum & famuli sunt, & domini, & inuicta libertate, summam inter se seruunt seruitutem, quam non necessitas, aut casus aliqui fortuitus violenter cum ipsorum moerore inuexit, sed cum gaudio libera animi voluntas induxit, quippe cum caritas ipsos, alioquin liberos, alios alijs subiectos efficiat, & tamen integram illis nihilominus libertatem conseruet. Tales nimirum nos Deus esse voluerat, cum nos ab initio finxit, atque in hunc finem creauit. Qui enim eiusmodi sunt, sine dubio primi parentis culpam contegentes, antiquum bonum in præstinum reuocant. Nam nisi naturæ nostræ vnio per peccatum dissecta fuisset, lites, & dissidia, & bella inter homines non essent. Hi veri imitatores sunt Saluatoris nostri, eiusque vitæ, quam inter nos duxit. Quemadmodum enim ille, coactō discipulorum choro, communia cuncta, seque ipsum communem ipsis præbuit, ita hi quoque antistiti suo obtemperantes (qui modo vitæ suæ præscripta rite obseruant) genus viuendi Apostolorum, ac Domini imitantur. Hi, vitæ communitate retenta, Angelorum vitam æmulantur. Nulla enim est inter Angelos lis, nulla contentio, nulla controuersia, sed cum quisque habeat quæ omnium sunt, omnes tamen integras apud se diuitias suas conseruant. Nam Angelorum diuitiæ non ex ea sunt materia, quæ circumscribi possit, quam si in plures diuidatur, necessario imminui oporteat. Sed contra eorum diuitiæ omnis materiæ expertes sunt, & in sola mentis cogitatione consistunt, & ideo cum integra, & salua apud singulos sua cuique bona permancant, omnes æque diuites efficiunt, nempe quæ sine controuersia, & pugna ab omnibus possideantur. Summi enim boni contemplatio, & virtutum certissima comprehensio Angelorum thesaurus est. Hæc autem eiusmodi sunt, vt, cum perfectam eorum pro se quisque possessionem adeptus fuerit, vniuersis tamen in ea liceat intueri. Sine dubio igitur tales sunt veteris pietatis cultores, vt eorum studium non de rebus terrenis sit, sed de cælestibus, & indiuidua quadam diuisione eadem vnuerſi, & singuli, apud se quisque conseruent. Hi dum hac viuendi ratione laudabili, & hac communitate, cælestis vitæ, ac status formam egregie effingunt, futura regni promissi bona præcipiunt. Hi perfecte rerum omnium paupertatem tenent, in quibus nihil cuiusquam proprium sit, sed communia omnium omnia. Hi perspicue de-

monstrarunt quot, & quanta bona conciliarit nobis Redēptor noster per carnem assumptam, dum laceram hominum naturam, & in partes pene innumerabiles dissectam, quantum quidem in ipsis est, redintegrant, Deoque reconciliant. Omnium enim eorū, quæ à Salvatore nostro in carne gesta sunt, summa hæc pertinet; vt humanam naturam eum ipsam ad se ipsam, tum etiam ad Deum reuocaret, & sublata praua dissectione, in pristinam integritatem, coniunctionemque restitueret, atque vt periculissimum aliquis medicus, corpus in plures partes concisum salutaribus medicamentis religaret. Neque hæc ideo persequutus sum, vt dicendo auergerem, & eorum, qui communem hanc vitam adamant, præclaras virtutes verbis exaggerarem. Non enim ea est mihi facultas dicendi, vt rebus per se magnis splendorem possit afferre: quin metuendum est mihi potius, ne exilitate sua eas per se claras obscuret: sed vt, quoad heri posset, excellentiam, ac dignitatem tam præclari studij demonstrarem. Nam quid est tandem, quod, si huic comparatur, non iure longe inferius iudicetur? Apud quos enim pater vnus sit, qui cælestem Patrem imitetur, & filij multi, qui summæ in magistrum suum beneuolentiæ officiis mutuo inter se alij alios superare contendunt, filij inquam, & vna inter se concordibus animis astricti, & honestissimis virtutum operibus patrem delectantes, nec vllam necessitudinis suæ causam ex natura petentes, sed rationem, quæ firmior est, quam natura, coniunctionis suæ ducem, ac custodem asilicētes, & se inter se spiritus sancti vinculo constringentes; ad horum, inquam, instituti tam præstantis magnitudinem exprimendam, quæ satis idonea in terris similitudo inueniri possit? Sed enim ea in terris nulla est: sola cælestis relinquitur Imparibilis cælestis Pater imparibilis hic quoque omnes sibi ratione concilians. Incorrupti filij cælestis Patris: hoc quoque incorruptionis studium filios fecit adoptiuos. Quæ in cælo sunt, caritate inter se coniunguntur: hos quoque caritas copulauit. Sine dubio aduersus huiusmodi phalangein nihil insidiarum Diabolus ordiri audeat, vt qui contra tot bellatores parem se intelligat esse nō posse, qui adeo expediti, adeoque conferti aduersus ipsum militant. & caritate veluti testudine acta se inter se protegant, spiritusque consēpiant, *Psal. 132.* vt omnes illius à se ictus repellant. De his in carminibus suis exclamauit Dauid, Ecce quam bonum, & quam iucundū habitare fratres in vnum: quibus verbis per bonum ille
vitæ

vitæ probitatem expressit, per iucundum autem eam lætitiā quæ ex concordia, & animorum coniunctione gignitur. Hoc vitæ genus qui diligenter colunt, ij cœlestem, ac summam mihi virtutem imitari videntur. Hæc Basilii. Hactenus igitur de Patrum auctoritate in yniversum: nam reliqua eorum dicta, ac sententias, quæ multæ sunt, de singulis partibus, vel fructibus religionis suo quamque loco in reliquis his libris exponemus.

Quid sit Religio, & quotuplex eius bonum.

C A P V T I I.

NVnc, quod in omni disputatione fieri solet, & debet, ut id, quo disputatur, primum omnium definiatur quid sit, idem in religione faciendum est, tum ne animus vagetur *Cic. 2.* errore. tum etiam quia hoc ipsum ad religionis commendationem valet. Hoc vero à quibusdam non incommode ex *Isid. 10.* ipso eius nomine deduci solet, quod alij à relegendo dictum *etym. c.* putant, ut qui omnia, quæ ad Dei cultum pertinerent, diligenter pertractarent, & tamquam relegerent, ij religiosi appellari cœperint. Alij, quorum princeps Augustinus, à relegendo: quod S. Tho. vberius exponens initio eius libelli, quæ *lib. de vera relig. circa finem.* scripsit aduersus impugnantes religionem, ita ferme disserit. Ligare rem dicimur, quam ita alteri rei astringimus, ut ei facultas adimatur alio diuertendi: religare autem, quam iterum eidem rei deuincimus, cum qua prius coniuncta fuerat, & à qua defluens distare cœperat. Omnis autem res creata antea in Deo exitit, quam in se ipsa, cum vero à Deo per creationem processit, quasi quibusdam passibus progressa, sese ab eo remouisse videtur. quare eæ quidem, quæ possunt, & quæ eius capaces sunt, rursus in Deum reuocandæ, & cum eo colligandæ sunt. Primum autem vinculum, quo homo coniungitur, & alligatur Deo, est fides, cuius fidei officia, & signa externis actibus exhibentur. Ex quo fit ut religio prima, ac præcipua significatione, omnem cultum, ac ceremoniam noiet qua Deum rite venerantes, fidem nostram, quæ in animo latet, contestamur. Sed tamen quia Deus nō sola fide, nec solis fidei signis colitur, verum alijs quoque virtutibus, spe, & caritate, ideo harum quoque virtutum opera interdum religionis opera appeilantur, ut visitare pupillos, & viduas in tribulatione, quemadmodum dixit Iacobus Apo- *Cap. 1.*

postolus. Et prior quidem illa religionis significatio in omnes Christianos conuenit. Omnes enim ipsa baptismi professione se se ligant cum Deo, ac deuouent ad cultum ei debitum præstandum: posterior autem, quibusdam caritati operibus illigamur, propria, ac peculiaris est certorum hominum, qui certis etiam actionibus destinantur, siue hæc ad vitam contemplatiuam, siue ad actiuam pertineant: quot epim sunt hæc operum genera, tot religiones ad ea exequenda institui possunt. Hæc B. Thomas illo loco, quæ tamē vt fiat clariora, hoc intelligendum est, Religionis vocabulum duplicem habere notionem. interdum enim virtutem quamdam significat: quæ iustitiæ pars est, interdum vero statum in hac virtute fundatum. Itaque natura virtutis cognita, facilius etiam ipsius, status natura cognoscetur. Religionis ergo, qua virtus est, ex theologorum sententia, illud proprium est, vt Deo cultum reddat illi debitum maiestati, tum ob eius præstantiam, atque excellentiam, tum ob beneficia, quæ accepimus, & perpetuo accipimus. Atque hic quidem cultus cum partim sit interior in animo, partim etiam exterioribus quibusdam officijs contineatur, ceremoniarū, rituum, sacrificiorum, & reliquorum huiusmodi, vtrumque hæc virtus complectitur, & vtrumque exequitur. Qui igitur in his muneribus versantur, seque huic rei totos impendunt, ij religiosi appellantur. Ad statum autem religiosum hoc insuper requiritur, vt ita se certis operibus diuini obsequij, quæcunque ea sint, applicet, vt se à reliquis omnibus, quæ impedire possint, penitus remoueat, ac se greget. Recte enim hoc quoque S. Thomas eodem, quem diximus, loco, sicut in baptismo morimur peccato, sic per statum religiosum non solum peccato, sed etiam seculo nos mori, illo scilicet in opere, ac munere, quod quisque professus est. Sic enim se habere hæc duo, vt quemadmodum per peccatum animæ vita tollitur, ita per seculi occupationes Dei famulus impediatur, idque Apostolum confirmare, cum ait, Nemo militans Deo implicat se negotijs secularibus. Hæc autē diuini famulus impedimenta, quæ ex seculo proueniunt, si recte attendamus, tria sunt præcipue, primū diuitiæ, deinde voluptates corporis non solū illicitæ, ac Dei præceptis interdictæ (sed enim iam ad peccatum pertinet) sed etiam coniugij lege restrictæ, denique propria voluntas, cui si frenâ laxentur, licetior facta in omnem nos ambitionem, & dominandi cupiditatem inducit. Quare hæc tria tollenda iis, qui se Deo rite,

& in-

2. Tim.

2.

& integre mancipare studeant, tolluntur autem per tria opposita, diuitiæ per paupertatem, coniugium per continentiam, voluntatis licentia per obedientiam. Ex quibus iam ea, quam quærimus, religionis descriptio elucescit. Est enim nihil aliud, quam status quidam ad Christianam perfectionem tendens, idque per tria vota, Castitatis, Obedientiæ, Paupertatis. Nam quod de perfectione Christiana hic dicitur, non habet dubitationem, quin eam Dei amore cõstat, eiecto omni amore tum nostri ipsorum, tum aliarum omnium rerum creaturarum. Ad hanc autem perfectionem tendere hic status dicitur, non ad eam petuuisse, aut in ea versari: non enim necesse est religioso, vt iam perfectus sit, iamque comprehendat, neque id ille profitetur: sed si aspi-
ret, si conetur, officio satis est. Postremo etiam status appellatur, quia nihil magis necesse est, quam vt genus hoc vitæ stabile sit, & fixum, ac perpetuum, & immobile. Aliud enim est perfectum esse, aliud esse in statu perfectionis, illud omnes cõsequi possunt virtute, innocentia, sanctitate: ad statum vero aliquid aliud requiritur. Nam homo quoque si alteri homini obsequia impendat, verum id libere faciat, quântum libuerit, & quamdiu libuerit, vt amicus amico solet, non tamen statum, aut cõditionem mutat: mutat autem, si se illi totum in perpetuũ donet, ac nexu tradat, quia tum è libero seruus efficitur. Sic igitur non religiosæ tantum opera religiosum faciunt, nisi duo insuper accedant: primum, vt certa promissione, ac voto exoptato ad ea opeta ita obligetur, vt iam illi integrum non sit vel cessare, vel etiam velle cessare. Deinde vt hæc ipsa obligatio non ad certum, ac definitum tempus, sed ad totam vitam suscipiatur: quæ duo cum concurrunt, tum vero quasi ex firmitate, & stabilitate, status appellatur. Huic autem firmitati vel maximum pondus adiungit etiam summi Pontificis auctoritas, quæ cum in reliquis, tum in religiosis institutis constituendis, & confirmandis ea est, quam is habere debet, qui Christi vicem inter homines repræsentat, vt quicquid in terris liget, etiam ligatum sit in cœlis. Iure igitur ita ea necessaria est, vt, si absit, nec vota nostra tantum robur, ac firmitatem habeant, nec ipsa religio sit verè religio, non quo hoc ad eius intinsecam naturam pertineat, quoniam religionis fundamenta Euangelio ipso, & Christi Domini institutione nituntur, sed quia, cum in variis viuendi formulis, quæ ex hominũ placito aliæ alio modo inducuntur, inesse possit vitia, atque errores, his præcauendis

cauendis salubriter prouisum est, ne ullum iam religiosum ordinem fundari liceat, nisi Apostolicæ sedis consensu, & approbatione. Et quidem, quod litteris extet, Franciscus primum, & Dominicus, separatim utræque, sua magis sponte, quam legis cuiuspiam coactu, Innocentio III. initium, quod meditabantur, rationem pontificia potestate sanciendam obrulerunt. Quod cum in Lateranensis Concilij tempus incidisset, in eodem concilio cautum, ac scitum est, ut id in posterum solemne esset, ac perpetuum, idem; non multis post annis à Gregorio X. in Lugdunensi Synodo renouatum, & deinde in vniuersalis Ecclesiæ mores receptum est. His igitur positis religiosæ iam vitæ non natura solum, sed etiam pulchritudo ac præstantia, quasi eminus spectantibus apparebit, quæ scilicet tantæ virtutis, quanta est religio, primus, ac perfectissimus sit gradus. Est enim religio ex earum quidam genere, quæ morales dicuntur, sed tamen moralium omnium maxima, & præstantissima. Et si enim materia, quæ ei proximè subiecta est, non est ipse Deus, sed humanæ actiones, siue animi, siue corporis, quas ad Dei obsequium dirigit, informat, instruit, aliquo tamen modo illam diuini numinis maiestatem attingit, ut certè proximè absit à tribus illis Theologalibus, quæ tum credendo, tum sperando, tum amando in ipsam se Deum quodammodo immergunt. Religionis autem flos quidam est Sanctitas, quam virtutem ita Theologi definiunt, ut eius proprium sit munus, mentem nostram ab omni labe purgatam, integram, & sine macula Deo offerre, eamque, & vires eius omnes illi consecrare. Cuius quidem muneris amplitudo primum ex eo apparet, quod aliæ virtutes morales vni illi omnes tamquam ministræ, ac famulæ inferuiunt, aliæ purganda voluntate, aliæ ratione illuminanda, aliæ etiam appetitu coercendo. Apparet item ex effectu: eius enim, ut docet S. Thomas, duo quasi sunt partus, oratio, ac deuotio, quarum altera in Dei familiaritatem, atque amplexus inducit, altera promptitudinem, & alacritatē tribuit ad omnia, quæ Dei cultus requirit: qui furor, ac studium voluntatis tanti est, ut, si is absit, ipsa munera nostra multo ei minus grata sint: si adsit, ea etiā maiore in modū cōmendet, & gratiora reddat. Hæc igitur religio, tā præclara virtus, cum suis itē tā præclaris partibus, quas ei adiunctas esse diximus, ipsa forma, & tamquā anima est religiosi status: adeoque in hoc statu ea virtus eminet, ut aliorū statuum religio, ne religio quidē videatur, non quia non sit, sed quia tanto inferior est,

S. Thom.
1.2.q.81.

Ibidem.

est, ut illius splendore obscurata, non appareat. Ostende hoc, ipsum nomen, quod in cōmuni omniū vsu à generali illa virtute ferme iā recessit, & in hoc nostro viuēdi genere remansit. Ita q; nulli iam alij religiosi nominantur, quam qui seculo exēpti, perpetuis obstrictam votis Deo seruitutem exhibent.

Quoniam autem ita docet Aristoteles, & verum est, tria ^{2. Eth.} esse bonorū genera quibus homines moueantur, aliud quod ^{cap 3.8.} utilitatis, aliud quod honestatis, ac dignitatis, tertium etiam ^{Eth. c.2.} quod delectationis speciem habeat, id erit ostendendum, hæc omnia genera in vnam hanc vitæ formam concurrere. Quod quidem rarum admodum est in reliquis huius mundi rebus, ut sit, in quo hæc omnia reperiuntur. Ita enim ferme comparatum est, ut quæ salubria sint, eadem amara, & insuauia gustatu videantur, quæ verò dulcia, & iucunda, raro cum dignitate cōiuncta sint. Sed hoc spiritualibus rebus proprium est, ut nulla boni parte vacent. Quamquam, eodem auctore Aristotele, cum de bono agitur, plurimum interest vtrum reipsa, & verè bonum sit an verò ita videatur, ideo autem quibusdam videatur, quod ita affecti sint: ut ægrotanti utilis est sectio, non autem sano, at verò iucunda aquæ potio, quàm sanus respuat. Hoc ergo idem in moribus euenit. Nam si non dicam ab ethnico, & infideli, sed etiam à Christiano vel auaro, vel ambitioso quæramus quidij vile, quid gloriosum, quid iucundum putent, utrūque ex suæ mentis constitutione respondebit, alter pecuniam, alter honorum copiam. Quam ob rem, ne in re tanta fallamur, ut in ædificando, sic in his meriendis, atque æstimandis, sua quoque linea, ac regula adhibenda est. Est autem hæc linea finis ipse, ex quo necesse est aliarum rerum, quæ huc ferunt, iudicium pendere. Quid est autem illud, cuius gratia animam, & corpus, & quicquid habent, acceperunt, & quo tum tacitis naturæ principiis, tum apertis gratiæ incitamentis impelluntur? Sine dubio beatitudo, & ea quidem æterna: neque enim alia est, quæ vera sit beatitudo. Ex huius igitur æstimatione bonorum etiam omnium æstimatorio moderanda est quæ enim ad eam consequendam utilia sunt, ea verè, & solidè utilia: illa verè iucunda, & dulcia, quæ illius summæ iucunditatis, summique gaudij gustum aliquem, ac speciem continent. Denique illa etiam verè gloriosa, quæ veræ illi, ac sempiternæ gloriæ quàm simillima sunt & quàm coniunctissima, ut vnam hanc gloriam, vnam hanc & solam delectationem, vnam etiam utilitatem agnoscere, & expetere debeat

debeat quicumque sic à fide Christiana institutus est, vt certò credat, alteram quandam esse vitam, in qua sita sit æterna felicitas, & in ea felicitate ipsum suum finem positum esse intelligat, quod quidem Christiani omnes intelligunt. Hæc igitur omnia in religioso statu amplissima, atque vberissima inesse, deinceps demonstrandum est.

Hominem non esse suum, sed Dei, idque ob septem causas.

CAPVT III.

EX his tribus, quæ sunt proposita, primum tractari, oportet vtilitatis caput. Etsi enim minus obscurū est, quàm reliqua duo, quin potius omnes vltro fatentur in religione magnam existere spiritualium commodorum abundantiam, tamen hoc ipsum diligenter explicandum est, vt præcipuum, & maximum, & certè eiusmodi, vt vel solum sufficere possit. Nam si in terrenis rebus terrenæ vtilitatis respectus ita mouere solet, vt etiam ad laboriosa, & aspera quæuis, etiam ad humilia adigat, quantò magis spiritualis vtilitas, quæ, vt diximus, vera est vtilitas, & non temporalis, aut brevis, sed æterna? Sed tamen, vt hæc, quàm dicimus, vtilitas certius constet, quoddam prius ponendum est, non huius solum disputationis, sed totius etiam, vt ego arbitror, Christianæ vitæ fundamentum, homines omnes ea lege natos, & factos esse, vt serui, ac famuli sint magni Dei, & tamquam serui in rebus omnibus, siue magnis, siue paruis, vnam ipsius spectent voluntatem, eique omniuno, ac totos sese accommodent. Est enim communis quidam error, quo plerisque homines tenentur, non modo mali, & omniuno perdit, sed etiam alij meliores, qui satis esse putant, si peccatis abstineant, de reliquo licere sibi & vitæ statum deligere, & in ipso statu rationes suas pro libito moderati, vt sibi placeat, vel vt commodum sit. Contra quem errorem hoc statuentum atque stabiliendum est, quod paulò ante posui, humanam naturam ex ipsa sua conditione, verum, ac legitimum dominum habere summum illud, & infinitum numen: quo fit vt ex eius nutu, ac voluntate nos totos, totamque vitam, & actiones singulas gubernare nos deceat, ac si ij esse volumus, qui esse debemus, ne pedem, aut digitum quidem illius iniussu mouere. Rectè enim Augustinus quodam loco, quod etiam hîc optimè conuenit, *Quid*, inquit, tam tuum, quàm tu, & quid tam non tuum, quàm tu, si alicuius es, quod es?

Nam

Nam ut iumentum, quicquid est, hominis est, sic homo, & multo magis, totus est Dei. Ex quo sequitur, ut quemadmodum illud bonum existimari solet iumentum, quod nihil impetu suo facit, sed ita se mouet, ut ab hero suo monetur, sic homo tum hominis expleat officium, cum eius & voluntas, & opera omnia Deo uni seruiunt, & ad Deum diriguntur: contra verò, cum Dei oblitus, sibi seruit, suasque actiones ad se ipsum refert, & suæ voluntati velificatur, eadem prorsus, ac multo etiam maior sequitur deformitas, quæ iumentum fugitiui, aut calcitrantis aduersus possessorem suum. Quàm peruersitatem aptissimè indicauit sacra scriptura illa similitudine, Vir vanus in superbiam erigitur, & *Iob 11.* quasi pullum onagri, se liberum natum putat; in quem locum optimè Gregorius, Necesse est, inquit, ut homo in cunctis *10. Mo.* suis motibus sub dispositione disciplinæ religetur, & tamquam domesticum animal loris victum seruiat, atque æternis dispositionibus restrictum viuat. Qui ergo implere cuncta quæ desiderat, per effrenatam libertatem quarrit, quid aliud quàm pullo onagri esse similis concupiscit, ut disciplinæ hunc lora non teneant, sed audenter vagus per syluam desideriorum currat? & paulò infrà, Restat ergo, ut si esse iam similes pullo onagri nolumus, in cunctis, quæ appetimus, nutum prius intimæ dispositionis exquiramus, ut mens nostra in omne, quod nititur, superni regiminis lora teneatur, & inde magis vota sua ad vitam impleat, vnde vitæ suæ studia & contra propriam voluntatem caleat. Hanc eandem hominis seruitutem tam necessariam, tamque salutarem intellexit, & expressit etiam aptissimè Augustinus, eamque ipsam ostendit fuisse causam, cur Deus primò parenti nostro præceptum iniunxerit, & tale præceptum, ad vsurpandam & in illum, & in nos omnes, qui eius lumbis continebamur, iustam, ac legitimam iurisdictionem. Nam si, inquit, *Psal. 70.* ita fortasse disputaret Adamus, si bona est arbor, quare *conc. 2.* non tango? si mala, quid facit in paradiso? Responderet Deus, Bona est arbor, nolo tangas: quare? Quia dominus sum, tu seruus: hæc tota causa est: si parua est, dedignaris esse seruus. Quod ipsum argumentum alibi idem tractans, ita scribit, Oportebat ut homo sub Domino Deo positus, alicunde prohiberetur, ut ei promerendi Dominum suum virtus esset ipsa obedientia, quàm possum verissime dicere solam esse *Gen. ad* virtutem omni creaturæ rationali agenti sub Dei potestate, *lit. lib. 8.* primūque esse, ac maximum vitium tumoris ad ruinam, *cap. 6.* sua

sua potestate velle vti, cuius vitij nomen est inobedientia. Non esset ergo vnde homo dominum habere cogitaret, atque sentiret, nisi aliquid ei iuberetur. Quare, vt illuc redeamus, certum hoc esse oportet, si homines in officio esse velint, ita se ipsos instituere debere, vt tota eorum vita ex Deo pendeat, & quasi ex eius imperio, ac ductu, suspensa, & religata sit, itaque attenti sint ad omnes eius nutus, sicut oculi seruorum, vt dicitur in psalmo, in manibus dominorum suorum, & sicut oculi ancillæ in manibus dominæ suæ. Hoc enim est quod Gregorius quodam loco ait, Sicut benè obsequentes famuli dominorum suorum vultibus semper intenti sunt, vt ea quæ præceperint, festine audiant, & implere contendant, sic iustorum mentes per intentionem suam omnipotenti Deo assunt. Quamquam non mirum est, ista à Gregorio, reliquisque Patribus dici, cum Plato ipse ethnicus philosophus scripserit, homines esse vnā quandam ex Deorum possessionibus, ex quo ille confirmat, qui sibi ipsi vitam eripiat, Diis iniuriam facere. Nam tu quoque, ait, si aliquid ex tuis mancipiis se ipsam perimeret, cum id concessu tuo non fecisset, nōne indignareris? Quoniam igitur totum in eo positum est, vt nos seruos, Deum autem verum esse Dominum intelligamus, de quo est apud Prophetam, Dominus nomen illi; vtile etiam erit causas huius nostræ seruitutis, quæ nos, ac nostra omnia Deo subiicit, cognoscere; quæ causæ plures fortasse sint, sed eas, quæ nunc nobis occurrant, breuissime septem attingemus.

Prima igitur ea causā est, quæ ex ipsius diuinæ naturæ præstantia, & excellentia ducitur, si præsertim cum nostra natura comparetur, quæ tam est infirma, pulilla, ac prope modum nihil. Huius rationis quæ vis sit, quodque momentum, libet ex ipso Aristotele petere, vt eo euidentior sit, si ex ipsius naturæ lumine, ac principiis hauriatur. Is enim quodam loco confirmat, seruitutem hominum aduersus alios homines posse esse naturalem, ac iustam, quoniam in omnibus, quæ ex plurium concursu constituuntur, & in quibus vnum quippiam commune efficiatur, alia esse oporteat necessario, quæ naturaliter dominantur, alia quæ naturaliter subiecta sint. Probat hoc inductione quadam rerum omnium, primum inanimarū, nam in mixtis vnū semper superat elementū, in leuib. ignis, terra in grauioribus, in alijs alia. In omni vero animato, anima ipsa naturale habet imperium in corpus, idque regit, & impellit, quo vult. Ac in ipsa quoque

animā,

Psa. 122.

16. Mor.

cap. 16.

In Phadone.

Amos 9.

1. Polit.

c. 3.

anima, si præter appetitum sit etiam ratio, ut in homine, rationi sine dubio, ut præstantiori, principatus debetur, eandemque ob causam inter animalia homini, inter homines ipsos sexui masculino, utpote meliori, ac nobiliori. Ex quibus confici vult, quicumque in omnibus excellat, ei naturaliter principatû deberi, idque ex eo apparere, quod homines, cum aliquem corporis forma excellentem vidēt eum dicere solent dignum esse imperio. quod si corporibus verū est, multo magis in animis: sed corporis pulchritudinem facile videri, animi non item. Hæc Aristoteles; qui ne id quidē in dubio reliquit, quid ille per seruile cōditionem requirat: addit enim ita se habere seruum ad dominum, ut res possessa ad possessorem, vel pars ad totum. Ut enim neque res possessa, neque pars sui ipsius est, sed possessoris, & totius, sic seruum, quicquid est domini sui esse. Igitur si, ut hic Philosophus sensit, tanta esse potest inter res ipsas creatas distantia, ut aliæ alijs naturali iure subdantur, quanto hoc verius erit inter Deum, & hominem? nam quantumcumque homo homini præstet, non alia esse potest differentia, quam doctrinæ, aut sapientiæ, vel ingenij, vel reliquorum eiusmodi accidentium, atque hæc ipsa inæqualitas, quæcunque sit, finita tamen est neque adeo magna. Ceterum in natura nihil est discriminis. omnes enim & corpus ex vna materia, & animam eiusdem formæ habemus. Sed conferamus nunc hominem cum Deo, sapientiam cum sapientia, bonitatem cum bonitate, potentiam cum potentia, essentiam quoque cum essentia. Non modo infinitum est interuallum, sed etiam quicquid hominibus habet, à Deo habet, à se autem nihil, idcirco melius, ac verius nihil habere nihilque esse dicendus est. Ex quo illud est, quod Deus, & solus potens à Paulo, & solus bonus ab ipso Salvatore, & solus etiam esse à beato Iob dicitur. Quod si tota terra ad vniuersi cœli complexum, ut Mathematici persuadent, non amplius, quam vnius puncti instar obtinet, cum tamen terra tam ingens, cœlum vero finitum tandem sit, quid erūt singuli homines respectu illi⁹ infinitatis, & illi⁹ abyssi, in quæ innumerabilia, eadēq; immensa bona cōcurrūt, & cōfluunt, ut merito quasi admirās dixerit Dauid, Magnus Domin⁹, & laudabilis nimis, & magnitudinis eius nō est finis?

Secūda causa cur nemo suus, oēs Dei sum⁹, ex eo maneat, quod ab illo cōditi, & creati sum⁹. Nā etiā inter homines

1. Tim. 6.

Mat. 19.

Iob. 23.

Psalm.

144.

ipſos , cum multa ſint iura habendarum rerum , vt emp-
tione , vt donatione , & alijs , tamen nulla iuſtior , & gra-
uior eſt cauſa , quam ipſius rei productio , atque effectio.

1. Cor. 9. Quis plātat vineam, ait Paul⁹ A poſtolus , & de fructu ei⁹
non edit? ſic qui domū ædificat , qui arcam ligneam con-
ficat, aut ſtatua , denique quoduis opus manib⁹ ſuis perfi-
cit, eius operis idē omni iure, ac lege dominus eſt. Quod
etiā multo magis locū habet in Deo : quoniā homines ar-
tis efficiētia nihil aliud poſſunt , quā externā formam , &
quasi faciē rebus inducere , naturā autē ipſam ſive ferri,
ſive ligni, aut alteri⁹ rei nec producere, nec attingere qui-

1. Coſ. 6. dem poſſunt. Deus autē vſque ad ipſum (vt ait Auguſti-
nus) rerum fundum, ideſt, vltimum, atque extremū eſſen-
tiæ gradum ſua vi, & virtute pertingit. Itaque vel hoc no-
mine præcipuē videmus in ſacra ſcriptura omniū ūmina

Pſal. 23. tū Deo tribui. Sic enim legimus, Domini eſt terra, & pleni-
tudo eius. Ipſi⁹ eſt mare, & quaſi huius ratio reddatur, & ip-

Pſal. 94. ſe fecit illud, & aridam fundauerunt manus eius. Itē illud,

Pſal. 37. Tui ſunt cæli, & tua eſt terra, orbem terræ, & plenitudinē
eius tu fundasti. Tuus eſt dies, & tua eſt nox, tu fabricatus

Pſal. 49. es auroram, & ſolem. & alibi. Meæ ſunt omnes feræ ſylua-

Agg. 2. rum, iumenta in montibus, & boues. Meum eſt aurum, &
meum eſt argentum. Denique omnia ſimul comprehenſa

Iob. 41. ſibi vendicat Deus in libro Iob. Omnia quæ ſub cælo

Act. 17. ſunt meæ ſunt. & Paulus in illa doctiſſima concione Athe-
nis habita , Deus qui fecit mundum , & omnia quæ in eo
ſunt , hic cæli , & terræ cum ſit dominus. Itaque cum reli-
quorum omnium ideo legitimus dominatus ei tribuatur,
quia ab illo condita ſunt, cur non etiam hominum? de quo

Eze. 18. ſic ipſe per Ezechielem, Ecce, inquit , omnes animæ meæ

De qua ſunt, vt anima patris, ita anima filij mea eſt. Recte igitur,

dr. debi & vere Bernardus ī ſermone quodā ex hoc ipſo capite in-
ter, ter alia confici vult, vt op⁹ opificis, ita nos auctoris quoq;

noſtri totos eſſe. Ecce, inquit, in ianuis eſt qui fecit cælum,

& terram, & creator tuus eſt, tu creatura, tu ſeru⁹, ille Do-

minus: ille ſigulus, tu ſigmentum. Totū ergo quod es, illi

debes, à quo totū habes, illi præcipue Domino, qui & te fe-

cit, & benefecit tibi, qui tibi miniſtrat ſyderū curſus, aëris

temperiem, ſæcunditatem terræ, fructuū vbertatem. Huio-

re vera totis medullis, totis viribus ſeruiēdū, ne forte indi-

gnatiōis oculo te reſpiciat, & deſpiciat, & cōterat ī eternū.

Atque in candē quoque ſententiā Laurentius Iuſtinianus,

Clamat

Clamat, inquit, innata ratio, ut quisque se illi subijciat, à quo *Lib. de*
 habet ut sit. Humana siquidem natura cū à Deo sit cōdita, *obed. c. 5.*
 & per eundē actualiter inesse subsistat, ex necessario quodā
 iustitiæ, & æquitatis iure, mandatis sui obligatur auctoris.
 Nā etsi innumera sint homini prærogata beneficia, quib⁹
 ad famulādū Deo astringitur, ex hoc solo, quod ab illo ha
 bet esse, vsq; ad mortem ei obtemperare tenetur. Deniq;
 Lactantius etiā aptissime, Apparet nullam aliam spē vitæ *4. Insti.*
 homini esse propositam, nisi ut abiectis vanitatib⁹, & erro *cap. 26.*
 re miserabili, Deū agnoscat, & Deo seruiat, nisi ut huic tē
 porali renunciet vitæ, & se rudimentis iustitię ad cultū re
 ligionis instituat. Hac enim cōditione gignimur ut gene
 rati nos Deo iusta, & debita obsequia præbeam⁹, hūc solū
 nouerimus: hūc sequamur: hoc vinculo pietatis obstricti
 Deo, & religati sumus, vnde ipsa religio nomen acceperit.
 Sequitur tertia causā huius seruitutis ex hominis fine.
 Nam quæcumque res propter alteram facta sit, eam illi
 subiectam, ac veluti mancipatā esse oportet, seque ad eā
 omnino, ac penitus conuertere. At humana natura nullū
 aliū habet, nec habere potest finē, quam ipsum Deum. Vn- *Apoc. 1.*
 de est illud de ipso in Apocalypsi, Principium, & finis; pri- *cap. 22.*
 mus, & nouissimus; quia. ut inuolucrum clypei causā factū
 est, ut vagina gladij, ut dom⁹ inhabitandi, gratia, sic homo
 propter vnū Deū. Etenim ut ait S. Thomas cum necesse sit, *1. p. q.*
 eundem esse finem efficiētis, & rei effectæ, ut architecti, & *4. 4. art.*
 domus edificatæ, Deus autem, cuius præstans natura nullo
 extrinseco bono eget, nullam aliam q̄b causam ad agen- *4.*
 dum impelli possit, quam propter se ipsum, sequitur ut ho
 mini quoque sit finis præstitutus idem Deus. Atque hoc
 etiam ex naturali rerum omnium ordinatione intelligere
 licet, quæ sic nexæ sunt, ut inferiores & imperfectiores no
 biliorū, ac meliorū gratia cōdite sint, eisq; ad vsum subie-
 ctæ. Quare Aristotelis quoque sententia fuit, plantas, & ce *1. Polit. 5.*
 tera vegetabilia facta esse propter animalia, animalia ve
 ro propter hominē; mansueta quidem ad vsum, & cibum,
 agrestia vero partim ad eundē cibum, partim ad alia adiur
 menta, ut vestium, & aliarum rerum. Quamquam melius *Qui ha-*
 hoc Bernardus, qui hæc ipsa à Deo donata nobis ait omnia *bit. ser.*
 ad aliquam utilitatē, sed alia ad sustentationem, alia ad *13.*
 eruditionem, quædam ad delectationem, postremo etiam
 non pauca ad correptionem. Possumus igitur, certeq; de
 bemus ex istorum exemplo, atque obedientia, nos quoque
 C 1 discere,

discere, quam nos Deo obedientes, ac subditos esse oporteat. Nam & boues terram nobis subigunt, nulla sua utilitate tanto labore: equorum vero genus modo oneribus ferendis, & vectandis, modo cursu, modo passu nobis deseruit: nostra est quoque canum solertia, & agilitas in custodiendo, in venando: quo in munere ita præsto sunt homini, ut vocis imperio & immittantur in feras, & sistantur, & reuocentur, tamquam boni, & obedientes famuli, idemque de similibus in suo quoque genere intelligi potest. Neque vero timendum est hominibus, ne ideo minus felices, aut etiam minus sint nobiles, propterea quod non sibi nati sint, sed alteri. Valeret hoc fortasse, si ad alteram creaturam, cuiusmodi ipsi sunt, finitam, & limitatam dirigerentur. Nunc vero cum ad Deum dirigantur, summum, infinitumque bonum, tantum abest, ut de eorum dignitate hoc aliquid detrahat, ut etiam multum addat: Nam cum ut paulo ante diximus, Deus ipse nullum aliud finem habeat, quam se ipsum, sic fit ut homo quoque ad eiusdem finis participationem prouehatur; quod summa cuiusdam dignitatis est nec gloriosius quicquam homini contingere poterat, eoque magis, quod eius finis præstantia multa quoque alia magna, & præclara secum affert ad eum finem consequendum adiumenta. Ex quo illud est optimum Augustini, qui cum duplicem rerum ordinem discreuisset, aliarum, quibus fruendum sit ut fine, aliarum quibus utendum, ut medio, ac deinde questionem proposuisset, Vtrum homo seipso frui, an uti debeat, responsione subiicit verissimam, nefas id omnino esse, ut quis se ipsum amet propter se. si enim, inquit, se propter se diligit, non se refert ad Deum, sed ad se ipsum conuersus, non ad incommutabile aliquid conuertitur, & propterea iam cum defectu aliquo se fruitur, quia melior est, cum totus hæret, atque constringitur incommutabili bono, quam cum inde, vel ad seipsum relaxatur.

De
Doctr.
Christ.
lib. 1. c.
35. & 21

Accedit ad has etiam quarta causa, Dei præceptum super additum, non quidem seruiendi, aut timendi, aut etiam obediendi, sed amandi, in quo illa omnia abunde continentur. Nam & hoc magis bonitatis, amorisque proprium est, ut a mari se velit, quam sibi seruire, & animam perfectius Deo subiicit, cuius clavis est ipse amor, & denique genus est seruitutis multo iucundioris, ac nobilioris. Quod autem longe perfectius subiiciat, apparet ex eo, quod hic amor vim habet non solum mutæ inhaerentis, de qua dicit Ioannes, qui manet

manet in caritate, eum in Deo manere, & Deum in ipso, *1. Ioan. 4.*
 sed etiam ecstasis illi⁹, de qua Dionysius, vt quemadmodū, *4. cap.*
 commode dici solet, anima sit potius vbi amat, quam vbi diuin.
 animat. Quod si vulgaris hic amor boni infini hoc tamē *nom.*
 facit, quid faciet amor illius summi, & infiniti boni, & qui-
 dem tam perfectus, vt eū Deus exigit, in toto corde, in to-
 ta anima, & in omnibus viribus? Nam quod dicit in toto, *Matth.*
 ait Basilius, nullam in res alias diuisionē admittit. quantū *22.*
 enim dilectionis in hæc inferiora insumpseris, tantū neces- *In psal.*
 se est. vt demas de toto. Idem dicit etiam Augustinus, dile- *44.*
 ctionem Dei, quæ hoc diuino præcepto tam seuerè exigi- *1. Doctr.*
 tur, nullum pati riuiulum extra se duci, cuius deriuatione *Christ.*
 minuat. Recte etiam Gregori⁹, Notandum, inquit, quod *c. 22.*
 diuinus sermo cum Deum diligere præcipit, nō solū narrat ex *10. Mor.*
 quo, sed etiam informat ex quanto, cū subiungit, ex toto, *cap. 4.*
 vt videlicet, qui perfecte Deo placere desiderat, sibi de se ni-
 hil relinquat. Ex quibus apparet, hunc amorem, si is est,
 qui esse debet, & qui nobis tam expresse præcepto iniungi-
 tur, eiusmodi esse oportere, vt nos Deo perfectissime tra-
 dat, & in eius potestate plenissime transferat, ac poti⁹ nos
 ipsos in eum transfūdāt. hæc enim omnia in amādo insunt.

Est etiam alia causa hui⁹ tanti debiti, qua nulla iustior,
 aut grauior existere potest, quod scilicet ita Deo obnoxij
 sumus, quasi serui emptitij. Sic enim aperte Paul⁹ Apostol⁹,
 Non estis vestri, empti enim estis pretio magno. Hoc autē *1. Cor. 6.*
 pretium magnū est ipse Christus, totus, vt ait S. Bernard⁹, *Ser. 3.*
 nobis datus, totus in nostrōs vsus expēsus. Vere enim nul- *Circum.*
 lus vmquam homo alteri homini ad seruiendū traditus ita
 proprius illius fuit, ac Verbū illud æternū, Patrisque i-
 mago & vniuersis hominibus, & singulis tributus, concef-
 sus, donatus est. Vnde Esaias in spiritu exultans, Paruulus *E sai. 9.*
 natus est nobis. & Paulus, Proprio filio nō pepercit, sed pro *Rom. 8.*
 nobis, omnibus tradidit illum. & idem alibi, Qui dedit se- *Tit. 2.*
 met ipsum pro nobis. Ipse vero Dominus, ac Saluator, Sic *Ioan. 3.*
 Deus dilexit mundum, vt filium suum vnigenitum daret.
 Igitur si creationis ratio nos sibi totos vēdicabat, quod eā
 animam, & illud corp⁹, quod dederat, iure repeteret, quan-
 to magis vendicabit hoc emptionis gen⁹, quo suam Chri-
 stus animam, & talē animam, suūq; corpus dedit, & diuinā
 insuper personā: Præclare Chrysostomus homilia quadam; *Hom. 11.*
 Cum, inquit, per Christū Iesū mortuū viuamus, ei vtiq; ob *in 2. ep.*
 quē viuimus, viuere debemus. Atque hoc quidem vnū, & *ad Cor.*

idem esse videatur. Ceterum, si accurate expendatur, duo diuersa esse reperiuntur: vnum nimirum, quod per ipsum viuimus, alterum, quia ipse nostra causa mortuus est, quorum vtrumque vel separatim perpensum tanti momenti est, vt ei obnoxios, & obstrictos reddere possit, ijs vero cōiunctis, & in vnum conflatis, tu æstima quam ingens debiti summa multiplicetur. Ac Bernardus etiam in Sermone illo de quadruplici debito, hoc quidem primo loco reponit. Primo, inquit, Christo Iesu debes omnem vitam tuā, quia ipse vitam suam posuit pro tua, & cruciatus amaros sustinuit, ne tu perpetuos sustineres. Addit deinde multa in hāc sententiam, quæ sic ad extremum concludit omnia. Cum ergo ei donauero quicquid sum, quicquid possum, non ne istud est sicut est stella ad solem, gutta ad fluuium, lapis ad montem, granum ad aceruum? Atque idem etiam alibi de hoc ipso, Etsi, inquit, cetera taceam, hoc solo certe non immerito sibi vendicat vitam nostram, quia pro ea posuit suam. Nemo igitur sibi viuat, sed ei, qui pro se mortuus est. Cui enim iustius viuam, quam ei qui si nō moreretur, ego non viuerem? cui commodius, quam promittenti vitam æternā? cui magis ex necessitate, quam flammæ perpetuas minitanti? Denique Bernardus idem alio loco optime, & vberissime; vt appareat quam hic sensus ei certus, & fixus fuerit. Si torum me debeo pro me facto, quid addam iam pro resecto, & resecto hoc modo? Nec enim tam facile resectus, quā factus. Nam qui me semel & tantum dicendo fecit, in reficiēdo profecto & dixit multa, & gessit mira, & pertulit dura, nec tantum dura, sed & indigna. In primo opere me mihi dedit, in secundo se, & vbi se dedit, me mihi reddidit. Datus ergo, & redditus, me pro me debeo, & bis debeo. Quid Deo retribuam pro se? Nam etiam si me milies rependere possem, quid sum ego ad Deum?

*De dili.
Deo.*

*In psal.
32.*

Sexta causa, & ea quoque inter maximas, ducitur ex præmij, quod nobis paratum est, infinitate: id autem est æterna, & immortalis gloria, in qua, vt ait Augustinus, & nos Deus possidebit, & Deus possidebitur à nobis, idque vtrumque propter nos; Ergo cum ille nos possessurus sit, & hoc ad beatitudinem pertineat, inchoemus iam nunc hanc ipsam beatitudinē, & ab eo possideri velimus: rursusq; cum illū possessori simus, non graue nobis videatur, quod talis, ac tanti boni possessio, nostri ipsorum tam parua, tenuique iactura emenda sit. Hoc enim in summa est pretium, quo
Deus

Deus illā gloriā, illamque felicitatem, ac gaudia emi voluit, nempe dandis nobismetipsis. Quod argumentū discrete ab Augustino tractatur his verbis, *Quātum laborat ho-* *Ser. 64.*
mo, quādo mors imminet, fugiendo, latendo, quicquid ha- *de verb.*
bet dando, & se redimendo, laborando, cruciatus, mole- *Dom.*
stiasque sustinendo, medicos adhibendo, & quicquid aliud
homo potest? Si ergo labore tanto, tanto cōnatu, tantis
impendiis, tanta instantia, tanta vigilantia, tanta cura agi-
tur, ut aliquāto plus viuatur, quomodo agendū est, ut sem-
per viuatur? Et, si prudentes dicuntur, qui omnibus modis
agunt, ut differant mortem, & viuant paucos dies, ne per-
dant paucos dies, quam stulti sunt, qui sic viuunt, ut perdāt
diem aeternū? Pone ergo hīc hominem viuentem, saluum,
nullas pēnas patientē: si ei donaret quispiam, ut semper sic
esset, & hoc bonum non deficeret, quantū gauderet, extol-
leretur, quo modo se non caperet lētitia, sine pēna, sine
cruciātu, sine fine vitæ? Si hoc solum nobis promitteret
Deus, quod dixi modo, quibus potui verbis descripsi, ac
commendaui, quanti erat emendū, si venale esset, quātum
dandum erat, ut emeretur. Sufficeret ne quicquid haberes,
etiam si totum mundū possideres? & tamen venale est eme
si vis, nō multum exaēstues de re magna propter pretij ma-
gnitudinem. Tantum valet, quantum habes. Noli quærere
quid habeas, sed qualis sis. Res ista tanti valet, quantum es
tu. Te ita, & habebis illam, sed malus sum, inquires, & forte
non accipit me. Dando te illi bonus eris, ut huic fidei, pro-
missiōniq; te des, hoc est bonum esse. Hæc Augustinus; ex
quibus satis constet, non alia nos ratione regnū illud adi-
pisci posse, quam si nos totos, quicquid sumus, & quicquid
possumus, Domino Deo verissime dedamus. Et iure id qui-
dem; quia infinitum illud præmium infinito etiam labore
dignum fuerat: quod quoniam non potest, saltem hoc re-
cuitur, ut quæcumque habemus, in illud omnia confera-
mus. Id enim est etiam aliquo modo infinitum, si à nobis
nullo fine, nullisque limitibus restrictum fuerit.

Sed has quidem obligationes partim naturæ nostræ cōditio, partim etiam Dei voluntas, & lex citra nostrū assensum imposuit. Reliqua est vna, quā nos ipsi ultro, ac sponte subijmus. Ut enim reges, populos sibi legitime subiectos, tamen iureiurando adigūt, ut eos propria quoque spōsione deuinctos teneant: sic Deus, quamquam & iure creationis, & emptionis, totq; alijs nominibus obnoxij ei era-

mus, tamen nostra nos etiam promissione per iuramentum confirmata; obligati voluit, ut fides nostra tali vinculo eo arctius stringeretur. Suscipitur autem hoc sacramentum eo tempore, cum baptismo regenerati, non solum in Chri-

Gal. 4. sti militiam ascribimur, sed etiam, ut ait Paulus, Filiorum adoptionem recipimus. Cuius quidem promissionis, seu fœderis cuiusdam, quod cum Domino initur, duę sunt partes, altera, quod mundum, mundique pręmia omnia a nobis abijci, abdicariq; profitemur, ac contestamur: altera, quod nos Deo vni dedimus, ac dicamus, non solum ut milites, aut filios, quod ante dixi, sed etiam ut vera, ac viua membra in Christi corpus inserta, ut iam tamquā membra non nobis ipsis, sed illi corpori, reliquisq; membris viuamus. Ac de priori quidem huius obligationis parte crebra mentio est apud Sanctos Patres, ut Cyprianū, Gregorium, Ambrosium, & hunc præsertim, cuius illa sunt præclara, Quando te, inquit, interrogauit, Abrenuncias diabolo, & operibus eius, quid respondisti? Abrenuncio. Abrenuncias seculo, &

Cyp. li. 1.

epi. 5.

Greg.

Ho. 29.

Euang.

Amb. 1.

de sacr.

c. 2.

voluptatibus eius? Abrenuncio. Memor esto sermonis tui, & nunquam tibi excidat tuę series cautionis. Si chirographū homini dederis, teneris obnoxius, ut pecuniā eius accipias, teneris obstrictus, & reluctantem fœnerator astringit, atque illic tua cautione constringeris, Vbi promiseris considera, vel quibus promiseris. Leuitam vidisti, sed minister est Christi. Ergo chirographum tuum teneur non in terra, sed in cœlo. Ergo abrenunciasti mundo, abrenunciasti seculo, esto sollicitus: semper recordare quid promi-

De Sym.

ad Cat.

li. 4. c. 4.

seris. Recte etiam Augustinus, Hic, inquit, inimico vos renunciare professi estis: in qua professione, non hominibus, sed Deo, & Angelis conscribentibus, dixistis, Renundo. Renunciate non solum verbis, sed etiam moribus, nō tantum sono linguę, sed & actu vitę, nec tantum labiis sonantibus, sed operibus pronuntiantibus. De posteriori vero obligationis huius parte sæpe S. Paulus in suis epistolis, ut in illo loco ad Galatas. Quotquot baptizati estis, Christum induistis. Ac plus etiam ad Colossenses, Mortui estis, & vita vestra abscondita est cum Christo in Deo. Ex quo est illud Nazianzeni, Ut breuiter, inquit, dicam, nihil aliud existimandum est, esse vim, atque auctoritatem baptismi, quam pactum quoddam cum Deo initum secundę vitę, ac purioris, & præstantioris instituti. Quam ob causam vel maxime in metu esse debemus, atque animas nostras

Gal. 3.

Col. 3.

Ora. 40.

accuratissi

accuratissima custodia seruare, ne falsam professionē edidisse videamur. Nam cum ad mutua hominum pacta firmanda Deus medius adhiberi soleat, quanto periculosius est, magisque timendum, ne fœdera cum ipso Deo astricta perfregisse videamur? Ac Bernardus quoque illud psalmi dictū, Nec iurauit in dolo proximo suo, ad hoc iuramentū, quod in baptismo iuratur, diserte applicat, quod ea sit, ut ipse loquitur, professio fidei Christianæ, ut qui uiuit, iam non sibi uiuat, sed tum ei, qui pro omnibus mortuus est, tum proximis, pro quibus ille mortuus est.

Serm.
Quis a-
ceu. in
mon. Da.

Quare, ut concludamus, cum tot tantæque causæ cōcurrant, si bohi ratiocinatores in salutis nostræ negotio esse volumus, magnā quandam, ac potius immensam obligationis summani cōfici videbimus, cuius obligationis vis non video quo meliori modo exprimi, ac declarari possit, quam illo affectu, illisque verbis Prophetæ David, Et anima mea illi uiuet. Sic enim existimandū est cuique hominū, & quasi intime sentiendum, se suum non esse, sed Dei, & quicquid sit, quicquid valeat, quicquid habeat, nō sibi, sed Deo vni seruire debere, eique semper dirigi. Ex quo illud etiam sequatur, ut in ipsius potestate semper se esse velit, quinimmo, & gaudeat, omneque eius voluntatē, ac mētis impetum hoc intueri debere, ut ad diuini placiti arbitrium se, & sua studia, actiones, cogitationes assidue conuertat: denique illum Prophetæ sensum & animo semper fixum, & factis etiā ipsis expressum gerat, Ut iumentum factus sum apud te, & ego semper tecum. Tenuisti manum dexterā meam, & in volūtate tua deduxisti me. Nec vero magnum videatur homini, quod eam Deo præstet obedientiam, ac seruitutē, quā sibi à iumentis præstari videt. Nā si hoc ipse à iumentis exigit, quæ tamen nō creauit, & in quæ nihil aliud iuris habet, præter naturæ eminentiā, quāto magis ipsum Deo subditū, & subiectū esse oportet, qui natura tanto inferior, & ab ipso insuper creatus, eique tot aliis nominibus obstrictus est? Quæ si ita se habent, quæ culpa, vel potius quā multæ culpæ in vna culpa erunt eius, qui sui iuris esse velit, atque ex volūtate sua nō ex volūtate Dei, vitā suam, actionesque gubernare, & denique ita uiuat, ut non ex Deo pēdeat, sed ex suis ipsius placitis? Quid enim turpius, aut peruersius, quam seruus, qui vel ex heri domo profugiat, vel in domo herili nihil minus cogitet, quam de eius iussis? Iure igitur in huiusmodi homines conuenit illa Pro-

Psal. 21.

Psal. 21.

phetæ sententia, vel potius obiurgatio, & cōminatio. Confregisti iugum, rupisti vincula mea, dixisti, Non seruiam. *Hier. 2.* Huic autē delicto quæ pœna, quodve supplicium debetur? *Ser. 20.* nempe quod Bernardus quodā loco definiuit, Dignus plane est, inquit, inorte, qui tibi Domine Iesu recusat viuere, *Cont. Deme- tri.* & mortuus est: & qui tibi nō sapit, desipit, & qui curat esse nisi propter te, pro nihilo est, & nihil est. Propter temetipsum Deus fecisti omnia, & qui vult esse sibi, & non tibi, nihil esse incipit inter omnia. Recte etiam Cyprianus. Ipse, inquit, de seruo tuo exigis seruitutē, & homo hominem tibi obedire cōpellis, & cum sit vobis eadem sors nascendi, conditio vna moriendi, corporum materia consimilis, animarum ratio communis, nisi tibi pro arbitrio tuo seruiatur, nisi ad voluntatis obsequium pareatur, imperiosus, & nimis seruitutis exactor, flagellas, verberas, fame, siti frequenter, & carcere affligis, & crucias, & nō agnoscis miser Dominiū Deum tuū, qui sic exerceas in homine dominatū?

Religiosum statum satisfacere huic obligationi, dum nos perfecte Deo tradit.

CAPVT IIII.

Matt. 5. **S**I hæc quæ de hominum omnium debito tam grandi, tamque multiplici aduersus Deum diximus, vera sunt, vt sunt verissima, & certissima, magna est omnino omnibus curæ ac sollicitudinis, atque etiam formidinis alicuius iudicta causa. Non enim cum altero homine creditore res nobis est, cuius manus effugere liceat, sed cū eo, à quo nusquam discedatur, & qui mittere nos possit in carcerem, donec reddamus nouissimū quadrātem. Neque vero simplex malum, vel vnus tantū est error, si quis se Deo neget, cuius est totus, sed tot errores, quot causæ, quæ cum Deo totum vendicāt. Quare si Dominus summo iure nobiscum agere velit, & rationes dati. & accepti seuerius subducere, nemo plane inueniatur, qui sit soluendo. Nam vt multum demus, immo vt omnia illi demus, non amplius dare possumus, quā semel omnia, cum tamen hæc ipsa omnia non semel ei debita sint. Itaque cum nos ipsos totos, & omnia dederimus, vix vni fortasse nomini dissoluendo satis erit: reliqua vero nomina, & reliquæ causæ debendi integræ permanebunt. Quamobrē scite Bernardus de hoc ipso debito, Nunquid, ait, vt vulgo dicitur, de vna filia duos generos facere statuisti?

statuisti? quamquā hic multo etiam plures, quam duos. Et tamē hoc Dei bonitas patitur, nec solum patitur, sed etiam gaudet, satisq; sibi, & potius abūde factum existimat, si nos ei semel totos offeramus. Hoc ergo efficitur per religiosum statū, qui religiosos omnes quicquid sunt, & quicquid possunt, sine vlla exceptione, nullave ipsorum sibi reseruatā parte, Diuinæ Maiestati largitur, & dicat. Donat enim primo corpus ipsum, quod cōtinētia, & castitate subactum ita pręparat, vt ad omnia Dei imperia pręsto sit, fiatq; in nobis quod Dominus pręcipit, Sint lūbi vestri pręcincti (quā pręcinctionem Gregorius ad castitatē refert) & vos *Luc. 12.* similes hominibus expectantibus Dominum suum. Donat *Hom. 13.* deinde etiam animam, quod est omnino multo pręstantius *in Euan-* donum. Donat vitā, quæ ad Dei seruitium tota exponitur, *gel.* donat opera omnia vitæ, studia, vigilias, labores, exercitationes: denique, quod est omnium maximū, ipsam etiā totius hominis dominā voluntatē, qua tradita, totus homo traditur, ea vero perfectissime traditur per Obediētię virtutem, cuius etiā voti vinculo ita astringitur, vt nihil velle possit, quod à Dei voluntate abhorreat. Quamobrē sic statuendū est, cū summa hominis vtilitas, & salus in hoc consistat, vt quantuscumq; est, totus sit Dei, id maxime, & certissime in religione perfici, qua quisque arbitrium suum, ac voluntatē suā exuens, eam Dei manibus resignat idq; altero homine interprete, ac medio, vt ea etiam resignatio certior, ac manifestior sit. Atque hæc sane cōmunis est omniū etiā Theologorū opinio, qui ita religionis vim, ac naturā explicant, vt per vota solēnia insit in ea quædā vera, & perfecta sui traditio, quod inter alios grauissime B. Thomas affirmat, & confirmat hoc exēplo: Vt si quis, inquit, agrum *4. Sent. dist. 37.* promississet, deinde illū ipsum exhiberet, aut seruitutē alicui pollicitus, confestim sese ei in seruū daret: sic facit qui se in pręsenti dat Deo, diuinis se seruitiis mæcipando. Hæc ille, quibus omnino cōgruit Augustini sentētia, qui in verba illa psalmsi Sicut iurauit Domino, votum vouit Deo Iacob, Quid vouemus, inquit, nisi vt simus templū Dei: nihil enim gratius possumus Deo offerre, quā vt dicamus ei cū *9. 2. q. 3. In psal. 131.* Esaia, Posside nos. Egregie autē, & expresse Chrysostomus in illa disertā epistola ad Theodorū monachū, Nūc, inquit, nihil in te penitus tui iuris est, quippe qui tāto Imperatori militare cœpisti. Nā si mulier proprij corporis potestatem nō habet, sed vir, multo magis ij, qui Christo tutius, quam sibi

Esa. 26.
iuxta
Sept.

sibi viuunt, conditionem sui corporis habere non possunt.

Lib. 2. Cassianus etiam de priscorum monachorum institutis, hoc
c. 3. præcipuū fuisse narrat, quod ij suos docerent, & in quo eos

In Epi.

ad Ca-

nonicā.

De pra-

cep. &

disp.

Qui ha-

bitat.

Ser. 8.

quam studiosissime exercerent, vt non solum vniuersis facultatibus redderentur externi, sed ne sui quidē ipsorū se dominos esse, vel potestatem habere cognoscerent. Cui conuenit illud Basilij præceptū, oportere vnumquemque religiosum ita existimare, se nequaquā sui iuris esse, sed perinde ac si in seruitutem à Deo fratribus addictus sit, ita & sentite, & facere omnia. Optime vero S. Bernardus qui & ex sua sententia, & ex ipsa S. Benedicti regula, hoc affirmat, religiosum nec sui iam corporis habere potestatem: idēque alio loco illū psalmi locum tractans, Verū tamen oculis tuis considerabis, hoc ait ad futurū tempus referendum esse, nempe cum ad Dei visionem peruenerimus, in qua Deus reddet nobis nos ipsos, & insuper dabit seipsū. Nunc enim religioso cuique ita agnoscendum, & ita cogitandum esse, oculos suos non suos esse, sed Dei, cum videlicet per vota in religione nuncupata, omnia sua membra, propriis renunciāns voluntatibus, diuino cultui manciparit. Itaque graue sacrilegium esse, si quis Deo dicata membra pro suis voluntatibus vsurpet, eaque in vsus vanitatis, curiositatis, aut huiusmodi secularis operis assumat. Hoc igitur certum sit, ex religione, ac potissimum ex religiosi votis omnes consequi, vt nos maiestas illa plene, ac perfecte possideat, quoniam sic illi nos totos permittimus, vt tamquam re, quam quispiam manu teneat, sine relictione, ac resistentia, vt possit ad quæ velit, quantum velit, quandocumq; velit: possit mittere, reuocare, retinere, erigere, deprimere, denique in omnem partem, atque omnem formam, & in omnem locum tamquam suos conuerrere. Itaque vt à notioribus, & humanis exemplis hæc etiā spiritualia, & occuliora intelligamus, quemadmodum inter homines rerum dominium, ac proprietas ab vno sæpe in alterum legitime transfertur, sic existimandum est fieri inter nos, ac Deum, vt nostræ voluntatis cōsensu nostri ipsorum dominiū à nobis ipsis abdicetur, & in Deum trāsfundatur. Ac in humanis negotiis sunt certæ quædam contrahendi formulæ solemnes, ac iure definitæ, quarū ea est auctoritas, vt cum semel vim suam habere cœperint, nō possint amplius reuocari, aut rescindi, vt est donationis, vel venditionis, vel etiā commutationis. In hoc autem contractu,

tu, qui cum Deo initur, si recte cogitemus, horum omnium rationes inesse cognoscemus. Et quidē Paulus Apostolus *2. Tim. 2.* depositum appellat: sic enim gloriatur; Scio cui credidi, & certus sum, quia potens est depositum meum seruare in illum diem iustus iudex. Nam ut in deposito aliquid alicui committitur, ut id seruet, ac custodiat ad tempus, ac deinde illud idē restituat: simillime nos quoque voluntatis, ac libertatis nostrae usu priuamur ipsi quidem, sed ad certum tempus, idque breuissimum, nepe donec in Domini nostri gaudium intremus, tunc enim hanc ipsam voluntatis nostrae libertatem non solum integre, sed etiam admodum cumulate recipimus, reddetque nobis Deus nos ipsos, ut ait S. Bernardus. Sed tamen quia in deposito totum adhuc ius, & potestas retinetur, nos autem ita nos Deo tradimus, ut nihil in nobis nostri referuamus, an ideo potius fortasse donatio dicenda est, quia nos totos ultro, ac sponte ob Dei amorem resignamus? an vero venditio, quoniam non omnino gratis nos damus, sed magnū vicissim pretium, ac mercedem recipimus, id est, aeternā beatitudinem? an denique erit etiam commutatio quaedā, quia hoc ipso tempore quantum nos Deo, tantum se nobis Deus impertit, dispari valde vice, Deum pro homine immortalem pro caduco, immensum, & beatissimum pro pusillo, & miserrimo? Me vero illud etiam magis delectat, ut in hac nostra traditione vim potius verae, ac necessariae restitutionis inesse sentiamus. Reddimus enim Deo quod suum est: ac cum iustitiae sit, atque aequitatis, ut homo hominis rem ei restituat, & qui non faciat, furti reus sit, multo magis aequum, magisque necessarium erit, ut quod est Dei, ne puncto quidē temporis apud nos retineamus; quod iam non furti solum, sed etiam sacrilegij crimen esset. Ex quo est illud Hilarij in Matthaeum, Caesari Dominus ait reddendum esse quod Caesaris est, Deo autem, quae eius sunt propria, corpus, animā, voluntatem. Ab eo enim haec profecta, & aucta retinemus, & *Can. 23. in Matt.* proinde condignum est, ut se totos reddant, cui debere se recolunt & originem, & profectum. Idem dicit etiā Augustinus, sed illud addit, quod valde ad rem nostram pertinet, *In psal. 115.* hanc nostri redditionē perfectissime fieri votis religiosis. Sic enim ait. Reuera quisquis bene cogitat quid voueat Domino, & quae vota reddat, se ipsum voueat, se ipsum reddat. Hoc exigitur, hoc debetur. Inspecto nūmo Dominus dicit, Reddite Caesari quae Caesaris sunt, & Deo quae Dei sunt.

sunt. Imago sua reddatur Cæsari, imago sua reddatur Deo. Hoc igitur cū iam fecerint, & ita perfecte fecerint religiosi, nū dubitare possumus, quin eis conueniat promissum illud diuinū, quod est in Esaia, Et nunc hæc dicit Dominus, *Esa. 43.* creans te Iacob, & formās te Israel. Noli timere, quia redēmi te, & vocaui te nomine tuo Meus es tu. Iucundum vero nomē, Meus es tu, magisq; gloriosum, ac magnificū, quam omnes familiarum, aut honorū tituli, quos mundus hic iactare possit. Itaque idem Esaia hanc eandem gloriam horum, qui se Dei esse gloriantur, alibi commemorat. Iste, *Esa. 44.* inquit, dicet, Domini ego sum, & ille vocabit in nomine Iacob, & hic scribet manu sua Domino, & in nomine Israel assimilabitur. Nempe ij manu sua scribunt, qui hoc Christi sacramentū suscipiunt, ijdēq; verissime vel Iacob, vel Israelis nomen accipiunt, qui & malignum hostem sapientia supplantarunt, & humilitate Deum ipsum ad sese inflexerunt. Hoc igitur positum sit quasi fundamentū in Religionis vtilitatibus amplissimis, quod nos Deo perfecte possidendos tradat. Ex quo duo maxima commoda cōsequuntur. Primū, quod vna eademque opera, & quasi vna pecunia tot illis debitis, quæ sunt supra à nobis commemorata, satisfacimus. Deinde quod hoc ipsum, esse Dei, & inter eius res censeri, innumeras nobis affert vtilitates nostrasq; animas omnibus bonis complet. quod diserte docet Augustinus. Possideat te, inquit, vt possideas illū. Eris prædiū ipsius, eris domus ipsius. Possidet vt profit, possidetur vt proficit. Numquid vt aliquid ei tu prosis? Nam dixi Domino, *1. Poli. ca. 3.* Deus meus es tu, quoniā bonorum meorū non eges. Nec mirum hoc, cū Aristoteles dicat, & vere dicat in ijs omnibus, quæ ita à natura ordinata sunt, vt aliud inferius sit, aliud superius, nihil vtilius esse posse inferiori, quā vt suo superiori quam maxime subiectum sit. Nam & corpus, nisi ab anima regatur, multū damni facere, multoq; magis si ab anima deseratur: & in ipsa quoq; anima, appetitū, nisi à ratione gubernetur, inordinatum esse, & turpē: quin ipsis quoque animalibus expedire, vt in hominis potestate sint, quoniam ab eo salutem recipiunt, id est, alimenta, atq; etiā disciplinā quandā. Si ergo hoc inter res creatas euenit, vt quæ alteri rei natura subiecta sit, cū ei subijcitur, perficiatur, cum seiungitur, damnum faciat; quāto magis eueniet creaturæ cum Deo, vt ei quā optime sit, si se quam maxime Deo subdiderit: contra vero, si quemadmodū prodigus ille filius,

filius, suam substantiam sibi habere, rationesq; suas à Deo *Luc. 15.* omnium patre, & domino separare voluerit, in illa eadem damnata egestatis, famis, ignobilitatis, & omnium denique miseriæ incidat?

*De laqueis, & occasionibus peccandi, quæ
sunt in seculo.*

CAPUT V.

Redeamus nunc ad fundamentum illud, quod supra positum est ex communi, ac generali obligatione, qua omnes homines Deo obnoxij tenentur, ut in eius semper obsequijs viuât, seque totos ad eum referât. Et cum iam perspectum sit, huic obligationi quam cumulate per religiosam vitam satisfiat, videamus iam quam non satisfiat per vitam mundanam. Sic enim melius etiam religionis utilitas elucescet, si miserrima, ac periculosissima seculi conditio cognoscatur. Ut enim si quis ex carcere, vel ergastulo ereptus sit, eo verius beneficij magnitudinem æstimat, quo magis ærumnas illas expertus sit, sic religio, quamquam multa habet, propter quæ per se expetenda sit, tamen multo optabilior fiet, cognitis mundi calamitatibus, & miserijs, quibus ea nos liberat. Neque tamen has videre difficile est. Nec enim eiusmodi res est, quæ obscura, aut recondita sit, sed potius in prospectu, & quæ omnium oculis pateat, qui modo oculos habeant. Sed tamē quia sic fere euenit hominibus, ut quo maiora sunt spiritualia mala, quibus tenentur, eo minus illa sentiât, quod ea sit horum malorum natura, ut mentē obscurent erroribus, proponendum est aliquid, quod quasi sensum ipsum moueat, ut nos magis ad cognitionē, intelligentiamq; conuertat. Fingamus igitur animo locum aliquem maxime lubricum, ac præcipientem, in quo ægre se quispiā, quamquā bene firmis viribus, tenere possit. Addamus deinde hoc quoque, esse in eo loco aliquem morbis grauissimis, & plurimis confectum, & placentuatum. Denique ad hæc omnia accedat, qui urgeat, & impellat ad cadendum, isq; non vnus, sed multi, & valentissimi. Qui ergo talis sit, talique in loco moretur, quo modo non eius deplorata sit salus? Igitur locus ille lubricus est hic mundus, omnes autem homines ægri, & infirmissimi, dæmones denique semper infensi, & infesti. Lubricus sine dubio, ac præceps est mundus, in quo omnium difficillimum sit

sit sustinere se à lapsu, & quidem eo lapsu, qui semel incitatus, eo deinde magis, ac magis in procliue, & in omnia vitorum abrupta deuoluatur. Hæc autem procliuitas nihil est aliud, quam innumerabiles illecebræ, & incitamenta peccandi, quæ si compendio colligere velimus, ad tria capita redigi possunt. Primum ad peruersas, & præposterarum eius leges, deinde ad exempla omnis prauitatis, quibus scætet: denique ad infinitas occasiones, & veluti laqueos ad animas capiendas. Habet mundus suas leges, & sua præscripra, quæ sectatoribus suis seruanda proponit. de quorum iniquitate, ac peruersitate hoc vnum satis sit, quod tota, vt aiunt, diametro repugnant sanctis, ac salutaribus Christi Domini legibus. Nam Christi quidem deceteta nota sunt, Beatam esse paupertatem, beatum luctum; si quis vnâ maxillam percusserit, præbendam alteram; abnegandam voluntatem; amplectendam crucem, & alia eiusmodi multa. Contra verò, quæ sunt mundi decreta, & axiomata quædam? Nota sunt hæc quoque; Nihil miserius, & contemptius paupertate, nihil beatius diuitiis, curandum esse corpus, voluptates omnes exquirendas; pulcherrimum esse eminere inter alios, imperare, celebrari, versari in hominum ore; si quis conuiuium dixerit, verberare appetendum, si quid grauius fecerit, vulnere. Ex his legibus omnes viuunt, his quasi regulis mortalium actiones, studia negotia diriguntur, & formantur. Hæc & in domibus, & in foro, & in publicis, & in priuatis conciliis, denique in omni sermone, & in omni re decantantur. Hæc prima sunt rudimenta, quæ teneris puerorum animis mature instillantur, cum primum vel parentum, vel magistrorum cura instrui cœperint, vt prima illa ætas cerea, & flexibilis, omni subito prauitate, & opinionum erroribus imbuatur. Vt vero ex domestica disciplina in populi etiam conspectum prodimus, tum multo magis vniuersæ multitudinis ad vitia consensu omni corruptela inficimur. Nam cum ab omnibus præsentia ista laudati, opesque, honores, & reliquas vanitates tam ardentem exquiri videmus, quis erit animus ille tam sapiens, & tam fortis, qui non se ab aliorum omnium iudiciis, sermonibus, consiliis auferri sinat? Vt enim si quis in loco angusto aduersus confertam, & conglobatam turbam sese inferre obnitatur, ipse potius à turbâ recto abripiatur, quam eam perumpere valeat, sic cum non corpora, sed animi, ac sententiæ, motusque multorum certam in partem feruntur, multo facilius est,

est, ut te quoque secum in eam partem abducant, quam tu illorum impetum sustinere, ac superare possis. Primum enim occupatur, ut dixi, iudicium illo præiudicio plurimum ita opinantium, & ita loquentium, addo etiam ita facientium, ut ne errare quidem se intelligat, qui viæ tam communi, tamque hominum pedibus trita, se insistere videat. deinde, etiam si ita sapiens, aut felix sit; ut hoc intelligat, altera tamen maior pugna restat in his, exequendis, quæ meliora esse cognoscit. Aderunt enim statim careræ contradicentium, & qui partim suadendo, partim irridendo, partim detrahendo deterreant. Imbecilla est autem natura humana ad contemnendum quid se alij sentiant, aut dicant; eaque res multis exitio fuit, qui cum virtutis curriculum ardentem essent ingressi, populi deinde sermonibus, ac modo inimicorum, modo etiam amicorum linguis, misere, ac secede reuocati sunt. Hæ sunt igitur mundi leges, quas ille quidem omni ope, omnibusque viribus tueretur.

Alterum periculi genus in seculo est ex malis exemplis. Cum enim aliorum intemperantia, vel lasciuia, cum turpitudines, cum vanitates, aut ambitiones, cum cetera peccata ante oculos proponuntur, etiam si non ignoremus esse peccata, tamen nescio quam vim habent ad nos quoque seducendos: siue quod eo minus iam malum videri incipit, quo plurimum vsu iam vulgarius, & quasi sit familiarius; siue quod hæc sit hominum natura, ut sui similes homines libenter, & facile sequatur. Quæcumque causa sit, certe hoc constat, nullum fere esse acriorem stimulum ad peccandum, quam prauum exemplum: quod à Sapiente monstratum est illa similitudine aptissima; Qui tetigerit picem, inquinabitur ab ea: & qui communicauerit superbo, induet superbiam. Itaque recte Hieronymus, Procliuis est, inquit, malorum imitatio, & quorum virtutes assequi nequeas, cito imitaris vitia. Et Cyprianus, Et oculi, ait, nostri, & aures custodiendæ sunt. Cito in hoc assuescimus, quod audimus, scelere. Nam cum mens hominis ad vitia ipsa ducitur, quid faciet, si habuerit exempla naturæ corporis lubricæ? Quæ sponte corruit, quid faciat, si fuerit impulsæ? Ac quod in naturalibus effectibus videm⁹, ut ignis igne, & omne simile simili gignatur, idem quoque euenit in moribus. Nihil enim facilius, quam ut superbia superbiam, iracundia iracundiam, omne denique vitium sui generis vitium in aliorum animis pariat, non modo nescientibus, & non aduertentibus, sed sæpe etiam in-

Ecclesiæ 13.

Epistolæ 7.

*De speciebus
et acul.*

uiris. Sensum enim adhærescunt, & dum oculis, vel auribus hausta in animum influunt, eum paulatim immutant, & in deterius transformant. Ex quo facile intelligi potest, quam sit perniciosum in mundo versari, ubi tot pestifera exempla abundant, quæ animum perpetuo oppugnant, & ad peccandum incitant. Hoc enim illud est, propter quod Augustinus adolescentiam suam in plateis illis Babylonix, ut ipse ait, actam desiebat, quoniam cum cœtaneos suos audiebat iactantes flagitia sua, & tanto magis gloriantes, quanto magis turpes essent, ipse etiam stimulabatur non modo ad eadem facienda, sed etiam ad fingenda quæ non fecerat, ne videretur abiectior, quo erat innocentior, & ne vilior haberetur, quo erat castior. Nimis enim contagiosam rem esse malos sodales, cum dicitur, eamus, faciamus: & pudet non esse impudentem.

2. Conf.
cap. 3.

Cap. 9.

Serm. 5.
Quadr.

Serm. 11.
Quadr.

Tertius est mundi scopulus, ex occasione peccandi, quæ semper miseros homines circumstunt, neque eas effugere licet, quia coniunctæ sunt cum rebus ipsis, quas tractât, & quibus intersunt assidue. Quam in sententiam S. Leo commode, Plena, inquit, omnia periculis, plena laqueis. Incitant cupiditates incidantur illecebræ, blandiuntur luera, damna deterrent, amaræ sunt obloquentium linguæ, nec semper veracia sunt ora laudantium. Itemque alio loco, Insidiæ sunt in diuitiarum amplitudine, insidiæ in paupertatis angustiis. illæ eleuant ad superbiam, hæ incitant ad quærelam. Tentat sanitas, tentat infirmitas, dum & illa materia est negligentix, & hæ causa tristitiæ. Laqueus est in securitate, laqueus est in timore, nec interest utrum animus, qui terreno tenetur affectu; gaudiis occupetur, an eurus, cum par morbus sit vel sub vana delectatione gaudere, vel sub anxia solitudine laborare.

Genes. 8.

Rom. 7.

Hæ igitur de ipso loci periculo. videamus nunc imbecillitatem, & infirmitatem hominis in tali, tantoque periculo, ac discrimine commorantis; quam etsi ex suo quisque sensu, & usu satis percipere potest, tamen de ea nos admonet scriptura quoque & sæpe, & grauitur, ut illo loco, Sensus, & cogitatio humani cordis in malum prona sunt ab adolescentia sua. Et Paulus Apostolus, Video aliam legem in membris meis repugnantem legi mentis meæ, & captiuam me in lege peccati. Hæ autem membrorum lex, nulla alia est, quam concupiscentiæ vis, quæ quasi abrupto freno, non modo non rationi obtemperat, ut debet, sed eam sæpe captiuam

pniam facit, suæque libidini subiicit. Atque hæc corruptio, ac peruersitas eo grauior, & periculosior est, quo non recens hoc malum in nobis, aut ex leuibus causis generatum, sed iam inde ab initio ex primi parentis nostri inobedientia contractum, itaque in natura nostra insitum, vt hoc vitium vna cum ipsa natura accipere, & cum eadem natura semper nobiscum gestare cogamur, idque nostris deinde culpis, ac flagitiis continenter augeatur. Sanctus quidem Thomas quatuor commemorat plagas grauissimas primæuo illo peccato, quod in Adam omnes peccauimus, acceptas, quæ deinde singulis nostris peccatis grauius rectudescant. Primum ignorantia, quæ prudentia lumine extincto rationem pene excæcat: deinde malitia, quæ voluntatem iustitiae dono spoliata semper ad malum impellit, postremo infirmitatis, & concupiscentia, quarum vtrique appetitum inuadens, altera eum fortitudinis bono exuit, vt quæuis paulo duriora refugiat, altera autem temperantia, vt, pudore abiecto, in omni voluptatum genere quasi pecus demergatur. Iure igitur Augustinus animas nostras, etiam postquam baptismo abluta fuerint, illius typo expressas putat, qui in latrones incidens, exceptus est plagis multis, & seminiuus relictus: qui licet in stabulum illatus sit, quod, vt ille ait, est Ecclesia, licet ei oleum, & vinum presentis virtutis remedia adhibita, ramen adhuc languet, semperque languebit, donec, quod Paulus cupiebat, liberetur de corpore mortis huius. Quid igitur erit, si hic imbellis, hic seminiuus, in tam iniquo loco, insuper inuadatur ab hoste, & hoste illo, cui non est in terris potestas, quæ comparetur, qui circuit tanquam leo rugiens, non solum feritate, ac feruitia, sed etiam viribus, ac robore? Quis illius nequissimi tela, quis imperum, ac rabiem sustinere valeat? In quo etiam illa accedunt, quæ paucis complexus est Cassianus, quod non vnus est hostis, sed innumerabiles cateruæ aduersus singulos, & ij omnes inimites, & efferati nostri inq; exitium ardentissime sitientes, & præterea inuisibiles, vt ne caueri quidem, aut præuideri possiat: ex quibus omnibus fiat, vt spiritualis huius certaminis casus tanto ut perniciosior cunctis, quanto & infestior inimicus, & congressus occultior, præsertim cum tam varias artes nocendi teneat, & nunc quidem (vt ait Bernardus) aperte, & violenter, nunc occulte, & fraudulenter, semper autem malitiosè, & crudeliter impugnet, & persequatur nos, & ad hæc, inquit,

D 2 toleranda,

1.2.9.85.
art.2.

De ver.
Apostol.
serm.3.

Rom.7.

Ioh.41.
1.Petr.5.

Collat.2.
cap.11.

Serm.de
septē fra
gmentis.

toleranda, ne dicam superanda, quis idoneus?

1. Iean. 5. Hic igitur est status mundi huius miserrimus, quem paucis verbis Ioannes Apostolus diuinè expressit, cum dixit, Mundus totus positus est in maligno: quasi hoc diceret, ita vitiis, & corruptelis esse plenum, ita perditum, & ita deprauatum, vt nulla in eo pars sana, & integra permanferit. Quem si non modo mente lustrare, sed etiam ipsis oculis intueri, atque inspicere velimus, ne nos externa species decipiat, ascendendum nobis quoque est in illam speculam Cypriani, vt inde mundum omnem perspicientes, varia mortalium studia, curas, cogitationes, negotia, sermones, cursitationes, labores, nundinationes, & facta omnia eminus contemplemur. Profecto enim obiiçiet sese tanta vanitas omnium inanitatum, tanta etiam fœd tas peccatorum, & flagitiorum, tanta obscœnitas, & turpitudò, vt stupidus planè sit, & sine vllò sensu, qui non cohorreat, suisque omnino, ac suæ salutis oblitus, qui non ex tam terra, tamque miserabili, ac funesta tamquam omnium monstrorum cauea in tutiorem, ac securiorem locum sese recipere decernat. Quod quasi malorum diluuium (sic enim appellandum est) super vniuersam terræ superficiem etundantium: etsi idem Cyprianus vberissime, & elegantissime describit, libet tamen eam descriptionem potius ex sacra scriptura petere, cuius tanto est maior auctoritas, ac pondus. Hoc enim est, quod *Psalm. 12.* magna admodum verborum maiestate Dauid Propheta in Psalmis indicauit, cum ait, Dominus de cœlo prospexit, vt videat si est intelligens, aut requirens Deum.

Addit autem quid diuinus ille oculus in hominum genere deprehenderit. Omnes declinauerunt, simul inutiles facti sunt, non est qui faciat bonum, non est vsque ad vnum, Quis hoc crederet, in tanto numero, in tam pleno orbe ne vnum quidem inueniri, qui faciat bonum, nisi ex ipsius Dei ore per hos Prophetæ accepisset? Ostendit autem, etiamsi qui sint boni, tam esse paucos, vt dicere maluerit, Non est vsque ad vnum. Pergit deinde eorum commemorare, & detestari scelera: Sepulchrum patens est guttur eorum; linguis suis dolose agebant; venenū aspidum sub labiis eorū; quorum os maledictione, & amaritudine plenum est. Atque hæc quidem peccata linguæ, illa operum. Veloces pedes eorū ad effundendum sanguinem: contritio, & infelicitas in viis eorum, & viam pacis non cognouerunt. Denique concludit eo, in quo est summa omnium malorum; Non est timor Dei

ante oculos eorū. Ac Oseas quoque in eādem sententiam, *Osea. 4.*
 Non est veritas, & non est misericordia, & non est scientia
 Dei in terra. Maledictum, & mēdadium, & furtum, & adul-
 terium inundauerunt, & sanguis sanguinem tetigit. Simi-
 lia etiam sunt apud Hieremiam, qui Dōminum ita loquē- *Hier. 5.*
 tem inducit, Circuite vias Hierusalem, & aspici-
 te, & considerate, & quæritē in plateis eius, an inueniatis virum fa-
 cientem iudiciū, & quærentem fidem, & propitius ero ei.
 Ac ne quis hanc culpam ad vnum hominum genus perti-
 nere crederet, adiungit etiam illa, Ego autem dixi forsitan
 pauperes sunt stulti, & ignorantes viam Domini, iudiciū
 Dei sui. Ibo igitur ad optimates, & loquar eis: ipsi enim co-
 gnouerunt viam Domini; & ecce magis hi confregerunt
 iugum, superunt vincula. Saturavi eos, & mœchari sunt,
 equi amatores, & emissarij facti sunt: vnusquisque ad vxo-
 rem proximi sui hinniebat. Hæc prophetæ isti, vel Deus
 potius per hos prophetas. Ex quibus hoc quoque cogno-
 scere liceat, quam inueteratus sit hic mūdi morbus, quā-
 que insuper tam longo antiorum decursu confirmatum, &
 auctum esse necesse sit, quin pōtius quod animantium cor-
 poribus, idem senescenti iam mūdō, vel potius vt in no- *Ioan. 21.*
 uissima hora, iam decrepito, euenisse, vt illo p̄tatis succo,
 diuiniq; amoris vitali vigore pene consumpto, atque ex-
 tincto, nihil iam ferme in eo virium, nihil robotis reman-
 ferit, & quotidie videlicet deterius habiturus, & in peius
 lapsus sit. Oportet enim extare, quod veritas ipsa prædi-
 xit, Refrigescet caritas multorum, & abundabit iniquitas. *Matth.*
 Itemque illud, Cum venerit filius hominis, putas inueniet *24.*
 fidem in terra? Quibus quidem positis, quid aliud cōsequi *Luc. 18.*
 necesse est, nisi id, quod omnibus lacrymis deplorandum
 est, vt magna hominum pars ad cæligloriam, æternamq;
 beatitudinem conditi, cum obliti tantam spem, obliti
 diuina promissa, & præsentium rerum specie excæcati,
 duxerint in bonis dies suos (vt ait B. Iob) tum in puncto *Iob. 21.*
 descendant ad inferna? quod Esaias quoque grauissime *Esa. 5.*
 denunciat: Propterea, inquit, dilatauit infernus animam
 suam, & aperuit os suum absque vllō termino, & descen-
 dēt fortes eius, & sublimes, gloriosiq; eius ad eum. Nec so-
 lum propheticeis hīce denunciationibus, sed idem etiā cer-
 tissimis visionibus sæpe à Domino ostensum est, tum aliis
 alias, tum illa insigni, quā in Frāciscanis historiis legimus,
 non lōgē post eius ordinis initia; quo tēpore, cum Bextol-

d^o vir eiusdē familiæ insignis, in Germania inter prædicandum Dei verbum acrius in vitium quoddam inuectus esset, mulier, quæ eo vitio tenebatur, pœnitentiæ, ac contritionis vi in media concione mortua concidit. Verum, cum omnibus in preces procumbentibus paulo post reuixisset, narrauit mortis causam, iullamque se ad corpus redire, vt peccatum illud confessione expiaret. Adiecit etiam tum alia multa, quæ viderat, tum illud in primis horribile, & dictu etiam mirabile, cum ipsa ad Dei tribunal apparuisset, adducta simul esse sexaginta animarum milia, quæ in omnibus mundi partibus fidelium, & infidelium varijs casibus excefferant ex hac vita, atque ex his tres tantum addictas purgatorio, reliquas omnes ad ignem æternum dānatas, vnum autem ex Franciscanis fratribus, eodē ipsum quoque temporis articulo defunctum, per purgatorii quidem locum transisse, sed tamen non modo ibi diutius non commotum, vt verum etiam par animarum, quæ præcipua cum eo amicitia coniunctæ fuerant, secum in cælum abduxisse. Plura quoque eiusmodi visa, aut reuelationes scriptas legimus; sed hoc sufficiat, cuius tot testes fuere, quot fuere in illa concione auditores, quodque vtrumque demonstrat, quod hic tractamus, & mundi periculum, ex quo tam pauci salui euadunt, & contra religiosi status securitatem, qui etiam alijs opituletur.

De tribus mundi malis, quæ Ioannes Apostolus commemorat.

C A P V T V I.

HActenus de seculi miserijs, periculisque generatim dictum est, & quidem breuissime pro harum miserationum multitudine, & magnitudine, quibus recensendis tam grandi volumine opus esset, quam est ipse mundus, qui totus his miserijs plenus est, Si vero expressius, atque explicatius aliquid de his dicendum sit, quid melius: aut grauius dici possit, quam illud Ioannis Apostoli, ita præcipientis, Nolite diligere mundum, neque ea, quæ in mundo sunt. si quis diligit mundum, non est caritas Patris in eo: quoniam omne, quod in mundo est, concupiscentia carnis est, & concupiscentia oculorum, & superbia vitæ. Ex quibus apparet, quam fœdum, ac tetrum sit id corpus, quod tribus his tam fœdis, tamque tetris partibus, ac membris cōstet. Recte autem totum mundi huius regnum in has, quasi prouincias

cias distributum est; quoniam cum homo cœlestium rerum cogitationem abiecit, sequetur tantum in his præsentibus rebus immergitur, tria illi occurrere possunt, ad quorū sese amorem, appetitumque diffundat. Primū res istæ externæ, quod est concupiscentia oculorum, id est, avaritiæ sitis: deinde corpus ipsum proprium, cui curando, omnibusque iucundis oblectando indulgeat, quod pertinet ad carnis concupiscentiam: denique alij etiam homines, quibus imperare, vel saltem inter quos laudari, & celebrari, & quoquo modo excellere pulchrum putatur, quod est superbia vitæ. Quare qui mundo, & seculo serviūt, omnes in horum aliquo, vel in pluribus horum serviunt. Hæc sunt quasi terna retia, quibus ille callidus animarum venator ita eas insectatur, ut, si vnum effugerint, incidant in alterum. Hæc quasi tria telorum genera, quæ hostis noster in genus humanum vibrare non cessat, vel potius tres ingentes machinæ, quibus tota Christianæ vitæ fundamenta quatere, ac labefactare, & conuellere nititur. Quare videndum est diligenter, quam hæc non omnia modo, sed etiam singula iter nostrum in cœlum impendant, ac plane obstruant. Nam de concupiscentia oculorum illud quidem ipsius Christi Domini habemus oraculum, Væ vobis diuitibus, Quo vno verbo, Væ, omnis omnium malorum, & *Luc. 6.* miseriarum, ac calamitatum summa conclusa est. Atque idem alibi apertius, & significantius, Amen dico vobis, quia *Matth. 1.* diues difficile intrabit in regnum cœlorum: & iterum dico *29.* vobis, facilius est, camelum per foramen acus transire, quam diuitem intrare in regnum cœlorū. Quid iam amplius querimus? Nonne hoc vnum satis esse debet, quod Dominus, & veritas ipsa loquuta est, idque tam perspicue, & tam expresse? Nam si alia fidei mysteria, vel Trinitatis, vel Eucharistiæ, & similia, quanquam nec ratione nostra capimus, nec intelligentia allequimur, credimus tamen, & ob id vnum credimus, quia Dominus dixit, qui mentiri non potest, & ita credimus, ut pro ea fide vitam ponere parati simus, cur in hac quoque diuitiarum causa non eadem nos frangit auctoritas, etiam si earum mala nos oculis nostris videre non possemus? Quamquam ne hoc quidem ita difficile est, vel occultum, vel à sensibus nostris remotum, ut sunt illa, quæ dixi, mysteria, ut non à nobis quoque satis intelligi, ac percipi possit. Nam si huius rationes, ac causas inquirere velimus, quatuor ferme reperiemus. Prima illa est, quod in ipsis diuitijs vel acquirendis, vel augendis, multa facile incident.

peccata: quod etiam Paulus confirmat, Qui volunt, inquit,
1. Tim. 6. diuites fieri, incidunt in tentationem, & in laqueum diaboli,
 & in desideria multa vana, & inutilia, quæ mergunt hominem
 in interitum, & perditionem. Itaque recte etiam Gregorius
 in Moralibus, Rarum, inquit, valde est, vt qui aurum
4. Mor. cap. 3. possident, ad requiem tendant, dum per semetipsam veritas
 dicat, Difficile qui pecunias habent, intrabunt in regnum
 cælorum. Nam qui hic multiplicandis diuitijs inhiant, quæ
 alterius vitæ gaudia sperant? Atque idem melius etiam in
3. par. adm. 21. Pastoralibus, Qui repleti cunctis simul opibus inardescunt, au-
 diant quod scriptum est, Qui festinat ditari, non erit innocens.
Pro. 28. Profecto enim, qui augere opes ambit, vitare peccatū negli-
 git, & more auium, cum escam terrenarum rerum auide cō-
 spicit, quo strangulatur peccati laqueo, non agnoscit. Qui
Pro. 28. quælibet præsentis mundi lucra desiderant, & ea, quæ de fu-
 turo damno patientur, ignorant, audiant quod scriptum est,
 Hæreditas, ad quam festinatur in principio, in nouissimo
 benedictione carebit. Ex hac quippe vita initium ducimus,
 vt ad benedictionis sortem in nouissimo veniamus. Qui ita-
 que in principio hæreditare festinât, sortem sibi in nouissima
 benedictione amputant, quia dum per auaritiæ nequitiam
 hic multiplicari appetunt, illic ab æterno patrimonio exhæ-
 redes fiunt. Quique plurima ambiunt, vel obtinere cuncta
 quæ ambierint possunt, audiât, quod scriptum est, Quid pro-
 dest homini, si vniuersum mundum lucretur, animæ vero suæ
Matth. detrimentum faciat? ac si aperte veritas dicat, Quid prodest
 homini, si totum, quod extra se est, congregat, hoc ipsum
 solum, quod ipse est, damnat? Hæc igitur in acquirendo, quid
 deinde in possidendo, & in vtendo? hoc enim est alterum ge-
 nus incommodorum, quod afferunt diuitiæ, quoniam incre-
 dibile est, quantopere omne virtutis studium extinguant, &
 cœlestium rerum cogitationem, amorem, & memoriā quo-
 que ipsam omnino disturbent, & ad alia omnia conuertant.
 Hoc enim efficit cura, ac sollicitudo custodiendi quæ quis-
 que habeat, quia cum eius naturæ sint, vt per se semper de-
 fluant, ac dilabuntur, deinde aliorum quoque rapinis, iniu-
 rijsque pateant, tum ad omnes fortuitos casus exposita sint,
 denique etiam litium, ac iurgiorum perpetuam materiam
 præbeant, magnam omnino cautionem, animique prouisionem
 requirunt: quæ cautio necesse est, vt humanum ani-
 mum distrahat, ac diuidat in multas partes eumque in dies
 obusorem ad diuina reddat, ac denique dum terræ
 inhæret

inhæret, & terram assidue contrectat, ipsum quoque terrenum omnino efficiat. Hanc sane ob causam putat Ambrosius diuinum illum Domini Saluatoris sermonem à pauper- *Li. 5. in*
tatis commendatione inchoatum, quod ea, vt ille ait, pri- *Luc.*
ma sit ordine, & parens quædam, generatioque virtutum,
quia qui contempserit secularia, ipse merebitur sempiterna;
nec potest quisquam meritum regni cœlestis adipisci, qui
mundi cupiditate possessus, emergendi non habet facultatem.
Hieronymus quoque ita sentit, & ita scripsit, non posse *Ep. 13.*
in idem pectus conuenire virtutes, ac diuitias, idque ethnici
hominis exemplo; Crates, inquit, ille Thebanus homo quon-
dam ditissimus, cum ad Philosophandum Athenas pergeret,
magnum auri pondus abiecit, nec putauit, se simul posse &
virtutes, & diuitias possidere. Nos suffarcinati Christum
pauperem sequimur. Breuissime autem Bernardus, sed plu-
rima paucis, Beatus, inquit, qui post illa non abiit, quæ posses- *Ep. 103.*
sa onerant, amata inquit, amissa cruciant. Hæc enim
damna afferunt diuitiæ, vt etiam si non amentur, onerosa
sit tamen earum administratio, & cura: si vero etiam amen-
tur, animam contaminant, eiusque cœlestem, ac spiritualem
splendorem quasi luto asperso commaculent: sin etiam,
quod facillimum est in tanta casuum varietate, amitti con-
tingat vel omnes, vel partem, tum vero dolorem, ac crucia-
tum afferant: atque id quidem non solum cum vere amit-
tuntur, sed etiam multo ante, vel potius semper, quia sem-
per amitti possunt. Tertium diuitiarum malum est ex ijs vitiis,
quæ eas fere comitari solent. est enim, vt in nomine ipso,
ita, & multo magis in re, magna diuitijs, & vitijs affinitas.
Primum autem illud est, quod idem Bernardus alio loco in- *Ser. 2.*
dicat, cum ait, plenitudine, & abundantia temporalium *aduen.*
obliuionem, & inopiam gigni æternorum. Quasi enim satu-
rati sint, & pleni præsentibus, ita non modo non esuriunt, fu-
tura, sed nec cogitare quidem, aut meminisse possunt, ac
potius nulla est eis acerbior recordatio: ex quo illud Sapien-
tis, O mors, quam amara est memoria tua homini pacem
habenti in substantijs suis? Atque huic quidem obliuioni *Ecd. 41.*
facile etiam obrepit, vel verius necessario ferme coniun-
cta est arrogantia, fastidium, & insolentia; de quo Augu-
stinus verissime, Nihil est, inquit, quod sic generent diui-
tiæ, quomodo superbiam. omne pomum, omne granum, om-
ne trumentum, omne lignum habet vermen suum. vermis *De ver.*
diuitiarum superbia est. Quin etiam in hac felicitate, re- *Dom.*
Ser. 5.

- rumque affluentia innascitur etiam quædam confidentia;
& fiducia sui ipsius, suarumque virium. quæ culpa leuior
Mar. 10. fortasse in speciem quibusdam videatur: at à Christo ita
 grauis est iudicata, vt propter hanc ipsam dixerit, impos-
 sibile esse diuitem intrare in regnum cælorum. & in Pro-
Pro. 11. uerbijs scriptum est, Qui confidit in diuitijs suis, corruet.
Psal. 24. & in Psalmis, Qui confidunt in virtute sua, & in multitudine
 diuitiarum tuarum gloriantur. Quo etiam pertinet id,
Ecc. 31. quod in Ecclesiastici libro dicitur de non sperando in pecu-
 niæ thesauris; in quo tantum momenti ponitur, vt quali hu-
 manam superet facultatem, illud adiungatur, Quis est hic, &
 laudabimus eum? Denique hoc, vere dici potest, diuitias
 omnium vitiorum esse instrumentum, tum propter faculta-
Ecc. 10. tem, quam præbet pecunia, cui, vt ait Ecclesiastes omnia obe-
 diunt, tum propter impunitatem, magnam peccandi illece-
 bram, quam fere eadem ipse opes afferunt. Quas ob causas
Mat. 13. merito Christus Dominus terrenas hæc diuitias spinarum
 similes esse dixit, non solum quia virtutum, bonorumque cõ-
 siliorum sementem prælocent, sed etiam quia animum la-
Ho. 15. cerant, vt ait Gregorius, dum cum vsque ad peccatum per-
nEuāg. trahunt, quasi inflicto vulnere cruentant. Sequitur quarta
 diuitiarum pestis, illud ipsum, quod magnæ felicitatis loco
 numerari, & cuius causa diuitiæ expeti solent. nimirum ma-
 gnifici apparatus, pretiosæ vestes, deliciae, & vitæ cultus
 cum elegantia, & copia, & quæcumque ad oblectandum
 corpus attinent. Sed cogitandum, quam hæc sunt damnosæ
Luc. 16. deliciae, idque discendum ab illo diuite, qui sepultus est in in-
 ferno, nõ quia aliena rapuisset (nihil enim tale de eo fertur)
 sed ob id ipsum, quia induebatur purpura, & bysso, & epula-
 batur quotidie splendide, ac prodige. Quamobrem scite à
21. Mor. Gregorio dictum est, reprobis dari quæ in hac vita appetunt,
4. vt ægrotis desperatis nihil negatur, eosque tamquam per
 amara prata ad mortem, & ad foueam duci. Quem autem
Amos 6. non terreat illud propheticum, Væ vobis, qui dormitis in
 lectis eburneis, & lasciuitis in stratis vestris, qui comedi-
 tis vitulum de armento, & bibitis vinum defecatum, & pri-
 mis vngimini vnguentis. Extat etiam Augustini epistola
Ep. 121. ad Probam nobilem fœminam, & copiosam, in qua cum
 alia vtiliter præcipit, tum illud, vt, etiam si deliciae af-
 fluant, non eis apponat cor, ne in ijs putrescendo moriatur.
 Addit deinde, multis hanc ipsam fuisse causam relinquendi
 sæculi; quod qui nõ faciat, ei negotium fore in ratione red-
 denda.

denda. Has, inquit, delicias, in quibus vidua si agit, id est, si in delectatione carnis hæret, atque habitat, viuens mortua est; multi sancti, & sanctæ omni modo cauentes, ipsas veluti matres deliciarum diuitias, dispergendo pauperibus, abiecerunt, & tali modo in cœlestibus thesauros tutius condiderunt. Quod si tu deuincta aliquo pietatis officio non facis, tu scis quo modò de ijs rationem reddas Deo. Hæc igitur de diuitiis, de quarum periculis quid grauius, vel horribilius dici potest, quàm quod à Spiritu sancto per Iacobum Apostolum tam seuera interminatione scriptum est? Agite nunc diuites, prolatis vlulantes in miseriis vestris, quæ aduenient vobis. Diuitiæ vestræ putrefactæ sunt, & vestimenta vestra à tineis comesta sunt. Aurum, & argentum vestrum æruginauit, & ærugo eorum in testimonium vobis erit, & manducabit carnes vestras sicut ignis. Thesaurizastis vobis iram in nouissimis diebus. Epulati estis super terram, & in luxuriis enutristis corda vestra in die occisionis. Hæc omnia non Ambrosius, aut Chrysostomus aliquis, vel alius ex sapientibus, sed ipsa Sapientia, & ipse, vt dixi, Spiritus sanctus in sacra scriptura, cuius apex nullus, non modo sententia, irritus cadere potest. Quare quem non extergeant tantæ comminationes, tanta malorum in diuitiis latentium denunciatio? Equidem si medicus moneat, cibum quempiam, etsi aliquin iucundum, nocere aut veneno imbutum esse, faciliè ita te contineas, vt eum nec attingas, ne de vita perichliteris. Et tamen hic homo est, qui fallere, & falli ipse possit. Nunç cum Deus tam sæpè, tam certò, tam grauius prædixerit, ac testificatus sit, diuitias adeo esse noxias, ac pestilenteras animæ, quæ amentia est, vitam non temporalem, sed æternam, & immortalem illam gloriam tantæ, & tam incertæ aleæ obijcere, id quæ ob rem adeo futilem, ac breuem? Quid enim prodest homini, etiamsi, non dico vnum regnum, sed, vt Saluator dixit, vniuersum mundum lucretur, animæ verò suæ detrimentum patiat?

Iac. 5.

Mat. 16.

Sequitur nunc concupiscentia carnis, ad quàm confundandam, atque damnandam non multis opus est. Satis enim damnatur ab ipsa natura, & ab eo lumine, quod in hominum mentibus naturaliter elucet. Itaque hoc videmus, neminem esse tam perditæ impudentiæ, aut ita humanitatem exuisse, qui eiusmodi appetitus, non modò actus, non dissimulet, ac celet, & si quo indicio eruperint, non erubescat. Ex quo intelligi potest, quàm hoc totum voluptatis genus indignum

gnum sit hominis præstantia. Neque aliud est quicquam, quod nos ita bestiis similes, vel potius bestias efficiat, quoniã rationem, per quam habemus ut homines simus, à sua sede, & statu exturbat, impedit consilium, ac denique mentis oculos præstringit, hebetat, obrundit, omnesque eius cogitationes quasi in luto, ac cœno demergit. Itaque nullum est bonum, quod ista perniciēs non ex animo ex erminet, nullum malum, quod non inuehat. Hoc enim illud est, quod Gregorius morali, ut solet, sensu id interpretatur, quod in Regum libris à Samuële Regi Agag exprobratur, quod eius gladius matres absque liberis fecisset: per quem Regem ita pinguem, & obæsum, ut describitur, luxuriam intelligit, cuius delectatio si euaginari quasi gladius finitur, omnes bonæ cogitationes, omnes virtutes, & bona opera necantur. Quin etiam, quod eodem libro narratur, Isiaëlem de manu vastatorum erutum, ille hos vastatores libidinis impetus esse putat, de quo vitio in libro Iob dicatur, Ignis est usque ad perditionem omnia eradicans genimina. Vastator quippe, inquit, fornicationis spiritus dicitur, quia quam inuaserit, ei nimirum nulla virtutum dona derelinquit. Vastari etiam horti tenera dicuntur. Qui enim sunt horti superui sponi, nisi corda sanctorum per custodiam munita, & per castitatis odorem florida? nam dum nullos motus turpes recipiunt, albo pudoris flore decorantur. Immundi ergo spiritus vastatores sunt, quia si pudica corda decipiunt, decepta teneros flores tantæ virtutis perdunt. Neque verò hanc tantum cladem ista turpido infert, profligandis ex animo omnibus ornamentis, sed etiã, ut ante dixi, omnibus vitiis tamquam hostibus in ciuitatem captam introducendis, iisque præsertim, quæ cum ea semper coniuncta sunt, nec ab ea separari possunt, quæ ideo Gregorius modò eius exercitum, modò filias appellat; sic enim scribit. De luxuria cæcitas mentis, inconsideratio, inconstantia, præcipitatio, amor sui, odium Dei, affectus præsentis seculi, horror autem, vel desperatio futuri generatur. Scite etiam Bernardus inter reliquos currus Pharaonis, qui Dei famulos fugientes insequantur, luxuriæ quoque describit currum, qui quatuor vitiis tamquam rotis voluatur, ventris ingluvie, vestium mollitia, ocij, somnique abundantia, ac denique ardore fœdæ libidinis. Equi bini, vitæ prosperitas, & rerum affluentia: quibus equis duo infideant, torpor ignauia, & cæca securitas: atque his quidem calcaria nulla, ne quid sit in voluptatis regno, quod contristet, aut pungat, sed potius conopæum

*In libr.
Reg. li. 6.
ca. 2.*

*Libr. 5.
cap. 4.
Iob 31.*

*31. Mo.
cap. 17.*

*Ser. 39.
Cant.*

conopæum in manibus ad umbram inducendam, dissimulatio, & neglectus rerum prouidendarum. Proprium namque est, ait, mollis, & delicatæ animæ etiam necessarias dissimulare curas, & ne æstuantes sollicitudines sentiat, sub latibulo dissimulationis abscondi.

Restat de tribus illis malis superbia vitæ, cuius quanta sit vis ad animæ salutem non modo impediendam, sed etiam eruendam, vnum illud satis demonstrat, quod est in Ioanne à Domino dictum in Iudæos: Quomodo potestis credere, *Ioan. 5.* qui gloriam ab inuicem accipitis? Tantam obscuritatem, ac tenebras inportat in illam animam, quam semel occuparit. A Basilio autem ista cupiditas rectè cos prauitatis appellatur, quoniam non solum per se ipsa malum est, sed etiam in cetera omnia mala impellit. Vberius etiam Bernardus, Ambirio, inquit, subtile malum, secretum virus, pestis occulta, doli opifex, mater hypocrisis, liuoris parens, vitiorum origo, criminum fomes, virtutum ærugo, tinea sanctitatis, excruciatrix cordium, ex remediis morbos creans, generans ex medicina languorem. Multa de hoc vitio, vel potius vitiorum omnium officina, legere est apud Gregorium, ex quibus intelligi possit, qui ei se dederit, nullum cum virtute commercium habere posse: in quibus illud præclarum, quod est in Moralibus. Alia, inquit, vitia eas solummodo virtutes imperunt, quibus ipsa destruuntur, vt videlicet ira patientiam, gastrimargia abstinenciam, libido continentiam expugnet. Superbia autem, quàm vitiorum radicem diximus, nequaquam vnus virtutis extinctione contenta, contra cuncta animæ membra se erigit, & quasi generalis, & pestifer morbus, corpus omne corrumpit. Quasi enim Tyrannus quidam obsessam ciuitatem intercipit, cum mentem superbia irrumpit, & quo ditiozem quemque ceperit, eo durior exsurgit. Quamquam non hoc solum nocet, quod omnia omnium virtutum ornamenta depopuletur, ac funditus deleat, sed etiam multo magis, quod nihil sit mali, ac corruptelæ, quod non secum afferat: quod idem Gregorius confirmat, cum ait? Radix cuncti mali superbia est, de qua scriptura attestante dicitur, Initium omnis peccati superbia est: primæ autem eius soboles, septem nimirum principalia vitia, de hac virulenta radice proferuntur; scilicet, Inanis gloria, Inuidia, Ira, Tristitia, Auaritia, Ventris ingluuies, Luxuria. Ex his omnibus constat quanta sit huius mundi perditio, ac deplorati miseriam, quàmque ij miseri, qui in eius miscis viuunt, & qui eius

*Sermone
temp. affixi
sibus.*

*Qui ha-
bitat.*

Serm. 6.

*34. Mor.
18.*

*31. Mor.
cap. 16.*

Ioan. 12. eius iugum trahunt, cuius princeps, vt Saluator testatus est,
Gen. 14. idem sit, qui & inferni princeps, & qui totus ex tot, tantisque pestibus, & corruptelis sit contextus.

De fuga mundi per religiosam vitam.

CAPVT VII.

ERgo cum tot mala abundant, & inundent super terram, merito cuique animæ gemendum, & clamandum est in cælum: Quis dabit mihi pennas sicut columbæ, & volabo, & requiescam? Nam qui has tantas misérias, tanta æternæ salutis pericula verè cognoscat, non poterit non ex animo cupere quàm longissime ab ijs, quàmque celestissime euolare. Ad hunc autem volarum nullius avis aptæ sunt alæ, nisi columbæ, cui propria, & naturalis est tum simplicitas, tum timiditas. In isto enim bello, ac conflictu cum peccatis, nullum firmitus est præsidium, quàm timendi, nec vlla melior vincendi ratio, quam fugiendo. Sic enim idem ille, qui columbæ pennas expetierat: Ecce, inquit, elongaui fugiens, & mansi in solitudine. Igitur hoc faciunt etiam, & maximè faciunt religiosi. Elongant enim se à turba, & populo, & manent in solitudine, remoti ab hominum oculis, remoti à negotiis terrenis, & ab omni strepitu, & perturbatione mundana. Quanta sit autem huius fugæ necessitas, quodve damnum non fugiendi, apertè mihi ostensum videtur in subuersione quinquagillarum ciuitatum, de quibus est in Genesi, ex qua vnus Loth cum parua familia seruatus, duo generi, qui monentis consilia irriserant, communi incendio periere, vxor autem egressa illa quidem, sed cum retro respexisset, versa in salis statuam. Quid enim perditus ille locus aliud significat, quam mundum hunc variis libidinibus, & desideriis inflammatum, cæcitate in super percussam, & quasi ambulantem in tenebris, cui ipsi quoque iustæ scelerum suorum poenæ imminet? Magnum igitur beneficium, & certè omnium huius vitæ maximum, quibus Deus demonstraui fugere à ventura ira, idque Angelis è cælo missis, qui nos ad hanc fugam excitent, & sæpè, vt ipsum Loth, cessantes urgeant, cunctantisque compellant. Qui verò occultos Dei vocantis instinctus vel reiiciunt, vt duo generi, vel admittunt quidem, vt vxor, sed postea per inconstantiam, & leuitatem, ad ea, quæ reliquerant, rursus mentis oculos, ac desideria reflectunt,

reflectunt, utrosque Deus seuerissimis suppliciis afficit. Sed videndum, quo hæc fuga dirigenda sit. Nam Loth quidem montis, in quem se recipere iubebatur, asperitatem fortasse veritus, Segor potius ciuitatem in planitie postulauit. Idem tamen, flammarum omnia longè, latèque populantium aspectu tetritus, vltro ad montem contendit, nec se prius saluum putauit, quàm in eum peruenisset. Est autem hic mons Euangelicæ perfectionis culmen, cuius difficultatem multi sic timent, vt potius planas, & spatiosas mundi vias tenere velint, quàm hanc, vt eis quidem videtur, angustam & arduam ingredi. Sed tamen, si interiori lumine adaucto, peccati fœditatem, breuitatem, ac miseriam præteruolantis seculi, ignes illos æternos, inhniròsque cruciatus clarius cognoscere, & quasi oculis ipsis propius spectare cœperint, tum verò, abiecta omni cunctatione, ad alta properant, nec illis arduum quicquam videtur, quod pro æterno bono adipiscendo, & pro æterno malo euitando suscipiant. Ac in hominum quidem pugnis, ac congressibus, omnis fuga turpis, & fœda iudicari solet, propterea quod qui aduersario cedit; is se imparem, victumque fateatur, quod hominum iudicio inter probra numeratur. At verò in hoc conflictu cum vitiis, ipsum fugere vincere est, non solum quia nos hostibus subtrahendo, salutem, & incolumitatem nostram tuemur, sed etiam, quia eo ipso, quod fugimus, hostem frangimus, ac superamus! Cum enim vitia quæque suam materiam quasi illecebræ fomitem habeant, qui eam materiam à se remouet, eo ipso iam vicit. Vicit enim non solum rem ipsam, quam contempsit, sed, quod multo amplius est, seipsum, & cupiditatem suam. Itaque tantum abest, vt hoc fugæ genus abiecti, aut pusilli sit animi, vel timorem arguat, atque ignauiam, vt sine magna constantia, & grauitate fieri non queat, sitque omnino opus magni roboris, atque neruorum; de quo rectè Ambrosius; Non etubescamus fugere: gloriosa *De fuga* enim fuga est, fugere à facie peccati. Atque in corporis qui- *seculi.* dem periculis prudentiæ est, iraque ab omnibus existimari *cap. 4.* solet, salutis suæ mature consulere, ipsaque peticula, priusquam eueniant, cogitatione præcipere, & aliquanto ante discrimen omne propulsare. Quod idem cur non etiam in animæ periculis sentiendum, & faciendum sit, eoque magis, quo hæc maiores afferunt calamitates, & quidem semperpiternas? Stulti enim est, atque omnino cæci, suamque & rerum naturam ignorantis, sperare se inter tot pugnas inuictum,

*Prou. 6.
cap. 4.*

uictum, & inter tot laqueos illasum semper fore: quod perinde est, ac si, vt est in sacris prouerbis, abscondere velit homo ignem in sinu suo, & vestimenta eius non ardeant, aut ambulare super prunas, & non comburantur plantæ eius. Quam in sententiam rectè Nyssen in libro de Virginitate, vt fluuius rapidus, & aquatum copia intumescere solitus, stragem importat ijs, qui propè incolunt, longinquos autem attingere non potest, sic seculum, vitamque secularem eos voluere, qui ipsius cursum tenent, & qui se in voluntarias illas perturbationes coniecerunt: at qui se ab ea subdixerunt, quasi in terra quietos, securósque consistere. Quamobrem, inquit, cum in hanc vitam tanta malorum multitudo simul coniecta sit, vna est ratio, qua ijs liberemur, si nos ab ea vita penitus segregemus. Neque enim qui Sodomæ habitauerit, igneos imbres effugere poterit; neque ab Aegyptiorum seruitute se quispiam vindicabit, nisi Aegyptum deferat, & non rubrum illud, sed hoc atrum, & vere obscurissimum mare pertranseat. Hieronymus quoque non solum vt fugiamus hortatur, sed etiam vt nudi fugiamus. nam qui res aliquas mundi retineat, non ille mundum fugit, sed locum mutans, mundum secum por-
tat. Ioseph, inquit, cum tunica Aegyptiam dominam effugere non potuit. adolescens, qui opertus syndone sequebatur Iesum, quia tentus fuerat à ministris, terrenum abiecit operimentum, nudus euasit. Elyas igneo curru raptus in cælum, melotem reliquit in terris. Loquitur sapientissimus vir, Qui tangit picem, inquinabitur ab ea. Quandiu versamur in seculi rebus, & anima nostra possessionum, & reddituum procuracione deuincta est, de Deo libere cogitare non possumus. Ambrosius vero de hoc ipso argumento librum edidit luculentum, quem inscripsit *De seculi fuga*, in quo tum alia, tum illud aptissime, quomodo etiam in veteri lege demonstratum sit, fugiendum esse ex seculo. in qua sex ciuitates perfugio destinatæ erant: ideo autem has ciuitates ex Leuitarum sorte fuisse, quia Leuitæ, inquit, fugi-
tantes sunt mundi huius, vt placeant Deo, relinquunt patriam, parentes, filios, omnem cognationem, vt adhæreant vni Deo. Ergo, cui Deus portio est, nihil debet curare, nisi Deum, ne alterius impediatur necessitatis munere. Quod enim ad alia officia confertur, hoc religionis cultui, ac Leuitarum officio decetpitur. Hæc enim vera est sacerdotis fuga, abdicatio domesticorum, & quædam alienatio caris-
simorum,

Epi. 34.

Eccl. 13.

Deut. 19.

morum, vt suis se abneget, qui Deo seruire gestit. Disertis-
 sime etiam Cyprianus epistola quadam, Ne diabolo, inquit, *Libr. 1.*
 inuidianti, & sœuire cupienti ad nocendum detur occasio, *epist. 11.*
 quando & Apostolus dicat: Nolite locum dare diabolo. *Ephe. 4.*
 Li-
 beranda est igitur vigilanter de periculosis locis nauis, ne
 inter scopulos, & saxa frangatur, exuenda est velociter de
 incendio sarcina, priusquam flammis superuenientibus con-
 cremetur. Nemo diu tutus est periculo proximus. Atque
 idem etiam alibi. Aduersa est confidentia, quæ periculis vi-
 tam suam pro certo commendat, & lubrica spes est, quæ in-
 ter fomenta peccati saluare se posse sperat. Incerta est vi-
 ctoria inter hostilia arma pugnare & impossibilis liberatio
 est, flammis circumdari, nec ardere. Verendum est dor-
 mienti in ripa ne cadat. In hac parte expedit plus bene time-
 re, quam male fidere, & vtilius est, vt infirmum se homo
 cognoscat, quam fortis videri velit, & infirmus emergat.
 De qua re præsumptores obiurgat Apostolus, dicens: Si quis
 se putat aliquid esse, cum nihil sit, seipsum implanat. Pro
 certo implanator proprius animam suam decipit, qui non
 cauendo contraria, noxiis rebus semetipso immiscuit. Ille
 autem tutius sibi consulit, qui circa malos semper infidus
 species quascunque noxias semper eximescit. Hæc Cy-
 prianus.

*De sing.
cleri.*

Gala. 6.

Satis igitur ostensum est & ratione, & horum Patrum au-
 thoritate, nihil magis salutare, aut magis necessarium esse,
 quam profugere ex his mundi periculis, ex his laqueis, &
 insidiis: quoniam, vt dicit scriptura. Qui amat periculum;
 in illo peribit. Sed videndum hunc est, quo sit fugiendum,
 vt simus tuti: nempe in montem, vt supra attigimus; quem
 montem vere interpretari possumus statum religiosum, qui
 perfectione altissimus est, & supra terram, relique terrenas
 eminens, & arduus quidem ascensu, sed cœlo, ac cœlesti-
 bus proximus. In hoc autem monte, id est, in religioso sta-
 tu, nullum omnino locum habent illa tam multa seculi ma-
 la: primum quia omnibus seculi rebus exemptus est: deinde
 ac multo magis, quia rebus omnibus contrariis, vt salutari-
 bus quibusdam antidotis totus est compositus, & conflatus.
 Quam rationem optime Bona Ventura in Pauperum Apolo-
 gia persequutus est, vbi ita scribit, Peccatum omne originem
 ducere ex inordinata conuersione ad triplex illud commu-
 tabile bonum, diuitias, honores, & corporis voluptates; ex
 quo manifestum esse, summam omnem salutis nostræ in hoc

Eccles. 3.

E consi-

consistere, vt offensiones, & lapsus in triplici hac materia euitentur. Sed hoc dupliciter fieri posse: primum actu tantum, & consensu, idque præstare virtutes iis vitiis, quæ in his rebus versantur oppositas: altero modo ita, vt etiam radicatus euellatur omnis labendi occasio, neque eæ virtutes solo tantum actu, sed, quod firmitus, stabilius, & multo maius est, perpetuo totius vitæ habitu teneantur. Itaque ad eam rem allata esse à Domino in terras tria saluberrima consilia. Nam diuitiarum cupiditati opposuisse Paupertatis professionem, qua omnium rerum externarum possessio abdicatur. Contra libidinis impetus suauisse Castitatem, vt omnis vs præcinderetur eius facultatis, in qua inest vis generandi. Denique ad omnem superbiam, & ambitionem eradicandam, propositam esse ab eo perfectam voluntatis abnegationem, quod idem est cum Obedientia. Quid igitur salubrius hominum generi tribui poterat? Hoc enim est sapientissimum illud diuini instituti consilium quod Gregorius notauit, vt sicut arte medicinæ calida, frigidis, frigida calidis curantur, ita Christus Dominus peccatis nostris contraria applicaret medicamenta. Iure igitur, & vere Sanctus Basiliius quodam loco hoc ipsum argumentum proponit, & confirmat vberime, Necessarium esse (sic enim ait) ei, qui pietatem colere velit, seculum relinquere, & segregatam vitam instituere: eamque in rem illud Sapientis attert, Noli esse amicus homini iracundo, neque habitaueris cum viro furioso, nec forte discas vias eius, & sumas laqueos animæ tuæ. itemque illud Esaiæ Prophetæ, Exitus de medio eorum, & separamini ab eis. Adde etiam rationem, quoniam in seculo fieri non potest, quin & oculis, & auribus perpetuo instigationes ad peccatum admittamus, eique imprudentes assuecamus, earumque rerum, quas vel viderimus, vel audierimus, pestilentes formæ, noxiæque imagines impressæ in animo infideant. Et præter cetera, inquit illud etiam magnum est, quod animus, cum ad eum grandem numerum videat eorum, qui diuinas leges violant, non potest ipse peccata sua agnoscere, de iis, vt oportet, poenitere. Quin potius, facta sui comparatione, cum aliis ipso deterioribus, nescio quo modo sibi de virtute blanditur. Denique variis tumultibus, & occupationibus, quas secularis vita afferre solet, à Dei memoria abstractus, non solum hoc detrimentum facit, quod non delectatur in Deo, ita vt nulla spirituali dulcedine fruatur, sed etiam ita assuefit, vt iudicia eius penitus

Rom. 32.
Euang.

Re. fus.
cap. 6.

Prou. 22.

Esai. 52.

penitus contemnat, & obliuiscatur; quo nullum maius, & capitalius malum potest homini accidere. Hæc, & plura Basilii. Bernardus autem ipse quoque his congruenter tres quasi gradus facit, quibus ad salutem, perfectionemque veniatur: primum relinquendi seculi, secundum aggregandi se ad alios eiusdem consilij, atque instituti socios; tertium subiiciendi se præpositis, qui nos obedientiæ ductu regant, atque dirigant: quos gradus ad tres virtutum, ut ipse appellat, dies retulit, prudentiæ, fortitudinis, temperantiæ. Periculosum est, inquit, si forte velit inter seculi agere turbas penitentiam, ubi nimirum alij venenatis persuasionibus, alij vndique exemplis peioribus ad peccatum alliciant, alij adulationibus in vanam gloriam, alij detractionibus in impatientiam animum eius deliciant. Procedat iam necesse est prudentiæ radius, ostendat quantas, & quam importunas, præsertim in hac generatione nequam, opportunitates, & occasiones peccati afferat mundus, & ingerat, quam debilis sit ad illas humanus animus, maxime qui in peccati consuetudine sit nutritus.

In hac ergo die prudentiæ eligat de præsentī seculo nequaquam fugere, dicens cum Propheta, Odiui Ecclesiam *Psal. 25.* malignantium, & cum impiis non sedebo. Sed nondum sufficit hoc. Forte enim vult eligere solitudinem, non satis attendens propriam infirmitatem, & periculosam Diaboli luctam. Itaque iam habet necessariam fortitudinis diem, ut nouerit custodiendam ad Dominum fortitudinem suam, & aciem multorum pariter pugnantium esse quærendam. Verum, cum eligit esse in congregatione multorum, numquid eligeret esse magister, qui nondum discipulus fuit, & docere, quod didicit numquam? Illucescat ergo dies temperantiæ, ut quærat quomodo temperari, & reſrenari possint incontinentes motus voluptatis, bestiales motus curiositatis, ceruicosi motus elationis suæ. Eligat abiectus esse in domo Dei sui, & subiectus esse magistro, sub quo frangatur eius voluntas, & obedientiæ freno concupiscencia reprimatur. Hæc tenus Bernardus. Quæ cum ita sint, numquam satis amari, satisve laudari potest Religio, quæ nos ex tam scopulosa seculi nauigatione ereptos in placidissimo portu collocat, quæ dæmonem triplici illo telorum genere exarmat: neque hoc solum, sed etiam triplici vallo nos circumdat, ac regit, itaq; omnes aditus intercludit, ut ad nos hostis noxiter aspirare non possit.

Quid enim est, in quo draconis, ac leonis illius rabies religioſæ animæ noceat? Non enim auri, aut argenti, aut domorum, agrotumve cupiditate eam deuincire, non contrahitis illicitis illigare, non ad aliud vllum iniuſtitia genus impellere poteſt, cum videlicet tantum abſit ab alienis rebus concupiſcendis, vt etiam ſuas reliquerit. Neque vero formarum illecebra ad intemperantiam incitare, à qua & animus voti vinculo, & ipſum corpus, atque oculi, libidinis miniſtri, parietum custodia arceantur. Nec periculum imminet ab ambitione, vt honoris alicuius adipiſcendi cauſa aduleatur, mentiatur, inuideat, vel ſupplanter alios, quæ ſcilicet omnia ita à ſe præcidit, vt non modo non aliis præeſſe velit, ſed aliis ſe ſubeſſe gaudeat. Reſtat ergo, vt hic ſtatus vndique tutus, ac teſtus, & inexpugnabilis euadat, quippe cuius nulla pars hoſti pateat, vt ſine vlla dubitatione, omnibus bene æſtimatis. nec vlla eſſe poſſit aptior via ad ſalutem, quam relinquendo mundo, nec mundus perfectius, veriùſque relinqui poſſit, quam in religionis clauſtra ſe cedendo. Hæc qui intelligat, & cognoſcat, quæ eum cathenæ, quæ vincula tenere poterunt, quo minus in hanc vere ſalutis arcem, in hanc Angelorum munitionem, & quaſi cœleſte quoddam in terris tabernaculum euolet? Etenim ſi iter facienti certo dictum ſit, ſyluam aliquam à latronibus obſideri, quiduis potius faciat, quam per illam tranſeat, potiùſque aliam etſi multo longiorem, & aſperiores vias quærat. Cum ergo mundum hunc, & omnia quæ ſunt in mundo, plena dæmonibus, dæmonumque inſidiis eſſe ſciamus, quomodo tamen adhuc inueniuntur, qui inter illas inſidias perpetuo de morte æterna periclitari malint, quam hanc religionis viam inire; quæ præſertim non difficilior ſit, immo etiam multo iucundior, & planior?

*De vtilitate Religionis ex eo quod hominem nudet
omnibus rebus creatis.*

C A P V T VIII.

Religio non hoc ſolum habet vtilitatis, & commodi, quod nos à peccato remouet, & iis quæ cum peccato coniuncta eſſe ſolent, vt eſt ampliſſimatio diuitiarum, adminiſtratio honorum, & alia eius generis, ſed ab omnibus omnino creatis rebus, etiam iis, quæ fortasſe ſine peccato haberi poſſent. Cuius quidem quanto maior, & præſtantior eſt gradus, tanto etiam maiores vtilitates. Sic enim illud
conſe-

consequimur, ut quasi omnibus impedimentis abiectis, promptiores, & expeditiores reddamur ad opera cœlestia. Declarauit hoc Paulus Apostolus exemplo eius, qui in stadio currit. Nam, si cogitemus, omnium hominum vita nihil est aliud ab eius exordio usque ad extremum terminum, quam perpetuus cursus ad alteram vitam, & ad ea præmia, quæ in vita illa præparantur, Hic enim est finis vnicus, citius gratia conditi sumus, huc omnes nostræ actiones, huc studia, & labores omnes dirigi debent, & qui hæc non perueniet, is in vanum accepit animam suam; quoniam eo fine frustratur, propter quem accepit, contra vero in infinitum, & sempiternum malum incidit. Ex quo hoc sequitur, si sapiamus, & si vero amore nosmet ipsos amamus, eam nobis præcipuam, ac potius vnica curam, ac cogitationem esse debere, ut omnia adiumenta conquiramus, quæ nos ad currendum, & alacrius, promptius, agiliusque currendum adiuuent. Id vero in quo positum sit declarat idem Apostolus. Omnis, inquit, qui in agone contendit, ab omnibus se abstinere. Ab omnibus ait, non à certis tantummodo rebus, parum enim referret, si quispiam sese auri pondere, verbis gratia, alleuaret, idem tamen argenti, vel alterius rei pondus retineret; nam ad cursum impediendum perinde valeret. Cassianus ipse quoque hunc Pauli locum ad spiritualem agonem applicans, tam seueras ait cursorum leges fuisse in abstinence rerum omnium, ut non solum crapulam, & ebrietatem refugerent, sed nullos alios cibos adhiberent, quam quos ea disciplina præscriberet: quin etiam ab omni alia solitudine, & negotio se cohibere solitos, ab ipso vero coniugio tam alienos fuisse, ut etiam renes plumbeis laminis contegere consueissent, ad humores illos inhibendos; id quod Cassianus ad castitatis etiam exemplum adducit. Et hi quidem, quemadmodum ait Paulus, ut corruptibilem coronam accipiant: quanto nos ergo magis, ut incorruptam, & immarcescibilem, ab omnibus rebus abstinere oportet, & potius omnia sponte profunderet ne quid sit, quod in tanto, tamque necessario studio, animos nostros distineat, aut prægrauet? Hic simile est, quod Gregorius ait in quadam homilia, perpetuam homini esse luctam, & quidem aduersus dæmones, quorum tantæ sunt vires; terrena autem omnia, nihil aliud esse, quam quadam corporis indumenta: manifestum autem esse, si quis vestitus lactetur, citius ad terram deiectum iri, quia habet vnde teneatur,

1. Cor. 9.

Libr. 6.
cap. 7.

Hom. 23
in Euag.

21. Mor.
c. ultim.

tur, alius scilicet vxorem, alius liberos, alius facultates. Quare quicumque ad hanc luctam veniat (omnes autem veniunt, nec est qui eam defagere possit) omnino , ac penitus nondum venire debere, omniaque ei vestimenta abijcienda, ne in hoc aduersus diabolum certamine succumbat. Atque idem alio loco vitam hanc nostiam, quæ tota inter demonum instigationes, & tentationum fluctus traducitur, naui comparat, quæ tempestate iactetur, ad quam seruandâ non solum impigre, sed etiam libenter cuncta in mare, abijciuntur. Cum, inquit, tumentes fluctus desuper imminet, cumque eam quam deferunt mortem minantur, nulla tunc nauigantibus rerum cura temporalium, nulla carnis delectatio ad mentem reducitur; ea ipsa quoque ex naui proiciunt, pro quibus longa nauigia sumpserunt: cunctæ res in despectum mentis veniunt, amore viuendi. Quasi ergo tumentes super se fluctus Deû metuit, qui, dū veram vitam desiderat, omnia despicit, quæ hic possidens portat. Nam velut tempestate deprehensi pondus nauis abijcimus, quando ab oppressa mente desideria terrena remouemus. Fitque vt subleuata naus enatet, quæ mergebatur onerata, quia nimirum curæ, quæ in hac vita deprimunt mentem, in profundum trahunt. Eadem quoque nauigantium similitudine vtitur Basilus, illud commodè adiungens, multo hoc nobis magis faciendum esse: nam illi quidem, quæ abijciunt, omnia perdunt, cogunturque deinceps in paupertate, atque inopia viuere. Nos autem, inquit, quanto magis noxium hoc onus effuderimus, tanto ditiores euademus, verisque bonis magis abundabimus, nempe iustitia, & sanctimonia, quæ sunt eius generis diuitiæ, vt nullos fluctus, nullum ue timeant naufragium. Ita ue cum terrena omnia relinquuntur, non ea quidem relinquentibus pereunt, sed veluti de naui in nauim multo firmiorem, ac securiorem traducta conseruantur, & ad portum tutiorem transferuntur. Præclare etiam, Chrysostomus locum illum sapientis, Agnosce quod in medio laqueorum transis, ita interpretatur, vt non sine causa illud ipsum verbum, Agnoscendi, positum sit potius, quam aspiciendi. quoniam eiusmodi laquei non corporis oculis aspicuntur, sed mentis tantum lumine intelligi, & comprehendere possunt, propterea quod recti sint, &, vt ipse ait, obuibrati modo lucris, modo voluptatis esca, modo alterius commodi. Nec vacare illud, quod dicitur, In medio laqueorum; quoniam ex omni parte voragines, & foueæ, & pericula insistent. Processit quispiam

Hom. de
non ad-
har. reb.
secul.

Hom.
15. ad
pop.
Eccle. 9.

quispiam, inquit, in forum, vidit inimicum, exarsit ex solo aspectu. Vidit amicum honoratum, invidit. Vidit pauperem, contempsit: diuitem, & invidit. Vidit quempiam infestantem, & indignatus est. Vidit speciosam mulierem, & captus est. Et vxor saepe non aduentibus laqueus facta est, saepe filij, saepe amici, saepe vicini.

Quæ cum Chrysostomus de horum laqueorum ita becul-
torum multitudine disseruisset, addit deinde salubre conti-
lium ad eos effugiendos ex auicularum exemplo petiitum.
Ut enim hæc, dum alte volant, nullo modo ab aucupè capi
possunt, sed cum ad terram deflexerint, tum facile in retia
incident, sic animus hominis, si se ad superiora, & cœlestia
erexerit, ibique semper se continuerit, tutus est à diaboli
insidijs; sin autem ad hæc intima descenderit tum in laqueos
impinget. Hoc ipsum etiam Nyssenius pluribus exemplis de-
monstrat è mediâ vita humana. Quemadmodum, inquit, *De vita*
non possumus duas simul artes manibus exercere, veluti *cap. 20.*
agriculturæ, & nauticæ, aut ferrariam, & lignariam eodem
tempore facere; sed si quis vni se daturus est, necesse est, vt
alteram relinquat; ita cum duplex nobis propositum sit, nup-
tiarum genus, quarum vnæ carnis opere conficiuntur, alte-
ræ vero in spiritu consistunt, studium, quod in vniis ponitur,
necessario separat ab alteris. Neque enim oculus vllus duas
res diuersis locis litas cernere potest, neque lingua diuersa-
rum vocum sonos formare, vt eodem tempore hebræa,
eodemque græca verba pronunciet: nec aurium item sensus
diuersas orationes simul percipere. Ita voluntas nostrâ non
ea est natura, vt corporeis simul voluptatibus, & spiritali-
bus frui possit: neque enim eadem studia ad vtriusque rei fi-
nem conducunt. Nam vnius studia corporis affectus inter-
munt, & omnia remouent, quæ ex carne existunt, vel ad
carnem pertinent; altera autem hæc omnia sedulo conse-
ctantur. Denique non licet nobis duobus dominis seruire,
quia fieri non potest, vt vtriusque simul imperijs pateatur. *Mat. 6.*
Hactenus Nyssenius. Quamquam quid sanctorum testimo-
nia colligimus? Philosophum audiamus ex cœca illa anti-
quitate, qui cum solo naturæ lumine tam tenui hoc tam be-
ne cognouit, & scripserit, turpe esse debet nobis omnibus,
qui in tenebris euangelij luce versamur, non idem cognosce-
re, & sentire. Etenim Plato in eo libro, qui Phædon inscri-
bitur, vbi de hominis felicitate disserit ita definit, eam in
sola sapientia, id est, in summi boni contemplatione, &

amore sitam esse, ideoque nullo modo in hac vitā acquiri posse: magnum enim esse ad eam acquirendam impedimentum hanc corporis sarcinam, tum per se tum propter sensuum fallaciam; tum propter alia innumerabilia, quæ ipsum comitantur in eommoda, vt morbi, cupiditates, timores, & denique multiplices, vt eius verbo vtat, imagines, ac nugæ, quibus animum implet, tum vero externarum rerum administratio, pecuniæ studium, & reliqua eiusmodi negotiorum procuratio. Ex quibus omnibus hoc sequi, vt vel nunquam omnino sapientiam hanc adipisci liceat, vel post mortem tantum, non autem in hac vita, nisi saltem ad mortem quam maxime accedamus; quod tum fit, cum à re familiari, & ab omni negotio, & ab ipso mundo, cum à volupate, & corporis circa animum auocamus, & ad seipsum conuertimus, secumque esse cogimus. hoc etiam genus quoddam esse mortis, idque vnum semper propositum fuisse omnibus veris philosophis, qui nihil aliud egerint, aut commentati sunt, quam vt cogitarent, se mortuos esse, & quo modo quotidie perfectius morerentur. Hæc Platonis omnia. Hanc autem mortem, quam ipse hic describit, eiusque necessariam utilitatem ne nostrates quidem philosophi ignorarunt, quin etiā multo perfectius cognouerunt, vt Gregorius cuius illa sunt in moralibus. Quasi, inquit, huic mūdo adhuc viuimus, cum mēte in eum foris vagamur, sed mortui in sepulchro abscondimur, cum mortificati exterius in secreto contemplationis celamur; quod quamuis perfecte postmodum fiet, etiam nūc ex magna parte agitur, cum à temporalium desideriorum tumultibus delectatione in interiora rapiuntur, vt mens eorū, dum in amorem Dei tota tenditur, nulla in utili perturbatione laceretur. Addit etiam alia multa in hanc sententiam, illudque præcipue, quoniam sapientia non in rerum superficie iacet, sed in inuisibilibus latet, non posse eam apprehēdi, nisi relictis visibilibus, in inuisibilibus abscondamur. Cum igitur hoc ita grauitè confirmatum, crebroque inculcatū sit à sanctis Patribus, maximam in hoc vno tum vtilitatem, tum etiā perfectionem consistere, vt se homo ab omni creatura abstrahat, & quo magis abstrahat, eō tutiorem, atque etiā perfectiorem esse, facile iam illud sequitur, nihil vilius esse posse Religionē, cui⁹ beneficio hoc perfectissime, & absolutissime consequimur. Profecto enim nulla maior esse potest nuditas, quam religiosi status, quæ non solum paupertatem inducit, sed etiam omnium omnino rerum possessione, ac dominio

ita exuit,

s. Mor.
cap. 5.

ita exiit, vt non dicam agrum, aut domum, sed quod est apud Cassianum, non vestem, non graphium, non calamum possit aliquis appellare suum: quin reliqua etiam omnia auferat, quæ ab hominibus vel ad vitæ præsidium, vel ad animi solatium haberi solent, vt est amicorum gratia, principum fauor, vxoris, liberorum necessitudo, ac denique quicquid est terrenum, aut quicquid in mundo æstimatur, ac diligitur. Quamobrem iure, ac merito beneficij huius magnitudo tantopere à Bernardo exaggeratur, vt religiosos omnes ob hoc ipsum felices appellare non dubitet, propterea quod rebus omnibus sine vlla exceptione relictis, compedio *Ser. de* *quadr.* *deb.* *Lib. 4.* *ca. 13.* florem quandam viam ad cælum cundi inuenerint. Arduus quidem, inquit, ascensus Hierusalem, vtpote per ipsam montis summitatem incusus, sed via compendiosior laboris magnitudinem vel temperat, vel excludit. Vos autem tam felici facilitate, quam facili felicitate, non solum itis, sed curritis, quia exonerati estis, & accincti, nihil ponderis super dorsa portantes, Non sic aliqui, non sic, qui quadrigas, & quadrigalia onera pertrahentes, montis circuitum ambire decernunt, & plerunque per deuexa montis præcipitantur, vt vix finem inueniant viæ suæ. Felices igitur vos, qui vos, & vestra sine omni exceptiuncula reliqueritis, Hæc Bernardi sententia si perpendatur, vel sola sufficiat ad religiosum statum omnibus regum thesauris, omnibusque imperijs anteponendum. Quæ enim maior esse potest cæcitas, quam cum non modo currendum nobis sit, vt antea ex Apostolo Paulo dicebamus, sed etiam, vt ait Bernardus, etiam in arduum currendum, quod per se grauissimum est, insuper etiam sese vltro ponderibus aggrauare, atque hæc ipsa pondera, quæ abijcienda essent, studio ac sollicitudine adaugere?

De vtilitatibus Religiosæ paupertatis.

C A P V T I X.

HAtenus de religionis commodis generatim, atque in vniuersam dictum est. nunc etiam ad singula quæque bona descendendum, & ea in primis bona, quæ ex tribus illis votis emanant, quæ sunt religioni propria, & essentialia. Incipiendum autem à paupertate, quoniam in ea primus est gradus perfectionis, qui in externis abdicandis *Gra. 17.* consistit. De cuius quidem paupertatis vtilitatibus recte omnino dictum est à Climachio: Paupertas est abdicatio sollicitudinum seculi, iter ad Deum sine impedimento, expulso

pulsio omnis tristitiæ, fundamentum pacis, munditia vitæ, quæ nos liberat curis omnibus vitæ transcuntis, & facit, vt Dei mandata perfecte exsequamur. Bonauentura etiam de hoc tere argumento librum scripsit, quem inscripsit Apologiam pauperum, in quo multa & pie, vt sanctus, & scienter, vt Theologus, idque inter alia, quod est quasi fundamentum, & eius non modo, quam dixi, vtilitatem, sed etiam necessitatem quodammodo commendat. Sic enim differit, radicem (vt ait Apostolus) omnium malorum esse cupiditatem. Ex hac enim, & simul ex superbia, quæ huic cupiditati semper comes est, omnia scelera originem, fomentum, incrementum accipere, quam ob causam ciuitatis illius Babylonicæ fundamentum, ab Augustino appellata est. Atque hanc cupiditatem in mentis quidem affectu quasi in subiecta materia inixam esse, sed tamen alimentum, ac pabulum sumere ex rebus extra possessis: quam ob causam necesse fuisse, vt perfecta eius exirpatio vtrumque complecteretur, vt non solum interior illa sitis, sed etiam externa rerum possessio abdicaretur: quorum alterum voluntate tantum, & spiritu, alterum vero etiam opere, & factis præstatur. Ex quo cõcludendum putat, sicut vitium illud totius Babylonis fundamentum est, vt modo diximus sic contra, paupertatem merito appellandam verum, & solidum fundamentum totius euangelicæ perfectionis, qua Christo configuramur, & cõplantamur: quod etiam ex eo cognosci potest, quod Dominus, & legifer noster, cum nouæ Hierusalem descendens de cælo initia poneret, ab hac ipsa tamquam à fundamento exorsus est, dicens, Beati pauperes spiritu. Hæc Bonauentura, & verissime. Nam si animo complecti voluerimus, septem fere magnas, & mirabiles vtilitates religiosæ paupertatis reperiemus. Prima autem est, quod omnium scelerum, ac vitiorum aufert instrumentum, quod quanti sit, satis ostensum est supra, cum de diuitiarum damnis ageremus. Tollit enim non solum arrogantiam, fastum, ac superbiam, & alia multa vitia, quæ ex abundantia, tamquam fumus ex igne, manare solent, sed etiam facultatem peccandi in multis, cum magna pars peccatorum, quæ homines committunt, pecuniæ præsidio committantur, eiusque potentia, quam pecunia efficit. Quare, si nihil aliud boni afferret paupertas, hoc magnū est, quod necessitatem quandam affert bene viuendi, in quā necessitatem sponte se induere, admodum salutare est. Neque vero vitia tantum prohibet, sed etiā virtutes fere omnes inducit,

1. Tim.

Mat. 5.

ducit; ut temperantiam, modestiam, & maxime humilitatem, quæ nescio quo modo paupertati finissima est, eiusque tamquam germana soror. Ostendit hoc Chrysostomus in quadam homilia, cum ait: Christianus in paupertate magis irradiat, quam in diuitiis. Quo modo? quia excludit à se superbiæ typhum: non erit arrogans, sed potius obediens, pudicus, mitis, & sapiens. Qui verò in diuitiis est, multa sunt, quæ illum bene agere impediunt. Inspiciamus ergo, quæ facit diues. Rapit aliena, æstuat cupiditate, libidini fræna laxat, maleficia cuncta committit: Nonne hæc ex diuitiis vides generari? Vides etiam quomodo in paupertate facilius virtutes possidemus? Nec mihi dicas, diuites in hac vita à nullo plecti. Prorsus enim inter omnia alia mala hoc etiam malum habet diuitiæ, quod eos, qui peccant, tuentur, ac muniunt ita, ut licentius peccantes nulla pœna reuocentur, nec ullus ijs renum imponat. Hæc Chrysostomus. Altera deinde est utilitas, quod etiam ad peccata præterita expianda, ac delenda, maiorem in modum confert. Hanc enim vim habere videtur id quod est in Esaia, Ecce excoxi te, sed non quasi argentum, elegi te in camino paupertatis. Nam quod ait eligere, idem est quod purgare, vel ita quidpiam perfectum reddere, ut merito eligendum, ac diligendum sit. Itaque ut metalla in fornacem coniecta scoriam, & quicquid in ijs deterius, ac vilius est, exuunt, fiuntque omnino puriora, ac lucidiora: sic paupertas dum & animum, & corpus exercet, ab utroque vitium omne secernit. De quo pulchre Gregorius, Mala, inquit, Lazari purgauit ignis inopiæ, & bona diuitis remunerauit felicitas vitæ præsentis. Illum paupertas afflixit, & terxit, istum abundantia remunerauit, & repulit. Quicumque ergo in hac vita bene habetis, cum vos bona egisse recolitis, valde in eis pertimescite, ne concessa vobis prosperitas eorundem remuneratio sit bonorum; & cum quoslibet pauperes nonnulla reprehensibilia perpetrare conspiciatis, nolite despicere, nolite desperare, quia fortassis, quod superfluitas tenuissima prauitatis inquinat, caminus paupertatis purgat. Tertius est fructus paupertatis, quod hominem inuili rerum caducarum occupatione liberat. Nam cum immortalis animus nobis à Deo datus sit, & ideo datus, ut breuissimo huius vitæ spatio immortalitatem acquiramus, nihil stultius esse potest, quam & naturam tam præstantem, & tempus tam pretiosum perituris, & fugacibus, semperque

Hom. 2.
in epi. ad
Hebr.

Esa. 48.

Ho. 40.
in Euan.

- pérque fluentibus rebus impendere. Itaque paupertas religiosa his omnibus curis vacua, tota in aternitatis amore, ac studio cōtineretur. Nulla enim res est ex his mūdānis, quae impediuntur cogitationes nostrae, non agris procurandis, non vectigalibus exigendis, non pecunia collocanda, non litibus agitandis. Quod quidem otium quān necessarium sit in nostra cœlesti philosophia, cum veteres illi ethnici in sua terrena philosophia adeo necessarium iudicarint? E
- Or. 47. quibus Zeno, ut narrat Nazianzenus, cum in maris tempestate omnia proiecisset, Gratiā tibi, inquit, fortuna habeo quā me ad philosophicum palliolum redigis. Melius etiam Crates, qui non ut hic necessitate, sed iudicio, & voluntate, cum, ut Hieronymus scribit, ditissimus esset, magnē auri summam abiicit in mare, quod putare non posse se diuitem satis bene philosophari. Hoc eodem animo omnes ferē
- Ep. 13. fuerunt ex illo numero, & in primis ille Stoicorum laudator Seneca, quo nullus de tenui victu plura dixit, & aptiora, idque inter cetera: Si vis, inquit, vacare animo, aut pauper sis oportet, aut pauperi similis. Non potest studium salutare fieri sine frugalitatis cura. Accedit quarta utilitas ex paupertate, quod non sinit animos nostros rebus hisce infimis adhærescere, qui quidem solet fons esse malorum omnium.
23. Mor. Scitum enim est illud Gregorij, contingere aliquando viatoribus, cum amœna in itinere prata conspiciunt, ut sponte moras innectant, & à cœpti itineris rectitudine declinent, eorūque gressus pulchritudo itineris delectando retardet.
15. Quare morem esse Domini, ut electis suis ad se pergentibus huius mundi iter asperum faciat, ne dum quisque præsentis vitæ requie, quasi amœnitate, pascitur, magis eum diu pergere, quā citius peruenire delectet, ne dum oblectatur in via, obliuiscatur quod desiderabat in patria. Quod igitur auctore Gregorio facit Dei sapientia cum suis electis, id religiosus quisque in se ipso facit, ut omnia commoda abiiciant, incommoda verò, & inopiam amplectantur, ut nihil sit, quod eos in hac vita capiat, aut detineat, & contra potius tot stimuli eorum cursum ad cœlestia incitent, quot sunt molestiae, quibus punguntur. Ex quo fiet, ut in ipsis quoque ille sanctus, & salutaris nascatur affectus, quem Apostolus suum prædicabat, ut ab amore omnium tēporalium abstracti, non putent se hic habere ciuitatem permanentem, sed futuram semper inquirant. Est etiam quinta utilitas, quod, ut paupertas à Deo maiorem in modum amatur, sic etiam

etiam facit , vt omnes , qui eam quasi sponsam optarint , ipsi quoque à Deo perinde amentur , ex quo amore proueniat . vt eos quotidianis beneficiis . & donis spiritualibus magis , ac magis augeat . Nam quod Deus paupertatem diligat , nullum certius habere possumus argumentum , quàm hoc , quod Maria ista illa in terras de cœlo veniens , eam sibi adiunxerit , & adeo adiunxerit . Etenim ex paupere , licet , regia familia , carnem ducere voluit , & cum nascendi locum delegit , quo nullus in terra pauperior esset , non domunculam , non casam , non etiam tugurium aliquod pastorale , sed stabulum pecudum , idque alienum , & in hyeme perfrigida , & in nocturna cœli inclementia . De reliqua autem vita nihil attinet dicere , cum ne locum quidem haberet , vbi caput reclinaret , & se aliorum eleemosynis Verbum illud sustentaret , in quo sunt omnes thesauri , & per quod facta sunt omnia . An igitur dubitare licet , quin sicut eam in seipso amauit , & expetiuit , sic etiam amaturus sit in aliis , & in quibus ea sit , eos præcipua quadam bonorum abundantia cumulaturus ? Nihil est opus coniectura , cum appareat quid iam fecerit . Quamdiu enim in terris visus , & conuersatus est , non ille diuites , non opulentos ad suam familiaritatem , conuictumque adhibuit , sed omnino plebeios . & pauperes . Nam quatuor ex ijs piscatores , vnum publicanum fuisse scimus , reliquos etiam non multum his dissimiles pro certò habemus . Illud etiam euidentissimum , quod simul ac natus est , eodem penè momento sese vltro pauperibus manifestauit , & quidem non solum amanter , sed etiam honorifice , missa scilicet de cœlo Angelorum cohorte , per quam eos de suo aduentu edoceret , insuper etiam verbis , fulgore , ac placidissimo quoque cantu ad se inuitaret , quasi eorum aspectum & amplexum appetens .

Quam multi nobiles secundum carnem (ait Bernardus) *Serm. 3.*
 quam multi potentes , quam multi sapientes huius seculi *Natiuit.*
 hora illa in stratis molliibus quiescebant , & nemo eorum dignus habitus est nouam videre lucem , scire magnum illud gaudium , Angelos audire cantantes ? Ex quo idem etiam Bernardus rectè argumentatur , si pauperes illos , necessitate pauperes , adeo Dominus amauit , multo eius amorem propentio-
 rem futurum in voluntarios pauperes , & qui in eius vnus gratiam omnia , quæ possidebant , abiecerunt . Hæc est igitur utilitas , in qua verè dicere possumus omnes inesse utilitates ; quoniam , qui à Deo diliguntur , non deficient omni bono , & in eos omnia beneficia , omnem lucem , omnem

omnem gratiam, & quicquid denique cuperi liceat, largiflime effundet. Accedit ad hæc omnia sexta quædam paupertatis utilitas, & ea quidem ingens. Vt enim inter diuitiarum mala illud præcipuè posuimus, quòd ex luxu, & deliciis emanat quasi virus ad perdendas animas: sic contra in paupertate, ipsa victus, cultusque tenuitas summam vim habet ad animarum salutem. Sic enim res habet, vt quemadmodum mortuæ carnes, ne propter humorum abundantiam putrescant, sale asperso exsiccantur, sic eadem caro viuens, nisi abstinencia, & seueritate, quasi siccitate quadam castigetur, in molliciem ac luxuriam diffluat: Neque id mirum, cum tanta sit carnis, & animæ propinquitas, ac potius coniunctio, vt alterius vitiis altera etiam inficiatur, atque, vt Basiliius scripsit, vigente, ac florente carne, ipse quoque spiritus tardus, & carnalis fiat. Chrysostomus autem sobrietatem ait esse animæ alarum instar, quibus à terra efferri, & sublimia petere, atque contemplatione attingere valeat.

*Or. 1. de
Ier. I.
Hom. 1.
in Gen.*

Mat. 5.

Denique si omnia paupertatis cōmoda vno verbo complecti volumus, nihil plenius dici potest illo Saluatoris verbo, quo & futura, & præsentia eius bona complexus est, cum dixit, Beati pauperes spiritu, quoniam ipsorum est regnum cœlorum. Neque verò id causâ vacat, quod aliis quidem ferme virtutibus remunerationem pollicetur post hanc vitam, paupertati verò in præsentem cœlorum regnum decernit, vel quia adeo remota est ab omnibus periculis, adeoque certa ea spes, ac si eam manibus teneret: vel quia ita omnibus curis secularibus expers est, vt in hac quoque præsentem vitam futuræ illius vitæ felicitatem præcipiat, ac præguitet. Quod cum ita sit, ita certè existimare debent religiosi omnes, maximum se, & opulentissimum thesaurum adeptos esse in hac sancta paupertate, cui infinita debeatur merces inani illius boni, quod non modo oculus non vidit, aut auris audiuit, sed neque in cor hominis ascendit. Quare ad quemque præcipuè religiosum illa videntur ab Augustino optimè dicta. Felicitas, inquit, magna Christianorum, quibus datum est, vt paupertatem faciant pretium regni cœlorum. Non tibi displiceat paupertas tua; nihil ea potest diuitis inueniri. Vis nosse quàm locuples sit? cœlum emit. Quibus thesauris conferri possit, quod videmus paupertati indultum? Vt ad regnum cœlorum veniret diues, possessione sua obtinere non potest, nunc obtinet, vt contempta perueniat. Addit alia multa Augustinus in eandem

*Ser. 28.
De ver.
Ap.*

dem sententiam, idque præcipue, quam bene nobis Deus consuluerit, qui in nihil habendo summam felicitatis repositam esse voluerit, quam si contra in diuitiis collocasset, per paucis hominibus, & longissimis laboribus ad eam aspirare licuisset. Nunc autem, cum in contemptu diuitiarum sita sit, eam in manu, ac facultate cuiusque reposuisse. His, & talibus adducti sanctissimi quique viri; Deique lumine pleni, ita animo affecti fuere, ut non adeo cupide, atque ardentem mundani homines diuitiis delectati sint, ac hi paupertate, nec tanto illi studio in opes amplificandas incubuerint, atque hi pro paupertatis bono conseruando, propugnarint. Inter quos omnes insignis fuit B. Francisci virtus, quem scribit Bonauentura, nobilis auctor tum sanctitate, tum doctrina, ita ex animo paupertatem coluisse, & amasse, ut eam, quasi iam toto orbe terrarum repulsam, caritate perpetua sibi desponsasse visus sit, eiusque causa non solum patrem, & matrem, sed etiam quæ habere potuit, vniuersa reliquerit. Itaque cum sæpe à Fratribus rogaretur, quænam virtus præcipue, & maxime nos Christo Domino commendaret, gratosque faceret, eum cum inusitato quodam affectu respondere solitum, paupertatem eam enim esse viam salutis, humilitatis fomentum, perfectionis radicem, & ab ea multiplices fructus existere, quamquam occultos, & paucissimis cognitos.

In eius vita.

De vtilitatibus religiosa castitatis.

C A P V T X.

Pauertati, de qua hætenus diximus, proxima est Castitas, cuius etiam eo sunt maiores vtilitates, quam paupertatis, quo & corpus interius est, quam diuitiæ, & eius appetitus tum vehementiores, tum verò, nisi resistatur, damnosiores: ijs verò resistit Castimonia, cuius munus est, ut sciat vnusquisque, ut loquitur Apostolus, in sanctificatione possidere vas suum, id est, ut Cassianus interpretatur, carnem suam, quæ est quasi vas, & receptaculum animæ. Quanta autem sit Castitatis vtilitas, satis intelligi potest ex ijs, quæ suprà de turpium voluptatum fæditate, & damnis iagentibus dicta sunt. Sed cum eiusmodi voluptatum duo sint genera, alterum contra ius, fasque, alterum licitum, & modo intra coniugij limites, permissum, de priori quidem nihil attinget dicere, nisi quod, qui talia agunt, teste Apostolo,

1. The. 4. Lib. 5. cap. 15.

Gal. 5.

Apostolo,

- Apostolo, regnum Dei non possidebunt; sed potius pars illorum, ut est in Apocalypsi, erit in stagno ardenti igne, & sulphure, quod est mors secunda. Illud tantum in hoc genere videndum, quæ, & quanta præsidia afferat religio aduersus has libidinum faces, quas ille leuiatham immittere solet, cuius halitus prunas ardere facit, ut eas facile extinguiamus.
- Iob 41.* Primum igitur prælidium illud est, quod omnem huius ignis materiam, ac fomitem à sensibus nostris remouet, aspectus, colloquia, consuetudines, familiaritates, & ante omnia commoditatem, ac facultatem, quæ solet esse magnum peccandi incitamentum. Hæc enim omnia machine quædam sunt, quæ sæpè etiam robustos animos tam fœde labefactarunt, ac fregerunt, ut, quod est apud Hieremiam, qui iam dudum nutriebantur in croceis, amplexari sint stercorea. Itaque nullum salubrius remedium, quam in eum se locum concludere, qui maxime remotus, & tutus sit ab his omnibus illecebris. Sapienter enim Augustinus illud animaduertit, quod Apostolus Paulus ceteris quidem virijs resistendum, ac reluctandum præcipit, à fornicatione autem fugiendum.
- Ser. 250. de temp. 1. Cor. 6.* quam ille fugam non modo non turpem, sed etiam maxime laudabilem esse deinde monstrat, tum exemplo castissimi Ioseph, qui, etiam relicto pallio, sese à flamma proripuit, tum illo Sapientis consilio, Noli in faciem virginis intendere, ne te scandalizet vultus eius. Alia quoque congerit in hanc sententiam, sed maxime Davidis calamitatem, qui vno oculorum coniectu, tantus vir, tantusque Propheta incestus, sempiternum reliquit mortalibus documentum. Et ideo, inquit, nemo se falsa securitate decipiat, nemo de suis viribus periculo se præsumat, sed audiat Apostolum dicentem, Fugite fornicationem. Hæc ergo fuga sit per religionem, quæ nos à turba hominum segregat, & quasi in arce quadam collocat, Rectè enim Augustinus idem, de quo scribit Possidonius Calamensis Episcopus, non modo aliarum sceminarum sed ipsius etiam sororis, & fratris filix contubernium, ac familiaritatem vitasse, non tam propter ipsas, quam propter reliquas, quæ ad eas ventitarent. Ad hanc cautionem, & fugam, accedit deinde obedientia, magnum omnino continentix propugnaculum; quod egregie docet Bernardus, qui terram illam quam Dominus dixit à micibus possidendam, corpus hoc nostrum esse intelligit, quod si possidere vult anima, si regnare desiderat super membra sua, necesse est, ut ipsa sit micis, & superiori suo subiecta. Itaque non dubitat affirmare, cum caro à
- spiritus

spiritus imperio rebellat,indiciū esse,quod ipsa quoq; ani-
ma nō perinde, ac deberet,superioribus potestatib⁹ subie-
cta sit; & contra, si se subiecerit,ipsam quoque corpus suū
obediens, & subiectum inuenturā. Tertiū est præliū ex
virtutū vsu,atque exercitatione,itēque ex oratione,& me-
ditatione, & denique ex omni studio eius generis, quod
spiritum ac pietatē corroborat. quantum enim animo ad-
ditur, tantū detrahitur corpori,& quot gradibus ille cōfir-
matur,totidem hoc debilitari necesse est. Nam hoc quo-
que apud Chrysostomum legimus,imbecillam esse pudici-
tiam, quæ solitaria sit, nec satis habere vitium ad se ip-
sam sustentādā;quinimmo,si reliquarum virtutum assi-
duitas tollatur, ipsius quoque pudicitiae nervos incidi:
contra vero si reliquæ virtutes cum ea coniungantur, fir-
missimam fore. Quemadmodum enim arbores, aut her-
bæ in vbere, opimoque solo fructuū copiam ferre so-
lent, sic castitatis quasi solum esse illam virtutum omniū
coniunctionem, quæ si extiterit, ipsam quoque perpetuo
efflorituram. Denique illud etiam adiungit, radicem ca-
stitatis esse eam vitam, quæ cruci consentanea sit, i-
dest minime deliciosam, sed potius patientia, & incom-
modis exercitā. Itaq; hoc constitutū esse debet, religiosā
vitā quasi turrim esse firmissimā aduersus has oēs fœdi-
tates, vt qui in ipsa continentur,nec magno eorum labo-
re, puros, integros, incorruptosque conseruet.

*De vir.
cap. 80.*

Veniamus nunc ad alterum genus harum voluptatum,
quas, vt ante dixi, matrimonij honestas à peccati, scele-
risque culpa eximit. Quod quamuis ita sit,vt citra Dei of-
fensam matrimonij munera obiri possint,non tamen dubi-
tandū est, quin nō modo vtilius ad salutem, sed etiā faci-
lius, & quodāmodo cōpendiosius sit, hoc quoq; genus om-
ne à se præcidere. Est autē huius sententiæ veritas à Pauli au-
thoritate repetēda,qui in priori epistola, quam ad Corin-
thios scripsit,cum multa de Cōtinētiæ commodis disserit,
tum illud grauitè confirmat, Bonum est homini sic esse.
Quod si, ait Hieronymus, bonū est homini sic esse, ergo
malū est homini sic non esse. Quævero mala insint cōiu-
gio, pluribus tractatur ab eodē Apostolo, quæ si colligātur,
ad tria maxime capita reuocare possum⁹, ad seruitutē, ad
tribulationē, ad animi, vt ipse appellat, diuisionem. Serui-
tus his verbis describitur, Mulier sui corporis potestatem
nō habet, sed vir: similiter autē & vir sui corporis potestatē

1. Cor. 7.

*1. Cōtra
Iouin.*

nō habet, sed mulier. Hoc est genus seruitutis, & quidem grauissimæ, quod tui corporis potestas alteri tradita sit. Qua de re optime Chrysostom⁹, Vides ne, inquit, rei necessitatē & inexorabilē seruitutē? vides utrūque funiculis cōstrictū? Est enim connubij necessitudo instar vinculorum, non solum propter curarum turbam, quotidianasq; molestias, se quod vsque adeo coniuges deuinci nodo seruitutis, vt nulla mancipia magis in cuiusquam dominatu sint, quā ipsi alter in alterius potestate. Dominetur, ait Dominus, vir vxori. Sed quæ viro vtilitas ex eo dominatu, cum rursus eiusdem, quæ ei subiecta est, subiiciatur mutux seruituti? Hæc Chrysostomus: quin illud etiam scite adiungit, virum, & vxorē perinde esse, vt par aliquod seruorum fugitiuorum, qui sint inter se cathena colligati, vt etiam si hero suo se eripiant, tamen alter alterum sequi cogatur, nec inuicem digredi possint. Quod ipsum idem etiam Paulus innuit illis verbis, Alligatus es vxori. Ac ne quis hæc vincula rumpi posse existimaret addit illico, Noli querere solutionē, Hæc vero seruitus, perpetua præserti, tū per se durissima est, tum vero durior multo redditur, si, quod sapissime, ac potius vt plurimum contingit, in domum incidat molestum, & morosum, & quod omnium intolerabilius est, insipientē. Ex quo illa sunt in Prouerbiis. *Prou. 21.* Melius est habitare in terra deserta, quam cum muliere rixosa, & iracunda. Item, Tecta iugiter perstilitantia litigiosa mulier. Quibus quasi quotidianis exemplis admonere voluit Spiritus sanctus quantum molestiarum, atque ærumnarum subeat, qui in hoc iugum ceruices semel inseruit. Itaque non immerito, vt mihi videtur, Cum Christus Dominus repudij licentiam aliquandiu permissā abrogaret, dictum est ab Apostolis vno ore, Si ista est causa hominis cum vxore, non expedit nubere. Et vere non expedit. Nam etiam si abrumpi aliquando posset, tamen non expediret hanc vxoriam compedem aliquo tempore perpeti, multo autem minus, si futura est perpetua, & ineuitabilis. Religiosi igitur his omnibus impedimentis exuti sunt, vt quemadmodum illi vinculis constricti inuicem se impediunt, sic hi agiles, atque expediti, non solum currere, sed etiam volare possint per viam mandatorum Dei.

Sequitur secundum incommodum, quod Apostolus tribulationem carnis appellat, ad quam perspicendam nihil opus est ingenio, ac mente, cum ipsis oculis per se pateat.

teat. Nulla est enim domus, nulla familia, in quam si introspecias, non plena sit infinitis curis, ac molestiis; si diuitiæ suppetant, ad eas gubernandas; si inopia premar, ad eam propulsandam; si sint filij, ad eos alendos; si filia, ad eas collocandas.

Quid deinde calamitates incidentes, & detrimenta rei familiaris, quid liberorum casus, quid reliquos angores, atque animi æstus commemoremus, qui perpetui sunt, & ex omni parte irruentes? In quo illud etiam grauius malum ab Apostolo indicatur, quod non solum tribulatio, sed carnis tribulatio sit. Nam laborare pro rebus spiritualibus, pro sua salute, pro Dei obsequio, & magnam habet admixtam consolationem, & magnum habet paratū præmium. At vero cruciari in terrenis, carnalibusque negotiis, si nihil altius spectetur, omni prorsus caret & condimento consolationis, & spe etiam remunerationis. Quo circa sapienter, & vere Chrysostom⁹ in eum Psalmi locū, *Psal. 44.* Adducentur Regi virgines post eam, afferentur in lætitia, & exultatione, Vide hic, inquit, Apostoli dictum resplendere, Tribulationem carnis habebunt, qui nubunt. Quemadmodum autem illæ afflictionem, ita hæc lætitiā, & exultationem. Illæ enim filios, & maritos, & domū, & famulos, & cognatos, & generos, & soceros, & nepotes, liberorum multitudinē, eorumque vel defectum, vel orbitatē deessere coguntur. Virgo autem crucifixa, & à præsentibus liberata, & curis huius vitæ superior effecta, ut euripo traiecto, in cælum quotidie suspiciens, fruitur gaudio spiritus, perfunditur exultatione.

Venio nunc ad diuisionem, de qua Paulus ibidem, Qui cum vxore est, sollicitus est, quæ sunt mundi, quomodo placeat vxori, & diuisus est: quæ nupta est, cogitat quæ sunt mundi, quomodo placeat viro. Itaque hæc etiam amplius habent Religiosi continentia, castitatis beneficio, ut cor suum nullā eiusmodi diuisione imminutum, sed totum, atque integrum Domino offerant. Quam differentiam, atque distantiam inter vtrumque statum Gregorius etiam bene expressit his ipsis verbis. Coniugati quamuis & bene agant, & omnipotentem Deum videre desiderent, domesticis tamen curis occupantur, & necessitate cogente in utroque mentem diuidunt. Continentes autem ab huius mundi actione remoti sunt, & voluptatem carnis etiam à licito coniugio restringunt: nulla

coniugis, nulla filiorum cura, nullis noxijs, & difficilibus rei familiaris cogitationibus implicantur. Hæc igitur primum, de qua hic Gregorius, inest in coniugio diuisio, eaque tam multiplex, quanta est multitudo, & varietas earum rerum, quibus curandis cogitatio impartienda est. Sed est alia quoque multo quam hæc nocentior diuisio, ipsius amoris nostri, cuius cum pars liberis, pars vxori, ceteræque carni, & sanguini tribuitur, nullam partem, vel certe exiguam Deo ipsi superesse, necesse est. Quod licet in omnibus rebus valeat, quæ amantur, multo tamen magis valet in eorū amore, qui nobiscum sanguine sūt coniuncti, in quorum videlicet caritatem natura fertur ardētior. Certe Aristoteles negat vllam caritatem feruentiorem esse posse, quam parentum in liberos, quippe quos diligāt, tamquam quiddam sui, & partem ab ipsis præcisam & deniq; quasi alteros se. Idemq; affirmat de coniugum beneuolentia, quam & maxime, naturalem esse ait, & omnes alias necessitudines anteire, quanto anterior est familia, quā ciuitas tota, quæ ex familijs constat. Deniq; addit, eodē pene gradu esse fratrum inter se coniunctionē, qui cū ex iisdē geniti sint, & vnū quiddam cum illis, sequi vt inter se quoq; vnum sint. Quare cū tanta vis sit in naturali hac beneuolentia erga suos, omnino quotquot ij erunt, tot in partes affectū nostrum diuidi necesse est, vt vel ad Deum nō perueniat, vel ita debilitatus, atq; imminut⁹ perueniat, vt magna illi bonitati fiat iniuria, quæ amari se iubet (& certe ita amari meretur) in toto corde, & in tota anima, & viribus totis. Hęc igitur mala omnia per Castitatē effugiuntur, quā qui colunt, nullo ex ijs impedimentis, quæ diximus, tenētur, quominus toto se amore in vnū effundant.

Deū. Ex quo est illa optima Augustini sententia, Per continentia colligimur, ac redigimur in vnum, à quo in multa defluximus. Hoc autem vnum Deus est, summū, ac solū bonū, quo amādo nos quoq; boni, & quo fruēdo beati sumus. Aptissime etiā Nazianzenus castitatem laudans, Vt aqua, inquit, quæ plumbeis canalibus inclusa defertur, quia multum comprimitur, & conglobate voluitur, in altū erūpit supra naturæ suæ pondus, sic si anima per continentia totum suū amorem strinxerit, nec in creaturas diffluere patiatur, sed eū in Deum effundat, sursum tendet, nec vmq̃uā humi prolaberetur. Quæ cū ita sint, recte S. Basilii, cōmemoratis coniugij incōmodis, & curis, vt ipse ait, infinitis

8. Eth.
c. 12.

10. Conf.
c. 29.

Orat. 36

Const.
mon. c. 1.

infinitis, ad extremum de religiosorum, ad quos illa loquebatur, felicitate, hæc addit, Quicumque à mundi vinculis liber esse cupit, coniugium veluti compedes qualdā profugere debere, & Deo vitam suam consecrare, & castitatem profiteri. Qui enim huiusmodi est, inquit, cum Deū solum sibi amandum proposuerit, eiusque puritatem, & tranquillitatem omnis perturbationis expertem, & quæ ex his nascitur, lætitiā, & gaudium degustare optet, in eo tantum versatur, ut ab omni materiæ concretione, & corporis affectione à nimum quāmaxime abducat, & celesti lumine insatiabiliter hāusto, puris oculis, nullaque caligine præditis, diuina contempletur.

Est autem aliud quoque præcipuum in hac re cōsiderā dū. Nam inter Christianas virtutes, quæ maiorem in modum à Christo Domino, ac Saluatore nostro commendatæ sunt, non est dubitandum, quin duarum maximus sit splendor. Altera est euangelica paupertas, de cuius vtilitatibus multa iam diximus. Altera est fraterna caritas, & coniunctio, de cuius item commodis multa infra dicemus. Atqui hæc duo tā magna, tāque præstantia bona in coniugali statu omnino locū non habent: in religioso autē statu ita vigent, ut ei insita, & essentialia sint. Nam paupertas quidem quæ esse potest, ubi vxor, ubi filij, ubi familia, quæ omnia potius (ut ait Paulus) thesaurizare cogunt? Itaque hoc etiam à Chrysost. inter alia cælibis vitæ beneficia reponi video, qui in libro, quem scripsit de virginitate, cum ex eplū Helix, Helisei, Ioānis induxisset, Si, inquit, vxores habuissēt, & liberos, laud facile passi essent, ut & in solitudine viuerent, & suas familias contemnerent, & reliqua, quæ necessaria essent ad vitam, non compararent. Nūc vero his omnibus soluti vinculis, tāquā in cælo, sic in terris diuersantes, non parietibus, non lecto, nō tecto, non mensa, nō alijs eius generis rebus indigebant: quin illis cælū erat pro tecto, solū pro strato, pro mensa solitudo; ac sterilitas illa solitudinis, quæ alijs famem, sanctis illis viris rerum omnium copiam suppeditabat. Ipsis enim neque vitibus opus erat, neque torculari, neque frugibus, neque messe, sed vberem, ac suauem potum fontes, & flumina præbebant. Vni autē ex ijs instravit Angelus mensam admirabili apparatu, supraque hominū consuetudinē. Sic Chrysostomus, qui hoc denique concludit, ubi neque vxoris famulatus, neque cura prois sit, ibi summam esse paupertatis facilitatem. Idē di-

2. Cor.
12.
De virg.
c. 70.

6. Conf. 14. cere licet de illa fraterna vnitate, vitæq; cōmunitate, quæ nulla esse potest adiuncto fœminarum contubernio. In quo certe illud obseruatu dignū est, quod narrat Augustinus, cum adhuc Manichæus esset, & ipsum, & plures amicos pertæsos molestiarum huius mundi, consilium inisse, in quo quædam imago inerat religiosæ vitæ, vt remoti à turbis otiose viuerent, ita vt quicquid haberent, eo in medium ab omnibus collato, vna res familiaris cōflaretur, vt non esset aliud huius, & aliud illius, sed quod ex cunctis fieret vnum, & vniuersum singulorum esset, & omnia omnium. Quod cum ab omnibus magnopere probaretur, seque in eo vitæ genere beatos fore sperarent, repente ait totam illā rationem turbatam esse ex impedimento muliercularum, quas iam alij haberent, alij habere vellent: quare, re tota abiecta, ipsi, ait Augustinus, ad suspiria, & gemitus cōuersi sunt, eorumque gressus ad sequendas latas, & tritas vias seculi. Hoc igitur bono, & aliis multis se priuāt, qui se matrimonio illigant, quod quidem bonum vel maxime viget, & abundat in religione.

Restat etiā alia vtilitas Continētix, quæ nescio an omnium maxima existimāda sit. Etenim dubitari non potest, quin voluptas corporis, omnis quidem, sed hæc præsertim, quæ ad generādum dirigitur, animū, quæ est hominis pars nobilissima, eneruet, & cinolliat, atq; ex statu suo illo erecto, & excelso. Cuius causa est, quia & corpus, & hæc ipsa corporis functio cōmunis est homini cū belluis: ex quo fit, vt cū se animus ad eā humiliat, eo magis cum ipsa carne, re omnino vili, ac terrena, sese misceat, eoq; magis cū eius natura bruta, atq; hebere cōmunicet, quin etiā ex assuetudine ita obtūdatur, vt nihil altum, nihil magnificum, nihil diuinum suspicere possit: quippe cum seipsum abiecerit in rem tam humilem, tamque contemptam. Intelligendū est igitur, hanc tarditatem, siue obscuritatem in mentem inuehi, non ab illis tantum delectationibus, quæ sunt illicitæ, sed eandem propemodum ab ijs, quæ licitæ: eadem enim, quod ad hoc attinet, est vis vtriusque generis. Vnde est illud Augustini. Nihil esse sentio, quod magis ex arce virtutis deiciat animum virilem, quam blandimenta fœminarum, corporumque ille contactus, sine quo vxor haberi non potest. Itaque nihil ferme melius, aut gloriosius in laudem Castitatis dici potest, quam hoc, quod quemadmodum illa coniugij munera animi præstantiam

1. Soli-
loq.

adeo

adeo affligunt, sic integritas, & puritas eam erigit, & perficit, & facit, ut quo minus habet cum carne commercij, eo quotidie magis, ac magis eniteat: sic enim hominis spiritus vim suā spiritualement quā maxime tuetur, fitque aptus, & habilis, ut diuina capiat, ut conuersatio eius in cœlis sit, ut ei incerta, & occulta illius sapientiæ manifestentur; ad quæ omnia lumine opus est, quod lumen illis quasi nebulis impeditur, quæ ex his tam crassis corporis exhalationibus gignuntur. Quamobrem, ut Cassianus dicit, & benedicit, *Lib. 8. c. 6.* omnē iracundiæ cōmotionem oculos cordis excœcare, siue iniustam, siue iniustam, nec referre vtrum oculi plumbea lamina, an aurea obducantur, modo obducantur, sic videtur de hac delectatione dici posse, parū interesse ad hebetradum, quacumque ex causa proueniat. Quo etiā pertinet sapiens quoddam Aegidij responsum, qui vnus fuit ex primis B. Frācisçi sociis, qui seculari cuidam glorianti se castū viuere, fidemque vxori seruare, An, inquit, ex suo quoque ipsius dolio non potest aliquis ebrius fieri? Recte omnino, atque, ut dixi, sapienter. Nam quod ad ebrietatem attinet, quæ in hoc consistit, ut ratio absorbeat, & quasi demergatur, nō multū interest, vnde vinum petatur, modo idem sit vinum. Ex quibus omnibus illud quoque apparet, cuiusmodi sit hoc remediū, quod humanæ infirmitati ex matrimonio constitutum est. Non enim eiusmodi est, quod morbum omnino depellat, sed potius materiā præbeat, in quā, sine offēsa Dei, morbo illi indulgere liceat. Ut enim si quis fistulā laboret, aut carcinomate, duplex est eius sanandi ratio, altera, eaque perfecta, ut caro plane redintegretur, & cōsolidetur: altera, ut aliquod vlcus maneat, sed minor sit fœditas, eaque ipsa fasciis contegatur: sic igitur in statu continētiæ hic concupiscentiæ morbus omnino sanatur, & tollitur: in coniugatis autem non quidem omnino reseccatur, sed honestatur illa sacramenti sanctitate. Est vero magnum inter hæc duo discrimen, quoniam ad libidinem hanc sanandam multo melius, aptiusque remediū est, eam penitus præscindere, quā ex parte tantum cohibere, & spectare mitiorē fore, cum ei sis obsequutus. Verum est enim, quod ipse etiam Aristoteles scripsit, insatiabilē esse rerum iucundarum appetitum, eumque ipsa concupiscentiæ exercitatione, dum ei satisfacimus, adaugeri, denique etiā cū vehementior fuerit, rationem exhaurire. Atque hoc ipsum satis magnum esset malum, etiam si intra legitimos cō-

iugij terminos teneretur. Sed illud perniciosius, quod appetitus isti quamdiu in nobis aliquo pabulo, quodcumque id sit, aluntur, ita inualeſcunt, ut plerumque à licitis ad illicita prolabantur. Cuius rei illuſtre ſane exemplum propoſitū eſt tum in Dauide, tum in eius filio Salomōne, quorum cum alter tanta ſanctitate, alter tanta ſapientia polleret, vterque autem non modo vnā vxorem, ut nunc, ſed vxorum cateruas haberet, tamē tantum abeſt, ut ſatiata ſit eorum libido, ut potius incenſa, & inflammata magis, ac magis, & huius ſapientiā, & illius ſanctitatem ſœde, & miſere abiecerit. Cōtra vero de Helya, de Helyſeo, qui continentiam ſectati ſunt, nec tale aliquid legitur, nec ſuſpicari licet. Et in ſumma videntur mihi ſeculares matrimonio dediti trucem hanc, immanemque belluā, quaſi leonem, cauea incluſam tenere, eamque quotidiano pabulo nō ſolum alere, ſed etiam, quod neceſſe eſt, corroborare. Itaque quis præſtare poteſt, eam aliquando cauea effracta non euoluſſe, ſtrageſque pro more, & pro natura ſua non edituram? Melius igitur, & ſapientius utique continentes, qui nō eo tantum contenti ſunt, ut eam vinculis conſtringant, ſed inſuper omnino perimere, & partim fame, partim etiam additis verberibus necare ſtudent. Tractat hunc ipſum locum

Coll. 21. optime Caſſianus in quadam collatione, ubi cupiditatem

c. 33. iſtam flammæ ſimilem eſſe ait, quæ interdum ſtipulis, aut eiufmodi materiæ, propter uſum aliquem, iniecta, ægre præfixis terminis contineri poteſt, ut non etiam extra euagetur, ac non ipſas modo ſtipulas, ſed longius deinde progreſſa, vicina quæque, ſæpe etiam remota inuadat. Sic enim ait, voluptatem, dum coniugio cohibetur, incendere, eiufque cōſuetudinem ad vetitos exceſſus rapere. Quos vero, inquit, gratia Saluatoris ſancto incorruptionis amore inflammauerit, ita omnes carnalium deſideriorū ſpinas diuinæ caritatis igne cōſumunt, ut nec tepens fauilla vitiorum refrigerium integritatis imminuat. Denique hoc idē ſenſit etiam Chryſoſtomus in præclara illa monaſtici ſtatus

Lib. 3. Apologia, cum ceteris in rebus, ipſorū ſeculariū conceſſu, tutiorē, ac ſecuriorem eſſe ait religioſorum ſtatū, vnū autem eſſe, in quo ſeculares maiores à nobis pugnas, quam ab ipſis, ſuſtineri putent, nimum caſtitatem, quoniam ipſi habeant in quo ſe expleant. Reſpōdet autē Chryſoſtomus, eos longē falli, ac potius contra rem habere; quoniā, inquit, multo plures ex coniugatorum, quā ex monachorum ordine,

ordine, lapsos videas, neque tam multos ex monasteriis ad matrimonia, quam ex iugali lecto ad scorta accessisse. Alia multa de Castitatis tum præstantia, tum etiam iucunditate dici possent : sed quoniam hoc loco solam utilitatem tractamus, illa vtraque sequentibus libris referuanda sunt.

De utilitate religiosa Obedientia.

C A P V T X I.

Restat de tribus supra propositis obedientia, maior si-
ne dubio tum paupertate, tum castitate, siue ipsius præ-
stantiam, siue vberimum meritum, siue multiplices fructus
consideremus. Præstantia quidē ex eo cognosci potest, quod
in scriptura sacra ita commendatur, vt indicetur, gratio-
rem, & acceptiorem esse Deo, quam omnia sacrificia, & ho-
locausta, id est, opera quæcumque pia, & salutaria. Sic enim
Samuel Dei nomine. Melior est obedientia, quam victimæ,
& auscultare magis, quam offerre adipem arietum. Quod
quasi interpretans Gregorius, Obedientia, inquit, victimis
iure præponitur, quia per victimas aliena caro, per obe-
dientiā vero volūtas propria mactatur. Tanto igitur quis-
que Deum citius placat, quanto ante eius oculos, repressa
arbitrij sui superbia, gladio præcepti se immolat. Ex quo
iam apparet, quanto interuallo religiosa vita antecellat vi-
tæ seculari, non solum vitiosæ, & improbæ, sed etiam lau-
dabili, & honestæ. Nam quod huic maximū est, vt sese bo-
nis operibus exerceat, hoc tamen maximū multo inferius
est, quam illa perfectæ, & integra sui ipsius oblatio, quæ sit
per obedientiā perpetuam. Ex hac autem præstantia sequi-
tur etiam meriti vbertas. Nam qui bene agunt, sed pro suo
arbitratu, scilicet sponte, ij tantum acquirunt, quantum est per
se illorum recte factorum pretium, & dignitas. Obedientia
vero hunc insuper quæstum affert, quod & quæ iam bona
sunt, meliora fiunt, & quæ per se nihil essent, tamen eius or-
namēto adiuncto mirum in modum illustrantur, fiuntque
Deo gratissima. Quod enim opus vulgarius, ac leuius, quā
cibum sumere, curare corpus, ambulare etiā animi gratia,
& reliqua eiusmodi vel naturalia, vel etiā necessaria? quæ
tamē, si iussus legitimæ potestatis accesserit, magnā acqui-
runt apud Deum gratiā. Itaque commode à quibusdā di-
ctum est, qui obedientiam virgulæ cuipiā compararunt ea
vi præditæ, vt, quicquid contingat, in aurū conuertat. quare

1. Reg.
25.
Mo. 35.
c. 10.

35. Mo. c.
10.

non solum argentum, aut si quid eiusmodi pretiosum est, pretiosius faceret, sed etiā lignis, & lapidibus, & terræ ipsi, quæ per se nihil valeant, pretium conferret. Si vero fructus eius quæramus, sufficere illud potest, quod ab eodem Gregorio de hac virtute amplissime scriptum est: Sola, inquit, virtus est obediētia, quæ virtutes ceteras menti inserit, insertæque custodit, Inserit autem duobus modis. Primum, quia hæc hominis in Deū liberalitas, qua seipsum illi tradit, Dei vicissim liberalitatem, ac munificentiam elicit. Cum enim ea sit Dei bonitas, & natura, ut numquam se amore, largitate, officiis vinci patiatur, nonne consequens est, ut qui sine vlla restrictione seipsum, & omnia sua Deo donauit, eidē vicissim Deus se quoque ipsum donet, & sua omnia spiritualia bona: Deinde, quia in ipsomet vsu praxiq; obediētiæ necessario aliarum etiā virtutū opera concurrunt: nam eo ipso, quod alteri homini, Dei causa, obeditur, exercetur simul humilitas & quidem maxima, quæ nos ei subijcit, qui naturæ æqualis, sæpe etiam aliis rebus est inferior exercetur patientia in malis tolerandis, quæ sensui, ac voluntati repugnent. Itē fides, propterea quod Deū, quem non videmus, in illo, quē videmus, veneramur, eiusque nobis curā, ac prouidentiam adesse agnoscimus, tum vero etiam spes, quæ facit, ut præsentia contemnamus. In primis vero eminet caritas, & quidē in re omnium difficillima, ut diuinam voluntatem nostræ volūtatī, ac placito anteferamus. Itaque, si recte ratiocinari velimus, hoc intelligemus, iā vna obediētiæ actione omnium fere virtutum, earumque maxime illustrium actiones inesse. Ex quo fit ut obediētiæ exercitatio (ut ait Gregorius) ceteras quoque virtutes animo inferat, & dum ea augetur, hæc quoque augeantur, & crescant. Neq; vero solum inserit, sed etiam insertas custodit: quo nescio an vtilius, vel gloriosius etiā vilius virtutis munus esse possit. Nam aliæ ferme virtutes, nō modo quasi gemmæ quædam latronum, & insidiatorum dæmonum iniuriis expositæ sunt, & quo maiores fuerint, eorū cupiditatē magis incēdunt, & acunt, sed sæpe etiam seipsas destruunt, non sua culpa, sed eorum, qui ipsas habēt, arrogātia, & superbia, ut Lucifero illi cōtigit qui, ut est apud Esaiam, cum esset ornatus omni lapide pretioso, ea ipsa ornamenta eum præcipitarunt. Obedientia vero & seipsam, & alia bona, quæ secum importat, tuetur, & custodit, quia nihil sibi confidit, nihil sibi tribuit, nihil etiam sibi retinet,

Ej. a. 14.

sed

sed hoc quodammodo agit, vt homo seipsum exuens, Dei manibus, quasi deposito committat, & tradat, de cuius manibus nemo quemquam rapere potest, vt Saluator dixit. *Ioan. 10.*
 Vel enim nō accedit inimicus, vel si accedat, ad Deū ipsum iam pertinet. vt pro nobis propugnet, quādo nos suis manib⁹ tenet, vel certe ita nos corroboret, vt nullo negotio *In libr. Re. li. 4. cap. 4.* dæmonis ferociam profigemus. Sic enim Gregorius idem alio quodam loco. Victimæ, inquit, sunt obsequia obedientium: quia, cum hominibus pro Deo subiicimur, superbos spiritus superamus. Ceteris quidem virtutibus dæmones impugnamus, per obedientiā vincimus. Victores sunt ergo qui obediunt, quia, dum voluntatem suā aliis sponte subiiciunt, ipsi lapsis per obedientiam Angelis dominantur. Hi sunt igitur fructus obedientiæ, & quidem solius: nam hoc quoque Gregorius, sola, inquit, virtus est obedientia, quæ virtutes ceteras menti inserit: vt manifeste appareat, quam magno bono orbari sint seculares, contra vero religiosi, quorum tota vita est obedientia, quam rectam, quā solidā, ac breuem etiam viam ad omnem perfectionem nacti sint, qui tam facili compedio in vna virtute virtutes omnes cōsequantur. *Grad. 4.* Quamobrem optime Climachus, Obedientia, inquit, est perfecta abnegatio propriæ animæ, & proprii corporis, mors voluntaria, vita sine solitudine, nauigatio sine dāno, sepultura voluntatis, vita humilitatis, & quasi si quis dormiēdo iter faciat. Idemque addit, viuere in obedientia nihil aliud esse, quam suū onus aliorū humeris imponere, natāre super aliorum vlnas, & sustentari in aquis ne mergamur, sed sine periculo hoc grande pelāgus huius vitæ trāseamus, & quidem breuissima nauigatione. Quid meli⁹, aut quid maius dici poterat? Sed illud in primis magni æstimandū, quod ait hoc præstari ab obedientia vt quasi dormiēdo iter faciamus; dum nos videlicet, quasi infātes, aliorum cura, ac prouidētia inter vlnas gestat. Itaque cum iter hoc spirituale aliis quidem ita durū sit, ita etiam periculis oblectum, religiosi tamen virtutis huius præsidio adeo mollescit, vt ne sentiant quidē. Vltima est ea utilitas, in qua vere dicere possum⁹ omnes omnino utilitates cōtineri, quod nos, & actiōes nostras diuinę volūtati ita subiicit, vt ab ipsa totæ pendeant, dirigantur, moueantur. Quod quo modo ab obedientia perfectissime efficiatur, dicēdum est, sed pauca quædam de huius rei necessitate præponēda. Magna est enim omnino hominū in seipsis regēdis, vitæq; suæ

Sap. 9.

suæ rationibus gubernandis obscuritas, in qua obscuritate plurimi vel errores, vel etiã lapsus incidere possunt: de quo ita est in sacra Scriptura, Cogitationes mortalium timidæ, & incertæ prouidentia nostræ. Quæ enim maiores possunt esse tenebræ, cum futurorũ nullam noticiam, præsentium pene nullam habeamus, ac non modo aliorum hominum, quibus cum nostra vita necessario permixta est, consilia, ac volũtates ighoremus, sed sæpe, ac potius plerũque quid in nobis ipsis lateat, nesciamus, sæpe plus nos posse, quam possimus, sæpe etiam minus posse arbitremur; quorum alterum ad maiora viribus audenda nos incitat, alterum ab iis, quæ salubria essent, aggrediendis nos reuocat?

3. Conf.

c. 11.

Psal. 22.

Magnum ergo, ac potius omnium maximum beneficium, habere in tãta nocte, vt cæci solent, cuius ductu nitaris, & cuius manu perducaris, & hunc, ipsum Deũ, qui & tanta est sapiẽtia, vt nihil eum fallat, aut fugiat, & tanta bonitate, simulque potẽtia, vt, quod ait Augustinus, ita vnũquemque hominũ curet, ac si solum illum curet. Quare, cui hoc contigerit, id magnæ felicitatis loco reputare debet, quoniam fidenter dicere ei licebit, Dominus regit me, & nihil mihi deerit: hoc enim ex illo sequitur: nam si Deus nos regat, nõ modo nihil deesse poterit, sed in loco pascuæ, & super aquas veræ refectiõis collocabit, vt omnibus bonis abũdemus. Videndum est igitur quomodo per obedientia dictũ hoc verissime, & certissime assequamur, vt Deus nos regat; idque, quo magis constet, paulo altius repetẽdum. Etsi enim inter antiquos illos, vt ipsi se nominari voluerunt, Philosophos, fuerẽ nonnulli ita impie indecti, vt alij Deũ nihil extra se curare, alij æterna tantum curare opinarẽtur, tamen non solum fidei lumen, sed etiã naturæ nos omnino cõuincit, vt illud credamus, & prædicemus etiã, quod est in libro

Sap. 14.

Sapientia, Tua Pater prouidentia ab initio cuncta gubernat. Quo verbo, Cuncta, nulla res excluditur, non magna, quasi non possit, non etiam minima, quasi contemnat, suaque magnitudine, ac celsitate indignam ducat. Sed refert nosse modum, & quasi rationem, ac formulã, quã illa diuina mens in hac totius vniuersitatis administratione sequatur, quam alio loco demonstrat idem Sapiens his verbis, Attingit à fine vsque ad finẽ fortiter, & disponit omnia suauiter. Ad fortitudinẽ enim pertinet, quod diximus, vt nihil ei resistere, nihil eius consiliũ, ac prouidentia vel perturbare, vel etiam euadere valeat. Suauitas autem, in qua maxime

Sap. 8.

clucet

elucet sapientiæ vis, in duobus præcipue consistit. primum, ut ita quæque res gubernetur, ut maxime eius naturæ congruēs, ac consentaneum est, necessaria necessario, cōtingētia contingenter, libera etiam libere: deinde, ut ita summa cum mediis, media cum infimis, effecta cum causis, antecedentia cum consequentibus annectantur, ut aptus eorum ordo, ac series numquā discindatur, & perturbetur. Itaque, ut fruges, fructusque non subito è terra integri, ac maturi existunt, sed prius parui, ac teneri, deinde paulatim crescētes, solis ardore excoquuntur, ipsique soles, ne immoderatus vrāt, tēpestiuus pluuiis temperātur, pluuiæ vero ad humorem necessariæ non repente ex alto decidunt, sed elatis ex humo vaporibus conscrecunt, idque in ceteris quoque omnibus naturæ operibus constanti, perpetuoque tenore seruari videmus, ut per proximas, & immediatas causas producātur, ita hoc idē, & multo magis in actionibus voluntariis seruandū fuit, quod hæc quoque præstātius quiddam sunt, ac nobilius, quam illa. Primū enim non permitendum fuit, ut essent omnes omnium hominum volūtates quasi distractæ, ac diuulsæ, dum quisque abiret in viā suam. quæ enim maior esse posset mundi huius confusio? sed ex his omnibus vnus fieret contextus, & vna series ad eum finem directā, quem sibi Dei sapientia præfixisset. Deinde, si hic ordo inter eas voluntates futurus erat, illud etiā oportuit, ut hic quoque suus esset causarū, & effectuum nexus, id est, alij essent qui mouerēt, alij qui mouerentur. Sed in naturali quidē ordine (ait S. Thomas) superiora quæque mouere solent inferiora vi quadā, & abundantia virtutis naturalis diuinitus insitæ, qua præualent in ea, quæ mouet: in humanis autem actionibus non alia est vis mouēdi, quam voluntatis, quæ item diuinitus ordinata est, quod quidem fit iubendo, & præcipiendo. Nam cum prima, & præcipua regula omnium voluntatum, quæ cum ratione coniunctæ sunt, vna sit Dei voluntas, huic quidem diuinæ voluntati aliæ voluntates alijs propius accedunt, pro eiusdē Dei placito, qui singulis rebus suum locū, & quasi vicem, propriāque stationem constituit. Hæc fere B. Thomas, ex quibus illa etiam sequuntur, quæ ab eodem vberius disputātur in eo opere, quod inscripsit de regimine Principum, quo loco ostendit omnem hominum in alios homines potestatem à Deo manare: idque confirmat multis rationibus pene physicis in re morali, ductis tum ex entis, tum ex motus natura,

2. 2. q.
104.

Lib. 3. c.
1.

ra, tum vero etiam finis. Cum enim omnis potestatis, seu dominationis fundamentum sit ipsum ens, sicut ens omne creatum pendet à primo illo ente ingenito, sic etiam potestas quælibet. Idemque licet dicere de motu. Si enim in corporibus mouendis aliquis ordo requiritur, quia ab inferioribus per superiora ad aliquid summum, vltimūque perueniat, quod est, vt philosophi volunt, ipsum cœlū, multo hoc magis euenire oportet in rebus spiritualibus, quod etiam hæ maiorem habent similitudinem cum primo illo motore, cuius item natura spiritus est. Hic autem motus nihil est aliud, quam mentis lumen à Deo omnis luminis fonte derivatū. Apertior est autem, & clarior ea ratio, quæ ex fine ducitur; quasi si diuina prouidentia singulos homines, singulasque eorum actiones ad finem iam à se præstitutum dirigit, multo magis totam communitatem, quæ & ipsa præstatio est, vt totum, quam singulæ partes, & finem habet præstatiorem. Ergo cum has cōmunitates ab aliquibus gubernari necesse sit, hos item ipsos à Deo multo maxime gubernari, & ad finem illum, quem diximus, impelli necesse est. Quod quidem clarissime docet etiam sacræ, lit-

Pro. 8. teræ, in quibus diuina sapientia ita loquens inducitur: Meū est consiliū, & æquitas, mea est prudentia, & mea est fortitudo, per me reges regnant, & legū conditores iusta decernunt, per me principes imperant, & potentes decernūt iustitiam. Quibus verbis duo indicātur: primū, qui aliis præfint, eos non fortuito, aut etiā humano cōsilio in id munus, quodcūque est, incidere, sed Dei iudicio selectos, & segregatos, quod Saulis, Dauidis, Iehu, aliorūq; exemplo apparuit: deinde in ipso munere gerendo tum fortitudinem à Deo accipere, id est, potestatem, tum etiā consiliū, & prudentiam, id est, lumen, & intelligentiā, qua etiā sæpe nolentes, & inscijs in Dei beneplacitū implendū agūtur. Atq; hoc tā

Rom. 13. certum est, vt Paulus Apostolus hinc cōfirmet, qui potestati resistūt, Dei ordinationi resistere: redditq; causam, quia

Eph. 6. nō est potestas nisi à Deo. Idemque alio loco ob hanc eandē causam seruos hortatur, vt obediāt dominis carnalib⁹, nō modo ad oculū, id est, exteriori opere, sed ex animo, & libēter, vt ij, qui intelligant se Dēi voluntatem facere. Pe-

Ep. 1. c. 2. trus quoq; in eādē sententiā, Subiecti, inquit, estote omni humanæ creaturæ propter Dominū, siue regi quasi præcellenti, siue ducibus tamquam à Deo missis. Ex his igitur, & aliis eiusmodi argumētari licet, quanto hoc certius credendum,

dendum, & tenendum sit in religiosis ordinibus, quicumque præsumunt, eos à Dei prouidentia seligi, Dei vices gerere, ac potestate, & vero etiã lumine ab illo accepto nos gubernare. Valet enim hic illud Basilij argumentum; si Paulus, inquit, Apostol⁹ Christianos, & Dei filios iubet subditos esse non solum ijs, qui humana lege imperandi potestatem acceperunt, sed etiã infidelibus, & impiis, cuiusmodi tunc omnes erant; qualis obedientia ei debebitur, qui à Deo ipso constitutus sit præses, & à legibus diuinis potestatem accepit? Nō licet de hoc dubitare, cū ipsius Saluatoris auctoritatem habeamus, ita dicentis: Qui vos audit, me audit, & qui vos spernit, me spernit. Quā legē ait idem Basilius nō de Apostolis tantum perlatam, quibus præsentibus promulgata est, sed communem omnibus fuisse, omnesque posteros complecti, qui vllō vnquam tempore aliorum moderatores essent futuri. Nihil enim, inquit, aliud est antistes, quā is, qui personam Christi sustinet, & sequester est inter Deū, & homines, eorum, qui in ipsius cura sunt, salutem sacrificans Deo. Quam ob causam non dubitauit Bernardus tam aperte illud præcipere, siue Deus, siue homo Dei vicarius aliquid iusserit, quodcumque illud fuerit, pari obsequendum cura, pari reuerentia deferendum esse, hoc vno excepto, si Deo contraria iuberet. Hoc igitur tam copiose confirmato, quod Deus ipse singulos religiosos per eos, quos illis rite, ac legitime præfecit, regat, moderetur, & omnem in partem flectat, quanta erit non modo eorū utilitas, sed etiam felicitas, quod in his tenebris tantum ducem, in tanta diuinarum rerum ignorātia talem magistrū, in tanta imbecillitate tantum præsidium nacti sint: Itaque idem mihi videtur religioso cuique contingere, quod iumento; cum à sessore frenis adductis, vel remissis, gubernatur. Sessor enim noster Deus est, frenū autē ipsi rectores, ac præpositi. Sūt enim ipsi quoque in manu Dei, nec nos mouent, nisi moti. Sed is error est plerumque, quod frenum, quia propinquius est, sentim⁹, sessoris ductum, quia remotior est, non aduertimus, id est, præpositorū vocem, & imperia percipimus, quia eos videmus, & audimus, Dei vero ordinationem, quia à sensibus longius distat, non consideramus. Itaque hoc ipsum, meo quidem iudicio, omnium maxime, & apertissime declarat, quam non modo fructuosum, sed etiam necessarium fuerit, eos nobis diuinæ voluntatis interpretes relinqui, quos oculis videre, quorum

Const.

Mon. ca.

23.

Luc. 10.

Const.

Mon. ca.

23.

De præc.

3^o disp.

Hom. 83.
in Matt.

rum voces auribus percipere liceret. Nam, ut id exemplo ostēdamus, in sacramentis quoque propter hominum salutem institutis quiddam simillimum videmus. Et si enim sola fide, & pœnitentia, & caritate, aliisque eiusmodi actionibus interioribus gratia, & iustificatio hauriri poterat, sic tamen aptius visum est Domino, sacramenta illa cōficere, ut alia panis, & vini specie, alia olei materia contineretur, alia etiam sensibili verborum sono peragerentur: idque ob duas causas: primum quia hominis naturæ, quæ scilicet nō solo spiritu, sed etiā corpore constat, ita congruens erat, ut etiam corporeis instrumētis vteretur. Sic enim Chrysostomus; Si, inquit, incorporeus esses, nuda, & incorporea tibi dedisset dona; sed quoniam anima corpori conserta est, in ipsis sensibilibus intelligibilia tibi præbet. Altera causa est, quod si sola mēs cū Deo rationem haberet, nemo esset, qui non infinitis scrupulis angeretur, an satis doluisset, an satis amasset, an alijs officijs rite functus esset. Itaque nūquam animo quiescere liceret, essetque vita inter hos angores plane acerba. Quare sapienter omnino diuina sapientia ea nobis salutis adiumenta cōstituit, quæ tactu, quæ visu, reliquisque sensibus explorata essent. Eadem igitur vtraque causa ad religiosam obedientiam transferri potest, & certe transferēda est, ut, quia altera pars nostri corpus est, non à Deo solo, non etiam ab angelis, qui sunt puri spiritus, sed ab alijs hominibus, qui item ut nos corpus habent, instruamur, & regamur: & hoc ipsum ad illam diuinæ providentiæ suauitatem pertinuit, qua paulo ante Deum tantopere delectari diximus. Deinde vero, quia in hac vita, quam sæpe iam appello tenebras, nihil difficilius est, quam Dei voluntatem vere, & certe assequi, optime, ac saluberrime nobis consultum est, quod eam nobis rationem Deus tradidit tam cudentem, atq; expressam, ut nō modo mēte, sed ipsis etiā sensibus percipi posset. Quo factū est, ut nullus, non dicā errori, verum ne dubitationi quidem, aut hæsitatiōi locus relinqueretur. Hæc sunt cōmoda, hi fructus obedientiæ, quibus omnino carent seculares omnes, non dico ij, qui huic præsentī vitæ dediti, nihil de spiritualibus cogitant, verum illi quoque, qui spirituales esse volunt, sed suo ductu, suoque arbitratu hoc virtutis studiū gubernant: quos quidem difficilius, laboriosius, tardiusque progredi necesse est, & præterea in suis consilijs, & actionibus incertos, anxios semper hæere, fluctuare, pendere animi, eo etiā magis,

magis, quo meliores sint viri, cum & Dei voluntatem omnino sequi cupiant, & in ea tamen cognoscenda tanta obscuritate laborent, ut sæpe ab ea aberrant, sæpe, etiam si eam attigerint, ipsi tamen perinde crucientur, quod se attigisse nesciant.

Non solos religiosos, sed omnes Christianos obligatos esse ad vitæ perfectionem.

CAPUT XII.

His iam expositis, quæ de generalibus religionis, ac religiosi cuiusque voti utilitatibus dicenda videbantur, deinceps etiam alij peculiare quidam fructus, & præcipuæ quædam utilitates commemorandæ sunt. Verum, antequam hoc aggrediamur, minuenda, vel potius extirpanda est ea opinio, qua plerique errant, existimantes hoc duriores esse, & graviores religiosorum rationem, quod eos quidem sua professio obliget ad omnem perfectionem, & sanctitatem, seculares autem nulla eiusmodi obligatione teneantur, sed potius liceat eis impune imperfectos esse. Quod omnino falsum est. Hoc enim contra ponendum, ac stabiliendum est, omnes plane homines, hoc ipso quod Christiani sint, suâque ceruices diuinis Euangelij legibus subiecerint, magnam ipsos quoque perfectionis obligationem suscepisse. Quod si cuiquam fortasse mirum, aut paradoxum videatur, hac ipsa re intelligat, quanta labe Christiana facta sit, quamquam ea à Christi institutis, & à maiorum etiam seruire de flexerit, ac degenerarit. Itaque ad hoc confirmandum nihil de nostro afferemus, sed omnia vel ex sacra scriptura, vel ex sanctis Patribus, arque inter hos potissimum ex duobus, qui copiosissime, & clarissime, & quod caput est, ex professo hoc argumentum tractant, ut vel eorum auctoritas funditus repudianda sit, vel hæc sententia admittenda. Primum enim Basilii in eo sermone docto, & disertio, quem inscripsit de rerum abdicatione, ita disserit, Dominum Deum, ut hominum imbecillitati consuleret, eorum vitam duplici statu distinxisse, coniugio, & continentia, ut qui non tantas vires haberent, quibus hanc ferre possent, ad illud confugerent, sic tamen, ut in illo quoque statu eam sibi rationem tessendam scirent, quam sancti viri in veteri testamento tenuerunt, ac potissimum Abraham, qui cum adhuc Euangelium non audisset, neque ex eo discere potuisset, ut sua venderet, & pauperibus distribueret, tanta tamen pietate feruebat, ut & eius

domus, atque opes hospitibus semper peterent, & ipsum vnicum filium, vno Dei verbo iussus, mactare non recusaret. Ac cum hæc, & similia disputasset, illa quoque adiungit. An non, inquit, tibi quæso videntur etiam matrimonio iunctis lata fuisse euangelia? Vides igitur non à monachis modo, sed etiã ab ijs, qui vxorem habuerint, rationem exactum iri, vtrum ex euangelij præscriptis vixerint? Etenim qui coniugio sese implicauerit, in eo quidem non peccat, quod sua vtatur vxore; reliqua vero mandata cum æque descripta sint omnibus, in eodem periculo sunt omnes, qui aduersus ea fecerint, siquidem cum Christus ipse, cum Patris sui præcepta promulgaret, apud eos loquebatur, qui in mundo etant, & communem vitæ morem sequebantur. Quod si seorsim à discipulis interrogatus aliquid aliquando respondit, aperte ipsis testificatus est, Quod vobis dico, omnibus dico. Non est igitur, quod tu, qui ad vxorem animum applieare maluisti, delicta te dedas, quasi ideo liceat tibi mundum amplecti: quin immo eo maiore tibi labore, contentione, & vigilantia opus est, vt salutē compares, quippe qui sedem delegeris in mediis laqueis, & in media hostium dirione, vbi peccatorum irritamenta assidua ante oculos posita habeas, ad quæ concupiscenda omnes sensuum tuorum libidines assiduo impetu impelluntur. Quare intelligere debes, non possite effugere, quin cum diabolo tibi colluctandum sit, nec posse sine multis laboribus victoriam reportare. Quo etiam modo pugnam cum aduersario subterfugere potes, qui omnino iam sis cum eo conclusus intra caueam pugnae destinata? Hæc autem cauea est ipsa terra cœli ambitu clausa, quã quidem, vt in Iob historia legimus, ille assidue circumire, & perambulare solet, quasi rabiosus canis, quærens quem deuoret. Quare, si cum hoc hoste pugnam inire non vis, oportet te in alium mundum, vbi ille non sit, commigrare. tum tibi licebit ab eius pugna cessare, & citra periculum ferias indicare præceptis euangelicis. Quod si hoc fieri non potest, restat, vt eam artem addiscas, qua sciet cum eo decertare possis. Hactenus Basiliius. Addamus Basilio Chrysostomum quoque, qui in tertio libro cōtra vitæ monasticæ vituperatores, de hoc ipso loco luculente disserens, hæc habet inter cetera. Fallis te ipsum prorsus, & decipis, si putas aliud à secularibus viris, aliud à monachis requiri. Hæc enim sola est fere in vtroque vitæ genere differentia, quod illi quidem matrimonij se vinculis constringunt, hi vero his liberi perdurant, in reliquis vero communis, atque eadem

Mat. 13.

Iob. 1.

eadem ab utrisque vitæ ratio requiritur, vnaque utrisq; pœna pro iisdem culpis debetur. Nam qui fratri suo irascitur sine causa, siue ille secularis, siue monachus fuerit, Deum similiter offendit. Atque is, qui mulierem respicit, & concupiscit eam, quocumque in statu fuerit, eadem adulterij pœna plectetur. Rursus, qui iurat, siue hoc, siue illud fuerit, pari pœnæ subiacebit. Neq; enim Christus, cum de his monita ederet, legesque statueret, ita distinxit, ut diceret, si quidem is, qui iurat, monachus est, à malo est iusiurandum, si vero monachus non fuerit, non iam à malo est; sed absolute omnino dixit, Ego autem dico vobis, Ne iuretis penitus. Rursumque cum diceret, Vx ridentibus, non addidit, Monachis, sed absolutam de omnibus, sententiam tulit. Atque idem in ceteris mandatis maximis, & admirandis facit. Cum enim dicit, Beati pauperes spiritu, Beati qui lugent, Beati mites, & reliqua, nec monachi, nec secularis nomen adiecit. Cæterum ista distinctio ex hominum opinione introducta est: sacræ vero litteræ nihil horum nouerunt, sed potius iubent, ut omnes monachorum vita, & instituto viuant, etiam si vxoribus fuerint adiuncti. Audi denique, quid Paulus moneat, quem cum nomino, Christum prædico. Hic itaque cum scriberet vxoratis hominibus, filiisque nutrientibus omnem ab illis monasticæ vitæ diligentiam requirit. Namque delicias omnes penitus abscindens, siue quæ ad cultum vestium, siue quæ ad cibos pertinent, his verbis vitur: *Quæ in deliciis degit, viuēs mortua est.* & rursus. *Habentes cibos, & tegumenta, his contenti simus.* Quid amplius posset à monachis exigere? Alias vero, cum de continenda lingua admoneret, sanctissimas leges constituit, & tales leges, quas implere monachis ipsis nō paruum sit negotium. Non enim turpitudinem tantum, aut stultiloquium damnat, verum ipsam quoque scurrilitatem seuerissime castigat, & iugulat. Nonnumquam vero ad ipsius quoque Christi imitationem summa vi exhortationis inducit. Cum enim nos admonet, ut proximum diligamus, à Christo potissimū sumit exempla, itémq; cum ad patientiam, cum ad humilitatem hortatur. Cum itaque non monachos tantum, vel Apostolos, sed ipsum etiā Christum imitari non iubeat, eisque, qui non imitentur, maxima intentet supplicia, qua tandem ratione monachorum perfectionem maiorem esse dicis, cum eadem perfectio omnibus proponatur, & omnibus imperetur? Sed hoc est plane, quod orbem vniuersum euertit, quod monachis opus esse arbitramur summa bene viuendi

Luc. 6.

Matt. 5.

1. Tim. 4.

Ephes. 5.

- diligentia, ceteris autem licere negligenter viuere. Non ita sane, non ita est; sed eadem ab omnibus philosophiæ ratio requiritur. Atque id equidem sine vlla dubitatione affirmarim, immo vero non ego, sed iudex omnium Christus. Et enim cum dicit; Venite ad me omnes, tollite iugum meum super vos, & discite à me, quia mitis sum, & humilis corde; non monachos tantum alloquitur, sed omne prorsus hominum genus. Itémque cum iubet per angustam viam ingredi, non monachos solos, sed omnes omnino homines eo imperio conuenit: cumque odisse animam suam in hoc mundo, & cetera huiusmodi iubet, nullam hominum conditionem excipit. Nam cum aliquid præciperet, quod non esset omnibus commune, nec generale decretum, id ipsemet indicabat, vt cum de virginibus loquens adiunxit, Qui potest capere, capiat. Itaque quod ad eandem vitæ diligentiam, summumque perfectionis fastigium ex diuinis legibus, & secularis pariter, & monachus teneatur, quódq; aubo, si ceciderint, æqualia sint excepturi vulnera, neminem iam negaturum existimo, quantumuis contentiosus sit, & impudens. Hæc omnia Chrysostomus, & alia multo plura. Quid autem expressius significantius, & grauioribus etiam verbis, ac sententiis in hac re dici poterat? Quamquam quid hominum testimonia requirimus, cum ipsius Domini vocē teneamus?
- Matt. 5.* Estote, inquit, perfecti. & ne obscurum relinqueret, vel quātam perfectionem exigeret, vel à quibus exigeret: adiunxit, sicut pater vester cælestis perfectus est. Itaque & summa illa sanctitas imitanda, & ab iis omnibus imitanda, qui eum se patrem habere gloriantur. omnes autem gloriantur, qui
- 1. epi. c. 3.* Christiano nomine censentur, quibus, vt ait Ioannes, talem Deus charitatem tribuit, vt filij Dei nominentur, & sint, quique, vt ait Paulus, filiorum iure hæredes etiā Dei futuri sunt, cohæredes autem Christi. Itaque aut magnæ illius hæreditatis deponenda spes est, aut, si filiorum adoptionem tueri volumus, paternæ sanctitatis imitatione tuenda est, quoniā filios, præsertim talis, & tanti patris, non decet, vt Cyprianus ait, esse degeneres. Hanc ob causam Iacobus quoq; Apostolus, non ad Hilariones, aut Macharios aliquos, sed ad populū, plebemque scribens, hoc ipsum eos hortatur: Vt sitis, inquit, perfecti, & integri, in nullo deficientes. Atque in eandē sententiam Petrus quoq; ad eosdem homines, Vt & ipsi in omni conuersatione sancti sitis, quoniam scriptum est, Sancti eritis, quoniam ego sanctus sum. Quin ipse quoque Deus ad
- Abraham

Abraham inter tot opes, atque in tantæ familiæ, & diuitiarum administratione, Ambula coram me, & esto perfectus. Quod quidem si tempore illo dictum ei est, cum naturæ tantum lex vigeat, non est dubitandum, quin nunc etiam multo magis valere debeat, cum Dei Verbum de cælo veniens, quod Zacharias, vt Spiritu sancto plenus, sensit, ideo visitauit, & fecit redemptionem plebis suæ, vt seruiamus illi in sanctitate, & iustitia: idque ipsum præ se fert ipsa lex, quam Verbum illud aperiens os suum toti mundo promulgauit. Hæc enim lex cum sic distributa sit, vt alia nobis erga Deum officia præscribat, alia erga proximum, alia etiam aduersus nos ipsos, in omnibus his apparet quantam perfectionem requirat. Nam in Deum quidem quem timorem præscribit, quam fiduciam, & fidem, quem veto amorem, in toto corde, in tota anima, & in omnibus viribus? In proximum autem quibus nos modis informat, cum eum iubeat æque à nobis diligere, ac nos ipsos, tantam etiam exigat misericordiam in eius malis, tantam patientiam in iniuriis, vt auferenti pallium vltro addatur & tunica percutienti maxillam præbeatur & altera? Denique erga nos ipsos non poterat maiora, & perfectiora postulare, quam cum præcipit semper vigilare, vitam odisse, accipere crucem, abnegare nos totos, perdere animam, renunciare omnibus, quæ possidemus, vendere, & dare elemosynam, intrare per angustam portam, & in summa vim facere regno cælorum. Quæ quidem omnia, & alia multa, cum sine vlla discretione, & exceptione, aut differentia vel hominum, vel statuum à Domino promulgata sint, sed omnibus communiter, ac generaliter præscripta, quantam esse dicemus cecitatem eorum secularium, qui seipsum sua auctoritate eximentes, hæc ad se pertinere non putant, sed ad religiosos solos? Et illi quidem hanc suam opinionem ipsa etiam vita, factisque præstant, tantum enim abest, vt illam abnegationem: illam abrenuntiationem, illam crucem, quam Dominus iubet, cõplectantur, vt nihil magis horreant, & auerſentur, contra vero libertatē, delicias, amplitudinē tanto studio consecutentur, ac si Dominus oppositam penitus legē promulgasset: Beati diuites, Beatæ voluptates, Beati qui quam maximos in hoc mūdo honores consequuntur. Concludamus igitur, illudque teneamus, quo nihil clarius esse debet in euangelica luce, omnes plane, qui eidem euangelio crediderunt, quique iisdem se eius legibus obligarunt, huc religiosos, siue seculares, magnū officij,

Gen. 17.

Luc. 1.

obligationisque pondus sustinere, ut mores, actionesque suas ad eam summæ perfectionis regulam exæquent, quam & Christi vita, & Christi saluberrima præcepta omnibus mortalibus proposuerunt. Ex quo quidem duo consequi necesse est. primum, religiosos nullum ferme nouum onus, nullamque nouam obligationem sibi imponere, aut certe exiguam addere, sed contra, magna potius adiumenta acquirere ad eam, quæ iam imposita erat, leuius, alacriusque perferendam. Alterum est, quanto deterior sit in hoc etiam secularium conditio, qui, cum eadem ferme obligatione teneantur, tamen tam parua habent ad eam exsoluendam adiumenta, & potius tam multa, & tam magna impedimenta. Itaque hoc simillimum est, ac si iter aliquod duo facere cogantur longum, & arduum, sed alter pedibus, ægre, ac tarde, & laboriose, alter vehiculo optimo & commodissimo, hac tamen adiecta conditione, ut vehiculum illud relinquere non possit, nec pedibus ire. Sic enim, quod ad ipsam attinet euangelicæ legis perfectionem, eadem est utriusque iniuncta necessitas: propria autem religiosorum obligatio est in modo, ac ratione perueniendi ad hanc perfectionem: quod ipsum in magno lucro deputari debet, quoniam si tali instrumento ad talem rem uti saluberrimum est, quanto salubrius non posse non uti? Sed hoc etiam manifestius fiet, si peculiaria bona religiosi status sigillatim explicentur.

Prim^o religionis fructus integra remissio omnium peccatorum.

C A P V T X I I I.

Cant. 7. **D**ixi ascendam in palmam, & apprehendam fructus eius. Ingressuri iam singulas Religionis utilitates, quæ longior, pleniorque erit tractatio, hoc Sapientis dictum ex Canonicis vere, apteque usurpare posse videmur: siquidem palmæ typus recte religioni congruit, magnopereque consonat. Sic enim Gregorius quoque spiritualium hominum vitam huic arbori comparat, quia quemadmodum palma, *19. mor.* ut ipse ait, inferius tactu aspera est, & quasi aridis corticibus *cap. 16.* obuoluta, superius vero & visu, & fructibus pulchra, inferius corticem suorum in volutionibus angustatur, sed superius amplitudine pulchræ viriditatis expanditur; eodem modo vita famulorum Dei in ijs quidem, quæ exteriora sunt, & infima, despecta, atque angusta videtur, in summo vero, id est, in anima, quæ in homine pars summa est, amplius

est, amplissimæ retributionis fiducia dilatatur. Hoc vero præcipue locum habet in religione, in qua quod in oculos primum incurrit, est difficultas, ac rigor ille paupertatis, & quædam externa facies vilitatis, multis quasi laboribus, atque ærumnis nodosa, & aspera: sed tamen, si interiores eius opes inspiciamus, nulla suavior vita, nulla omnibus spiritualibus bonis plenior. Itaque ascendamus nos quoque in hanc palmam, vel potius, quando iam ante, Deo propitio, ascendimus, apprehendamus eius fructus, ijsque non solum vrendo, sed etiam cogitando, & commemorando persuamur. Est autem primus ille fructus, plena, atque integra remissio, ac condemnatio omnium omnino criminum, & peccatorum, quæ in seculari vita quocumque modo sint commissa. Sed huius beneficii magnitudinem nemo æstimare poterit, nisi qui earum pœnarum magnitudinem intelligat, & attendat, quæ, etiam peccatis sacramentorum vi deletis, tamen adhuc luendæ restant; quarum pœnarum summa, & intolerabilis acribitas ex tribus potissimum constat. Primum ex cruciatu ignis illius adeo acris, & adeo vrentis, & vrentis ipsam animam, quem Augustinus duriores esse ait, quam quicquid pœnarum possit in hoc seculo aut videri, aut sentiri; aut etiam, quod est maximum, cogitari. *Serm. 41. de sanctis.* Augetur deinde dolor ex desiderio videndi infiniti illius boni, cuius causa creati sumus; quod desiderium in anima, quæ iam corpore sit soluta, pene infinitum est. Tertium pœnarum genus est ipsæ suarum macularum aspectus, earumque fœditatum, quas culpâ infixit, antequam flammis quasi exustæ purgentur. Atque horum etiam cruciatuum gravitas ex ipsa creiscit multitudo peccatorum: quippe cum supplicijs illis non grandia tantum peccata, sed etiam minutissima quæque puniantur, quorum tantus numerus in nostram quotidianam vitam incurrit. Augustinus quidem multa huiusmodi commemorat, ut est necessitatis metas transire in cibo, & potu, plus loqui, aut etiam plus tacere, quam expediat, fastidire pauperem etiam importunum, tardius è somno surgere, infirmos, vel carcere clausos segnius visitare, blandiri proximo, vel contra eum seuerius appellare, adulari potentiõri, temere suspicari, parcius elemosynam tribuere. Denique quid plura? etiam verba otiosa loqui: quæ peccata otiosa, si hic redempta non fuerint, illo igne purganda esse confirmat. Ex quo appareat, quantum esse necesse sit pœnarum cumulum, cum tantus sit peccatorum cumulus, tum aliorum,

tum horum maxime, quibus tota ferme vita secularis scate-
re solet. His igitur tormentis, ac cruciatibus vnico momen-
to omnes liberamur, cum religiosam vitam profitemur, ita-
que liberamur, vt si tum de hoc corpore migrare contingat,
anima recto cursu euolutura sit in cœlum. Magnum profus
beneficium, vel potius maximum, maximiq̃ue æstimandum.
Nam si vel vnum tantummodo delictum nostro studio, no-
stroque conatu à nobis redimendū esset, quæ lacrymæ, quæ
ieiunia, quæ verbera, qui cruciatus requirerēt? multo vērò
magis, cum ita accumulata sunt, vt solet negligens, & otio-
sa vita accumulare. Sane, vt notum est, sunt etiam aliæ viæ
relaxandi has criminum pœnas, & præcipue indulgentia
Pontificum, quibus hanc quoque potestatem Dominus tra-
didit. Sed tamen magnum est inter hæc duo discrimen. Ete-
nim hæc pontificia potestas, quamquam ea quidem amplissi-
ma est, quibusdam tamen terminis restringitur. Nam & cau-
sam aliquam existere oportet, & quidem iustam, atque equa-
lem indulgentiæ, & deinde opus etiam aliquod iniungi opor-
tet aptum ad satisfaciendum, atque hoc etiam eiusmodi, vt
proportionem aliqua peccatis, quæ relaxantur, respondeat.
Itaque, si alterutrum desit, vel non valet indulgentia, vel tã-
tum valet, quantum est pondus illius causæ, & illius operis:
quæ quoniam hominum iudicio, atque æstimatione metiē-
da sunt, facile, vt in rebus obscuris, fieri potest, vt vel tota la-
bet indulgentia, vel certe ex parte, maxime cum etiam in ijs
operibus, quæ iniuncta sint, exequendis, multum peccati pos-
sit negligentia, & incuria. Non ita hæc remissio, quam reli-
giosus status affert, vt pote quæ non in hominum concessu
fundata sit, sed ex ipsius facti natura promanet: quare & in
omnibus, & semper, & eodem modo locum habere creden-
dum est, vt Deus dominus, quemadmodū ait Michæas pro-
pheta, misereatur nostri, deponat omnes iniquitates nostras,
& proijciat in profundum maris omnia peccata nostra.
Quam ob rem tota etiam Theologorum schola, qui ita exa-
ctius, ac subtilius perpendere solent, hoc tamen communi
consensu recipiunt, vt hoc etiam inter amplissima religionis
privilegia numerandum sit. Ex quibus Antonius doctrina, &
sanctitate præcipuus hoc grauius confirmat, & pro ea sen-
tentia Paludani quoque affert auctoritatem. Idem etiam
senserunt, & scripserunt tum alij multi, tum præcipue B. Tho-
mas. Nam si, inquit, elemosyna, vt ait Daniel, peccata
redimit, quanto magis ingressus in religionem, quod genus
voluntariæ

Mich.

ultim.

Anto. p.

3. ti. 16.

c. 3. §. 3.

Palu. 4.

d. 38.

g. 3.

Syluest.

ve. Rel.

3. dub.

23.

voluntariæ pœnitentiæ non solum eleemosynam aquat, sed etiam longo intervallo excedit; & iure quidem. nam qui indigenti aurum, vel argentum erogat, id erogat, quod extra se est: quin etiam ex eo, quod abundat, partem aliquam tribuit: religiosus autē nō partem, sed omnia, & insuper se ipsum. Itaque nulla est eleemosyna, aut munus cum hoc munere comparandum. Quin etiam idem B. Thomas alio loco hanc reddit huius rei rationem, non ita hic remittit peccata, ut gratis relaxentur, sed ita, ut verissima, & maxima pro iis satisfactio reddatur. Nam cum volūtas, quæ, ut ille ait, cærior est, quam res omnes mundi, Deo donatur, & in eius servitutem redigitur, iam plene pro omnibus delictis præteritis satisfactum est, quoniam id datum est, quo nihil maius ab homine dari poterat. Idem asserit Vvaldensis gravis auctor, & confirmat testimonio sanctissimi viri, qui visione quadam se hoc edoctum ostendebat, cum narraret eandem se gratiam vidisse demitti super vestimentum monachi, cum sanctum habitum indueret, quam viderat super baptismum. Optime vero Anselmus in libro similitudinum extremo, qui hoc etiā demonstrat exemplo Osberni monachi. Hic enim cum de hac vita migrasset, non multo post apparuit de nocte Anselmo ipsi, narrauitque ter se in illa suprema lucta à Satana oppugnatū gravissime; sed à quodam, qui sibi astabat, aduocato strenue defensum; primū cū peccata ante baptismū, quæ adultus susceperat, perpetrata, obijceret, cui cū aduocatus ille responderet, omnia baptismō elutā esse, dæmonē obmutuisse. Iterum cū ea commemoraret, quæ in seculo ante susceptam religionem deliquerat: quod etiā refutasse, cum diceret, hæc quoque per religiosæ vitæ professionem cōdonata. Demū cū malignus hostis omnes eius negligētias, culpasq; in religione cōmissas attulisset, hunc contra respondisse, hæc etiam ipsa diligētī cōfessione & pia aliorum operum exercitatione satis superque expiasse. Quare, cū nullus iam calumniæ locus superesset, illum victū, confusumque abscessisse. Simile etiam quiddam de magno Antonio commemorat Athanasius, quodam die circiter nonam horam raptum ab Angelis in sublime, cni cum occurrentes demones summa vi obusterent, quæsisse Angelos, quid in eum iuris haberent. tum illis Antonij errata ab initio vitæ enumerare exorsis impositum esse à bonis Angelis silentium, cum dicerent, non esse eorum renovandam monitionem, quæ in seculo commississet, antequam monachus fieret: quod si ab eo tempore ali-

quid haberent, id eis licere proferre. hæc vero cum nulla inuenire potuissent, cessasse demum inuitos, liberumque iter ad cælum præbuisse. Atque in annalibus quoque Francisca-
 nis legitur Christophorum quendam sacerdotem eius ordi-
 nis religiosissimum, cum vehementius sollicitus esset de qui-
 busdam commissis in securo, rogasse fratrem quendam, qui sæ-
 pe sui custodis Angeli aspectu, colloquioque fruebatur, vt de
 ea re ab ipso quæreret: Angelum autem, quod ad illa attine-
 ret, iussisse, vt bono, ac securo esset animo, de reliquo vero
 studeret vsque in finem perseuerare, vt saluus esset. Est etiam
 iucundum, & notabile omnino hoc in genere, quod Leon-
 tius, Cyprius episcopus, antiquus auctor, narrat in vltâ Simeo-
 nis Abbatis. Hic enim Simeon cum vna cum Ioanne, eius-
 dem vterque nobilitatis, in ipso adolescentiæ flore ad mona-
 sterium venissent, ac die postera religioso habitu induendi
 essent, quidam ex fratribus ita eis dixerunt (iuuat enim ipsa
 eius verba ponere, vt sunt simplicia, & nuda) Beati estis, quo-
 niã eras regenerabimini, & mûdi efficiemini, & cut nati estis,
 ab omni peccato, perinde ac si ipso die essetis baptizati.
 Quod illi audientes, admirati sunt ambo, & cucurrerunt ad
 diuinum Niconem abbatem monasterij: & ad eius pedes
 prociderunt, dicentes: Rogamus te, Pater, ne nos baptizes.
 Sumus enim Christiani, & nati ex parentibus Christianis. Is
 autem, cum nesciret quidnam audissent à patribus carnobij,
 dixit eis, Quis enim vult vos, ô filij, baptizare? Illi vero dixe-
 runt, Domini nostri, patres monasterij dicunt nobis, Cras
 rebaptizabimini. Tunc intellexit Præfectus, eos dixisse de
 sancto habitu. & ait eis. Recte dixerunt, filij. Etenim, si Deo
 placuerit, volum⁹ vos cras induere sancto & angelico habi-
 tu. Habemus etiam in hoc auctoritatẽ Hieronymi grauif-
 simam, qui ob hanc causam religiosum statum ipsi baptismo
 pene comparare non dubitat. Sic enim Paulam de Blefillæ
 filiæ obitu consolatur. Re vera, inquit, si seculare desiderium,
 & quod Deus à suis auertat, delicias huius vitæ cogitantem
 mors immatura rapuisset, plangenda erat. Nunc vero, cum
 propitio Christo, ante quatuor ferme menses, secundo quo-
 dammodo propositi se baptismo lauerit, & ita deinceps vixe-
 rit, vt, calcato mundo, semper monasterium cogitarit, nõ ve-
 reris ne tibi Saluator dicat, Irasceris Paula, quia filia tua fa-
 cta est filia mea? Eandem vim habet etiam illa eiusdem Hie-
 ronymi cohortatio ad Demetriadem. Nunc, inquit, quia se-
 culum reliquisti, & secundo post baptismum gradu inisti

partum

Epi. 25.

Epist. 8.

pactum cum aduersario tuo, dicens ei, Renuncio tibi diabole, & seculo tuo, & pompæ tuæ, & operibus tuis, serua fœdus, quod pepigisti. Apertissime autem Bernardus non solum id docet, sed duplicem etiam, à quibusdam de hoc ipso rogatus, causam affert: Audire, inquit, & hoc vultis à me, vnde inter cetera pœnitentiæ instituta monasterialis disciplina meruerit hanc prærogatiuam, vt secundum baptismum nuncupetur. Arbitror, ob perfectam mundi abrenunciationem, & singularem excellentiam vitæ spiritualis, qua præeminens vniuersis vitæ humanæ generibus huiuscemodi conuersatio professores, & amatores suos Angelis similes, dissimiles hominibus facit, immo diuinam in homine reformat imaginem, configurans nos Christo, instar baptisimi. Et quasi denique secundo baptizamur dum per id, quod mortificamus membra nostra, quæ sunt super terram, rursus Christum induimus, complantati denuo similitudini mortis eius. Sed & quo modo in baptismo eruiamur de potestate tenebrarum, & in regnum transferimur claritatis æternæ, ita & in sancti huius secunda quadam regeneratione propositi, de tenebris æquè non vnius originalis, sed multorum actualium delictorum, in lumen virtutum euadimus, redaptantes nobis illud Apostoli, Nox præcessit, dies autem appropinquauit. Hæc Bernardus. Possumus autem hæc omnia firmissimo argumento concludere. Nam si quis rationem quaerat, cur baptismus culpas omnes præteritas deleat, illa est, quia in eo hoc agitur, vt omnino moriamur vitæ veteri, & renascamur nouæ. Id enim est, quod à Paulo Apostolo omnibus locis prædicatur, cum modo nos mortuos, modo Christo consepultos, ac cum eodem etiam conuiuificatos appellat, vitamque nostram in ipso absconditam. Itaque si rectè reputemus, non idem homo è baptismo emergit, qui in eum ingressus erat, sed planè alius. prior enim ille mortuus est, & cœpit alius, ex quo etiam sequitur, vt prioris illius hominis peccata non magis huic homini recens nato tribuenda sint, quàm mea alteri, vel alterius mihi. Hoc igitur idem euenit etiam in religionè. Morimur enim mundo, eiusque operibus, & nobis insuper ipsis, ac voluntati nostræ, & ita morimur, vt non magis liceat nobis mundo, eiusque præmiis, vel voluntate nostra uti, quàm si planè sepulti essemus. Quare cum religiosi quoque, sicut in baptismo, desinant esse quod antea fuerunt, & noui quidam homines esse incipiant, nouis studiis, noua vita, aliisque omnino delectationibus, & cogitationibus,

*De præf.
C. d. s. p.*

*Rom. 6.
Eph. 2.
Col. 3.*

tationibus, & sine, nil mirum, si culparum pœnæ, quas vetus ille homo debebat, vna cùm ipso homine moriantur, & obli-
terentur, nec iam ad secundum hunc hominem pertineant.
Quod quidem, si rectè consideremus, quantum est benefi-
cium, & quantam animo iucunditatem, ac tranquillitatem
affert, depulsijs ijs angoribus, quos præteritorum criminum
cōscientia afferre solet? Eunt aliqui in longinquas regiones,
votiuas suscipiunt peregrinationes, Hierosolymā, Romam,
Compostellam, capūtque suum ingentibus periculis maris,
ac terræ obiciunt, vt eam, de qua supra diximus peccatorū
indulgentiam assequantur. Rectè id quidem, ac pie: sed ta-
men ea pietas multa habet admixta incommoda, idque in
primis, quod non modo non deuotionem, feruorēque spi-
ritus plerūque auget, sed potius ipso itineris labore, ac mo-
lestia imminuit, sæpè etiam nouorum peccatorū occasiones
ingerit. Hæc verò indulgentia & simul ingentem præbet
sanctitatis accessionem, & præterea, vt supra diximus, non ex
limitata hominum potestate, sed ex Dei voluntate, atque ex
ipsius operis præstantia promanat, vt sanè ita cogitare liceat
vnicuique religioso, se quoque ex Domini ore lætissimam
illam vocem audire, Remittuntur tibi peccata tua. Vade in
pace.

*Secundus fructus Religionis ex eo, quod sit
status Pœnitentia.*

CAPVT XIV.

Q Vamquam Religio, vt proximè ostensum est, in ipso
eius ingressu, primoque aditu tam liberali, atque op-
tabili munere omnes excipiat, vt eos omnibus peccatorum
nexibus, grandibusque illis (vt Saluator appellauit) debitis
exsoluat, tamen præter hoc tam multa habet remedia tam-
que efficacia ad eadem peccata expurganda, atque omnino
delenda, vt cuncta eius studia ad hunc vnum ferme finem
quodammodo referri videantur. Sic enim vocatur, & ita
est verè, status pœnitentiæ, quasi in eo versetur, vt præterita
peccata lugeat, ætatisque ante actæ rum culpas, rum etiam
negligentias diluat, ac corrigat: idque B. Thomas confir-
mat in eo libello, quem scripsit contra impugnantes religio-
nem. Neque verò hæc est superflua, otiosaque diligentia,
vel hoc paruum, & tenue beneficium, etiam post illam, de
qua diximus, plenam, & integram remissionem. Hoc enim
illud ipsum est, quod monet Spiritus sanctus in scriptura:

De

De propitiato peccato noli esse sine metu. Nam si verè propitiatum sit, quid amplius metuendum? aut si adhuc metuendum, ergo nondum satis propitiatum. Sed tamen & rei tantæ magnitudo, quanta est salus æterna, hoc efficere in omnibus hominibus debet, ut numquam sibi satis cauisse existiment: & peccatorum odium, nempe tam turpis rei, si verum est odium, hoc quoque requirit. ut ea etiam condonata, nos tamen ultro vindicemus, & quasi hostes, qui tantopere nocuerunt, voluntariis pœnis puniamus. Est enim in hoc genere valde considerandum quod Gregorius ait, Nullum peccatum Dominus inultum relaxat: aut enim nos flendo insequimur, aut ipse iudicando referuat. Atque idem alibi hoc etiam illo sacræ scripturæ testimonio confirmat, ubi beatus Iob ^{4. Mor.} Domino loquitur, Sciens, inquit, quod non parceres delinquenti. Delinquenti Dominus non parcit, quia delictum sine ultione non deserit. Aut enim ipse hoc homo in se pœnitens punit, aut hoc Deus cum homine vindicans punit. Nequaquam igitur peccato parcitur, quia nullatenus sine vindicta laxatur. Quo etiam pertinet illud Augustini dictum, quod merito laudatur à Possidonio, qui eius vitam scripsit; qui hoc monere solebat, etiã laudatos quoslibet sacerdotes numquam committere debere, ut sine iusta, & congruenti pœnitentia ex hac vita decederent. Vbi igitur hoc melius sit, & vberius, quàm in religione, quæ vel tota, vel ex parte maxima huc dirigitur, ut præteritas culpas satisfaciendo redimat? Quod si etiam illud inquirere velimus, quàm ad hoc facultatem religio habeat, inueniemus in hoc quoque, ut in aliis omnibus, diuitem planè esse, multisque abundare rationibus ad hoc efficiendum; quæ tamen ad deo præcipua capita referuntur, corporis, & animi: corporis quidem, quia non paruam assidue suppeditat materiam tolerandi, & patiendi. Et quidem ipsa in primis abdicatio omnium voluptatum huius mundi satis magna est pœnitentia. Durum enim, & graue est carni, incundis rebus priuari, quarum est appetens, coniugio, epulis, compotationibus, venationibus, ludis, ludicrisque spectaculis, & aliis eiusmodi oblectamentis, quæ homines tantè æstimare solent. Quare etiam si nihil aliud esset, hoc vnum sufficere deberet, ut religiosi in perpetua pœnitentia versari viderentur, quoniã sine dubio hoc ipsum, carere dulcibus, valde amarum esse solet. Sed habet præterea hic status alia molesta, & acerba sensui, quæ tam multa, & quotidiana sunt apud religiosos, ut Chrysostomus

Hom. 56. ad pop. Iostomus vniuersos merito appellandos putarit Crucifixos, quasi eos, qui in perpetua cruce viuant. Nam in primis paupertas ipsa multa affert, eaque assidua incommoda, multasque molestias in cibo, in vestitu, in reliquo victu, in domo, in suppellectili, denique in rebus omnibus, quæ quouiam Dei amore perferuntur, magnopere valent ad eam, quam tractamus, expiationem. Ad hæc accedunt etiam aliæ grauiores, durioresque functiones, quas exigit religiosa disciplina, ieiunia, vigiliæ, & alij omnes modi carnis macerandæ, quos vel cuiusque pietas, ac feruor excogitat, vel proprium cuique institutum iniungit. Accedunt labores, qui sæpè vel Dei causa, vel proximorum suscipiendi sunt, dum eis opera nauatur, de die, de nocte, omni loco, & tempore. Atque hæc corporis. Multo tamen maiora sunt, & aptiora ad satisfaciendum, quæ animo geruntur, & præcipuè virtutum omnium exercitatio, vt humilitatis obedientiæ, & caritatis in Deum, & in homines quoscumque; quarum quidem virtutum operibus religiosa vita plena est. Ea autem non solum ad præmiū augendū conferunt, sed vel maximè ad peccata delenda. Sed tamen primum locum merito tenet propriæ voluntatis abnegatio, siue quàm homo per se exercet in seipsum, dum suos appetitus tam varios, tamque interdum violētos frangit, ac subigit, dum oculos dum gulam, aliosque eiusmodi naturæ impetus coercet: siue quæ in eo exercetur à prælatis, & rectoribus, quos habet, ex quorum voluntate cum totus, & omnino pendeat, constat cum in perpetua quadam voluntatis suæ castigatione viuere. Hic verò, vt dixi, summus est, & optimus pœnitentiæ modus. Cuius ratio hæc est, quia in omni peccato ita se gerit hominis voluntas, vt sibi ipsi obsequendo Dei voluntatē abiiciat, & contemnat. Quamobrem nulla plenior, & cumulatior dari potest diuino numini satisfactio, quàm si eadem ipsa voluntas ligata, & constricta vororum vinculis, ac præsertim obedientiæ, tamquam novæ dedatur eidem Deo, quem offendit: & hæc ipsa pœna vera, & iusta est in eam voluntatē, quæ plus æquo se iucundis, & placentibus oblectauit. vt ea iam agat, & perferat, quæ sunt odiosa, & ingrata. Et re vera si pœnitentiæ intimam vim, ac naturam cogitemus, inueniemus eā animo magis, quàm corpore, exercendam esse, animus enim est qui peccat: ipse corpori, ipse membris imperat, ipse etiam vias exequendi facinoris excogitat. Itaque animo præcipuè omnis pœna debetur, præsertim etiam cum peccatorum bona pars animo solo, nullo corporis

poris instrumēto perficiantur, ut quæ toto superbiæ genere, quod tam multiplex est, continentur, vel invidentiæ, & similitum, quin etiam omnia, quæ cogitatione tantum, & interiori consensu patrantur. Ex quibus omnibus concluditur, pœnitentiam in animi præcipuè, voluntatisque castigatione consistere, ad quam castigationem vel sola apta est, vel certè omnium aptissima religio. Iure igitur S. Thomas in eo opusculo, quod scripsit de spiritali perfectione, hoc etiam præter cetera docet, religiosum statum non solum continere perfectionem caritatis, sed etiam perfectionem pœnitentiæ, & nullam satisfactionem adæquari posse pœnitentiæ religiosorum, qui se Deo Domino consecrant: quod ille hoc quoque argumento probat, quoniam nulla esse possunt vel tam innumerabilia, vel tam immania peccata, ut ob eam causam pœnæ loco cogi quispiam possit ad hunc statum subeundum, propterea quod eius opera omnem, quæ ex quavis causa deberi possit, satisfactionem excedant, & superent, etiam eam quæ publicè fiat, qua nulla maior olim imponi solebat, neque nunc imponi potest. Est autem illud quoque in hac re magnopere attendendum, in hoc pœnitentiæ genus duo concurrere, quæ in nullum aliud concurrunt. Nam alia quo sunt efficaciora, & ad peccatum purgandum aptiora, eo etiam acerbiora esse necesse est: quæ verò plus habent lenitatis, eo minus valent, minusque peccatorum remittunt. Hæc autem pœnitentiæ ratio, quæ religiosa constat disciplina, cum tantam vim habeat, ut, auctore S. Thoma, non possit esse maior, tamen non solum non aspera, aut horribilis est, sed etiam iucunda, & suavis. Non enim eiusmodi res est, quæ ad Deum placandum multam in ediam, aut longas verberationes, aut noctes insomnes, & reliquos huiusmodi cruciatus necessario requirat, quos neque omnia corpora, neque omnes ætates ferre valent: sed huiusmodi est, quæ potius in quadam animi deliberatione consistat, in contemptu terrenorum, in voluntatis abdicatione, denique in obedientia, de cuius non solum facilitate, sed etiam iucunditate multa sumus infra dicturi. Declarant hoc etiam sacri Canones, in quibus Pius Pontifex Astulphum propriæ uxoris parricidam hortatur primum, ut monasterium ingrediatur, quo, ut ait, sub manu præpositi humiliatus, & multorum fratrum precibus adiutus, misericordiam à Deo obtineat: sin id nolit, plurimas, easque grauissimas, & perpetuas iniungit pœnas, interdicit vino, carne, coniugiis, balneis:

Cap. 10.
Et quodl.
3. art. 13.
Et 2. 2. q.
189. art.
3. ad 3.

33. q. 2. e.
Admonere.

addit

addit etiam alia solo auditu aspernata. Ex quo facile appareat, quanto minori labore, quanto abundantius Deo satisfiat in religione, quam in seculo, idque propter obedientiam, humilitatemque illam subiiciendi se præpositis, deinde propter pia spiritualium fratrum subsidia: has enim duas causas attingit hic Pontifex.

Denique illud etiam intelligere, & multum meminisse debemus, quod Gregorius tantus Doctor Ecclesiæ scriptum reliquit, ex quo euidenter colligi potest, hoc satisfactionis genus relinquendo seculo, non solum optimum, & saluberrimum esse, sed interdum ferme necessarium, si modo integre, & perfecte satisfacere velimus. Sic enim homilia quadam disserit ex Ioannis auctoritate, non sufficere homini, ut fructus penitentiae faciat sed requiri ut dignos penitentiae faciat; quod cuiusmodi sit, declarat his verbis: Ut enim, inquit, secundum dignos penitentiae fructus loquamur, sciendum est, quod quisque illicita nulla commisit, huic iure conceditur, ut licitis utatur, sicque pietatis opera faciat, ut tamen, si voluerit, ea quæ mundi sunt, non relinquat. At si quis in fornicationis culpam, vel fortasse, quod grauius est, in adulterium lapsus est, tanto à se licita debet abscindere quanto se meminit & illicita perpetrasse. Hæc eadem est etiam Bernardi sententia, qui inter alias causas, cur religiosus existimare debeat se totum, vitamque omnem suam Deo debitam esse, hanc quoque ut præcipuam numerat: Exigunt, inquit, à me præterita peccata mea futuram vitam meam, ut faciam fructus dignos penitentiae, & recogitem omnes annos meos in amaritudine animæ meæ. Peccavi super numerum arenæ maris, & multiplicata sunt peccata mea, & non sum dignus videre altitudinem cæli. Quod ergo sine numero est quomodo numerabo? Quomodo satisfaciam, cum cogar reddere usque ad nouissimum quadrantem. Sed & delicta quis intelligit? Ait illa cælestis fistula Ambrosius. Facilius inueni eos, qui innocentiam seruauerunt, quam qui congruam egerunt penitentiam. Cum ergo quicquid viuis, quicquid sapis, quicquid habes, quicquid potes, huic uni rei dedicaueris, numquid aliquid est, vel inter aliqua computandum? Paulo ante vitam tuam pro vita sua Christo reddideras, & nunc iterum eam totam præcedentium exigit recordatio peccatorum. Hoc ipsum alio loco confirmat idem Bernardus alia ratione, ubi ita disserit, posteaquam aliquis peccando, adhererit mundo, si plene satisfacere velit, oportere ut & voluerit, item ipsam, qua peccauit, & mundum, cuius causa

peccauit,

Hom. 20.
in Euan.

Ser. de
quad.
deb.

peccauit, abiiciat, & relinquat; idque quasi secundum esse baptismum. Eius hæc verba sunt. Irritum fecimus fœdus primum, tibi peccauius Domine, Satanæ, & eius operibus obligantes denuo nosmetipsos, iugo iniquitatis colla ultro-nea submittentēs, & subiicientes nos miseræ seruituti. Itaque, fratres mei, rebaptizari nos conuenit, secundum fœdus inire necesse est, opus est professione secunda, nec iam sufficit abrenunciare diabolo, & operibus eius: mundo pariter abrenunciandum est, & propriæ voluntati. Ille enim seduxit nos, illa tradidit nos. In priori nimirum baptismate, quando nihil adhuc nobis voluntas nostra nocuerat, satis fuerat abrenunciare diabolo. Ceterum, postquam mundi fallentis illecebras, & infidelitatem propriæ voluntatis manifeste sumus experti, de cetero iam in secundo (vt ita dixerim) conuersionis nostræ baptismate, merito prorsus & non ad insipientiam nobis, non refarcire tantummodo fœdus primum, sed etiam roborare solliciti, ipsis quoque affectibus pariter abrenunciamus. Hæc Bernardus: quæ eadem alios quoque sanctos viros sensisse video, qui sæpe homines, si peccatorum pondere leuari vellent, ad religiosam disciplinam impellebant, vt de Romualdo scribitur, qui Petrum Vrscolum Dalmatiæ Regem, ob eandem perpetratam, induxit, vt regnum, & mundum cum admiratione totius orbis terrarum relinqueret. Idem etiam fecit in Thamno, qui Othoni Imperatori ita carus erat, vt iisdem vterque cibis, iisdem etiam testibus vterentur; ob eam causam, quod Crescentio Senatori contra iusiurandum vitam ademerat. Quin idem quoque Olibano Comiti, ac dynastæ in Gallia persuasit, qui cum multa, & grauia facinora patrasset, stimulante conscientia, venit aliquando ad eius cellam cum magno comitatu, eique vitam omnem suam patefecit: qua cognita Romualdus aperte denunciauit, nullam ei salutis viam superesse, nisi mundum relinquens, monasticæ vitæ se dederet. Turbatus Comes, vt qui alia omnia cogitaret, accitis aliquot Episcopis, & Abbatibus, qui cum prosequuti fuerant, consultare cœpit, an hoc ita haberet. At illi vno omnes consensu responderunt, vere sensisse Romualdum, se autem semper metu impeditos, quo minus id eum monerent. Tunc Olibanus omnibus semotis, secreto cum sancto viro pepigit, se ita facturum, & fecit breui, stupentibus cunctis, qui eum cognorant. His igitur ostensum est, quicumque se quibuscumque criminibus obligatos esse intelligunt, si de iis purgandis labo-

*Serm. de
dupli.
bapt.*

rant, vt laborare debent omnes, nullam inuenire posse vel certiore, vel etiam suauiore, aliisque deinde meritis pleniorẽ rationem impetrandæ à Deo veniæ, quam Religionem.

Tertius fructus ex victu seueriore.

CAPVT XV.

TERTIA Religionis vtilitas, quæ multas in se continet vtilitates, est id ipsum, quod homines plerique refuge-
Zecl. 12. re solent, materia, ac potius necessitas aliqua seuerius tra-
 ctandæ carnis; quam necessitatem affert tum paupertatis professio, tum etiam ipsæ religiosæ functiones, vt plurimum duriores, & sensui repugnantes. Nam quod in Ecclesiaste dicitur, Frequens meditatio carnis afflictio est, latius patet, quam ea, quæ communiter meditatio appellatur, id est, diuina. um rerum contemplatio. Quicquid enim illud est, quo mens exerceatur, præsertim vero cum sensus, & appetitus multa assidue postulans reprimatur, id omne carnis afflictio est, & ad carnis viuendum illud robur edomandum valet, Hæc igitur seueritas in carnem multas habet vtilitates, quarum prima hæc est, quod natura nostra hisce duris, graui-
Deu. 33. busque ferendis subigitur, & mortificatur, ne insolescat. Tanta est enim eius corruptio, ac peruersitas, vt si indulgentius, ac mollius alatur, fiat in ea, quod est in Cantico Moïsis, vt impinguata recalcitret, rationisque, ac diuinæ legis obedientiam abiiciat. Licet autem huius rei specimẽ capere ex ipsis belluis, quæ quoniam solo naturæ impetu aguntur, in eis facilius naturæ vis, quasi in speculo, elucet. Videmus autem quid intersit inter iumentum longa stabuli mora, plurimoque hordeo, & ocio pastum, & alterum iumentum quotidianis laboribus exercitum, quod vix tantum pabuli habeat, quantum satis sit ad viuendum, & onera portanda. Nam illud quidem lasciuiens, & calcitrans, vix frænis etiam duplicatis teneri potest, sæpe alio se infert, quam fessor velit, sæpe ire detrectat quo fessor adigit: denique nec ad multos vsus adhiberi potest & id cum magno labore, ac sæpe etiã cum periculo. At vero alterum illud mite, & mansuetum animal, nullum vmquam onus detrectat, nunquam se commouet, potiusque sub sarcina concidat, quam ferocius resistet. adeoque vinclis non indiget, vt etiam solutum, ac liberum vni rectoris sui voci obediat, siue sistendum, siue desistendum, siue celerius mouendum sit. Igitur hoc intelligen-
 dum

dum est, naturam hanc nostram inferiorem, quæ carne, vi-
ra, appetitu, sensu continetur, eandem nobis esse cum iumē-
ris, de quibus diximus hoc etiam amplius in nobis, quod
peccato infecta, ac deprauata est, quod nō est in illis. Ex quo
idem in nobis, atque aliquanto etiam magis enenire neces-
se est, vt si delicate nutriatur, si epulis, somno, ceterisque
deliciis saginetur, sine vlla dubitatione ferocior, atque im-
potentior euadat: & contra, si parce, continenter, sobrie
instituiatur, sit semper mitis, & facile ad omnia obediens.
Hinc est enim illud Bernardi: Mens, inquit, assuecta deliciis,
nec excultra disciplinæ sarculo, multas contrahit sordes. In
quo illud optimum, quod animā nostram agro similem fa-
cit, seueritatem autem istam ligoni, aut sarculo. Vt igitur
ager non solum, nisi seratur, fructuosus esse non potest,
sed etiam semine iacto, licet per se fertilis sit, tamen adhuc
culturam requirit, & nisi ea adhibeatur, breui dumetis, ve-
pr. būsque syluescet: sic caro nostra; vt ait S. Leo, nisi assiduus
fuerit subacta culturis, cito de segni ocio spinas, tribulosque
producet, fructumque dabit non horreis inferendum, sed
ignibus concremandum. Atque, vt in eodem simili manea-
mus, sicut ager cum sarculo scinditur, si sentiēdi capax esset,
doleret sane, sed ferendum ei esset propter vtilitatem non
coloni solum, sed suam etiam: id enim ipsi quoque melius
est: sic nobis licet doleat (neque enim caro nostra ænea est,
vt ait Iob) non tamen ideo absistendum: sed is dolor, atque
ea breuis molestia maximis, & quidem sempiternis premiis
compenſanda Denique, vt multa paucis complectamur, me-
minisse debemus, nos ex duabus partibus adeo diuersis, &
contrariis esse compositos, vt altera è terra sumpta sit, ideo-
que vt grauis semper in terram feratur, & terrena appetat;
altera vero, quoniam ex quadam Dei insufflatione venit, le-
uis sit, & agilis, Deoque similis, ac propemodum cognata.
Ex quo necesse est ita fieri, vt quemadmodum vna lance de-
pressa, aduersa effertur, sic in his duabus partibus quantum
virium, & roboris vni additur, tātum alteri detrahatur: ideo
enim ait scriptura, corpus hoc, quod corrumpitur, aggraua-
re, & deprimere animam, quod etiam eo magis faciet, quo
maius pondus ipsi corpori additū fuerit. Vnde est etiam illa
egregia Gregorij sententia, Retributionis, inquit, æternæ
gaudium nequaquam in cælo colligitur, nisi prius in terra pœnit.
cum fletu, & gemitu, & amaritudine seminetur, sicut scri-
ptum est. Euntes ibant, & flebant mittentes semina sua,

Epi. 152.

*Serm. 4.
de ieiun.
Pent.*

Iob. 16.

Genes. 1.

Sap. 9.

In 3. Psa.

Psal. 125.

venientes autē venient cum exultatione portantes manipulos suos. Sicut enim carne quiescente spiritus deficit, ita ea laborante conualefcit. Et quemadmodū carnem mollia nutriunt, ita animam dura ad alta sustollunt. Illa namq; delectationibus pascitur, hæc amaritudinibus vegetatur. Deniq; illam leuia retouent, istam vero aspera exercent. Et rursus sicut carnem dura conuulnerant, ita spiritum mollia necant: & sicut carnem laboriosa atterunt, ita spiritum delectabilia angustant. Non libet iam plura in hanc sententiam addere, quoniam, nec maior esse potest vllius Doctoris auctoritas, quam Gregorij, nec à Gregorio hæc apertius, grauiusq; dici. Ex quibus apparet, magnum esse religionis bonū, quæ id

1. Cor. 9. præstet, quod de se Paulus aiebat, Castigo corpus meum: vt id etiā consequatur, quod idem addit, Et in seruitutem redigo. à quo quidem longe absunt, qui deliciosa vita delectantur, de qua illud vere est apud Bernardū, Vita in deliciis agēs,

Ser. 48.
Cant. & mors est, & vmbra mortis, quantū enim vmbra prope est corpori, cuius est vmbra, tantum pro certa vita illa interno appropinquat. Hoc igitur detractio impedimento, & carnis tamquam ancillæ insolentia fracta, sequitur etiam illa secunda vtilitas, vt ipsa domina, id est, vt mens quibusdam quodammodo compedibus liberata, expedite currere possit in omnem spiritualem profectum, magnosq; progressus breui facere in humilitate, caritate, & in omni virtutum genere. Nam cū anima nostra spiritualis sit naturæ, & tæquam aer, sine virtutibus tenebrosa, adiuncto autē virtutum ornamēto splendet, & illustretur mirum in modū, quid causæ esset, cur non multo magis ipsas virtutes, spirituales item, sibi que similiores, quā vlla terrena, & à quibus tantum accipiat ornamentum, amaret, & expeteret, si non hic eius cursus, atq; impetus, carnis pondere tardaretur? Hoc ergo pondere, non quidē omnino deposito (idenim in cælo tantum consequemur) sed tamen, quam maxime fieri possit, imminuto, eaq; sarcina ita compolita, vt apte, & cōmode gestari queat, restat vt facile, & expedite, non solum, vt antea dicebamus, currat, sed etiā euolet ad omnem verā laudem. Hinc est illud optime dictū à S. Leone, De abstinentia prodeunt castæ cogitationes, rationabiles voluntates, salubriora consilia, ac per voluntarias afflictiones carō concupiscentiis moritur, virtutibus spiritus inuouatur. Hoc etiā Dominus ipse S. Frācisce inter prima eius rudimenta vitæ spiritualis reuelasse fertur, Frācisce, inquit, aspera pro iucundis cōplectere, tēque ipsum penitus

Serm. 2.
de ieiun.
deci.
mens.

penitus contemne, & abiice, quod idem iisdem pene verbis præstantissimæ virgini Catherinæ Senensi à Salvatore præceptum legimus, vt amara sectaretur tamquam dulcia, dulcia vero refugeret tamquam amara. Hoc Veritas vtrique, sed nos omnibus dictum putemus. Accedit tertia utilitas, quod nihil fere aptius sit ad spirituales consolationes, & interiorum gaudiorum abundantiam percipiendam.

Date siceram mœrentibus, & vinum iis, qui amaro sunt corde, ait Spiritus sanctus in libris Sapientiæ. Quæ autem est hæc sicera, quodve hoc vinum, nisi suauissimus liquor de cœlo stillans, quo plena est illa cella vinaria, in quam se Sponsa introductam exultabat? Hoc ergo vinum mœrentibus tantum datur, quoniam nō inuenitur in terra suauiter viuentiū, vt ait B. Iob. Quo etiam pertinet illa Saluatoris sententia, Beati qui lugent, quoniam ipsi consolabuntur. Nam & hic luctus, & ille mœror, nihil est aliud, quam præcisio rerū omnium, quæ sensum, & carnem demulceant, & contra studium illarum, quæ eam contristent, & coerceant. Bernardus quidem illa Domini verba, quæ sunt à Ioanne scripta, Nisi ego abiero, paracletus non veniet ad vos, ita exponit, & rectè, vt dicere voluerit, delectationem illam, quam discipuli ex eius corporali præsentia capiebant, impedimento eis fuisse, quo minus spiritualis gratiæ plenitudinem acciperent: quoposito, vere is quidem argumentatur: Quis, inquit, audeat illecebris deditus sectâs lenocinia carnis suæ, carnis vtique peccatricis, genitæ in peccatis, assuetæ peccatis, in qua denique bonum nō est, illum expectare paracletū? Audeat, inquā, qui huic sterquilinio semper inhæret, qui carnem fouet, in carne seminat, carnem sapit, illam nihilominus consolationem supernæ visitationis, illum torrentem voluptatis, illam sperare gratiam spiritus vehementis, quam, vt veritas ipsa testatur, ne cum ipsa quidem Verbi carne percipere vllatenus Apostoli potuerunt? Errat omnino, si quis cœlestem illā dulcedinem huic cineri, diuinum illud balsamum huic veneno, charismata illa spiritus misceri posse huiusmodi illecebris arbitretur. Constat igitur tum ex hoc luculento Bernardi testimonio, tum ex aliis multis, quæ in hanc sententiam dici possent, magnum omnino impedimentū perfruendis deliciis spiritualibus esse delicias carnales, magnum vero contra adiumentum esse eam seueritatem, quæ est in religiosa parsimonia. Vltima est ea utilitas, in qua vere dicere possumus inesse summā omnium utilitatū, id est, æterna felicitas, ac beatitudo,

Pro. xlii.

Cant. i.

Iob. 28.

Matt. 5.

Serm. 6.

Ascen.

L. 16.

cœlestis. Ad hanc enim consequendam nulla est alia via quam via Crucis. Per hanc Christus caput, & rex noster, per hanc Apostoli eius discipuli, per hanc omnes ad vnum sancti ingressi sunt, laborando, patiendo, membris suis, quæ sunt super terram, mortificandis, & denique animabus proprijs abnegandis, vt eas in æternum possiderent. Certe enim sic se res habet, vt vita illa, illaque gloria sit denarius ille euangelicus, qui non datur nisi laborantibus in vinea, sit corona, quæ non datur, nisi legitime certantibus, sit etiam brauium, quod consecui non possunt, nisi currentes: nec liceat nobis conregnare, nisi compatiamur, nec metere, nisi quæ seminauerimus. Quid autem plura dicamus? si oportuit Christum pati, & ita intrare in gloriam tot iam nominibus suam, quanto nos magis vt in alienam, & eam, à qua, quoties peccauimus, toties excidimus? Sed nescio quo hominum errore, ac cœcitate fiat, quod ait Bernardus, vt pauci post Iesum ire velint, cum tamen nemo non ad eum peruenire velint, nō curent quærere, quem tamen desiderant inuenire, cupientes consequi, sed non & sequi. Nos autem Hieronymum potius audiamus, qui Iulianum nobilem, & opulentum hominem, quem ad seculi contemptum, viique religiosæ amorem inducere nititur, hoc potissimum argumento aggreditur. Difficile, inquit, immo impossibile est, vt præsentibus quis & futuris fruatur bonis. vt hic ventrem, & ibi mentem expleat, vt de delicijs transeat ad delicias, vt in vtroque seculo primus sit, vt in cœlo, & terra appareat gloriosus. Quamquam quid hominum testimonijs vtimur, cum tam expressum Domini oraculum habeamus? Væ vobis, inquit, qui ridetis, quia lugebitis, & flebitis. Itemque, Væ vobis, qui habetis consolationem vestram in hoc mundo, quod idē ostendit exemplo diuitis illius, cui nullam aliam causam ab Abrahamo obiectam facit, quam hanc, Recordare, quia recepisti bona in vita tua, & Lazarus similiter mala; nunc autem hic consolatur, tu vero cruciaris. Quod ipsum videtur idem Dominus præclaro quodam viso Catherinæ Senensi demonstrasse, cui aliquando apparuit binas manibus coronas gestans, alteram auro, & gemmis micantem, alteram spinis horrentem. Offerebat autem optionem illi, vtram mallet, sed hac conditione, vt alterutram in hac vita elegisset, scire se in futura vita alteram ei contrariam habituram, si hic auream, illic spineam, si hic spineam, illic contra auream. Quibus auditis, sapiens Virgo horridam illam coronam

adeo prætulit , vt vtraque arreptam manu ipsamet suo capiti imprefferit, & quidem ita acriter, vt post etiam aliquanto vulnere sensus perduraret. Hoc igitur , quod tum Catherina fecit, fecerunt sine dubio tota vita sua religiosi omnes, qui paupertatem diuitijs , dura mollibus , incommoda corporis delicijs, voluptatibus, libertari seculari prætulerunt: quoniam , si alterutris bonis carendum esset, intelligebant, quanto melius esset carere his præsentibus , & caducis, quàm futuris illis sempiternis. In quorum numero fuit, vt accepi-mus, Theodorus ille magni Pachomij alumnus, qui generosa admodum familia, & copiosis ortus parentibus, ipso ætatis anno quarto. & decimo, cum festiua quædam celebritas in eius domo ageretur, inter illa ipsa gaudia reputare secum cepit opes, commoditates, delicias, in quibus natus, & ad eam diem nutritus fuerat, atque in ea cogitatione sic secum ipse diuino instinctu loqui: Miserum me, quid mihi hæc breuia, & fugacia proderunt, si priuer æternis, quando hæc Dei lex est, vt nemo vtraque consequi possit? Itaque suspirans, ac de sua salute sollicitus, recepit se à turba, & strepitu in interiorem ædium partem, vbi humi fusus multis cum lacrymis Deum orauit, vt doceret se facere ipsius voluntatem. Ab eo igitur die omnibus carnis commodis renunciauit, monachi iam vitam in paterno palatio agens, nec multo post ad sacram Pachomij familiam se contulit, in qua breui ad tantam peruenit sanctitatem, quantam hæc ipsa tam præclara initia ostendebant.

*Quartus fructus, quod omnem peccati materiam
perfectissime remouet.*

C A P V T XVI.

Monet nos Dei sapientia per Salomonem , vt omni Pro. 4.
custodiamus cor nostrum, quoniam ab ipso vita pro-
cedit: quibus verbis hoc indicatur, qui hanc custodiam cor-
di non adhibeat, cum sine dubio perditurum vitam, quando
hæc à corde procedit. Nihil est autem homini carius vita,
eoque carior esse debet, quo verior est vita, cuiusmodi
est spiritalis, qua animus viuit, æterna, cõmunisque Deo, &
Angelis, non hæc corporis, brevis, & fluxa, & quam ha-
bent etiam mæcæ, & boues. Addit autem Bernardus quod Serm. 46. in
et. par-
tis. 19.
huius custodiæ necessitatem augeat, castrum hoc animæ no-
stræ in terra hostili situm esse, & vndique impugnari &
ideo ex omni parte, id est, vigilantia sollicitudine, &

Mor. 12. perennibus quibusdam excubijs muniendum esse. Gregorius vero ideo dictum putat, non solum custodia, sed omni custodia, quia, inquit, si qua ciuitas contra insidiantes inimicos magno valletur aggere, fortibus cingatur muris, ex omni parte insomni muniatur custodia, vnum vero in ea foramen tantummodo immunum per negligentiam relinquatur, inde proculdubio hostis ingreditur, qui vndique exclusus videbatur. Incassum munita sunt cetera, cum locus vnus, de quo hosti aditus patet, munitus non est. Quod cum ita sit, videndum est diligenter, qui sint aditus, per quos hostis ille antiquus vel aperta vi irrumperere, vel clanculum irripere in animas possit. Hi vero nulli sunt alij, quam omne genus creaturarum. Hæc sunt tela, quibus ille nos petit: his detractis vix esset, quo nos ferire posset. Quod ita esse ex hoc intelligitur, quoniam dæmon per se ita turpis, ac malus est, vt nemo tam perditus inueniatur, qui non eum oderit, ac detestetur, præsertim cum constet, omnibus, qui eum sequuntur, magnam post hanc vitam paratam esse miseriam. Itaque cum per se placere non possit, nulla alia ei restat ars ad homines fallendos, & perendendos, quam vt eas res proponat, quibus scit naturam nostram delectari. Quam obrem sapienter Augustinus ista, quæ videntur, & vt ait Apostolus, temporalia sunt, hamo obducto comparat: nam & gaudet, inquit, piscis quando hamum non videns, escam deuorat: sed cum piscator eum adducere cœperit, viscera eius torquentur primo, deinde ab omni lætitia sua per ipsam escam, de qua lætatus est, ad consumptionem trahitur. Sic sunt omnes, qui de bonis temporalibus beatos se esse putant. hamum enim acceperunt, & cum illo sibi vagantur. Veniet tempus, cum sentiant quantatortmenta cum auiditate deuorauerint. Quod igitur remedium, & quæ ratio ad hos hamos, de quibus hic Augustinus, effugiendos? Non est obscurum, nempe vt escam, quæ hamis prætenditur, fugiamus. sic enim tuti erimus. Quod si esca delectet, simul quoque hamum ipsum, id est, mortem, & exitium hauriri necesse est. Esca autem sunt res omnes huius mundi, honor, potentia, magistratus, mercatura, diuitiæ, vxor etiam, & liberi, ac ne singula numeremus, quicquid est creatum, quicquid est præter Deum, aut præter id, quod recta ad Deum ducit. Hæc enim sola ita sunt bona, vt numquam possint esse mala, nec ijs licet dæmoni ad nostram perniciem yti: cetera vero illa, quæ diximus, quoniam

*De agd.
Christi
cap. 7.*

quoniam tum mala, tum bona esse possunt, facile ea dæmon adhibet ad nos præcipitandos, & in ijs insidias, ac dolos struit. Quare nihil securius, & ad salutem aptius esse potest, quam ut omnia simul quam maxime à nobis remoueamus. Atque hæc ratio est ex parte dæmonis, qui ut aucupes in densis, & tectis locis insidias tendit, in apertis, & nudatis nihil potest, cuiusmodi est religio, quæ hoc gloriatur, quod nihil ex hoc mundo habeat. Eadem vero pericula sunt etiam ex parte rerum ipsarum. eius enim sunt naturæ, ut qui eas contrectet, non facile ab ijs expediatur. de quo idem Augustinus recte, Amor rerum terrenarum viscum est spiritualium pennarū. Ecce cōcupisti, hæcisti. Quis dabit tibi pennas ut columbæ? quando volabis, ubi vere requiescas, quando hic ubi male hæcisti peruersè requiescere voluisti? Sed obijciat aliquis fortasse, hæc de amore terrenorum dici: quare si quis ista sine amore habuerit, tutum fore. Huic recte respondet Bernardus & huius rei, & omnium spiritualium peritissimus. Hæc, inquit, fugiendarum causa diuitiarum præcipua est, quod aut vix, aut numquam sine amore valeant possideri. limosa siquidem, & glutinosa nimis non modo exterior, verum etiam interior substantia nostra videtur: & facile cor humanum omnibus, quæ frequentat, adhæret. Considerandum est hoc, quod ait Bernardus, cor humanum adhæ-
 rere, & agglutinari omnibus, quæ frequentat: cuius quidem quotidianum habemus in nobis ipsis experimentum. Nam & domus, cui assueuimus, & ciuitas, in qua aliquandiu fuimus, & focij, quibuscum viximus, & omnis ars, omnisque ratio viuendi, quam diutius tractauimus, ita nos afficiunt, ut nostrum in se amorem alliciāt: quod tum maxime sentimus, cum ijs priuari contingit; quod non fit sine molestia, & dolore. Si igitur ista, quæ non magnam in se habere solent illecebæ: am placendi, solo tamē vñ, & consuetudine nos capiūt, atque ut inter ipsos homines, sic inter res istas, & homines, nescio quid amicitix, & familiaritatis contrahitur, quanto id magis eueniet in ijs rebus, quæ maiorem præ se ferunt vel necessitatis, vel delectationis speciem, ut pecunia, ut honores, & reliqua? Itaque duplex mali genus ex rerum istarum contrectatione, & amore, qui contrectationem sequitur, nasci solet: primum quod multa peccata committantur, ut propter avaritiæ sitim rapinæ, vsuræ, contractus illiciti; propter honorum cupiditatē simulationes, adulationes, aliorum criminationes, & alia indigna. deinde quod animus

5. Mor.

1.

18. Mo.

6.

10. Conf.

cap. 27.

etiam si in illis quærendis, vel ambiendis non peccet, tamen dum illis fruitur, dum illis gaudet, quasi eius cursus in Deū inciditur, vt vel omnino non currat, vel multo impeditius currat, & ideo non currat. Quam ob causam ait Gregorius spirituales quosque homines præsentis vitæ blandimenta moleste tolerare, quia per hæc se tardari in interno delirio non ignorant. Cuius rationem alio loco expressius docet his verbis, Esse quidem sine delectatione anima nunquam potest. Nam aut infimis delectatur, aut summis, & quanto altiori studio exercetur ad summa, tanto maiori fastidio torpescit ad infima; quantoque acriore cura inardescit ad infima, tanto tepore damnabilis frigescit à summis.

Vtrique se amores in vno corde non capiunt, & in eo seges supernæ caritatis nō pullulat, in quo illam spinæ infimæ delectationis necant. Quæ Gregorij dicta ea quoque ratione confirmari possunt, quia dum animus ad exteriora ista dilabitur, & diffunditur, quasi foras à se ad illa egreditur, quam autem longe à se peregrinatur, tam etiam peregrinatur à Deo, quoniam regnum Dei intra nos est. quod bene S. Augustinus in seipso desiebat verbis illis, Ecce, inquit, intus eras, & ego foris, & ibi te quærebam, & in ista formosa, quæ fecisti deformis irrueram. Mecum eras, & tecum non eram. ea me tenebant longe à te, quæ si in te non essent, non essent. Sed hoc Augustinus non sentiebat. nec cognoscebat, cum patiebatur: tum cognouit, cum Dei luce adiutus, ab omnibus se creaturis in Deum solum recepit: quod idem etiam nunc euenit omnibus, qui istarum rerum amore demersi sunt. Quamobrem hoc magnum lucrum faciunt religiosi, quod vno quasi securis ictu omnia à se ista impedimenta, & pericula præciderunt, dum se rebus omnibus terrenis expoliarunt, vt iam nullo negotio custodiam illam omnem, quam Sapiens præcipit, cordi suo adhibere possint. Quod lucrum eo etiam euidentius erit, si ipsam quoque naturam nostram consideremus, & quam ea imbecilla sit ad resistendum pugnx sensuum, & ad vincendos eos affectus, qui ex rerum præsentia vehementius exardescunt. Cuius ratio est, quia dum animus noster his compagibus corporis inclusus est, adeoque coniunctus cum corpore, vt quiddam vnum cum illo efficiat, necesse est, vt ijs omnibus moueatur, quæ eius sensibus quasi nuncijs ingeruntur. Hoc plane euenit in dolore, in gaudio, in metu, hoc etiam in reliquis animorum motibus, vt vehementius omnes incitentur, cum præsens

præfens aliqua causa eos laceffit. Videmus enim, quantũ acius crucietur mater confpecto filij cadauere, quàm eius audita morte: itaque ad quos ea cura pertinet, vt lugentes conſolentur, omnia ab oculis remouent, quæ vel tenui veſtigio memoriam eorum, qui deſſentur, repræſentare poſſint. Vt igitur dolor, vt ira, vt aliaſ paſſiones re præſenti obiecta citius, & grauius commouentur, cur non idem fiat in amore, vt ipſe quoque, rei pulchritudine conſpecta, eo magis inflammetur? Quod ſi ita eſt, vtile omnino, & ſalutare eſt religioſorum conſilium, vt ſe ita abdant, ne ijs rebus interſint, quarum aſpectus, iſque aſſiduus, hunc amorem rerum terrenarum excitet, & excitatum deinceps alat. Si enim ad caſtita- tem, & pudicitiam conſeruandam, non ſolũ vtile, ſed etiam neceſſariũ exiſtimatur, paciſci fœdus cum oculis ſuis, Iob 31. ut de ſe Iob ait: velim ſcire, cur non idem etiam valeat in reliquo omni cupiditatum genere. Nam quod eſt in hoc amore, quem caſtitas proſtigat, idem eſt etiam in aliis om- nibus amoribus, vel pecuniæ quod ad avaritiam, vel hono- rum, quod ad ambitionem, vel voluptatum, quod ad intem- perantiam pertinet. Etenim hos quoque amores augeri ne- ceſſe eſt, cum vel auri ſpecies, vel purpuræ nitor attulerit, vel res aliqua delectabilis ſenſum percuſſerit. Contra verò, ſi hæc omnia ab oculis amoueantur, ipſum quoque eorum amorem quotidie magis remitti, ac denique etiam ad ni- hilum redigi oportet. Rectè enim Cyprianus, ſeu quis alius auctor fuit illius libelli de ſingularitate clericorum, Quan- to, inquit, vnusquiſque fuerit longius ab aduerſis, tantũ non ſentit aduerſa. Minus voluptatibus ſtimulatur, qui non eſt vbi frequentia voluptatum, & minus avaritiæ moleſtias patitur, qui diuitias non videt. Mihi quidem nimis violentum videtur, vt quiſpiam, cum ſemper in conſpectu habeat ſuauiſſima, & iucunda, ſemper tamen ab ijs abſtinendo ſeipſum vincat; ac propterea ne durable quidem: quoniam, vt eſt in proverbio etiam à philoſophis recepto, nullum violentum perpetuum. Videmus hoc, & experimur nos ipſi quoti- die in ſuperanda ciborum delectatione, nam ſi ad plenam, inſtructamque menſam ſedeatur, vbi ſit dapum varietas, condimenta, ſapores, hæc omnia ſic gulam irritant, vt plu- rimus ſit labor in reſiſtendo, & omnino difficillimum ſit ita modum ſeruare, ne ſobrietatis, & temperantiæ limites tran- ſeantur. Contra verò, qui ad menſam non accedat, facillime ieiunium ſeruabit, quia eadem illa lenocinia per cogitatio- nem

6. Conf.
cap. 8.

nem solam multo segniora ad animum perueniunt, quam per oculorum sensum. Sic igitur in omnibus aliis rebus. Eadem enim est in omnibus natura cupiditatis, eadem vis sensuum. Est autem in hoc genere aptissimum, quod Augustinus in Confessionibus narrat de Nebridio, qui cum antea spectaculorum studio exitiabiliter, ut ille ait, teneretur, Augustini sermone ab ea insania reuocatus est, diuque in hac meliori mente perstitit, donec aliquando à sodalibus, in quos inciderat, familiari violentia in theatrum perductus est, cum ea ille quidem de liberatione, ut oculos omnino clausos teneret, nec aliquid videret eorum, quæ fierent. Quo cum venisset, oculosque compressisset, mansit aliquandiu in ea animi inductione: sed cum denique, ob nescio quem pugnae casum, totius populi clamor exortus esset, temperare sibi amplius non potuit, quin aspiceret quidnam id esset, adhuc tamen paratus quodcumque illud esset contemnere. Verum longe aliter euenit. Nam, ut scribit Augustinus, spectauit, clamauit, exarsit, abstulit inde secum insaniam, qua stimularetur redire, non tantum cum illis, à quibus pertractus fuerat, sed etiam præ illis, & alios ipse pertrahens. Hoc igitur, quod in gladiatorio ludo Nebridium decepit, in aliis etiam peioribus, nocentioribusque rebus multos sæpè supplantauit, & quotidie supplantat. plus enim est, quam ut humanæ vires ferre valeant, præsertim ut nunc sunt, adeo exiles, & afflictæ, præsentium illecebrarum, cum nos inuadunt, impetum sustinete, maxime cum diuturnior est pugna, ut etiam si aliquandiu resistamus, facile tamen aliquando armis vel incuria depositis, vel defatigatione abiectis, opprimamur. Quam ob causam optimum est illud S. Basilij præceptum, non hoc tantum faciendum esse, ut internas cupiditates moderemur, sed etiam fugiendum esse longissime à congressu earum rerum externarum, quæcumque in conspectum adductæ, reficata libidinum memoria, consilium, & rationem perturbant, & bellum, atque angores in animo cient. Nam vinci in prælio, quod aliis nobis contra voluntatem nostram moueat, malum quidem esse, sed ignoscendum: at verò ultro sibi prælium accersere, sequi ipsum in malum ingerere, eiusmodi esse, ut nullam veniam, aut misericordiam mereatur. Hæc igitur omnia, quo euidentius secularis vitæ periculum, eo maiorem religiosæ vitæ felicitatem demonstrant, quippe quæ longè ablit à possessione, & usu, & tractatione rerum terrenarum, ac propterea ad eiusmodi

Const.
mon.
cap. 4.

modi corda inquinanda, nec creaturis, quas à se remou-
runt, nec dæmoni, qui ipsis creaturis ad oppugnandum vti
solet, aditus pateat. Quam quidem ob causam merito dixit
B. Macharius in homilia quadam, hanc rerum omnium ge- *Hom. 11.*
neralem abrenunciationem non solum nos inuitare, sed etiã
cogere, vt cœlestia quæramus; eamque præcipuè fuisse cau-
sam, cur nos Christus iusserit propinquos deserere, & om-
nia, quæ habemus, vendere, & dare pauperibus, quia cum
nosset, Satanam illud quasi instrumentum adhibere ad tra-
ducendas cogitationes nostras ad curam rerum materia-
lium, & terrenarum, præcepit, vt ijs nos omnibus priuare-
mus, quo vel inuiti quæreremus opes cœlestes, & corda no-
stra in Deo defixa gereremus.

Quintus fructus commoditas vacandi Deo.

CAPVT XVII.

MAGnum est illud quoque religionis beneficium, quod-
que salutem nostram maximè attingit, summa, quæ
in eo statu est, facultas vacandi cognitioni, & consideratio-
ni rerum omnium, quæ ad vitam rectè, ac salubriter ordi-
nandam valent. Sunt enim, qui ita viuunt in hoc mundo,
quasi mentem non habeant, adeo præsentibus toti inhærent,
numquam ad futura præuidenda, & disponenda se erigunt,
numquam hanc adeo necessariam cogitationem suscipiunt,
qui sint, & vnde veniant, aut quo tendant, & qua etiam ten-
dant, id est, quem eos ad exitum ducat via, qua gradiuntur,
& mores, quos sequuntur. Itaque in hac tanta & sui ipso-
rum, & Dei, & spiritualium omnium rerum ignorantia,
tamquam in tenebris, sic assiduè in terra peccata impin-
gunt, quæ ipsa, propter easdem tenebras, neque vident,
neque sentiunt, vt merito Propheta omnium malorum cau-
sam, quibus refertus est mundus, huic vni tribuerit: Desola- *Iere. 12.*
tione, inquit, desolata est omnis terra, quia nullus est, qui
recogitet corde. Constat igitur summam penè salutis nostræ
consistere in accurata, & diligenti meditatione rerum il-
larum, quas dixi esse totius vitæ nostræ fundamenta: quo-
niam ex meditatione nascitur cognitio, ex cognitione
amor, ex amore studium & eas res persequendi, & contra-
rias repellendi. Ac denique si multiplices huius studij fru-
ctus ad omnia Christiani hominis officia pertinentes co-
gnoscere volumus, Bernardum audiamus, qui multa de
hoc

1. de con-
sid.

hoc in ijs libris, quos de hoc ipso argumento ad Eugenium misit, in quibus hoc præcipue, Primum quidem, inquit, ipsum fontem suum, id est, mentem de qua oritur purificat consideratio, deinde regit affectus, dirigit actus, corrigit excessus, componit mores, vitam honestat, & ordinat. postremo diuinarum pariter, & humanarum rerum scientiam confert, Hæc est, quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, hæta, & fucata explorat. Hæc est, quæ agenda præordinat, arcta recogitat, vt nihil in mente relideat aut incorrectum, aut correctione egens. Hæc est, quæ in prosperis aduersa præsentit, in aduersis quasi non sentit: quorum alterum fortitudinis alterum prudentiæ est. Hactenus Bernardus. Quare facile iam est videre, quantum spiritualis lucri afferat religio, quæ nos in istarum rerum commutatione semper contineat, assidueque exerceat. Nam, si verè cogitare voluerimus, vt sunt certa quarundam artium, & disciplinarum studia, alia iuris ciuilis, alia medicinæ, alia philosophiæ, vel similibus, ita religionem rectè appellare possumus studium cognoscendi Dei, & omnium, quæ ad Deum pertinent, neque il speculatione sola (multos enim constat, qui profunda multa speculando cognouerunt, nunc in inferno torqueri) sed adiuncto affectu timoris, & amoris, in quo sunt omnia. Quare hoc iam videndum est, quæ ad hoc, & quanta præstet adiumenta, vt non solum fiat, sed etiam facillime fiat. Primum autem est illud, quod externis occupationibus, terrenisq; negotiis liberat, quod est maximum impedimentum in hac cælesti philosophia; vt rectè il-

12. Mor.
cap. 22.

lud à Gregorio dictum sit, Cura multiplex terrenarum rerū, quia occupat, exerceat. Dei enim natura, etsi ad eam contemplandam facti omnes sumus, tamen ita soluta, ac libera, & segregata est ab omni concretionem, ita etiam ardua, tantoque interuallo elata supra omnem nostrum captum,

1. Tim. 6.

nempe, vt ait Apostolus, lucem habitans inaccessibilem, vt humanus animus, nisi ipse quoque magno studio excultus, & expurgatus, & quàm maximè purus effectus, ad eum accedere non possit. Terrena autem omnia vt sunt ipsa corporea, & crassa, sic animus his tractandis fit ipse quoq; crassior, & concretior: ex quo duo proueniunt incommoda; primum vt ea mole, ac pōdere iniecto, eius tardetur ascensus: deinde vt etiam indignus reddatur, ad cuius amplexus descēdat illa puritas, qua nulla maior cogitari, nec concipi potest: de quo

bene

Bene Gregorius, Nequaquam, inquit, mens ad superna at- *s. Mor. 2.*
 tollitur, si curarum tumultibus continue in infimis occupa-
 tur. Quid enim de Deo occupata obtineat, quæ de illo apprehendere aliquid etiam vacans laborat? Bene autem per Psalmistam dicitur, Vacate, & videre quoniam ego sum Deus: *Psal. 45.*
 quia, qui vacare Deo negligit, suo sibi iudicio lumen eius visionis abscondit. Accedit etiam illud, quod terrenarum rerum procuratio ita impedita est, tam multis, & variis occupationibus implicata, ut facile omne tempus eripiat, nec ullum laxamentum concedat ad cogitanda cœlestia. Facit enim dæmon in mundi famulis, quod olim Pharao in Hebræis, qui cum in desertum ad sacrificium Deo offerendum ire se velle dicerent: itaque iussos à Domino, ille contra duplicatis operibus luti, ac palearum obruere eos conatus est, ne videlicet otium haberent ad illa cogitanda, & molienda. Sic enim inimicus, quo magis hominum animos ab omni sancta, & salutari cogitatione auertat, ita eos urget, & impellit in nouas occupationes vilissimarum rerum, ut, quod est miserabilius, ipsi sibi onera oneribus, labores laboribus cumulent. Ex quo præter hanc, quam dixi temporis iacturam, illud etiam sequitur maius damnum, quod dum mens in plura distrahitur, & quidem temporalia, eo minus illi viriū, ac roboris superesse necesse est, quod in spiritualia conferat; quod quidem Gregorius in Pastoralis luculente tractat, cum ita dicat, sæpè susceptam curam diuersa intuendo *1. Past. 4.*
 cor diuerberare, & imparem quemque inueniri ad singula, dum confusa mente diuiditur ad plura. Vnde, inquit, quidam sapiens prouidè admonet dicens, Fili mi, ne in multis sint actus tui, quia videlicet nequaquam bene in vniuscuiusque operis ratione colligitur, dum mens per diuersa sparsa partitur, cumque foras per insolentem curam trahitur, à timoris intimi soliditate vacuatur, utque in exteriorū dispositione sollicita, & sui solummodo ignara scit cogitare multa se nesciēs. Nam cū plus, quam necesse est, se exteriorib⁹ implicat, quasi occupata in itinere obliuiscitur, quo tendebat, ita ut à studio suæ inquisitionis alienata, ne ipsa quidem, quæ patitur, damna consideret, & per quanta delinquat ignoret. Igitur cum hæc, quæ Gregorius cōmemorat, & alia multa ab his externis occupationibus proueniāt vitæ spiritualis impedimēta, iam apertum est, ne locum quidē habere in religioso statu, in quo perpetuum sit otium. nullisque huiusmodi temporalibus cuius interruptum, ut nos totos dedamus Deo contem-
 plando,

Exod. 5.

Ecc. 11.

*Serm. de
Obe. pa-
tri. sapi.*

*2. 2. 9.
186. art.
6.*

Hebr. 13.

plando, amando, & fruendo, ut quidem in hac vita frui licet. Hoc commodum, quo multa comoda concluduntur, iure commendat Bernardus quodam sermone ad fratres suos; Nulla vobis hic, inquit, nutriendorum liberorum cura, nulla sollicitudo quomodo placeatis vxoribus, non de nundinis, non de negotiis secularibus, non de ipso victu, & vestitu necesse est cogitare. Procul à vobis magna quidem ex parte dici malitia, & sollicitudo vitæ. sic abscondit nos Deus in abscondito tabernaculi sui. Vberius autem hæc eadem S. Thomas, qui ita disserit, secularem vitam in triplici præsertim genere inquietam esse. Primum in externis bonis procurandis, tuendis, disponendis, quæ sunt omnia plena laborum, & curarum innumerabilium: omnia autem ista paupertatis professione præcidi, quæ nos his omnibus oneribus grauissimis, ac molestissimis liberat. Alterum vero solitudinis genus versari in vxoris, & liberorum gubernatione, qui & alendi, & informandi, & à vitijs omnibus, ad quæ in teniori præsertim ætate tâta est pcliuitas, accedi sunt: quæ quidem cura non præsens modo tempus spectat, sed futurum etiam prospicit, ne mortuis parentibus egeant, ut habeant quo viuant, & ita laute viuant, ut splendorem familiæ tueatur; ex quo augedæ, & multiplicandæ rei nullus est finis. Hanc igitur tam infinitam molestiam, atque animi occupationem castitatis voto penitus tolli. Denique tertiam esse occupationem, eamque longe maximam in propria vita, propriisque actionibus dirigendis, in quo & deliberationes difficillimæ, & errores sæpe incidunt grauissimi. atque ab his dubitationum, & anxietatum scrupulis expedire nos Obedientiam, quæ nostri curam in alterum transfert, & ita transfert, ut ipse rationem pro nobis redditurus sit, ut ait Apostolus, & nihil ambigamus, quin quicquid ab illo de nobis statuatur, à Deo per illū statuatur. Hæc fere B. Thomas. Quare agnoscendum nobis est, totòq; animo, & toto corde amplectendum hoc religionis bonū, quæ nos in quadā rerum omnium iucundissima vacatione constituit, in qua etiā nescio quæ vis inest apta incitadæ menti, ut ad cœlestia erigatur. Quemadmodū enim inter strepitum, & fragores nemo attente cogitare possit, contra vero in noctis silentio, vel in aliquo deserto luco, ipsum silentiū, & ipsa solitudo quodāmodo inuitat ad cōtemplationem, sic in seculo, ubi tam multa assidue obstre-punt, difficillimum est sese ad interiora reuocare; contra vero quies illa religiosa segregata ab omni tumultu facili⁹ nos potest

potest in cognitionis studio, etiã sine magno labore no-
 ſtio, cōtinere. De quo recte Bernard in quadam epistola, Iu- *Epi. 78.*
 ge, inquit, ſilentium, & ab omni ſtrepitu ſecularium perpe-
 tua quies cogit cœleſtia meditari. Cogi nos ait, quia mi-
 rum eſt, quam id vires animæ retineat ne dilabantur, vel
 dilapſas colligat, collectas vero in Deũ, ac diuina effūdāt.
 Quã differentiam, ac diſtantiã inter ſecularem, & reli-
 gioſum ſtatũ egregie à Gregorio expreſſam videmus qui *18. Mo.*
 illud, quod eſt libro Iob, dictũ de ſapientia, Et mare loqui- *cap. 25.*
 tur nõ eſt mecũ, morali, vt ſolet, ſeſu ſic exponit, Quid ma-
 ris nomine, niſi ſeculariũ mentiũ amara inquietudo ſigna-
 tur, quę dũ ſe viciffim inimicitijs impetũt, quaſi aduerſãtes
 ſe vnde collidũt? Recte etenim mare vita ſecularium dici-
 tur, quia dũ procelloſis actionũ motib⁹ cōcitatur, ab inter-
 ne ſapiẽtię quiete atq; ſtabilitatē diſiũgitur. Quo cōtra bē *Eſa. 66.*
 ne per Prophetã dicitur: Super quẽ requieſcet ſpirit⁹ me⁹,
 niſi ſuper humilẽ, & quietũ, & tremeſcẽ ſermones meos?
 A terrenis autē mentibus tanto longius ſpiritus fugit, quã
 to apud has quietẽ non inuenit. Nã qui ſe per innumeras
 terrenorum deſideriorũ cogitationes ſpargit, ad cōſidera-
 tionẽ ſui ſeſe nullatenus colligit. In his itaque inquietudi-
 num fluctibus habitare ſapientiam non poſſe cognoſcẽs
 ait, Et mare loquitur non eſt mecũ. Nullus quippe eã ple-
 ne recipit, niſi qui ab omni ſe abſtrahere carnalium cogita-
 tionũ fluctuatione contendit. Vnde & alias dicitur, Sapien- *Ecc. 38.*
 tiã ſcribe in tempore otij, & qui minoratur actu ipſe perci-
 piet eam. Hęc quidem Gregorius. Verum obiiciet fortãſſe
 aliquis, etiam religioſos multa ſẽpe agere, & ſẽpe in mul-
 tis, & laborioſis negotijs verſari, tum ob proprias neceſ-
 ſitates, tum etiam ob proximorum ſalutem curandã.
 Cuius argumenti facilis eſt reſponſio. Nam quę proximo-
 rum cauſa à religioſis aguntur, ea cum ſpiritualia ſint non
 terrena, non ideo, qui ijs occupantur, à Deo ſeiunguntur,
 quin potius ei adherent, quoniam & ij Deo, & Deus ipſis
 in eiufmodi opere cooperatur. In domeſticis autem neceſ-
 ſitatibus, etiã ſi quid temporale geratur, non idẽ eſt finis,
 qui ſeculariũ, ſecularis & temporalis, ac caducus, ſed oĩa
 ad ſpiritũ, omnia ad ęternitatem diriguntur. Atq; alia eſt
 etiam magnã, & certa diſſerẽtia: Nã ſeculares, dum iſta tẽ-
 poralia procurãt, ſuũ priuatũ cōmodũ quęrũt, quo vel diui-
 tijs, vel honorib⁹ augeãtur. Religioſi vero, cũ hęc eadẽ ter-
 rena procurãt, nec amplitudini, ſed vt dixim⁹ neceſſiati ſer-
 uiunt,

uiunt, nec priuatum aliquod bonum spectant, sed in commune consulunt, in commune laberant, vt ait Hieronym⁹ in vita Malchi: quod tam longe abest à cupiditate, vt etiã cum caritate coniunctum sit. Quin potius ex hoc quoque capite vitæ hui⁹ vtilitates, & thesauri duplicantur, quæ nõ modo Mariæ otium, sed etiam Marthæ negotium sanctũ, & salubre præstat, nosque ita instituit ad spirituales ferias, operosis omnibus curis segregatis, vt, si quando tamen operis aliquid incidat, id quoq; ipsum, spiritali fine, & spiritali forma adiuncta, fructuosissimum reddatur. Nã hominum quoque famuli non tum modo dominis suis seruiunt, cum iis assistunt, eorumque ora intuentur, sed etiã, ac sæpe multo vtilius, & melius, cum huc, illuc impigre dicurrunt, ad eorum vel iussa, vel obsequia peragenda,

Sextus fructus, exequi in omnibus diuinam voluntatem.

C A P V T X V I I I.

SI homines saperent, & intelligerent, & quid sibi maxime vtile, ac fructuosum sit, videre possent, nihil eis adeo in tota vita propositum esse deberet, quam vt voluntatem suam ex Dei voluntate in omnibus rebus, magnis, minimis, mediocribus, siue secum aliquid agerent, siue cū aliis, quã perfectissime, quamque exactissime conformarent. Sunt autẽ huius quod dico multæ graues, & necessariae causæ, sed illa præcipua, quæque omniũ instar sit, quod nõ modo hic valet illa ratio; quæ valet inter creaturã, & creaturã, vt quæ inferior est obediat, seruiatq; superiori & excellentiori, quod quidẽ, multo magis locũ habet in Deo, vno oĩm principe, & Regũ Rege, & Dominatore, qui hominũ gen⁹ septẽ illis causis, quas initio dixim⁹, legitime, ac iure subiectũ est. Sed præter hoc etiã in Deo aliud quiddam multo maximum, & præstantissimum. Cum enim diuina illa, & infinita natura nihil sit aliud, quã ipsum bonũ, & ipsa æquitas, & ratio rerũ omniũ, illud quoque sequi necesse est, vt eius volũtas ipsa sit regula, & quasi norma oĩs iusti, & omnis recti. Itaq; vt in scribendo, vel ædificãdo, & in reliquis operibus ita quidq; perfectum est, si ad suã cuiusque regulam, ideamq; accedat, cõtra vero omnis error, & vitium in eo cõsistit, vt ab illa deflectat, & quo longi⁹ deflectat, eo maius est vitiũ: sic cū voluntatis nostræ, vt diximus

mus, vna sit regula Dei voluntas, vt ad eā vel accedet, vel recedet, ita vel rectam, & honestā, vel contra turpem, & vitiosam esse necesse est. *Quam* ob causam recte dictū est à *Gradu.* Climacho, qua siti estuans ceru⁹ ad aquarū fontē feratur, *25.* tam ardēter omnes Dei famulos cupere debere, vt diuinā voluntatē & cognoscant, & semper exequantur. Bernardus quoq; in sermone quodā, quē integrum scripsit de hoc argumēto, cum quādā de humilitate præfatus esset, Torius, *Ser. quo* inquit, humilitatis summa in eo videtur cōsistere si vo- *vol. no-* lūtas nostra diuinæ (sicut dignū est) voluntari subiecta sit, *stro disci-* sicut ait Propheta, Nonne Deo subiecta erit anima mea? *vol. sub.* Scio quidem creaturam omnem, velit, nolit, subiectam *Psal. 61.* esse creatori: sed à creatura rationali voluntaria subiectio queritur, vt voluntario sacrificet Domino, & cōfiteatur nomini eius, non quia terribile, & sanctū, non quia omnipotens, sed quia bonum est. Multa alia in hanc sententiā ex aliis sanctis Patribus afferri possent, à quibus nihil ferme magis cōmendatū, nihil crebri⁹ inculcatū est; inter quos, vt hoc vnum attingamus, Augustinus non dubitauit dicere, Dei matrem non tam eo felicem fuisse, quod Verbū in *Tract.* ipsa caro factum sit, quam quod ipsa Dei voluntatē fece- *10. in* rit; idque ex Verbi ipsius dicto demonstrat, cui cum in tur- *Ioan.* ba dictum esset, Beatus venter qui te portauit, respondit *Luc. 11.* statim, Quinimmo beati qui audiūt verbum Dei, & custodiunt illud. Quod si ita est, quæ maior potest esse vtilitas, quam eius rei, quæ pluris sit, quam esse dei matrem, mun⁹ omnium maximum inter maxima, quæ non solum hominum generi, sed etiam Angelorū cōtingere possint? Atqui hoc efficit religio, quæ nos ita cum Dei voluntate astringit, & quodammodo colligat, vt non solum in maioribus negotiis, sed etiam, vt ante dixi, in leuissimis quibusq; , & quotidianis omnino ex eius placito pendeamus, & ad eius nutū moueamur. *Coll. vl.* *c. vlt.* Quam ob causam Cassianus in extrema collatione, cum de huius rei necessitate, & magnitudine ipse quoq; multa dixisset, eiusque formam à Salvatore ipso traditam ostendisset, qui non venit suam facere, sed Patris voluntatem, eumque suum esse cibum ipsemet professus est hoc etiā adiūgit: Quā, inquit, virtutē illi specialiter. Exerceat, qui in cænobiis cōmorantes senioris regūtur imperio, qui nihil ōnino suo arbitrio agūt, sed eorū volūtas ex volūate pēder abbatis. Sed hoc Religionis beneficiū illustri⁹ etiā erit, si, quā viā in hoc efficiēdo teneat, videam⁹.

Primum. n. vt in agro, antequam semen iaciatur, euellēdæ sunt spinæ, sic illa, vt animum ad hanc virtutem præparet, omnia prius impedimenta radicitus extrahit. Primum autem, & maximum impedimentum in homine est propriæ voluntatis: de qua peste quid grauius dici possit, quā quod

Serm. scriptum est à S. Bernardo: Grande, inquit, malum volūtas
71. Cant. propria, quo fit vt bona tua tibi bona nō sint. Atq; idē ali-
Serm. 3. bi, Voluntas propria quo furore Dominum Maieſtatis op-
de re- pugnet, audiant, & timeāt serui propriæ voluntatis. Primo
sur. namq; seipsam subtrahit, ac subducit eius dominatui, cui

tamquam auctori seruire debuerat, dum efficitur sua: sed nūquid cōtenta erit hac iniuria? Addit adhuc, & quod in se est, omnia quoque, quæ Dei sunt, tollit, & diripit: & certa, quæ copiose prosequitur vir ille sanctus, & propriæ voluntatis, quam hic lepram appellat, hostis acerrimus. Ad hoc igitur tantum malum accedunt tamen etiam alia, quæ hominem impediunt, ne se cum diuina voluntate, vt oportet, coniungat: quæ impedimenta egregie ab eodem Bernar-

Serm. 6. do alio quodam loco commemorantur. Cum enim affir-
Qua- masset, caput felicitatis Angelorum hoc vnum esse, quod
drag. Dei voluntas iam omnino facta sit ipsorū voluntas, idem

ait nobis omni studio & desiderandū, & conandū esse: sed in eo quatuor nobis ingentia impedimenta obici: primū malitiæ, id est, insiram quandā affectionem ad omne vitiū: deinde infirmitatis, quod corporis ipsius, quod gestamus, corruptio sæpe obſtet, quo minus voluntas nostra diuinæ cohærere possit: tum vero concupiscentiæ, quæ nos multi-

1. Cor. plicibus, & inexplicabilibus distrahit desideriis: postremo
13. etiam ignorantia, quo enim, inquit, pacto voluntatē Dei sequar, vbi ignoro eam? cognosco autem tantum ex parte, & nondū sicut cognitus sum. Quoniā igitur Dei volūtas tam multos, tamq; graues habet in nobis ipsis aduersarios, videam⁹ quid præsidii afferat religio ad eos profligādos, ac delēdos. Primus enim eius labor, ac perpetua cōtentio ea est, vt illam malorum omniū radicē excindat, propriam quā diximus voluntatē, cuius non solum impet⁹, sed omnes etiā, quoad eius fieri potest, motus in nobis coercet, & conterit. Sic enim religiosum quēque assuefacit, vt omnia alieno arbitrio gerat, alienoq; præscripto, nihil autem suo, vt id seruent omnes, quod Hieronymus bene intelligens religiosi instituti scripsit ad Rusticū monachum; Nō facias quod vis, comedas quod iuberis, vestiare quod acce-

Ep. 4.

peris

peris, operis tui pensum absolvas, subiiciaris cui non vis, lassus ad stratum venias, ambulansque dormites, & necdū expleto somno surgere compellaris. Itaque sicut in homine seculari propria voluntas assiduo vsu crescit in dies magis, ac roboratur, vt veluti arbor quædam nodosa, & distorta frangi citius queat, quam dirigi, sic contraria consuetudine probi religiosi voluntas ita quotidie minuitur, vt nō rami modo eius amputentur, sed ipsæ etiam fibræ penitus euellantur. Accedit etiā peculiare studium, ac diligētia tū subditorū ipsorum in resistendo propriis cupiditatibus, tū etiam præsidum, ac rectorū in his de industria frangēdis, & mortificandis. In quo ij quidem equorum imitantur domitores, qui equos ferocitate exultantes ita exercent, vt modo cursu, modo passu ire iubeant, modo in gyrū flectāt, sæpe incitatos repente inhibeant, aut stantes repente incitent; denique ita fingunt, atque erudiunt, vt nullū propriū impetum retineāt, sed freno quam facillime pareāt. Sic enim isti summa cura in refecandas suorum voluntates incūbunt, idque exercitatione cōtraria, etiam in iis rebus, atque actionibus, quæ alioquin leuiiores, & nulli⁹ pene mōmēti videantur, nisi ex illis leuiorib⁹ alia grauiora consequerentur. Cū enim magnus Antonius Paulū discipulum suere vestes, deinde dissuere; texere fiscellam, mox retexere, cum alij alios ex veteribus illis aquam haurire, & haustam effundere, vel aridum stipitem toto anno irrigare, cū etiam Franciscus, vt accepimus, Massēū media in via sese tandiu circumagere iubebat, vt, capite labefactato, sæpius in terram concideret, denique cum alia eiusmodi sanctissimi illi viri iis, quorū spiritū, virtutemque informabāt, præcipere solebant, quid aliud agebant, quam vt ex eorū animis omnē proprium sensum eradicarent, vt nullę in eis reliquiæ permanerent? quod quidem & eo temere Patres illi faciebant, & hoc ipso tempore faciunt inter quos hæc studia vigent. Conferamus nunc hominē secularē, nō dico ex media fece populi, aut etiam ex iis, quos Apostol⁹ describit repletos omni iniquitate, malitia, auaritia, suffrones, detractores, inuentores malorum; tales enim homines nullam habent virtutis cogitationē: sed cogitemus eū, qui iustitię, & pietatis officia colat, qui in sacramentis obeūdis frequens sit, qui etiam, vt Iob de seipso aiebat, pauper sit ocul⁹ cæco, & pes claudus, ac deniq; vt omnia concedam⁹, omnia Dei præcepta, & leges diligēter obseruet,

34. Mon.
cap. ult.

seruet: sed tamē viuat suo amore, ac modo, atque hæc ipsa opera bona agat pro suo arbitrio, quæ libeat, quātū libeat, & quādiu ita libeat. Hic igitur non quidem improbus, ac malus existimāndus est, quin potius laudandus; sed tamē, si perfectionem quærimus, non est dubitandum quin multo sit inferior religioso. Potest enim in his omnibus bene, honesteque factis multum tamen inesse propriæ voluntatis, vt ideo suscipiantur, ideoque gerātur, quia nobis arrideāt, & in eorum administratione voluntas sibi placeat, sibi que ipsi interdum etiam nesciens, nec aduertens obsequatur. Quod sane cum accidit, illa quidem omnia ex propriæ voluntatis fontibus fluunt, etiā si honestiore specie obtegantur: vt fere in hunc quoque errorem cadat, quod à Gregorio dictum est in inanem gloriā, siue ea ex terrenis rebus, siue ex cœlestibus virtutibus enascatur, idem esse vitium, sed vestem mutasse; ne agnosceretur. Sic enim sæpe cōtingit, vt in his muneribus, quamuis bonis, dum Deo nos seruire putamus, nobis ipsis seruiamus: quoniā hoc primum fieri potest, vt, etiam si bona sint, & in alijs laudata, à te tamen communis omnium Dominus non hoc genus bonorum operum, sed aliud genus postulet; aut, etiam si hæc ipsa postulabat, fortuitum tamen fuit, quod in illa opera incideres, cum tu non tam Dei placitum consuleres, quam tuo placito, tuoque imperu vehereris. Quod si res istæ per se bonæ, & spirituales, tamē errori patēt, quid de alijs dicendum erit, quæ mediæ sunt, vt tum bonæ, tum malæ, aliqua circūstātia variata, fieri possint, vt sunt pleraq; humana negotia, ire, manere, contrahere, facere, nō facere, quæ ipsa, vt supra diximus, ex Dei beneplacito moderanda sunt? Quo enim modo eius nobis radius in singulis lucebit, nisi regulam aliquam teneam⁹, quæ etiam ad hæc singula docēda, & quodammodo illuminanda descendat? Itaque hoc certū, & probatum sit, omnē illam vitæ rationem, statumque omnem, qui suam retineat voluntatem, eaque vtatur, atq; ex ea se, ac suas actiones instituat, expositum esse ad illam tam multa, tāque magna damna, quæ à propriæ volūtatis morbo importari ostendim⁹. Cōtra vero Religiosi, qui suo se arbitrio penitus exuunt, idq; à se & certa deliberatione, & studio, curaque diuturna, & deniq; etiā voti obligatione quæ longissime reiiciunt, illis omnib⁹ damnis expertes sunt. Quare, hoc quasi fundamēto propriæ volūtatis euerso, reliquos quoq; illos, quos ante ex Bernardo cōmemorauimus

rauimus, diuinæ volūtatī aduersarios facile vincit, & pro-
 fligat religio. Et primum quidem malitiam ex animo pel-
 lit, eum contra imbuens pietate, & caritate non ficta: infir-
 mitatem vero corroborat, non solum consilijs salutaribus,
 sed etiā patientiæ, ac fortitudinis neruis; tum cōcupiscen-
 tias omnes mortificationis falce præcidit, pro quibus vnū
 inferit desiderium veri, & summi boni. Denique ignoran-
 tiam ita erudit, atque instruit, vt nemini dubitare liceat
 quid Deus à se requirat. Habet enim religio ad Dei volun-
 tatem intelligendā, planeq; agnoscendā, & plurimas, & cer-
 tissimas vias, de quibus vijs, quoniā hoc quoque propōsi-
 tum erat, aliquid in præsentī dicendū est. Climachus qui-
 dem eo loco, quem ante diximus, cum huius necessitatem
 ostēdisset, addidisset etiam summam difficultatem, deniq;
 modum docet, quo id consequamur. Quicumque, inquit,
 Dei beneplacitū nosse volunt, in primis omni proprio sen-
 su expurgato, in quadam animi equalitate sese constituere
 debent, ita vt nullam in partem magis propendeant, sed ad
 omnes Dei nutus se promptos, agilesque cōseruent: deinde
 cum simplici fiducia patres, aut fratres spirituales, rogare
 debent, atque eorum consiliū sine vlla hāsitatione, tam-
 quam ex Dei ore accipere, licet illi ipsi, qui interrogantur,
 non admodum spirituales, & perfecti sint. Non enim iniū-
 stus est Deus, vt eas animas fallat, quæ cum fide, & humili-
 tate alterius iudicio se submitunt. Nam si Deus Prophetæ
 Eliseo, ad citharæ sonitum manifestauit quæ scire cupie-
 bat, non multo magis id faciet ad sermonem hominis ra-
 tione vtentis, magisque apti ad eius accipiendū influxum?
 Hæc Climachus, cuius argumētum si in quocumq; homi-
 ne valet, quod ea sit vis humilitatis, qua nos alteri subdi-
 m⁹, quāto magis valebit in eo, qui nobis legitime præsit, &
 cui De⁹ suas in nos tradiderit vices? Hūc igitur nacti, cum
 eum arbitrum, ac moderatorem vitæ nostræ, omniumq; actio-
 num nostrarū cōstituimus, hac certa fiducia esse debemus
 in rebus omnibus, quæ nō expresse diuinis præceptis repu-
 gnēt, illi obsequēdo, Dei nos voluntati obsequi: quoniam
 eiusdem Dei illa vox est, Qui vos audit, me audit. Magna
 ergo hæc religiosi felicitas, & certe omnium maxima, quæ
 in hac vita haberi possit, quippe quæ ad cœlestem ipsam fe-
 licitatē prope accedat. Apparet hoc ex eo, quod de Ange-
 lis, & de illis præstantissimis mētibus nihil maius à Dauide
 dici potuit, quā quod est in psalmo quodā. Potentes virtu-

Gra. 25

4. Reg. 3.

Luc. 10.

Ps. 103.

re, faciētes verbū illius, ad audiendam vocem sermonum eius, omnes ministri eius, qui facitis volūtātē eius. Ac Dominus ipse nihil melius, ac salūtari⁹ à nobis peti posse iudicauit, quā quod in diuina illa precādi formula nos docuit,

Matt. 6. Fiat volūtas tua sicut in cælo, & in terra. Hic igitur est locus ille, si vllus est alius in hoc mūdo, in quo hoc ipsū præstatur, vt Dei volūtas, si nō æque vt in cælo, certe p̄oxime vt in cælo semper impleatur: vbi & omnes p̄optissimos se, & p̄aratissimos exhibēt ad quemuis Dei nutū, & Deus omnes, pro suo arbitratu, superiorū, rectorumq; ductu agit, ac mōuet, quocūque, & quomodocūque velit. Erat apud veteres Hebræos Arca, ad quam Dominū in rebus dubijs con-

1. Re. 23. sulebant, ac præcipue Dauid, cuius responsis, vt legimus, & de Ceila oppugnanda, & de Ceilensiu prodicione cauenda admonitus, iussus etiā in Iudæā ad regnū capiendū ascendere, denique ex multis periculis eductus, de multis agendis edoctus est. Verum neque id præsidium commune erat multis, neque perpetuum, & grauiorū tātummodo rerum, ac personarum. Quanti igitur est hoc æstimandum, habere quasi domesticum oraculum, à quo etiam in minutissimis quibusq; instruamur, & cuius ope tam multa pericula, quæ animæ nostræ imminuent, effugiamus? Quamobrem hoc quidem omnino statuendū est, siue vtilitatem, siue etiā iucunditatē animi, ac tranquillitatem quandam quæramus, nihil aptius, nihil accomodat⁹ inueniri posse; si quidem,

Ser. 3. vt ait Bernardus, dimittentes propriam voluntatem nihil amittimus, immo & lucramur plurimū, commutantes illā

Resur. in melius. Commutamus enim eam in ipsius Dei voluntatē, in quo ipso magnū quæstum facimus. Nostra enim plerumque inutilis, sæpe etiam damnosa, & distorta; illa semper sancta, semper iusta, semper optima. Et nos etiam errare possumus, erramusque sæpissime, nescientes quid petamus, aut quid velimus, & noxia pro vtilibus appetentes. Deus autem nihil velle potest, nisi quod electis suis melius sit, ac fructuosius; vt sine vlla dubitatione nihil nobis salutarius esse possit, quam vt nos totos, & omnia nostra eius diuinæ voluntati committamus. Est in hoc genere illustre exemplū sancti Francisci, quod ad hæc omnia cōfirmanda magnopere p̄tinet. Cum enim aliquādo hæc eum anceps cogitatio diutius torqueret, vtrū se penitus solitudini, & contēplationi traderet, an etiā proximorū salutē, quod pro vtraq; patre rationes occurrerent, neque, vt solebat, super hac

hac re ullam à Deo reuelationem accepisset, hoc inijt consilium. Misit ad S. Claram, & ad sacras eius sorores, misit etiam ad Sylvestrū fratrem suum, qui tum in quodam mōte solitarius agebat, vt Domini placitum precibus inquirent, sibi que indicarent. Redeuntem porro ab vtrisque nuncium, quasi à Deo venientem, Deique mandata sibi deferentem, ita excepit. Primum enim manibus suis pedes ei lauit, deinde cœnam ipsemet instruxit, postremo etiam ex domo in proximum montem eduxit, quo cum venisset, aperto capite, genibus flexis, manibus etiā crucis ritu cancellatis, Quid, inquit, facere me iubet Dominus meus Iesus Christus? Cum exposuisset respōsum, vt proximis quoque operam nauaret, ita illud accepit, ita etiam exequutus est, vt illico, nulla iniecta mora, ex eodem, vbi constiterat, loco, ac ne domum quidem reuifens, tam rapide profectus sit, vt nec ipsam viam quēreret, vadens per medios campos, densasque sylvas, qua nullum iter patebat. Atque hoc quidem, vt accepimus, fecit Franciscus; in quo factō multa insunt ad rem nostram documenta. Primum, quo studio inquirenda sit Dei voluntas, etiam in iis operibus, quæ per se bona, atque honesta videantur, qua porro religione, & pietate accipienda, quanta alacritate peragēda. Deinde, quod supra satis ostēdimus, quam valde nobis obscura sit in his tenebris Dei voluntas, cum vir tantus, tamque carus, ac familiaris Deo, in re tam laudabili, adeo grauitē, & diu hæsitarit. Denique docemur etiam, quæ via sit ad cognoscendum Domini beneplacitum aperte, ac sine errore. Nam ille quidem, cum superiore in suo ordine non haberet, coactus est etiam inferiorum consilia requirere. Nos autem multo etiam certius per superiores ipsos illuminamur, quibus Deus lumen suum certissime promisit. Illi ad longinquos mittendum fuit, & de re magna, nos domi videlicet habemus; vnde omnia discamus non modo grauiā, sed, vt ante diximus, minutissima quæque, & leuissima:

vt, si velimus, ne minimis quidem erratis locus relinquatur, sed contra potius etiam in minimis rebus maximam gratiam, præmiumque consequamur.

* * *

Septimus fructus, quod faciat ut Dei præcepta facilius seruentur.

CAPVT XIX.

Non omittenda est etiam illa religionis utilitas, quod Dei præcepta, tum Decalogo conscripta, tū alijs modis promulgata, adeo leuia reddit, & mollia, ut facillime, ac sine vllō propemodū labore omnia perficiātur. In quo sane illud mirum euenit, quod cum ad illa, quæ diximus, præcepta, religio deinde tot alia in speciē dura, & laboriosa adiungat, paupertatē, voluntatis, ac sensus mortificationē, vigiliās, psalmodias, multasq; corporis vexationes, tamē hæc, quæ videntur difficilia, illorū præceptorum difficultatem non solum non augeant, sed etiā alleuent, ut, quemadmodum dixi, facillime perferantur. Cuius simillimū quiddam videmus in multis rebus, quæ arte, & ingenio efficiuntur. Nam in magnis nauigijs saburra, quæ magis grauare videtur, ita adiuuat ad cursum, ut sine ea ne nauigari quidem possit. Sic plaustrum sine dubio rotis ademptis multo sit leuius, quod celeritatem augere deberet: & tamen, si ijs careat, multo maiori labore trahitur, rotarū autem onere addito, imposita quæuis onera facile circumuehūtur. Confirmat hoc etiā Bernardus tum quadrigę exemplo, quod modo diximus, tum etiam pennarū, quæ in auib; quodā videlicet singulari modo, & corpulentiozem, inquit, reddunt substantiam, & agiliorē. Mirum opus naturæ. Vnde grossescit materia, inde sarcina leuigatur, & quantum crescit in massa, tantum decrescit in pondere. Sic Bernardus, idque applicat ad cōsilia euangelica, quæ ille Christi onus appellat, quod non solum non onerat, sed & portat omnem, cui portandum imponitur: immo vero alia etiam præceptorū onera minora facit, & suauiora. Hoc autē quā valde commodum, & salutare sit homini, ex duobus cognosci potest, *Mat. 19.* primū ex difficultate, deinde ex necessitate seruādi illa præcepta. Nā necessitatē vel illud declarat à Domino dictū, Si vis ad vitā ingredi, serua mādāta. ex quo sequitur, qui non seruet, ad mortē ire, & mortē sempiternā. Difficultatē autē illud indicat, quod has vias Propheta viās duras appellat: indicat etiam propria cuiusq; experiētia ex naturæ corruptione adeo propensē in malum, ex moribus deprauatis, ex malis aliorum exemplis, & ex ipsis mūdi legibus, quas, qui

in mūdo viuunt, vix effugere possunt: denique indicāt hoc etiam frequentes hominum lapsus, & peccata. Etenim quā pauci sunt in seculo, qui se à temerarijs iuramentis, à concupiscentia rei alienæ, à carnis lasciuiā intactos seruēt, vt illa præcepta exigunt: atq; his ipsis paucis, quibus hoc Dei gratia dedit, quāto id labore, quanta cura, & contentione constare necesse est: Hæc igitur mala, in quibus pleriq; seculares misere pereunt, alijs autem, ne pereant, adeo sudā- dum, & laborandum est, religiosi certe nullum, aut prope nullum negotium facessunt. Sunt autem multæ huius rei causæ, & in primis ea, quam alio loco attigimus, & quæ si- ne dubio multarum vtilitatum fons est, quoniam religio omnium fere peccatorum materiā à sensib⁹ remouet, qua remota, facilis sane est diuinorū mandatorum obedientia. Habet enim nostra hæc voluntas flammam suam, eiusque flammæ fomes est præsentia rerum ipsarū, quæ sensui pla- cent. Itaque, hoc fomite admoto, facilius flāma excitatur, eo remoto, vel non excitatur, vel multo segnius, & remis- sius; quod facit religio, dum nos è mūdo, eiusque illecebris segregat. Itaque recte S. Basilii, ob hæc ipsam causam, ma- gni æstimandam esse ait religiosam vitam, quam appellat
In pro-
æm. reg.
fas.
 quietam, & negotijs vacuum, & adiutricem ad cōseruanda Euangelij dogmata. Altera deinde causa est illud robur, & illa fortitudo, quam animus religionis disciplina excultus paulatim acquirit, vt omnem oderit turpitudinē, honesta- tem & virtutem amet, nihilque magis detestetur, quā pec- catum, non ob id solū, quia Deum offendit, sed quia per se deformē, ac fœdum est. Tertia ratio est, quoniā omnes fe- re hominum culpæ ex vno trium illorum fontium oriun- tur, vel auaritiæ, vel ambitionis, vel incōtinentiæ, quia aut in his ipsis omnes peccant, aut vt ad hæc perueniāt. At hæc venena, ac pestes in religioso statu nullum habent locum, qui, his vitijs expulsis, contrarias potius inserit vi rtutes, id- que vnum, aut certe præcipue proficitur, pro re rum tem- poralium cupiditate paupertatem, pro dominandi deside- rio, obedientiæ humilitatem, pro omnis turpitudinis fœdi- tate, castimoniæ florem. Accedit etiam illud, quod religiosi maioribus studijs assidue exercentur, ex quo fit, vt minora illa agilius efficiant. Vt enim, si quis ita se assuefecerit, vt centum pondo quotidie ferat, huic deinde si decem pondo ferre contingat, pro nihilo id æstimat; sic religiosus quisque, qui suum omne patrimonium reliquit, & abiecit,

quant.

quanto facilius animum inducet, vt aliena non rapiat, aut cōcupiscat? Et cum portando obedientiæ iugo assuetus sit, quomodo graue, aut durum ei videri possit, ambitioni, & honorū deliderio resistere? quod idem quoque de alijs omnibus dici potest, quæ diuina lege vel verantur, vel præcipiuntur. Atque hoc illud est, quod aliquando docuit Eusebius ille, vir sanctissimus, de quo scribit Theodoretus in Religiosa historia. Hic enim, cū semel in agricolas quosdā arātes curiosi⁹ oculos defixisset, se ipsū ita punit, vt, ferreo collari ceruicib⁹ iniecto, cathenaq; ad renes alligata, caput semper depressum tenere cogeretur; in quo supplicio quadragiuta totis annis durauit, quibus nūquā se erexit nūquā cœlū vidit. Cum autem quæsitum esset ab eo, cur ita faceret, & quam ex eo vtilitatem quæreretur, hanc respōdit, quod Satanam hostem à magnis præliis, vt de libidine, aut superbia, ad illa parua traduceret, in quibus etiam si vinceretur, non magnum esset damnum: sin vinceret, eo maius Satanæ probum, qui ne in paruis quidē posset esse superior. Præclarum dictū, & spiritali, sanctoque homine dignū: quod idem in eo, quod nūc agimus, valere debet, vt ostendatur, ideo religiosos longe abesse à præceptis Dei violādīs, quoniam minora quæque ad Dei obsequiū pertinentia tanastudio obeūt. Denique illa etiam est causa, quæ in ipso stotui insita est, quia nimirum status eiusmodi est, vt supra legem emineat, ideoq; hominē quoque supra legem euehati. Itaque hic etiam sit quod videmus vbi plures sunt discipulorum classes pro eorum profectu, ac doctrina distributæ, in quib⁹, qui superiores sunt classe, iis facillima sunt ea, quæ minores ordines vel facere non possunt, vel ægre, & male faciunt. Simillime enim, qui altiorem hanc viam ingressi sunt, iis cōmunia illa præcepta tam leuia videri solent, vt ne sentiant quidem, quoniam, vt dixi, maiores habent vires, easque vires status ipse suppeditat. Itaque etiā si hoc vnum præstaret religio, vt nos confirmaret ad has Dei leges, & mandata perpetuo, & facile, & iucunde, ac fere citra omnem periculi aleam exequenda, hoc vnum maximum quoddam esset bonum. Quanto enim hoc magis efficit, tanto certius, & melius viam nobis munit ad cœlestem gloriam, ad quam mandatis illis seruandis peruenitur.

Octauus fructus ex ipsa humilitate, & abiectione status.

CAPVT XX.

Habet etiam Religio aliud commodum valde salutare, quod nos in eo statu ponit, qui ab omni humana gloria remotissimus, ac, si externa ista spectemus, omnino humilis, potiusq; infimus est; vt ea quasi religiosi, cuiusq; videatur esse posse professio, Elegi abiectione esse in domo Dei mei, magis quam habitare in tabernaculis peccatorum. Nam & religio, vt alibi à nobis dictum est, vere Dei domus, Dei-que familia est, & hæc abiectione religiosorum recte ab eis eligi dicitur, quia non eiusmodi est, quàm vel generis conditio, vel necessitas afferat, sed quæ sponte, atq; vltro ab eis suscipiatur. Hoc vero tale, ac tantum bonum est, vt Bernardus hoc ipsum pro expresso diuinæ prædestinationis argumento accipiendum putet: sic enim in sermone quodam fratribus suis loquitur, Quis scit, inquit, si omnium vestrum, quos hic video, nomina scripta sunt in cælis, & in libro prædestinationis annotata? Vocationis enim, & iustificationis vestræ aliqua mihi signa videor intueri in conuersatione tantæ humilitatis. Propterea dilectissimi perseuerate in disciplina, quàm suscepistis, vt per humilitatem ad sublimitatem ascendatis; quia hæc est via; & non est alia præter ipsam. Qui aliter vadit, cadit potius, quia sola est humilitas, quæ exaltat, sola quæ ducit ad vitam. Igitur, si Bernardo fidem habemus, non modo non est quod secularibus suis magistratus, ac purpuras, & popularum illum splendorem inuideamus; sed potius hoc ipsum magnū quoddam bonum reputandum est, maximeque gloriosum, quod à gloria absim; quoniam hæc humilitas non solum certa, sed etiam, vt ipse ait, sola est via, quæ ducit ad æternam salutem. Habet enim hic status humilis, atq; ignobilis tria præcipua comoda, atque, vt ita dicam, priuilegia. Primum, quod hic est Dei mos; & quasi institutum, vt eiusmodi statui maiorem in modum diligat, eique familiarius, suauius, largi se ipsum, suosque vberimos thesauros impertiat. In quo sane mirabile quiddam contingit, quod Dauid, etiam indicauit, dicens, Excelsus Dominus, & humilia respicit, & alta à longe cognoscit. Nam cum similitudo in omnibus amorem, & coniunctionem conciliet, tamen nescio quo modo hoc videmus, Deum, qui tam immensus est, infimi, ac pusilli cuiusque amore, & consuetudine maxime delectari,

contra

Psal. 83.

*Serm. 2.
Ascen.*

Psal. 137.

contra vero alta, & sublimia à lōge, & quasi procul cognoscere. Alterū huius vitæ cōmodū est, quod ad æternā gloriā, comparandā nihil ferme aptius inueniatur. Et si enim omnes homines ad illam felicitatem facti sunt, isque vnus est omnium finis, ita tamen ab illo iustissimo, rectissimoq; arbitro constitutum scimus, vt tanta illa prēmia non gratis omnino donarētur, sed potius, vt sic loquamur, aliqua mercede venderentur, ea vero merces, ac pretium in rerū contrariarū tolerantia consisteret. Itaque cum in illa beatitu-

Matth. 5. dine insit perfectissima satietas, hanc satietatē cūriendo, & sitiendo acquiri voluit: cum insit summa, & maxima cōsolatio; hanc consolationē ijs tantum promisit, qui hinc lugerent: cum insit omnis diuitiarum copia, ad eas diuitias per paupertatem perueniri voluit. Quod igitur in alijs bonis; quæ in regno illo continentur, idem etiam fecit in hoc bono illius gloriæ, & illius honoris infiniti, vt humilitate, & contemptu esset acquirendus; de quo, ne nobis dubitare liceret, extat illa tam expressa, tamque generalis Domini

Luc. 14. ipsius sentētia; Omnis, qui se exaltat, humiliabitur; & qui se humiliat, exaltabitur. Tertia denique vtilitas, vel maxima hæc est, quod in eiusmodi vita multa effugiuntur impedimēta, & tāquam pestes animæ, virtutumque omnium, quibus plena est vita honorata, & gloriosa: cōtra vero multa acquiruntur veræ, æternæque salutis adiuimēta. Prorsus enim id accidit in hominum vita, & statu, quod ijs, qui arborum, vel domorum fastigia conscendunt, vt si cadāt, grauiissime collidantur, multo autem facilius cadāt, vno videlicet pede, aut manu fallente; quæ ne fallant, vix satis caueri, & prouideri potest: cum contra, qui in ima terra ingreditur, nihil ijs periculi immineat, quoniā nec tam facile, nec tam grauius cadūt. Sic enim qui honorū gradib⁹ cminent, ijs non solum in ipso scandendi conatu, sed etiā in illa altitudine, magna, & certa imminent pericula, præsertim cū & multi sint impulsores, & ipsa per se natura grauis, & ad lapsum procliuius. Qui vero humi, & in humilib⁹ se cōtinent, nō ambulātes in magnis, neque in mirabilibus super se, ij fere tuti, atq; securi sunt. Multa sunt huius rei in vtrāque partē exempla, sed illud celebre, ac notissimum, quod

1. Reg. 15. in Saule primo Iudæorum Rege demonstratū est. Hic enim dum priuatā vitam egit, semper in oculis suis paruus fuit, nēpe statu ipso humili ad humilitatē adiuuante: idem vero ad regnum etiectus in tantā insolentiam, arrogantiamque erupit.

erupit, vt facile inter sceleratissimos quosq; reges numerari possit. Itaque qui antea etiam æmulos, atque inimicos ultro ad eandem à populo postulatos seruauit, postea etiam amico, & genero impias manus inferre conatus est. Quæ cum ita sint, facile iam apparet quantum, quamque expectandum hoc quoque sit religionis bonum, quæ nos procul ab hominū oculis, & à mundana gloria remouet, & in sanctis, & salutaribus quibusdam latebris retinet, vt & nos mundum ignoremus, & vicissim ab illo ignoremur. Hoc enim illud est, quod Bernardus quasi magnum, & necessarium consilium ex ipsa Saluatoris nostri vita scriptum reliquit, duobus quidem verbis præceptum, sed tamen latissime patens, ac multa complectēs, Ama nesciri. Sed ista quidē obscuritas ita gloriosa est, vt multo præstantius sit hoc modo delitescere, quam ab hominibus celebrari, & in hominum ore, & laudibus versari. Nam quo quisque magis pro Dei obsequio in obliuione hominum est, eo magis viget in Dei memoria; & hoc ipsum, quod ab oculis mortaliū despiciatur, multo ei ampliorem gratiā apud Deum, Dei-que Angelos conciliat. Quod utrūq; complexa videtur sacra Scriptura, cum ait, Deridetur iusti simplicitas, lāpas cōtempta apud cogitationes diuitū, parata ad tempus statutum. Quē locum Gregorius interpretans, Bene, inquit, iusti simplicitas, & lampas esse dicitur, & contempta: lampas, quia interius lucet: & contempta, quia exterius nō lucet. Intus ardet flamma caritatis, foris nulla gloria respēdet decoris. Lucet ergo, & despicitur, qui flagrans virtutibus, abiectus æstimatur. Quis non igitur tāto præmio proposito malit esse ex illis contemptis, vt intus luceat apud Deum, quam ex ijs, qui foris lucentes, intus obscuri sint? Itaque videtur mihi religiosus quisque, ob hanc maxime causā, veteris illius tabernaculi simillimus ex Dei mandato, atque ex Dei typo fabrefacti, quod cum intus inauratis tabulis, & cortinis hyacinthinis, ac purpureis, aureisq; ansulis reniteret, exterius tamē eius operimētum ex cilicinis sagis, arietūq; pellib⁹ vile quiddam, ac sordidū etiā ostētabat. Sic enim anima quæuis Deo deuota, & consecrata, multis illa quidē spiritualib⁹ donis diues est, castitatis, patiētīæ, obediētīæ, & aliarum virtutum; sed hæc omnia externo illo habitu vili, ac despicabili cōtegūtur, quod tamen ad bona illa diutius cōseruāda magnopere confert: quoniā tum optime custodiūtur, cū maxime latent, vt con-

Serm. 3.
de Nat.

Iob. 12.

10. Mor.
17.

Exo. 26.

tra cum in hominum conspectu ponuntur, vix à latrūculis custodiri possunt. Hi autem latrūculi sunt, præter alios, ipsi oculi, & linguæ hominum, qui eo ipso, quod vident, & laudāt opera nostra bona, sæpe vel omnino, vel magna ex parte euacuant gloriam nostrā, vt nobis quoque dicatur, *Matt. 6.* *Qui ha-* *bitat.* *Ser. 4.* *Matt. 13.* *cepisti mercedē tuam.* Iure igitur Bernardus hoc etiā affirmat, hanc esse vel præcipuam causam religiosi stat⁹ amplectēdi, ob ingentem vtilitatem, quæ percipitur celandis nostris bonis: sic enim ait, Necesse est abscondere interim, si quid habemus boni, quoniam thesaurum regni cælorum, qui inuenit, homo abscondit, propter quod etiam corporaliter in claustris, & in syluis abscondimur. Et, si scire vultis quantum in hac absconsione lucratur, credo nullum hic esse, qui si quartam partē eorū, quæ facit, in seculo actitaret, nō adoraretur vt sanctus, reputaretur vt angelus: nunc autē quotidie tamquā negligēs arguitur, & increpatur. Parum ne hoc lucrum ducitis, quod non reputamini sancti, antequam sitis? An nō timetis, ne forte, hic vili hac mercede recepta, in futuro mercedem non habeatis? Necessaria est ergo hæc absconsio, non solū ante oculos aliorum, sed etiam multo magis ante te ipsum. Hæc quidem Bernardus. Sed non deerūt fortasse hoc loco qui obijciant, etiā intra ipsa religionis claustra sæpe euenire, vt multorum vel doctrina, vel eloquentia, vel etiam virtus ipsa, & sanctitas ita emineat, ac luceat, vt cū omniū admiratione celebretur, idque plerūq; eueniat, vt multi plus nominis, atq; existimationis, & famæ in religione consequantur, quā si seculū ipsum, & seculi ambitionē sequuti essent. Est id quidē; ac de hoc ipso, quicūq; est, religionis splendore plura à nobis infra differuntur. Sed hoc in præsentī statuendū, hoc honoris genus, qui tamquā vmbra fugientes sequitur, minime periculosū esse, quoniā Deo auctore defertur, & ideo ad eundem Deū pertinet, cui id tamquam onus imponat, ei vires tribuere ad ferendū sine iactura, ac potius cum accessione aliarū virtutū. Nam hic quoque inter reliquos obedientiæ fructus est certissimus, vt qui in ea viuunt, quodam quasi diuinæ gratiæ antidoto ita præmuniat, vt iis hoc honoris venenum nocere non possit. Declaratum est hoc manifeste admodum in B. Thoma Aquinate, cuius exemplum ad omnes item religiosos, quando in eadem causa sunt, trāsferri debet. Hic enim cum Lutetiæ theologiam magna cū laude doceret, itaq; visum esset eius superioribus, vt doctoratus

etiam

etiam laurea insigniretur, ille præ sua modestia valde recusare coepit eum honorem, prætereundum doctrinæ, ut ipse quidem de se sentiebat, tenuitatem, tum etiam ætatis adolescentiam, ut qui nondum vigesimum compleisset annum. In qua cogitatione versans nocte quadam visus est videre, cum ob hanc causam vberius fieret, assistisse sibi virum vultu graui, & venerabili, qui eius tristitiæ causam sci scitatus, iussit illum secure, & intrepide maiorum suorum iussa exequi; eam enim esse ipsam Dei voluntatem: quin etiam admonuit, ut pro orationis, quam in eo gradu accipiendo habiturus erat, themate, illum psalmi versiculum acciperet, Rigans montes de superioribus suis. quibus ille ita confirmatus est, ut omnem timorem, ac trepidationem deponeret. *Psal. 103*
Accedit etiam alterum præsidium ad conseruandam inter ipsos honores religiosam humilitatem, quod quicquid est gloriæ, non tam id in singulos quosque, quam in Deum primum redundat, deinde in ordinem ipsum, cui inscripti sunt. Ut enim corpore, etiam si manu aliquid fiat operis, non tamen eius laus manui, sed homini tribuitur, atque in exercitu victoria paucorum virtute parta non in illis paucis residet, sed cum toto exercitu communicatur, isque totus victor appellatur: sic quod in familiis religiosis ab uno bene geritur, ille quidem suo se loco, ac gradu continet, eius autem honor ad vniuersam, cuius ille pars est, familiam deriuatur. Sic fit igitur, ut etiam in publicum prodiens, tamen adhuc lateat, & cognitus ignoretur, & in mediis honoribus demissionem suam nunquam deserat. Atque id quidem vtrumque fructuosum, vel potius necessarium est. Nam si semper religiosi delitescerent, quam vilitatem, quamve operam huic militanti Ecclesiæ pauarent? sin autem illo plausu, popularique aura caperentur, hoc etiam ipsum præter cetera impediret, ne Ecclesiæ fructuosi essent, quoniam quasi cymbalum tinniens, inanem, sterilemque strepitum in hominum auribus ederet.

Nonus fructus, quod Religio sit Schola virtutum.

C A P V T XXI.

SEQUITUR nunc alius Religionis fructus, isque maximus, & saluberrimus. Ut enim variae sunt disciplinae, litterarum, annorum, aliarumque artium, eaque singulae suos habent magistros, sua etiam gymnasia, vbi tractantur, exercentur, & addiscuntur, sic virtutum disciplina in religione traditur; ut, si religionem definire velimus, iure eam virtutis

2. *Ethic.*
cap. 1.

scholam appellare possumus. Sed ut hoc eius beneficium illustrius sit, quædam proponenda sunt, idque in primis, quam anima nostra, si per se inspiciatur, omni virtutum ornamento deserta, & orba sit. Aristoteles quidem, quem S. Thomas ipse in hac materia morali, pene ut interpretes, sequutus est, hoc ipsum aperte scripsit, nullam nobis omnino à natura inesse virtutem, idque pluribus argumentis confirmat. Nos hoc etiam addere possumus ex lumine fidei, quod ille non vidit, non modo illam virtutem nobiscum ingenerari, sed multam corruptionem, & depravationem, & in summa magnam ad vitia omnia propensionem, & impetum: nisi quod cum his malis duo tamen bona manent, primum inclinatio quædam ad virtutes ab auctore naturæ, qui eam bonam fecerat, inserta, deinde initia quædam, ac semina harum virtutum, quæ si adolescere sineremus, atque aliquo studio à nobis promouerentur, facile ad suam maturitatem pervenirent. Ex quibus breviter positis duo sequi necesse est, utrumque ad rem nostram magnopere pertinens: primum quanta sit sceleritas animi virtutibus destituti. Nam, ut in corpore, si plura desint membra, aut si in ea permaneat breuitas, quam in sua origine accepit, monstrum plane sit rursus, & inutile: sic animo si virtutes desint, quæ sunt quasi eius partes, mutilum, imperfectumque esse necesse est, ex quo intolerabilis sequatur in eo pravitas, & deformitas. Alterum deinde huic consequens est, quæ ratio, aut quæ via non solum optima, sed etiam unica, & necessaria sit ad virtutes in animum, quibus eum spoliatum esse diximus, inducendas. Hanc vero Aristoteles idem nullam aliam esse affirmat, quam earum officia, & actionibus exercendis; quod contra, inquit, sit à plerisque, qui, quod de virtutibus disputant, satis id putant sufficere ut earum compotes fiant. In quo vehementer errant, similesque sunt iis agrotis, qui medicorum quidem præscripta diligenter audiunt, sed ea deinde non observant. quare ut hi curare numquam valebunt, sic illi numquam animo. Hæc Philosophus ille, & vere. Cum enim virtus ex habituum genere sit, habitus autem non generatur nisi actionibus frequentatis, eandem quoque oportet esse ipsius naturam, ut sola eam consuetudo, & usus acquiritur. Atque hoc quidem in morali genere, nullam habet dubitationem. Sed idem ferme etiam dici potest de Theologicis. etsi enim hæc primum diuinitus infunduntur, tamen & antea (infantibus, cum baptizantur, exceptis) aliquid præpara-

2. *Ethic.*
cap. 4.

2. *Ethic.*
cap. 4.

preparationis requirunt in animo, quod sit per actiones, &
 postea etiam quam infusa sunt, tamen iisdem actionibus
 augentur, & roborantur. Itaque in omnibus plane virtuti-
 bus locum habet, quod à Bernardo in humilitate possum, ad *Epi. 85.*
 reliquas etiam, quando eadem est omnium causa transfe-
 rendum est. Humiliatio, inquit, est via ad humilitatem, si-
 cut patientia ad pacem, sicut lectio ad scientiam. Si virtutem
 appetis humilitatis, viam non refugas humiliarionis; nam si
 non poteris humiliari, non poteris ad humilitatem prouchi.
 Cum igitur hoc certum, ac stabilitum esse debeat, virtutes
 labore, ac studio, & usu acquirendas esse, hoc etiam eadem
 euidencia certum erit, statum illum, qui commodiorem &
 crebriorem afferat materiam virtutis exercendæ, vtiliorem, ac
 salubriorem esse. Hunc autem, sine vlla dubitatione aut
 hæsitatione, ausum affirmare inter omnes status esse religio-
 sum statum, in quo omnes virtutes assidue vigent, & in per-
 petua ferme actione continentur. Nam de charitate quidem
 in Deum primum, deinde in proximos, nihil arripet dicere,
 cum & nihil aliud agatur in religione, quam ut semper cres-
 catur in Dei amore nec inter homines vlla esse possit maior
 coniunctio, quam sit inter religiosos, qui, ut sunt, ita etiam
 appellantur fratres, tanquam ex vno omnes utero geniti.
 Idem dici potest de obedientia, qua virtute nulla pars reli-
 gionis vacat. Idem de humilitate, quæ adeo frequens est
 in hac vita, ut tota ferme ex humilitate composita videatur:
 quam ob causam merito à Bernardo schola humilitatis ap-
 pellatur. Nam & status ipse is est, ut, si eum mundi iudicio *Hom. 4.*
 meriatis, nihil abiectius, & contemptius iudicetur, nempe *Missus*
 in paupertate, in incommodis, in obscuritate: & ad hanc sta- *est.*
 tus conditionem sua etiam munera infima, ac pene seruilia
 consequuntur, atque, ut vno verbo dicamus, omnia, quæ
 sunt in religione, habitus, locus, officia, occupationes, hu-
 militatem, redolent, humilitatem inspirant. Qua de re præ-
 clare Chrysostomus in concione quadam ad populum An- *Hnm. 58*
 tiochenum, ubi multa alia in laudem religionis & illa præ-
 fertim, illic inquit, hanc humilitatis altitudinem intue-
 bimur. Nam ipsa domus, vestes, ministeria, quasi litte-
 ris quibusdam impressis, humilitatem prædicant: &
 quæ superbix fomenta sunt, bene vestiri, splendide habita-
 re, multos famulos habere, quæ sæpe etiam nolentes in su-
 perbiā efferunt, hæc ab illis omnia remota sunt. Ipsimet
 ignem accendunt, ipsi lingua comminuunt, ipsi coquunt, ipsi
 ministrant.

ministrant : nullus ibi magnus, nullus parvus, non quod ibi sit confusio, sed perfectissimus ordo; sed quia, licet quis parvus sit, magnus hoc non respicit, immo vero etiam illo se inferiore existimat, & ita maior efficitur. Hæc Chrysostomus : quæ autem ab illo de humilitate, eadem dici possunt de aliis virtutibus, quarum omnium officia sunt in religione frequentissima. In quo quidem non utilitas solum, sed etiam suauitas quædam huius disciplinæ admirabilis videri debet, quæ non nudis præceptis informando (quamquam ne hæc quidem desunt) verum exercitatione quoque, quam diximus, adhibita, pedetentim, ac sensim nos ad virtutem assuefacit, ac per opera ipsa, eiusque actiones, quasi manu deducit ad perfectionem sine magno labore, magno autem nostro bono. Quin illa quoque utilitas, ac commoditas est in religione, quæ communis est omnibus artibus in suo cuique genere. Nulla enim est ars, non dico ex nobilioribus, sed ex ipsis mechanicis, & plebeis, in qua non egregium putetur excellere, præsertim inter eos qui eam artem profitentur. Itaque inter ipsos fabros, & opifices, illi præ ceteris laudantur, & in pretio sunt, qui in suis quique studiis præstāt : & quarum rerum professio per se ignobilis est. in iis tamen aliquid excellentiæ nactum esse laudabile videtur. Sic igitur in religiosa disciplina, eoque magis in hac, quo nobilior, meliorque est, quippe quæ tota in virtutem excolendam incumbit, qui id ardentius faciant, maiori que progressu, eos ab omnibus commendati, ac præcipue suspici necesse est : ut, quoniam hoc quoque stadium quoddam est, in quo ad perfectionem curritur, qui velocius currat, ei plausus ab omnibus detur. Quod quidem an paruum esse putamus ad cursum iacitamentum? Sentiant hoc seculares, quibus inter alia impedimēta hoc quoque vel maximum obicitur, quod eorum conatus ad pietatem non modo non secundis hominum iudiciis adiuvantur, sed sæpissime in aliorum vel maleuolorum sermones, vel irrisiones, ac ludibria incidunt, ad quæ sustinenda, vel contemnenda, infirma est omnino natura nostra. Itaque bona hominum pars hoc metu retardatur, ne quod bene agendum intelligit aggrediatur: alij postquam aggressi fuerint, tamquam aduerso flumine remigantes, breui fatigantur, illaque brachiorum cōtentione remissa, retro deferuntur. At inter religiosos nihil horum, sed omnia potius contraria. Ut enim antea dicere cœperam, quoniam hoc ipsum profitentur, se ex virtute viuere, qui in hoc maxime excellāt,

maximi

maximi ab omnibus fiunt, omniumque æstimatione, & iudiciis approbantur. Quare cum se eorum quispiam ad infima munera, & ad famulares quasvis functiones demiserit, nihil timendum est, ne à suis despiciatur, aut, ut Dauid olim à Michol vxore, reprehendatur: quin potius eo maiorem laudem, & gratiam apud omnes consequetur, quo id diligentius, & alacrius fecerit. Damascenus vir diues, & nobilis, ac magistratibus etiam gestis clarus, ad monasticam disciplinam se receperat, in qua cum senì cuidam traditus esset, visum est, huic primum, ac præcipuum in eo humilitatis fundamentum ita iacere, ut eum inimicis quibuscque perfungi iuberet, ollas tergere, verrere sordes, scaphia purgare, omnia denique obire seruilia ministeria, insuper etiam; quasi nullam rem recte ageret, crebra eum reprehensione, atque obiurgatione tentare: in qua cum ratione menses aliquot exercuit, tanto eius profectu, quantum deinde totius vitæ sanctitas declarauit. Sed tamen tantum abest, ut illæ infimæ, ac sordidæ etiam, si per se spectentur, functiones aliquam Damasceno inter suos notam pepererint, ut potius id ipsum magis eum illustrarit, admirantibus omnibus, & in cælum ferentibus talem in tanto viro & mundi, & sui ipsius despicientiam. Ac ipse quoque senex, qui ista imperitando seueriorem personam induerat, ubi maturum esse vidit, hilariter eum, iucundèque complexus, & tantum ei profectum gratulatus, cum multis laudibus à sua disciplina tanquam rude donatum dimisit. Neque vero hoc tantum intra religionis ipsius septa valet, ut liceat nobis, nullo aduersante, omnibus approbantibus, humilitati, mortificationi, orationi operam dare, sed in oculis quoque externorum, ac secularium. Qui enim hæc vitam ingressi fuerint eos, deinde, si hæc opera exercere videant, non solum non contemnunt, sed laudant, arque etiam suspiciunt iidem illi, qui fortasse eadem opera in secularibus sui similibus ferre non possent, tantum nobis licentiæ dat hic status ad omnia bona, nullo interpellante, peragenda. Satis igitur dictum est de schola, & de condiscipulis. restat nunc de magistro, qui quidem in hac schola est duplex, alter qui oculis cernatur, id est, superior ac præpositus, de quo alias dicemus, neque ita multo post; alter inuisibilis, qui mente tantum, ac intelligentia percipitur, & intelligitur, qui quidem ita verus est magister, ut potius ipse solus sit, Sic enim ait veritas ipsa, Ne vocemini magistri, quia magister vester vnus est Christus. Hic igitur nullum officium,

2. Reg. 6.

Mat. 23.

3. de im.
Christ.
cap. 3.

nullamve partem omittit boni, ac seduli præceptoris. Nam rudes informat, proficientes prouehit, perfectis altiora lumina impertit. Idem etiam modo errantes arguit, modo languentes exstimulat, modo etiam mæstos, aut fatigatos recreat, solatur, erigit. Denique, vt cum Thomas de Kempis, bonus in primis auctor, de se loquentem facit, duplici quotidie schola discipulos suos exerceat, vel castigando, & corripiendo, si quid à via deflectant, vel animando, & continendo, vt non deflectant, potius, & semper alacrius procedant. Quid igitur deesse possit religioso, tali magistro, tantaque commoditate eum audiendi, & exequendi eius præcepta? Nam quod vnum timeri fortasse possit, ne sibi ipse desit, id quoque ipsum ad magistri huius prouidentiam, ac curam pertinet, vt non eueniat. Etenim homo quidem homini doctrinam impendere potest, voluntatem autem discendi, aut ingenium, si desit, conferre non potest: huic vero facillimum est, ipsam quoque voluntatem, ac facultatem etiam proficiendi, quibus velit, impertiri.

Decimus fructus ex vberiori influxu gratia.

C A P V T X X I I.

HÆc commoditas proficiendi in spiritu, & eundi de virtute in virtutem, de qua modo dixi, est ea quidem plena salutaris vtilitatis, sed tamen studium, exercitationem, laboremque requirit. Ideo enim scholam appellamus, in qua nihil profici potest sine attentione, atque etiam contentione. Quare multo maius est id beneficium, de quo nunc agemus, quo videlicet multa alia spiritualia bona non nostro labore, ac conatu acquiruntur, sed ab ipso statu vltro nobis quasi in sinum congeruntur, quæ bona, quamquam varia, ac longe, lateque patentia, vno generali Gratia nomine comprehenduntur. Hoc enim nomine omne id genus continetur, quod est supra naturam, nostramque salutem æternam vel omnino efficit, vel aliqua ex parte adiuvat, & promouet. In quo genere prima est qualitas illa celestis, quæ in anima inhærens, nouam ei vitam, nouamque essentiam tribuit diuinæ similem: deinde sunt habitus illi sancti, qui à Deo infunduntur, vt fidei, vt spei, aut aliarum virtutum, etiam moralium: postremo sunt intimi afflatus Spiritus sancti, siue ad mentem illuminandam, siue ad voluntatē incitandam, atque roborandam. Quæ duo posteriora genera quamquam & dignitate, & efficientia longe distent ab illa qualitate,

qualitate; quæ animam Deo gratam, Deique amore dignâ facit, tamen ipsa quoque vim habent supernaturalem, utque dixi, magnopere conferunt ad illum diuinum habitum, in quo animæ vitam consistere ostendimus, vel efficiendum, vel si iam effectus sit, augendum, ac multiplicandum. Quare cum tanta sit totius huius gratiæ tum necessitas, tum præstantia, nihil maius dici potest de laude, & utilitate cuiuspiam status, quam hoc, quod quâ plurimas habeat vias ad eius quam maximam abundantiam hauriendam: quod quidem in religioso statu agnoscendum, & prædicandum est. Et enim, si considerare voluerimus, quatuor in ipso fontes reperiemus, ex quibus ea manat, fluitque vberime. Primus autem fons est ipsiusmet status natura, ac vis. Hic enim cum sit ex genere supernaturalium, & inter cetera supernaturalia tantopere emineat, non solum gratia constat, sed magna etiâ gratiæ copia; quam gratiam, & quam copiam religioso aduenire necesse est vna cum ipso statu. Nam cum religiosa vita, atque ipsa religionis incundæ voluntas tam multa contineat, contemptum in primis omnium rerum terrenarum, odium diuitiarum, honoris gloriæ humanæ, deinde amorem castitatis, & continentiæ perfectissimæ, tum abnegationem propriæ voluntatis, studium humilitatis, deliberationem multa, & grauiâ perferendi, crucisque complectendæ, & portandæ, denique resignationem totius vitæ, sui que ipsius traditionem perfectam, & perpetuam, rem ita arduam, & difficilem; cum igitur ex his, & alijs eiusmodi plurimis tota hæc disciplina composita, & quodammodo conflata sit, sequitur ut Deus, cum religiosam vocationem inspirat, hæc etiam omnia simul inspiret, simulque omnia largiatur. Quod si ita est, quid maius, aut melius esse potest hoc statu, in quo tot dona, tot charismata, adeo salutaria, adeo etiam necessaria, vltro, & gratis deferuntur, & ita deferuntur, ut non tam in singulis acquirendis laborandum sit, quam sinus animæ laxandus, & expandendus ad ea accipiendâ, ac deinceps fruenda? Fit enim hic quoque quiddâ simillimum, ut cum sit atque ex ære funditur, quæ tota simul, & integra funditur, cum brachijs, & cruribus, & reliquis omnibus partibus, nec aliud superest, nisi ut ad eam expoliendam lima adhibeatur, aut particulæ fortasse aliquæ, si quæ imperfectiores remanserint, suppleantur. Verum hic quidem minimus est labor, cum ipsius corporis massa tota iam constet. Sic enim cum diuinus ille spiritus nos ad religionem vocat, ipse hoc suum tam præcla-

rum, ac supernaturale opus in nobis efficit; quod opus, cum ut diximus, omnia, quę ad religiosę vitę professionem necessaria sunt, necessario complectatur, nimirum hæc quoque omnia ab eodem Spiritu in nobis effici necesse est. Quare ne nobis quidem aliud in tota vita agendum restat, nisi ut hæc dona de cęlo data expoliamus, & perficiamus, atque in dies augeamus; quod tamen ipsum cadem vocationis gratia tribuit. Hęc enim gratia sua illa beneficia vniuersa secum inuehit, & importat in animā, atque ut ab initio importat, sic deinceps semper tuetur, & conseruat, ut in hoc quoque fontis similitudinem habeat perenniter fluentis.

Psal. 1.

Apocal. vlti.

Quamobrem iure, & vere religiosam animam dicemus lignum illud, quod plantatum est secus decursus aquarum, id est. gratiæ huius tam multiplicis, ac multiformis, quę tanta copia decurrit, ut fluminis more (est enim fluuius aquę viuę qui procedit de sede Dei, & Agni) numquam cesset, sed ut vnda vndam, sic gratia gratiam subsequatur: ex quo etiam illud in eiusmodi anima sequitur, ut det fructus vberimos in tempore suo, nullumque eius folium defluat, & omnia quęcumque faciat, prosperentur.

Mat. 18.

Alter huius gratiæ fons is est, quem ipsa Veritas indicauit, cum dixit, Vbi duo, vel tres fuerint congregati in nomine meo, ibi sum in medio eorum. Nam Dominus, etsi multę ille quidem misericordię est, diuesque in omnes, qui eum inuocant, tamen hanc ipsam misericordiam, ac diuitias largi^r aperit ijs, qui in aliorum cętu conuiuant, sancto caritatis vinculo colligati. itaque merito Damascenus diuinum hoc, ut ipse appellat, oraculum in religiosis proprie, & vere cōpleri confirmat: neque quod duos, vel tres dixit, idcirco maiore numerum excludi, sed eo numero finito indefinitū quemuis significari. Immo vero, ait Basilus, si hoc Dominus promisit, vbi duo, vel tres fuerint cōgregati, multo verisimilius est, idē facturum, vbi multo copiosior, ac frequentior hominū multitudo congregata sit. Ex quo is etiam verissime argumētatur, si Christus nobiscū affuerit, nihil nobis deesse posse, quę admodum Isrăēlitis in vasta solitudine, propter Dei pręsentiam, nihil vñquam defuit. Cum igitur se Saliuator in medio religiosorū fore, & semper fore pollicetur, vno verbo omnia, quę optari possunt, pollicetur, lumen in obscuritate, robur in infirmitate, solatium in mœrore, dolorū si qui sint abstersionem, victoriam in dæmonum pręlijs, constātiā, ac firmitatem animi, accessionem virtutum: denique quod bonum nō

*In vita
S. Iosaphat.*

*Const.
Mon. c.
15.*

habeant,

habeant, qui cum habeant in quo sunt omnia bona? Sed huius promissi magnitudo eo magis apparebit, si eius etiam causam inquiramus. Causa vero hæc est, quod religiosi cætus¹ nullo alio vinculo colligantur, quam caritatis. Non enim natura, non propinquitas, nec alienius studij, vel disciplinæ similitudo, qualis est inter milites, & mercatores, eos coniunxit, sed vna, ut dixi, caritas. Atqui, ut docet Ioannes^{1. Ioan.} Apostolus, Deus ipse nihil est aliud, quam caritas: ex quo sequitur, quod idem etiam Apostolus adiunxit, ut qui manet in caritate, in Deo maneat, & Deus in eo, & inter quos caritatis glutinum intercedat, inter eos etiam Deus ipse intercedat. Sic fit, ut non modo Deus religiosæ cuius sodalitati præsens adsit, sed multo propius, multoque interius adsit, quam alter alteri, qui in ipsa sodalitate conuiuunt; ut cum lapides calce colligantur, calcem ipsam ijs coniunctiorem esse necesse est, quam lapidem lapidi. Et quidem si ad Christianos vniuersos hæc Saluatoris pertinet promissio, qui iam nihil ferme commune habent præter fidem, & quæ ex fide consequuntur, aut ad eam spectant, & tamen si in horum quoque medio Christum esse credimus, quanto hoc magis in religiosis familijs, quibus sunt omnia communia non spiritualia modo, sed etiam externa, eadem domus, idem habitus, idem victus, eademque studia, denique nihil discretum, ac separatum? Neque vero cuiusque cætui, ac concilio tantam rem promissit Dominus I e s v s, sed ijs solis, quæ in suo nomine congregata essent, ut sunt omnes religiosi ordines, qui ad vnum eius obsequium, & famulatum sunt instituti. Quare cū omnes tā ingentis beneficii participes sint, tamen hæc ipsa vox admonere nos videtur, nostram hanc Societatem I e s v, quamquam ceteris rebus infimam ac minimam, peculiare quoddam tenere huius gratiæ pignus ex ipso nomine, quod præ se fert, & quo tamquam insigni, notaque propria à ceteris ordinibus discernitur. Quæ nostra spes, & fiducia ea quoque re confirmari debet, quoniam non humano id consilio factum est, ut hoc nomine appellaretur, sed Dei instinctu, certa que voluntate, quā Ignatio, capiti, ac parenti nostro, dum inter orandum à sensibus abstractus esset, visione quadam demonstraui. Merito igitur huius nominis sanctitas nos omnes, qui sub hoc quasi vexillo militamus, maiorem in modum recreare debet, quod nobis præsentem Dei tutelam, ac patrocinium, præsidiumque in rebus omnibus certissimum spondet. Hic enim etiam conuenit quod à

Pro. 18. Sapiente scriptum est: Turre fortissima nomen Domini, ad ipsam currit iustus, & exaltabitur.

Tertia causa, quæ hanc gratiæ abundantiam efficit in religiosis est influxus quidam spiritus, & auxiliij interni à tota communitate in singulos. Sic enim cogitandum, sicque sentiendum est, ordines omnes quasi corpora quædam esse, quæ quot hominibus, tot videlicet membris consent. Atque hæc quidem corpora suum quæque spiritum habent, quo vivunt quoque agantur, seque moveant, ilque spiritus partim communis est cum aliis ordinibus, in ijs scilicet rebus, quæ sunt omnibus tamquam essentielles, ut tria vota, ut virtutes, partim etiam proprius, & peculiaris, ut sunt certi ritus, officia, ac studia quæ pro suo quisque instituto complectitur. Quem admodum, igitur, si fieri possit, ut manus, aut membrum quoddam in hominis alicuius corpus inferatur, in quo antea non fuerit, eadem anima, quæ reliquum corpus format, ac regit, nouo illi membro infusa id quoque iam formare, ac mouere inciperet: sic cum aliquis, & sua voluntate, & eorum, ad quos id pertinet, potestate, in ordinem aliquem religiosum rite, ac legitime asciscitur, idem ille spiritus, qui ordinem ipsum totum vegetat, & animat, hanc etiam recentem eius partem ita peruadit, ut eadem opera efficiat, quæ reliquæ partes. Erat David in cuneo prophetarum vaticinantium, Deique laudes celebrantium, cum Saul Rex ad eum interficiendum satellites quosdam misit, qui ut accessere, factus est in illis spiritus Domini, atque ipsi quoque psallere, & prophetare cœperunt. Hoc Saul audiens, iterum, ac tertio alios misit ad facinus paratiores, quibus idem omnibus euenit, ut ipsi quoque furore repente deposito, propheticam pietatem induerent. Tum vero improbus Rex eam tibi ipse prouinciam deposcens, scelere ardens, accurrit ad locum, coque cum venisset, ne ipse quidem resistere potuit diuino spiritui, qui in eius animum insiliens, ita eum mansuefecit, ut regijs vestibus exutus, abijciens se in terram, totam illam diem, ac noctem in Dei laudibus transegerit. Magnum certe, atque euident documentum huius rei, quam tractamus, quam certa, atque efficax via sit, ad gratiæ copiam consequendam, aggregari ad eos cœtus, qui sint ipsi pleni gratia. Etenim si illi scelerari, cum maxime in facinus incumberent, ac ne animo quidem, sed solo corpore cuneo illi se adiunxissent, eius tamē quasi flamma calefacti sunt, idque tam subito, quid putandum est fore in ijs, qui toto animo

eam

eam aggregationem expetiuerunt, seque ei totos, ac penitus tradiderunt, & quidem non ad breue tempus, sed in perpetuum? Nam si nolentes, & resistentes, tamen inuasit gratia, multo magis, & multo abundantius replebit volentes, & ad eam votis omnibus aspirantes.

Extremum illud est vtilitate quidem præcipuū, quod cū Ecclesiæ vniuersæ tot beneficia, tot dona à Christo Domino, qui eam sanguine suo acquisiuit, tam liberaliter erogata sunt, earum omnia ad solos propemodum religiosos redacta videntur. Nam etsi communia sunt omnibus Christianis, tamen multi omnino non vtuntur, multi vix vtuntur. Certe illud negari non potest, quin religionis omnium optime, & commendatissime ijs perfrui liceat. Ex hoc genere sunt in primis sacramenta, & præsertim illa duo tam plena gratiæ, eoque insuper saluberrima, quod sola inter alia quotidiano vsu frequentari possunt: alterum, quo anima peccatis confessione expiatur; alterum, quo expiata ipsò Dei corpore pascitur, ipsoque sanguine potatur; ex quo innumerable in eā bona, & gaudia manare necesse est. Hic ergo tantus thesaurus licet fidelibus omnibus propositus sit, tamen quis non videt quanto commodius, ac melius eo religiosi potiuntur? Nam seculares quidem vt plurimum & curis, & affectibus, & molestiis, ac perturbationibus, quibus vita illa assidue iactatur, magnopere impediuntur, vt vel ad sacramenta illa non adeant, vel non ita adeant, vt eorum requirūt maiestas. Contra verò religiosos omnes in hoc quoque, vt in ceteris, status ipse adiuuat, semotus à negotiis, ac turbis, totusque factus ad gustandum Deum. Idem dici potest de aliis spiritualibus bonis, & maxime de scripturis sacris, in quibus cum tantum sit vtilitatis ad omnem vitam, tantum etiam voluptatis, ac solatiij, tamen in earum lectione, ac commentatione solos ferè religiosos, certè præterea paucissimos, versari videmus, eo quidem sensu, atque eo spiritu, quo diuinæ illæ litteræ tractandæ essent. Verè *Kempis* autem, & aptè dictum est ab optimo spiritualium rerum *4. de im.* auctore, vt corpus ad vitam tuendam duobus indiget, cibo, *Christi.* quo reficiatur, lumine, quo dirigatur: sic ad vitam animi *cap. 11.* suum item cibum, suumque lumen esse necessarium: alterum autem esse ipsum Domini corpus, alterum Domini verbum, quod est lucerna pedibus nostris, vt ait Propheta. Hæc igitur *Psal. 112.* tam necessaria, tamque salubria munera, etsi, vt ante attigi, omnibus communiter proposita sunt, non tamen omnes vel sciunt,

sciunt, vel volunt uti, religiosi verò ita utuntur, ut nihil ferme aliud agant. Ex quo fit, ut, quemadmodum dicere coeperam, quicquid sanctum, quicquid fructuosum, quicquid pretiosum hominum generi de cælo tributum est, omnia illa charismata, & illa veluti monilia, quæ Christus quasi sponsus Ecclesiæ sponsæ tam large, ac liberaliter elargitus est, agnoscendum sit à religiosis abunde teneri, & possideri. Posset etiam dici, ut paulo ante dixi, à solis penè religiosis, quoniam pauci præterea vel voluntatem habent, vel facultatem eis fruendi: sed quoquomodo hoc sit, id religiosis sufficit, quod ipsi ea, quam ostendimus, tantarum rerum abundantia potiuntur. Hæ sunt igitur religiosi status diuitiæ, quæ animam.

Gen. 2.

ita ornet, tamque multis rationibus locupletent. Hæc appellare possumus quatuor illa flumina ex paradiso erumpentia, quod nimirum quatuor hi, quos descripsimus, gratiæ fontes, ipsi quoque ex hoc nostro Religionis paradiso prodeuntes, animas Deo dicatas & abluendo quotidie nitidiores, & irrigando fecundiores efficiant.

Vndecimus fructus vberius meritum ex vi status.

CAPVT XXIII.

VT sol iste, qui terras illuminat, propriam, atque innatam lucem gerit. reliquæ verò stellæ à sole mutuata, ita Deus solus ex sua natura tum essentiam habet, tum beatitudinem, cetera verò omnia, quæ sunt, vel beata sunt, id eius munere, ac participatione consequuntur. Sed hoc interest, quod vitam quidem, atque essentiam nullo suo opere acceperunt: prius enim, quam essent, nihil agere potuerunt, ut essent: ad beatitudinem autem acquirendam sic à Deo institutum est, ut necessariæ essent actiones aliquæ, neque eæ cuiusvis generis, sed ultimo illi fini similes, certaque proportionem congruentes. Nam & hoc ipsum tum ad Dei iustitiam, quam ille semper retinet, tum ad nostram quoque dignitatem quandam pertinebat, ut tantum bonum non quasi dormientibus donaretur, sed in eo adipiscendo aliquid etiam virtutis, atque industriæ nostræ eluceret. Itaque hanc unam ob causam præsentis huius peregrinationis cursus institutus est, & ad hoc unum tota hominum vita dirigitur, ut rectè

Iob.

B. Iob & se ipsum, & nos omnes mercenario compararit, qui nihil habeat aliud, quam quantum brachiis, & diurno labore comparauit.

Mat. 25.

Saluator autem cunctos etiam homines mercato

mercatoribus similes facit, inducta illa seruorum parabola, in qua paterfamilias, talentis unicuique distributis, illud insuper mandatum adiungat. *Negotiamini usque dum venio.* Quo dicto indicat vitam hanc nihil esse aliud, quam negotiationem, ac mercaturam, non terrenarum quidem opum, sed cœlestium. Quamobrem, ut mercatores huius seculi omni studio id agunt, ut quàm maximè ditescant, càmque ob causam à reliquis studiis, ut venandi, vel equitandi, aut militiæ, sese remouent, nullas verò lucri occasiones oblatas prætermittunt, sed eas potius studiosissime captant, & inquirunt, quin etiam iucundi eis videntur labores omnes, & vigiliæ, quæ modo rem augeant; ita hoc, & multo etiam magis faciendum est in hac spiritali mercatura, cuius scilicet fructus sunt sempiterni. Quo quidem posito, duo euidenter apparent; alterum est seculi miseria, in quo omnes ferè ad terrena conuersi in summa inopia horum meritorum viuunt; alterum contra est Religionis felicitas, in qua tanta sit facultas augendi, atque in singula momenta multiplicandi cœlestem hanc mercedem. Ac de priori quidem multa dici possent, quibus eorum, ut verè dicamus, cœcitas, & amentia cognosceretur, qui tempus hoc tam breue, & angustum, ad æternitatem promerendam datum, inutiliter perdunt, dum id in res temporales, & perituras conferunt: de qua stultitia (cur enim non stultos appellemus, qui tantam sibi iacturam afferant in re tanta?) cùm multa, ut dixi, disputari possint, vnus tamen Gregorij locus pro omnibus sufficiet, in illis B. Iob verbis, *Ambulabunt in vacuo, & peribunt: In vacuum, inquit, ambulant, qui nihil secum de fructu laboris portant.* Alius namque adipiscendis honoribus exsudat, alius multiplicandis facultatibus æstuat, alius promerendis laudibus anhelat. Sed quia hæc cuncta quisque moriens deserit, labores in vacuum perdidit, quia secum ante iudicem nihil tulit. Quo contra bene per legem dicitur, *Non apparebis in conspectu meo vacuus.* Qui enim promerendæ vitæ mercedem bene agendo non prouidet, in conspectu Domini vacuus apparet. Hinc de iustis per Psalmistam dicitur, *Venientes venient cum exultatione portantes manipulos suos.* Ad examen quippe indicij portantes manipulos venient, qui in semetipsis recta opera, quibus vitam mereantur, ostendunt. Hinc de vnoquoque electo Psalmita iterum dicit, *Qui non accepit in vano animam suam.* In vano quippe animam suam accipit, qui sola præsentia cogitans,

7. Mor.

13.

Deut. 10.

Psal. 25.

Psal. 25.

rans, quæ sequantur in perpetuo, non attendit. In vano animam suam accipit, qui eius vitam negligens, ei curam carnis anteponit. Sed animam suam iusti in vano non accipiunt, qui intentione continua ad eius utilitatem referunt quicquid corporaliter operantur, quatenus, & transeunte opere, operis causa non transeat, quæ vitæ præmia post mortem pateat. Igitur ex horum iustorum numero, quos Gregorius hic laudat, sunt præcipuè religiosi: quod quanto eis ex ipso statu facilius, ac proclivius sit, demonstrandum est. Etenim ad meritum duo sunt in primis necessaria, res quæ agitur, & causa, vel finis, propter quem agitur. Has enim Bernardus binas esse ait Sponsæ genas, quarum alterutra qui carnerit, insignem habeat deformitatem, multo autem maiorem, qui utraq. Nam qui rei temporalis amore in re temporalis laboret, huic quidem utrumque deesse: qui verò in re spirituali, sed propter temporale præmium, huic alteram genam turpem esse. Igitur, quod ad materiam ipsam attinet, quam religiosi tractant, & in qua versantur, ea nihil ferme aliud est, quam Dei ipsius negotia; in quo certè vix dici, & vix credi potest, quanto melior sit eorum conditio, quam secularium. Nam secularium actio, & occupatio ut plurimum duo habet, quæ ecclesiæ mercedis meritum vel imminuunt, vel etiam omnino tollunt. Primum quod in rebus terrenis, & temporalibus distinentur, id quæ necessitate, ut liberos, ut familiam alant, ut filias collocent, ceterisque domestici sumptus suppetant. Deinde quod suas quisque res agit, suisque consultit utilitatibus, eoque studia, & cogitationes suas dirigit, ut sibi ac suis bene, comodeque sit. Qui autem ob propriam causam, sui que respectum operatur, is non alteri servit, sed sibi ipsi: quare impudens sit, & iniustus, si ab altero mercedem repetat. Ex quo quidem efficitur, ut plerique hominum opera cassa sint, & inania, cum ad divinæ iustitiæ trutinam ponderantur: quod aliquando mirabili quadam visione ostensum est magno illi Arsenio, qui cremum sanctitate illustravit. Primum enim visum est ei videre hominem, qui lignis cædendis admodum intentus erat, ex quibus cum fascem confecisset, eumque in humeros rollere adnissus, non potuisset, alia denuo ligna cædere, onusque oneri addere pergebat. Rursus alterum vidit, qui magno studio, ac labore aquam haurire, & in vas pertusum infundere satagebat, quæ statim tota efflueret. Quam speciem ita interpretatus est ei Angelus, ut priores esse diceret, qui peccata peccatis cumularent, posteriores,

steriores, qui humanum aliquid spectantes, opera efficiunt, quæ statim pereant, & ad vitam æternam nihil valeant. Quod si qui sunt, qui pauci sunt in seculo, ita cauti, itaque in posterum prospicientes, ut in suis actionibus ad Deum referendis elaborent, tamen cum eæ actiones natura suæ terrenæ sint, ut diximus, tantum eas à terra excitant, quantum studio, ac contentione adhuc bita nituntur, quæ violentia cum perpetua esse non possit, ac ne ad motum quidem diuturna, sic fit, ut facile, ac brevi suo pondere ad terram relabantur. Contra verò omnia in religiosis. Nam in primis, propria domo, & bonis propriis relictis, in Dei domum, Dei que familiam commigrant, & in ea degunt. Itaque quæcumque hic negotia occurrant, omnia ex suo genere, suæque natura, Dei sunt negotia, & dum iis procurandis immorantur, Dei causam agunt, non suam. Itaque hoc differre videtur secularis hominis quamvis probi status à statu religiosi, quod amici obsequia à famuli obsequiis, amicus enim quamquam vel amici rogatu, vel sua sponte aliquid obsequij amico impendat, de relictis tamen sibi vivit, sibi que prospicit: famulus autem, qui in domini ipsius ædibus sedem habet, vel nihil agat oportet, vel quicquid agit hero suo agat. Sic enim religiosus, cum, suis abdicatis, diuino se famulatui manciparit, etiam si nolit, ut ita dicam, cogitur tamen Dei rem procurare, & in eius seruitio semper occupari, ei nocte, ac die præsto esse: ac ne licet quidem aliud ei facere, quoniam à suis se negotiis non solum voluntate, sed re ipsa, ac loco ipso penitus segregavit.

Accedit deinde alterum, quod hæc ipsa, quæ in religione tractantur, non ex genere terrenorum sunt, sed maxima quidem ex parte mere spiritualia, cætera etiã cum spiritualibus valde coniuncta. Nam, si omnia colligamus religiosi hominis officia, & functiones, triplex genus inueniemus. Primū eorū est, quæ proximè ad Deum diriguntur, ut oratio, contemplatio, sacramentorum usus, virtutum etiã exercitatio, ut caritatis, humilitatis, vel penitentia; quæ vel animum contritione, vel corpus aliquo macerat cruciatu. Ac de his quidē actionibus, in quibus tota penè religiosorum vita consumitur, nil est dubitandum, quin per se, nullo etiam nostro conatu adiuncto, ad Deum euolent, ac mercedem ab eo reportent. Aliæ sunt opera externa illa quidē, sed tamen è media natura religiosi status, ut concionari, præbere aures peccata cōfitentibus, adhortari alios ad pietatem, dare consilium petentibus, ac non

petentibus

1. *Tim. 4.* petentibus etiam sapere, ut monet Apostolus, opportune, importune ingerere, denique in quocumque officio proximorum causa versari: tum illa deinde, quæ ad hæc ducunt, ut dare operam studiis vel priuatim, vel in schola, disputare, scribere quæ sibi, vel aliis profint, aliæque huiusmodi plurima. Hæc igitur tamen non adeo cōiuncta sunt cum Deo, ut superiora illa, tamen ipsa quoque vi sua eodem tendunt. Itaque, nisi alieno fine extrinsecus ascito adulterentur & corrumpantur, per se quidē bona sunt, & Deo grata, & accepta. Quamobrē hoc maximum est discriminē inter seculares, & religiosas occupationes, quod hæc sua natura spirituales sunt, & nisi aliunde vitientur, gratiam, & meritum habent: illæ contra natura sua terrenæ, & temporales, & nisi aliunde excitentur, humi semper serpunt, humique moriuntur. Quod autem est tantū robur, præsertim in hac sæculi imbecillitate, quod in eo studio, perpetuæque vigilia durare valeat, ut semper intentū animū tāquam arcū habeat, quo opera sua semper in sublime iaculetur? Tertium denique genus est inimum, & omnino naturale, ut cibo refici, vel somno, corpus curare, vel ægrū, ut sanetur, vel sanū, ne agridet, insuper etiā necessaria ad victū, & cultū providere, quod negotiū latet patet, multaque completitur: quæ omnia, si nihil aliud spectes, omnino nihil sunt, sed in religioso facile nobilitari, & illustrari possunt, ut gratiā apud Deum acquirant. Cū enim setotos, nec animā modo; sed corpus etiam Deo tradiderint, quicquid ei obsequii, ac curæ sic impendant, gratum est Deo; nec caret sua mercede. Totū ergo positū est in intentione, ac fine, quæ erat altera illa Sponte genæ, de qua ante diximus ex Bernardo. In quo itē quanta sit in religioso statu facultas, ac commoditas probandi se Deo, ac Domino nostro, ita apertum est, ut nostra non egeat oratione. Nam seculares quidem etiam si non semper pium, & improbum, fere tamen temporalem, & terrenum finem suis operibus præfigunt, ad familiam, ad filios alendos, & honestandos. Religiosus autem quidnam eiusmodi spectare potest? Itaque, etiam si quidpiam aliquādo temporale tractet, finis tamen spiritualis est, quia non ad propriū quæstum, sed ad communem fratrum utilitatem spectat, quæ ipsa ad Dei obsequium, & honorem refertur. Docet hoc egregie, ac disertè S. Bernardus, adhibere etiam hac eadem seculari cōparatione, quorum laborem duplicē esse ait, alterum peremptorium, qui pro iniustis rebus suscepturus æternā mortē afferat, alterū etiam si, nō peremptorium, tamen perituum, ut eorū,

inquit,

*Serm. de
ingrati.*

inquit, quos videmus subditos curis terrenis, etsi non culpis, corporalibus officiis, etsi non flagitiis implicatos, & in ea, quæ præterit huius mundi figura, pro sua, suorumque præsentis sustentatione laborantes: quorum utique labor, etsi non ad damnationem, minime tamen pertinet ad salutem, ita ut etsi conservauerint fundamentum, detrimentum tamen patiantur, pereuntibus, quæ superædificauerunt, ipsi vero salui sint, sic tamen, quasi per ignem. Nobis autem quid dicitur? *Ioan. 6.* Operamini non cibum, qui perit, sed qui permanet in vitam æternam. Nec cessamus ab operando hoc cibo, etiam cum terrenis forte occupamur operibus aut obedientia dictante, aut fraternæ charitatis intuitu, quoniam dissimilis est nobis intentio ab iis, quorum laborem periturum esse dicimus. Dissimili proinde radice inhærens labor similis, non similiter habet perire, quoniam radicans est in ea, quæ non perit, charitate. Huic Bernardi sententiæ concinit etiam apta Anselmi similitudo, quo in genere ille, ut notum est, excelluit. Sic enim scriptum est in eius vita, cum ad eum nescio quis religiosus consilij gratia adisset, eique querelam quandam exposuisset, quod à suis præpositis, temporaliis curis impediretur, quas ipsas ut vitaret, seculum antea fugerat, sic eum respondisse sicq; religiosum illum animasse. Omnis hominum vita simillima est rotæ frumētariæ, quæ nunquā moueri, & versari definit. Sed interest inter homines, quæ eam curant. Alij enim sic farinam defluentem negligunt, ut tota in flumen elapsa pereat. Alij partem seruant, partem negligentia perdunt. Alij demum subiecto sacco totam excipiunt. Ex primo genere sunt ij seculares, qui nunquam mentem, ac cogitationem ad æterna erigunt, intenti caducis, & terrenis. Ex secundo sunt qui licet in seculo degant, aliqua tamen bona, & salutaria peragunt, elemosynas tribuunt, frequentes sunt in templo, ægrotos visitant. Atque ij pro operum mensura tantundem præmij accipient. Vltimi sunt religiosi, qui quoniam ex superiorum suorum iussu, eiusmodi rebus implicantur, quamuis temporale sit quod agunt, nihil tamen eis de suo labore deperit. Quin etiam, licet, negotiis id exigentibus, quidpiam cogantur vel præter communem disciplinam agere, vel de communi disciplina remittere, hæc tamen omnia obedientiæ virtus compensat, eaque farinam defluentem totam, ac puram ita colligit, & recondit, ut ad illos in omnem æternitatem alendos sufficiat. Postremo illa quoque magnopere perpèndenda, & potius ante oculos tenenda sunt,

2. *senten.*
dist. 41.
artic. 1.
quest. 3.

quæ sunt à Bonauentura de hac ipsa re conscripta, eoque magis, quod à tanto Theologo ex theologicis regulis: sic enim disserit, non esse necessarium ad meritum, vt opera singula actu in Deum referantur, sed sufficere, vt habitu. Habitu autem referri, non eò quod anima charitate sit prædita: non enim hoc satis esse: sed quia in exordio illius operis, vel alterius, ex quo illud consequatur, id rite Deo oblatum, & dicatum sit. Declarat id exemplo; si cui propositum est centum drachmas Dei causa elargiri, etiam si deinde in singulis largiendis nullam de Deo cogitationem habeat, non ideo fit, vt omnes illæ drachmæ non sint bene, & fructuose collocatæ: quod tamen non esset, si nouum aliquod opus alterius generis inchoaretur. tunc enim renouanda, atque iteranda esset voluntas illa faciendi id quoque ad Dei obsequium. Ex quibus deinde conficit Doctor ille, hoc idem valere in religiosis hominibus, qui initio sese deuouerunt ad deferendum religionis pondus. quicquid enim deinceps faciunt, quod suæ disciplinæ limitibus contineatur, conferre ad meritum; idque ex primæ illius voluntatis impulsu, ac vi, nisi forte eius voluntatis cursus contraria deliberatione interruptus fuerit; quod quidem nemo faciat, nisi plane perditus. Hæc Bonauentura totidem ferme verbis, quibus ad extremum hoc etiam corollarij loco adiungit, appatere hinc, quantæ tum vtilitatis, tum etiam securitatis sit viuere in religione. Sed quod ad meritum attinet, de quo agimus, illud quoque pro cumulo adiungendum est, non solum opera, de quibus loquuti sumus, tatum pondus habere, sed ipsos etiam interiores affectus, pene dicam, naturales. Nam, si recte aduertimus, religiosi cum sua relicta domo, ac re, vt supra diximus, in Dei domum. ac rem se transfulerint, ita se totos in Dei causam demittunt, vt Dei negotia sua iam negotia efficiant, & vicissim ipsorum quoque negotia ad Deum pertineant, & in summa, eadem fere vtrisque sint commoda, eademq; vtilia. Ex quo fit vt cum etiam de suis rebus, quæ simul etiam Dei res sunt, vel gaudent, vel tristantur, cupiunt, aut timeant, ille timor, illud desiderium, illa etiã tristitia, siue gaudium, quæ ex eiusmodi radice procedunt suum meritum habeant. Et tamen inter hos affectus omnis pene vita traducitur. Itaque, si boni ratiocinadores esse volumus, atq; vt mercatores faciunt, quasi calculis subductis lucta nostra supputare, quis dies erit, in quo non ad vesperam magna quædam meritorum summa ex tot religiosis actionibus confecta reperiat?

periat? quod si vnus dies tam plenus est, quid faciet mensis, quid annus, tot diebus, totque dierum questu accumulato? Quod si etiam contingat, vt plures anni in religione transigantur, quem tandem cumulum, quam summam ex tot laboribus, tot virtutum officiis tam frequentatis colligi necesse est? Quare cum hæc omnia tam vera sint, & ipsius fidei nostræ principiis nixa, quanti æstimanda est ea ratio, quæ labore nihil adaucto, adeo tamen præmia, & coronas augeat, quæ hominem breui tempore tam diuitem, plenumque faciat thesauris illis, quos neque ærugo, neque tinea demolitur, nec fures effodiunt, & furantur? Quæ religioforum felicitas eo etiam magis eminet, si cum secularium, qui huic mundo addicti sunt, miseria comparetur, qui cum tot incommoda, tot labores, atque ærumnas perferant, tamen, vt antea dixi, omnis eorum fructus misere perit in terra, quia videlicet, cum ex hoc mundo exeunt, opera illorum non sequuntur illos. Itaque ipsi quoque, vt piger ille, de quo est in Prouerbiis, qui arare noluit, mendicabunt in ætate, tum, cum alij labores manuum suarum manducabunt. Iure igitur in hoc cadit illa Bernardi obiurgatio, qui homines istos iumentis, & bestiis similes facit, qui præsentia tantum cogitent, futura non attendant, perinde, ac si sensum solum, vt illa, haberent, mente autem, intelligentiæque carerent. Sic enim ille Gualterum iuuenem ingenio, ac doctrina florentem, hanc ipsam ob causam ad seculum deferendum, & religiosam vitam subeundam grauissime hortatur. quia doleat, quod bona illa, vt ipse ait, inanibus studiis attereret, dum de tantis muneribus non eorum auctori, sed rebus transitoriis deferuisset; quam in sententiam, tum alia, tum illa præcipue scribit. Vide, inquit, quid tibi ante tribunal illud terrificum respondendum sit de eo quod acceperis in vano animam tuam, & animam talem, si tamen inueniaris nihil egisse amplius de immortali, & rationali spiritu tuo, quam quoduis pecus de suo, cum brutus utique spiritus non viuat, nisi quandiu viuificat, & vno, eodemque momento & viuificare pariter desinat, & viuere. Quid quæso dignum te iudicabis, qui factus ad imaginem factoris, tantæ in te maiestatis non defendis dignitatem, & tu homo cum in honore esses, honorem tuum non intelligens, comparatus iumentis insipientibus, & similis factus sis illis, dum nihil spirituale videlicet, aut æternū elaboraueris, sed instar belluini spiritus, qui vt à corpore, ita cum corpore

Matt. 6.

Pro. 20.

Epi. 104.

Joan. 6.

Psal. 23.

dissoluitur, solis fueris contentus corporalibus, ac temporalibus bonis, Euangelici illius surdus auditor consilij, Operamini non cibum qui perit, sed qui permanet in vitam æternam. Scriptum est autem, quod non ascendet in montem Domini, nisi qui non accepit in vano animam suam, sed ne is quidem, nisi fuerit innocens manibus, & mundo corde. Sin autem, attende quid mereatur inquiras, si sola inutilitas sufficit ad damnationem. & vera secuta non erit spina, vel tribulus, ubi securis instructæ arbori poni videbitur, nec parcat pungenti, qui minatur & sterili. Væ igitur, & vterum de quo dicitur, Expectaui vt faceret vvas, & fecit labruscas. Hæc Bernardus, cuius tam seuera reprehensio & seculares omnes commouere debet, tum periculo, tum pudore, ne factis in bruta degenerent, & omnes religiosos in tam salutari consilio magis ac magis confirmare.

Esa. 5.

Duodecimus fructus ex ductu, & gubernatione Præpositi.

CAPVT XXIII.

SEQVITVR nunc alia quædam ingens Religionis utilitas, quæ percipitur ex cura, institutione, præceptis spiritualium rectorum; in qua vna re multa, & magna insunt commoda. Primum illud est, quod cum totum hoc virtutis inter multa obscuritate & caligine septum sit, nihil est adeo necessariam, ne erretur, quam ductoris alicuius opera, & lumen. Nam si scientiæ omnes, vt philosophia, vt ius civile, immo vero intimæ etiam quæuis, & mechanicæ artes sine magistro disci non possunt, cum tamen sint omnes naturales, & naturali lumine ab hominibus inuentæ, & perfectæ quanto magis hoc studium, quod est supra omnem naturam, quodque tam assidue, ac pertinaciter ab hostibus nostris oppugnatur, si sine duce, & sine interprete suscipiatur, erroribus patebit, nec in eo progredi poterimus? Quam in sententiam recte Hieronymus, Nulla ars, inquit, absque magistro discitur. Etiam muta animalia, & ferarum greges, ductores suos sequuntur. In apibus principes sunt: grues vnâ sequuntur ordine litterarum. Imperator vnus. Iudex vnus Prouinciæ. Singuli Ecclesiarum Episcopi, singuli Archipresbyteri: & omnis ordo ecclesiasticus suis rectoribus nititur. In mari vnus gubernator, in domo vnus dominus, in quouis grandi exercitu vnus signum expectatur. Et ne plura replicando fastidium legenti faciam, per hæc omnia

Epist. 4.

omnia ad illud tendit oratio, ut doceam; te non tuo arbitrio dimittendum, sed vivere debere in monasterio sub vnius disciplina patris, consortioque multorum. Præclare etiam Nyssenius quamvis multa de spiritalis vitæ methodo, ac ratione tradita, & scripta sint, tamen multo minorem vim habere hæc præcepta litteris consignata, quam quæ factis ipsis, & voce traduntur id autem fieri in religione, quam ille virtutum officinam appellat, in qua nimirum vita hæc, quam diximus, spiritalis ad summam quandam integritatem progressa, & omnibus sordibus purgata efflorescit. Ac quemadmodum qui externum aliquod idioma discere instituit numquam proficere poterit, nisi ab iis, qui eius sermonis periti sunt instituatur, sic vitam hanc à nemine recte teneri posse, nisi ducem aliquem habeat: alioquin magni discriminis esse, rerum incognitarum suo periculo velle facere periculum. Ut enim medicinā longo prius vsu ab hominibus est inuenta, nunc autem ineptum esset, aut stultum potius, antequam medicamentis utamur, omnium prius vim tentare velle, sed quæ ab aliis iam cognita, & testata sunt; iis, fidem habere oportet: ita in hoc virtutum studio qui suo ipsius iudicio regi velit, cum in multis labi, & errare necesse esse. Contra autem, si aliorum monitis, consiliisque utamur, & illorum luce nos etiam illuminemur, illud commodi evenire, quod sæpe videmus, ut, vna lampadē accensa, in multas alias lumen deriuetur. Sic enim vitæ gravitatem, & sanctitatem ab vno communicari cum aliis, qui cum eo voluntate, atque imitatione sese coniunxerunt. Hæc Nysseni omnia. Climachus autem hoc etiam audet confirmare, si-

cut navis perito gubernatore instructa facile ad portum peruenit, sic animam, quæ pastorem bonum delegerit, licet per se rudis sit, aut etiam vitiis, pravisque moribus onusta, facile verum cælestis gloriæ portum assequi: Ut contra, inquit, sicut qui ductore caret, etiam si sapiens sit, sæpe tamen errat in via, sic qui suam voluntatem, ac iudicium in hac via spiritali sequi decernit, licet omneis omnium sapientiam solus obtineret, facile tamen in animæ exitium ruet. Optime etiam S. Bernardus harum rerum peritissimus: Quam multi, inquit, ex hoc à recto tramite periculosissime aberrasse comperti sunt, nimirum ignorantes astutias Satanae, & cogitationes ipsius, factū est ut qui spiritu cœperant, carne cōsummarentur, abducti turpiter, lapsi damnablem. Seductori dat manum, qui dare dissimulat præceptor, & qui dimittit

*De virg.
cap. 23.*

*Gradu.
25.*

*Ser. 77.
Cant.*

oues in pascua absque custode, pastor est non ouium, sed luporum. Igitur quam magnum, & quam euidentis est horum periculum, qui sibi ipsis auctores esse volunt: sequitur, ut tam certa sit Religionis securitas, in qua tam multos habemus, qui in hac nocte huius vitæ facient nobis præferant, & qui nostram ignorantiam optimis præceptis instruant. Altera commoditas ex Præpositorum magisterio consistit in vincendis, & profligandis tentationibus malignorum dæmonum, quarum cum aliæ aperto nos impetu, aliæ occultis cuniculis petant, ut aduersus priores magno robore, aduersus posteriores magna sapientia, ac peritia opus sit, utrumque in Rectorum præsidio, ductuque abunde constitutum est. De quo luculenter Cassianus, tum alibi sæpe (multus est enim in hoc præcipiendo (tum in eo sermone, quo Abbatem Ioseph ita loquentem facit. Ipse Sanatas transgurat se in Angelum lucis, ut obscuram, ac tetram calliginem sensuum pro vero lumine scientiæ fraudulenter offundat. Qui nisi humili, & mansueto corde suscepti mansuetissimi fratris, vel probatissimi senioris reuertentur examini, & eorum iudicio diligenter excussi, aut abiciantur, aut recipiantur à nobis, sine dubio venerantes in cogitationibus nostris pro Angelo lucis Angelum tenebrarum, grauissimo feriemur interitu: quam perniciem impossibile est euadere quempiam in suo iudicio confidentem. Hoc idem, quod Cassianus, omnes etiam alij spiritualium rerum auctores tradunt. Ex quo hoc ita tenendum est, ad has dæmonum pugnas tam assiduas, tam periculosas, tam difficiles superandas, nullum maius, aptiusque præsidium esse posse, quam ut aliquem patris, ac rectoris loco habeamus, cuius ad sinum confugiamus, & cuius sub alas, quasi parui pulli, cum miluus ingruit, nos recipiamus. Ita que hoc quotidiano usu euenire, videmus, ut grauissimæ, maximeque hominum tentationes quæ nulla industria, nulla contentione fugari potuerant, vno superiorum congressu ita debilitatæ, & fractæ sint, ut ne vestigium quidem permaneret. Quin etiâ, quod maius est, magisque huius medicinæ præsentem vim indicat, non id tantum eorum consiliis, & cohortationibus consequimur, quamquam hæc quoque adhibet, sed plerumque vel solo aspectu, ipsaque morbi ostensione: melius sane, & felicius, quam in corporum morbis, qui postquam medicis patefacti fuerint, multa tamē arte, & labore opus est ad eos sanandos. At vero in his animarum morbis ferme perpetuum est, quod alio quodā loco docet idē Cassianus, ut cogitatio maligna, simul ac patefacta fuerit,

Coll. 61.
cap. 11.

Col. 2.
ca. 16.

fuerit, illico marcescat, & prius etiam, quam remedium proferatur, serpens teterrimus, velut è tenebroso, & subterraneo specu, virtute confessionis protrahatur ad lucem, confusus quodammodo, & dehonestatus aufugiat. Confirmat id etiam illustri Serapionis Abbatis exemplo, quem ait hoc de seipso narrare solitum, cum adolescens esset, in eam prolapsam consuetudinem, ut gulæ intemperantia victus, panem vnum occulte comedere: cumque hoc vitium quotidie desineret, & quotidie tamen recidere, demum aliquando in plurimum patrum confesso, interioribus stimulis adactum; prodisse in medium, suamque hanc culpam coram omnibus professum esse. Tum vero ipsius Magistrum, prudentem hominem, & spiritualium rerum gnarum, iussisse eum bono esse animo, quoniam aduersarium, à quo antea suo silentio victus esset, nunc præclara illa confessione certissime triumphasset; quibus verbis vix ab eo finitis, quandam quasi sulphuream faciem ex iuuenis sinu, in quo antea panem condere consueuerat, exilisse, quæ tanto locum illum fœtore replevit, ut vix ullus consistere posset: id autem ab omnibus sic acceptum esse, ut intelligerent, dæmonem esse, qui superatus abscederet; idque Serapionem ipsum sæpe testatum esse, se ab illo temporis puncto numquam deinde amplius in vitâ suâ ullam furtiui illius desiderij vel minimam titillationem sensisse. Hæc igitur de tentationibus vincendis dicta sint, in quarum, ut constat, victoria nostræ salutis summa est posita. Neque tamen hoc tantummodo tempus, cum ab hoste agitamur, superiorum adiumento indiget, sed omnia plane tempora. Semper enim communem hanc infirmitatem nobiscum gerimus, in qua concepti, & in qua nati sumus, & quæ nos semper prosequatur, donec corruptibile hoc induat incorruptionem. In hac igitur tanta imbecillitate, tam inclinata ad vitium, sæpe in culpas agimur, etiam nescientes, sæpe quidam inertix, totpor obrepat, qui nos ita ligat, ut etiam dormire delectet. Itaque magnum omnino est, eiusmodi monito res habere, qui nos & sine errore cognoscant, & sine assentatione nos nobis ostendant, & opportunas admonitiones, interdum etiam obiurgationes ad excitandum adhibeant: quo cōmodo qui carent, eos ob tenebras, sui que ipsorum ignorantiam in multa errata incidere necesse est. Recte enim Basili⁹ de hac ipsa vtilitate, quam religio suppeditat. Illud, inquit, fir-

*Consi.
mon. ca.
21.*

quisque amet, & quia in seipsum quisque propensus est, ideo in veritatis iudicio fallatur. Porro ab alio cognosci, & curari facile est, cum ijs qui ceteros curant, ad discernendam veritatem nequaquam obstat amor sui ipsorum. Hæc Basilii, ex quibus hoc probat, moderatores, qui in religione sunt, vniuersumque mores, & affectus, & animi motus diligenter exquirere, & ad hæc accommodatum singulis remedium adhibere. Ac ne quis existimet rudibus tantum, & imperfectis, aut tepidis in Dei amore necessariam esse huiusmodi disciplinam. Æque enim necessaria est etiam feruentibus, & perfectis. Nisi quis fortasse existimet nauim, quæ in alto feratur, tum egere tantum moderatore, cum aduersa tempestate iactatur, ventis autem proprijs non egere. immo vero hi ipsi propitij venti, quo vehementiores sunt, eo maius est periculum. sunt enim multi scopuli, sunt syrtes, & vt hæc omnia cessent, tum ipsa ventorum vis sufficit ad demergendum, tum etiam necessarium est, vt sit qui rectum dirigat cursum, ne navis huc, illuc, errore delata, numquam ad portum veniat. Atque vt equus, quo incitatus currit, nisi habeat à quo scienter gubernetur, in maiori est discrimine, sic iste feruor per se quidem præceps est. & nisi alterius iudicio & scientia temperetur, in mala multa incidet. Hanc enim causam Bernardus existimat, cur ab Apostolo dictum sit, obsequium nostrum rationabile esse debere, quia facillime zelo nostro spiritus erroris illudat, si non scientiæ lumen adhibeatur. Nec habet, inquit, calidus hostis machinamentum efficacius ad tollendam de corde dilectionem, quam si efficere possit, vt in ea incaute, & non cum ratione ambuletur. Quam eadem utilitatem in religioso statu inesse sentit etiam Hieronymus, cum Rusticum ita adhorratur; Mihi quidem, inquit, placet vt habeas sanctorum contubernium, nec te ipse doceas, & absque doctore ingrediariis viam, quam numquam ingressus es statimque tibi in partem alteram declinandum sit, & errori pateas, plusque aut minus ambules, quam necesse sit, ne aut currens lasseris, aut moram faciens obdormias. Denique in toto isto genere illud grauiissimum, & maximum est, quod constat, hunc Dei esse morem certum, perpetuum, & fixum, vt cum ipse vel per se, vel per Angelos illuminare omnes possit, malit tamen homines ab hominibus doceri, atque institui, siue vt ea ratione mutuam caritatem quasi inter membra deuinciat, siue vt alteri alteri subiiciendo, humilitatem exerceat. Bene hoc Cassianus Samuelis pueri exemplo confirmat, quem Domi-

Ser. 19.

Cant.

Rom. 12.

Ep. 4.

Coll. 2.

ca. 14.

nus suamet doctrina erudire noluit, sed semel, & iterum ad senem Hely passus est recurrere, & quem ad suum vocabat colloquium, eius tamen, qui ætate superior, sanctitate, inferior erat, institutione formari voluit. Cū vero Cornelio Cēturioni astitit Angelus. an non eadem opera, omnia illi fidei *Act. 10.* mysteria reuelare potuisset, idque vtrique commodius & ad breuitatem aptius fuisset? Et tamen eum ad Petrum alle gat. Accerse, inquit, Simonem, hic dicet tibi quid te oporteat facere. Sed admirabilius etiam est, quod de Paulo in ijsdem *Act. 9.* actis legitur, quem vnum cum tantū Christus Dominus fecisset, vt non Angelis è cælo missis, sed ipsemet per se eum conuenire, & ad sese inuitare suamque ei præsentiam adhuc blasphemio, & persecutori ostendere voluisset, hunc tamen ipsum, quem momento temporis cælesti disciplina imbuiere potuerat, ad Ananiam reijcit ijsdem pene verbis, quibus Cornelium; Surge, inquit, & ingredere ciuitatem, & dicetur tibi, quid te oporteat facere. Quod merito sane miratur Bernardus, eamque ciuitatem religiosus interpretatur ipsam esse religionem; sic enim ait, O sapientia suauiter vere vniuersa disponens, eum, cui tu loqueris, erudiendum de *Ser. de* tua voluntate mittis ad hominem, vt socialis vitæ commen- *conuers.* detur utilitas, & edoctus per hominem discat & ipse secundum *S. Pauli* datam sibi gratiam hominibus subuenire. Ingredere ciuitatem. Videtis fratres non sine diuino consilio factum esse, vt hanc ciuitatem Domini virtutum ingrederemini, diuinam discere voluntatem? Idem quoque confirmat Augustinus, qui cum eadem exempla Pauli, & Cornelij commemorasset, hæc aptissime adiungit: Poterant vtique omnia per angelum fieri, sed abiecta esset humana conditio, si *In prol.* de *doct.* per homines hominibus verbum suum Deus ministrare nollet. *Christ.* Deinde ipsa caritas, quæ sibi inuicem homines nodo caritatis astringit, non habere aditum refundendorum & quasi miscendorum sibi met animorum, si homines per homines nihil discerent, Ex his igitur talibus, tantisque exemplis plane colligere licet, nullius vel tantam sapientiam esse posse, vt suo lumine niti possit, vel tantam sanctitatem, vt eam ordinarie Deus per se illuminare velit, sed per alios homines; vt in hoc quoque illa diuinæ prouidentię suauitas exte-
de qua alio loco diximus. Quibus positis, illud etiam videtur consequens esse, vel studium virtutis deferendum, omnemque spiritualis disciplinæ curam abijciendam, quæ tamen adeo omnibus necessaria est, vel eam certi alicuius

Luc. 12.

magistri, & moderatoris doctrina, præceptisq; dirigendam id vero omnium commodissime fit in Religione eorum, ductu, quos Deus posuit super familiam suam ut dent illis messuram tritici in tempore. Quod illi quidem officium ita explent, ut non digito tantum viam monstrent, sed ipsi insuper comitantur, deducunt, pene etiam perferunt, & certe perferunt, & consolando, & consulendo, & monendo, & cohortando. Sic enim existimant, quod res est, non subditos se regere, sed conseruos, & fratres, omnes autem esse Dei filios ab ipso Deo suæ curæ, fideique traditos, ut ijs non solum amorem, sed honorem quoque debere se sentiant. Itaque nulla umquam nutrix tanta cura alumnum enutrit, neque vlla mater unicum filium, atque ipsi eos, quos à Domino tam amari, tamque sibi commendari intelligunt, assidue insti. uunt, docent, & ad omne officij munus instruunt, quæ ratio exuendi vitia, quæ virtutes acquirendi, quæ etiam resistendi, ac repugnandi diabolo. Denique in rebus omnibus. & in omnibus studijs eos quasi manu ducunt, aut etiam, ut modo dixi, tamquam sinu gestant, ac tum secure, & sine errore, tum etiam suauissime, ac molliissime paulatim ad omnem perfectionem prouehunt. Extremum illud est in hoc capite utilitatis, quod non hoc modo, de quo diximus, virtutis, perfectionisq; studium, sed reliqua etiam tota vita nostra, eiusque actiones omnes præpositorum nostrorum ductu gubernantur, neque tam præpositorum, quam per eos, quod omnium maximum est, ipsius Dei. Etenim cum in hac vita degenda tam multæ sæpe incidant dubitationes, quo loco manendum, quæ occupationes, ac negotia suscipienda, & quomodo tractanda, in quibus rebus quotidiani errores quamplurimi, ac scopuli latere solent, certe nihil melius optari potest, quam à Deo ipso semper perducì; quoniã si ab illo perducamur, sine dubio numquam errabimus. Hoc vero iam ante satis probatum, & stabilitum est, quicquid rectores nostri de bonis constituent (modo, quod absit, non sit expresse diuinis legibus contrarium) à Deo ipso constitui. Quid enim interest (ait Bernardus) utrum per se, an per suos ministros, siue homines, siue Angelos. hominibus innotescat suum placitum Deus? Sed homines, inquis, facile falli in Dei voluntate de rebus dubijs percipiendi possunt. Sed enim quid hoc refert tua, qui conscius non es, præsertim cum teneas ex scripturis, quia labia sacerdotis custodiunt scientiam & legem ex ore eius requirunt, quia Angelus Domini exercituum est? A quo denique

De præ.
disposit.

Mal. 2.

denique diuina potius consilia requirentur, quàm ab illo, cui credita est dispensatio mysteriorum Dei? Ipsum proinde, quem pro Deo habemus, tanquam Deum in iis, quæ apertè non sunt contra Deum, audire debemus. Hæc Bernardus. Quare si vtilitatem quærimus, quid vtilius, & salubrius, aut quod maius beneficium in hac vita esse potest, quàm inter has tenebras, non nostrum consilium, sed Deum ipsum habere nostrarum actionum moderatorem, vt eius sapientia regamur, eius etiam ope, auxiliisque subleuemur?

Decimus tertius fructus vtilitas ex regulis scriptis.

C A P V T X X V.

PRæpositorum viuæ voci proxima, & simillima est omnino scripta vox regularum, quæ sunt quasi cæssa, neruique religionis, vt sine ijs nulla possit bene consistere. Quod si ex hominum rectorum consilio, & ductu tanta percipiuntur commoda, quanta modo diximus, non minora, atque etiam vberiora fortasse ex his regulis percipi necesse est. Primum ob eam rationem, quam de omnibus legibus scripsit Aristoteles, quod affectibus, & perturbationibus careant, idèmq; & eodem modo cum omnibus loquantur, neque vllius gratia, aut odio varièntur. Ex quo is effici vult, cum lex dominatur, ipsum Deum dominari, in quem item nulla cadit perturbatio, aut variatio. Deinde hoc etiam habent regulæ amplius, quam rectores ipsi, quod hos quoque illarum præscripta sequi conuenit, vt, si quid boni præcipiunt, id ex illarum fontibus hauriant. Quare idem Philosophus reipublicæ formam, quam optimam quærit, sic instituendam putat, vt lex ipsa vigeat, & quodammodo sola regnet, magistratus autem, & princeps sint tantum ministri, & custodes legum, sed ita, vt auctoritatem habeant eas & interpretandi, & supplendi etiam, si quid emergat, quod sermone illo generali quo lex vtitur, minus prouideri, & comprehendendi potuit. Hanc autem formam in omni religione vigere constat. Accedit etiam quod legibus condendis plus sine dubio meditationis, & deliberationis tribuitur, quam ei, quod voce præcipitur. Præterea hæ nec vni perlatæ, nec ab vno probatæ sunt, sed & toti cuiuspiam vniuersitati feruntur, & ab ea tota approbantur. Itaque maior est etiam earum auctoritas, & reuerentia quædam, quod nemo sit tam impudens, qui non iudicium suum tot aliorum iudiciis facile obrui patiarur. Neque verò illa parua est regularum vtilitas.

3. Pol. ii.

10. Eth.
cap. ult.

utilitas, quod ea præscripta ferunt, quæ quodammodo nos ex virtute vivere cogant. Verum enim, & scitum illud est, quod est ab eodem Arist. in alio libro scriptum de legibus, eas omnino necessarias esse: neque enim aliter posse homines rectam, & honestam vitam ducere: reddit autem causam, quoniam virtus sit bonum arduum, & difficile, ac laboriosum, non enim eiusmodi est, quod nobis ingeneretur, aut nobiscum nascatur, sed studio, ac sudore acquirendum est. Itaque cum plerique hominum laborem fugiant, & utilitatem, quæ tam caro constet, negligant, aliquid, requiri, quod eos impellat ac pene cogat. Hanc autem bene viuendi necessitatem à lege imponi: quia tamen illud assequimur, ut cum initio necessitate hac coacti bene vivere cœperimus, assuetudo deinde, & ipsa exercitatio, & quasi experientia quædam eius suauitatis, quæ in virtute latet, eam nobis voluntariam, amabilemque reddat. Huic Aristotelis sententiæ omnino congruit etiam ille Platonis locus, in quo disserit, necessarium esse, ut hominibus leges ponantur, quo secundum leges vivant; quoniam nullius hominis ingenium ita natura institutum sit, ut quæ ad humanæ vitæ bonum conferunt, sufficienter cognoscât, aut, si cognouerit, semper exequi possit, aut, si possit, velit. Cum ergo hoc ita sit, non potest dubitari quin nihil salutaris, & ad omnem spiritualem profectum aptius sit religione, quæ nobis necessitatem afferat bene viuendi, eamque necessitatem deinde etiam voluntariam efficiat; quod confirmat Hieronymus in epistola ad Rusticum:

Dial. 9.
de legi.

Ep. 4.

Tibi, inquit, cum in monasterio fueris, hæc tacere non licebit, & inolecente paulatim consuetudine, quod primum cogebatis, velle incipies & delectabit te labor tuus, oblitusque præteritorum, semper priora sectaberis. Hoc igitur faciunt religiosæ leges, atque instituta omnia, ut doceant quid sit agendum, quæve totius vitæ ratio tenenda, deinde ut hoc ipsum, quod docent, etiam exigant. Tanta est enim ipsarum potestas, & maiestas nescio quæ, ut quibus impositæ sunt, iis omnes parere debeant, nec liceat vel latum vnguem recedere. Ita autem descriptæ, itaque factæ sunt, ut nullam partem vitæ nostræ relinquunt, quam non informant, interiora, exteriora, animum, corpus, publice, & priuatim, domi, & foris. Quare hoc mihi videntur hæc religionum præscripta, quod medicorum aphorismi ad tuendam sanitatem, vel quod est in longo, ac dlabio itinere, si quis accuratam totius viæ descriptionem, & indicem secum ferat. Ut enim illud ad morbos,

bos, hoc ad errores vitandos vel plurimum conferat, ita ad animum suis item erroribus, suisque languoribus, qui multo sunt grauiores, liberandum, incredibilem in modum prodest, talem inuenisse vitæ degendæ rationem, ac methodum, ex qua te ipsum componere, & quasi ad speculum fingere queas, & in qua meditari quid tibi amandum, & inquirendum, quid contra exuendum, quid fugiendum sit. Itaque ne illud quidem verendum est, ne vlla regularum, aut legum multiplicatio grauis, atque odiosa videatur eis quidem, qui se ipsos, & qui sua comoda, & vtilitates verè ament. Hoc enim illud est, quod Solonem, qui inter veteres Sapientis nomen obtinuit, dixisse ferunt. Nam cum leges Atheniensibus scriberet, Anacharxes autem philosophus eius familiaris, qui scribenti interuenerat, illius operam irrisisset, cum diceret, leges aranearum telis similes esse, quæ infirmiores tantum bestiolas retineant, à valentioribus autem rumpantur, respondit Solon, quemadmodum pacta, & conuentum tum maximè seruari solent, cum vtrique parti sunt vtilia, quia neutra pars ea rescindi velit, sic ea decreta condere, quæ omnibus magis expediat seruari, quam non seruari. Hoc igitur si in prophanis legibus verum est, quanto magis in sacrorum ordinum canones, & instituta valebit? Constat enim, in his nihil aliud spectari, nihil quæri præter bonum & omnium, & singulorum, & certè verum, & sempiternum bonum: itaque ea tantum ab vnoquoque diligi, & curari necesse est, quantum quisque proprium bonum amat, & curat. Quamobrem non illa modo decreta, quæ sunt in religionibus maiora, & de rebus maioribus, vt de tota communitate, aut quæ ipsam earum essentiam attingunt, sed etiam minima quæque, si modo minimum aliquid dici potest, quod ad æternitatem conducit, sed certè quæ ita humano iudicio æstimari solent, ingentem tamen habent vtilitatem. Nam vt in vite, aut in arbore quauis frugifera, superflua fortasse cuiuspiam videri possint folia, quæ sunt tamen necessaria, quoniam cum ad ornatum, tum verò, quod maius est, ad fructus ipsos cõseruandos faciunt: ita hæc fructuum spiritualium seges, in quibus salus nostra consistit, habet etiam alia quædam minuta quidem in speciem, sed tamen eiusmodi, vt ab iis & defendatur, & ad maturitatem perducatur.

Illud autem totius huius vtilitatis caput est, quod, vt paulo ante de præpositorum institutione dictum est, eam Dei ipsius esse institutionem, idem etiam de regulis hisce nostris dicendum

cendum, ac tenendum est. Ac, quo minus dubitetur, non est hoc nostrarum legum tantummodo proprium, sed commune omnibus legibus, etiam prophanis, modo istius, & æquis, etiam quæ à populo, vel à principibus feruntur. Quod
 1.2.q.93. cum alij Theologi, tum omnium princeps B. Thomas lu-
 art.3. culenter docuit, qui ita scripsit, legem omnem, modo, vt diximus, bonam, & iustam, nihil esse aliud, quam deriuationem, & quasi radium illius æternæ legis, quæ est in Deo; idque duplici modo, primum participatione eius potestatis, quæ necessaria est ad leges condendas, de qua dictum est ab
 Rom. 13. Apostolo Paulo, Omnis potestas à Deo est. Deinde ob id, quod illud ipsum, quicquid est, quod à legitimo rectore decernitur, consentaneum, & congruens est cum eo, quod in Dei mente fixum, & constitutum est. Nam cum certum sit, omnia à Deo gubernati, & ad suos quæque fines dirigi: certum etiam sit, oportere huius gubernationis in Dei mente rationem aliquam comprehendam esse; quos deinde ad hanc gubernationem exequendam, quasi instrumenta, adhibet, cum iis etiam oportet, vt suam illam rationem, quantum cuique opus est communicet, vt per eorum iussa, & decreta, suas quoque voluntates, & decreta, quæ in ipsius mente latebant, euoluat, atque explicet. Quæ cum, vt dixi, omnibus legum latoribus conueniant, tum verò in religione præcipuum locum habent, quod omnia hic magis ordinata sunt, ac ne vlla quidem est perturbationis causa, vbi nullæ opes, nulli opulenti magistratus, vel alia huiusmodi ambiri possunt, quorum gratia sæpè in legibus ferendis peccatur in Republica. Atque hoc tum rationibus, quas dixi, tum etiam expressis miraculis sæpè constitit, quibus Deus se religiosi cuiusque instituti auctorem declarauit, vt in Pacomio cui, vt legimus, Angelos regulam vniuersam ipsi, ipsiusque fratribus tenendam tabulis descriptam attulit, in qua singulatim omnia explicabantur, quis habitus, quæ munera distributio, quæ in victu, quæ etiam in accubitu seruanda esset ratio. Recentius verò est, quod de Francisco accepimus, quem ad suam regulam conficiendam tali visione Deus animauit. Videbantur ei tum ipse, tum socij eius fame admodum afflicti, nec aliquid habere, quo se, & illos reficeret, præter multas panis micæ, quæ quoniam admodum minutæ essent, vereretur, ne inter partiendum ex digitis elaberentur, quare cum de hoc sollicitus esset, vocem audiuit, quæ monebatur, vt ex micis illis collectis hostiam vnā

nam conficeret, quam cum deinde suis porrigeret, aduertir, qui eam reiicerent, aut contemnerent, eos statim turpissima lepra operiri, quæ visio nocte postera ita ei exposita est, ut amicæ illæ essent consilia euangelica, hostia verò ipsa regula, lepra denique malitia. *Quin* etiam cum deinde ad hanc regulam conscribendam in montem quendam per quadraginta dies, tamquam alter Moyses, secessisset, & ad eum aliquot ex eius familia adeuntes, de nimia, quam timebant, seueritate conquesti essent, ecce vox de cælo ruit, eadēque tertio repetita est, Francisco nihil tuum in hac regula: tota mea est, eamque totam seruari volo ad litteram. Ego noui quid hominis vires ferant, quidve ego ei auxiliij, atque opis collaturus sim. Denique, iam contestata regula, & ad Pontificem Honorium delata, cum multa quaestio iniecta esset illi paupertatis generi ita rigido, & ita nouo, B. Franciscus iterum grauissime, sanctissimēque confirmauit, ne verbum quidem vnum de suo ibi positum, sed omnia, ut erant, à Christo Domino inuenta, & dictata. Hoc igitur, quod Francisco contigit, ut ex Dei mente, certoque instinctu, & afflatu, leges suas conscriberet, idein de aliis quoque credendum est, qui sacros ordines fundarunt, eosque suis institutis temperarunt, ut Basilii, Benedictus, Augustinus, & ceteri, nam & causa eadem est omnium, nec religionibus propter illos, sed magis illis propter religiones id lumen, eaque dona de cælo impertita sunt. Certe de parente, & fundatore nostro Ignatio hoc confirmare possum, quod ego ipse vidi, extare adhuc commentariolum ipsius manu scriptum eo tempore, quo in constitutiones condendas incumberebat, de vno dumtaxat capite, in quo propter quasdam dubitationes multis diebus hæsit. In eo igitur libello annotata sunt per dies singulos lumina, raptus, & visiones, quæ illi contingebant, modo B. Virginis, modo sanctissimæ Trinitatis certis symbolis adumbratæ, modò etiam aliæ. Ex quibus aperte constat, non tantum id caput, de quo hæc scripta sunt, sed alia etiam, de quibus nihil extat, non humano sed planè diuino consilio constituta; idque de ceteris quoque religionibus tanto etiam magis intelligendum est quanto hæc nostra illis de dignitate, & sanctitate concedit. Cum S. Benedictus vita functus est, eodem die, ut narrat *2. Dial. Gregorius*, duobus ex eius grege monachis visum est videre *cap. 37.* viam quandam amplam, & rectam, palliis stratam, innumerisque luminibus coruscantem, & senem quēdam astantem, qui

qui diceret. Hæc est via, qua dilectus Domini Benedictus
Hom. Ec ascēdit in cœlum. Hanc igitur viam Bernardus nihil ait aliud
ce nos re esse, quam vitæ formulam ab eo institutam, quam ut ille ser-
liq. uans ascendisset in cœlum, sic omnes, qui eum sequerentur.

Neque enim, inquit, venire, in dubium aliquatenus potest,
 quin omnino sacer sit modus conseruationis, & diuina ma-
 gis inspiratione, atque consilio, quam humana prudentia, vel
 adinventione formatus, quo nimirum tantam in vita gra-
 tiam sanctitatis, tantum post obitum gloriam felicitatis
 idem Benedictus obtinuit. Quod ergo Bernardus de illa, hoc
 religiosus quisque de sua item regula credere, ac profiteri
 debet, qua ingrediens, & sine errore, ut in tanto lumine, &
 cum magna etiam ac perpetua voluptate, ad immarcessibili-
 lem cœlestis patriæ voluptatem perueniet.

Decimus quartus fructus ex bonis exemplis.

C A P V T XXVI.

Prov. 13. **M**AGNAM esse exempli vim in vtramque partem, tum
 ad virtutem, tum vero ad vitium quoque impellendi,
 nemo est, qui ignoret. Hanc enim ob causam scriptum est
 in Prouerbiis. Qui cum sapiente graditur, sapiens erit: ami-
 cus stultorum similis efficietur. Quare hoc quoque saluber-
 rima est religio, primum quod mala omnia exempla, quibus
 secularis vita adeo plena est, ab oculis remouet, deinde
 quod tantam sanctorum exemplorum copiam semper, & as-
 sidue ob oculos proponit: quod quidem ita utile, ac fru-
 ctuosum est animæ ad cœlestia bona aspiranti, ut inter præ-
 cipua huius generis numerari debeat. Testis est Antonius
 ille magnus, de quo Athanasius, optimus in primis auctor,
 hoc tradit, de industria eum inter multos potius, quam soli-
 tarium viuere decreuisse, quoniam ex omnibus, quibuscum
 viuebat, bonum aliquod elicere studebat, ita ut, quasi vni-
 uersarum virtutum fontibus irrigatus, omnium in se dotes
 exprimeret. Nec solum hoc ipse exequi, sed idem etiâ alijs
 præcipere & inculcare consueuerat. Quod eius institutū vbe-
 rius exponens Cassianus, Vetus, inquit, est B. Antonij, admi-
 rabilisque sententiâ, monachum, qui post cœnobiale propo-
 sitū fastigia nititur sublimioris perfectionis attingere, minime
 debere ab vno vniuersa genera virtutū expetere. Alius enim
 sciētiæ floribus exornatur, alius discretionis ratione robustius
 cōmunitur: alter patiētiæ grauitate fundatur; alius humilita-
 tis,

tis, alius continētia virtute præfertur, alius simplicitatis gratia decoratur. Hic magnanimitatis, ille misericordiæ, iste vigiliarum, hic taciturnitatis, ille laboris studio supereminet ceteros; & idcirco monachum spiritalia mella cōdere cupientē, velut apē prudētissimam, debere vnāquāq; virtutē ab iis, qui eam familiarius possident, decerpere, & in sui pectoris vase diligēter recōdere. Hæc quidē Cassian⁹ ex Antonio. Nos autē videamus, quibus modis, aut quib⁹ viis Religio alienis exēplis nos informet, & ad virtutē erudiat. Hoc. n. primū efficit, quod quasi lumine adhibito certū iter ad virtutē demonstrat, in quo itinere magna solet esse obscuritas, & caligo, vtpote in rebus spiritualibus, quæ sunt à sensib⁹ remotissimæ, & quas insuper tenebrarū princeps ille tenebris suis perpetuo magis obscurare conatur. Itaq; vt dici solet, picturam, atq; imagines rudibus hominibus libri instar esse, sic exemplā quoq; ipsa libri sunt gradibus quibuscūq; litteris conscripti, quæ in ipsos oculos etiā negligētis, & aliud agētis incurrere possint. Est præterea ille quoque explorū duplex fructus, qui à Seneca pau- *Epist. 6.*
cis verbis optime indicatur: Plus tibi, inquit, viua vox, & cōuietus, quā oratio proderūt. primū quia homines pl⁹ oculis, quā aurib⁹ credūt: deinde quia longū iter est per præcepta, breue, & efficax per exēpla. Breue, inquit, quia sine multa verborū circuitione, vt sit in cōcione, vel in disputatione, nec definiendo, aut diuidēdo, virtutis natura aperitur, sed potius eā ipsam exhibēdo, & repræsentādo: vt exēpli causa, si Cæsare dicendo describere velis, lōgo sermone opus sit, neque tamē adeo perfecte pingere eū possis: sin vero ipsūmet sistas momēto tēporis ex ipso cōspēctu multo clari⁹, & certi⁹ cognoscetur. Sic enim, cū Frācis⁹ leprosum lauabat, cū Catharina Senēsis maledicæ, ac pene furiosæ mulieri tā constanter famulabatur, haud paulo melius, & cōpendiosius etiā docebāt quid amor proximi, quid sui ipsi⁹ odiū postulet, & quaten⁹ progredi debeat, quomodo humilitas, & patiētia exercenda, quam si longa, & accurata oratione hæc omnia declarāda suscepissēt. Accedit deinde illud etiam, quod idē Seneca addit de hoc doctrinæ genere, vt nō solū breue sit, sed insuper efficax. Primū enī, quod certe maximū est, hoc docetur, quicquid illud sit, cū ab aliis factitari videamus, non adeo arduū esse, atque à nobis quoque fieri posse. Nā quæ libris, vel quæ voce disseruntur, profunt illa quidē ad mētē instruēdā, sed plerūq; dif-

ficultas, quam ostendunt, rudibus præsertim, & nondû ex-
 pertis, asperum quiddam, & odiosum obiicit. Quod ces-
 sât, cum eadem illa iâ alterius, vt nos sumus, hominis con-
 suetudine expressa, & in rē, vsumq; perducta nos ipsi spe-
 ctamus: non secus ac si de montis iugo dubitetur, sit ne su-
 perabile, nihil certiorē facit fidē, quā si multos iam superas-
 se, & in eo iam stare conspiciamus. Docet hoc Gregorius,
 qui verba illa B. Iob, Instauras testes tuos contra me, ita
 interpretatur, vt hi testes sint homines recti, & iusti, qui
 vita ipsa Dei præcepta, atque etiā præceptorū præmia con-
 testantur, vt qui præceptis non accēdimur, saltē exēplis ex-
 citemur, atq; in appetitu rectitudinis nil sibi mens nostra
 difficile æstimet, quod perfecte peragi ab aliis videt. Quin
 etiā illa maior est exēplorum vis in religione, vt nō modo
 hūc, quē diximus, difficultatis metū adimāt; sed etiā ad ea-
 dē agēda occultis quibusdā stimulis incitēt. de quo præcla-
 re sanctus Leo, Facilis, inquit, ad exhortandū sit ratio, effi-
 cax ad suadendū: validiora sunt tamē exempla, quā verba,
 & plenius est opere docere, quā voce. Habemus autem hu-
 ius rei certissima in multis experimenta, qui ē profundo
 voluptatū, aliorū ve cœno vitiorū, hominū exēplis incita-
 ti, facile, ac breuiter emerferūt. E quorum numero fuere
 duo illi, quos Augustin⁹ cōmemorat, ex aula Imperatoris
 Theodosij, cum in vitā Beati Antonij scriptā incidissent,
 inter legēdū cœpisse mirari, & accēdi, denique ita exarsis-
 se; vt ambō in eodē loco, in quo cōstiterāt, seculari militia
 relicta, nouā miliciam in Dei famulatu exorsi sint. Quod
 factū cum in sermone familiari Potitianus Augustino e-
 narrasset, simulq; Antonij, cuius adhuc ei homē ignotum
 fuerat, iſtitura, & Aegyptiorū monasteriorū greges, ac mo-
 res illos, vt ipse ait suaue olentia Dei vberi⁹ exposuisset, tã-
 tos ea res igniculos, vel faces poti⁹, Augustini pœtori sub-
 iecit, vt nūquam animo nūquam cōsciētia cōquiescere po-
 tuerit, bonec ipse quoq; seculo renunciare, & cœlesti vitæ
 adherere decreuerit. Ita Antonij exēplū duos illos, vtrius-
 que vero Augustinū pertraxit, Augustini itē multos alios.
 Idē sæpe pluribus alijs contigit, quos longū esset numera-
 re; sed insignes illi duo, Ioannes Columbinus, is qui cleri-
 cis Apostolicis, & Ignatius, qui Societati nostræ initiū de-
 dit; quorū alter Marię Aegyptiaca, alter sanctorū Patrū vi-
 tas legēs, idque casu potius, quā consilio, repente vterque
 immutatus, ad tantam deinde sanctitatē peruenerūt. Ergo
 si tantum

p. Mon.
 25.

Serm. de
 S, Laur.

8. Cōf. 6.

si tantum possunt exempla omnia, etiam scripta, & quidē antiqua, atque ex annalium memoria eruta, sine vlla dubitatione multo magis poterunt recentia, & viua, maximeque domestica, quibus ipsi assidue intersumus. Manifestū est enim quanto nos vehementius ea moueunt, quæ nos ipsi spectamus, quam quæ ab alijs audimus, quo acrior est oculorum sensus, quam aurium: præsertim cum scriptura, vt diserta sit non ita rem repræsentare, eiusque omnes circumstantias, in quibus præcipuus est animorum motus, expingere possit. *Quin* etiam si hæc in seculo valuerunt, vt seculum ipsum desereretur, tantis vinculis, tamque fixis radicibus, tam multis etiam retinentibus, & renitentibus, lumine vero adhuc tenui, & infirmo, non multo magis valebunt in religione, vbi oīa faciliora, vbi maius lumē, mai^r robur ad promouendum modo humilitatis, modo obediētiæ, modo aliarū virtutū profectum? Sine dubio, & id quidē suauissime omnino, & placidissime. Hic enim exēplorū tractus non asper est, nec violētus, sed plane mollis, & dulcis, vt pote nostræ naturæ maxime congruēs. Deniq; illud etiam in hac re optimum, quod nihil est quod ita iuuat ad nos ipsos cognoscēdos, & verissime, atque intime humiliādos, quā si cū ijs viuamus, quibus cōparati inopiam nostram, præ illorū copia, & diuitiis, quasi oculis ipsis intueamur. Est apud Bernardum de quodam monacho, eoque laico, qui ad eius se pedes abiiciens cum magna confusione ita seipsum accusarat, Væ mihi, quia fratrem vnum hac nocte consideraui, in quo triginta virtutes numeravi, quarū ne vnā quidē in me inuenio. Hęc ergo tāta humilitas: quę sola fortasse triginta illis virtutib⁹, quas in alio aduerterat, [præpōderare potuerat, vnde in hui⁹ animo effecta est, nisi ex aliorum aspectu, & comparatione; Hoc enim ipsum est, quod monet B. Gregori⁹: Qui, inquit, plenissime intelligere appetit, qualis est, tales nimirum debet conspiciere, qualis non est, vt ex bonorum forma metiatur quanto ipse deserto bono deformis est. Ex ijs quippe, quib⁹ plenissime bona adsunt, perpēdit recte quæ sibi min⁹ sūt, atq; in illorum pulchritudine conspiciit scēditatem suā, quā in semetipso & perpeti potest, & sentire non potest. Iustorū ergo debemus vitam conspiciere, vt subtiliter deprehēdam⁹ nostram. Illorū videlicet species, quasi quædam forma, nobis imitanda proponitur, quia viua lectio est vita bonorū. Hoc igitur, quod Gregorius præcipit, nusquā cetero meli⁹,

*Ser. de
altit. ac
bassit.
cordis.*

*24. Mo.
cap. 6.*

Ser. 54.
Cant.

& commodius fieri potest, quam in religione, ubi tanta est copia hominum bonorum. Itaque videamus quomodo id faceret S. Bernardus, & quomodo ad idem faciendum suos exhortetur. Alium, inquit, intueor singularis abstinentiæ, alium vero patientiæ admirandæ, alium autem summæ humilitatis, & mansuetudinis, alium multæ misericordiæ, & pietatis, istum in contemplatione frequenter excedere, hunc pulsare cælos orationum instantia, aliosque in alijs præeminere virtutibus. Hos inquam, considero omnes feruentes, omnes deuotos, omnes donis cælestibus, & gratia affluentes, tamquam spirituales reuera mōtes, qui à Domino visitantur. Ego autem, qui horum in me inuenio nihil, quid me aliud putem, quam vnū de mōtib⁹ Gelboe, quem præterit in ira, & indignatione sua ille ceterorū benignissimus visitator? Filioli, hæc cogitatio tollit extollentiam oculorum, conciliat gratiam, Sponsi saltibus præparat. Hactenus Bernardus. Est autem hic fruct⁹, quē ipse commemorat, magni omnino in religione æstimandus. Nā præterquā quod hoc ipsum, se ex aliorū collatione despiciere, seque odisse flos quidā est humilitatis, Deo gratissimus, & iucundissimus, hoc etiam affert ista intima nostri cognitio, in quo vno audeo dicere nostri profect⁹ fere summā consistere, vt semper nos incitet ad ea comparanda, quæ nobis deesse sentimus, idq; eo magis, quod hæc ipsa, quæ nobis desunt, in alijs abundare videmus: ex quo honestissima quædā, & sanctissima existit inter fratres cōcertatio ad virtutē, qualis inter cōdiscipulos ad doctrinā, inter milites ad coronā, inter cursores ad præmiū. Vt enim, si plures stadiū currant, tunc optime quilibet tarditatem suam videt, cum videt quāto intervallo alij præcedāt, & hoc ipsum vehementi⁹ stimulare solet, ita in hoc spirituali curriculo vix aliud est, quod adeo nobis tepiditatē nostrā & idicet, & expret, vt aliorū feruor; vt, nisi oīno saxeī, aut plūbei sim⁹, hæc vna res sufficere possit ad nos incitādos. Quamobrem hoc statuendū est, magnū oīno lucrū, idq; quotidianū, & perpetuū accipi ex fratrū, quibuscū viuim⁹, exemplis, quæ nos cessare nō sinūt, sed in oēm partē erudiūt, & instruūt, atque etiam impellunt. Quod quidem tanti est, vt etiam si solitaria vita, qualis fuit veterū anachoretarum, omni virtutū copia abundet, eam tamen hoc tanto cōmodo carere necesse sit: vt sapienter S. Hieron. ob hanc ipsam causam Rusticū hortetur, vt in monasterio potius viuat, in multorum,

Ep. 4.

rum, ut ait, cōsortio, ut ab alio humilitatem, ab alio discat patientiam, hic silentium doceat, ille mansuetudinē. Quo eodē pertinet etiā, quod Theod. antiquus auctor, æqualis nimirum veterum illorum Patrum, quorum etiam plerofq; vidit, de Publio sanctissimo homine narrat, cum, cum senatorio, atq; in primis clarō genere ortus esset, ex ciuitate Græcię, quę Zeugma dicitur, in iugo quodam proximo cōsedisse, moxque ad eum multorum concursu factō, initio quidē singulis singulas casas ædificatas esse, deinde vero melius visum, ut iis dirutis in vnā omnes domum cogerentur, ut conuiuendo se simul ad pietatē inflammaret. Ita que ipsam deinceps sepe eos cohortari solitum, ut alter ab altero assiduam vtilitatem haurire conarentur: atq; hic qui dem illius mansuetudinem imitaretur, ille contra mansuetudinem suam huius zelo roboraret: alius potro ab alio vigilantiam discens, illum vicissim ieiunij austeritatem doceret: denique omnes sibi inuicem & discipuli fierēt, & magistri. Sic enim fore aiebat, ut alter ex alteri⁹ vitā, quę sibi deerant, desumētes, perfectissimum virtutis cumulum cōficerēt. Quod documētum præclarum aptissima etiam similitudine cōfirmabat. Nā ut in ciuitatis forum plurimi opifices cōueniunt, alij qui panes, alij qui olera, aut vestes, aut calceos vendāt, nec vllus est, qui sufficiat ad omnia, quę vitę necessaria sunt, per se paranda, sed potius aliis impertiēdo, quibus ipse abundet, ut panem, ut vestē, sumit ab aliis, quę sibi desint, oleum, vinum, calceos, & similia: ita omnino oportete Dei famulos in vnū quasi mercatum conuenientes, cum nemo solus omnia obtinere possit, hoc studiose agere, ut virtutis partes pretiosissimas inter se commutent, & alij ab aliis accipiant quod per se non habent.

*Decimus quintus fructus vnitas quam maxima
religiosorum inter se.*

C A P V T X V I I I.

IN tota Saluatoris nostri lege hoc constat, nihil esse aliud vel grauius præceptum, vel crebrius commēdatum, quā mutuam coniunctionem cum fraterna caritate. Quam cō iunctionem quantopere illē arctam esse voluerit, aperte Io. 18. indicauit, cum in vltimo illo quasi voluntatis suę testamento precatus est à Patre, ut sui omnes electi ita essent inter sese vnum, sicut ipse cum Patre vnū esset. Nihil enim maius, nihilve significantius dicere potuit, cum inter Fi-

M 3 . lium,

Act. 4.

In Apo-
log. cap.
39.

lium, & Patrem, ut est vna omnino, eademque natura, sic etiam indiscretam, & indiuiduam esse necesse sit & sententiam, & voluntatem. Atque hæc quidem concordia, & vnitatis diu vixit, maxime primis illis, quod vere dicere possumus, aureis temporibus, quæ recentibus adhuc Domini præceptis flagrant, cum, ut est in Actis Apostolorum, vnum erat credentium cor, & anima vna, & vna etiam res, ac facultas in commune colata. Itaque Tertullianus, auditor grauissimus, non dubitauit dicere, totam euangelicam legem constituisse in caritate inuicem exhibenda, ita ut in Gentilium ore multum esset, Vide ut se diligant, ut alter pro altero mori sint parati. Quin illud etiam commemorat, Christianis omnibus tunc solemne fuisse, ut se fratrum vocabulo appellarent, neque id solum verbo, sed factis etiam testarentur: siquidem omnia illis præter vxores communia fuisse, nec quempiam fuisse, qui aliquid haberet, quod suum esse mallet, quam proximorum; cuius tam communis caritatis, ac beneficentiæ non solum exemplum, sed vis quoque apparuit in Pacomio, de quo sic accepimus, cum gentilis adhuc in Constantini Magni exercitu militaret, & deficiente victu, fame omnes enecti essent, peruenisse ad ciuitatem quandam, vbi omnis statim eis commeatus suppeditatus est, idque tanta voluntate, cura, ac sollicitudine, ut Pacomius intuens, satis mirari non posset: cum autem quæsisset, quænam ea gens esset adeo ad benefaciendum propensa, essetque ei dictum Christianos vocari, quorum hoc esset institutum, ut omnes homines complecterentur, & officiis prosequerentur, illico eius religionis, de qua numquam antea aliquid audierat, amore incensus, manibus in cælum sublati, teste inuocato Deo, ei se in perpetuum deuouit. Hæc igitur euangelicam vnitatem, rem vnam omnium præstantissimam, & Christo Saluatori nostro acceptissimam, quæ præca illa ætate adeo culta, nunc autem in hac fece temporum ita obfcurata, ac labefactata est, ut vix reliquæ maneat, re ligiolus statim abunde instaurat, perfectusque redintegrat. Itaque hanc ipsam dicere possumus vnam esse ex maximis eius vtilitatibus, quod nos ad eam exactissimam societatem, vitæque, communitatem, & perfectissimam caritatem reformat, ac reuocat, in qua Dominus noster notam, ac symbolum in se voluit, ex quo veri eius discipuli agnoscerentur. Sed hoc ipsum planius constabit, si religiosæ societatis vinculum cum aliarum societatum vinculo conferam, ut intelligatur quan

ro id præstet interuallo. Duplex enim est hominum nexus, quo inter se alij cum alijs astringi solent: alter, quã ipsorũ voluntas instituit, vt inter amicos, aut milites, vel mercatores: alter, quem natura ingenerauit, cuiusmodi est inter fratres, sobrinos, aliosve consanguineos. Ac priorem quidẽ illam necessitudinem certum est cum religionis coniunctione nullo modo cõparari posse. Illa enim certos limites habet, eosque valde angustos, in alijs militiæ, in alijs mercimonij, vel consuetudinis tantũ, ac familiaritatis cuiusdã, extra quos limites cetera cuique propria, & separata sunt. At inter Dei famulos nihil vlli suum, nihil discretũ, & distinctum ab alijs, sed omnium omnino rerum, & negotiorum, ac studiorum sine vlla exceptione communitas. Præterea illa omnia vincula, vt voluntate suscepta sunt, sic voluntate deponi possunt, & plerumque deponuntur, alias morum, aut fortunæ mutatione, alias ætatis conuersione, interdum vero contentione alicuius cõmodi, quod plures adipisci non possint, vt nihil difficilius sit, quam hæc beneuolentiæ genera longius prouehi. Religiosi vero nõ solum instituti, sed voti quoque vinculo colligati sunt, vt quemadmodum à Dei seruitute, ita ne inuicem quidem à se disiungi possint. Verum quid mirum est, has omnes voluntarias societates à religiosa caritate adeo vinci, cũ ipsam etiã naturalem coniunctionẽ sine vlla dubitatione vincat? Quæ enim maior esse potest coniunctio, quã fratrũ, qui ex eodẽ principio fluxerunt, & in eadem aluo habitarũt, & vt scriptura loquitur, eadẽ caro, idemque os videntur? Sed tamen inter hos quoque rara gratia, crebra iurgia, studiorũ vero dissimilitudines magnæ, tum vero aut nulli, aut paucissimi, quibus res familiaris diutius possit durare cõmunis. Contra vero in religione, vt paulo ante diximus, communia omnia: vt de vtriusq; cõparatione recte dictũ sit ab Augustino; Melior est, inquit, fraternitate sanguinis Christi fraternitas, quoniã illa interdũ sibi inimica est, Christi autẽ fraternitas sine intermissione pacifica est. Illa inter se communia cũ æmulatione diuidit: hæc etiam cum gratulatione cõmunicat. Illa in consortio sæpe despiciet germanos: hæc assumit frequenter alienum. Quin etiam ex ipsis ethnicis philosophis fuisse qui scripserint, omniũ societatu nullã esse vel præstantiorem, vel firmiorem, quam cũ viri boni morib; similes sunt familiaritate cõiuncti. Quo in genere illa etiã laudari solet Aristotenis sententiã, quem aiunt

Gen. 29.

Ser. 27.
de verb.
Apost.

Cic. 1.
offic.

solitum dicere, virum iustum pluris faciendū, magisq; diligendū esse, quā cognatum, arctioraque esse virtutis, quam sanguinis vincula, propter animorum similitudinē. Quod ipsum, & grauius, ac melioribus etiam verbis, confirmauit

1. offi. c. 7. Ambrosius, cum ita ait, Nō minus vos diligo, quos in euāgelio genui, quā si in coniugio genuissem: nō enim vehementior est natura ad diligēdum, quā gratia: plus certe di-

Col. vlt. ca. vlt. ligere debem⁹ quos perpetuo nobiscum putamus futuros, quā quos tantū in hoc seculo. Vberius vero, & expressius

Abbas Abrahā apud Cassianū in quadā collatione, in qua nostram hanc coniunctionem, quā efficit religio, lōge pręfert, cuius coniunctioni, quā natura effecerit. Hanc siquidem, inquit, quam inter parētes, ac filios, atque germanos, cōiuges, vel propinquos, siue societas copulā, siue consanguinitatis necessitudo coniungit, satis breuem esse cōstat, ac fragilem. Deniq; etiā boni, ac pij, cum adoleuerint, filij à parentum domibus, nonnumquā & substātijs excluduntur: Communio quoque consortij cōiugalīs interdū etiam honesta causa interueniēte diuellitur: fratrum dirimit caritatem cōtētiōsa diuisio. Monachi soli perpetuā coniunctionis retinēt vnitatem, atque indiscrete possidēt vniuersa, qui omnia sua esse, quę fratrum, omnia fratrum esse cre-

Col. 16. c. 6. dunt, quę sua sunt. Accedunt etiā ad huius coniunctionis firmitatem stabiendā illa, quę sunt ab eodem Cassiano ex sermone Abbatis Ioseph egregie tradita, in quo sermone sic disserit: Vt concordia diutius retineatur, necessarium esse, vt omnes vel diuitiarum, vel cuiuscumque rei terrene cupiditates funditus eiiciantur; deinde illud quoque, vt ita

suas quisque refecet voluntates, vt alterius potius, quam suo, arbitrio stare velit. Quę si vera sunt, vt sunt certe verissima, iam in promptu est videre, quā arduum, & difficile sit, vt in seculo plurium animi vere, apteque conglutinentur: hoc vero idem in religione quam procliue, ac ferte etiā, vt ita dicam, sit necessarium, vbi voluntaria paupertas omnium litium materiā, vbi voluntaria obediētia omnem

Hom. 58. ad pop. volūtatis proprię impetum, atque etiā vsum sustulit: Quocirca recte Chrysostomus de hoc ipso religiosorum bono.

Quid mirum est, inquit, quod vna sit omnibus vestis, & mensa, cum vna sit omnibus anima, non tantum natura (nā hoc commune est omnibus hominibus) sed etiam caritate? Quomodo igitur contra seipsum quispiā consurgeret? Sic igitur Chrysostomo ita nō fieri posse videtur, vt religiosus aduersus

aduersus religiosum litiget, vt fieri non potest, vt aliquis aduersus seipsum litiget. Quemadmodum enim in vno homine plura membra ab anima vna retinētur, sic in religione plures homines vnus quasi animæ consensione, & caritate. Magnum ergo beneficium, ac non vtilitate sola, sed etiam iucunditate plenissimum, & si vere cōsideremus, pene etiā miraculum, cum tanta ingeniorum, naturarum, ætatum, ac nationum quoque diuersitas, gratiæ tamen diuinæ vi adeo colligetur, vt tanti. ybique, tantaque amoris conspiratione cōsentientes visantur sodalium greges ita inter se omnibus deuinctis, ac multo etiam magis, quam si ex eodem vtero prodissent, eodemque lacte aliti essent: quod merito commendat, & miratur Basilius: Homines, inquit, *Cōst. mo. cap. 19.* ex diuersis nationibus, & regionibus profectos, per exactā morum, ac disciplinæ similitudinem, adeo veluti in vnum coaluisse, vt in pluribus corporibus vnus tantum animus inesse videatur, vicissimque plura corpora vnus animi instrumenta. Hæc autem tam arcta religiosorum coniunctio, etiam si in animis præcipue consistat, vt idem sapiāt, idemque velint, quemadmodum ait Apostolus, prodit tamē foras ad externa, immo vero ab externis ipsis opem, ac vim non mediocrem accipit. Itaque in his etiam externis, ac temporalibus magnopere apparet hæc vnitas, de qua loquimur, vt est vno loco degere, vno etiam, ac simillimo vestitu vti, eadem munera, & eodem fine profiteri, denique vnā omnibus esse rem; ex quo fiat, vt eadem omnibus sint commoda, & incommoda, eadem prospera, eadē aduersa. Hæc enim omnia, quæ ad genus hoc tēporaliū rerum pertinent, etsi infima sunt, & minima in toto religioso statu, eiusmodi tamen sunt, vt coniunctionē hāc ostendant, & ad eandem tuendā magnopere conferant. Quamobrem recte Laurentius Iustinianus hanc ipsam communionem rerum *De obed. c. 18.* temporalium, quæ est inter religiosos, ita laudat, vt dicat, imitari perfectissimū naturæ exemplar; quoniā sicut in humano corpore ciborum nutrimentū in singula membra diuiditur, vt cuiq; opus est, idque iudicat, & distribuit natura ipsa tamquam sapiēs paterfamilias, nulla membrorum inter se disceptatione, & lite, sic in religione singulis æqualiter necessaria tribuuntur, eoque quisque cōtentus est. Quæ cum ita sint, nihil est dubitādū, quin si quid est in hoc mundo pulchrū, aut vtile, id maxime eluceat in hac cōmunitate, & in hac tāta pluriū inter se in rebus omnib⁹ cōiunctio-

Dial. 5.
de repu.

ne. Nā quid plura dicam? Ipsimet philosophi ethnici, cum eam ciuitatem ingenio suo fingerent ita perfectā, & absolutam, vt animo magis optari, quā re ipsa perfici posset, nullam aliā formā vel commodiorem, vel prāstatiorem reperire potuerunt. Sic enim Platonem videmus suam illam Rempubicā instituisse, vt priscum illud, vt ipse ait, prouerbiū, Amicorum omnia communia, quā maxime vigeret; in eoque tum virtutis, tum felicitatis summam in ciuitate collocandā putat, vt quicquid proprium dicitur, omni studio vndique ē vita remotum sit: neque solum agri, aut pecunia, aut domus cum omnibus communicentur, sed illa etiam, quæ ita propria sunt, vt cum alijs communicari non posse, videantur. Itaque & oculos, & aures, & manus cuiusque in communem vsum videre, audire, operari debere, & animorum quoque sensus, ac iudicia communia esse oportere, vt eadem ab omnibus laudentur, eadem vituperentur, ijsdem omnes & gaudeāt, & doleāt. Hanc ergo ciuitatem, ac Rempubicā, ait ille, siue Dij alicubi, siue Deorum filij vna plures incolāt, certe beatos, omnique gaudio cumulatōs fore. Hæc Plato omnia; quæ cum dixisset, illud etiā adiungit, talem quidem ciuitatē neque vnquā fuisse, neque vnquā in terris futurā. Quanta igitur religiosæ cuiusque societatis felicitas, ac prāstatiā, in qua hoc ipsum tam perfecte insit; quod hic philosophus ne fieri quidem posse existimauit, & si fieret, qui in eiusmodi cōtū viuerent, vel Deos esse, vel Deorū filios, in perpetuo gaudio, ac felicitate viuentes? Quod autem tantū hoc bonum tam perfecte in religione teneatur, et si vnusquisque nostrū ex sua magis experientia, quā ex alterius oratione discere id potest, inuat tamē duos locupletissimos testes adhibere, qui ita hoc describunt, vt pene etiā verbis ipsis cum Platone conueniant. Sic enim Basilus; Vbi, inquit, omnia cōmunia, animi, mentes, corpora, eaque quibus necessario ad victum, & cultum utimur. Communis Deus, communis pietatis mercatura, cōmunis salus, communia certamina, communes labores, cōmunia prēmia, & certaminū coronæ; vbi multi vnus, & vnus nō solus, sed in pluribus. Vberius autē Chrysostomus aureū eloquētiæ flumen fundēs tum semper tum maxime vbi cūque religionis causam agit, vt in Apologia vitæ monasticæ, in qua, plurimis incōmodis, ac procellis secularis vitæ cōnumeratis, hæc subiicit. Atqui, inquit, nihil horum malorū penitus in monasteriis inuenies; sed dum alij pro-

Const.
mo. c. 19.

cella,

cella, fluctibusque iactantur, soli in tranquillo portu, & securitate summa residentes, veluti ex cælo ipso ceterorum naufragia prospektant. Nam conuersationem plane cælestem elegerunt, nihiloque deterius Angelis effecti sunt. Ut enim illis nulla inest inæqualitas, nec alij successibus, secundisque rebus elati gloriantur, alij incommodis, & malis oppressi gemunt, sed omnes pariter in gaudio, & quiete, summaque illa cælesti gloria exultant, ita fieri quoque perspicias in monasteriis. Nullus ibi paupertatem exprobrat, nullus ob diuitias magis honoratur. Inde duo illa, quæ omnia peruertunt, & perturbant, Meum, & Tuum, penitus eliminata sunt. Cuncta quippe illis communia sunt, mensa, domus, indumentum, &, quod sane mirabilius est, vnus etiã, idemque animus omnibus est. Omnes eadem sunt nobilitate nobiles, omnes eadem seruitute serui, eadem libertate liberi. Vnã illic omnibus diuitiã, quæ verã diuitiã sunt, vnã omnibus gloria, quæ vere gloria est. Vnã ibi voluptas, vnã iucunditas, vnã deliciã, vnum desiderium, vnã spes omnibus inest. Ibi veluti quadam ex regula, & libra, cuncta sunt diligentissime ordinata: nulla ibi inæqualitas, ceterum ordo summus, & moderatio, & conuenientia, & ineffabilis concordia seruandę diligentia iugisque ac perpetua lætitiæ materia. Illic solum videas id perfecte contingere, nusquam alibi, non modo quod præsentia omnia contemnant, omnemque à se rixã, & pugna materiam abscindant, certissimaque cælestium bonorum spe beati sint, sed quod ea quoque, quæ singulis contingant, & tristia, & læta, communia esse omnium existiment. Quippe & mœror facilius fugatur, cum pro virili sua omnes comportent onera, lætitiæque occasiones habent innumeras, non in suis modo lætis, sed in aliorum quoque, & quidem non minus, quam in suis quisque gestientes. Hæc ad verbum Chrysostomus.

Decimus sextus fructus ex mutua ope in omnibus rebus.

CAPVT XXVIII.

HAEC vnitas, de qua modo loquuti sumus, tum per se ingens bonum est, & omnino tale, quod nos Domino Deo maiorem in modum commendat, tum vero duo etiã bona adiuncta habet, maxima, & maxime necessaria; de quo
vtrouque

3. Pol. ca.

7.

utroque separatim dicendū est. Alterum enim est mutuum illud auxilium, quo se in rebus omnibus inuicem adiuuāt, & subleuant religiosi. Res certe magna, ac non solū ad proprias vtilitates, sed plane ad omnia magnopere apta, vt multi simul coniuncti vires quisque suas, ac talenta coniungant. Sic enim existet illud, quod recte scripsit Aristoteles, vt, licet singuli minus boni sint, ijdem tamē in vnū collecti meliores sint, quā singuli etiam optimi: vt fit, inquit, in cerna, quæ ex multorū symbolo, & contribulatione lautior euadit, quā si ab vno instruat; quia cum vnusquisque aliquid virtutis, ac prudentiæ habeat, si id in cōmune conferat, perfectum quiddā efficietur; quæ etiam causa est, cur melius in musicis multi iudicent, itēque in poesi, quia alij aliud, cuncti cuncta discernunt. Hæc autem Aristoteles valere putat, etiam si singuli per se non perfecti sint: quanto igitur magis, cum ea, quæcumque sit, multitudo, ex selectis hominibus cōflata sit, & qui per se separatim quisque excellent, aut certe excellere studeant? Ex quo manifeste apparet quid lucri, & id quidē in omni genere rerum, religiosis accedat ex ipsa consociatione multorum, quod non possūt habere seculares, qui suis quisque opibus separatim nituntur. Vt enim nauigij alicuius tabulæ, si per se sint, nihil fere sunt, coniunctæ vero tam multos habent vsus, ad nauigandum, ad merces inuehendas, ad fluctus superandos: vt etiam lapides soluti, ac diuisi nihil prosunt, at vero compositi, & compage aliqua coniuncti quā speciem conficiunt, ædium, ac palatiorum, quæ munimenta turrium, & mœnium, vt etiam tormentis, machinisque resistent? sin autem rursus resoluantur, ad acervum saxorum redeunt. Sic etiam homines seorsim quidem aut nihil valebunt, aut tantum valebunt, quantum in vnoquoque sit roboris, ac neruorum, coniuncti vero alter alterius ope adiuuantur. Atque hoc etiam quotidie videmus in operibus laboriosis, veluti in magnis ponderibus vehendis, aut trahendis, vt multorum manus ea efficiant, & quæ semel facile, quæ nulla humana vis efficere valeat, si solitaria sit. Quæ cum in vniuersum de vi multitudinis conglobatæ dicta sint, licet tamen hanc vtilitatem duplici capite distinguere, quorum alterum propriam salutem, propriumque profectū attingit alterum ea spectat, quæ pro aliorum salute, & commodo geruntur. De priori illud in sacra scriptura diuinitus traditum est, Melius est duos esse simul, quā vnum. habent enim emolumentum

Ecd. 4.

emolumentum societatis suæ; si vnus ceciderit, ab altero fulcietur. Væ soli, quia cum ceciderit, non habet subleuantem se. Et, si dormierint duo, fouebuntur mutuo; vnus quomodo calefiet? Et, si quispiam præualuerit, duo resistent ei. Funiculus triplex, difficile rumpitur. Quibus verbis tres magnæ utilitates descriptæ sunt, sine quibus spiritualis vita consistere non potest. Primum enim, cum & imbecillitas nostra per se tâta sit, & locus, in quo sumus, adeo lubricus, vt sæpissime omnes prolabamur, quid utilius, quam habere nobiscum, à quo quali porrecta manu rursus erigamur? Atque hoc eo magis necessarium est in animæ laphibus, quam corporis, vnde hæc est petita similitudo; quoniam corporis casus ignorari non possunt, animus autem præ cæcitate, & tenebris, quibus tenetur, crebro corrui, atque etiam diu iacet omnino nesciens, & adhuc vel maxime stare se putās. Quin etiam ipse lapsus ita animum affligit sæpe, & quodāmodo frāgit, vt, nisi externa ope adiutus, seipsum subleuare non valeat: quam opem Deus quidem præcipue, sed hominibus ministris, & adiutoribus, suppeditat. Sed tamen, etiam si sit aliquis adeo felix, vt numquā labatur, quod fieri non potest, huic alterum imminet periculum à spirituali frigore, maxime in hac mundi huius hyeme, donec ab illo sole peregrinemur, qui reserata facie nos calefaciat. Ad hoc igitur frigus repellendum, vitalemque calorem ciendum, nihil aptius, quam, quod ait Sapiens, vt duo foueātur mutuo: quo vero plures etiam fuerint, eo calorem magis augeri, ac multiplicari necesse est. Vt enim videmus interdum viridem adhuc stipitem per se etiam in igne ardere non posse, at inter alios arduos stipites eadem illorum flamma facile conflagrare, sic prorsus euenit in animis, qui separatim degentes langueant, alijs autem hominibus pietate incensis permixti, illorum consuetudine, cohortatione, atq; exemplis, de quibus multa ante diximus, nullo labore incalescant. Vnus autem, ait Salomon, quomodo calefiet? Restat tertia utilitas. Et, si quispiam præualeat, duo resistent ei: quo indicatur pugna illa perpetua, quam gerimus, vt ait Apostolus, aduersus potestates, & rectores tenebrarū harū: in qua pugna non dici potest quanto securior sit plurium conjunctio. Præclare enim S. Leo, vt omnia; Ecclesiasticus, inquit, miles, etiam si specialibus præliis possit fortiter facere, tutius tamē, & feliciter dimicabit, si contra hostē palā in acie steterit, vbi non suis tantū viribus certamen

Eph. 5.

Ser. 4.

de ieiun.

sep.

mens.

ineat,

Ser. 4.
Circum.

2. Cor. 2.

ineat, sed sub inuicti Regis imperio fraternis consociatus agminibus bellum vniuersale conficiat. Minore enim discrimine multi configunt cum hoste, quā singuli, nec facile patet vulnere locus, quem opposito scuto fidei, non sua tantum, sed etiā aliorum fortitudo defendit, vt vbi vna est omnium causa, sit vna victoria. Ac Bernardus quoque nihil periculosius esse homini ait, quam solum velle luctari contra antiqui hostis versutias, à quo videatur, & quē videre ipse non possit. Itaque, qui de Dei seruitute amplectēda cogitat, ei asciscēdam esse fortitudinis virtutem, & multorum pariter pugnantium aciem quārendam, vbi, inquit, tot sunt auxiliarij, quot socij, & tales, qui dicere possint cū Apostolo, Quia nō ignoram⁹ astutias inimici. Congregatio enī pro fortitudine sua terribilis vt castrorū acies ordinata. Vē autē soli; quia, cū ceciderit, nō habet subleuātem se. Hæc Bernardus. Postremo hoc ipsum idem Sapiens cōfirmat & sua auctoritate, quæ diuina est, & exēplo aptissimo: Funiculus, inquit, triplex difficile rūpitur: quasi hoc dicat, Quemadmodū funis intortus ex pluribus filis spartheis cōficitur, quæ fila, si sciūcta sint, tenuia sūt, & infirma, cōnexa autē, & implicata omnē machinā, & molem teneāt; sic nos, etiam si imbecilli, & debil e, tamē si bene cohærentes, si consentiētes, & quodā modo cōpacti cum alijs fuerimus, nihil erit, quod non sustinere, aut vincere possimus.

Hom. 10.

Haftenus de ope illa, quam sibi mutuo in suis profectibus religiosi præstāt, vt hostē superent, vt in omni virtute crescant, vt quam maxima caritate ferueant. Sed tamen, quoniam hoc ipsum, quicquid est opis, ad externa etiam cum aliorum fructu deriuantur, de hoc quoque aliquid dicendum est. Est autem magnopere cogitandum illud, quod à B. Gregorio homilia quadā in Ezechielem dicitur. Hoc, inquit, omnipotens Deus agit in cordibus hominum, quod facit in regionibus terrarum. Poterat namq; vni cuilibet regioni fructus omnes tribuere; sed si vna quælibet regio alterius fructu non indigeret, communionem cum altera non habuisset; vnde fit, vt huic vini, alij vero olei abundantiam tribuat, hanc multitudine pecudum, illam vero vbertate abundare fructuum, vt cum illa defert, quod ista non habet, & ista reddit, quod illa non detulit, per communionem gratiæ sibi simul etiam terræ coniunctę sint. Sicut ergo regiones terrarum, ita sunt mentes sanctorum, quæ, dum vicissim sibi conferūt quod acceperunt,

perunt, quasi fructus suos regiones regionibus impendūt,
 vt in vna omnes caritate iungātur. Hoc idem, quod regio-
 num exemplo docet Gregorius, docuit antea Paulus Apo-
 stolus notissimo illo humani corporis exemplo; quod idem
 Gregorius in moralibus quasi exponens ait, *Quid sancta*
Ecclesia, nisi superni sui capitis corpus est: in qua alius alta
videndo oculus, alius recta operādo manus, alius ad iniun-
cta discurrendo pes, alius praeceptorū vocem intelligendo
auris, alius malorum factorem, bonorumque flagrantiam
discernēdo naris est: qui corporalium more membrorum,
dum vicissim sibi accepta officia impendunt, vnū de semet-
ipsis omnibus corpus reddunt, & cū diuersa in caritate pe-
ragunt, diuersum esse prohibent, vbi cōtinentur. Denique
omnibus locis hoc à Gregorio differitur, diuini fuisse con-
silij, ne omnib⁹ omnia cōcederet, vt qui extolli poterat ex
dono, quod habet, humiliaretur ex virtute, quā non habet,
& interposita quadam caritatis necessitudine fierent om-
nia singulorum, & vnusquisque sic, quod non accepit, in al-
tero possideret, vt ipse quod accepit, alteri possidendū im-
penderet. Itaq; vt ille ait, alius verbo sapientiæ pollet, nec
tamen sermone scientiæ, id est, doctrinæ fulcitur: alius ser-
mone scientiæ fulget, nec tamen in verbo sapientiæ conua-
lescit, quia & explere sufficit quantum didicit, & tamen ad
sentiendum ex semetipso subtile aliquid non assurgit. Iste
per discretionem spiritus subtiliter mentes conspicit, sed
tamen diuersi generis linguas nescit. Ille in vna lingua,
quā nouit, sermonum pondera interpretando prudenter
discutit, & tamen reliquis bonis, quæ non habet, patienter
caret. Hoc igitur stabilito, & cōfirmato, apertum, atq; eui-
dens est quod sequitur. Sequitur enim nullum hominē eīse
posse in hac vita ita per se comparatum, & instructum, vt
solus siue aliorum adiumentis ad praeclara quæuis agenda
sufficiat, sed necessariū esse, vt cum alijs societatem ineat,
quorum subsidijs suppleat quæ sibi desint. Itaq; hoc quoq;
inter cetera inferior est stat⁹ secularis statu religioso, quod
seculares, cum soli sint, & vnusquisq; cogitationes suas se-
quatur, & quod sibi ipsi maxime cōmodū, vel vtile, vel etiā
amplum, & gloriosum est, id spectet, etiā si interdū ad opti-
ma quæque ferātur, pro Dei obsequio, pro Catholicæ Ec-
clesiæ incremento, non tamen satis viriū habere possunt ad
ea perficienda. Ex quo etiā, fit, vt illud ipsum, quod habent
virium, ferme inutile, & otiosum maneat: vt si quis grandi
 saxo

Rom. 12.
 1. Cor. 13
 28. Mo. c.
 6.

28. Mo.
ca. 6.

saxo mouendo solus insistat, frustra laboret, qui si operam hanc suam cum aliorum opera coniunxisset, aliquid effectum esset, & in id factum ipsius quoque labor aliquid contulisset. Addamus etiam illud, quod vere addi potest, hoc quoque sepe euenire, ut virium suarum ignari, sibi que, ut fere fit, plusquam oportet fidentes, ea aggrediantur, quibus sint impares, maxime cum ipse appetitus excellentiae, quo vniuersa hominum natura laborat, in maxima quaque adigat, & quae plurimum habeant splendoris, ac plausus: quo fit, ut ijs relictis, quae possunt, operam, & tempus perdant in ijs, quae non possunt: de quo scite, & eleganter Gregorius post illa superiora: Cum miro, inquit, consilio, auctor, & dispositor noster huic illa largitur, quae illi denegat, alij haec denegat, quae isti largitur, mensuras sibi positas egredi nititur, quisquis posse, plusquam acceperit, conatur. In praecipitio enim pedem porrigit, qui mensurarum suarum limitem non attendit, & plerumque amittit & quod poterat, qui audacter ea, ad quae pertingere non valet, arripere festinat. Nam & membrorum tum bene ministeriis utimur, cum sua eis officia distincta seruamus: lucem quippe oculis cernimus, vocem vero auribus audimus. Si quis autem, mutato ordine, voci oculos, luci aures accommodet, huic incassum utraque patent. Si quis odores velit ore discernere, sapes nare gustare, utriusque sensus sibi proprium ministerium interimit: dum enim proprijs haec vsum non aptantur, & sua officia deserunt, & ad extranea non assurgunt. Hic igitur error, & haec confusio, ac perturbatio, qua, si vere cogitemus, totum ferme seculum plenum est, longe abest a religiosis ceteribus. In his enim unusquisque suum statum, ac locum, munusve accipiunt, non quem ipsi sibi optent, sed quem ipsorum rectores, ut in exercitu duces, assignent: hi autem assignant quem Deus ipse decreuerit, ac stituerit: hoc enim supra satis confirmatum est, religiosos omnes a Deo per eorum praepositos regi, ac disponi. Itaque cum a Deo, qui omnium naturam fecit, omnibus suum captum dedit, ita gubernentur, non est, credo, timendum, ne non quisque in ea statione collocetur, quae ei quam maxime congruat. Deinde illud etiam maius, & huic, de quo agimus, aptius, quod cum unus sit in religione finis, isque communis, quem omnes petunt, & quo omnes sua studia, & actiones dirigunt, necesse est, ut alter alteri ita praesto sit, tam prompto, tam impigre, tamque alacriter, ut manus oculo,

oculo, vel oculus manui, vel pedes capiti, plus etiam dico, vt manus ipsi sibi, aut oculus, & reliquæ partes sibi ipsis; quia commune lucrum, singulorum est etiam lucrum, & quicquid singuli aliis impendunt, sibi etiam sine dubio impendunt. Quamobrem, id quod adeo optabile, ac fructuosum est, hic & facillime, & perfectissime efficitur, vt quæcumque vni defunt, aliorum abundantia resarciantur, & compensentur. Nam cum aliqui sint, qui doctrina polleant, non prudentia in rebus agendis, alij hac peritia instructi, doctrinâ destituantur, quidam vero bene intelligant, sed quæ intelligunt, non satis dici possint, & in ipsis scientiis, atque artibus alius alia instructior sit, quoniam nemini datur in omnibus perfectum esse; in hac fraterna communitate ita hæc bona, & talenta omnia permiscuntur, vt quæ per se aliqua sui parte laborarent, alienis auxiliis. sese mutuo sustentent, illudque existat, quod initio ex Aristotele posuimus, vt alij aliud, cuncti cuncta assequantur. Atque hanc ego quidem ipsam esse causam crediderim, cur ex religiosis ordinibus tam multi semper in omni genere homines præclari, tamq; multa præclara extiterint opera, tum in proximorum fructu amplissimo, de quo erit alius dicendi locus, tum in doctrinarum studiis, in quibus innumeri florere, eaque posteris illustriora tradidere, tum denique in omni virtute, & sanctitate, nimirum ob illam consensionem, ac nexum, quo fiebat, vt omnes aliorum bonis ipsi quoque auerentur, & locupletiores euaderent, & quæ suis non poterant, aliorum, vt ita dicam, manibus præstarent. Cuius quidem rei insigne exemplum scriptura proposuit in illa turri Babel, quæ nec alio modo ad tantam excreuit altitudinem, quam consensu multorum operatorum idem spectantium, eidemq; operi, ac negotio seruientium, nec alio modo disiecta, ac distributa est, quam eodem illo consensu per linguæ dissimilitudinem ita dissipato, vt alter alterum adiuuare non posset. Idem autem in omnibus rebus, quæ ab hominibus aguntur, euenire intelligendum est.

Gen. 12.

*Decimus septimus fructus communio omnium
bonorum operum.*

CAPVT XXIX.

ALTER effectus religioſe vnitatis est ea communio bonorum operum, quam esse oportet inter eundem ordinem, eandemque familiam, Cuius beneficij magnitudo
N vt magis

ut magis appareat, videndum est & quid in eo communice-
tur, & qua ratione communicetur. In primis enim hoc cer-
tum esse debet, in omnibus, quæ pie, ac sancte agantur, tria
quali lucta, & commoda inesse. Primum hoc, quod, quic-
quid illud sit, nouam gratiæ accessionem meretur, cui deinde
sua in cælo totidem gradibus merces, ac præmium respõ-
debit. Sed hoc commodum ille solus percipit, qui eius ope-
ris auctor est, Vni enim Christo ut capiti, ac mediatori hoc
datum est, ut suo labore gratiam aliis, & gloriam compara-
ret. Secundum bonum, quod bona opera afferunt, est satisf-
factio pro culpis commissis; quod quidem, quæcumque
est, cum aliis communicari, ac totum etiam, si ita placeat, in
alios transfundi licet. Tertius denique fructus, in quo ma-
gna quædam vis ad salutem inest, & impetrationis. Quic-
quid enim agitur, quod Deo gratum, & acceptum sit, non
modo remunerationem præteriti meretur, sed certam etiam
opem in futurum, id est, ad perseverandum, & ad progredi-
dum in virtute, ad resistendum aduersario, ad comprimen-
das cupiditates, ad dura toleranda, & in summa, ad omnia, quæ
saluti nostræ conducant, obtinenda. Atque hoc etiam ex eo
genere est, quod eius voluntas, qui in his versatur, à se ipso
in alterum transferre, & alteri donare possit, si velit. Quod
quidem magnum, atque adeo maximum existimari debet be-
neficium, cum proxime distet ab illo primo fructu, in quo
ipsa vita consistit. Nam et si, ut diximus, gratia iustificans aliis
acquiri non potest hæc tamen acquiruntur, ex quibus eadem
ipsa gratia facile augeatur. Est autem duplex modus ista cõ-
municandi, vnus voluntate, quæ quispiam, quasi donando,
suas has opes alteri impertitur; alter sine expresso actu volun-
tatis, sed quasi naturali quadam consequentia, ut coniun-
ctione aliquorum inter se posita, etiam si deinde ipsi non
agant, per se tamẽ, & sua sponte, omnia eorum opera, ac me-
rita commisceantur. Quocirca fundamentum huius cõmu-
nionis proximum nullum aliud esse potest, quam cõiunctio:
quare ubi ea fuerit, & quo maior, strictiorque fuerit, eo magis
oportet, istam de qua agimus, participationem efflorere. Li-
cet autem exemplum capere ex hominum externa, & natu-
rali societate, ut per eam interioris, & supernaturalis societa-
tis nexus illustretur. Nam in illa naturali plures gradus esse
videmus. Primus est ille in ipsius naturæ similitudine fun-
datus, qui latissime patet, nempe ad omne hominum genus.
Itaque in eo etiam multarum rerum communitas retinetur,
ut mari

ut marium, ut littorū, & plurium eiusmodi. Propius deinde est, eiusdem esse nationis quæ iam plura habet communia, ut linguam, ut multa iura. Interius etiā est, vni⁹ esse ciuitatis, in qua maior adhuc copia rerum communium, ut fōra, ut vici, templa leges, consuetudines. Arctior quoq; , quam hæc, est cōiunctio inter propinquos, & affines: arctissima vero vnius domus, ac familiæ, in qua omnia plane communia, agri, pecunia, suppellex, nobilitas etiā, & honor. Eadem igitur ratione in spiritali coniunctione est primū lausissima quædā cōsociatio omnium eorum, qui gratiæ, & caritatis habitu præditi sunt, qui sine dubio ut multis communiter fruuntur, sic etiam hoc, ut ex omniū bonis, & sanctis actionibus aliquid in singulos redundet: quod cum gaudio cognoscebat David, cum diceret, Particeps ego sum omnium timētium te, & custodientium mādata. Sic enim hunc locū, tum alij, tum Ambrosius in eius psalmi interpretatione intellēxit. Post hanc vniuersitatem omniū hominum piorum, & iustorum, est etiā quædam maior propinquitas omniū religiosorum: cuiuscunque sint instituti, aut ordinis, nempe fundata in professione eiusdem formulæ euangelicæ, iisdemq; votis, eadem abrenūciatione terrenarū rerum. Extremum deniq; est in hac religionum varietate, vna, eadēq; familia cōtineri, in qua iam omnia cōmunia, propositi, regulæ, ritus, finis, commoda etiā, atq; incommoda. Ex quo hoc sequi oportet, ut quemadmodum in bene morata domo, quicquid frater acquirit, nō sibi soli, sed omnibus fratribus acquirit, aut in mercatura, si qui societatem inierunt, eorum luctum in commune cedit, & si quæ fiat rei accessio, ea omnes æqualiter augētur, ita & multo magis inter eos socios, & inter eos fratres, qui spiritali nexu colligantur, spirituales hi quæstus ad omniū quæstum pertinebunt. Atque hoc ipsum meli⁹ etiā apparebit ex humano corpore nulla enim est coniunctio, quæ religiosorū coniunctionē clarius, atq; expressius repræsentet. Igitur in corpore ita videmus accipi cibum ut etiā aliud membrum in eo quærendo laboret, aliud in conficiendo, aliud in decoquendo, succus tamen, & alimentum ad omnia mēbra æque derinetur, omnia eo vegetētur, ac confirmentur, sine vlla differentia, ac discrimine. Ergo si hoc efficit natura, non idē quoque efficiet gratia? Illa vero etiam melius, & perfectius, quo eius vis efāciacior, ac maior. Itaq; recte S. Leo, Et si, inquit, nō eadem est mēbrorum omnium pulchritudo, nec in tanta varietate partium meritorū potest esse paritas, cōmunionem

psal. 135.

Scrim 10
Quadra.

tamen obtinet decoris connexio charitatis. In sancto enim amore consortes, etiā si eisdem non utatur gratiæ beneficiis, gaudent tamen inuicē bonis suis, & non potest ab eis extraneum esse, quod diligunt, quia inciemēto ditescunt, proprio, qui profectu latantur alieno. Hoc vero faciebat Augustin⁹,

Epist. 81.

qui ad Monachos in iulæ Caprariæ in solitudine, & quiete confidentes ipse pastoralibus curis exercitus ita scribebat. Quando quierem vestrā cogitamus, quā haberis in Christo, etiā nos, quamuis in laboribus variis versamur in vestra charitate requiescimus. Vñ enim corpus sub vno capite sumus, ut & vos in nobis negotiosi, & nos in vobis otiosi simus: quia si paritur vnum membrū, cōpariuntur omnia membra. Atq;

Libr. 50.

Homi. 15.

idem Augustin⁹ alio loco, Congaude, inquit, illi cui Deus aliquam gratiā dedit, & potes in illo, quod in te non potēs. Ille habet forte virginitatem, ama illum, & tua est. Iterum tu habes maiorem patientiā, diligat te, & sua est. Ille potest satis vigilare; si non inuides, tuum est studium eius. Tu forte potes amplius ieiunare; si amat te, suum est ieiuniū tuum. Hoc ideo, quia in illo tu es: per proprietatē enim nō es tu, per charitatem tu es. Hoc ergo facit charitatis nexus, qui cū sit intimus, & corda in ipsa inter se conglutinet, & commisceat, sequitur ut ipsa quoq; opera commisceātur, fiāntq; communia omniū. Sed si hoc potest habitus solus charitatis, quid poterit status ipse in charitate fundatus? Nam illud quidē vinculum disrumpi aliquādo potest, hic status insolubilis est, & non solum omnem charitatis vinū ex natura sua in se cōplexus est, sed addit etiā firmitatem, addit perpetuā obligationē, à qua non liceat recedere. Quamobrem, si recte cogitemus, quot socios in religione habemus, tot animis Deum amare, tot brachiis operari, tot pedibus ad bene agendum currere, tot etiam humeris gravia quæque sustinere videmur, quādo hæc omnia, quæ illi agunt, non sibi solis, sed nobis etiam

1. Re. 30.

agunt, Ducebat David exercitum, cuius cum pars defatigatione substitisset, altera pars hostem persequuta, vicit, & ingentem cepit prædam; qua capta, non defuere qui litigarent, ne cum aliis qui remanserant, communicaretur: nec omnino immerito ut quidem prima specie videri possit. Cur enim ij, qui laboris & alexæ expertes fuerant, fructum eius laboris perciperent? Cur autem, qui victoriam sanguinis, & vitæ suæ periculo emerant, præmium deinde victoriæ cum aliis diuiderent? Sed tamen quomodo hos, qui ita differēbant condemnat scriptura, & quod in ea causa fuit Davidis sapientis-

simi

simi hominis iudicium? Scriptura quidem illos appellat viros pessimos, & iniquos; adeo illud eorum factum improbat. Daudid vero hanc in eos tulit sententiam: Iniuste, inquit, facitis: propterea enim æqualis esse debet pars euntis ad prælium, & ad sarcinas remanentis. Quod ergo clarius esse poterat nostræ huius communionis documentum? Etenim si in militibus hoc valuit, & ita valuit, ut in militari disciplina perpetuæ legis vim deinceps obtinuerit, propter eam, quæ est in vno exercitu, societatem, cur non idemius, eadēque ratio valeat in religiosis, ut quod vnius labore quæsitum est, eius etiam alij sint participes? Est enim hic quoque quædam spiritualis militia, & spirituales copię, quarum ductor, & imperator est verus ille Daudid, Christus Dominus: neque hic ulli, qui litigent, ne suorum operum participatio in alios deriuetur, cum potius id omnes velint, tum ob fraternum lucrum, quod charitas amat, tum etiam ob proprium. Cum enim suos quisque labores in communi exponit vnus hominis exponit, vicissim autem tot hominum laboribus fruitur, quot sunt in eadem religione. Itaque optimè illa à B. Machario dicta sunt in quadam homilia ad suos. Debent, inquit, fratres in dilectione, & gaudio simul conuersari, & qui operatur, de eo qui preces fundit ita dicere, Nampe particeps sum thesauri, quem comparat frater meus, quia communis est. Qui vero preces fundit, de legente ita secum reputet, Fructus, quem ille capit ex lectione, lucrum meum est. Qui autem ministrat, ita cogitet, Ministerium, quod exhibeo, cedit in communem vtilitatem. Quemadmodum enim corporis membra, cum multa sint, vnum sunt corpus, & se mutuo iuuant, & vnumquodque proprio fungitur officio, verbi gratia oculus pro vniuerso corpore videt, manus pro omnibus membris operatur, pes, quocunque pergat, vniuersa membra circumfert, sic & fratres sibi inuicem cedant, & qui legit, orantem amoret, & gaudio complecti debet, secum hoc reputans, quia pro me precatur. Hæc Macharius. Quæ cum ita habeant, cogitandum iam est, quam amplos, quam ingentes necesse sit eiusmodi esse thesauros, si ex tanto exercitu, ut sunt omnes fere ordines religiosi, omnium diuitiæ in vnum acervum, ac cumulum conferantur. Hic enim sunt illa primum interna, oratio, & contemplatio, perpetua cupiditatum mortificatio, pugnae, & victoriæ tentationum, denique cogitationes omnes incensæ charitate, humilitate, aliisque virtutibus. Deinde illa etiā, quæ iam foras prodeunt corporis

Homi. 3.

maceratio, ieiunia, vigilia, quotidiana incommoda, officia humilitatis, tum ea, quæ in proximorum causa tolerantur, labores, æstus, frigora, itinera, sæpe etiam pericula ipsius vitæ. Quid autem maius, aut optabilius in hac vita, quam in suo quemque, si ita iubeatur, cubiculo confidentem, participem esse omnium laborum, quos ordo vniuersus per tot vrbes, tot prouincias diffusus, in Dei obsequio perferat, meditando, concionando, animabus iuuandis. & postremo vel multis pie, sancteque agendis: vel multis fortiter, cōstanterque patiendis? Neque vero vel dictu, vel estimatu facile est, quam ad multos vltus aliena merita in religiosa communitate conferant. Nam si tentatio, irruat. hæc vobis arma impetrant, quibus muniamur: si propria imbecillitate fluctuemus, hæc efficiunt, vt firmitas, & constantia tribuatur: si aliquid à Deo petendum est, vel ob aliam causam coram Dei maiestate apparendum, non verendum est, ne vacui appareamus in eius conspectu, quando non nostra solum, sed aliorum etiam benefacta nos ei commendant, & in nostras preces influunt, eisque gratiam, & pondus addunt. Quid plura? ipsa nostra tepiditas, ipsæ culpæ, ac peccata his eisdem eorum, quibuscum coniuncte viuimus, officijs ita compensantur, vt plus hæc officia possint ad Deum conciliandum, quam illæ culpæ ad irritandum. Quam in sententiam optime, vt accepimus, Didacus Guia ex primis fere huius nostræ Societatis patribus, & certe insigni vir sanctitate, ita dicere solebat, vt nummus attritus, & diminutus, si solus sit, ab omnibus reijcitur, si autem inter duo, triaue milia nummorum, facile addmittitur, sic homines imperfectos, qui alioquin per se parum Deo grati essent, tamen in religione, quia cum alijs perfectis coniunguntur, hoc lucrum facere, vt horum abundantia ipsorum suppleat, subleuetque inopiam. Declaratum est hoc aperte, cum Abrahamo quinque illarum infamium vrbiū exitiū deprecante, ita se Deus paratum ignoscere ostendit, si nō modo quinquaginta, aut triginta, sed vel decem iusti inuenti in ijs essent. Nam si ob eam coniunctionem, quæ est in vno populo, tam paucorum virtus tam multis sceleratis profuisset, quanto magis in ea coniunctione, quæ tanto maior, archiorque est in religione, plurium virtus, & sanctitas, pauciorum non quidem scelera, sed infirmitatem subleuabit? Quin hoc etiam videmus vsitatum esse Deo, vt ob vnius culpam sæpe totam familiam, vel ciuitatem, aut exercitum affligerit, idque tum alias, tum præsertim, cum propter

propter cupiditatem Achan, qui de hostili anathemate quiddam sustulerat, totas Hebræorum copias fugandas, cæden-^{Ios. 7.} datque hostibus obiecit. Igitur si vnus crimen redundauit in tam multos, non poterit multorum probitas, & pietas redundare in vnum, præsertim cum Dei bonitas inhnitis partibus propensior sit ad miserendum, quam ad puniendum, & libentius occasiones capter benigne faciendi, quam pœnas, & supicia irrogandi.

Decimus octauus fructus ex vinculo votorum.

C A P V T . X X X .

AD superiores omnes utilitatès accedit etiam ea utilitas, quæ ex votorum vinculo capitur. Est autem votum, vt à doctis definitur, religiosa promissio maioris alicuius, excellentiorisquæ boni Deo ipsi tacta, idque libera voluntate. Ex qua ipsa definitione, quæ omni votorum generi communis est, magna ostenditur voti utilitas, cum & materiam ipsam non vulgarem, sed omnino excellentiorem esse oporteat. & contrarietatem nescio quem contineat inter animam, & Deum ipsam, cuius cum numine contrahere, & pacisci, non modo fructuosum, sed etiam gloriosum est.

Cum igitur inter omnia vota, sine vlla controuersia, principatum obtineant vota religiosa, multa in ijs, & præciata commoda inesse necesse est: idque primum, S. Thoma auctore, quod quicquid illud sit, quod ex horum votorum obligatione fiat, multo est præstantius, ac Deo gratius, quam si libera, ac soluta voluntate fieret. Necesse est enim opus quodcumque inferioris virtutis, si ad superiorem virtutem referatur, vel à superiori virtute imperetur, eo ipso nobilius, ac laudabilius effici, vt iustitia, aut fortitudo, si ex caritate exerceatur, eiusque functiones ad caritatis imperium exigantur. Cum igitur religionis virtus sine dubio virtutibus moralibus antecellat, votum autem sit pars quædam, vel actus religionis, sequitur vt moralium omnium virtutum officia voti vi expressa quiddam maius acquirant, quam si à sua quæque virtute elicerentur. Docet hoc Augustinus, cuius illa sunt in libro de virginitate, Neque enim ipsa, inquit, virginitas, quia virginitas est, sed quia Deo dicata est, honoratur: quæ licet in carne seruetur, spiritus tamen religione, ac deuotione, seruetur: ac per hoc etiam virginitas corporis spiritualis est, quam vouet, & seruat: continentia pietatis. Idemque paulo infra, Honoratius

2. 2. q.

88. ar. 6.

Opus.

18. c. 12.

Cap. 8.

in animi boni illa continentia numeranda est, qua integritas carnis ipsi Creatori animæ, & carnis vouetur, confectatur, seruat. Hæc igitur, quæ ab August. de vna continentia dicuntur, eadem de alijs virtutibus dici possunt, vt obedientiæ quoque, vel humilitatis opera, vel temperantiæ, & similia, religionis splendore per voti vim adiuncto, multo magis illustrentur. Accedit etiam altera ratio.

Nam bonum quodlibet accessione alterius boni augeri, meliusque veri necesse est. Atqui ipsa quoque promissio boni bonum quoddam est; quod etiam apparet ex hominum more, qui, nisi omnino rustici, & barbari sint, non solum de beneficio, sed etiam de ipsa beneficij promissione & gratias agere, & amare solent: ex quo efficitur, melius esse, Deoque acceptius, vouere, & facere, quam facere tantum. Illud autem maius, quod incredibile est, quanto præstantius sit, quod per votum donatur, quam quod per opus ipsum, donatur enim non solum factum, sed etiam vis, & potentia, quæ facit, nempe voluntas, & libertas, qui ita renunciatur, vt deinceps non possit non velle, nec possit non facere. Quo pertinet illa Anselmi nota similitudo, vt, si quis non fructus modo arboris, sed ipsam etiam arborem totam largiatur. Egregie autem Bonauentura de hoc ipso: Virtutum, inquit, functiones vel ex mera voluntate obeuntur, & hoc ipsarum tantum virtutum perfectionem importat; vel præter voluntatem addita est etiam obligatio superinducta ex voto emisso; & hæc quidem importat etiam perfectionem status, quod aliter in statu perfectionis esse possit nemo, quamdiu libertatem retineat illa faciendi vel non faciendi. Hæc vero necessitas, quam status affert, tantum abest, vt aliquid de perfectione imminuat, vt etiam mirum in modum eam augeat, atque consummet, quia de temporali facit æternum, & de nostro facit diuinum; quandoquidem non ipsam modo actionem, sed voluntatem quoque Deo dedicat, eamque mactatam nobili quodam sacrificio ei plene, atque integre offert. quæ quidem voluntas cum inestimabile quoddam sit bonum, & homini intimum, & ita carum, vt præ hoc omnia facile contemnat, ex hoc ipso sequitur, non posse donum hoc non Deo gratissimum, & incūdisimum accidere. Itaque vt perfectius re possidet, qui eius & vsum, & proprietatem possidet, quā qui solo vfu fruitur, sic multo perfectius se Deo donat, qui non solum opera, sed etiam voluntatis arbitrium donat. Hæc fere Bonauentura. Iam vero

In lib.

simil.

In Apo.

paup.

vero illud etiam magni ponderis esse debet, quod cum præcipua operum laus ex radice fluat voluntatis, quanto hæc melior erit, tanto illa quoque & meliora, & laudabiliora. Nec dubitandum, quin inter alias bonæ, ac rectæ voluntatis qualitates illa sit vel maxima, ut firma, ut stabilis, constans, ac perpetua sit, ne in illud incidat, quod scriptura reprehendit, Vult, & non vult piger. *Pro. 13.* Quin etiam Aristoteles ad virtutem hoc requiri censuit, ut firmiter, & immobiliter, ut ipse ait, operetur. *2. Eth. 4.* Licet vero id conijcere ex contrario.

Ut enim aliquid turpiter facere ex fragilitate, aut ex consilij imbecillitate, malum id quidem est, sed multo peius, multoque flagitiosius idem facere obstinata voluntate & peccandi, & in peccato persistendi: sic in virtutis muneribus omnia quidem bona, & laudabilia sunt, sed tamen sine cōparatione meliora, quæ animo deliberatius obfirmato peraguntur. Et omnino illi in hoc pene similes sunt diabolo, & damnatis cum eo, qui à sua peruersitate flecti non possunt: hi similes beatis quorum volūtas ita cum bono colligata est, ut ab eo discedere nō possint. Quæ autē est alia ratio voluntatis nostræ stabiliendæ, ac ligandæ, quam certa ac solemni promissione, eaque perpetua? Ut enim corporum, sic animorum quoque sunt sua vincula: sed hoc differunt, quod corporibus ut extrinsecus iniici possunt etiam inuitis, sic etiam externa vi abrumpi: animus autem nulla re teneri potest, nisi se ipse ligarit, sed cū semel se ligarit, nulla humana potestas, vel propria, vel aliena sufficit ad soluendum. Atque huius etiā diuini beneficij magnitudo eo magis elucescet, si & nostram infirmitatem, ac fragilitatem, & ex altera parte dæmonis in nobis oppugnandi insolentem pertinaciam cōsideremus: quæ cum vtræque in suo genere summa sit, nihil hoc præsidio opportunius esse potuit, quo nimirum altera confirmaretur, alteri aditus ad nos obstrueretur. Nā ut proci, cum virginem, quam ambiunt, vni nuptam vident, alio cogitationes transferunt, sic cum hostes illi nostri nos Deo desponsatos vident, spes quodammodo illis præciditur implicandi nos rursum rebus hisce terrenis: atque ob id ipsum sæpe nos sollicitare desinunt, ne nihil aliud consequantur, quam ut cum suo ipsorum cruciatu coronam nobis augeant.

At vero ad nostram voluntatem, quæ tam lubrica est, retinendam, quid aptius est, quam id quod non modo nos inducat, aut impellat, sed insuper etiam cogat? Hoc enim significat illa Bernardi sententia; Felix necessitas, ut quidam lau-

*De pra.
& disp.*

Ep. 75.

Gen. 22.

Ipsal.
116.

etorum ait, quæ ad meliora compellit. Ille autem quidam, cuius nomen Bernardus retinet, Augustinus est, qui in epistola ad Armentarium, Non relinquit, vouisse pœniteat, immo gaude iam tibi non licere quod cum tuo detrimento licuisset. Aggredere itaque interpidus, & dicta factis imple; ipsa adiuuabit, qui vota nostra expetit. Felix necessitas, quæ ad meliora compellit. Itaque sicut vitæ, & aliæ teneriores aubusculæ vinciri solent ad stipites firmiores, à quibus sustententur, sic homines, si naturæ inconstantiam, & leuitatem agnoscunt, quam agnoscere omnes debent, facile intellegent, nihil salubrius esse posse, quam si hanc adeo furilem, & incertam voluntatem deingant in Deo, vortique sponte stabiliant, qua eius iuramento in perpetuum obligentur. Legimus in Genesi, cum Isaac immolandus esset, ligatum esse; nec dubium, quin ipsius consensu. nullæ enim alioquin Patris iam grandæui vires id potuissent in filium ætate, & robore florem. Igitur cum iam animo paratus esset, ut hic ipse consensus testatur, quæ fuit causa, cur vel pater illo, vel ipse quoque filius sibi ipsi vincula adhibenda iudicaret? nimirum, ut illa bona, & recta voluntas iisdem quasi nexibus, quibus ipsæ etiam manus, deuinceretur, ne villo deinde casu, aut perturbatione elaberetur, aut diffugeret. Itaque non id timoris fuit, sed potius fortitudinis, nec remissiorem indicat voluntatem. sed promptiorem, quæ nempe adeo voluerit, ut etiam prouiderit, quo semper vellet, nec posset non velle. Quamobrem hoc idem etiam in Republica quauis videmus, non solum leges præscribi ad homines in officio retinendos, sed in maioribus quibusdam, grauioribusque functionibus, etiam iuramenti sanctitatem interponi consueuisse. Nam & milites cum conscribuntur, & magistratus cum creatur, & cum matrimonia incuntur, & denique quicquid ferme cum altero maioris negotij contrahatur, vel emendo, vel emendo, vel similibus modis, ita omnium gentium vsus obtinuit, ut solennis sacramenti formula adiungatur. Sic enim homines tum suæ, tum aliorum etiam firmitati, & constantiæ consulendum putarunt. Et tamen hæc humana sunt, & naturalia, ad quæ & natura satis fere viriū per se habet, & in quibus oppugnandis non magnopere laborat dæmon. Quanto ergo magis in iis, quæ adeo supra naturæ nostræ captum sunt, ut ad ea conuerti arduum ab iis telabi, & recidere maxime procliuē sit, conferent hæc, de quibus loquimur, voluntatis vincula, ut cum Propheta nos quoque dicamus,

Iuravi:

Iuravi, & statui custodire iudicia iustitiæ tuæ? Denique illa etiam magna ex votis manat utilitas, quod per hunc quasi canalem abundantius multo, & copiosius celestis in nos gratia dei uatur: tum quia illa ipsa nostra in Deum liberalitas vicissim Dei in nos liberalitatem prouocat, atque elicit: tum quod animam diuinæ illi bonitati ita applicatam, & quodammodo immersam, omnibus ab ea bonis impleri necesse est, ut vas in aquam immissum tum denique quia, cum per vota iam à Deo possideri incipiamus, quicquid nobis impendat, sibi ipsi penè impendit, idque ipsum sine dubio la-
gius cum inuitat ad benefaciendum.

Sed tamen quo magis hi votorum fructus stabiliantur, ille quoque indoctorum planè hominum error eripiendus est, qui ita putant, aliquid de operum dignitate imminui, propterea quod si sine voto, voluntaria, si cum voto, necessaria sint. Hi scilicet in nomine necessitatis errant: non enim aduertunt aliam esse necessitatem, quæ ex naturæ oritur, aliam, quæ ex voluntate. Illa libertatem adiungit, atque eligendi facultatem, ut in lapide, ut in inmento: quicquid autem hoc modo fiat, nullam laudem, vel premium meretur. Atque eiusmodi est, si quis externa vi adactus aliquid faciat. At illa necessitas, quæ oritur ex obligatione sponte suscepta, non modo non imminuit operis meritum, sed auget potius, & quidem magnopere: utrumque enim voluntarium est, & opus ipsum, & obligatio, quæ scilicet, ut voluntatis inclinatione suscepta est, sic etiam eadem inclinatione perfertur. Quid igitur, si poenitere quemplam coeperit, ut etiam inuitus præter, quæ vouit? Tunc nimirum adhibenda est optima B. Thomæ distinctio, quod ita accedere possit, ut materia quidem voti non placeat, placeat tamen ipsum votum, quemadmodum si ieiunium, quod aliquis promissit, graue, ac molestum esse incipiat, eamque ob causam illibenter, & cum tristitia persoluat, sed quia votum urget, seruare vult, idque ipsum satis est, ut non modo non peccetur, sed etiam plus meriti consequamur, quam si sine voto ieiunaretur. Præclare Anselmus de hoc eodem, Sapè, *In lib. inquit, euenire videmus, ut cum secandus est aliquis, alligati si prius velit, insuper etiam cōtestetur, nolle se solui, etiam si petat. Itaque, si postea accadat, ut dolore adactus clamet ut solua:ur, se tamen pergit, donec curatione peracta, ipse quoque ægrotus gaudet se non auditum, proficere; ei sectio, quamquam inuito animo admissa: & tamen in ipso quoque eiulatu*

*Op. 13.
cap. 12.*

*In lib.
simi.*

eiulatu non tam medicinam, quam medicinæ asperitatem recusabat. Simillime igitur is, qui initio religiosum iugum sponte subiit, seque alienæ potestati quasi medicandum tradidit, etiā deinde quædam incidunt, à quibus voluntas abhorreere videatur, perfert, quia vinctus est, & illud ipsum medicamentum, quamquam non adeo libenti animo receptum, prodest tamen, & sanitatem affert, quam fortasse solutus refugisset, vt denique depulso morbo gaudeat etiam, sibi non aliter licuisse. Hæc Anselmus. Cum igitur ad astringendam fidem nostram, quam Deo debemus nullum sit vinculum maius, & arctius, quam voti, manifestum est, quam ingentes fructus ex vno hoc fructu proficisci necesse sit, tum ob hoc ipsum, ne vilo vniquam tempore, aut vilo tentationis impetu constantia nostra labefacteretur, tum verò ob alia etiā bona & numero, & magnitudine præstantia, quæ est tam arcta cum Deo coniunctione consequuntur. Nam vt si quis columnæ alligetur, non tam is columnæ, quam etiam columna ipsi alligatur, sic qui se cum Deo astringit, vicissim etiam sibi quodammodo Deum astringit, & cum Deo omnia, vt dixi, bona, omnesque thesauros cœlestes. Itaque nihil dubitandum est, quin hunc quoque vel præcipuum diuinæ gratiæ fontem in religiosa disciplina existimare debeamus, quo in nos charismata illa vberissime deriuentur. Hinc lumen ad intelligendum, feruor ad amandum, robur ad exequendum hauritur. Hinc denique vires illæ ad currendam viam Domini in omni latitia, & cordis latitudine; quæ omnia in nos ab illo Patre luminum, & Patre totius consolationis redundare necesse est, cum triplici hoc funiculo, qui difficile rumpitur, & nos illi, & cum nobis deuinxerimus. Merito igitur ad hæc saluberrima sapientiæ vincula etiam vltro induenda nos hortatur Spiritus sanctus, & inuitat his verbis,

Ecl. 4. Iniice pedem tuum in compedes illius, & in torques illius collum tuum. Subiice humerum tuum, & porta illam, & ne accideris in vinculis eius. Felices verò catenæ, & optanda vincula, quæ ideo Scriptura non catenas appellat, sed torques, quia collum ornent potius, quam ligent. Non enim ferreæ, ac duræ, vel seruales catenæ sunt, sed aureæ, nobiles, & suauis, quæ hominem non onerant, sed honorant, nec libertatem imminuunt, sed augent potius, & confirmant.

Decimus nonus fructus mortis securitas, & tranquillitas.

CAPVT XXXI.

QUamquam hæc beneficia, de quibus hætenus à nobis dictum est, ita magna sunt, ut dictum est, tamen quid prodesse omnia, si ut nauigium magnis mercibus onustum, sic vita nostra virtutibus, ac Dei donis referta, in mortis agone, tamquam in portus faucibus, naufragium faceret? Quare, quo illa certa, & perpetua essent, hoc etiam à Domino præter cetera religiosis adiungi oportuit, ut eorum insuper mors singularibus præfidiis, atque adiumentis muniretur: quod quidem inter maxima eorum bona merito numerari debet. Etenim tria in morte inesse solent grauissima incommoda; primum quod acerba, atque, ut sapiens dicit, amara est, non ipsa modo, sed vel ipsius memoria, deinde quod periculosa ob infestas dæmonum tentationes, qui tum maxime sæuiunt, versantque homines in omnem partem. Denique quod etiam horribilius est, propter illud tribunal, illudque districtum iudicium, quod, ut ait Gregorius, quanto magis iam iamque quasi tangitur, tanto vehementius formidatur. Hæc igitur omnia tollit religio, & ita tollit, ut pro acerbitate etiam iucunditatem, pro periculo securitatem, pro illa tanta formidine spem afferat certissimam. Neque de hoc dubitare possumus, si rerum naturam attendamus. Nam quæ eo tempore homines angere solent, illa sunt, discessus à diuitiis, ab honoribus, & deliciis, & commodis: tum verò etiam ab iis, qui cari sunt, ut amici, aut propinqui, ut fratres, liberi, coniunx; postremo illa quoque direptio animæ à corpore, quicum tam diu, & tam iucunde vixit. Hæc verò in religiosis partim nulla sunt, partim pene nulla. Nam externa quidem illa, quæ diximus, iam ante omnia reliquerunt, cum seculum reliquerunt; tum enim & opes, & honores, atque omnem quoque carnalem propinquitatem exuerunt. Itaque, quod ad hoc quidem genus tam varium, & tam multiplex attinet, & quæ tam magna esse solet secularium hominum carnificina, ipsi quidem pene soli omnino liberi, ac vacui sunt. Quare non eos angit diuitiarum amissio, non impuberum liberorum desiderium, vel etiam cura sollicitat, non cogitatio condendi testamenti, vel familiæ ordinandæ, non facultatum iactura, quæ sæpe in patrisfamilias capite vertitur. Quam quidem religio- Ho. 14.
1. Tim.
quadam

quadam describit, in qua multa quoque alia de huius vitæ laudibus. Moriuntur sane, inquit, ex eis aliqui: non enim immortali sunt corpore. Sed illi mortem non existimant mortem. Cum hymnis prosequuntur abeuntes, eamque rem non elationem funeris, sed pompam, & præmissionem vocant. Immo verò ne mortuum quidem aliquis appellare audet, sed consummatum. Inde gratiarum actio sequitur, & gloria, ingensque lætitia, cum optet unusquisque tali se exitu donari. sic exire certamine, & à laboribus, sudoribusque quiescere, ac denique Christum videre. Porro agrotanti non vxor astat crinibus solutis, nec pueruli imminemtem fluentes orbitatem, non famuli expirantem importunis precibus pulsantes, vt se cuiuspiam commendatos relinquat. Sed his impedimentis omnibus solutus animus id vnum tantummodo cogitat, quomodo cum maiore gratia extremum Deo spiritum reddat. Hic est igitur, auctore Chrysostomo, fructus inter alios multos, relinquendi mature terrenacum gaudio, & cum merito, ne nos in suprema illa hora torqueant, ac erucient, cum necessitate relinquenda sunt, magno cum dolore, nullo cum merito. Vnica ergo religiosi relictæ molestiæ causa, nimirum ipsius vitæ amissio. Verum huius quoque exiguus admodum est sensus; quoniam religio ita animum assuet facit, vt etiam dum his corporis compagibus inclusus est minima sui parte teneatur, sed potius foras promineat, dum se amore in Deum, & desiderio in res cœlestes effundit. Vt enim qui carnis curæ, vel voluptatibus, vel terrenis quibuscunque rebus se dedunt, eorum animus totus in hoc quasi luto demersus inhæret, sic contra, qui se integros, castosque seruant, qui carnem coercent, & in seruitutem redigunt, animum autem sanctis studiis excolunt, eumque in res spirituales erigunt, illique defixum tenent, iis minima est cum corporibus suis conuersatio, cum potius, vt ait Paulus, eorum conuersatio in cælis sit. *Phil. 3.* Quamobrem cum mori nihil aliud sit, quam animum à corpore secernere, quod religiosi in tota vita fecerunt, non tum primum mori incipiunt, cum spiritus migrat, sed multo ante id meditati sunt, idque semper egerunt: ex quo fit, vt nullus eos in huius vitæ exitu molestiæ sensus mordeat, quasi res aliqua difficilis, aut insueta contingat. Accedit etiam quod non ab ea vita auelluntur, in qua multa sint, quæ eos retineant, ac delectent, quæ quidem vel præcipua solet esse causa huius præsentis vitæ diligendæ; sed potius in qua multa sunt incommoda, paupertatis, vigi-

liarum,

liarum, laborum, multa voluntatis, multa sensuum mortificatio; qui sunt omnes tamquam stimuli, qui ad illam quietem ardentius concupiscendam, alacriusque complectendam impellunt. Denique illud etiam magnopere adiuuat religiosos, quod non subito, & imparati ad illam extremam horam perueniunt, quin potius quotidie, non solum hoc sibi evenire posse propter huius vitæ fragilitatem reputarunt, sed etiam ut eveniret, optarunt, quia cupiunt apparere ante faciem Dei, totaque illorum vita nihil est aliud, quam recta præparatio ad mortem. Verè enim Franciscanus quidam paucos ante annos in India, ubi diu, & strenue laborauerunt, admonitus à medicis, ut se ad obitum cõpararet, Ego verò inquit, nihil aliud egi toto hoc tempore, quo hunc habitum gessi, quam hoc ipsum, ut ad hanc ipsam migrationem paratus essem. Atque hoc commune est etiam religiosis omnibus. Ipse enim status ita eos instruit, ut Dominus iussit se, summq; aduentum expectari, lumbis præcinctis, & cum ardentibus lucernis; quorum alterum ad castitatem, alterum ad bonorum operum assiduam exercitationem retulit Gregorius; utrumque autem maxime viget in statu religioso.

Lect. 12.

*Hom. 13.
Evang.*

Quod autem ad dæmonum tentationes attinet, quibus omnium obitus infestus esse solet, hoc verè dici potest, si quis sit, qui vel eas minime sentiat, vel eis maximè resistat, eum esse religiosum. Primum enim & ad Dei bonitatem pertinet, ut cuius vitam tot donis cumulauit, eius ne mortem quidem deferat, & ad nonnullam etiam iustitiam, ut qui Deo semper seruiens ipsius honorem propugnauit, tunc eius vicissim salutem Deus propugnet. Itaque non dubitandum est, quin imminente præsertim illa tam ancipiti, tamque formidabili lucta, ille, qui est fortitudo nostra, & firmamentum nostrum, præsto nobis futurus sit, ut in tempore tam opportuno mentes suorum instruat, & cõfirmet, timorem abstergat, doceat manus nostras, & digitos nostros ad prælium: quin etiam scuto bonæ volûtatissuæ circundet, & regat tum verò etiam infusis solatiis animum recreet, eumque erigat ad fiduciam æternitatis. Quod quidem si ita est, quæ regna, quæ imperia sunt cum hoc vno beneficio cõparanda? Nec vllus esse potest, qui huius vnus gratia non rectè collocatū putet, non modo quod vnum mundum reliquerit, sed si innumerabiles mundos relinquere potuisset, si solus omnes tenuisset, quo in tanta trepidatione, tantisq; angustiis, tam firmo præsidio, ac solatio frueretur. Itaque hoc primum. Accedunt deinde etiã
fratrum

fratrum auxilia, cohortationes, consilia, preces assidue, in quibus tum semper, tum nescio quo modo in illo articulo maximum est momentum & ad nos confirmandos, & ad
4. Dial. dæmonū impetus frangendos. Docet hoc Gregorius exem-
e. 37. & plo Theodori adolescentis, qui cum in eius cœnobio puerili
hom. 38. quadam licentia vixisset, cum ad extrema venisset, multique
Euang. monachi astant, precibus pro eo fundendis intenti, desperabundus clamare cœpit, ut recederent, quoniam draconi traditus esset, ut deuoraretur, quod propter eorum præsentiam facere prohiberetur. Illis igitur humi stratis, & feruentibus orantibus, paulo post æger idem iam quietus, & hilaris, confirmauit, dæmonem aufugisse, victumque, ac pulsum eorum precibus cessisse. Simile quiddam, & aliquanto etiam horribilius est quod traditur de Cunone Malburchensis oppidi domino, qui cum quadraginta annis in seculo, secularibus penè moribus, vixisset, religiosam deinde sequutus disciplinam, triennio post pie defunctus est. Quo tempore narrauit dæmon, qui energumenum obsidebat, se, & alios ex suis quindecim mille (tot enim fuisse fassus est) in morientis cellam conuenisse: sed tamen tantum abfuisse, ut ei nocuerint, ut ne propius quidem accedere potuerint, repulsi, ut aiebat, clamoribus validis, quos tōsurati illi (sic enim Dei hostis famulos Dei, eorumque orationes ludibrio appellabāt) lectulo assistentes fundebant. Adiecit etiam magnam querelam, ex qua ipsa querela religionis vis constare nobis possit, de insigni iniuria à Deo sibi facta, quod cum Cuno ille annis quadraginta ipsis dæmonibus Deo autem tantummodo tribus seruisset, eum tamen inferni pœniis ereptum. in cœlum euexisset.

Restat tertium caput de fiducia tam certa felicitatis æternæ, quam fiduciam duæ potissimum causæ in religioso efficiunt; primū nullius sibi criminis consciū esse: deinde tot ante partorum bonorū memoria, & copia: quod vtrumque abūde præstat religiosus status. Non enim hic mercaturæ rationibus implicamur, non obscuris illis, & ambiguis contrahēdi formulis, non ambitione seculi, non aliis eiusmodi peccandi occationibus. Contra vero hic multa, & perpetua materia & patiendi, & virtutes omnes exercendi, de qua antea à nobis vberius dictum est. Quamobrem recte Hieronymus in epistola quadam ad Iulianum, citius animū ad religiosam vitā impellebat, Felix, inquit, & omni dignus beatitudine, quem senectus Christo occupat seruientē, quem extrema dies Saluatori

uatori inuenerit militantē, qui non confundetur cū loquetur inimicis suis in porta, cui in introitu paradisi dicitur, Recepisti mala in vita tua, nunc autem hieletare. Bernardus quoque in eandem sententiam Romanum vrgens, vt seculi moras rumperet; Moritur quidē & iustus, sed secure; quippe cuius mors, vt præsētis est exitus vitæ, ita introitus melioris. Bona mors, si peccato moriaris, vt iustitiæ viuas. Hæc mors necesse est vt præcurrat, vt sequatur illa secura. Dum viuus in carne, morere mundo, vt post mortem carnis Deo viuere incipias. Recte igitur, & vere ab eodē Bernardo alibi dictum est, O vita secura, vbi pura conscientia. O inquā, vita secura, vbi absque formidine mors expectatur, immo & exoptatur cum dulcedine, & excipitur cum deuotione. Quamobrem de religiosis nescio quo modo præcipue illam vocem, quā de cælo Ioannes audiuit, accipere iuuat, Beati mortui, qui in Domino moriuntur. quoniā, vt ait idem Bernardus, pro Domino mori martyriū est, in Domino autem mori cōfessorum. Vt enim Romæ mori non potest, qui Romæ non erat, sic qui in Deo non vixit, in Deo mori non poterit; & cōtra, qui cū Deo coniunctus vixit, in Deo etiā morietur. Quis autem magis in Deo viuut, quam is, qui nullā omnino in terris aliam rem habet, in qua viuat? Ergo illud etiam sequitur, vt opera illorū sequantur illos, non quemadmodum secularium, qui terrenis laboribus vitam attriuerunt, ipsis abeuntibus in terra permaneant. Magna igitur res est, magnūque beneficium in illo tali, & tanto, tamque communi omnium animarum periculo, cum reliqui homines illius iudicis, ac iudicij expectatione timere, & horrere, & tremere solent, nō modo sine metu esse, sed etiā cum gaudio, hilariq; ac fidenti animo, ad mortē appropinquare, quasi vel illam vocem au-

Epist. 105

*Ad mil.
templi.
cap. 1.*

*Apo. 14.
Epi. 212.*

Mat. 20.

Mat. 25.

Canti. 2.

Gen. 4.

4. Dialo.
47.

licere sibi aliter facere, cum sciret se breui cum Deo fore. Similia multa narrat Gregorius in Dialogis, sed illud iucundum de monacho, cui Antonij nomen erat, ex ipso Gregorij cœnobio, qui nocturno viso admonitus, ut pa. atus esset ad migrandum, cum præ humilitate negaret viaticum sibi ad illud iter suppetere, responsum est ei, si de peccatis ageretur, ne dubitaret, quia iam antea dimissa essent. Meruenii vero, & adhuc trepidanti postera nocte eadem vox, eademq; monita iterata sunt. Quare cum post dies quinq; in febrem incidisset, in fratrum corona letus, & gaudens tam certa spe felicitatis æternæ, ad eam perfruendam discessit. Alterum etiam commemorat, Merulum nomine, feruentem hominem, qui aliquando videre visus est delabi sibi e cœlo in caput candidam coronam, Nec mora, morbo correptus, cum magna hilaritate abiit ad Dominum: eiûsque e sepulcro post annos quatuordecim, cum circumfoderetur, tãtam ait odoris flagrantiam manasse, ac si omnis illic florum, aromatûm. que copia collecta esset. Hæc, & plura alia Gregorius. Nicolaus verò Tolētinas, ut scriptum est, sex totis ante obitum mensibus, paulo ante nocturnas preces singulis noctibus, suauissimum Angelorum concentum audiuit, qui illi quasi prægustationem futuræ vitæ præbebat. Itaq; quo illum eius vitæ desiderio arsisse credimus, ad cuius iucunditatem tam iucunde invitabatur? Declarauit ipse, qui frequenter illud

Philip. 1. Apostoli dictum in ore habebat, Cupio dissolui, & esse cum Christo. Quin idem etiam, cum resolutionis tempus instaret, in extremo spiritu voces fundere cœpit lætantis, atq; gestientis: cuius inusitati gaudij cum fratres, qui aderant, causam quæssissent, attonitus ille, vixq; sui compos præ magnitudine rei, Dominus meus Iesus Christus, inquit, sanctissimæ Matri suæ, & Augustino Patri nostro iunxus dicit mihi, Euge serue bone, & fidelis, intra in gaudium Domini tui; in quibus verbis expirauit. Reginaldus vero vnus ex ipsis B. Dominici discipulis, cum moneretur, ut se extrema unctione, ut moris est, ad luctam cum dæmone præpararet, Ego, inquit, hanc luctam minime reformido, quin potius lætus expecto. Iam enim dudum Mater misericordiæ me iunxit, in qua plurimû confido, & ad quam cupide proficiscor. Quod autem se prius ab ea inunctum dicebat, id ita habuerat. Cum ante annos multos grauissime ægrotaret, vigilanti de nocte apparuit Regina cœli cum aliis duabus virginibus, ipsaque ad eum accedens iacentis ocnlos, aures, os, & manus vnguento, quod attulerat,

attulerat, propriis illis manibus liniuit, denique & pedes in præparationem Euangelij, vt ipsamet, quasi ex formula orans, adiunxit. Simile etiam quoddam eiusdem Virginis beneficium extitit in Adolphum Franciscanum, qui cum, relicto Alsatie principatu, sanctam, & humilem in illa familia vitam egisset, moribundo denique astitit hæc communis omnium religiosorum patrona, ac mater, innumerabilium Angelorum comitatu stipata, cumque trepidantem ita confirmauit. *Quid times fili? aut cur ob imminentem mortem angeris? Veni securus, quoniam filius meus, cui fideliter seruisti, dabit tibi coronam gloriæ. Quibus ille Virginis verbis, & aspectu adeo recreatus est, vt omnis horror mortis in ingeniem lætitiã versus sit.* Videmus etiam quæ de Gerardo fratre suo dicat S. Bernard⁹, qui media nocte pene animam agens in illam ex Psalmo vocem eruperat, *Laudate Dominum de cælis, laudate eum in excelsis. Iam tibi, inquit, frater mi, nocte adhuc media diescebat, nox sicut dies illuminabatur. Accitus sum ego ad id miraculi, videre exultantem in morte hominem, insultantem morti. Vbi est mors victoriã tua? vbi est mors stimulus tuus? Iam non est stimulus, sed iubilus. Iam cantando moritur homo, & moriendo cantat. Atque eiusmodi quidem exempla multorum, qui tranquillissime, ac suauissime, qu' n etiam cum multis ingentis gaudij signis ex hac vita abierunt, idque etiam in ipso ætatis flore, cum vita dulcior esse solet, quotidie in religionis ordinibus suppeditant pene sine numero. Certe in hoc nostro ordine, quamuis vltimo, & minimo, partim mihi ipsi plurima videre, partim ab iis, qui viderant, audire contigit, vt eius, cui cum denunciatum esset, instare discessum, ter præ gaudio illum, qui hoc denunciabat, arcte complexus est. Alter cum idem audisset, quicquid habuit voculæ infirmæ, ac pene consumptæ, id totum collegit ad recitandum hymnũ Te Deum laudamus cum maxima lætitiæ significatione. Alium etiam scimus, fugiente iam anima, inflexa in cantum voce pronunciasse versiculum illum, Latatus sum in his, quæ dicta sunt mihi, in domum Domini ibimus, & in eo ipso versiculo expirasse. Multos præterea commemorare possem, sed ne longior sim, vno recentissimo contentus ero. Gulielmus Elfinsthonius, patria Scotus, sanguine, & ingenio, & virtute admodum nobilis, cum pene adolescens nondum integro mense, postquam in Societatem nostram admissus esset, in lethalem febrem incidisset, incredibilem semper alacritatem*

*Serm. 26
Cant.*

& verbis, & vultu, & factis ipsis præ se tulit, cum satiari non posset, gratiis Deo agendis, quod in religione moreretur. Extremo autem ferme spiritu, cum fratres in cubiculum confertim introeuntes videret, in hanc ipsam vocem erupit, O gloriosam, inquit, mortem tot Angelorum agminibus constipatam. Quin etiam ingenti, atque insolito elatus gaudio, Non videtis, inquit, non videtis Angelos? simulque Angelum suum custodem compellans, aliquandiu cum eo ita loquutus est, quasi eum oculis aspiceret, à quo sibi deinde denunciatum narrauit, se per purgatorii quidem loca transiturum, sed celerrime euolaturum. Quærente autem nescio quo, qua specie, & qua forma is Angelus esset, adolescentem quendam, qui tum aderat, indicauit, qui simillimum esse dixit. Mox etiam dulcedine quadam, mixtisque feruore ita completa est eius anima, vt corpus ipsum, licet grauitate morbi, & mortis propinquitate fractum, aliquandiu tamen insolitis motibus super lectulum quasi exiliens, & gestiens agigaretur, cum omnium admiratione, qui nunquam simile aliquid viderant. Simul etiam oculos retro post cervicali cum magna quadam exultatione reflectens, ac nescio quæ, quæ à nullo percipi potuere, submurmurans, indicabat, se aliquid ibi spectare, quo maiorem in modum oblectaretur. Inter quæ gaudia repente consistens, tamquam placidissimo somno consopitus, spiritum exhalauit. Quid tali morte felicius, vel oprabilius? aut quis sit, qui non multo hanc mortem malit, quam eas, quæ in magnis palatiis sub auratis conopæis, in purpura, & serico, inter famulorum greges, obiri à satrapis solent? Atque in hoc quidem, vt in tyrone, ac nouitio, non longi temporis exercitatio, non virtutis habitus diuturni valere potuerunt, vt ei vltimum illum, & à corpore discessum, & cum hoste congressum tam facilem, tamque suauem efficerent. Sed, si caula vlla reddenda est, ipsa sola religionis vis, & in primis Dei gratia per religionem ei vberius communicata: vt vel huius vnus documento euidenter constare possit, quanto securius, atque etiam iucundius extremus ille huius militiæ (vt eam Iob appellat) actus in hoc religioso statu concludatur.

Vigessimus fructus, quod sit signum diuinæ
prædestinationis.

CAPVT XXXII.

RE G N V M cœlorum adeo magnū, vel potius infinitum
est bonum, contra vero tenebræ illæ exteriores tam
magnum, atque infinitum malum, vt homini, qui hoc cre-
dat, nulla alia cura, aut metus esse debeat, quam ne bonum
illud perdat, & ne in hoc malum incidat, præsertim cum
vtrumque necessario sit coniunctum. Itaque si aliquod ta-
le oraculum à Deo datum esset, fore ex tota hominum vni-
uersitate, qui vniquam fuissent, vel futuri essent, vt vnus
omnino ad pœnas illas damnaretur, tamen vnumquem-
que in perpetuo timore, & tremore viuere oporteret, ne
ipse videlicet is esset tam infelix, ac miser, in quem tam
horribilis fors caderet. Nunc autem cum tam sæpe, tam cer-
to, tam expresse contestatus sit Dominus, multos esse, qui
viam perditionis inueniant, paucos esse, qui viam salutis,
magna merito omnium esse debet sollicitudo, & angor, &
trepidatio. In hac igitur trepidatione tam iusta, tamque
grauis, nullum maius solatium in hac vita inueniri potest,
quam si indicia aliqua salutis nostræ, & prædestinationis di-
uinæ consequamur. Verissimum enim est, quod ait Bernar-
dus; Quando, inquit, sine testimonio electos suos deserat
Deus? aut certe, quænam eis esse poterat consolatio inter
spem, & metum, solitudine anxia fluctuantibus, si nullum
omnino electionis suæ habere testimonium mererentur? No-
uit Dominus, qui sunt eius, & solus ipse scit, quos elegerit à
principio; quis vero scit hominum, si est amore dignus, vel
odio? Quod si, vt certum est, certitudo nobis omnino nega-
tur, numquid non tanto delectabiliora erunt, si qua forte ele-
ctionis huius signa possimus inuenire? Quam enim requiem
habere potest spiritus noster, dum prædestinationis suæ nul-
lam adhuc spem tenet? Quare hic est fructus religiosi status,
isque facile vel maximus, quod tam certam spem, tamque
expressum signum contineat huius diuinæ prædestinationis,
sit sine vlla dubitatione, citra reuelationem quidem, nullum
expressius, & certius haberi possit. Primum enim inest in
hoc statu illud ipsum, quod à Domino prolatum est tan-
quam salutare indicium, Qui ex Deo est, inquit, verba
Dei audit. Itaque Bernardus ipse alio quodam loco fra-
tres suos monachos, quos alloquebatur, ita confirmat, vt

Matt. 7.

Luc. 13.

In Osa.

Pasc. ser.

2.

Ioan. 8.

Serm. 1.

sept.

credere debeant se ex electis esse, quoniam tam libenter, & cum fructu verba Dei acciperent. 1. Atque hoc quidem intrinsecum est toti statui religioso. Eorum enim quasi perpetuus pastus est quicquid procedit de ore Dei, meditando, orando, legendis diuinis libris, maxime vero, ac præcipue in eo Dei verbo audiendo, quod eos ex Ægypto ad diuinum obsequium euocabat. hoc enim ipsum, quod huic verbo obedierint, idque sequuti sint, optimum est huius argumentum,

Ioan. 10.

ex illa Saluatoris regula, Oves meæ vocem meam audiunt. Quamquam hanc quidem vocem non eo tantum tempore audierunt, ei que obedierunt religiosi, cum è mundo exiere, sed semper etiam deinceps audire pergunt, dum se in religione eius vocis vi continent, maxime cum præterea tota etiam eorum vita in Dei vocibus exequendis traducatur, quas obedientia interprete excipiunt, itaque in nullos potius

Luc. 10.

illa Domini sententia cadit, Beati qui audiunt verbum Dei, & custodiunt illud. Sunt præterea alia quoque diuinæ prædestinationis argumenta, eaque præcipue, quæ Bernardus ad fratres suos copiose disputata, ad extremum tribus illis colligit. Si contines, inquit, à peccatis si dignos agis pœnitentiæ fructus, si facis opera vitæ. Quæ quidem tria ubi vberius, melius, perfectiusque fiunt, quam in religione, aut ubi hæc sunt, si non ibi sunt? De quibus singulis satis multa à nobis etiam supra commemorata sunt. Illud vero optimum

In oct.

Pas. ser.

2.

sine dubio, magnaque fiducia plenum, quod à Domino dictum est, quasi pro euidenti indicio tum salutis, tum damnationis sempiternæ: Lata, & spatiosa via est, quæ ducit ad perditionem. Et contra, Quam angusta porta, & arcta via est, quæ ducit ad vitam? Hanc enim semitam, & hanc portam adeo angustam, esse ipsam religionem aperte testatur

Matt. 7.

Gregorius, ubi de religiosis differens, Quid, inquit, angustius est humanæ menti, quam proprias voluntates frangere? de qua fractione Veritas dicit, Intrate per angustam portam. Quid autem latius, quam nullis propriis voluntatibus reluctari, & quaqua versum impulsus arbitrij duxerit, se sine retractatione diffundere? Has igitur ob causas, aliasque simi-

32. Mo.

cap. 17.

De per-

fect. mo.

con. c. 7.

les, inest in religioso statu tam expressum prædestinationis argumentum. Itaque recte de hoc B. Laurentius Iustinianus, Secure, inquit, speret, post hanc peregrinationem, ad illam supernam intrare Hierusalem, quicumque in iustorum congregationem fuerit vocatus. Magnum quippe electionis indicium est, huius fraternitatis habere consortium, facileque

ab illa

ab illa excluditur, qui ab hac fuerit segregatus.

Verum quid hac in re, vel rationum momenta, vel co-
iecturas inquirimus, cum ipsius Domini, ac Saluatoris no-
stri apertissimam promissionem teneamus? Sic enim ait,
Omnis, qui reliquerit patrem, aut matrem, & fratres, aut *Mat. 19.*
domum, & agros propter me, centuplum accipiet, & vitam *Mar. 10.*
æternam possidebit. Hoc Matthæus, hoc Marcus, hoc etiam *Luc. 18.*
Lucas, iisdem fere verbis commemorant, ut hoc ipso osten-
datur quam id certum, & notum etiam esse voluerit Spiri-
tus sanctus. Ac de centuplo quidem, quod præsentis est vi-
tæ, alias dicitur; cum de huius status iucunditate differemus:
nunc de promissione beatitudinis, in qua tam luculentum
inest prædestinationis signum. Videndum autem quis pro-
miserit, & qua formula, & quam rem promiserit. Nam qui
promisit, est De⁹ ipsa veritas, qui nec falli, nec mutari potest,
nec obliuisci, neque vero impediri, quo minus eam velit, &
quæ dixit, efficiat. Quare ut de hac re quiddam humano
loquamur more, videretur mihi religiosi tam bene cautum,
ut nihil amplius desiderate eis liceat, cum habeant ipsius
Christi syngrapham, quam etiam ad eius tribunal proferre,
& cum Deo disputare possint, ut aiebat B. Iob, atque ex ipso
eius chirographo æternam gloriam exigere. Verum id mi- *Iob. 13.*
nime quidem opus erit, eadem enim bonitas, quæ illum
impulit ad promittendum, impellet etiam ad præstandum,
& perficiendum abundantius, quam promiserat. Sed videnda
est etiam promissionis huius formula, quam ampla, & ma-
gnifica sit. Omnis, ait, qui hæc reliquerit. quo verbo, ut per
se sonat, tam expresso, tam generali, cunctos comprehen-
dit, neminem excludit, ne locus relinqueretur vel Satanæ
ad cauillandum, vel cuiquam religioso ad diffidendum. Itaque
clarius etiam apud Lucam, Nemo est, inquit, qui reli-
quit domum, aut parentes, aut fratres propter regnum Dei, *Luc. 18.*
& non recipiat multo plura in hoc tempore, & in seculo fu-
turo vitam æternam. Cõstat igitur neminem ab hac pro-
missione exceptum esse, non pauperem, non diuitem, non
nobilem, non ignobilem, non qui multa, non qui paucâ
reliquit, modo quicquid habebat, reliquerit: denique non
etiam eum, qui ad nonam horam vocatus, breui tempore in
hac vinea operari potuerit. Et quidem multæ sunt etiam vir-
tutes, quibus beatitudo cœlestis promissa est, ut mansuetu-
do, ut paupertas spiritus, ut humilitas; præ omnibus autem
caritas, quæ numquam excidit, ut ait Apostolus. Sed hæc
O 4 tamen

tamen omnia incerta sunt nobis, & ambigua. Quis enim nouit, vtrum amet quantum opus est, & eo caritatis habitus, quo opus est? atque idem de reliquis ferme dici potest virtutibus, quæ cum in animo lateant, vix suspitione attingi possunt, vix etiam credi de nobis ipsis, sine assentionis, & temeritatis periculo. Ex quo fit; vt nostra spes omnis semper fluctuet. Non ita hoc religiosi opus, cui tanta merces proposita est. Non enim dubium est, aut occultum, vel obscurum, sed apertum, ac manifestum, ipsisque oculis; non animi modo, sed etiam corporis expositum, vt neque de facto, neque de facti mercede ambigendum sit, si modo nec animus desit, qui requiritur, nec deinde desit perseuerantia vsque in finem. Superest id quod promittitur, vita æterna, id est, beatissima quædam felicitas, & perfectissima, bonisque omnibus cumulatissima, eaque immortalis, & sempiterna; quæ ideo à Salvatore vita dicitur, quoniam illa demum vera, & sola est vita, quam anima viuet, cum admixtione corporis liberata, vel certe ipso corpore spiritali effecto, pura, & integra Deum videbit, sicuti est, & ipsa quoque in eius claritatem transformabitur. Hoc ergo promittitur, in quo vno omnia, quæ desiderari possunt, & multo etiam plura, quam mens nostra capere, vel desiderare, aut etiam intelligere queat, promittuntur. Quanti igitur æstimanda est tanta spes, tamque certa, & ipsius Christi, qui dominus est huius vitæ, & huius gloriæ, promisso, ac iuramento etiam quodam sancita, & confirmata? Antonium Parauinum ferunt, cum reuelatione cognouisset laicum quendam, & quidē, vt tum erat, moribus non optimis, ex numero electorum esse, tanto eū honore, & reuerentia colere cœpisse, vt non modo alij mirarētur, sed ille etiam ipse laicus stomacharetur. Sed Vincentius, vt illi indignanti, ac pene minitanti respondit, tenere se non poterat, quin eum, quem illi gloriæ prædestinatū cognouerat, omni studio iam nunc in terris veneraretur. Franciscus autē, cum aliquando in extasi de sua prædestinatione certior factus esset, vt sibi redditus est, exclamauit statim, Laudetur Dominus Deus meus: ipsi gloria, & honor sine fine. quin etiam proximos octo dies sic transiit, vt nec vlla de re loqui, ac ne horas quidem canonicas recitare posset, sed hoc solum in ore haberet, idque semper repeteret, Laudetur Dominus: tanta eius animus lætitia, atque exultatione, & quidē iure, ac merito gestiebat. Igitur si Francisco, & omnibus, quibus eiusmodi facta sit à Deo promissio, tantam attulit gaudendi,

dendi, & exulrandi materiam, quanti etiam religiosus quisque æstimare debet hanc eiusdem Dei vocem, qua eadem plane beatitudo sponderetur? Hoc enim tantum interesse videtur, quod illa promissio facta erat homini, hæc autem facta est statui. Verum quid hoc refert, modo statum non deseramus, ei que conuenienter viuamus? Sic enim etiam in humanis rebus videmus; ubi reges, ac principes quasdam immunitates, ac beneficia hominibus concedunt, quasdam autem locis ipsis; quod idem est, quoniam qui in ijs locis habitant, ita iis fruuntur omnes, ac si ipsis nominatim essent concessæ, neque ijs aliud agendum, aut laborandum est, nisi ut ab eo loco non recedant. Quid ergo maius, vel ad solatium nostrum aptius in hac peregrinatione, vel potius hoc exilio, contingere homini potest? Venerant aliquando Apostoli ad Dominum cum gaudio, quoniam in eius nomine etiam dæmones eis subiicerentur, quibus Dominus, Nolite, ait, in hoc gaudere; gaudete autem, quia nomina vestra scripta sunt in cælis. Hoc idem videtur mihi religiosus dici posse. Gaudeant alij vel auro, vel hominum plausu, aut dignitate modo sperata, modo adepta. Nos autem multo maiorem multoque veriore habemus gaudendi causam, ex eo quod tam certo indicio credere possumus, & vero etiam debemus, nomina nostra descripta esse in illo vitæ libro, qui Agni sanguine in Dei pectore exaratus est. Atque hoc quidem beneficium non ad alteram tantum vitam pertinet, sed in hac ipsa vita omnium beneficiorum fons est. Nā quos Deus prædestinavit, eos deinde & vocat, ut scripsit Apostolus, & vocatos cōseruat, confirmat, augetque donis suis, eos à dæmonum impetu defendit, vel illos arcendo, vel certe suppeditanda suis gratia, ut faciant cum tentatione prouentum; denique ita in eis & interna, & externa disponit, ut omnia ipsis in bonum cooperentur, illudque exeret, quod Saluator ad Patrem passione imminente loquutus est, Quia quos dedisti mihi, non perdidi ex eis quæquam. quoniam iustorum animæ, ut scriptura dicit, ita in manu Dei sunt, ut nulla creata vi inde erui, & extorqueri queant. Quare cum hæc omnia prædestinatio complectatur, sequitur, ut religiosus status, quantam nobis prædestinationis spem affert, tantam etiam afferat horum omnium. Quin etiam ut hæc ex parte Dei in nobis efficit, sic ex parte nostra aduersus Deum illa efficit optima, & saluberrima. primum ut eum redamare cogamur, qui nos amauit tam magno, tamque vetusto amore, nempe ante mundi constitutionem,

Luc. 10.

Rom. 7.

Ioan. 12.

Io. 18.

Sap. 3.

credendum de ceteris omnibus religiosis ordinibus, cum omnium pat sit, eadēque ratio. Itaque hoc etiam inter cetera magnum quoddam est religionis bonum, esse in tutela, ac patrocinio magni Dei, cuius sapientiam nihil fugere, cuius potentiae nihil resistere possit. Quare quos ille tuendos suscipit, cum ijs omnino praeclare agi necesse est. Sunt autem causae multae, quae Deum impellant, ut hoc patrocinium religionis suscipiat, eaque prima, quam ille, ut diximus, B. Francisco indicauit, quod ipse huius operis auctor sit. Ipse primū hae viuenti instituta efformauit, ipse idem deinde singulos, qui ad ea se adiungunt, excitat, ipse solus hae desideria inspirat, ipse perseverandi gratiam, & opem praestat. Itaque ut pater filium, ut quivis artifex opus suum, sic Deus hunc suum partum, talēque praesertim partum, & diligit, & protegit. Altera causa est fructus ipse, qui ex religiosa quaque familia existit ad augendam Dei gloriam. Nam ut agricola vineam, ut pastor gregem suum curat, & custodit, in cōque munere hybernas noctes, & aestivos soles libenter tolerat, nec ullis parcit laboribus, nimirum ob commoda quae percipit, sic Deus non solum ob suam bonitatem sanctis hisce gregibus providentiam suam impertit, sed, si hoc dicere licet, ob aliquam etiam utilitatem. Cur autem non liceat hoc dicere, cum Paulus Apostolus tales Dei famulos appellet vas sanctificatum in honorem, & utile Domino? Tertia est etiam ratio ob ipsam virtutem, ac pietatem, cuius vis tanta est, ut in quibus sit, eos quam maxime Domino Deo commendat, atque ob hanc causam numquam eos sua cura desertos esse pariat. Vnde sunt illa Prophetæ, Me autem propter innocentiam suscepisti, & confirmasti me in conspectu tuo in æternum, & alio loco, Oculi Domini super iustos, & aures eius in preces eorum. Multae tribulationes iustorum, & de omnibus his liberabit eos Dominus. Item illud Ecclesiastici, Oculi Domini ad timentes eum. Illud verò maximū, quod est apud Zachariam prophetam, Qui tetigerit vos, tanget pupillam oculi mei. Quid enim amplius dici potuit? Parum fuit dicere, Me tanget, sed eam partem nominavit, quae est in homine carissima, eadēque ad sensum mollissima. Quae quidem ut in eos omnes conveniant, qui pietatem ex animo colunt, tamen etiam praecipuo quodam modo religiosis conveniunt, quo hi diligentius, exactiusque id faciunt, seque totos, ac totas suas vires huic uni impendunt. Accedit quarta causa propria ferme religiosorum. Ita enim observatum est,

2. Tim. 2.

Psal. 40.

Psal. 31.

Eccl. 15.

Zach. 2.

Psal. 9.

Psf. 114.

Psf. 145.

est, hunc esse Dei morem, ut qui maximè humanis destituuntur auxiliis, eos maxime in suam fidem recipiat, eorumque propugnationem suscipiat. Nam de eo sic scriptum est, Tibi derelictus est pauper, orphano tu eris adiutor. & alibi, Custodiens paruulos Dominus. Itémque, Dominus custodit aduenas, pupillum, & viduam suscipiet: quæ videlicet hominum genera nullum habent hominum prælidium, quonitantur. Hoc igitur eodem nomine religiosi quoque Dei patrociniū debetur. Ipsi enim verè sunt pauperes, qui neque habeant quicquam, & habendi etiam potestate se exuerunt; hi verè orphani, ac pupilli, qui non modo patrem, ac matrem reliquerunt, sed etiam res omnes creatas, hominum fauorem, principum gratiam, diuitiarum potentiam: Itaque verissime sunt orphani, & omnibus humanis auxiliis orbat: ijdem quoque sunt paruuli, cum se adeo abiecerint, & humiliarint: ijdem etiam verissime aduenæ, qui tamquam in hoc mundo hospites, & peregrini, nullam habeant hic ciuitatem permanentem. Quæ cum ita se habeant, in religiosos maximè cōuenit, quod à Dauide propheta dictum est, Qui habitat in adiutorio Altissimi, in protectione Dei cæli commorabitur. Non enim quemadmodum seculares ad Altissimi auxilium subinde confugiunt, sed quia in eius domo, & familia viuunt, ideo & in eius adiutorio semper viuunt, & in eius protectione perpetua commorantur. Itaque illa etiam consequi necesse est, quæ ibidem copiosius commemorantur, ut scapulis suis eis obumbret, & scuto suo eos circundet, nec timeant à timore nocturno, id est, à clandestinis inimici insidiis, neque à sagitta volante per diem, id est, ab eiusdem congressibus manifestis.

Sunt autem innumerabilia beneficia, quæ in nos manant ex hac protectione Dei cæli, sed si certis capitibus restringenda sunt, ad quatuor ferme reuocari possunt. Alia enim ad animum, alia ad corpus pertinent, alia ad ipsorum ordinum perpetuam conseruationem; alia denique ad defensionem aduersus eorum hostes. Primum igitur curat Deus famulorum suorum animas, idque præcipue, dum eas promouet ad virtutem, dum, ut antea dicebamus, non permittit tentari supra id quod possunt, & in eo ipso, quod permittit, gratiam præstat, ut multiplicata gloria superiores discedant, dum denique non aliter ac strenuus doctor in discipuli, quem valde diligit, profectus litterarios, ita eius maiestas in suorum profectus spirituales omni studio, ac vigilantia incumbit;

cumbit; ut rectè de ipsis dici possit, quod est in psalmo. Beatus homo, quem tu erudieris Domine, & de lege tua docueris eum. Sed hæc ipsa animarum cura eo etiam evidentius apparebit ex corporum cura, quæ cum tanto ignobiliora sint, atque istamen tam diligentèr, tamque amantèr à Domino consulatur, facile cognoscemus quid deinde providentiæ in spiritum ipsum collaturus sit. Ac de hæc quidem cura verè dici potest; nullum umquam patremfamilias liberis, quos ipse genuisset, alendis, & sustentandis tantum sollicitudinis impendisse, quantum Deus alendis religiosis. Habemus autem huius exemplum quoddam in Salvatore, cum multitudine, quæ illum in desertum sequuta erat, conspecta, dixit, Misereor super turbam, quia ecce iam triduo sustinent me, nec habent, quod manducent. Quanto enim magis nunc de cælo idem dicet, idemque sentiet de religiosis omnibus? Nam turbæ quidem illæ, nec amplius triduo durauerant, neque adhuc sua reliquerant, & ad ea paulopost redituri erant. At qui se Deo in religione dicarunt, non tribus tantum diebus, sed tota vita illum sustinent, nec sibi quicquam reliqui faciunt, aut facultatem ad sua redeundi retinent, quæ iam & deliberatione, & voto etiam expresso reliquerunt. Igitur ad Dei providentiam pertinet, necessaria eis vitæ præsidia suppeditare; quod quidem ita assidue, & diligentèr facit, ut ea procuracione etiam delectari videatur. Facit autem eodem modo, quo ceterum suæ providentiæ ordinem & suauiter, & constanter exequitur. Ut enim frumentum, ut vinum, quo hominum usus indiget, non de nihilo repente creat, aut de cælo miraculose demittit, sed alterum ex agris, alterum ex vitibus profert; sic religiosi necessaria suppeditat, ipsis quoque per secundas causas, nimirum per aliorum hominum manus, quorum ille quidem mentes ad hoc impellit, & mouet: cuius specimen in Helya videmus, quem Dominus in tempore famis aluit, sed per mulierem, idque ipse indicauit his verbis, Præcepi, inquit, mulieri videri, ut pascat te. Quamobrem commode, & verè S. Francis, ut accepimus, illum psalmi versiculum, Panem angelorum manducauit homo, applicare solebat ad eum panem, qui eleemosyna quæsitus esset; propterea quod is Angelorum instinctu donaretur. Hanc verò Deus ordinariam curam, ne ulli dubia esset, quibusdam etiam extraordinariis, & mirabilibus documentis sæpè demonstrauit.

Quo

Psal. 93.

Mar. 8.

3. Reg.

17.

Psal. 77.

2. Dial.
cap. 21.

Quo in genere narrat Palladius, cum Abbas Apollo una cum suis discipulis in deserta regione versaretur, & instante Paschate, cibaria defecissent, non defecisse tamen Domini benignitatem, repente enim affuisse viros quosdam ignotos, qui se ex longinquo loco venire dicerent, multamque attulisse annonam, panes ptagraudes, vnam recentis lactis, aliquantum etiam mellis, varios præterea fructus, mala punica, ficus, vuas & alios, qui planè in Ægypto non nascuntur, nec ab ijs umquam visi erant, idque ea copia, ut ad Pentecosten usque suffecerint. Quod ad hanc Domini bonitatem addi potest, qui nō modo suis in tempore prouidit, sed etiam, ut tali tempore, lautius, & copiosius? Nec dissimile est, quod de sancto Benedicto narrat Gregorius, cum in magna caritate eius cœnobium omni frumēto destitutum esset, inuentos esse ante fores ducentos farinæ modios, nullo planè conscio, unde, aut à quo allati essent. Idem contigit etiam Columbano viro sanctissimo, qui sede inter solitarias rupes fixa, cum ipse, & eius fratres plures iam dies famem tolerassent, repente hominem conspiciunt cum aliquot iumentis panē, pulmentūque onustis. Is autem referebat, se subito iumentis instinctu commotum, ut ad eos com meatum illum afferret. Atque alio quoque tempore, cum ceteris iam deficientibus, diutius agram vitam syluestribus herbis, atque arborum corticibus sustentassent, Salicensis Abbas per quietem à Deo admonitus est, ut famulis eius fame laborantibus subueniret; quin etiam oneratis vehiculis, cum via ignoraretur, equi ipsi permissis habenis, Angeli ductu, ad eum locum quaerunt, vbi Columbanus cum sociis latebat. Illuste autem huius ipsius diuinæ prouidentię monumentum in S. Francisco ostēdum est, tum alias sæpè, tum maximè in generali conuentu fratrum, quem is primum Assisij habuit, quo cum ad quinque millia confluxissent, seuerè omnibus interdixit, ne de rebus ad corpus pertinentibus solliciti essent, ex illa psalmi sententia, quam sæpè in ore habebat, *Psal. 44.* Iacta super Dominum curam tuam, & ipse te enutriet. Aderrat huic Francisci edicto B. Dominicus, ei que hoc nimium visum est, cum vereretur, ne quodammodo Deus tentari videretur, si non tantæ multitudini alimenta pararentur. Nec multo post, ecce ex omnibus finitimis vrribus, & pagis, concursus hominum, ac iumentorum omnem omnis generis comineatum, supellectilem, & vasa deferentium, quæ res ita Dominicum permouit, ut ab eo tempore consueverit redditus omnes

omnes à suo quoque ordine, qui tum nascebatur, remouere, diuino fretus præsidio, cuius tam insigne indicium oculis suis viderat. Quin ipsi quoque Dominico quidpiã eiusmodi expectari contigit. Nam Romæ cum esset in suo Monasterio, nihilque penitus ad victum superfuisset, quin etiam duo, qui tota vrbe ostiati mendicauerant, nihil retulissent, vt tanto illustrius esset Dei beneficium, nihilo tamen minus iussit omnes suos ad mensam adhuc vacuam conuocari: cui vt accubuerunt, statim duo adolescentes, egregia forma, medio cœnaculo apparuere, qui singulis singulos panes miri candoris apposuerunt, initio facto ab eo, qui intus sedebat, eaque distributione peracta, submissis honoris gratia capitibus, ex omnium oculis euanuere. Mox Dominicus vinum postulauit: respondentibus verò ministris nullum esse, iussit ex vacuo dolio peti. ad quod accedentes, optimo vino redundans inuenerunt. Quantum igitur in illa mensa gaudium fuisse putamus? quas lachrymas præ lætitia profusas, cum tantam Domini benignitatem, tantam ipsorum curam viderent? Possent similia multa commemorari de omnibus ordinibus, possent etiã de hoc nostro, sed pleraque nota sunt, nec est ferè in sanctorum historiis, quod crebrius occurrat.

Tertium caput erat conseruatio, & propagatio istarum omnium familiarum, in quo certè multum etacet diuinæ caritatis, atque huius ipsius, de qua agimus, prouidentiae. Quis enim non valde miretur, cum videat, per tot iam secula, tam multa prodisse alia alio tempore religiosæ vitæ instituta, partim inter se dissimilia, partim etiam finitima, atque omnibus tamen perpetuo suffecisse homines, ita vt nulla propter vetustatem exoleuerint, nulla propter nouitatem repudiata sint? Nam vt in fontibus aliquam vim latere necesse est, quæ perennem illam gignat aquæ copiam, vt etiam in ciuitatibus ne omnino incolis orbeantur, aliis cadentibus, alios generari oportet, & esse qui generent: sic in his cœteribus aliquid sine dubio est, quod eos cõseruet, multiplicet, & opportunis supplementis instruat. Hoc autem nihil humanum esse potest, sed totum diuinum est. Vuus enim, vt ante diximus, Deus est, qui salutaria hæc consilia animis instillet, atque eos ad quam maxime velit vitæ rationem inclinet. Addam etiam illud, cum ex tam multis ordinibus aliqui aliquando fuerint, quorum disciplina à pristina sanctitate deflexerit, ac degenerarit, in eo etiam ipso hanc Dei bonitatem apparete, quæ illis, qualescumque sint, tamen operarios suppeditat.

ut stent, suumque locum, ac stationem in Dei Ecclesia tueantur: quasi id agat Dominus, ut intelligatur, quam constanter fidem, ac patrocinium præstet ijs, quos semel in suam clientelam acceperit, & quid integris, atque incorruptis ordinibus facturus sit, quando etiam remissos, & penè labentes non negligit.

Superest quartum ex propositis, perpetuum quoddam Dei studium in protegenda omni religiosa familia aduersus improborum impetus, & contra in omnibus improbis, qui eis infesti essent, seuerissimo supplicio vindicandis. Magnum verò huius vtriusque exemplum vidit terrarum orbis in Columbano, de quo paulo ante mentionem fecimus, qui cum è Luxouienti monasterio à Theodorico Rege Burgundiæ impulsu auia Brunehildis, præter ceteras iniurias, in exilium pulsus esset cum aliquot è suis, primum in ea fuga satellites, qui per insolentiam vnum ex eius fratribus fuisse ceciderat paulo, post ipso eodem loco, aquis suffocatus est, ut ei propheticè prædixerat Columbanus. At Theodoricus, inito bello cum fratre Theodeberto, in Metensi vrbe, incendio, seu casu, seu diuinitus excitato, absumptus est: cuius regnum inuadens Clotharius Rex Franciæ primum sex eius filios captos omnes in tetemit, deinde Brunehildem pene alteram Iesabelem camelo impositam ignominiose per totum exercitum spectandam circumduxit, denique etiam indomitiorum equorum caudis alligatam discerpi iussit; quæ poena & illa miserrime vitam finiuit, & ea tota familia radicitus extincta, regnum omne in Clotharium translatum est. Nec valde dispar fuit tempore Antonij Magni exitus Balasij, qui Aegypti præfectus cum modis omnibus catholicos vexaret, in primis autem monachos, ut etiam publice eos virgis caedi iuberet, his commotus Antonius breui epistola ad eum scripta cælestes iras imminentes denunciauit: quam ille epistolam irridens abiecit in terram, additis minis, se cum ipso quoque Antonio, quando monachorum causam suscepisset, breui rem habiturum. Cuius quidem arrogantiae cito eum poenituit. vix enim quatr duo elapso, cum animi gratia ex vrbe rodisset, & vna cum illo familiaris quidam, huius equus, quo nullus ad eam diem mitior fuerat, repente in eum inlilit furens, dentibusq; arreptum, atque in terram detractum, ungula insuper ita contriuit, ut ei nulla vi eripi posset. Itaque non multo post fœde expirauit; admirantibus omnibus, diuinamq; vltionem manifeste agnoscentibus. Mirabile etiam

etiam fuit quod de Florentio Benedicti emulo commemo-
 rat Gregorius in dialogis, & nos alio loco perstrinximus, 2. *Dia. 8.*
 qui tum illius vitæ per venenum, tum discipulorum pudic-
 itia per obscœnum spectaculum exitium molitus erat.
 Nec impune. Nam cum Benedictus illius improbitati ce-
 dendum ratus, cum maiore suorum parte abcessisset, vix a-
 liquod spatium confecerat, cum perditus ille repentina te-
 cti ruina oppressus, tum temporalem, tum simul etiam æter-
 nam pertulit mortem. Illustre etiã fuit, magnoq; theatro
 spectatũ, quod hoc in genere accidit, anno post Christum
 natum millesimo ac trecentesimo quinquagesimo sexto, in
 Armacano Hybernix primæ, qui primũ in Anglia, dein-
 de Auenione, vbi tum Põtificia sedes morabatur, in publi-
 co Cardinalium cõuētu multa cõtra Mèdicatium statum
 euomit: quã causam cum obstinate vrgeret, nõ multo post
 è vita sublatus est, & vna cum ipso ipsius quoq; criminatio-
 nes sepultæ. Annis autem ferme viginti post hoc factum,
 aliud etiam euenit admodum memorabile. Prælati quidã,
 nescio quo spiritu inducti, de Franciscano ordine abolẽ-
 do cõsilia inter se cõtulerunt, & ad eam rẽ perficiendam
 quoddã aliquot Episcoporum cõuenticulum coegerũt. Era-
 rat autem in eadem vrbe ecclesia præcipua, & in ecclesiæ
 fenestris vitreis duæ imagines pictæ, vna sancti Pauli, qui
 ensẽm, altera S. Francisci, qui crucẽ manibus tenebat. No-
 cte Aeditu⁹ visus est sibi Paulum audire hæc dicentem,
 Quid agis Francisce? cur tuam nõ defendis familiam? Cui
 ille, Quid faciã: nihil habeo præter crucẽ, & hæc ipsa me
 admonet de patientia seruanda. Tũ Apostolus hortari, ne
 tantam ferret iniuriam, suumque ei offerre gladium. Ter-
 ritus Aeditu⁹ simul ac illuxit, accurrit in templum, certoq;
 vidit ytramque imaginem insignia inter se commutasse,
 atque in Pauli dextera crucẽ adhuc esse, Franciscum ve-
 ro gladium haberi cruore stillatẽ: quod dum secum taci-
 tus miraretur, increbuit rumor, Episcopum illũ, qui ei⁹ cõ-
 filij auctor fuerat, repertũ esse mortuum, præcis ceruici-
 bus. Ac ipse quoque nocturnum visum narrare cõpit, ac
 pro eius fide ipsas imagines omnibus ostẽtare. Multa alia
 his similia sæpe cõtigere iis, qui molestiam religiosi exhi-
 bere non veriti sunt, quorum haud fere quisquam eiusmodi
 interitum effugit; nimirũ pugnãte pro suis Domino, cuius
 causa ita cũ religiosorũ causa cõiuncta est, vt simul v-
 tráq; oppugnari necesse sit. Quare gloriẽtur sane, qui vo-
 lent

lent, Regum, ac Principum hominum gratia, atq; in ea col-
Psal. 32. ligenda studium, operamque omnem collocet. Nostra au-
 tem gloria hæc sit, vt cum propheta dicere possimus, Ani-
 ma nostra sustinet Dominum, quoniam adiutor, & prote-
 ctor noster est: in eo lætabitur cor nostrum, & in nomine
 sancto eius sperabimus. Et ille vicissim vnicuique nostrum
Gen. 15. dicat quod olim Abraham, Noli timere, ego protector tuus,
 & merces tua magna nimis. Nam & horum vtrumque con-
 iunctum est, & vtrumque, si cui alij in hac vita, præcipue reli-
 gioso conuenit, vt quoniam nullam aliam mercedem, aut
 vllum bonum expetit præter Deum, ideo eius protector, ac
 propugnator sit idem Deus.

*Vigesimus secundus fructus patrocinium
 Beatissima Virginis.*

C A P V T XXXIV.

PRÆTER hoc, quod diximus, tam certum, & euidens
 Dei patrocinium, illud quoq; ad cumulatum solatij
 tum vtilitatis consequuti sunt omnes religiosi, vt essent in
 tutela Beatiss. Virginis Mariæ, eiusque tamquã vmbra re-
 crearentur, eius præsidij munirentur. Nã vt in magna do-
 mo præter patrem familias, qui caput est, & princeps, ma-
 trem etiam aliquã esse necesse est, nõ solum ad gignendos
 liberos, sed ad eos deinde lactandos, & alendos, sic in hac Dei
 domo, quæ est Ecclesiã, etsi communis omnium parens est
 Christus, qui suo omnes sanguine regenerauit, tamẽ decuit
 suã quoq; esse matrem, quæ ad spiritualẽ hanc vitam effi-
 ciendam, & ad eandem nutriendã, & propagandã, aliquid
 ipsa quoq; virtutibus, officiis, meritisq; suis conferret. Hęc
 autẽ est salutifera hæc Virgo, vt eam appellat S. Leo, de qua
 Germanus Patriarcha Cõstantinopolitanus vetus, & grauis
 auctor hoc scripsit, Que modum continua respiratio non
 solũ est signum vitæ, sed etiam causã, sic sanctissimũ Mariæ
 nomen, quod, vt ipse ait, in Dei seruorum ore assidue ver-
 satur, simul argumẽtum esse, quod vera vita viuãt, simul etiã
 hanc ipsam vitam efficere, & cõseruare, omnemq; eis læti-
 tiam, & opem ad omnia impartiri. Hoc igitur cunctis præ-
 stat, qui modo vere viuant, sed tamen vt sol, qui in omnes
 naturales effectus influit, eo vberius influit, quo hi maio-
 res, sic illius lumen, & auxilium in omnes Ecclesiæ status
 derivatur, verũ in eos præcipue, & maxime, qui gratiæ, &
 sanctitatis

*Ser. 1. de
 passi.
 In or. de
 Deip.
 Vir.*

sanctitatis gradu excellūt. In religioso autem statu illud insuper accedit, quod magnā quandam habet cum illius vita similitudinē, in qua verē gloriari possum⁹ expressum quoddam religiosæ vitæ exemplar præfuisse. Nam paupertatem quidem eius & præsepe, & duo pulli columbarum, & cetera multa testantur, obedientiam vero ipsum coniugium, quod eā viro subiiciebat, cum esset ipsa & sanctitate, & sapientia tanto superior. De continētia autē nihil attinet dicere, cum ipsa omnium princeps hoc pudicitæ signū si stulerit, & quidem non sola voluntatis deliberatione, sed voto nuncupato. Sic enim, tum alij omnes, tum Augustinus docet, qui de ea sic loquitur. Ipsa quoque, inquit, virginitas eius gratior, & acceptior, quia non eā conceptus Christus viro violaturo, quam conseruaret ipse præripuit, sed priusquam conciperetur, iam Deo dicatam, de qua nasceretur elegit. Hoc indicant verba, quæ sibi fœtum nuncianti Angelo Maria reddidit, *Quomodo fiet istud*, quoniā virū non cognosco? quod profecto non diceret, nisi Deo virginitatē ante vouisset. Sed quia hoc Israelitarū mores adhuc recusabant, desponsata est viro iusto, non violēter ablaturo, sed potius contra violentos custodituro, quod illa iam vouerat. Simile quiddam est etiam apud Bernardum, qui inter cetera hoc quoque in ea laudat, quod legis Mosaicæ, ut ipse ait, decreta transcendens illibatam Deo corporis simul, & spiritus sanctimoniam vouisset, hoc enim propositi inuiolabile fundamentum ex eo probari, quod promittenti filium Angelo tam constanter responderit, *Quo modo fiet istud*, quoniam virum non cognosco? Quamobrē cum similitudo adeo amorem conciliare soleat, atque in B. Virgine tam euidenter religiosa quædam formula eluxerit, quis possit dubitare, quin religiosos omnes tum singulos, tum vniuersos, ipsasque eorum familias totas amore præcipuo, & singulari cura complectatur? Hoc enim est, quod alibi ait Bernardus, placere illi nuptias nostras spirituales, multo magis, quam illas carnales, quib⁹ eam cum filio interfuisse legimus: illis enim homo homini, his anima Christo eius filio copulatur.

Atque hoc etiam manifestius erit, si multorum ordinū initia inspiciam⁹, quæ cū ex huius sanctissimæ Virginis pietate, & caritate fluxisse cōstet, ab his, de quibus id constat, argumentari etiā licebit, de quibus nihil scriptum est, nullum esse ex his ordinib⁹, qui nō ipsa adiuuante fundatus sit,

Lib. de Virgi. cap. 4.

Serm. signū magnū.

Serm. de vino in aquam cōuerso.

eaque item adiuuante consistat. In primis enim de Tarchu
 siensi familia antiqua, & nobili, hoc memoriæ traditum
 est, cum adhuc recens, & tenera esset, in Grationopolitana
 diocesi, vbi nata est, & multa, vt sit, instigante dæmone,
 aduersus illud institutum vbique iactarentur, absente præ
 fertim Bruno ne fundatore, quem Urbani II. imperiū Ro
 mæ retinebat, pusillum illum gregem magna tempestate
 iactatum esse. Itaq; cum ex vna parte vitæ austeritas, loci
 horror, & vastitas, ipsamet insuper paucitas molesta, & o
 diosa, ex altera interior Dei spiritus, stellę duces, Iuris illiº
 consulti Parisiensis tam dirus exitus, alternantes in eorum
 animis cogitationes efficerent, constitisse inter eos virum
 quendam senio venerabilem, caluo capite, capillo crispo,
 qui omnipotentis Dei nomine polliceretur, sacratissimam
 Dei Matrem ipsos in loco illo deserto semper conseruatu
 ram, eisq; aduocatam, & custodē futuram, si in eius hono
 rem horarias preces quotidie persoluerent. Quibus dictis
 cum euauisset, remansit tamen in omnium mentibus no
 ua lux quædam spei, gaudiiq; ingentis: nihilque addubi
 tantes, quin senex ille esset Apostolus Petrus, statim com
 muni consensu illam Dei, & fidelium omnium parentē sibi
 patronam delegerunt: quæ quidem quam fideliter promif
 sa præstiterit, etiam nullo monēte, res ipsa declarat. Nam
 ab eo tempore ita semper solitudinem illam tenuerunt, vt
 etiam magnopere illustrarint, ipsique & numero, & nomi
 ne magnopere aucti sint. De Cisterciensibº vero atq; cer
 to idem affirmare possumus. Cū enim eius Ordinis aucto
 res duo fuerint, Robertº, qui initiū dedit & Bernardº, qui
 adeo amplificauit; de Bernardo quidem qui modo eiº scri
 pta legerit, vel de eo aliquid audierit, dubitare potest, quā
 familia illa huic Vrgini vel in primis cara fuerit, in qua
 hic eius tantus amator extiterit, & cui ipsa hūc suū amato
 rē, & famulum donarit? Robertus autē fundator, vt dixi,
 eius familiæ etiam antequam nasceretur, à Dei Matre ad
 opº illud destinatº videtur. Sic enim scriptum est, eā præ
 gnanti matri apparuisse, cum aureum teneret annulū, itaq;
 loquutam. Engardis (id enim mulieri nomen erat) filium,
 quē geris, hoc mihi annulo desponsari volo. Hæc igitur cū
 experrecta rē gaudēs notasset, iterū deinde ad eam cōfir
 mandam eadē est obiecta visio, eiusq; veritatem exitus de
 monstrauit. Ea enim desponsatio per religionē fuit: annulº
 votum Castitatis. Eadē licet dicere de Ordine Carmelita
 no,

no; quod potissimum ostēlum est Honorij IIII. tempore, quo cum de illius instituto approbando ageretur, astitisse ei ferunt de nocte Deiparam, quæ cum impulerit, & plane iusserit ut & institutum, & homines benigne complecteretur. De Seruitarum ordine nihil attinet dicere, qui se totū hui⁹ Virginis numini ac nominidicātū profiteretur, idq; ipsa eorum origo ostēdit. Sic enim fertur, Sodalitatē quādam fuisse in ipsius honorē congregatā, qui cum ipso die illius Assumptioni sacro preces, & laudes ei persoluerent, admonitos cœlesti voce seculum statim reliquisse, seque ad vnius Dei obsequium contulisse, retento semper Beatę Virginis famulatu: ideo enim Seruitas appellatos, quasi ipsius seruos. Quin etiam post annos septem eadem Dei Mater nocte quadam singulis separatim per quietē apparuisse dicitur, cum magno, & illustri Angelorum exercitu, quę vna manu pullā tunicam, altera librum apertum teneret, iubēs eos deinceps illa veste uti, & illa regula, quam sancti Augustini esse aiebat. Itaque simul ac illuxit, congregati patres, alter alteri visionem suam exponentes, cum magno gaudio decreuerunt omnia exequi, quæ cœlestis Regina præceperat. Sed nihil illustrius, & notabilius, quam quod in genere hoc de Dominicano signul, & de Franciscano ordine commemoratur præclara quadam visione ipsi B. Dominico ostensum esse. Etenim cum ipso tempore, quo de instituti sui fundamentis iaciendis cogitabat, Romæ in Apostoli Petri templo orans pernoctaret, visum est ei pandi totum cælum, Christumq; Dei filium exurgere irato atq; inflammato vultu, ternas manu lanceas vibrantem ad perdendum genus humanum, vnam in superbos, alteram in auaros, tertiam cōtra lasciuos. Cui⁹ iræ cum nemo obfisteret, sola Mater misericordiæ ad pedes ei⁹ accidens, rogauit, ut ignosceret iis, quos sanguine redemisset, quin etiā cū à Christo respōsum esset, nō esse iam iustitiæ suę, ut tāta orbis terrarū peccata impunita relinqueret, addidit illa, habere se famulos duos, fideles, ac probos, qui in mortali lib⁹ ad pœnitentiam renocandis strenuam operam impigre posituri essent. Quib⁹ verbis placatus Dominus, cum illos videre voluisset, product⁹ est Frācisc⁹, & Dominic⁹ ipse, qui hæc videbat, cui etiā cū die postera Frāciscus forte occurrisset, quem numquam antea aspexerat, tamē ex nocturno viso statim agnouit, & arte cōplexus, ut fratrē, tantique operis, ac muneris socium, exposuit ei quid sibi de v

utroque à Domino esset indicatum. Atque hoc quidem patrociniū tum alias sepe Virgo reip̃sa prestitit, tum maxime Innocentio III. Pontifice, qui cum nescio quibus causis esset in utrumq; ordinē nulla eorum culpa incitatus, & quibusdā etiā edictis eorum priuilegia, ac facultates impedisset, ij quidē ad celeste auxiliū implorandum, inter alias preces, litanias etiā quotidianas indixere, quæ dum Romæ à fratribus Dominicanis in ecclesia recitaretur, vni ex ipsis contigit, vt ipsam Virginē videret super altari stantem vna cum Filio, ita vt ipso vultu eius familiæ mœrorē, ac lacrymas, quas vberius fundebant, miserari videretur, & ad Filium conuersa hæc verba, vt in Litanis solet, iterare: Fili exaudi eos. Nec multo post ipsum etiam Innocentium ferunt, cum Neapoli decumberet, morte iam imminēte, grauius penitusse, illaque verba ex psalmo protulisse, Propter iniquitatem corripuisti hominem, & tabescere fecisti sicut araneā animam eius; statimque ex hac vita migrasse.

Psal. 38.

Idem Deiparæ studium apparuit etiam in Oliuetanū ordinem, ipso eius initio, vt accepimus. Nam cum tres primi eius ordinis fundatores conuenissent, pluresque iam quotidie eorū sanctitatis bono odore illecti ad ipsos confluerunt, nō defuere qui eos deferrent ad Pontificē, qui Auenione degebat, quasi nouarum rerum auctores: sed ab illo acciti, ac benignissime accepti, & ad Guidum Aretinū Episcopum remissi, dū in Italiā redirēt, apparuit Episcopo B. Dei Mater, Angelorū choro stipata, quæ ei viros illos commendans, cādidum insuper habitum, & regulā S. Benedicti porrigeret, qua deinceps vteretur. Cuius rei monumētum hodieq; extare dicitur Aretij in tēplo sanctissimę Trinitatis, parietib⁹ pictū, quo in tēplo & vestis, & regula illa ab Episcopo eis rite tradita est, sub Virginis tutela. Hæc etiā tutelā eadē Virgo spopōdit, & exhibuit ordini S. Hieronymi, qui, vt in ei⁹ monumētis legim⁹, cū recēs esset in Hispania, nec plurib⁹ adhuc, quā duob⁹, aut tribus, iisq; paruis cōstaret monasteriis, aliquot fratres eā paucitatē moleste ferētes, cōmunicato inter se cōsilio, ad alium ordinem trāsire decreuerāt. Iamq; abibāt, cum in ipsa via hæc Dei mater visibili specie eis occurrit, monēs, atq; adeo etiā imperans, vt in suscepto instituto permanerent: breui enim fore vt id valde propagatum viderent: se vero ordinem illum totum in suum recipere famulatum. Quæ cum dixisset, non solum illi in suō proposito cōfirmati sunt, sed ad hunc ipsum famulatum

mulatū Virginis cōtestandū, tota ea familia reliquis vesti-
 bus albam tunicā adiūxisse dicitur, quā adhuc retinēt. De-
 nique in hunc quoque numerū referenda videtur nostra
 hæc Societas I & s v. Primū enim Ignatius ipse eius funda-
 tor, & auctor, quantuscūq; fuit, non est ambigendū, quin
 Virginis opus fuerit. Sic enim accepim⁹, cum adhuc in pa-
 terna domo secularis ageret, hanc ei astitisse clarissimo lu-
 mine collucentem, sc̃que ei spectandā aliquandiu præbuis-
 se; quo aspectu, ac colloquio totum esse mutatū, ac in al-
 terum virum conuersum, paulo post etiam castitatis voto in
 eius honorē se obstrinxisse: quin etiā cū spiritualē militiā
 ingredi decerneret, eā in ipsius potissimū nomine auspica-
 ri statuit, idq; in illa nobili Montis ferrati ecclesia, vbi totā
 noctē ante eius arā in semnis excubauit, veterē quemdam
 militarem morē imitatus, quo se ei in perpetuū dicaret, ac
 traderet. Vt igitur qui glandē serit, totā arborem serit, sic
 Dei Mater, dū Ignatiū peperit, in cuius pectore, vt in Abra-
 hæ lumbis eius posteritas, nos omnes continebamur, nos
 quoque, & totum hūc nostrum ordinem peperisse creden-
 da est. Atq; hoc quidem ipsum sacerdoti cuidā nostro insi-
 gnis religionis, & sanctitatis viro diuinitus monstratū est.
 Hic erat Martinius Gutierrez Hispanus, qui tum alias mul-
 tas visiones, & reuelationes consequutus est, illamq; inter
 ceteras, quod per Galliā iter habēti, & ante Virginis sacel-
 lum equitanti, diuino lumine ostensum est, eū intra octo
 dies moriturū; quod euenit, cū ille paulo post ab hæreticis
 captus esset, inter quorū manus in summis omnium rerum
 incōmodis breui decessit. Is igitur tum alia, vt dixi, multa,
 præsertim autem de B. Virgine diuinitus reuelata accepit,
 tum illud etiam, quod nos omnes attingit. Vidit enim ali-
 quando illam eximia admodū specie micantem, veste præ-
 terea in magnam latitudinem expansa, ac sub ea veste So-
 cietatem nostram vniuersam collectam cōtineri, quam illa
 materno affectu complecteretur, eoque quasi suæ gratiæ,
 & caritatis tegumento cōfoueret. Quibus omnibus ratio-
 nibus, ac documentis, cū hoc euidenter consistet; religiosos
 omnes greges sub cura esse huius sanctissimæ Virginis, est
 sane quod maiorem in modū omnes gaudeamus, ac nobis
 ipsis de tanto bono gratulemur, quod quā beati omnes in
 cælo vt Reginā venerantut, eandem ipsam nos quoq; Re-
 ginam, & præsidem habeam⁹ in terris. Quid enim ei desit,
 qui huius præsidio fulciatur, cum nec malum ullū tantum

inuehiri possit, quod non eius virib⁹ facile depellatur, nec vllum tantum bonū, quod non eius gratia, & deprecatione facile impetretur? Nam cū ad benefaciendum duo requirantur, primum potestas, deinde etiam volūtas, vtrumque in Maria tale, ac tantū est, vt maius optari non possit. Nam potestatem quidem, vt vno verbo dicam⁹, eandem habet, quam ipse filius: sed hic natura, & propriam, illa dono, & communicatam. De voluntatis autem pietate, & benignitate, quis satis vel loqui, vel etiam cogitare possit, eius videlicet, quæ diuinæ bonitatis abyssus, cui ita coniuncta est, quodammodo absorbetur, & immergitur? Quamobrē recte Bernardus de vtroque, Regina, inquit, cœlorū est, misericors est, deniq; mater est vnigeniti filij Dei. Nihil enim sic potest potestatis eius, seu pietatis magnitudinem commendare: nisi forte aut non creditur Dei Filius honorare matrem, aut dubitare quis potest omnino in affectū caritatis trāsisse Mariæ viscera, in quibus ipsa, quæ ex Deo est, caritas nouē mensibus corporaliter requieuit. Atque hæc quidē omnibus communia: sed videamus quomodo hanc vtramq; religiosis præcipue impēdat. De potestate insigne est exēplū in Franciscanis annalibus, in quib⁹ ita legimus, Leoni, qui vnus fuit ex S. Francisci familiaribus, & quidem intimus, huiusmodi aliquando visionem obiectā. Erat magna pianities, & in ea species quædam iudicij mox futuri. Magna aderat hominum multitudo, Angelorū tubæ personabant; deniq; binæ scalæ è summo cœlo vsq; ad terram demissæ, altera candido colore, altera purpureo. Huic autem purpureæ imminens visebatur ex alto Christus, vultus habitu seucro, ac subirato. At Frāciscus paulo infra ipsum fratres suos euocabat, vt ascenderent fidenter, Dominū ita velle, eosque inuitare. Cum autem illi se per scalas audenter efferrēt, alius de tertio, alius de quarto, vel de decimo, alij de superiorib⁹, ac pene iam vltimis gradibus procidebant. Qua suorū clade magnopere commotus B. Frāciscus, eos voce magna admonuit, vt ad scalam alteram cādidadam accurrerent, illic nihil fore periculi. Itaq; cum ad eam accessissent, Mariā ei incumbentem vident, quæ eos blandissime intuens, studiose etiam iuaret, exciperetq; singulos, ita vt nullo negotio ad vnū omnes in cœlū eualerint. Hic igitur satis ostensa est eius potētia. Pietatis autē æque illustre argumentū extat in historiis Cisterciensibus, vbi scriptum est, Reinaldū vita plane, & moribus sanctissimū, cum reliquis

Serm. i.
Assump.

reliquis fratribus in messorio opere occupatis, ipse, ut erat iussus, propter ætatis grauitatem secessisset, ob eamq; causam sederet mæstus, vidisse chorū fœminarum de proximo colle descendentium, omnes vestimentis candidis, vna præeunte, quæ reliquas omnes & proceritate, & pulchritudine longe superaret. Hæc igitur cum suo comitatu, ut ad Dei famulos propinquauit, singulos perhumane, & peramater complexata, atq; etiam osculo dignata, insuper linteolis, quæ duæ comites deferebant, de illorū frontibus sudorem, pulueremq; abstergere cœpit; quin, etiam cōtētius laborantes suauius, & largius recreare. Cum autē Reinaldus secum ipse inquireret, quænam illæ essent, & miraretur, tātum audere fœminas aduersus religiosum morem, astitit ei quidam aspectu venerabili, à quo edoctus est, illam, quam videret, esse Dei matrem, reliquas vero virgines in cælo degentes: venisse autem eam ad suos illos mēssores (hoc enim verbo vsus est) visitandos. Hoc vidit Reinaldus iste; ceteri autem, illi ipsi, quibus hoc contingit, non oculis quidem viderūt, sed animis proculdubio persenserūt, dum corporis ipsius vires instauratas, dū patiētiā adauctā, dum dulcedinis gustum quendam in illa molestia instillatū perceperunt. Ex quo nobis quoque intelligendum est, etiam si sacratissimæ huius Virginis beneficia sub aspectū non cadant, ea tamen & frequentissima, & maxima, omni loco, & tempore, maximeque in ijs laboribus, quos Christi eius filij causa toleramus, in animos nostros prouenire.

*Vigesimustertius fructus, quod religiosorum preces
facilius à Deo exaudiantur.*

CAPVT XXXV.

RESTAT etiam illa religionis vtilitas certissima, ac non modo ratione, sed quotidianis experimētis confirmatissima, quod suorū preces, cum aliquid à Deo supplices petunt, ita commendat, iisque tantam gratiam addit, ut omnia facile impetrent. Atque hoc quidē tum dignitatem magnam continet, nimirū adeo gratiosum esse apud summum illum Regem, ac numen, tum vero vtilitatem quoque incredibilem. Nam Omnipotentis opibus, & viribus uti, perinde ac suis, est quodammodo omnipotentem fieri. Certe in mundo ita posse apud principes, & reges mundi, res quædam amplissima, & maxima existimatur, ideoq; ab

omnibus expeti, & omnibus modis ambiri solet. Quanto ergo maius erit, eum locum tenere apud ipsum Deū, vt & ius quoddam adeundi habeamus, & petendi fiduciam, & summā facultatē quiduis obtinēdi: Hoc igitur, quod adeo salubre, & commodum, adeo etiam excellēs, & honorificū est, defert etiam præter cetera stat⁹ ipse religiosus. Viderur enim eorum cuique illud Domini dictum aptissime cōuenire, Ego sum dominus Deus tuus, qui eduxi te de terra Aegypti: diiata os tuum, & implebo illud. Nam & amor Dei

Psal. 82. in idum, quem tanto affecerit beneficio, vt eū de terra Aegypti, id est, de seculo, tot alijs in illa miseria relictis, eduxerit, hoc polliceri videtur: & illius obedientia, qui Dei voci in tanta reparuerit, hoc vicissim mereri: & præterea multæ concurrunt causæ, cur illa bonitas, quæ diues est in omnes, qui inuocāt eam præcipue hoc faciat aduersus religiosos. Est autem illa prima causa, quam indicat propheta David,

Psal. 33. cum ait, Oculi Domini super iustos, & aures eius in preces

Psal. 144 eorū: & alibi. Voluntatem timentium se faciet, & deprecationem eorū exaudiet. Vbi autem magis vigeat iustitia, & Dei timor, quā in eo statu, qui se ob hunc ipsum timorē, in arcem quandā iustitiæ recepit? Sic enim appellare licet, & deet, religionē, quæ ita nos ab occasionibus peccandi, ita hostes à nobis remouet, vt pene difficilius sit, malum esse, quā esse probum; adeo omnis propemodum male agēdi facilitas sublata est. Altera causa est, quæ religiosus magis etiā proprie conuenit, paupertas ipsa, de qua est apud eundem

Psa. 9. Prophetam, Desideriū pauperū exaudiuit Dominus, præparationem cordis eorum audiuit auris tua. Igitur non ipsas modo preces, sed etiam tacitas cogitationes, ac desideria, antequā orando expromantur, præuenit Dominus in pauperibus, sed iis tamen, qui vere sint pauperes, id est, in pauperibus voluntariis. Nam aliorū domus fortasse, & area inops est, animus vero diues, quia diuitias amat, & quærit. Igitur principes gentiū, qui externo splendore omnia metiuntur, impensius fauere solent locupletibus, ac potentibus, tenuiores vero ne ad cōgressum quidē, vel conspectū admittere. Non ita Deus, sed his potius facillimos aditus & ad cōloquendum, & ad impetrandum præbet, qui coram ipso nudos sese ab omnibus humanis rebus sistunt, idque ipsum ob eius amorē. Cur enim illa misericordia, & illa pietas non sit in eos liberalis, qui in ipsam adeo liberales fuerūt, iisque omnia tribuat, qui omnia ei vltro tribue-

runt,

runt, quæ habebant, & quæ habere poterant: Nam in hoc etiã pro certo existimandũ est, valere illam regulã, quam ipse iam sibi in beneficiis impertiẽdis præscripsit. *Qua, in-* *Matt. 7.*
quit, mensura mēsi fueritis, remetietur vobis, immo vero abundantius etiã: addit enim. Mensuram confertã, & coagitatam, & supereffluentem dabunt in sinum vestrũ. Quod si hoc merentur officia hominibus impẽsa propter Deum, quanto magis quæ ipsi Deo impenduntur: Sequitur etiam alia causa ex humilitate. Sic enim scriptum est, Oratio hu- *Ecd. 35.*
miliãtis se penetrat nubes: & alio loco, Respexit Dominus *Psal. 101.*
orationẽ humiliũ, & non spreuit preces eorum. Sed humilitatis quidẽ duplex forma esse potest, altera ad tempus, & præsertim ad illud tempus, quo quis corã Deo apparet ad eum obsecrandum, quæ ipsa sine dubio tantum confert ad impetrandum, vt in ea omnia seime posita esse videantur, quod apparuit in Achab rege inipio, ac scelesto, qui tamen simul ac coram Deo, vt ait scriptura, humiliatus est, cum *3. Re. 21.*
quo voluit inflexit. Sed si hæc tantam vim habet, vt etiam peccatores summo illi Iudici statim conciliet, quanto efficacior erit ad eos, qui iusti sunt, magis, ac magis cõcilios humilitas illa, quæ & omnes actiones, & omnem vitam conditionem, & tempus omne complectitur: Humilitatem status dico, qualis est religiosorum, quæ nõ solum omnem seculi honorem, & fastum aufert, sed etiam ad infimum locum redigit, nempe ad vitam pauperem, aliorumque imperiis subiectam, vt si eam humano iudicio metiaris, ad seruitutem proxime accedere videatur, etsi hæc seruitus summa libertas est, & ita honorata, vt regnũ ipsius antecellat. Accedit etiã aliud, quod quãtam vim habeat ad impetrandũ, docemur ex psalmo, Delectare in Domino, & dabit tibi petitiones cordis tui: quod quidẽ si quis alius in hac vita, maxime faciũt religiosi. Hi enim alias sibi omnes delectationes eripuerũt, cõiugij, liberorum, diuitiarum, & quæ ex diuitiis consequi solent, vt venationũ, cõuiuiorum, spectaculorum, magnificarum ædium, aut vestiũ, & alias eius generis. Ac cum istas sibi omnes delectationes ademerũt, tum vero omnẽ suam delectationem in Domino collocarunt, cuius dulcedine partim orãdo, partim legẽdo, partim etiã aliis plurib⁹ modis mirifice eis perfrui licet. Aduuat etiã eos ipse stat⁹, qui quod omnino spiritualis est, & præterea tot⁹ in Dei seruitio, nihil eos terne vel cupere sinit, vel petere, quod non spirituale sit, vel ad Dei seruitiũ pertineat,

tineat. Itaque eo faciliorem oportet esse Deum in iis concedendis, quæ ita petuntur, quia cum de his rogatus exaudit, se potius exaudit, suoque honori, ac dignitati consulim. Tātum igitur refert, coniunctas, & permixtas habere cust Deo rationes, ut habēt religiosi, quorum ita communis e- causa cū Deo, cui seruiūt, ut tam aduersa, quam prospera, eadem sint vtrisque. Idem enim ijs euenit, quod etiam hominum famulis, qui du rem domini sui procurāt, quicquid in eo genere agunt, & quicquid ab ipso hero petunt, magis ad heri causam pertinet, quam ipsorum, isque eo concedēdo suum agit negotium. Ac licet hæc omnia apud Dei benignitatem tantum habeant momenti, duo tamen restant omnium grauissima, & maxima; alterum est volūtatis propriæ abnegatio; alterum caritas, & multorū fratrum vnanimis consensio. De priore illud extat apud Esaiā, qui quorundam querimoniam, quod suæ preces cum multis ieiuniis, lacrymisq; coniunctæ, non essent à Deo auditæ, ita refellit, eamque causam reddit. Ecce in die ieiunij vestri inuenitur voluntas vestra: quibus etiam pollicetur, si voluntatem suam facere destiterint, Tūc inuocabis, & Dominus exaudiet te, clainabis, & dicet, Ecce adsum. Et iure hoc quidem: nam ut inter amicos iniustus sit, qui alterum ad suam voluntatem semper præsto esse velit, ipse de sua decedere vnquā nolit; æqualem enim esse oportet amicitia legem, ut eadem vtrique placeant, quod si fiat, auctoritas etiam quædam acquiritur non solum liberrime petendi, sed suo propemodum iure sumendi quicquid alterius est: sic in diuina amicitia nihil esse potest efficacius ad Dei volūtatem inflectendam ad nos, quam si nos, & totum arbitrium nostrum in magnis, & in minimis ei permiserimus. Quod si ita est, quis melius, perfectius, perseuerantius id facit, quā religiosus, qui etiam perpetuo voto omnem suam voluntatem sibi præcidit, & pro sua diuinam inseruit? Igitur ex nonnulla etiam iustitia, quoad quidem inter hominem, & Deū intercedere potest ius vllū, licebit religioso à summa illa maiestate exigere, ut quoniā ipsi in omnibus rebus ei obsequatur, is vicissim aliqua in re sibi, quod tamen ipsū in Dei obsequiū recidit. Alterum erat fraterna coniunctio, de cuius vi quid attinet plura dicere, cum illam Domini vocē habeam? Dico vobis, si duo ex vobis cōsenserint super terram, de quacūque re, quam petierint, fiet illis à Patre meo, qui in cœlis est. Igitur si consensus quæritur, quis

Esa. 58.

Matt. 18.

vel maior, & arctior esse potest, quā religionum inter se, qui omnem omnium rerum communionem teneant, vel etiā firmior ac diuturnior, cum magno illo, & insolubili votorum vinculo sit ligatus: Ex hoc igitur fieri necesse est, vt singulorum preces gratiores, & efficaciores sint in Dei conspectu, tū propter virtutem ipsam sanctæ caritatis, qua non potest Deus nō summopere delectari, cum sit ipsa caritas, tum etiam propter illā, de qua ante multa diximus, bonorum operum cōmunicationem, quæ vnumquemque alienis quoque meritis ita ornat, vt eo etiam nomine multo plus possit. Beatū Dominicū accepimus Cisterciensi cuidam Priori, quo familiariter utebatur, ingenuè confessum esse, nihil se vñquam in hac vita à Deo postulasse, quod nō accepisset; quod ille admirans, quæsiuit ab eo, cur non ergo ordini suo Conradū Teutonem peteret, qui tum inter præcipuos Doctores ferebatur. Cui Dominicus, esse rem difficilem, sed tamen si peteret, nō diffidere. Itaque cum totam illam noctem orando vigilasset, ecce primo diluculo Conradus in templū venit, abiicit se ad Sancti pedes, supplicat vt in suam se familiam asciteat, & cum ingēti omniū gaudio, & admiratione statim asciscitur. Multa alia afferri possent huius rei exempla: pleni enim sunt omnes libri, & omnes historiæ, nec vllius fere religiosi scripta extat vita, quæ non referta sit eiusmodi beneficiis, quæ à Domino obtinuerit, partim supra naturā, quæ sunt notiora, & illustriora, partim intra terminos, limitesque naturæ, quæ sunt sane quotidiana, sed minus cognita, ac sæpe ne cognita quidem. In quo genere illa etiam mihi admirabilia videri solent, quæ Deus interdum suis concessit minuta, & minima, quasi ad hoc quoque maiestatem suam demittens, vt eorum vel precibus, vel etiam tacitæ ipsi voluntati obsequeretur. Cuiusmodi est quod de Scholastica legimus, cum ipsa precante, subitos imbres de cælo demisit, vt Benedictū fratrem suum vna nocte retineret: & de S. Thoma Aquinate, cui egrotanti aleces extra tēpus suppeditauit. itēque de B. Francisco, qui cum in graui morbo aliquid musice audire cuperet, angelus de nocte astitit, deambulans in cubiculo, lyrāque pulsans sciētissime. Quæ, & alia innumera in reb⁹, vt dixi, minimis, eo magis illā Dei facilitatē testātur, simulque ostendūt, quāto is paratior futurus sit in maioribus, quæ eius magnitudinem magis decere vidētur, & quæ præsertim cū propria, vel cum aliorū vtilitate cōiuncta sunt. Hanc enim ob cau-

sam

Hom. 4. in Genes. Iam scribit Chrysostomus, tales homines non sibi solis salutem, & vtilitatem precibus suis asserere, sed aliis quoque, & quidem integris sæpe ciuitatibus, ac populis. Quare illa etiam merito idem adiungit, Cum igitur, ait, virum videris. externo habitu amictum vili, virtute vero intrinsecus vestitum, noli id, quod appareret, despicere, sed contēplare animæ diuitias, internamque gloriam. Talis erat beatus Helyas, qui melotem tantum habebat, at purpuratus Achab illius melote indigebat. Vide Achabi inopiam, Helyæ autem diuitias.

Comparatio status Religiosi cum seculari laico.

CAPVT XXXVI.

Luc. 14. **E**XPLICATIS religiosæ vitæ fructibus, eiusque tamquā amplissimis opibus expositis, per se iam apparere potest, quanto ea interuallo aliis omnibus vitæ rationibus, vtilitate quidem, & salutis adipiscendæ facilitate antecellat. Sūt autem hi status, qui in comparationem adduci possint, laicus, Clericalis, Episcopalis, Solitarius: de quibus singulis aliquid est dicendū. Atque vt à laico, qui infimus est, incipiamus, magna est sine dubio, & euidentis inter vtrūque distantia: quam distantiam illa mihi Saluatoris parabola docere videtur, in quā Dei seruitus magnæ cuiusdam cœnæ similitudine exprimitur, à qua tria omnino retrahunt impedimenta, quæ ibidē commemorantur: Villam enī, Iuga boum enī quinque, Vxorem duxi. Itaque et si in laica vita multa sunt, & varia hominum studia, & occupationes, omnes tamen à diuina Sapientia tribus his capitibus breuissimè comprehendī videntur: idque ita etiam Ambrosius intellexit, qui scribit, docuisse Dominum hoc loco, terrena omnia relinquenda esse, quod inquit, neque ille, qui studiis intentus inferioribus, possessiones sibi terrenas coemit, regnum cœlorum adipisci possit, cum Dominus dixerit, Vende quæ habes, & sequere me. Nec ille, qui emit boues, cum Elyseus occiderit, & populo diuiserit quos habebat, & ille qui duxit vxorem, cogitet quæ mundi sunt, non quæ Dei, non quo coniugium reprehendatur, sed quia ad maiorem honorem vocetur integritas; quoniam mulier inuupta, & vidua cogitat quæ sunt Domini, vt sit sancta corpore, & spiritu. Hæc Ambrosius. Nos autem singula hæc impedimenta, & quasi vincula, quibus seculares homines alij aliis alligati

Lib 7. in Luc.

1. Cor. 7.

alligari solent, consideremus. Ac primi quidem generis pericula optime ab Augustino declarantur his verbis. In villa, *Ser. 33.* inquit, empta dominatio notatur: habete enim villam, & *de ver.* possidere, hominē sibi in illa subdere, & dominari delectat. *Dom.* Vitium malū, & vitium primū. Primus enim homo dominari voluit, qui dominum habere noluit. Quid est dominari, nisi propria potestate gaudere? Est maior potestas, illi subdamur, ut tuti esse valeamus. His Augustini verbis & ambitionis malum indicatur, quę dominatum, & excellentiam inter homines appetit, & religiosorum felicitas, qui diuinę potestati, ut ille monet, omnino, penitusque subduntur, seque illi votorum vinculis insolubilibus constrictos tradunt. Ac illi quidem, qui dominandi cupiditate tenentur, quanto in discrimine versentur, diserte ostendit Gregorius, tum alias sæpe (nullū enim aliud ferme vitium tam acriter exagitaui) tum vero in illa verba, quę sunt in libro *24.* Iob, Qui dicit Regi Apostata, qui vocat duces impios, Cuius sententiam si breuiter complecti velimus, tres maxime *Mor. 14.* timendi causas inter honores, ac dignitates inueniemus. Primū quoniā cum earum amor animum alicuius occuparit, nullum decus, nulla honestas tanti erit, quam non ambitioni posthabeat. Hinc enim à Gregorio dictum est, Numerari culpę nequeunt, quę habēdę potestatis amore perperantur. Deinde ipsemet excellentię appetitus, etiam si nihil aliud peccetur, per se tamen in vitio est, & quidē magno. Ideo enim Gregorius idem dictum putat, Qui dicit Regi Apostata, quia, inquit, vnusquisque rector toties ad culpā apostasię dilabitur, quoties præesse hominibus delectatus, honoris sui singularitate lætatur. Tertiū periculum est ex officij suscepti magnitudine, si vel nō iuuētur subditi ad bene viuēdum, vel, quod est peius, etiam malis exēplis deteriores fiāt. Quā ob causam, auctore ipso Gregorio, dictū est de Deo. Qui vocat duces impios, Quia, inquit, dux est impius, qui à tramite veritatis exorbitat, & dum ipse in præceps ruit, ad abrupta sequētes inuitat. An nō igitur miseri sunt, qui cœna illa neglecta, bonis omnibus referta, in horū se malorū turbam, & aliorum quoq; plurimorum volētes coniciunt? Mihi quidē non solum miserrimi, sed etiā stultissimi videntur, qui cum ad regium conuiuiū vltro, & gratis inuitētur, nullo ipsorū sumptu, nullo labore, illi tamen tāto pretio tam infelicē villam emere malint. quo autem pretio: seruitutis, sollicitudinis, plurimarū curarum, & angorum

angorum, quæ carior est merces, quâ auri, aut argenti: hæc enim exteriora sunt, illa interiora, & quæ nos penitus tangût. Comparemus nunc religiosi hominis vitam remotam ab hac ambitione, tranquillam, sedatam, omnisque perturbationis expertem, denique cænæ plenæ, ac magnæ similitudine designatam. Sunt enim in cænâ hæc tria præcipua, quies in accubitu, suauitas in epulis, iucunditas in conuictu, colloquioq; cõuiuarû. Quæ autem maior animi quies, quâ religiosi, qui nihil in hoc mundo appetit, omnia abiecit, vno autē Deo fruatur, à quo certus est, vt Apostolus loquitur, neq; instantibus, neq; futuris separari se posse? Quæ autem dulciores epulæ, quam cœlestiû rerum tractatio, quæ animæ palatum mirabiliter oblectant, & demulcent? qui enim tauri, quæ altilia, aut quæ condimenta cum illis deliciis comparari possunt, quæ nobis ex illo superno beatorû conuiuiο cadût? Atq; hæc deinde omnia augentur, magisque dulcescunt, suauissima sodalium, fratrumque cõiunctione, qui nobiscum huius cænæ participes sunt. Nam cū omnis hominû societas maxime iucunda, maximeque naturalis est, tum præfertim talium hominum, qui & virtute præditi, & nobiscum ita sint astricti. Hac igitur cænâ fruitur religiosus quisque, totaque hæc vita perpetua est quædam cænâ; quoniam, vt est apud Sapientem, Secura mens, quasi iuge cõuiuium. Hic sine periculo, & sine trepidatione viuitur, nulla etiam cogitatione rerum, ac negotiorum difficiliû; hæc enim omnia, quæ molesta sunt, de industria remoueri à mensis solent, vt nulla ratione tantis, tamque securis voluptatibus comparari debeant illorû occupationes tam anxie, & tam periculose, qui in villa emenda totam suam vitam impendunt.

Rom. 8.
Pro. 15.

Sequuntur alij, qui pluribus boum paribus emptis, toti sunt in lucro, & negotiatione, & rei amplificatione. Miserû certe, & si verû quærimus, etiam vile hominû genus, qui in rem tam contemptâ curas, & cogitationes suas abiecerûnt. Itaq; iure Saluator illius typo hos conclusit, qui boues ad hoc emisset, vt agros coleret, quod opus infimû sine dubio est, & maxime ignobile. Vt enim qui id op^{us} faciûnt, terram subigût, terram oculis spectant, & animo etiam cogitant, sic qui diuitiis quærendis studet, quocûq; artificio id faciat, nihil aliud quam terrâ tractat, quoniâ hæc omnia, si recte estimemus, terrena materia cõstât, sed externa specie insipientiû oculos fallunt. Nam quid de peccandi periculis

culis dicamus, quæ emendo, vendendo, contrahendo, impendent, & quæ euitari vix possunt, præsertim cum habendi desiderium humano animo semel insederit? Itaque hoc constitutum sit, omnē hanc vitam, quæ cupiditate duce in quaestu faciendo versetur, ne vllam quidem partem habere cum religiosa vita conferendam. Illa enim semper inquieta, turbulenta, sollicita: hæc semper in summa tranquillitate, & pace, nempe remotis iis causis, quæ cum perpetuæ casuum varietati sunt expolitæ, magnam afferunt perturbationē. In illa frequētissimæ sunt æternæ mortis pericula, hic omnia salua, omnia tuta. In illa denique nulla, aut pene nulla spiritualiū rerum cogitatio; hic vnum earum studium, vna delectatio.

Superest tertium genus, eorum, qui vxorem duxerunt, de quorum vinculis alio loco copiosius dictum est, sed tamen hoc summatim dici potest, id quoque impedimentum maximam omnino vim habere, vt à cœna illa excludat. Etenim si boum negotiatio, & thesaurizandi studium sufficit ad impediendum, quid faciet is, qui vxore ducta eadem primum thesaurizaadi necessitate vrgetur, & præterea ipsis etiam vxoris, liberorum, familiæ, & multarum rerum, quæ hæc consequuntur, curis illigatur: ex quo magnam Dei obliuionem, & ignorantiam, atque ex vtraque magnam peccandi proclinitatem nasci necesse est. *Serm. de tribus ordin.* Quamobrem recte, & commode Bernardus ita religiosum ordinem cum ordine Prælatorum, & coniugatorum comparat, vt dicat, omnes quidem operā dare, vt hoc præsentis seculi pelagus magnum, atq; vndosum pertranseant, sed iam modo multum interesse. Prælatos enim naui transmittere, quod omnino non vacat periculo, præsertim in tantis procellis, & tempestatibus, in quibus, vt ille ait, modo vsque ad cœlos ascendunt spiritualia tractantes, modo vsque ad inferos descendunt, infernalina facta diiudicantes. Secundos porro, qui sunt religiosi, ponte transire, quod iter & breuius, & facilius, & denique securius quoque esse constat. Tertium demum esse eorum statum, qui castum sequuti coniugium, terrenarum etiam rerum possessionem retinuerunt. & eos quidem neque ponte, neque etiam naui, sed plane vado transire, laboriosum prorsus, inquit, & periculosum habentes iter, quippe qui nulla viæ compendia captēt. Nam quod periculosum sit iter, in eo patet, quod tam multos in eo perire dolemus, tam paucos videmus, sicut necesse est, pertransire. Valde enim difficile est, præsertim istis diebus, quibus militia nimis inualuit, inter vndas huius mundi, voragi-

voraginem vitiorum, & criminalium peccatorum foueas declinare. Hæc Bernardus, quæ sane admodum luculente & illorum miserâ, & nostram nobis felicem sortem ob oculos ponunt, cum illi tam difficili, & periculosa, nos ea via ingrediamur, in quam tria illa concurrunt, breuitas, facilitas, securitas; quæ quicumque teneat, nihil amplius desiderare possit.

Quid igitur iam singulas viuendi formulas persequamur, quæ intra hæc, quæ diximus, genera continentur, vt mercatorum, vt militum, vt aulicorum, vt etiam iurisperitorum, & eorum omnium, qui in litteris ætatem agunt? Quod enim est ex his omnibus institutis, quod vel in comparationem cum religione venire audeat? Omnino ex his omnibus maxime ingenuum, ac liberale illud est institutum, quod in litterarum cognitione versatur idque eiusmodi, vt in eo facilius aliquanto homines salui esse possint, si serum, quas Deus condidit, sciëntia ad eiusdem Dei earum auctoris amorem, & timorem sibi gradum facere velint. Sed tamen hoc ipsum quam difficile, & raram in seculo, vbi suas quisque spes sequutus, alius honorem, alius quæstum, alius famam, & gloriam, corrupto scilicet sine, in magna omnes studiorum, & cogitationum inanitate voluunt? Itaque euenit in plerisque quod ait Bernardus, vt alij scire velint, vt seiant, quod vanitas est, alij vt sciant, quod curiositas est, alij etiam vt scientiam vendant, quod mercatura quædam est. Quod si hæc secularis litteratura his periculis exposita est, vt iam fere nihil sit aliud, quam instrumentum vel auaritiæ, vel ambitionis, quid de aliis dicendum erit, & potissimum de iis, qui in principum obsequio vitam agunt, quorum quidem rationem si cum religiosorum ratione vel conferre velimus, iniuriam sine dubio huius sanctitati faciemus. Est tamen in hoc ipso similitudo nonnulla, quod vtrique seruiunt, vtrique etiam huius seruitij præmium expectant. Cæterum in rebus ipsis nulla comparatio. Nam & merces illis dubia, his certissima; illis fluxa, caduca, & quantacumque sit, pusilla, & exigua, his æterna, immortalis, & omnino maior spe, maior cogitatione nostra. Præterea illorum Domini mortales, mutabiles, ac plerumque difficiles, & morosi, quibus etiam multo labore satisfieri nequeat, & sæpe gratiam multis annis collectam vna levis offensio effundat: nobis autem tam pius, tamque clemens Dominus, vt ipsas etiam culpas, ac negligentias facillime ferat, ipsique potius vltro medeat, is denique de quo vere,

& sapienter

Ser. 36.
Cant.

& sapienter dixit B. Ambrosius, neque se mortem timere, neque recusare vitam, quoniam bonum Dominum haberet. Atque huc una cogitatio quantum interlit inter hominum seruitutem & seruitutem Dei, multos, qui hoc attētius considerassent, sæpe impulit, ut hanc cum illa cupidissime commutarent. Ita fecere illi duo, quos narrat Augustinus, cum in Imperatoris aula haud mediocrem tenerent locum, commotos lectione libelli, in quo descripta erat Antonij vita, subito & tanti Principis gratiam, & sponfas, quas recens duxerant, & quicquid in mundo habebant, reliquisse. Quorum ratiocinatio, cum se inuicem ad hoc impellerent, his verbis ab Augustino expressa est. Dic quæso te, inquit omnibus istis laboribus nostris quo ambimus peruenire? Quid quærimus? cuius rei causa militamus? Maior ne esse poterit spes nostra in palatio, quam ut amici Imperatoris simus? Et quid ibi non fragile, plenumque periculis? Et per quod pericula peruenitur ad grandius periculum? Et quandiu istud erit? Amicus autem Dei, si voluero, ecce nunc fio. Hanc mentem, & hanc lucem sine dubio spiritus sanctus iis suggerebat. Itaque omnia verissima, & optima, idque in primis, quod per multa pericula assentandi, obsequendi, alios etiam calumniis peruehendi, perueniatur ad eam principum beneuolentiam, in qua ipsa maius sit periculum. Atque hoc quidem magnis, ac diuturnis laboribus: tamen incertum est an aliquando consequuturi simus. Dei vero amicitia, ac beneuolentia certissima, statimque ac nos velimus, præsto est; neque vero locus est dubitandi, ne longa seruitus illi bonitati impensa, suo præmio, suæque mercede frustretur. Itaque ut antea de coniugio dicebamus, si vinculum aliquod subeundum sit, longe præstare ligatum esse cum Deo, qui non potest esse non bonus, quam cum homine, qui sæpe est malus, & ex bono fieri potest malus; item nunc de seruiendo dicimus, si ad alienam voluntatem viuendum sit, multo optabilius esse Dei voluntati, quod religiosi faciunt, quam hominis voluntati sese subiicere. Illa enim non potest esse nisi recta, & æqua, & nobis ipsis salutaris, hæc sæpe, atque adeo plerumque distorta est, & vitiosa, & quod caput est, ad eius, cui seruiamus, utilitatem, commodumque dirigitur. Ac de singulis quidem statibus hæc breuissime dicta sint.

In vniuersum autem de omnibus hoc dicere licet, necesse esse secularium vitam pluribus malis patere, cum in ea vi-
geat, & regnet omnium malorum origo, & fons, nimirum

propria voluntas. Hæc enim nostra voluntas cum ita vitiata sit, & corrupta, cohibere se non potest, quin modo in hanc, modo in illam partem præceps ruat. Quinimmo cum ipsa per se à Deo cæca, & infirma sit, tum deinde accedunt affectus turpidi, & concitati, iracundiæ, odij, cupiditatis, ad quos comprimendos quoniam nullum studium, nullusque labor adhibetur, sed potius ipso usu corroborati ita dominantur in vita, ut ex eorum libidine cuncta gerantur, innumerabiles ab eis perniciæ in animas primum, deinde etiam in corpora ipsa proueniunt. Nam ubi non ratio, & consilium, sed temeritas, & inconstancia valet, nihil tutum, aut stabile, sed omnia incerta, & miseriis plena. Hinc enim subiti impetus, hinc repentinæ, & præcipientes deliberationes, quas quotidie videmus in seculo, cum ut se leuis offerat occasio, plerumque etiam sine occasione, noua suscipiantur consilia, modo militiæ, modo mercaturæ, modo aliorum negotiorum; quæ temere suscepta eadem temeritate deseruntur, ut nullum fretum, nullus euripus tot motus, tamque varias habeat fluctuum agitationes ex quo etiam sit, ut sæpe homines & se, & familias suas magnis detrimētis atterant, & omnino perdant. Contra vero religiosi cum alieno regantur ductu, ab his et roribus longissime absunt, præsertim cum, ut antea dictum est (dicendum est autem sæpius, aut potius habendum semper ante oculos) non ab homine regantur, sed à Deo. Itaque nullum est periculum, ne sui amore decepti errent in eligendo: nihil enim ipsi eligunt, sed ex aliorum præscripto pendent. quare tota eorum ratio in vita constans, & grauis, & plane vniformis reperietur. Sunt præterea in seculari vita duo magni, admodumque periculosi scopuli, quorum alterutrum nulli pene effugiunt, alter ocij, ac delidiæ, alter nimiarum occupationum. ille ferme locupletiorum, & pleniorum, hic vel tenuiorum, vel certe eorum, qui ditiores fieri velint, quorum magna est multitudo. Ac de otio quidem verum est quod Bernardus scripsit, esse id sentinam omnium tentationum, & cogitationum tum inutilem, tum etiā malarum, denique summam esse mentis malitiam. Quæ vero damna nimis occupationibus efficiantur, idem Bernardus inculente describit initio eorum librorum, quos de consideratione ad Eugenium misit, cum ait, Ita earum quasi callo cor obdurari, ut neque compunctione scindatur, nec pietate molliatur, nec minis cedat, nec precibus moueatur, ingratum sit ad beneficia, inuerecundum ad turpia, impavidum ad peti-

*Ad frat.
de mon.
Dei.*

ad pericula, denique nec Deum timeat, nec homines reue-
 reatur. Rectè igitur etiam hoc Gregorius, qui secularem so-
 licitudinem in Esau, religiosam autem quietem in Iacob ex-
 pressam putat, quorum alter venationi deditus, & agricola
 fuisse scribitur, alter vir simplex, & domi, siue in tabernaculis
 habitans. Quid enim, inquit, per venationem Esau, nisi eo-
 rum vita figuratur, qui in exterioribus voluptatibus carnem
 sequuntur? Qui etiam agricola esse scribitur, quia amatores
 huius seculi tanto magis exteriora colunt, quanto interiora
 sua inculta derelinquunt. In tabernaculis autem, vel in do-
 mo habitare est, se intra mentis secreta restringere, & ne-
 quaquam exterius per desideria dissipare, ne dum ad multa
 foris inhiant, à semetipsis alienati cogitationibus recedant.
 Denique illud extremum sit in hac comparatione, quod hi
 quidem seculares laici, ut nunc eunt tempora, vel omnino
 per vitiorum prærupta deferuntur, vel si qui sint, qui me-
 lius, honestiusque vivant, satis habere videntur, si à pecca-
 tis abstineant, si furtum non faciant, si non occidant, & in
 summa si nulla re Dei numen offendant; quod qui assequun-
 tur, ij inter reliquos eminere putantur, & tamquam morta-
 lium optimi digito monstrantur. Religiosi autem hoc qui-
 dem primo loco, deinde vero illud etiam elaborant, ut vir-
 tutem virtute, merita meritis cumulent, nouasque quotidie
 coronas humilitatis, poenitentiae, mortificationis officiis
 multiplicent; quam ad rem magnam illis & facultarem, &
 stimulum quoque suppeditat ipsa religio. Vtra autem me-
 lior, salubriorque sit ratio, tum aliis multis, quæ breuitatis
 causa omittimus, ostendi potest, tum illa Hieronymi sen-
 tentia, seu quis alius auctor fuit libelli ad Demetriadem;
 Neque enim inquit, tibi sufficit à malis otiosam esse, si otiosa
 fueris à bonis. Omnis arbor quæ non facit fructum bonum
 excidetur, & in ignem mittetur. Et blandimur nobis, si ma-
 lis fructibus non grauemur, qui damnandi sumus, si à bo-
 nis steriles manserimus? Sic abscondet. Pater omnem pal-
 mitem non ferentem fructum in filio. Et qui acceptum
 talentum in sudario abscondit, quasi inutilis ser-
 uus, & nequam damnatur à Domino. Nec
 minuisse solum, sed & non auxisse,
 damnabile est. Hæc
 ille.

Matt. 7.

Ioan. 15.

Mat. 25.

*Compatio status Religiosi cum ordine
Clericorum simplicium.*

CAPVT XXXVII.

Ca. 20.
Et seq.

POST laicorum ordinem sequitur ordo simplicium clericorum, multo quidem perfectior, & cum Deo coniunctior, eoque religiosius similior, quod ipsi quoque aliquam Dei seruitutem proutentur, & ei seruituti sacro characterē consignantur. Sed tamen multa sunt, & magna, in quibus superant religiosi. Primum enim, si de statu ipso perfectionis quærimus, cum non habent clerici, habent autem religiosi. Etenim statum immobilem, fixum, immutabilem esse oportet. Non potest autem esse immobilis, nisi accedat voti nexus, & obligatio, qua carent clerici, non modo si nullam animarum curam gerant, sed etiam si gerant: licet enim eam relinquere, nec ut eam semper retineant vlla promissione tenentur. Tractat hoc argumentum doctē, & copiose B. Thomas in libro, quem inscripsit, de perfectione vitæ spiritualis, cui libro causam dedit quorundam imperitorum, atque etiam improborum error, qui ut religiosius detraherent, clericos eis non solum comparare, sed etiam præferre ausi erant. Quorum temeritas tum expresse Pontificis decreto damnata est, tum etiam illo, quod diximus, B. Thomæ scripto luculentissime confutata. Afferit autem hoc inter cetera, quod ijs quidem qui cuiuspiam muneri in perpetuum destinantur, ritus aliqui certi, ac solemnes adhibentur. Videmus hoc in Episcopis, quibus cum Ecclesiæ alicuius cura traditur, liniuntur, vnguntur, certæ etiam precum formulæ recitantur, tum vincta, & panis, & vinum traditur, annulus in digitum inseritur, aliaque eiusmodi multa fiunt, quibus ostendatur id agi, ut perpetuum vinculum, & quasi desponsationem cum sua quisque ecclesia ineat. Idem fit in religiosiis, quorum professio suis etiam, propriisque ceremoniis sancitur, neque id nouo, ac recenti, sed antiquissimo instituto: quod declarat Dionysius, qui veteres illos ritus commemorat, & singulorum etiam rationem exponit. Quæ ceremoniæ deinceps semper retentæ sunt, aliæ ab alijs, aliquæ tamen ab omnibus. Atqui nihil eiusmodi fit in clericis, cum aliquam animarum administrationem suscipiunt: ex quo appareat eos in statu perfectionis non esse, immo vero ne statum quidem habere. Hæc S. Thomas, Quanto autem inferius sit munus hoc clericorum statu religioso

De eccl.
Hier.
c. 6.

gioso, illud etiam apperte indicat, quod cum à maiori, & meliori statu ad minorem nemini permissa esse debeat descentio, licitus tamen, imo vero etiam laudabilis est ex cleri gradu in religionem transitus: idque sacri canones sanxerunt, non solum quia securior, sed ob id etiam, quia perfectior. Sic enim habetur quodam loco, clericos monachorum propositu appetentes, quia meliorem vitam sequi capiunt, minime impediendos, liberumque eis ab Episcopis permittendum accessum. Gregorius autem Desiderium Episcopum, qui suum quendam retinebat, de hoc eodem admonet, & sane operæ pretium est videre, quo verborum pondere. Hortamur, inquit, ut tam promptæ devotioni eius, quam in sancto studet habere proposito, minime vestra sit impedimento fraternitas: magis autem, quibus valesis adhortationibus, pastoralis admonitione succendite, ut feruor huius desiderij in eo non tepescat, ut qui à turbulento secularium turbarum tumultu se segregans, quietis desiderio, monasterij portum appetit, rursus in Ecclesiasticarum curatum non debeat perturbationibus implicari, sed in Dei laudibus permittatur secure ab iis omnibus remanere, ut postulat. Hæc quidem Gregorius, & optime, illudque præfertim, quod religiosam vitam portum appellet, eumque securum, & quietum; contra vero ecclesiasticum illud munus & perturbationibus implicatum, & secularium turbarum tumultu inquietum. Extat etiam simillima Anselmi doctissimi, & sanctissimi viri epistola ad Gosfridum Parisiensem Episcopum, qua eum leniter ille quidem, sed tamen grauissime acculat, quod clericum ad religiosum iugum aspirantem impediret, idque ab eo nec ratione, nec consilio fieri, pluribus rationibus docet.

Verum ut hæc, quam tractamus, vtriusque huius vitæ comparatio clarior sit, atque euidentior, considerata est omnino clericalis huius status difficultas, & periculum, quod sane extriplici capite oritur. Primum est ipsa ordinis dignitas; alterum officij, quod gerunt, grauitas, nempe curandarum animarum; tertium redditus, ac facultates ecclesiasticæ. Nam dignitas ipsa, quis negare possit, quin eximiam quandam vitæ, morumque probitatem, integritatem, sanctitatem requirat, & vitium quoduis, etiam minimum, eo turpius ei sit, & indecentius? Atqui sacerdotium tantæ dignitatis est, ut non modo in terris nulla ei par sit, ne vilius quidem Principis, sed ne in cælis quidem vilius Angeli, quippe cum nulli eorum

datum sit , vt ipsius Dei corpus verbis conficere , manibus tractare , ore sumere , aliis ministrare possint. Itaque hæc plane diuina est potestas , & diuina vis , quæ eos , quibus ea tribuatur , Deos potius , quam homines faciat. Quod si ita est , quem animi , quem omnium morum candorem tale munus postulabit : Quo non oportet esse puriorem (ait Chrysostomus) tali fruente sacramento : Quo solari radio non splendidiorem eam manum , quæ carnem hanc diuidit : os quod igne spiritali repletur ; linguam , quæ tremendo nimis sanguine rubescit : lute igitur Bernardus magnam hominum culpam hac in re deplorat , quæ deploratio non in illa tantum tempora , sed nescio an etiam multo magis in nostra conueniat. Curritur , inquit , passim ad sacros ordines , & reuerēda ipsis quoque spiritibus Angelicis ministeria homines apprehendunt sine reuerentia , sine cōsideratione. Neque enim signum regni occupare cœlestis , aut illius timent imperij gestare coronam , in quibus auaritia regnat , ambitio imperat , dominatur superbia , sed & iniquitas , & luxuria principatur. Ab hac igitur culpa longe remoti sunt religiosi , quorum etsi plerique ad hæc sacra accedunt (ne hic videlicet status hac etiam , quanta cūque est , vel dignitate , vel vtilitate careret) alio tamen spiritu , alia præparatione accedunt , non solum nulla ambitione , aut auaritia impulsī , quam ipse status excludit , sed ne propria quidem voluntate. Verum vt in reliquis multo minoribus , ita in hac re tanto maiori , vel potius omnium maxima , illorum aguntur imperio , quorum eis vox instar est diuinæ vocis. Itaque cum ipsi sibi honorem non sumant , vt est apud Apostolū , sed vocentur à Deo , quemadmodum Aaron , non est dubitandum , quin Dei bonitas pro suo more , & instituto , congruentem quoque eis gratiam suppeditatura sit , & quidem abunde. Declaratum est id exemplo non iucundo minus , quam illustri Ruperti , eius , qui postea Tuitiensis Abbas fuit , multaue præclare scripsit. Is igitur hoc de se ipso , bonus utique testis , ita commemorat , cum à superioribus suis vigeretur , vt sacris initiaretur , & ille constanter indignitatis sue conscientia recusaret , accidisse sibi nocturnum visum , quo plane intellexerit , Deo auctore id fieri. Visum enim esse sibi videre altare quoddam , & in eo imaginem Saluatoris crucifixi viuētis , & oculos apertos in se defigētis , cuius aspectu totus incensus , cum amplexum eius ardentissime expecteret , sed ab altaris crepidine , quod magnum , & altum erat , prohibere-

prohiberetur, sensisse se tamen à Domino interno instinctu inuitari. quare cum accessisset, medio altari scisso, viam ad Dominum patuisse, tumque se fidenter cum tenuisse, atque arctissime amplexum, osculatumque esse; ipsam autem Saluatorem, quo profundius oscula admitteret, diuinum os suum apertum, & hians præbuisse: simul etiam factum esse, vt inter eos amplexus, tum diuino amore maiorem in modum inflammaretur, tū etiam sacerdotij, quod antea fugiebat, desiderium sibi inspirari senserit; quod simul ac illuxit, cum suo Abbati indicasset, paulo post cum omnium gaudio exequutum esse. Adiungit etiam aliud, quo post eum ordinem susceptum, non minus sit confirmatus.

Nam iacenti in lectulo, hominis species apparuit de cælo labens, capite obuoluto, quasi agnoscere nollet, eaque se ita in eum tota demisit, vt caput capiti, pedes pedibus, reliqua membra cum omnibus membris intime commisceret: quin etiam ipsam animæ substantiam modo quodam, qui verbis exprimi non posset, ita peruaderet, atque imprimeret, & quidem citius, & profundius quam mollissima cera signo imprimatur. Addit vero, quod facile credi possit, sequutam esse tantam, tamque incredibilem iucunditatem, ac suauitatem, vt nili ea celeriter à Deo inhibita esset, is quasi torrens voluptatis sine dubitatione animam de corpore abstracturus fuerit. Fuit igitur hoc totum expressum quoddam Eucharistiæ symbolum, in quo Dei filius, facie quidem tecta, sed vere tamen totum sese toti animæ infundit, eamque & in suam transformat similitudinem, & gaudiis cælestibus complet, sed eorum, qui, vt Rupertus, non temeritate, nō alia terrena cupiditate inducti, sed à Deo per superiores suos inuitati, aut etiam coacti accedunt. Et reuera si muneris huius grauitatem, tamque diuinæ rei magnitudinem, vt decet, cōsideremus, ea quidem tanta est, vt qui hoc perpendat, numquam se satis tuto suscipere eam posse arbitretur, nili tali oraculo accepto securus fiat.

Cum igitur hoc caput nihil dubitationis habeat, videamus iam alterum de animarum cura; quæ cura cuius oneris sit, Prov. 6. conijci potest ex illa Sapientis sententia, qua ita monet, Fili mi, si supponderis pro amico tuo, defixisti apud extraneum manum tuam, illaqueatus es verbis oris tui, & captus propriis sermonibus, fac ergo, quod dico tibi mi, & temet ipsum libera, quia incidisti in manum proximi tui. Discurre, festina, suscita amicum tuum, ne dederis somnum oculis tuis, ne dor-

Ezech.

34.

Hom. 17

in Euāg.

mitent palpebræ tuæ? His igitur curis, atque, ut hic dicitur, etiam laqueis innecti sese, qui pro altero spondet, & quidem non pro vno, sed pro multis, nec pecuniam, sed custodiam rei immortalis, atque æternæ cuiusmodi sunt animæ. Itaque qui tantum officij sustinent, non modo peccant, si prauo exemplo, & factis noceant, quo nihil est grauius, sed etiam ipsa cessatione, si non iuuent, si quod adeo reprehendit Ezechiel, infirmum non consolident, agrotum non sanent, confractum non alligent, abiectum non reducant, perditum etiā non quærant. Vere enim, & grauiter Gregorius, tum sæpe alibi, tum vero in homilia quadam, Nullum, inquit, puto ab aliis maius præiudicium, quam à sacerdotibus tolerat Deus, quando eos, quos ad aliorum correctionem posuit, dare de se exempla prauitatis cernit, quando ipsi peccamus, qui compescere peccata debuimus: nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente capramus: & quia eo ipso, quo ceteris prælati sumus, ad agenda ualibet maiorem licentiam habemus, susceptæ benedictionis ministerium vertimus ad ambitionis argumentum, Dei causas relinquimus, ad terrena negotia vacamus, locum sanctitatis accipimus, & terrenis actibus implicamur. Igitur religiosi his omnibus periculis expertes sunt, qui nulla animarum curandarum obligatione teneantur. Quod quidem minus esset fortasse gloriandum, si nihil ipsi opis conferret in animas. Si enim ita esset, carerent sane his incommodis, sed tamen carerent etiam ijs commodis, ac præmiis quæ Deus suæ vineæ operariis pollicetur. Verum, ut mihi videtur, ita fruuntur bono, quodcumque inest in tam præclaro opere, ut tamen eius malum omne effugiant. Nam quod ad proximorum salutem attinet, ita ei operam nauant, ut exactius, diligentius, laboriosius non possint. Sed quia hoc sponte faciunt, nullaque obligatione, ab iis etiam peccatis immunes sunt, quæ eam obligationem consequuntur. Itaque hoc quoque video à S. Thoma apertissime scriptum esse, huius ipsius perfectionis statum, quæ est in proximis adiuvandis maxima, magis teneri à religiosis, quam ab ipsis clericis: quoniam pleraque eorum instituta iis muneribus occupantur, non ex iustitia, ut clerici, sed ex caritate, qua Episcopos in animarum cura subleuant concionando, confessionibus peccatorum audiendis, publice; & priuatim exhortando, & reliquis tot eius generis officiis. Atque hoc quidem eiusmo-

Op. de
perf. c.
23.

eiusmodi est, vt oculis ipsis pateat.

Restat tertium onus clericorum ex redditibus ecclesiasticis, quod quidem tantum abest, vt à plerisque onus existimetur, vt etiam hoc vnum laborent, quomodo eos augeant, ac multiplicent: quod non facerent, si sentirent quam ipsos valde grauet. Est tamen onus, idque aliquando cognoscent, illa vectigalia Christi sanguine parta, & vni Christo à fidelium pietate consecrata, quos vsus, quam pios, quam sanctos exigebant. De quo cum plurima & à Theologis penè omnibus, & à sacris scriptoribus dicta sint, nobis in hac breuitate sufficiet vnica Bernardi auctoritas, cuius illa sunt in quodam sermone super Cantica, Timeant, ait, clerici, timeant ministri Ecclesie, qui in terris sanctorum, quas possident, tam iniqua gerunt, vt stipendiis, quæ sufficere debeant, minime contenti sint, superflua, quibus egeni sustentandi forent, impie, sacrilegæque sibi retineant, atque in vsus suæ superbix, atque luxuriæ, victum pauperum consumere non vereantur, duplici profecto iniquitate peccantes, quod & aliena diripiunt, & sacris in suis vanitatibus ac turpitudinibus abutuntur. Nec plura de hoc. Est enim euident, ac manifesta ratio illa, quæ quosdam etiam, vt scimus, conuicit, vt religiosi fierent, cum ita secum ratiocinarentur, Vt quid illæ diuitiæ ex ecclesia, quas cum habuero, si non cum pauperibus communicem, in perpetua culpa viuam, si autem communicem, viuam in perpetua cura, & labore? Cur autem ego me cum meo ipsius detrimento pauperum procuratorem faciam? Itaque, vt dixi hoc ipsum eos impulit, vt, omnibus relictis, religiosam nuditatem amplecterentur. Sed concludamus iam omnia paucis hoc argumento. Sunt in Ecclesia vniuersa tres hominum status, qui si inuicem comparentur, alter alterum clarius indicabit. Primus est secularium laicorum, cui hoc inest incommodum, quod pauca habet ad perfectionem adiumenta, multa verò impedimenta: sed hoc tamen commodi, quod nullam habet perfectionis obligationem, præter eam, quam Euangelicæ leges omnibus Christianis imponunt. Secundus est Religiosorum, qui aliqua certè oblatione tenentur, non tam vt sint perfecti, quam vt esse cupiant, & conentur; sed ad hoc tam multa, & tam magna nacti sunt præsidia, itaque remoti sunt ab omnibus impedimentis, vt non solum facile, sed etiã iucunde, ac suauiter id consequi possint. Tertius est hic, de quo agimus, Clericorum, qui, si rectè perpendamus, vtriusque ferè incommodis præmitur, vtriusque autem ferè com-

modis

modis caret. Primum enim eandem habent, quàm religiosi, obligationem perfectionis adipiscendæ, ac sine dubio aliquanto etiam maiorem ex ministerij præstantia, ex sacramentorum quæ conficiunt diuinitate, ex animarum gubernatione: neque tamen habent ea, quæ religiosi, adiumenta, neque cum gratiæ vberioris influxum, de quo multa diximus. Rursus hoc etiam deteriori conditione esse videntur, quam ipsi laici, quod nec illorum excusatione uti possunt, si minus perfecti sint, & tamen eadem penè omnia, quæ illi, perfectionis impedimenta patiuntur. Nam cum illis permixti in seculo viuant, atque, ut ita dicam, eodem vehantur mari, ipsdem etiam ventis, ipsdemque fluctibus agitari eos necesse est, avaritiæ, ambitionis, libidinum, quæ vitia cum omnibus hominibus innata, & insita sint, inflammantur etiam quotidie magis & ipsarum rerum, quæ delectant, obiectu, & occasione, ac commoditate peccandi, & ipsa licentia. Quo enim modo inanis gloriæ stimulos euadere poterit, qui in mediis honoribus vinat? aut diuitiarum amore non tangi, qui eas & sibi, & suis administret? aut quomodo illius continentia diu tuta esse poterit, cuius oculi earundem illecebrarum aspectu laceffantur, cuius corpus eadem mensa, & cultu curetur, quo seculares, sæpè etiam lautius, & mollius, quam multi seculares? Merito igitur Bernardus in iis libris, quibus multa Eugenium Pontif. monet, hoc etiam de hoc ordine. Quid sibi vult, inquit, quod clerici aliud esse, aliud videri volunt? Nempe habitu milites, quæstu clericos, actu neutrum exhibent. Nam neque ut milites pugnant, neque ut clerici euangelizant. O miserandam sponsam talibus creditam paranympis, qui assignata cultui eius, proprio retinere quæstui non verentur. Atque idem Bernardus in quodam Sermone, Dati sunt, inquit, sacri gradus in occasionem turpis lucri, & quæstum æstimant pietatem. Copiosissimæ siquidem pietatis inueniuntur in suscipienda, immo accipienda magis, animarum cura, sed hæc apud eos cura minor, & de animarum salute nouissima cogitatio est. An verò Saluatori animarum grauior vlla esse poterat persequutio? Est ergo, ex Bernardi sententia, hoc primum vitium in ordine isto, cum suis commodis intenti animarum curam, diuini honoris propagationem, prædicandi, ac docendi munus omittunt, & cum de altari viuant, nihil minus, quam de altaris seruitio cogitant, sed de se, ac de suis vtilitatibus. Quod si quis sit, qui hos ecclesiasticos labores non recuset, qui

*Lib. 3. in
fine.*

*De conu.
S. Pauli.*

qui concionibus, qui sermonibus piis populos excolat, ubi inueniemus, qui hæc omnia faciat eo animo, quo fieri debent, qui gratis laboret in hac vinea Domini exercituum, qui verum Dei obsequium quærat, nihil sibi ipsi? Rara res, planèque difficilis, & ardua, ut se quis in seculo à seculo, id est, ab omni seculari cupiditate intactum conseruet; & contra, nimis facile, & proclive, ut inter illa ipsa opera, quamquam alioquin honesta, & laudabilia, tamen vel honoris, ac dignitatis alicuius ecclesiasticæ, vel opimi beneficii, aut alterius denique temporalis commodi desiderium obrepant.

De qua re quid aliud dici potest, quàm quod præclare dictum est ab Augustino? Audi, inquit, Apostolum gementem de talibus. Dicit alios annunciare Evangelium per caritatem, alios per occasionem, de quibus dicit, Annunciant evangelium non rectè, rem rectam ipsi non recti. Quisquis à Deo præter Deum aliquid quærit, non caste Deum quærit. Si Deum quæreret, castus esset, quia legitimum maritum anima Deum habet. Denique, ut hæc omnia vitia cessent, eumque fingamus clericum, qualis animoungi potest, ut nihil ei in suo genere desit: hæc tamen perfectio multo inferior est perfectione religiosa, longèque adhuc distat à multis illis, & magnis utilitatibus, quæ sunt à nobis supra copiosius demonstratæ. Caret enim superiorum ductu, caret æqualium exemplis, & incitamentis, caret etiam illa communicatione bonorum operum tam salubri, præterea copia illa gratiæ, ac spiritus, quæ vberior manat in plures; denique caret paupertatis commodis, & obedientiæ, in qua maximus est virtutis splendor, & quod omnium maximum censeretur debet, quantumcumque ille est, adhuc suus est, neque adhuc eo pervenit, ut se omni suæ voluntatis usu penitus exueret, eamque perpetuo, atque irrevocabili munere, Domino Deo offerret, ac traderet; quod quidem sola religiosa vota consequuntur. Quæ cum ita sint, tum hanc Clericorum, tum illam, de qua superiori capite loquuti sumus, laicorum cum religiosis comparisonem concludere possumus aptissima quadam similitudine ex S. Bernardo, qui de Salvatoris pro-

*Ser. 49.
de ver.
Dom.
Philip. 1.*

*Ser. 1. in
ramis.*

cessione differens, tres hominum ordines in ea reperiuntur; alios, qui vestimenta sternunt, nimirum seculares, sed bonos, & pios, qui de terrena substantia, quæ quasi vestis adiacet quidem corpori, sed extrinsece, eleemosynas largiuntur; alios, qui ex arboribus ramos cædunt, quos ait esse bonos item, & ferventes animarum pastores, cum subditis suis

1. Cor. 6. suis euangelizant. Quod vtrumque genus licet in Domini comitatu sit, licet vtrumque sanctam ciuitatem ingrediat, propinquius tamen esse Christo Domino iumentum ipsum, in quo sedet, multo,que maiorem ferre laborem; quoniam illi ex eo, quod sibi abundat, mittunt, hoc verò semetipsum totum exponit eius obsequio. Hoc ergo iumentum ait esse religiosos, qui nimirum mites, & vt animal illud, in speciem abiecti, fortes tamen, suoque domino vtilis, & ad portandum, atque obediendum facti sunt, & qui denique ipsi Dei filio tam coniuncti sunt, vt eum tangant, & intra se habeant, & ad alios etiam circumferant. Quam ob causam ita deinde vir ille sanctus fratres suos cum gaudio alloquitur. Silendum ne mihi est, vt elationem caueatis, an magis loquar, vt habeatis consolationem? Iumentum, cui infidet Christus, nonne vos estis, iuxta præceptum Apostoli, glorificantes, & portantes Deum in corporibus vestris?

*Comparatio status religiosi cum statu Episcoporum,
& Prælatorum.*

CAPVT XXXVIII.

Ep. 148. Sequitur nunc vt videamus vtrum melius, & optabilius, Sarque ad salutem aptius sit, religiosum esse, an Episcopum, & Prælaturum. Facilis quæstio, ijs præsertim positis, quæ de clericorum omnium periculis proximè dicta sunt: quæ pericula tum eadem, tum multo maiora, & grauiora sunt in Episcopis. Vera sunt enim duo illa, quæ Augustinus in quadam epistola scripsit, nihil esse in hac vita facilius, & lætius, & hominibus acceptabilius Episcopi, aut presbyteri, aut diaconi officio, si perfunctorie atq; adulatorie res agatur: sed nihil apud Deum miserius, & tristius, & damnabilius, si sic agatur. Clamat etiam Apostolus de Præpositis omnibus, 24. Mor. cap. ult. Ipsi, inquit, peruigilant, quasi rationem reddituri pro animabus nostris. De quo scite Gregorius, Penset, ait, qui ad satisfaciendum districto iudici de sua tantummodo anima fortasse vix sufficit, quod reddendæ apud Deum rationis tempore, vt ita dicam, tot solus animas habet. Chrysostomus etiam sex libros integros de sacerdotio scripsit, in quibus auream illam eloquentiam, vnde nomen accepit, eo omnem contulisse videtur, vt ostenderet quam arduam, ac periculosam prouinciam suscipiat, qui animarum gubernationem suscipit. Inducit autem inter cetera pastoris similitudinem

rudiciem, eiusque pastoris, qui non suas, sed alienas curer
 oues. ut quicquid à bestia comedatur, vel furto pereat, ut aie-
 bar Iacob, ab eo exigatur, qui scilicet eas custodiendas susce- *Gen. 21.*
 pit. Et quidem, qui timiditate, aut ignavia pecus perdiderit,
 cum vel facile veniam à domino impetrare, vel non ita
 grandi damno dependere: at qui Christi gregem pascen-
 dum admisit, nec posse latere, talibus perditis ouibus,
 nec alia poena luiturum, quam animæ propriæ. Illum præ-
 terea cum lupis, aut furibus bellum gerere: his luctam esse,
 non aduersus carnem & sanguinem, sed aduersus principa-
 tus, & potestates, & rectores tenebrarum. Item aduersus
 immanem exercitum vitiorum, scortationem, immundi-
 tiam, lasciuiam, odia, lites æmulationes, & alia plurima. Qui-
 nimmo pecorum morbos apertos, & manifestos esse, & qui-
 bus facile applicari possit medicamentum, quippe cum li-
 gari, & vri, & incidi, cum opus est, possint: at animi morbos
 & latere, occultosque esse, & difficillime medicinam admit-
 tere, aliquos etiam ipsa medicina exulcerari, & recrudescere.
 Hæc ille secundo libro. Tertio autem libro hæc ait, Si
 quis mihi magnam nauim mercibus onustam committere
 velit in Ægio, Tyrrenove pelago gubernandam, iuiuium
 nihil dubitem valde recusare, nec aliam ob causam, quam
 metu naufragij, in quo tamen naufragio nihil præter au-
 rum, & argentum periclitetur: ubi autem exitium immi-
 net, non nauis, sed animæ, quo non in maris aquas, sed in
 ignis æterni absumendum est, ubi etiam mors ma-
 net, non corporis solum, sed cum ipso corpore etiam animæ,
 quis admiretur, si me tanto discrimini exponere detrectem?
 Bernardus etiam hanc omnem animarum administratio-
 nem depositum appellat, cuius insuper depositi dignitatem *Ser. 66.*
 pluribus similibus exaggerans, Ciuitas est, inquit, vigilate ad *Cant.*
 custodiam, concordiamque. Sponsa est, studete amari. Oues
 sunt, intendite pastui, quæ deinde omnia pergit copiosius ex-
 plicare. Multa alia ex omnibus sanctis auctoribus in hanc
 sententiam conferri possent, quia nihil est ab illis vel tam
 grãtiter tractatum, vel tam seuerè inculcatum; quæ si vera
 sunt, ut certè sunt, & quidem ita, ut ne verbis quidem satis
 exprimi queant, quid iam cum his periculis, cum hac solici-
 tudine, ac perpetuis perturbationibus religiosæ vitæ tran-
 quillitatem, securitatem, oriũque sanctum conseramus?
 Magnus ad dicendum campus, sed quæ dici possent, omnia
 paucissimis collegisse mihi Bernardus videtur in epistola ad *Ep. 42.*
 Henricum

Henricum Senonensem Archiepiscopum, cum ait, Si ego latens in cauerna, & quasi sub modio non quidem lucens, sed fumigans, vëtorum tamen impetus nec sic declinare sufficio, sed continuis tentationum, variisque fatigatus impulabus, instar vento agitatae arundinis, huc, illucque circumferor, quid positus super montem, positus supra candelabrum? Solus mihi seruandus, solus tamen ipse mihi, sum scandalo, solus tædio, solus oneri, atque periculo, ita vt propriæ gulæ, & ventri, & oculo scandalizanti frequenter irasci oporteat. Quibus ergo molestiis angitur, quibus laceffitur iniuriis, cui etiam si propria cessent, numquam tamen de alienis desunt foris pugnae, intus timores? Hæc ille.

Cum igitur nemo tam cæcus esse possit, qui non videat quanto tutior, & salutis æternæ propior sit religiosorum status, quam Episcoporum, videamus nunc etiam quæ sit vtriusque in perfectione ipsa comparatio. Vterque enim perfectionem proficitur, sed non eodem modo. Nam Pontificalis dignitas perfectionem exigit iam acquiritam, iamque confirmatam. Est enim nihil aliud, quam spirituale magisterium, cum scilicet Episcopi successores sunt Apostolorum, è quibus vnus de se ipso, Positus sum, inquit, ego prædicator, & Apostolus, & Doctor gentium in fide, & veritate. Nemo autem perfectionis magister esse potest, qui non ipse perfectus sit quemadmodum nec philosophiam docere, nec vllam artem etiam mechanicam, qui non eam ipse didicerit. At religionis status non exigit perfectionem, sed inducit. Hæc est enim quasi schola, in qua perfectio tum aliorum doctrina, tum propria exercitatione paulatim acquiratur. Itaque bene à Theologis dictum est, alterum esse statum perfectionis iam adeptæ, alterum adipiscendæ; in quo ipso nemo cogatur, vt statim sit perfectus, sed satis sit, si aspiret, idque stu-

In Apoc. deat quo paulatim fiat. Quam ob causam, ait Bonauentura
paup. admitti ad religionem etiam peccatores, & imperfectos,
Epi. 138. nempe vt corrigantur, & iusti efficiantur. De Episcopis au-
ad Fabio tem illud ex Hieronymo adducit, Tanta debet esse scientia,
lam. & eruditio Pontificis, vt gressus eius, & motus, & omnia vo-
De perf. calia sint, vt quicquid agit, quicquid loquitur, doctrina sit
cap. 19. Apostolorum. Hoc discrimen etiam docte S. Thomas elicit
 ex ipsis Domini verbis, qui cum paupertatis consilium daret, ita loquutus est, vt eum cui id dabat, nondum esse perfectum, sed futurum ostenderet, si id faceret; Si vis, inquit perfectus esse, vade, & vende omnia. At vero in Prælato instituendo,

1nstituendo, interrogauit non solum an diligeret, sed an plus
 quam alij diligeret, idque semel iterum, tertio, vt vel cha-
 ritatis magnitudo exaggeraretur, vel, vt docet Bernardus, *Serm. 76*
 intelligeretur, quisquis alijs præficitur, diligere Deum de- *Cant.*
 bere plusquam sua, plusquam suos, plusquam se. Quam-
 obrem, ne nos in re hac vocum similitudo decipiat, est
 sane hic status perfectus vterque, atque etiam Episcopi
 haud paulo perfectior; sed ita vt hic requirat perfectionē, nō
 conferat, ille conferat, nec tamen adeo magnam requirat.
 Atque aliud est etiam, in quo Prælatorum status à religioso
 differat. Illum enim comitantur bona temporalia, diuitiæ,
 honor, hominum reuerentia eminentia ipsius dignitatis, &
 alia, ex quo hoc primum sequitur, vt plerumque non diuini
 obsequij studium sed illarum rerum cupiditas animum ille-
 ctet, deinde hoc etiam, vt quamquam aliquis magnam ad
 eum statum perfectionem attulerit, ea tamen multo grauio-
 ribus machinis oppugnetur, mirumque sit ac rarum, si diu-
 turnior esse possit. Euenit enim id, quod scripsit Gregorius *1. Past.*
 in pastoralis, Plerumque, inquit, in occupationibus regimi- *cap. 9.*
 nis ipse quoque boni operis vsus perditur, qui in tranquilli-
 tate tenebatur: quia quieto mari, recte nauem & imperitus
 nauta dirigit, turbato autem tempestatis fluctibus, etiam
 peritus se nauta confundit. Quid autem est potestas culmi-
 nis, nisi tempestas mentis? in qua dum cogitationum sem-
 per procellis naus cordis quatitur, huc, illucque incessanter
 impellitur, vt per repentinos excessus cordis, & operis, quasi
 per obuientia saxa frangatur. Atque hæc quidem in præla-
 to. Contra vero in religioso. Nam cum huic statui coniun-
 cta sit paupertas, humilitas, voluntatis abdicatio, nec appeti
 potest vlllo alio studio, quam solius perfectionis, nec patet iis,
 quæ diximus, tam infestis, perpetuisque præliis. Quam ob
 causam Chrysostomus in illis libris de sacerdotio cum multa *Lib. 3.*
 differuisset de laqueis, atque insidiis, quæ episcopales insu-
 las circumstant, confert ad extremum cum illis omnibus re-
 ligiosum otium, & quietem immunem ab iis omnibus cu-
 ris. Cui, inquit, etiam si aliquando absurda quæpiā cogitatio
 tale quippiam obiecerit, ea tamen species ita infirma, atque
 imbecilla est, vt nullo negotio eam statim repellere, ac fuga-
 re possit, propterea quod nulla adest extrinseca materia, per
 quam flamma illa cogitationis vehementius adhærescat.
 Ac monachus sibi vni timet. nam etiam si aliquando alio-
 rum sui similium curam gerere cogatur, non multum ei
 R negotij

negotij facessit, cum neque liberorum, neque vxorum vinctulis illigeretur, & omnes illius oculis subiecti sint, vt eorum errata, si quæ sint, facile animadvertere, & corrigere queat. Hæc Chrysostomus, quibus hoc adiungere possumus, quod à nobis ipsis alibi vberius tractabitur, licet euangelica paupertas non sit ipsa perfectio, sed via ad perfectionem, ita vt alii etiam viis (non enim negandum est) perueniri ad eam possit, hanc tamen eiusmodi viam esse tam facilem, & compendiosam, vt breuissime, & certissime ducat. Addo etiam illud, quiddam in se habere dignitatis, & ornamenti præsertim ex quo à Domino consecrata est, vt qui ea careant, nescio quo splendore carere videantur, etiam si interioribus omnibus bonis vel maxime abundant.

Extremum argumentum in hac comparatione illud est, quod non tam ex rationibus, quam ex factis ducitur, idque hominum & sapientia, & sanctitate illustrium, quos in religione innumerabiles extitisse scimus, qui Ecclesiasticos honores, etiam ultro delatos, tam constanter repudiarent, vt certe nobile huius rei documentum terrarum orbi reliquerint. Bernardus à tribus opulentis ciuitatibus in Episcopum, à duabus in Archiepiscopum electus, numquam adduci potuit, vt eam dignitatem admitteret, plures vero etiam elegerint, nisi iam omnibus constitisset, frustra eum rogari, Beatum quoque Dominicum quatuor Episcopatus vario tempore oblatos recusasse legimus, cum etiam diceret, male se è vita exire, quam eiusmodi onere grauari. Quem quidem egregie imitati sunt duo eius disciplinæ alumni, Thomas Aquinas, & Vincentius Ferrerius, quorum ille Neapolitanam cathedram à Clemente III. oblatam fortissime reiecit, neque ullius vel precibus, vel auctoritate vinci se passus est: hic Valentinum primum, deinde Ilerdensem Episcopatum quin Cardinalatum etiam, quem Benedictus Pontifex parato iam pileo deferebat, inuicta virtute repudiavit. Similem animum præstitit etiam Bernardinus ille Senensis, qui à tribus populis, Senensi, Vrbinare, Ferrariensi, postulatus, nulli vmquam assensit: quin etiam cum Eugenius ipse Pontifex ad genua sibi prouoluto mitram imponeret, ille humiliter detractans, professus est, ideo se nolle ea dignitate illigari, quo vberius, & liberius mortaliū salutē se impenderet. In quo etiam numero collocandus est Andreas ex eadem Franciscana familia Alexandri III. Pontificis Maxim. nepq̃s, quem ferunt ab eo Cardinalem creatum,

creatum, & illi ipsi honori, & ceteræ amplitudini, quam ex tanta Pontificis propinquitate consequutus esset, constanter remississe, cum mallet in religiosa humilitate, quam elegerat, permanere, ut suo tempore exaltaretur. Possent eiusmodi exempla multa ex aliis ordinibus vetera, quædam etiâ ex nostro ordine recētia cōmemorari, ut Iacobi Laines, & Francisci Borgia, qui ad Cardinalatum, ut Claudij Iaij, qui ad Episcopatum electi, tanta omnes ope repugnarunt, ut denique vicerint. Neque hic ipsorum modo sensus fuit, sed idem etiam totius Societatis nostræ, cum omnes quasi ad commune incommodum, quod immineret, depellendum, & precibus, & multis missarum millibus, & variis etiam corporis pœnis ob eam causam ultro susceptis, concurrissent. Itaque re ex animo confecta, tam commune etiam omnium gaudium consequutum est, ut solennis hymnus in gratiarum actionem, quasi pro magno beneficio, se solutus sit. Cui nostrorum inter se gratulationi, ac lætitiæ, cum nobilissimus quidam adolescens in Lusitania forte interesset, ita admiratum, atque ædificatum accepimus, ut ea re sola impulsus sit ad nostrum institutum, quod etiam perfecit, complectendum. Ex quibus omnibus exemplis, aliisque plurimis, quæ prudens prætereo, hoc constare potest, quod tractamus, quid hi omnes tam præstantes viri in hac horum statuum comparatione senserint, cum appareat ipsi quid fecerint. Idem etiam ex aliorum exemplis demonstrari potest, quos cum vel aperta Dei voluntas, vel maiorum imperium ad eam sarcinam subeundam compulisset, & plane cœgisset, ita tamen religiose vitæ studium retinuerunt, ut facile ostenderent, alterum se ut onus perferre, alterum vero tãquam oneris leuationem conservare. Sic enim de S Martino accepim⁹, qui cum dolo bonæ cœnobio eductus esset, quo ægrotantem mulierem, ut erat rogatus, spiritualis officij causa inuideret, à Turonensi populo, qui eum insidiis expectabat, raptus est vna omnium voce, & acclamatione, ad cathedram Pontificiam: in qua ille pristinæ quietis amorem retinens, duobus ferme ab vrbe milliaribus monasterium extruxit, ubi cum fratribus suis in summa humilitate, ac paupertate, quarum virtutum (sic enim scribitur) in primis studiosus fuit, ita vivebat, ut Rachelem à Lia non seiungeret, & hanc quidem gregi sibi commissio, illam sibi, ac Deo iunpenderet. Huic similem narrat Cassianus Archie- Col. 11.
bium, quem scribit de Anachoretarum cœtu abreptum, & cap. 2.

Panephyssi ciuitati præfectum, nihil vniquam de suæ pietatis, & humilitatis tenore laxasse, aut de adiecto honore sibi blanditum esse. Quin etiam solitum dicere, non se tamquam idoneum ad munus illud prouectum, sed velut indignum è religiosa disciplina eiectum, ad cuius (vt aiebat) tantæ professionis puritatem, triginta, & septem annis, quibus in ea vixerat, nondum peruenisset. Laudat etiam Bernardus Malachiam, qui primum Episcopus electus, diu ille quidem detrectauit, verum accedente & superioris sui, & Metropolitani etiam iussu, cessit denique, sed ita cessit, vt nihilo quam antea minus religiosis quoque officiis satisfaceret. Nam, vt iisdem Bernardi verbis vtar, ipse in ordine vicis suæ coquinæ ministerium obibat, ipse fratribus, cum recumberent, seruiebat, & inter succedentes sibi ad cantandum in Ecclesia, vel legendum, non se præteriri patiebatur; denique sanctæ paupertatis non modo participem, sed etiam principem, se exhibebat, ipsius præcipue super omnes abundantius æmulator existens. Eadem pene de Fulgentio traduntur, qui cum audisset, catholicos in Ecclesijs omnibus pastore orbatis, aduersus Trasamundi edictum Episcopos instituere decreuisse, fugit ex monasterio, tamque diu latuit, multis populis ipsum inquirentibus, donec ab vno conscio admonitus est, omnibus Ecclesijs iam esse prospectum. Verum vbi ad cœnobium reuersus est, vniuersa Ruspensis multitudo, quæ casu quodam adhuc Præsule carebat, eum inuadunt, rapiunt, & Pontificem esse non rogant, sed cogunt. Is vero in illa sua molestia hoc primum à Rupensibus beneficij loco postulauit, vt monasterium ædificarent, in quo deinde ita Felici Abbati subiectus vixit, vt quiuis è grege, cum in iis, quæ ad domesticam disciplinam spectarent, ex illius ductu, atque obedientia placere penderet, & tamen interea de pastoralis cura in populo regendo, assidueque pascendo nihil remitteret. Quid Anselmus sol ille Angliæ, et si non tam Angliæ, quam vniuersæ Ecclesiæ, qui quoties se negotiis subripere poterat, seque monasterio suo reddere, tum demum reipitare videbatur? Quod quidem ille aliquando testatus est, qui cum in fratrum suorum concessu de religiosis institutis ex more disseruisset, magnopere illorum aspectu exhilaratus, ita per iocum quendam dixit. Similem se esse buboni, qui dum in cauerna cum pullis suis degit, lætatur, & suo modo bene illi est, cum vero prodierit inter ceruos, & corniculas, vexatur, & lacessitur ab omnibus: sic se, dum inter suos fratres esset,

esset, magnam percipere voluptatem, dum autem inter seculares, torqueri ac cruciari illorum negotiorum concursu, ex quo etiam timere se, ac tremere animo, ne de sua salute periclitaretur.

Quæ dum diceret, in ipsa hilaritate prorupit in vberes lacrymas, usurpans dictum illud, Misere mini mei, saltem vos amici mei, quia manus Domini tetigit me. Antoninus quoque cum Florentinam Ecclesiam sibi ab Eugenio III. mandatam cognouisset ex ipso itinere Neapolitano; in quo tunc erat, fugam meditatus est in insulas, pescio quas, idque iam ceperat, cum à propinquis Senas retractus, ibi literis, obsecrationibus, deprecatoribus etiam adhibitis, omnem mouit lapidem, ut euaderet, donec Pontifex pene sub stomachans anathema etiam comminatus est. Tum vero concilio aliquot doctorum hominum aduocato, cum omnes ita sensissent, non ei licere diutius salua conscientia reluctari, in faciem procidens, multumque illacrymans, pastoralis sarcinæ humeros subiecit, quam tamen ita suscepit, ut religiosam non abiiceret. Nam neque de vestitu, neque de victu quippiam mutauit, suamque domum quali monasterium instituit, in qua & culinam sæpe adire, ollas purgare, & alia id genus famularia ministeria sæpe obire mos ei erat, quo iis, quali solatiis, pontificias molestias temperaret. Non potest igitur manus esse argumentum, quod religiosa humilitas multo optabilior sit episcopali dignitate, quam hoc, quod tam multi religiosi, isque tam præstantes omni sanctitate, alij constanter hanc dignitatem recusarint, alij, qui recusare non potuerunt, atque etiam vltu ipso interius eam explorarunt, semper tamen & eam ut onus cum gemitu pertulerint, & simul religiosa vitæ munera diligenter retinuerint, vel pro solatio quodam illius oneris, vel ne hac utilitate carent, quæ quanti facienda esset optime cognouerant.

Comparatio status religiosi cum vita solitaria.

C A P V T XXXIX.

ANACHORETICVM institutum magno olim in honore fuit, non solum apud homines, sed etiam apud Deum, qui & id illustribus viris, & viros ipsos illustrium virtutum magnitudine, & miraculorum etiam claritate exornauit; quorum etiam multorum perpetuus vitæ rigor, & asperitas ipsa perpetuum quoddam miraculum fuit. Hinc enim Pauli, & Hilariões illi, hinc Simeones, duoque

Macharij , & alij multi , quasi lumina quædam etemi
 eluxere , quorum & facta , & dicta etiam , ac vestigia quæ-
 uis magnam semper in omni perfectionis via auctoritatem
 obtinere. Atque hæc quidem ratio virtutis , & sancti-
 tatis colendæ iam pene exoleuit , atque ex hominum
 more recessit. Sed tamen iuuat cum illa etiam præstantia,
 illoque perfectionis fastigio conferre huius vitæ nostræ uti-
 litates , vt tanto magis appareat , quanti hæc estimandæ sint,
 quæ illi tam eminenti in omnibus rebus rationi nihil con-
 cedant , ac potius multis partibus superent. Quæ in re , quem
 meliorem , aut certiorẽ adhibere possumus auctorem ,
 quam Abbatem illum Ioannem , quem commemorat Cassia-
 nus , cum triginta annos in cœnobij congregatione egisset ,
 deinde alio viginti in solitudine , vtrosque iunima sanctitate ,
 demum in illa ætate , in illa etiam sapientia ita prouecta , ad
 priorem vitæ communitatem sese vltro retulisse? Is igitur
 cum eius facti causam interrogatus , de vtroque instituto
 vberius dissereret ea quæ vsu ipso esset expertus , hanc solitu-
 dinis utilitatem esse ostendebat , vt mentem rebus omnibus
 terrenis exutam , quantum humana ferat imbecillitas , cum
 Deo coniungat. Contra vero cœnobij hæc duo esse com-
 moda primum vt hominem doceat suas mortificare , & cru-
 cifigere : vt ille ait , voluntates , vt ei liceat verbum illud hu-
 militer dicere , Quia non veni facere voluntatem meam , sed
 eius , qui misit me , Patris. Deinde quod nulla de re , quæ ad
 corporis curam pertineat , solliciti , nihil plane de crastino ,
 quod Dominus iussit , cogitemus , omni illa cura tam mul-
 tiplici , tamque animos nostros distrahente , rectoribus no-
 stris relicta. Hæc quidem Ioannes apud Cassianum. Basi-
 lius vero , hac ipsa quæstione totidem verbis proposita , Vtrũ
 magis expediat ei , qui mundum relinquere decreuerit , seor-
 sum ne à ceteris degere , an vero cum aliis eiusdem consilij
 fociis , sine vlla dubitatione respondet , ita se sentire , itaque
 intelligere , ad multas res vtilius esse , si vno , & eodem in lo-
 co plures simul vivant. Neque hoc solum auctoritate sua con-
 firmat , quæ , vt talis viri , sola conuincere possit , sed multo
 magis ratione. Complura enim enumerat socialis huius vitæ
 emolumenta , quæ si breuiter , & ordine comprehendamus ,
 ad hæc fere reuocantur. Primum illud , est quod qui solus de-
 git , multa ei deesse necesse est , & illa ipsa , quæ habet , nul-
 lum , aut certe exiguum habent vsum. Ratio huius est , quia
 nemini omnia vni data sunt , sed alia aliis distributa , vt of-
 ficiorum

Coll. 19.
cap. 3.

Job. 6.

Reg. fus.
7.7.

ficiorum permutatione, dando, & accipiendo mutua coniunctio coalesceret; quibus autem aliquid datū est, non in ipsorum tantum, sed aliorum quoque utilitatem datū est. Itaque ait Basiliius, in vita solitaria hæc duo maxima sunt incommoda, primum quod illud, quod abest, supplere ex aliis non possumus: deinde quod illud, quod nobis superat, ociosum, & inutile redditur, quia non exercetur, sed defolsum tenetur, quod Dominus in Euangelio valde damnauit. *Mot. 23:* Contra vero ubicumque multorum societas viget, & quod suum est, eo quisque fruitur, aliisque impartitur, & ex alienis nihilo quam ex suis minus fructum capit. Secunda utilitas hæc est, quod qui in aliorum oculis uiuit, si aliquid peccet, monetur, arguitur, corrigitur, in quo ipso, ut testatur Basiliius, plurium consensus eo magis mouet, quod nemo sit tam obstinatus, qui non multorum iudicium suo ipsius iudicio anteponat, cedatque ei obiurgationi, quæ, ut Apostolus ad Corinthios scribit, sit à pluribus. At vero in illo secessu hoc valde difficile est, ut quis errare se intelligat; quoniam & vitiorum natura ferme occulta est, & nos ipsi nobis libenter adulamur. *2. Cor. 3.* Quin etiam accedit illud, quod etiam si vnus Dei iudicium, quam uam occultum, sufficere deberet, humana tamen infirmitas multo acrius extimulatur eorum iudicio, quos uidet, & quos audit: quoniam ut plurimum sensibus ducimur, minimam uero in nobis vim habent quæ sola ratione, aut sola fide percipiuntur. Itaque hoc quotidie experimur, quanto plus valeat ad nos in officio continendos hominum præsentia, illque respectus, qui ex illorum præsentia nascitur, quam præsentia Dei, & Angelorum, quorum in conspectu nos semper versari scimus. Itaque optime Bernardus de hoc ipso argumento, *Ep. 113.* Malum, inquit, quod nemo uidet, nemo arguit. Vbi non timetur reprehensor, securius accedit tentator, licentius perpetratur iniquitas. In conuentu uero bona si qua facis, nemo prohibet, malum autem facere si vis, non licet. Mox etenim à pluribus comperitur, arguitur, emendatur; sicut è contrario bonum, quod vident, omnes mirantur, uenerantur, imitantur. Sic Bernardus, cui consonat illud Cassiani, qui plerisque vitiis humanum conuictum hoc conferre docet, quia, inquit, hominum frequentia magis arguuntur, & dum lacerata crebrius manifestantur, celeri medicina perueniunt ad salutem. Ad hæc illa etiam accedit tertia utilitas ex coniunctione & animorum, & officiorum, & rerum omnium: quæ quidem

Iob. 18.

coniunctio cum in euangelio tantopere commendetur, tamen non adeo teneri potest, & certe non nisi voluntate teneri potest, & certe non autem re, & opere in illo genere soliuago; de quo sic Basilius ibidem, Si omnes, inquit, in vna spe vocationis assumpti vnum corpus sumus, & caput Christum habemus, singuli autem vicissim alij aliorum membra, profecto nisi in hoc conspirauerimus, vt ad similitudinem corporis vnius, in spiritu sancto nexi, aptique inter nos simus, ac non seorsim quisque disiectam à reliquorum cōmunionē vitam instituerit, qui fieri poterit, vt in eiusmodi distractione, & quasi auulsione mutuam inter ipsa membra conuenientiam, mutuaque præstemus officia: Neque enim in tali seiunctione res patitur vt gaudenti quis cōgaudeat, aut patienti compatiatur, si quidem ea separatio facit, vt alter alterius statum ne norat quidem. Hæc Basilius. Quarta vero commoditas, eaque per magna huius communis vitæ ea est, quod in hac pugna, quæ nobis perpetua est aduersus dæmōnes, & quidem de tanta re, quanta est vita æterna, nihil periculosius est, vt ait Bernardus, quam solum luctari velle, nihil tutius, quam multorum vna pugnantium manibus adiuuari. Declararunt hoc multorum tristes exitus, qui cum in solitudine multos annos in summis ieiuniis, ac vigiliis transsegissent, multaque fecissent egregie, ad extremum vertērunt omnia, decepti ab illo versuto serpente, vel prostrati ab illo leone, & dracone, vt Heron ille, quem narrat Cassianus, post annos quadraginta, quibus Deo seruierat, se ipsum in puteum præcipitasse, & alter quem scribit Iudaismum, & circumcisionem non minus stulte, quam impie suscepisse. Qui lapsus cum in omni genere, vt legimus, in solitariis illis satis frequentes essent, nullam aliam putare debemus causam, nisi hæc, quam diximus, quod qui solus sit, nimis infirmus sit ad sustinendos tot hostium tam assiduos, tamque effratos impetus. Sensit hoc Theodosius ille, magnus plane vir, & magni cœnobij pater, de quo ita scribitur, cum adhuc adulescens à Simeone Stylite incensus esset ad seculum relinquendum, hæsisse tamen aliquandiu ancipitem, vtram vitam eligeret, solitariam, an communem; sed tamen, omnibus perpensis, hanc illi longo interuallo prætulisse. Si enim aiebat, in exercitu nemo tam temerarius, aut tam stultus erit, qui ordinem deferens, solus sese in medios hostes coniciat, quanto hoc minus faciendum est in isto certamine tanto periculosiore, & cum hostibus tanto horribilioribus? Nec minor

Ser. 3.
Circum.Coll. 2.
cap. 5.

minor est, quam hæc, altera vtilitas, quod communis hæc vita non ita exposita est superbæ cuidam spiritali, cuius vel maximum periculum imminet solitario. vere enim Hieronymus, In solitudine, inquit, cito obrepit superbia. Reddit *Ep. 4.* autem huius causam Basilius. Cum enim, inquit, neminem habeat, qui iudicare possit de iis, quæ ab ipso fiant, facile putat se iam omnibus cumulare satisfecisse. Ex quo sequitur, ut cum animi statum apud se occultum & clausum teneat, neque quibus rebus destituatur intelligat, neque quem progessum in virtutibus faciat. Quia enim re humilitatis suæ documenta dabit, qui neminem habet, quo seipsum humiliorē declaret? Quod item specimen edet suæ in alios caritatis, qui se iunctus est ab aliis? Quomodo autem se ad patientiam exercebit, cum eius voluntatibus obsistat nemo? Atque his iudem Basilij dictis, non solum de patientia admonemur, quæ sine dubio facilior est in cœnobio ex aliorum congressu, & ex ipsa obedientia, sed de alia quoque vtilitate, quæ haud scio, an omnium maxima expellenda sit. omnes enim virtutes complectitur, quæ cum exercitatione indigeant, exercitatio autem indigeat materia, hæc quidem materia, ut Basilius addit, in vita solitaria omnino nulla est. Nam si de caritate agimus, in quem, ait ille officiosus eris? sin de humilitate, à quo ultimus numerabere? Eademque est ratio ceterarum virtutum pietatis, misericordiæ, obedientiæ, & aliarum huius generis. Idem vero licet dicere de vitiis ipsis, quibus cum desit materia, ne cognosci quidem possunt, an insint, nedum extirpari eradicari. Itaque sapienter Cassianus hoc affirmat, quæcumque vitia incurata in solitudinem deferantur, non solum non auferri *Lib. 8. cap. 17.* temporis spatio, sed potius exaggerari. Tamdiu enim, inquit, sibi patiens quis videtur, & humilis, donec nullius hominis commisceatur consortio, ad naturam pristinam mox reuerturus, cum interpellauerit cuiuslibet commotionis occasio. Emergunt quippe ex eo confestim vitia quæ latebant, & velut equi infrenes certatim è suis repagulis otio longiore nutriti, acrius ad perniciem aurigæ proprii, ferociusque prorumpunt. Magis enim e exercitio, vsque humano cessante, efferantur in nobis vitia, nisi fuerint ante purgata. Hoc igitur posito, quod ait Cassianus, magnum quendam errorem sæpe euenire necesse est, ut qui cum aliis hominibus aut nullum, aut breue commercium habent, aliquo se vitio carere putent, quo tamen vel maxime teneantur, &

rursum aliqua se virtute potiri, à qua tamen longe adhuc absint. Cuius erroris ea causa est, quod omnino perfacile sit, cum virtutis, aut vitij naturam cogitatione sola complectimur, alteram quidem probare, & amare, alterum odisse, & detestari, ea enim est vtriusque tum pulchritudo, tum deformitas, ut per se, ac sua sponte ita animum ab iis affici necesse sit. Quod qui non satis aduertunt, cum hunc virtutis amorem in se sentiunt, virtutem ipsam se tenere existimant, in quo plerumque decipiuntur. Aliud est enim iudicium de virtute, aliud ipse virtutis habitus; nam illud commune est etiam cum improbis, & momento fit, & est actio quædam rationis, atque intelligentiæ: hoc proprium est bonorum, & tempore, atque usu acquiritur, & in voluntate, affectuque inhaeret. Igitur solitarij illi, cum nihil habeant, quo quasi lydio lapide, seipsos tenere, atque explorare possint, in his sæpe viuunt erroribus, quos errores sola prodit, atque reteggit experientia, & occasio, qua oblata, si quid intus latebat, erumpit, seque ostendit. Sed eius nulla copia in solitudine, multa in congregatione. Commode enim Cassianus eodem loco, in iis ait idem fieri, quod in serpentibus, qui quam diu in suis latibulis degunt, neminem lædunt, non quia virulenti non sint, sed quia deest in quem sauiant, cum autem lædendi copiam nacti sint tum vero reconditâ exercere feritatem. Recte etiam Basilii in eadem disputatione, eorum studium irridet, qui sola meditatione, ac speculatione ad virtutem se peruenturos sperant, in quo ait similiter eos errare, ac si quis ædicandi artem, aut aliam quampiam ex nudis præceptis, nullo usu, & praxi adhibita, consequi velit, quod fieri non potest; idque Paulum ostendere, cum ait, Non auditores legis iusti sunt apud Deum, sed factores: idem etiam ostendisse Dominum, qui non verbis solis documentum humilitatis dedit, sed etiam facti exemplum coniunxit, præcingens se linteo, suorumque seruorum pedes abluens. Sequitur etiâ aliud, quo communis vita segregatæ illi anteponenda sit, quod hæc quidem, ut differit Basilii, suorum tantum bonorum procuracionem propositam habeat. Hoc autem, inquit, ille, aperte caritatis legi aduersatur, quæ non querit quæ sua sunt, quam perfecte obieciualle Apostolum videmus, qui non suâ ipsis vtilitatem quæreret, sed multorum, ut salui fierent. Itaque idem paulo post inertem, & infructuosam appellatam non veretur eam vitam, in qua scilicet Dei contemplationem nulla actio consequatur tuendis hominum commodis directâ.

Et Au-

Cap. 18.

Rom. 2.

1. Co. 10.

Et Augustinus cum multa de eius laudibus diceret, hoc ta- *De pioſ.*
men etiam addit, videri quibusdam nimis eam deſeruiſſe *Eccl. 1.*
humanaſ, quippe quæ nihil operæ, aut laboris conferat in *31.*
proximos. Verum eſt autem quod ait S. Leo, Nullus bonus *Ser. de*
ſibi ſoli bonus eſt, nec cuiuſquam ſapientis ſibi tantum ami- *S. Laur.*
ea eſt ſapientia: & hæc verarum natura virtutum eſt, & mul-
tos à tenebroſo abducant errore. Quamobrem hoc etiam
nomine præſerendi ſunt, qui in aliorum conſociatione vi-
uunt, quoniam id agunt, vt pro ſua cuiſque facultate de aliis
quoque benemereri ſtudeant. Cui bono illud etiam con-
iunctum eſt, quod Baſilius haud parui æſtimare videtur, vt
horum lux, quæcunque eſt iuxta Dòmini præceptum luceat *Matt. 5.*
etiam aliis hominibus; ex quo ſequatur vt glorificent Pa-
trem, qui in cœlis eſt; quod contra euenit in illa ſolitudine,
vbi licet multa ſiant laudabilia, omnia tamen quaſi in te-
nebris occuluntur, nihilque inde prodit, quo Dei bonitas
manifeſtetur, nihil quo hominum ſtudia ad imitationem
accendantur. His igitur, aliſque de cauſis dubitandum non
eſt, quin hoc virtutis curriculum, in quo multi ſimul de-
currunt, multo maiores tum ſuauitates, tum utilitates ha-
beat, quam id, in quo per ſe quiſ ue ſeparatim. Quamob- *Ser. 3.*
rem merito Bernardus duo illa tentationis genera comme- *Circunc.*
morat æquè periculosa ei, qui Deo ſeruire ſtatuerit, vt vel
inter ſeculi turbas agere velit pœnitentiam, vel contra eli-
gere velit ſolitudinem: quam tentationem eorum ait eſſe,
qui non ſatis attendunt propriam infirmitatem, & ancipi-
tem diaboli luſtam.

Atque hæc quidem de illa ſolitudine dicta ſunt, quæ olim
in uſu erat. Nunc autem apud aliquos in uſu eſt alia quædã
multo mollior, delicatiorque ſolitudo, qui in ſua cuiſque
domo ſpiritualem vitam inſtituunt, quæ etiam & remotam à
terrenis, turbulentisſque negotiis; in quo ſibi adeo placent,
vt ſuam hanc rationem ſecuriorem putent, minùſque expo-
ſitam perturbationibus, quàm religioſa ipſa inſtituta. Sed
longe falluntur. Etſi enim quod faciunt, ſi per ſe æſtimetur,
aliquid eſt: melius enim faciunt, quam qui vel ambitione,
vel cupiditate ducti, aulas, fora, nundinas ſequuntur: tamen
ſi cum religioſis conſerantur, tanto inferiores ſunt, vt nulla
ſit comparatio. Primum enim his omnibus commodis ca-
rent, quæ ſocialis, & communis vita affert, de quibus toto
hoc libro diximus, deinde ipſdem ſerè incommodis patent,
quibus vitam ſolitariam laborare oſtendimus. Denique hoc
etiam

etiam peius habent, quàm veteres solitarij, quod illi cùm in eremos, ac specus sederent, mundum omnem deserebant, diuitias propinquos. Isti contra hæc omnia retinentes, nec perfecte renuntiatur omnibus, quæ possident, & inter illa viuentes, certè quot quot illa sunt, toridem inter hostes viuunt. Veritas enim dixit, Inimici hominis domestici eius.

Mat. 10. Itaque illud etiam est periculum, ne ab iis hostibus victi, spirituale iter, quod aggressi sunt, deserant, & ad mundi, in cuius conuicio degunt, latas & spatiosas vias reuertantur. Et tamen etiamsi in eo genere semper perseuerent, vbi est obedientia tam ampla virtus, tamque diues meritum? vbi abnegatio propriæ voluntatis, vbi exercitatio verissimæ humilitatis, vbi centuplum, vbi denique cetera præmia, & ceteri honores religiosæ vitæ promissi? Quare si quis hoc animo sit, vt mundum ex sua domo vincere cupiat, huic consulendum est, vt si verè id cupit, potius in Dei domum, id est, ad religionem se conferat, & Dei castris se adiungat, vbi facilius, & perseuerantius vincet, multoque vberiore gratiæ, & gloriæ materiam inueniet. Cur enim, quod facit, non perfecte faciat, & obsequium quod Deo offert, non ita offerat, vt sit illi quam gratissimum, sibi quam fructuosissimum?

Deu. 14. Meminisse enim debet veteris illius legis, quæ animalia omnia, quæ pennulas haberent, & tamen reptarent, immunda esse decernebat, eorumque vsum prohibebat: nec sine mysterio. Illos enim homines indicabat, qui cum bonam voluntatem à Deo acceperint, qua se tamquam alis quibusdam altius à terra extollere possint, volunt tamen simul etiã in terra immorari, ac dum vtrûmque se tenere posse putant, vt pedem & in mundo, & in Dei obsequio habeant, à Dei obsequio tamquam immundi reijciuntur.

De beneficio vocationis religiosæ.

C A P V T X L.

His igitur positis, quæ de religiosi instituti vtilitatibus, tum per se, tum aliorum comparatione dicta sunt, hoc probatum, & stabilitum esse debet, nullam esse viam, quæ nos breuius, tutiusque ad cælum ducat, quam hanc, & potius reliquos omnes status in alto ferri expositos ventorum, & fluctuum, & scopulorum periculis: hunc autem vnum planè in portu nauigare, remotissimum ab illis periculis, proximum salutis æternæ, quæ est terra illa, ad quam nostra omnium tendit nauigatio. Ex quo fateri necesse est, & certè

certè ita nos æquū est & agnoscere cum gratia, & prædicare cum voluptate, hoc beneficium summum esse inter omnia beneficia, quæ à Deo Domino hominis animæ in hoc mundo conteri possint, & quidem, quod ad vitæ genus attinet, nihil eum in hac nostra peregrinatione maius, aut melius habere quod adiungat. Disserit de hac re S. Bernardus *l. Ser. de* culente quodam sermone, quo fratres suos magnopere *ingrat.* monet, ut sint diuinæ bonitati hoc nomine quam gratissimi. Magna est, inquit, super nos, magna valde misericordia Dei nostri, quos tam ineffabili spiritus sui virtute, tam inestimabili dono gratiæ suæ eripuit à vana nostra conuersatione huius seculi, in quo eramus aliquando sine Deo, aut certè, quod execrabilius est, contra Deum, non ignorantiam habentes, sed contemptum. Cuius vitæ, aut potius mortis (anima enim, quæ peccauerat, ipsa moriebatur) vtinam frequenter in oculis cordis nostri tetra versaretur imago, quanta videlicet cæcitas, quanta perversitas illa fuerit, ut sedula meditatione pensantes misericordiæ pondus, etsi non tam perfectè sicut est, aliquatenus tamen æstimare possemus liberatricis misericordiæ quantitatem. Iam verò si quis ex nobis diligenter considerare non negligat, non modo vnde erutus, sed vbi sit constitutus, non solum quid euaserit, sed & quid acceperit, non tantum vnde reuocatus sit, sed etiam quo vocatus, inueniet, sine dubio, cumulum huius misericordiæ omnino mensuræ prioris excedere quantitatem. Hæc Bernardus. Sunt igitur, ipso auctore, duo illa in hoc tanto beneficio æstimanda, primum terminus à quo, deinde terminus ad quem. Necessè est enim crescere hoc bonum, quod adepti sumus ex malo illo, quod effugimus, ut qui seruitute ereptus est, eo plus debet ei, qui eripuit, quo ergastulum, vnde emerit, tristius, ac miserabilius fuisse recordatur. Quod autem erat ergastulum nostrum? Mundus miseris, & calamitatibus plenus, præsertim verò peccatis, quæ est summa omnium calamitatum, plenus ambitione, concupiscentia, & laqueis infinitis, vbi nullus ordo, sed omnium rerum confusio, vbi tenebræ, & cæcitas, & omnia lubrica, cuius & leges perniciosæ, & mortifera exempla, & innumerales ad inalum impulsores, non dæmones modo, sed etiam homines. Credamus igitur S. Leoni, qui tum alibi *Ser. 11.* multa sæpè de hoc ipso, tum hæc in sermone quodam, *Ma. quadra.* Maior est, inquit, operis, ac laboris, mobilitatem cordis ab omnibus continere peccatis, & cum vndique innumeræ vani-

tatum

tatum illecebræ blandiantur, ad nulla contagia vigorem animi relaxare. Quis picem tangit, & non inquinatur ab ea? quis non infirmatur in carne? quis non sordescit in pulvere? Quis postremo est tantæ puritatis, ut ijs non polluat, sine quibus vita non ducitur? Atque hæc quidem de malis, è quibus eruti sumus. De bonis autem huius vitæ, ad quam translati sumus, breuiter Bernardus, sed ea breuitate plurima complectens, Quæ est ista quæso, inquit, tam pretiosa margarita, pro qua vniuersa dare debemus, id est, nosmetipsos; quia totum Deo dedit, qui seipsum obtulit, ut possimus eam habere? Nonne hæc est religio sancta, pura, & immaculata, in qua homo. viuit purius, cadit rarius, surgit velocius, incedit cautiùs, irroratur frequentius, quiescit securius, moritur confidentius, purgatur citius, remuneratur copiosius? Quid igitur amplius desiderare possumus? aut quæ maiora, & maioribus de rebus esse possunt beneficia, quàm hæc tam multa in vnum cumulum congesta? Quid porro restet homini in hac vita optandum vel ad salutem, vel etiam ad quandam perpetuam totius vitæ tranquillitatem? Atque huc pertinet etiam illa Chrysostomi longa, & accurata oratio, qua euidenter demonstrat quanto plura, & certiora sint naufragia in secularibus quam in religiosis: cuius triplicem causam affert, tum quod plura sint, quæ eos perturbent, tum quod remissius, & negligentius viuant, tum denique quod imbecilli, & viribus sint planè infirmis. Contra autem in Monachorum, ait, vita, profecto & fluctuant non sunt, sed potius summa serenitas, & tranquillitas, & studium longè ardentius repugnandi, ac resistendi his fluctibus. Optime autem, & disertissimè de hoc ipso B. Cæsarius in quadam homilia ad suos monachos, Scimus quidem, inquit, spiritali militia, cui nos mancipauimus, magnam esse in futurum repositam remunerationem. Sed si bene respicimus, in hoc ipso opere, quod agimus, quodammodo etiam in præsentia præmij partem possidemus. Et planè magnus vitæ fructus est, seculum potuisse despiciere, & Deo seruire coepisse, euasisse vitiorum infelicissimum dominatum, & fugisse gulæ, atque luxuriæ foedissimam seruitutem. Quid ergo? Nonne magnam iam pars præmij est, nihil habere commune cum mundo, vanarum rerum cupiditatibus non excruciarì, sceleribus non admisceri, in innocentia diem transigere, beatæ castitatis operam dare, gloriosæ paupertatis sufficientiam cum timore

exigua

3. con.
vit. vitæ
mon.

Hom. 5.
ad mon.

Prov. 15.

exigua portio cum timore Domini, quam thesauri magni sine timore? Intelligamus itaque quantum nobis Dominus pia vocatione contulerit, numeremus, si possumus, ex illo tempore, ex quo hic conuersari videmur, quanta lucra fecerimus, de quantis fraudibus, de quantis adulteriis, rapinis, periuriis, sacrilegiis liberati sumus, & tunc videbimus, quantum etiam de presentibus beneficiis Domino debeamus. Si nunc in seculo essemus, quid aliud ageremus, quam volueremur in malis nostris & animas nostras quotidianis violaremus maculis, quotidianis confoderemus vulneribus, ita ut nec sentiremus? Habet enim hoc infelix consuetudo peccandi, ut quanto amplius quisque peccauerit, tanto minus peccata ipsa intelligat, & tanto plus eum peccare delectet. E contrario autem, quanto quisque sollicitior circa se fuerit, tanto plus metuit. Hactenus Cæsarius. Nos autem illud etiam addamus, quo maiorem quædam in modum huius beneficii magnitudo exaggeratur. quod non hoc tantum animæ nostræ fecit Deus, ut eam à vitiorum, & dæmonum potestate liberaret, sed ad huius quoque euangelicæ perfectionis pulchritudinem, ac dignitatem prouheret. Hoc enim tantum est, ut ad declarandum verba non suppetant, sed hoc fortasse exemplo aliquid indicabitur. Nempe ut si rex magnus, & potens hostem, proditorumque suum, à quo innumera damna, fœdâsq; iniurias accepisset, tamen redactum in potestatem cum occidere, & perdere posset, non modo ultro, ac facile ignouisset, sed insuper ad suam familiaritatem, & cõuictum admisisset, recepisset in domum, ei que locum inter filios ipsos amplissimum, & honoratissimum dedisset. Sic enim diuinæ illi bonitati non satis fuit, si nos pauperes, nos inopes, nos suos hostes de terra inutilium cogitationum, aut etiam de stercore turpium peccatorum, suscitaret, nisi insuper ita nobilitaret, & illustraret, ut confedete nos faceret cum principibus cum principibus populi sui. id est, inter eos, qui primum, ac præcipuum locum, quod ad propriam perfectionem attinet, in Dei ecclesia tenent. Hoc enim illud est, quod suauissime S. Bernardus, ut solet, his verbis expressit, Denique, inquit, si forte priori fornicatione relicta, iterissemus in Ingrat. coniugij castitate, non capientes quod de cœlibe vita datum nouimus esse consilium, sed à rapinis, & fraudibus abstinenter, licite propriis rebus uteremur, nec dum tamen ad perfectionem euangelicam attingentes, sicut scriptum est, Si *Mat. 19.* perfectus esse, vade, & vende omnia quæ habes, & sequere me:

me: hoc ipsum quantæ pietatis esset, si ex tantis criminibus, in quibus multi ex nobis inuoluti solum in se responsum mortis, & iudicium certæ damnationis haberent, datum esset vel in inferiori aliquo gradu respirare? Prodigus certè filius ad filiorum numerum aspirare timebat, beatum se reputans, si forte vel in mercenariorum numero recipi mereretur. Minime tamen sufficere potuit paternæ pietati, nisi tam copiosam ei misericordiam exhiberet, cui posset & ipse, qui numquã à patre discesserat, senior filius inuideret. Sic & nos, dilectissimi abundanter effusa super nos misericordia Dei nostri, de filiis iræ, & diffidentiae non solum ad electorum recepit numerum, sed vocauit ad collegium perfectorum. Hæc Bernardus; quibus omnino conuenit egregium dictum Iordanis, qui proxime post B. Dominicum Generalis Magister fuit ordinis Prædicatorum, magna vir sanctitate, atque etiam, ut accepimus auctoritate. Hic enim cum nouitium quendam, spectantibus aliquot eius sociis, ad religiosum habitum admisisset, & deinde multa verba de religionis felicitate fecisset, ad extremum eos vberius lacrymantes aspiciens, ita ad illos sermonem conuertit. non debere eos flere ex amici discessu, sed potius ex inuidia, quod ille quidẽ multo meliorem partem, quam ipsi, eligeret: religiosos enim Deo seruire tamquam cubicularios principis, qui ab ipso intime, ac familiarissime adhibentur, seculares autem, si modo famulantur, ita famulari, ut qui in coquina, aut aliis eiusmodi ignobilibus ministeriis. Itaque vtilius, ac salubrius iis etiam ipsis fore, si oculos aperirent, & cogitarent, sibi quoque ianuam patere, si ingredi velint, & ad tanti Regis mensam assidere. Nec surdis auribus dictum. Vnus enim eorum statim, ne domo quidem reuista, alij paulo post omnes in eundem salutis portum se receperunt. Quamobrem si harum omnium tam ingentium vtilitatum summam, quasi ratiocinando, computemus, id plane apparebit, quod nobis ante oculos, & in corde semper fixum tenendum est, hoc religionis beneficium tam multa in se continere beneficia, ut nihil fere sit, quod amplius desideremus. Hic enim primum est illa perfecta remissio culparum omnium, tamquam in altero baptismo, hic sancta sobrietas, quæ carnem coerceat, hic salutare otium ad cœlestia cogitanda, hic fuga & separatio ab omnibus rebus, quæ animæ nocere possunt. Deinde illa etiam adeo magna, & solida bona, certa diuinæ voluntatis regula, perpetua exercitatio omnium omni-

no vir-

no virtutum, præpositorum ductus, regularum lumen, in-
 tetioris gratiæ cōpia, meritum maius, fraterna cōiunctio,
 mutuū auxiliū, mutua bonorum operum cōmuniō. Quæ
 omnia cum per se summa sunt, etiā singula, tum deinde &
 eo magis splendent aureo illo votorum nexu addito, & ad
 extremū optime cōcluduntur illa mortis securitate quam
 afferre solet hic status ita à mūdō remotus, ita cœlo, cœ-
 lestibusque propinquus: hisque omnibus, quasi coronidis
 loco, ad ea videlicet custodienda, accedit etiam Dei ipsius,
 & ipsius Beatissimæ Virginis amor, patrociniū, ac tutela;
 res tanta, tamque optabilis, non solum ob vtilitatem, sed
 etiam ob iucunditatem.

Cum igitur tot & tāta lucra, tot opes inesse videamus in
 statu religioso, quid eum aliud esse dicemus, quam thesau-
 rum illum in agro absconditū, quem qui inuenit homo, præ
 gaudio, vadit, & vendit vniuersa quæ habet, & emit agrum
 illum: Est, inquā, verissimè thesaurus religio, vel ipsa potius
 hunc thesaurum continet, quæ tam ingentes diuitias con-
 tineat, tantam bonorum abundantiam, non vnum, aut alte-
 rū bonū, sed omnia simul congesta, & accumulata. Hoc au-
 tem distat inter eum, qui thesaurū inuenit, & qui mercatu-
 ra, vel alia ratiōe ditescit, quod hic magno labore, & eo qui
 dem multis iacturis expositō, & longo tēpore, eas acquirit
 diuitias. At ille & multo plura acquirit, & sine pēriculo, &
 omnia simul. Itaq; cui id cōtingit, tēporis momento locu-
 ples, & beatus efficitur: sed nō omnibus cōtingit, ac potius
 paucissimis. Sic igitur si qui seculares spiritalibus bonis
 augeri volunt, iis diuturno studio, magnaue contentione
 opus est. Sæpe etiā incidunt naufragia eiusmodi, vt vna ho-
 ra omnia auferat, quæ plures forrasse anni cōtraxerāt, si vi-
 delicet vel ad vnum mortale peccatū impeerint; quod in
 tam scopuloso mari facile, & quotidianū est. Religiosus ve-
 ro multo felicior, quippe qui thesaurū inuenit, quoniā col-
 lecta omnia, & cōgesta illi dantur. Ipse enim status, ipsaque
 vocatio & spiritum ei paupertatis, & quendam castitatis,
 atque obedientiæ affectum intimo cordi inspirat, quæ om-
 nia in ipso religiosæ vitæ spiritu includuntur: idem etiā re-
 liquas virtutes affert, quæ istas necessario comitantur, par-
 tim quod ab illis fluant, partim vt illas sustentēt. Vere igi-
 tur thesaurus, in quo nō chrysolithi, aut vniones, sed verio-
 res illæ gēmæ, multoq; pretiosiores congregatæ sint, qua-
 rum vsus, ac pretium non in terrā tātum, sed in cœlo quo-

Matt. 13.

que maximum est. Est tamen thesaurus absconditus, quia
Matt. 19. pauci eū cognoscunt, paucisque cōceditur. Oportet enim
 verum esse quod Dominus ipse de his eunuchis dixit, Non
 omnes capiunt verbum hoc, sed quibus datum est à Patre
 meo. Vbi autem absconditus? Nempe in agro, in loco re-
 moto à turbis, à strepitu ambitionis, à negotiationibus, ab
 aulis Principum. Nec tamen in sylua, aut in monte, sed in
 agro, qui locus & arari, & feri, & magno denique studio co-
 li solet. Quæ omnia religioni aptissime conueniunt, quæ
 & à mundi tumultu remotissima est, & in qua omnis ani-
 mi cultura viget, labor, cautio, mortificatio sui, denique
 omnes spirituales industriæ. Hic igitur thesaurus cum pri-
 mum alicuius oculis Dei lumine patefactus affulserit, ita
 illius animum sui desiderio incendit, & rapit, vt nulla eum
 vis, nulla vincula tenere possint, quin ad eum accurrat, eo-
 que potiri velit, idq; cum gaudio, vt dixit Dominus, id est,
 non gemens, quasi ad molestiā, aut ad crucem vadat, sed
 quasi ad rem lætam, & faustā, & in summa, vt ad thesaurū.
 Sed quo hoc optabilius, eo magis cogitandū, quæ via, quæ-
 ve ratio fruendi, tam felici agro, in quo hic thesaurus re-
 conditus est. Nō enim gratis donatur, sed emitur, & eo pre-
 tio emitur, quod edixit ipse eius dominus, qui eū venalem
 proposuit, nempe vt vendamus vniuersa quæ habemus ad
 eum emendū. Omnia igitur relinquenda, si agrū hunc pos-
 sidere velimus, facultates, pecuniæ, honores, amici, paren-
 tes, quinimmo nos etiā ipsi. Atq; hoc quidem ita fit in reli-
 gione, vt & hic perfectissime fiat, nec facile sit videre vbi
 fiat alibi. Et in hoc utiq; bene etiā à Deo, & clemēter actū
 est, quod nō certam aliquam auri, vel argenti summā con-
 stituit, ne qui eam fortasse non haberet, rei tam optabilis
 emptione excluderetur. Sapiēter igitur eiusmodi pretium
 tanti agri definiuit, quod non in dando, sed in relinquendo
 consisteret: quo id egit, vt siue parum, siue multum habea-
 mus, siue etiam nihil, modo vniuersa relinquamus, neque
 nobis rem vllam, aut spem vllam reseruem, omnes admit-
 tamur. Itaq; ne hæc quidem, quæ relinquimus, omnino re-
 linquimus, sed commutamus in multo maiora, & meliora;
 quia pro exigua mercede tam magnū, atque opulentū the-
 saurum comparamus, in quo & illa ipsa merces, quā dedi-
 mus, & alia deinde infinitis partibus plura inueniuntur:
Ep. 20. quod aptissime testatur Hieronymus, cum ait: Plus accipi-
 mus, quam dedimus; parua dimisimus, & grandia posside-
 mus,

mus, centuplicato fœnore Christi promissa redduntur.

Quæ cum ita sint, atq; etiam cum tam vera, tamq; certa sint, quis huius adeo nobilis pretiosæque margaritæ, & huius adeo ingentis thesauri amore, ac desiderio non inardescat, vt si iam cum compararit, ita cum teneat, vt præponat regnis & sedibus, & omne aurum, aut argentum, quasi arenam exiguam, aut lutum æstimet in comparatione illius, ac illum denique super salutem, & speciem diligat? sin autem nondû comparauit, nihil tam magnû sit, quod pro ei' pretio non eroget, atq; vt de hoc ipso ait B. Gregorius, *Sap. 7. Hom. II. Euang.* ea quæ in terrenis amauerat, libenter cuncta derelinquat, deserat habita, cõgregata dispergat, deforme iudicet quicquid de terrenæ rei placebat specie, quia sola pretiosæ margaritæ claritas fulget in mente. Aegidiû ferunt; eum, qui vnus fuit ex primis Frâciscani Ordinis lapidib', tanta sanctitate, vt audito Dei, vel paradisi nomine, statim raperetur in ecstasim; hunc igitur ferunt aliquando petenti cuidam consiliû, num sibi in religionem ingrediendû esset, ita respondisse, Dic, inquit, mihi, mendicus si certo sciret aliquo loco magnû latere thesaurû, an ille consultaret, expediret ne eû effodere? Cum is negasset: quâto igitur, ait, alacrius, & promptius debent homines ad infinitum illum Dei thesaurum accurrere, in quo solo sunt veræ, & æternæ diuitiæ? Quod ille audiens, abiit illico, suisque omnibus diuenditis, & in egenos distributis, religiosam vitam iniit. Atque idem etiam vir sanctus alias interrogatus, an etiam in seculo Dei gratiam consequi aliquis posset, respondit, posse vtique: sed tamen malle se vnum gratiæ gradum in religione, quàm decem in seculo; quoniam gratia in religione facile conseruetur, & crescat, cum hic nimirum homo remotus degat à tumultu, & perturbatione mûdi, quæ hostis est capitalis gratiæ, tû deinde à spiritualibus fratribus incitetur, & animetur ad virtutem: contra vero in mûdo gratia facile amittatur; quoniâ sollicitudo secularis, quæ mater est distractionis, perturbat, & plane perdit gratiæ suauitatē, & homines ipsis prauis exemplis tû abducût à bono, tû inducunt ad malû, & quasi vi salutem animæ eripiunt, eamq; in sempiternû exitiû præcipitant. Quamobrem præstare sine dubio etiam multo minorem gratiam ita possidere, vt securâ sit, & cum tot, tantisq; præsidiis, quæ eâ augeant, quod sit in religione, quam vel multo maiorem cum tam euidēti periculo, vt est in seculo. Hæc ille ad verbû. Quare con-

cludamus iam omnia, tum quæ hæcenus dicta sunt, tū cetera quæ multa dici possunt, siue de seculi miseria, siue de huius thesauri, id est, religiosæ vitæ felicitate, cœlesti quadam visione B. illius Anselmi, qua illi hoc vtrumq; coniunctim ostensum est. Ita enim scriptum est, hunc aliquando extra sensus raptum, vidisse fluuium immanē, atque præcipitem, in quem sordes omnes, quæ vbique terrarum essent, confluerent, ita vt nihil aquis illius turpius, ac fœdus fieri posset, quæ etiam quicquid attingerent, raperent, ac deuoluerēt, viros, fœminas, diuites, inopes. Quod ille spectaculum miratus, ac miseratus, cum quæssisset quibus iis rebus alerentur, & quomodo viuerent, responsum est ei, in felices illos eodem ipso cœno, quo trahebantur, potari, & delectari est. Quin etiā adiecta est mysterij huius interpretatio; torrentem illum, esse ipsum mundū, in quo cæci mortales suis diuitiis, & honoribus, & reliquis cupiditatibus inuoluuntur, cumque adeo miseri sint, vt ne consistere quidē possint, ipsos tamen se beatos, & fortunatos putare. Ductus est deinde in septum quoddam ampli, & spatiosi claustrum, cuius omnes parietes argento obducti purissimo, mirum in modum nitebant. In medio pratum erat, & in eo herbulæ, non vt vulgares istæ, sed oēs argenteæ, eademque tamen viuentes, & molles, ita vt facile cederent insidenti, eoque surgente, per se rursus subrigerentur; aer autem placidus, & amœnus; denique omnia adeo iucunda, & suauia, vt nihil amplius ad felicitatem optari posse videretur. Atque hoc indicatum est ei esse religiosum statum; vt sine dubio eiusmodi imagine docere voluerit Deus,

in mundo omnia esse fœda, incerta, mortifera, & semper in præceptis rudentia: contra vero in religione omnia pulchra, omnia iucunda, denique omnia vt argentum, & candida, & pretiosa.



D E

BONO STATUS RELIGIOSI

LIBER SECVNDVS.

P R O O E M I V M.



ECCE quam bonum, & quam iucundum
 habitare fratres in vnum. Sicut vnguentū *Psa. 132.*
 in capite, quod descendit in barbā barbā
 Aaron: sicut ros Hermon, qui descendit in
 montem Siō. Quoniam illic mandauit Do-
 minus benedictionem, & vitam vsque in se-
 culum. Magnæ hic omnino laudes in communē ac socialē
 vitam congeruntur, magna etiam promissa, ac præmia fra-
 ternæ coniunctioni proponuntur; neque id ab homine,
 sed, quod maximum est, à Spiritu sancto, qui nec falli po-
 test in laudando, nec fallere potest in promittendo. Verū
 hæc quidē quæcunque sunt, vel præconia talis vitæ, vel pro-
 missa Spirit^{us} sancti, ita proprie, & aperte religioso statui cō-
 ueniūt, vt dubitari nō debeat, quin cū hoc vaticinū à Pro-
 pheta prolatū est atē eius oculos præclara hui^{us} instituti spe-
 cies in diuino lumine obseruaretur. Sic enim Basili^{us} de reli-
 giosis loquēs, multaq; differens de eorū felicitate, ad extre-
 mum ita concludit, de ipsis Dauidem in carminibus suis *Con me. c. 19.*
 exclamasse: Ecce quam bonum, & quam iucundum habi-
 tare fratres in vnum: quibus verbis, per bonum expressam
 esse vitæ probabilitatē: per iucundum autem, illam lætitiā,
 quæ ex concordia, animorumque coniunctione gignitur.
 Quod idem confirmat Augustinus, doctor grauissim^{us}, qui *In Psa. 132.*
 ita hunc ipsum psalmum interpretatur, vt sine vlla dubita-
 tione totum de religiosis factum putet, simulque demon-
 strete quanta sit eius boni, eiusque iucundi vis, quod hic
 S 3 describitur,

describitur, ad hominū animos alliciēdos. Ista (inquit) verba psalterij, iste dulcis sonus, ista suauis melodia tam in cantico, quam in intellectu, monasteria peperit. Ad hūc sonum excitati sunt fratres, qui in vnum habitare concupierunt. Iste versus fuit tuba ipsorū. Sonuit per orbem terrarum, & qui diuisi erant, congregati sunt in vnum. Hęc quidem Augustinus, & vere. Primum enim hęc religiosorum confociatio nullo aptiori nomine exprimi, & quasi pingi potuit, quam Fratrum, quia ipsis quoque vnus, & idem pater, vna etiam, & communis est mater. Omnes enim eodē semine Spiritus sancti progeniti sunt, omnes ab vnō Deo spiritualement hanc vitam acceperunt. Mater autem ipsa Religio, quę eos omnes non sua vi, sed Dei vi, vt diximus, generatos, suo tamen vtero eodem omnes concepit, eodemque lacte aluit, & tāquam verissimos fetus suos formauit, enutriuit, & ad perfectionem prouexit. Quanquam ne hoc quidem arctissimum propinquitatis nomen satis Prophetę visum est, vt qui tanto nexu deuincti essent, fratres appelleret: sed addidit, eos in vnum habitare, & vnum esse. Nam hoc quoque in religiosis non modo verum est, sed & ipsis quodammodo proprium, qui scilicet, vt idem Augustinus ait, ita in vnum viuunt, vt vnum hominem faciant, & sit in illis, vt scriptum est, vna anima, & vnum cor, & multa quidem corpora, sed non multa corda. Quę vnitas eo etiam pluris æstimanda est, quod non tam loco nititur, quam spiritu, ac proinde ne loci quidem diuisione scinditur: quoniam, vt est apud Cassianum, morum cohabitatio, non locorum, fratres coniūgit in oculis Dei; quia vt nihil prodesset, si qui moribus, ac proposito dissidentes vna domo iungerentur, ita qui eisdem studiis, & voluntatibus coniuncti sunt, nihil iis obest, locorum interuallo disiūgi. Iure igitur talis vitę utilitas, ac suauitas tum vnguento comparata est, tum rori: & vnguento quidem non vulgari cuiuslibet, sed sacerdotali, quod nimirum & prę omnibus erat odoriferum, & eos, quibus adhibebatur, Deo consecrabat; quo intelligatur, illos omnes, qui religiosam suscipiūt vitam, dū fraternę huic societati se aggregāt, simul etiam domino Deo cōsecrari, & consecrari vt sacerdotes, qui se ipsos hostiam, & ex se ipsis plures quotidie hostias eius numini offerant. Nil igitur mirum, si ex tantę virtutis perfectione tanta boni, gratiq; odoris abundantia consequatur, vt totam Dei domū, id est Ecclesiam sanctā, impleat, & ipsos religiosos,

in

in quibus ea est, amabiles, & quasi admirabiles omnib⁹ efficiat, ut sint insuper multis aliis, ut Apostol⁹ dicebat, odor. *Co. 2.* vitæ ad vitam, eosque eiusdem virtutis, ac perfectionis amore accendât. Quin etiam ut sacerdotale illud unguentum hanc ob causam adeo perfectum erat, tamque bene olebat, quoniam ex plurium odorum mixtione componi consueverat, ita religionis quoque, quod alio loco vberius à nobis dictum est, ideo maior est pulchritudo, & utilitas, quod in ea multorum virtus, & sanctitas coniuncta est, & quasi in vnum confluit. Itaque recte S. Basilius solitariam, *Reg. fu-* & anachoreticam illam vitam cū nostra hac communi cō-*si. cap. 74* parans, hoc quoque istam præfert, quod bonum, ut ipse ait, & iucundum illud, fratrum scilicet in eadem domo cohabitatio, quam Spiritus sanctus unguento suaue flagranti, & de capite summi sacerdotis aspiranti comparat, in separata vnus habitatione locum habere non possit. Hæc vero unguenti sic cōditi summa, & acerrima suauitas nō in solo capite residet, sed in oram ipsam vestimenti descendit, quā oram recte, ut cetera, interpretatur idem Augustinus vel finem temporum, quoniam tanta virtutis eminentia Euāgelij plenitudini seruabatur, vel ipsam perfectionem, quia in ora vestimentum perficitur, & illi (inquit) perfecti, qui norunt habitare in vnum, illi perfecti, qui legem implent. Versū hic quidem odor ad delectationem potius pertinet, roris autem similitudo etiam ad utilitatem. Ut enim ros miro quodam modo non nisi in sublimi generatur, & in æstu generatur, & ipsum tamen æstum suauissime refrigerat, sic spiritus iste, de quo loquimur, cœlestis, & de cœlo veniens, in eas mentes cadit, quæ ceteris omnibus relictis, vnus Dei amore ferueant, quas ipsas mentes ab omni infimarum rerum amore refrigerat, & in eis omnem aliā cupiditatem, omnemque inquietum ardorem extinguit. Cædit autem non in morem pluuiæ sonantis, aut imbris turbidi, sed, ut dictum est, roris tenuissimi, ut nemo sciat, nisi qui accipit, qui autem acceperit, non solū illud ardoris terreni temperamentū sentiat, quod iucunditatem continet, sed, quod utilitatis est, fertilitate, ac fecunditate omnium bonorum operū augeatur. Neque tamen genus hoc roris tam salutaris omnibus promittitur, sed montibus Hermō, & Siō, editis, atq; arduis, quo ipso religiosa animæ significatur, quæ supra res omnes terrenas euectæ, tū omnia despiciunt tanquam inferiora, tū etiam nullius fluminis aqua

Ser. 4.
Ascen.

irrigari possunt, id est, nulla transeuntium, fluxarumque rerum, quas iam reliquerunt, delectatione teneri. Ijs igitur necessaria sunt, & certe si cui alij in hoc mundo, ijs etiam debentur hæc cœlestis roris solatia, ut iam nunc futuram illam beatitudinem quasi prægustantes, ad eandem amandam, & concupiscendam magis, ac magis incitentur. In hoc igitur statu, quem cœli stillicidia irrorant, & fecundaht, quem diuinorum vnguentorum flagrantia demulcet, iure mādauit Dominus benedictionem, & vitam vsque in seculum, id est non breuem, aut temporaneam, qualis est huius mundi, sed æternā, & immarcescibilem. Hic enim vera Dei cognitio viget, quæ, ut Dominus dixit, vera est vita: hic Dei verba assidue percipiuntur, quæ spiritus, & vita sunt: hic fratres diliguntur, quo, ut ait Ioannes, scimus quoniā trās-lati sumus de morte ad vitam. Verum de vtilitatis quidem bono dictum est à nobis toto superiore libro. Sed non omnes sola vtilitate ducuntur, suntque plurimi, qui minorem omnino huius rationem habeant, magis autem dignitatis, amplitudinisque splendore moueantur. Verum enim est quod ait Bernardus, Cupidi omnes sumus ascensionis, exaltationem concupiscimus omnes. Nobiles enim creaturæ sumus, & magni cuiusdam animi, ideoque altitudinem naturali appetimus desiderio. Non igitur verisimile est, cum Deus hunc religiosum statum tantopere adamarit, tamque multis aliis bonis locupletarit, hanc partem, quæ ad eius ornatum pertinebat, neglexisse, eumque inglorium, atque contemptum esse voluisse. Quin potius ita statuendum est, vel nullam in spiritualibus Dei operib⁹ inesse dignitatem, quod stultum est opinari, vel si in illis insit, eam quoque in religioso statu, quod vnum est ex præcipuis eius operibus, vel maximā inesse. Nam cum virtutis per se tantus sit splendor, ut reliquis etiam omnibus ornamentis spoliata, tamen quasi in tenebris fulgeat, atq; huius virtutis propria quodammodo sedes, & regnum sit Religio, ipsam quoque necesse est illius nitore, atque honore splendescere, cum ita coniunctæ sint, ut hæc sine illa necesse, ac ne intelligi quidem queat. Quamquam hoc etiam fortasse amplius habet religiosum institutum, quā virtus per se, quod virtutis dignitas non omnium oculis lucet, suntque multi ita hebetes, ut eam non capiant: religiosum vero institutum non solum interiora habet spectacula, quæ spirituales homines oblectent, sed etiam exteriora, quæ vel rudes admiratione afficiant;

afficiant; ut in isto etiam nobilitatis genere non solum seculo ipsi se exæquarint, sed ipsum meo iudicio etiam longe superarit. Hanc igitur dignitatē, Dei aspirante gratia, secundus hic liber explicabit; rem plane iucundam, & in qua religiosus quisque merito sibi gratuletur. Cuius dignitatis illud etiam præter cetera magnum est argumentum, quod tam innumerabiles homines præ religiola vita, mundi huius honores, vel nondum adeptos tam alacriter contempserint, vel iam adeptos reliquerint, alij relinquere ardentissime concupierint. Cum enim, ut ante dixi, adeo naturalis sit homini hic appetitus gloriæ, ita prorsus credendum est, non potuisse utilitatem solam tantum ardorem illorum animis iniicere, nisi cum utilitate etiam amplissima quædam dignitatis species eis sese ostendisset. In quo genere ex multis mirabilibus exemplis, haud facile ullum maius inueniamus, quam Gregorij, qui cum ab-incunte ætate monasticam vitam profectus esset, postea etiam Ecclesiæ diaconus creatus, ita tamen eius amorem retinuit, ut cum Constantinopolim Legatus Apostolicus mitteretur, noluerit discedere, nisi cum aliquot suorum monachorum comitatu, ut quoniam in monasterio ipse esse non posset, quodam modo monasterium secum circumduceret. Illud vero maius, quod in ipsa Pontificia dignitate, qua nulla in terris altior, inque illo honoris fastigio, adeo tamen illius disciplinæ desiderio lugeret, ut omnibus pene suis scriptis testatur. Sic enim ipsemet in Dialogis, Infelix, inquit, animus meus, occupationis suæ *In præ.* pulsatus vulnere meminit, qualis aliquando in monasterio fuit, quomodo ei labentia cuncta subter erant, quantum rebus omnibus, quæ voluntur, eminebat, quod nulla nisi celestia cogitare consueuerat, quod etiam retentus corpore, ipsa iam carnis claustra contemplatione transibat, quod mortem quoque, quæ pene cunctis pœna est, videlicet vè ingressum vitæ, & laboris sui præmium amabat. At nunc ex occasione curæ pastoralis, seclarium hominum negotia patitur, & post tam pulchræ quietis suæ speciem, terreni actus puluere scædatur. Perpendo itaque quid tolero, perpendo quid amisi, dumque intueor illud quod perdidici, sit hoc grauius, quod porto. Ecce etenim nunc magni maris fluctibus quatuor, atque in naui mentis tempestatis validæ procellis illidor, & cum prioris vitæ statum recolo, quasi post tergum *1. Regi.* reductis oculis viso littore suspiro. Hæc Gregorius, & alia *ep. 4. c.* alibi in eandem sententiā, eodemque animi sensu: ex cuius hac *seq.*

querela facile intelligi potest, aliquid illū in religiosa disciplina pulchrū, atque præclarum ipso suo vſu cognouiſſe, quod etiam in illo rerū omniū apice requireret, & quō ſe carere doleret. Itaque hoc quoque teſtimonium eo maius momentum habere debet, quod & tanti viri eſt, & eius. qui cum vtramque vitam ipſa re eſſet expertus, alterius tamen, & quidem præſentis, tāta, quæ videtur, amplitudine, alterius abſentis amorem, & deſiderium non exinguebat.

De vilitate rerum omnium temporalium.

CAPVT I.

TOTA religioſæ vitæ ratio, ipſaque eius eſſentia in hoc conſiſtit, vt terrena omnia à ſe quam maxime remoueat, non eorum ſolū amore, quod omnes debēt, ſed etiam vſu, quod non omnes coguntur, quoad fieri poſſit, abdicatione. Quare nihil magis neceſſariū ad religionis vtilitatē cognoscentiam, ac multo magis etiam dignitatem, quam hoc fundamentum, vt bene intelligatur, penitusq; perſpectum habeatur, quam rerum omniū huius mundi natura imperfecta, & vilis ſit, quamque indigna hominis amore, & cura. Sic enim fiet, vt primū religioſus quiſque omnibus illis rebus facile careat, quibus nimirum amiſſis, nullam ſe iacturam feciſſe videat. Deinde vt hoc etiā appareat, quod nūc querendū eſt, quæ ſit hominis vera dignitas, & in quo reponenda. Primū igitur hoc habent res iſtæ omnes, vt quæcumq;, & quantæcumque videantur, re vera exiles, & exiguæ, & pulillæ ſint. quod quidem tum maxime cognoviſimus, ſi non per ſe inſpiciantur, ſed cum reliquarum rerum vniuerſitate conferantur. Nā cū tota ipſa terra, ſi recte eſtimetur, præſertim aliorū elementorū, ac cœleſtium orbium comparatione, minima ſit omniū, admodumque anguſta, terræ autem bona pars aquis demerſa, pars montibus oppreſſa lateat, reliqua vero prouinciis, & regnis diuiſa ſit, regna autē ciuitatibus, ciuitates domib⁹, & poſſeſſionib⁹ ſingulorū, quam tenues, & modicas eſſe neceſſe eſt particulas, quæ ſingulis cōtingāt? Scite Socrates ille philoſophus, & ſapienter, qui, vt ſcriptum eſt, Alcibiadis ſuperbiam aduertēs diuitiarū, & copiarū faſtu inflatam, adduxit cum ad tabulam, in qua deſcript⁹ erat totius terræ ambitus, rogauitque vt in ea Atticā inueniret, quā cum ille oſtendiſſet, rogauit item vt ſuos fundos indicaret: cum reſponderet, nuſquam illic

illic esse p̄ctos, cur ergo, ait, eorū te possessione effers, qui nulla terræ portio sint? Sed hic est hominum error, quod aurum, quod pecuniam, quod agros magnam rem reputāt, non quia hæc magna, sed quia ipsi parui, & minuti; vt fornicæ, quæ suas item cauernulas ita incolunt, quasi ingētes domos, & minima grana sic conuehunt, tantumque operæ ac laboris in iis insumunt, vt in ingenti præda. Quod si harum rerum essentia, mole quidem, & quantitate exigua, sed tamen vi, & pretio magna esset, aliquid fortasse habere viderentur, quo essent expetendæ. Peruidenda est igitur intima earum natura quæ sit, eiusq; principia, quibus constat, introspicienda. Hæc vero nihil aliud sunt, quam hæc, quæ scimus, elementa, tum illa subciliiora, ignis, & aer, tum illa crassiora, aqua, & terra. Ex his omnia, quæ videmus, quæ tangimus, quibus fruimur, composita, ac cōmixta nisi quod in omnib⁹ longe etiam superat terra, infimū omniū, & maxime concretum elementū. Quid ergo adeo admirandum existere potest ex iis rebus inter se confusis, quas per se singulas adeo cōtemnas? Aut quid stultius, quam terram, quæ cum aqua coniuncta lutum efficiat, pedibus contere, & inter sordes habere, eandē autem colore immutato tanti æstimare, adeoque diligenter tot clauibus in arca seruare? Vere enim Bernardus, Aurū, & argentū, inquit, nonne terra est rubra, & alba, quam solus error hominum facit, aut magis reputat pretiosam? Quod idem ante Bernardum confirmauit etiam quodam loco Chrysostomus. Bene autem, quod non fieri, sed potius reputari ait pretiosam. non enim hominum iudiciū etiam rectum, & verum, non modo opinio deliciens, & cum errore, rerum pretiū vel augere, vel minuere potest. Quod si propinquiorē quoque materiam rei cuiusq; pretiosissimæ spectemus, idem dicere licebit. Quid enim sunt vniones, qui iam etiam ad vultus hominū ornandos adhibentur, nisi concharū excrementa? In quo quidem illud est pene ridiculū, quod conchas ipsas non adeo magnificamus totas, hanc autem earum partem densiorem, & duriorē tanti æstimamus. Gemmæ autem quid sunt, nisi lapides? quid sericæ vestes, nisi viscera turpium vermiculorum? quid panni lanei, nisi ouium vellera, quas viuentes stomachemur? quid vestes pellicæ, nisi bestiarū pelles? Denique ædes magnificæ, palatia, portic⁹, alia sunt, quā lapidū congeries certo ordine coagmentata? In Iaponensium thesauris scimus pro ingentibus diui-

*Ser. 4.
Aduen.*

*Ser. 2.
Vidi
Dom.*

tiis numerari auiculas in cartha pictas, aut tripodes, vel lebetes quosdam ancus, neque id ex elegantia, aut ex artificio, quod nullum habent, sed ex antiquitate. Itaque si quid eiusmodi sit, quamuis attritum, & exesum, venire tamen solet duobus, & quatuor, interdum etiam sex millibus aureorum. Cum autem Europæi nostri hanc pecuniæ profusionem in res leuissimas rident, eos contra aiunt nostrum ridere morem, qui in vnum lapillum, aut eiusmodi rem, tantum pretij insumamus, nam illa quidem pleraque vsum saltem habere aliquem, nostra vero nullum. Et illi quidem hoc merito de nostro errore, si non simili in rebus aliis ipsi laborarent, vt amentes faciunt, qui se inuicem ludunt, & alter alterius infamas videt, suas non videt.

4. cō. c. 1.

Accedit ad hæc duo tertium quiddam aliquanto maius, quod illud ipsum bonū, quod rebus singulis inest, tam contractum, vt diximus, & tam exiguū, numquā in eodem statu permanet, sed quasi perpetuo quodā fluxu eo decurrit, vt ad nihilum suum redeat, vnde aliquādo prodiit. Ex quo illa præiurare apud Augustinum, Omnia, inquit, oriuntur, & occidunt, & oriēdo quasi esse incipiunt, & crescunt, vt perficiantur, & perfecta senescunt, & intereunt. Etenim omnia senescunt, & intereunt. Ergo cū oriuntur, & tendūt esse, quo magis celeriter crescūt, vt sint, eo magis festinant, vt non sint. Sic est modus earū. Cuius quidē modi eā deinde Augustinus reddit rationē, doctā omnino, & conuenientem, quod omnia ista partes sunt toti⁹ vniuersi, quod vniuersū cū etiā præteritis, & futuris constet, necesse est, vt alia decedāt, alia succedāt, quo totum compleatur. Vt. n. si aliquis orationē habeat, nō potest tota intelligi, nisi trāsuolātibus prioribus syllabis, ac verbis, aliisq; deinceps veniētibus; sic si in mūdo res aliquæ starent, reliquas, quæ adhuc venturæ sunt, impedirent, nec vniuersitas ista suas omnes partes acciperet. Itaque hoc vitium maximum, & maxime intrinsicum inest in rebus omnib⁹, quæ tēporis agitationi subsunt, vt tā velociter effluāt, quā ipsum tempus, quo nihil est velocius, & omnino iisdē passibus, eodēq; quasi cursu deferatur. Quā ob causam egregie S. Leo monet temporalia ista pro tractatis habēda esse, additq; rationem, quoniā ex maiori sui parte nō sint: siquidē præterita iam fluxerūt, futurū nondum aduenit; quod autem præsens est, vnius pūcti momentum est. In quam sententiā illa quoque apte à B. Gregorio scripta sunt, Quasi in aquis defluentibus fundamen-

tum

Serm. 1.
reij. ex.

tum ponere, est in rebus labentibus spei fiduciam vel- 22. *Mo.*
le solidare. Stante enim in perpetuū Deo, transeunt omnia. c. 2.
Quid ergo ab stante fugere est, nisi trāseuntibus rebus in-
harere? Quis nāq; vñquā decurrentium fluminū tumi-
dis verticib⁹ raptus manere ipse fixus potuit, deorsum vn-
da defluente? Quisquis vero defluere deuitat, superest, vt
quod defluit, fugiat, ne per hoc, quod amat, in hoc cogatur
deuenire quod vitat. Qui enim rebus labentibus inhæret,
illo videlicet trahitur, quō tendit, quod tenet. Simile est
quod alibi ab eodem Gregorio dicitur de vita humana, 25. *Mo.*
quod idem congruit etiam reliquis omnibus: Hoc ipsum, c. 2.
inquit morituros viuere, quasi ad mortem ire est: & quot
dies vitæ peragimus, quasi in itinere ad locum propositum
tot passibus propinquamus. Ipsa quippe angmēta detrimē-
ta sunt temporum; quia vitæ nostræ spātia, quanta esse cœ-
perint, incipiunt, iam tanta non esse. Atque hic ipse rerum
fluxus, si longior esset, ac diuturnior, esset tamen aliquid,
quo se homines productiori illarum rerum vsura conlola-
rēntur. Verum hoc totum quā breue, quam fugax est: quā-
que cito euolat? Et adhuc pusillum, ait Propheta, & non *Psal. 36.*
erit peccator; & idem, Homo sicut fœnū dies eius, tāquam *Psal. 102*
flos agri sic effloreat. Iacobus autem Apostolus vaporem *Iac. 4.*
appellat totam hanc vitam. Sanctus Iob etiam punctū vnū. *Iob. 21.*
Quo loco Gregorius, Omnis, inquit, lōgītudo tēporis vitæ 25 *Mo. c.*
præsentis punctus esse cognoscitur, cum fine terminatur; 24.
quia quicquid trāfire potuit, subitum fuit. Quod ne à Gre-
gorio de iis tantum dictū putemus, qui in ætatis flore præ- 15. *Mo.*
propere morte abrepti sunt, idem alibi hoc expressius; Si, c. 2.
inquit, ab ipso humani generis exortu vsq; ad hoc tēpus, in
quō sumus, mētis oculos dūcim⁹, omne quod finiri potuit,
quā breue fuerit, videm⁹. Ponamus enim quēlibet hominē
ā primo die mundi conditum, vsq; ad hodiernum diem vi-
tam ducere, hodiē tamen eādē vitam, quam quasi longā
ducere videbatur, finire: ecce finis adest, præterita iā nulla
sunt, quia cuncta trāsierūt; futurum in hoc mūdo nihil est,
quia nullum ad vitam restat momentum. Vbi est ergo lon-
gum tempus, quod inter initium, finemque deprehensum
ita consumitur, ac si nec breue vñquam fuisset?

Ad hoc magnū incommodum illud quoque addi potest
etiam grauius, quod ne hæc quidem ipsa tam exigui tēpo-
ris permansio, quæ his rebus ā natura præscripta est, certa,
ac stabilis esse potest: sed tā multis, & variis casibus extrin-
secis

secis expositæ sunt, vt sæpe, atq; adeo vt plurimū in medio cursu nos deserant. Est enim earum natura ita fragilis, atque, vt sic loquar, ita vitrea, vt leuissimo in cursu percant: sunt autem in hoc mundo tam multi, tamque frequentes incursum, latronum, tempestatum, bellorum, hominū potētiorum, & aliorum casuū innumerabilium, vt non modo facile sit hæc vel interire, vel aliorū manus transferri, sed nihil difficilius, quā ea tueri, ac defendere. De quo Bernardus in sermone quodam de fallacia præsens vitæ: Gaudet, inquit, in cibis, gaudet in pompis, gaudent in diuitiis, gaudent etiam in vitiis homines: sed luctus extrema occupat eiusmodi gaudiorum, quia gaudium in materia conuertibili mutari necesse sit, re mutata. Accenditur cereus: non paruum lumen est, sed lucerna. si quidem ignis ipse propria fomenta consumit, nec nisi ipsa consumptione fouetur: porro deficiente materia, etiā ipse deficiet. Sicut ergo flammæ illius nouissima fumus occupat, & caligo, sic lætitia lætæ rei in tristitiam commutatur. Hæc Bernardus, optime omnia, idque præsertim, quod eam quoq; ostēdit esse temporalium rerum miseriam, quod non modo extrinseca vi, sed etiam ipso earum vſu vel subito absumantur, vel certe paulatim deterantur, vt epulæ, vt vestes, vt palatia, & cuncta eius generis. Quomodo autem diuturnū esse possit, quod seipsum conficiat, & destruat? Atque hoc illud est, opinor, quod Macharius ille Alexandrinus tribuno cuidam respondisse fertur. Cum enim vna cum altero Machario Nilum trāsmisſurus nauim conscendisset, vterque pannis obſitus, habituque despicato, eademque naui duo quoque tribuni vherentur cum maxima pompa equorum, famulorum, aurearum vestium, alter ex his Dei famulos conspicatus sedētes in angulo, Beati vos, inquit, qui mundum illuditis: cui Machari⁹, Nos quidem mundum, vos autem mūdus illudit. Quo ille tam breui dicto ita cōpūctus, & quasi illuminatus est, vt domū reuersus, statim omnibus, quæ habebat, distractis, monasticam vitam sequutus sit. Fecit igitur, quod Bernardus quodā loco monet, melius esse hæc terrena relinquere, quā ab illis relinqui: idque vere intellexit, quod Gregori⁹ in Moralibus scriptū reliquit: Diu, inquit, cū nostris rebus durare nō possum⁹; quia aut nos illas moriendo deserimus, aut illę nos viuētes quasi deserūt pereūdo. Sed fingam⁹ hæc omnia, quę mundus appellat bona, esse magna, esse certa, esse etiam diuturna, quanti tandem æstima-

Ser. ecce
nos reli.
18. Mo.
11.

manep

manda est eorum possessio, ac fructus? Nam si hoc quoque ex veritate perpendamus, quis sit modus ijs perfruēdi, primum inueniemus esse infimum, & ignobilem, quippe per sensus, quod est nobis commune cum brutis, ita tamen, vt ab illis etiam plerisque superemur: deinde, quod ad ipsam delectationem attinet, minima tantum ex parte à nobis illa attingi. Aliis enim fruimur tantum videndo, vt picturis, vt statuis, vt nemorum, & camporum viriditate. Aliis fruimur gustatu: aliorum nullus est vsus, nisi vt recondita in arcis seruentur. Alia longissime dislita sunt à possessore, atque ab illo nec videri, nec contrectari possunt. Sic autem se res habet, vt eorum quæ exempli gratia gustatu sentiuntur, solus sapor percipiatur, reliqua vt plurimum nobis inutilia sint, ideoq; à nobis nec vere possessa: in aliis odor tantum vsui est, in quibusdam color. Denique, si singula percenseamus, minimum quiddam ex omnibus istis rebus concessum videbimus, quod certe tanti non est, vt tam care à nobis ematur.

Postremo hoc etiā ad horū terrenorum naturā & indicandam, & in odiū adducēdam vel maxime pertinet, quod certe quodcūq; est illud ipsum bonū, quo Dei munere prædita sunt, idque tam exiguū, tamq; fugax, quam diximus, obsecsum semper est tantis molestiis, & tam multis permixtum malis, & quidem multo maioribus, vt ne illā quoque ipsam voluptatem, quæ ex his percipitur, integram, & solidam esse sinant, potiusque omnem eius sensum extinguant. Quam ad rem etsi multa ex communi hominū vita desumi possēt, in qua hoc quod dico oculis ipsis spectatur, vnus tamen Bernardi testimoniū sufficiet in epistola, quā scribit ad Sophiam nobilissimam virginem de fallaci mundi gloria: in qua cum prius de breuitate disseruisset, addit hæc de duratione ipsa. Ipse eius, inquit, qualiscumq; status nonne plus anxietatis, quam iucunditatis, habet? Dum vendicas, dum defendis, dum inuides, dum suspicaris, dū semper ambis quæ non habes, & nonnullis adeptis, acquirendi non tepescit ardor, quæ requies in gloria tua? Siqua tamen est, præterit iucūditas non reditura, & manet anxietas non relicta. Sed neque hæc, neque vlla alia ratio ita euidenter nobis creaturæ omnīs conditionē patefacere potest, quam ea vilis, atq; imperfecta sit, vt ipsi creatoris collatio. Quēadmodū enim rusticus, & pauper in villula natus, suū semper tuguriū, suosque pannos aliquid esse putabit, donec in urbem

16. Mor.

18.

urbem adueniens, nobilium ædes, seruorum copiam, ceteraque magnificentiam aspiciat: sic homo, quamdiu eius mens in hisce infimis demoretur, non ea satis cognoscere poterit, sed oportet, ut sese ad illam Dei amplitudinē; maiestatem, infinitatem erigat. Etenim si terra tota, ut supra attigimus, cœli respectu, non amplius, quam punctum est, cœli autem ipsi, non modo qui nunc sunt, sed si alij multo plures, grandioresq; essent, tamen Dei respectu minus etiā essent, quam punctum, quid erit terræ exilitas Deo comparata? Et, si vniuersa terra Deo collata nihil est, quid erit tantulum vel terræ, vel pecuniæ, vel similibus rerum? Accedit etiam mod⁹, quo hæc omnia existunt, omnino tam tenuis, & infirmus, ut propius ad id accedant, ut non sint, quam ut sint, præsertim si hic modus in diuinæ illius essentia nō dicam comparisonem, sed in præsentiam adducatur. Hanc enim ob causam dictum est à B. Iob de Deo, Ipse solus est; quæ verba exponens Gregorius, Numquid, inquit, non sunt Angeli, & homines, cœlum, & terra, aër, & maria, cuncta volatilia, quadrupedia, atque repentia? sunt hæc omnia, sed principaliter nō sunt, quia in semetipsis minime subsistunt, & nisi gubernātis manu teneantur, esse nequaquā possunt. In omni igitur causa solus ipse intuendus est, qui principaliter est, qui etiam ad Moysen dicit, Ego sum, qui sum. Sic dices filiis Israel, Qui est misit me ad vos. Hæc igitur si colligamus omnia, facile quemuis conuincant, non modo vnū agrum, aut vnā domum, aut opes quascumq; cuiuspiam priuatas, quæ satis angustæ esse solent, parui omnino æstimanda esse, ac potius pro nihilo habenda, & tamquam nihilum contemnenda, sed si terrarum orbem, & quæ in eo sunt vniuersa, aut etiam, si hoc fieri possit, innumerabiles mundos vnus possideret.

In quo sit a sit vera hominis nobilitas, & dignitas.

C A P V T I I.

25. Mor.

cap. 1.

HOc igitur tamquam fundamēto posito, ac stabilito, facile iam intelligi potest, quibus in reb⁹ vera dignitas, & id quo homo vere nobiliteretur, consistat. Ac vulgus quidem hominum alij hoc in opibus, alij in honoribus, alij in familiæ claritate reponunt; quia nimirum, ut ait Gregorius, ab internis, atque inuisibilibus oculos claudunt, eosque visibilibus tantum pascunt, ex quo fit, ut hominem, non ex eo, quod ipse est, sed ex iis, quæ circa ipsum sunt,

sunt, venerentur. Sed horum quidem error manifeste refellitur vel ex hoc, quod aliarum omnium rerum æstimationem non ex alia re sumimus, quam ex eo, quod in ipsis est. Eam enim domum probamus, quæ ad habitandum sit commodissima, illum bouem, illum equum, qui sit vel ad arandum, vel ad currendum aprissimus: denique etiam minima quævis. ut gladium, & cultrum, tum laudamus, si congruant ad eum vsum, cui facta sunt. Quæ igitur est insipientia, ut soli homini e alienis, & quidem exiis, quæ multo inferiora & ignobilia sunt quam ipse, honor tribuatur? Hæc enim omnia, pecuniæ, vestes, domus honorata, & reliqua de hoc genere, non solum extra hominem, sed etiam infra hominem sunt: tantum abest ut ei ornatum, ac splendorem addere queant. Iraque hoc primum est, quod quicquid ista habent boni, paruum, & infimum est, minimeque gloriandum, homini præsertim, qui multo maior, ac excelsior est. Deinde quodcunque illud est, nihil ad Dominum rei. Ut enim inepte ac ridicule faceremus, si ego tua doctrina gloriarer, aurum mea, sic isti faciunt, qui auri, vel argenti, aut agrorum possessione iustantur, cum siquid ista boni, aut pulchri habeant, id totum rerum ipsarum sit, non hominum. Recte enim Bernardus in vno genere, quod tamen in omnia genera conuenire possit, Indignum tibi, inquit, iudica formam à pellibus murium, & operibus vermium mutuari. Ille est verus, propriusque cuiusque rei ornatus, qui nulla interia cente materia per se inest. Restat igitur sola animi ornamenta, quæ vere hominem ornent, eumque honore dignum efficiant. Hæc enim & propria & perpetua, & cerre ita magna sunt, ut merito ab omnibus coli debeant. Quamobrem iure Ambrosius in libro, quem de Noë laudibus scripsit, hoc quoque inter cetera de illo commemorat, quod non generationis nobilitate, sed iustitiæ, & perfectionis merito celebretur: Probati enim, inquit, viri genus, virtutis prosapia est; quia sicut hominum genus homines, ita animarum genus virtutes sunt. Idem ferme dicit & Hieronymus. Nescit, inquit, religio nostra personas accipere, nec conditiones hominum, sed animos inspicit singulorum. Seruum, & nobilem de moribus pronunciat. Sola apud Deum libertas est non seruire peccatis. Summa apud Deum nobilitas clarum esse virtutibus. Nam & alias frustra sibi aliquis de nobilitate generis applaudit, cum vniuersi paris honoris, & eiusdem apud Deum pretij sint, qui vno Christi sanguine sunt redempti: nec interest

qua quis conditione natus sit, cum omnes in Christo æqualiter renascamur. Hoc igitur senserunt, & hoc scripserunt sancti hi Patres; neque vero aliter sentire liceat ei, qui Christiana fide imbutus verum à falso, inane à solido discernere norit. Videmus quid Agatha præstans virgo, eadèmq; martyr responderit Quintiano iudici, qui illi ut probum obiecerat, quod cum clato genere nata esset. non eam puderet Christianorum vitam humilem, & seruilem agere: cui illa, se vero hoc ipsum putate summam esse ingenuitatem, & nobilitatem, seruam esse Christi. Arque, ut dixi, hoc eodem animo oportuit esse omnes Christianos, & illos præsertim Christianos. Illud magis mirum, quod ab ethnicis philosophis scriptum de hac ipsa re inuenimus, in primisque à Platone in Dialogis de Republica, ubi ita disserit, Post Deum proxime nobis colendum esse animum nostrum, cum vero non recte, ac vere ab illo honorari, qui stulta sui opinione inflatus se ipsum laudet, vel animo suo permittat agere quicquid libeat, multo vero minus, qui voluptatibus indulgeat, cum hic potius ipsum deiiciat, malisque, ac pœnitentia impleat. Sed ne eum quidem, qui vitam hanc magnum esse bonum arbitratur, quod hic quoque eum potius dedecoret, atq; deturpet. Neque rursus qui virtuti formam corporis anteponeat, vel qui pecuniam iniuste congerit. Hos enim omnes, quod est in animo pulcherrimum, & maxime venetabile, exigua, & leuissima metcede perdere, cum quicquid auri est in terra, aut sub terra, vna virtute compensari non possit. Quare honorem verum nullum esse aliū, quam recta, & honesta sequi. Aristoteles autem non solum hoc ipsum confirmat, etiam expressius, sed causam addit, cur plerique hominum errent in huius rei iudicio. sic enim ait, Honorem soli virtuti deberi, ut eius præmium, etiam impar id quidem, & inæquale, quoniam perfectæ virtuti nullus dignus honor retribui possit. Quinetiam hoc docet, omne id, quod in bono excellat, dignum esse honore: vulgus autem, quia non alia bona intelligit, quam externa, ut nobilitatis, ut diuitiarum, ut imperij, eos, in quibus illa videat, honorare, quasi excellentiam aliquam inter alios obtineant: re tamen vera solum hominem bonum honorandum esse: eos vero, qui ista sine virtute possideant, non esse honore dignos; quod contra ipsi faciunt, qui sæpe effertuntur, ut, quoniam externa illa specie eminent, vere etiam se aliis eminere putent. Huic Aristotelis, aliorumque auctoritati licet etiam rationem addere apertam

Dial. 5.

*4. Ethic.
cap. 3.*

apertam, & euidentem. Etenim, si recte cogitemus, triplex omnino natura à Deo condita est; vna, quæ solo spiritu, atque intelligentia constet, vt Angelorum; altera omnino in corpore deincepsa, vt belluarum: tertia hominis, interiecta inter vtramque, vel potius vtramque continens, quæ & carnem habet, vt belluæ, & rationem, vt Angeli. Itaque vtriusque etiam opera exequitur. nam & res intelligit, principia, & causas videt, præterita retinet, futura etiam præcipit, vt Angeli. & rursum comedit, bibit, dormit, dolet, generat, vegetatur, ei escit, moritur, vt belluæ. Ex quo fit, vt cum in hoc quasi biuio duplicis huius naturæ constitutus sit, vtram in partem moribus, & vita inclinarit, ei fiat simillimus: si in appetitum, ac sensum, si in carnis voluptates, plane degenerat in brutum. Sic enim ait Propheta, Homo cum in honore esset, non intellexit, comparatus est iumentis insipientibus, & similis factus est illis. Sin vitam ex ratione instituat, & carnis cupiditatibus edomit, spiritualia sectetur, non modo Angelorum, sed ipsius Dei similitudinem retinet, & quotidie eam magis adauget. sic enim idem Propheta, Ego dixi Dij estis. Tantum igitur interest inter eum, qui secundum carnem viuat, vt ait Apostolus, & qui secundum spiritum, Psal. 48.
Psal. 81.
Rom. 8. non dico quantum inter baiulum, & regem, hæc enim distantia, quantacumque est, est intra eandem naturam, sed quantum inter iumentum, & Angelum, quorum altero nihil abiecius, altero post Deum nihil alius. Itaque hoc plane constitutum sit, veram dignitatem, veram nobilitatem, verum decus in vnâ virtute litum esse; quod qui non satis intelligit, ea causa est, quod oculos non habeat, quibus virtutis splendorem videat. Nam de hoc quoque recte scriptum est à Gregorio, carnales quosque, etiam si per humanam sapientiam rationales esse videantur, tamen à lumine veræ rationis eo cæciores esse, quod illis solis oculis vident, quos serpens aperuit. Nam si inquit, spiritualium virtutum fulgorem aspicerent, eum profecto in ornatu suæ mentis habere desiderarent. 4. in lib. Reg. c. 1.

De dignitate religiosa paupertatis.

CAPVT III.

OMNIS quidem virtus, quoscumque complexa sit, euehit tam alte, vt eos reliqui homines cum admiratione suspicere, ac vel inuiti amare, & colere cogantur. sed tamen hoc multo magis efficiunt excellentes quædam, singulæq; virtutes

virtutes, addo etiam, quæ sint inter ceteras maxime difficiles, & arduæ. Necesse est enim, quo maior sit earum splendor, & pulchritudo, eo maiorem in mortalium animis admirabilitatem gignant. Ex quo genere cum sine vlla controuersia sint religiosæ virtutes, non est dubitandum, quin veram etiam afferant homini nobilitatem. Quamobrem de singularum dignitate aliquid dicendum est. In primis autem offert sese Paupertas, quæ, ut ait Ambrosius, ordine prima est, & quasi parens aliarum omnium virtutum. Cuius de utilitate cum superiore libro disputatum sit, nunc etiam dignitas, ut dixi, tractanda est, quæ facilius intelligetur, si hoc antea ponamus, excludi ab hoc sermone eam paupertatem, quæ vel necessitas, vel vis, aut casus aliquis affert. Hoc enim paupertatis genus ignobile, & sordidum, vulgòque odiosum habetur nec omnino immerito; quoniam nec laudem meretur, cum non voluntate suscipiatur, & cum externis prematur incommodis, non tamen internis commodis recreatur; quippe quæ modo cupiditatem non tollit, sed potius auget, nec quietem in animo efficit, sed solitudinem, curam, angorem. Alia vero longe est euangelica paupertas, quam religiosi profitentur, nimirum voluntaria, ut vitro asciscitur, vitroque, ac libenter sustinetur, quæ etiam oblatas diuitias, & ipsos auri montes, quasi stercora, ut ait Paulus, abominatur, idque propter Dei amorem, spemque bonorum cælestium. Hæc enim paupertas eo ipso, quod omnia contemnit, omnibus eminet, utque iniro modo; ut quæ pedibus spernendo conterit, eisdem eminendo omnia possideat. Itaque non eo contenti sunt religiosi, ut superflua tantum abiiciant, aut se ad eum statum redigant, de quo dicebat Salomon,

Philip. 3. Diuitias, & paupertatem ne dederis mihi, sed tantum victui meo tribue necessaria: utrum his quoque ipsis necessariis sese exuunt, & in quadam rerum omnium nuditate constituunt: nec aliqua tantum resecant, aut etiam multa, quod tamen ipsum laudabile, ac potius mirabile esset, sed plane omnia, & in omni genere, & in perpetuum. Quinetiam licet hoc eiusmodi sit, ut nihil adiungi posse videatur, quoniam hoc tam generali rerum omnium verbo omnia penitus continentur, nihil excluditur, est tamen aliquid maius in paupertate religiosa. Nam non solum nihil habent, sed in eo se statu ponunt, ut ne habere quidem possint, cum omnem dominij facultatem à se præciderint. Declarant hoc Theologi iumentorum exemplo, apto omnino ad rem

hanc

*Lib. 5. in
Luc.*

Philip. 3.

Prou. 30.

hanc iudicandam. Vt enim iumenta vt quidem possunt stabulo, stramento, fœno, tegumentis quibusdam, nec tamen hæc possident, cum ipsa potius possideantur ab hominibus, quia scilicet ratione carent, quæ est fundamentum domini: sic religiosi singuli & cibo, & vestibus, & domo, reliquisque ad vitam necessariis vtuntur illi quidem, sed tamquam alienis, quorum vsu dumtaxat habeant, non autem eorum Domini sint. Eam enim vim habet paupertatis votum, quo religiosi rite se obstringunt, vt non magis, quam iumentâ, de quibus diximus, habiles sint ad legitimum rerum dominium. Ex quo illud existit, quod adeo Cassianus in monachis suæ ætatis laudat, vt ne verbo quidem quispian auderet suum aliquid dicere, magnûmque esset crimen & oie monachi processisse, codicem meum, tabulas meas, tunicam meam. Quæ igitur perfectior esse possit paupertas, aut quis altior sit gradus, quo ea ascendere possit? Quanta vero sit eius eminentia, ac splendor quidam, declarat primum ipsa difficultas, quæ tum ex rei ipsius natura cognoscitur, tum ex eo quod hoc gemmæ genus (sic enim appellanda est) tam rarum sit in terra. Hinc enim est illud eius encomium in Ecclesiastico, Beatus vir, qui inuentus est sine macula, & qui post aurum non abiit, nec sperauit in pecuniæ thesauris. Quis est hic? & laudabimus eum, fecit enim mirabilia in vita sua.

*Lib. 4.
cap. 13.*

Ecc. 31.

Quasi enim inter homines nullus inueniri possit, ita querit, Quis est hic? Et quidem Sapiens iste laudes tantas in eum congerit; qui aurum non desiderarit, eique cumulando, & augendo non studuerit. Sed religiosi aliquid etiam amplius faciunt, qui scilicet, quod habent, insuper abiiciunt, seque ad eam, quam diximus, perfectissimam nuditatem redigunt. Itaque hoc, etiam multo mirabilius est, quod isti faciunt in vita sua.

Sed erit hoc expressius, si cogitemus, quam multa sint, quæ hanc habendi cupiditatem incendunt, quos omnino quasi æcerimos hostes profligat, & vincit ista paupertas. Primum enim est in nobis, atque in natura nostra penitus insita propensio quædam ad multa habenda, cuius propensionis pondus recte Augustinus reuocat ad illam Dei similitudinem, quæ nobis ita impressa est, vt etiam peccando ab ea recedere non liceat. ex quo fit, vt, quoniam Deus omnia teneat, sic homo quamplurima habendo illum imitari velit. Hanc deinde auaritatem multo magis laceffit ipsa rerum, quas videmus,

*2. Conf.
cap. 6.*

pulchritudo, fulgor auri, gemmarum nitor, species vestium pretiosarum, vel magnificarum ædium, & reliquorum eiusmodi. Accedunt multæ commoditates, quæ sine dubio nascuntur ex diuitijs, dum & incommoda vitæ aut omnia, aut pene omnia depellunt, & multam deliciarum, ac voluptatum copiam suppeditant, mensarum lautitia, horrorum amœnitatem, supellectilis abundantia, omnique cetero luxu. Contra vero paupertas tum hæc omnia adimit, quæ molestia per se magna est, eoque maior, quod perpetua, tum vero quoddam etiam extremum vitæ periculum repræsentat, quippe quæ omnibus præsidijs orbata sit, quibus ea sustentatur. Itaque quantum vita amatur, cuius amori omnia cedunt, tantum hæc fere à natura rejicitur, ac repellitur. Accedit honor, cuius eadem hominis natura est avidissima. nihil est enim, quod magis ab hominibus honoretur, quam diuitiæ, nihil quod magis despiciatur, quam paupertas. Denique accedit communis quædam, & generalis opinio, qua à pueris omnes imbuimur, & in qua & domesticorum, & vulgi sermonibus, multoque magis moribus, confirmamur, nihil melius, nihilque beatius esse, quam redditus habere quam amplissimos, auroque, & argento, & his rebus omnibus affluere. Cuius igitur roboris, aut cuius constantiæ illum esse animum oportet, qui hæc omnia quibus natura adeo ducitur, ac trahitur, simul abijciat, & conculcet, & omnia contraria,

In lib. ad Magnā, quibus natura adeo abhorret, ultro complectatur. Optime hoc, & diuine B. Nilus antiquus Pater, qui ideo castitatis, & paupertatis excellentiam commendat, quoniam, inquit, pulchritudo, & diuitiæ æque appetantur, & viriusque horum illecebris non irretiri fortis animi est. Sed qui institutum nihil possidendi ceperunt, multo maiori admiratione digni sunt, quippe quos opum æstimatio non traxit, nec mentem inanibus curis illigare voluerunt. Nam cum cetera sensui iucunda facile hominem inuitent, multo etiam magis hoc faciunt diuitiæ, quia ad voluptates, & honores magnopere accommodatæ sunt, & quod longa consuetudo insipientes docuit, beatorum eos existimare, qui opulenti sunt, tum propter gloriam, & splendorem, tum propter voluptates, quibus fruuntur. Excellentes itaque putandi sunt, qui tamquam in palestra cogitationes illas vicerunt, quæ mentem impellunt ad assentiendum populari opinioni de amplectendis diuitijs, quasi veris bonis, quæque omnium sententia magni æstimandæ esse videantur. Hæc Nilus ad verbum.

bum. Itaque hoc ita constitutum esse debet, in hac voluntaria paupertate elucere magnopere eximiam quandam animi altitudinem, ac magnificentiam, qua se animus super omnia, quæ in hoc mundo sunt, longe efferat, eaque tanquam se inferiora despiciat. Atque hic mentis habitus tum per se admirandus, & in magno pretio habendus est, tum ob id quoque, quod omni indignitate eripit, quam eos perpeti necesse est, qui pecuniæ quærendæ student. De qua comparatione egregie Chrysostomus extrema in Matthæum homilia; Diuitem inquit, necesse est multis indigere, & turpiter seruire, formidare, & suspicari, & timere eorum, qui suspicantur, oculos, & calumniatorum ora, & avarorum concupiscentiam. At non paupertas: hæc enim regia est, non subiecta furibus, sed bene munita portus tranquillus, palestra, & gymnasium sapientiæ. Ac idem Chrysostomus alibi vberius. Si intueri volueris animam hominis aurum amantis, inuenies eam, ut vestimentum à decem millibus vermium corrosum, ita eā perforatam vndique à solitudinibus, & à peccatis putrefactam, & ærugine plenam. Verum haud talis est anima pauperis voluntarij, sed potius fulget ut aurum, splendet ut gemma, efflorescit ut rosa. Non est illic tineæ, neque fur, neque solitudo negotiorum huius vitæ, sed sicut Angelus, ita conuersatur. Non subiacet dæmonibus, non assistit Regi, sed assistit Deo, non militat cum hominibus, sed cum Angelis: non habet thesaurum terram, sed cælum: non indiget seruis, magis autem habet seruos possessiones, & cogitationes, quæ rebus dominantur. Quid igitur hoc paupere melius? At non habet equos, & currum. Quid vero his opus est ei, qui super nube vehi debet, & esse cum Christo? Magna hæc sunt, quæ Chrysostomus de paupertate prædicat, sed multo maiora Sanctus Paulus vnica illo verbo complexus est, Nihil habentes, & omnia possidentes. Cui verbo si credamus (quis autem nisi impius non credat Apostolo?) nihil esse potest, quod maiorem habeat maiestatem, quam paupertas, quæ scilicet totius mundi possessionem sibi vendicat. Quæ enim diuitiæ, aut quæ regna ei comparentur? Nam regna, ut grandia sint, certa orbis parte definiuntur, paupertatis autem regnum nullis terminis clauditur, & eo ipso, quod nihil habet, omnia habet, omnia possidet. Totum enim positum est in animo, qui possidere non potest, nisi dominetur, non potest autem dominari, nisi sit superior. Itaque quanto superior, tanto verior dominus,

Ho. 47.

in Matt.

2. Cor.

6.

ac possessor. At ij, qui diuites esse volunt, non possunt non amare ea, sine quibus esse nō possunt: quantum vero sit amoris, tantum etiam curæ, & sollicitudinis, & denique seruitutis. contra autem animus ille, qui ista abiiecit, non modo superior, sed etiam contemptor eorum est. Quare grauitè facit, & magnificè illa à Climacho scripta sunt, Pauperem monachum dominum esse mundi, & quia iactauit in Deum curam suam, possidere per fidem omnes gentes in seruos. Idēque addit, pauperem Dei famulum nullam rem amare vitiose, omnia enim, quæ habet, aut habere potest, reputat quasi non sint, & si recedere contingat, æstimat vt stercora.

Quo eodem sensu egregie Bernardus, vt semper, quod ab Vnigenito, vt ipse loquitur, dictum est, Si exaltatus fuero à terra, omnia traham ad me ipsum, idem omnibus quoque eius fratribus ait esse commune, quibus omnia non solum adiiciuntur, sed etiam subiiciuntur, si modo terrenis rebus spoliari ac super illas altius elati fuerint. Quod si ita est, inquit, non putent diuites huius seculi, fratres Christi sola possidere cœlestia, quia audiunt dicentem, Beati pauperes spiritu, quoniam ipsorum est regnum cœlorum. Non eos, inquam, æstiment sola cœlestia possidere, quia ea sola audiunt in promissione. Possident & terrena, & quidem tamquam nihil habentes, & omnia possidentes. eo pro certo magis domini, quo minus cupidi. Denique fideli homini totus mundus diuitiarum est. Totus plane, quia tam aduersa tam prospera ipsius, æque omnia seruiunt ei, & cooperantur in bonum. Ergo auarus terrena esurit vt mendicus, fidelis contemnit vt dominus. Ille possidendo mendicat, iste contemnendo seruat. Hæc Bernardus, quibus nihil vel elegantius, vel verius dici potuit.

Verum hoc quoque ad paupertatis huius gloriam magnopere pertinet, quod in terrenis diuitiis nemo est ita instructus, & copiosus, vt non ei aliquid interdum desit, aut certe deesse possit. pauperi autem euangelico quomodo necessaria deesse possunt, quem diuina prouidentia tuendum, alendumque suscepit? Habemus hoc quoque ex psalmo: Diuites, inquit, eguerunt, & esurierunt; inquirentes autem Dominum non minuentur omni bono. Itaque Chrysostomus homilia quadam hoc etiam inter commoda religiosæ vitæ in primis commemorat. Deo, inquit, pascente, non est opus non esse sollicitos. Nam quemadmodum si Rex promiserit quotidianum victum ex cellariis suis

Gradu.

17.

Ser. 21.

Cant.

Matt. 5.

Psal. 33.

Hem.

37. ad

pop.

fuis se præbiturum, iam in futurum confidis; multo magis, cum Deus præbeat, & omnia tibi tamquam ex fonte fluant, conuenit te ab omni cura, & sollicitudine solutum esse. Si autem pascit omnem carnem, multo magis sibi dicatos.

Atque hoc quidem, quod ait Chrysostomus, eiusmodi est, ut omnium iudicio, non ad utilitatem modo, & ad animi tranquillitatem referri oporteat, sed etiam ad hanc, de qua agimus, nobilitatem, & gloriam paupertatis. Quæ enim gloria talem habere nostri victus quasi æconomum, & procuratorem, qui Angelis in cælo præsidet & sub quo curantur,

qui portant orbem? Sed nihil adeo statum hunc nobilitat- *Iob 9.*

uit, quam exemplum filij Dei, qui, ut ait Apostolus, cum diues esset, factus est pro nobis egenus, atque etiam mendicus. *2. Cor 8.*

Ipsius enim est vox illa in psalmo verius quam Dauidis regis, Ego sum mendicus, & pauper, Nam & tenuem *Pse. 39.*

matrem, & eum qui pater putabatur, fabrum habere voluit, ac ne in hominum quidem domo nasci, sed in stabulo, coque alieno: totam autem ætatem sic egit, ut quemad-

modum ipse contestatus est, cum vulpes foueas habeant, *Mat. 8.*

& volucres cæli nidos, ipse nec haberet ubi caput reclinaret. denique non puduit eum, in cuius manu erant omnes fines terræ, aliorum elemosynis suam, suorumque vitam sustentare.

Quid ergo amplius querimus? Nam neque Dei Verbum, Dei que sapientia, & Deus ipse, statum talem elegisset, nisi & nobilem, & Deo dignum cognouisset & certe,

ut antea esset infimus, & abiectissimus, tamen vel solo ipsius exemplo illustrari, & in summum honorem adduci potuit.

Saluatoris vero exemplum sequuti sunt & Apostoli. Quid enim aliud discerent in illa schola? aut cur non libenter imitarentur discipuli magistrum, serui dominum? Itaque vnus

ex illis, & quidem omnium princeps, palam professus hanc auream paupertatem dicebat, Aurum, & argentum non est

mihi. Alter etiam de se ipso, In fame, & siti, in frigore, & nuditate: & de reliquis Apostolis, Usque in hanc horam, & esu-

rimus, & sitimus, & nudi sumus. Denique omnibus illa formula ab ipso Domino præscripta est, Nolite possidere aurum, *Act. 3.*

neque argentum, neque duas tunicas. Itaque tum horum, tum præcipue Christi, eiusque Matris, quæ cælorum Regina

est, exemplo ita honorata est hæc sancta paupertas, ut eam religiosi quique non modo adamarint tamquam utilem, sed etiam

coluerint tamquam diuinum quiddam. Quo animo fuit *3. Dial.*

Isaac ille, quem narrat Gregorius, cum multæ possessiones *cap. 14.*

pro monasterij vſu offerrentur, numquam induci potuiſſe, vt eas admitteret; quoniam, vt ille ait, ſic metueret paupertatis ſuæ ſecuritatem perdere, vt auari ſolent perituras diuitias cuſtodire. Idem pene de Clara virgine, & multarum virginum matre legimus apud Antonnium, & alios, quæ aliarum quidem omnium, ſed huius præcipue virtutis amore exarſit, de qua hoc ſuis ſororibus prædicare ſolebat, tum demum ſuum illud Collegium ſtabile, ac firmum futurum, ſi propugnaculis, ac mœnibus paupertatis quam maxime muniretur. Quæ etiam cum ab Innocentio III. priuilegium, vt illa appellabat, paupertatis perpetuum ſupplex precata eſſet, delectatus Pontifex noua illa priuilegij formula, cuiusmodi numquam ab Apoſtolica ſede ad eam diem poſtularum aſſumabat, non ſolum conceſſit, ſed cum incredibili voluptate totum propria manu ipſe conſcripſit. Nec mirum, tantum fuiſſe in Virgine iſta huius virtutis ſtudium. Fuerat enim Franciſci alumna, qui non ſolum paupertatis commodis libentiſſime fruebatur, ſed eam ita honorabat, & colebat, quaſi rem eximiam, & cui nulla humana dignitas poſſet comparari. Itaque, vt Bonauentura ſcribit, eam in omni ſermone modo matrem, modo ſponſam, modo dominam appellabat, ſæpe etiam reginam, propterea quod in Rege Regum, cuiusque Genitrice, adeo inſigniter effulſiſſet. Quam ob cauſam cum mendicum quempiam pauperiorem aſpiceret, quam ipſe eſſet, ita ſancta quadam inuidia commoueri ſolebat, ac ſi in re magna, multumque expectanda vinci ſe videret. Inſuper etiam cum ad principum hominum mentes inuitaretur, non ante eas adieſſet, quam aliquot panis fruſtra per viciniam mendicaſſet, quæ deinde in menſa cum gaudio exponebat. Qua de re cum aliquando Cardinalis Hoſtienſis, iſ qui poſtea fuit Honorius Pontifex, amanter cum eo queſtus eſſet, quaſi nonnullam iniuriã domui ſuæ feciſſet, reſpondit ille, Immo vero magnum tibi ipſi honorem detuli, dum maiorem, quam tu ſis, dominum honorauī. Mihi vero certum eſt, dignitatem hanc regiam, quam pro nobis Dominus Ieſus egenus factus aſſumpſit, nullo modo relinquere pro vſu falſarum diuitiarum ad breuiſſimum tempus conceſſo. Hunc vero B. Franciſci ſenſum nihil dubitandum eſt quin alij quoque omnes ſancti viri habuerint. neque enim ſancti eſſe potuerunt, niſi mundo contempro, nec mundum contemnere, niſi hac certa opinione, iudicioque adducti. Inter quos videamus quid dicat magnus ille

Nazianze-

Nazianzenus, utque hoc ipso gloriatur. Sed paupertatem, inquit, & inopiam exprobrabūt. At istæ sunt diuitiæ meæ. Hæc me non solum gloriantem, sed & arrogantem facit. Videntur enim mihi inimici, dum hoc obliiciunt, id oblicere, quod in vestigiis illius incedam, qui propter nos inops factus est, cum esset diues. Atque utinam exuere me possem panniculis istis, quibus circumdari videor, ut nudus effugerem spinas seculi, quæ retinent, & reuocant pergentes ad Deum.

Quid autem mirandum est in Euangelij luce ita paupertatem enitere, cum etiam in infidelitatis tenebris tantopere enicuerit? Nam etsi paupertas illa, quam vel conditio vel necessitas attulisset, odiosa semper fuit, & despicibilis, voluntariam tamen paupertatem, & ipsam, & eos, in quibus fuit, omnes semper gentes, ac nationes magnopere suspexerunt. Aristides vir summus Athenis in tanta vivebat egestate, ut in attrita lacernula incederet, frigusque, & famem sæpè domi pateretur. Quare cum Callias quidam propinquus eius, homo ditissimus causam diceret, inter alia obiectum est ei ab accusatoribus, quod Aristidem tantum hominem non releuaret. Quo reus cum iudices offensos ex eorum admurmuratione sensisset, ipsum adiit Aristidem, obsecrans ut in iudicio testificaretur quam multa, & quam sæpè à se illi oblata fuissent, quibus ille semper remiserat, cum diceret magis se sua tenuitate, quam Calliam tantis diuitiis, gloriari. Nam qui pecuniam, qua abundant, in paruos vsus conferant, passim reperiri; qui paupertatem generose ferant, esse paucissimos: esse autem paupertatem iis tantum dedecori, qui inuiti essent pauperes. Quæ cum Aristides coram iudicibus cum summa auctoritate affirmasset, nemo ex illo concilio non ita discessit, ut magis Aristidi talem inopiam, quam Calliæ suas opes inuideret. Nota est etiam, multisque rebus nobilitata tum Diogenis egestas, ad cuius dolium reges ipsi accedebant, tum aliorum plurium philosophorum, ut Crætitis, quem narrat Nazianzenus, relictis possessionibus suis, ad aucupandam ex eo facto gloriam, in editum locum ascendisse, & publice proclamasse, Crates Cratetem libertate donat, quod non fecisset, nisi & in eius animo, & in omnium aliorum insitum fuisset, ut sponte pauperem esse, rem putarent gloriosissimā. Tractat hunc locum diserte etiam Chrysostomus secundo libro aduersus vituperatores vitæ monasticæ, quem librum totum instituit ad gentiles, & ethnicos, neque in eo aliis rationibus utitur, quam quæ naturali lumine

mine comprehendendi possunt. Comparat autem Platonem cum Dionysio, Socratem cum Archelao, Diogenem cum Alexandro, quos omnes gloriosiores effecerit paupertas, quam illos ipsa regna. Narrat etiam de Thebano Epaminonda, qui in concionem vocatus, cum venire non potuisset, quia vestem lauerat, nec aliam haberet, omnibus qui eo venerant principibus viris insignior, & spectatior fuit. Ex quibus effici vult Chrysostomus etiam naturali ratione, non inodo euangelij testimonio, religiosæ paupertatis cognosci præstantiam.

Quæ quidem omnia si vera sunt, quid aliud restat, nisi ut hoc etiam fatamur, paupertatem hanc ne paupertatem quidem esse, sed diuitias veriores, & maiores, quàm omnes Regum gazas, & thesauros? Nam qui ista possident, eorum potius arcas diuites esse dicemus, non ipsos, cum scilicet eorum animi bonis vacui sint, itaque semper cupidi, ac si parum vel nihil haberent. Quamobrem & de his falso appellatis diuitibus, & de illis euangelicis pauperibus illud scriptum esse videmus in prouerbis, Est quasi diues, cum nihil habeat, & est quasi pauper cum in multis diuitiis sit. Ob hanc etiam causam rectè adnotat Gregorius terrenas hæc diuitias non simpliciter, sed fallaces diuitias à Domino esse appellatas. Fallaces enim, inquit, sunt quæ nobiscum diu permanere non possunt: fallaces sunt quæ mentis nostræ inopiam non expellunt. Solæ autem diuitiæ veræ sunt, quæ nos diuites virtutibus faciunt. Atque Ambrosius etiam, quæ solet vbertate, hoc ipsum argumentum tractans, sapientem sola sapientia diuitē esse, hæc scribit, Verè diues, qui in conspectu Dei potest diues videri, in cuius conspectu terra exigua, mundus ipse angustus est; sed solum illum Deus diuitem nouit, qui sit diues æternitate, qui non opum, sed virtutum fructus recondat. Nonne tibi videtur diues, qui habet pacem animi, tranquillitatem, quietem, ut nihil concupiscat, nullis exagitetur cupiditatum procellis, nec verera fastidiat, nec noua quærat, & semper desiderando fiat in summis diuitiis inops? Ea est pax verè diues, quæ superat omnem sensum. Hæc ergo est religiosæ paupertatis dignitas, hic splendor, cui, si sapiant, omnes huius mundi diuites, ipsique principes inuiderere debeant.

Postremo illud etiam breuiter hoc loco attingendum est, ut intelligatur, duplicem esse huius paupertatis religiosæ formam, vtrâmq; præstantem, vtrâmq; in euangelica perfectione

Prou. 13.

Hom. 15.

Euang.

Lib. 3.

Epi. 1.

Phil. 4.

perfectiōne eminentem , alteram , qui nihil omnino nec cōmuniter, nec priuatim possideretur , quam Sanctus primum Franciscus, eiusque exemplo permotus Dominicus, deinde alij complures tenuere : alteram , qua in commune tantum necessarij reditus possidentur , sed nihil priuatim ; qua quidem forma veteres omnes patres vsos esse constat vt Benedictum, Bernardum , Brunonem , & his omnibus antiquiorem Basilium, quorum familiæ non solum annua vectigalia habuerunt, sed tam opulenta habuerunt, quàm adhuc eorum reliquæ, & quasi fragmenta testantur , vt certè de solo suo Ordine non dubitaret Tritemius affirmare , si omnes ei suæ *1. de vir.* possessiones manerint, futurum sine dubio, vt Sanctus Bene. *ill. cap. 2.* dictus (sic enim loquitur) tertiam Christiani orbis partem possideret. Quod nemo mirabitur si temporum illorum pietatem attendat, ex qua illa liberalitas in Deum , Deique famulos existeret. Itaque Reges ipsi, ac principes gloriosum sibi ducebant in suis fundis , ac patrimonij amplissima , excitare cœnobîa , eaque vberissimis vectigalibus stabilire : & præterea si qui diuites in ipsos religiosos ordines ingrediebantur (multi autem ingrediebantur) suas secum diuitias deferrebant, nec erat qui contradiceret , aut litigaret , quin potius vltro fauebant, & inuabant omnes. Quamobrem illud in vita Placidi legimus de B. Benedicto , morem ei fuisse, vt bona, quæ monachorum suorum fuerant , non sineret alio deriuari, vt inde multos Dei seruos alere posset. Quare ipsius Placidi, vt alios omittamus, tantas ferunt fuisse possessiones, vt præter alia , magnam Siciliae partem solus obtineret; quod adhuc testatur earum index, qui extat, tam grandis, vt legentes obstupescamus: de quo etiam Bernardus epistola quadam, Ostenditur, inquit, terra, quæ cum illo , & pro illo dicitur data fuisse. Quod quidem Augustinum quoque *Epi. 1.* seruasse ipsemet ostendit in epistola ad sanctimoniales quas *Epi. 109.* dam , vbi eas monet, vt quæ aliquid habebant in seculo, id deinde in monasterio velint omnibus esse commune. Vnde *Inauth.* etiam nata est Iustiniani Imp. Constitutio , qua iubet: vt eorum bona , qui monachi sunt , eo ipso ad eorum monaste- *Coll. 1.* ria pertineant. Ex quo apparet genus hoc paupertatis, cum *§. illud* à tot antiquis patribus sanctitate , & sapientia insignibus ita *Eccl. 9.* usurpatum sit , vt ne aliud quidem eo tempore in vsu esset, *Const.* non modo nihil imperfectiōnis continere, sed & perfectissimum, & commodissimum ab ipsis existimatum esse. Con- *15. §. si* firmat hoc quoque grauissimus theologorum S. Thomas, *qua.* qui

3. *con.* qui cum hanc ipsam quæstionem his verbis proposuisset, An
gen. cap. aliquid in communi habere diminuat perfectionem religio-
 135. *cap. 2.* nis. aperte respondet non minuire: immo verò fieri etiam
 2. *quæst.* posse, ut sit id melius, & conuenientius. Atque in hoc quidem
 188. *art.* reliqui etiam theologi cõsentiunt. Totum enim, ut diximus,
 7. in eo positum est, ut nihil priuatum, & singulare habeatur,
 licet deinde sit aliquid cõmune, ex quo iuxta formam apo-
 4. *stolicam* diuidatur singulis prout cuique opus est. Hoc enim
 Ep. 22. ipsum institutum est, quod tantopere à S. Hieronymo in
 monachis suæ ætatis commendatur, cum ita ait. Non licet
 dicere cuiquam, Tunicam, & sagum, textaque iuncis strata.
 non habeo. Præfectus omnium ita vniuersa partitur, ut ne-
 mo quid postulet, nemo non habeat. Si quis verò cœperit
 ægotare, transfertur ad exedram latiore, & tanto senum
 ministerio refouetur, ut nec delicias vrbium, nec matris
 quærat affectum.

De præstantia religiosa castitatis.

CAPVT IIII.

Sap. 4. **P**Aupertatis laudem, de qua tam multa diximus, cumulat
 Religio etiam accessione Castitatis, cuius laus eo maior
 est, quo corpus nostrum & per se præstantius, & nobis etiam
 carius, quam res omnes externæ. Itaque merito eam com-
 mendat Scriptura cum quadam admiratione, O quam pul-
 chra, inquit, est casta generatio cum claritate. Pulchritudi-
 nem, & claritatem tribuit illi hominum generi, qui castita-
 tem colunt, quod in eo statu nescio quid non decorum mo-
 do, atque formosum, sed certè diuinum, maiusque quàm
 humanum eniteat. Quod quo melius appareat, cogitanda
 sunt illa naturæ nostræ principia, de quibus admodum docte
 philosophatur Basilus in eo libro, quem scripsit de vera vir-
 ginitate, cuius exordium ex hoc ipso ducit, ut ostendat,
 Deum opt. max. cum terrarum orbem animantibus replere
 instituisset, non id egisse, ut ipse singula de nihilo procrearet,
 sed paucis ex vtroquoque genere procreatis, ex eo quasi re-
 minario omnia genera propagari voluisse. Quam deinde ob
 causam, ne in tali, tamque necessario opere cessatio vlla
 contingeret, cum duplicem sexum distinxisset, utriusque sexui
 inseruisse vehementiorem quendam appetitum coniunctio-
 nis, generandi causa; neque id brutis tantum, sed etiam ho-
 minibus, qui quidem, quod ad generandi rationem attinet,
 nihil ferme à brutis differunt. Illud etiam in homine præci-
 puum

puum esse, quod cum fœmina de viri latere sumpta sit, hanc quidem Deus tamquam partem suo toti obedientem, subiectamque esse: illum autem præcipuo quodam affectu hanc diligere, eiusque congressum expetere voluit, quasi partem à se præcisam reperere gestiât, rursusque sibi adiungere. Sic igitur ex vno duos, & rursus ex duobus vnum sapienter molitum, ut essent duo in carne vna. Verum, quo eos etiam atctius deuinceret, fœminæ constitutionem effinxisse ita mollem, illecebrisque plenam, aspectu, tactu, sermone, motuque ipso, nempe ut virum acrioribus quibusdam stimulis ad fœtus ferendos incitaret, simul etiam ipsius imbecillitati consuleret, quæ cum se ipsa tueri non posset, virique opo indigeret, ita à Deo vtrumque temperatum esse, ut & muliebris infirmitas virili robore fulciretur, & rursus virile hoc robur, occulta quadam vi, qualis est in magnete ad trahendum ferrum, quasi constrictum, & captiuum ei dedere-
tur. Hæc Basilii de hominis natura, ut quidem est à Deo condita, atque ex ipsius Dei consilio instituta. Quid igitur erit, si vulnus illud originalis peccati, illamque comunem infirmitatem generalémque corruptelam adiungamus? in-
telligendum enim est illud, quod verè scripsit Bernardus, etiamsi cetera quoque humani corporis membra additamen-
tum illud Leuiathan, ut ipse appellat, venenum scilicet cõcupiscentiæ, & inordinatæ voluptatis stimulus peruasit, in hac tamen parte vehemētius ipsum sœuire, & violentius malignari, cuius videlicet contumacia, ac rebellio, etiã contra omnē voluntatis deliberationē sæpè incitetur: quã ille tuiſſe causam existimat, cur circūcisio, quod erat apud Iudeos originalis peccati remedium, illa potissimum in corporis parte esset instituta. Quamobrẽ cum tanta sit in hoc morbi genere tum morbi ipsius vis, tum verò infirmitas nostra, addo etiam cum dæmonis impetus hoc loco, quasi minime omnium munito, tam acerbi, & importuni esse soleant, cum tanta prælia, tantæ difficultates hic existant, qualẽ esse oportet eam virtutem, qualem animi firmitatẽ, quæ hæc omnia sustineat, atque etiam vincat? Maiorem ergo aliquam vim esse necesse est, quæ vis non ex naturæ principiis in nos proficiscitur, ac ne nostro quidem studio solo cõparari potest, sed demittitur à cœlo; quod Sapiens ipse profitetur, cum dicit, Sciui quoniam aliter non possem esse cõtinent, nisi Deus det. Quam ob causam Basilii in libro eodem hoc docet, coniugium quidẽ naturale esse, castitatem autem excellens nescio quid, & supra naturam,

*Ser. 2.
Circūcisio.*

Sap. 8.

naturam, supràque legem, ideòque nusquam à Domino imperatam non modo in veteri, sed neque in nouo testamento, quia tantæ virtutis meritum non præcepti necessitati subiici voluerit, sed egregij, & singularis animi specimen existere, qui sponte sua, nullius imperij necessitate coactus id exequatur, quod supra omnem humanæ naturæ modum est. Rectè etià Climachus, tum alia multa de castitate, quàm ille odoriferam vocat, tum illa in primis, esse supernaturalem, & gloriosam quandam naturæ abnegationem, cuius beneficio mortale hoc, & corruptibile corpus, mirabili modo, quàm maximè accedit ad mentes illas corporis totius expertes. Neminem autem, qui castimoniam teneat, suis eam meritis, ac studiis tribuere debere. Nam propriam vincere naturam, non breue, aut leue opus esse; quin potius, vbi victoria de natura habetur, agnoscendam esse virtutem, ac potentiam aliquam superiorem, quia nihil nisi à maiori vincitur. Ex his igitur, si rectè cogitemus, tantam esse cognoscemus continentię excellentiam, vt nihil sit, quo vel etiam corpus ipsum propius accedat ad illius vitæ statum, quam beati in cælo post resurrectionem viuent; in qua verum quidem corpus, & vera erit caro, sed incorrupta, & spiritualis, & longissime distans ab ista ignobili qualitate, quam Paulus Apostolus anima'em vocat, cuius & aliarum functiones communes sunt cum belluis, & hæc præcipue generandi. Itaque hoc illud bonum est, quod duobus verbis complexus est Saluator, cum dixit, Neque nubent, neque nubentur. Igitur qui hoc iam faciunt in terra, quique iam nunc carnem suam in sanctificatione possidere student, ne vlla eiusmodi re polluantur, quam maxime cœlestem illam dignitatem imitantur; quod indicat Cyprianus, cum ita virgines Deo sacratas alloquitur, Quod su: uri sumus, vos iam esse cœpistis, vos resurrectionis gloriam in hoc seculo iam tenetis, per seculum sine seculi cogitatione transitis; cum castæ perseveratis, ac virgines, Angelis Dei estis æquales. Quod postremū Cypriani dictum de Angelorum æqualitate maiorem etiam quandam huius virtutis honorem exprimit, quæ ita in corpore degere nos docet, ac si sine corpore essemus, vt sunt Angeli. Neque enim tam ignobile est carnem habere, quam carni obedire, & ad eius imperium abiici. Quare qui ita spiritu viuunt, vt carnis desideria non periciant, sed potius eius facta constanter mortificant, hi nimirum idem efficiunt, quod spiritus illi, qui carnem omnino non habent. Quamobrem illa præ-

clare,

Gradu.

15.

1. Cor.

15.

Matth.

22.

De hab.

virg.

Lib. 2. de

virg.

clare, nec minus vere ab Ambrosio de cœlibe vita conscri-
pta sunt, Quis humano eam posset ingenio comprehendere,
quam nec natura suis inclusit legibus? aut quis naturali voce
complecti, quod supra vsum naturæ sit? è cœlo accersuit,
quod imitaretur in terris. Nec immerito viuendi sibi vsum
quæsiuit è cœlo, quæ sponsum sibi inuenit in cœlo. Hæc
nubes, æra, Angelos, syderaque transgrediens, Verbum
Dei in ipso sinu Patris inuenit, & toto hausit pectore. Nam
quis tantum cum inuenerit relinquit boni? Postremo non
meum est illud, Quoniam quæ non nubunt, neque nubentur,
erunt sicut Angeli Dei in cœlo. Nemo ergo miretur, si Ange-
lis comparentur, quæ Angelorum Domino copulantur. Eadē
pene dicit etiam Cassianus, nec minus disertè: Quodamino-
do, inquit, exire de carne est, in carne commorantem; & vl-
tra naturam est fragili carne circūdatum, carnis aculeos non
sentire. Et idcirco impossibile est, hominem suis, vt ita dixe-
rim, pennis ad tam præcellsum, cœlestemque præmium sub-
uolare, nisi eum gratia Domini de terræ cœno munere edu-
xerit castitatis. Nulla etenim virtute tam proprie carnales
homines spiritualibus Angelis imitatione conuersationis
æquantur, quam merito, & gratia castitatis, per quam ad-
huc in terra degentes, habent secundum Apostolum, muni-
cipatum in cœlis, quod deposita corruptela carnali habitu-
ros sanctos promittitur in futurum, hic iam in carne fragili
possidentes. Addamus huc etiam Nazianzenum tantum
theologum, qui de hoc eodem ita differit. Videtis, inquit,
rei huius præstantiam, atque sublimitatem: propemodum
enim talis reperitur, vt concipi, comprehendique prorsus
nequeat. An non enim præstantius est quam pro carnis fra-
gilitate, id quod ex carne creatum sit, in carnem non gigne-
re? An non plane angelicum, eam, quæ carnis vinculis alliga-
ta sit, non secundum carnem viuere, sed natura excelsiorem
esse? Caro cum mundo deuinxit, sed ratio ad Deum subue-
xit. Caro depressit, sed ratio extulit, ei que velut pennas addi-
dit. Caro vinculis astrinxit, sed amor soluit. Igitur nisi pla-
ne cœci esse volumus, sed potius recto iudicio vti, quæ ma-
ior videri potest dignitas, quam Castitatis, quæ non dicā re-
gibus, ac dynastis, quod homines tanti æstimant, sed illis su-
perioribus principibus, ac potestatibus non exæquet? Bernardus
autem plus etiam audet, affirmans aliqua ex parte maiorem
esse hominis casti, quam Angeli laudem; quod ille ita pro-
bat, vt nulli dubiū relinquat: Quid castitate, inquit, decori?

Lib. 6. 1.

Homi. in
Matth.
Cum cō-
summas-
set Iesus.

Epi. 42.

quæ mundum de immundo conceptum semine, de hoste domesticum, Angelum denique de homine facit? Differt quidem inter se homo pudicus, & Angelus, sed felicitate, non virtute. Sed etsi illius castitas felicior, huius tamen fortior esse cognoscitur. Sola est castitas, quæ in hoc mortalitatis loco, & tempore, statum quendam immortalis gloriæ repræsentat. Sola inter nuptiarum solemnia morem beatæ illius vendicat regionis, in qua neque nubent, neque nubentur, præbens quodammodo in terris cælestis iam illius conuersionis experientiam. Vas interim fragile, quod portamus in quo & crebro periclitamur, tenet castitas (vt monet Apostolus) in sanctificationem, & instar odoriferi balsami, quo condita cadauera incorrupta seruantur. Sensus ipsa, & artus continet, & constringit, ne dissoluantur otiiis, ne corrumpantur delideriis, ne carnis voluptatibus computrescant, quemadmodum legitur de quibusdam, quia computruerunt vt iumenta in stercore suo. His Bernardi dictis consentiunt etiam quæ à Chrysostomo in eandem sententiam dicuntur. Quare, inquit, differebant ab Angelis Helyas, Helyseus, Ioannes, veræ amatores integritatis? Nulla, nisi quod mortali natura constabant. Nam de cetero si quis diligenter inquirat, hi nihilo aliter affecti reperientur, quam beati illi spiritus, & idipsum, quo inferiore videntur esse conditione, in magna est eorum laude ponendum. Vt enim terrarum incolæ, & ij qui essent mortali natura, possent ad illam virtutem vi, & studio peruenire, vide quanta eos fortitudine, quanta vitæ ratione præditos fuisse oporteat. Possumus his Basilium quoque addere, qui de hoc eodem argumento, in libro de virginitate, ita disse. it. Et hi profecto, qui continentiam seruant, Angeli sunt, qui viuentes in carne corruptibili, mortalium vitam illustrando ruerunt. Sunt autem Angeli non ex infimo quouis ordine, sed certe illustrissimi, ac nobilissimi. Illi enim carnis nexibus liberi integritatem suam in cælis seruant, & loco, & natura inuiolabiles, & apud summum regem omnium Deum constituti. At vero illi in terra carnis illecebris, & voluptatibus diu reluctantes, ac diaboli tentamenta perpetua exercitatione vincentes, incorruptionem angelicæ puritati parem, virtute præcipua ante Creatoris oculos custodierunt.

Hactenus hi sancti Patres pudicitiam, & castitatem ad Angelorum vsque dignitatem extulerunt. Sed fuisse, qui etiam altius etiam prouexerint, & diuinæ ipsi puritati proximam

mam fecerint: ut Climachus, qui nō dubitavit dicere, Castitatem esse similitudinem Dei, quantum quidem fas sit homini; ac quemadmodum Deus incorruptibilis sit, & incorporeus ita integritate, & incorruptione delectari, dæmonibus autem contraplacere turpitudinem, nec defuisse sapiētes, qui dicerent, nullo alio peccato eos ita gaudere. Grauiissime vero Basilus. Magnum quiddam inquit, re vera, ac præclarum est virginitas, quæ, ut omnia vno verbo complectar, hominem incorruptibili Deo simillimū facit. Hæc autem profecto non à corporibus ad animas manat, sed cum animæ propria sit, eius integritate, quæ pretiosissima est, corpora quoque incorrupta seruantur. Anima enim veri boni desiderio, imaginēque suscepta ad bonum illud, veluti penna quadam, pudicitia sanctitate subuehitur, ac simile simili, id est, incorruptibilem Deum incorruptibili puritate colere studens, corporis munditiam ad summi illius boni obsequium, quasi ancillam, deducit. Sic autem fidelis anima se ipsam ab omni labe puram, immaculatamque custodiens ad id prouehitur, ut similitudinem Dei in se velut in speculo mundissimo, ipso Deo iam gratiis suis in morem suauissimi radij influente, speciem, & laudem suam consequatur. Quid igitur maius, aut illustrius de Castitatis præstantia dici potest, quam hoc, quod nos è nostro limo, & è nostro puluere ad illos Angelorum thronos, neque Angelorum modo, sed ipsius quoque Dei similitudinem excitet? Quid admirabitur homo, & hoc non admiratur? Quam vero dignitatem præ hac dignitate non potius abiectam, & sordidam iudicabit? Hoc illud est bonum tantum, tamque à natura humana desideratum, ut antiquus ille serpens nihil aptius reperit ad primos parentes nostros illiciendos, quam promittendo. Eritis sicut Dij. Sed quod illis falso promissum est ab eo, qui præstare non poterat, & ea via, qua præstari non poterat, hoc nos per castitatem vere renemus, solidēque possidemus, & quidem eo magis possidemus, quo ipsa castitas in nobis fuerit perfectior.

Quoniam igitur perspicuum est religiosa castitas quam præstans sit ipso genere illud etiam videndum est, quam excellat gradu: ut aurum, quod non solum genere differt à reliquis metallis inferioribus, sed etiam quoddam est, quod cetero auro certis gradibus antecellat. Quod clarius apparebit, si quædam de castitatis natura proponamus. Nani quod in rebus omnibus vsu venire videmus, ut quo quæque pul-

Gradu.
15.

De vera
virg.

Genes. 3.

chrior, candidior, vel nitidior sit, eo quæuis macula turpior sit, ac deformior, idem est in castitate, & quidem ita, ut nulla sit virtus, si ita dicendum est, tenerior, aut fragilior. Recte enim Aegidius ille, vnus ex primis, & præcipuis S. Francisci sociis, hanc, ut accepimus, comparare solebat nitido cuiuspiam speculo, quod vel leui afflatu aut anhelitu inficiatur. Alij etiam illecebras istas similes esse flammæ dixerunt, quicquid contigerit, vestigium in eo relinquit, maius, aut minus, pro moræ spatio, semper tamen aliquod. Quod cum ita sit, nihil inimicius esse potest castitati, quam ut in eo loco relinquatur, vbi multis pugnis, ac præliis exposita sit, ut certe est in seculo: inter quæ prælia illud euenit, quod Cassianus non ex suo solum, sed omnium etiam, ut ille ait, seniorum iudicio scripto reliquit, necessarium esse, ut vnusquisque in colluctatione positus quamuis frequenter aduersarium vincat, & ipse tamen aliquando turbetur, ac saucietur. Contra vero ea castitas, quæ religionis sepris quasi munimento quodam conclusa sit, ita se longe ab omni rerum istarum periculo recepit, ut vel inimicorum tela ad eam non perueniant, vel certe iam languida & sine ictu perueniant. Quin etiam multa ei ex religiosa disciplina suppeditant ad se tuendam præsidia: & in primis ipsa victus parsimonia, ac tenuitas, quam vel necessario paupertas affert. Verum enim est quod testatur Hieronymus, optimus auctor: Difficile, inquit, inter epulas seruatur pudicitia. Habet etiam illud antidotum, quod est apud eundem Hieronymum in epistola ad Rusticum, Ama scientiam scripturarum, & carnis vitia non amabis. Vbi enim tum hæc, tum ceterarum rerum bonarum meditatio acrius viget? Accedunt etiam duo illa omnium maxima, humilitas, & obedientia, quæ ita sunt intrinseca huic statui, verumque autem tam præsens, & efficax remedium huius morbi, ut nullum aliud aptius, & salubrius humano generi datum à Deo sit. De altero enim ita scriptum est à S. Bernardo super illud Saluatoris dictum, Beati mites, quoniam ipsi possidebunt terram. Hanc inquit, ego terram corpus nostrum intelligo, quod si possidere vult anima, si regnare desiderat super membra sua, necesse est, ut sit ipsa mitis, & superiori suo subiecta, quonia, tale inueniet inferius suum, qualem se exhibuerit superiori. Et ideo nouerit anima, quæ rebellem sibi inueniet carnem suam, se quoque minus, quam oporteat, superioribus potestatibus esse subiectam. De humilitate autem tum alibi sæpe Gregorius, tum præcipue in

*Libr. 6.
cap. 4.*

Epi. 47.

Epi. 4.

*Serm. x.
omnium
sanct.*

libris Moralibus. Per humilitatis custodiam seruanda est munditia castitatis. Si enim pie spiritus sub Deo premitur, caro illicite super spiritum non leuatur. Habet quippe spiritus commissum sibi dominium carnis, si tamen sub Deo recognoscit iura legitimæ seruitutis. Nam si auctorem suum superbiendo contemnit, iure & à subiecta carne prælium sulcipit. Vnde & ille primus inobediens, mox ac superbiendo peccauit, pudenda contexit : quia enim contumeliam spiritus Deo inulit, mox contumeliam carnis inuenit; & qui auctori suo subditus esse noluit, ius carnis subditæ, quam regebat, amisit. His igitur armis, aliisque eiusmodi tuetur religio hunc pulcherrimum castitatis florem, non solum perfectissime, sed etiam facillime, ac suauissime, neque tam ieiuniorum rigore, aut vigiliatum, vel verberum asperitate (etsi hæc etiam, cum opus est, adhibet) quam illis, quas dixi, virtutibus, quarum propria sedes est religio, & illa, quam dixi, cautione, atque custodia. Quibus præsidiiis munita castitas ita semper tota hominis vita, facile, ac nullo ferme negotio conseruari potest, ut nulla umquam vel minima labe aspergatur, & ab omnibus semper maculis ita intacta permaneat, ut & corpus castum, integrum, impollutum, &, quod caput est, animus ipse durus, candidus, & incontaminatus perduret. Qua quidem re, & quo diuino dono quod præstantius esse potest donum in hac vita tam fragili, & lubrica? Nam cum id per se maximum est, tum etiam hac re dignitas eius augetur, quod adeo rarum est, adeoque paucis concessum. Etenim cum ceteri concupiscentiæ ardore, quasi in fornace carnis huius, exæstuent, ij quidem quibus hoc è cælo datum est, in ipsa eadem fornace, ut quondam

Dan. 3.

tres illi pueri, atque ipsi quoque Angelorum comitatu, quibus hæc virtus familiaris, & amica est, adiuncto, non modo ignes illos libidinum non sentiunt, sed sentiunt ventum roris flantem, qui ardorem illum ita generalem, itaque flagrantem adeo refrigeret, ut nihil illis vel facilius, vel etiã iucundius castitate videatur.

Verum hoc quoque ad dignitatis cumulum accedit in religioso, quod simul ac ista virtus perpetuo, solemnique voto obstricta est, ita facultas omnis non modo ceteræ omnis turpitudinis, sed etiam ipsius coniugij penitus præscinditur, ut perinde ac si cum mortuo contrahatur, ita irritum, nullumque sit. Quod quidem, ut dixi, magnum est religiosæ castitatis ornamentum: quoniam si ab eius voluptatis fœditate

abesse laudabile est, certe quo longius abis, eo laudabilius & gloriosius. Non potest autem magis quispiam abesse, quam qui eo se statu deuinxit, vt etiamsi velit, non possit. Nam quod iure, & legitime non possumus, id vere non possumus. Itaque hoc illud est, quod Dominus in Euangelio declarare voluit Eunuchorum nomine, eorum quos neque natura, neque hominum manus, sed ipsi se propter Dei regnum tales sponte effecissent. Quod quoniam nemo ita stultus, atque ineptus sit, vt de corporis exsectione intelligat, restat vt de voluntaria continentia accipiatur: neque tamen de simplici quauis continentia, sed ea, quæ non actum modo, sed potestatem etiam actus, idque in perpetuum præcidit. Indicant hoc Domini verba. Non enim ait, Qui se assidue castrant, quod ij facerent, qui sibi vim inferentes animi deliberatione durarent in castitate, sed, Qui se castrauerunt: quasi hos describat, qui semel voto emissio, omnem sibi deinceps potentiam ad illos actus eripuerunt. Hoc ergo quam amplum, quamque præclarum sit, diuine declarat Isaias Propheta, qui totus in futuri Euangelij splendore cōtuendo, inter cetera hoc quoque ita commendat. Non dicat, inquit, Eunuchus, ego lignum aridum: quia hæc dicit Dominus Eunuchis, Qui custodierint sabbata mea, & elegerint quæ ego volui, & tenuerint fœdus meum, dabo eis in domo mea, & in muris meis locum, & nomen melius à filiis, & filiabus: nomen sempiternum dabo eis, quod non peribit. Qui igitur alij sunt hi Eunuchi, quibus hæc dicta, & promissa sunt, quam religiosi? Hi enim Domini sabbata custodiunt, qui ab omnibus terrenis negotiis & operosis, & seruilibus feriat, toti, & semper Deo vacant: ijdem fœdus cum Domino, etiam sacramento votorum interposito, pepigerunt: illi eligunt quæ vult Dominus, quoniam obedientia interprete numquam vel latum vnguem ab eius voluntate aberrant. Hi ergo quamuis non proli generandæ operam dent, cuius etiam sibi facultatem ademerunt, non tamen dolere debent, aut se quasi steriles, & infructuosos reputare, quoniam in Dei domo quiddam multo melius, ac beatus consequentur, quam sint in hoc mundo filij, & filiæ: id est, vt Basilii interpretatur, vt non solum in domo illa habitent, sed ea etiam dignitatis excellentia illustrentur, quæ omnem splendorem, quem liberorum successio afferre potuisset, longo intervallo superet. Neque hoc modo, sed etiam (vt Augustinus addit) gloria quadam propria, & excellenti potiantur, quæ non erit com-

Lib. de
virg.

Lib. de
virg.

De san-
cta virg.

c. 25.

erit communis cum aliis, quamuis in eodem regno, atque in eadem domo constitutis: quod ideo fortasse dictum est nomen, quia eos, quibus datur, distinguat à ceteris. Quam etiam gloriam, atque eminentem felicitatem non est dubium quin Spiritus sanctus verbis illis in scriptura descripserit. Felix sterilis, & incoquinata, & spado, qui non operatus *Sap. 3:* est per man⁹ suas iniquitatem. nec cogitauit aduersus Deum nequissima dabitur enim illi fidei donum electum, & fors in templo Dei acceptissima. Hanc enim sortem gratissimam, atque, ut hic vocatur, acceptissimam, quis aliis spadonibus promitti putet, quam spadonibus Dei, qui scilicet ultro sese omnibus istis delectationibus in perpetuum priuarunt, & quidem, quod necesse est, cum alicuius molestiæ sensu, tamquam corporis parte resecta, ut eis merito tanto maior diuinæ illius voluptatis retributio debeat.

Concludamus igitur, magnam esse omnino dignitatem, ac decus castitatis, quæ etiam in illa cœlesti claritate nō modo non obscuretur, sed eo magis enitescat. Ex quo etiam intelligi debet, quanto eam magis lucere oporteat inter has huius mundi tenebras, quando in illis quoque splendoribus sanctorum suum non perdit, & potius auget splendorem. Cogitandum igitur nobis est, esse hunc continentiae statum quasi diuinum quoddam monile, quod Dominus de cœlo antea terris ignotum attulit, quod deinde in sua carne, atque in carne sanctissimæ Matris suæ consecratum, Ecclesiæ sponsæ tradidit, ut eo maiorem in modum ornaretur, eoque ornamento, ac gratia addita, tum ipsi sponso Christo, tum Deo Patri gravior, & amabilior redderetur. de quo recte Hieronymus, Alia, inquit, fuit in lege veteri felicitas, in qua beatus dicitur, qui habet semen in Sion, & repromissio fit diuitiarum. *Epist. 22.* Statim autem ut filius Dei ingressus est super terram, nouam sibi legem instituit, ut, qui ab Angelis adorabatur in cœlis, haberet Angelos & in terris.

De dignitate religiosa obedientia.

C A P V T V.

SEQUITUR nunc obedientia, de cuius eminenti, excellentique præstantia aliquid dicendum est breuiter. quam quidem præstantiam etiam si nos minus intelligere possemus, sufficere tamen posset Christi Domini, ac Saluatoris nostri iudicium, qui eam tanti æstimauit. Ut enim homo rudis in gemmis, atque vnionibus cognoscendis, cum

peritum eius artis quempiam videret, gemmam aliquam magno pretio emere, empta iue gaudere, atque eam magna cautione seruare, non posset dubitare, quin tanti esset, quanti ab illo fieret; sic nos, in omni quidem virtute, sed in hac præcipue dijudicanda, non adeo vlla ratione, quam illius exemplo moueri debemus, quem scimus esse sapientiam ipsam, vt nullus in eum error, aut ignoratio cadere possit. Is vero quantopere obedientiam complexus sit, non obscurum est, cum quicquid in hac vita egit, quicquid dixit, quicquid molitus est, etsi ex omnium aliarum etiam virtutum fontibus fluere, huic tamen vni fere ascribatur. Nam & ipse de se ita testatus est, se de cælo descendisse, non vt suam faceret voluntatem, sed eius qui miserat eum Patris. & Paulus Apostolus tum vitam totam, tum mortem, & mortis genus ad vnâ obedientiam refert, Factus, inquit, obediens vsque ad mortem, mortem autem crucis. Denique Bernardus eam ab ipso vitæ ipsi antelatum affirmat, cum mori maluit, quam non obedire. Magnum ergo, ac potius diuinum quiddam in obedientia inesse oportet, quando Dei filius, ipsa perfectionis formula, quique id ageret, vt nos ad perfectionem erudiret, & ipse eam ita coluit, & à nobis adeo coli voluit Quod ita esse etiam ratione S. Thomæ manifesta demonstratur; Sicut, inquit, in naturalibus oportuit, vt superiora quæque mouerent inferiora per abundantiam naturalis virtutis diuinit' insitæ, sic etiâ in rebus humanis hoc rectus ordo poscebat, vt alter alterius ductu moueretur ex vi autoritatis, & potestatis à Deo communicatæ, qui quidem motus per rationem, & voluntatem nullo alio modo fit, quam iubendo, & præcipiendo. In quo vt idem ait, non humanum aliquid pro actionum nostrarum regula suscipimus, sed prima omnium regula est diuina voluntas, quæ voluntates omnes moderatur, & regit, eique vna magis appropinquat, quam altera, pro eo ordine, quem Deus in ip's instituerit. Ex qua B. Thomæ ratione magnus omnino obedientiæ splendor ostenditur, quæ voluntatem nostram nostrumque sensum omnem cum Deo coniungit, in qua sola coniunctione omnis consistit perfectio, non hominum modo, sed ipsorum etiam Angelorum. Nam & clemensynæ, & diuini verbi prædicatio, & difficultiorum rerum perperissio: quid autem singula commemoramus? ipsum martyrium, nisi ad Dei voluntatem exequendam referatur, nullius est pretij, nulliusque meriti. Itaque cum regina virtutum

omnium

omnium dicatur esse caritas, certe huic proxima, & simillima est obedientia: siquidem utraque cum Deo contingit, utraque etiam facit idem velle, idemque nolle, quod Deus: sed hoc interest, quod caritas per modum amici; obedientia per modum subditi. Quare etiam si modus discrepet, res tamen eadem, idemque tractus; ex quo etiam sequitur illa, quam tractamus, dignitas, quæ maxime elucet in omnibus actionibus, cum diuina illa regula, & quasi linea diriguntur, eadem nempe, quæ ipsius Dei actiones. Quid autem maius homini, aut cuius creaturæ contingere potest? Itaque hanc etiam ob causam obedientia à Theologis ipsa quoque aliarum virtutum forma appellatur, quod harum omnium actiones id vnum spectant, ut diuina præcepta compleantur. Ad hanc excellentiam accedit etiam illa, quod licet sit virtus peculiaris, vim tamen habet generalem, quæ omnia ad humanam vitam pertinentia complectatur. Qui enim sese alteri penitus subiecit, & tradidit, nihil omnino excepit, non locum, non actiones, non occupationum genera, non externa, non interna. Itaque & in agendo, & in cessando, & in manendo, & in abeundo, & in hoc vel illo negotio vel suscipiendo, vel dimittendo, vel nutando, siue parua res sit, siue magna, denique in omnibus ira se obligavit, ut nulla sit materia, quam non vera obedientia comprehendat. Accedit etiam quod in hanc virtutem omnes fere virtutes concurrunt, eique omnes præsto sunt, quasi ad pulcherrimum quoddam opus ex pluribus gemmis concinnandum. Neque enim alteri homini se quispiam dedere posset, nisi & magno Dei amore inflammatum, & multa in eum fide, ac fiducia subnixus, deinde etiam vera, ac profunda imbutus humilitate: addo etiam, nisi patientiæ, fortitudinis, constantiæ, & aliarum præsidium accesserit: ut, si obedientiam una ex his destitui contingerit, claudicare eam primum, deinde etiam labare, & concidere necesse sit. Verum nihil æque huius virtutis præstantiam ostendit, ac materia ipsa, quam tractat, & quæ ei subiecta est. Eam autem omnes spiritualium rerum magistri triplicem esse docent. Primum enim genus est operum ipsorum externorum, quæ à superiore mandantur, quæ quidem exequi ad obedientiæ virtutem pertinet. Sed hoc genus infimum, valdeque imperfectum est, & si nihil aliud sit, mancipiorum proprium, vel pecudum potius, quæ extrinsecus aguntur, nulla sua voluntate. Itaque alter est quasi eius gradus, isque altior, qui iam ad voluntatem etiam pertinet, quæ,

vt ait Gregorius, mactatur, & immolatur per obedientiam; sic enim sit, vt subditi voluntas cum superioris voluntate omnino conspiraret, seque penitus ad eam adiungat: vel potius subditus, sua tota eiecta, atque euulsa voluntate, solum superioris, rectorisque sui voluntatem in animo suo inferat, eaque agatur, & in omnem partem moueatur, vt soler sua. Porro tertius est gradus, ideinque summus, vt iudicium quoque, & ratio subdatur rectorum iudicio, quo non solum idem, quod illi, velimus, sed etiam idem quod illi, sentiamus, idque rectum, id honestum, id vtile existimemus, quod ij præscripserint: denique tanta in illorum nutu apud animum nostrum resideat auctoritas, vt, nisi manifestum aliquod Dei præceptum repugnet, eorum sententia nostram quoque ad se pertrahat, captiuæque sententiam. Hæc est religiosæ obedientiæ forma, & quasi facies, quam si oculis corporis cernere liceret omnes homines sui amore incenderet, tum pulchritudinis, tum etiam amplitudinis suæ aspectu. Nam cum obedientia donum quoddam sit, quod sit diuino numini, quanta est res, quæ donatur, tanta etiam virtus obedientiæ. Quid autem habet homo vel maius, vel cæsius, quam voluntatem, & rationem? vtræque enim habet, vt homo sit. Quare quam valde seipsum amat, tam hæc duo necesse est vt amet. Nam si carnem, si ossa, vel minima horum particulam ita natura diligit, ac pro his tuendis tantopere elaborat, quid faciet in illis, quæ tanto superiora, & præstantiora sunt, magisque ipsam naturam humanam attingunt? Itaque sic intelligendum est, nihil esse posse hominis magis insitum, quam vt non illa solum, sed etiam illorum usum, atque actus tueatur. Actus autem voluntatis proprius est libertas, rationis vero iudicium. Quare ea nobis est maxima, maximeque naturalis propensio ad suam cuique tum sententiam, tum placitum quoque sequendum; quod apparet, quia multa sunt, quæ cum per se nihil habeant, quo placeant, ideo tamen placet, vt in ijs libertas vsurpetur. ex quo etiam videmus ea, quæ verantur, hoc ipso quod verantur, cupiditatem magis incedere, non aliâ ob causam, nisi quod bonum illud, quod dixi, libertatis nos per se delectat. Igitur cum tanta ei vis sit, magnam quoque difficultatem esse necesse est in hoc naturalis eius propensionis quasi impetu irangendo, vt in omnibus, ad quæ nos natura defert, sed in hoc potissimum, quo maius est pondus, quod eo nos defert. Quare iungamus iam simul omnia, oblationis magnitudinem, quæ tam multa

multa in se complectitur, partis utriusque, quæ offertur, dignitatem, denique laborem hominis, ac difficultatem in ea offerenda: sic facillè intelligemus, quàm præstans res sit religiosa obedientia, quamque supra naturam nostram, nec perfici omnino posse, nisi natura victa, ac subacta. Atque hoc quidem sensu sapienter Gregorius interpretatur illud Sapientis dictum, Vir obediens loquetur victorias: Quia, inquit, dum alienæ voci humiliter subdimur, nosmetipsos in corde superamus. Verum de obedientiæ dignitate nihil magnificentius dici potest, quam hoc, quod non solum mala, non solum mediocria bona, sed etiam magna bona illi comparata splendorem amittant, ut stellæ in solis luce. Docet hoc idem Gregorius, qui mihi virtutum vim inter omnes optime & tenuisse, & docuisse videtur, ne, ut id ex sua auctoritate, sed scripturæ testimonio, ita dicens Melior est obedientia, quam victimæ, quo loco Gregorius, Liqueat, inquit, obedientiæ virtus quo sit culmine, quam diuinis oblationibus Propheta vidit altiorem. Quod si spiritualem sensum sequimur, victimæ ad magnæ conuersationis austeritatem, holocausta ad compunctionem vitæ secretioris referenda sunt. Melior est enim obedientia, quàm victimæ, & auscultare magis, quam offerre arietum adipem; quia longe altioris est meriti propriam voluntatem alienæ semper voluntati subicere, quàm magnis ieiuniis corpus atterere, aut per compunctionem se in secretiori sacrificio mactare. Quid est enim adeps arietum nisi pinguis, & interna deuotio? Melior est tamen obedientia: quia qui perfecte voluntatem præceptoris sui implere didicit, in cœlesti regno & abstinentibus, & flentibus excellit. Atque hæc ex Gregorio.

Mihi autem maximum quoque, ac certissimum videtur huius præstantiæ, quæ est in obedientia, documentum extitisse ex magnitudine, ac crebritate miraculorum quæ obedientiæ vi peracta sunt. Vt enim inter homines ipsos, à quibus aliqua supra naturæ vires effecta videmus, id pro indicio excellentis cuiusdam sanctitatis accipi solet: sic inter virtutes hoc idem sine dubio argumentum valere debet ad eas, ut ita loquar, canonizandas, cõ ue maiori veneratione colendas, quod eo signo constet, Domino Deo gratiores esse. Quis autem numeret miracula, quæ obedientia patrauit? Pleni sunt omnes libri, maximèque vitæ illæ veterum Patrum, qui virtutis huius magni specimen orbi terrarum reliquere. Notus est Paulus ille magni Antonij discipulus, miraculo-

35. Mor.

10.

2. Reg.

15.

Lib 6. in

lib. reg.

cap. 2.

rum facultate ipso magistro maior, cum Antonius, quos ipse curare non poterat, ad eum mitteret, neque aliam ob causam, nisi vnius obedientiæ, sic enim Antonius ipse prædica-
bat, eumque quasi obedientiæ exemplar omnibus ostendebat, & extat adhuc multorum eius illustrium factorum memoria. Notus etiam Ioannes, qui à suo Abbate. & quidem ioco iussus, vt leænam comprehenderet, ipse serio accipiens, non solum non expauit irruentem, sed etiam fugientem insequutus, iteratis vocibus, Abbatis sui nomine sistere iussit, captamque, ac ligatam ad monasterium perduxit. Quid ille, qui filium in accensam fornacem ex Abbatis imperio coniecit, & saluum recepit? quem quidem in filio offerendo Abrahæ virtutem constat imitatum esse, in recipiendo autem, miraculi magnitudine etiam superasse. Quid etiam alter Ioannes, qui cum triennio toto aridum stipitem, vt erat ei iniunctum, quotidie irrigasset, idque aqua longè hausta, demum viruit, fructusque edidit, quos eius Magister ad ecclesiam deferens, fratribus ostentabat, Ecce, inquit, obedientiæ fructum. Nec minus admirandum, quod Climachus narrat de iuvene Innocentio, qui cum obedientiæ magnopere viuens studuisset, deinde è sepulchro compellatus, an mortuus esset, respondit magna voce, mori non posse obedientem. De Columbano autem id certè fertur memorabile, cum in Luxouienti cœnobio, quod ille fundauerat, omnes ferè ægrotarent, eo accessisse, nec alio vsum esse medicamento, nisi quod omnes ad aream vocauit, ad fruges in solis æstu trituras. Res dura, præsertim tam grauius decumbentibus, qui ne consistere quidem possent. Itaque nonnulli, prudentiores videlicet, & cautiores, lectulo sese tenuerunt, alij obedientiæ studio ad opus statim accurrerunt. Atque hi quidem omnes ita statim omni morbo liberati sunt, vt ne reliquiæ quidem, aut vestigium vllum permaneret. Illi verò longas tarditatis, ac diffidentiae suæ pœnas dederunt, toto anno cum febribus conflictati, vt quidem eos reprehendens, atque obiurgans apostè prædixerat Columbanus. Illud verò magnum, & quo comparatio etiam cum reliquis virtutibus appareat, quod in Patrum historiis legimus, cum duo germani fratres in monasterio quodam viuerent, alter obediendi, alter castigandi corporis studiofissimus, hunc quidem, ad alterius sanctitatem explorandam, mandasse ei, vt in fluuium crocodilis refertum descenderet, quod cum impigre fecisse, ita vt immanes illæ belluæ
accurrerent,

accurrerent, & quasi blandiendo corpus eius oblingerent; paulo autem post cum in humanum cadauer incidissent, prece communiter facta, excitatum esse à morte: eamque laudem cum sibi abstinens ille tacitis cogitationibus arrogaret, seuerius obiurgatum esse ab Abbate, cui reuelatum fuerat, non illius ieiuniis, sed alterius obedientiæ beneficium illud à Deo donatum fuisse. Quæ cum ita sint, magnam esse oportet omnino obedientiæ dignitatem, quæ tantam apud Deum gratiam habeat, quantam hæc ipsa miracula declarant. Nec mirum. Nam qui in obedientia viuunt, ij se totos quasi Dei dexteræ commiserunt, vt ab eo penitus possideantur, & regantur. Ex quo illud in eis completur, quod est apud Esaïam, Eris corona gloriæ in manu Domini, & diadema regni in manu Dei tui. Quam nobilitatem, gloriàmque immensam illæ etiam consequuntur utilitates, quæ eodem loco commemorantur, Non vocaberis vltra derelicta, & terra tua non vocabitur amplius desolata, sed vocaberis, Voluntas mea in ea. Quod tam speciosum nomen, ac multo magis ipsa res, cui aptius conueniat, quàm religioso, qui per hanc ipsam obedientiam ita à Deo, vt dixi, possidetur, vt in eo semper, omnibûsque in rebus diuina eius voluntas perfectissime perficiatur? Gaudeant igitur homines quibuscumque voluerint nominibus, ac titulis, alij regum, alij principum, alij Cardinalium: religiøsæ tamen animæ multo verior est gaudendi materia in hoc nomine, quod ei Dominus imposuit, in quo tamquam compendio bona omnia continentur, Voluntas mea in ea.

Esa. 62.

*Religiosum eminere super omnes res terrenas,
idque quàm sit gloriosum.*

CAPVT VI.

SI horum, de quibus diximus, votorum tanta est cuiusque sper se dignitas, quantam diximus quam dignitatem, aut quem splendorem ex omnibus emicare necesse est, si in vnum omnia coniunguntur? Hic igitur est religiosus status, qui tribus hisce votis nixus est totus, & in cuius illa naturam, atque essentiam, cum suis omnibus ornamentis confluunt, vt vnus ex omnibus efficiatur cumulus. In hoc autem cumulo præter alia, quæ singula ex singulis oriuntur, illud etiam inest præclarum, & admirandum, quod habitum quendam mentis in homine efficit, quo nihil nobilius. aut generosius.

Phil. 3.

I. Reg.

Ep. 5.

Esa. 58.

generosius. Is verò est altitudo quædam animi, qui super omnia, quæ in hoc mundo sunt, erectus, omnia quasi subter se habeat, omnia despiciat, ac pro nihilo ducat, ac non modo non ea quarat, ut mundani, qui in illis ambiendis toti sunt, & de illis inter se tantopere digladiari solent, sed etiam oblata, & ultro affluentia rejiciat, & ita abominetur, ut lutum, aut, quod supra diximus ex Apostolo, ut stercore, quæ & utilitate, atque etiam fœtore odiosa sunt. Hic autem mentis habitus, hæc constitutio, quam sit propria, & quasi insita religiosæ disciplinæ, manifeste declarat Gregorij testimonium, qui his verbis utriusque temporis sui statum describit, & cum antea religiosus esset, & postea cum iam Pontifex: Nihil, inquit, in hoc mundo appetens, nil pertimescens, videbar mihi in quodam rerum vertice stare, ita ut in me penè impletum crederem, quod pollicente Domino ex Propheta didicissem, Sustollam te super altitudines terræ. Super enim altitudinem terræ sustollitur, qui & ipsa, quæ alta, & gloriosa præsentis videntur seculi, per mentis despectum calcât. Sed repente à rerum vertice tentationis huius turbine impulsus, ad timores, pauoresque corruï: quia etsi mihi nil timeo, eis tamen, qui mihi commissi sunt, multum formido. Neque verò ille Gregorij tantum sensus fuerat, sed cum Gregorius eiusmodi sensum ex religione accepisset, eundem etiam in ipsa religione esse necesse est, ac religiosi omnibus, qui ex religionis præscripto viuunt, communem, ac generalem esse. Omnibus enim infunditur, cum eis consilium seculi deferendi infunditur. Non enim deferere possent, nisi contemnerent, nec possent contemnere, nisi superiores essent. Etenim non id modo deserunt, quod in præsens habent, id enim sæpè modicum est, & tenue, sed affectum, & cupiditatem habendi, quæ iam latius, longiusque peruagatur, ac potius nullis finibus clauditur, resque omnes complectitur. Itaque nulli religioso tam humiliter sentiendum est de sua hac oblatione quasi paruum aliquid Domino offerat, cum paupertatis voto omnem à se terrenam possessionem præscindit. Offerit enim non illa tantum, quæ tenebat, & quæ aliquando consequi vel propria industria, vel alieno beneficio potuisset, sed totum omnino mundum. Habemus huius exemplum in Petro, qui certè cum non multa, immo pauca potius, ac propemodum nulla deseruisset, non dubitauit tamen illud dicere, quod scriptum est in Matthæo, Ecce nos reliquimus omnia. De qua

qua professione bene, ac conuenienter religiosis Augustinus epistola ad Paulinum: Piscatores, inquit, Domino vocante, qui nauculas, & retia dimiserunt, omnia se dimisisse, & Dominum sequutos esse, etiam commemorando lætati sunt. Et reuera omnia contemnit, qui non solum quantum potuit, sed etiam quantum voluit habere, contemnit. Sed in eo, quod cupiebatur, oculi Dei testes sunt, in eo, quod habebatur, etiam homines. Idem dicit & Gregorius, qui ideo Petrum, & Andream multum dimisisse confirmat, quoniam uterque habendi desiderium reliquit, quod in ea re affectum porius, quam censum æstimari oporteat. Vnde ita concludit: Multum reliquit, qui sibi nihil retinuit; multum reliquit, qui, quamlibet parum, totum deseruit. Hoc igitur idem fecerunt religiosi omnes. omnes enim non modo rerum possessione, sed etiam cupiditate omni se planè spoliarent. Qui autem ita animo constitutus est, ille totum omnino mundum sub pedibus habet, ideòque non modo gaudio, tranquillitate, voluptate beatus, sed etiam dignitate ipsa omnibus principum, ac regum imperiis longè superior existimandus est. Quamobrem verè dici potest. religiosi cuiusvis sic affectam mentem, illam esse aquilam, quæ in scriptura ita describitur, vt ad Dei præceptum eleuetur, & in arduis nidum sibi ponat: vbi Gregorius, *Job 39.* Hoc, inquit, esse speciale specimen electorum solet, quod *31. Mor.* sic se hnt præsentis vitæ iter carpere, vt per spei certitudinem nouerint, se iam ad alta peruenisse, quatenus cuncta, quæ præterfluunt, sub se esse videant, atque omne, quod in hoc mundo eminet, amore æternitatis calcant. Hinc est enim quod sequenti se animæ per Prophetam Dominus dicit, *Esa. 58.* Sustollam te super altitudines terræ. Quasi quædam namque inferiora terræ sunt damna, contumeliæ, egestas, abiectio, quæ ipsi quoque amatores huius sæculi, dum per latæ vitæ planitiem ambulant, vitando calcare non cessant. Altitudines autem terræ sunt lucra rerum, blandimenta subditorum, diuitiarum abundantia, honor, & sublimitas dignitatum, quæ, quisquis per ima adhuc desideria incedit, eo ipso alta æstimat, quo magna putat. At si semel cor in cælestibus figitur, mox quam abiecta sint cernitur, quæ alta videbantur. Hæc Gregorius; quibus illud etiam addi potest, proprie admodum religiosis conuenire, quod de hac aquila hic dicitur, non eam solum alte conscendere, sed nidum in alto ponere. Nam volarus quidem conatû, & laborem habet, eamque

10. Conf.
40.

eamque ob causam non potest esse perpetuus : nidus autem habet quietem , eoque stabilis est , & fixus. Eadem est igitur differentia in eorum hominum studiis , qui ad virtutem contendunt. Nam qui cogitatione , ac desiderio tantum sese à terra attollunt , ut aliqui interdum seculares , rectè ij quidem faciunt. sed cum vi , & contentione. Itaque illud fere ijs evenire necesse est , quod in se ipso lugebat Augustinus cum dicebat , Sed recido in hæc ærumnosis ponderibus , & resorbear solitis , & teneor , & multum fleo , sed multum teneor : tantum consuetudinis sarcina degrauat. At verò qui nidum in alto posuerunt , non modo non fatigantur nitendo , verum in eo suauissime quiescunt. Hic autem nidus hominibus est status ipse. An non igitur religiosi nidum suum in edito , arduoque loco fixerunt , quorum status supra id omne , quod creatum est , collocatus est ? Quare tantum abest , ut iis graue sit in illa sese altitudine sustinere , ut etiam cum magna voluptate id faciant , nec quidquam adeo horreant , quam ad ista infima , quæ & re , & animo deseruerunt , relabi.

Atque ut ex hac ipsa similitudine , quam nobis diuina scriptura suppeditat , intelligere possimus quantum vel splendoris , vel emolumentum hæc tanta mentis altitudo complectatur , cogitandum est ita , ac si quis corpore è terra in aerem subleuatus , in ipsis nubibus sede fixa constitisset. Nam hoc exemplo ficto , ex eo quod id fieri potest , cognoscemus quid in animo geratur , in quo id fieri potest , & sit quotidie. Igitur si quis eo loco , quem dixi , corpore degere , ei tum alia , tum hæc in primis contingerent , primum ut omnibus admirationi esset , deinde ut si quem haberet inimicum , ab eius vel insidiis , vel telis tutus esset , tum etiam ut inferiora ista , tanto à se intervallo remota , quædam vix videret , quædam ne videret quidem.

Hæc igitur omnia , & similia animæ quoque illi conueniunt , quam Deus è puluere , atque è terræ fece subleuatam in eminentiori hoc loco constituit. Primum enim excellentiam quandam acquirit , cui nulla dignitas , nullus magistratus , aut potestas compareretur. Vnde est illud Cypriani , Qui renunciauit iam seculo , maior est honoribus eius , & re-
De orat. gno : & ideo , qui se Deo , & Christo dedicat , non terrena , sed
Domini- ecclesia regna desiderat. Atque huius quidem excellentiæ
ca. splendor non à Dei solum oculis cernitur , quod satis esse deberet , sed , ut plurimum , etiam hominum . nam et si imitari pi-
get ,

get, suspicere tamen eos solent, quos vitam hanc magis ad
 duam ingressos vident. Verum enim est illud Hieronymi; *Ep. 27.*
 non laudabile esse possidere diuitias, sed eas pro Christo
 contemnere, non inhiare ad honores, sed eos parvipende-
 re; & miro quodam modo, qui ista habeant, parvipendi,
 qui habere noluerint, prædicari. Accedit etiam illud in re-
 ligiosis, quod quasi extra omnem aleam humanorum ca-
 suum positi sunt. Quid enim in eos humana mutabilitas
 possit, qui omnibus, quæ mutationi obnoxia sunt, relictis,
 omnes eius aditus intercluserunt? ex quo id consequitur,
 ut quasi supra ventorum status positi, immobiles semper
 maneant, omnibusque euentibus superiores, perpetua trā-
 quillitate fruatur. Que trāquillitas, si auro æstuari pos-
 set, quāto auro emenda esset? Verum ea quidē nec auro,
 nec re vlla creata emi potest, sed magis cōtemptu omnium
 rerū creatarū: quoniam quicquid creatū possideas, eo iam
 iam expoliari potes; qui vero omnia abiecit, is nihil iā ha-
 bet, quo vel feriri, vel turbari possit. Vnde in eiusmodi sta-
 tu quasi propria est illa, quā dixi, perpetua, & nūquā inter-
 rupta animi trāquillitas, idemque vultus, & eadem semper
 frons, qualē Antonij Magni fuisse scribit Athanasius. Ex hoc
 eodē fonte illud etiam nascitur, ut aduersus ignea tela ne-
 quissimi quam tutissimi simus, quod vel tam alte non per-
 ueniant, vel nullo negotio repelliqueant. quod ipsum pte-
 clare Cyprianus, Quantus hic, inquit, animi potentatus, *Lib. 2.*
 quanta vis est? Non tantum ipsi esse subtractum perni- *ep. 2.*
 ciosis contactibus mundi, ut quis expiatus, ac purus, nulla
 incurstantis inimici labe capiatur, sed adhuc maiorē, & for-
 tiorem viribus fieri, ut in omnem aduersarij grassantis e-
 xercitum imperioso iure dominetur. Illud autē maximū,
 & maxime nobis salutare, quod hic status ex sua quasi na-
 tura hoc in animo nostro lumen parit, ut quicquid est sub
 cælo, trāquam leue, fallax, & inane, & amore nostro indig-
 num, despiciamus. Fit enim hic etiam id, quod eleganter a *Hom.*
 Chrysostomo in homilia quadam dictum est, quemadmo- *15. ad*
 dum ē summo montis vertice prospectantibus omnia pu- *pop.*
 silla, ac non solum homines, & arbores, sed etiam vrbes in-
 tegeræ, & magni exercitus formicarum instar super terram
 ire videntur, sic qui animo recto in cælestia, quasi in sublimi
 commorantur, iis omnia humana, potentiam, gloriā, opes,
 ita minuta, & exigua apparere, ut ne digna quidē iudicent,
 quibus hanc immortalis animi nobilitatem applicent.

De virg.
c. 81.

Quid igitur hoc statu excelsius, aut gloriosius, qui nos ita instituit, ut nihil habendo, contra omnia sequeuros, & inexpugnabiles reddat, itaque nullos homines, nullos casus, nullius vim timeamus? Quam sane mentis sublimitatē paupertati tribuendam esse optime docet idem Chrysostomus, qui inter ceteras cœlibis vitæ laudes hanc commemorat, quod simul etiam paupertatem colere possit, ac per eā omnibus curis, ac periculis præcis, proxime ad cœlum tolli. Nam qui, inquit, nihil habet, tamquam si adsint omnia, sic cuncta despiciat, magnaue & in principes, & in potentes, & in eum, qui diademate ornatus sit, loquendi libertate utitur. pecuniam vero qui spernit, is recta progrediens, mortē etiam facile cōtemnit, atque iis excelsior, nihil timēs, aut tremens, liberius loquitur apud omnes. Qui vero pecuniæ dat operam, is non modo serus pecuniæ est sed opinionis, honoris, huius vitæ, ac denique, ut vno verbo dicam, mancipium est eorum, quæ ad hanc vitam pertinent. Idē quoque, luculente, ut solet, prosequitur Gregorius quodam libro moralium: Libet, inquit, oculos mentis attollere, & electos Dei exterius oppressos quantæ intrinsecus arcis præsideat, videre.

Cuncta quippe, quæ foris eminent, occultis eorum obtutibus per despectū iacent. Nam super se interius rapti in alto animam figunt, & quæcumque in hac vita patiuntur, quasi longe infra labentia, atque à se aliena cōspiciunt, atque, ut ita dixerim, dum mente extra carnem fieri decertant, pene ipsa, quæ tolerant, ignorant. In horum profecto oculis, quicquid temporaliter eminent, altum non est. Nam velut in magni vertice montis siti præsentis vitæ gaudia plene despiciunt, seque ipsos per spiritualem celsitudinem transcendentes, subiecta sibi intus vident, quæcumque per carnalem gloriam foris tument. Vnde & nullis contra virtutem potestatibus pareunt, sed quos attolli per elationem conspiciunt, per spiritus auctoritatem premunt. Hæc Gregorius, quorum etiam exempla multa ex sacris litteris profert, ut Moyses in Pharaonem, Natan in Dauidem, Helye in Achab, Helysæi etiam in Ioram. Idem igitur robur infundit suis religio, liberamque, cum opus est contumaciam non à superbia, sed ab animi magnitudine, & temporalium contemptu ductam, quæ pro Dei gloria tuenda, etiam principibus, ac regibus ipsis resistere non vereatur. Bernardinus Senensis tantam in dicendo libertatem tenuisse scribitur,

ut nullo respectu, cum res, & causa postularer, etiam in potentium hominum vitia publice inneberetur. Quod cum aliquando Mediolani aduersus Ducem in concione fecisset, ille grauiter offensus, mortē denunciari iussit, nisi abisteret. At Bernardinus postera die in magna populi frequentia idem vitium acrius etiam, quam antea, obiurgare perrexit: quā libertas, ac fiducia ita Ducem fregit, ut molestiam ei ultra exhibere ausus non sit. Quin etiam, ad illius animum pertentandum, aureum ei poculum auro plenum misit, quod cum vir sanctus cum stomacho reieccisset, ille pluribus precibus adiectis, referri iussit, quas nuncijs dum ita exponerent, ut virgendi finem non facerent, surgens Bernardinus, eosque sequi iubens, ad carcerem perrexit, quo obarati tenebantur, quos eo die omnes vipulis exemit.

Eandem quoque legimus fuisse Columbani fortitudinem in Theodorico Gallorum Rege obiurgando de eius facinoribus, cuius aliquando aduentum cum Rex cognouisset, eamnam regio cultū, & reliqua necessaria ad eius hospitium, longo famulorum ordine, deferri curauit, quā ut vidit Columbanus, vultu, & voce auersatus est prolato versu illo ē scriptura, Munera impiorum reprobat Altissimus, indignūq; esse, ut Dei seruorū ora eius cibis polluerētur, qui cum ipsis tam iniustum bellum gereret. Vix autem verba finierat, cum vasa omnia, quibus cibi illi continebātur, disrupta sunt, vinum, & sicera in terram effusa, reliqua huc, illuc disiecta; qua re attoniti ministri, Rex etiam ipse territus accurrit, seque in eius potestate in rebus omnibus pollicitur; quem tamen breui ad vomitum reuersum iterū Columbanus leuioribus obiurgationibus, & inipis aggressus est.

Erd. 34.

Quid autē mirabili animo Antonij Patavini, qui ut accepimus, cum ad Ezelinum adisset, quo ille tempore Italiam exade, atque incendiis vastabat, his eum verbis cōpellauit, Sæue, ac crudelis tyranne, quādo iam humani sanguinis effundendi finem facies? Cui exordio cum reliquā orationē cōgruentem adieccisset, cōmemoratis illius rapinis, caedibus, direptionibus ciuitatum, Deique iram, ac pœnas imminentes denunciasset, hæc audientes satellites nihil expectabāt aliud quam barbari illius pro eius more nutum, ut tā molestum monitorem confoderent. At ille contra, cingulum collo imponens, atque ex lupo agnus effectus, & in genua

procidens, humillime peccatorum veniam precatus, infu-
 per etiam pollicitus est quicquid pœnæ iniungeretur, libe-
 ter subiturum. Idem tamen paulo post in sua flagitia relap-
 sus, decreuit sancti viri virtutem hoc modo explorare. Mi-
 sit ad eum quosdā ex suis cū præclaris muneribus, quibus
 ita mandauit, vt precib⁹, & omni importunitate id agerēt,
 vt ea acciperet; quod si faceret, illico eum obtruncarēt, sin
 non acciperet, patienter ferrent quicquid ab eo diceretur.
 Illis igitur ficta humilitate instantibus, multūq; orātib⁹ vt
 mun⁹ illud Domini sui admitteret, Antoni⁹ voce liberrima,
 Abite, inquit, quāprimū cū vestrīs impiis donis, ne vel ruē-
 te tecto, vel dehiscēte terrā, nos quoq; exitio vestro inuol-
 uamur. Ita illis dimissis, Ezelius re cognita semper illū de-
 inceptus vt hominem sanctum veneratus est. Tantum etiam
 in impiorum animis contemptus rerum terrenarum ad-
 mirationis habet. Cum igitur religiosus status sic nos cō-
 tra omnia aduersa instruat, videamus, quo modo muniat
 etiam in prosperis, vt vtraque contemnētēs, nec illa timea-
 mus, nec ista curemus. Testis est huius rei Antonius, qui
 vt scribitur, cum ad eū Constantinus, tantus Imperator, cū
 duobus filiis, Constante, & Constantio, litteras crebro mit-
 terent, tamquam ad parentem, officiosissimas, & quam de-
 mississimas, ipse adeo eas non magnificiebat, vt hoc suis
 dicere soleret, nihil magnum videri debere, quod Reges se-
 culi ad Dei seruos epistolas darent, quia et si nescio quid
 amplius potentia habere viderentur, eadem tamē esset o-
 nium natura, eadem viuendi, & moriendi conditio. Illud
 vere magnum, & magnopere æstimandum, quod Deus epi-
 stolas suas, id est, legem suæ voluntatis indicem ad nos mi-
 sisset, nobisque per filium loquutus esset. Quæ cū diceret,
 tamen rogatus a suis vt aliquid responderet, ne tantorum
 Principum humanitatē aspernari videretur, ita rescripsit,
 vt eos ad iustitiam, & clementiam hortaretur, vtque se ho-
 mines esse meminissent, & à Christo, qui vere omniū do-
 minus est, iudicandos. Hanc igitur mentem ita celsam, ac
 super omnia electam, & omnia pro nihilo ducentem, An-
 tonius, & ceteri, non ad religionem attulerunt, sed ex ipsa
 religione hauserunt, vt nobis quoque, quando eadem in
 schola versamur, eadem facile haurire liceat eamque ipsi⁹
 nostri status altitudo & exigat, & certe etiam asserat.

De religiosi eminentia in relinquentis
carnalibus propinquis.

C A P V T V I I.

MA G N A quidem res est terrenarum omnium rerum contemptus, & qui id faciant, vulgi exemptos numero, ad magnam euehit dignitatem. Maius tamen opus est in relinquentis propinquis, & cognatis, qui nobiscum carnis, & sanguinis necessitudine astricti sunt. Nā & maior est amor, & multo intensior, & naturæ ipsi magis consentaneus, & altioribus denique radicibus nixus. Etenim cum auro quidem, & argento, & cum agris, similibusque rebus quam habet homo similitudinem, aut quod vinculum? Cum aliis autem hominibus, & præsertim iis, qui ex eodem fonte fluxerunt, maximum. Itaque videmus quam impotens sit caritas; & beneuolentia, vel parentum in filios, vel filiorum in parentes, vel fratrum inter se. Hoc autem non tam ex iudicio, aut ex rationis deliberatione prouenire, quam naturæ impetu, declarat id, quod in belluis ipsis cernimus, quæ ita pro suis catulis propugnant, ut pro iis in vulnera, & in mortem ruant. Quare, quo hæc maiora sunt vincula, eo maior vis ad ea rumpenda requiritur, maiusque robur ad eam disunctionem sustinendam, atque etiam peragendam. Itaque hoc quoque in summis laudibus religiosi status ponendum est, quod, ut cetera, sic etiam naturalem hunc affectum ita vincat, ac superet, ut corū quibuscum quisque natus est, & quibuscū vixit, consuetudinē relinquat, nouamque ineat cū aliis, quos nunquam antea viderat, Christi causa affinitatem, & cū iis multo iam libētius viuat, & incūdius. Hoc enim est apertū argumentū, hunc statū omnem naturæ gradum longe transcendere. Nam si patrem, filio vno ex pluribus amisso, tātos sæpe ploratus, & luctus edere videmus, cū tamen reliqua familia salua sit, quis esse deberet eorum dolor, qui oēs eodem tempore amittunt, parentes, fratres, sorores, domesticos, amicos, & ad extremum quoscunque vel naturæ necessitudo, vel vi⁹ aliquis familiaritatis cū eis deuinxerat? Non igitur hoc effici potest naturæ virib⁹, sed gratia, cœlestis, & virt⁹ ex alto requiritur, & certe abundans, & copiosa. Sic enim ipse Saluator testat⁹ est, suū hoc op⁹ esse, & quidē ex magnis; Non veni, inquit, pacem mittere, sed gladiū. Veni enim separare hominem aduersus patrem suum, & filiam *Mat. 10.*

aduerſus matrem, & nurum aduerſus ſocrum ſuam. Recte autem, & ſapienter gratiam hanc gladiū appellat. Vt enim gladius ferreus eſt, & ad ea ſcindenda adhibetur, quæ ſunt inter ſe coniuncta, ſic indicat naturalem hunc propinquitatis nexum maximum eſſe, nec diuelli poſſe, niſi vi quadam ferrea, id eſt, illius manu præpotenti, qui quorum velit corda ad ſe attrahit, & vnde vult diſtrahit. Hoc autem experimur quotidiano vſu. Vnde enim fiat, vt qui prius in ea de domo coniunctiſſime vixerūt, ſi poſtea huius ſpirit⁹ aſſectum aliquem ſenſerint, continuo non acquieſcant carni, & ſanguini, ſed ea conſtantia ab illis diſcedant in perpetuum, ac ſi numquā illos antea nouiſſent, nec ad eos quicquam pertinerent? Et quidem, quod expreſſius eſt, lugent alij abeuntem, ille autem, qui abit, lætus, atque hilaris eſt. Quid hoc igitur eſt, niſi quod hic diuino illo gladio abſciſſus, & ſeparat⁹ iam eſt, eamq; ob cauſam ſine vllō doloris ſenſu diuidi poteſt; illi autē, qui gladiū hūc non ſenſerunt, ſunt adhuc cū illo coniuncti, nec poſſunt non dolere illa ſeparatione? Marcianū ſcribit Theodoretus, cū nobiliſſimo genere, atq; adeo regio ort⁹ eſſet, in remotiſſimū cernobiū ſe contuliſſe: quo cū multos poſt annos veniſſet ſoror, ciuitatis ſuæ princeps, vna cū filio impubere, & cum multis munerib⁹, illū ne ad conſpectū quidem mulierē admittere voluiſſe, filiū autē eius amiſiſſe, vt ſpiritualibus præceptis inſtructiorem remitteret. Hoc autem rogante, vt quæ allata erant, reciperet, ſi non vt propinquus, ſaltem vt pauper, reſpondiſſe, Quot pauperū monaſteria pri⁹ vobis occurrerunt, quā ego? quibus cū iſta nō dederitis, apparet vōs hęc mihi propinquitatis gratia deferre. Quare ille quidem cōſtanter reiecit omnia, idq; factum ita laudat Theodoretus, vt cū dicat extra naturā fuiſſe, & in cœleſtem migrari rationem. Quamobrem ſic ſtatuendū eſt, religioſum hūc affectum vnum eſſe inter præclara chariſmata, quæ Spiritus ſanct⁹ ſoleat impertiri, & certe robur magnū poſtulare, & iudiciū præferre animi admodū excelsi, virtutibuſq; omnibus exaggerati. Itaq; hoc in primis ſponſæ illi, quam ſibi Dominus coniūxit, quamque ſine macula, & ſine ruga eſſe voluit, ab ipſo præcipitur, Audi filia, & vide, & inclina aurem, & obliuiſcere populū tuum, & domū patris tui. Nam vt ſit filia, vt ſit ſponſa, & digna fiat Dei amplexibus, illa in primis cōditio, & quaſi dos quædam exigitur, vt non modo relinquat, ſed etiā obliuiſcatur carnalē omnem cognationem.

In Hiſt. relig.

Pſal. 44.

nem. Id autem si fecerit, quid ei promittitur? Et concupiscet, inquit, Rex decorem tuum: quasi dicat, hoc facto, tantum decorem, tantamque acquires pulchritudinem, ut summus ille Rex tui amore incensus, tuasque ultro nuptias expectens, ad regiam te dignitatem euecturus sit.

Sed extitit huius rei memorabile exemplum, & omnino aptissimum ad hoc illustrandum, quod religiosi omnes faciunt, in Abrahamā tāto viro, Huic enim dictū est à Domino; Egre- *Gen. 12.*
dere de terra tua, & de cognatione tua, & de domo patris
tui, & veni in terram, quam monstraui tibi. Satis erat, *Lib. 1. de*
inquit Ambrosius, dicere, de terra tua, quod in hoc reliqua *Abra.*
continerentur: sed addere voluit singula, ut eo magis eius *cap. 2.*
affectus probaretur. Itaque merito eius fides celebratur, at-
que, ut ait idem Ambrosius, facto praeuenit dicta sapientium,
inter quae illud fertur, Sequere Deū. At hoc religiosi om-
nibus commune iam est, ut non solum affectu, sed etiam cor-
pore, & re egrediantur de domo patris, relinquunt cognat-
os, quin etiam illud, quod supra omnia est, ut nullum
in locum veniant certum, ac designatum, sed quemcumque; dein-
ceps Deus monstraue- rit. Tradunt enim sese Superiorum
suorum voluntati, atque imperio, non ad unam rem peculiarem;
& tamquam pacto stabilitam, sed ad omnia, quae illis placue-
rint, & quae illi tamquam Dei interpretes monstraue- rint. Ac
mihi quidem, si dici fas est, quod ad hoc attinet, amplius ali-
quid inesse videtur in religiosi cuiusque facto, quam in illo
Abrahamae. Nam is patriam quidem deseruit, & partem aliquam
cognationis, sed & opes, quae plurimae erant, secum abduxit,
& Loth fratrem, & Saram uxorem, & denique seruos omnes,
familiamque amplissimam, ut videri possit non tam patriam
reliquisse, quam praecipua patriae comoda secum euexisse. Re-
ligiosi autem quam vere, quam perfecte & rem, & domum, &
propinquitatem omnem deserunt, nudique, ac soli ad Christi
nudi vexillum conuolant? Igitur Abrahamae, cum hoc Dei ius-
sum exequeretur, magna illa facta sunt promissa, Benedicam
tibi, & magnificabo nomen tuum, erisque benedictus. Benedi-
cam benedicientibus tibi, & maledicam maledicentibus tibi.
Quae si ad eam dicta, & in eo completa sunt, quid causae sit
cur nos quoque tam praecleari eius facti participes, non etiam
huius praemij, ac promissionis participationem speremus? Im-
mo vero aliquanto etiam magis: nam in ipso benedictiones
istae temporales fuere, quae sunt bona multo minora, in nobis
spirituales, quae sunt aene ulla comparatione maiora, & me-
liora.

liora: Sed tamen hinc quoque discere possus, quanta sit religioſi status, ex hoc vno capite dignitas, qui se tant diuini hominis tam præclaro facto exæquauit. Quam longe enim omnē carnis affectū superauerat Pastor ille, qui, vt legimus in vitis Patrū, vel sororis filio de vita periclitante, deprecatorem se Præfecto, exhibere noluit: aut Prior, qui ab Antonio, cuius erat, discipulus, sororem, quæ ad eū venerat, adire iussus, adiit quidē, sed oculis clauſis, vt eā ipse non videret. Quem etiam imitatus est Iohannes, qui item maiorū imperio, coact⁹, vt sorori se sisteret, sancto dolo ei se vt extenuū ostendit, & ab ea non agnitus statim abscessit. Quod autem duo isti in sorore, idem Marcus præstitit in matre, cui se sordatū fumo, ac fuligine in sacco sordido, compressis, ne eam ipse videret, oculis, exhibuit. Atque huic etiam similis fuit Euagrij sensus, cui cū patris mors à quodā nūciata esset, Mētiris, inquit, pater enim me⁹ immortalis est. Idem dicere potuisset etiā Franciscus, qui vna cū bonis paternis patri quoq; renunciāns, præclaram illam professionem addidit, se iam deinceps liberius, & verius dicturum, Pater noster, qui es in cœlis. Multa similia commemorari possent, vt Bernardi, & fratrum, vt Pacomij. & Theodori eius discipuli, quorū illi sororem, hi postremus matrem, quas ne ad aspectum quidem admittere voluerunt, etiam impulerunt, vt ipse quoque seculū deserereat. Sed non opus est ista antiquiora repetere, cū quotidiana eiusdē virtutis exempla nos ipsi videamus. Quā enim sæpe, aut potius, vt dixi, quotidie, non solum viros maturiori iam ætate, sed adolescentes quoque nos ipsi spectamus, cū siccis oculis, parentum, & suorum omnium lacrymas excipiant, atque etiam eorum fletum irrideant: Neque id duritia, aut stupore faciūt. nam hi ipsi in ignoti miseris facile cum lugente lugerent. Sed apparet in eorū cordibus ille gladius, quem supra dixi, qui eos separauerit ab iis, quibuscum antea toto affectu coniuncti vixerunt, non quo, eos amare desierint, cū etiam hostes se amare profiteātur, sed quia carnali amore eiecto, qui sæpe ad incepta adigit, eum totum in spirituale caritatem conuerterunt. Non est igitur dubitandum, quin eiusmodi affectus adeo nobilis, & excelsus, idem sit Deo quam gratissimus, eiusque maximis beneficiis profuse ornetur. Quod quidem optime Moſes expressisse videtur in suo illo prophetico testamento, cum leuiticam tribum Deo dicatam, quæque ob eam rem religioſi status imaginē quamdam

dam habebat, illa benedictione prosequutus est. Qui dixit *Deut. 33*
 patri suo, & matri suae, Nescio vos, & fratribus suis, Igno-
 ro vos, & nescierunt filios suos: Hi custodierunt eloquium
 tuum, & pactum tuum seruauerunt. Benedic Domine fortitu-
 dini eius, & opera manuum eius suscipe. Percute dorsa ini-
 micorum eius, & qui oderunt eum, non confurgant.

*Quod religiosus reliquerit etiam seipsum, idque
 summum esse.*

CAPVT VIII.

POST bona externa, post carnis cognationem, quae reli-
 giosus deserit, restat tertius ille, & summus gradus, & si-
 ne dubio in omni perfectionis genere altissimus, quod se
 quoque ipsum deserit. Id enim est leuare se non solum super
 alia, sed etiam supra se, quod pro magna re commemorat Hie-
 remias. Itaque de huius actionis praestantia, & difficultate, &
 dignitate optime scriptum est à Gregorio; Fortasse, inquit,
 laboriosum non est homini relinquere sua, sed valde labo-
 riosum est relinquere semetipsum: minus quippe est abne-
 gare quod habet, valde enim multum est abnegare quod est.
 Et vere. si enim tanta est difficultas in nostris relinquendis,
 quae diligimus propter nos ipsos, quanto maiorem esse ne-
 cesse est in ipsis nobis relinquendis? Etenim quam naturalis,
 & insitus est cuique sui amor, & sui conseruatio, tam arduum
 erit sine dubio opus illud abijciendi se ipsum: quoniam, si re-
 cte cogitemus, modo perfecte fiat, exiguo admodum interual-
 lo distat à morte, idque ipsum mors quaedam est, quia nihil est
 aliud, quam mori sibi ipsis; ideoque ita dictum est à Gregorio,
 Abnegare quod est, Deficere à se ipso, Mactare quod est.
 Ex quo illud natum est, ut religiosi mortui appellarentur:
 quod egregio facto declarauit Apollo, vnus ex antiquis
 Patribus, qui, ut tum alij, tum Bernardus ipse narrat, cum ad
 eum carnalis frater auxilij gratia adisset, quesiuit ab eo, cur
 non potius ad alterum tertium fratrem adisset. Cumque ille,
 qui venerat, cum admiratione respondisset, eum iam pridem
 mortuum, sepultumque esse, tum Apollo, se quoque ante vi-
 ginti annos, cum vitam illam suscepisset, mortuum esse. Ac
 sanctus quoque Basilius ita sentit, & pluribus disputat, hanc
 ipsam sui ipsius expoliationem, de qua Dominus loquitur est,
 cum dixit, Si quis vult venire post me, abneget semetipsum,
 neminem

*Thren. 3.
 Hom.
 33. Euā-
 gel.*

*Serm. de
 mira. in
 nupt.*

*Reg. fusi.
 c. 6.
 Luc. 9.*

neminem consequi posse, qui in mundo occupatus sit. Reddit autem rationē, quia sui ipsius abnegatio nihil est aliud, inquit, quā omnino, & penitus obliuisci rerū omnium superioris vitæ, & à suis voluntatibus recedere, quod in seculari vita assequi longe difficillimū est, ne dicā plane fieri non posse. Atq; hic etiam, quicumq; est in religione, perfectissimus perfectionis gradus relinquendi seipsum, alia ratione demonstrari potest. Sicut enim eā rem, quā alteri homini donamus, vere, atq; omnino relinquitur, ita cum nos ipsos Deo donamus. Hæc autem est natura, vel, ut ita dicā, religionis ipsi⁹ essentia, quod alio loco à nobis vberius disputatū est, ut votorum vi nos totos Deo resignet, & in Dei potestatem transferat. Primū enim tradit ei corpus ipsum tum per castitatē, tum etiam, ut reliqua, per obediētiam, ut iam nō sit eius, qui gestat, sed eius, cui gestatur. Ex quo illud à Sācto Bernardo præceptum est sapienter, ut religiosi sic agant de corpore suo, tanquam de re non sua, sed Dei. Deinde tradit etiam animā, id est, voluntatem, iudiciū, libertatem, in qua quidē sunt omnia. Est enim anima quasi arx totius ciuitatis, libertas vero quasi clavis huius arcis, ut, ea tradita, reliqua etiā tradi necesse sit, & qui eā teneat omnia teneat. Deniq; quod ex his sequitur, sed addendum est gratia declarādi, tradit etiam vsum horum omnium: nō enim vel animā, vel corpus impendere possumus iis rebus, ad quas nostra nos inclinatio trahit, sed quas velint, & quas præscribant superiores nostri. Neq; vero hæc, de qua loquimur, traditio obscura est, quoniam non sola mente, aut voluntate peragitur, sed multa quoque externa adiunguntur, adhibita voce, adhibitis testibus, adhibito insuper homine, qui vicem Dei tenens eam donationē admittat, & accipiat: deniq; quasi contractus quidam initur, cuius ad solemnitatem, & auctoritatem nihil plane desit. Quam ob rem hoc adeo verum est, religiosum, cum semel promissione illa sacrosancta sui dominium abdicarit, se ipsum reliquisse, ut si deinde aliquid de se resumat, ita nequiter faciat, ut is, qui rem alienā cōtrectet, in quam nihil vniquā iuris habuerit: idque testatur Basili⁹, qui ita ait, cum se quispiam Deo, cui se consecrauerat, subterfugatur, sacrilegiū facere. Vnde est etiam illa vera, & iusta Sācti Bernardi obiurgatio ad suos quosdā, Qui vestri curā semel nobis credidistis, quid rursus de vobis intromittis? quasi diceret, Quid amplius iuris in vos ipsos habetis, postquā semel vos alienastis? Si igitur

*Ad fratres de
mon.
Dei.*

*Reg.
fusi.c.
14.
Ser. 19.
Cant.*

ita est, vt dicit Sanctus Bernardus, primum quis esse potest
 modus relinquendi se ipsum perfectior, quam in religione?
 Deinde vero quantā rem, quamque præclaram necesse est
 esse religionem, & quantā apud Deum gratiam habere,
 quæ tam liberalis sit in ipsum? Nam inter homines quidem
 omnium rerum grauissima, & durissima existimari solet
 seruitus, aut captiuitas, quoniam libertatem eripit, & ho-
 minem ita subiicit, vt omnia alieno arbitratu faciat. Ve-
 rum, si consideremus, hæc seruitus, quantacumque est, cor-
 poris tantum est, animus autem plane liber est. Itaque nul-
 lum est mancipium, cui non liceat cogitare quæ velit, ama-
 re, vel odisse quæ velit, gaudere, vel dolore de quibus velit.
 At vero religiosus, cum animam Deo offert, etiam animæ
 opera offert, & affectus ipsos interiores ad illam regulam
 astringere, & conformare debet; idque agunt in omnibus
 religiosis ordinibus, tum ipsæ leges, & constitutiones scri-
 ptæ, tum viua vox rectorum, vt non solū exterius, sed mul-
 to magis interius præscribant quid sectandum sit, quid vi-
 tandum. Itaque nulla vñquam fuit, vel esse potuit inter
 homines seruitus tam arcta, quam hæc est religiosorum: sed
 quo arctior, eo iucundior, quoniam ea est Dei iucunditas,
 quam tanto ille largius cum suis creaturis communicat,
 quanto se magis cum eo astrinxerint, & se verius ei subie-
 cerint. Quamobrem ita omnino statuendum est, hoc etiam
 in amplissimis religiosæ vitæ rebus numerandum esse, quod
 faciat, vt nosmet ipsos relinquamus, & plane exuamus, id-
 que in perpetuum, & ea obligatione, quæ non amplius re-
 scindi, aut reuocari possit: vt merito ad hoc ipsum factum
 exornandum illa dicta sint à Glossa, cuius est tanta in di-
 uinis scripturis exponendis auctoritas. Alij, inquit, voueunt Nu. 30.
 vitulos, alij arietes, vel domos, Nazareus se ipsum. Hoc
 est Nazareus votum, quod est super omne votum. Fi-
 lius enim, vel filia, vel pecus extra nos est: se-
 ipsum vero Deo offerre, non alieno la-
 bore, sed proprio placere,
 perfectius est, & emi-
 nentius omni-
 bus votis.

In religiosum statum confluere omnes virtutes.

C A P V T I X.

CHristianæ diuitiæ nullæ sunt aliæ, quam verę virtutes. Charum qui paucas habeat, ille pauper, qui multas, ille diues cēsendus, & quo plures, eo ditior. Quare nihil est, quo vberius laudari possit religiosus status, quam hoc, quod nō vna, aut altera virtus, sed omnium plane virtutum copia in eum confluat, vt, si intimā eius naturam cogitare velimus, facie intelligi possit, cum ex omnibus virtutibus compositum esse, & quodāmodo contextum: quod vel ex hoc probari potest vno verbo, quod si vna earum careat, totus vacillet. Nec loquar iā de virtutibus illis quas longo quisque studio sibi cōpararit, in quo tamen ipso tantam hic status cōmoditatē præbet, vt, quod antea demonstratū est, virtutū schola dici debeat; sed de ijs loquor, quæ in primo quasi religiosæ vocationis conceptu vna cum ipsa vocatione in animo ingenerantur: quoniam cum in statu ipso contineantur, qui statū admittit, illas quoq; animo admittat necesse est. Itaq; hoc videndum est, quas status hic requirat, exigatq; virtutes: totidē enim cōfert, quot exigit. Nam vt domus multis cōstat partibus, & earum quidem aliæ sunt manifestæ, vt facies, vt fenestræ, vt porticus, aliæ occultæ, vt tigna, vt ferramenta quædam, præcipue vero fundamenta: vt etiam corpus animantis ex multis mēbris cōponitur, quorum alia sunt aperta, vt caput, vt crura, & reliqua alia interiora, cuiusmodi est, cor, aut cerebrū, nerui, & ossa, quæ quidem magis etiā necessaria sunt, quam exteriora: simillime in statu religioso insunt tres illæ virtutes, quæ omnibus pārent, paupertas, castitas, obediētia, sunt etiam aliæ magis reconditæ, quæ & ipsum statū, & illas ipsas tres virtutes ita sustentāt, & fulciunt, vt his subtractis, omnia corruāt. Quāquam etiam si nihil aliud esset in religioso statu, quam tria illa, quid pulchrius cogitari, aut cogitatione ipsa effingi posset? Nam quid aliud est paupertas, quam affectio animi ita constituti, vt omnes auri, argentiq; acervos, omnes redditus, etiā regna ipsa non pluris faciat, quam paleas, immo vero non solum contemnat, vt res nihili, sed etiā fugiat vt onera? Magna virtus, & magnū Dei donū, quod præsertim elucet cōparatione tot aliorū mortaliū terrena ista admirantur, um, tantoq; studio inquirentiā. Castitas autē quid est aliud

aliud, quam robur animi obdurati aduersus omnes carnis voluptates, easque voluptates, quæ tantam vini habent in humana natura, quibus resistere, & ita resistere, quanta res est, quamque gloriosa? Nam huius quoque splendorē raritas ipsa commendat, & auget, cum plerosque hominum videamus illarum voluptatum impetu captiuos trahi. Denique obedientia quā præstans est mentis habitus, cum ipsa quoque nihil sit aliud, quam abdicatio sui ipsius, & abnegatio illius libertatis, quam adeo amamus omnes, idque in omnibus rebus, & in omni vita, ut nulla possit esse maior, & præstantior, ac gloriosior aduersus se ipsum victoria? Itaque, ut paulo ante posui, etiam si nihil esset aliud in religione, quā hæc tria, quæ sunt in cōspectu, tanta tamē esset eius dignitas, ac species, ut in omnib⁹ & amorē, & admirationē excitare possit. Verū, ut dixi, tanta hæc bonorum moles cōsistere nō posset, nisi aliis etiā quibusdā bonis fulcirentur, id est, aliis virtutibus, quæ partim præcedunt has ipsas, partim eas necessario comitātur. Atque ut ab iis incipiam⁹, quæ ideo Theologicæ vocantur, quod earū materia, in qua versantur, Deus est, apertum est, religiosum statū cōstare non posse non solū sine fide, sed sine magna, & excellenti fide. Nā religiosus quisque hoc facit, ut propter verba labiorum Domini deferat ea quæ habet, nepe quæ videt, pro iis, quæ nō videt, præsentia pro futuris, & tãto post tempore futuris; quod quidem nemo vmquam faceret, si non illa futura multo certiora præsentib⁹ existimaret, qui est maximus, & altissimus fidei gradus. Idem quoque de ipse dicere licet, cuius cum duo sint munera, vnū præcipuum circa gloriā celestē, hanc quidē religio, licet venturā, tam certo repræsentat, ac si iam manu teneretur, quoniā, ut de fide diximus ob illam spē dimittit quæ iā manu tenet; alterū deinde secūdū munus est in sperādis huius præsentis vitæ subsidiis: quod quidē vbi magis exercetur, quā in religione, quæ vni⁹ Dei fiducia omnibus se expoliat, quæ ad vitæ usum pertinent, seque ad perfectissimā nuditatem redigit. Itaque non solū magna, & ampla est religiosorū spes, fidesque, sed, ut mihi videtur, eiusmodi, ut in hoc mūdo, & in hac peregrinatione vix maior esse possit: maxime cum nō de re vna, aut de plurib⁹ quidē reb⁹, sed lenioribus agatur: agitur enim plane de omnib⁹ simul, & de vita ipsa, quæ tota Deo donatur. Sequitur Caritas, quæ vna virt⁹ vel præcipue in religionis viscibus, ipsaque essentia insita est. Est enim triplex eius factus,

foetus, in Deum, in fratres eiusdem instituti, & in ceteros omnes
 proximos. In Deū quidem, quia cum solus Dei amor
 animā impellat in illā arctam viā, necesse est omnino ma-
 gnā ei⁹ esse vim, & flammā caritatis, quæ ceteras omnes
 caritates eiiciat, fratrum carnalium, parētum, diuitiarum,
 & omnium cōmodorum, denique etiā sui ipsius. Nō enim
 ullus illa omnia propter Deum deferere posset, nisi Deum
 multo plus quā illa diligeret. Atq; hæc quidem initia tan-
 tum sunt, & prima rudimenta. Nā deinde quotidiana reli-
 gionis officia, omnesq; eius exercitationes, orationes, me-
 ditationes, nihil aliud spectant, nisi vt hūc Dei amorem af-
 fiduis incrementis prouehant. Ab hoc autem fonte cum
 deinde beneuolentia in proximos descendat, ac fluat, pri-
 mi quidem ij sunt, quos Deus eiusdem instituti, eiusdemque
 vitæ professione deuinxit, ex quo antiquo more factū est,
 vt ij inter sese fratres dicerentur. Atque hic quidem nexus
 totus caritatis est. Cum enim, vt ait Aristoteles, omnē hu-
 manam consociationem in alicuius rei cōmunionē funda-
 ri necesse sit, vt vectorum in nauigatione, commilitonum
 in re bellica, condiscipulorum in doctrina magistri, merca-
 torū in pecunia; qualis erit res illa quæ in medio versatur,
 talem etiam esse oportet illam consociationem. Videamus
 igitur quodnam vinculum, quæ colligatio sit inter reli-
 giosos, non sanguinis, & propinquitatis, cū sint disiunctissi-
 mi, nō ullius hūmani pacti, aut cōuentus; deniq; cum omnia
 lustrauerimus, nullum alium inter eos nodum reperiem⁹,
 quam istius amoris supernaturalis, qui caritas est; vt reli-
 giosam coniunctionem ab vna caritate nasci necesse sit, &
 in ea semper fundari, aut omnino interire. Atque, vt antea
 de Dei amore dicebamus, idē de hac fraterna beneuolētia
 dici potest, post hūc eius tam generosum, & nobilem ortū,
 multa deinde consequi: quæ eam quotidie magis ac magis
 adaugeant. Inter quæ prima est similitudo, quæ magnā
 vim habet ad animos congruinos: ea vero inter reli-
 giosos eiusdem ordinis tanta est, quanta potest esse maxi-
 ma studiorum, morum, rituum, atque ipsius etiam habitus,
 & cultus externi. Accedit ipsa virtus, quæ etiam in hoste est
 amabilis, tum consuetudo, & conuictus diuturnus, ex quo
 necesse est multa proficisci officia, & obsequia, quæ cum ex
 beneuolentia oriātur, tum vero eidem beneuolentiæ quasi
 oleum instillant, vt semper ardeat, semperque crescat. Re-
 stat tertius ille foetus caritatis, emanās etiam ad omnes ex-
 ternos.

s. Eth.

cap. 9.

ternos. Nam nisi quæ sint instituta ad vnam contemplationem facta, quæ tamē ipsa suo modo salutem proximorum, saltem precibus, ac delideriis, promouent, reliqua certē ita proximis deseruiunt, vt omnia pene eorum studia illo dirigi videantur. Hunc religiosę cuiusque familiæ affectum in proximos declarant opera ipsa, non ea solum, quæ foras prodeunt, vt concionando, docēdo, exhortando, sed etiam interna illa, vt vigiliæ, lucubrationes litterariæ, labores, exercitationes; quæ omnia nō ad propriam, sed ad aliorum vtilitatem referuntur. Quæ si quis consideret, hoc fatebitur, religiosos, vt Paulus de se dicebat, omnium seruos factos esse, cum se ita in eorum causam totos demiserint, vt, post salutis proprię studium, nihil aliud agant, quam de illorū salute, ac vel in opere cum illis versentur, vel ea comparent, quæ ad opus illud necessaria sunt: & denique, quoties aduocantur, vel inuitantur, ita præsto sint, vt famuli ad dominorum nutus. Satis igitur apparet, religioso instituto intrinsecam esse caritatem, quæ quasi glutinum est ad animas & inter se ipsas & cum Deo deuinciendas; quo glutino dissoluto, ipsos quoque religiosos ordines dissolui necesse sit, quoniam nihil habent aliud, quod teneantur.

Sequuntur deinde morales virtutes, quarum prima, & ceterarum lumen est prudentia, quæ virtus ita in religione inest, vt sine ea nec intelligi possit. Ea enim sic ab Augustino definitur, Cognitio rerum appetendarum, & fugiendarum; quæ cognitio vbi magis vigeat, quam in religione? Recte enim B. Thomas prudentiam ait non in sola ratione consistere, sed magnam etiam partem pendere ex appetitu recto, ideoque potius per affectus deprauatos, quam per obliuionem corrumpi. Ex quo etiam sequitur, quod idem tradit, in homine peccatore non esse posse perfectam prudentiam: hanc enim esse quæ vero totius vitæ fine constituto, ad eum deinde consequendum, rectum consilium, rectum iudicium rectum etiam præceptum (hæc sunt enim tria huius virtutis opera) accommodat. Hunc igitur finē quid melius in homine definit, quam religio, quæ totum hominem, qui Dei vnus causa creatus est, ad Deum vnum conuertit, eumq; ita cogit in illius ius, ac dominatū, vt nihil non modo aliarum rerum, sed ne sua quidem ipsius causa agat: tum vero demonstrat quid ad Dei gratiā promerendam, quid ad dæmonis insidias præcauendas requiratur, quid agendum, quid vitādū sit in omnibus vitæ

vite nostræ functionib⁹. Hęc sunt opera illius laudatæ, necessarięque prudentiæ, non quę à vulgo creduntur, rationes tenere ditescendi, aut honores quærendi, quæ calliditas potius appellanda est, quippe quæ non verum vniuersæ vitæ finem attingit, sed vel peculiarem alicuius causæ, ac negotij, vel etiam prauum, & corruptum; quorum alterum ad imperfectam, alterum ad falsam pertinet prudentiam. Sed apertius etiam, & clarius elucet in religionis essentia virtus iustitiæ: primum enim longissime abest ab omni iniuria aliis inferēda: nam ipse status, vt nihil sit aliud, religiosos omnes auocat, & arceat ab iis negotiis, quę fraudis, ac doli occasionem præbere solent. Sed illud maximum, quod cum iustitiæ officium sit, suum cuique tribuere, illudque in primis, reddere quæ sunt Dei Deo, in hoc vno religionis tota natura consumitur. Omnia enim Dei sunt, tum nostra, tum etiam nos ipsi. Qui ergo ita aliquid ex iis quæ habet, vel ex se ipso, sibi retinet, vt id Deo non restituat, is sine dubio in Deum iniustus est, multoque intolerabilius iniustus, quam si alterius hominis rem raptam retineret. At religionis hic scopus est, hic finis, vt omnia primum quæ extra nos sunt, deinde quæ etiam intra nos, denique nos totos diuino numini restituat, qua sane quasi breui summa omnes perfectæ iustitiæ partes continentur. Iam verò quod ad temperantiam attinet, quis dubitet, quin eius propria, vt ita dicam, sedes sit religio? Versatur enim, vt scripsit Aristoteles, in refrenandis, moderandisq; corporis delectationibus omnibus quidem, sed iis præcipue, quę tactu percipiuntur: quarum delectationū cum duo sint genera, alterum quod nostro corpori sustentando per cibum, & potione, alterum quod aliorum corporum propagationi seruit, alteras quidem religio ita cohibet, & restringit, vt necessitatis regulę subiiciat, in quo ipso adiuuat etiam paupertas bona mater frugalitatis, & sobrietatis: alteras, quarum etiam importunior, & acrior est impetus, ita præcidit, vt totas à se tãquam pestem longissime relegare studeat. Atq; Aristotelis quidē, & reliquis philosophis satis visum est ad temperantiæ laudem, vt has voluptates ad mediocritatem redigeret, nec amplius ausi sunt ab humana natura postulare. Quãto igitur maior est religionis laus, quæ non iis temperandis contenta est, nisi etiam omnino, ac penitus profliget, atque ex terminet? Superest igitur fortitudo, quam fortasse quispiã in

3. Eth.

c. 10.

in religione locum non habere crediderit, propterea quod non armis, & castris depugnat, nec aliquid eorum agit, quæ lacertis, lateribusque præstantur; quod si ita esset, nemo plane fortior censendus esset, quam taurus, aut elephas. Alia 7. Mor. cap. 8. est igitur eius virtutis forma, eaque, si Gregorio potissimum credimus, ex animi habitu definienda. Iustorum, inquit, fortitudo est, carnem vincere, propriis voluntatibus contraire, delectationem vitæ præsentis extinguere, huius mundi aspera pro æternis præmiis amare, prosperitatis blandimenta contemnere, aduersitatis metum in corde superare. Quibus Gregorij verbis nonne religiosæ vitæ munera, ac studia plane descripta videntur, ut in iis veram fortitudinem inesse fateamur? Etenim si fortes existimari solent, qui aduersus homines strenue se gesserunt, multo certe magis hæc laus religiosi debetur, qui in hac continua pugna ita versantur, ut hostes multo quam ipsi sint natura valentiores, & quidem numero etiam longe plures, vincant tamen, & superent.

Ad has morales virtutes, quæ sunt præcipuæ, accedunt etiam aliæ, quæ sunt quasi propagines harum, quemadmodum patientia, cuius & laus magna, & vis ita necessaria, ut cum multa in religione sensui duriora occurrant, non possit diu durare, nisi illius robore confirmetur. Hanc igitur tantam virtutem religio tum necessario, ut dixi, requirit, tum etiam quotidiano usu exercet, & roborat. de quo sapienter dictum Epi. 25. est ab Ambrosio in laudem Eusebij Episcopi Vercellensis. Hæc, inquit, patientia in S. Eusebio monasterij coaluit usu, & durioris observationis consuetudine hausit laborum patientiâ. Sed hæc quidem virtus clarior est in religione. De liberalitate fortasse magis ambigi possit, cum religiosi nihil sibi reseruent, quod tribuant. sed tamen ne hoc quidem bono caret religio: quoniam, ut ait Aristoteles, virtus hæc, ut reliquæ, 4. Ethic. cap. 1. mentis habitu æstimanda est. quare quisquis ita fuerit affectus, ut pecuniam negligat, & eam, si haberet, in laudabiles usus conferre paratus sit, is vere liberalis iudicandus est. Itaque, ut idem philosophus confirmat, nihil impedit, quin etiam pauperes liberales esse possint. Quod si ita est, tantum abest, ut hæc virtus religiosi neganda sit, ut ipsis potius præcipue conueniat. Quis enim diuitias magis ex animo contemnat, quam ipsi, qui non modo eas non inquirunt, aut ambiunt, sed etiam auri montes, si offerantur, repudient? Accedit quod quicquid est illud dignitatis, ac magnificentiae, quod in pecuniis

Reg. fus. cap. 9. Matt. 19 niis expendēdis inest, id illi iam effecerunt, cum eas vna cum mundo reliquerunt, præsertim si id quoque exsequi potuerunt, quod & Basilius monet, & Frāciscus factitauit, &, quod caput est, Christus ipse præcepit, vt in pauperes subleuandos eas effunderent. Nam qui in suas libidines insumunt, qui grandem pecuniam in palatia, vel hortos coniciunt, eos vel

4. Eth. 1. Aristoteles ipse negat esse liberales. Sic igitur ne liberalitatis quidem amplitudo religioni deest, & potius ea vel præcipue exornatur. Verum neque hæ, neque aliæ virtutes ita propriæ videntur religiosi status, acque humilitas. Primum enim ipsa religio nihil est aliud, quam abdicatio omnium honorum huius mundi; quod ipsum humilitatis est: deinde id vnum etiam agit, vt se quam maxime deprimat, fugiatque omnem famam ac nominis celebritatem, potiusque omnibus subesse velit, quam præesse vel vni; denique nulli rei ita studetur in religione, quam vt omnes sese semper quasi ceteratim ad infima demittant. Itaque hic mihi potissimum videtur illud Domini præceptum impleri, Recumbe in nouissimo loco. Hic enim est nouissimus locus, abicere se sub omnium pedibus, sequē omni facultate, atque etiam voluntate expoliare: quoniam qui nihil retinuit, nullum iam inferiorem locum relinquit, quo descendat. Recumbitur autem in hoc loco, & in eo quiescitur; quoniam humilitas ista non vnius tantum, aut alterius actionis est, quod interdum faciunt etiam aliqui seculares, sed totius vitæ, quoniam in ipso statu inclusa est, qui totam vitam complectitur. Ac præter hanc status humilitatem accedit deinde etiam exercitatio humilium operū, quam tamen affert idem status, vt sit quotidiana, vel potius assidua, vt qui clavis orti natalibus ingenuæ, ac delicate etiam nutriti fuerant, & quibus antea plures famuli adesse consueuerant, eos deinde videas famulares omnes obire functiones, eaque facere, quæ

Epi. 25. S. Hieronymus in Paula & Eustochio nobilissimis feminis adeo commendat; concinnare lucernas, succendere focum, pavimenta verrere, mundare legumina, olerum fasciculos in feruentem ollam deicere, apponere mensas, calices porrigere, effundere cibos, huc, illucque discurrere; quæ omnia opera ita ab humilitate veniunt, vt & illam humilitatem indicent, quam status affert, & eandem quotidie magis ac magis augeant

Hæc igitur de virtutibus. Idem vero affirmare licet de donis omnibus Spiritus sanctis Vbi enim perfectius viget sapientia,

piencia, quam hic, ubi lumen illud lucet, quod nos docet tantum rem quamlibet æstimare, quanti æstimanda est, id est, cœlestia, & diuina magni, terrena nihili? Ex quo illud est Augustini, Initium sapientiæ, inquit timorem Domini dicit Propheta. Quid est autem initium sapientiæ, nisi sæculo renunciare, qui sapere secularia stultitia est? Vbi etiam magis viget intellectus, qui rerum interiora acutissime perspicit, unde venerint, & à quo facta sint, quid pulchritudinis habeant, quid afferant utilitatis, quomodo in iis earum auctor cognoscatur? Scientia autem, tamquam arbor illa in medio paradisi, ex qua boni, & mali iudicium accipi poterat, hic etiam vel maxime floret; neque tamen, ut illic, attingere vetamur, quin potius frui iubemur. Idem de consilio, idem de fortitudine dici potest, quorum alterum contra præcipitationis vitium animam confirmat. ne labatur, ac ruat, altera ita corroborat, ut in aduersis etiam gaudeat, & triumphet. Denique ad hæc omnia accedit etiam pietas, quæ cordis duritiem emollit; ut liquefeat in Dei, & proximorum amorem; accedit & timor, qui facit ut quisque sibi, suisque viribus minime confidat, sed, ut monet Sapiens, semper sit pauidus. Qui quidem timor maxime proprius, & maxime insitus est religioni. Hæc enim vnica, aut certe præcipua causa est, quæ homines à seculi deliciis ad Dei iugum subeundum, & ad salutarem hanc fugam impellat; quoniam mundi pericula, Satanæ malitiam, propriamque imbecillitatem cognoscentes, hoc solum vident perfugium, ut se in religione sub Domini alas tamquam parui pulli, miluo ingruente, recondant, ibique se tamdiu teneant, donec transeat iniquitas, atque huius vitæ miseria, quæ tota malitia appellatur super terram.

Quare ut hunc locum concludamus, cum religiosus status tot, tantisque abundet virtutibus, quid aliud eum esse dicemus. quam egregiam quandam coronam, aut aureum diadema ex omni gemmarum, atque vnionum, & margaritarum genere compactum, ut cui ea corona detur, eidem illas etiam gemmas dari necesse sit? Sic enim cui religionis mens inspiratur, eadem opera, eodemque tempore tot hæc bona, tot opes, tantique thesauri quasi in sinum deferuntur. Ut enim cum homo gignitur, necesse est omnia ei tribui, quæ sunt ad hominis constitutionem necessaria, corpus cum suis membris, animam cum suis item partibus, & facultatibus, quoniam alioqui non sit homo; etsi deinde & corpus, quod initio paruum, ac pusillum est, tempore, atque alimento

augeri oportet, & animus adhuc rudis, cultura, ac studio perficiendus est: sic plane cum Deus, qui dixit de tenebris lucem splendescere, ipse in alicuius corde illuxit, eumque eripiens de potestate tenebrarum, dignum fecit in partem hanc sortis sanctorum in lumine, necessarium est, ut omnes ei virtutes, quæ ad hunc statum conficiendum necessariæ sunt, impertiat, illam paupertatem, illam fidem, illam humilitatem, atque obedientiam, & ceteras, quas commemorauimus, alias expresse, alias saltem implicite, & in aliis quidem earum habitu infuso, in aliis saltem infuso affectu, & quodam earum desiderio cum firma animi deliberatione: etsi hæc quoque virtutes proprio deinceps studio & conseruandæ, & augendæ, ac prouehendæ sunt. Ex quo sane apparet beneficij huius diuini magnitudo; quoniã si nostro labore, atque opeta comparandæ essent, qua opera, & quo labore opus esset, quamtùmque esset in singulis desudandum, cum & numero tam multæ, & difficultate ita sint arduæ? Nunc autem cum in religioso statu omnes includantur, & qui hunc statum donat, id est Deus, illas etiam donat, & qui hunc statum recipit, illas etiam simul recipit.

Quanta sit perfectio religiosi status.

C A P V T X.

HOc virtutum concursu posito, ex quo religiosum statum ita constari monstrauiamus, ut corpus ex suis membris, facile iam est videre, vel potius per se iam euident est, quam magnam oporteat esse huius status perfectionem. Nam cum eius naturæ, quæ ratione prædita est, nulla alia possit esse vera perfectio, quam virtutis, omnino sequitur, idque necessario, nullo eam instituto magis ornari, illustrarique posse, quam eo, in quo & omnes sint virtutes, & gradu tam excellenti. Est hoc igitur modo videndum, & potissimum ex sanctorum Patrum sententiis, ne, nostra proferendo, nobis fortasse assentari videamur, &, quod est in prouerbio, artem nostram iactare. In primis igitur Dionysius auctor antiquissim⁹ & post sacros scriptores grauissim⁹, Episcopalem ordinem perfectiū vocat, quoniam ad alios perficiendos dirigatur, monachorum autem ordinem, de quo idem multa præclara commemorat, perfectorum. quod idem Theologi nostri aliis verbis dicere solent, hunc quidem statum esse perfectionis propriæ, illum autem alienæ. Basiliius vero in quodam sermone de monachi institutione illum

*Eccles.
Hierem.
cap. 5.
Caiet. 2.
2. q. 189.
art. 3.*

ait,

ait, qui seculo nuncium remisit, hoc in primis cogitare, *Serm. 1.*
 semperque animo versare debere, se iam ultra humanæ
 naturæ fines processisse, seque ipsum ei instituto tradidisse,
 quod sit quam maxime à corpore seiunctum, ac propterea
 Angelorum conuersationem imitandam suscepisse: liqui-
 dem hoc angelicæ naturæ proprium est, liberum esse à vin-
 culis terrenis, nec omnino distrahi ad aliam vllam pul-
 chritudinem contemplandam, sed oculos in Dei vultum as-
 sidue defixos habere. Hæc omnia S. Basilius de hoc institu- *Serm. 2.*
 to, quod idem quoque alio loco sublime, & excellens vitæ *demon.*
 genus appellat. Hieronymus vero in epistola ad Hedibiam; *inst.*
 Vis, inquit, esse perfecta, & in primo stare fastigio dignita- *Epist. 150.*
 tis? fac quod fecerunt Apostoli. Vende quæ habes, & da
 pauperibus, & sequere Saluatorem, & nudam, solamque
 crucem virtute nuda sequaris. Atque idem quoque Hie- *Epist. 8.*
 nymus in altera epistola ad Demetriadem, Apostolici fasti-
 gij est, perfectæque virtutis, vendere omnia, & pauperi-
 bus distribuere, & sic leuem, atque expeditum cum Christo
 ad cœlestia subuolare. Quamquam in hoc omni ætati, om-
 nique personæ libertas arbitrij relicta sit. Si vis, inquit, per-
 fectus esse. Non cogo, non impero, sed propono palmam,
 ostendo præmia. tuum est eligere, si volueris in agone, atque
 in certamine coronari. Sed luculentius idem, & vberius ad
 Iulianum. Et hoc hortor, si vis esse perfectus, si Apostolicæ *Epist. 34.*
 dignitatis culmen cupis, si sublata cruce Christum sequi, si
 apprehenso a latro non respicere post tergum, si in sublimi
 recto positus pristina vestimenta contemnis, & vt euadas Æ-
 gyptiam dominam, seculi pallium derelinquis. Vnde & He-
 lyas ad cœlorum regna festinans non potest ire cum pallio,
 sed mundo immunda vestimenta dimittit. Sed hoc ais Apo-
 stolicæ dignitatis est, & eius, qui velit esse perfectus. Cur
 autem & tu nolis esse perfectus? Cur qui in seculo primus
 es, non in Christi familia primus sis? Idemque paulo post.
 Quod si te ipsum, inquit, Domino dederis, & Apostolica vir-
 tute perfectus sequi cœperis Saluatorem, tunc intelliges ubi
 fueris, & in exercitu Christi quam extremum tenueris locū.
 Extremum locum appellat Hieronymum eum, in quo rum
 erat Iulianus is, ad quem scribebat, vt adhuc in seculo, non
 tamen malus homo, aut vitiosus, quin potius probus, & inter
 seculares quidem virtute, ac pietate facile princeps, quip-
 pe & cœlebs, & qui, vt idem Hieronymus ait, ex opibus,
 quas amplas habebat, monachorum greges aleret; quem

- tamen talem virum, & cum tanta opera efficeret, non dubitat inter extremos in Christi exercitu collocare. Similia sunt apud Augustinum multis in locis, sed præcipue in libro
- Cap. 31.* quem scripsit de sancta virginitate, Cum, inquit, perpetuæ continentiæ professores se coniugatis comparantes secundum scripturas compererint, eos intra esse, & opere, & mercede, & voto, & præmio, statim veniat in mentem quod
- Ecl. 3.* scriptum est, Quanto magnus es, tanto humilia te in omnibus. Est etiam egregia eius epistola, in qua & alia multa de
- Ep. 89.* huius vitæ laudibus, & illa in primis legimus, quod consilium hoc de rebus suis relinquendis, grande, ac præclarum
- q. 4.* vocat, & hanc ait excellentiorem esse perfectionem, quam legis mandata: & denique eos, qui perfectionis istius consiliū receperunt, ut vendita sua pauperibus distribuere, & humeris ab omni sæculi huius sarcina liberioribus leuem Christi sarcinam ferrent, id ex quadam mentis excellentia fecisse affirmat, alios autem, qui id non perfecerint, infirmiores, & huic gloriosissimæ perfectioni minus idoneos vocat, quamquam & hos quoque, si Dei præcepta seruauerint, si diuitiis ita viui fuerint, ut eas habeant tamquam non habentes, salutis æternæ participes fore. Gregorius quoque cum multa alibi, tum illud præclare in illud sancti Iob dictum, Desperavi, nequaquam ultra iam viui, Sunt nonnulli iustorum, qui sic cælestia appetant, ut tamen à terrenorum spe minimè frangantur, largita diuinitus patrimonia ad necessitatis subsidia possident, honores sibi temporaliter impensos retinent, aliena non ambiunt, suis licite vtuntur. Et sunt nonnulli iustorum, qui ad comprehendendum culmen perfectionis accincti, dum altiora interius appetunt, exterius cuncta derelinquunt, qui se rebus habitis nudant, gloria honoris expoliunt, habere de exterioribus consolationem nolunt, qui in æternis gaudiis dum mente appropiant, vitam in se funditus corporeæ delectationis necant. Talibus namque per Paulum dicitur, Mortui enim estis, & vita vestra abscondita est cum Christo in Deo. Hinc per semetipsam Veritas admonet dicens, Si quis vult venire post me, abneget semetipsum & rursus, Nisi quis renunciauerit omnibus quæ possidet, non potest meus esse discipulus. Afferamus inter hos etiam Originem, auctorem doctrina, & antiquitate grauissimum, cuius illa sunt certe optima. Si quis se ipsi deuouerit Deo, si quis se nullis negotiis secularibus implicauerit, ut ei placeat, cui se probauit, si quis separatus est, & segregatus à reliquis

qui omnibus, qui carnaliter viuunt, & mundanis negotiis obligati sunt, non quærens ea, quæ super terram, sed quæ in cœlis sunt, ite merito sanctus appellatur. Donec enim permixtus est turbis, & in multitudine fluctuantium volutatur, nec vacat Deo soli, nec segregatus est à vulgo, non potest esse sanctus. Tu ergo, qui hæc audis, cum lex diuina recitatur, quem ipsius Dei sermo conuenit dicens, Sancti estote, quia & ego sanctus sum Dominus Deus vester, sapienter intellige quæ dicuntur, vt sis beatus cum feceris ea. Hoc est enim quod dicitur ibi, separa te non solū ab omni homine, sed etiam fratre inquiete ambulante, separa te à terrenis actibus, à concupiscentia mundi, deuoue te Deo tamquam promigenitum vitulum, esto sanctus, & segregatus vñbustantum sacerdotum, tamquam primogenitum animal mancipatus. Segregate, & secerne tamquam phiala sancta, & sancta thuribula solis templi vsibus, & Dei ministerio vacans, esto sanctus, & segregatus intra templum Dei, tamquam sancta indumenta Pontificis. Denique huc etiam pertinet illa tam luculenta beati Bernardi *Deprac. & disp.* sententia in laudem religionis status, cum ei tribuit singularem (sic enim ait) excellentiam vitæ spiritualis, qua præminens vniuersis vitæ humanæ generibus profectiores, & amatores suos angelis similes, dissimiles hominibus facit, immo diuinam in homine reformat imaginem, configurans nos Christo.

Præterea hæc religiosæ vitæ perfectio illa re præcipue ostenditur, quod à sanctis Patribus apostolica vita, & apostolicus status appellari solet: quod cum dicunt, eam in summo sanctitatis fastigio collocant. Nō enim dubitari potest, quin in omni euangelica perfectione principem locum Apostoli obtinuerint, nempe & ipsius Christi discipuli, & totius orbis *Rom. 8.* magistri, & qui denique primitias spiritus, vt prædicat Paulus, acceperunt idq; ita abunde, vt dies ille Pentecostes declarauit. qua de re egregie Bernardus idem in sermone quodā *De qua-* ad suos fratres. Quid est, inquit (gratias illi, cuius gratia *drn.* hoc totum factum est) quod vita vestra vitam apostolicam repræsentet? Illi reliquerunt omnia, & in schola Saluatoris sub eius præsentia congregati hauserunt aquas in gaudio de fonte Saluatoris, ipsum vitæ fontem in ipso fonte bibentes. Beati oculi qui viderunt. Numquid non & vos, nō in præsentia, sed in absentia ipsius. nō ad verba oris eius, sed ad vocem nunciorum eius simile aliquid fecistis? Defendite vobis

hanc prerogatiuam, quod illi ad visum, & ad-verbum, eos ad auditum, & nuncium credidistis. Hic igitur religiosum statum Apostolorum dignitati non solum comparare, sed etiam ex ea parte praeferre audet, quod, vt dixit Dominus, beatiore sunt qui non viderunt, & crediderunt. Sed illud multo amplius, & luculentius, quod alibi non solum Apostolis, sed Prophetis, & ipsis Angelis statum hunc conferre non dubitat. eius hæc verba sunt, Videtis fratres qualem spiritum accepistis, spiritum, qui ex Deo est, vt sciatis quæ à Deo donata sunt vobis. Audiuimus apostolicum, audiuius & propheticum, etiam angelicum gradum, quibus nihil à nobis arbitror posse sublimius affectari. Sane è singulis mihi video in vobis aliud, & magnum aliquid inuenire. Quis enim cœlibem istam vitam, cœlestem, & angelicam dicere vereatur? Aut quod in resurrectione futuri sunt omnes electi, quomodo non iam nunc estis, sicut Angeli Dei in cœlo, à nuptiis penitus abstinentes? Amplectimini, fratres, pretiosissimam margaritam, amplectimini sanctimoniam vitæ. quæ vos efficit sanctorum similes, & domesticos Dei, dicente scriptura, Incorruptio facit esse proximum Deo. Ita ergo non vestro quidem merito, sed gratia Dei estis, quod estis, quod ad castitatem, & sanctimoniam spectat, angeli quidem terreni, aut potius cœli ciues, sed interim in terra peregrini. De prophetia quid dicimus? Magnum sane prophetandi genus, cui vos deditos esse conspicio, magnum prophetiæ studium, cui vos video mancipatos. Quod illud? nempe iuxta Apostolum, non considerare quæ videntur, sed quæ non videntur, sine dubio prophetare est. Ambulare in spiritu, ex fide viuere, quæ sursum sunt quærere non quæ super terram obliuisci quæ retro sunt, extendi in anteriora. ex magna parte prophetare est. Alioquin quonam modo, nisi per spiritum prophetiæ, nostra conuersatio in cœlis est? Sic nimirum Prophetæ olim quasi non inter homines erant sui temporis, sed virtute, & impetu quodam spiritus dies illos transilientes exultabant, vt viderent diem Domini, & videbant, & lætabantur in ea. Sed & professionem apostolicam audiamus. Ecce nos reliquimus omnia, & sequuti sumus te. Si gloriari licet, habemus gloriam, sed si sapimus, habere curabimus apud Deum. Nā neque manus nostra excelsa, sed Dominus fecit hæc omnia. Fecit nobis magna qui potens est, vt merito magnificet anima nostra Dominum. Ipsius enim magno munere factum est, vt magnum illud propositum, vnde magni gloria-

bantur

Ser. 2.
Hæc est
gen.

Sap. 6.

2. Co. 4.

bantur Apostoli, magnifice sequeremur. Hactenus Bernardus ita religiosum institutum laudat, ut tribus illis gradibus magna ex parte exarquet. Nunc videamus, quod multo maius, excellentiusque est, ut etiam præponat in quibusdā. Forte etiam inquit, si in hoc quoque voluero gloriari, non ero insipiens; veritatem enim dicam: esse hic aliquos, qui plusquam nauem, & retia reliquere. Quid vero illud, quod ipsi quidem Apostoli reliquerant omnia, sed ut præsentem in carne Dominum sequerentur? Non est nostrum dicere, securius ipsum Dominum audiamus, *Quia vidisti me*, inquit, *10.20.* Thoma credidisti; beati qui non viderunt, & crediderunt. Forte etiam prophetandi genus excellentius esse videbitur, non intendens quibuscumque temporalibus rebus & transi-
 turis aliquid, sed spiritualibus, & æternis. Nihilominus in vase fictili thesaurus castitatis illustrior, in carne fragili ex aliqua parte probabilior virtus. Vbi ergo angelica in hoc corpore conuersatio, in corde prophetica expectatio, in utroque apostolica perfectio inuenitur, quantus iste cumulus gratiarum? Hæc Bernardus; quibus quid ordinarius, aut gloriosus dici poterat de religionis institutis? sed tamen quid hominum testimonia querimus, cum ipsius Veritatis, ipsiusque Dei oraculum teneamus? Eius enim est illa de hoc statu sententia. Si vis perfectus esse, vade, & vende omnia quæ *19.* habes, & veni sequere me. Est autem considerandum, & cui hæc dixerit, & quæ dixerit. Dixit enim non improbo aut impuro homini, sed probo, ac frugi, nimirum qui Dei præcepta omnia toto vitæ tempore obseruasset, nullum unquam violasset, ei denique, quem intuitus Dominus dilexit. *Quis* igitur non hunc perfectum putasset, qui in diuina lege implenda adeo diligens, & exactus fuisset? Verum hoc ei dicitur, Vnum adhuc tibi deest, atque id quidem tam magnum, & grande, ut ille vnicum hunc gradum etiam à Domino inuitatus exhorruerit. Hæc igitur perfectio, quæ huic deerat, videamus ubi sit. Si vis, inquit, perfectus esse, vade, & vende omnia. Ergo qui omnia vendiderit, id est, omnia reliquerit, & Christi disciplinam sequutus, sit, ille in statu perfecto est: qui nondum id fecit, etiamsi reliqua omnia fecerit, ei adhuc vnum deest. Quare hoc positum iam sit non solum ex sapientum, & sanctorum hominum, sed etiam ex diuina ipsius Christi auctoritate, religiosæ vitæ perfectionem summam esse, & quod ad propriæ animæ ornatum attinet, nullum esse altiore, aut eminentiore statum.

Potest autem hæc eius præstantia ex ipsius etiam intrinseca natura demonstrari. Primum ex eo quod religio ex genere consiliorum est, & quidem ex præcipuis consilijs, vel verius præcipuum, maximumque consilium. Declarat hoc ipsa verborum formula, qua à Salvatore, ut modo diximus, propositum est, si vis. Nam ut tum iuueni illi, ita nunc singulis non alio modo proponitur, quam si velint. Est autem consilium præstantius præcepto ob multa. Primum ex materia: huius enim materia facilior, illius difficilior. hæc sumpta est ex principijs naturæ, illa naturam superat. Et præcepti materia semper quidem bona, sed consilij melior, quia consilium continet, includitque præceptum, & insuper aliquid etiam adiungit. Præterea præcepta sunt omnibus communia, magnis, & parvis, sapientibus, & insipientibus, consilia non omnibus, immo non nisi ijs, qui ea sponte ad miserunt. Illa igitur obligant etiam inuitos, hæc voluntaria sunt, ac libera, nisi post initam ultro obligationem. Illa obseruata habet præmium, neglecta pœnam: consilia, si non seruentur, nullam afferunt pœnam, si seruentur, maius præmium merentur. Alterum caput ex quo religionis perfectio ducitur, est magnitudo, & præstantia earum actionum, quæ ex religione prodeunt, quæ non modo naturæ vires superant, sed etiam tanto inter alio sperant, ut sine vberissima gratiæ copia suslineri non possint. Et enim frenare sensus, catenam castitati subigere, voluntatem propriam penitus mactare, exuere se libertate: ac perpetuæ cuiusdam seruitutis iugum subire, colere paupertatem nihil possidere, infima obire ministeria, præsto esse ad omnia alterius hominis iussa, totiusque vitæ suæ rationes ex alterius arbitrio suspensas semper habere, hæc, & reliqua eiusmodi multa, quæ vitæ religiose ita propria sunt, ut sine ijs nulla sit religio non minus naturæ repugnant, corruptæ præsertim, quæ tota in sui ipsius amorem curuata sit, quam humano corpori per aërem volare. Ut enim hoc corporis grauitas impedit, sic illis omnibus animi grauitas, & corruptio obstat. Quod si ita est, quid est aliud religiosus quam perpetuum miraculū in terris, & quod religiosi, totidem miracula? Bene de hoc etiam Bernardus. Quod maius, inquit, miraculum, quando tot iuuenes, tot adolescentes, tot nobiles, vniuersi denique, quos hic video, velut in carcere aperto tenentur siue vinculis, solo Dei et more confixi, quod in tanta perseuerant afflictione penitentia, ultra virtutem humanam, supra naturā,

contra

Ser. a.
Dedic.
ecclē.

contra consuetudinem? Ipsi credo videtis quanta iam possemus inuenire miracula, si perscrutari sigillatim liceret singulorum exitum de Ægypto, & deserti viam, id est, abrenunciationem sæculi, introitum monasterij, in monasterio conuersationem. Quare quæ maior esse possit virtutis perfectio, quàm in religione, vbi etiam ad miraculum vique perfecta est?

Est autem hoc loco id quoque animaduertendum, duplicem esse omnis rei perfectionem, vnâ sine qua rei natura perfecta non est, vt si homini, vel anima, vel corpus desit, quæ si vtraque habeat, hominis in eo natura perfecta, & completa esse dicitur: alteram, quæ insuper venustatem, & speciem addit, qua si res careat, etiam si natura completa sit, tamen adhuc imperfecta dicatur, vt homo si animam quidem, & corpus habeat, sed illud tamen corpus deforme, ac distortum sit. Sic igitur duplex est etiam perfectio Christiani hominis, vna quodammodo essentialis, quæ consistit in plena præceptorum obseruatione. Verum hæc perfectio si sola sit, adhuc tamen imperfecta, & manca est: deest enim nitor quidam, & forma, ac venustas, quæ quidem existit ex consiliis insuper seruandis; isque est alter perfectionis gradus multo maior, & melior. Hæc igitur perfectio eiusmodi res est, vt quicumque eam oculis corporis tueatur, facere non possit, quin eius amore & desiderio accendatur. Tanta enim vis est boni, ac decori, & pulchri, vt cum vel animo, vel sensibus proponitur, non possit non expeti, etiam si eius tenuis species eluceat in re parua, ac minuta, non modo in magnis, atque præclaris. Nam non modo hortus bene conitus, vel domus aptè ædificata, vel aliquid eiusmodi maius, sed flos vnus, aut pontum, aut quidpiam ex arte confectum, in quo eius, quod dixi, pulchri aliqua significatio appareat, omnia in suo quæque genere delectant, & placent: sed multo tamen magis, quo res ipsa, in qua perfectio insit, per se perfectior, & præstantior fuerit. Nihil est autem ex omnibus rebus creatis melius animo. quare huius ornatum, & perfectionem necesse est vnâ rem omnium esse pulcherrimam, & maximè expetendam. Nam si corporis pulchritudo mouet oculos ea convenientia membrorum, & coloris, & partium, qua omnes inter se cum quodam lepore consentiunt, cur non multo magis hoc ipsum decorum, & perfectum, si in animo emineat, non solum approbationem mouebit, sed etiam admirationem? Quod si nemo est, cuius si in potestate fuerit

fuerit corpus sibi fingere, mutilum, aut claudum, aut turpe eligat, cuius dementiæ est, animum velle prauum, & imperfectum? Immo verò in ceteris quoque omnibus rebus optima quæque, & perfectissima inquirimus; si iumentum emendum, si domus ædificanda, si vestis, si calceus etiam comparandus, stultus sit qui de industria deteriora velit, cum possit habere meliora. Ac in nobis etiam ipsis ceteram omnem excellentiam cupide expetimus, nam qui litteris dant operam, volunt esse quàm doctissimi, & qui arma tractant, eius rei quàm scientissimi, & in artibus ipsis inæchanicis alioquin infimis, & seruilibus, tamen nemo non studet, ut quicquid facit, quàm optimè faciat; quia nimirum perfectio in omni re placet omnibus, omnes capit, omnes ad eam aspirant. Sed si in his minimis adeo placet, multo pulchriorem, atque admirabiliorem necesse est esse mentis perfectionem, eamque maximè, quàm vera virtus, & sanctitas efficit. Nam cum nec præstantior materia inueniri possit, quam animus, nec præstantior forma, quàm sanctitas, necesse est ex vtroque diuinum cuiusdam existere; idque cum in religioso statu adeo eluceat, hoc etiam sequi oportet, ut huius status perfectio amanda, & colenda, & omnibus votis appetenda sit.

*De dignitate status religiosi ex similitudine
Christi, & Dei.*

CAPVT XI.

HAtenus ea religiosæ vitæ dignitas exposita est, quæ ex virtutibus, earumque intrinsecis ornamentis in ea efficitur. Nunc verò illa etiam nobilitas declaranda, quàm ei affert similitudo ipsius Christi, & Dei; ac ea quidem tanta, ut nulla in terris maior esse possit. Primum igitur, quod ad Christum Dominum, & Saluatorem nostrum attinet, duo breuiter, ut in re satis clara, intelligenda sunt: primum quanta sit similitudo inter illius vitam, & religiosam; deinde hæc similitudo quantæ dignitatis causa sit. Nam cum omnes *Eph. 5.* Christianos Christi imitatores esse oportet, ut ait Paulus, idque eos & professio, & nomen ipsum monet, tum verò hoc multo diligentius, & exactius facere conantur religiosi, quorum instituta ita ex Christi vita desumpta sunt, ut pictores solent, cum vultum ex vultu exprimunt. Nam & horum paupertas illius paupertatem imitatur, qui non habuit vbi caput

caput reclinaret, & castitas illius castitatem, qui fuit candor lucis æternæ; & obedientia quoque ex illius humilitatis abyſſo deprompta eſt, qui factus eſt obediens vſque ad mortem. Denique omnes religioſæ actiones, omnia ſtudia, & exercitationes ad illud exemplar conformatæ ſunt, quod toti terrarum orbi in monte illo edito monſtratum eſt, id eſt, in Chriſti humana natura, quæ inter reliquos homines *Exo. 25.* & dignitate, & virtutibus tamquam mons excellebat. Rectè igitur Bernardus de hoc ipſo, Homines, inquit, bonæ vo- *Ser. de* luntatis, qui Chriſtiana voluntate diuitias paupertate com- *paſſ. do.* mutarunt, vel etiam non habitas tamquam habitas contempſerunt, relinquentes omnia propter ipſum, ſicut & ipſe reliquit omnia propter ipſos, ſequuntur eum quocumque ierit. Quo verbo, Quocumque ierit, non ſolum imitatio, ſed perfectiſſima imitatio demonſtratur. Maxime autem elucet hæc ſimilitudo in ipſa Chriſti cruce: quod egregie, & quaſi quibuſdam coloribus depinxit Caſſianus ex ſermone Pinuſij *Libr. 4.* Abbatis ſanctiſſimi, quem, ſe audiente, nouitio cuidam, cum *cap. 32.* eum ad monaſticam vitam admitteret, hæc præcepta dediſſe cõmemorat, vt diceret ſeculi abrenunciationem nihil aliud eſſe, quàm crucis imaginem, totamque religioſi vitam eam circumferre figuram, & habitum, quam habuit Chriſtus in patibulo ſuſpenſus. Vt enim qui crucifixus eſt, non poteſt pro libito huc, vel illuc membra dimouere, ita religioſi voluntatem alligatam eſſe, & conſtrictam, neque id cuius rei, ſed cruci, id eſt, ei rei, quæ ſenſum, & carnem aſſidue cruciet. Ac quemadmodum qui in cruce pender, nec quid ante oculos eius agatur attendit, aut curat, nec de die craſtino ſolicitus eſt, nulla poſſidendi cupiditate tenetur, ac denique adhuc in corpore ſpirans, cura tamen, & cogitatione omnibus rebus eſt mortuus, ea verò tantummodo meminit, ad quæ paulo poſt migraturum ſe videt, ſic religioſum non ſolum vitiis, & concupiſcentiis eſſe mortuum, ſed etiam ipſis mundi huius elementis, ac denique rebus omnibus, eo verò eſſe conuerſum, quo ſingulis momentis ſperare debet ſe peruenturum: ex quo illud eueniat, vt cum mundo, & actibus eius, ac deſideriis ſit planè deſunctus, iam non viuatur ipſe, ſed viuatur in eo, qui crucifixus eſt pro eo. Cùm igitur tanta ſit ſimilitudo religioſi cum Chriſto, & quidem crucifixo, facile iam eſt videre, quantum ex ea honoris, ac dignitatis in religioſum proueniat: Hæc eſt enim diuini Verbi, vt pote perſonæ infinitæ, & omnipotentis, auctoritas, atque maiestas,

- maiestas, vt quicquid amplectatur, sibi que coniungat, id quamquam alioquin humillimum, & abiectissimum, in summum honorem adducat, eique dignitatem, ac splendorem suum ipsa coniunctione inperiat. Quid enim vilius, quam caro, nempe lutum, & sordes meræ? & tamen simul ac ea cum verbi hypostasi commixta est, illud lutum & illæ sordes non solum venerationem, sed etiam adorationem, vt quiddam, quod verè erat, diuinum, mereri cœpere. Ipsa etiam crux, res tam infamis antea, & maledictum, vt ait
- Gal. 3.* Paulus, tamen vt eam Dei filius attigit, ita honorata est, vt iam etiam in Regum frontibus gestetur: quod sensit Andreas, qui eam non modo non exhorruit, sed & antea diu desiderauit, & exultans ad eam perrexit. causam autem ipsemet indicauit verbis illis, Salue crux, quæ in Christi corpore dedicata es, & ex membris eius tamquam margaritis ornata. Atque hunc eundem sensum alij quoque, quicumque Christum pro Deo cognoscunt, & colunt, habere omnes debent, nec de cruce tantummodo, sed eundem de paupertate, de inopiâ, de ignobilitate, & de ea, quæ nos aliis hominibus subiicit, obedientia, denique de omnibus religiosæ humilitatis officiis, & partibus, vt ex cõiunctione cum Christo Domino quidam quasi diuinitatis radius aspersus illa omnia illustrarit, euekerit, & si ita loqui licet, quodammodo deificauit. Itaque rectè à Bernardo illud dictum est, quia paupertas non inueniebatur in cœlis, quæ abundabat in terris, & tamen pretium eius ignorabatur, descendisse Dei filium, vt eam æstimatione sua faceret pretiosam. Atque idem alibi, Pretiosiores, inquit, sunt panni Saluatoris omni purpura, & gloriosius est eius præsepe auratis regum soliis: diuor denique Christi paupertas cunctis opibus, cunctisque thesauris seculi. Illud verò optimum quod in quodam sermone de Domini natali: Ipse, ait, Saluator, cuius est aurum, & argentum, sacram in suo corpore dedicat paupertatem. Quid enim gloriosius de paupertate, & de cetera omni humilitate dici potest, quam quod consecrationem à Deo ex ipsius coniunctione acceperit: Quo quidem loquendi genere etiam Hieronymum vsum video in epistola ad Nepotianum, qui nihil nos veterum Hebræorum exemplo moueri debere ait ad diuitias amandas, ex quo domus suæ paupertatem Dominus dedicauit. Hunc igitur in animis nostris sensum vera fides efficere deberet ex Christi exemplo, præsertim iam exhibitio, cum idem nondum exhibitum, tamque
- procul

procul prophetiæ lumine prospectum, tantum in Moſis animo potuerit, quantum de eo ſcribit Paulus Apoſtolus, vt cum regia ſoboles credi poſſet, maluerit tamen cum populo Dei affligi, nempe maiores æſtimans diuitias theſauro Agyptiorum improprium Chriſti. Hoc ergo ſi vêturi Chriſti noticia facere potuit, & debuit, non multo maiorem habere vim debet, cum iam ille venerit, cum iam penè ante oculos noſtros proſcriptus, tam clariſ, tamque euidentibus ſuæ humilitatis monumentis totum orbem impleat? Optimè igitur S. Leo: Chriſti, inquit, humilitas nulli alpernanda diuitum, nulli eſt erubeſcenda nobilium. Nec enim in tantum prouehi poteſt quælibet felicitas humana ſaſtigium, vt æſtinet ſibi pudendum, quod Deus in forma ſerui nō eſt arbitratus indignum.

Heb. 11.

Gal. 3.

Ser. 2.

reſur.

Hunc igitur ornatum, hunc religioſo ſtatui ſplendorem affert Chriſti ſimilitudo. Sed ſi ille ad noſtra infirma ſeſe demittens adeo nos nobilitauit, quid faciet deinde ad ſua ſumma nos euehens? Ideo enim amatoꝝ ille hominum ad humanæ humilitatis ſimilitudinem deſcendit, vt hominem ad ſuæ diuinitatis ſimilitudinem promoueret. Quare hoc etiam videndum, quomodo hic ſtatus non eius ſolum exinanitioni, ſed etiam maieltati ſimillimos efficiat. Nam ſi hoc ſit, quid reſtabit, quo religioſi hominis dignitas altius aſcendere poſſit? Non enim dubium vlli eſſe poteſt, quin ſi quid eſt vel in hoc mundo, vel etiam in cœlo primum, & excellens, id in Dei ſimilitudine poſitum ſit; quod vel ipſe ſuperbiæ princeps intellexit, qui hoc ipſum affectans, illud iactauit: Conſcendam ſuper aſtra, & ſimilis ero Altillimo. Nec ille quidem damnandus fuerat, quia id optauit, ſed quia præpoſtere optauit, id eſt, non ea qua debuit via, ac modo. Quamobrem rectè S. Leo: Inueniemus, inquit, hominem ideo ad imaginē Dei cōditum, vt imitator ſui eſſet auctoris, & hanc eſſe naturalem noſtri ſeminiſ dignitatem, ſi in nobis quaſi in quodam ſpeculo diuinæ benignitatis forma reſplēdeat. Præclarum etiam in hac re illud Gregorij, de illo Apoſtoli dicto, Nos Dei genus eſſe Genus, inquit, Dei dicimur, non ex eius natura editi, ſed per ſpiritum illius voluntarie conditi, & ad optiue recreati. Tanto ergo ad hanc nobilitatem quiſque erigitur, quanto per acceptam imaginem ad ſimilitudinem illius ex imitatione renouatur. Cum hoc igitur nihil habeat dubitationis, quin hæc ſumma ſit hominis dignitas, ſi ſe quā ſimillimum Deo efficere poſſit, intelligendum eſt, multas ad hoc efficiendum, eaſque efficaces rationes in religione ſupeditari.

Eſa. 14.

Ser. 1. de

ieſu. 10.

menſ. 2.

20. Mer.

cap. 10.

*de Inst.
mon. jer.
1.*

5. Mor.

31.

Sap. 11.

*Ad fra-
tres de
mōt. Dei*

peditari. Prima autem est remotis ex animo vitiis omnibus; ac turbulentis motibus, quæ maxime hanc Dei similitudinem impediunt. Hoc enim illud ipsum est, quod Basilius pro magno bono religiosi status commemorat in sermone quodam, ubi ita disserit. Hominem, cum ad Dei imaginem conditus esset, hanc dignitatem misere deformasse, cum animum ad peccata, & ad vitiosas cupiditates depressit. Itaque quoniam hoc Dei proprium est, ut semper liberrima mentis tranquillitate fruatur, quam nullus umquam noxius affectus perturbet, qui hoc idem in seipso imitatus fuerit, cum sine dubio deformatam Dei imaginem pristino nitori restituere, & sese Deo similem efficere. Quamobrem mirabiliter ad hoc conducere hunc religiosum statum propter continentiae & castitatis studium, quia non id tantum efficiat, ut fœdas illas voluptates abstergat, sed etiam omnem nostram viuendi rationem, & mores vniuersos plane reformet, & coerceat; quoniam alioquin cœlibis vitæ integritas teneri nequeat. Atque huc pertinet illa Gregorij sententia de purgandis affectibus, quod illud Sapientis de Deo dictum afferens, Tu autem Domine cum tranquillitate iudicas, hæc adiungit; Sciendum quidem nobis magnopere est, quia quoties turbulentos motus animi sub mansuetudinis virtute restringimus, ad similitudinem redire conditoris conamur. Quare cum hoc ita in nobis faciat religio, ut nihil pene aliud faciat, quam ut perturbationes istas componat, nosque componere doceat, omnes simul ad eam, quam diximus, Dei similitudinem perducit. Ille tamen altior, & præstantior gradus, quod ita omnem animam instruit, ut omni propria voluntate resecta, vna in omnibus Dei voluntas dominetur, siue in magnis, siue in paruis. nec quisquam velit, nisi quod Deus vult, aut nolit, nisi quod Deus non vult. Neque hoc solum, sed illud etiam addit, quod præclarius est, ut ita liget, & constringat animas, ut ne liceat quidem aliud eis velle, quam quod velit Deus; quæ quidem perfectissima est Dei similitudo, quæ in terris haberi possit. De quo vere Barnardus; Vnitas, inquit, spiritus cum Deo homini sursum cor habenti proficientis in Deum voluntatis est perfectio, cum iam non modo vult quod Deus vult, sed sic est non tantum affectus, sed in affectu perfectus, ut non possit velle nisi quod Deus vult. Velle enim quod Deus vult, hoc est iam similem Deo esse; non posse autem velle, nisi quod Deus vult, hoc est iam esse quod Deus est, cui velle, & esse idipsum est. Hæc igitur

igitur tanta perfectio, de qua Bernardus differit, vel nullo modo in hac vita haberi potest, vel maxime per religiosa vota haberi potest, quæ voluntatem nostram Deo subiciunt, atque etiam quasi validissimis fudibus constrictam tenent. Ex hac autem eadem votorum stabilitate aliam quoque licet accipere Dei similitudinem; quoniam cum nihil tam proprium sit diuinæ naturæ, quam immutabilem esse, & omnis vicissitudinis expertem, hoc idem, quatenus quidem licet, homini quoque impertit. Nam hoc etiam idem Bernardus, indicat, cum ait: Est alia magis Deo propinqua similitudo in quantum voluntaria, quæ in virtutibus consistit, in qua anima virtutis magnitudine summi boni quasi imitari gestit magnitudinem, & perseverantiæ in bono constantia æternitatis eius in commutabilitatē. Hanc ego firmitatem, quæ diuinam æternitatem imitatur sacra illa, quæ dixi, vincula asserunt, vel quæ nolentes constringunt, & simul tamen adiuvant ut velimus. Itaque simile quiddam evenire videtur, ut cum navis in anchora est, quæ iactari quidem, & fluctuare potest, non tamen in altum, aut in scopulos abripi. Sic enim anima, quæ cum Deo, re tam firma, & immobili, colligata sit, fluitabit illa quidem fortasse, & agitabitur interdum, quamdiu in hoc mundo est, propter insitam infirmitatem, præsertim vero accedentibus illis quasi fluctibus, & ventis tentationum. sed tamen facile semper retinent eam votorum vincula, ut, licet impulsæ, locum tamē non deserat, & immobiliter Deo, cui se devinxit, adhæreat. Restat etiam alia Dei similitudo admirabilis. Nam cum in Deo duplex sit excellentia, altera sanctitatis, altera potentia, ita ferme accidit, ut homines illam quidem sanctitatis similitudinem non admodum curent, hanc autem potestatis, ac dominatus omnibus modis appetant. Itaque imperia, magistratus, honores ita ambiunt, ut in iis inquirendis toti sint. Et eorum quidē duplex error est. primum enim, si alterutra carendum esset, hæc potius omittenda, illa inquirenda esset, quæ plane est ad salutem necessaria. Deinde quia ad hanc ipsam posteriorem obtinendam nulla melior est via, quam si priore potiamur. Ut enim in Deo utramque coniunctam esse diximus, sic quicumque Deum in bonitatis excellentia imitatus fuerit, necessario similis etiam fiet in potentia. Hæc enim illa est, de qua multa iam ante dicta sunt, religiosi status eminentia supra res omnes creatas, quæ nullo alio modo certius acquiritur, quam iis omnibus abiiciendis, & conculcandis, quoniā

Ibidem.

Serm. 21

qui eas amant, iis seruiunt, qui eas contemnunt, iis dominantur. Quod argumentum egregie, ac diuine tractatur à S. Bernardo quodam sermone in Cantica. Eris, inquit, inter aduersa, & prospera mutabilium temporum tenens quandam æternitatis imaginem vtrique hanc inuiolabilem, & inconcussam constantis animi æqualitatem, benedicens Dominum in omni tempore proindeque vendicans tibi etiam in huius nutabundi seculi dubiis euentibus, certisque defectibus perennis quodammodo incommutabilitatis statum, dum te ceperis renouare, & reformare in insigne illud antiquum similitudinis æterni Dei, apud quem non est transmutatio, nec vicissitudo obumbratio. Quippe sicut ipse est, ita & tu eris in hoc mundo, nec in aduersis timidus, nec in prosperis dissolutus. In hoc, inquam, nobilis creatura facta ad imaginem, & similitudinem eius, qui se fecit, antiqui honoris dignitatem receptare iam iamque, & recuperare se indicat, cum sibi indignum ducit huic labenti seculo conformari, reformari magis satagens, iuxta Pauli doctrinam, in nouitate sui sensus in eam similitudinem, in qua se conditam nouit ac per hoc etiam cogens, ut dignum est, seculum istud, quod propter se factum fuit, versa vice mirum in modum conformari sibi, dum omnia ei cooperari in bonum incipiāt, tamquam in propria, & naturali forma, abiecta degeneri specie, recognoscentia dominum suum, cui ad seruiendum creata fuere. Vnde arbitror illius sermonem, quem dixit de se Unigenitus, videlicet, si exaltaretur à terra, omnia traheret ad seipsum, cunctis quoque eius fratribus posse esse communem, iis vtrique, quos Pater præsciuit, & prædestinauit conformes fieri imagini filij sui, ut sit ipse primogenitus in multis fratribus. Et ego si exaltatus fuero à terra (audacter dico) omnia traham ad me ipsum. Nec enim temerarie usurpo mihi fratres mei vocem, cuius me induo similitudinem. Hæc Bernardus. Quare hoc omnino constitutum sit, nihil homini excellentius, aut gloriosius contingere posse, quam hanc altissimi similitudinem, quæ animam quamcumque ita euehat, ut etiam rebus omnibus creatis tamquam paruulus quidam Deus dominetur. Sed hoc quidem nemo assequitur, nisi, ut ait Bernardus, qui exaltatus fuerit à terra, id est, qui terram, ac terrena omnia contemnendo, & abiiciendo longe supergressus sit.

Religionem

Religionem esse genus martyrij.

C A P V T XII.

EX omnibus Christianis operibus nullū est maius opus, aut quod maioribus laudibus celebretur, quam martyrium. Nam & charitas, à qua id opus procedit, maxima virtutum est, & inter omnia charitatis opera hoc maximum, & id malum, quod in eo perfertur, omnium acerbissimum, nempe mors ipsa, & bonum illud quod relinquitur, quod est ipsa vita, omnium gratissimum. Sed hæc tamen tanta res, si cum religioso statu conferatur, ut in multis superet, in quibusdam vicissim superari intelligetur, quin etiam, quantacunque sit eius præstantia, bona ex parte communem esse etiam religioni. Nam martyrium quidem in eo excellit, quod maiores perfert cruciatus: verum quo maiores, eo breviores, ut necessarium est, quoniam eo celerius ducunt ad exitum. Religio vero hic vicissim vincit, quod etiam si minus acerba tolerat, ea sunt tamen longiora, & diuturniora. Quin etiam illa maior est martyrij gloria, quod, ut dixi, vitam eripit, quod summum est, quod pro altero dari possit. Religio, si hoc non habet, aliud habet, quod ipsa vitæ, & sanctæ vitæ propagatione maiorem etiam materiam suppeditat bonorum operum, quibus vberior apud Deum gratia, & vberior in cælo gloria acquiritur. Itaque si lucrum illud nostrum quærimus, cuius causa in hanc mundi huius peregrinationem ingressi sumus, non dubitandum est, quin plures anni in religione bene, ac pie, atque ex religionis præscripto transacti maiores præmiorum cumulos conficere possint, quam vnica martyrij perperessio, quæ ut plurimum breui temporis mora peragitur. Quare cum sit hæc duplex quasi negotiatio cælestis regni, utraque sane fructuosa, & abundans, religionis tamen quæstus haud paulo tutior est, ac securior. Nam in martyrio grandior inest alea, maiusque periculum, quoniam multos scimus, qui cum fortes antea, & alacres viderentur, tamen ut in rem ventum est, turpiter naufragium fecerint, ut ille ex Pacomij familia, qui cum importunis precibus à Pacomio extorsisset, ut in occasionem quandam martyrij captandi dimitteretur, cecidit misere, & ad monasterium rediens, damnum illud ingens, quod ex martyrij cupiditate fecerat, religionis disciplina refecit. Cyprianus autem quam flebiliter in sermone de lapsis multos luget, qui etiam ante aciem victi, & sine congressione prostrati essent,

qui scilicet, edicto tyranni proposito, ultro in forum cucurrissent ad renunciandum Christo, & cum à magistratibus urgente vespera differrentur, ipsi tamen institissent, ut eorum impia professio quamprimum acciperetur? Contra igitur religio neque exposita est iacturistantis, cum tota eius ratio magis ad humanam naturam accommodata sit, & quicquid habet duri, ac molesti, tam multa affert ad id molliendum condimenta, ut vix sentiatur. Accedit etiam illud, quod martyrium non in nostra est potestate: nam neque nos nobis manus afferre possumus, nec alios lacerare, ut ipsi afferant: tum quia id nimis esset confidentiæ, tum etiam quia, ut ait Beatus Thomas, alteri causa daretur impie agendi; quod repugnat caritati. Itaque cum rara, ac propemodum nulla iam eius meriti facultas præbeatur, huius è contra quod est è religione, & frequens, & quotidiana, & ad manum semper est. Extremum vero, & maximum illud est, quod, ut ante attingi, in religione ipsa aliqua inest martyrii ratio; idque ita fateri necesse est, si & eius naturam, & sanctorum Patrum sententias consulamus. In primis enim illud est cogitandum, quod vere scriptum est à Gregorio: Duo, inquit, sunt martyrii genera, vnum in mente, aliud in mente simul, & actione. Itaque esse martyres possumus, etiam si nullo percutientium ferro trucidemur. Mori quippe à persequente, martyrium in aperto opere est. Ferre vero contumelias, odientes diligere, martyrium est in occulta cogitatione. Idem dicit & Augustinus: Contra mortifera, inquit, blandimenta luctemur, scientes in eo etiam quotidiana martyria Christianis deesse non posse. Si enim caritas, & veritas, & iustitia Christus est, sic & ille, qui eis insidiatur, persequutor est, & ille, qui ea in aliis defendere, & in se ipso custodire voluerit, martyr est. Igitur, ut placet Augustino, hæc interioris huius martyrii forma in eo consistit, quod ut in carnis martyrio persequutor Christum eripere conatur erepta fide, cui qui usque ad mortem resistit, martyr est, sic tentator, quo nullus est grauior, atque immanior hostis, eundem Christum è cordibus auferre conatur, ablati aliis virtutibus, ut pudicitia, temperantia, aut humilitate. Quare qui cum eo pugnat, & in eius pugne molestia fortiter perstat, hic quoque martyr est, præsertim cum id dæmonem, ille hominem habeat aduersarium. Hanc igitur ob causam vere Climachus religionis statum spiritualis martyrii bellum appellat: de quo illa etiam luculente scripta sunt à Hieronymo in epigrapho

2.2. quæ.
124. art.
1.

Hom. 35.
Euang.

Ser. 250.
de temp.

Gradu.
4.
Epi. 27.

epitaphio Paulæ : Non solum (inquit) effusio sanguinis in martyrio reputatur, sed deuoræ quoque mentis seruitus im-
maculata quotidianum martyrium est. Illa corona de rosis,
& violis textitur, ista de liliis. Vnde & in Cantico scribitur
Canticorum. Fratrueus meus candidus, & rubicundus, & *Cant. 1.*
in pace, & in bello eadem premia vicentibus tribuens. Sunt
præterea aliæ quoque causæ tribuendæ huius laudis reli-
gioso instituto, & primum quidem paupertas ipsa, idque au-
ctore Bernardo, cuius illud est præclarum : Quid tibi vult *Serm. 1.*
(inquit) quod eadem promissio facta est pauperibus, & *omnium*
martyribus, nisi quia vere martyrij genus paupertas volun- *Sanct.*
taria est? Quid mirabilius, aut quod martyrium grauius est,
quam inter epulas esurire, inter vestes multas, & pretiosas
algere, paupertate premi inter diuitias, quas affert mundus
quas ostentat malignus, quas desiderat noster iste appeti-
tus? An non merito coronabitur qui sic certauerit, mundum
abiciens promittentem, irridens inimicum tætantem, & quod
gloriosius est, de ipso triumphans, & crucifigens concupis-
centiam prurientem? Denique propterea pauperibus pari-
ter, & martyribus regnum cælorum promittitur, quia pau-
pertate quidem emitur, sed in passione pro Christo absque
omni dilatione percipitur. Atque idem etiam Bernardus
alio quodam sermone in Cantica, tum paupertatis huius *Ser. 30.*
incommoda, tum alias quasuis molestias, quibus corpus
maceretur, ad martyrium reuocat. Sic enim, ait, quod à
Domino dictum est, Qui non odit animam suam, id esse in-
telligendum, siue eam ponendo, vt martyr, siue eam affli-
gendo, vt pœnitens. Addit vero illud martyrij genus esse, *Serm. in*
spiritu facta carnis mortificare, illo nimirum, quo membra *octa. pas-*
cæduntur, horrore quidem mirius, sed diuturnitate mole- *cha.*
stius. Atque hoc ipsum confirmat Bernardus alio quodam
sermone, vbi ait. Est martyrij genus, & quædam effusio
sanguinis in quotidiana corporis afflictione: quo loco idem
illud addit, esse hoc martyrium minus quidem asperum, sed
tamen magis longum, ac diuturnum. Idem quoque licet
de castitate dicere, teste eodẽ Bernardo, qui inter alia mar- *In sent.*
tyrij genera, quæ sunt sine sanguine, commemorat etiam *paruis.*
castitatem, præsertim in iuuentute. Accedit etiam aliud mar-
tyrium, cum propria voluntas mactatur, itaque regulis, at-
que aliorum hominum præscriptis astringitur, vt pro suo li-
bitu vllam in patrem se commouere non possit. Ex quo il-
lud est Abbatis Pambo, vnus inter veteres illos Patres ma-

gnæ auctoritatis, ac nominis; ad quem cū quatuor monachi venissent, variis quisque dotibus inignes, vnus ieiuniorum rigore, alter paupertate, ac nuditate, tertius caritate in proximos, quartus qui iam duos, & viginti annos in præpositorum obedientia transegerat, non dubitauit ille postremum hanc omnibus aliis præferre; quoniam alij virtutem, quam haberent, propria voluntate retinuisent, ille autem suam omnino voluntatem abiiciens alienæ se voluntatis seruum effecisset: quod cum diceret, illud etiam adiunxit, qui hoc facerent, martyres esse, si ad finem vsque in eo virtutis cursu perstiterint. Quo eodem pertinet quod Athanasius auctor grauissimus scribit de Antonio, cum Alexandriam iuisset martyrij studio, neque id assequi potuisset, Deo secus disponente, regressum esse in suum monasterium, ad quotidianum (vt eius verbis vti) fidei, ac conscientiæ martyrium. Sed quoniam ita Theologi tradunt, adeo ad martyrij rationem necessariam esse mortem, vt sine ea martyrium esse non possit, restat, vt ne hanc quidem perfectionem religioso martyrio deesse ostendamus. Primum corporis mors hoc efficit, vt à diuitijs, ab amicis, denique ab omnibus huius mundi rebus auellat. At auellit etiam religio, & quidem ita perfecte, vt non magis ijs frui possimus, quam si penitus mortem obijssimus: quin etiam illud hic est amplius, quod in illa morte carnis, facile est his omnibus commodis carere, quibus scilicet altera vita non eget, ad quam migratur: hic autem multo difficilius, ea sibi negare, quæ quotidianæ vitæ vñi sint, & quæ dum assidue ante oculos versantur, assidue blandiuntur. Deinde corpus in morte ab hostibus subeunda sentit cruciatum. Quis autem neget animum quoque suos habere cruciatus, & certe maiores, quo ipse nobilior? Nam si ideo, quia corporis fornia est, particeps est dolorum corporis, multo magis necesse est, suis ipsum angere doloribus. In martyrio moritur homo corpori, in religione moritur sibi. Etenim (vt supra ostensum est) ita nihil propter se, atque ex se agere ei licet, ac si iam mortuus, iāque sepultus esset, iam corpore ipso, atque animo orbatus. Quid igitur refert, quod anima adhuc in carne viuat, si non sibi iam amplius viuit? Nam in ipso etiam martyrio non omnino exstinguitur anima, immo vero non solum non exstinguitur, sed etiam ad feliciorē commigrat sedem, nec vitam amittit, sed commutat in multo meliorem, ac dulciorē. Quamobrem si hæc omnia colligamus, quæ ex horum sanctorum

sanctorū Patrū auctoritate attrulimus, non vnum tantūmodo
 martirium, sed plura in vna religione inueniemus. Aliud est
 enim ex paupertate, aliud etiam ex castitate, maximum ve-
 ro ex propriæ totius voluntatis abnegatione, aliud ex carne
 edomanda, & affligenda, aliud denique ex perpetua lucta,
 & pugna cum serpente callido, qui nobis Christum præri-
 pere conatur. Hoc sensit Paphnutius Abbas, non ille de quo
 in vitis Patrum crebra est mentio, sed alter celebri ipse quo-
 que sanctitate, & iaueritate. Hic Diocletiani tempore ab
 Egypti Præfide, cui nomen erat Arianns, comprehendi ius-
 sus, cum equuleos, scorpiones, satragines, quas in conspe-
 ctum afferri mandarât, minitaretur, ni dijs sacrificaret, ri-
 dens ille, Putas ne, inquit, tua hæc tormenta adeo mihi hor-
 ribilia videri, vt propter ea Deum verum negandum putem?
 Quinimmo hoc scito, nostras monasticas constitutiones
 multo plura in se tormenta continere, quoniam in multis
 exercitationibus assidue tentamur. Sed Saluator noster ita
 nos corroborat, vt omnia perferre, & superare possim⁹. Qua-
 re idē etiā nunc corroborabit ad tuā hanc sequitiam superan-
 dam. lucēde autē hoc ipsum, & festiue declarauit Bernardus,
 qui cum in Theobaldi principis viriditione, magnæ turbæ
 occurrisset, quæ insignem latronem, ac sicarium ad patibu-
 lum deducebat, ad eum in medio agminis accedens, dedit sibi
 hominem postulauit, velle eum se proprijs manibus suspen-
 dere. Inter quæ Theobaldus ipse de sancti viri aduentu cer-
 tior factus cum accurrisset, ratus eum ignoscere quis ille es-
 set, ingentia eius crimina commemorare cœpit, & magno-
 pere contestari, esse eum capitali supplicio dignissimū. Tum
 vero subridens Bernardus: Noui (inquit) noui hæc omnia:
 atque ob hanc ipsam causam, quia non vna mors eius scele-
 ribus sufficit, plures ei mortes inferre statui. Sic igitur solu-
 tum, ac liberum ad suum perduxit monasterium, in quo mo-
 nachus effectus, per triginta annos quotidie, vt ait Aposto-
 lus, moriens, supplicium, quod alienis manibus semel perso-
 luturus erat, ipse à se multiplicatum exegit. 1. Cor. 9:

Religiosos esse amicos, & filios, & sponsas Dei.

CAPVT XII.

SANCTVS Bernardus in sermone quodam ad fratres,
 Quo multa egregie disserit de religiosa vocatione, hoc *Ser. de*
 etiam in primis ad huius beneficii magnitudinem exagge- *Ingra.*
 randam commemorat: Neque enim (inquit) fecit taliter
 Z 4 omni

omni nationi , vt non solum iudicia , sed etiam consilia sua manifestaret eis. Sed omnino magnificauit Dominus facere nobiscum, non solum in seruos aliumēs, sed eligens in amicos. Iure omnino, & vere in hoc ait magnificasse Dominum facere nobiscum; quoniam hæc Dei amicitia non vilitatem tantum, quamquam hanc quoque, & magnam, sed etiam honorem, & dignitatem confert admirabilem. Sic enim docet

Psa. 138. etiam Propheta, Nimis honorati sunt amici tui Deus, nimis confortatus est principatus eorum; principes eos vocās, quos Deus ad suam extulit amicitiam. Verum vt hæc, quam tractamus, dignitas clarius elucescat, intelligendū opinor quod sensit Aristoteles, auctor in rebus moralibus optimus, quatenus naturæ lumen progredi potuit. Hic enim ita scripsit, amicitiam in æqualitate consistere: quare si ita eueniat, vt magna inter amicos fiat vel morum dissimilitudo, vel fortunæ, ac conditionis distantia, dissolui eam oportere, & hanc esse causam, cur neque cum Regibus, neque cum Deo esse possit amicitia. Quod Philosophi huius dictū in eo quod æqualitatem aliquam, vel similitudinem inter amicos exigit, omnino repudiandum non est. In eo errauit, quod non vidit quare ratione homini cum Deo intercedere posset hæc similitudo, nempe ignorans donum Dei, cuius vis in homine suppleret, quod naturæ deesset. Nos autem Christo potius ipsi credamus hoc tam clare affirmanti. Iam non dicam vos seruos, vos autem dixi amicos. Credamus Paulo Apostolo, qui nos etiam domesticos Dei appellare non veretur. Quod quoniam ita est, illud ex Aristotelis sententia verius concludere licet, quoniam æqualitatis illius fundamentum in amicitia necessarium sit, aliquid in nobis inferi oportere, quo naturæ nostræ humilitas ad Dei similitudinem extollatur, vt diuinæ huius amicitie sit capax. Quod etsi omnes consequuti sunt, qui Dei gratiam inhærentem, & iustificantem consequuti sunt, religiosi tamen multas habent præcipuas huius rei causas, & multa præcipua ex ea re commoda. In primis enim inest in hoc statu illa tam excellens Dei similitudo, de qua antea à nobis multa dicta sunt, ex vitiorum & affectuum purgatione, ex stabilitate, & constantia voluntatis in bono; tum ex illa animi altitudine, & dominatu quodam in res omnes creatas, quæ ex earum contemptu nascitur; denique, ne singula repetamus, etiam ex castitatis, & continentie integritate, de qua dicitur in lib. Sapientie, Incorruptio facit esse proximum Deo. Quo igitur maior similitudo cum

Deo,

Deo, eo verior: perfectiorque amicitia, eo etiam vberiores ipsius amicitiae effectus. Nam cum in amicitia illud primum sit, communicatio bonorum omnium, quod religiosus reliqui sibi fecit, quod non donarit Deo, quid etiam habet Deus, quod non donet religioso? Etenim hic Deo sua omnia dicauit. & seipsum. Deus autem vicissim illi & gratiae bona, & gloriae, id est, ipse quoque seipsum. Vt igitur in hoc statu vera est omnium rerum communicatio mutua, ideoque vera, & perfecta amicitia, ita intelligendum est, qui nondum ad hunc communicationis gradum peruenerunt, quantum ab eo distant, tantum ab amicitiae perfectione distare. Quin etiam viget in hac amicitia conuictus, sine quo idem Aristoteles amicitiam constare negat, non ille quidem exterioris huius vitae, quae sensu, & corpore viuitur, haec enim Deum, & diuina non attingunt, sed interioris quae mentis est, ac spiritus, quo nempe cum Deo, & cum angelis commercium habere possumus, ut illud efficiatur, quod scripsit Apostolus, Conuersatio nostra in caelis est. Hoc vero ubi melius, commodius, abundantius efficiatur, quam in religione, ubi & religiosi ipsi ut huic conuersationi toti vacarent, à cetera omni conuersatione sese remouerunt, & Deus, qui suas delicias esse dixit, morari cum filiis hominum, dubitari non potest, quin id multo libentius cum eo hominum genere seruaturus sit, qui beatorum ipsius congressus ita expetiuerunt, ut eos rebus omnibus creatis anteferrent? Ex hoc igitur conuictu quantam dignitatem, & iucunditatem, & emolumenta existere credendum est? Nā si sapientis, vel diuitis cuiuspiam hominis consuetudo expetitur, ut vel illius sapientia quotidie doctiores, vel huius opibus potēiores euadamus, multo magis omnia bona ex hac Dei familiaritate sunt speranda: tum vero illa etiam quae ad animam exhilarandam mirabiliter faciunt, praesentia amoris indicia, iucundissimae colloquutiones, lumina caelestia, ut plane verum esse experiamur quod in libro Sapientiae de sapientia dictum est: Non habet amaritudinem conuersatio illius, nec tedium conuictus illius, sed læticiam, & gaudium. Merito ergo S. Bernardus religiosos quasi domesticam Dei familiam esse ait, seculares autem bonos ex Dei quidem exercitu, sed remotiores: & addit. Felices vos, qui domestici meruistis esse, quibus dicit Apostolus: Iam non estis hospites, & aduenae, sed estis ciues sanctorum, & domestici Dei. Magnum est igitur, Dei amicum & familiarem esse, magnamque hoc nomen & dignitatem, & utilitatem continet. Sed tamen ea

8. Eth.

cap. 3.

Phil. 3.

Pro. 8.

Sap. 2.

Ser. 7.

Quadr.

Eph. 2.

mibi videtur esse religiosi necessitudo cum Deo, vt etiam amicitia nomen, ac vim supergressa sit, & potius propinquitatis quendam nexum arctissimum, eundemque iucundissimum induxerit. Quod vt temerarium esset, ac superbum, si ex nobis fingeremus, ita cum à Saluatore nostro tam diserte dederatur, certe vel stolidum sit non recipere, vel impium nō credere. Notum est enim illud eius dictum, cum

Mat. 12. cuidam nuntiandi adesse matrem, ac fratres ipsius, ita respondit: Qui fecerit voluntatem patris mei, qui in cœlis est, ille meus frater, & soror, & mater est. Quæ sententia cui hominum generi, & cui statui melius conueniat, quam religiosi, qui non in vna, aut altera re Dei voluntatem faciunt, sed in omnibus, & semper, quin etiam tantum se cum diuina voluntate colligarunt quantum cum obedientia ipsa colligarent, cui vitam totam perpetuo voti vinculo deuoue-

2. Cor. 6. runt? Quamobrem in eos quoque proprie admodum illud promissum cadere videtur, quod apud Paulum ex antiquis prophetis legimus: Exite de medio eorum, & separamini ab eis, dicit Dominus, & ero vobis in patrem, & vos eritis mihi in filios, & filias, dicit Dominus omnipotens. Quod cum iam religiosus quisque petfecerit, vt de medio mundi, & hominum mundanorum exierit hoc quoque ei debetur, vt à Deo tamquam filius suscipiatur, & ab illa maiestate, cui seruire magnum esset, iam etiam vt filius paterna cura, paternisque blanditiis tractetur.

Extremum illud est, quod ne vel vllus coniunctionis, amorisque gradus, vel vllum beneficium huic diuino beneficio deesset, illud insuper Dominus addere voluit, vt, quod Theologi omnes, & in primis Sanctus Thomas, recipiunt, hos suos filios, spōsas etiam suas efficeret: quod nescio an arctius, suauius certe vinculum, & iucundius quam filiorum esse solet.

Hoc autem tam verum est, vt si recte cogitemus, non verius sit ferme hominis cum homine matrimonium, quā religiosi cum Deo. Primum enim hæc vis est, & hic effectus voluntariæ castitatis, quod testatur Augustinus cum ait: Quæ virginitatem Deo vouet, quamquam ampliorem gradum honoris, & dignitatis in Ecclesia teneant, sine nuptiis non sunt: nā & ipsæ pertinent ad nuptias cum tota Ecclesia, in quibus nuptiis sponsus est Christus. Hoc igitur idem religiosi omnibus cōuenit, beneficio continentia, & certe iure, ac merito. Neque enim diuinæ bonitatis est, pati, vt liberaliter vincatur, sed potius quicquid amore eius fiat, id ipsum remunerari cū

fœnore,

fecore, & quidē quam simillimo munere. Vt igitur agrum relinquentibus ipse centuplum agri reddit, vt pro patre, & matre, qui deseruntur, ipse se vtriusque loco substituit, cum centupla caritate, sic etiam terrenum connubium repudiant-tes suo ipsius connubio multo feliciori dignabitur. Sed præ-ter castitatem, est etiam aliud in religione simillimum ma- trimonio. Nam vt matrimonium ita virum, ac mulierem in- solubili vinculo astringit, vt de eo à Domino dictū sit: Quod *Mat. 19.* Deus coniunxit, homo non separet: sic religionis vinculum votis præsertim solemnibus legitime semet astrictum, nulla deinceps humana vi amplius disrumpi, vel dissui potest. Quamobrem quod in carnalibus nuptiis efficit verbum il- lud, Volo, idem valet in his spiritualibus nuptiis hoc ver- bum, Voueo; quod prolatum, tam firmum, tam validum, tamque perpetuum inicit nexum, ad quem, vt dixi, laxan- dum nulla potestas humana sufficit. Sed hoc tamen inter- est, quod illud cum homine ligat, hoc cum Deo; quæ quidem est infinita distantia, & dignitatis. & iueunditatis. Illud con- uenit, quod vt inter homines non altera tantum pars liga- tur, sed commune est vinculum vtrique, sic religionis vota dum nos Deo, simul etiam Deum nobis pro eius immensa caritate deuinciunt. Quid autem maius optare possumus? Est præterea illa quoque similitudo, quod vt sponsa sui cor- poris potestatem non habet, sed vir, vt scriptum est à Paulo *1. Cor 7.* Apostolo, ita religiosus nec corporis, nec animi, quod hæc nuptiæ animum quoque cōiungant, immo hunc præcipue, & maxime. Quare tota vtriusq; potestas in Christum spon- sum translata est. Præterea quemadmodum sponsa pater- nam domū, & ipsos parentes deserit, deserit fratres, amicos, domesticos, ac se in sponsi domū transfert, sic religiosus om- nem propinquitatem, ipsosque illos, à quibus genitus, & educatus, & cum quibus educatus est, relinquit, vt vni Chri- sto, & eius familiæ adhæreat: multo autem magis relin- quit, quam sponsa quæ eius. nam non corpore modo, sed etiam affectu se separat, omnēque sibi cum ijs commu- nicationem, sæpē etiam colloquium interdicit. Quem lo- cum suauissime, vt omnia, tractat Bernardus quodam ser- mone in Cantica in quo cum ostendisset quanta sit reli- giosæ animæ similitudo cum Verbo, hoc addit. Ex quo iam gradu audet quæ huiusmodi est, cogitare de nuptiis. Quid ni audeat eo se nubilem, quo similem cernens? Non terret celsitudo, quam seciat similitudo, amor conciliat, professio *Ser. 85.* maritat.

- Psal. 118.* maritat. Professionis forma hæc est, Iuravi, & statui custo-
Mat. 19. dire iudicia iustitiæ tuæ. Hanc sequuti Apostoli aiebant:
 4. Ecce nos reliquimus omnia, & sequuti sumus te. Simile est
 illud, quod in carnali quidem dictum, Christi, & Ecclesiæ
Gen. 2. connubium spirituale significauit: Propter hoc relinquet
 homo patrem suum, & matrem suam, & adhærebit vxori
 suæ, & erunt duo in carne vna. Ergo quam videris animam
 relictis omnibus Verbo votis omnibus adhærere, Verbo vi-
 uere, Verbo se regere, de Verbo concipere, quod pariat Ver-
 bo quæ possit dicere, Mihi viuere Christus est, & mori lu-
Phil. 1. crum, puta coniugem, Verboque maritatam. Confidat in ea
 cor viri sui, sciens fidelem quæ præ se omnia spreuerit, om-
 nia arbitretur stercora, vt ipsum lucrifaciat. Hæc Bernardus.
 Sed quærat fortasse quispiam, vbi proles huius coniugij? At
 ne ea quidem deest, ne qua videlicet in eo boni, & iucundi
 pars desideretur. Ac Bernardus quidem eodem, quem modo
 diximus, loco, duo esse ait in his spiritualibus nuptiis pa-
 riendi genera, duasque diuersas, sed non contrarias soboles,
 nimirum cum sanctæ hæc matres vel prædicando, animas,
 vel meditando, intelligentias pariunt spirituales. Ac de al-
Gal. 4. tera quidem sobole loquutum esse Paulum, cum dixit: Fi-
 lioli, quos iterum parturio, donec formetur Christus in no-
 bis. De altera autem, cum dixit, Siue mente excedimus,
 2. *Cor. 5.* Deo. De vtriusque autem comparatione illa bene, & sapien-
 ter adiungit: Aliter (inquit) afficitur inens fructificans Ver-
 bo, aliter fruens Verbo. Illic sollicitat necessitas proximi, hic
 inuitat suauitas Verbi. Et quidem læta in prole mater, sed
 in amplexibus sponsi lætior; cara pignora filiorum, sed oscu-
 la plus delectant. Bonum est saluare multos, excedere au-
 tem, & cum Verbo esse, iucundius. Hoc est igitur verissi-
 mum religiosæ animæ cum Deo omnipotente coniugium,
 in quo si gloriari voluerit, vt sancta quondam Agnes, non
 erit insipiens, quod nimirum ei sit desponsata, cui seruiunt
 Angeli, cuius amore, & amplexu non amittatur munditia,
 sed duplicetur: ab eo sibi & annulum, & monilia regia data,
 eiusque roseo sanguine genas sibi purpuratas esse. De harum
 quoque nuptiarum felicitate, & perpetua stabilitate illa
 2. *Ose. 2.* optime dicta sunt ab Osea propheta. Sponsabo te mihi in
 sempiternum: & sponsabo te mihi in iustitia, & iudicio, & in
 misericordia, & in miserationibus: & sponsabo te mihi in
 fide, & scies, quia ego Dominus. In fide ait fundari hoc con-
 iugium: non enim eiusmodi est, quod cum carne, & sanguine
 contrahatur.

contrahatur, sed cum ea maiestate, ad quam complectentam, non corporis, sed animæ brachia huiusmodi neruis exerenda sint. Sed illud etiam iucundissimum, quod carnale quidem coniugium carne deposita exui necesse est. At cœlestis hæc desponsario (ut Propheta hic ait) sempiterna est; quoniam hic initium, in cœlo verò consummationem habet, & perfectionem, tamque diu vigeat, quamdiu & ipse sponsus viuet, & nos viuemus, id est, in totam æternitatem. Denique de harum nuptiarum dignitate illa & diserte, & verè à Beato Bernardo in alio sermone dicuntur. Vnde tibi, ò humana anima, vnde tibi hoc? Vnde tibi tam inestimabilis gloria, ut eius sponsa merearis esse, in quem desiderant Angeli ipsi prospicere? Vnde tibi hoc, ut ipse sit sponsus tuus, cuius pulchritudinem sol, & luna mirantur, ad cuius nutum vniuersa mutantur? Quid retribuēs Domino pro omnibus, quæ retribuit tibi, ut sis sociā mensæ, sociā regni, sociā denique thalami, ut introducat te Rex in cubiculum suum? Vide iam quid de Deo tuo sentias, vide quantum de Deo præsumas. Vide quibus brachiis vicariæ caritatis redamandus, & amplectendus sit, qui tanti te aestimauit, immo qui tanti te fecit. De latere enim suo te reformauit, quando propter te obdormiuit in cruce, & ob hoc somnum mortis excepit. Propter te à Deo patre exiuit, & matrem synagogam reliquit, ut adhærens ei, vnus spiritus efficiaris. Et tu ergo audi hilia, & vide, & considera quanta sit erga te dignatio Dei tui, & obliuiscere populum tuum & domum patris tui. Desere carnales affectus, seculares mores dedisce, à prioribus viriis abstine consuetudines noxias obliuiscere. Hactenus Bernardus, Si autem vera sunt, & indubitata, quæ vir hic tam grauis tam grauitè confirmat, quæ potest esse vita vel dignitate, vel etiam suauitate optabilior, quàm religiosa? Nam etiam in vulgaribus omnibus coniugiis hoc perpetuum, ac necessarium est, ut fiat inter coniuges & conditionis, & status, & fortunarum omnium commixtio. Itaque etsi tenuis aliquin, & ignobilis mulier principi cuiquam, aut Regi matrimonio copuletur, ad eius quoque imperium, & opes euehitur; quoniam ut ipsi vnum quiddam inter se fiunt, sic quidquid habent vtrique, commune fieri oportet. Quod idem in hoc cœlesti connubio euenire necesse est, idque etiam tanto magis, quanto maior est Dei bonitas, & ardentior in homines caritas.

Ser. 2. de
mut.

aqua in
vinum.

Religiosos, qui Deo consecrantur, esse Dei templum.

CAPVT XIV.

Accedit religiosi alia quoque dignitas ex consecratione, quæ quidem dignitas altior sine dubio est omni humano fastigio, ac potius nescio quid ex ipsa diuinitate quodammodo participat, quatenus quidem hominum infirmitas eius participationis est capax. Vt enim Dei natura ob suam excellentem eminentemque præstantiam, omnem honorem, cultumque, ac reuerentiam sibi iure vendicat, ita quicquid ei dicatur, ob eam ipsam coniunctionem, quiddam acquirit, quo iustam venerationem habere credatur, & à reliquarum rerum eiusdem generis numero, & quasi turba secerni. Hoc igitur efficit religio, quæ omnes, qui eiusmodi institutum susceperint, Deo dedicat, & consecrat. Sic enim B. Thomas, tantum Theologiæ lumen, cum omni sua familia, ubi de solemnibus voti natura disputat, eam in consecratione consistere docet, qua animus diuina vi ita imbuatur, ut deinceps nullo tempore, nullo casu deleri, aut eradi queat. Quam ob causam Augustinus in cuiusdam psalmi interpretatione hoc expresse confirmat horum votorum vi agi, ut simus Dei templum. Et Basilii, qui nuncium seculo remisit, cum iam ait diuinum quoddam vas effectum esse, idque ei cauendum, ne vitioso usu polluitur, sequitur ipsum custodire debere veluti quiddam Deo dicatum, ne in sacrilegij scelus incurrat, si videlicet corpus, quod Deo sacrauit, rursum ministerio communis vitæ contaminet. Ecce sacrilegium purat esse Basilii, si quis postquam sacer effectus est, non modo peccato se commaculet, sed etiam si ad profanum, & ut ille ait, communem usum iterum conuertatur. Similia sunt etiam quæ sanctus Bernardus de templi dedicatione disserit; quam totam celebritatem ad religiosi hominis consecrationem transfert: Vestra est, inquit, fratres carissimi, vestra est hodierna festiuitas. Vos dedicati estis Domino, vos elegit, & assumpsit in proprios. Quam bene commutastis, dilectissimi, quicquid habere potuistis à seculo, quando nunc relinquendo ea, proprii esse meruistis auctoris seculi, & eam habere propriam possessionem, qui sine dubio portio est, & hæreditas suorum? Hæc ille. Post quæ pergit etiam totam illam ceremoniam, quæ templis consecrandis adhibetur, religiosi ipsis applicare, in quam quidem, ut ille ait, hæc quinque concurrunt, Asperio, Inscriptio, Inunctio, Illuminatio,

2. 2. 9.
88. ar. 7.

In psal.

131.

Ser. 1. de
mon.
inf.

Ser. 1. de
di. eccl.

Illuminatio, Benedictio: quæ item omnia in religioso statu
 semper peraguntur. Nam & aspersio nostra, id est, peccato-
 rum absterfus, confessione, lacrymarum imbre, pœnitentiæ
 sudore efficitur? & inscriptio non in lapide, sed in cinere le-
 gem significat, quam Christus verus Episcopus animarum
 nostrarum, digito suo describit, non iam in tabulis lapideis,
 sed in corde nouo, quod ipse dat contritum & humilatum.
 Vnctio verò vbertas est gratiæ, quæ ideo datur, vt putrescere
 faciat iugum hoc à facie olei. Illuminatio sunt opera, quæ
 ex religione prodeunt, & lucent coram hominibus, vt glo-
 rificent patrem cœlestem, & ipsi videant quid imitentur.
 Denique benedictio; quæ clausula est totius ceremoniæ,
 quasi signum est æternæ gloriæ, quæ & gratiam sanctifica-
 tionis complebit, & præterita opera largissime remunerabit.
 Cum igitur templi huius materialis consecratio religiosæ
 cuiusque animæ consecrationem tam expresse repræsentet,
 licet ex eadem templi similitudine talis etiam animæ digni-
 tatem coniicere. Videmus enim quantum intersit liber eius-
 modi domum diuino cultui dicatam, & domum profanam,
 in qua homines habitant. Et quidem si materiâ spectemus,
 eadem est vtriusque, ijdem lapides, cæmenta, trabes; si au-
 tem vsum, maxima est differentia. Nam in profana illa &
 edere & bibere & cubare, opus quodcumque facere, & ludere
 licet, licet etiam iumenta inducere: quæ cum hic licite, atque
 etiam decenter fiant, tamen si in domo sacra aliud eius-
 modi fiat, peccatum committi, locique reuerentia violari
 putatur. Idem est in calice sacro, qui si non dicam luto, vel
 cœno inquinetur, sed ad bibendum in communis mensa ad-
 hibeatur, piaculū perpetrari creditur; quod apparuit in Rege *Dan. 5.*
 Babylonix, cum templi vasis in conuiuium illatis, intra pau-
 cas horas & regno, & vita orbatus est. Denique hæc est ra-
 tium rerum sanctitas, hic etiam communis hominum sen-
 sus, nescio quid eas adeptas, cuius causa non sine religione,
 ac veneratione contrectari debeant. Quantum igitur inter
 sacram ædem, & vulgares ædes interest, quantum sacer calix
 communem calicem superat dignitate, tantum anima Dei
 obsequio consecrata seculari, & laicam animam sine du-
 bio antecellit: idque eo magis, quod illarum quidem rerum,
 quas modo diximus, natura, cum sensus, & rationis expers
 sit, ne interiori quidem consecrationi apta esse potest. Ita-
 que si sancti vocantur parietes, si vestes, si cetera supellex,
 usque vt sanctis honor defertur, id totum exterius quiddam
 est,

est, intus autem nihil immutantur. At hominis mens propria sedes est sanctitatis, eaque sic consecrationem admittit, ac recipit, ut ornetur, perficiatur, & in superiore, ac diuiniore quodam gradu collocetur. Quod si ita est, quem ornatum, quos splendores animæ illi addi necesse est, quæ sic interiorius immutata humanam formam exuat, diuinam induat? Cuius auri, aut cuius gemmæ nitor comparari ei potest, aut quis umquam sol in meridiana luce adeo fulsit, si modo oculos haberemus ad nostram, vel aliorum, qui eodem loco sunt, mirabilem hanc speciem intuendam? Accedit etiam ad hanc dignitatem, quod ut templum manu factum ideo domus Dei dicitur, quod illa maiestas cum ubique locorum sit, tamen eo præsertim loco residere, suamque vim, ac præsentiam manifestare videatur, sic in eiusmodi templis non hominum, sed Dei manu factis, postquam consecrationem hanc receperint, diuina bonitas sedem suam libenter figat: quod Paulus expressit, cum ait: Vos estis templum Dei vivi, sicut dicit Deus, Quoniam inhabitabo in illis, & inambulabo inter eos, & ero illorum Deus. Declaratum est hoc in illo nobili Salomonis templo, ut cum legimus, consecratione peracta, simul ac sacerdotes de sanctuario, quo arcam intulerant, exiere, descendit nebula in ædem totam, ita ut sacerdotes stare, & ministrare non possent. Impleuerat enim, inquit scriptura, gloria Domini domum Domini. Neque id Salomonem, ut sapientem, latuit; statim enim in vocem illam lætus erupit, Dominus dixit, ut habitaret in nebula. Quare hoc idem indicatum est, quod in anima geritur, cum sese Deo voluntaria, & legitima consecratione addicit, ipsam quoque impleri Dei præsentia, Deique gloria, & quidem non in nebula, cuius obscuritas, & densitas nos in officio impedit, sed potius in luce, & claritate, quæ recreet & in tanto opere etiam adiuuet. Quamobrem illa quoque omnia, & multo maiora in eiusmodi anima consequi necesse est, quæ in templo consecrato, ut & Angeli, quasi loci sanctitate delectari, libentius illic stationem habeant, & preces eius quasi ex loco sancto Deo sint gratiores, & ipsius Dei bonitas, ut olim arca Hebræorum, quam domum incolat, eam omni benedictione locupletet: & postremo, quod magnum est, ut eius actiones, cogitationes, studia, si radicis unde prodeunt naturam retineant, ipsa quoque ex eadem consecratione, & ornatiores, & Deo acceptiores reddantur. Denique illa quoque maxima est inter templum, & religiosum similitudo, quod ut in tem-

intemplo sacrificia Deo offeruntur,isque loc⁹ proprie sacrificiis destinatus est, sic religiosa quæque anima pene innumera quotidie sacrificia in cœlū dirigit, Dei laudē, caritatis ardores, actiones gratiarū, dolorem de peccatis, spiritumq; illum contribulatum, deniq; honesta omnia, & sancta desideria. Hæ sunt enī spirituales hostiæ, acceptabiles Deo, quas Apostol⁹ Petr⁹ vt semper offeram⁹ nos monet.

Psal. 50.

1. Pet. 2.

Religiosos propter sui oblationem esse perpetuum sacrificium.

CAPVT XV.

HAC TENV S hoc tractatum est, quanta res sit, quod religiosus sit verum Dei templum, nunc illud breuiter tractandum est, quo modo sit etiam verum sacrificiū. hoc enim sine dubio, sanctius, & diuinius esse necesse est, quam templum, cum templa ipsa sacrificiis peragendis consecrentur. Recte autem de hoc Gregori⁹: Nos quippe ipsos, inquit, sacrificium Deo offerimus, cum vitam nostrā diuino cultui dedicamus. Itaque ad hoc etiam refert quod in Leuitico scriptum est, vt membra hostiæ per frustra concissa ignibus crementur: quod tum sit, inquit, cum vitæ nostræ opera virtutib⁹ distinguentes immolamus. Ac Vvaldensis quoque, grauis theologus, non modo sacrificium sed etiam altum sacrificium Deo facere, ait qui, vt ipse loquitur, carnis, & mentis actus omnes per religionis ingressum perenniter ei consecrat. Et reuera cui dubiū esse possit, an si aliquid nostrum Deo offeramus, sit sacrificium, si autem nosmetipsos offeramus, non sit vere sacrificium? Huius ergo sacrificij vis ac forma cōsistit in perfecta nostri oblatione, & ea oblatione, quam deinceps amplius reuocari non liceat. Nam vt in sacrificiis illis antiquis victima moriebatur, nec ad vitam amplius redire poterat; ita hæc donatio, qua nos Deo tradimus, & dicamus, immutabilis est, nec licet nobis amplius nos ipsos, aut nostra repetere, aut resumere. Quamobrē illa vere, & luculēter dicta sunt de hoc à S. Augustino: Ipse homo, inquit, Dei nomini consecratus ac deuotus, in quantum mundo moritur, vt Deo viuatur, sacrificium est. Corpus etiam nostrum cum temperantia castigamus, si hoc quemadmodū debemus, propter Deum facimus, vt nō exhibeamus membra nostra arma iniquitatis, sed arma iustitiæ Deo, sacrificium est. Si ergo corpus, quo inferiore tamquam famulo,

9. Mor.

ca. 31.

Leuit. 1.

De sacr.

menta.

tit. 9. c.

87. 1

10. Ciu.

cap. 6.

vel instrumento vitur anima, cum eius bonus, & rectus
 vsus ad Dominum refertur, sacrificium est; quanto magis
 anima, cum se refert in Deum, vt igne amoris eius accēsa,
 formam concupiscentiæ secularis amittat, ei tamquam in
 commutabili formæ subdita reformetur, hinc ei placens,
 quod de eius pulchritudine acceperit, fit sacrificium? Hæc
 Augustinus. Ex cuius sententia duplex etiā apparet in no-
 bis esse sacrificium, alterum corporis alterū animæ; quoniā
 utrūq; vt ipse ait, ad Deū ita refertur, vt ad seipsum referri
 desinat, quod est viuere alteri, sibi autē mori. Si quis autē
 quærat, quis hic sit sacerdos ad hoc sacrificium peragen-
 dum, quis culter ad mactandum, quis etiam ignis ad com-
 burendum; sacerdos quidem non alius esse potest, quam
 idem ipse, qui victima est. Nā cum gen^o hoc oblationis in
 spiritu cōsistat, & spiritu fiat, nullius hominis man^o hostiā
 hanc attingere potest, nisi ei⁹, qui se ipsum offert. Sic enim

Psalm. 13. scriptum est. Voluntarie sacrificabo tibi. Culter vero quis
Luc. 14. alius sit, quā illud animæ nostræ odium quod Domin⁹ præ
Luc. 12. cepit, aut quis alius ignis, quam ille ignis, quem ipse venit
 mittere in terram, & nihil adeo voluit, aut adeo quæsiuit.

quā vt arderet? Hæc enim cœlestis flāma de cœlo veniens,
 cū in nostro arserit pectore, facile sacrificium nostrū, vt o-
 lim Helia, vorabit, & ligna, & lapides, & ipsum puluērē, i-
 dest, nos totos, & quid uid in nobis, sit etiam terrenum
 & crassum, ad vnius tamen Dei obsequium conuertet. Sed
 quoniā multa erant olim sacrificiorum genera, inter quæ
 omnium maximum, & præstantissimum erat, holocaustū
 in quo videlicet non victimæ pars sed victima tota ad
 Dei honorem adolebatur, hoc etiam intelligendum est,
 quod ad religionis dignitatem, & eminētiā vel ma-
 xime pertinet, in hac religiosa oblatione huius ipsius holo-

Ho. 12. causti vim inesse. Sic enim de hoc ipso sanctus Gregorius:
Ezech. Qui, inquit, sic operantur ea quæ Dei sunt, vt tamē & quæ-
 dam, quæ sunt seculi, non relinquunt, nimirum sacrificiū,
 & non holocaustum offerunt. Qui autem cuncta, quæ mū-
 di sunt, deferunt, & totam mentem igne diuini amoris in-
 cendunt, hi nimirum omnipotenti Domino sacrificium, &
 holocaustum fiunt. Quid clarius dici, aut quæ expressior
 esse poterat religiosi cuiusq; descriptio? Hæc enim ob cau-

2. 2. q. sam B. Thomas aperte confirmat, religionem nihil aliud ef-
186. 47. se, quam holocaustum, quoniam omnia Deo tradat, & qui
 7. se huic statui dicarit, is tum interiora, tū exteriora omnia

Creatori

Creatori suo obtulerit. Nam non reliqua solum, quæ sunt in nobis, aut intra nos, cum Deo donantur, sacrificari dicuntur, sed ipsa etiam externa, cum propter Deum deferuntur & abiiciuntur. Sic enim David, cum aquam abiecit, quam 2. *Reg.* manibus tenebat, idque in Dei gratiam, aquam illam Deo 23. libasse scribitur, nouoque more dum se ea priuat, in sacrificium vertisse. Itaque videtur mihi interioris huius holocausti tum natura, tum etiam dignitas, ac præstantia à Paulo Apostolo apertissime descripta, cū eam appellat hostiam *Rom. 12.* viuentem, sanctam, Deo placentem, rationabile obsequiū. Nam quod ait rationabile, id est, spirituale, hoc indicat, non solum carnem, sed rationem, ac mentem, & animam ipsam offerri. Quod verò hostiam dicit, ostendit hic quoque mortem intercedere. Sed addens viuentem, illud demonstrat, hoc mortis genus non tamen eiusmodi esse, ut vitam tollat, sed simul eam mirabili quodam modo cōseruet. Denique merito etiam sanctam vocat, & Deo placentē; quoniam quicquid Deo dicatur, sanctum efficitur, nec aliquid esse potest in rebus omnibus adeo gratum illi manifestari, quam anima, quæ se ipsam totā eius numini propter ipsius amorem sponte sacrificet. Etenim si vetera illa holocausta ita erāt domino Deo accepta, ut odorē suauitatis eorū tam libenter odoraretur, in quibus tamē vel triennis vacce, vel ruscæ vitulæ caro, aut aliquod eiusmodi pecus offerebatur, quanto excellentius, & præstantius est, quod hic offertur, nēpe quod Dei sanguine æstimatū est, tanto etiā gratiore esse necesse est eius oblationē. Hic vero est hominis animus, quē verē dicere possum⁹ in hoc holocausto immolari; quoniā, ut alibi quoque à nobis dictū est, hoc propriū est religiosorum, ut & sibi ipsis, & rebus omnib⁹ secularibus moriātur, quia & se ipsos, & res istas ita deferuerūt, ac si mortui essent; eaque obligatio certa, & irreuocabilis inest in ipso statu. Ex quo illud est S. Bernardi, qui cū religiosum describeret, nō satis habuit, ut eum pingeret tamquam peregrinum, quoniam hic etiam pauca habet, aliqua tamen habet, sed pingit etiam ut mortuum, pingit ut crucifixū: quia, inquit, ita ab actibus sæculi alienus est, sic vituperantes, quemadmodū laudātes audit, immo nec audit, quia mortuus est, & quæ mūd⁹ amat, crux ei sunt, honores, diuitiæ, voluptates. Sed illud hic mirabile, quod in veterib⁹ illis holocaustis fieri non potuit, in his vtro nostris ne aliter quidem fieri potuit, quod, ut Paulus iudicat, simul cum hac

Hom. vult. Exechi. verissima morte coniuncta sit etiam vita verissima, ut neque hæc vita mortem illam impediatur, neque illa mors vitam hanc adimat. Nam si omnino vitam eriperet, facultatem etiam eriperet serviendi Deo: sin autem nulla esset mors, non esset holocaustum verum. Vtrumque igitur misceri oportuit, ut, quemadmodum ait S. Gregorius, & esset hostia, quia homo huic mundo moritur, & tamen esset vivens, quia cuncta, quæ prævalet, operatur. Quamobrem recte de hac morte, ut sic loquar, vitali, dictum est à S. Paulo? Mortui enim estis, & vita vestra abscondita est cum Christo in Deo: quod, ut idem Gregorius interpretatur, tum assequimur, cum à temporalium desideriorum tumultibus abstracti, relictis omnibus externis, interiora tantum attendimus: ut dum tota mens in Dei amorem aspirat, nulla terrenarum rerum perturbatione tangatur. Itaque hic etiam optime convenit quod in veteribus illis holocaustis ex Dei præscripto servabatur, ut ceteris absumptis, sola pellis sacerdoti cederet. Nam cum, ut ante dictum est, nullus hic alius præter nos intercedat sacerdos, nihil nobis de nobis ipsis remanet, præter pellē, id est, exteriorem hanc corporis speciem, quæ eadem perseverat, nec mutari potest per religionis ingressum. Reliqua vero, quæ interiora sunt omnia diuino illo igne comburuntur, quoniam eius numini, eiusque gloriæ cōsecratur: ut in hoc statu illud facillime, & maxime fiat, quod *Gal. 2.* Paulus Apostolus dicebat de seipso, vivere se quidem, nempe quod ad externam illam figuram attineret, & tamen non se vivere, sed in se Christum ipsum. Quæ cum ita sint, iure omnino, ac vere totam religiosi hominis vitam holocaustum appellare licebit, cui nimirum tum reliqua holocausti perfectio non desit tum etiam mortis ipsius: neque id breve holocaustum, sed iuge ac perpetuum, quia vitam totam, quam longa est, complectitur. Ex quo sane, vel vno, admirabilis quædam religiosi instituti dignitas elucescit. Nam si Abel, aut Noe, aut magnus Abraham numquam magis Deo placuerunt, quam eo ipso tempore, cum sua illa celebrata sacrificia obtulerunt, nec omnino potest homo in vita sua melius aliquid, sanctiusve facere, quam cum Deo sacrificat: sed hoc non potest semper facere, atque adeo non nisi raro: qualis erit status ille, in quo quamdiu durat, & spirat homo, perenne sacrificium est? Immo vero eo etiam nobilius est hoc nostrum, quam omnia illa vetera holocausta, quia non hic bouem, aut arietem caro sed & humana caro, & animus carne pretiosior immolatur.

Comparatio religiosæ dignitatis cum regia.

CAPVT XVI.

His perspectis, quæ de religiosi status dignitate disputata sunt, facile iam est, eius collatione omnem huius mundi dignitatem despicere, longoque interuallo inferiorē iudicare, non solum reliquas minores, sed ipsam quoque regiam, quæ hominum iudicio summa est, & qua humana ambitio nihil habet altius, quo ascendat. Hæc comparatio superba fortasse videatur, & arrogans si ex nostro ingenio proferretur; sed ea tam celebres, & certos habet auctores, ut nemo sit, quem illorum nomen, & auctoritas non conuincat. Præterea ex ante dictis cum esse constat religiosæ vitæ splendorem, ut ex hac comparatione potius ei aliquid decedat, quam accedat. Multo enim maius est, tantam in eo existere Dei similitudinem, quantum antea ostendimus, quam regis alicuius terreni, cuius & potentia, & maiestas quæcumque est, Dei respectu exigua est, & nulla. Est autem primum similitudo quædam huius status cum rege, communis etiam cum aliis probis, sanctisque hominibus quos Beda quodam loco magnos reges esse ait, quia tentationum suarum motibus non consentiendo succumbere, sed regendo præesse nouerunt. Ac Gregorius quoque illud Canticorum carmen explanans, Sexaginta sunt Reginae, Quid per reginas, inquit, nisi sanctorum animæ designantur quæ dum corpora sua prudenter regunt, regnum sibi æternum acquirunt? Sunt enim nonnulli in sancta Ecclesia, qui carnem suam macerant, & propter Deum affligunt, vita vincunt, dæmones velut tyrannos sibi subiiciunt, omnes motus suos, ut ordinate currant, sapienter regunt, aliis prædicant hoc quod ipsi faciunt, multos à faucibus dæmonum gladio verbi pugnantes abstrahunt. Quid huiusmodi animæ, nisi reginæ existunt, quæ dum regem Christum sponsum suum valde diligunt, amoris commixtione, & libidinis execratione regios filios, id est, fideles populos gignunt? His verbis Gregorius non quidem religiosorum nomen, ac vocabulū apposuit, sed rem, & statum ex ipsis eorum officiis, muneribusque apertissime descripsit, eoque præsertim quod has animas Christi sponsas appellat, quod votorū vi agi alibi monstrauimus. Chrysostomus verò, ubi hoc ipsū argumentum tractans, eas etiam colligit rationes, ita proprias religiosis, ut in nullum aliud vitæ genus conuenire possint.

Nam in eo opere, quod scripsit aduersus reprehensores vitæ monasticæ, cum secundum librum instituat contra gentiles, & ethnicos, ignaros videlicet tum euāgelij, tum futuræ gloriæ, tamen ea ex præsentī tantū vita argumenta congerit, vt sine vlla dubitatione demonstret, liquidoque probet, monachum longe superiorē esse rege. Etenim cum in regio munere duo sint præcipua, & maxima, potestas, & honor, de vtroque sic differit: Quod tu, inquit, summæ potestatis argumētum esse putas? nonne vt possit quis & hostes, & omnes sibi infestos vlcisci, cunctosque, qui se beneficiis affecerint, remunerari? Atqui hanc potestatem omnem ne apud regem quidē inuenire poteris. Nam & plurimos habet infestos inimicos, quibus vicem reddere non potest, & plurimos beneficos, quos non facile potest remunerari. Verum hac ipsa potentia, qua ne reges quidē ipsi frui possunt, aliam longe maiorem, atque excellentiorem habet monachus. Si enim vlcisci inimicos, ea demum summa potestas est, multo plane erit excellentius, eiusmodi statum vitæ reperire, cui nemo sit, qui, etiamsi velit, nocere possit. Nam etiamsi magnū sit, quempiam adeo rei bellicæ peritū esse, vt omnes, à quib⁹ feriat, referiat, multo tamē præstātius, atque cōmodius est, eiusmodi corpus habere, quod à nemine quantalibet machinatione vulnerari queat. Verum hac potestate alia adhuc longe maior est, vt nemo non solū nocere, sed nec velle quidem nocere possit. Sic enim multo magis tutus, ac securus erit, præsertim cum etiamsi nocendi facultas desit, odisse tamen possint, quod ipsum odium non parum de hominis gaudio, & felicitate detrahit. Quid igitur hoc vitæ statu singularius, quid diuin⁹ dici, aut fingi potest, cui nemo nocere velit, nec si velit, possit? Quis enim eum lædere, aut iniuria afficere velit, qui nihil habeat commune cum hominibus? Aut enim inuidia, aut timore, aut ira commouemur, vt aliquem lædamus. At iste illustissimus, & plane regius his omnibus superior euasit. Quis enim illi inuideat, qui cuncta irridet, quæ alij amant & mirantur? Quis ei irascatur, à quo nulla fuerit laceffitus iniuria? Quis eum metuat, quem nulla re suspectum habet? Constat igitur, neminem esse qui nocere velit. Quod autem non possit, ne si velit quidem, id quoque manifestum est. Nullæ enim sunt occasiones, & causæ, quibus eum aliquis impedire possit, sed vt aquilæ ublime volans minuta rū auium laqueis non capitur, ita & religiosus. Vnde enim,

vel

vel ex qua causa aliquis ei noceat? Pecuniâ ille nō habet, vt
 damnum metuat: patriam non habet, vt exilium ei intente-
 tur: gloriam non optat, vt dedecus timeat. Vnum reliquum
 est, mors scilicet. Sed eam qui intulerit, non modo illū non
 lædet, aut aliquo afficiet mœrore, sed summa illi afferet cō-
 moda. Eum enim ad aliam transmittit vitam, quam ille
 summis ambit desideriis, cuius gratia cuncta agit, & moli-
 tur. Quod autem ad honorem attinet, is quoque maior est
 monachi, quam secularis. Nam secularis potentia multos
 quidem, habet, qui vereantur, verum non pauciores qui
 oderint. At religiosum omnes & iucunde, & cum voluptate
 honorant: & quidem etiam sæpe alioquin humili loco nati,
 agrestiumque, atque operariorum filij, cum se ad hanc phi-
 losophiam contulissent, facti sunt adeo omnibus venerabi-
 les, vt ne ij quidem qui in summis dignitatib⁹ agebāt, eru-
 bescerēt proficisci ad illorum tuguria, & cum iis colloqui,
 & quidem cum eo affectu, tamquam magna quedam bona,
 quod erat verissimum, adepti essent, propterea quod cum
 iis sermonem habuissent. Hęc, & alia multa Chrysostomus.
 Atque idem etiam hunc locum eundem copiosius tractauit
 in sermone quodam, quem inscripsit, de comparatione re-
 gis, & monachi, qui ita accurate, & luculente scriptus est, vt
 qui cum legerit, ampli⁹ nihil sit, quod in hoc desideret: nos
 hic particulam tantum inferemus Rex, inquit, vrbibus, pro-
 uinciis, populisque multis præsidet: at monachus iræ, inui-
 diæ, auaritiæ, voluptati, ceterisque animi morbis imperat,
 & cogitationem supra res omnes humanas erectam tenet.
 Atque hunc quidem regem verius, quam illum dixerimus,
 quippe qui si libidini, si timori seruiat, non ipse populis im-
 peritat, sed ea quibus ipse paret, & quorum ex præscripto
 mouetur. Ac rex quidem cum barbaris bellum gerit, idque
 pro terrarum finibus, pro opibus, pro auro: at monachus
 cum dæmonibus depugnat, quorum & impetus acriores,
 & natura excellentior est, atque ideo victoria præclarior,
 finis autem pro pietate, pro Dei cultu. Qualis autē vtriuf-
 que vitæ consuetudo? Hunc videas cum prophetis versan-
 tem, Pauli sapientiam haurientem, à Mōse ad Esaia, ab
 Esaia ad Ioannem, à Ioanne ad alium quempiam transeun-
 tem. Itaque, vt fieri solet, eorum, quibus cum versatur, simi-
 lis efficitur. Rex vero cum parasitis, cum adulatoribus, cum
 militibus gloriosis vitam traducit. Vigilat ille de nocte, vt
 cum Deo colloquatur, vt cum angelis viuatur, vt cœlestibus

bonis fruatur. Hūc autē, qui gentibus, & populis dominatur, videas eo tempore in lecto distentum, & stertētem, parum à mortuo differentem. Rex vt valde sit beneficus, aurum tamen largitur: ille vero spiritum gratiæ, atq; ipsorum etiam corporum beneficia à Domino impetrat precibus suis, & nihil æquę oderunt, fugiuntque dæmonēs, vt monachi preces, ad quas reges ipsi non raro compulsi confugiūt, vt Achab ad Helyam, Ezechias ad Esaiam. Deniq; mors regi horribilis est, monacho etiam grata, & ille mortem semper timet, eamque ob causam milites semper adhibet sui corporis custodes, hic autem non modo neminem timet, sed etiam alios, vrbesque totas precib⁹ suis tamquam muro communit. Hactenus Chrysostomus. Nos autem in hac comparatione illud etiam addere possumus, quasi coronidis loco, quanta sit differentia in ratione vtriusque adipiscendæ dignitatis. Reges enim vel nascuntur, vt qui hæreditate ad regnū perueniunt, vel hominum suffragiis eliguntur; quod sane gloriosius est: quoniam illud quidem felicitatis est, hoc virtutis, si tamen in eligēdo virtutis ratio habeatur. Atqui religiosi tantum hoc beneficium neq; natiuitate, neque vllius hominis concessu prouenit, sed vnus Dei voluntate, quos ille certo iudicio à reliquorum turba selectos in suam familiam cooptare, suisq; famulis aggregare dignatus est. Non enim humano consilio, non nostro studio, aut alterius hominis instinctu tantæ res, tamque arduæ, atque à naturæ viribus remotæ confici possunt, vt seculum relinquatur, vt parētum, & fratrum carnalis amor superetur, vt voluntatē nostram perpetuo hoc iugo captiuemus. Non habet natura vires tantas, neque, vt ita dixerim, scalas, aut etiā alas, vt tam alte conscendere possit. Sed hoc totum, quantumcumque est, opus est Dei, de quo extat illa Christi vox, non ad Apostolos tantum, sed ad omnes, Non *Ioan. 15.* vos me elegistis, sed ego elegi vos: & illa, Nemo potest venire ad me, nisi pater meus, non solum vocarit, aut inuitarit, vel etiam impulerit, sed traxerit, inquit, eum. Quantum igitur est hoc, quod nos Deus ita dilexerit, ita cōplexus sit, & tãti boni participes fecerit, vltro, ac sua spōte, nullo nostro merito, & potius contra, indignos, & immerentes, præfertim etiam repudiatis tam multis aliis: vt nobis quoque illud prædicare liceat, Non fecit taliter omni nationi, & iudicia sua non manifestauit eis. Magna igitur religiosi dignitas, nō modo ad tãtā rem delectū esse, sed & à tanto auctore,

*Ioan. 15.**Ioan. 6.**Psal. 147*

ctore, cuius iudiciū cum nostro honore cōiunctū nō vnus tantummodo populi regnum deferentis, sed totius orbis, atque omnium, qui vñquam fuerunt, vel erunt, hominum iudicia infinito interuallo superat. Hāc differentiam inter regiū ipsum statum, & statum religiosum multi declararūt ex ipsis regibus, & dynastis, qui sceptris, ac palatiis relictis, ad vilem tunicam, pauperemque cellam sese humiliarūt, in eaque vita multo maiorem, ac veriore felicitatem se inuenisse professi sunt, quā autea in illo honore, quem mundus stultissime tanti æstimat. Inter quos insigne certe fuit exemplum Sautocopij Morauix regis, anno salutis fere D E C C C. qui prælio victus ab Arnulpho Imperatore, regis insignibus abiectis, in remotam solitudinē profugit, vbi in monte, qui Sambrius dicebatur, quibusdā monachis, qui illic degebāt, repertis, cū iis se coniunxit, & monastica veste accepta, aliquot annis eandem vitā in ieiuniis, ac vigiliis, ceteraq; corporis austeritate incognitus egit. Denique, imminente iam morte, socios aduocans, aperuit quis esset, luculentū adiiciens religiosæ vitæ testimoniū, se, qui & hanc, & regiā expertus esset, hāc sine vlla comparatione illi anteferre. Hic enim, inquit, secure, ac sine vllō metu somnum cepi: hic mihi herbarum radices, & aquæ potus multo iucundior, & suauior fuit, quā olim regiæ omnes epulæ, quæ videlicet multo felle curarum, & periculorū assidue aspergebātur. Itaq; hoc quicquid fuit temporis, quod vobiscum duxi, longe mihi felicius visum est, quā cum olim regnans omnibus voluptatibus affluebam: ex quo, vel meo ipso vsu didici, vitam illam huic comparatam, mortem potius esse dicendam. Hæc ille moriens.

De iudiciaria potestate, quam habebunt religiosi.

C A P V T X V I I.

OMnes dignitates huius mundi, & imperia omnia vna cum hominis vita finē habent: at religiosi tum multis, & præclaris in hac vita fruuntur, tū vero alia etiā post mortem multo maiora cōsequētur; inter quæ illud est, quod in supremi iudicij die, in illius amplissimi muneris partē venturi sunt, vt vna cū Christo sententiā ferant salutarē iis, qui ad dexterā stabūt, funestam iis, qui ad sinistram. Sed vt hoc quāti sit certius cognoscatur, omnino redigenda est nobis in memoriā, & quali oculis repræsentāda illius dici acerbitas, & horror, illius, inquā, dici, quem Sophonias propheta

- Soph. 1.* his verbis describit. Iuxta est dies Domini magnus, iuxta, & velox nimis. Vox diei Domini amara, tribulabitur ibi fortis. Dies illa, dies iræ, dies tribulationis, & angustię, dies calamitatis, & miserię, dies tenebrarum, & caliginis, dies nebulę, & turbinis, dies tubę, & clangoris. Cui consonant etiam Ioelis dicta, qui illius diei quasi pręsentis formidine commotus ita ait: Conturbentur omnes habitatores terrę, quia venit dies Domini, quia prope est dies tenebrarum, & caliginis, dies nubis, & turbinis. Magnus enim dies Domini, & terribilis valde, & quis sustinebit eum? Recte autę Gregorius ex hoc quasi indicio de illi⁹ tēporis horrore cōiecturā facit, quod Dominus, imminente iam passione, vna mitissimę responsionis voce armatos persequutores suos
- 16. Mar. c. ult.* in terram prostravit: Quid ergo (inquit) facturus est, cum iudicatur⁹ venerit, qui vna voce hostes perculit, etiā cū iudicandus venit? Quod est illud iudicium, quod immortalis exerit, qui in vna voce non potuit ferri moriturus? Quis eius iram toleret, cuius & ipsa non potuit māsuetudō tolerari? Quare cum tam ingens vbique luctus, & pavor tum futurus sit, vt omnes homines exanimati, ac suspensi, seueram illam summi iudicis sententiam expectent, magnū sine dubio, & potius maximum esset beneficium, posse in tanta reliquorū perturbatione, securo, atque impauido animo consistere, & illud vltimum, & immutabile de salute æterna decretum etiam cum gaudio expectare. Ex quo illud est, quod ait Chrysostomus, religionem hoc habere, vt qui eam sequuti sint, primum in hac vita bonis multis repleat, deinde post vitę exitum hilares, & ludibundos ad Dei tribunal perducatur, quo potissimum tempore principes huius mundi, qui ab omnibus penę adorabantur, magnas admissorum pęnas dabunt. Bernardus etiam quod in psalmo dicitur, Quoniam ipse liberauit me de laqueo venantium, & à verbo aspero, huic ipsi, de quo nunc agimus, commode applicat: ait enim hūc laqueum eundem esse, de quo Apostolus loquitur: Qui volunt (inquit) diuites fieri incidunt in tentationes, & in laqueū diaboli: Verbum autę asperum esse vltimā illam vltimū illius iudicij sententiā. Itaque sic fratres suos alloquitur: Vos, qui reliquistis omnia, & sequuti estis non habentem vbi caput reclinaret, filium hominis, exultate, & dicite: Quoniam ipse liberauit me de laqueo venantiū. Confitemini illi toto corde, tota anima, tota virtute, & ex ipsis medullis cordis gratias ei agite, dicētes:

tes: Quoniam ipse liberauit me de laqueo venantium. Et ut noueritis quā magnum sit beneficium hoc, & sciatis quā à Deo donata sunt vobis, audite quod sequitur, Et à verbo aspero. O homo, vel magis bestia, laqueum nō timebas, time vel malleū. A verbo (inquit) aspero. Quod est hoc verbum asperum, nisi, Tollatur impi⁹, ne videat gloriā Dei, Ite maledicti in ignē eternum? Vos autem fratres mei, vos pēnati, ante quorum oculos frustra iacitur rete, vos qui diuitias huius seculi reliquistis, quid timeatis à verbo aspero, quoniam iam liberati estis à laqueo? Quibus enim dicitur, Ite maledicti in ignem eternum: Esuriui enim, & non dedistis mihi manducare. Quibus (inquam) dicitur, nisi iis, qui substantiā huius mundi habuere? Numquid non valde exhilarantur ad verbum hoc corda vestra, & spiritali iucunditate replentur? Numquid non pretiosiores ducitis paupertatem vestrā thesauris seculi, siquidē ipsa est quā liberat vos à verbo aspero? Quomodo namque à nobis exigit Deus quod pro ipsius amore relictum est? Hæc Bernardi. Igitur si nihil aliud religiosi hæc vita conferret, quam ut tempore illo arescentibus ceteris hominibus præ timore, & expectatione eorum, quæ superuenient, ipsi contra exultent, quoniam appropinquat eorum redemptio, satis hoc, superque esse deberet, ut quicquid esset laboris, ac crucis, recte positum, & iure toleratum videretur. Sed tamen est aliquid multo maius, quod nimirum & securitatem hanc multo magis cōfirmat, & addit incredibilem dignitatē, ut iudicialis potestatis, quam Christus à patre in diem illum accepit, ipsi quoque partem, Christi concessu, vsurpent, nec tamquam iudicandi ad tribunal illud assistant, sed tamquā iudices in ipso tribunali consideant. Atque hoc sane tantum est, ut ne sperare quidem audeat homo, aut etiam delatum credere, nisi is deferret, qui & omnia facere potest, & in promissis suis fallere non potest. Quid igitur iucundius sit religioso, quam ipsam eius quasi promissi, ac chirographi formulā intueri? Amen (inquit) dico vobis, quod vos, qui Matt. 19. reliquistis omnia, & sequuti estis me, in regeneratione, cū sederit filius hominis, sedebitis & vos super sedes duodecim, iudicantes duodecim tribus Israel: per quas tribus Israel, non illam modo Hebræam gētem, sed, ut solet in scriptura, vniuersum Dei regnum, & fideles omnes cōprehēdi voluit. Quod autem ait, Sedebitis, id primum iudicandi munus indicat, deinde & securitatem, & eminentiam, ac dignitatem

In psal.
80.

dignitatem inter alios, denique locum etiam Christo proximū. Neque vero mouere quempiam debet, quod sedium numerus ad duodecim restrictus sit. Recte enim Augustinus huic ipsi quæstioni respondēs, inesse ait in eo quiddam mysterij, vt hoc finito numero, præsertim ita perfectō, omnis indefinitus numerus comprehendatur: nam si duodecim tantum sellæ ibi futuræ sunt, non erit vbi sedeat tertius

1. Cor. 6. decimus Paulus Apostolus, & non erit quomodo iudicet, qui tamen iudicaturum se dixit non homines modo, sed & angelos. Nō solum ergo, inquit, illi duodecim, & Apostolus Paulus, sed quotquot iudicaturi sunt, propter significationem vniuersitatis, ad sedes duodecim pertinet. Hæc autem, quæ Augustinus dicit, ratione optima nituntur. Nam, vt ipsa Saluatoris promissio indicat, causa vnicā, cur hæc gloria, & hæc potestas Apostolis tribueretur, ea fuit, quod omnia reliquissent, & sequuti essent ipsum. Igitur quicumque idem fecerint, vt omnibus diuitiis, & diuitiarum spe, ac cupiditate relicta, Christi scholæ se dediderint, iis idem præmium, eademque mēces debebitur. Nam quod illi præsentem, religiosi vero absentem Christum sequuti sint, id non modo nihil imminuit de fidei præstantia, sed addit potius, Multa enim illi habuere incitamenta, quibus nos caremus, vt præsentia miracula visu ipso percepta, vt consuetudinē, ac familiaritatem, vt etiam doctrinæ dulcedinem, de qua

10. 6. omnium nomine dixit Petrus, Domine ad quem ibimus? verba vitæ æternæ tu habes. Neque vero id etiam de merito quicquam adimit, quod illi Christo ipsi se subiecerint, nos alteri homini Christi loco; quoniam nunc quoque, qui hoc facit, Christo se subiicit, quem in hominis persona agnoscit, & veneratur: atque hoc ipsum fortasse, si fidē spectemus, maius est, non modo principi per se aliquid imperanti obedire, sed eius etiam ministris, ac præconibus, & quidem infimis, eius nomine iubentibus. Quare etiam msi sine dubio hoc quodcumque est, maiore ab illis virtute, & caritate peractum est, quibus primitiæ spiritus tributæ sunt, tamen si factum respiciamus, idem est quod nos facimus, ac quod illi fecerunt, idem finis, idemque vtriusque propositum, vt sane Bernardus non dubitarit, illa de se, & de nobis omnibus magnifice prædicare: Apostolicā, inquit, omnes nos vitā professi sumus, Apostolicæ professioni nomina dedim⁹ vniuersi.

Serm. de
ingrat.

Quod sane nō de ea gloria sanctitatis dixerim, quā nō sibi tantum, sed vniuerso orbi suscipere meruerunt,

runt, sicut scriptum est, Suscipiant montes pacem populo,
 & colles iustitiam, sed de eorum potius professione, qua *Psal. 71.*
 pro omnibus loquitur Petrus, dicens, Ecce nos reliquimus
 omnia, & sequuti sumus te. Accedit illa quoque ratio, quod *Esa. 9.*
 ut humani generis redemptio proprium fuit Christi Do-
 mini opus, propriusque labor, quippe qui pater vocetur fu-
 turi seculi, sic etiam eius proprium fuit iudicandi munus,
 ac dignitas, quia pater non iudicat quemquam, sed omne
 iudicium dedit filio. Sed tamen quoniam ita eidem Domi- *Io. 5.*
 no visum est, in tanti muneris societatem Apostolos quo-
 que asciscere, idque non quocumque modo, sed eadem pau-
 pertate eadem humilitate, atque aduersarum rerum tole-
 rantia, quam Christus ipse, dum viueret, tenuit, nimirum
 diuine illius tum bonitatis fuit, tum etiam cuiusdam equi-
 tatis, ut quibuscum laborem, cum iisdem quoque commu-
 nicaret honorem. Atqui religiosus status hoc ipsum iam fa-
 cit, & semper fecit. Semper enim, ut infra copiosius expo-
 nemus, aliqui fuere religiosi, qui summam Ecclesie operam
 nauarent, etiam ex ipsis monachis, multo autem magis à plu-
 ribus iam seculis, cum hæc instituta, ita Deo inspirante, non
 ad suum tantum, sed aliorum etiam salutem dirigi cœperunt.
 Ac licet aliis quoque operariis abundet Ecclesia, qui opportu-
 nis ministeriis populos informant, in quo sane laudè merē-
 tur, tamen ubi iam extra religiosos euangelicam illam nudi-
 tatem inueniemus, quæ nulla omnino re possidenda elucet,
 ita ut dicere possint, Ecce nos reliquimus omnia: Recte au-
 tem B. Thomas episcoporum ordinem ait esse sane à Christo
 institutum, verum non ita, ut possessionibus, & pecuniis, & ex-
 terno isto splendore abundaret: quin potius contra ad pau-
 pertatem eum informasse, cum illam regulam tradidit, Noli-
 te portare sacculum, neque peram, & reliqua: diuitias vero
 postea esse ex indulgentia, ac dispensatione, temporibus sic
 exigentibus, in Ecclesiam receptas. Hæc autem, quæ S. Thomas
 de episcopis disserit, idem tenendum de reliquo clericorum or-
 dine, qui Ecclesiasticis functionibus inseruit. Ex quo appa-
 ret, hanc virtutis præstantiam, cui Dominus tantum hono-
 ris in illum iudicii diem promisit, non solum religiosi veris-
 sime conuenire, sed in ipsis propemodum solis iam reman-
 sisse, quoniam ipsi soli sunt, qui omnia relinquunt.

*Op. com.
 retra. à
 re. c. ult.
 Luc. 10.*

Sed quia res hæc tanta est, tantaque huius promissionis
 amplitudo, ut eam cordis nostri angustia vix capiant, confit-
 memus hanc diffidentiam auctoritate sanctorum Patrum, qui
 hoc

hoc Domini dictū, ita ut debebant, accipientes, ex hoc ipso capite religioſe vitæ dignitatē magnopere exornarunt. In primis enim Nazianzenus in oratione aduerſus Iulianum

Or. 1. in Iulian. apoſtatā, inter ceteras multas monachorū laudes, hanc etiā inſerit, quod ipſorū ſit ſedere ſuper thronos. Hierōnymus autem in epiſtola quadam, ſe ipſum, inquit, Deo offerre,

Epist. 28. Chriſtianorum, & Apoſtolorū eſt, qui duo cum vidua paupertatis ſuæ in gazophylatium æra mittentes, totum cenſum, quem habuerant, Domino tradiderūt, & merentur audire, Sedebitis ſuper duodecim ſolia iudicantes duodecim tribus Iſrael. Eadem dicit Auguſtinus, non ſolū grauis doctōr, ſed maxime certus. Qui, inquit, illius perfectionis de vendendis rebus ſuis conſilium tam grande, tamq; præclarum non receperunt, & tamen à damnableſibus immunes criminibus, eſurientem Chriſtum pauperunt, non ſedebunt quidē cum Chriſto ſublimiter iudicaturi, ſed ad eius dexteram ſtabunt miſericorditer iudicandi. De ipſis vero

Epist. 89. q. 4. religioſis tam certum eſt hoc apud Auguſtinum, ut eadem epiſtola quosdam ex iis aduerſus humiliorem, & imperſectiorem ſecularium ſtatum ſeſe efferentes, his ipſis verbis caſtiget. Ambulent, ait, perfectionis viam, veditis omnibus ſuis rebus, & miſericorditer erogatis: ſed ſi vere pauperes Chriſti ſunt, & non ſibi, ſed Chriſto colligunt inſirmiora eius membra, quæ puniunt antequam iudiciarias ſedes acceperint: Si enim tales erunt, qualibus Dominus dicit,

Mat. 19. 1. Cor. 6. Sedebitis ſuper ſedes duodecim iudicantes duodecim tribus Iſrael, & de qualibus Apoſtolus dicit, Neſcitis quia angelos iudicabitis, præparent porius non criminoſos, ſed religioſos diuites recipere in æterna tabernacula, à quibus amici facti ſunt de mammona iniquitatis. Gregorius autem ſæpius hoc idem confirmat: nam in libro decimo moralium extremo ita diſſerit. Tunc, inquit, reproborum oculis pateſcet, quod cœleſti poteſtate ſubnixi ſunt, qui terrena omnia ſpōte reliquerunt. Vnde electis Veritas dicit, Vos

Mat. 9. qui ſequuti eſtis me in regeneratione, cum ſederit fili⁹ hominis in ſede maiestatis ſuæ, ſedebitis & vos ſuper ſedes duodecim iudicantes duodecim tribus Iſrael. Neque enim plus, quam duodecim iudices illa interni conſeſſus curia nō habebit, ſed nimirū duodenario numero quātitas vniuerſitatis exprimitur: quia quiſquis ſtimulo diuini amoris excit⁹, hic poſſeſſa reliquerit, illic proculdubio culmē iudiciariæ poteſtatis obtinebit, ut ſimul tūc iudex cū iudice veniat,

niat, qui nunc consideratione iudicij sese spontanea pauper-
 tate castigat. Hinc est enim quod de sanctæ Ecclesiæ spon-
 so per Salomonem dicitur, Nobilis in portis vir eius, quan- *Pro. 31.*
 do sederit cum senatorib⁹ terræ. Hinc Esaias ait, Dominus *Esa. 3.*
 ad iudiciū veniet cum senioribus populi sui. Hinc eosdem
 seniores Veritas non iam famulos, sed amicos denunciat,
 dicens: Non iam dicam vos seruos, sed amicos meos. Quos *Iob. 15.*
 nimirum Psalmista intuens ait, Mihi autem nimis honora-
 ti sunt amici tui Deus: quorum dum celsitudinem cor- *Psal. 138*
 dis aspiceret, mundi gloriam qua calce calcarent, protinus
 addidit, Nimis confortatus est principatus eorū. Ac ne pau-
 cos esse crederemus, quos proficere ad summam tantę per-
 fectionis agnoscimus, illico adiunxit, Dinumerabo eos, &
 super arenam multiplicabūtur. Idem confirmat Gregorius *20. Mor.*
 alio loco moralium, vbi de sapiente stultitia loquens, Hæc, *cap. 10.*
 inquit, stultitiam qui perfecte sequuti sunt, voce Sapientię
 audire meruerunt, Vos qui sequuti estis me, sedebitis super
 sedes duodecim. Ecce relinquētes temporalia, gloriam po-
 testatis æternæ mercati sunt. Quid itaque in hoc mundo
 stultius, quam sua deferere? Et quid in æternitate nobilius,
 quam cum Deo iudices venire? Vberius etiam hoc ipsum *20. Mor.*
 in eodem opere, vbi cum quatuor hominum genera in ex- *cap. 20.*
 tremo iudicio conuentura commemoret, quorum alij iu-
 dicentur, & pereant, vt improbi Christiani, alij non iudicē-
 tur, & pereant, nimirum infideles, qui sine lege peccantes,
 sine lege peribunt, alij iudicentur, & regnēt, boni scilicet,
 & pii fideles, de quarto genere eorum, qui non iudicantur,
 & tamen regnant, hæc scribit. Qui, inquit, præcepta legis
 perfectione virtutum transcendunt, qui nequaquam hoc
 solū, quod diuina lex præcipit, implere contēti sunt, sed præ-
 stantiori desiderio plus exhibere appetūt, quā præceptis ge-
 neralibus audire potuerūt. Quib⁹ Dominica voce dicitur,
 Vos qui reliquistis omnia, & sequuti estis me, cū sederit fi-
 lius hominis in sede maiestatis suæ, sedebitis & vos super
 duodecim thronos, iudicātes duodecim trib⁹ Israel. Hi ita-
 que in extremo iudicio nō iudicātur, & regnāt, quia cū au-
 ctore suo etiā iudices veniunt. Relinquētes quippe omnia,
 plus prompta deuotione exequuti sunt, quam iuberi gene-
 raliter audierunt. Speciali namq; iussione paucis perfectio-
 ribus, & non generaliter omnibus dicitur hoc, quod adō-
 lescēs diues audiuit, Vade, & vende omnia quæ habes, & da
 pauperibus, & habebis thesaurū in cælo, & veni, & sequere *Mat. 19.*
 me.

statis exerescent. Addamus his Anselmum quoque, qui in
epistola quadam ita scribit, Dominus consulit ad perfectio- *Epist. 10.*
nem in entibus, ut omnia relinquunt, & se sequantur. Ipse
omnia relinquentibus, & se sequentibus promittit, quia se-
debunt cum illo in iudicio iudicantes duodecim tribus Israël.
Suauissime vero, ut solet, & disertissime S. Bernardus, quod
in psalmo quodam dicitur, Absorpti sunt iuncti petrae indices *Qui ha-*
eorum, ita de religiosis interpretatur, ut non modo indices *bitat.*
futura sint cum petra, qui Christus est, sed sic futuri, ut om- *Serm. 8.*
nem misericordiae affectum exuentes, ad summi ipsius iudicis
exempla, solius iustitiae recordetur; absorpti plane in affectum
iustitiae, & petrae soliditatem, cui iuncti sunt, imitantes, cui
pro eo petrae ut iungerentur, & quam solam ut sequerentur,
cetera omnia reliquerunt. Nempe hoc, inquit, est, quod
interroganti Petro quidnam essent accepturi, petra ipsa res-
pondit, Sedebitis & vos iudicantes duodecim tribus Israël.
O familiaritatis gratiam, o honoris culmen, o fiducia pri-
uilegium, o prerogatiuam securitatis perfectae. Quid enim
tam pauendum, quid tam plenum anxietatis, & vehemen-
tissimae sollicitudinis excogitari potest, quam iudicandum
astare illi tam terribili tribunali, & incertam adhuc expe-
ctare sub tam districto iudice sententiam? sane ut quorun-
dam peccata, sic & quorundam studia bona manifesta sunt *1. Tim. 5.*
praecedentia ad iudicium, ut illi quem expectantes senten-
tiam proprio statim pondere criminum in tartara deiician-
tur: isti veto è regione paratas sibi sedes tota libertate spi-
ritus sine ulla contradictione conscendant. Felix paupertas
voluntaria omnia relinquentium; & sequentium te Domine
Iesu. Felix plane tam quæ tam securos, immo, gloriosos fa-
ciat in illo singulari fragore elementorum, in illo tremendo
examine meritum, in illo tanto discrimine iudiciorum.
Eandem quoque materiam vberime alio loco tractans, tum *Ser. Ecce*
huius dignitatis amplitudinem, praestantiamque exaggerat, *nos reliq.*
tum rationem etiam reddit, cur hoc potissimum praemij ge-
nus religiosis tribuatur. Cum enim in paupertate duo intant
incommoda, primum humilitas, & abiectio, deinde etiam
multorum laborum perpessio, nimirum merito hoc esse à
Domino institutum, ut pro laboribus sessio, pro contemptu
celtitudine tantæ potestatis redderetur, ut si quis voluptate
duceretur, illum sitiret voluptatis torrentem, si quis gloriae
cupidus esset, ad hanc potius tam veram, tamque ingentem
gloriam aspiraret; itaque in sedibus quidem quietem im-
B b perturbat.

perturbatam, in iudicio dignitatis eminentiam commendari. Quibuspositis, exponit deinde quantus in ea re splendor insit, quàmque infinito interuallo super humanos omnium titulos, ac dignitates excellat. Quis, inquit, secularis honor excogitari potest, qui non prorsus in tâtâ sublimitatis comparatione vilescat? Non vnus siquidem ciuitatis, aut populi, seu regionis vnus, sed vniuersitatis iudices habent præfidere cum Christo. Nec solum homines, sed & ipsos angelos iudicabunt, qui par entem ad modicum vaporem præsentis gloriæ dedignant, & exsufflantes, improprium Christi vniuersis præferunt titulis dignitatum. Nolite timere pusillus grex, quia complacuit patri vestro dare vobis regnum. Definitum est consilium, quod non euacuabitur, propositum immutabile perseverat, denique iurauit Dominus, & non poenitebit eum: Amen dico vobis, quod vos qui sequuti estis me in regeneratione, cum sederit filius hominis in sede maiestatis suæ, sedebitis & vos iudicantes. Quid gloriosius? Iudicent nunc, & præiudicent superbiam filij, cum rege suo sedeant, qui latera aquilonis. Infelix prorsus ambitio, quæ ambire magna non nouit, querens de modico crescere, & de maximo minui. Amant enim cathedras primas, quæ velut grossi ficuum velociter sunt casuræ. Caueant igitur qui primas cathedras amant, ne contigat carere secundis, & qui primos nunc recubitus eligunt, incipiant cum rubore locum tenere nouissimum. Sedebitis, inquit, super sedes duodecim iudicantes duodecim tribus Israël. Has nimirum sedes prouiderat, qui de superna ciuitate dicebat, Illic sederunt sedes in iudicio, sedes super domum David. Illic plane, non hic.

Psalm. 121. Hæc est enim perfectorum gloria singularis, inter ipsos etiã eminere fideles, & ceteris quoque saluandis præeminere auctoritate iudiciariæ potestatis, vt iuxta illud de psalmo sedeant supra domum David. Quid istud miseriæ est, quod ad verbum tantæ promissionis negligentia humana dormitat? Sic Bernardus tantam hanc religiosi status excellentiam miratur, sic etiam miratur, quod homines cum tam auide omnem in mundo honorem vanum, & leuem, & breuem consecutentur, hunc tam verum, tamque magnum non consecutentur, vt Dei filio socij sint in actione omnium præstantissima, & gloriosissima, idque in oculis non vnus ciuitatis, aut regni, sed omnium, qui sunt, qui fuerunt, & qui futuri sunt, hominum, insuper vero innumcrabilium etiam angelorum.

CAPVT XVIII.

EST, huius, quam modo diximus, actionis amplitudo, & gloria tanta est, vt omnes omnium regum purpuræ, ac sceptræ, etiam si in vnum congerantur, ne comparari quidem possint cum ea, multo tamē maior est gloria illa, quam in cœlo religiosi percipient. Nam illud quidem quicquid est, & quantumcumque est, temporale est, hoc autem æternum, & præter illud totum ad honorem quendam pertinet, qui extrinsecus est, hoc autem est in anima ipsa repositum. Verum hoc melius etiam cognoscetur, si id intelligemus, quod ipsa fides recta demonstrat, cœlestem illam beatitudinem, etsi re eadem sit in omnibus, quoniam in eo consistit, vt Dei essentiam, id est bonum illud, in quo omne bonum inest, reuelata facie videamus, eius tamen varios esse, & differentes gradus: de qua varietate apte Gregorius, *Quia*, inquit, in hac vita nobis est discretio operum, erit in illa proculdubio discretio dignitatum, vt quo hic alius alium merito superat, illic alius alium retributione transcendat. Cum igitur tanta sit inæqualitas, eaque ex sola meritorum huius vitæ inæqualitate proueniat, facile iam intelligitur quāto vberiora futura sint religiosorum præmia, quibus status ipse tantam commoditatem præbet augendi, & multiplicandi merita. Primum enim in hoc statu multo copiosior suppeditat materia, ac seges operum & per se meliorum, & præter ea etiam difficiliorum, quam in seculari. Nam in seculo quidem raræ omnino occurrunt virtutis exercendæ occasionēs, easque magno studio quæri, & accersiri necesse est, religiosis autem domi assidue nascuntur, quoniam institutum, & regulæ, & superiores, & æquales, & omnes denique, omnia, quibuscum viuunt, & inter quæ viuunt, ea virtutum officia non modo offerunt, & ingerunt, sed etiam exigunt. Itaque vt faber in ligno, aut ferro tractando totis diebus versatur, quoniam ea est illius artis materia, sic religiosi occupationes in vna virtute continentur, eiusque operibus tum externis, tum internis. In quo non voluntas tantum, ac feruens cuiusque studium valet, sed quædam etiam necessitas, vbi iis se quisque legibus obligauit, quibus modo orare, modo legere, modo ad humilia ministeria se se demittere, modo varia fraternæ charitatis munera obire cogatur, vt, etiam si velit, quiescere non possit à recte agendo. Quare

4. Mor.
cap. ult.

cum omnis hora, & omnis dies plenus sit eiusmodi benefactis, facile est videre quæ tandem summa, & quam grandis efficiatur. Quo in genere commode Aegidius ille S. Francisci socius dicere solebat, ut aiunt, Si Tiberis non deflueret, sed aquam, quæ semper labitur, retineret: quantum iam excreuisset? Immo vero non solum tot anni, quibus iam fluit, sed pauci omnino dies satis essent, ut ex flumine ingens mare fieret. Idem igitur licet de religiosis dicere, cum quotidie, vel potius assidue bonis operibus accumulandis insistant, atque in eo noctes, & dies elaborent quas coronas, quantam gloriæ accessionem fieri necesse est? Ad hæc accedit etiam paupertas, magnus, & pereunis per seipsam meritum fons, propter quotidianas molestias, & incommoda, quibus animam dirat. Accedit etiam obedientia, cuius virtutis tanta vis est, ut leuissima quæque, ac minutissima opera illius impulsu facta sæpe plus Deo placeant, quam alia multo maiora proprio consilio, atque arbitrato. Cum autem omnis religiosorum vita obedientiæ præscriptis concludatur, ita ut non maiora modo negotia, sed minores quoque, ac vulgares actiones ab ea pendeant, ut cibus, & somnus, ut ambulatio, & alia eiusmodi, quis æstimet quantus ad extremum ex his omnibus cumulus fiat? Palladius monachus, qui priscorum monachorum res oculatus testis conscripsit, seipsum commemorat, cum aliquando animo æger esset, & anxius, propterea quod videretur sibi inertem prorsus, atque inutilem vitam in cubiculo agere, ob eam causam ad Macharium illum Alexandrinum adisse; illum autem, ut erat Dei spiritu plenus, eius mœrore cognito, ita ei dixisse, Responde tuis cogitationibus, te propter Christum quatuor tuæ cellæ parietes custodire. Nempe indicare voluit, quanti pretij sint opera hominis religiosi, qui totum se Deo tradidit, quando etiam ipsum otium Dei causa, & Dei voluntate susceptum, non esset otiosum, nec infructuosum. Maximum vero monumentum ad illius gloriæ incrementum addit etiam religiosæ vitæ humilitas. Necesse est enim, illam Christi Domini sententiam, ac promissionem impleri: Omnis, qui se humiliat, exaltabitur: quod si de iis quoque intelligi debet, qui de se demisse sentiendo, animo tantum sese humiliant, multo magis in eos conueniet, qui non solum animum humilem gerunt, sed etiam infimum statum, & ab omni gloria, fastuque humano remotissimum amplexati, in paupertate etiam, qua nihil hominum æstimatione vilius, aut ignobilius

lius esse solet, totam vitam duxerunt. Hos igitur in cœlo exaltari æquum est, quoniam ita se in terra humiliarunt. Atque aliud est quoque Domini dictum, quod religiosos bona spe implere debet. Qui, inquit, mihi ministrat, me sequatur, & ubi ego sum, illic sit & minister meus. Sunt autem inter Christi ministros gradus multi. Ut enim regibus multi sunt subditi, qui ipsi quoque quibusdam in rebus eis seruiunt, sed tamen seruorum nomen iis tantum conuenit, qui in ipsorum regum domibus viuunt, eorumque ori, ac voci semper præsto sunt, & quorum nullum aliud est negotium, quam regia negotia: sic omnes quidem Christiani Dei ministri, & famuli appellari possunt, sed ij magis omnino vere, magisque proprie, qui suis domibus, suisque rebus relictis, in Dei domum se transtulerunt, eiusque solius rebus curandis intenti sunt. Qua ex re illud etiam magnum sequitur commodum, de quo à nobis alio loco dictum est copiosius, ut quoniam res ipsæ, quas religiosus tractat, Dei sunt, non ipsius, multo maiorem ex ipso statu facultatem consequatur, quicquid agat, ad Deum dirigendi, in quo meritum ratio consistit. Nam nisi sponte nequam seruus esse velit, qui quasi Domini pecuniam, sic ille obsequium surripere, & ad seipsum detor uere velit, ipsa quidem opera plerumque per se, ac suo pondere, alia leui conatu, impulsuque adhibito, ad suum feruntur finem, id est ad Deum, qui quod illa suam in gratiam perfecta agnoscit, & grata habet, & iusta remuneratione prosequitur, eaque præsertim cum multiplicata fuerint, immensum quoddam æternæ gloriæ pondus conflare necesse est. De hac ergo gloria Basiliius quodam loco disserit, ubi ipsum Deum de voluntariis Eunuchis, qui nempe Castitatem sibi voto deuinxerunt, ita loquentem inducit: De humano (inquit) nomine Angelorum immortalium ei nomen dabo, quod non deficiet, ut cœlum, & cœli pulcherrimam partem habeant ad immorandum, atque in cœli pulcherrima sede, hoc est in domo mea intra septa habitantes, non Angelorum iam natum tantum, ad dignitatem perpetuæ successionis accipiant, ipsi sibi in æterna vita pro successionem generis sufficientes, verum & locum inter Angelos habeant illustrem, atque excellentem, nomenque indelebile pro eximie virtutis splendore. Tractat hunc locum etiam Chrysostomus in tertio libro eorum quos scripsit aduersus vituperatores vitæ monasticæ, his verbis. Quid igitur? qui domum, & uxorem habet, saluus esse non poterit? Primum quidem,

Ioan. 12.

*Libr. de
uirg.*

10.14. non vna salutis via , nec vnus modus, sed multi, & differen-
 1. Cor. 5. tes, quod Christus ostēdens , apud Patrem multas esse asserit
 mansiones. & Paulus, Alia est, inquit, claritas solis, & alia lu-
 næ, alia stellarum , idest, alij quidē fulgebunt sicut sol, alij
 sicut luna, alij sicut stellæ. Diligenter igitur per quos dignita-
 tum ac meritorum gradus descendes , si à solis magnitu-
 dine ad vltimam, & minimam stellam deuoluaris Ita Chry-
 sostomus, illud etiam addens, iniquissime, & indignissime
 homines in hoc agere, qui si locum in aliqua regia quæ-
 rant, omnem dent operam, vt quam optimū, quamque
 honestissimū consequantur, sintque regi carissimi, &
 coniunctissimi, at vero cœlestis, vt ille ait, militiæ, cœle-
 stiumque optione proposita, non doleant, & lamententur, si
 postremum teneant locum, sintque omnium nouissimi. At-
 que hoc idem libro pene extremo repetit, atque inculcat,
 ita differens, etiam si nobis certa esset salus, tamen contē-
 dendum esse, vt primos gradus in cœlo habeamus, sicut
 in quouis certamine turpe est, vltimo loco relinqui. Atqui,
 inquit, seculares extremo in loco reponentur, si tamen se-
 culi impedimenta perumpere potuerint, quod est arduum,
 & difficillimū. Quid igitur stultius, quam cum possis in eum
 ordinem referri, qui in ipsos etiam angelos obrutus defi-
 gat, malle in vltimis consistere? Hæc Chrysostomus illo lo-
 co. Nam idem in illa nobili homilia, qua monachum cum
 rege comparat, hæc etiam habet. Post hanc, inquit, vitam,
 monachum quidē videbimus splendidum, ac conspicuum
 rapi inter nubes ad occursum Christi in aëra, exemplo du-
 cis sui, & institutoris huius vitæ salutaris, omniumque vir-
 tutum. At rex, si modo iuste, & integre imperium admi-
 nistrarit, minorem salutem, minoremque gloriam conse-
 quetur: si autem male se gesserit, quis enarrare possit ca-
 lamitates, quas eum sustinere videbis igni exustum, flagellis
 cruciatum, denique ea patientem, quæ nec verbo exprimi,
 nec re ipsa tolerari possunt?

Est autem his omnibus illud quoque addendum, quod ple-
 rique docti non hanc solum, quam hætenus diximus, com-
 munis beatitudinis excellentiam religiosis tribuerunt, sed
 etiam propriam quandam, ac peculiarem lauream, id est, vt
 Theologi definiunt, accidentale gaudium essentiali præmio
 superadditum, idque ipsius corporis decore declaratum ob
 aliquod factum insigne, ac præcipuum. Hoc enim in quauis
 republica bene instituta videmus. Nam cum omnes præmio,
 & pœna

& pœna contineantur, tum deinde præter generalia præmia, recte factis proposita, sunt etiam quædam propria heroicis operibus, ut olim militibus non ordinaria tantum stipendia, sed etiam qui præclarius aliquid gessissent, ijs tum coronæ ciuicæ, tum murales, tum triumphique quoque decreti erant. Ita in cœlo, præter essentialē mercedem communi virtuti debitam, sunt etiam extra ordinem præmia, singulares, & præcipui honores, ut virginum, ut martyrum, ut etiam doctorum, quorum sunt omnium celebres pugnx, & victoriæ, contra carnem, contra mortem, contra Satanam. Sed si his ideo hæc laurea decernitur, cur non etiam religiosi suam habeant lauream, qui perpetuam ipsi quoque continentiam colunt ut virgines, nec cessant proximis prodesse ut doctores, & propter quotidianas cruces tam prope absunt à martyrio, quā à nobis supra ostensum est, & denique etiā si nihil aliud haberent, illud habent, quod mundum, & mundana omnia contempserunt, & in eo contemptu semper vixerunt; quod quidem nemo negarit; quin sit ex insignibus, & excellentibus factis, quæ ab homine in hac vita existere possint, ut ei quoque facto singularis merces debeatur, ut, sicut ait Scriptura, accipiat vnusquisque de manu Dei *Sap. 3.* regnum decoris, & diadema speciei. Huius gloriæ magnitudo, quæ religiosos manet, tum alijs sæpe multis, tum semel Franciscano cuidam nouitio ostensa magnam omnino, ut debebat, in eius animo vim habuit. Is enim cum ita religionis oneribus premeretur, & præterea ita à dæmone oppugnaretur, ut iam vix sustineret, & de seculo repetendo indignas aleret cogitationes, hoc vno cœlesti remedio sanatus est. Nocte quadam dum in templo ante venerabilem Eucharistiam pertransiens, adorandi causa, genu. corpusque inflectit, illo ipso momento raptus, ac defixus est in eiusmodi visione. Aspiciebat longum agmen multorum hominum ordine procedentium, eodem habitu, eademque forma. Omnibus vestes erant candidæ, vultus autem, & manus, & pedes, quæ corporis partes è veste eminebant, ita splendidæ, ac radiantibus, ut cum ipsa solis luce certarent. Omnes autem nescio cui tamquam hospiti recens aduenienti obuiam ire, cumque cum festiua gratulatione amplecti, atque etiam cum honore deducere videbantur. Quæ ille cum timore, & horrore perfusus spectaret, ab vno illorum inquirens quidnam id esset, cognouit Franciscanam esse familiam, quæ ad suum quendam, qui tum è vita migrarat, in cælum comitandum

prodisset. Viuere autem omnes in cœlo latissimos, & felicissimos, atque honorem illum candidarum vestium, quas videret; datum eis esse pro religioso, quem in terris gestarât, habitu, fulgorem autem corporis pro carnis incommodis; ac ipsum quoque eiusdem gloriæ participem futurum, si in suscepto consilio fortem se, & constantem præstitisset. Atque id quidem ille deinceps facile effecit; ita enim confirmatus est, ut numquam amplius vacillarit. Nos autem hæc eius visio de alia quoque felicitate admonet, quæ religiosis in cœlo parata est, ex sui cuique ordinis, ac familiæ coniunctione. Sic enim putandum est, idque hoc ipsum, quod diximus, agmen indicauit, esse in cœlo separatum, ac distinctum, ut ita dicam, singulis ordinibus locum, atque ad eum omnes, qui ex eodem grege illuc perueniant, adiungi; quæ sine dubio noua est gloriæ, ac lætitiæ materia. Etenim si in hoc mundo adeo iucundum est, cum fratribus, eiusdemque instituti, ac studij socijs conuiuere, & colloqui, idque propter caritatem, non potest dubitari, quin hoc idem illic multo iucundissimum sit futurum, vbi & caritas tanto erit ardentior, & omnium virtutes tum naturæ, tum gratiæ, omnibus vitijs detractis, infinito intervallo perfectiores, & hæc ipsa bona tanto clarius tamquam ex perspicua chrysallo perspicitur: quæ omnia quantum ad amorem addent, tantum etiam ad mutuæ consuetudinis æternam suauitatem. Quare hoc certum esse debet, magnam omnino felicitatem fore, & certe maiorem quam hic capi, & credi possit, in tali cœtu concilioque semper versari, atque eius etiam tam illustri concilij aliquam partem esse.

De antiquitate status religiosi, & primum ut in lege veteri designatus fuerit.

C A P V T X I X.

AGGRÉDIMVR nūc alterum genus dignitatis, quam habet religiosus status: Nam quæ adhuc tractata est, ex virtutum, quæ in eum concurrunt, copia, & magnitudine, ex Dei coniunctione, & similitudine, atque ex ijs etiam honoribus, qui post hanc vitam sequuturi sunt, maxima sine dubio, & præstantissima est, sed partim spiritualis, & in animo latens, partim etiam non præsens, sed multo post futura. Itaque splendor illa quidem, sed oculis Dei, & illorum tantummodo, qui eiusdem Dei luce illuminatos habentes oculos, iusto hæc iudicio æstimare possunt. At hi
quidem

quidem pauci sunt, aliorum comparatione propemodum nulli; quoniam, ut ait sapiens, Stultorum inhnitus est numerus. Quare ne hæc tanta res, adeoque salutaris à mortalibus signoraretur, quædam etiam Deus illi ornamenta addit, ita aperta, ac conspicua, ut omnium vel rudium oculos incurrerent. Nemo enim, ait Dominus, accendit lucernam, & ponit eam sub modio, sed super candelabrum, ut luceat omnibus qui in domo sunt. Fecit igitur quod dixit. nam hoc lumen, quod ad depellendam huius mundi obscuritatem in mundum introduxit, non in speluncis, aut cavernis occuliauit, sed in publicum protulit, itaque hanc disciplinam nobilitauit, ut eam non modo seculi nobilitati parem fecerit, sed longe superiorem ipsi ipsis rebus, quæ in seculo prima habentur, & præcipua: Nam quæ etiam humano iudicio familijs, aut ciuitatibus, & cuilibet denique cætui, aut congregationi splendorem afferre solent, antiquitas originis, hominum multitudo, vel præstantia, cum eorum præclara facta ad aliorum notitiam, & celebritatem, & alia eiusmodi, quæ, ut dixi, etiam mundus gloriosa existimat, omnia in statu religioso ita abundant, ut certe nihil habeat humana iactantia, quod huic veræ, & solidæ gloriæ, non dicam præponat, sed etiam componat, & comparet. Itaque hæc quoque iam explicanda erunt, in primis autem vetustas, de qua etsi hoc ita tenendum est, debuisse tantam virtutis præstantiam Euangelio reseruari, ut eam Dei filius si cum è cælo deferret, maxime cum priora illa secula, quæ Paul⁹ puritæ comparat, quia nihil ad perfectum adduxit lex, tantam spiritualem perfectionem capere non possent; cum igitur, ut dixi, esset reseruanda in hanc plenitudinem temporum, & gratiæ, quæ facta est per Iesum Christum, tamen ad eam ornandam, & illustrandam magnopere pertinuit, ut etiã in veteri testamento aliqua eius imago, & quidẽ certa, & expressa existeret. Primum enim magnam huius vitæ similitudinem gessit Elyas, qui sine vxore, sine liberis, sine familia, castam, cælibemque semper egit vitam, in tanta insuper paupertate, ut vestium loco, zona pellicea amictus describatur, viduum autem modo à vidua, modo à coruo quasi mendicatum acciperet. Huius discipulus, atque instituto simillimus fuit etiam, ut legimus, Elyseus, qui ab illo ad perfectiorem hanc formam inuitatus, paternis statim agris, & bobus, quin ipsi parentibus, & domo relictis, magnum etiam exemplum religiosis dedit, quam hæc impigre pro Christi nomine de-

Ecc1.1.

Mat.5.

1. Cor.

13.

Heb.7.

4. reg. 1.

3. reg. 17.

3. reg. 19.

serenda sint. Tales etiam illi fuere, qui horum utriusque ductum sequentes, illorumque magisterio, ac disciplina, perfectius quoddam institutum tenentes, prophetarum filij vocati sunt. Hos enim à reliquo vulgo segregatos fuisse, & communem quendam inter se vitam vixisse, apparet ex miraculis, quæ Elysæus fecisse scribitur, tum aquis illorum rogatu sanandis, tum ollæ amaritudine abstergenda, tum etiâ pane, qui omnibus vsui futurus erat, multiplicando. Castitatem autem illud ostendit, quod nullo loco, vel vxorum, vel liberorum fiat mentio, nec aliter in communem vitam conuenire potuerint. Denique etiam obedientia factò illo satis declarata est, quod Elysæo post Eliæ raptum reuertenti occurrerunt omnes, eumque, ut scribitur, proni adorauerunt, quasi hoc externo reuerentiæ signo cõtestantes, se obedientiam, quam prius Eliæ præstiterant, iam in ipsum transferre. Quamobrè iure Hieronymus hos omnes, quos diximus, veteris testamenti monachos vocat; idẽque alio loco, se ipsũ monachis annumerans, Noster, inquit, princeps Elyas, noster Elysæus, nostri duces filij prophetarum, quod iisdem per e verbis dicit Isidorus, qui in libro de Ecclesiasticis officiis, hunc utrumque, & ceteros prophetas monachorum principes appellat. Ad quos etiam accedit aperte Cassianus, qui ab iis ait monasticæ professionis primordia esse fundata. Nihil tamen euidentius in tota veteri lege, nihilve similius, quam Nazaræi, eaque tota ceremonia, quæ iis adhibebatur: quæ fuit causa ut Nazianzenus, oratione in Basilij laudem, religiosos omnes nostrates Nazaræos vocet, & S. Thomas per Nazaræos in veteri lege sanctificari solitos, eos significari existimet, qui ad perfectionis apicem aspirant; ex quo is etiâ doctè argumentatur, ad perfectionis statum necessarium esse votum. In hoc igitur magna erat illius instituti cum nostro similitudo, quod illi quoque, ut nos, Deo consecrari, & Deo sanctificari dicebantur, & omnino Dei sese obsequiis dicabant, idque etiam voti nexu addito. Sed hoc nos superamus, quod illi non semper ad totam vitam, sed plerumque ad certum tempus, longius, aut breuius, ut visum esset, nos in perpetuum. Illi à certis tantum rebus abstinebant, nos omnia secularia plane relinquimus. Denique hanc omnem tum similitudinem, tum distantiam apertius demonstrant ipsæ ceremonia, legesque Dei iussu præscriptæ, quæ cum religiosa instituta clarissime repræsentent, ex illa ymbra rerum carnalium, facile spiritualis huius status perfectio constabit. Igitur id

tur id primum erat, quod non solum à vino, sed etiam à sic-
 ra. & quicquid potatum ebrietatem afferre posset, seueris-
 sime se continebant. Per vinum, ait Hieronymus, id omne *Amos 2.*
 intelligitur, quod mentis statum dimouere potest. Hoc au-
 tem nihil est aliud, quàm amor cuiuslibet creatæ rei. Vt
 enim nemo per se ebrietatem amat, sed vinum amat, ex quo
 largius sumpto sequitur ebrietas, vt autem largius sumatur,
 ipsa eius dulcedo gustata allecat: ita nemo est, qui à recta
 mentis constitutione deturbari velit, sed hoc sequitur ex vsu
 terrenarum rerum, quia fieri vix potest, quin ad eas animus,
 atque affectus adhærere. Igitur hoc faciunt religiosi ad
 hanc ebrietatem adeo noxiam euitandam, vt agros, & do-
 mos, & omnia relinquunt, atque eorum ipsorum, quibus ne-
 cessario ad vitam vtuntur, ita parce, ac tenuiter, nullum ta-
 men dominium, ac potestatem habeant; quæ quidem est
 perfectissima rerum omnium nuditas. Quin illud etiam ob-
 seruandum, quod Nazaræis illis non solum à vino, sed etiam
 ab omni re, quæ propinquitatem aliquam cum vino habe-
 ret, fugiendum erat, vt ab aceto, aut quocumque liquore,
 qui ex vua exprimeretur, quin immo ab vua quoque recen-
 ti, atque etiam passa, cuius ne acinum quidem gustare fas eis
 erat. Sic enim religiosi ex ipso statu non modo remoti sunt
 ab ijs rebus, quæ omnino coniunctæ sunt cum peccato, sed
 etiam ab omnibus, quæ aliquam affinitatem, vel illecebram
 peccati habeant. Valde enim procliuè est ab acinis ad vnam,
 ab vua ad vinum, à vino ad ebrietatem ipsam prolabi, id est,
 minimis gustatis, ad maiora venire, & à licitis ad illicita;
 quoniam hæc est natura cupiditatis, sensuumque nostro-
 rum. Secunda lex Nazaræi erat, ne nouacula transfret super
 caput eius, sed cæsariem intactam semper nutrire. Hoc ma-
 nifeste indicat religiosum ira Deo sacrum esse, vt tum ipse,
 tum quicquid in eo sit, sanctum sit, Deoque deuorum. Nam
 si capilli ipsi, minima hominis pars, & minime necessaria,
 sancti tamen censebantur, quanto magis lingua, & manus, &
 ceterum corpus, & anima ipsa? Bene etiam Origenes. Naza- *Hom. 6*
 ræi (inquit) non abscindunt capillum; quia iusti quicquid fa- *in Leui.*
 ciunt, prosperabuntur, & folia eorum non decident. Hinc &
 discipulorum Domini etiam capilli capitis numerati esse di-
 cuntur, hoc est, omnes actus, omnes sermones, omnes cogi-
 tationes eorum seruantur apud Deum, quia iustæ, quia lau-
 dæ sunt. Tertia lex, super mortuum non ingredietur, nec
 super patris quidem, & matris, fratris, sororisque funere
 contaminata

contaminabitur. Posset ambigi quinam essent intelligendi mortui, nisi Christus Dominus esset interpretatus, qui de secularibus loquens ad eum, quem suo destinabat obsequio,

Matt. 8. Permite, inquit, mortuos sepelire mortuos suos, tu autem veni, & sequere me: & quidem ij mortui, quos hic sepelire volebat, parentes erant. Hoc igitur religiosi affert status ipse, ut mundum primum, qui præcipue mortuorum nomine censetur, deinde omnem carnem, & sanguinem, cuius nimio affectu animam contaminari necesse est, omnino relinquunt, ac deserant, nec cum ea ullum amplius habeant commercium. Ex quo fit, ut facile se puros, & impollutos ab omni labe conseruent. Sequitur quarta lex, ut voti tempore exhausto, addiceretur ad ostium tabernaculi, ibi autem triplex sacrificij genus adhiberet, pro peccato, pacificum, & holocaustum. Nobis autem quibus idem est seruendi terminus, qui etiam viuendi, tum demum voti tempus expletur, cum vita expletur. Tum verò ad ostium tabernaculi sistimur, illius tabernaculi, ubi Deus habitat, in cuius felicitatem nos quoque euocamur ad mercedem diuturnæ seruitutis accipiendam. Quinetiam triplicem illam hostiam suppeditat nobis status ipse, holocaustum quidem, quia nos totos sine exceptione Deo tradidit, pacificam autem hostiam, quia nulla aprior ratio ad eius pacem, ac beneficia promerenda; denique pro peccato, quia etiam si aliquid negligentiae in vitam nostram aliquando obrepserit, ipsius tamen religionis vis, & illa tam abundans recte factorum copia, etiam ista facile abstergit. Itaque illud quoque sequitur, quod est quasi totius sacrificij clausula, ut abradi capilli in ignem coniiciantur, sed cum ignem, qui suppositus est sacrificio. Quid enim hoc esse putemus? an Deum tetra nidore ambustorum criminum delectari? Sed hoc indicatur, etiam minimas, ac minutissimas religiosi hominis actiones, quoniam in igne caritatis imponuntur, quem ignem ipse status asserre solet, esse diuino numini gratissimas, quod tum maxime apparet, cum quasi aduentante vespera, operarij ad denarium accipiendum vocantur. Itaque cum tanta sit similitudo Nazæorum cum religiosi, quinimmo cum religiosi tanto intervallo Nazæis illis præstent, an dubitabimus, quin ut Nazæi inter illos veteres principatû in religione obtinebant, idem de religiosi quoque existimandum sit? Rectius igitur, & verius de his Nazæis, quàm de antiquis illis dici

Thre. 4. possit, quod apud Hieremiam prophetam scriptum est,
Candidiores

Candidiores niue, nitidiores lacte, rubicundiores ebore antiquo, sapphyro pulchriores. Hunc enim ipsum locum de religiosis aptissime interpretatur Gregorius, quorum vitam niue, & lacte candidiorem dici ait, quia per niuem, utpote quæ ex alto venit, optimi quique, & cœlestes viri, lacte verò, quod ex carne exprimitur, ij qui terrena rectè dispensant, designati sunt, quibus tamen utrisque religiosorum status antecellit. Qui etiam quia per feruorem spiritus antiquorum, ac fortium patrum (ebur enim os est magnorum animalium) nonnumquam vincere vitam videntur, rectè additur, Rubicundiores ebore antiquo. Denique quia præcedentes multos, atque ad superna tendentes per cœlestem conuersionem superant, Sapphyro etiam pulchriores appellantur. Sapphyrus enim ætherei coloris est. Hæc Gregorius. itaque sicut palatii alicuius, hortiue descriptio chartis designata delectat, non propter se, sed propter palatium, aut hortum, quem refert, atque hæc quidem cum re ipsa perfecta fuerint, multo magis delectare necesse est, quam illam designationem; sic cum Deo veterum illorum Nazaræorum forma tantopere placeret, quæ tantum erat religiosorum imago, eaque rudis admodum, & adumbrata, quanto hæc ei instituta gratiora esse oportet, in quibus tam solida inest omnium virtutum euangelicarum perfectio? Quare multo iam magis, quàm illo tempore, licebit ei in hac euangelica lege quodammodo gloriari, & pro magno beneficio apud Ecclesiam, Christianosque omnes id commemorare, quod est apud prophetam Amos. Ego sum qui ascendere vos feci de terra Ægypti, & suscitavi de filiis vestris prophetas, & de iuuenibus vestris Nazaræos. Tantum enim opus, talisque vita (quod & ante diximus, & dicendum est sæpius) nec nisi Deo auctore suscipi, nec nisi ipso adiutore retineri potest.

Cap. 2.

*Religiosum statum ab ipso Christo institutum fuisse,
& in ipsum primum Apostolis.*

C A P V T X X.

IAM verò si religiosi status primordia inspiciamus, ut quasi lex natalibus nobilitatem ipsius æstimemus, sine dubio nec clariorem, nec generosiorem ullius rei ortum esse posse comperiemus. Non enim ab homine, neque per hominem fluxit, sed ab ipso Dei filio, in quo sunt omnes thesauri sapientię,

pientiæ, & scientiæ Dei, qui inter reliqua salutis documenta
 hanc quoque viuendi formulam, quo perfectiorem, eo certè
 diligentiùs, & accuratiùs suo primū exemplo, deinde voce,
 ac præcepto expressam reliquit; de quo quidem, nisi hære-
 ticum, video dubitare neminem. Hæretici enim tum recen-
 tiores omnes, tum antiquiores etiam, & inter eos perditus
 ille Vuiclef, nullum telum, nullūque argumentum contra
 nos accuratiùs intorquent, quam hoc ipsum, quod status hic
 merum sit hominum inuentum. Itaque illud contra tenen-
 dum est sine vlla dubitatione, quod modo posui, vnū Chri-
 stum esse huius instituti auctorem ipsius cōsilio, ipsius voce,
 & auctoritate promulgatum esse. De qua re cum alij multi,
 tum copiose grauis theologus, atque præcipuus, Valdensis
 disserit in eo libro, quem de sacramentalibus inscripsit, & ipso
 recentior Clitoux in opere de votis monasticis. Verū
 quid opus est externis testibus, cum ipsius euangelij auctori-
 tatem teneamus? Nam cum religio tribus illis, quæ sæpè iam
 diximus, votis cōtineatur, videamus vt singula ab ipso Chri-
 sto in lucem prolata sint. Nam de castitate quidem illud ex
 ipsius ore habemus, Sunt eunuchi, qui se ipsos castrauerunt
 propter regnum Dei: quo verbo non eos designat, qui sim-
 plici quodam voluntatis proposito à coniugio abstineant:
 non enim hi dici possunt eunuchi, cum facultatem habeant,
 cum voluerint, coniugij eligendi. Eos igitur potius designat,
 qui voto, & eo quidem perpetuo, maximèque solemnī, cu-
 iusmodi est in religione, eam sibi facultatem penitus, atque
 omnino absciderunt. Paupertatē verò quibus expressioribus
 verbis commendare potuit, quàm illis, Nili quis renuncia-
 uerit omnibus quæ possidet, non potest meus esse discipulus?
 aut cum discipulis suis eam formulam dedit, Nolite habere
 aurum, neque argentum, immo verò neque sacculum, aut
 peram, vt adiungit? Denique obedientiam etiam tum præ-
 scripsit, cum dixit: Qui vult venire post me, abneget semet-
 ipsum. Nam in hac abnegatione tum alij doctores obedien-
 tiæ votum intellexere, tum verò, quod maximum est, Con-
 cilium Senonense, vt extat in quodā eius decreto. Quæ cum
 diuisim, vt occasio ferebat, præceperit Dominus, tum deinde
 omnia coniuncte, & copulate præcepisse visus est, cum vt
 tres euangelistæ ijsdem ferme verbis commemorant, iuueni
 illi ad se adeunti, & æternæ vitæ adipiscendæ rationem in-
 quirenti id responsum dedit, in quo certè, vt Augustinus te-
 statur, ei quæ omnes consentiunt, illustre admodum religiosæ

vocationis exemplat reliquit, eiusque quod quotidie euenire solet in animabus ad hoc institutum adducendis Primum enim quid illud est quod scribitur, Iesus autem intuitus eum, dilexit eum? nisi quod hoc beneficium non defertur, nisi iis, quos peculiari modo quodam Deus respicit, & peculiari amore diligit. Quod autem dicit, Vnum tibi deest, idque ei dicit, qui præcepta omnia ab ineunte ætate semper obseruauerat, illicere eum voluit cupiditate perfectionis, cuius pulchritudo per se mirum in modum amabilis est. Vt enim si statua aliqua inchoata sit, ita vt caput, & summa pectoris, & brachia politissima arte perfecta sint, reliquum tamen corpus imperfectum, ac rude maneat, ipsamet statua si sensum habeat, dolere debet, & magnopere cupere vt absoluator: sic ille cum audiret, quantum sibi adhuc deesset, ita eum exstimulari oportuit, vt non nisi eo adepto conquiesceret. Sequitur deinde consilium, ac formula perfectionis cum suo premio. Vade, & vende omnia quæ habes, & da pauperibus, & sequere me, & habebis thesaurum in cælo. Nam cum omnia dicit, nihil eum sibi reseruare vult, sed cunctis omnino expoliari, ac nudari. Cum verò vendere iubet, eam abdicationem significat, quæ perpetua sit, & irreuocabilis. Denique verbis illis, Sequere me, tum cetera consilia, tum etiam obedientiæ, includuntur. Hoc igitur Christi domini consilium fuit, ita aperte, atque expresse ipsiusmet ore promulgatum. Hanc igitur eandem perfectionem, quam ille quidem iuuenis vltro sibi à Salvatore oblatam stultissime rececit, omnium prima ipsa Apostolorum schola excepit. Sic enim sentiunt, & sic scripserunt doctissimi viri, nostræ huius religiosæ vitæ formam ab Apostolis primum susceptam, & vltu, atque opere explicatam esse. Nam de paupertate nullum esse possit dubium, cum appareat ex ipsorum actis, quæ scripta sunt in euangelio, & Petrus id omnium ore profiteatur: Ecce nos reliquimus omnia: quibus iisdem verbis vt paupertatem, quam diximus, sic etiam continentiam profitetur. Nam voce illa, omnia, sine dubio vxores etiam continentur, còque argumento vtitur Hieronymus ad Iouinia-
Mat. 19.
 num confutandum, maximè, vt ille inquit, cum ipse Domi-
Lib. 1. in Iouini.
 nus Petro respondens, inter alia, quæ relinquantur, vxores commemoret, quasi id ab Apostolis factum indicans: ex quo confirmat Hieronymus, habuisse quidem vxores, sed quas eo tempore acceperant, quo adhuc euangelium nesciebant, statim autem atque ad apostolatam assumpti sunt, officium coniugale

coniugale reliquisse: eamque ob causam alio loco, apostolos omnes ait vel virgines, vel post nuptias fuisse continentes.

Apol. ad Pam. Postremo obedientia ex illis etiam verbis elicitur, Et sequuti sumus te. Quid enim aliud est alterum sequi, quam illius præscripto vivere, ei que in omnibus obtemperare? Cum igitur hæc tria sine vlla dubitatione habuerint omnes Apostoli, restat vt ostendatur ne voti quidem vinculum defuisse, quo se ad hæc tria obligarint. Hoc autem & alij theologi, & in primis Aluarus Pelagius vir doctus, & grauis demonstrat in libro quem scripsit de planctu Ecclesiæ, & in eam rem multas congerit rationes, & hanc præcipuè, quod votum, vt ille ait, est consilium consiliorum, & forma, & perfectio eorum: quia quodcumque sit consilium, super quod cadat id essentialiter perfectius reddit, & Deo acceptius. Ex quo ille quidē effici putat, sic hoc Apostoli caruissent, non futuros fuisse in apice perfectionis, ac potius eam abdicationem harum earundem rerum, quam quotidie incunt quilibet religiosi, quia votum annexum habet, perfectionem futuram fuisse, quam illa apostolorum: quod quidem temerarium est dictu, atque etiam improbum, & impium. Addit hoc etiam, nihil esse dubitandum, quin Apostoli non solam rerum possessionem, sed etiam habendi voluntatem reliquerint, vt vere dicere possent, se omnia reliquisse. Atqui hæc voluntas relinqui non potest, nisi per votum; quoniam non renunciatur voluntati, si prohibito resumere eam liceat. Accedit quod hi non certe imperfectius sua reliquerunt, quam iuuenis ille de quo paulo ante diximus, reliquisset, si Domini consilio obtemperans omnia vendidisset. Idem enim illi consilium tum proponebat, quod iam antea Apostoli dudum erant exequuti. At qui vendit, nihil sibi in rem illam iuris, aut dominij retinet: ergo ne Apostoli quidem in res suas. Bene autem, & aperte B. Thomas hoc ipsum, qui ita ait, non esse ambigendum, quin Apostoli vouerint omnia, quæ ad perfectionis statum pertinerent, quando Christum omnibus relictis sequuti sunt. Optime vero omnium, & clarissime Augustinus. De terra, inquit, suscitatus est ille supra omnes diuites pauper, & de illo stercore erectus supra omnes populos opulētos ille inops, vt sedeat cum potentibus populi, quibus ait, Sedebitis super sedes duodecim, & sedem gloriæ hæreditatis dans eis. Dixerant enim potentes isti, Ecce nos diuisimus omnia, & sequuti sumus te. Hoc votum potentissimi vouerant. Sic Augustinus. Cum hoc igitur constet, Apostolos & paupertatem, & castitatem,

castitatem, & obedientiam coluisse, insuper etiam has ipsas virtutes non libera tantum voluntate amplexos esse, sed ea per voti vinculum astricta, quid est causa, cur non in ipsis posita religionis prima fundamenta, & ab ipsis, Christo auctore, hanc perfectionis præstantiam natam agnoscamus? Et certe ita decebat, ut & tanta hæc res illorum dignitate, & sanctitate ornareretur, & illi, qui omnium magistri, ac doctores futuri erant, hac quoque laude, in qua tantum ornamentum inest in omni Evangelica pulchritudine, non carerent.

Religiosum institutum ut viguerit tempore Apostolorum

C A P V T X X I.

HA NC sanctitatis formulam, quam à Christo hauserat Apostoli, eandem statim primæuæ illi Ecclesiæ impresserunt, utpote adhuc teneræ, ut in omnem partem flexibili, ad omnem Spiritus sancti motum. Itaque & istam rerum omnium vacuitatem, & vitæ communitatem non illi modo centum viginti complexi sunt, qui vno cœnaculo conclusi, vnum efficiebant corpus, sed alij etiam eius temporis Christiani horum opera Hierosolymis propagari, de quibus ita scriptum est, Multitudinis credentium erat cor vnum, & anima vna, nec quisquam eorum, quæ possidebat, aliquid suum esse dicebat, sed erant illis omnia communia. quotquot enim possessores agrorum, aut domorum erant, vendentes, afferebant pretia eorum quæ vendebant, & ponebant ante pedes Apostolorum. Diuidebatur autem singulis prout cuique opus erat. Atque in hoc ipso aliquod votum, & solemnem aliquam promissionem intercessisse, tum multi testantur, & in primis Hieronymus, tum illud declarat, quod à Petro dictum est in obiurgationem Ananiæ. Cur tentauit Satanas cor tuum mentirite spiritui sancto, & fraudare de pretio agri? Non es mentitus hominibus, sed Deo. Nam si eam liberalitatem ex deuotione tantum, & alacritate liberæ voluntatis exercuissent, nulla interposita obligatione, neque ille in Spiritum sanctum mentitus diceretur, neque certe tam graue supplicium meritis esset. Recte igitur de seculo illo Hieronymus. Talis, inquit, primo credentium fuit Ecclesia, quales nunc monachi esse nituntur, & cupiunt, ut nihil vsquam proprium sit, nullus inter eos diues, nullus pauper, patrimonialia egentibus diuidantur, orationi vacetur, & Psalmis, doctrinæque, & continentia quales & Lucas refert primum Hierosolymis

Acto. 4.

Epist. 8.

Acto. 1.

De scrip.

Ecclesiæ

Philone.

2. lib. c. 5.

Eccl. 18.

Cap. 5.

fuisse credentes. Nimirum igitur hoc ipso tempore non solum exorti, sed etiam maiorem in modum aucti, & multiplicati sunt, qui perfectam religiosæ vitæ disciplinam appetentes, etiam à reliquorum consortio abstracti, vnum in locum sese reciperent, in aliorum societate, sub vnius ductu, & obedientia. Sic enim scribit Cassianus cœnobitarum disciplinam à tempore Apostolicæ prædicationis exordium sumpsisse, cum multi perfectionis amore adducti, non eo tantum contenti essent, quod omnes facerent, vt sua omnia in commune conferrent, sed etiam his multo sublimiora cumulantes, in secretiora quædam loca suburbana secedere inciperent, qui quod à coniugibus, & à suorum consortio, & ab omni denique mundi conuersatione abstinerent, ideo à solitudine monachi, à communitate cœnobiæ vocati sint. Inter hos autem principem, atque aliorum institutorem extitisse Marcum Euangelistam, tum Cassianus ibidem, tum Hieronymus in Margi vita commemorat. Neque tamen Hierosolymæ tantum, aut Alexandria perfectio illa consistit, sed eodem tempore in alias etiam orbis partes inuecta est. Sic enim accepimus, in Aethiopia Regis filiam esse à Matthæo Domino consecratam, Theclam à Paulo in Græcia, Romæ autem Domitillam à Clemente, in Gallia vero Martham Saluatoris hospitem, post promulgatū Massiliæ Euangelium, cœnobium sibi construxisse in loco à viris remotissimo, vbi cum aliquot honestissimis feminis Deo dicatis cœlestem vitam duxit. Denique Dionysius, æqualis illorum temporum, ita de hoc instituto agit, quasi iam valde recepto & vtitato: ex cuius quidem testimonio, non hoc solum intelligi potest, quam vetus fuerit, verum illud quoque, quanto in honore illo etiam seculo fuerit. Hinc enim, inquit, diuini præceptores nostri sanctis eos nominibus appellari voluerunt, alij cultorum, alij monachorum, à puro Dei famulatu, & cultu, indiuiduæque & singulari vitæ, quippe quæ eos vnum faciat sanctis rerum diuiduarum coniunctionibus ad diuinam vnionem, Deoque gratam perfectionem adipiscendam. Pergit idem deinde ceremonias ac ritus, qui monachis consecrandis adhiberi solebant, atque eorum etiam rituum causas, & mysteria explicare. Primum enim moris fuisse ait, vt sacerdos ante altare stans precationem aptam, ac rei congruentem pronunciaret, quam peracta, ad eum qui initiaretur, accedens, illum rogaret, an seculari vitæ (quam ille more suo diuiduas, ac distinctas appellat vitas, propterea

De Eccl.

hier. cap.

19.

propterea quod hominem cogat sollicitum esse, & turbari
 erga plurima) nuncium remittere, atque etiam loco, & aspe-
 ctu sese ab ea segregare decreuisset: deinde perfectissimam
 ei viuendi rationem exponeret, testificans esse illi deinceps
 mediocrem, ac vulgarem hominum vitam sperandam: quod
 quidem perfectissimam eius status philosophiam indicabat,
 quippe quæ, ut ipse addit, non medijs sit eorum, qui initian-
 tur, ordinis, sed perfectissimi, ac proinde multa eorum, quæ
 impune a medio ordine gerantur, monachis sint interdicta,
 qui scilicet id agant, ut cum vno, id est, cum Deo coniungi, &
 colligi possint. Cum autem hæc omnia is qui consecraba-
 tur, professus esset, sacerdos crucis signo consignatum ton-
 debat, tribus personis diuinæ maiestatis rite appellatis, om-
 nique veste detracta, alia eum induebat; ac cum illum vna
 cum alijs, qui aderant, gratulandus salutasset, tum ei diuina
 mysteria, sacram scilicet Synaxim impertiebat. Hæc Dio-
 nysius; qui deinde idem omnium horum rationem exponit.
 Capillum enim tonsum hoc indicare, illum omnibus huma-
 nis, ac terrenis ornamentis abiectis, atque ex illa hora repu-
 diatis, sola animi pulchritudine Deo placere velle. Vestis por-
 ro mutationem, interiorem cordis, atque animi mutationem
 significare, idque monere, quantum habitus ille à vulgari
 habitu differret, tantum etiam vitam, & mores discrepare
 debere. Ipsam vero consultationem simile quiddam repræ-
 sentare ei, quod Saluator dixit, gaudium esse in cælis super
 vna animâ ad Deum adiunctâ, quod idem gaudium, & san- Luc. 15.
 ctam lætitiâ, etiam ijs conuenire, qui in terris diuinitatem
 imitari student. Denique quod sacro Christi corpori com-
 municarent, id quoque ante oculos ponere finem, cuius gra-
 tia institutum illud suscipiatur, qui est summa, & perfecta
 coniunctio cum illa infinita sanctitate, quem scilicet diuinæ
 societatis fructum monasticis exercitationibus adepturus
 esset. Hæc igitur Dionysius.

Verum nullum puto esse religiosæ vitæ amatorem, qui
 non libenter prima illa eius cunabula plena omnis pietatis, ac
 feruoris cognoscere, & quasi oculis spectare velit, quæ ta-
 men ipsa cognitio ad hoc etiam, quod hic tractam⁹, antiqui-
 tatis caput confirmandum pertinet. Scripsit de his Philo, qui
 Sancti Petri tempora attigisse dicitur, & cum ipso Romæ col- De scri-
 loquutus esse. Hic igitur, ut ait Hieronymus, Indæorum di- pt. Eccle.
 sertissimus, librū edidit quali in laudem suæ gentis, inscriptū in vita.
 de supplicum virtutibus; sic enim eos vocat, propterea quod Martii.

2. *Eccles.*
Histor.
cap. 17.

in supplicando, & orando, tempus omne consumerent. Qui libet etsi adhuc extat, & est in manibus, hunc tamen omnem locum libet potius ab Eusebio sumere historico veteri, & graui, qui huius ipsius, quem dixi Philonis verba referens, ea etiam commodis interpretationibus illustrat. Sic enim & maior erit cognitio, huius luce addita, & maior auctoritas duorum talium scriptorum duplicata. Is igitur quædam præfatus in Philonis laudem, & de illius libri titulo, hæc deinde scribit. Hoc in primis testatur, quod facultatibus suis renunciatint, ac bonis ad se pertinentibus cesserint ij, qui philosophari cœpissent, & cunctis vitæ huius curis abstinerint, relictisque muris, in agris, & hortis solitarie conuersati sint, certo scientes consortia eorum, qui disparem sequebantur viuendi rationem, inutilia, & noxia esse illis, qui tum temporis hoc, vt par erat, agebant. Hæc prædictus Philo testificatus ad verbum subiicit, dicens. Est autem in multis quidem terrarum locis hoc genus hominum (oportebat enim perfecti boni particeps fieri tam Græcos, quam barbaros) verum in Aegypto in singulis præfecturis, sicuti vocant, abundant, & maxime circa Alexandriam. Deinde & habitationes eorum quales fuerint, describens, de Ecclesijs eius regionis hæc dicit. In singulis autem sacrum domicilium est, quod monasterium vocatur, in quo manentes sanctæ vitæ mysteria celebrant, nihil illuc inferentes, nec potum, nec cibum, neque aliud quicquam eorum, quæ sunt ad corporis sustentationem necessaria, sed leges, & oracula prophetarum & hymnos, ac reliqua huiusmodi, quibus scientia, & pietas augeantur, & consummantur. Et aliquanto post dicit. Totum autem illud temporis spatium, quod est à diluculo vsque ad vesperam, in exercitium illis infumitur. Sacras quippe scripturas legentes philosophantur, ac patriam philosophiâ allegorice tractant. Etenim putant ea quæ in manifesta sunt scripturarum expositione quædam esse absconditæ naturæ symbola per figuras significata. Habeat autem & commentarios priscorum virorum, qui cum disciplinæ eorum duces essent, multa in forma rerum allegoricè traditarum post se monumenta reliquerunt. Hæc igitur ita videntur ab hoc viro dicta, vt appareat illum eorum fuisse auditorem, qui sacras literas exposuerunt. Verissimile est autem, commentarios illos priscorum virorum, quos apud eos fuisse ait, esse Evangelia, & Apostolorum scripta, & quasdam antiquorum prophetarum expositiones, quales tū ea, quæ ad Hebræos est, tum

aliæ

aliæ plures epistolæ Pauli continent. Et alia quidem multa de illis, quorum hic mentionem facimus, in eolibro differit. Verum illa visa sunt necessario deligenda, per quæ certas Ecclesiasticæ conuersationis notas posuit. Sic enim scribit, Continentiam autem primum tanquam fundamentum quoddam in anima collocant, deinde & alias virtutes superstruunt. Cibum, aut potum, nemo illorum ante solis occasum vsurpat. Etenim philosophiæ studium luce, corporis vero necessitates tenebris dignas esse iudicant, vnde & diem illi, istis vero modicam noctis partem tribuunt. Nonnulli ex eis toto triduo cibi non recordantur, quibus maius scientiæ, quam cibi desiderium insedit. Nonnulli ita lætantur, ac delectantur sapientia pasci, quæ dogmata opulente, & abunde subministrat, vt duplicato temporis spatio abstineant, ac vix per sex dies necessario cibo gustantes vescantur. Addit præterea apud illos, de quibus loquitur, mulieres quoque reperiri, quarum pleræque gradæve virgines castitatem non necessitate, sicut quædam sacerdotes apud gentes, magis quam sua sponte, propter zelum, ac studium sapientiæ custodiant: cuius commercium studiose accolentes, corporum voluptates aspernantur, cum immortales potius liberos, quos solus amans Dei animus ex se gignere potest, quam mortales habere cupiant. Quid opus est istis adicere, quomodo in vnum congregati, separatimque viri, ac separatim mulieres conuersati sint, & quæ illis exercitia fuerint, quæ adhuc apud nos durant, & præcipue circa salutaris passionis festum diem in ieiuniis, & vigiliis nocturnis, diuinorumque sermonum lectione exercere consueuimus? Quæ vir prædictus eodem modo, quo apud nos seculi hæc seruata sunt, diligenter annotauit, præsertim nocturnas magni festi vigilias, & horum exercitia cum hymnis, qui apud nos dici solent, describens, & quomodo vno cum rhythmo psallente, reliqui cum silentio auscultantes extremam hymnorum partem, vna cum illo omnes concinendo absoluunt. Præterea scribit quo pacto præsideant inter eos ij, quibus ecclesiastica commissa sint ministeria. Quod si cui desiderium erit exacte cognoscendi, discat ex dicta iam huius viri historia. Hæc ad verbum Eusebius ex Philone & plura alia quæ breuitatis causa præcidimus. Eundem igitur statum, ac cursum, qui hic ab Eusebio describitur, tenuit Religio, non solum Apostolicis illis temporibus, sed deinceps etiam trecentis, eoque amplius annis. Itaque Tertullianus,

20. q. 1. Apostolorum seculo proximus, libellum edidit, quem adhuc
c. Virgi- legimus, de virginibus velandis, extraque anti-
nes. Pii I. decretum, nempe anno Domini CXLVII. editum,
Cap. 17. de ritu, qui seruari debet in virginum consecratione, quem
libr. 4. quidem ritum Ambrosius in libro de institutione virginis,
 & Eusebius in Constantini vita, ad prima Ecclesie tempora
 referunt. Quin etiam apud vetustissimos quosque patres
 celeberram videmus mentionem de virginibus, quæ iam tum
 solemni ceremonia velari, & in Dei sponsas consecrari sole-
 bant, idque ut de re antiqua, iamque admodum usitata, ut
Ignat. ep. apud Iustinum martyrem in apologetico secundo pro Chri-
ad Tar stianis, Clementem Alexandrinum in libro stomatium
senfes. secundo, Ignatium Ioannis Apostoli discipulum in quadam
Cyp. lib. epistola, Cyprianum item, & Oreginẽ, aliosque, ut dixi, com-
1. ep. 11. plures. Quin etiam Rufinus, & Theodoretus ita narrant,
Orig. ho- Helenam, cum Hierosolymam Crucis inquirendæ gratia
mil. 17. adisset, reperisse illic virgines Deo sacratas Ac Hieronymus
Ch. 19. in quoque tem alibi sæpissime, tum vero in Malchi vita, quem
Luc. ipse iuuenis senem admodum cognouit, & monasterium, &
Ruff. li. monasterij patrem, & socialem multorum fratrum cœtum
10. hist. prolixè commemorat: nec denique vltius est fere ex anti-
Theodo. quis scriptoribus, in quo non huius rei vestigia, vel expressa
li. 1. c. 18. potius testimonia passim extant.

Quod si quis quærat, eadem ne fuerit seculis illis religio-
 sæ vitæ forma, quæ nunc est, nihil plane ambigi debet, quin
 simillima fuerit, atque omnino eadem; idque negare, vel
 hæreticum sit, vel propemodum. Nam illo etiam tempore,
 non solum paupertatem, & continentiam, & erga præposi-
 tos suos obedientiam proutebatur, quod paulo ante ex Phi-
 lone apparuit, sed etiam omnes, aut fere omnes, votis insu-
 per obligabantur, ita ut ab illo statu delicere, illicitum plane,
 ac nefarium esset. Illud tantum interest, si quid interest, quod
 non adhuc tanta inerat monasticis hisce votis auctoritas at-
 que hæc, quam nostri Theologi appellant, solemnitas. quin
Ep. 2. ad etiam initio ne expresse quidem, ut similis vero est, ac
Amphil. publice vota emittebantur, sed ea professio ex generali om-
1. 19. nium sensu, & consensu, ita erat religioso statui annexa, ut
 etiam si voce nulla facta esset promissio, tamen intelligeretur
 simul cum statu suscepta eius professionis obligatio; hoc opi-
 nor modo, quo nunc castitatis votum in sacris ordinibus ac-
 ciipiendis includitur: idque ex quodam Basilij loco intelli-
 gi potest, ubi ait, eos qui se monachorum ordini addice-
 rent.

rent, tacite calibatam admittere consueuisse. Itaque hoc etiam tamdiu seruatum est, quamdiu prisca illa pietas, ac vetecundia satis fuit ad homines in officio continendos. postea tamen commodius visum est (quod etiam Basilius ibidem decernit) expressam castitatis promissionem exigere. Et primum quidē adhuc eo modo, vt si quis rupto voto matrimonium inisset, peccaret quidem, sed tamen matrimonium validum, ratumq; esset. Declarant hoc veterum Patrum sententia, Cypriani in epistola ad Pomponium, Hieronymi ad *Lib. 1. ep. 11.* Demetriadem, vbi ita de monialibus loquuntur, vt si se continere non possent, quod professæ erant, eas potius ad nubendum hortentur, quod iam ne peccatum quidem fuisset, accedente legitima Episcopi dispensatione; idque idē ab Epiphano quoque consuli videmus. Angustinus vero insuper etiam quidam aperte confutat, qui harum coniugium, coniugium esse negabant. Quod si Innocentius I. Pontifex, qui horum aetate vixit, & Concilia etiā quædam huiusmodi connubia dirimi iubent, id pœnæ cuiusdā loco constituunt, quod sine dubio poterant, vt thorus separetur, non quia ipsum connubii vinculum non valuisset, id enim nusquam dicunt: atque hanc ipsam pœnam constat illo quidem tempore non ab Ecclesia generaliter receptam esse. Itaque & Leo I. qui post Innocentium fuit annis paulo plus quam viginti, etiā si peccatum id esse doceat, non tamen de nuptijs rescindendis mentionem ullam facit; & Gelasi⁹, qui anno CCCXCII. eādē sedem tenuit, has quidem moniales ad propositum, vnde excidere, adhortatur, non tamen compellit, nec matrimonium ipsum infirmat. Quin Gregorius ipse, quo nullus antea Pontifex superior in hoc genere fuerat, cum crebris decretis, & epistolis eos, qui coniugium contraxissent, se iungi, & in monasterium retrudi iubeat, nihil tamē dicit, quo coniugium non valuisse intelligatur. Immo vero quod valuisset existimat, ex eo etiā intelligitur; quod homilia quadā narrat de Gordiana amita, quæ se postquam vna cum duabus sororibus Deo dicasset, mortuis illis, oblita, vt ipse ait, domini timoris, oblita pudoris, ac reuerentiæ, oblita consecrationis, maritum acceperat, & cum eo deinceps vixerat. Quare primus omnium, quod litteris extet, Innocentius II. cum Romana Synodo generali, anno nimirū humanæ salutis M C X X X I X. hoc constituit, vt religiosus omnino matrimonium omne interdiceret, idque ita, vt si contraherent, nullam vim haberet. Quod etsi hoc demum tempore, generali ecclesiæ cōsensu decretum, &

Cap. 14.

Epist. 2.
can. 6. et
18.

in generalem vsum receptum est , tamen si recte considere-
mus , multo ante à nonnullis Episcopis in sua diœcesi hoc
idem constitutum fuerat. Sic enim legimus apud S. Basilium
in regulis fusioribus, qui se ipsum Deo semel deuouerit, so-
lemnique voto obligarit, si deinde ad aliud vitæ genus tran-
sierit , sacrilegij scelere se obstringere. Idemque in libro de
virginitate hoc ipsum vberius confirmat, redditque ratio-
nem, quoniam vt adulterium est , non matrimonium , quod
viuente coniuge cum altero initur, sic qui Christo , cui des-
ponsatus sit , semper viuente , homini nubat , adulterum es-
se. Quod vero hoc ipso primum Basilio institutum , & sanc-
tum fuerit , aperte declarat quod idem scribit in epistola
ad Amphilochem , vbi ita ait, quia iam Dei ecclesia tem-
poris progressu fortior facta esset , & virginum numerus
adauctus dissolueudas esse canonicorum , idest regularium
nuptias , & qui ijs se contaminassent, non prius ad comu-
nionem admittendos , quam se ab eo scelere remouissent.
Ex his igitur omnibus ita concludendum est , religiosa vo-
ta cam quidem vim habuisse semper , vt matrimonium illi-
citurum efficerent , illam autem vim , vt etiam irritum , ac
nullum efficerent , quæ vt diximus, à Theologis voti solem-
nitas appellari solet ; temporis progressu , & quasi gradatim
introducunt , & ea quidem re magnum quendam ornatum,
dignitatem, ac stabilitatem religiosi institutis adiunctam ,
vt nō modo veteribus illis nihilo inferiora sint, sed , quod
ad eorum quidem formam attinet , aliquid etiam hoc tem-
pore melius, ac præstantius habeant.

*Quomodo deinceps religiosi ordines propagati sint
vsque ad nostra tempora.*

C A P V T X X I I.

HACTENVS religionis ortum , ac deinde quandam
etiam veluti adolescentiam spectauimus. Itaque iu-
cundius etiam erit, eius perfectionem , ac virile quoddam
robur intueri , quod vere dicere possumus , annum circi-
ter Domini CCCCL. adeptam esse , cum aureo Constan-
tini seculo , Dei Ecclesia tum reliquis patribus, tum hac præ-
sertim magnopere cœpit efflorescere. Huius autem tanti in-
crementi principem, & auctorem accepimus magnum illum
Antonium , quem Dei sapientia ad hoc potissimum opus
omni cœlestium charismatum copia instruxisse visa est. Nam
quod ante hunc etiam & cœnobita , & religiosi extiterint,
satis

Quis id declarat, quod in eius vita scribit Athanasius, illum prima spiritualis militiæ rudimenta in monasteriis posuisse, sub aliorum magisterio, & in aliorum conuiuiu, quorum, ut ille ait, exemplo, atque imitatione, ita proficere studebat, ut quotidie fieret illorum virtute præstantior, & apum amore aliquam ex singulis utilitatem delibaret. Ipse tamen maioris perfectionis cupiditate ardens, longus ab hominum congressu in interiorem solitudinem & se, & suos deinde discipulos transferre ausus est. Itaque cum illius sanctitas toti iam mundo eluceret, tantus animorum motus ipsius exemplo factus est, ut & Armeniæ, & Scythiæ, Nitriæ, & utriusque Thebaidis, ac totius denique Ægypti deserta monasteriis complerentur; quæ monasteria ipsius quæ generalis patris sapientia, & consiliis nitebantur. Ac cum innumerabiles ex eius disciplinæ fœtibus fluxerunt, tum vero Hilarion ille, alter pene Antonius, qui, ut scribit Hieronymus, primus in Palæstina cœnobita fundauit, cum antea in Syria tota nunquam monachus fuisset. Ille (inquit) auctor, & conditor huius conuersationis in ea provincia fuit. Habebat Dominus Iesus in Ægypto senem Antonium, habebat in Palæstina Hilarionem iuniorem. Itaque eius exemplo cœperunt ibi esse innumerabilia monasteria, & omnes ad eum certatim concurrere, ut cœlestis vitæ præcepta haurirent: quod ille cernens laudabat Dominum gratiam, & ad profectum animæ singulos cohortabatur. Hæc de Hilarione Hieronymus. Ceterum eodem ferme tempore Basilii in Græcia, qui ipse quoque Magni cognomen inierat, nulla ut opinor, cum Antonio cōmunicatione sed suo ingenio, suaque sponte monasticam disciplinam ita coluit, ut mirum in modum promoueret, & auxerit. Videmus enim quæ de se ipse epistola quadam prædicat. Accusamur (inquit) quod homines habemus exercitiores pietatis, qui renunciauerunt mundo, & omnibus temporalibus curis, quas spinis assimilât Dominus, quæ non permittunt ut verbum ad fertilitatem perueniat. Tales mortificationem Iesu in corpore circumferunt, & leuata cruce sua sequuntur Deum. Ego vero totius vitæ meæ pretio æstimauerim meas esse has iniurias, & habere apud me ipsum viros, qui sub me præceptore hanc exercitationem elegerint. Nunc autem in Ægypto talem audio esse virorum virtutem. Et foras illis quidē etiam in Palæstina vitam secundum Euangelium rite peragunt. Audio vero etiam in Mesopotamia esse viros perfectos,

*In vita
Hilar.*

Ep. 63.

& beatos. Nos autem pueri sumus ad perfectorum comparationem. Neque vero Basilii numero solum monasticam rem ampliavit, sed multo magis institutis, ac regulis. Cum enim antea nullis fere legibus, nullisque certis formulis astricta esset, nisi quas vel interior vinctio unicuique suggereret, vel rectorum viva vox præscriberet, primus ipse leges condidit sanctissimas, quæ totam hanc vitæ rationem saluberrime conformaret. Is enim tempus definiuit ad experiendum, quo transactio, voti sponsione se omnes obligarent, is viuendi methodum omnem descripsit, quæ virtutum exercitationes tenendæ, quæ ut noxia vitanda, insuper etiam prænarum canones, si quis contra fecisset, pro culpæ modo; omnia tam sapienter, & moderate, ut non modo tum ab omnibus accepta, & in usum statim inducta sint, sed ad hanc usque diem totius Græciæ, atque adeo totius Orientis monasteria nullis aliis usæ sint legibus, quam Basilij. Idem quoque alterum perfecit admodum salutare, quod cum antea quicumque religionem profitebantur, sibi dumtaxat, suoque profectui studerent, ac consilio multitudinem fugerent, ut inimicam otio, ac quieti spirituali, is diuinam hanc philosophiam quæ est tertio cælo deuocauit, propiusque ciuitates, atque oppida collocauit, ut proximis quoque esset utilis, ac fructuosa. Scribit hoc luculente Nazianzenus in laudatione Basilij his verbis, Ut autem (ait) non solum tibi, sed aliis quoque proceret, primus cænobia excogitauit, ritumque illum monachorum antiquum, atque agrestem ad ordinem quendam, ac formulam religioni propiorem redexit. Cum enim animaduertisset, eos, qui in communi vita, hoc est, aliis mixti agunt, etiam si monasticam abstinentiam seruent aliis quidem utiles esse, non ita sibi ipsis, cum in multis eos malis versari necesse sit, quæ vitæ quietæ, omnino perfectæ contraria videntur, eos vero qui in solitudine procul ab aliis degunt, firmiores sane in proposito, magisque Deo coniunctos, attamen sibi tantum utiles, cum rerum experientiam non teneant, nec cum aliis commercium vllum habeant, vtrumque vitæ genus coniungere conatus est. Quamobrem a monachorum cænobia haud procul ab iis, qui in hominum societate viuunt, ædificari iussit, nec omnino separauit, ut & propinquitate, cum opus caritatis exposceret, adesse possent, dissici alioquin propriis terminis, ne quies eorum interrumpi per multitudinem posset, nec ipsi monachi actionis merito, quod ex impendenda aliis caritate existeret, priua-

Or. in
laudem
Bas.

quarentur: neque rursus eorum actio per tumultus inutilis cessaretur, & alter alterum hoc modo iuuare posset, ut monachorum vita per conuersationem eorum, qui in communia agunt, fructuosa fieret, & ipsi à monachis quietem, sapientiam, contemplationemque discerent, quemadmodum terra & mare sese inuicem complectuntur, & iuuant. Hæc ex Nazianzeno.

Dum autem Dei gratia in Græcia, atque in Oriente toto religiosis multiplicandis adeo abundabat, ne alias quidem obis patres ista laude caruisse certum est. Nam & Mediolani scribit Augustinus vidisse se monasterium, Ambrosio (ut ait) nutritore, & ipse Augustinus in Africa, ut Possidonius narrat, virorum, ac feminarum monasteria fundauit: quod quidem tum alij multi, tum in primis Antoninus hoc ipsum putat esse institutum, cui nunc Eremitarum nomen est. Sic enim commemorat, Augustinum, antequam esset Episcopus, prope Hyponensem ciuitatem monasterium in nemore condidisse, quod eo uiuo, & deinde mortuo, magnopere auctum, ac per alias deinceps ciuitates propagatum, aliquot annis postea barbarorum irruptione dissectum esse, aliisque in Italiam uenisse, alios alio, donec Innocentius III. qui anno M. CCXLI. summum gessit Pontificatum, cum multi alij essent hic, illic, sparsi eremitæ, in vnum omnes corpus contraxit, ac loco, habitumque coniunctos ad S. Augustini regulam aggregauit, insuper etiam in ciuitatibus habitare iussit, ut proximis quoque prodesse; quod huius consilium multo etiam diligentius exequutum esse Alexandrum III. eius successorem cælesti quadam uisione impulsus, cum ei apparuisset B. Augustinus grandi capite, membris autem exilibus. Quare hoc tanto incremento accepto, familia illa magnopere adaucta, & deinde magis etiam multiplicata, viguit, ut videmus, in Ecclesia, noménque Eremitarum, quod ab initio ex solitudine habuit, nunc etiam in medijs urbibus seruat. Sed hæc multo posteriora. Itaque redeamus ad Augustini tempora, quibus iisdem temporibus Romam etiam allatum esse, vel certe multo magis propagatum religiosum institutum indicat Hieronymus, qui in Marcellæ laudem hoc quoque scribit, cum antea ignotum esset Romæ monachorum propositum, nec audebat quisquam propter rei nouitatem, ignominiosum, ut tum putabatur & vile in populis nomen assumere, Marcellam, quæ à Sacerdotibus Alexandinis Arii metu in exiliū expulsa, Antonij adhuc super-

8. Con.
cap. 6.

3. Par.
tit. 24.
cap. 14.

Ep. 10.

2. Dial.
cap. 23.

stitis, & monasteriorum Thebaidis disciplinā didicisset, non erubuisse profiteri, quod Christo placere cognouerat. Quare cum in suburbano agro monasterium instituisset, eius imitatione crebra virginum cœnobia, & monachorum innumerablem multitudinem esse cepisse, vt præ eorum frequentia, quod prius fuerat ignominia, esset postea gloria. His igitur initiis fundata religio semper deinceps seruata, & propagata est vsque ad Benedictum, id est annis paulo amplius centum: quod ex eo etiam potest intelligi, quod de ipso narrat Gregorius & à Romano iam antea monacho victum in specu accepisse. & ab integro monasterio postulatam esse abbatem in alterius demortui locum; vt ex his constet, etiam ante Benedictum monachos complures in Italia extitisse. Quod cum ita sit, illi tamen iure, & merito nomen Patris, & Patriarchæ monachorum tribuitur, quoniam ita sem monasticam sanctitatis, & sapientiæ auctoritate amplificauit, vt penè eius auctor videri possit. Nam cum anno ipso salutis humanæ, vt accepimus, D X X. ordini suo initium dedisset in Cassino monte, momento ferè temporis duodecim monasteria in Italia fundauit, quin alias etiam colonias duxit, in Galliam per Maurum, in Siciliam per Flacidum, & alio per alios. Atque hic etiam non hominum tantum multitudine religionem auxit, sed disciplina quoque; quippe qui regulam scripserit, quæ adhuc extat, & viget, tanta sapientia, vt in eius laudem verè eam Gregorius dixerit discretione præcipuam, sermone luculentam. Itaque vt Basilium Oriens, ita Occidens noster Benedictum tamquam religionis auctorem, ac parentem veneratur. Ex hac autem quasi vna radice variæ deinde prodire propagines variarum familiarum, quæ idem Benedicti institutum complexæ, nonnulla tantum reformando, vel addendo, aut leuiter immutando, ab ipso discreparunt.

2. Dial.
cap. 36.

Harum prima, & antiquissima fuit Cluniacensis, quæ anno D C C C X I I I. ab Odone Cluniacensi abbate & exordium sumpsit, & nomen. Hic enim vir doctrina, atque sanctitate præstans, Benedicti disciplinam, quæ iam, quod natura fert in omnibus ferè rebus senuisse videbatur, magnæque ex parte laxata esse, ad pristinam formam reuocare aggressus est, quod etiam perfecit. Cuius exemplum sequuti complures alij Abbates in tota ferme Italia, Hispania, Germania, Anglia, in suos ipsi quoque greges reformandos incubuere, idque eodem successu, & fructu; qui deinde vno spiritu,

spiritu, ac vinculo colligati, adhibita etiam Romanorum Pontificum auctoritate, quotannis convenire consueverant ad ea tractanda, & decernenda, quæ ad tuendam disciplinam pertinebant. Magna omnino ea immutatio fuisse dicitur, in qua planè ad duo millia cœnobiorum restituta, & sanata scribuntur. Ex eodem genere est etiam Camaldulensis familia, auctore Romualdo, qui circiter annum millesimum in ipso Apennino sedem sibi pœnitentiæ, ac religionis diligens, adeo exemplo, & sanctitatis opinione homines perinovit, ut nisi ipsemet cohibuisset, totus terrarum orbis (sic enim scribitur) religiosam disciplinam subiturus videretur. Itaque tot cœnobia ad illius regulam passim ædificata sunt, ut penè novus ordo existimari posset. Similis propemodum ortus, ac progressus fuit eius ordinis, qui Vallis umbrosæ appellatur, recentior Camaldulensi annis tantum septuaginta, & tribus. Huic initium dedit Gualbertus, qui cum inimico, quem in potestate habebat, per Christi passionem, quæ eo ipso die colebatur, salutem deprecanti, non solum ignovisset, sed etiam ultro eum amplexatus, fratris loco, quem is occiderat accipere se dixisset, tantopere id factum Deo placuit, ut eo statim ecclesiam proximam ingresso, Crucifixi imago ligata, ad quam orabat, quasi ei adblandiens, caput inflexerit, ita ut crepitus è ligno clare audiretur, insuper etiam religiose vitæ amorem inspirarit, quàm ille primum in ea ipsa domo instituit, deinde in Valle umbrosa, humili quidem, & obscuro ad id tempus loco, sed qui brevi ipsius virtute nobilitatus sit. Quare hic etiam ordo magnopere auctus, & in varia deinceps membra fusus est. Nulla tamen in his omnibus familijs nobilior, quàm Cisterciensis, cuius hæc præclara commemorantur exordia. Anno millesimo, & nonagesimo octavo, Henrico IIII. Imperatore, Rege Galliarum Philippo I. Robertus Molismensi Abbatia præpositus, cum subdites suos præ divitiis, & copia, à primævo instituto degenerare animadverteret, cōsilio cum aliquot ex perfectioribus communicato (omnino unum, & viginti fuisse ferunt) Cabillonem se contulit, præcipuam eo tempore Burgundiæ urbem. Hic in solitario quodam loco, cui Cistercium nomen erat, domicilium fixit, idque ideo Cisterciense appellatum. Sed interea cum Molismenses monachi pœnitentia ducti, multis precibus Robertum reuocassent, is quidem ad pristinam sedem se retulit, ipse autem loco Cistercij Stephanus susceptus est, vir feruens, eiusque, ut fertur, secessionis auctor.

Erat

Erat sane grex pusillus admodum, fuitque per annos quindecim, ut pene ad nihilum venturus videretur, cum Dei nutu factum est, ut eum Bernardus non solum conseruaret, sed etiam mirifice illustraret, qui cum triginta socijs, & tribus inter eos germanis fratribus, ei se cornobio addixit, ac paulo post erumpente ex illis latebris eius fama, tam multos ad suam imitationem exciuit, ut dimissis in totum orbem fratribus, atque alumnjs, centum, & sexaginta monasteria ipsemet viuens constituerit. Atque hæc quidem, ut dixi, familiæ omnes ex Benedicti institutis fluxere, quæ temporibus illis ita viguere, ut nulli alij in occidente haberentur monachi, usque ad Carthusiensis Ordinis initia, quæ exiguo intervallo Cisterciensem quem modo diximus, præcesserunt, nimirum annis sexdecim. Ea autem initia satis nota, atque etiam celebrata sunt. Cum enim mortuus esset Parisiensis quidam iurisperitus, homo doctissimus, & verò etiam hominum opinione optimus, atque in frequenti corona, quæ ad eius exequias cõuenerat, retnis deinceps diebus, primum se accusatum, deinde iudicatum, tertio etiam damnatum pronunciaasset, Bruno ipse quoque insignis in eadem Academia doctor, retnus, & ad discipulos suos conuersus, *Quis* ergo, inquit, potest saluus fieri, nisi mundum fugiat? Itaque una cum sex socijs in Gratianopolitana eremo, quam fugiendo mundo aprissimam iudicauerat, consedit. quorum quidem consilium Deo gratum esse, Vgoni eius diocesis Episcopo demonstratum est, qui per quietem videre visus est, Dei maiestatem in eremum illam descendere, seque ei dignum palatium extruere; deinde septem etiam stellas mirifici splendoris in coronæ modum paulatim à terra sese attollere, alijs longe dissimiles specie, & situ, & motu.

Carmelitarum quoque institutum, etsi annis demum mille ducentis post Christum natum, in Italiam illatum est, multo tamen antiquius fuisse asserunt viri grauissimi, cum memoriæ proditum sit, ipso anno salutis CCCCXII. Ioannem Hierosolymitanum Patriarcham, qui ex hoc ipso ordine antea fuerat, ei que præfuerat, regulam ei condidisse, ex quo appareat ipsum etiam vetustius esse. Certe non desunt multi, inter quos Vvaldensis vir grauis, qui existiment iam tum ab Apostolorum tempore inchoatum in monte Carmelo (& argumento est nomen ipsum) in ecclesia, quæ prima omnium B. Virgini in terrarum orbe dicata sit: deinceps verò numero & hominum, & domiciliorum per totam Palestinam:

De sacramēt.
tit. 9.
cap. 84.

Palæstinam multiplicato, irruentibus Sarracenis, dispersum
 esse, ac dissipatum; sed ijs rursum electis anno salutis huma-
 næ millesimo ferme . & centesimo restituisse. Illud constat
 octoginta ferè annis post hanc instaurationem Albertum
 Patriarcham item Hierosolymitanum hominem doctum, &
 prudentem datas ab Ioanne leges renouasse, & vtiliter ad-
 modum auxisse; quàm formulam, traductis deinde in varias
 Europæ prouineias eius ordinis hominibus, eo, quod antè
 diximus, tempore, confirmauit, & sanxit Honorius III.
 Pont. Max. nocturno, vt fertur, B. Virginis viſo admonitus,
 nec multo post eam quoque familiam Innocentius III.
 amplissimis decretis complexus est, & in sedis Apostolicæ
 tutelam, ac patrocinium recepit. Felix seculum, non huius
 modo ordinis, quem diximus propagatione, sed aliorum
 quoque quatuor institutione, Franciscani, Dominicani,
 Cœlestini, Seruitarum. Natus est Franciscanus anno post
 Christi aduentum millesimo ducentesimo duodecimo. Hoc
 enim anno legitur regulam à Francisco ad Innocentium III.
 delatam, & ab eo confirmatam, tenui quidem adhuc, &
 debili eius ordinis principio, sed qui tam celeriter quasi
 miraculo excreuerit, vt paulo post in generali conuentu
 Assignati numerata sint quoque millia capita, atque eo ipſo
 tempore quingenta simul adiuncta. Itaque breui totum or-
 bem compleuit, quin etiam temporis progressu in eam,
 quàm nunc videmus, peruenit amplitudinem, vt in tres, aut
 etiam plures partes distributus sit, hæcque ipsæ partes ita
 abundauerint, vt singulæ ferè singulos ordines bene ma-
 gnos repræsentent. Dominicanus à Dominico & nomen, &
 initium habuit, qui primum ab Oxomensis episcopo factus
 canonicus regularis, cum Tolosæ decem annis aduersus
 hæreticos strenuam operam nauasset, coactis illic aliquot
 eiusdem consilij sociis, nouam formam, nouumque institu-
 tum excogitauit, quod euangelio prædicando se impende-
 ret, quam ob causam Prædicatorum appellari voluit; quæ
 vitæ ratio prius ab eodem Innocentio III. Concilij Latera-
 nensis tempore, voce approbata traditur: deinde etiâ scriptis
 ab Honorio III. anno millesimo ducentesimo decimosexto.
 Seruitæ paucis post annis id est sexdecim, cœpere Florentiæ,
 quo tempore Federicus II. Imperator Ecclesiæ, & Pontifici
 Gregorio nono insensus, omnibus modis totam eius dicta-
 nem vexabat. Septem enim sunt homines nobiles, ac locu-
 pleres voce cœlesti admonitos in propinquum montem se-
 cessisse,

cessisse vbi cum aliquandiu delituisse, ipsa eorum sanctitatis luce se prodere, manifestatos esse mundo; quàm obrem multos ad eorum societatem se aggregasse, ipsosque in varias partes euocatos, in eam, quam videmus, auctos esse multitudinem. Seruitarum autem nomen ideo ab ijs acceptum, quod se B. Virginis Dei Matris seruos esse profiterentur. Atque his non multo posteriores fuere Cœlestini à Petro Morone instituti. Hic primum, vt scribitur, in solitudine multos egit annos, deinde cum illa vitæ asperitas cum crebris miraculis coniuncta eius famam per Italiam totam, atque adeo Europam vulgasset, tantus ad eum hominum numerus sese adiunxit, vt pluribus domiciliis, ac locis distribui oportuerit. Quare cum eo tempore generale Concilium Lugduni ageretur, eique Gregorius X. Pontifex interesset, eo profectus Petrus ipse instituti sui formulâ, ac leges ab ipso approbandas curauit, anno M C C L X X I I I I. Quod autem ordo Cœlestinus appellatus sit, ex eo factum est, quod hic eius fundator, & auctor aliquot post annis, id est viginti, ad summum euectus Pontificatum Cœlestini V. nomen accepit, idque nomen deinde in eius familia mansit.

Nec prætereundi sunt Crucigeri, quorum initia bini Pontifices Alexandri, tertius, & sextus, in quibusdam diplomatis ad Clerum Petri successorem retulere, non quod eam haberent, quam nunc videmus, religionis formam, sed erat cœtus quidam hominum ad recipiendos Christianos institutus, inopes præsertim, qui peregre aduenirent; qui cum deinde & aliorum tyrannorum, & maxime Iuliani apostatæ acerbitate afflictus esset, demum ab Urbano I I. recreatus est eo tempore, cum Christiani principes cruce signati, bellum barbaris inferentes, Antiochiam, & Hierosolymam sæliciter receperunt. Ornatus deinde ab Alexandro I I I. pro beneficio, quod is Federici Oenobarbi vim fugiens, illorum hospitalibus domibus crebro, ac benigne acceptus fuerat, etiam aduersus Imperatoris edicta minacia. Pius demum I I. anno M C C C C L X. in Concilio Mantuano cum expeditionem in terram sanctam pararet, cæruleum iis vestitum assignauit (incertum qua causa) cum antea cineritio vterentur. Ac Oliuetanæ quoque familiæ non obscura sunt initia; cuius auctorem fuisse ferunt B. Bernardum Tolomeū, vna cum duobus aliis ipsius luculenta oratione incensis, quam is in Senensi academia, vbi publice philosophiam profirebatur, de seculi vanitate,

vanitate, quasi seculo vale dicens, habuerat. Quare ut cœlestem vitam commodius instituerent, extra hominum frequentiam, statim sese in propinquum quendam montem, qui Oliuetus dicebatur (ex quo ipsa familia Oliuetana appellata est) receperunt, anno Salutis M C C C X X. tanto feruore, tamque arcta disciplina, ut eius fama multos breui ad imitationem excitaret. Atque in eadem Senensi vrbe non multo post, nempe anno M C C C L V I. inchoatus est etiam is ordo, qui Iesuatorum dicitur, principe Ioanne Columbino, cuius mirabilis conuersio commemo ratur ex lectione vitæ S. Mariæ Aeg. priacæ, in quam casu inciderat. Itaque cum totus repente immutatus, sanctissimam vitam, bonisque omnibus operibus, & maxime sui contemptu, & abnegatione exercitam aliquamdiu duxisset, aliquot ei adiuncti sunt eiusdem vitæ locij, quos omnes vrbani V. ex Gallia reuertens, quasi nouam teneramque Christi Domini sobolem, benignissime complexus est, multisq; auxit priuilegiis. Atque huic familiæ fere etiam ortu equalis est familia Eremitarum S. Hieronymi, quæ præsertim in Hispania, & Lusitania floruit, & ad huc floret. Eius fundatorem ferunt Petrum Ferdinandum, qui petri Castellæ Regis aula relicta, cui tum paternis, tum propriis obsequiis gratissim⁹ erat primum eremitis quibusdam solitariam vitam agentibus sese adiunxit, deinde institutum S. Hieronymi, quod in vrbe Bethleem ab ipso inchoatum, diuque conseruatū, iam pridem cessauerat, cū aliquot aliis eiusdē animi, & consilij excitare aggressus est, idque in Toletana primum prouincia. Itaque Romam veniens, Gregorio X I. qui tunc Ecclesiæ clauum tenebat, nouam illam vitæ formulam attulit, anno ipso salutis M C C C L X X X I I I. quæ ab ipso confirmata breui deinde tum hominum, tum domiciliorū accessione non mediocriter aucta est. Post hos Minimi prodire anno circiter M C C C C L. qui humilitatem, quam nomine ipso præ se ferunt, vita etiam, atque instituto profitentur. Horum caput, atque origo fuit Frācisus, ex Paula vrbe Calabria oriundus, vir magnus cum virtutum copia, tum verò miraculorum facultate tam præfenti, ut penè ei ad manum semper esse videretur. Quare nil mirū fuit, si ipse etiam ordo tali Fundatore nixus per Italiam, Hispaniam, & maxime per Galliam ita luxit, lucetque mundo, ut merito se fere veteribus illis æquarit.

CAPVT XXIII.

SI vera sunt, vt sunt, quæ supra de Apostolorum instituto & de temporum illorum perfectione demonstrauius, non modo olim etiam extitit aliquis Clericorum ordo religiosus, sed primi omnino religiosi ex clericis extitere. Nam cum religio tribus illis, quæ iam sæpe diximus, votis constet, eaque vota ab Apostolis edita fuisse, & ratio, & multorum auctoritas conuincat, quid causæ est, cur non & religiosos ipsos fuisse, & ab ipsis religiosam vitam originem, atque ortum suum duxisse fateamur, & vero etiam prædicemus? Idem eque certo affirmare licet de clero illius ætatis ferme vniverso, qui cum ad Apostolorum exemplar effectus esset, ad eandem perfectionis formulam totus instituebatur. Ac de castitate quidem non est dubitandum, quin in sacris ipsis ordinibus suscipiendis promitteretur: nam et si aliqui initiabantur, qui uxores haberent, tam vt Mediana, alique multi confirmant, in eo quoque Apostolos imitari solebant, quæ antea diximus omni coniugij usum sibi sponte præcidisse. Obedientiam vero suo quisque spondebat episcopo, cuius obligationis etiam alia inueniuntur vestigia, tum illud euident, quod de B. Martino scripsit Sulpicius, Hilarium, cum eius virtutem damasset, quo sibi eum melius implicaret, ac deneciret, hanc vnã rationem tenuisse, vt illum ecclesiasticis ordinibus initiaret. Ac Gregorius etiam testatur morem fuisse Romæ suo adhuc tempore, quod quis semel in ea ecclesia sacrum ordinem accepisset, egrediendi ex ea ulterius licentiam non haberet. Et quidem hoc adhuc vtrumque in ecclesiæ moribus remanuit, vt qui ad ordines istos admittuntur, & solemnem castitatis voto obligentur, & eandem ipsi quoque obedientiam proprio Episcopo deferre, atque expresse spondeant. Sed hanc usus ipse iam multo laxius interpretatus est; quoniam pauca sunt hodie, in quibus clerici prælato suo obedire coguntur, tum autem in omnibus, & perfecte. Castitatis vero idem est adhuc plene votum, quod religiosorum, vt matrimonium non illicitum modo, sed irritum etiam, & nullum efficiat. Superest paupertas, de qua, si præsentem inspicimus mores, maior videatur difficultas; sin autem antiquos mores, nihil clarius. Verus enim institutum fuit, vt clerici omnibus bonis, si qua haberent, paternis cederent, nihilque suum

716 2. de
contin. c.
35.

4. regis.
ep. 74.

suum possidere possint. Testatur hoc Hieronymus, qui hanc esse ait causam, cur ab ipso Ecclesiæ initio clericorū capita radi exeperint, vt significaretur depositio, vt ille ait, omnium temporalium: quia victu, & vestitu contenti, nihil proprium habere debent, sed omnia communia. Testatur hoc etiam Prosper antiquus auctor, Expedi, inquit facultates ecclesiæ possidere, & proprias perfectionis amore contemni. Non enim propriae sunt, sed communes Ecclesiæ facultates. Et ideo quisquis omnibus, quæ habuit, dimissis, aut venditis, sit rei suæ contemptor, cum præpositus factus fuerit Ecclesiæ, omnium quæ habet Ecclesiæ, efficitur dispensator. Affert deinde exemplum Paulini, & Hilarij, quorum vterque paterna prædia diuendita pauperibus erogant, iidem autem episcopi facti, facultates Ecclesiæ diligenter administrarunt. Quod autem communem vitam tenere solerent, tū hæc eadē ostendunt tum Clementis Pontificis epistola, quam scribit Hierosolymitano clero, in qua ait communem vitam omnibus necessariam esse, & iis maxime qui Deo militare cupiunt, & vitam Apostolorum, eorumque discipulorum imitari. Gregorius quoque ad Augustinum Anglorum episcopum scribens, ita ei mandat, vt in Anglicana illa, quæ tum surgebat, ecclesiā, eam conuersationem inter clericos instituat, quæ initio nascentis Ecclesiæ fuit patribus nostris, in quibus nullus eorum de iis, quæ possidebant, quicquam suum esse dicebat, sed erant illis omnia communia. Denique extat etiam inter sacros canones Eugenij I. decretum, quo iubetur, vt vnū sit clericis refectorium, vnum dormitorium, ac cæteræ officinæ. Postremo quod his etiam omnibus voti sponsio adderetur apparet ex epistola Urbani Pontificis ad omnes episcopos, vbi post alia clericos alloquens, Quicumque vestrum, inquit, communem vitam susceptam habet, & vouit se nihil proprium habere, videat ne pollicitationem suam irritam faciant, sed hoc, quod Domino pollicitus est, diligenter custodiat, ne damnationem sibi, sed meritum acquirat: quia melius est non vouere, quam votum, quod melius est, non perficere. Ex quibus omnibus hoc constare potest, aut omnes clericos, aut fere omnes duo illo, eosque præsertim, qui maioris perfectionis desiderio ducebantur, hæc tria vota suscipere solitos, ad quod ex eo sequitur, vere etiam religiosos fuisse. Quod ipsū quoque Theologi recipiunt, & in primis Medina vir doctus,

*Refer-
tur. 12. q.
1. cap.
Duo.
lib. 2. de
vita con-
tēp. c. 9.*

*12. q. 1. c.
Dilectissi-
mis In-
resp. ad e-
um. c. 1. c.
2.*

*12. q. 1. c.
Necessa-
ria.*

*Refer-
tur. 12. q.
1. cap.
Scimus.*

Lib. 5. de contin. c. 10. qui hoc argumentum ex professo tractat, & multis confir-

mat, atq; inter alia, ex ipso nomine Canonicoꝝ, cuius ad-
huc ubiq; vsus est, quod nomen nihil aliud significat, quã
regulares. Neque vero distinctam fuisse parochorum cau-
sam, quasi his aliquid liceret possidere, sed quia necessariũ
eis erat separatim in sua parochia viuere, nec communita-
tem illam vitã cum aliis retinere poterant, exemptos fuis-
se, eodem modo, quo nunc monachi, cum superiorum suo-
rum iussu parochiam, administrant. Hæc ille sane: quin e-
tiam addit, ita propriam fuisse etiã cleri paupertatẽ hanc,
in qua religio consistit, vt quod aliquid propriũ habere cœ-
perint, id potius ex indulgentia natũ sit, quam rem confir-
mat Augustini auctoritate in sermone quodã de cõmuni
vita clericorum, vbi ait, alias sibi constitutum fuisse, nullũ
ordinare clericum, nisi qui communem vitam ducere vel-
let: sed postea consiliũ mutasse, ne, quod peius esset, quispiã
per simulationẽ, & hypocrisim, regulam violaret, & promissum falleret. Itaque etiam si quis communiter viuere nol-
let, se ei deinceps clericatum permissurum. Quare ex hoc e-
tiam argumentatur Medina, rei quidem naturam pauper-
tatẽ postulasse, quod verò non omnes id facerent, dissen-
sionem quandam fuisse. Cuius laxitatis duas opinor fuisse
causas, primum multiplicationem ipsam clericorum; quo-
niam cum ita creuisset populus Christianus, vt à paucis ad
ministrari non posset, & ad ipsius etiam Ecclesię splendorẽ
facere videretur, vt plures iam ministros haberet, non ita
potuit in tanto numero ille perfectionis ardor conseruari.

Altera fuit causa, quoniam quo longius tẽpora à primo il-
lo Ecclesię statu procedebãt, eo magis & Dei caritas in ho-
minibus refrigescibat, & abundabat amor sui, suorumque
commodorum. Quare cum difficile iã esset, clericorũ vul-
gus in tanta omnium rerũ abdicatione retinere, mansit
tamẽ hoc studium in quibusdã, quibus maior animus, ma-
iorq; inerat feruor, qui ita clericalia munera obirent, vt si
multa religiosa etiã munera, illamq; exactam disciplinã non
omitterent. Hanc laudem Ambrosius Eusebio Vercellensi
Episcopo tribuit, qui suos clericos ita instituisset, vt ab iis,
quemadmodũ ipse ait, duo pariter exigeret, & monasterij
continentiam, & disciplinam ecclesię. Hæc, inquit, primus
in occidentalibus partib⁹ diuersa inter se Eusebi⁹ sanctæ
memorię coniunxit, vt in ciuitate positus, instituta mona-
chorũ teneret, & ecclesiam regeret ieiunij sobrietate. Mul-
tum

tum enim adiumenti accedit ad sacerdotis gratiam, si ad studium abſtinentiæ, & normam integritatis iuuentutē astringat, & cōuerſantes intra urbē abdicet vſu urbis, & cōuerſatione. Hæc Ambroſius de Eusebio, quem, si recte attendimus, nō absolute primū eius instituti auctorem facit, sed in Occidentalibus duntaxat partibus; nam in aliis partibus iam pridem eadem forma viguerat. Quod ita esse etiam ex Possidonio cognosci potest, qui in vita Sancti Augustini, cum hoc idem ab illo factum narret, ut monasterio intra ecclesiam constituto, vna omnes mensa, cōmunibusque sumptibus alerentur, nihilque cuiquam suū esset, hoc etiam addit, hanc rationem sub sanctis Apostolis primum introductam. Confirmat hoc quoque Pontificis auctoritas Pij I I I I. qui bulla quadam, in qua de Canonicorum regularium ordine quædam honorifice decernit, hanc addit causam, quod is ordo ab Apostolis institutus fuerit; quam bullam recitat quodā loco Nauarrus, & alia addit in eadem sententiam. Itaque Augustinus quoque non tã inuentor, quam restitutor fuit atq; instaurator huius religionis clericalis, de qua quidem neminem dubitare video, quin eadem sit, quam modo nominaui, Canonicorū regulariū. Sic enim ferunt, Augustino defuncto, & Hyppone à Vandalis vastata, Gelasium, quem Africanum fuisse constat, cum aliquot sociis eius disciplinæ Romam venisse, eoque ad Pontificatum euecto, illos deinceps perseuerasse in eodem vitæ genere, iisque domicilium attributum in Lateranensi ecclesia; cuius adhuc extant monumenta tum in ipsis ædiū illarum ruinis, tum in Pontificiis quibusdam diplomatis, & præsertim Eugenij I I I I. Ac illorum occupatio his muneribus, ut scriptum legimus, continebatur, sacrificandi, cōciones ad populum habendi, eidemque sacra ministrandi, denique omnia Apostolica, ac sacerdotalia officia obeūdi, idque in communi vita, nulla re propria, & vnius præpositi ductu, & obedientia. Quod etiam ex eo confirmari potest, quod constat à Bonifacio primum V I I I. hos regulares Canonicos è Lateranensi sede quam octingētis ferme annis tenuerant, amotos, substitutis Canonicis secularib⁹, diuisaque singulis certa reddituum portione, qui antea cōmunes erant. Neque verò Romę tantum, sed in omnibus pene prouinciis horum viguisse institutum, multis indicis probari potest, eoque potissimum, quod & Dominicus in Hispania hanc primum vitæ rationem aliquamdiu

In c. sta-
tuumus.

10. q. 3.
num. 7.

¶ 3.

professus est, & in Gallia ipsius Bernardi ætate multos ex eis extitisse ipsius vita, & epistola ostendunt, in quibus nonnulla de ipsis commemorantur. Igitur clericorum quidem regularium unum, quod feramus, erat iam gens, hi, quos diximus, Canonici. Verum hoc deinde nostro seculo, aliquot etiam alij eiusdem ferme generis ordines Dei voluntate, certa que providentia emerferunt, magno utique, ut videmus, Ecclesiæ bono, in quam quasi Domini vineam excolendam eo feruentius, atque alacrius, & fructuosius incubunt, quo adhuc, ut recentes solent operarii, integris sunt viribus, & minus fatigatis.

Ex hoc numero est etiam hæc nostra Societas I E S U, quam Deus his nouissimis temporibus, nempe anno M D X L. in lucem eduxit: hoc enim anno à Paulo I I I. Pont. confirmata, & Apostolicis decretis stabilita est. Quare nihil de Fundatore, vel de ceteris eius primordiis hoc loco commemorandum censeo, cum sint omnia notissima, ut in re adeo recenti. Tantum igitur alicuius de instituto attingendum, quo modo sic religiosam disciplinam cum clericorum ratione coniungere conetur, ut quod in utraque optimum, ac præcipuum est, id in se, quoad ei liceat, complectatur. Nam cum religionis partes potissimæ illæ sint, paupertas, fuga seculi, segregatio à carne, & sanguine, obedientia perpetua, & hæc omnium maxime, ut eius est quasi essentia. Societas quidē hæc, tum illa omnia, tum hæc in primis obedientiam ita complexa est, ut in ea excolenda, & quam perfectissime exercenda vires omnes intendat, quin etiam hoc profiteatur, ac præ se ferat, veram, germanamque sobolem suam hac quasi nota distinguere, ut in perfecta obedientia, & voluntatis, iudicioque abdicatione quā maxime excellat. Cleri autem forma si perfecte inquirenda est, eam potissimum accipere oportet, quæ ab Apostolis ipsis, ut diuinis magistris, est instituta, quæ sane haud parum distabat ab ea, quam nunc cernimus. Etenim vetus illa his tantummodo officiis, ac functionibus constabat, docendi, prædicandi euangelium, instruendi rudes catechismo, sacramenta præbendi, denique purgandi, illuminandi, perficiendi mortalium animos. hoc enim triplici operum genere Ecclesiastica hæc hierarchia cœlestis illius exemplar quoddam referebat. Hanc igitur eandem formam noster hic, quicumque est, ordo, sibi sumpsit, ut ea exequeretur, quæ post propriæ salutis, & perfectionis studium,

diuini, proximorum insuper salutis, & perfectioni vtilia sint, dicendo, agendo, priuatim, publice, domui suæ, & alienæ, denique omni, qua possit, ratione, ac via. Quod autem scholas etiam externis adolescentibus aperiendas putarit ne hoc quidem à veteri instituto discrepat. Ita enim legimus in antiquis Conciliis cautum, ut presbyteri, & monachi scholas habeant in monasteriis, & in ecclesiis, quod fideles possint filios suos mittere. Quin etiam Basilius cum hæc ipsam quaestionem posuisset, an conueniat, ut inter monachos sint magistri puerorum secularium, respondet conuenire, idque consentaneum esse euangelio, modo tamen eo fine, ut ij simul cum litteris ad pietatem, & Dei timorem erudiantur: quod etiam confirmari potest multorum monachorum, & monasticorum ordinum exemplis, qui gymnasia olim publice habuerunt, non suis tantum, sed externis quoque docendis. Atque hæc quidem de Societate nostra. Verum ut ad vniuersum Clericorum regularium institutum reuertar, facile iam cognosci potest, quam id laudabile, & expetendum esse oporteat, in quod duo instituta tam præclara, tamque vtilia confluunt. Non enim dubitandum est, quin quasi duo Ecclesiæ oculi, duæque manus, ac brachia, quibus ad omnia utatur, sit ordo clericorum, & ordo monachorum, ita vterque præstans, & propriis bonis abundans, ut in in comparatione adducantur, superent se, & superentur mutuo. In clero enim illa excellunt, labor, & opera in proximos, concionandi studium, pugna cum daemone, propagatio diuini honoris, dignitas ipsa sacerdotalis, tractatio diuinorum mysteriorum. In monachis autem sancta illa nuditas, nihil habendo, nihil possidendo, fraterna concordia, & summa vnitas, vnum corpus è multis membris, mutuum auxilium obediencia maiorum coniuncta cum humilitate ipsius status, & cum iis fructibus, qui ex obedientia existunt. Quare cum vtraque ratio tam eximia bona habeat, quibus altera caret, quæ erit vita illa, in qua sic permiscerantur ambæ, ut vtriusque bonis perfruatur, & vna cum suo profectu, quod faciunt monachi, aliorum quoque profectus curetur, quod proprium est cleri: Immo vero ex hac ipsa coniunctione vtrumque etiam maius, atque vberius effici nec esse est, quàm per se separatim essent; quoniam & maiorem Deus gratiam communicat, si ad eius gloriam in aliis propaganda conferatur, & proximorum fructus eo largiores esse solent, quo instrumentum ipsum ad hos fructus efficiendos adhibitum, cum Deo, qui

6. Syn.
c. 4. & 5.
Con.
Mog. ca.
45.
Reg. bre.
q. 292.

Ep. 25.

eorum præcipuus est auctor, coniunctus fuerit: cōiungitur autem per virtutes, & potissimū duas, obedientiā, & humilitatem, quæ vtraque intrinsece inest in religioso statu. Sed quid opus est plura? Ambrosium audiam⁹, quomodo de gemina hac vita disleat, easque inuicem confert. Hæc duo, inquit, in attentione Christianorum deuotione præstantiora esse quis ambigat, clericorum officia, & monachorū instituta? Ista ad comitatem, & moralitatem disciplina, illa ad abstinentiam assuefacta, atque patientiam. Hæc velut in quodam theatro, illa in secreto: spectatur ista, illa absconditur. Ideo bonus athleta ait, spectaculum facti sumus huic mundo. Hæc ergo vita in stadio, illa in spelunca. Hæc aduersum confusionem seculi, illa aduersus carnis appetentiā. Hæc subiiciens: illa refugiens corporis voluptates. Hæc gratior, illa tutior. Hæc seipsam regens, illa semetipsam coercens; vtraque tamen se abnegans, vt fiat Christi; quia perfectis dictū est, Qui vult venire post me, abneget semetipsum sibi, & tollat crucem suam, & sequatur me. Hæc ergo dimicat, illa se remouet. Hæc illecebras vincit, illa refugit. Huic mundus triumphatur, illi exultat. Huic mundus crucifigitur, vel ipsa mundo, illi ignoratur. Huic plura tentamenta, & ideo maior victoria. Illi infrequentior lapsus, faciliior custodia. Hæc Ambrosius, ex quibus id plane apparet, quod proxime posui, cum vtriusque huius vitæ separatim, ac per se tantus sit splendor, vt alterutram complecti magna quædam, & eximia sit res, quanto maior futurus sit splendor, amborum generum laudibus in vnum collatis. Arduum sine dubio opus, ac difficile, sed non Deo, apud quem non est impossibile omne verbum.

De tanta multitudine & religiosorum, & religionum.

CAPVT XXIV.

His perspectis, quæ de religionis initiis, & progressu quā breuissime cōmemorata sunt, libet iam in hoc eius tam vario, tamq; multiplici fœtu diligentius intuendo cōmorari. Quis enim est, qui cum multitudinem, ac copiam recorderetur pene infinitā eorū, qui omni fere euāgelij tempore, hoc vitæ genus tenuere, nō plane admiretur, & obstupescat? Diximus paulo ante de Antonio, cuius vni⁹ nomē, & auctoritas, cū adhuc gētilis impietas tam late dominaretur, tamē adeo multos ad mūdū fugiēdum, ad solitudinem colēdā adduxit, vt vere de ea gr̃ate dici possent illa propheticā,

Psal. 64.

tica,

sila, Benedices coronæ anni benignitatis tuæ, pinguescent
 luciosa deserti, & exultatione colles accingentur. Videmus
 quæ de ipso, ipsiusq; discipulis scribat Athanasius in ei⁹ vi-
 ta: Erant, inquit, in monte monasteria, tamquā tabernacula
 plena diuinis choris psallentiū, legentiū, orantium, qui infi-
 nitam regionē quandam, & oppidum à mūdāna conuersa-
 tione seiunctū videbantur incolere. Quis tum monacho-
 rum agmen aspiciens, quis virilem illū concordie cætum
 cernens, in quo nullus nocens, nulla detractio, sed multitu-
 do abstinentiū, & certamen officiorum erat, non statim in
 cuiusmodi vocem erūperet, Quam bonæ domus tuæ Iacob, Nu. 23.
 tabernacula tua Israel? tamquam nemora obumbrantia,
 tamquam paradisi super fluuios, tamquam tabernacula,
 quæ fixa sunt à Domino, tamquā cedri libani circa aquas.
 Idem quoque cogitare possumus de Hilarione, qui eodem
 tempore in Palæstina innumera, vt ait Hieronymus, funda-
 uit monasteria, & de Machario Antonij item discipulo, In vita
Hilar.
 quem sanctitate illustrem fuisse accepimus, eundemque
 quamplurimos suæ disciplinæ alumnos habuisse. De Cari-
 tone quoq; sic scriptum videmus, ipsum etiam in Palæstina
 plura deinceps cœnobīa extruxisse, cum singulis extructis,
 in interiorem eremum se reciperet. Isidorus autem vno in
 cœnobio plusquam mille, atq; in eodem etiam paulo post
 aduēto, Appollonius plusquam quinque mille monachis
 fertur præfuisse. In mōte vero Nitriæ, qui ab vrbe Alexan-
 drina vnus ferme diei itinere distabat, quingēta monaste-
 ria pene contigua extitisse, quæ omnia ab vno præfide,
 vnoque magistro regebantur. Quin etiam Palladius gra-
 uis auctor, & testis oculat⁹, in sua, quā describit, peregrina-
 tione, ciuitatē se vidisse narrat, in qua plura essent mona-
 steria, quā profanæ domus. Quare cum omnes vici, omnes-
 que anguli pleni essent Dei famulis, qui diuinas laudes
 cōcinerent, visam sibi esse ex ciuitate factam vnam eccle-
 siam: idemque in Memphi, & Babylone innumerabilem se
 ait vidisse monachorū multitudinē, quī omnes variis Spi-
 ritus sancti donis fulgebāt: prope vero Thebas cū Ammo-
 ne se cōgressum patre triū millium monachorū. Quid Pa-
 coinus, qui ipse quoq; annis circiter quadringētis à Chri-
 sto nato floruit, quem cōstat variis in domibus interuallo
 modico distuctis ad septē millia discipulorum habuisse, in
 qua autem ipsemet degebat, plures, quā mille, quos quidē
 omnes cōmodioris gubernationis gratia in quatuor & vi-

ginti claſſes pro numero græcarum litterarũ diſtribuerat. Quid etiã Serapion? quem idem Paliadius à ſe viſum teſtatur, cum decem mille monachos, pluribus tamen diuiſos

Epift. 27. domiciliis gubernaret. Ac Hieronymus quoque in Paulæ epitaphio ſic narrat, cum ea mulier, ſtudio ſanctos illos patres viſendi, deſertũ adiſſet, occuſſiſſe ei turbas, vt ille ait, innumerabiles Dei famulorum, quo ſpectaculo ita delectata ſit, vt ſui ſexus oblita inter tot millia monachorum habitare optaret. Cuius autem, inquit, non intrauit cellulam? quorum pedibus nõ aduoluta eſt? per ſingulos ſanctos Chriſtum ſe videre credebat. Quam autem hæcenus viro- rum diximus, eadem plane fuit etiam vbertas ſacrarũ virginum; quod cum alibi legimus, tum apud Theodoretum in religioſa hiſtoria extrema, qui earũ infinita ſcribit fuiſſe monaſteria in toto Oriente, in Palæſtina, in Aegypto, in Aſſia, in Ponto, in Cilicia, Syria, & Europa: quoniam, inquit, ex quo Saluator natus eſt ex matre virgine, multiplicata ſunt virginitas & virginitatis præſentia. Ac ne quis exiſtimet, in tanto numero, vt fieri ſolet in incondita turba, aliquid tumultus, aut perturbationis extuiſſe, iucundum eſt etiã videre quæ Hieronymus de illorum tẽporum moribus ſcribat.

Epift. 22. Prima, inquit, apud eos confœderatio eſt, obedire maioribus, & quicquid dixerint, facere. Diuiſi ſunt per decurias, atque centurias, ita vt nouẽ hominibus decimus præſit, & rursus decem præpoſitos ſub ſe centeſimus habeat. Manent ſeparati, ſed iunctis cellulis. Vſque ad horam nonam, vt inſtitutum eſt, nemo pergit ad aliũ, exceptis his decanis, quos diximus, vt ſi cogitationibus forte quis fluctuet, illius conſoletur alio quilibet. Poſt horam nonam in cõmune concurritur, Plalmi reſonant, Scriptura recitatur ex more, & cõpletis orationibus, cunctis que reſidentibus, mediis, quẽ patrem vocant, incipit diſputare. Quo loquente, tantũ ſilẽtium fit, vt nemo aliũ aſpicere, nemo audeat exſecrare. Dicentis laus eſt in ſpectu audientiũ. Tacitæ volũt per ora lacrymæ, & ne in ſingulis quidem erumpit dolor. Poſt hæc conciliũ celebratur, & vnaquæque decuria cum ſuo præſente pergit ad mẽſam, quibus per ſingulas hebdomadas viciffim miniſtrã. Nullus in cibo ſtrepit⁹ eſt, nemo comedẽs loquitur. Dehinc, cõſurgunt pariter, & hymno dicto ad præſepia redeunt, ibi vſque ad vespẽram cum ſuis vnusquisque loquitur, & dicit, Vidiftis illum, & illum? quanta in ipſo ſit gratia? quãtũ ſilẽtium? quãm moderatus inceſſus?

infirmum viderint, consolantur, si in Dei amore fer-
 rorem, cohortantur ad studium. Et quia nocte extra ora-
 tiones publicas, in suo cubili unusquisq; vigilat, circumeunt
 cellulas singulorum, & aure apposita, quid faciant, diligen-
 ter explorant. Quem tardiores deprehenderint, non incre-
 pant, sed dissimulato quod norunt, eum sapius visitant, &
 prius incipientes, prouocant magis orare, quam cogunt.
 Hæc Hieronymus, & plura. Nos autem ad multitudinem
 ueniamus, quam nequis illorum fortasse temporum felici-
 tati, & fecunditati cuidam tribuat, quæ una cum temporibus
 ipsis exaruerit, eadem etiam fuit Benedicti seculo, de
 quo supra diximus, eadem quoque posterioribus seculis.
 Certe Tritemius, qui annū vixit circiter MCCCCLXXX.
 de hac ipsa sui ordinis multiplicatione differens, hoc pro
 argumento affert, quod suo tempore in sola prouincia Mo- *1. de vir.*
 guntina adhuc centum, & vigintiquatuor extarent integræ *ill. ca. 2.*
 abbatiæ, præter alias decem iam separatas, ut ex hac una
 prouincia reliqua totius ordinis amplitudo conici possit.
 Nec mirum, cum idem adiungat, fuisse tempus, cum illa so-
 la familia quindecim mille haberet abbatiæ, præter præpo-
 situras, & alia minora cœnobîa. Bernardus vero ipse in
 Malachiæ vita auctor est, in vna Hybernia monasterium
 fuisse multa millia monachorum generans, & multorum
 caput monasteriorum, de quo hæc etiam addit, Locus, inquit,
 vere sanctus, fecundusque sanctorum, copiosissime fructi-
 ficans Deo, ita ut vnus ex filiis sanctæ illius congregationis
 nomine Luanus centum solus monasteriorum fundator
 extitisse dicatur. Quod idcirco dixerim, ut ex hoc vno
 coniciat lector, quam inges fuerit reliqua multitudo. De-
 nique ita Hyberniam, Scotiamque repleuerunt gemitua
 eius, ut ea potissimum tempora Davidici illi versiculi præ-
 ciniisse videntur. Visitasti terram & inebriasti eam, mul-
 tiplicasti locupletare eam: & in hunc modum cetera quæ
 sequuntur. Nec modo in præfatas, sed in exteræ etiam regio-
 nes, quasi inundatione facta, illa se sanctorum examina effu-
 derunt. Ex quibus ad has nostras Gallicanas partes sanctus
 Columbanus ascendens Luxoniense construxit monasterium,
 factus ibi in gentem magnam. Aiunt tam magnam fuisse, ut
 succedentibus sibi vicissim choris, continuarentur solemnia
 diuinorum, ita ut ne momētum quidē diei, ac noctis vaca-
 ret à laudibus. Hæc Bernardus de aliis, quæ eadē nos de ip-
 so, ipsiusque familia confirmare possumus, quæ tam breui
 tempore

tempore ita multiplicata est, ut certe pro miraculo fuerit, quod quidē illi ipsi diuinitus antea ostēsum est. Nā cum in Claraualle esset, pusillo adhuc suorū numero, visio quādam ei obiecta est eiusmodi, ut ex vicinis mōtibus tanta vndiq; diuersi habitus, & diuersæ conditionis multitudo descēdere videretur, ut tot⁹ eos locus capere nō posset. Quid autē de recētiōribus ordinibus dicemus, tū aliis, tū Franciscano potissimū, cui certe hæc, de qua loquimur, propagatio insigniter tributa videtur, ita ut cū in tot mēbra dispersitus sit, vnū eorū, quod Obseruantium vocāt, proximis annis centum fere mille confecerit? Deniq; non ita multis opus esse videtur ad hoc ostendendū, cum res in oculis, & in conspectu sit. Etenim cum tot iam sæculis religiosorum nomē viguerit, cum tā multi ordines antiqui extiterint, tam etiam multi variis tēporibus adiuncti sint noui, tamē & illi semper perseuerarunt, & hi quotidie magnopere aucti sunt. Quod mihi cogitatū non solum nihilo imminutus videtur religiosorum numerus, quā fuerit olim, cum ita abūdabat, sed etiā aliquāto maior factus. Verum tum quidē fortasse magis aduertebatur copia, quoniā ad duas, vel tres familias (plures enim eo tēpore non erant) omnia confluebant: nunc minus aduertitur, quoniā in multas partes diuiditur. Quod igitur maius argumētū querim⁹ ad hoc vitæ genus confirmandū, eiusque dignitatē declarādā? Nimirū enim hoc illud est, quod Dominus veteribus illis Iudæis quasi suæ gratiæ, suæque præsentis indicium promiserat. Respiciam vos, inquit, & crescere faciā, multiplicabimini, & firmabo pactum meū vobiscum. Quin etiam est hoc maximū perfectionis indicium. Ut enim in natura prius vnūquodque bene constitutum, ac perfectum in suo genere esse ipsum oportet, quā aliud sibi simile generet, quod apparet in herbis, & plātis, perspicue autē in animalibus, ex quo fit, ut facultas generādi abundantiam quandā virtutis, ac virium indicet; sic in ea vita, quæ naturam superat, tanta præsertim multiplicatio copiam sanctitatis, ac perfectionis, & eam quidem magnam arguit. Atque hoc etiam eo minus mirabile esset, si religio eiusmodi vitam proponeret, in qua multa esset viuēdi licentia, & quæ carnē, & sensum allectaret. Sed longe omnino secus est. Nam & ea tollit, quæ corpus delectare possunt, & ea præscribit, à quibus natura abhorreat, paupertatem, labores, contemptum, voluntarias pœnas, denique perpetuam crucē. Ex quo fit, ut iste concursus hominum,

Leuit.
c. 26.

nam, & quidem tum nobilium, tum adoleſcētium, quorum vel ætas, vel conſuetudo deliciarum, iſta aſperiora reſugit, aliquid diuini arguat, quod in religione inſit, neque id ulli alteri rei plane aſcribi poſſit.

De multitudine autem ordinum ipſorum hoc etiam vere dici poteſt, maximum ex eo quoque ornāmētum Eccleſiæ accedere. Recte enim, & ſapienter Bernardus, qui Eccleſiam ait tam multis, & diſſimilibus ordinibus variari, vt reginam, quæ in pſalmo legitur circumamicta varietatibus, & in eo agnoſci tunicam polimytam Iosephi, nō illius, qui Aegyptum, ſed eius qui mundum ſaluauit, eandemque in- conſutilem, propter indiuiduam caritatem, & ſimilem diſſimilitudinē, quæ in ea eluceat. Ac præter hanc pulchritudinem, de qua hic Bernardus, habet etiam ea res dignitatē, & vtilitatem permagnam. Dignitatē quidem, quoniam vt in regum aulis, ita in hac Dei aula, quæ eſt eccleſia, ad amplitudinem, atque maiestatem pertinebat, vt quamplurimos haberet ſeruorū ordines, qui & inſtituto, & ipſo etiam veſtitu, quaſi in multas claſſes diſtincti eſſent. Quod vt Chriſti ſponſi honorē, & cultum ſine dubio auget, ſic etiā eius ſponſæ Eccleſiæ nihil elegantiuſ, aut magnificentiuſ tribui poterat, quā vt hæc quoque re ad illius cæleſtis Hieruſalē imaginem quam proxime accederet, in qua nō vnus angelorum ordo, ſed tot ordines, tot hierarchiæ, & natura ſimiles, & tamē gradu, officiis, & que diſpares, aſſidue Deo ſeruunt. Scite etiam, & doctē B. Thomas, Sicut, inquit, in naturæ ordine tanta à Deo rerum varietas ideo inducta eſt, vt variæ eius perfectiones, quo pluribus communicarētur, eo magis innotefcerent, ita in hoc ordine gratiæ iſta multiplicatione ſtatuum, officiorum, ac munerum id agitur, vt variis modis, & à variis mēbris participetur illa plenitudo gratiæ, quæ à Chriſto Domino, & Salvatore noſtro, vt capite promanat. Ex quo maior utiq; ipſius Chriſti gloria exiſtit, cuius & vis in merendo, & liberalitas in donando magis ac magis illuſtratur. Addit etiam illud, quod paulo ante attigimus, hæc quoque re Eccleſiæ ipſius pulchritudinem augeri; quoniā & in ordine magna ſine dubio eſt pulchritudo, atque ornatus, nec ordo iſte eſſe poteſt ſine multitudine. Itaque huc etiam cōmode refert quod eſt ab Apoſtolo dictū, In magna domo non ſolum ſunt vaſa aurea, & argentea, ſed etiā lignea, & fictilia. Accedit deinde, quod iam ad vtilitatē pertinet, quod cum vnaqueque religio aliquid proprii,

*In apol.
ad Gul.
Pſal. 44.
Gen. 37.*

*2. 2. q
183. ar.
tic. 2.*

2. Ti. 2.

proprij, ac, præcipui habeat, quod spectet, & quod sequatur, multo id melius, perfectiusque singulæ exequentur, si in vno tantum opere totæ versentur. Multa enim sunt opera, quæ sese inuicē impediunt, & alia certe suauius, & facilius
1. Pol. c. 1. perficiuntur, si separatim perficiantur. Itaque ut Aristoteles ait, animantis corpus ita à natura fabricatū esse, ut singulis sensibus singula membra tanquam instrumenta destinaret, ne sibi mutuo impedimēto essent, si eodē tempore plura opera exercēda occurrerēt, sic multo magis in gratiæ muneribus decebat omnino illam Dei diuitem sapientiam, ut varia variis partiēdo, quicquid id esset & operis, & præmij, cum pluribus communicaret. Quin etiam ut ad ciuitatis commodum, atque ornatum quoque spectat, varios eam habere, multorumque generum opifices, quorum alij lanam, alij ferrum, alij lignum, & cetera tractēt, quo nihil ciuibz ad victum, & cultū desit, ac non solum in artibus sit distinctio, sed easdē artes plures etiā exerceant, ut maior sit rerū copia: ita in hac spirituali Dei ciuitate, quoniā tam multa ad fidelium salutem requirebantur, hoc Dei sapientia prouidit, ut ea multa à variis religionum generibus suppeditaretur. Indigebat Ecclesia precibus, à quibus subleuaretur in omnibus periculis, ac difficultatibus, & quarū perpetuo præsidio fulciretur. Ideo quidā sunt ordines ad hoc vnum facti, ut se diuinarū rerū contēplationi totos dederēt. Indigebat ieiunij, ceterisque asperis, tum ut Deus mortaliū peccatis placaretur, tum ut homines exēplum haberent, quod imitarentur. Quare hos quoque ordines fundari oportuit, qui habitu, qui ciborū abstinētia, qui summa paupertate hunc præcipue vitæ rigore profiterentur. Indigebat etiam concionibus, & doctrina, & insuper iis, qui populos verbo instruerēt, confessionibus expiarent. Ad hæc omnia Dei prouidētia certos quasi distinauit opifices, qui & volūtate, & facultate ab illo accepta, suum quique munus amplecterentur. Quibus rebus effectum est, ut hæc Dei, quem admodum antea appellauī, ciuitas, omnibus esset præsidij instructa, quæ vel ad necessitatē, vel etiā ad commoditatem adipiscendæ salutis pertinere videbātur. In quo illud quoque aduertēdum video, quo magnopere diuina bonitas, & cura quædā humani generis commēdatur, quod ut medici, cum ægrotus appetētiā ciborum perdiderit, accommodāt se, quantum licet, ad eos cibos, quos ille minime aspernetur, vltroque plures proponunt, ut è multis aliqui saltem placeant

placeant, sic Deus, quoniā seculares homines negotiis immerſi terrenis cæleſtiū guſtum, ac deſideriū amiſerant, tam multas præſto eſſe voluit quaſi ſpirituales epulas à diuerſis diuerſa ratione conditas, ac paratas, vt qui vnas faſtidiret, ab aliis alliceretur. Addamus illam quoque vel maxime neceſſariā cauſam, voluiſſe Deum, quod fuit illi⁹ immentæ bonitatis, omnibus cōſulere, & quaſi viam ſternere omnibus, qui ad virtutis perfectionē peruenire cuperent. Varia enim ſunt hominū ingenia, & naturæ, & variæ propenſiones, nec eadem omnibus corporis vires. Quidā ſolitudine, quidam frequentia delectantur; alij otii, & ceſſationē, alij ipſum negotium ferre non poſſunt; nonnullis firma valetudo, aliis imbecilla, vt labores, & aſperiorē vitam nequeant tolerare. Itaq; his omnibus ſuum ſtatum, ſuumque proprium quaſi pabulum præberi oportuit, quod eſſet & ſaluti ſimul, & eorū conſtitutioni congruens: idque ſuauiſ illa prouidentia requirebat, quam Deus in hominum gubernatione perpetuo retinet, nec dimittit vnquā. Denique illud etiam in his ordinibus multiplicadis diuina egit ſapientia, vt identidē nona Eccleſiæ ſuæ ſupplementa ſubmitteret, quæ cum eſſent integra, & recentia, & alacrius ipſa pugnarent, & alios iam fortasſe pugnando feſſos ad eandem alacritatē excitarent. Hoc enim vſu ipſo venire videmus, vt horum, qui poſtremi adueniūt, & maior ſoleat eſſe feruor, & ceteris etiam vel imitatione, vel verecundia, vel alijs ex cauſis animos, ſtimulosque addere: ex quo fit, vt ſemper in Dei Eccleſia feruor cōſeruetur, dum ſubinde his quaſi igniculis additis inſtauratur.

*De viris ſanctitate ſimul, & doctrina inſignibus,
qui religioſi fuerunt.*

C A P V T XXV.

QUEMADMODUM in Eccleſiæ ſanctæ commédatione illud eſt optimū inter alia argumētū, quod tam multi eminētes viri in ea fuerint, quos vix ſingulos, multo autem minus vniuerſos, errare potuiſſe credendū ſit, ſic mihi videtur idem in religioſo inſtituto valere, cū tanta præſtantium virorū multitudo id ſequuti ſint, vt vel ſola eorū auctoritas ſatis eſſe poſſit ad illud omni laude cumulandum. Eſt autem eiufmodi hæc multitudo, vt ſi quaſi ratiocinādō ſummam

summā eorum subducam⁹, qui in tota Christi Ecclesia, doctrinę simul, atq; sãctitatis gloria florere, sine vlla dubitatione, maximā partē inueniamus fuisse ex religiosis. Quod si in eis hoc effecit religio, vt tantā excellētiā huius vtriusque boni adipiscerētur, quid ea melius, aut quid vtilius? Sin illi aliunde ad religionē bona illa attulerunt, hęc tamen magna esset religiosę vitę laus, quod tal es, & tanti viri eā viuēdi formulā tenuissent, quorum vestigiis insistere, non possit non esse tutum, & laudabile. Ac si viribus, & nationibus integris gloriosum est, vnum, aut alterū ciuem habuisse, qui vel doctrina, vel militari gloria excelluerit, & quib⁹ id cōtigit, eorū memoriā ex annalib⁹, & antiquitate iactare solent, quasi vnus virtus ad cōmunē laudem pertineat, quanto magis gloriari posset Religio tā multis, tāque pręstantibus alūnis: pręsertim quod Romę, vel Athenis nasci, casus quidā fuit, neq; id eius, qui nascitur, iudicio fieri potuit. At vero, quod hi viri religiosum statum expetierint, id ab iis certo consilio, ac iudicio factum est, quod eius bonū cognoscerēt. Itaque quantacumque est eorum auctoritas, ea tota religionis dignitatem exornat, primum quod nunquam ij tale institutum adamasent, nisi merito amandum cognouissent, deinde quod ad illius per se dignitatem ipsi quoque aliquid splendoris suo splendore attulerunt. Innumerabiles autem fuere religiosi, viri magni, & hominum quoque opinione, ac fama celeberrimi: nos tamen nō omnes hoc loco commemorabimus, quod esset infinitum, sed eos tantum, qui pręter eximiam virtutem, insuper etiā doctrinā, & eruditionem excellētem adiungere: atque ex his etiam ipsis pręcipuos tantum ex omni ætate delibabimus, Gręcos prius, deinde Latinos. Primum autem offert se Serapion antiquissimus, nempe anno post Christum natum CXCI. qui, vt traditur, adolescens adhuc monastica vita excultus, postea etiā Patriarcha Antiochenus octau⁹ à Petro Apostolo, suorū temporum doctissimus, & eloquētissimus fuit, & multa ad aliorū vtilitatem egregie cōscripsit. Huic similis aliquāto post Pamphilus fuit anno cxxl. ipse quoque sui seculi eruditissimus habit⁹, de cuius etiā nobili bibliotheca mentionem facit Hieronymus. Atque hic etiam à Maximiano ob Christi fidē occisus, religionis laudem martyrij gloria cumulauit. Aequalis pene Pamphilo fuit Lucian⁹, ipse quoque ab inenunte ætate monachus, quē scribit Suidas doctrina clarū Antiochię ludum aperuisse.

ex quo

ex quo multi insignes viri prodierint : atque hic ad extremū ab eodem Maximiano fante extinctus est, cum in carcere etiam coniecto nullum cibum præter carnes idolis immolatas præberi iussisset. Commemorabilis etiam fuit Ioannes Climachus annum circiter C C C X L. qui vixit in monasterio montis Sinai, suæque tempora illustravit non vita solum, sed scriptis etiam, & sermonibus. Nec minor isto. et fren Syrus, is qui Basilium inuicem, reuelatione diuina ab ipso cognitus est, à quo presbyter ordinatus, numquam adduci potuit, vt sacrificaret, tanta erat in eo humilitas : alteri tamen eius muneris parti egregie satisfecit, populos docendo, & instituendo, in quo ita valuit eloquentia, vt inter disertos sui seculi esset clarissimus. Multa etiam scripsit, quæ, vt ait Hie: onymus, in plerisque Orientis Ecclesiis, post scripturarum lectionem publice recitabantur. Sed nihil ita tulit illis temporibus, vt Basilium ipse, & Gregorius Nazianzenus, doctrina æquales, amore, ac vita coniunctissimi. Nam cum Gregorius Athenas petens magna in mari tempestate iactatus, monasticam vitam vouisset, si incolumis euaderet, id deinde studiis absolutis cum perficere decerneret, Basilium etiam, cum quo familiarissime vixerat, quasi manu iniecta, secum abduxit. Itaque per tredecim annos in monasterio solis diuinæ Scripturæ libris, ac Theologiæ operam tantam dederunt, quantam postea orbis terrarum sentit: donec Basilus quidem Cæsareæ, Gregorius Nazianzi, deinde etiam Constantinopoli Episcopus factus est. Quæ vero uterque egerint, quæ pertulerint, quæ etiam scripserint, superfluum est recensere, cum sint omnia notissima. Illud ergo hic tantummodo addendum puto, adeo monasticæ vitæ amorem ambos retinuisse, vt Basilus semper eius officia vna cum Pastoralis cura obierit, Gregorius etiam relictâ ea cura, domum sese ad priuata monachi studia retulerit, in quibus vsque ad extremum spiritum se exercuit. Nec mirum: videmus enim quæ ipsemet de se scribat in quadam oratione, vbi hanc ipsam rationem reddit, cur Episcopatu, qui ei offerebatur, repudiato, fugisset in Pontum, quoniam adeo hæc religiosa vita delectaretur, vt ab ea separari non posset; quam, inquit, vitam cum iam à primis annis adamassem, sic vt vix quispiam eorum, qui literis operam dederunt, eamque in grauissimis periculis Deo vouissem, immo etiam hactenus velut à limine, & vestibulo contigissem, ipsaque eius experientia maiori ipsius amore, & deliderio flagrarem, non tuli

Ibidem.

me ab ea tanquam ab asylo euelli. His vero proximus fuit Epiphanius, vir plane magnus. hic parentibus Iudæis ortus, cum Luciano monacho occurrens, lucidum globum super eius caput descendentem vidisset, ita non solum Christianæ, sed etiam monasticæ religionis amore exarsit, vt ei statim adiungi, & in eius monasterio Deo famulari voluerit; quod quidem monasterium antea obscurum, & ignobile, is deinde maiorem in modum illustrauit. Denique cum ad Episcopalem curam postulatus, naui, quæ primum occurrerat, fugisset, incidit in illam ipsam molestiam, quam summo studio virabat. Nam in Cyprum insulam delatus, Salaminæ, vbi de eligendo pastore agebatur, diuino admonitu, omnium suffragiis, ei muneri inuitus, ac repugnans consecratus est. Quid autem de Chrysostomo dicemus, cuius ætas in hoc idem tempus incidit, nempe in annum C C C C. de quo hoc accepimus, cum adhuc in solitario quodam monasterio versaretur, astitisse Angelum Flauiano Patriarchæ Antiocheno, cum magna luce, qui iusserit, vt Ioannem adiret, & sacerdotem institueret, atque eadem etiam hora Ioanni ipsi se ostendisse, & mandasse, vt Flavianum sequeretur: quare cum annis duodecim strenuam illi Ecclesiæ operam pauasset, deinde Constantinopoli Archiepiscopus factus, tam multos labores, & molestias, scribendo, dicendo, & communi bono prouidendo pertulit, ita etiam exagitatus est inimicorum inuidia, & principum, quibus audacter resistebat, potentia, vt in exilio, & in magnis ærumnis mortuus, iure præter alias laudes, martyr quoque appellari possit. Notus est etiam Ioannes Damascenus anno circiter D C C X X X. cuius traditionem tanta, quæ adhuc extant, opera testantur, sanctitatem autem vita ipsa magno præsertim humilitatis, ac mortificationis fundamento nixa. Atque hic etiam quantuscunque fuit, à monacho altero factus est, qui, vt scriptum est, in Syriam captiuus abductus, & huic Ioanni magister datus. cum breui sua omni doctrina imbuit. Fuere etiam alij minus quidem celebres, quam quos adhuc diximus, sed insignes tamen, & magni, vt Nilus, vt Isacius, Eutymius, Tiadenus, vt Anastasius, quibus extremo loco numerari etiam debet Bessarion, is qui anno M C C C C X X X I X. in Concilio Florentino præcipuus auctor fuit conciliandi Græcos cum Latina Ecclesia, atque Ephesinum Episcopum, qui solus dissenserat, voce, ac postea etiam libro scripto acerrime confutauit; certe inter doctissimos illius ætatis habitus,

habitus, cui doctrinæ cum hæc pietas, ac zelus accederet, ab Eugenio IIII. Cardinalis creatus, maiora deinceps in Ecclesiæ utilitatem perfecit.

Hæc igitur de Græcis. Inter Latinos autem primus locus merito debetur duobus illis Ecclesiæ luminibus Hieronymo, & Augustino. Nam de Hieronymo quidem hoc constat, ab ineunte adolescentia cum monachi vitam egisse, neque unquam mutasse, quamvis vel Romam, vel Antiochiam, aut ad alia loca peregrinatus sit. Quare cum cum Paulinus Episcopus rogaret, ac pene cogeret ad sacros ordines suscipiendos, assensit quidem, sed ea conditione, ne monasticam professionem desineret, quod ipsemet ad Pammachium scribit, adiungens, noluisse id à se sub presbyteri nomine tolli, propter quod seculum reliquerat. Itaque numquam se, quamvis sacerdos factus, in cleri ordinem traduci passus est, nec suam operam concionibus ad populum habendis impendere voluit, licet multum de eo ab Epiphanio rogatus, ut ipse narrat in epistola ad Ioannem Hierosolymitanum. Deinde multo maxime vergente iam ætate Hierosolymam reuersus, cum Paula suis opibus ad Domini præsepe duo monasteria ædificasset, vnum feminis, alterum viris, in hoc sibi sedem fixit, idque etiam propriis deinde sumptibus amplificauit. Ita enim ipse testatur, hac se causa Paulinianum fratrem in patriam misisse, ut senirutas villulas, quæ barbarorum manus effugerant, & reliquum patrimonium venderet, quo confluentes de toto orbe monachorum turbas, quibus, ut ipse ait, pene obruebatur, excipere posset hospitio. Quod vero huius loci gubernationem ipse sustineret, declarat id quod Hieronymus idem alibi scribit, se ob multitudinem aduentantium, & ob sanctorum fratrum, monasteriisque curas, commentarios in Hieremiam per intervalla dictasse. De Augustino autem etsi ex alijs scriptoribus, & potissimum ex Posidonio, satis est notum, iuvat tamen ipsius verba de re hac cognoscere. Ego, inquit, qui hæc scribo, perfectionem, de qua Dominus loquutus est, quando ait diuiti adolescenti, Vade, vende omnia quæ habes, & da pauperibus, & veni sequere me, vehementer adamavi, & non meis viribus, sed gratia ipsius adiuvante, feci. Quantum autem in hac perfectionis via profecerim, magis quidem ego noui, quam quisquam alius homo, sed magis Deus, quam ego. Et ad hoc propositum quantis possum viribus alios exhortor, & in nomine Domini habeo consortes,

Epist. 61.

Epi. 60.

Epist. 26.

*In præm.
libr. 4. in
Hierem.*

*Epi. 89.
quæst. 4.*

3. *Conci.*
Petil. c.
 40.

Epist. 13.

1. *Ciuit.*
cap. 10.
 3. *Dialo.*
cap. 2.

quibus hoc per meum ministerium persuasum est. Alio autē loco quid hoc nomine audiret ab hæreticis, ita indicat, Perrexit ore maledico Petilianus in vituperationem monasteriorum, & monachorum, arguens etiam me, quod genus huius vitæ à me fuerit institutum: quod genus vitæ omnino quale sit, nescit, vel potius toto orbe notissimum nescire se fingit. Quid igitur maius, aut honorificentius de religioso statu prædicari potest, quā quod hi duo tales, & tanti viri eum statum amplexi sint, idque tanto studio, & amore, quantum ipsi met profitentur? Nam si ingenium quaerimus, nihil acutius; si doctrinam, nihil eruditius; si docendi, aut scribendi facultatem, nihil vberius; si vero virtutem, nihil sanctius: denique si auctoritatem, nihil grauius utroque in vniuersa Ecclesia vnquam exiitit, aut existet vnquam. Paulinum etiam Nolanum, vel potius Vasconem (nam hic patriam, illic Episcopatum habuit) monachum fuisse ex Hieronymi epistola intelligi potest, qua eum ut adhuc monachum, nondum Episcopum instituens, & laudat, quod unicam cum animo mutatit, seque pauperem spiritu, & operibus gloriatur, & monet, ut secularium, maximèque potentium hominum consortium deuiter. Quid enim, inquit, tibi necesse est ea videre crebrius, quorum contempni monachus esse coepisti? Atque huius quidem quanta, & quam elegans doctrina fuerit, ipsius opera testantur, pietatem autem admirabilem, tum alia eius facta, tum illud præcipuum; quod seipsum pro viduæ filio redimendo barbaris vendi voluerit, quod factum adeo luculente, & quidem merito ab Augustino, & Gregorio celebratur. Inter hos magnos, & excellentes huius ætatis viros nihil dubitarim connumerare etiam magnam illum Martinum Turonensem, quoniam etsi non eam doctrinam habuit, quæ in scholis acquiritur, ea certe abundauit, quæ de cælo demittitur; idque ita, ut conciones, & quæuis disputationes, & omnes denique Episcopalis officij functiones tam præclare sustineret; quod quidem sine doctrina fieri non potest. Hic igitur vir tantus Mediolani primum, deinde ab Auxentio Arriano hinc exturbatus, aliterum apud Pictauos monasterium instituit, tertium Turoni iam Episcopus: ubi quamquam Episcopus, tamen, ut Sulpitius eius familiarissimus scripsit, religiosam nihilominus disciplinam vna cum aliis octoginta monachis ad extremum vsque spiritum seruauit, in tummo paupertatis rigore, cum tamen plerique inter eos essent nobiles, & molliter educati.

educati. Eisdem quoque temporibus viguit Ioannes Cassianus, genere Scythæ, stylo cum primis Latinus, qui prius Chrysostomi discipulus,, Massiliæ deinde monasterium ædificauit, in quo instituendo, ac regendo non est dubitandum, quin re ipsa explicarit quæcunque ex sanctorum Patrum congressu, ac sermone scriptis mandauerat: quæ scripta quantam perfectionem complectantur, notum est omnibus. Eucherius autem ille Lugdunensis ex Lyrinensi cœnobio ad patoralem curam euocatus, & suo tempore, annum circiter C C C C L. illustris admodum fuit, & est adhuc nostro, ob multos, & doctos libros. Ei fere æqualis fuit Prosper Episcopus Rhegiensis, quem antea monachum, atque etiam Leoni Magno à secretis fuisse, eiusque nomine multas epistolas scripsisse tradunt historici. Paucis vero post annis, id est circiter annum quingentesimum, Fulgentij quoque nomen in Africa, quamquam non in sola Africa, sed in toto orbe viguit, qui multa doctissime egit, & scripsit præsertim aduersus hæreticos, multa etiam fortissime ab eisdem pertulit: religiosam vero vitā adeo complexus est, vt etiam in ipso Episcopatu semper retinuerit. Nec minor, quā hic Cassiodorus fuit, antea Rauennæ vrbis Senator, & Theodorici Italiæ Regis Cancellarius, à quo post occisum Bohetium abhorrens, cūque vna cum mundo deferens, Classense monasterium ex Benedicti instituto adhuc admodum recenti fundauit, ei que se insuper dicauit, vir in omni prius seculari litteratura peritus, postea vero etiam diuina; quod adhuc eius opera ostendunt. Vixit anno Domini D L. Gregorium vero magnum, qui annis post hunc quinquaginta fuit, quis digne laudare possit? aut quis satis admirari illam sanctitatem, illam etiam doctrinæ vbertatem, quæ se per tot libros ad mortalium vtilitatem effudit? Sed de hoc alius etiam erit dicendi locus inter Pontifices. Atque huius etiam ætate vixit Gregorius ille Turonensis, ad eam cathedram ex monasterio euectus, cuius doctrinæ multa adhuc extant monumenta. In Hispania autem religionem in primis ornatunt Eutropius, qui ab ineunte ætate Christo se consecrans, postea ex Abbate Valentinus Episcopus creatus est, anno ferme sexcentesimo decimo: tum Ilidorus, cui post vicam diu in religioso ordine actam, Hispanensis cathedra mandata est, anno sexcentesimo nonagesimo. Cuius discipulus, ac virtutis quoque imitator fuit Ildefonsus, eaque disciplina ita profecit, vt deinde Toletanæ Ecclesiæ

præfectus sit. Huius autem præclara opera adhuc in manibus sunt, & inter alia liber de virginitate Mariæ, cuius ille præcipuus cultor fuit: quo libro absoluto, ferunt ei se Virginem visendam præbuisse, cum codicem manu teneret, eiusque studium in se ornanda collaudaret. Illustis etiam fuit in Gallia eodem plane tempore Cæsarius monachus prius, & Abbas Lyrinensis, postea episcopus Arelatensis, vir doctus, & sanctus, atque, ut constat, magna dicendi facultate instructus. Habuit etiam Anglia insignes homines ex iisdem institutis, & in primis Bedam, quem anno salutis DCCXXXIII. ex hac vita migrasse accepimus. Hic ab anno ætatis suæ septimo, quo in monasterij disciplinam traditus est, usque ad nonagesimum secundum (tot enim vixit) hoc omne tempus in vno pietatis ac doctrinæ studio consumpsit; itaque tam multa volumina scripsit, & tam docte scripsit, ut pene alter Augustinus habeatur. Quanta vero esset eius auctoritas apud omnes, illud indicat, quod adhuc viuientis & superstitis scripta in tota Anglicana Ecclesia, perinde ac sanctorum Patrum publice legi solebant: quibus quoniam nondum Sancti, qui scilicet in terris degeret, nomen addi poterat, addebatur Venerabilis, eoque factum est, ut etiam illo mortuo, is tamen titulus in eius operibus permaneret. Quod autem vulgo dici solet, eum oculis captum fuisse, omnino falsum est commentitium. Atque in eadem Anglia affulsit etiam Anselmus annum circiter MLXXX. qui primus monachus, deinde Cantuariensis episcopus, tum sancte viuendo, tum etiam erudite multa scribendo, quæ scripta adhuc extant, magnam sibi, & religioso nomini gloriam peperit. Præter hos alij quoque multi extiterunt in omnibus familiis, qui virtutis excellentiam cum eruditionis excellentia coniungentes, luxere, & nunc etiam lucet in Ecclesia Christiana, quali stellæ ad illuminandam huius nostræ peregrinationis noctem. Quid enim sancto Thomæ Aquinati, quid Bonaventuræ & aliis pluribus defuit ad sanctitatem, vel ad scientiam, ut veteribus illi comparari non possint? Sed hi recentiores, & alius erit de iis dicendi locus. Nunc ita hoc caput concludendum est, ut cum gaudio, & cum admiratione agnoscamus, quos heroas, vel ut Paulus loquitur, quas columnas religiosa instituta Ecclesiæ sanctæ suppeditarint, quibus & instituta hæc mirum in modum ornarentur, & ipsam Ecclesiam suo ornatu exornarent. Nam si aduertamus, ex quatuor Grecis Doctoribus tres religiosos, tres item ex quatuor Latinis fuisse reperiemus: ex reliquis autem sanctissimis quibusque,

& doctissi-

& doctissimis viris, multo maiorem horum fuisse partem.

De viris principibus, qui religiosam vitam duxere.

CAPVT XXVI.

SVNT quidem apud Deum animæ omnes, ut æqualis naturæ, sic etiam æqualis pretij, & porius si quod videatur ab illo discrimen seruatum, hoc seruatum est, ut magis pauperes eligeret, quam diuites, magisque contemptos, quam honoratos in seculo. Sed tamen sit nescio quomodo, ut quo illustriori, & clariori quisque ortus est sanguine, eius virtus maiori plausu excipiat, siue quia res difficilior, siue ob eam causam, quam reddit Augustinus. *Con. 8. c. 4.* quia cum multis noti sint, multis sunt auctoritati ad salutem, & multis præeunt sequuturis, ideò iue multum de illis gaudetur, quia non de solis gaudetur. Et plus hostis vincitur in eo, quem plustenet, & de quo plures tenet: plus autem superbos tenet nomine nobilitatis, & de his plures nomine auctoritatis. Hanc igitur ob causam infinita Dei bonitas multos quoque eiusmodi ad religiosum famulatum elicere voluit, tum ne potentes, ut ait Iob, abiectisse videretur, cum sit ipse potens, tum etiam religioni hæc quoque laus deesset, ut seculari quoque nobilitate ornaretur: denique ut eo etiam vis diuinæ gratiæ illustrior esset, sitam magna vincula, quibus eiusmodi homines illigantur, dirumperet. *Iob. 36.* Ex quo illa sunt, quæ S. Bernardus ad manum quandam nobilium nouitiorum, qui Cisterciensi instituto recens se tradiderant, in epistola quadam scribit. Legeram, inquit, non multos nobiles, non multos sapientes, non multos potentes elegit Deus. At nunc præter regulam, mira Dei potentia, talium conuertitur multitudo. Vilescit gloria præiens, iuuentutis flos conculcatur, non reputatur generositas, sapientia mundi stultitia iudicatur, non acquiritur carni & sanguini, parentum, & carorum renunciatur affectibus, fauores, & honores, & dignitates reputantur ut stercora, ut Christus lucrifiat. *Ep. 109.* Atque eadem est etiam admiratio Hieronymi de sua ætate. Noltris, inquit, temporibus Roma possidet, quod mundus ante nescuit. Tunc rari sapientes, potentes, nobiles, Christiani: nunc multi monachi sapientes, potentes, nobiles. Igitur hoc ipsum tractandum iam est, atque ex historiis eorum nomina cruenda, qui mundo triumphato, lisque honoribus, ac titulis, quos mundus maximos reputat, relictis, de cōtemptu gloriæ, ut ait Bernardus, gloriosius sublimati, & sublimius

Zona-

ras 10. 3.

gloriatum sunt. Primum autem dicendum de imperatoribus, deinde de regibus, postremo etiam de aliis minoribus principibus: quæ narratio, si erit paulo longior, facile, ut spero, iucunditate compensabitur, ita ut etiam breuior iudicetur. Ergo imperatores, qui monasticam vitam professi sunt, plures quidem in Græcia, ut legimus, extiterunt, ut Anastasius anno Domini DCCXV. Theodosius paucis post annis, Michael anno DCCC. & alter Michael anno MXL. Isaacius etiam Comnenus anno MLX. & præterea nonnulli: sed qui eorum ferme alij aliqua vi coacti eam professi sunt, alij quamquam libere, tamen non eam quam debebāt, cum Latina ecclesia coniunctionem tenuerunt, ideo iis de industria omissis, duos tantum ex Occidente commemorabimus, quo imperium anno demum DCCC. à Leone III. Pont. in Carolum magnum Franciæ regem translatum est. Alter igitur fuit Lotharius, is à quo Lotharingia nomen accepit, cū antea Austrasia diceretur. Hic eo honore quindecim annis iuste, & pie administrato, recordatus, ut creditur, sermonis, quem Ludouicus ipsius pater moriens habuerat, de mundi vanitate, quam scilicet ipse quoque experendo cognorat, humana omnia deferere constituit, atque ex illis imperij fluctibus in portum se religiosæ quietis recipere. Quamobrem, mirante toto orbe terrarum, in Premensi monasterio se conclusit, ubi reliquam vitam transiit in paupertate, & obedientia. Vixit hic anno ferme DCCCLXV. Alter fuit Vgo anno DCCCXX. qui simul Provinciæ rex, idemque Imperator, multis rebus bello præclare gestis, multis cumulatæ victoriis, amplissimo denique cænobio adificato, ipse quoque in eo Christi humilitatem complexus, imperatorias opes, ac purpuram cum vili tunica, & solitaria cella libentissime commutauit.

Inter reges primus, quod sciam, in Italia monachus factus est Rachisius ex Longobardorum gente, ita potens, ut bona Italiæ parte potiretur. Hic, ut putatur, ex colloquio cum Zacharia Pont. qui anno DCCXLI. Romanam sedem tenuit, habito, ita immutatus est, ut Perusia, quam obsidebat, relicta, Papiam reuersus, regnoque constituto, & in manus Astulphi fratris tradito, in Cassinense monasterium se receperit; quo etiam in loco postea creditur Abbas fuisse. Hunc anno DCCCV. imitatus est Pipinus rex item Italiæ primogenitus Caroli Magni Galliæ regis, qui cum magnum nomen militari gloria ubi peperisset, ad extremum
 tertius

territus periculis, quæ in illa potètia inesse videbat, ad cano-
 bij claustrum per fugit, quod ipsemet Veronæ S. Zenonis nomi-
 ne ædificarat, iustisque redditibus stabilierat. In Hispania
 vero Bamba cum per undecim annos, quibus regnavit, stre-
 nuus & domi, & foris fuisset, & inter alia ducetas Africano-
 rum prædonum naues depressisset, tum etiam Paulum regē
 ex Gallia irrumpentem viuum cepisset, omnia hæc tamen
 monastica vitæ posthabuit, qua suscepta, post septē annos
 sancte exactos, ad præmium euolauit, anno ferme salutis
 DCLXXIII. Anno autem DCCLXXXVI. eadem Hispania
 alterum eius rei exemplum vidit in Veremundo Castellæ re-
 ge, de quo hoc etiam traditur, quod Alphonsum potius con-
 sobrinum, quam duos filios ætate adhuc teneros, sibi sufficiē-
 dum putarit, cum ita subditis magis expedire iudicasset, ne à
 putris regeretur. Ac circiter annu M C L. Ramirus rex Ara-
 gonie bis monachus factus est, primū adolescens, Sanctio pa-
 tris superstite; deinde cū eo sine liberis defuncto, Petrus qui-
 dam suffragiis electus non multo post propter superbiam, &
 arrogantiam expulsus esset Pontificis summi auctoritate, Ra-
 mirus iste è cœnobio eductus, iterum purpura, & sceptro illi-
 gatus est, insuper etiam virore. Ex qua deinde cum uiam su-
 scepiisset, ea in matrimonium collocata, regnoque in dotem
 tradito, ad sui se monasterij quietem, quasi graui quodā ope-
 re pertinctus, retulit. Feracior tamen horum exemplorum
 Anglia fuit, quam quæuis alia prouincia. Primum enim in
 ea Angliæ parte quæ Nortumbria dicitur (erat enim tunc
 dissecta in plura regna) Sigibertus rex tum literis, tum mul-
 to magis pietate præstans, annū circiter D C X L. multa pri-
 in regno suo ad Dei cultum promouendū præclare constituit,
 deinde se quoque ipsum eidem Deo consecrauit in monaste-
 rio. De quo hoc etiam memorabile fertur, cum aliquanto
 post tempore Fendas Mercie rex Nortumbriam cum ma-
 gnis copiis inuaderet, omnes se ad eum conuerxisse, ac deni-
 que etiam compulisse, ut totius regni propugnationem in
 tanto periculo ad Dei gloriam resumeret: illum autem ob
 rei Christianæ causam, profectum quidem esse in castra, sed
 eodem habitu, quo in monasterio, cum virga tantum, quam
 inermis manibus gestabat, exercitum moderaretur. Sed ta-
 men cum, Deo sic volente, Christianorum exercitus à bar-
 baris illis fusus esset, ipse quoque una cum rege cæsus, eam
 ob causam nonnullis inter sanctos martyres referendus vi-
 sus est. Similis huic Elteredi pietas Mercie regis anno

DCCIIII. qui regno pluribus annis cū summa religione administrato, Chenredo fratris filio pene puero id relinquēs, ipse cenobium, quod erat in eadem eius ditioe, petiit, in quo ita virtutibus profecit, vt etiam deinde Abbas factus sit. Ipse vero Chenredus posteriorem vitam patruo magis inuidens, quam priorem, cum annis tantum quinque regnasset, Romam profectus, à Constantino I. Pont. habitu monasticum suscepit, reliquumque vitæ in ea vrbe cum summa sanctitate transegit. Porro huic Chenredo tum itineris, tum consilij socius fuit Offa rex alter orientalium Saxonum in eadem Anglia, qui item in ipso ætatis flore, in summa mundanæ felicitatis abundantia, omnia spernens, ac conculcans, ab eodem Constantino detonsus, tunicaque monastica ornatus est. Nec multo post, id est anno DCCXL. Inas rex item horum Saxonum, artibus belli, & pacis inclytus, pietate autem in Romanam sedem adeo memorabilis, vt totum suum regnum ei tributarium sua sponte fecerit: hic igitur Romam ipse quoque se contulit, atq; vt nudum Christum nudus, & expeditus sequeretur, regno se exuens, religiosam vitam cum magno animi seruiore aggressus est. Idem fecit Nortumbriæ rex Ceolulfus, ille cui Beda suam inscripsit historiam. Is cum annis octo imperasset, quasi fessus, & quietem exoptans, ad religionem fugit: regnum autem Egberto patruo reliquit, quod ille cum annis viginti tenuisset, deniq; idem quod Ceolulfus consilium in eodem etiam monasterio sequutus est. Hæc in vna Anglia. In Germania quoque illustre fuit Carolimanni factum, eius qui Caroli Martelli filius fuit. Hic enim Austrasiæ, & Sueuiæ rex multisq; operibus clarus, deinde cœlestium amore captus, Romam priuatus & pauper venit, vbi à Zacharia Pōtifice sacros ordines, & religiosū habitū accepit, deinde cenobio in Soracte monte ædificato, illic aliquandiu habitauit. Sed cum propter Urbis propinquitatem à multis viseretur, quod illius spiritualem quietē interturbabat, trātulit se in Cassinatē montē, vbi à Petronace Abbate summo cū gaudio exceptus, mirabiles progressus in omni virtute, ac præsertim humilitate effecit. Certe in eius cenobij annalibus adhuc legitur, eum, cum Abbatis iussu, vir tantus, pecudes pasceret, tanta alacritate id munus obire solitum, quanta numquam antea regium: quinimmo cum aliquando contigisset, vt vna ex ouibus claudicaret, in humeros sublatam ad stabulū vsque detulisse, nec eius ministerij sordes auersatum. Vixit Carolus hic annum circiter

salutis

salutis D C C L. Quid autem dicemus de Trebellio Bulgarorum rege, qui anno D C C C L X I I. opera Nicolai I. Pont. Christianam amplexus est fidem tãto ardore, vt statim Photinum hæreticum exegerit, deinde filio regnum tradens, Dei famulatu se obstrinxerit. Verum cum paulo post filium ad pristinam impietatem reuertisse cognouisset, vehementer indoluit, tantũque in eo potuit zelus, vt monasterium egressus, regno recepto, iuuentem in potestatem redactum luminibus orbarit, insuper etiã perpetuo carcere mulctarit, denique regnum Alberto minori filio cum salutaribus monitis consignans, ad suam se recepit cellam. Atque hi ferè reges monasticam disciplinam amplexi traduntur, & ij quidem, vt apparet, antiquiores: nam recentioribus seculis talia virtutis exempla rariora omnino fuerunt. Et tamen Franciscanum ordinem, vt accepimus, ingressus est Ioannes Brenax Hierusalem, & Imperator Constantinopolitanus, cum S. Franciscum clare inter orandum vidisset suum sibi habitum offerentem. quare, vocato statim Confessario, habitum illum induit, nec multo post febre correptus, quasi vndecima hora adueniens, denarium tamen accepit. Felicior Henricus rex Cypri, qui pluribus etiam annis in eo constituto vixit, nec solum virtutibus, sed miraculis etiam effulsit. Denique ex hoc numero Ioannes etiam Armeniæ rex fuit, qui Leoni nepoti regnum relinquens, quod ita amplum fuisse scribunt, vt quatuor, & viginti reges sub potestate haberet, qui omnes diademate vrerentur: hic igitur tantum regnum depouens, elegit abiectus esse in domo Domini, & pro eius amore seruire, qui aliis imperauerat. Verum cum Turcæ in eam prouinciã irrumperent, nec posset Leo resistere, Ioannes Dei causam agi videns, armis nouo more super religiosam tunicam iniectis, perrexit ad bellum, in quo Christi hostes ex sinibus suis cum magna strage eiecit ille quidem, sed dum victoriam sequitur, ita Domino visum est, vt in pugna quadam occisus ad cœli præmia euolaret.

His proximi sunt regũ filij, ex quibus complures sanè religiosam vitam omnibus honoribus prætulisse cognouimus. Primum enim vnus ille Carolus Magnus tres filios monachos habuisse traditur, Vgonem, Drogonem, Pipinum, quorum duo quidem priores, sua hoc omnino sponte fecerant, hic tertius à patre primum coactus ob regni affectati pœnam, postea vt requiem gustauit, quod esset bona, etiã ipse libenter. Vixerunt omnes circiter annũ D C C C X X X. Vibeano quoque

derineretur, apparuisse ei ferunt nocturno quodā viso ipsum B. Ludouicum cum aliquot fratribus ex eodē ordine multa gloria collucentibus, eūmq; animasse ad eam vitā completendam, in qua tantum esset præmij, ac mercedis: quod ille breui exequutus, viginti annos in religione vixit, nō suo tantum, sed aliorum etiā multorū profectu, quod dicendo valeret, & multos suis cōcionibus ad Dei amorē inflammaret.

Iam verò Duces, ac dynastæ, inferiorēsque principes, qui religionem professi sunt, ne numerari quidem, aut nominari omnes possunt: aliquos tamen cursim indicabimus. Nam ex hoc genere fuit Algerius, vt accepimus, Dux Aquitanix vna cum Amando filio, anno C C C C X X X I X. itēque Anselmus Dux Mutinæ, D C C X L. Dietlandus, & Ancigradus Duces Suetiæ, D C C C X V. Vigesus Dux Spoleti, D C C C X X. Gulielmus Dux Vasconum, C C C C X L. & post hunc alter item Gulielmus eius nominis secundus, anno D C C C C X I I. de quo hoc quoque scribitur, cum in Cluniacensi cœnobio Deo militaret, ita humilitatem coluisse, vt se infimo cuique subiceret: quin etiam cum ab Abbate panem coquere iussus esset, tantam celeritatem in obediendo adhibuisse, vt in feruentem furnum ingressus, quia scopæ ad manum non erant, ipsa veste pauimentum illæsus, & intactus purgauerit. Sunt præterea alij quoque huius ordinis quamplurimi, quos monachos fuisse legimus; sed his breuitatis causa prætermisissis, paucos ex Franciscanis adiiciemus, & in primis Gulielmum Burgundiæ Ducem, & Consaluum Marinum Lusitanum, tum Adulphum Alsatiæ comitem, qui anno ferme M C C L. ordinem hunc ingressus, inter alias virtutes, magnopere mortificationem exercuit; nam cum aliquando in sua ipsa ciuitate lactis lagenam, quam mendicato acceperat, deferens, tribus filiis, quos in seculo reliquerat, magna cum pompa incedentibus occurrisset, atque ob eam rem nescio quo pudore perfundi cœpisset, ita seipsum vicit, vt elatam super caput lagenam inuerrens, se totum lacte madefecerit. Atq; his quidem hominibus familia illa non patum abundauit. In nostra autem hac minima Societate Iesu, paucis his quibus sterit annis, non paucos ex huiusmodi nobilitate à Deo vocatos videmus. Præcipuus autem fuit inter hos Franciscus Borgia Dux Gandiensis, qui amplissimis in Hispania apud Carolum V. perfunctus honoribus, magna hominum admiratione, omni mundano fastu deposito, religiosam humilitatem amplexus est, in qua etiam mirabiles

mirabiles progressus fecit. Cur autem Societatem hanc potissimum, præsertim recentem, & adhuc nouam elegeret, eam ipsemet Carolo V. reddidit rationem, quàm ego ipse ex eo audisse me memini; ut si quis esset, qui præter multas, quas possideret, vineas fructuosas, hortum quoque ad suam oblectationem plantare decerneret, nihil ei ab ullo gratius fieri posset, quam si furculum, aut arborem donaret ad illum conferendum: sic cum Dominus, quasi post tot veteres, ac nobiles aliorum ordinum vineas, nouissime hunc Societatis hortulum institueret, visum sibi esse, se rem illi gratissimam facturum, si se ipsum quasi arborem qualemcumque hoc ipso loco offerret. Huic similis, id est ex eodem Ducum sanguine, fuit etiam in eadem Hispania Antonius Cordubensis Ducis Feriæ filius, vir singulari pietate, in Italia verò Rodolphus Aquaiuia filius Ducis Atriensis; cuius familiæ antiquus & præcipuus est splendor in toto regno Neapolitano. Atque hic quidem tanta spiritus abundantia à Deo vocatus est, ut nulla vi, quæ multa ad eum impediendum a multis adhibita est, retineri vnquam potuerit. Deinde cum breui in omni virtute magnopere profecisset, ad Indiam Orientalem ipsius precibus pene importunis destinatus est, ubi ita eius sanctitas eluxit, ut non modo nostris, ac reliquis externis Christianis, sed ipsis quoque ethnicis admirationi esset, vulgòque Angelus nominaretur: ad extremum verò in Salsetas insulas rei Christianæ causa missus, ab incolis Maumethanis pro fidei propagatione interemptus est, cum aliquot sociis: quo præclaro exitu reliquam vitam, & religiosas omnes virtutes verissimi, & gloriosissimi martyrij corona exornauit. Sunt præterea in hac eadem Societate nostra eiusdem fere nobilitatis alij satis multi, tum Ducibus, tum Marchionibus, tum aliis etiam principibus viris prognati: sed quoniam adhuc viuunt, & nos cum ipsis assidue viuimus, nec illorum pudor, nec noster eos à nobis nominari patitur, itaque monet Sapiens, cum ait, Ante mortem ne laudes hominem quemquam. Quamobrem his omnibus omissis, vnū modo commemorabimus recens mortuum, Andream Spinulam, virum primarium tum Genuæ ob sanguinis claritatem, tum Romæ ob eam dignitatem, quæ post Cardinalatum prima habetur, & quasi ianua ad Cardinalatum, quem ille, & iam adeptum, & postea speratum honorem contemnens, ad religiosam disciplinam sese demisit adeoque seculum, & seculi vanitatem irrisit, ut non multo post bis se Vrbis spectandum

Eccel. II.

spectandum præbuerit, cum in attrita lacerna panem mendicaret. Quod eius factum tantopere suspexit Roma, ut per eos dies nihil ferè aliud in hominum ore esset, ac quidam etiam pro concione illum Esaia locum interpretans, Omnis *Esa. 40.* mons, & collis humiliabitur, non dubitarit Spinulã nostrum designare, quasi vnum ex his collibus, & montibus, qui se ipsos Saluatoris exemplo humiliassent. Sed finis sit: nam, ut ante diximus, ex hac nobilitate, & aliis temporibus quàm plurimi, & his etiam nouissimis non pauci extitere, qui mundi procellas, & scopulos fugientes in religionis portum cum gaudio magno emerferunt, ut si omnes per censere velimus, separato, & bene longo volumine opus sit.

De principibus sæminis, quæ religiosam vitam complexæ sunt.

CAPVT XXVII.

Post tot virorum exempla, adicienda sunt etiam aliqua exempla sæminarum, tum quia non hæ minus religiosum statum illustrarunt, tum etiam ob id, quod quo sexus hic infirmior, eo magis ad viros ipsos in omnem virtutem incitandos valere debet. Primum autem occurrit Theodora Imperatrix, quæ circiter annum Domini CCCC LXXX. Theophilo Imperatori hæretico nupta, integram semper se in fide Catholica conseruauit: eo autem extincto, magnopere etiam eam promouit, restituendis præsertim sacris imaginibus, & reuocandis ab exilio sanctis viris. Denique cum imperium aliquot annis administrasset, tanta potestate sponte cedens, in eodem monasterio, in quo mater eius Trutina iam ante Deo seruiebat, sese conclusit. Eandem pietatem præstitit etiam Augusta Imperatrix, quàm post Isaacii viri obitum ne filij quidem orbitas, & infantia remorata est. Quare cum ei tutoribus aliquot destinatis, sese ex hoc mundo exemisset, contigit deinde ut cum Alexius (id enim filio nomen erat) adoleuisset, administratio tamen imperij ex tutorum manibus eripi non posset. Itaque eius precibus exorata redijt in palatium, rerumque habenas resumpsit, nihilo tamen minus in religioso proposito permanēs, ipsasque sacras vittas, ac monasticum cultum retinens, donec etiam gubernatione in filij manibus relictã, ad suum redijt cænobiũ, anno scilicet MCXC. Atque hæc quidẽ vtraque in Oriente, At in Occidente Ricardam tradunt Caroli Crassi Imperato-
ris

ris vxorem, cum ab eo adulterij ſuſpicionem vocata eſſet, facile quidem crimen diluiſſe, ſed occaſione uſam, quam diu optarat, expediendi ſe ab eius matrimonio, in Haſſatiam ſe recepiſſe, ibique monaſterio ædificato, vitam religioſam in eo aggreſſam eſſe, anno D C C C X C I X. Huic ſimillima fuit cauſa Cunegundis, anno M C X X X I X. Henrico, qui Angliæ rex primum, deinde etiam Imperator fuit, nupta, à quo ſe ob eandem ſuſpicionem, ac crimen ſeparans, meliores nuptias cum Chriſto Domino contraxit Felicioꝝ altera Cunegundes, quæ circiter annū M C X X cum Henrico I. Imperatore pluribus annis perpetuam virginitatem ſeruauit, quo etiā mortuo quindecim annos in Confugiensī cœnobio tranſegit, tam excellenti probitate, vt ab Eccleſia in ſanctorum numerū relata ſit. Agnes item Henrici I I I. Imp. vxor, eo vita functo, tandiu imperium ex viri voluntate adminiſtrauit, dum filius infans ad duodecimum annum perueneret; quo tempore, & imperio, & inſuper Bauariæ Ducatu, qui ei proprius erat, relicto, Romam petens, hic monaſticam humilitatem profeſſa eſt, anno M C L V I I. Idem fecit etiam Eliſabeth vxor Alberti I. Imp. & Archiducis Aſtriæ, quo miſere occiſo, rebus humanis valere iuſſis. in monaſterio ab ſe extructo cœleſtem vitā iniit, anno M C C X C. Eam vero ſequutæ ſunt binæ filiæ, altera Regi Vngarorum, altera Comiti Ottigenſi nupta, & binæ neptes, Regina Poloniæ, cum filia, quæ iam Duci Vratiſlauriæ erat deſponſa. Iam ex Reginis, in Italia quidem Teſia primum Rachisij viri, de quo ſupra dictum eſt, exemplum ſequuta, ne loco quidem longe diſtare voluit. Vt enim ille in Caſſinate monte, ita hæc in proximo monaſterio, quod olim Scholaſtica incoluerat, ab ſe inſtaurato, vna cum Retruda filia ſeſe cum inſigni pietate abdidit. In Gallia autem anno D X X V. Radegundēs cum Clotario regi inuita nupſiſſet, poſt aliquot annos facultate ab eo magnis precibus impetrata, Piſtauos ſe contulit, vbi ſe Deo conſecrauit, eo ardore, vt breui ad magnam virtutis perfectionem (ita enim traditur) gradum fecerit. Paucis autem poſt annis Adoera Chilpericiſ regis eiufdem Galliarum vxor, vna cum Childerada filia, ad eādem cœleſtis vitæ exercitationem ſe à regiis deliciis tranſtulit. Ex hoc numero fuit etiam Batilda, annum circiter D C L. quæ Clodoueo rege mortuo, quaſi ſeruitute liberata, & facultatē naſta eiufdem perficiendi, quod ab ineunte ætate concupierat, Caletum abiit, vbi amplificato, quod iam erat, cœnobio, meliori ſponſo

Chriſto

Christo Domino adhæsit, insignis omni virtute, ac præcipue humilitate. In Hispania quoque binas reginas hæc eadem consilia sequutas accepimus, alteram Nugnecem, quæ Veremundum virum, de quo antea diximus, & præcessit, & suo etiam exemplo non parum impulit: alteram Terasiam, quæ ab Alphonso fratre Legionensi rege, Abdalæ Toletano regi Saraceno in matrimonium tradita, cum nec precibus, nec contestationibus impedire ipsa potuisset, impediit Deus, qui hominem barbarum grauissimo, ac lethifero morbo perculit, ex quo ille diuinum agnoscens numen, Terasiam intactam remisit, quæ statim in S. Pelagij monasterio opertas cum Christo nuptias iniit, anno M. VI. Porro ex Anglia mirum est, quam multa huiusmodi suppetant exempla, vt Alfredæ Regi Nortumbriæ desponsæ, illo, priusquam congregerentur, occiso, anno DCLXX. vt Etelbergæ, quæ Regem Inam, de quo supra dictum est, & prius consiliis impulit, & postea etiam facta sequuta est. Quid autem mirabilius quàm Eteldrada, quæ binis regibus matrimonio coniuncta, cum utroque virginitatem seruauit, à posteriore etiam post annos duodecim facultatem obtinuit migrandi inter virgines Deo sacratas? quam facile est existimare qualis fuerit in monasterio, quæ tam sancta fuerit in regno. Atque huius quoque vt sanctæ natalis dies ab Ecclesia commemoratur. Vixit autem anno ferme DCCVI. Eam vero paulo post imitata est Sesburga Cantienfis regina, eius soror, cum marito esset orbata. Extremo loco ne tacenda quidem est Alfreda Mercie, & Nortumbriæ regina, quæ quasi altera Magdalena culpas priores, ac præcipue iniustam priuigni innocentis iuuenis cædem redimens, duram inter aliquot Christi ancillas pœnitentiam egit in monasterio, quod ipsa suis sumptibus ædificarat, anno ferme DCCCCCLXXV. Regum porro filiastum ex hac ipsa Anglia, tum ex aliis prouinciis, quæ se Deo in monasteriis consecrarunt, magnum omnino, & longum opus esset connumerare, tanta earum est multitudo. Quare antiquioribus illis omissis, nonnullas, quarum recentior est memoria, attingemus. Nam ex Prædicatorum ordine tamquam sydus quoddam effulsit in orbe terrarum Margaritæ virtus, quæ ab Vngariæ rege Bela progenita, ex octo, & viginti, quos vixit, annis, vigintiquatuor in religione egit, cui scilicet quadriennis ex parentum voto dicata est. Quamquam in ea quidem minimum fuit sanguinis nobilitas. Multo enim illustrior fuit vitæ sanctitas, & rigor in

corpore castigando, tum perpetuis ieiuniis, tum echinatis flagellis, denique etiam summa quædam humilitas, incurandis præsertim ægrotis, cuius officij studiosissima semper fuit; quæ omnia erant in illa longe mirabilia, quam ipse regius sanguis. Hunc vero religiosum statum tanto studio complexa dicitur, ut trium regum, Poloniæ, Bohemiæ, & Siciliæ quoque coniugium constantissime recusarit; quin etiam cum S. Pontificis dispensatio in votis ab ea editis offerretur, respondit intrepide, nares sibi potius, ac labia se præcisuram, & oculos eruturam, quam assensuram ulli matrimonio. Mortua est anno salutis M C C L X X. Anno autem M C C C X L I I. Sanctia Siciliæ, & Hierusalem regina, paucis post mensibus, quam Robertum virum amiserat, Franciscanum habitum Neapoli induit, S. Claræ regulam, paupertatemque professæ, in qua nihil proprij, ne commune quidem habere licebat. Cuius tantum fuisse ferunt humilitatis ardorem, ut à ministro generali supplex petierit, ut seuerè prohiberet, ne amplius Reginæ nomine appellaretur, sed Sororis, ut aliæ omnes. Similis etiam fuit virtus Agnetis, annum circiter M C C X L. quæ Orethi Boemiæ regis filia, cum Federico I I. nupta esset, nunquam assentiri voluit, sed suam potius virginitatem Christo dicauit in Pragensi monasterio eiusdem instituti. Idem quoque fertur de Chunegunde & regis filia, & vxore regis. Etenim ex rege Hungariæ nata, Boleslao Pudico Poloniæ regi nupta, perpetuam vna cum illo virginitatem seruauit, deinde in monasterio à se fundato religiosam insuper vitam duxit. Ac Ioanna quoque regis Nauarræ filia, regnum tamen cœleste huic terreno præponens, in Parisiensi monasterio Dei seruitium aggressa est, magno suo bono, magna omnium admiratione. Quin etiam Isabella Francorum regis filia, S. Ludouici soror, mundo contempto, Christi crucem in hoc eodem ordine sustulit, tanto ardore, ut etiam miraculis claruerit: eamque in eodem regno imitata est etiam Blanca Philippi regis filia, annum circiter M C C C X V I. Sed cōcludamus hæc omnia maximo, eodemque recentissimo exemplo, & quo, si vere dicendum est, nostra hæc ætas non parum ornetur, Margaritæ Austriacæ, quæ cum ex Maximiliano Imperatore, & Maria sorore Philippi Hispaniarum regis, nata esset, tantorum Principum, tantique sanguinis soboles, paucos ante annos, mundanas nuptias, & terrena omnia contemnens, virginitatem Deo in B. Claræ familia deuouit, & in ea quidem familia, quæ rigo-

rem pristini illius instituti exacte retineat, in qua etiam hoc tempore cum omni laude perseverat. Quid igitur pulchrius, aut quid iucundius vel hominibus, vel Angelis ipsis, quam videre talem maiestatem, & talem potentiam sua sponte abiectam ad vilem tunicam, ad cellulam pauperem, ad humillima quævis munera, quæ hic status exigit? Etenim si gaudium est in cælis super vno peccatore, qui ad Deum conuersus, prima adhuc virtutis fundamenta ponere incipiat, quanto magis gaudium esse necesse est de tam perfecta, tamque consummata virtute?

De summis Pontificibus, qui ex religiosis ordinibus creati sunt.

CAPVT XXVIII.

HA CTENVS de seculari nobilitate, quæ religiosum statum ineundo splendorem ei addidisse visa est. Nunc de iis etiam, qui ex religioso statu prodeuntes, non minorem tamen illi splendorem addiderunt, ob munerum, quæ gesserunt, amplitudinem, ac præstantiam. Primum autem, de Pontificia dignitate, quæ cum tanta sit, vt parem interris non habeat, vniue Deo sit inferior, cum etiam tantam rerum molem sustineat, vt summam quandam sapientiam cum summa sanctitate coniunctam requirat, quibus id contingat, vt ad eam deligantur, non potest non esse perhonorificum. Quare si domus, ac familia quæuis, & omnis propinquitas, ex qua aliquis ad hoc honoris fastigium assumatur, vt multum sit tenuis, atque ignobilis, tamen nobilitatur, & illustratur, cur non hoc idem eueniat in religione, in quam religiosus quisque iam quasi in propriam familiam ascitus est. ac cuius etiam beneficio ad hunc honorem peruenerunt, quicumque peruenerunt? Igitur in hoc ordine primus, vt legimus, citra quæstionem (nam de quibus aliqua sit controuersia, de industria omittimus) Dionysius fuit, natione Græcus, anno à Christo nato c c l x. qui toto decennio, quo Ecclesiam administravit, multa præclare constituisse dicitur & Romæ, & alibi, idque præcipue, quod aduersus Samosatheni flammam tum primum erumpentem, qui Christo diuinitatem adimebat. Antiochenum Concilium opposuit, ad extremum vero martyrij quoque laurea religionis lauream duplicauit. Post hunc anno d l x x v. Benedictus I. Romanus item ex monacho Pontifex factus, in turbulentissima plane

tempora incidit, cum Italia tota bellis arderet; in qua vigilia quadriennio exacto abiit in cælum. Pelagium quoque I I. cum, cuius Gregorius alumnus, & successor fuit, ex monastico ordine processisse tradunt tum alij auctores, tum eiuslibi auctor, qui Cathedra Pontificalis inscribitur, in quo Pontificum series diligenter textitur. Hic anno D. XXXIX. Pontificatum iniit, decem gessit. Illi proxime successit Gregorius Magnus qui Romæ monasticam vitam in S. Andree cœnobio vixerat, ex S. Benedicti formula. Cuius quidem præclara facta, quamdiu hoc munus sustinuit, quod fuit annis tredecim, liberalitatem in pauperes, vigilantiam aduersus hereses, constantiam aduersus ipsos principes, patientiam in perferendis corporis morbis, studium, & attentionem in omnibus gregis sui partibus curandis, diligentiam, atque vbertatem in libris conscribendis, & eam, quæ hæc ornabat omnia, incredibilem animi modestiam, atque humilitatem, ac denique veras omnes virtutes, miracula etiam & saluberrimas Ecclesiæ constitutiones, quid attinet recensere, cum & infinita sint, & ita ferme omnibus nota, atque illustria, ac si nostra ætate vixisset? Nec multo post duos annos, alter item ex eadem S. Benedicti familia eandem cathedram tenuit, Bonifacius I I I I. qui Romæ in cœnobio beati Sebastiani enutritus, eam virtutem, ac pietatem imbuerat, quam deinde in Pontificio munere præstitit: quin etiam ira religiosos, ex quibus ipse fuerat, dilexisse fertur, ut ædificatum in paterna domo monasterium necessariis redditibus instruxerit; quibus in operibus annos sex, & menses aliquot versatus, ad cœlestia præmia euolauit. Adeo datum quoque huius nōminis primum ex monastico ordine extitisse communi omnium scriptorum consensu traditum est, ex cœnobio Romano S. Erasmi in Cœlio monte; cuius eam ferunt fuisse sanctitatem vitæ, ut religiosæ omnes eius virtutes in tanto honoris apice semper effulserint, mansuetudo præsertim, ac lenitas, diuitiarum autem contemptus eiusmodi, ut in pauperes, hospites, omnesque calamitosos omnia pene conferret. Atque hic quidem quatuor annis in Pontificatu vixit, post quem annis tantum interiectis duobus, Agatho natione Siculus ex monastico item instituto electus est, tantæ vir sanctimonix quantum etiam miracula testantur, inter quæ illud est insignis non solum potestate, sed caritatis virtute, quod leprosum obuium complexu, atque osculo dignatus, repente sanum reddidit. Nec minor eius constantia aduersus

uerſus hæreticos Monotelitas vnam in Chriſto voluntatem aſſerentes, ad quos damnãdos impigre celebrem ſynodum. Conſtantinopoli coegit, quæ ſexta ſynodus appellata eſt. in quo præſtantium operum curſu, celeriori morte, nimirum poſt annum ſecundum, & dimidium, abreptus eſt. Agathoni decem tantum menſibus interpoſitis, quibus Leo I. ſedit, anno DCLXXIII. ſucceſſit Benedictus ſecundus, qui Romæ ab infantia monaſticæ vitæ conſecratus ſcribitur, itaque profeciſſe tum pietate, tum doctrinâ, vt ab omnibus ſingularis haberetur. In huius etiam gratiam Conſtantiuſ Imper. ſanctionem condidit, ne deinceps in Pontifice creando Imperatoris aſſenſus expectaretur, ſed Cleri, populique Romani rata eſſet electio. Sed tamen tam eminens virtus oſtenſa eſt potius Eccleſiæ, quam data: is enim decimo menſe ſublatus eſt ex hac vita, cum omnium dolore, & lacrymis. Deinde duo deinceps Gregorij, ſecundus, & tertius, alter anno DCCXVI. alter quindecim poſt annis: tot enim prior vixit in Pontificatu, quem ſic geſſit, vt non ſolum Romanæ vrbis fructuoſiſſimus fuerit, templis præſertim, ac cœnobiiſ ædificandis, ſed reliquæ etiam Eccleſiæ, ac potiſſimum Germaniæ, ad quam Bonifaciuſ monachum deſtinauit, eiùſque provinciæ primitias ita libenter ſuſcepit, vt etiã ſua manu baptizare voluerit. Alteriuſ etiam Gregorij nobilitata eſt ſanctitas, & fortitudo, iis præſertim præliis, quæ pro catholica fide geſſit aduerſus Leonem III. Imper. hæreticum, & ſacrarum imaginum hoſtem, quem etiam ob hanc cauſam imperio, & fidelium communione priuauit. Atque vt eo nihil fortiuſ contra inimicos, ita nihil mitiuſ, ac liberatius in pauperes, viduas, pupillòſque quorũ omnium pater, ac tutor vulgo appellabatur. Vixit in paſtorali cura annis ſepe vndecim. Atque hunc vtrumque monachum fuiſſe conſtat, ex cathedra Pontificali, quam ſupra diximus, aliiſque auctores conſentiunt. Anno vero DCCXXVII. Stephanuſ eiùſ nominis III. hunc eundem geſſit honorem. Hic à pueritia Romæ in monaſterio S. Chryſogoni inſtitutus tum doctrinâ, tum etiam virtute, in vtraque magnos progreſſuſ habuiſſe dicitur, quibus deinde cum rerũ etiam vſuſ prudentiam adiunxiſſet, à tribuſ Pontificibuſ, Zacharia, Stephano I. & Paulo, ad reſ Eccleſiæ grauiffimas adhibituſ eſt. Quare cum tanta præſidia ad Pontificatuſ attruliſſet vix credibile eſt, quantũ & vita, & rebus geſtiſ profue- rit, in quibuſ hoc fuit, quod ad mores Eccleſiæ reformandos

Concilium indixit, quod Lateranense appellatum est. Idem etiam Michaelis, qui Rauehnatem cathedram, regum, ac principum quorundam gratia fictus occupauerat, fortitudine, ac consilio deturbauit, Denique post annum tertium, & menses aliquot decedens, magnum sui desiderium, magnam sanctitatis opinionem reliquit. Postea anno DCCCXVII. Paschalis I. Dei utique nutu, ex monasterio S. Stephani Romæ, in quo Abbatis munus gerebat, ad generalem Christiani gregis curam translatus, id onus paulo amplius, quam annis septem, sustinuit, vir non solum pietate, ac religione abundans, quæ à monacho expectari poterant, sed etiam insigni pectoris robore. Itaque inter alia, seculares magistratus, qui in Pontifice eligendo partes sibi indebitas usurpabant, confregit, & abiicit; clarus etiam pietate, & magnificentia in multis tum ædificandis, tum ditandis ecclesiis. Quadriennio post hunc Paschalem Gregorius IV. ad hoc idem munus lectus est ex monasterio, ut quidam tradunt, Fossæ nouæ: eo ipso, in quo multo post B. Thomas Aquinas decessisse scribitur. In hunc Pontificem virtutes omnes abunde congeitas fuisse testantur omnes, qui istas res scripserunt, sanctitatem, eloquentiam, eruditionem, sapientiam. Quin etiam cum barbari, irruptione in Siciliam facta, eam occupassent, eius opera, & auctoritate Corsicæ Princeps, bello in Africam illato, domum se ad sua tutanda recipere omnes cogeritis vero sexdecim annis Ecclesia tam bene, ac feliciter administrata, quicuit in Domino; à cuius morte cum quatuor fluxissent anni, Leo III. ex monasterio S. Martini Romæ, assumptus est: tenuitque eam curam inter summa pericula barbarorum, qui incursione in Italiam facta, omnia diripiebant, iamque etiam extrema urbis Romæ minabantur, quos ille sua potius sanctitate, erectisque, ut Moyses, ad cælum manibus, quam milite, profligauit, deinde etiam Urbem, ut firmior aduersus eiusmodi impetus esset, munitionibus cinxit. Cepit magistratum anno DCCCXLVII, gessit annos octo. Anno autem DCCGCII: creatus est Pontifex Leo V. fuitque per dies tantum quadraginta, quem item ex ordine monastico fuisse scribit Tritemius. Post hunc vero ex hoc ordine primus Syluester II duobus annis ante millesimum, qui in Floriacensi monasterio in Gallia nutritus, Rhemeni primum diæcesi, deinde etiam Rauentiari, postremo toti Ecclesiæ præpositus est, quo munere annis quatuor, & sex mensibus functus est. Hunc scientijs omnibus instructissimum fuisse

fuisse ferunt, ac præsertim Mathematicis. totaq; philosophia, idque indicat opus quoddam illius manu scriptum de Geometria; quod locum fabulæ dedit, quæ de hoc Pontifice fertur, fuisse eum magum, ijsque artibus, & pacto cum dæmone inito, ad summum honorem euasisse, ad extremū autem ambiguis illius vocibus deceptum, in ædē S. Crucis in Hierusalem animam exhalasse; quod commentum ex vulgi sermonibus ortum in quorundam etiam negligentium auctorum scripta irrepfit. At alij doctiores, & magis accurati hunc errorem ex eo natum tradunt, quod quia seculis illis pauci omnino erant mathematici, ac philosophi, si qui talibus studijs delectarentur, ij vulgo astrologi, & magi appellabantur; quod eo facilius à rudibus de hoc homine creditum est, quem, cum externus esset, alijs omnibus in tanto honore prælatum videbant. Deinde anno M I X. Sergius I V. anno M X X I I. Ioannes decimus nonus Pontificatum iniere, hic ex monasterio S. Anastasij Romæ, ille ex incerto, sed tamen ex Benedictina familia. Ac prior quidem non toto triennio, posterior nouem fere annis in Petricathedra sedere. Stephanus quoque I X. non modo religiosam antea vitam egerat, sed etiam admodum pie, & sancte egerat. Nam cum ex nobilissima esset familia, nimirum Cotelonis Lotharingiæ Ducis filius, à Leone I X. Cardinalis creatus, ab eodem Constantinopolim legatus est, vt Græcam Ecclesiam cum Latina conciliaret, quod etiam perfecit. Romam reuersus, cum Leonem mortuum offendisset, seculum perterritus, in Cassinense monasterium se contulit, vbi nouam Christi militiam vir talis aggressus, ita se omnibus probauit, vt vix biennio exacto, eius loci Abbas electus fuerit. Quare cum confirmationis gratia ad Pontificem, vt tum moris erat, Victorem I I. accessisset, non id modo obtinuit, sed insuper iterum ab eo Cardinalis creatus, paulo post eidem vita functo vniuersis suffragiis in Pōtificatu suffectus est, anno M L V I I. quo tamen in munere vix octo mēsisbus transactis, cum omnium mœrore, importuna morte præreptus est. Nec multo post, id est anno M L X X I I. denuo ad religiosos regressa Ecclesiæ administratio per quinquaginta continentes annos in hoc ordine constitit, cum magna mortalium & utilitate, & approbatione. Primus horū Gregorius V I I. Etruscus quidem patria, tamen Gregorium V I. quem Henricus Imperator deturbarat, in Galliam sequutus, eo deinde mortuo, se in Cluniacense monasterium in Burgūdia coniciens,

tam religiose vixerat , vt illi etiam loco post aliquot annos præfectus sit. Mox Leoni I X. Victori I I. Stephano I X. ita carus fuit , vt nihil sine consilio gererent , maxime vero Alexander I I. cui etiam successit , quod Pontificium munus sic gessit , vt quidam auctores hoc affirmare non dubitent , ab Apostolorum ætate nullum fuisse Pontificem , qui maiores pro Dei Ecclesiæ labores , molestiasque perpessus sit , aut qui acrius eius libertatem propugnaret. Ille Henricum Quartum Ecclesiæ infestum bis ita excommunicauit , vt omnes subdito's fide ei data liberaret , nihil illius potentia retritus , & armis etiam , quæ magno exercitu coacto Vrbi intulit. Ille eodem telo Nicephorum perculit , qui Orientale imperium inuaserat. Ille etiam Gilberti Rauennatis Archiepiscopi factione aliquando captus , & in vincula coniectus ipsa natalis dominici nocte , statim ac illuxit , populi , cui carissimus erat , concursu , ac vi liberatus est. Denique innumerabilia sunt , quæ totis duodecim annis (tot enim Ecclesiam rexit) vel fortiter sustinuit , vel sapienter constituit. Huic successit Victor I I I. Beneuentani Principis filius , qui adhuc adolescens vxorem accipere coactus , priusquam eam contingeret , profugit ad monasterium Cassinense , vbi eius primum loci Abbas deinde à Gregorio V I I. Cardinalis electus , illo etiam mortuo aptissimus visus est , cui Ecclesiæ cura committeretur. Ipse autem in eo munere non religiosam modo modestiam , & pietatem , sed robur etiam plane imperatorum præstitit , qui & Antipapam Romæ degentem armis expulit & grandi exercitu ex tota Italia coacto , auctor fuit ipsam Africam inuadendi , tam præsentis Dei ope , vt victoria , quæ mirabiliter ad primum ingressum reportata est , mirabilius eodem , quo pugnatum erat , die , in Italia audita , & cognita sit. Inter quæ cum Beneuenti Concilium ageret , lethali morbo correptus , in Cassinum montem referri se voluit , vt quo loco spiritum religionis hauserat , eodem securius , & sanctius inter fratrum preces spiritum vitæ redderet , anno vno , & mensibus tribus post susceptam curam pastorem , vt mirum fuerit , tam breui tempore tam multa ab vno non modo perfici , sed etiam cogitari potuisse. Huic Victori successit Vibrans I I. ex coenobio Cluniacensi in Gallia , qui aliquanto amplius quam annis vndecim , re Christiana administrata , magnum se omnino Pontificem præstitit. Tribus enim Conciliis in Italia coactis , multa decreuit ad temporum illorum tum tumultus , qui plurimi erant , sed-

dandos

dandos, tum mores quoque reformandos. Deinde in Galliam se conferens, multasque obiens ciuitates, multa saluberrime ordinauit, & contituit, idque in primis, quod in Concilio Claromontano Hierosolymitanam expeditionem edixit, in quam trecenta peditum, centum equitum millia conuenerunt, quorum armis terra sancta tum quidem recepta est. Post hunc proxime Paschalis II. Cassinensis antea monachus, anno M I C. ipse quidem nolens, ac gemens, sed tanto populi, ac cleri, Cardinaliumque consensu, ut resistere non potuerit. Hic annis decem & octo Ecclesiae praesedit, idque in magna temporum varietate, in qua semper eius fortitudo eluxit, cum schisma, quod multos iam annos, principum quorundam perfidia, Christi gregem misere lacerarat, ipse tandem tum prudentia, tum etiam felicitate quadam profligari omninoque sustulerit, deinde ecclesiasticam ditionem a multis disceptam restituerit, & amplificari, denique cum multis alias seditiones, multa Christianorum principum, rerumque publicarum dissidia composuisset, tantum apud omnes sui caritatem excitauit, ut Romam rediens, ob ipsam multitudinem hominum obuiam procedentium in morbum incidisse credatur, quo etiam extinctus est. Sed huius iacturam leniit Gelasius II. eiusdem Cassinensis familiae, ab infantia alumnus, antea ab Urbano II. ad Cardinalatum euectus, in Pontificio deinde munere, sanctitate, continentia, doctrina insigni, ac dicendi quoque. (hoc enim nominatim scribitur) elegantia, quae iis temporibus pene pro miraculo fuit. Ille etiam impiorum hominum, & maxime Henrici Imperatoris factionibus agitur, & ab his in seclis etiam uerbis indignissime acceptus, tum in ea iniuria, ut Christi vicarium decebat, Christi mansuetudinem praesetulit, tum etiam Ionae exemplo ad sedandam tempestatem propter se ortam, abiit in Galliam, ubi in Cluniacensi monasterio extremum clausit diem, cum vno tantum anno in summo magistratu fuisset, quo tempore Cardinales, qui in eius comitatu fuerant, Calisto II. eam dignitatem derulere, qui Guilielmi Burgundiae Ducis filius, prius in monasterio vel Falleritano, vel Cluniacensi (utrumque enim a variis traditur) religiosam vitam duxerat, tum vero Viennensem Archiepiscopatum gerebat. Atque hunc quoque magna prudentia, atque in rebus gerendis dexteritate fuisse ferunt, quod sane et ipsa ostendit. Vix enim Romam venerat, cum Burdinum Antipapam comprehensum in vincula coniecit, & pace cum Henrico honestis condi-

Ep. 236.

tionibus composita, ea dissidia sustulit, quæ iam diu Ecclesiam totam fœdauerant. Itaque cum annos iam ferme sex in hac vigilia fuisset, anno demum salutis MCXXIIII migravit ex hac vita, magno dolore, manoque sui relicto desiderio. Post huius mortem elapsis vno, & viginti annis, tres rursus ordine Pontifices ex religiosis familiis extiterunt, & primum Eugenius III. Cisterciensis, cum antea ne Cardinalis quidem fuisset, sed Abbas eius monasterij, quod adhuc ad tres fontes visitur: tanta erat eius prudentiæ, & probitatis opinio. Erat adhuc ipsius Bernardi epistola ad omnem Romanam curiam qua hoc factum magnopere admiratur, Parcat, inquit, vobis Deus, quid fecistis? Sepultum hominem reuocastis ad homines, fugitantem turbas, & homines, curis denuo implicuistis, & turbis, crucifixus mundo per vos reuixit mundo: & qui elegerat abiectus esse in domo Dei sui, ipsum vos in dominum omnium elegistis. Et qui se tamquã violentis quibusdam diaboli manibus, carnis illecebris, & gloria sæculi potenter excusserat, non tamen valuit effugere manus vestras. Quid igitur rationis, seu consilij habuit, defuncto summo Pontifice, repente irruere in hominem rusticum, latenti iniicere manus, & excussa è manibus securi, & ascia, vel ligone, in palatiũ trahere leuare in cathedram, induere purpura, & bysso, accingere gladio ad faciendam vindictam in nationibus, in reparationes in populis, ad ligandos reges eorum in compedibus, & nobiles eorum in manicis ferreis? Sic non erat inter vos sapiens, & exercitatus, cui potius ista cõuenirent? Ridiculum profecto videtur, pannosum homuncionem assumi ad præsidendum principibus, ad imperandum episcopis, ad regna, & imperia disponenda. Ridiculum, an miraculum? Plane vnum horum. Hæc est Bernardi admiratio, quæ non magis in Eugenium hunc conueniat, quam in alios omnes, quos vel antea commemorauimus, vel deinceps adiungemus ex religio: status humilitate ad tantum elatos fatigium, vt in omnibus inest illud nescio quid miraculi, quod Bernardus describit. Verum vt ad Eugenium redeamus, quanta in illo pietas vigeret, quantus regionis amor, vel hoc vnum ostendit, quod scriptum legimus, cum Pontificiis vestibus exterioribus fulgeret, interius tamen semper monasticum habitum retinuisse, laneam tunicam, & cucullam, in qua etiam cubabat; quin etiam lectum tamen si purpureis cortinis, auratisque fulcris ornatum, tamen ex puris paleis, dorõq; stramine fuisse: quo sane fiebat, vt & foris hominum

hominum oculis Pontificis maiestatem, & simul intus Dei oculis religiosam humilitatem perpetuo exhiberet, à qua nunquam discessit. Hic igitur post Gallicam peregrinationem, in qua, præter alia, Ludouicum regem ad Hierosolymitanam expeditionem cruce consignauit, Romam reuersus, magnòque omnium gaudio exceptus, cum paulo post, anno Pontificatus octauo è vita migrasset, successus est ei Anastasius I I I I. Abbas S. Rufi in diœcesi Veliterna, cuius annus vnus (non enim diutius locum hunc tenuit) magnū specimen dedit tum aliarum virtutum, tum præsertim insignis liberalitatis in tenues, quibus effuse subuenit in magna ræme, quæ totam pene afflixit Europam. Anastasio successit Adrianus I I I I. anno Domini M C L I I I I. Anglus natione, quæ prius præfuisse ferunt cænobio S. Rufi in Gallia, postea ab Eugenio Cardinalem creatum, & in Suetiam, ac Noruegiam legatum, eas regiones ad Dei notitiam, & cultum magna ex parte traduxisse. Hic igitur virtutis ad Petri sedem, potestatemque euectus, quandiu eam administravit (omnino quinque anni, menses octo fuere) Apostolicæ sedis dignitatem magnopere amplificasse fertur, tum aliis multis, tum eo quoque quod Gulielmum Sicilia regem Ecclesiæ Romanæ oppida diripientem nihil veritus est anathemati subiicere, regiòque iure priuare. Post hunc satis magno interuallo, quippe anno M C C X C I I I I. de hoc eodem puluere religionis excitatus est, vt solium gloriæ teneret, Cælestinus V. qui cum primum in solitudine, quàm puer adhuc perierat, multos annos posuisset, deinde religiosum quoque ordinem ipse fundasset, valdeque multiplicasset, eam sanè tum victus asperitate, tum verò frequentibus etiam miraculis sanctitatis famam collegerat, vt post totius biennij dissensionem, in illum vnum & absentem, & priuatum Cardinalium suffragia inclinauerint: cuius etiā consecratio plurimum quàm C C. millium hominum concursu celebrata dicitur. Ipse verò quamquam Pontifex, nihil tamen de pristino vltæ rigore, nihil de sua humilitate remisit, quin etiam breuì adeo, strepitum illum, ac fumum aulæ fastidire, suæque pristinæ quietis desiderio vrgeri cœpit, vt omnino molestant illam sarcinam abiicere decreuerit, etsi multum renitente Carolo rege, & ipso populo Neapolitano (nam in illā ciuitatem concesserat) idque importunis clamoribus, vbicumque occurreret, deprecante. Itaque, vix mense quinto exacto, ipse se abdicauit, aliis dolentibus, aliis ob tantam humilitatem, & exemplū ad eum diem

diem inauditum, stupentibus. Atque in hoc Pontificum numero commemorabilis etiam fuit Benedictus XII. qui id munus cepit anno MCCCXXXIII. ex Cisterciensi disciplina, ante eius monasterij Abbas in Gallia, qui Mons frigidus dicebatur. Huius multa præclara facta narrantur tum publica, tum etiam priuata, ut illud, quod nullum ex suis propinquis ad vllum Ecclesiæ munus accerierit; cum etiam dicere soleret, Pontificem non habere propinquos. Quibus, & aliis virtutibus tam carus omnibus fuit, ut eo post annum septimum defuncto, funus ipsum & vberimis omnium lacrymis celebratum scribatur. Mitigauit tamen communem luctum successoris virtus Clementis VI. qui monachus, & Abbas domus Dei Claramontis, vir magnus ingenio, & doctrina, à Benedicto Cardinalis factus, cum deinde de Pontifice legendo ageretur, facile omnium suffragia tulit in quo magistratu ad priores laudes largitatem etiam, & liberalitatem adiecit dignam Pontifice, id est, cōmuni omnium patre, & pastore: cuiusque institutum fuisse dicitur, ut iubilæi annus à centesimo ad quinquagesimum contraheretur. Sedit autem in hac sede annos decem, cum ingenti totius orbis approbatione. Nec multo post, anno MCCCXLII. Urbanus V. antea sancti Victoris Abbas ad Ecclesiæ clauum regendum aduocatus est, omnium testimonio singularis virtutis, ingentis animi, vitæque integerrimæ, quique omnes suas curas, ac cogitationes in rem communem conferret. Atque is quidem octauo anno Pontificatus singulari Dei beneficio in ipso suo monasterio Massiliensi, qua forte iter habebat, spiritum Deo reddidit, in monachorum corona, eorum precibus adiutus, aspectuque recreatus.

Hi sunt igitur, nisi qui fortè me fugerunt, Pontifices omnes ex monachorū ordine. nunc de aliis familiis, in quibus, ut recentioribus, non erit mirandum, si pauciores extiterunt. Ergo ex Dominicana familia tres adhuc Pontifices extitisse comperimus, nisi inter hos quartum etiam numerandum putemus Ioannem Verceilensem, de quo sic in Dominicanis annalibus legimus, cum annis viginti ordinē totum gubernasset, & eum quidem toto iam ferme p̄p̄s diffusum pedibus obisset, ijs Cardinalium comitijs, quæ inter Nicolaum III. & Martinum I. anno MCCCXX. habita sunt, hunc omnium suffragiis absentem electum, sed tamen priusquam eius rei nuncium acciperet, mortuum esse, itaq; præceptum tot molestijs, quas ei illa curarum moles allatura erat. Hoc igitur

igitur omisso, qui designatus tantum Pontifex, numquam id munus gessit, primus qui ex eo grege in hoc Ecclesiæ culmine constitutus sit, fuit Innocentius V. cuius non hoc modo nomen ex dignitate, sed quod antea etiam habebat, Petri Tarantasi, ex libris editis notum, ac celebre est. Hic ergo anno M C C L X X V I. magistratum ingressus; statim Italiam mutuis discordiis ardentem pacare institit. Nam cum Etrusci contra Pisanos, Veneti contra Genuenses iampridem infestum, ac pertinax bellum gererent, is, anathemate proposito, omnes discedere ab armis iussit, nec dubiū, quin & hoc, & multo maiora præstiturus fuerit, si per vitā licuisset, quæ ei non longior seprem mensibus fuit. Alter ab hoc Pontifice fuit Benedictus X I. anno M C C C I I I. cui pene idem vitæ spatium in Pontificatu fuit, nempe octo mensium; quàm tamen temporis breuitatem ingentibus factis impleuit. Fuit enim omnium testimonio mirifica tum prudentia, tum etiā sanctitate: qui cum ordinis sui Magister Generalis, quod munus diu, atque optime administravit, Bonifacii V I I I litteras in Narbonensi cœnobio acceperat, quibus omnino mandabatur, ut Cardinalatum amitteret, eas pene lachrymis deleuit, neque iis tamen non parere potuit. In ipso autem Pontificatu quàm multa breui salubriter ordinauit, decreuit, ac stabiliuit, præsertim cum ei succedendum Bonifacio fuisset, cuius sane tempora admodum turbulenta fuerant, eaque ab ipso sananda essent vulnera, quæ prius reipublicæ Christianæ imposita erant? Animi verò magnitudo, ac zelus cuiusmodi in eo fuerit hoc declarat, quod etiam de Syria ac Palæstina barbaris eripienda serio cogitabat. Sed illud, meo quidem iudicio, maius, quàm hæc omnia, quod cum eius mater adhuc superstes, pauper omnino, ac tenuis, gratulandi causa Romam aduolasset; & ad Pontificis conspectum cum elegantiori cultu, quæ amici large suppeditarant, introducta esset, ille per dissimulationem, quasi eam non nosset, quæstuit quamnam ea esset tam nobilis mulier. Cum responsum esset, eius esse matrem. Nequaquam, ait Pontifex, nam matrem meam scio ego admodum inopem esse, nec sumptum habere ad tales vestes. Quibus illa verbis icta, magnòque rubore perfusa, cum abcessisset, paulòque post cum propriis vestibus reducta esset, surgens è sede Benedictus, hanc verò dixit suam esse matrem, non illam priorem; inter quæ verba eam amanter amplexatus est. Quid ad hanc animi moderationem addi potest? quodve maius sanctitatis testimonium, quàm

quàm talis humilitas, quàm sine dubio humilitatē nusquam ille, nisi in religiosa disciplina didicerat. Quare non est mirandum, si, ut traditur miraculis etiam post mortem fulserit. Tertius fuit ex eodem instituto, sanctitate quidem huic Benedicto similis, rebus gestis superior Pius V. cuius adhuc recens inter homines memoria. Atq; huius quidem virtutibus quæ par sit oratio: qui in Pōtificatu, quē anno M D L X V I. inijt, gessitque non totis septem annis, non illa solū, quæ religiosa docent instituta, frugalitatem, innocentiam, pietatem incredibilem, omnesque illas veterum Pontificum virtutes orbis terrarum retulit, sed omnes etiam proprias principis laudes præstitit, munificentiam, prouidentiam, inuariabilem iustitiæ tenorem, fortitudinem etiam in bellis contra hæreticos, & Turcas gerendis, quorum classem, fœdere cum Hispanis, Venetisque coniuncto, magna clade contriuit; propter quæ eius iam sanctitas non solum apud Christianos, sed apud ipsos Ecclesiæ hostes in veneratione erat. Hos igitur tres Dominicana familia dedit hætenus Ecclesiæ Pontifices. Franciscana verò vnum etiam amplius. Primus horum Nicolaus I I I. anno M C C L X X X V I I. qui in hoc munere annis quatuor vixit, omnino optime de vniuersa Christiana re meritis, ob diligentiam & vigilantiam in exequendis omnibus officij sui partibus. Inter alia verò illud etiam insigne in eo extitit, quod in cognatos, & affines ita semper affectus fuit, ut iis nihilo se plus debere diceret, quam cuius bono. Itaque hoc quasi domestico vinculo expeditus, eo facilius omnes suas curas in communibus Ecclesiæ commodis curandis defigebat. Nam & multas discordias inter Christianos Principes auctoritate sua sustulit, eosque sacro fœdere deuinxit, & aliquot Ecclesiæ ciuitates, iniuste ab aliis occupatas, armis etiam repetiit, & in potestatem iterum redegit. Quo autem animo honores istos sustineret, iam tam ostendit, cum à Gregorio X. Cardinalis renunciatus, litteris de hac re in Gallia acceptis, rescripsit Pontifici quàm diligentissime potuit, ut eum honorem deprecaretur, neque interea vlla in se statum mutare voluit, donec nouo illius præcepto adactus est. Quin etiam hoc a iure sapè eum dicere solitum, multo se malle fratrum coquum esse, quàm Cardinalem. Hunc aliquanto post sequutus est Alexander V. anno M C C C I X. cui tamen brevis illius dignitatis cursus fuit, neque amplius quàm mensium decem. At in iis magnum pij, & celsi animi specimē dedit, qui Ladislaum regem

potentissi

potentissimum Ecclesiasticæ ditioni infestum regno priuauit. Munificentia verò in pauperes tanta fuit, neque tunc modo, sed reliqua quoque vita, ut se per iocum quendam dicere soleret, diuitem Episcopum, pauperem Cardinalem, mendicum Pontificem. Ex hac eadem familia prodiit etiam Sixtus I V. anno M C C C C L X X I. ad sedem hanc euectus, quam tenuit tredecim annis, insignis plane omnibus ornamentis ingenij, doctrinæ, atque etiam prudentiæ in rebus agendis. Illud autem zeli fuit pro domo Dei, quod & alia bella gessit pro Ecclesiæ ditione tuenda, & Turcas ipsos, classe in eos missa, lacessere non dubitauit. Quartus ex hoc eodem ordine ad eandem sedem ascendit is, qui hoc ipso tempore, quo hæc scriberemus, in ea sedebat, Sixtus V. de cuius vita, ac gestis, nihil loquimur in præsentem, ne viuenti adulari videamur, præsertim cum nullius oratio tam bene eum indicare possit quam ipse adhuc viuens sua se præsentia ostendit. Et is quidem anno M D L X X V. hac pastoralis cure ratu est, quam sustinet quartum iam annum.

Restant præter hos alij Pontifices duo ex duobus diuersis ordinibus. Eugenius I V. & Paulus I V. Fuit ille ex cœnobio S. Georgij in Alga Venetiis, ex ea ipsa familia, quam Laurentius Iustinianus iisdem temporibus, omnis virtutis laude abundans, magnopere illustrauit. Egit autem in Pontificio munere annos ferme sexdecim, cum id anno salutis M C C C C X X I. suscepisset. De quo hæc omnium consensu celebrantur, fuisse eum & in bellis pro Ecclesia gerendis impigrum, & in pace grauem, ac prudentem, liberalem in homines doctos, patientem in iniuriis, religiosorum autem præcipuum amatorem, quos priuilegiis, & immunitatibus, & redditibus etiam auxit. Verum inter eius præclara facta illud in primis commendatur, quod Basileense concilium aduersus Pontificiam potestatem insolescens, partim fortitudine, partim etiam prudentia quadam debilitauit, ac fregit, alio concilio Ferrariæ primum indicto, deinde eodem Florentiam traducto, quo etiam Ioannes ille Palæologus Græcus Imperator conueniens, Romanum denique caput agnouit. Paulus I I I. non modo religiosus, sed Fundator fuit religiosi ordinis Clericorum regularium. Primum enim episcopatu Teatino abdicato ad priuatam, ac solitariam vitam se recepit, deinde adiunctis nonnullis eiusdem consilij, ac voluntatis sociis, religiosam formam instituit, quam etiam Romæ publice in S. Petri æde, astante eius templi clero,

clero , magna celebritate , ad Apostolorum corpora , vha cum illis sociis professus est , editis ijs votis , quæ solemnna sunt omnibus religiosis. Contigit hoc, anno MDXXVIII. ipsa die , quæ sanctæ Crucis exaltationi dicata est : eaque fuere initia eius,quem dixi,ordinis, qui deinde quotidianis incrementis non suo tantum, sed aliorum etiam mortalium bono auctus est , & in dies augetur. Ipse autem Paulus III. tum quidem Ioannes Petrus Carafa , non multo post à Paulo III. Cardinalis , deinde anno MDLV. etiam Pontifex creatus est , quam curam annis quatuor sustinuit. Hi sunt igitur Pontifices , quos Ecclesiæ ab religioso statu supeditatos esse accepimus. Ex quo sine dubio magnum quoddam huic statui ornamentum accedere necesse est , non ob illum tantum, quem initio dixi, tantæ huius dignitatis splendorem, sed multo magis ob innumerabilia, quæ talium hominum , tamque multorum eruditionem , sanctitatem , & sapientiam ad Ecclesiæ vtilitates promouendas in omni genere, & in omnibus seculis contulisse videmus. Quare etiâsi nihil esset aliud, tamen vel ob hoc vnum ita iudicandum esset, religiosum hoc institutum de vniuersa re Christiana optime meritum esse.

De praelatis , qui ex religione prodire.

C A P V T X X I X.

AD hanc gloriam, quam summus Pontificatus tam crebro, tamque fructuose in religiosorum ordinem illatus huic statui attulit, accedit proxime illa etiam dignitas aliorum Prælatorum , quos ad Ecclesiæ subsidium omni ferme tempore huc eadem disciplina produxit. Sed summorum quidem Pontificum & numerus , & series, & nomina ipsa percerferi potuere: Prælatorum autem reliquorum omnino non possunt, ita innumerabilis est eorum copia : nam nec omnium extat memoria, & tamen etiam si extet, non sit operæpretium hic singulos nominari. Primum enim si de Cardinalibus quærimus, ex solis Benedictinis Tritemius, accuratus, & diligens scriptor, ad sua vsque tempora, idest ante annos, centum octoginta quatuor fuisse testatur, quorum quidem nomina sciri potuerant : nam alios præterea fuisse complures. Ex Dominicana autem familia ad triginta : ex Franciscana tres & quadraginta adhuc fuisse comperio , ex aliis vero familiis omnino non ita multi extitere, sed tamen extitere. Atque hi cum non ex sanguinis nobilitate, non ambi

ambicione sectandar aulæ, sed ex doctrina, pietate, ac virtute, eaque multis ante rebus spectata, & explorata, legi solerent, non mirum fuit, dum ad hos gradus euecti sunt, non tam ab ipsis accepisse, quam iis ipsos addidisse ornamentum. Quantus enim vir, ut alios omittam, fuit Turrecremata, quantus vir Caietanus, quantus utroque antiquior Bonaventura, & alij plurimi, quos numerare necesse non est: cum ipsi se, tum præclare agendo, tum doctissime scribendo, nobilitarint? De Episcoporum vero, vel Archiepiscoporum ordine nihil attinet dicere, cum ex omnibus familiis & antiquioribus, & recentioribus pene infinitos ad hæc gubernacula prodiisse sciamus. Antonius quidem, auctor, ut constat, grauis, ex Dominicana ad suam usque ætatem dumtaxat, centum, & vigintiquinque profert, illud præterea adiungens, non omnes à se nominari, sed potius paucos. Ac ne quis hoc illorum temporum feruori tribuendum putet, certe ex Franciscanis, quod nimirum fortasse cuipiam videatur, his proximis septuaginta annis, quorum plenior potuit esse memoria, plures quam centum & octoginta numerantur. Quid autem de Benedictionis dicemus, ex quibus Tritemius idem, quem paulo ante nominaui, quinque mille, & septuaginta, eoque amplius collegit? quod tamen nemini mirum videri debet, cum illud constet, tantam fuisse olim monastici nominis auctoritatem, ut vbique ex solis semine cœnobiiis arcesserentur Episcopi, ut de vna B. Martini familia cum narrasset Sulpitius plures esse factos Episcopos, hoc etiam addat, Quæ enim, inquit, esset ciuitas, aut Ecclesia, quæ non sibi de Martini monasterio cuperet sacerdotem? In Græcia autem tota adeo hic mos obtinuit, ut hodie quoque in suo illo schismate nullum nisi monachum consecret Patriarcham, vel Episcopum. In ceteris vero provinciis tum præsertim valde id frequens fuit, cum ambitio in hos Ecclesiasticos honores nondum adeo irrepserat, itque non cupidis, sedque vltro ingerentibus, sed potius resistentibus, & tamquam onera magna recusantibus mandabantur. Itaque quis dicere possit quantopere talium hominum lux super candelabrum hoc posita, non iis modo profuerit, quibus regendis præerant, sed aliis etiam tum populis, tum populorum pastoribus, qui ab iis regendis exemplum, ac formam acciperent? Vbi enim melius instruantur homines ad eam, ut Gregorius appellat, artem artium regendarum animarum, quam in religione? Verissimum enim est, quod

P. 3. tit. 23. c. 10.

Lib. 4. c. 129. c. 170.

1. Part. past. c. 1.

dici solet, neminem aliis vtiliter præesse, nisi qui libenter sublit, atque etiam subesse didicerit: & cum id opus tam arduum tam robustas vires exigat, nullus est certe locus, ad has vires acquirendas, ipsóque vñ augendas aptior, quam religio. Sensit hoc Innocentius IIII. Pont. quem ferunt cum ex aliis ordinibus, tum potissimum ex Dominicano, tam multos, & tam crebro ad Episcopatus administrandos educere solitum, vt omnes mirarentur. Quod etsi erat ordini ipsi, sine dubio perhonorificum, plerique tamen ex ea familia grauissime, ac molestissime ferebāt ob multas causas, & ob eam præsertim, quod se præcipuis quibúsque, & maxime insignibus patribus orbari videbant. Quamobrem cum Generalis eorum magister Ioannes Teuto suam hanc, aliorúmque querelam Pontifici exposuisset, multúmque cum orasset, vt deinceps suos in ea, quam professi essent, humilitate relinqueret, respondit Pontifex ex illa Domini sententia, non esse lucernam occultandam, sed in publico proponendam, vt domum totam illuminet, itémque seruum, qui talentum abdiderat, esse à Domino damnatum. Accedit etiam illud maximum sine dubio, quod qui eiusmodi sunt, non furtim in ouile irrepunt, sed intrant per hostium, id est non honoris, vel diuitiarum cupiditate adducti ipsi eos gradus affectant, sed à Deo legitime vocati illius voci ac præcepto obediunt. Itaque cum sic eligantur, tum etiam necessarias virtutes ad tantum negotium afferant, illud quos sequi oportet. vt aptissimi sint ad magnas res gerendas eorúmque industria vberimos in Dei gloriam fructus pariat. Testis est huius, quod dico, Basilii, eique tum tempore tum charitate coniunctissimus Nazianzenus, cuius vtriusque nota sunt prælia, illius contra Valentem Imperatorem hæreticum, huius autem contra Arianos, contra Macedonianos, contra Apollinaris sectatores, quinimmo aduersus Iulianum ipsum; qui etiam pro hac Dei causa lapidibus aliquando appetitus, vitæ discrimen adiit. Similis huic fuit Chrysostomi virtus, & constantia aduersus Gainam Arianorum principem, quinimmo aduersus Eudoxiam Augustam, quam etiam pro concione alteram Herodiadem appellare non dubitauit. Similis quoque in alia ætate Fulgentij, qui Trasamundi regis perfidi procellam in catholicos solus sustinuit, cum doctrinæ, & sanctitatis auctoritate, atque etiam incredibili dicendi vi, qua pollebat, tum suos confirmaret, ac retineret, tum aduersarios magnopere perturbaret, quam etiam ob causam

relegatus

relegatus est in Sardiniam, eoque abiens, merentibus omnibus, auditus est plane prophetice, de suo celeri reditu confirmare; quod etiam euenit, Trasamundo non ita multo post sublato, & tranquillitate ab Hilderico eius successore restituta. Atque ut ad propiora veniamus, ex eadem schola prodiit etiam Anselmus Cantuariensis Archiepiscopus, & quantum in ea profecisset, egregie ostendit, tum alias, tum in Henricum Angliæ regem, cum is capitali schismate ab Urbano Pont. Max. dissideret, eiusque nomen in toto regno ne appellari quidem pateretur. Cuius furori Anselmus in synodo ad hoc ipsum coacta inter tot Episcopos, & Abbates, aliósque principes regiarum minarum metu perculsos, solus cum duobus aliis, quos ipsius auctoritas retinuit, ita repugnauit, ut Pontificias partes tueretur, atque insuper Angliæ quoque relicta exulatum abiret. His ascribi merito debet etiam Gulielmus ex Cisterciensi ordine sanctissimo, quem ad Bituricensem Episcopatum nulla alia res adigere potuit, quam Abbatis præceptum & Pontificij Legati, qui uterque grauib, ac seueris literis, ne se Dei voluntati subtraheret, iniunxerunt. In eo vero magistratu, ut accepimus, nunquam religiosum habitum deposuit, nunquam carnes gustauit, denique nihil omnino de veteri disciplina imminuit, aut relaxauit. Quin his quoque priuatis virtutibus illas adiecit pastorales, quod assiduis concionibus publicis, quod familiaribus colloquiis, quod præclaris institutis, ac legibus, oues sibi committas & pascere, & excolere numquam destitit, quod pauperum greges suis sumptibus perpetuo aluit, quod etiam Franci Regis conatus Ecclesiastico iuri aduersantes inrepede repressit, denique quod hæreticos tota Aquitania furentes coercuit, prius quidem aliquot ex suis Cisterciensibus illuc ad concionandum dimissis; deinde cum hoc non satis fuisset, exercitu cum Summi Pontificis approbatione conflato, cuius ipsemet ætate iam graui, cruce vestibus assuta, pene dux fuit: ac licet in eius expeditionis molitione ex hac vita excesserit, non est tamen dubitandum, quin multo maius auxilium de cælo tulerit ad eam, quæ paulo post sequuta est, insignem victoriam ab hostibus reportandam.

Atque hæc quidem in bello cum Dei hostibus. Quid in pace, & in temporum tranquillitate? In hac vero maiorem etiam habent locum religiosorum hominum artes, quæ ad quietem potius; & otium informantur. Itaque hoc præ-

sertim Reipublicæ Christianæ statu effulsit talium pastorum vigilantia in pascendo grege tum exemplo, tum verbo, tum vero etiam opere; quæ omnia eo erant illustriora, maioremque vim habebant, quod erant coniuncta cum illo, quem diximus, rerum omnium humanarum contemptu. Hic enim in quibus est, & eos agiliores reddit ad omne Dei obsequium, & reliquos promptiores, ut eis fidem habeant. Bonifacius annum circiter M C L. regio ortus sanguine, nempe, ut scriptum est, Othonis I I I. Imperat, propinquus, itaque ei carus, ut animam suam appellare eum soleret, arrepta Romualdi disciplina, post diuturnam in ea actam poenitentiam, motus est à Deo, ut Euangelium in Russiæ prædicaret: quod illi S. Pontifex non modo concessit, sed eum insuper eius gentis Archiepiscopum instituit. qua ille auctus dignitate, nihil tamen de pristino vestium, & inedia rigore remisit: quinimo cum nudis pedibus equitaret, tanta erat vis frigoris, ut ex equo descendens congelatum pedem à subherente ferro auellere non posset, nisi aqua calida superfusa. Sed ista quidem nuditas ingentes breui peperit fructus. Nam cum ad barbaram Russorum gentem venisset, Christi que legem Regi prædicare coepisset, creditus est primum ab eo, victus quærendi causa, noua commenta circumferre. Verum cum multa munera, quæ ei obtulerat, constanter recusantem, insuper etiam per medios ignes transeuntem vidisset, non solum cum toto suo regno Euangelium complexus est, sed ipsemet, filio, quem habebat, hærede instituto, Bonifacij discipulus fieri decreuerat: idque perfecisset, nisi paulo post Bonifacius à Regis fratris impie mactatus esset, quot ipsi quidem bene euenit, atque ex veteris eius desiderio, ut Christi martyr fieret. Sed hæc exempla antiquioribus illis seculis frequentissima fuere; & tamen posterioribus etiam in seculis nunquam defuere in Dei domo eiusmodi lucernæ ardentes simul, & lucentes, ut Andreas ille Fesulanus Episcopus anno ferme salutis M C C X VI. qui ex Carmelitana familia inuitissimus est assumptus, quod satis ostendit, qui cum primum hoc agi sensit, in Carthusiensi domo sese occultauit, donec infantis voce in Canonicorum, qui eum elegerant, concessu diuinitus plane proditus est, cum eodem temporis articulo ipsimet Andree puer in veste candida apparuisset, iubens ne amplius diuinæ voluntati resisteret, qua factum esset, ut Episcopus crearetur; datum autem ei custodem Angelum, qui eum in Dei be-

* neplacito

neplacito deduceret. Hic igitur non ab hominibus, sed à Deo tam euidenter electus, facile existimari potest qualis in pastoralis cura fuerit. Sic enim ferunt, ita fuisse benignum, & liberalem in pauperes, vt omnes nomine descriptos haberet, nec eos sine lacrymis aspicere posset: prudentia autem tanta, vt præter ea, quæ in sua diœcesi sapienter constituit, Bononiæ etiam cum ortâ esset ciuilis quædam dissensio, ab Urbano V. Pontifice eo destinatus, mira felicitate negotium confecerit, conciliatis omnibus inter se, & grauissimo, quod ciuitati illi imminebat, compresso periculo. Denique multa sunt, quæ de huius hominis virtute, & sanctitate scribuntur, cuius hoc satis certum est argumentum, quod & miraculis fulserit, & in sanctorum numerum relatus sit. Quid autem dicemus de Laurentio Iustiniâno, qui cum triginta annis religiosam duxisset vitam, ad extremum ab Eugenio IIII. annum circiter MCCXXV. pastoralis sarcina oneratus, omnia primum tentauit, omnes preces adhibuit, omnes etiam quos potuit, amicos interpoluit, vt eam excuteret: vbi autem non potuit, ita eam accepit, ita etiam semper gessit, vt ad gubernandi sapientiam, ad zelum pro Dei honore, etiam ad fortitudinem, qua viris principibus sæpe restitit, denique ad curam pauperum, in quos pene prodigus videbatur, commune esset iudicium, nihil addiposse. Itaque ita scribitur, ad eum tamquam ad Angelum de cælo missum tum ciues, tum externos, idque ex remotis locis, confugere solitos, quin etiam perpetuum fuisse, vt quocumque incederet, ad eum modo spectandum concursus fierent.

Huic etiam æqualis tempore, & virtute fuit Antonius, qui ab eodem Eugenio ad Florentinam cathedrâ compulsus, non minorem in ea gubernanda pietatem, ac peritiam, quam in libris scribendis doctrinam, atq; eruditionem ostendit. Hunc enim ferunt clerum illum magnopere reformasse, omnemque suam diœcesim per se semper lustrasse, quin etiam ingruente pestilentia, non dubitasse bonum pastorem infectos, & tabidos vltro visere, solari, ac recreare, adducto etiam secum iumento medicamentis onusto: denique ita profusa fuisse in pauperes liberalitate, vt ne tribus quidem panibus, quos domi solos habebat, pepercerit, quâquam hoc quidem cum fœnore: eadem enim arca multo panè, eoque admodum candido statim repleta est. De prudentia vero nihil attinet dicere, tum adhuc priuatus oraculum ferre in omnib⁹ rebus dubiis

esset, neque ciuibus modo, sed etiam externis, ita vt tantum vulgari cognomine Antoninus Consiliorum appellaretur. Quo autem ardore, qua constantia ecclesiasticam dignitatem aduersus summum magistratum non semel defendit? qua in causa cuidam aliquando acriter minitanti nihil se timere respondit, quoniam angulum haberet, quo se libentissime reciperet: quæ dum diceret, simul cellæ, quam adhuc in monasterio retinebat, clauem ostentabat, vt intelligeretur, vnde ei illa animi magnitudo veniret. Multa similia commemorari possent, non solum ex Italia, vt hæc sed etiam ex Transmarinis, & Transalpinis nationibus, in quibus olim maiorem quendam in modum omnis religio floruit; sed quoniam non est hic locus texendæ historiæ, vno Dufstanno contenti erimus, qui annum circiter M X X. in Anglia, ex Calscouienfi Abbate Conturbienfis Archiepiscopus factus, incredibile est, quam præclare, quâq; vtiliter eo munere functus sit; quem etiam accepimus tanta fiducia, ac libertate duos reges, Etselstanum, & Eduardūcius successorem reprehendere solitum, vt ob eam causam iterum, atque iterum in exilium pulsus sit, & tamen semper reuocatū, atque ob præstantem prudentiam ab iisdem ad grauissima quæuis publica negotia adhibe- tum. In ignis etiam fuit in illo diuini verbi prædicandi facultas, & ardor, quo in opere dum versaretur, die quodam Christi Ascensionis sacro, ecce in templo oranti ingens multitudo Angelorum candidata affuit, monentium, se venisse ad eum in cælum deducendum, si tamen paratus esset. Quibus ille, quod ad ipsum attineret, se quidē esse paratum, sed tamen moleste laturum, si tam celebri die populus suus sacri verbi pabulo priuaretur. Tum Angeli, excusatione accepta, diem proximum eius migrationi præfiniunt, quo deinde cum magno suo gaudio defunctus. Denique his etiam nostris temporibus, tum in aliis eiusmodi virtus enituit, tum in Martino Sarmiento Franciscano, qui cū in Mexicana prouincia Indica fructuosissimos labores diu sustinisset, delatum denique Episcopatum tam constanter repudiavit, vt nisi à Præposito suo, & quidem sancto obedientiæ nomine interposito, adigi numquam potuerit. Eo autem suscepto, nihil de vitæ austeritate, nihil de humilitate imminuit. Nam eodem plane, quo prius, habitu, vnico tantum fratre comitatus, totam obibat diocesim, & quidem pedibus semper. deniq; etiā suo muneri immortalis est, cum Confirmationis sacramentum tribus continuis diebus impendisset.

His,

His mihi exemplis, quæ pauca ex multis delibauimus, multo melius, quam vllis rationibus, aut argumentis, demonstratum videtur, religiosos ordines in Ecclesia quasi seminarium quoddam fuisse Prælatorum, & talium Prælatorum, qui suis gregibus opera, & aliis etiam exemplo prodesse.

De fructu à religiosis in Dei Ecclesia facto.

C A P V T X X X.

CUM Dei sapientia Franciscani ordinis initia in ipso Fræ-
cisco, & vndecim sociis ponere iam cœpisset, isquo
tantus factus proximus esset partui, ita diuinitus ostensus
esse dicitur Innocentio Pontifici, vt videre sibi visus sit,
Lateranensem basilicam, quæ tum sedes erat Pontificum,
conuulsis fundamentis collabentem; pauperem vero quen-
dam accurrere, qui eam humeris suppositis sustineret. Quod
visum, cum paulo post Franciscus ad illum vna cum suis
adisset, nouam vitæ regulam approbandam deferens, eo
conspecto, eaque regula accuratius expensa, nihil dubita-
uit Pontifex, quin ad ipsum ipsiusque familiam pertineret,
idque exitus ipse demonstrauit. Nam non modo ætas illa,
qua primum hic ordo prodijt, mirabiliter eius opera adiu-
ta, & illuminata est, sed totis trecentis, & septuaginta sex
annis, quibus deinceps stetit, hoc semper egit, vt Dei Ec-
clesiæ quasi fulciret. Hæc autem laus cum Franciscanæ fami-
liæ non falso, nec temere, sed vero, ac solido cœlestis il-
lius visionis testimonio tribuatur, eadem mihi videtur sine
vlla dubitatione tribui posse, ac debere Dominicanæ, quæ
in hanc eandem curam pari industria incubuit, eadem
etiam alijs ordinibus, quos deinceps tamquam varijs horis
operarios in hanc Dominus vineam misit. Quæ quidem si
de singulis vere dicuntur, vt ad Ecclesiæ cultum, digni-
tatem, propugnationem tantopere contulerint, quanto ve-
rius de vniuersis simul coniunctis? Itaque hoc statuendum
est, magnam omnino esse vtilitatem, magnum fructum,
quem religiosi ordines, ex quo instituti sunt, in orbe terra-
rum effecerunt. Nam in primis etiamsi aliud nihil esset, ta-
men vel solæ eorum preces, ac tacita etiam merita magno-
pere valerent ad Deum humano generi vniuerso concilian-
dum. Ideo enim dixit Bernardus, eos constitutos esse, ora-
re pro corpore Ecclesiæ, tam pro viuis quam pro vita fun-
ctis, & Nazianzenus, eorum lacrymas esse peccati dilu-
uium, & mundi expiamentum, atque Eusebius quoque, eos

Ser. par.

63.

Or. 1. in

Iul.

1. Dem.
euang.
cap. 8.

summo Deo consecratos esse pro vniuerso genere. Itaque quis scire possit quot mala, quot calamitates eorum deprecationes à mundo depulerint? quod beneficia impetrarint? quam sæpe Dominus non illorum tantum postulationibus, sed etiam benefactis, orbi terrarum placatus sit? Sed vt hæc omittam, quæ apud Deum valuerunt, Deoque soli cognita sunt, cōsideremus quod proposuimus, in hominibus ipsis quos fructus omni tempore effecerint, idque duplici via, primum exemplo, deinde opere etiam, & labore, atque industria. Nam in primis, quod attinet ad exemplum, non potest negari, quin euāgelicæ virtutes magna ex parte in tenebris iacuisent, nisi religionis lumen accessisset, quæ eas virtutes re ipsa exercens, easdem etiam mortalium oculis, quasi in illustri loco, vnde ab omnibus videri possent, proposuisset. Itaque eorum modestia, humilitas, pietas, deuotio, optima semper populis omnibus magistra extitit, vt merito ob hanc ipsam fortasse causam à Chrysostomi mundi luminaria appellentur. Ab ijs enim didicere homines, quo modo Deus colendus, qua reuerentia, quo timore in templis, in sacramentis adorandus, qua diligentia, quauē attentione orandus: deinde quæ in rebus duris patientia tenenda, quæ proximo præstanda caritas: ac denique nulla est virtus Christiana, cuius non exemplar mundo ab ijs exhibitum sit.

Hom. 56.
ad pop.

Quin etiam licet omnia hæc cessent, tamen hoc ipsum, quod omnibus relictis Christi crucem amplectentur, & quidem multi ex ijs nobiles, atque opulenti, multi etiam in ætatis flore, quantam vim habet, semper habuisse oportuit in mortalium animis ad diuitiarum & honorum contemptum inducendum, vt etiam si non tantum robori habeant, vt ea abijciant, saltem minus ament, vel certe non esse amanda ex illorum facto intelligant? Quid autem plura dicamus? Vel solus illorum aspectus tacita est ad virtu-

Hom. de
disp. rer.
59.
hom. ad
pop.

tem cohortatio, & tacita vitiorum obiurgatio; quod cum hodie experiuntur multi, tum etiam testatur Chrysostomus luculente, eamque ob causam in hinc homilijs, valde populum hortatur, vt sæpe monasteria, religiosaque domos inuisit, quod certam inde referat vtilitatem. Sunt namque; inquit, omnia ibi illecebris vacua, & ab omni interpellatione, & inquietudine libera: insuper sunt portus tranquillissimi, quos qui inhabitant, veluti sunt, qui cum è loco editiori emicent, lucem eminus exhibent aduentantibus, cumque in portu resederint, ceteros ad suam alliciunt tranquillita-

tranquillitatem, neque eos qui se intuentur, pati naufragium sinunt, vel in tenebris esse, qui ad se oculos intenderint. Adi igitur viros tales, vtere eorum conturbatio, ac cede inquam, sanctos tange pedes. multo enim honestius est illorum pedes amplexari, quam aliorum caput. Dic enim mihi, si quidam statuarum pedes apprehendunt, quoniam regis tantum imaginem habent, tu si eum tenueris, qui in se ipso Christum habet, non saluus eris? Sancti igitur sunt tales pedes, vel si vilissimi fuerint. Hæc quidem Chrysostomus. Iure ergo religiosi quoque illud applicandum est, quod de Apostolis gloriose dictum, cum iis etiam communicatur, qui apostolicam vitam tenent. Vos estis lux mundi, Vos estis sal terræ; quorum alterum ad exemplum pertinet, de quo diximus, alterum ad operam, de qua iam dicemus. Hoc enim multo etiam maius est, quam exemplum, ut hominum mores non modo ne corrumpantur, tamquam sale adhibito, conseruent, sed etiam iam corruptos (quod quidem salis natura non potest) instaurent, & redintegrent, dum errantes reuocant, lapsos erigunt, rudes edocent, laborantibus consilio, doctrina, atque omni ope subueniunt. Atque hæc quidem non necesse est ex aliorum scriptis, vel ex sanctorum auctoritate repetere, cum res in promptu sit, & ante oculos, atque inter manus versetur. Apertum enim est, quæ omnes ordines ad hominum salutem conferunt, audiendis peccatorum confessionibus, habendis concionibus, vitiis reprehendendis, tollendis etiam quantum licet, peccandi occasionibus, quin etiam simultatibus, & dissidijs conciliandis, denique omni hominum genere subleuando, docendo, instruendo aduersus malignum hostem, aduersus propriam infirmitatem, aduersus mundi illecebras: in quo quidem opere ita iam versantur religiosi, ut certe præter eos pauci, & hi ipsi pauci non nisi illorum imitatione, sæpe etiam æmulatione.

Mat. 5.

Sed hæc licet adeo magna sint, tamen quia sunt quotidiana, fortasse ob ipsam consuetudinem, ut plerumque fieri solet, non tanti æstimantur. Illa sine dubio maiora, quæ cum Ecclesiæ hostibus, cum ipsis hæreticis geruntur, cuius belli molem vix iam est præter religiosos, qui sustineat. Illi autem ita sustinent disputando, concionando, libris scribendis, priuatis, publicisque sermonibus, ut se tamquam munitionem, ac propugnaculum illorum furoribus opponant. Denique illa maxima sunt, & maxime gloriosa, quæ à religiosis non in

singulis hominibus, sed integris prouinciis, & regnis ipsis Christo adiungendis perfecta sunt: quam sæpe euangelij lumen, ubi nullum antea erat, intulerint, ubi autem obscuratum erat, inlaurarint, quoties fidem, ac religionem vel iam labefactatam, vel penitus perditam restituerint, ac re-dintegrarint. In quo certe ita eorum zelus enituit, ut qui historias legere velit, modumque cognoscere, quo in singulas prouincias fides inducta sit, post Apostolos, & Apostolica illa tempora, vix aliorum nomen inueniat, quam religionis forum. Longum vero esset omnes percerere: sed aliquos quasi exempli causa attingemus. Primum enim sic accepimus, Remigium illum, qui anno ferme D X X X. Clodouē regem, & Franciam vniuersam ab idolorum cultu ad Christianam fidem traduxit, eundem ab incunte ætate monachū fuisse postea Remensem Archiepiscopum. Huic autem æquali tempore, anno nimirum D X L. Martinus item monach^{us} Sueuos ab Ariano errore sanauit De Anglia notissimum est, ut ab Augustino informata, quem Gregorius Pont. cū quatuor monachis eo legarat, ad Deum se se conuerterit, vna cum rege Etelberto, anno D C I I I. Anno autem DCXXII. Lambertus Leodiensis monachus Testlandriam Germaniæ prouinciam, eodemque tempore Rilianus monachus Scot^{us} Francorum gentem ad fidelium numerum aggregarunt: atque hic quidem in eo opere etiam martyrium subiit. Viltridus quoque ex Hirpienti monasterio in Anglia, postea Eboracensis episcopus, annum circiter D C L X X X I I I. cum Romam peteret, tempestate in Hollandiam, & Frisian ciectus, ne hyemem illic infructuose poneret, aggressus est euāgelium, quod nullum adhuc auditum fuerat, prædicare. Idēque in patriam reuersus, cum ab improbo rege Egirido in sua sede harere non sineretur, diuertit ad Australes Saxones, adhuc in inadelutatis tenebris iacentes (uisque fidei lumen importauit, & simul toti insulæ, quæ Vettula dicitur. Ceterū quod hic opus in Friia expeiat, id deinde continuauit Villibrordus ex monasterio Ripenli item in Anglia, qui Traiectensis etiam Episcopus creatus est Eodem tempore Suitbertus Lindisæ in celebri cœnobio Angliæ educatus, vna cum vndecim alijs, ad Apostolicum numerum representandum, ad Saxones se cōtulit: ex quibus innumerales in Christiana fide instituisse fertur, idemque postea Verdensi ecclesiæ præpositus fuisse, neque tamen à laboribus suis vnquā cessasse. Insignis quoque in hoc genere fuit Bonifacius, qui adhuc meri-

merito tamquam Germaniæ Apostolus colitur. Hic patria Scotus, cum adhuc quinquennis à parentibus ipsis oblatus diu vitam in sacris claustris sanctissime egisset, à Gregorio I I. Pont. in Germaniam missus, Thuringiam, Fritiam, Hassiam Christo adiunxit, anno ferme D C C X V I. quam ob causam ad eos, quos docuerat, regendos, Moguntino Archiepiscopatu ornatus est: quamquam maius etiam postea ornamentum ex martyrio accepit. Villeardus item, & Lugderus ex monasterio S. Villibrordi in Gallia, in Franconiam Germaniæ prouinciam profecti annum circiter D C C C. & plurimos illic filios Christo Domino pepererunt, & ipsi plurimos eadem causa labores pertulerunt. Paulo post etiam, id est annis decem, Ansgarius cum tribus sociis ex monasterio Corbiensi in Gallia Belgica, plures regiones Euangelij causa peragrarunt, Datiam, Suetiam, Gottiam, Grolandiam, in quibus omnibus vix credi possit quantum fructum reliquerint. Ex quo eodem monasterio prodiit etiam Stephanus, qui primum Ansgario in Suetica messe successit, deinde in Hellingensem prouinciam se transtulit, quam totam ab erroribus ad viam veritatis adduxit: atque ibidem tamen ab impiis quibusdam mactatus ad martyrij palmam euolauit. Quo etiam referri debet Albus Floriacensis monasterij abbas, quod à S. Mauro in pago Flori Comitis ædificatum fertur. Is enim in Vasconia Galliæ parte, religionis propagandæ causa, strenue laborauit, vir eloquentia insignis, nec minus sanctitate. ad extremum etiam martyrio. Vixit autem anno ferme D C C C C L X X. Quid autè de Adalberto dicamus, qui Pragensis prius Archiepiscopus, deinde Romam veniens, in Castinensi monasterio, anno ferme D C C C C L X X X. religiosam vitam diu professus, vna cum Gaudentio fratre, monacho item S. Alexij Romæ, in Pannoniam abiit ad disseminandam Christi fidem, vbi in Geisam regem incidit, diuino iam antea oraculo admonitum de eius aduentu. Itaque ab illo cum honore exceptus, totam eam gentem antea feram, ac duram, Christi cultu imbuuit: mox ad Sarmatas digressus, Russis, Lituaniis, Moschis. Prussianis, sed præcipuè Polonis, eorumque regi Bolislao Euangelium promulgauit. Denique in Prussia cum ab impiis ad stipitem alligatus, septemque lanceis confixus palpitaret, egisse Deo gratias dicitur, quod se martyrij, quod tam diu iam operaretur, compotem fecisset. At Bruno ex Ducali familia, nempe Lotarij Saxonix Ducis filius, monasticam vitam Romæ professus in cœnobio

cœnobio B. Alexij, à Ioanne X I X. ad Rhutenos missus, annuū circiter M X X V. multos populos ad salutis viam reuocauit; qua in causā ne quid illi ad laudem deesset, martyrij quoque gloria ornatus est. Eodem quoque tempore Bonifacius, cuius aliquanto ante mentionē fecimus, Romualdi discipulus in Russiam profectus, Russianum regem, eiusque regnum, præter fratrem, conuertit, à quo impie cæsus vineā à se plantatam sanguine etiam irrigauit. Anno verò M L. Humbertus ex ordine S. Benedicti Constantinopolim à Pontifice legatus ad Græcorum schisma confutandum, cum Nicæta congressus, coram Constantino Imp. ita eum disputando conuicit, vt librum, quem conscripserat, comburere coegerit. Otho etiam ex monasterio Vabergensi, quæ erat Germaniæ ciuitas, anno M C X X V. à Calisto I I. in Pomeraniam missus, Varcislaum principem conuertit cum suis. quin idem etiam loca omnia maritima, Daciæ, Poloniæque finitima, cum magna animarum conuersione peragrauit; denique complures Saxoniarum ciuitates obiens, magnos vbique ad salutem motus effecit. Huic similis fuit Vicellinus, qui non multo post hunc, vna cum quatuor sociis, ex Gallia ad Vandalos profectus, triginta totis annis incredibili labore vniuersam illam regionem, in qua innumeri ferme erant populi, Christianis imbuere præceptis, & in iis insignia complura fundauit cœnobia.

Multa præterea eiusmodi commemorari possent ex monachorum ordine profecta, sed ijs breuitatis causa omisissis, ad posteriores ordines veniamus, qui simul ac in Dei Ecclesia, orti sunt, ij ferè deinceps ad hæc negotia sunt adhibiti. Nam de Patribus quidē Dominicanis hoc constat, cum alias sæpissime in hoc genere præclaram operam Deo, eiusque Ecclesiæ nauasse, tum verò, vt accepimus, annum circiter M C C X L V I I. quo tempore aliquot ex eis, quorum caput Ascellinus, vir sanctus, Innocēti, I I I. Pontificis auctoritate ad Tartaros se contulerunt; etsi tunc quidem nullus alius extitit eius peregrinationis fructus, quam eorum ipsorum, nimirum in perferendis tam multis & iniuriis, & incommodis, vt mirū fuerit, vel corpora, vel animos durare potuisse. Quare meliore vtique successu paucis post annis maior etiā numerus ad infidelium cōuersionem destinatus, multas barbarorum prouincias peragrauit, in quibus nulla adhuc Christi notitia, nullum lumen erat; idque eo fructu, vt ita scriptū sit, iniri non posse numerum animarū ad rectam fidem per eos traductarum,

rum, præsertim verò in Cumanorū gente; vnde Benedictus, qui cæteris præerat fratribus, ad Generalē Magistrum scribens (quæ adhuc extant litteræ) hoc narrat, multa hominum millia non solum ex plebe, sed etiam ex prima nobilitate baptismum suscepisse. Quare hoc sufficiat quasi specimen eorum fructuum, quos hic ordo in Ecclesia tulit, fertq; in dies; quibus recensendis iusta iam volumina scripta sunt. Ex Franciscana autē familia, præter alia anno ferè Dñi M C C L X X. missus est Constantinopolim, ad tractandam illius Græcæ Ecclesiæ recōciliationem, Hieronymus Esculus, is, qui postea ad summum Pontificatum euectus, Nicolaus I I I. est appellatus, & quidem felici successu, quippe qui Imperatori, & genti illi persuaserit, secūmque X L. ex proceribus ad sacros Pontificis pedes, & ad Concilium, quod eo tempore Lugduni habebatur, cum magno omnium gaudio, perduxerit. Iidem etiam ad Tartaros neque semel adierunt, primum ab Innocentio I I I. missi anno M C C X L V. quo tempore cum magnus hominum numerus Euangelium admisisset, paulo post multo plures illuc operarij destinati, monasteria multa instituta, denique res Christiana feliciter prorsus administrata est. Iterū deinde anno M C C C X L I. à Benedicto X. Pont. duo ex ijsdem missi tamquam apostolici Legati, cum aliis sociis adiunctis, qui item accepta ab Imperatore illo promulgandi Euangelij facultate, multa denuo & templa, & monasteria cum diuini cultus propagatione, multaque animarum conuersione instruxerunt. Anno autem M C C C X X X I I. nou parua horum manus in Armeniam ipsam penetrauit, inter quos præcipuum fuisse ferunt Gonzalum Sauratum, virum doctissimum, qui tum concionibus, tum pluribus libris in illam linguam conuersis, multum profecit. Eodem etiam ferme tempore, & Palschalem inter Medos, & Gentilem inter Persas versatos esse accepimus: & illius quidem extat epistola, qua narrat se, cum munera, & vxores, quas barbari illi offerebant, aliasque blanditias constanter repulisset, tentatum deinde esse contumeliis, bis etiam lapidatum, faciem, & plantas igne adustas: quibus tamen rebus ita se numquam territum, vt nec habitum deposuerit, nec à prædicando destiterit. De Gentili autem hoc omnino notabile traditur, cum Babylone degeret, neque in ediscendo Arabico idiomate, cuius illic vltus est, magnopere proficeret, decreuisse in Italiam regredi: in ipsa autem via occurrisse illi adolescentulum, qui causa cognita,

cognita, redire eum iussit. quoniam Deus illius sermonis notitiam ei concederet; itaque ab ea hora tam bene, & expedite sciuisse, ac si in eo natus esset. Atque etiam circa idem tempus Bosina vrbs Dalmatiæ Gerardi Generalis Ministri opera conuersa est ab hæresi, cum illac forte iter habuisset; qui deinde pluribus etiam eo missis, finitima loca, quæ erant eadem labe infecta, expugnauit, & ad Christi ouile reduxit. Odoricus autem Foroliuiensis eodem ipse quoque ferme tempore, tum vt honores fugeret, qui illi ab omnibus habebantur, tum feruenti animarum zelo adductus, impetrata à Superioribus facultate, contulit se inter infideles, vbi per varias excurrens prouincias versus Orientem, & Meridiem, eo in opere annis decem & septem positus, viginti mille animas solus baptizasse, & salutari doctrina instituisse dicitur. At verò circiter annum M C C C L X X. Gulielmus Pratus Cataium missus euangelizandi causa, plures quàm sexaginta ex suis abduxit. In Hungaria autem cum Rex ille finitimas quasdam prouincias recens subiecisset, destinatis eo Franciscanis octo, non pluribus diebus, quàm quinquaginta. C C. millia hominum ad Christum adduxerunt, quo successu impulsus Rex optimus, ad ordinis Generalem diligenter scripsit, vt duo mille fratres ad se mitteret, quoniam nulli de futurum esset opus: legiturque adhuc huius Generalis epistola, qua suos ad tam optabiles, & gloriosos labores, pie & feruenter inuitat. Nec tacendus Ioannes Capistranus, qui annum circiter M C C C C L. vna excursione duodecim infidelium millia, & multos præterea schismaticos Ecclesiæ aggregauit. Multa liceret eiusmodi colligere fructuose facta & ab aliis familiis, & ab hac minima Societate nostra, quæ tum in Italia, & Hispania, vbi catholica pietas viget incorrupta, eam operam nauat, quàm omnes norunt, ac vident, tum verò in Gallia, in Belgio, in Germania, Polonia, totòque illo Septentrionis tractu hæresum ferme pette laboranti, impigre se vbique impendit catholicis confirmandis, rudibus edocendis, hæreticis vel reducendis, vel saltem conuincendis, idque & concionibus, & scholis, & priuatis congressibus, & omni denique ratione, ac vita; quod quantopere Satanæ doleat, declarauit ipsemet nuper, qui, vt certo accepimus cum in energumena quadam exorcismis adigeretur, confessus est inter cetera, nullam se gentem acerbius odisse, quàm Iesuitas.

Verum ne simus longiores, duos tantum ex duabus familiis

liis commemorabimus, ut appareat quid vniuersi ordines prodesse potuerint, cum singuli homines ex ipsis ordinibus adeo profuerint. Alter igitur est Bernardus, cuius certè beneficia in Ecclesiam vniuersam vix æstimari possunt. Is enim in tetro illo schismate aduersus Innocentium ita elaborauit, ut verè dici possit, illius vnus opera, & auctoritate tandem esse sublatum. Primum enim Gallias ei solus coniunxit, cum Stampensis synodus ad hanc rem ex omnibus Episcopis, & Rege, & principibus conflata, omne suum iudicium in illius iudicium reieciisset. Deinde Henricum Angliæ Regem idem conciliauit, & quidem renitentibus, & aduersantibus omnibus prouincialibus Episcopis: Deinde Germaniam quoque omnem. Postea venit ad Pisanum Concilium, quo omnes Occidentales Episcopi conuenerant; cuius actis omnibus de rebus grauissimis, & maximis, non solum interfuit, sed etiam quodammodo præfuit, cum scilicet ad eum omnia referrentur. Exinde cum Burdegalensis Ecclesia perditorum hominum factione agitataetur, & pluribus iam locis legitimi Episcopi pellerentur, ipse à Pontificis Nuntio Carnotensi Episcopo excitus, flammam illam oratione, miraculis, auctoritate extinxit. Post quæ ad urbem Romam publicis calamitatibus afflictam Pontificis, pluriùmque Cardinalium litteris euocatus, publica disputatione Rogerium Sicilia regem confutauit, tum Petri Leonis Antipapæ partes ita consilio, ac sapientia debilitauit, ut ille ab omnibus desertus ad extremum miserrimè perierit. Quid? Petrum Abailardum hæreticum doctrina, atque eloquentia præfidentem, cum iam vix esset qui resistere posset, quomodo primùm in priuato congressu, deinde in Senonensi Concilio abiecit? Mox Gilbertum Porreatanum, cuius item celebre nomen erat, quomodo in Concilio Rhemenensi conuicit, ut ipsemet errorem suum palam condemnaret? Denique Henricum apostatam, qui Tholosanam diocelam impietate sua infecerat, & inficere pergebat, solus ipse fudit, ac fugauit, ex qua ipsa fuga retractus in vinculis, atque Episcopo traditus est. Quid aliæ peregrinationes, modo Mediolanum, modo Genuam, modo ad Galliæ Regem, omnes pro arduis Ecclesiæ negotiis, omnes etiam cum felicissimo exitu? In his autem itineribus, quæ ad eum vbique causæ deferebantur, qui concursus fiebant, cum perpetuo eius domus euntium, & venientium, ac sese inuicem comprimentium multitudine compleretur? Fructus verò, qui ex eius concionibus ad populum existerat, ne cogitari

tari quidem potest : quam innumerabiles videlicet ex vitiis ad bonam frugem se receperint, quam multi dissidentes sint eius oratione reconciliati, quam multi ex Satanæ faucibus erepti, cum quocumque ille accederet, diuini amoris faces iniicere videretur: quod vel ex eo apparet, quod præter eos, qui illius opera ad alios religiosos ordines se è seculi vanitate recipiebant, numquam ille Clareuallē rediisse dicitur, nisi magna stipatus caterua nouitiorum, quos illius sermones in rete Domini compulerant, & quidem ferme theologia, & eloquētia, tum etiam nobilitate insignium; inter quos Henricum numerant Franciæ Regis germanum fratrem, & alterum, Herueum nomine, ex sanguine item regio. Atque hæc de Bernardo. Alter cum hoc visus est nominandus Vincentius ex Prædicatorum familia, cuius quidem opera tam longe, lateque peruagata est, vt mirum fuerit, tam multas regiones potuisse vnius hominis passibus percurri, quot ille euangelizando peragrauit. Primum enim in Hispania Valentia regnum, Cataloniam, Aragoniam, Nauarram, denique excepta Gallitia, & Lusitania, quibus ob certas causas abstinuit, singulas prouincias, singulas vrbes, singula ferme oppida obiit. Hinc Galliā ingressus regnum Occitanum, Delphinatum, Franciam, Burgundiam, Normanniam, Prouinciam, Aluerniam, Vasconiam, Britanniam, & Flandriam ipsam, ac totam Sabaudiam, postea in Italiam descendens Pedemontum, Insubriam, Liguriam, & omnia eius littora adiit: postremo etiam ad Baleares insulas nauigauit. Deinde ab Henrico Angliæ rege humanissimis litteris, ac nunciis, & naui ad hoc ipsum missa, inuitatus, eam primum insulam totam, mox Scotiam, postremo etiam Hyberniam lustrauit, & quidem, vt ante dixi, non metropoles tantum, aut maiores ciuitates, sed vbique villas ipsas, & ignobiles pagos Christi exemplo circumiens. Itaque quis præter Deum numerare possit, quot ille animas ex vitiorum cærno, ex ipsis inferni portis reuocarit, quæ vitia ex totis ciuitatibus, & prouinciis eradicarit, quantam vbique lucem diuinarum rerum reliquerit? Illud quidem constat, Iudæorum modo, contra quorum perfidiam, cum eo tempore abundaret, illius zelus exarserat, supra viginti, & quinque millia, Saracenorum octo millia ab eo ad Christum abducta fuisse, Christianorum vero perditorum, qui se ad bonam frugem receperunt, plusquam centum millia. Sed facilius, & certius sit prouincias, ac regiones, quam animas numerare, quas ille ad salutem reuoca-

reuocauit. Sic enim scribitur, quocumque is pedem intulisset, statim illic sequi consueuisse generalem penitentiam priorum delictorum, generalémque morum reformationem, alean, blasphemias, periuria, aliáque flagitia, immo vero etiam ineptias, & ludos ita cessare solitos, vt ne eorum quidem esset recordatio: denique tãtam fuisse omnium contritionem, religionem, modestiam, nec solum dum ipse adesset, sed aliquandiu postea vt prisca illa Apostolorum ætas redisse videretur. Itaque si nullos alios habuisset religio præter hos duos, qui in hominum moribus reformandis operã posuissent, & de Ecclesia benemeriti essent, nõne hoc ad eius laudem, ac gloriam satis magnum, & illustre fuisset? Sed habuit etiam alios permultos, vt Franciscum ipsum, de quo mirabilia in hoc genere accepimus, vt Antonium Patavinũ, Bernardinum Senensem, vtrumque Vincentio huic pene æqualem, aut etiam fortasse æqualem, vt etiam alios, quos longissimum esset perçensere.

Atque hæc quanquam ita sunt gloriosa, & honorifica religiosis, nihil tamen præclarius, aut gloriosius, quam totius noui orbis conuersio, quæ quantacumque est, tora est religionis. Ipsi enim primi Euangelium in oras illas intulerunt, ipsi Christi nomen antea ignotum, & inauditum promulgarunt iidemque adhuc proferre, & propagare nõ desistunt. Primos omnium, qui tantam hanc prouinciã aggressi sint, Franciscanos fuisse legimus, atque eosdem etiam in iis regionibus inueniendis. cum antea ne de nomine quidem auditæ essent, magnopere contulisse. Cum enim Christophorus Columbus de ea nauigatione instituenda apud Ferdinandum Hispaniæ regem ageret, nec ei, vt in re tam noua atque incerta, multum fidei haberetur, Patres duo Franciscani valde eum iuuissse dicuntur, tum ipsum animando, tum etiam Regem impellendo, vt eam occasionem omnino tentaret. Itaque cum impetrata classe Columbus Mexicana regna feliciter aperuisset, atque in Hispaniam tam lætæ rei nuncius reuertisset, statim aliquot eius familiæ patres in ea loca nauigarunt, annum circiter à Christo nato MCCCXIII. Atque eodem pene tempore ad Occidentalem Indiam Emanuelis Lusitani regis auspiciis à Vasco Gama patefactam, anno videlicet M.D. missi sunt Euangelij causa ex eadem familia viri octo, tum doctrinã, tum pietate præstanti. Ab his initiis hic ordo per eas regiones diffusus, multiplicatis breui tempore domiciliis, tres-decim, vt ipsi vocant, prouincias

H h instituire,

institueret, in quibus magnam Christianæ rei operam nauarunt, & adhuc nauant. Ad eisdem labores paulo post, id est anno Domini M D V. nauigare etiâ Dominicani, qui item multa illic præclare gessere, deinde Augustiniani, postremo loco nostra Societas I E S V, quæ in Orientalem Indiam, Ioannis Lusitani regis rogatu, per Franciscum Xauerium introducta est, anno M D X I. in Occidentalem paucis post annis Philippi Hispaniarum Regis voluntate: in quam quidem prouinciam, ex quo eam suscepit, sic incubuit, ut non solum eos, qui iam Christiani essent, excolere non cessarit, sed etiam Euangelium latius propagare, eoque inferre, quo nunquam antea peruenerat, ut in Iaponem; quæ regio cum pluribus, quam sexaginta regnis constare dicatur, tamen quicquid adhuc est illic religionis, ac hdei, ipsa sola plantauit, sola rigauit, Deus autem tale incrementum dedit, ut iam ducenta fere Christianorum millia censeantur. Ac nuper etiam in Sinenſe regnū illud, tantum tamque opulentum, ut fidem pene excedat, quod antea quasi clauſum à dæmone tenebatur penetrarunt tamen nostri, nihil veriti periculum capitale omnibus aduenis propositum, in eoque hoc tempore versantur, tam bonis initiis, ut si successus respondeant, magni deinceps sperentur progressus. Consideremus nunc igitur quanta sit hæc res, quàmque honorifica religionis corā ipſo Deo, & Angelis eius, quod ad hoc tam præclarum munus in tota illa mundi parte soli ipſi adhibiti sint. Nam in primis ipsum opus euangelizandi, & fidem Christianam promulgandi, ubi antea nulla erat, maximum certe est, & apostolicum. Ut enim Christus Dominus Apostolos elegit, quibus *Matt. & Mar. vl-* dixit: Euntes in mundum vniuersum, prædicate Euangelium omni creaturæ, baptizantes eos, & docentes seruare quæcumque mandauit vobis: ut igitur orbis huius nostri conuersionem discipulis illis suis mandauit, sic illius alterius orbis mandasse videtur religionis. Atque ille quidem orbis si cum huius nostri magnitudine, & amplitudine comparatur, eam fere exæquare dicitur: si vero mores, atque ingenia spectemus, multo illic maior barbaries, & tenebræ, & cæcitas, cum alij solem, ac lunam, alij serpentes, aut lapides, nonnulli etiâ boues venerarētur: alicubi vero, ut in Mexicano regno, festos dies immolandis hominibus funestarent, multi quoque humanis carnibus auidissime pascerentur; denique bonapars, quod natura adeo abhorret, nullum vestimenti ysum nossent: ex quibus omnibus constare possit, ita in eis ipsum naturale

turale lumen hebetatum, atque obscuratum fuisse, ut in hominis figura belluæ feritatem gererent. Itaque in tanta nocte, tamque densa mentis caligine, illud quoque necessarium erat, ut magna scelerum, & flagitiorum immanitas sequeretur, ut mirum esset, quod de iis cognouimus; quam infanda peccata, quam nihili fieri consueuissent. Ex his igitur intelligi potest quanti laboris, ac sudoris id opus fuerit ut tanta ruditas, ac feritas hominum ad Dei noticiam, & timorem adduceretur, & tamquam mansuetacta Christi iugo collum infereret, brutisq; illis moribus abiectis, Christiatiā humilitatem, modestiam, castimoniam disceret. Hæc enim tota laus, post Dei gratiam, eorum fuit. à quibus gens illa tam agrestis edocta, & instructa, & ad hanc humanitatem, atque pietatem informata est. Ad hunc, quem diu laborem, accedunt deinde quasi pro cumulo gloriæ, multæ quoque difficultates, atq; incommoda, & innumera tum corporis, tum animi molestiæ, ut in primis ipsa nauigatio tam longa, tamque difficilis, deinde regionum conditio, & natura, alibi frigoribus grauissimis, ut in Iapone, alibi intolerandis caloribus, ut Hormurij, ubi homines æstate in ipsa aqua collo tenus immeriti iacere dicuntur: tum etiam sæpe inopia alimentorum, ut in locis sterilibus, atque incultis; quæ vero sunt alimenta, valde insueta, atque aliena. denique accedunt etiam frequentia naufragia in illis syrtibus, atque typhonibus, & quod omnium gloriosissimum est, crebra pericula à barbaris huius hostibus; quod quidem cum contingit, ut fidei causa illorum manibus quispiam mactetur, verissimum, ac certissimum est martyrium. Itaque credo equidem ex aliis quoque ordinibus, sed quod scriptis à me cognitis extet, ex Franciscanis ferme triginta, variis in locis, & vario lethi genere pro Christo cæsi sunt, ex Societate autem nostra, his paucis annis, circiter septuaginta, ex quibus aliqui recentissime. Quæ cum ita habeant, quam gratos Domino, ac Saluatori nostro esse putemus labores illos tam fructuosos nobis, tam salutare proximis, tam ipsi Domino gloriosos? Declaratum est hoc aliquando Franciscano cuidam Alphonso Rozæ, qui pluribus annis in eo opere exhaustis, cum se quasi colligere, & ad mortem diligentius comparare cupiens, in Hispaniam reuertisset, quoties diuinarum rerum meditationi vacare vellet, toties Christum ipsum in cruce præsentem intueri videbatur, qui cum querela, & obiurgatione quadam interrogaret, cur se in cruce illa reliquisset, & suæ potius quieti consulisset.

Quo ille viso tam sæpe iterato commonitus, & multum commotus, Indicam messeni repetendam decreuit, in qua etiam deinde plures annos se exercuit. Simile etiam huic fuit illud, quo Xauerius nostrum Dominus ad idem opus multo ante inuitauit. Nam, vt ipse narrabat, sæpe per quietem visus est sibi Æthiopem in humeros sublatum deferre, cuius pondere adeo grauaretur, vt ipsa oneris magnitudine excitaretur è somno mire defatigatus: quod vtrumque postea exitus ostendit, cum & populos illos studio, atque opera quasi ad Christum pertulit, & in ea re tot, tantòsque labores exhaustit, vt mirum fuerit hominis vires potuisse sufficere. Hæc igitur pauca dicta sint de innumerabilibus fructibus, quos religionis feruens industria Christiano orbi attulit.

*Causa cur status religiosus aptissimus sit omnium
ad hunc fructum efficiendum.*

C A P V T X X X I.

NON solum tanta exitit ex religiosis ordinibus spiritualium fructuum vbertas, quantam diximus; sed hoc etiam verissimum est, nullum hominum genus, nullum statum reperiri ita ad hoc idoneum, & aptum; idque propter multas rationes, quas breuitatis causa in tres contrahemus, Prima ducitur ex ipsius Dei natura, & more. Nam si quis Dei rationem, atque institutum in mortalium salute propaganda ab ipso Ecclesiæ initio attentius inspexerit, facile intelliget, hoc semper fuisse eius consilium, vt ad tantum hoc onus eos maxime ministros, adiutoresque adhiberet, qui essent maxime humanis omnibus præfidiis nudati. Notauit hoc, & docuit Paulus Apostolus, qui de primæua illa Ecclesia loquens, testatur, non multos in ea fuisse potentes, vel nobiles vel sapientes secundum carnem, quoniam infirma mundi elegisset Deus, vt confunderet fortia, & ignobilia, atque contemptibilia, & ea quæ non sunt, vt ea, quæ sunt, destrueret. Cuius causam illam sapientissime reddit, vt non gloriatur omnis caro, id est, ne tantæ rei perfectæ laus, Christi Cruce, vt idem ait, euacuata, in homines, humanasque vires transferretur. Quam in sententiam illud quoque ab Ambrosio recte dictum est, Aduerte, inquit, cæleste consilium, non sapientes aliquot, non diuites, non nobiles, sed piscatores, & publicanos, quos dirigeret, elegit, ne traduxisset potentia, ne redemisset diuitiis, ne potentia, nobilitatisque auctoritate traxisset aliquos ad suam gratiam videretur, vt veritatis ratio,

1. Cor. 1.

Lib. 5. in
Luc.

ratio, non disputationis gratia prævaleret. Non igitur putandum est, mutatū esse Deum, Deique sapientiam aliam nunc formulam in hominum conuersione sequi, quam antea sequeretur: nam neque in Deum cadere potest mutatio, & eędem causę nunc quoque extant, ne humanis viribus id, quod omnino diuinū est, tribuatur, ad quod procliuē esset hominum iudicium, quorum videlicet oculi, vt carnales, exteriora tantum vident, quę ab hominibus geruntur, interioris autem gratię vim à qua promanant hi effectus, videre non possunt. Sed hoc interest inter hęc tēpora, & illa, quod tum quidem eos fere Dominus elegit, qui statu, ac conditione inopes essent, & tenues, nunc autem qui sua sponte ad eam se paupertatem redegerunt. Cuius ratio hęc est, quin si diuites, vel nobiles omnes ab hac perfectione excluderētur, magno scilicet bono nulla ipsoꝝ culpa priuari essent: & rursus si cum diuitiis ipsis admitterentur, illa, quam diximus, diuinę sapientię regula perderetur. Quamobrem sic vtrumque mirabili artificio tēperatum est, vt etiam opulēti, & potētes, & clavis natalibus orti, huius laudis participes esse possent, sed ita, si illas opes, & illum splendorem exuerent, seque ipsos ad humilem, inopēmq; statum sua voluntate componerent. Itaque hoc etiam obseruare licet, quā mdiu Ecclesia opibus caruit, eiūsque operarij pauperes ipsi, ac rebus omnibus terrenis vacui, hanc Domini vineam coluerunt, ita vt, sicut Apostoli, in fame, & siti, in frigore, & nuditate vitam ducerent, nullis ferme aliis ministris vsum esse Deum. At vero posteaquā, vt ait Hieronymus, potentia, & diuitiis maior, sed virtutibus minor effecta est (quam ille ætatem iam tum fecem temporum appellat) tunc primum, ac deinceps semper Dei bonitas religioso si pauperum genus ad opus illud, quod omnino per pauperes geri volebat, aduocauit. Hoc enim illud est, quod ad Goliath gygantem Deo, & Dei copiis insultantem, qui dæmonis est typus, prosternendum non alterum gygantem, ac ne virum quidem firmitiori ætate, sed puerum, eumque inermem adhibuit. Hoc est, quod mœnia Hierico, idest Satanę munitiones, non bellicis tormentis, non militari impressione, sed sono, quo nihil est inanius, subueriti, ac dirui voluit. Hoc etiam indicat noua illa pugnandi forma, non alio telo, quam lampadis lāgena inclusa, quod est sanctitas exterioris vitę humilitate contexta, quę tamen erumpat necesse est, & erumpens omnem Satanę exercitum, virēsque confundat. Hęc igitur ratio valet apud Deum.

*In vna
Malach.*

1. Reg. 17

Ios. 6.

Iud. 7.

Altera est, quæ valet apud homines ipsos, in quibus faciendis est fructus. Nam cum ad cohortandum multo maius pondus habeant exempla, quam verbo, frustra de gloria fugienda, de amanda paupertate, de voluntario sui contemptu, ac submissione, deque tota euangelica mortificatione disseret, quæ auditor videbit ipsum vel diuitiis abundare, vel honoribus, aut externa eiusmodi gloria. Nam etsi possunt ista haberi sine affectu, & ita ut, iis cor non apponatur, tamen & hoc rarissime fit, & cum fit, homines latet, qui scilicet animi arcana penetrare non possunt. Nunc autem non id quaerimus, quid fieri queat, sed quid ad faciendam populis fidem, & ad animos permouendos magis valeat. Cui autem dubium sit, quin multo certius credituri sint homines, illum res humanas contemnere, qui eum contemptum ipsis factis, & re ipsa præ se fert, quam eum, qui si modo ita affectus est, tamen eum contemptum animo inclusum tenet? Est etiam auctoritas quædam in hoc vitæ genere. Nam cum maior mortalium pars tum voluptatibus, quæ sunt quædam blandissimæ dominæ, tum ceteris præsentibus bonis capiantur, quod deinde perspiciunt iis vitiis tam facile oblistere, quibus & se ipso, & alios captiuos retineri sciant, eos vero suspiciunt, ac tum tacitis cogitationibus tantam præstantiam admirantur, tum etiam apud alios maximis efferunt laudibus, eaque mirifica quædam res multitudini videtur. Nec iniuria. Magnum est enim & ista vincere, & seipsum, suasque cupiditates subigere; & qui mundum omnem cum suis præmiis despexerunt, eos omnino magno, excelsoque animo esse oportet. & in iis excellentes quædã, & singulas inesse virtutes. Quare cū hæc rerum despicientia admirabilitatem tantam faciat, apparet nihil ad persuadendum aptius, nihil grauius ad voluntates commouendas esse posse: qui autem hoc non habeant, eos magno plane adiumento carere, & quasi instrumento ad hunc fructum & ferendum, & demetendum. Videamus quid in hanc sententiam dicat Chrysostomus, qui aperte hæc esse putat causam, cur & Apostolorum tempora tam fructuosa fuissent, & sua iam tempora adeo sterilia essent, & infœcunda. Si homines, inquit, duodecim, terrarum orbem cōuerterunt, cogita quanta sit militia nostra, qui ne subdætos quidem nostros corrigere possumus, cum tamen sumus tam multi, ut decem milibus mundis pro fermēto sufficere valeamus. Sed dices, Apostoli signa habebant. Atqui non signa eos mirabiles effecerunt,

Hom.
46. in
Matt.

tunt. Multi enim, qui dæmones eiiciebant, quia peccatores erāt, nihil tale fecerunt, sed puniti sunt. Quid est igitur quod eos magnos offendi? pecuniarū cōtemptus, gloriæ despectus ab omnibus vitæ huius negotiis ereptio; quæ si non habuissent, etiam si mortuos suscitassent, nō solum nullos iuuissent, sed etiā seductores existimati fuissent. Hæc Chrysostomus, aptissime omnino ad religiosum statum, qui hanc ipsam paupertatem, rei umque omnium abrenunciationem proſequitur.

Superest nunc tertia ratio, ducta ab iis ipsis operariis, qui hanc animarum quasi mercaturam tractant. Non enim dubitari potest, quin ad opus hoc multo melius parati sint, qui nihil omnino in hoc mundo possident. Primum quia liberi sunt, expediti, & alacres ad currendum quocumque eos Domini spiritus impulerit: propterea quod non liberorum, non agrorum, nō rei familiaris procuratione eorū cogitationes illigantur, ex quibus duo magna damna consequi solēt. Nam & tempus eripiunt, quod in aliis melioribus studiis vtili⁹ poneretur, & ipse animus, velit, nolit, reb⁹ ipsis, quas tractat, nimium adhaereſcit; quod vtrumque euangelico operatio & indignum, ac turpe, & maxime etiam incommodum est. Atque hoc quoque à Deo in veteri illa bellica lege aperte designatum est, quæ iis castris excedere iubebantur, qui vel domum nouā adificassent, vel nouam vineam cōseuissent, vel etiam uxorem recens despondissent, aut denique ob aliam aliquam causam formidolosi essent. Quo quidē delectu tum alias sæpe multi, tū in Gedeonis bello viginti. & duo hominum millia dimissa scribuntur, quin etiam ex reliquis decem millibus quotquot se ad bibendum pronos proiecerunt, omnes à Deo exauſtorati sunt, trecenti tantum retenti qui erecti biberāt, quorum opera, cum tam pauci essent, insignem victoriam parauit. Quid hoc igitur est aliud, quam id, quod iamdudum tractamus, qui vineis procuradis, id est terrenis negotiis, qui uxoriis deliciis, ceterisque corporis voluptatibus, aut alio vilo mundano vel timore, vel amore tenentur, quique ad infima ista sese abiiciunt, eos ad cœlestem hanc militiam ineptos esse? Itaque selectus ille trecentorum hominum manipulus, exiguus certe, sed virili plenus robore, aperte religiosos designat, tum curis omnibus terrenis vacuos, tum etiam omni humano timore, qui ad eas curas consequi solet; qui ipsi quoque pauci, si cum reliqua hominum multitudine comparentur. Itaque bene, & sapienter Ambrosius in Lucam. Qualis, inquit, debeat esse qui euangelizat regnum

Deu. 20.

Iud. 7.

Lib. 6. in

Luc.

S. Mor.
ca. 25.

Dei, præceptis euangelicis designatur, vt sine virga, sine pe-
ra, sine calceamento, sine pane, sine pecunia, hoc est subsidij
secularis adminicula non requirens: fideque tutus putet sibi,
quo minus ea requirat, magis posse suppetere. Accedit etiam
aliud quod cum homines non fere ignorantia peccent (satis
enim iam promulgata est Dei lex, satisque norunt omnes
quid agere debeant) cum igitur non ideo peccent: quia nes-
ciant in quibus peccent, sed quia infirmam, & corruptam ge-
runt voluntatem, profecto non tam docendi, quam inflam-
mandi, nec tam intruenda est eorum mens, quam excitan-
dus affectus. Atqui ad alios excitandos nihil tam nece ssa-
rium est, quam vt qui id facere velit, ipse excitatus, & com-
motus sit: quod egregie, vt omnia, attigit Gregorius quodā
loco Moralium. Mens, inquit, concupiscentiis exterioribus
occupata, igne diuini amoris non calet; & ideo ad super-
num desiderium inflammare auditores suos nequeunt ver-
ba, quæ frigido corde proferuntur. Neque enim res, quæ in
se ipsa non arserit, aliud accendit. Quod Gregorij dictum
illa etiam necessaria ratione confirmatur, quoniam cum, vt
Philosophi sentiunt: omnes effectus causis suis, à quibus ma-
nant, similes, & congruentes esse oporteat, numquam opera
illa, amandi Deum, deferendi peccata, & cupiditates, & alia
eiusmodi, quæ sunt plane cœlestia, ac diuina, humanæ do-
ctrinæ, vel eloquentiæ vi perlici poterunt, sed cœlesti, ac di-
uina virtute opus est. Hæc autem virtus quam rara est in se-
culo, tam frequens est in statu religionis: ex huius enim fon-
tibus plenius, largiusque hauritur. vbi repletus quisque de-
inde ex cordis abundantia ad aliorum vtilitatem, quasi ex
thesauro profert noua, & vetera.

Reitant duo in religiosis, quæ ad hunc fructum proximo-
rum, & ad hostium profligationem valde sunt appositæ, pri-
mum coniunctio ipsa multorum, & tanta coniunctio, qua nō
possit esse maior. perspicuum est enim nullam rem magnam
effici posse sine multorum adiumentis. Cuius ratio ea est, de
qua alio loco à nobis ipsis vberius dictum est, quoniam ne-
mo omnia solus habere potest. Ex quo fit, vt qui in proximo-
rum fructu solus elaborare velit, quemadmodum in aliis re-
bus omnibus, ita in hac etiam necesse sit eum multis, & ne-
cessariis præsiidiis destitui.

const.

Mo. c. 19.

Contra vero in religiosis illud euenit, quod præclare di-
ctum est à S. Basilio, vt veluti milites testudine, quam vo-
cant, facta, sese inuicem ita muniunt, vt sint impenetrabiles,
sic ipsi

sic ipsi propter coniunctionem, qua nexi sunt, sese mutuo, vt ipse ait, conspiciant, & se inter se protegant; ex quo non solum fit vt inimicorum ictus repellant, sed etiam inimicos ipsos facile fundere, & fugare etiam ab alijs possint. Id autem faciunt multorum viribus, ingenijs, laboribus in vnum collatis, eoque magis faciunt, quo maior vigeat in vnoquoque ordine animorum, voluntatumque consensio.

Altera res est professio castitatis, quam Deus ita amat, vt eam etiam ad dæmonem frangendum, ac debellandum adhibeat, cuius imaginem cum gereret Holofernes cum suo exercitu, merito ad eum profligandum non alijs armis vsus est Dominus, quam Iudith pudicitia. idque vidit, & prædixit. *Iudith.* summus sacerdos Ioachim, qui in communi gratulatione post tantam victoriam, sic eam celebrauit, eo quod castitatem amaueris, & post virum tuum alterum nescieris, ideo & manus Domini confortauit te, & eris benedicta in æternum. Quare si in tanto populo vnam Iudith extitisse mirabile fuit, & vna, quæ extitit, tantam vtilitatem attulit toti genti, quam pulchrum, & gloriosum erit Christianæ Ecclesiæ, quod in ea tot agmina visuntur integre & caste viuendum, quæ vero etiam vtilitas ex iis manabit, aut quæ vis ad infernum illum Holofernem, idest Satanam, eiusque satellites perdendos, ac profligandos?

Hoc igitur intuentibus licebit admirabilem Dei prouidentiam agnoscere, qui suam Ecclesiam nouis semper supplementis iuuare, atque opportune recreare non destitit. Videtur enim tres eius quodammodo ætates, & tempora distinxisse, primum sanctorum Martyrum, qui hunc Ecclesiæ agrum sanguine suo rigantes fecundiores effecere: deinde vero sanctorum Doctorum, quos Gregorius hyadum mysterio in libro Iob designari ait: quoniam vt hæc astra hyeme, demum transacta, apparere incipiunt, & pluuiam afferre solent, ita viri illi scientiæ imbres in terram effundere cœperunt, cum remota persecutionis bruma, & diminutis infidelitatis noctibus, verna temperies, & tranquillitas aduentauit. Tertia vero ætas fuit hominum religiosorum, qui post illos vtriusque rû multo magis multiplicati, tum etiã in humani generis subsidium inducti sunt. Ac vt initijs illis, cum nascens Christi fides à tam multis hostibus oppugnabatur, eos esset oportuit, qui propriæ vitæ oppositu eam tuerentur: vt etiam numero fidelium adaucto, opportuna fuit Doctorum eruditio ad eos instruendos, & ad hæreses, quas simul nasci necesse erat,

coercendas; ita in hoc tertio statu, in quo pacis, ac securitatis diuturnitas terrenarum rerum amorem, cœlestium obliuionem tamquam tenebras offuderat, diuino utique cōsilio factum est, ut ea vinendi formula in orbem terrarum passim induceretur, quæ simul & hæc vitia, paupertatis, humilitatisque voluntariæ exemplo castigaret. & tamē etiam doctrina aduersus hæreses, quæ semper pullulant, depugnaret. Quæ quidem omnia expresse mihi videtur præclara quadam visione S. Franciscus demonstrata, atque eadem opera aliis quoque, qui, ut Franciscus, nuntium seculo remiserunt. Hunc enim narrat Bonauentura, cum aliquando secularis adhuc, pauperi cuidam ipsas suas vestes Dei amore donasset, proxima nocte in quiete visum sibi esse, duci se in amplum palatium, in quo amplissima item esset aula omni armorum genere referta, ipsa autem arma Christi cruce omnia insignita. Quærenti autem cuiusnam illa essent, audisse responsum, ipsius esse omnia, eiusque militum. Igitur è somno experrectus, cum, ut adhuc spiritualium rerum rudis, nocturnum visum de temporali militia interpretatus, principatum sibi in eo genere, magnamque gloriam portendi credidisset iter ingreßus est statim ad quædam Appuliæ Comitum, cuius præsidio aditum sibi ad eam fortunam paraturus videbatur. In quo itinere iterum Dominus eidem dormienti, Franciscus, inquit, vter tibi melius facere potest, dominus, an seruus, diues, an pauper? Cum Franciscus quod erat respondisset, Cur ergo, ait, pro seruo dominum relinquis, & pro paupere homine diuitem Deum? Tum ille, Quid me igitur facere iubes? Redi, inquit, in patriam tuam: quod enim vidisti, nihil temporale indicat, nec humana, sed diuina ope in te complendum est. Ex hoc igitur Dei testimonio illud cognosci potest, tum familiam hanc, tum reliquas, quæ, ut illa, pro animarum profectu contra dæmones bellum gerunt, quotquot eæ sunt, totidem esse armentaria bene instructa, aut totidem turres Dauid, quæ ædificatæ sunt cum propugnaculis, ex quibus, ut dicitur in Canticis, mille pendeant clypei, & omnis armatura fortium.

Cant. 4.

*Quum multi religiosi in doctrina, & in
eloquentia excelluerint.*

C A P V T X X X I I.

Post spiritualia ornamenta, quæ sunt supra naturam, & quæ sine vlla controuersia prima, ac præcipua existimari oportet,

oportet, tamen sunt etiam alia naturalia, quæ hominem magnopere illustrant, & augent: in quibus duo illa amplissima censeri debent, doctrina, & eloquentia. Nam cum hominis naturæ duo sint propria, ratio, & oratio, quo utroque naturam belluarum superat, sequitur ut qui hæc maximè perfecerit, is maximè inter alios homines emineat, multo plus, quam si opibus, aut diuitiis emineret. Itaque hæc etiam ex eo genere sunt, quæ mortales ipsi suspicere, & admirari solent. Quamobrem etsi propria religionum bona, in quibus regnant, sunt bona gratiæ, & spiritus, tamen hoc etiam placuit diuinæ bonitati, ut eos insuper his, quæ dixi cumularet, siue ut nihil huic statui deesset ex veris, solidisque ornamentis, siue quod hæc optime, & commodissime cum spiritualibus bonis conspirant, tum ad nostrum ipsorum profectum, tum ad opem proximis ferendam, cui pleraque hæc instituta diriguntur. Atque eruditionem quidem ita in religiosis effloruisse videmus, ut verè dicere possimus ab ijs etiam eruditorem esse factam. maioremque in modum illustratam, ut facilior, & planior posteris traderetur. ij enim tum viuentes docendo, disputando, interpretando litterariis hisce studiis incredibile lumen attulere, tum verò ea etiam scripta, tamque multa post vitam reliquere, quæ omnes ferè scientias planiores, apertioresque fecerint, quas quidem dignas statuissent, in quibus elaborarent. Libet igitur quasi cursim omnem religionum ætatem ab initio inspicere, ut eorum multitudinem, & copiam videamus, qui in doctrinarum studiis magni fuerint: quod etiam eo magis mirum est, quoniam veteres illi monachi de industria sese à litteris remouebant, quo se totos in vna rerum cælestium contemplatione abderent, ut de Benedicto narrat Gregorius, qui cum liberales artes Romæ aggressus esset, consilio eas deferens, recessit, ut ille ait, scienter nescius, & sapienter indoctus. Sed tamen neque illo tempore, neque vñquam defuere eruditi, ut Serapion, & Pamphilus, Lucianus, ut sex Ecclesiæ Doctores, tres Græci, totidemque Latini, de quibus antea diximus, & alij complures, quos omitto, ut ad propiora veniamus. Nam ut à Benedictino ordine antiquissimo incipiamus, iam sunt nulle, & septuaginta anni, ex quo hic ordo natus est. His igitur vñdecim terè seculis, mirum certè est quam multos semper, & quam præstantes in omni genere produxerit viros. Primo enim seculo, id est vsque ad annum Domini sexcentesium viguit, ut scimus, Cassiodorus, de quo

2. Dial.
cap. 1.

quo supra diximus, eique æqualis Dionysius cognomento Paruus, vir sui temporis eruditissimus, tum diuinis, tum etiam humanis litteris, quod ostendunt scripta ab eo relictæ: eodémque tempore Gregorius Magnus, Gregorius Turo-nensis, & Leander Hispalensis, satis adhuc per se noti. Se-cundo seculo à sexcentesimo ad septingentesimum, mul-tum, vt accepimus, claruit Cæsarius, de quo item alibi dixi-mus, in Gallia, Eutropius in Hispania, in Lusitania Ioannes Gerundensis Episcopus, in Scotia Adamannus abbas, in An-glia Theodorus, qui Romæ monasticam vitam professus à Vitaliano Pont. Cantuariam destinatus est septimus Archi-episcopus, cuius de laudibus Beda sæpè. Tertio seculo vsque ad annum octingentesimum, Beda ipse notissimus libris scriptis, tum Bonifacius ille Germaniæ apostolus, quem non sola sanctitas, sed vt traditum est, insuper etiam eruditio il-lustrauit. Deinde Ægidius abbas natione Græcus, idem phi-losophus, ac poëta, quin etiam medicus insignis, quippe qui multa de arte medica catmine scripserit. In primis autem Alcuinus, qui suæ ætatis doctissimus habitus est, Caroli Ma-gni magister, ita ei carus, vt eum delicias suas appellaret, cuius etiam prudentiæ Parisiensem Academiam, quam Ro-ma illuc transtulerat, ordinandam commisit, idémque multa edidit, tum in sacram scripturam, tum suoptè ingenio. Quo eodem tempore floruit etiam Paulus Diaconus auctor celebri hymni in S. Ioannem Baptistam, pluriúmque libro-rum, quorum pars adhuc extat. Quarto seculo vsque ad an-num D C C C C. insignis fuit Haymo monachus Fulden-sis, postea etiam episcopus, Alcuini auditor, omnino inter do-ctissimos numerandus, qui totam scripturam commentarijs illustrauit, aliáque propria ingenij monumenta reliquit. Ne-que huic inferior Rabanus ex Fuldensi abbate Archiepisco-pus Moguntinus, qui iustam penè bibliothecam solus edidit. nam cum puer adhuc ab ipsis parentibus Fuldensi monaste-rio oblatus esset, tantum in poësi, in philosophia, & in sacris litteris profecit, vt in tota Germania, fortasse etiam toto orbe, nullus ei æqualis putaretur. Cui tamen vt tempore, sic ingenio proximi fuere, vt alios complures omittamus, Angelomus Luxouien-sis, notus ipse quoque ex libris scri-ptis, & Strabus Fulden-sis, cuius opus dicitur esse glossa, quæ ordinaria vocatur, ex sanctorum patrum scriptis concinna-ta. Quinto seculo ab anno D C C C C. ad millesimum, cele-bratur in primis Odo abbas Cluniacensis, diuinis, & huma-

nis litteris eruditus, Herigerus abbas Lobienſis non in Gallia ſolum, ſed tota Italia, & Germania ob doctrinæ opinionem celeberrimus: tum Ratherius ex monacho Lobienſi Episcopus Veronenſis, qui miræ ſimplicitatis, ſed magnæ litteraturæ fuiſſe traditur, & alij deniq; permulti: inter quos tamen nihil ita enituit, vt Radulphus monachus Fuldenſis, de quo in Eccleſia tota hæc erat conſtans opinio, nullum ei vel in philoſophia, vel in theologia parem eſſe, vt propterea ad eum ex toto ferme orbe difficillimæ quæque quæſtiones referrentur. Sed multo etiam feracius talium ingeniorum fuit ſextum ſeculum, in quo præter alios multos, quorum adhuc extant nomina, floruit Marianus Scotus, qui Fuldæ vndecim annos, quindecim Moguntia in cella inclufus duravit, quo tempore Chronica ſcripſit ab initio mundi ad ſua uſque tempora, fuiſſe ob doctrinæ, & multo magis ob ſanctitatis nomen in magna omnium veneratione. Ac eodem tempore celeberrimus etiam fuit Lanfrancus, qui in dialecticis totaque philoſophia, ſui temporis princeps habitus eſt, idemque lumen, ac magiſter theologorum. Hunc tradunt, cum Papia, vbi natus erat, & vbi publicam ſcholam cum laude habuerat, in Galliam proniſceretur, à latronibus ſpoliatum, & abductum, prius impatienter tuliſſe, deinde in ſe reuerſum, damnare cæpiſſe ſe ipſum, quod tam diuturnum ſtudium ſacræ ſcripturæ impendiſſet, neque adhuc Deum in tribulatione laudare didiciſſet, ſtatimque vouiſſe, ſi eaderet, ſe deinceps Deo ſamulaturum. Liberatus igitur venit ad Monafterium Beccenſe, vbi aliquandiu ita latuit, quaſi idiota, & illitteratus, donec ab Italis mercatoribus agnitus, & patefactus, primum à ſuis adhibitus eſt ad domeſtica ſtudia moderanda, deinde etiam à S. Pontifice Cantuarienſi eccleſiæ præpoſitus. Huic omnino ſimillimus fuit is, qui ei proximè in ſede ſucceſſit, Anſelmus eius auditor, & in Beccenſi item ſchola ſucceſſor; de cuius Anſelmi eruditione nihil attinet dicere, cum eam libri editi ſatis oſtendant. His aſcribendi duo Cardinales eiufdem temporis, Humbertus monachus Tullenſis, quem Leo I X. ob excellentem doctrinam, & pietatem, ad eum honorem prouexit, & Conſtantinopolim legauit, vt Leonis Bulgatorum Episcopi audaciam frangeret. Alter fuit Petrus Damianus, cuius adhuc eruditio, & ſacundia ex eius pluribus ſcriptis nota eſt. Illud ſanctitatis fuit, quod diu Cardinalis, & episcopi Hoſtienſis munere functus, denique pertæſus eius vitæ, Nazianzeni exemplo,

plo, ad pristina se recepit monachorum studia : cuius etiam facti rationem luculento scripto reddidit. Denique vt alios omnes omittamus, magnus etiam fuit per ea tempora Hermannus cognomento Contractus, cuius doctrina eo mirabilior fuit, quod eam insigni miraculo adeptus est. Ita enim scriptum est, hunc in Sueuia ex nobili Comite ortum, ab ineunte ætate omnibus membris captum fuisse, atque ob eam causam nomē illud, quod diximus, Contracti accepisse. Quare cum monachus factus esset, multis precibus Beatam Virginem rogare institit, vt ipsum eo morbo liberaret. Illa verò clara luce se ei visendam præbens, optionem obtulit, vtum ē duobus mallet, sanus ne fieri, sed vt erat rudis, & indoctus permanere, an perseuerare in morbo, & omnibus scientiis insignis euadere. Cum autem Hermannus, vt debebat, hoc posterius prætulisset, ab eo tempore mirabiles progressus in omni genere litterarum facere cœpit, adeo vt neminem in his superiorem, vix etiam æqualem habere crederetur, ac nominatim tres linguas, Latinam, Græcam, Hebraicam, ita calleret ac si in ijs natus esset. In septimo seculo vsque ad annum M C C. multos item accepimus fuisse omni doctrina, atque optimarum artium studiis eruditissimos: quo in numero præcipuè ponitur Petrus abbas Cluniacensis, cuius tum alij libri extant, tum vnus de mirabilibus, & reuelationibus suo tēpore factis. Tum verò Sigibertus ex Gemblacensi cænobio, & Gratianus ex Bononiensi, quorum ille insigne chronicon conscripsit, & alias insuper historias, hic nobile illud opus Decretorum ex Patrum sententijs, & Pontificum responsis digessit, approbatum deinde ab Eugenio I I I. Inter omnes autem maximè celebres illi duo, Hugo ē cænobio S Victoris Parisiensis, & Rupertus abbas Tuitiensis, cuius doctrinæ excellentiam non solum multa volumina ab eo scripta indicant, sed etiam miraculum, quo eam doctrinam accepit. Nam cum ingenio tardior esset, instaretque precibus apud Virginem Dei matrem, vt sibi à filio scripturarum intelligentiam impetraret, apparuit ei Mater illa gratiæ denunciāns eius preces ab se auditas, tantūmq; ei lumen impertitum iri vt nullus eius ætatis doctrina ei æquari posset, tantum videret, ne id talentum in terra defoderet, sed strenue exerceret; quod quidem ab illo abunde perfectum constat. numquam enim deinceps à legendo, vel scribendo cessauit. Octauo seculo ab anno M C C. vsque ad M C C C. accepimus Helmandum monachum Beluacensem,

in diuinis scripturis eruditissimum, & in secularibus etiam litteris, ac multis quoque libris scriptis nobilitatum: eodemque tempore Gulielmum abbatem Pictauiensem, non solum theologiæ, sed iuris etiam ciuilibis scientissimum, deinde Plilippum Pergamum in cœnobio Patauino egregium virum tum doctrina, tum eloquentia: tum etiam Petrum Bertorium monachum Parisiensem, cuius librorum grandis extat catalogus. Ab anno autem M C C C. vsque ad M C C C C. toto hoc seculo multi item celebrantur, vt Læpus Abbas S. Miniatis, in theologia, & insuper in vtroque iure peritissimus, Petrus Boherij abbas Auianensis, ipse quoque Decretorum doctor, præcipue verò Petrus Rogerius, is qui postea ad Pontificatum euectus, Clemens V I. vocatus est, quem acerrimo ingenio, ac tum omni doctrina, tum etiam dicendi facultate egregie instructum fuisse ferunt, ita vt populum, quo vellet, concionando impelleret. Quare nil mirum, si eum tot merita ad summam Ecclesiæ dignitatem extulerunt. Seculum decimum vsque ad annum quingentesimum, præter alios insignes viros, aliquot etiam habuit in iure Canonico admodum excellentes, vt Henricum Abbatem Nurembergensem, Ioannem Rode abbatem Treuerensem, cuius egregia opera constitit in Concilio Basileensi, tum verò Nicolauum illum, qui prius abbas Monacensis, postea Archiepiscopus Panormitanus, denique etiam Cardinalis factus est. Scripsit autem multa consilia, & vberima commentaria in vniuersum corpus iuris canonici, quorū tanta hodie est auctoritas, vt nullus in hoc genere notior, ac celebratior sit. Denique hoc vltimo seculo, quod nunc labitur ab anno quingentesimo, non paucos scimus eminentes viros, vt Ignatium ex cœnobio Florentino, ex Parmensi Ioannem Baptistam, vtrunq; Abbatem, vtrunque magno progressu in diuinis, & humanis litteris: in Hispania verò Pasqualem, qui in Salmanticensi Academia publicam theologiæ scholam cum ingenti approbatione professus est. Postremo, ne longiores simus, multum etiam viguit hoc tempore Gregorius, qui prius in nobili illo Manruano cœnobio Abbas, deinde etiam Cardinalis à Paulo I I. creatus est. Hunc verò omnibus scientijs excellentum tradunt, vtraque etiam lingua, Græca, & Latina peritissimum, ita vt loqueretur, & scriberet expedite, atque eleganter. Idem etiam dicitur, imminente morte, Cubiculario cuidam suo ita dixisse, Ecce iam annis pluribus Cardinales fuimus: quid autem nunc superest de hoc honore? Quanto satius, fuisset
in

in religione mori, vbi minus erat animæ periculum?

Atque hi quidem ex monastico ordine, quos de multis paucos nominauimus. In aliis autem institutis eo etiam magis viguerunt litteræ, quod omnia ferme ad aliorum quoque hominum salutem dirigebantur, quod sine litteris agi non poterat. Itaque mirum est quanta deinceps in omnibus ingeniorum, quanta doctorum hominum seges extiterit. Sed hi quo recentiores, eo notiores, ideoque strictim attingendi, & tantummodo nominandi. Primum enim ex Dominicano qui viri, & quales prodire? Albertus, qui Magni cognomen adeptus est, Herueus, Durandus, Hugo Cardinalis, qui totam scripturam sacram optimis commentariis illustrauit, Raimundus, is qui, vt scribit Antoninus, Decretales libros iussu Gregorij Pont. ordinauit, Antoninus ipse non minori eruditione, quam sanctitate, Capreolus, Petrus Tarantasi, idem postea Innocentius V. Pont. Max. Petrus Paludanus, Chrysostomus lauelleus, Ferrariensis, Sotus vterque, duo Cardinales, Turrecremata, & Caietanus, alijque permulti, quos nimis longum esset recensere, sed is præcipue, quem merito ab aliorum grege secreuimus, omnium princeps S. Thomas, cuius scientiæ copiam, claritatem, profunditatem, quis pro dignitate collaudet? Ac præter hos, quorum nomina ex ipsorum scriptis celebrantur, quis deinde eos numeret, qui omni ætate partim in scholis docendo, partim consilijs dandis, deque dubiis respondendo, magnam operam Ecclesiæ, & proximis nauarunt, ipsique in summa hominum laudet vixerunt, quorum quidem est pene infinita multitudo? Franciscani paulo serius, neque adeo generaliter initio, hæc litterarum studia acceperunt. Eorum enim auctor, & caput S. Franciscus, cum ipse sapientia potius de cælo infusa, quam humano labore quæsitæ vteretur, eodem modo etiam suos institui volebat. Idem tamen Antonium, cui postea Patavini cognomen additum est, cum iam bene doctus ad eam familiam accessisset, passus est docere inter suos theologiam: extatque breuis epistola, qua hoc ei permittit, ita tamen, vt caueat ne orationis (sic enim ait) spiritum occupatio illa extinguat. Itaque tum hoc exemplo, tum etiam necessitate adducti, vt proximos iuuare possent, alij quoque litterariam exercitationem complexi sunt, in qua breui magnos fecere progressus. Nam & paulo post, id est anno ferme M C C X V. exitit Alexander ille Halensis, quo nemo illa ætate eruditior, & huius auditor Bonauentura, tum

plenus

plenus omni scientia, tum etiam dilucidus, & ad difficillima quæque explicanda aptissimus. Neque multo post Ricardus Media villa annum circiter M C C L X X X. & Ioannes Dunsius, is qui Scotus est appellatus, anno M C C C. cuius acumine, & subtilitate quid admirabilius? Deinde eius discipuli Guilielmus Ochan vir ingeniosissimus, Franciscus Maronius, is qui in Parisiensi Academia Illuminati nomen obtinuit, eodemque tempore Aluarus Pelagius vtriusque iuris peritissimus, simulque diuinarum litterarum, cuius præstans doctrina magno in pretio fuit apud omnes, ac præcipue apud Pontificem Ioannem X X I I. His addi potest Petrus Aureolus, quem eruditio ad Aquensem cathedram prouexit, tum Nicolaus Lyrinensis genere Iudæus cuius ingenium eluxit in tota scriptura ad literalem sensum explananda, annum circiter M C C C X X X. denique omnium recentissimi Alphonsus Castrensis, Michaël Medina, Franciscus Tigelmanus, optimus plane sacrorum librorum interpres, & alij quâ plurimi, iisque ita noti, vt pigeat hic commemorare. Idem dicere licet de aliis familiis, quæ omnes multos semper doctos, aliquos etiam interdum admodum eminentes habere, vt Augustiniana Ægidium Romanum anno M C C L X X X. Carmelitana Thomam Vvaldensem anno M C C C C X X X. Carthusiensis Dionysium anno M C C C C L X X X. Denique qui doctrinam, & doctrinæ fortis in omni genere ex religiosi ordinibus natos nosse cupiat, is Tritemium legat, qui scriptores omnes Ecclesiasticos à Christi ortu per omnem ætatem diligenter, & accurate collegit; quo in opere bene longo, tam multis partibus videbit superare religiosos, vt certe non multi alij occurrant. Itaque nullum esse potest in hac re certius, aut euentius argumentum. Quo in genere hæc quoque nostra Societas I E S V, quamquam postremo quasi loco adueniens, aliquid tamen operis, & aliquid adiumenti ad rem litterariam attulisse videtur. Nam non solum corpus ipsum vniuersum ita hæc studia colit, vt hoc sit inter reliqua, quæ ex instituto proficeretur, sed insuper hoc aggressa est, quod ab antiquis religiosiis usitatum, iam pridem intermissum erat, vt sua studia non intra domesticos parietes concluderet, sed ea quæcumque sunt, publicis gymnasijs apertis, cum aliis communicaret. Deinde quo latius, ac fructuosius ad omnem ætatem eius manaret industria, hoc sibi faciendum putauit, vt non vnum tantum, aut aliorum doctrinarum genus, vt ceteri religiosi philosophiam

ferme, & Theologiam, sed omnes artes, omnēque scientias, etiam politio- rem litteraturam complecteretur: deniq; nullam omitteret, nisi quæ admodum essent alienæ ab religioso instituto, cuiusmodi sunt quæ ad forenses controuersias, vel ad medicinæ artem pertinent. Quamobrem hæc summa sit totius huius disputationis licere quodammodo religiosis gloriari, pleiāsque doctrinas eorum studio, ac labore esse ab interitu vindicatas, quæ alioquin essent extinctæ, alias meliores, cultiorēque factas. Quid enim esset Theologia tam præstans scientia, vel potius regina omnium scientiarum, nisi ab ipsis exulta, & ad hanc quam nunc videmus rationem, ac viam redacta esset? At philosophia tametsi alios præterea scriptores, & doctores habuit, tamen ipsa quoque magnam ab iisdem lucem, incrementūque accepit, quoniam multa ab ipsis addita, multa explanata, deniq; etiam multa ad fidei veritatem correctā sunt.

Venio nunc ad eloquentiam, quæ certe non minor fuit in religiosis, quā doctrina. Quod ut magis intelligatur, cogitemus, quam innumerabilium concionatorum voce omnia semper pulpita personent, præsertim certo anni tempore: in quibus etsi non eadem omnibus est dicendi vis, quamplurimos tamen fuisse, & esse scimus, in quibus insit maxima. & quorum ex ore fluat oratio abundās sonantibus verbis, vberibusq; sententiis, quæ multitudinem teneat, demulceat, moueat, & in omnē partem deflectat. Etenim si effectus eloquentiæ est audientium approbatio, certe eam esse oportet singularem dicendi facultatem, quæ homines vulgares, atque etiā, ut Paulus loquitur, animales, qui alioquin spiritualia fastidiunt, tamen non modo ad audiendum alliciat, se etiam suspensos retineat, & delectet, itaque in eorum animos influat, ut alios à turpitudine ad castitatem, alios ab illicitis lucris ad æquitatem, ab ira, & odiis ad concordiam, & pacem traducat: denique etiam nō paucos à mundi amore, quo plane absorpti sunt, ad eiusdem contemptum, & ad terrena omnia penitus deferenda impellat. Magno olim in pretio fuere oratores, qui ad populum apte dicere possent, quod qui possent, paucos omnino tum in Græcia, tum Romæ extitisse legimus, sed hos paucos ita celebres, ut ipsas, ubi nati sunt, nationes nobilitarint. Quāto igitur maior gloria nostra, qui tam multis abundamus? Deinde si sententiarum grauitatem, si rerum magnitudinem, si, ut ante dixi, effectus ipsos cōparemus, quid simile cū nostris? Bernardinum Seneſsem ex ordine Mino-

rum

rum ita dicēdo valuisse accepimus, vt quocumque tempore, & quocumque loco concionaturus esset, nō modo otiosi, sed ipsi opifices tabernis, reliqui etiam omnes domibus occlusis, ad eum cōcurrerent. Idem quoque de Petro scribitur ex ordine Praedicatorum, cui postea Martyris etiam nomen additum est. Is enim totam fere Italiam obiens, singulis in ciuitatibus, ac pagis insistsens omnes mortales salutaribus clamoribus ex vitiorum peccatorūmq; cæno excitauit. Cui ferunt ad urbem, oppidūve aliquod aduenienti, solenne fuisse, vt omnes incolæ obuiam effunderētur, summi, & infimi, cum vexillis, & cum tubarum sonitu, quin etiam recedentem eadem cum pompa deduceient, tanta perseuerantia, vt vix ab eo diuelli possent: ad concionem autem tantā semper multitudinē confluere solitam, vt sæpe carruca e tabulis compacta gestari eum necesse fuerit, ne à turbis elideretur. Quid Antonius Patauinus, ad quem audiendum tanta hominum multitudo concurrebat, vt cum templa quæ ad hoc ipsum deligebantur amplissima, capere non possent, suggestus in campos, vel plateas latissimas deferretur: vbi etiam ad occupandum tempestiue locum adeo ab omnibus certatim properabatur, vt cernere esset nobilissimos viros, atque matronas, antequam luceſceret, concursantes, & ad multas horas vocem illam, quasi de cælo venturam, præstolantes. illo autem loquente, cum sæpe ad millia hominum triginta adessent, tamen non strepitus, non murmur, non etiam exſecratus audiebatur, tantum erat omnium silentium, & attentio. Quid igitur tale vnquam Demosthenes, aut vllus ex illis, qui diserti in seculo sunt habiti? Eadem plane narrantur de S. Vincentio Dominicano; idque præsertim, quod ad dicendi vim proprie pertinet. Cum enim duo ob turpissimum facinus ad supplicium ducerentur, stare eos iussit in eodem loco, quo ipse concionem habiturus erat, vultu cooperto, fortasse ne oculi animum distraherent. Ille autem de peccati deformitate, ac fœditate, de inferni pœnis, & de cæteris rebus, quæ pœnitentiam ingenerare solent, tanta efficacia disserere aggressus est, vt duo illi præ doloris, ac cōtritionis magnitudine, primum æstuare, deinde ardere cœperint, denique in veros carbones, quasi igne deflagrassent, conuersi sint; quod ad extremum apparuit, cum reſecta facie ab omnibus conspecti sunt. Quam igitur esse oportuit illam dicendi facultatem, quæ non solum mentem, sed ipsa quoque corpora incenderet? Ac licet eiusmodi facta, vt hoc Vincentij, non sæpius

visantur, tamen & alia visuntur eiusdem generis, vt conuer-
siones, morum mutationes, restitutiones pecuniarū, & quod
Vincentius, & alij tam potētes verbo inter religiosos fuerint,
ad totius religiosi status commendationem, & laudem per-
tinet. Quare hæc summa sit, qua totum hoc caput naturalium
horum bonorum concludatur. Vt enim Iudæi ex Aegypto
migrantes iussi sunt à Deo, optima quæque vasa, pretiosam-
que suppellectilem ab Aegyptiis acceptam asportare, sic re-
ligiosi seculum deferentes, non sane vacui naturalibus doti-
bus abscederunt, sed potius sua secum deferunt ornamenta
ingenij, memoria, doctrinæ, ac cæterorum talentorum, quæ
deinde cura, & labore excolunt, & accedentibus insuper cœ-
lestibus donis, ita augent, vt multo maxime excellent. Ex qui-
bus omnibus apparet, quanto hæc bona vberiora, & amplio-
ra euadant in religione, quam si eadem in seculo mansissent.
Nam in seculo quam sæpe, vel potius quotidie, hæc ipsa, quæ
modo diximus ingenij acumen, docilitatem, facultatem elo-
quendi, & cetera eiusmodi talenta, perdi omnino videmus,
cum vel otiosa, & quasi sepulta sint, si, vt plurimū fit, non ad
agendum applicentur, vel si ad seculares actiones applicen-
tur, tamen nihilo minus otiosa sint, quoniam in res terrenas,
ac perituras conferuntur? At vero si in religiosa negotiatio-
ne collocentur, & multo magis splendent, ob eas, quas di-
ximus, causas, & fructuosissima fiunt ad Dei gloriam propa-
gandam. Quæ cum ita sint, vere, & commode à quibundam
dictum est, Religionem in sancta illa Iudith expressam esse,
quæ ad Holofernem hostem capiendum, non tantum pre-
ces, aut cilicium, vel ieiunia, quibus antea utebatur, sed
etiam inares, & annulos, & sandalia, & denique omnem
muliebrem mundum adhibendum putauit, ipsamque natu-
ralem, qua pollebat, formam, impensiori cura adornan-
dam: cuius studium Deus quoque ipse comprobauit; qui, vt
scriptura commemorat, quiddam insuper ei gratiæ, ac splen-
doris contulit, cuiusque causa redditur, quoniam compositio
illa non ad libidinem, sed ad virtutem referretur. Sic enim
religiosi, dum ista naturalia bona exquirunt, non suis com-
modis, quæ iam omnia contempserunt, sed Dei gloriæ ser-
uiunt, & illorum saluti, quorum oculis illa pulchritudo præ-
paratur. Quare ad Dei quoque bonitatem pertinet, vt illa
ipsa ornamenta augeat, itaque faciat, vt sint etiam, quod an-
te diximus, multo gratiora, & illustriora, quam si eadem
essent in statu seculari.

Iudith,
10,

De causis cur religiosi ita profecerint in litteris.

CAPVT XXXIII.

PRÆTER hanc Dei opem, quæ sine dubio præcipua est, aliæ sunt etiam plures causæ, cur religiosi adeo in omnibus doctrinis, quibus se applicuere, excelluerint, & fere excellere soleant. Primum enim sapientiæ studium & tempore, & animi attentione indiget, quod vtrumque in secularibus rarum est, in religiosis vel maxime abundat. Nam occupationes, negotia, curæ, in seculo fere perpetua sunt: si qui vero iis careant, ipsi se ludicris rebus impediunt, alij venando, alij aliis lufibus, cum plerique hominum laborem fugiant, vt inimicum naturæ. At religiosi & negotiis omnibus terrenis expediti sunt, quo fit vt tempus vacuum habeat, & hoc tempus non res illas inanes confetre possunt, & denique non laboris molestia terrentur, quippe qui vt in reliquis rebus, in hac item, cruce, ac mortificatione delectentur, itaque assuefacti sint. Confert etiam ad hunc profectum, animi quies, & tranquillitas, quæ sequi solet, compressis, & eradicatis omnibus eius turbulentis motibus. Nam si cum corpus vehementiori aliqua motione, aut cursu agitur, non potest animus cognitioni vacare, quanto minus cum mens ipsa commota est, vt in fonte cœnoso, ac turbido, vllam rem liquido, ac perspicue poterit contemplari? Adiuvat etiam ipsa virtus temperantiæ, ac sobrietatis; quoniam, qui multo cibo, ac potione complentur, ne mente quidem recte vti possunt, fiuntq; ingenia obtusiora. Quid autem plura dicamus? 7. *Physi.* Auerroes ipse barbarus philosophus, sed bonus philosophus, castitatē ait, & alias virtutes, quibus concupiscentia carnis comprimitur, præcipue valere ad acquirēdas sciētias speculatiuas. Deniq; vt proxime dixi, sed dicendū est paulo vberius, adiuvat præ omnibus Dei lumē & gratia. Cum enim omnes religiosorum labores ac lucubrationes ipsius numini seruiant, & ipsius obsequio dirigantur, dū Deus hos labores promouet, suā causam suūque negotiū promouet, quod longe secus est in secularibus fere omnibus, qui ad suum vel lucrum, vel honorem studia referunt. Atque hoc quidem tanti est, vt etiā sæpe miraculo, & præter naturæ ordinem, religiosorum mentes Deus illustret, obscura patefaciat, easque habiles efficiat ad difficillima quæq; capiēda. S. Thomas in grauiissimo quodā nodo laborans, auditus est à fratre, & sociocuius Reginaldo, qui in eodem cubabat cubiculo, de multa nocte eum nescio

quo colloqui:qua ſermocinatione abſoluta, Reginaldum vo-
cavit, dictavit multa, nihil vt alias ſolebat, demorans, nihil
hæſitās, ſed quaſi antea cōpoſita, & confeſa. Tum ille ad ſan-
cti viri pedes accidens, rogādo, & obſecrādo vigere cœpit, vt
diceret quis ille eſſet, quicum antea loquebatur. Ille vict⁹ cō-
fitetur, Paulum apollolum fuiſſe, à quo eius quaſtionis expli-
cationem accepiſſet. Quin idem etiam alias huic ipſi Regi-
naldo familiariter aperuit, ſe quicquid ſcientiæ conſequut⁹
eſſet, potius diuino lumine, quam proprio ſtudio cōſequutū
quam rem Reginaldus ſecreſtam quidem habuit, quādiu is
vixit (ſic enim ipſe exegerat) illo autē mortuo, tum in priu-
atis ſermonibus, tum in publicis ſcholis, ſæpe commemorare
ſolebat, vt alios etiam hoc exemplo doceret, quānam eſſet
via proxima, & quaſi compendiaria ad ſapientiam. Sed mira-
bilis eſt etiam quod paulo ante narrauiſus de Hermano
illo Contraſto, & de Ruperto abbate Tuitienſi, quorū vter-
que B. Virginis beneficio doctiſſimus euasiſt. Simillimum
quiddā contigit etiam Alberto Magno. Hic enim, vt in Præ-
dicatorum annalibus ſcriptum eſt, ſextodecimo ætatis anno
in eū ordinem ingreſſus, cum in litteris pene nihil profice-
ret, eo quod ingenio, ac memoria eſſet tardiore, tanto affici
cœpit tardio, vt etiam de religioſa vita deferenda tentaretur.
In qua fluctuatione dum hæreret, viſum eſt ei nocte quadā,
cū ſcalis ad monaſterij muros ad mortis abitum pararet, ap-
parere matronas quatuor venerabili admodum vultu, qua-
rum vna, deinde altera ſemel iam, atque iterum ſcandētem,
manu inpuſſum deturbaret: cum autem tertio idē conare-
tur, interrogatum eſſe à tertia, uidnā ageret, & qua de cau-
ſa: qua expoſita, monuiſſe illam, vt opem potius à quarta ma-
trona, quę Dei mater, cœlique regina eſſet, expoſceret; ſe ve-
ro cum reliquis deprecatione aduturam. Paruit ille, & beni-
gne acceptus à Virgine, inſuper etiam interrogatus eſt, vtra
in ſcientia excellere mallet, diuinā, an naturali. Tum adole-
ſcēs, qui pro ætate nihil adhuc altius guſtaſſet, cum philoſo-
phiam dixiſſet, Fiat, inquit illa, quod petiſti. Sed tamen quia
ſcientiam hanc filij mei ſcientiæ prætulisti, extrema vita om-
nem perdes doctrinam, & in hanc ipſam, quam nūc exues, he-
betudinem recides. Nec mora. viſo dilapſo, ſtatim ſe muta-
tum ſenſit; quicquid audiret, quicquid legeret, facillime ca-
piebāt, aut ſi quid paulo difficili⁹ incidiſſet, cum ſe ad Virgi-
nem deprecandam, quaſi promiſſum eſſagitanſ, conuertifi-
ſet, illico conſequēbatur. Quare cum talis tantaſque vir eua-
ſiſſet,

fuisset, & multos annos tum docendo, tum scribendo consumpsisset, denique triennio antequam à vita migraret, dum publice è cathedra nescio quid interpretaretur, repente omnem sibi memoriam rerum omnium, quas tenebat, funditus excidisse sensit. Tum ille coram omnibus, qui astabant, quid sibi adolescenti accidisset enarrauit, ac professus, quicquid sibi postea eueniret, se fidei articulos ex animo complecti, inque eorum confessione emori velle, descendit è suggestu, prosequentibus eum auditoribus cum fletu, eumque amantèr amplexantibus. quin etiam reliquam deinceps vitam equali repuerascens in magna simplicitate trāsegit; ita tamen, v. nullum religiosi instituti officium prætermitteret, nam in huius tantummodo memoriæ facultas constabat. Hic igitur tam admirabilis Alberti euentus, à quo Deus scientiam omnia quasi mutuo commodatam repetiit, vt à se datam ostenderet, alios quoque indicat religiosos, qui in doctrinis excellere, vel excellent, id certa Dei ope, ac peculiari gratia consequutos.

De triplici religionum pulchritudine, & dignitate.

C A P V T XXXIV.

N V N o illud quoque videamus, quantam habeat dignitatem, quod ab omnibus theologis traditur, triplex esse religionum genus, quorum aliud in agendo, aliud in contemplando versetur, tertium vero tum actionem, tum contemplationem coniungat, & commisceat. Prima igitur forma eterna tantum opera complectitur, quæ opera quamquam hominibus exhibentur, tamen in Deum redundant. Recte enim B. Thomas, de hoc ipso differens, id eo confirmat argumento, quia religionis status ad caritatem dirigitur, caritas autem non ad Deum solum, sed etiam ad proximum sese protendit. Sed cum proximus Dei causa diligatur, quantumque illi impenduntur obsequia, Deo impenduntur, quo nomine ad religionis virtutem pettunt; quam ob causam omnem eiusmodi beneficentiam, quæ in hominem conferatur, videmus à Paulo Apostolo sacrificia quædam, & hostias appellari. Ex quo fit, vt, eodẽ B. Thoma auctore, quodcumque opus sit, quod proximo utile, & aptum sit, ei exercendo institui possit religio, vt ad studia litterarum, vt etiam ad militiam, modo pro Dei honore, vel pro Ecclesia, aut publico bono: idẽque dici potest de aliis operibus, quæ pietatis

causa suscipiuntur, redimere è seruitute captos, eleemosynas conquirere, quibus vel inopes sustententur, vel tenues puelle in matrimonio collocentur, vt etiam Xenodochijs ministrare, aliâque eiusmodi. Hanc vero rationem non sane recentem esse, sed etiam olim receptam, declarat id quod

Coll. 14. cap. 4. apud Cassianum legimus, vbi Nestorotem abbatem ita disputantem facit, hunc practicæ vitæ, vt ille appellat, modum multiplicem ac varium esse: alios enim suscipiendorum hospitum prouinciâ amplexos, quo in genere ille Macharium mansuetudinis, & patientiæ nomine commendat: alios ægrotantium curam elegisse, alios etiam deprecationem pro miseris, atque oppressis, quosdam docendis, atque erudiendis proximis operam addixisse: denique alios alijs studijs, atque occupationibus; qui, vt ille ait, inter magnos, ac summos viros, pro affectu suo, ac pietate vixerunt. Quid igitur de horum laudibus amplius dicatur, qui se vltro ministros, & famulos non modo Dei, sed ipsorum etiam hominum, & quidem egentium, & infirmorum, Dei amore effecerunt? quantum enim in eiusmodi institutis tum caritatis, tum humilitatis, tum etiam patientiæ veræ, ac solidæ elucet? Denique hos Dominus ipse ita commendat, Quod vni ex minimis meis fecistis, mihi fecistis. Itaque sæpe etiam aperto miraculo, suâque ipsa præsentia Rex ille regum eiusmodi opera honorare voluit, vt Gregorij hospitum, vt Martini eleemosynam, vt Ioannis Colimbini caritatem, cui cum leprosi tabidi, & iacentis specie apparuisset, ab ipso domum in humeris relatus, diligentérque ablutis, & in lecto collocatus, nunquam amplius visus est. Alterû est genus, quod, vt diximus, in contemplatione, & mentis solius agitatione consistit: cuius quidem vitæ tantus est splendor, vt in ea Aristoteles, & quicumque ex philosophis melius, rectiûsque senserunt; hominis felicitatem collocandam putarint. Neque vero ea cessatio iners, aut languida putanda est: recte enim idem Aristoteles negat eam otiosam esse, quod etsi actionibus careat ijs, quæ foras prodeunt, habet tamen internas, ipsâque speculatio actio quædam est; quod apparet, quia externa ipsa opera ijs tribui solent, quæ in ijs non corporis viribus, sed animo, & cogitatione elaborantur, vt Imperatori victoria, in qua is non manu depugnauit, sed consilio. Quæ cum ab ethico homine cognita sint, quid nobis sentiendum sit, qui probe cognoscimus quanta res in Dei contemplatione agatur, qui sint cum illa bonitate cōgressus,

qui

10. Ethic.
cap. 7.

7. Ethic.
cap. 3.

qui amoris æstus, quæ lumina? Itaque quam hæc occupatio, & studium Dei cognoscendi excellens, ac præstans est, tam oportet excellentem esse eam religionis formam, quæ hanc actionem complexa est. Augustinum audiamus, quæ eam *De Mor. eccl. c. 31.* eloquentia exornet. Nihil, inquit, de ijs dicam, qui secretissimi penitus ab omni hominum conspectu, pane solo, qui eis per certa intervalla temporum offertur, & aqua contenti, desertissimas terras incolunt, perfruentes colloquio Dei, cui puris mentibus inhæserunt, & cuius pulchritudinis contemplatione beatissimi, quæ nisi sanctorum intellectu percipi non potest. Nihil igitur de ijs loquar. Videntur enim nonnullis res humanas, plusquam oportet, deseruisse, non intelligentibus, quantum nobis eorum animus in orationibus prosit, & vita ad exemplum, quorum corpora videre non sinimur. Sed hinc disputare longum, & superuacaneum puto. Nam hoc tam excellens fastigium sanctitatis, cui non sua sponte mirandum, & honorandum videtur, oratione nostra videri qui potest? Hæc Augustinus. Itaque si huius utriusque instituti comparatio intet se facienda est, non est dubitandum, quin hoc etiam aliquanto nobilius sit illo, quod in externa tantum actione versatur. Magna enim (ait Gregorius) *6. Mor. cap. 18.* sunt actiue vitæ merita, sed contemplatiue potiora: quod ille per bina illa sororum paria demonstratum putat, Rachelis, & Liæ, Mariæ, & Marthæ, quarum & Rachel à Iacob ardentius dilecta, & Maria à Salvatore amplius legitur commendata, quoniam nec sollicita esset, eiusque pars optima, nec vnquam auferenda. Sed quoniam rudes quilibet, qui res oculorum aspectu æstimant, tantumque capiunt, quantum vident, difficiliora existimare solent negotiosa illa instaura, quam hæc, ut illis quidem videntur, otiosa, & vatua, is quoque error eiusdem Gregorij auctoritate in alio loco *10. Mor. cap. 11.* confutatur, atque etiam ratione, quam affert. In actiua, inquit, vita sine defectu mens figitur, à contemplatiua autem infirmitatis suæ pondere victa lassatur. Illa quippe tanto firmitus durat, quanto ad vicina se erga utilitatem proximi dilatat. Hæc tanto celerius labitur, quanto & carnis claustra transgrediens supra semetipsam ire conatur. Illa per plana se dirigit, & idcirco pedem operis robustius figit. Hæc autem quo super se alta appetit, ad se eo citius fessa descendit. Cum igitur ex his duabus vna sit præstantior, sed tamen utraque præstans, facile intelligi potest, tertiam illam, quæ ambas contineat, longè antecellere, cuiusque multo maiorem

6. Mor.
cap. 18.

esse dignitatem. Nam si hæc duæ diligentius inspiciantur, animaduertetur in tanta præstantia quiddam tamen utrique deesse. Ut enim ab eodem Gregorio non discedamus, Rachel visum principium, Lia verò laboriosa dicitur. In cōtemplatione quippe principium, quod est Deus, quæritur, in operatione autem sub graui necessitatum fasce laboratur. Vnde & Rachel, pulchra, sed sterilis, Lia autē lippa est, sed fecunda, quia nimirum mens cum contemplanando otia appetit, plus videt, sed Deo minus filios generat: cum verò ad laborem prædicationis se dirigit, minus videt, sed amplius parit. Hæc sunt Gregorij verba, ex quibus apparet, si quod esse possit inficitum, quod huius vtriusq; sublatis incōmodis, vtriusque commodis fruatur, nihil eo fieri posse perfectius, aut præclarior. Nam cum primus omnium apud nos esse debeat Deus, qui & summum est bonum, & à quo omnia accepimus, huic autem proximi homines eadem nobis natura cōiuncti, quæ est maxima propinquitas, nulla etiam maiora existimari debent in terris officia, quam quæ ad illius gloriam, horum autem salutem propagandam cōferuntur. Quin etiā cum princeps ille Deus, qui omnem hunc mundum regit, in hoc vno suas omnes cogitationes, ac studia ponere videatur, ut mortalium animos, qui ad res caducas defluxere, rursus erigat in se ipsum, nihil est dubitandum, quin hanc illius curā imitari, atque in ea Deo domino allaborare, vna res sit omnium præstantissimæ, ac illiusque ipsi acceptissima. Quamobrem rectè S. Thomas negociosæ, & occupatæ vitæ munera duplici genere distinguit: alia enim sola exteriori functione compleri, cuiusmodi est, seruire hospitibus, vel agrotis, aut militare; atque hæc quidem non paulo minora esse cōtemplatione: alia verò esse, quæ quasi fluunt ex abundantia quadam cōtemplationis, qua videlicet cum mens diuino amore incensa fuerit, agitur in opera externa, ut est concionari, vel docere rudes & alia similia. Hæc verò maiora, & nobiliora esse non solum illa actione, sed etiam ipsa cōtemplatione, si sola, ac simplex sit, & si in se tantū ipsa vertatur, ac nihil ex ea in alios vtilitatis sequatur. Neque verò timendū est huic vitæ mixtæ, ne in illud vitium incidat, quod in Martha reprehensum est à Domino, ut nimium sit sollicita, & turbetur erga plurima. Cum enim interior meditatio vna cum exteriori opere confociatur, tam bene inter se conueniunt, ut & hoc ab illa adiuuetur, & illa ab hoc nulla ex parte impediatur. Verè enim

Luc. 10.

Ep. 116.

Augustinus, securitatem, ait, animi gaudiūq; illud solidum nullis

nullis omnino lætitijs, vt eius verbis vtamur, vlla ex particu-
 la conferendum, aliquando homini contingere. & tanto cre-
 brius contingere, quanto quis magis in mentis penetralibus
 Deum adoret, neque id solum in solitudine, ac secessu, ve-
 rum in actu quoque humano istam manere tranquillitatem,
 si ex illo adyto ad agendum procedatur. Ac mihi quidem,
 qui ita virtutem suam cum hominibus communicare insti-
 tuerunt, non modo nihil de virtute sua deperdere videntur,
 sed etiam aliquid, atque adeo multum eam augere. *Quali*
 enim necessitatem quandam iniiciunt Deo, vt ipsis primum
 impertiat, quod per ipsos in alios effundi velit. Nam in hos
 etiam vel maxime illud cadere potest, Date, & dabitur vo- *Luc. 6.*
 bis. quod etiam in Prouerbijs indicatur illis verbis, Anima, *Prov. 11.*
 quæ benedicit, impinguabitur; & qui inebriat, ipse quoque
 inebriabitur. Euenit enim his idem quod principis alicuius
 eleemosynario, cui semper à principe multam oportet sup-
 peditari pecuniam. Quamquam isti quidem si modo fidelis
 esse velit, nihil ad proprios vsus remanet, neque is propterea
 ditior redditur. Quare dicamus potius similes esse nutrici
 regiæ. quæ cum regio cibo alatur, quod tibi superest, id in-
 fanti impertit. Quam autem vita hæc, de qua loquimur, re-
 liquis institutis præstet, hinc planè cognosci potest, quod
 illi etiã, quæ se à negotiis remouerunt & ad spirituale otium
 persugerunt, tamen si proximorum spiritualis causa agatur,
 contra officium faciant, si non cogitationis studijs relicis,
 ad eos iuuandos accurrant. Quo argumento vsus est Au-
 gustinus in epistola quadam ad Caprarie insulæ monachos, *Ep. 51.*
 quæ eos hortatur, ne suam quietem necessitatibus Ecclesiæ
 præponant, cui, inquit, parturienti si nulli boni ministrare
 vellent, ne ipsi quidem quomodo nascerentur inuenturi
 fuissent. Itaque veteres illi tam magni, tamque sancti Pa-
 tres sæpè hac vna causa solitudinem, quàm multis annis eo-
 luerant, reliquerunt, vt Theodoretus in eo libro, quem Reli-
 giosam historiam inscripsit, commemorat de Iuliano, cum
 Arianorum impietas late serperet, ab Acatio Episcopo his
 rationibus à spelunca abductum: cum ille tam multa tolera-
 ret, vt Deo placeret, eam esse viam placendi quam maximè,
 si in arenam prodiret, & laboranti Ecclesiæ pro virili opem
 ferret. Sic Christum, cum Petrum ter interrogasset, an ipsum
 diligeret, ter etiam præcepisse, vt suas oues pasceret. Ac cum
 Deus adeo hominum salutem amet, eandem etiam ab om-
 nibus, qui eum ament, & qui se ab illo amari velint, amandã
 esse.

esse. Eodē quoque modo narrat idē Ammianū Eusebio persuasisse, cum eum monuisset, ut videret, ne plus se ipsum, quam Deum diligeret, quia omnem curam, ac industriam in sui ipsius profectu consumeret. nam si Deum verē amaret, profecto curaturum, ut complures secum efficeret eiusdem amatores. Optime autem Aphraates vir sanctissimus, quem scribit idem Theodoretus, in Valentis Imperatoris furore aduersus Ecclesiam, eremo, in qua diu vixerat, relicta, tamquam bonum militem ad certaminis locum venisse, seque pugnantibus ultro miscuisse. Quin etiam cum aliquando Tyranno occurrisset in via, cauillari hunc cepisse, quid ageret monachus inter hominum turbas, illum autem intrepide sic respondisse. Dic Imperator, si puella essem, quam pudor in conclaui teneret, vidissem autem in patris mei domum ignem conijci, eamque conflagrare, num intus sedens ociose incendia spectare deberem? Atqui si hoc facerem, me quoque ipsum flamma absumeret. Sin autem laudabile duceres, quod statim accurrerem, aquam afferrem, & omni ope ignibus resisterem, hoc ipsum nunc ago, qui flammæ a te in Dei domum, cui verissimus est pater, iniectæ pro mea parte remedium afferre conor. Hæc tum Aphraates: neque verò nunc multo meliora sunt tempora, minoresve pestes vbique hoc tempore infert Satanas, quam tunc Valens. Quare ordines illi religiosorum, qui eius sese furoribus opponunt, quod iam plurimi faciunt, eos optime de Ecclesia mereri, iisque multum laudis, ac gloriæ deberi, existimandum est.

Religiones continere formam perfectissimæ reipublicæ.

C A P V T X X X V.

*Initio
polit.*

HAstenus ferè dictum est de ea dignitate, quam vnique religio suo virtus affert, quæ quidem virtus ex religionis fontibus tam copiose hauritur. Nunc libet vniuersum quoque corpus inspicere, quam habeat pulchritudinem, atque excellentiam: quia non verisimile est, cum partes singulas ita Deus ornarit, ipsam communitatem totam esse ab eo neglectam; cuius etiam bonum diuinius est, ut ait Aristoteles. Itaque hoc demonstrandum est, inesse in his hominum cœtibus exactissimam quandam perfectæ reipublicæ formam: quod eo plurius etiam æstimandum est, quod cum multi veteres philosophi in hoc laborarint, ut absolutam aliquam politiæ ideam describerent, & in eo omnes ingenij nervos intenderunt, non ut eam in opus, ac rem pro-

ducerent,

ducerent, sed cogitatione tantum, & scripto effingerent, numquam tamen hanc perfectionem assequi potuerint; ut multo minus sit quod illi cōmentando ac disputando adumbrare potuerunt, quàm quod nos ipsa re tenemus. Igitur hoc primum omnium ponendum, ac stabiliendum est, cum homo duplicem habeat vitam, naturalem hanc, quæ corpore videlicet, & anima cōtinetur, deinde supernaturalem, quam affert gratia, ceteriq; cœlestes, ac diuini habitus, hinc etiam oriri duplicem inter homines, alteram in priori, alteram in posteriori genere, communicationem. Ex quo etiam duplicem reipublicæ formam consequi necesse est, quæ, ut ait Augustinus, nihil est aliud, quam hominum multitudo aliquo societatis vinculo colligata. Itaque quanto hoc vinculum nobilius, & præstantius est, in quo homines inter sese communicant, & quod est quasi communitatis, seu reipublicæ fundamentum, tanto eam communitatem, ac rempublicam nobiliorem, & præstantiorē esse oportet; ut exempli causa, Romanorum, in qua commune erat amplissimum totius terrarum orbis imperium, multo sit augustior, quam respublica agricolarum, aut operariorū, si quæ sit eiusmodi. Itaque hoc præcipuum est, in quo nostra hæc respublica politias omnes, non modo quæ vnquam extiterunt, sed etiam quæ optari, aut animo cōcipi à philosophis potuerunt, longè antecellit. In illis enim nullum aliud bonum commune esse potest, quam humanum, & terrenum, in hac omnia diuina, & superna, quæ tanto sunt excellentiora, quantum nemo cogitare queat. Aliud est etiam, in quo nostra præstet respublica. Etenim, auctore Aristotele, non sunt ciuitates institutæ ob eam tantum causam, ut viuatur, sic enim, ut ille ait, etiā bel-luarum posset esse ciuitas, quoniā ipsæ quoque vitam attingunt; neque verò ut præsidium suppetat aduersus hostes, neque etiam mutui cōmercij gratia: quoniam si hoc valeret, quotquot essent populi fœderati, in vnam coalescerent ciuitatem. Igitur causa constituendarū ciuitatum illa vnā est, rectè viuendi, atque ex virtutis præscripto. Nam cum quisquis ex ratione agit, propter aliquod bonū agat, tum maxime ciuitas, quæ præstantius quiddam est, quam singuli separatim, oportebit ut agat propter maximum, ac præcipuum bonum, quod est virtus. Hæc Aristoteles; quæ quidem cuiusnam reipublicæ, vel ipso Aristotele, si nunc existat, iudice, verius, ac melius congruant, quā religioni, quæ tota ad virtutis finē dirigitur, & ad eam adipiscendam tot vias, tam aptas, tamque faciles

15. Cius.
cap. 8.

3. Pol.
cap. 6.

nacta

2. Pol.
cap. 9.

3. Pol.
cap. 6.

1. de reg.
p. m. c. 8.

nata est? Ex quo illud quoque sequitur, quod est ab eodem Aristotele sapienter dictum, ubi non summus honor, ac super reliqua omnia virtuti tribuitur, illic optimum statum non posse esse diuturnum. At inter mundanas quidem res publicas, ubi talis inueniatur, in qua non potius potentia, opum, nobilitatis, gratia ratio ducatur? Atqui hoc in religionibus non modo ordinatum, sed pene necessarium est, nempe abiectis his omnibus, quas modo dixi, externis rebus, quarum splendor mortalium oculos adeo præstringere solet. Itaque illam etiam quasi regulam religionum videmus, quam pro magna re alio loco posuit hic Philosophus, non qui diuitijs superiant, eos verè superiores esse, nec verè pares, qui pares sanguine, sed qui virtute præstant, vel exequantur, eos verè vel superiores esse, vel æquales. Hoc igitur religiosæ huius reipublicæ initio, ac fundamento iacto, nunc reliqua eius forma videnda est, cuius sunt potissimæ partes duæ. Vt enim animantis corpus tum capite, quod regit, tum reliquis membris, quæ obediunt, & reguntur, constat, sic totum cuiusvis reipublicæ corpus habet membra sua, id est singulos homines, qui in vnā conueniunt societatem, habet & caput, id est rectores, ac magistratus. Atque ut ab eo, quod præcipuum est, incipiamus, illud in religiosis ordinibus & vtile, & spectabile ac decorum est quod ab vno potius, quam à pluribus regantur. Nam cum multitudinis, quæ gubernatur, hoc sit præcipuum bonum, ut sit quā maxime coniuncta, & vna, non est dubium quin ad hoc efficiendum multo aptior sit vnus gubernatio, quam plurium, cum hos ipsos plures in gubernando vnum quiddam fieri necesse sit, sed per accidens, ut cū pondus aliquod à multis defertur, vel trahitur. Non enim trahere, aut deerre possent, nisi aliquo modo coniuncti, ac consociati aliquam similitudinem eius, quod verè, ac per se vnum est, acquirerent. Atque etiam huius rei expressum est exemplū in natura, cuius gubernatio omnis ab vno fluit initio: nam & omnia membra ab vno corde, & animæ partes ab vna ratione, & totus mūdus, & omnia quæ in eo sunt, agentia, ab vno reguntur Deo. Sed in humanis quidem imperiis illud maximum inest periculum, ne si in vnus manu sint omnia, vel potentia, vel diuitiarum, vel ambitionis amore ad priuatum commodum deflectant. Quamobrem ut recta sit gubernatio, illud existere oportet, quod pluribus à S. Thoma in boni principis institutione confirmatum est, ut qui alijs præsidet, quicumque is sit, vnum sibi Deum ante oculos propositum

positum teneat, & eius honorem, atque obsequium, & obedientiam in ijs, qui sibi subiecti sunt, propagare studeat. Quod quidem studium quis non videt quam difficile sit extra religionem, quam facile, & perpetuum in religione? Etenim quæ maxime possunt hominū animos subvertere, atque à recto Dei obsequio ad propriorum commodorum respectum detorquere, qualia sunt, instabilire potentiam, velle timeri, coniurationū origines, & causas præcidere, frui deliciis, & cetera terrenorum bonorum copia, ea omnia longissime absunt à Dei famulis, nimirum quia nulla in hoc paupertatis statu, vel diuitiarum, vel voluptatum materia versatur, quæ eorum cupiditatem incendere possit. Atque hoc quoque in ijs, qui inter religiosos potestatem gerunt, vel maxime commodum est, quod nulla re ab alijs discernuntur, nisi auctoritate: non pompa, non palatijs, non famulorum copia, ut seculares magistratus; quæ omnia non solum alunt, sed etiam inflant, & inflammant ambitionem, ex qua deinde omnia vitia gubernationis oriuntur. At verò in religiosis humilitas ipsa status, quam nihilominus retinent, eos videlicet admonet semper, ut sciant se pares esse ijs, quibus imperant. Itaque in ipsis maxime illud Gregorij preceptum viger, quod qui præsumunt, non in se potestatem ordinis, sed æqualitatem conditionis cogitare debent, ut non præesse hominibus gaudeant, sed prodesse. Quin etiam hoc ipso in genere id melius habet nostra respublica, quam aliæ pleræque, quod illud observatur, quod ab Aristotele quoque multo salubrius esse iudicatum est, ut aliorum rectores non ex genere, & sanguine, sed ex vita, & moribus, & prudentia deligantur. Qui enim hæreditarium ius obtinent gubernandi, ij tamquam si casu in tantum munus incidant, quicumque sunt, tolerandi sunt, ex quo sæpè innumerabilia mala in ciuitates inuecta sunt, cum alij se, alij etiam suos, quos tueri debebant, vel incitiam, vel temeritate perdiderint: à quibus sane malis abest religiosa gubernatio, quæ non iure vlllo acquiritur, sed vel suffragiis, vel à legitima potestate defertur. Atque in ipsis suffragiis illud est in alijs politiciis damnosissimum, quod magistratus, & publica munera non nisi petentibus, & ambientibus tribuuntur, ut is ferè vincat, qui plus diligentiam, nonnumquam etiam plus pecuniæ adhibere potuerit ad hominum animos delinendos. In religione autem longe secus: potius enim recusantibus, & detrectantibus; de quo quid nobis sentiendum est, cum Aristoteles plane affirmet, eos qui

2. *Paſt.*
cap. 6.

2. *Pol. c.*
7. & 9.
3. *Pol.*
cap. 10.

2. *Pol.*
cap. 7.

petunt,

3. Pol.
cap. 11.

3. Pol.
cap. 4.

petūt, hoc ipso, minus esse dignos, quippe ambitiosos, & honoris amantes, cuiusmodi qui sunt, multa iniuste faciūt. Iam verò de horum rectorum potestate illud quoq; ab hoc eodē philosopho recē constitutum est, ita amplam, & simul ita limitatā esse oportere, vt maiorē habeant, quam singuli, minorem quam vniuersi; quod quidē in nulla ferme republica terrena seruari videmus. Quicumque enim semel principatus arcem tenuerit, ita se cōmunit, vt deinde, quasi freno populis iniecto, eos agat, & impellat pro suo libito. At verò in religiosa formula id expressum est, quoniam illi ipsi, qui totis familiis præsident, ijs vt ea potestas à familiis ipsis cōceditur, sic ab iisdem tum circumscribi, tum limitari, tum etiam rursum auferri potest. Denique ne longiores simus, videamus ex huius ipsius philosophi sententia, quod sit maximum officiū eorum qui alios gubernant, quod ille quidem in eo positum putat, vt se subditorum suorum seruos existiment, nihilque aliud agant, aut moliantur, quam vt illorum vtilitatibus consulant. Atque hoc sane ait initio fuisse cuiusq; bene morati regis institutum, quod postea corruptum sit, nullam aliam ob causam, quam propter ea cōmoda, quæ munus hoc comitari solēt. Igitur hoc ipsum, quod Aristoteles dicit olim in vſu fuisse, postea exoleuisse, facile apparet, quam vigeat in religione, in qua rectores suorum quisque subditorum commoda ita procurant, vt serui dominorum, præcipue quidem quæ ad animum, sed illa etiam, quæ ad corpus pertinent. Itaque quiescentibus subditis, atque etiam, ignorantibus vnde sibi alimenta, vnde omnia necessaria ad victum proueniant, ea vigilia, isque labor præpositorum est: & dum quisque pro se ipso plane vacuo, ac soluto est animo, ipsi pro omnibus solliciti esse coguntur. Quæ ergo est seruitus si hæc non est? Quare ne id quidem periculum est, ne vt in regnis, & imperiis, ea quæ consequuntur commoda, disciplinam hanc corrumpant, quoniam paupertas, quam religiosi profitentur, ista omnia commoda excludit, ac potius multa inducit incommoda, vt nihil sit in ea inuidendum, nihil ambiendum.

Atque hæc de capite. si vero membrorum comparatio inter se fiat, duo sunt potissimum, quæ harum rerum publicarum dignitatem, ac pulchritudinem commendent. alterum est maxima quædam æqualitas inæqualium membrorum, alterum maxima, & summa quæ esse possit, communio rerum omnium. Nam vt ea ciuitas male omnino constituta sit, nec se diutius tueri possit, quæ non varios hominum gradus, ordinésque

dinēſque contineat, nobilium, tenuium, mediocrium, tum
 etiam opificum, & infimorum: rursūſque magna ſit cōiunſio,
 ſi non iſta varietas aliquarum rerum participatione yincia-
 tur, & colligetur, quoniam nec aliter in vnum coaleſcere
 queat, & vt ait Ariſtoteles, neceſſe ſit eiufmodi ciuitatē ple-
 nam eſſe hoſtium: reipublicæ: hoc igitur cum in omni multi-
 tudine cōgregata euenire oporteat, idem quoque in religio-
 ſis cōtibus neceſſarium eſt, qui ita temperati ſunt, vt vtriuſq;
 rei bonis, vtriuſque vitiis detractis, perfruantur. Primum
 enim eam inæqualitatem recipit, quæ naſcitur ex diſparibus
 ingeniis, ac diſſimilibus, vt cuiuſque fert natura, & propen-
 ſionibus, & artibus, & ſcientiis, addo etiam captu, ac faculta-
 te: quod quidem diſcrimen in omni rerum ordine neceſſa-
 rium eſt. Nam & in cœlo alia ſunt aliis maiora vel minora
 aſtra: in mundo autem non omnia animalia eiufdem magni-
 tudinis, aut ſagacitatis, aut earumdem virium: quin etiam in
 corpore ipſo maxima eſt membrorum differentia, aliūdque
 ab alio & dignitate, & vtilitate ſuperatur: denique inter ipſos
 homines non omnibus eadem talentorum menſura à magno
 illo Patrefamilias tributa eſt, ſed alij vnum, alij duo, alij
 etiam quinque. Hanc igitur neceſſariam, & ſane vtilem
 etiam diſparitatem admittit religio; quæ ipſa, ſi recte cogi-
 temus, inter eius etiam ornamenta numerari debet. Sed ne
 hæc diſparitas concordix & caritati officiat, rursum illam
 neſcio qua admirabili æqualitate temperat, vt nihil ſit
 æqualius, nihil ſimilius, quam eiufdem inter ſe familiæ
 religioſi. Apparet hoc primum in iis, quæ oculis ipſis conſpi-
 ciuntur, in habitu, in cultu, in habitatione, denique in tota vi-
 ctus ratione: ſed tamen multo magis viget in rebus internis,
 in amore, in coniunctione, in illa, de qua ſuperiore libro mul-
 ta diximus, bonorum q̄perum cōmunionē, præterea in com-
 munionē omnium beneficiorū, quæ religio ſuis affert, quæq;
 vel communia ſunt omnibus ordinibus, vel propria cuiuſque
 ordinis. Hæc enim ſunt vera bona religionis, in quorum par-
 ticipatione nulla eſt inter doctū, & indoctum, vel inter pru-
 dentiſſimū quēmq; & quemlibet idiotam differentia. Quod
 ſi ita eſt, cui melius conueniat illud quod ab Auguſtino dictū
 eſt de bene inſtituta ciuitate, ſimilem eam eſſe melodix vo-
 cibus, in qua ex diuerſis ſonis proportionatis ſit cantus ſua-
 uis, & delectabilis auribus? De qua, inquā, ciuitate hoc veri⁹,
 & aptius dici poteſt, quā de religioſa, vbi illa, quā ante dixi,
 varietas tanta, eadem tamē eſt diſcordi quadam concordia,

3. Pol. c. 3

Mat. 25.

2. Ciuit.
cap. 21.

vel concordia discordia colligata? Atque ut nexus iste naturalium rerum, quem videmus, aliarum ex aliis pendendum, sequæ à primis ad infimas perpetua connectione mouentium, tam pulcher, & admirabilis est, sic si series eadem in natura rationis compote existat, tanto eam pulchriorem esse oportet, quanto est hæc natura præstantior, & perfectior. Quare si illa dispositio, atque ordinatio iucunditatem affert contemplando, multo hæc magis agendo; quæ fuit ratio cur Pythagorici illi in corporibus cælestibus armoniam ponerent, nimirum quod eorum motus tam ordinati, tam perpetui, & prorata portione distincti, suum semper tenorem modumque seruantes, concentum quendam musicum æquabiliter varium imitarentur; quod idem omnino in religiosis ordinibus ita expressum est, ut eorum quoque concentu animi aures, si id attendant, maiorem in modum mulceantur. Denique ad hunc religiosæ reipublicæ ornatum accedit illa, quam diximus, perfectissima rerum omnium communio, tum interiorum, tum exteriorum, ut nihil cuiquam proprium sit, nihil separatum. Quod cum tanti sit, ut Plato olim, optimus philosophus, suæ Reipublicæ summam in eo ferme vno constituerit, ut à nobis ipsi alio loco dictum est, nusquam tamen perfici, aut in rem ipsam deduci potuit, præterquam in hac religiosa Republica. Hoc enim illud est, quod sæpe Chrysostomus adeo laudat in religiosis, quod ab illorum domibus longissime absit Meum, & Tuum; quæ duo verba omne fere humanum genus perdiderunt. Est autem hoc magni æstimandum, non solum quia caritatem, & mutuam coniunctionem indicat: sed etiam quia eam alit, perpetuòque conseruat: præcidit enim omnem fere dissidiorum, ac contentionum radicem, & quasi fomicem, qui in harum rerum appetitu, quæ à pluribus simul possideri non possunt, vel maxime regnat. Quo fundamento polito, accedunt deinde tot vincula, totque causæ ad hanc vnitatem, & concordiam tum conciliandam, tum etiam quotidie magis astringendam, ut illud existat, quod alibi ex Augustino diximus, vna anima, & vnum cor, & multa quidem corpora, sed non multa corda. Vna mensa, inquit Chrysostomus, & ministratibus, & iis quibus ministratur, eadem fercula, eadem indumentata, habitacula eadem, eadem vita. Non est ibi paupertas, & diuitiæ, gloria, & ignobilitas. Nam sunt quidem parui, & magni, secundum virtutis mensuram, sed nemo hoc intuetur. Paruus non dolet, quasi contemnatur, nec ullus est qui contemnat. Quæ cum

*Dialo. 5.
de repu.*

Hom. 58.

ad popu.

& alibi.

In Pas.

132.

End.

homi. 58.

cum ita sint, merito Dauid inter alia Dei mirabilia opera; hoc etiam commendat, his verbis, *Qui habitare facit vnus* *Psal. 67.*
 moris in domo, id est, ita secum concordēs, & vnanimēs, ac
 si multi vnus essent. Merito etiam Dominus ipse per Sopho- *Soph. 4.*
 niam prophetam hoc quasi magnum quoddam promissum
 facit, Reddam, inquit, populis labium electum, vt inuocent
 omnes in nomine Domini, & seruiant ei humero vno. His
 enim duobus aptissime religiosi status natura descripta est,
 cuius sunt partes duæ, altera, quæ ad Deum colendum, &
 inuocandum, laudandūque dirigitur, quæ hic omnia labij,
 & labij electi nomine comprehenduntur: altera ad frater-
 nam hanc coniunctionem, quæ facit vt omnium viribus in
 vnum conflatis, vnōque ex omnibus tamquam humero effe-
 cto, minus etiam sentiat, leuiusque à singulis portetur,
 quodcumque est onus huius seruitutis.

*Quantum Ecclesie ornamentum addiderint
 religiosi ordines.*

C A P V T XXXVI.

NON potest ciuitas abscondi supra montem posita, ne- *Matt. 5.*
 que accendunt lucernam, & ponunt eam sub modio,
 sed super candelabrum: vt luceat omnibus, qui in domo sunt.
 Hoc enim habet virtus, vt quemadmodum lux suo se ipsam
 prodat iudicio, eoque magis, quo fuerit perfectior, ac maior.
 Quod si in vnō homine hoc efficit, quanto magis cum plu-
 res homines virtute præditi ita coniuncti sunt, vt quasi ciui-
 tatem quandam efficiant? Hanc ergo ciuitatem supra mon-
 tem politam aptissime dicere possumus esse Religionem, quæ
 & ex multis conflatur, quasi ciuitas, de qua proximo capite
 multa diximus, & in arduo, atque eminenti loco sita est, id-
 est, in ipso apice euangelicæ perfectionis, ad quem apicem
 quicunque nondum perueniunt, sed inferiori in gradu sub-
 stiterunt, ij necesse est vt hos admirentur, & tamquam supe-
 riores suspiciant. Igitur eiusmodi ciuitas tam præclara, tam-
 que illustis, & in monte collocata, cum latere non possit, ac
 potius omnium oculos in eam incidere necesse sit, quanta est
 ipsius laus, ac præstantia, tantam etiam Ecclesiæ toti, cuius
 est pars, laudem, ac gloriam afferat, oportet. Ex quo illud
 est, quod Nazianzenus religiosos omnes primitias vocat *Or. 1. in*
 gregis Domini, vocat columnas, & fidei coronas, & denique *Iulia.*
 pretiosas margaritas. Cui simillimum est illud Hieronymi, *Epi. 17.*
 Certe, inquit, flos quidam, & pretiosissimus lapis inter Eccle-

fiastica ornamenta, monachorum, & virginum chorus est. Florem, ac gemmam appellat religiosum institutum, quorum alterum ad pulchritudinem pertinet, alterum præter pulchritudinem pretium etiam habet; quod utrumque hic status Ecclesiæ sanctæ confert. Quare hic tantus heius vitæ splendor tum domesticos fidei magnopere iuuat, delectat, ac confirmat, tum vero aduersarios magnopere confundit, ac perturbat. Itaque S. Augustinus acer propugnator rectæ fidei, in eo opere, quod scripsit de moribus Ecclesiæ catholicæ, inter cetera argumenta, quibus Manichæorum, contra quos illa scribebat, perfidiam impugnat, hoc vno vel maxime nritur, quod in Ecclesia tam ingens numerus esset tum anachoretarum, qui solitariam, tum cœnobarum, qui communem in monasteriis ducerent vitam; quorum mores, atque instituta cum prolixè descripsisset, tum vero quasi insultans hostibus, hæc addit, Isti, inquit, Manichæi si potestis, obstitite. Istos intuemini, istos sine mendacio si audetis, & cum contumelia nominare. Istorum ieiuniis vestra ieiunia, castitati castitatem, vestitum vestitui, epulas epulis, modestiam modestiæ, caritatē deniq; caritati, & quod res maxime postulat, præceptis præcepta conferre. Hunc locum ipsum multo etiā copiosius tractat Laurentius Iustinianus, magnus utique vir & sanctitate, & doctrina, & certe dignus, cuius etiam longiorem orationem hic inseramus. Inter cetera, inquit, quæ gloriam Dei in terra prædicant, & catholicam fidem infidelibus hominibus commendabilem reddunt, & socialis vita fidelium, eorum præcipue, qui sperto perituri seculi luxu, abdicatisq; de se diuitiarum, honorum, & carnis illecebris, in monasteriorum claustris voluntariæ seruitutis se perpetuo dedicarunt voto. Quis enim diuinam bonitatem, & sapientiam ineffabilem, laudum non extoliat præconis, cum vtriusque sexus homines pene innumerabiles intuetur iuuentutis flore, ac decore corporis sospitate potiri, terrenarum facultatum abundare affluentia, possidere agros, vineas, domos, seruos, & ancillas, amicorum, affiniumque generositate clarescere, sponte renunciare seculo, illius pompas spernere, propinquos omnes relinquere, atque sub ignoti quodammodo viri disciplina per obedientiæ exercitium Christo Domino militare? Hoc quippe humanæ consuetudinis, & communis vitæ supergreditur limites. Non enim naturalis pignorum affectus patitur, ut contempnamus eos qui nos genuere, & in hanc visibilem mundi istius producerunt lucem. Non, inquam, lex

cordibus

Cap. 34.

Libr. de
obed.
cap. 18.

cordibus innata mortalium suadet, deserta vrbe propria, vniuersis relictis consanguineis, cœuis adolescentulis, familiaribus, & notis, peregrinari per alienas cedes, remotas peragraré prouincias, ciuitates, & castra, non vno, duobus, vel tribus annis, sed toto vitæ suo decursu, atque spontanea deliberatione pati famem, sitim, frigus, nuditatem, corpus quoque attenuare vigiliis, macerare ieiuniis, laboribus exponere, quotidiana alimentorum domare inedia, & quod his omnibus maius est propriæ voluntatis debellare affectus. Nam natura ipsa trahit, vsus docet, impellit humana fragilitas, allicit socialis amor; mutua inclinant obsequia, dulcissimūmq; domesticorum, & maxime propinquorum contubernium cogit, vt quilibet rationis compos in illo, in quo natus est, habitet solo, suorum affinium fruatur consortio, propriarum opum curam & delectationē capiat, nec non arbitrii sui sectetur illecebras. Cæterum cum his contraria actitari conspiciamus, aut ex metu mortis, aut ex cæra cognitione pretereuntis, & fallacis seculi, siue ex bonorum id agitur spe validissima futurorum, quam vtique spem non nisi præuio fidei lumine gustari permittitur. Hæc namque, de qua loquimur, fides nequaquam ex humano arbitrio, sed ex Dei miserentis, trahentis, custodientisque munere possidetur. Istius fidei gloriosissimi martyres irradiati splendore flagrantissima charitate pro Christo perpassi sunt ighem, carceres, vincula, flagella, tormenta, opprobria, exilia, damna, & mortem. Huius (inquam) fidei anachoretæ sancti claritate perfusi deserta repleuerunt perlustrauerunt solitudines, construxerunt cœnobia, in quibus diuinis intenderent laudibus, crebris vacarent orationibus, operi manuum opportuno insisterent tempore, congregarentque in vnum Dei filios circumquaque dispersos, atque inuisibilem inimicorum latentes laqueos superarent. Intelligebant profecto diuinitus inspirati, seculum hoc, carnis concupiscentia, oculorum lenociniis, & voluptatum, & vitæ superbia esse refertum. Intuebantur quotidie homines læper abrupta vitiorum, Dei legem negligere, eius madata despicere, præteritum delectationum oblectamēta sectari, terrenis lucris, fugitiuis honoribus, impudiciis perniciosis, ac secularibus curis incumbere, quæ vtique alienum à Deo, ignotum sibi ipsi, & virtutibus auersum, suum efficiunt amatorem. Non enim in vnum conueniunt, neque simul stare valent lux & tenebræ, vanitas, & veritas, virtus, & vitium, dilectio Dei, & seculi, opera carnis, & spiritus, temporalis vitæ

gaudium, & futuræ. Quamobrem ut debitum pietatis cultum exhiberent Deo, ut vitiorum passionibus reprimerent, quæ de peccati fomite, & carnis pruriginibus indefinenter ebulliunt ut proprias compescerent voluntates, à quibus pabulum sumit omnis origo delicti, talibus pro Christi amore se mancipauere ergastulis. Hac intentione laudabili, hoc ritu viuendi sancta mater illustratur Ecclesia. Non enim desunt temporibus istis, in quibus abundare iniquitas, & multorum cernitur refrigerare caritas, qui sanctorum patrum, etsi non eodem seruire caritatis, vestigia imitentur. Sunt namque diuersæ Christo domino famulantium congregationes, quæ licet sint in habitibus distinctæ, variæ in constitutionibus: & in ceremoniis discretæ, vna tamen intentione glorificandi Deum, & proximum lucrificandi, vnoque sine cõlestem patriam consequendi, se exercendo desudant. In hac seruatorum Christi numerositate maxima, quæ toto pene terrarum orbe vsquequaque diffunditur, quorū vtriusque sexus præcipua eminent sanctitate, quorū singulari deuotione, & orationis assiduitate pinguescunt, quorū virtutum magnanimitate decorantur. Alij namque humilitatis studio, aliqui patientiæ constantia, quidam mentis puritate, nonnulli zelo rectitudinis, aliqui Dei, & proximi dilectione, plurimi vero ceteros religiosæ cõuersationis singularitate præcellunt. Omnes ij sine æmulatione fraterna, & absque cordis elatione, secundum mensuram fidei, & gratiæ eundem collatæ, certant placere Deo, quotidie proficere, & talentorum sibi præstitorum lucra cumulare. Hæc Iustinianus; quibus tam disette, & copiose dictis non iam est quod plura addamus, præter illud, quod ex horum patrum sensu licebit religiosis accommodare, dictum olim à Domino per Prophetam: Populum (inquit) istum formaui mihi: laudem meam narrant. Hic enim tantus populus de longinquo adductus, ut ibidem dicitur, & de extremis terræ in vnum congregatus, à quo formatus sit, nisi à Deo, qui solus de tenebris iubet lucem splendescere, & quem ad finem formatus, nisi ut eius laudem narrer? Hoc vero religiosi faciunt, non solum eius laudes vocibus, & cantibus personando, aut eius magnalia inter homines eloquendo, sed etiam ipsis, ut ante dixi, moribus, totoque ipsius vitæ contextu. Ut enim elegans pictura, vel quoduis egregium opus artificis sui præstantiam tacite prædicat, & ipsis oculis ingerit, multoque certius, atque euidentius persuadet, quam quælibet oratio, sic talia viuendi instituta, quæ à

Esa. 43.

quæ à Deo solo existere possunt, ipsius & bonitatem & sapientiam, omnium optime, clarissime, que demonstrant.

De honore qui etiam in hac vita exhibetur religiosi.

CAPVT XXXVII.

Es t Domini sententia per Propheram prolata, eiusque *1. Reg. 2.*
perpetuò more confirmata: Qui cumque honorificauerit me, glorificabo eum; qui autem contemnunt me, ignobiles erunt. Itaque cum religiosi quoque ita Dei gloriæ amplificandæ se inpendant, ut nihil eis magis propositum sit, quam se ipsos humiliare, & abicere, merito videtur diuina bonitas hunc quoque statum vicissim honorasse, atque ei quiddam splendoris addidisse, quod etiam hominum æstimatione magnum esset. Oportuit enim in ipsis etiam illud extare promissum, quod est in Prouerbiis de sapientiæ fructibus, Arripe illam, & exaltabit te, glorificaberis ab ea, *Pro. 4.*
cum eam fueris amplexatus, dabit capiti tuo augmentum gratiarum, & corona inclyta proteget te. Basilii quidem inter ceteras rationes, quibus homines cohortatur ad religiosam disciplinam amplectendam, non dubitat hanc quoque afferre, quod qui id fecerit, ei etiam in terris magna sit parata gloria, quod apud amicos erit in pretio, quod eum adiutorem, & deprecatorem in suis casibus adhibebunt, quod ut strenuo militi alimenta suppeditabunt, eumque ad se inuitabunt, & lætabudi tamquam Angelum Dei excipient, & quemadmodum ait Apostolus, ut Christum Iesum. Quod si rei naturam æstimemus, intelligemus ferme necessarium esse, ut ita sit. Primum enim verissimum est illud, quod Aristoteles ait, veram honoris materiam esse bonum, idque eo *4. Eth. c.*
magis, quo excellentius. *3.*

Itaque si vero iudicio res æstimeretur, virtutem solam, & eos in quibus ea sit, honore dignos esse: nobiles autem, & diuites, vel qui imperia gerunt, externam tantum excellentiam præ aliis habere, eosque à vulgo honorari, quia scilicet nulla alia bona cognoscit, quam hæc exteriora. Hæc Aristoteles, ex cuius dicto hoc etiam sequitur, non modo sapientes, sed ipsum vulgus, si aliquod lumen veræ virtutis aspiciat, multo eam magis honoraturum esse, quam illa externa. Itaque si quæ tanta virtus sit, tamque conspicua, ut etiam apud homines obscura esse non possint: eâ sine dubio in magna veneratione esse oportet. Talis est autem religiosa perfectio.

Ipsæ enim status eminens, ac remotus est à communi vita,

plenusque iis moribus, atque iis institutis, quæ omnibus intuitibus mira videantur. Cum enim maior mortalium pars honoris, aut pecuniæ, aut voluptatis, ac reliquarum eiusmodi rerum terrenarum amore, ac delirio capiantur, non possunt deinde non eos suspicere, quos tam alte euolasse vident, ut illa non confectentur, sed contemnant, & abiiciant. Neque vero iste contemptus in animo lateret, sed ipso habitu, ipso statu, totaque vita proditur, ac manifestatur, ut in oculos etiam rudium incurrat, & sine magna meditatione eos tamen deuinciat, & rapiat. Accedit ipsa etiam coniunctio, & quasi propinquitas cum Deo, cui dicati sunt, & cum quo tanquam famuli, vel potius domestici, & amici familiariter versantur. Hæc enim res etiam vel in primis eos efficit venerabiles, idque ipsa docet natura; quod ex eo apparet, quoniam non modo inter Christianos, sed etiam inter gentiles, & à vera Dei notitia alienos, semper hæc opinio, atque institutum valuit, ut qui diuini numinis obsequio se deuouissent, iis quiddam maioris reuerentiæ deberetur. Ut enim nulla gens tam fera, tamque immanis est, cuius mentem non imbuerit hæc opinio, esse naturam quandam superiorem, & præpotentem, à qua tum beneficia petenda, tum supplicia metuenda, & cui ob hanc causam præcipuus cultus, ac ceremonia tribuenda sit, ita nemo est, qui non eos, qui huic naturæ maxime coniuncti sint, proxime colendos, ac venerandos putet; idque semper fuisse videmus in omni antiquitate. Nani in Ægypto, quod in Genesi

Gen. 47. scribitur, hic mos erat, ut sacerdotes publice alerentur, quæ causa fuit, cur in communi fame eorum agri intacti permanerint. Romæ autem tum Pontifices, ac flamines varij, tum augures, & reliqui sacrificuli in tanta erant estimatione, ut ea dignitas populi suffragiis cum magno ambitu decerneretur; quin etiam ita regium erat sacra ista curare, ut regibus exactis, cum ceteris in rebus nihil esset odiosius, regis tamen nomen in solo sacerdotio remanserit. De Flamine quoque Diali hoc legimus, tantam fuisse eius auctoritatem, ut ad eum quasi ad asylum vulgo concurreretur. qui enim ad eius pedes accidissent, si vinculi essent, soluebantur, si noxij omnis pena condonabatur. Virgines autem Vestales quæ apud illos monialium nostrarum instar erant, ita quasi sacrosanctæ habebantur, ut nec attingi possent, & duobus lictoribus vterentur, ac si casu in aliquem incidissent, qui ad supplicium duceretur, is statim liberaretur. Atque ut hæc vetera omittamus, hoc ipso tempore quantam esse scimus apud Iaponenses suorum Bon-

ziorum potestatem, ac dignitatem? qui cum nostrorum monachorum habitum, cantum, communitatem vitæ, ac denique omnia ferme, præter castitatem, morumque probitatem iniuntur, tanto esse in pretio dicuntur, quasi dii quidam terrestres: itaque omnia pene eorum arbitrio geri, eosque sæpe regnare, & adimere. Denique hoc certum est, quotquot unquam vim, ac naturam diuinam esse arbitrati sunt (omnes autem arbitrati sunt,) illos etiam, qui huic naturæ colendæ sese addixerunt, & consecrarunt, præcipuo semper loco habuisse, idque ita sensisse non hominum colloquutione inter se, aut lege iussive principum, sed natura duce, nulla institutione, nullaque doctrina. omni autem in re generalis consensus gentium omnium ipsius naturæ vox putanda est. Sed tamen apparet, si non solum inanis, sed impia etiam superstitio falsorum deorum, qui ne erant quidem, tantum semper potuit, & adhuc potest, quanto plus posse debeat vera religio veri, ac summi Dei. Oportet enim, quo maius, atque augustius est, quod Christiani iam norunt de illa maiestate, quam quod illi de suis simulacris etiam errore conceperant, eo maiorem honorem ijs impendi, qui tantæ maiestati propius se adiunxerunt. De B. Dominico ita scribitur, quo se ipse profundius abiciebat, eo magis ab omni hominum genere, & quidem ab ipsis etiam Cardinalibus, & Pontificibus coli solitum, à vulgo vero ita impense, ut se beatos putaret, qui cum eo colloqui, vel eius vestem manu contingere possent: quare cum omnes ex eius tunica certatim particulas præcidere studerent, quas deinde reliquiarum loco asseruaret, perpetuum ei fuisset, ut vestem usque ad genua decurratam gereret. Quinimmo hoc etiam accepimus, cum fratres, ut eam ab illo molestiam depellerent, quosdam vestimenti laciniam vellantes prohiberent, ab ipso inhibitos, cum diceret, finēdos esse, ut suæ deuotioni satisfacerent. Franciscus autem cum quodcumque oppidum ingrederetur, tanti concursus fierent, ut pene comprimeretur, hoc inter cetera de eo fertur, aliquando eum constitisse, vestemque, ac manum omnibus ad se accedentibus osculandam præbuisse: quod intuens eius comes, ac discipulus, cum admiratus esset, ac deinde solus à solo causam sciscitaretur, Scito, ait Franciscus, ne minimam quidem inhi ab his honoris debiti partem petsoletam esse; quo responso, cum ille multo adhuc magis obstupuisse, causam reddidit, quoniam homines illi non ipsum honorarent, sed Deum in ipso, qui ei quicquid religionis, aut quicquid honorum ha-

bebat, contulisset. Neque vero plebeij modo homines religionis dignitati deferunt, sed ipsi etiam principes, & magni reges, vt Constantinus Antonio, Orho Imperator Romualdo, cuius etiam cellulam ipse visere, atque in eius paupere, ac duro lectulo tanta maiestas cubare voluit. Cum vero Maurus à S. Benedicto in Galliam esset destinatus, non solum Florus Theodeberto Regi ita carus, vt ab ipso vno secundus haberetur, & filium, & opes, quæ maxime erant, & insuper seipsum, tota mitante Gallia, eius monasterio addixit, sed Rex ipse Theodebertus ad illam nouellam Christi domini cohortem visitandam aliquot dierum itinere adiit: quo cum venisset, post preces in templo pie peractas, in fratrum conuentum per gens, sese quam humillime in paupimento prostravit, regiam purpuram, summamque potestatem sub pannolorum, & pauperum hominum pedibus deprimens, præterea etiam deprecans, vt se in suam (sic enim loquutus est) societatem recipere ne grauentur, suumque nomen inter eorum nomina ascribere: ad extremum etiam donis plurimis ex auro, atque argento ad ecclesiæ ornatum prolatis, ita discessit, vt magnum se à Domino beneficium accepisse reputaret, quod illos Dei famulos videre, & alloqui potuisset. Illud autem multo recentius in eodem regno, cum Ludouicus XI. ab extremis Calabriae finibus Franciscum Paulensem tum precibus, tum etiam Sixti IIII. auctoritate interposita exciuit: quem quidem quam aruanter, quamque honorifice excepit? quantum in vnus hominis inopis, & plane ignobilis aduentu totum Gallia regnum, totaque tanti regis curia exultauit? Itaque in hoc etiam illud expresse apparuit, quod sæpe efficere solet hæc religionis dignitas, vt quæ admodum disse:it quodam loco Chrysostomus, qui in seculo obscuri, atque in imo loco nati essent, quique si in seculo permansissent, in eadem ignobilitate semper iacuissent, iisdem statu immutato, coepta sint ab ijs coli, à quibus antea despiciebantur. Arsenius Arcadium adolescentem Theodosij Imperatoris filium instituendum susceperat, tam parua eius gratia, vt ei fugiendum fuerit, quod necesse sibi ab illo parari comperisset. Idem tamen cum post diuturnas latebras compertus esset in Dei famulatu, Arcadius ipse ad imperium iam prouectus, litteras ad eum ultro scripsit pene supplices, quibus & se, & imperium suum illi commendabat. Certe huic nihil doctrinæ, qua etiam antea abundabat, vel nobilitatis accesserat: quin potius quicquid prius externi splendoris

doris habuerat, omnino decesserat. Vnde ergo nouus hic honor, & tantus, nisi ex statu religioso? Possent alia multa eiusmodi, partim ex veterum, partim ex recentium vita, & gestis profertur: sed ne longiores simus, concludamus hunc loci luculento Cassiani testimonio, qui illud cētupli promissum hac etiam præsentis honoris mercede perfolui cōfirmat: sic enim ait. Nonne obsecro etiam in hoc centuplum gratiam euidentissime, qui fideliter Christo deseruiunt, consequuntur, dum pro nomine eius à summis principibus honorantur, ac licet ipsi humanam gloriam non requirant, venerabiles tamen etiā in persecutionū angustijs iudicibus cunctis, ac potestatibus fiunt, quorum vilitas etiam mediocribus forsan despicabilis esse potuisset, vel pro obscuritate nataliū, vel pro conditione seruili, si in seculari conuersatione mansissent? Quod euidentius in abbate Ioanne, qui in illa eremo, quæ Lyco oppido adiacet, cōmoratur, possumus approbare: qui per obscuris maioribus natus, ita pro Christi nomine, vniuerso pene humano generi admirabilis factus est, vt eum ipsi quorū rerū præsentiū domini, qui mundi huius, atque imperij gubernacula retinentes, etiam potentibus cunctis, regibusque terrore sunt, velut dominū venerētur, & oracula eius de tam longinquis regionibus expetentes, imperij sui apicem, & statum salutis, bellorumque prouentus illius orationibus, meritisque cōmittant. Hæc Cassianus, quibus vnum illud adde-
re possumus, ex honoribus omnibus, qui in hac vita hominibus deferantur, hunc videri verissimum, & meo iudicio etiā amplissimū. Nam cum alij honorantur, in quibus est aliquid potestatis, vel opum, ac diuitiarū, non tam ipsi honorati videntur, quam ipsorum opes, vel potentia, & hoc alicuius premij, vel cōmodi spēs. Quare cum in religioso statu nihil omnino eiusmodi sit sine dubio, quicquid ei obseruantia tribuitur, id omne vnius status pulchritudini, ac virtutis, quæ in eo statu interlucet, amplitudini tribuitur. Quo in genere memorabile quidē fuit quod Ioanni Becano ex Minorū ordine in ipsorum actis legimus contigisse. Hic enim sui seculi eruditissimus, cū Romæ in sacro palatio publice theologiā doceret, tanta erat eius doctrinæ opinio, vt ad eum audiendum tum alij ex omnibus gradibus plurimi ventitarent, tum verò Episcopi, & Cardinales non pauci; qui etiam, quoties ille per mediam scholam ad suggestum adiret, omnes honoris causa consurgere, & detecto capite stare consueant. Verum cum ita accidisset, vt eo ipso tempore is ad Cantuariensem Archi-
episcopatum

*Coll. ult.
cap. ult.*

Ioan. 15.

2. Cor. 6.

episcopatum prouheretur, ac nihilominus docere pergeret, nemo deinceps ex Cardinalibus se mouit, quod antea, vt aiebant, honorẽ illum virtuti tribuerent, cui se inferiores agnoscebant: tum verò dignitati tribuere visi essent, qua erant superiores. Hic est igitur, vt dixi, verus honor, qui in virtute, & in statu ipso fundatur, quod est optimum, & solidum fundamentum. Nam quod interdũ religiosi aliquas calumnias, vel probra patiantur, id & rarins est, nec solius dæmonis malitia euenit, vt nos oppugnet, sed etiam Dei permisso, vt nostram virtutem exerceat, vt coronam augeat, vt conformes filio suo faciat, qui discipulos suos, & in discipulis ceteros omnes ita præmonuit: si me persequuti sunt, & vos persequentur. reddítque rationem, Quia non est seruus maior domino suo: quasi hoc dicere velit, qui verus esse studeat discipulus, verusque seruus, illi eadem esse ferenda, quæ Christus pertulit. Quare in hoc quoque admirabilis elucet Dei sapientia, atque in nos ipsos prouidentia, quod cum huius status præstantia à plerisque cognoscatur, & vt debet, colatur, aliquos tamen voluerit non deesse, quorum oculis hæc essent abscondita, quique in religiosos interdum essent proterui, vt simul & nostris, & aliorum vtilitatibus miro quodam modo consuleret. Nam si omnes contemnerent, nulli in proximis fructus existerent: sin omnes fouerent, & in sinu gestarent, hoc ipsum nobis ad multa damnosum esset. Itaque in altero Deus nostram, in altero proximorum spectauit vtilitatem, vtramque autem ita temperauit, vt quemadmodum dicit Apostolus, nostra hæc vita quæ quibusdam passibus semper incideret per gloriam, & ignobilitatem, per infamiam, & bonam famam, nosque ipsi sicut qui ignoti, & cogniti, & seductores & tamen veraces. Verum etiã nos ita armatos à dextris, & à sinistris esse oportet, illud tamen manet, quod supra positum, & confirmatum est, magnam esse huius status etiam apud homines dignitatem, multoq; eminentiorem omnibus regum sceptris, atque imperijs. Hoc bene intellexit Ludouicus ille Caroli Gallorum regis filius, de quo supra à nobis alio loco dictum est, qui cum terreni regni tam opulenti hæreditatem contemnens, Franciscani ordinis habitum suscepisset, quem diuturnis, ardentissimisque votis concupierat, eique à quodam eiusdem ordinis fratre inter gratulandum dictum esset, valde illum eo die Franciscanam familiam honorasse, respondisse fertur, Immo verò ego potius ex hoc habitu magno sum hodie honore affectus.



D E

BONO STATUS RELIGIOSI

LIBER TERTIVS.

P R O O E M I V M.



AGNVM olim exemplar totius religioſe vocationis à Deo propoſitum, eſt in Iudaïs ab Ægyptia ſeruitute in terram illam felicem, tanque longa, ac laborioſa peregrinatione quaſitam, educendis. Ita enim in eo opere, quod fuit omnium operum, quæ à Domino in gentem illam exiſterint, celeberrimum, & maximum, notiet hic ſtatus expiſtus, atque expreſſus eſt, vt nihil propius, aut ſimilius videatur; quatenus tamen ſpiritualia carnalibus, interiora exterioribus, quæ longe inferiora ſunt, exprimi poſſunt. Itaque tum alij, tum Bernardus etiam in *Ser. 39.* ſermone quodam id diſerte notauit, & ita myſterium hoc *Cant.* interpretatus eſt, quaſi omnia illis in figurâ, & vmbra contingiſſent, nobis autem corpus ſolidum & fructus ipſe tributus eſſet. Ibi, inquit, populus eductus eſt de Ægypto, hic homo de ſeculo. Ibi proſternitur Pharaos, hic diabolus. Ibi ſubuertuntur curtus Pharaonis, hic carnalia, & ſecularia deſideria, quæ militant aduerſus animam, ſubruuntur. Illi in fluctibus, iſti in ſteribus. Marini illi, amari iſti. Puto & tunc clamitare dæmonia, ſi fortè contingat incidere in talem animam, Fugiamus Iſraëlem, quia Dominus pagnat pro eo. Hæc Bernardus, & plura. Nos autem, quando ita eſt, in iſto Hebræorum beneficio, quaſi in imagine, noſtrum hoc tâto maius beneficiuni, cum ea qua decet gratia agnoſcamus. Nam ſi ſecularem ſtatum, in quo antea degebamus, purioribus oculis, quod iam Dei beneficio poſſumus, inſpiciamus, quid aliud erat, quam

quam seruitus, & quidem multo durior, tetriciorque quam Pharaonis, quoniam non ea corpus, quod adeo miserum videri solet, sed animus, quod est multo miserius, captivum, ac vinctum tenebat: Quin etiam hominem homini seruire non ita turpe est: at turpius seruire vitio, & diabolo, quo utroque nihil est fœdus: seruire etiam mundo, quo nihil est vanius. Quod etiam eo magis apparet ex ipsorum operum, quæ tam sæuus dominatus indixerat, tum ignobilitate, tum insuper molestia, & grauitate. Quæ enim nobis quoque alia erat occupatio, quam uti illis, in versando luto, in colligendis paleis, in conficiendis latebibus, sordidis omnino, & famularibus ministeriis? Cum enim honoribus, vel diuitiis angendis, ut ferè hominum mores ferunt, nostra omnis vita dirigebatur, idque vnum nostræ curæ, ac labores spectabant, nihil quidē aliud agebamus, quam quod die, ac nocte, terram manibus, terram corde tractabamus, siquidem hæ res omnes terrenæ sunt, & aliud nihil, quam terra. Neque verò durissimi, & acerbissimi deerant exactores, ipsæ scilicet cupiditates nostræ, quæ nos assidue vrgerent, stimulant, atque adigerent ad labores duplicandos, ad maiora aggredienda, neque vllam nobis omnino quietis partem permetterent. Itaque miserrimum illud vitæ genus non ærumnis solum, atque angustiis, quod ipsum Ægypti nomen sonat, refertum erat, sed erat etiam illiberale, & indignissimum, contra quam homines vulgates insipienter existiment, quippe cum seruitutem, & eam adeo abiectam, atque humilem contineret. Ex qua quidem seruitute quicumque serandem diuino instinctu impulsus eripere meditetur, quo illum impetu, quo etiam furore inuadere solet sæuissimus hic Pharaon, id est mundus, & qui in mundo dominatur, Satan? Tum enim quasi classicum canens, omnes quos potest ad arma conuocat, ut salutes illas cogitationes præcidat, aut dissipet. Hinc enim seculi commoditates, libertatis dulcedinem, spem honorum, opum amplitudinem, propinquorum caritatem proponit; quo quasi agmine facto hominem aggreditur. Illinc verò difficillima quæque intentat, religiosam austeritatem, paupertatis incommoda, obedientiæ molestias, aliaque id genus ad terrorem aptissima. Atque hæc interna, quæ si minus procedere senserit, tum verò externas quoque admouet machinas, peruersa amicorum consilia, sodalium irrisiones, sæpè etiam vim potentiorum. In quibus tamen pestibus omnibus nullæ sunt nocentiores, quam

quam domesticæ, cum nos vel paterna auctoritate frangere, vel maternis blanditijs, lacrymisve, vel fratrum, aut affinium precibus mollire conatur. Atque hi quidem sunt currus, hi equites, quibus ille humanæ salutis hostis fugientes insequitur. Contra verò Deus, ac dominus noster, qui nos ex Ægypto vocat ad offerendum ei in deserto perenne sacrificium, ita pro nobis pugnam suscipit, quasi non nostra, sed ipsius causa agatur. Itaque non modo dæmonum improbos conatus frangit, insidiâsque detegit, sed quicumque ei ex hominibus in tam impia causa seruiunt, eos quoque grauissimis mulctare solet suppliciis, vt Pharaonem: nec ferè aliud vllum peccati genus tam seueris, tamque præsentibus pœnis vindicari videmus. Et merito. Quæ enim maior est Dei iniuria, quam sponsam ei præripere, templum profanare, & pulcherrimum eius opus disturbare, ac destruere? proximo autem quod maius, aut qua maiori in re damnum inferri potest? Quamobrem rectè, & grauiter Hieronymus ad Eustochium, quæ se in vrbe Bethleem nobili illo monasterio concluderat? Dominus, inquit, curis te secularibus soluit, vt paleas & lateres Ægypti derelinquens, Moysen sequaris in eremo, & terram repromissionis introeas. Nemo sit qui prohibeat, non mater, non soror, non cognata, non germanus. Quod si voluerint impedire, timeant flagella Pharaonis, qui populum Dei ad colendum Deum nolens dimittere, passus est ea, quæ scripta sunt. Neque verò ad hostantum puniendos promptus est Dominus, sed multo magis ad religiosos ipsos iuuandos, & educendos in manu potentis, & brachio excelsi, vt si opus sit, ijs maria aperiantur, siccentur fluctus, & impedimentis omnibus profligatis, non modo ex Ægypto egrediantur, verum etiam cantantes egrediantur, id est, læti, & alacres, eique gratias agentes, qui equum, & ascensorem proiecit in mare. Hoc enim est lætum illud carmen, quod describit S. Bernardus, cum ita fratres suos alloquitur: Vos, inquit, si vestram experientiam aduertatis, nonne in victoria, qua vicit mundum fides vestra, & in exitu vestro de lacu miseriæ, & de luto fecis, cantastis & ipsi Domino canticum nouum, qui in rablia fecit? Rursus cum adiecit primum supra petram statuere pedes vestros, & dirigere gressus vestros, puto quod & tunc nihilominus pro indulta nouitate vitæ immissum sit in os vestrum canticum nouum, carmen Deo nostro. In his autem Ægypti plagis, & contra in Hebræi populi beneficiis illud quod sapienter

Ep. 22.

*Ser. 1.
Cant.*

*18. Mor.
cap. 25.*

18. Mor. cap. 25. pienter à Gregorio consideratur, quod illi quidem muscarum vi percussi sunt, hi verò sabbati custodiā acceperunt in munere; quoniā, inquit, populus, qui Deum sequitur, accipit sabbatum, id est, requiem mentis, ut nullo in hac vita desideriorum carnalium appetitu fatigetur. Aegyptus verò, quæ huius mundi speciem tenet, muscis percutitur. musca enim nimis insolens, & inquietum animal est, in qua quid aliud quam insolentes curæ carnalium desideriorum designantur?

Ceterum egressis Aegypto duo adhuc restant, terra promissionis, & desertum; quod utrumque religionem significat, sed hoc initia religionis, illa verò progressum, ac perfectionem, cum iam animus hac disciplina excultus. omnibus eius bonis vberius fruitur. Verè autem ipsum quoque desertum est religio, quæ ab humanis omnibus negotiis, & ab hominum secularium cōsuetudine segregata, in eum se subducit locum, quo nec iactatio, nec sonitus perstreptentis mundi perueniat. Hæ enim sunt solitudines illæ, quas sibi ipsis huius terræ consules, ut ait Iob, ædificant; quod ita Gregorius interpretatur. ut nihil sit aliud, quam à secreto cordis terrenorum desideriorum tumultus expellere, & vna intentione æternæ patriæ in amorem intimæ quietis anhelare. Atque in hoc quidem deserto, licet in specie aspero, & odioso, quæ solatia, quæve gaudia inveniuntur? Nam ut Iudæis illis, cum siti laborarent, silices ipsi aquas profundeabant, aut si amariores aquæ occurrerent, ligno immisso, statim dulcescebant, sic profecto in religiosa vita quicquid est difficultatis, aut molestiæ, evanescit nescio quo modo, itaque conditur à Deo, ut non sentiat. Itaque & ieiunia, & vigiliæ, & quod horum omnium maius est, voluntatis frangendæ contentio, & cetera religiosæ disciplinæ officia, quæ interdum eminus intuentibus ita graua videri solent, ut solo aspectu exterreant, eadem, cum deinde in rem ventum fuerit, etiam delectant, nec ullus labor tam arduus, tamque supra humanas vires est, qui non Dei gratia, & ope, mollis, procliuisque reddatur, ut quod Apostolus dicebat, omnia possimus in eo, qui nos confortat. Nec tamen satis est diuinæ illi bonitati, & benignitati, omnem istius status amaritudinē abstergere, sed insuper eum propria, ac præcipua quadam suauitate aspergere voluit, eaque magna, ac multiplici; quod item in populo hoc Israëlítico demonstratum est, cui & coturnices suppeditauit, non labore quæsitæ, sed vento delatas, tanta copia, ut omnem locum late complerent, & quod est mirabilius,

bilius, manna de celo pluens angelorum manibus cōfectum.
 Hoc enī aperte cōlestes indicat delicias, quibꝫ animę illæ
 recreatur, & quasi saginatur, quæ Aegypto relicta, Deo se-
 se verissime tradiderunt. Vt enim manna illud vetus ea vī *Sap. 10.*
 præditum fuisse scribitur, ut omnem omnium ciborum, ac
 cōdimentorum saporē haberet, sic hæc spirituales egulæ rerū
 oīum terrenarum iucunditatem non modo superant, sed
 etiā in se ipsis eminenter, ac cumulate cōtinent: ex quo fit
 vt tāquam optimi vini copia exhausta, oīs statim vel aque,
 vel etiā leuiorū vinorum sitis extinguitur, sic religiosi hęc
 diuino pabulo ita satientur, vt iam nihil sit ultra quod cu-
 piant, illudq; in se ipsis experiatur, quod de se Propheta di-
 cebat, Qui replet in bonis desiderii tuū. Porro ad has epu- *Psal. 102.*
 las ita dulces, & ita perpētuas, accedit etiā Dei ductꝫ, ac pro-
 uidentia quędam in hoc omni itinere, plena amoris, & car-
 itatis, quæ nos tucatur, custodiat, defendat, quę deniq; vellos
 olim, deducat in nube diei, & tota nocte in illuminatione *Psal. 77.*
 ignis, id est, & ardores huius vitę temperet, & tenebras de-
 pellat, vt omnem estus molestiā tāquā vmbratulo arceat,
 & omne noctis incōmodū, aut periculū, tamquā prælata
 manibus suis face, auertat. Noq; vero deest hic etiā Moyses
 noster, rectores nimirū, ac moderatores, quos nobis Domi-
 nus vicarios suos præposuit: quod ipsum beneficiū iucundis-
 simum est, vt scilicet habeamus qui diuinos nobis nutꝫ in-
 terpretentur, qui ad nos Dei iussa perferat, qui vicissim de-
 precatōres se pro nobis exhibeant: deniq; qui incedūtiā
 nobis oscitātibus, ac ludentibus, ipsi in morte pro nostra sa-
 lute vigilant, nostramq; causam diligenter apud Diuinū nu-
 men agant. Ac ne illud quidē yncat, quod vt olim Israheli, i-
 ta nobis quoque in hoc itinere occurrunt nonnumquam
 hostes, nūmpe tentationes, quas modo interna naturę no-
 stre corruptio, modo perennes aduersarii nostri ingerunt, *Deut. 3.*
 quę pugnē, si soli essemus, nostrisq; viribꝫ niteremur, esset
 plano formidabiles. At verū Dei p̄sidio, qui nos in hac
 via deducit, nobisq; semper adest, nihil facilius, quā ex his
 etiam adaucta gloria, ac p̄mio euadere. Ipsius enim ope,
 ipsius robore sit in religiosis, quod de gēte illa Hebræa scri-
 ptū scimus, vt vnus persequatur mille, & duo fugent decem
 millia, vt vel tenuē statum hostiles munitiones concidant, *Ios. 6.*
 vt etiam erectis in celū manibus irruentia illorum agmina *Exo. 17.*
 consternentur. Verum vbi hæc beneficia, hæc tam multe,
 ac magnæ delicię, & cui hominū generi tribuntur? Nimi-

rum, ut ante diximus, non nisi in deserto, nec nisi iis, qui ex Aegypto vere, ac toti prodierunt. Itaque illo etiam tempore manna illud, quod hoc manna præsignificabat, non antea de cælo venit quam Aegyptia farina defecisset, idemque venire desiit, simul ac deserto egressi fruges terræ gustare cœperunt. Ex quo intelligi debet, hac diuina dulcedine alium neminem perfrui posse, nisi qui omnino, ac penitus sese à mundo mūdanicque reb⁹ abstraxerit. Itaq; hanc ob causam ait Gregorius, dulcem hunc cibū, qui de supernis accipitur. Manhu appellatum, quasi Quid est hoc? quoniam dū anima ab infima cogitatione suspenditur, ea quæ de supernis conspicit, tamquam insolita miratur. Sed videndum iam est, si ipsum desertum tantis affluit solatiis, quid existimandum sit futuram terram illam promissionis, quæ quasi termin⁹, & quasi merces hui⁹ viæ proposita est. Hic igitur multo verius, & plenius illa sunt, quæ carnalibus Iudeis proposita, eorum cupiditatem adeo incendebant, soli festilitas, aquarum, ac fontium iugis copia, hic frumētī hordei, ac vinearum abundantia, hic ficuum, & oliuetorum, & omnium arborum omnia genera, hic denique illa lactis, & mellis vbertas; quæ à terrenis, crassisque figuris, quibus olim describebantur, ad spiritualem intelligentiā translata, satis indicant, quam hic omnia beata sint: etsi hæc experiendo magis, quam dicendo, aut legendo sentiuntur.

Itaque quoniā de religiosa vitæ tum vtilitate, tum verò de præstantia etiam, & dignitate dictū est superioribus libris, tertius hic liber iucunditati tribued⁹ est, ut nullū bonū, nullamue perfectionem, quod initio diximus, ei deesse appareat. Est autem eo magis de hac religionis dulcedine discerendum, quoniam hæc minus nota est, & minus etiā credita à secularibus hominibus; qui dignitatē sane spirituali vitæ facile cōcedant, multoq; facili⁹ vtilitatē: at vero quod ad delectationem attinet, non modo negent, sed etiā asperant, multisq; difficultatibus eam refertam putant. Quī iam error convincendus est, idq; probandū, quanta in hoc statu insit iucunditas, & quanto etiā maior, quam in ipso seculo. Itaque Chrysostomus, cū alias sæpe multa religiosa vitæ cōmoda cōmemorat, tum verò homilia quadam in Mathæum, eius etiā suauitatem tā magnam, ut eam longe præferat seculari vitæ, imo verò iis ipsis secularis vitæ gaudiis, quæ omniū prima, ac præcipua existimātur, ut quæ ex theatris spectaculis, vel etiam quæ ex turpiori intemperantia capiuntur;

piuntur: inter quas vitas, ac delectationes tantum ait esse discrimen, quantum est inter angelos modulate canentes, & porcos in suo cerno incondite grunnientes. Et quoniam terribilissimus ille Pharaon, quem supra descripsimus, quos à seculi seruitute ad religionis desertum profugere vider, eos tum per seipsum, tum per suos iisdem tamen telis instructos, insequi numquàm desistit, hos quoque exarremus, quantum possumus, iisque tela eripiamur: id est subdolas rationes, & fallacia argumenta, quæ ad hominum mentes subuertendas adhibere solent, infringamus. Sic enim hostibus istis in mare rubrum denuo demersis, omnes animæ iustæ, vel quæ discessum ex Aegypto parant, vel quæ iam discessere, jamque in desertum, & in hanc felicem terram peruenere, securius, & tranquillius eius dulcedine perfruentur.

Delectationes animi multo esse maiores quam corporis.

C A P V T I.

QUO D superiore libro fecimus, ut ad religiosi status dignitatem constituendam, videremus prius quæ esset vera dignitas, & in quibus ea rebus consisteret, hoc idem fundamentum in hac etiam, quam nunc aggredimur, incunditate, ponendum putamus. Sunt enim multi, ac nescio an plerique hominum, qui eas tantum delectationes norunt, quæ gustatu, quæ tactu, quæue aliis sensibus percipiuntur: quare vel nullas alias reperiri putant, vel has certe esse præcipuas, & maximas. Quod quidem iudicium pecudum potius esse videtur, quam hominum. Sic enim hi loquuntur, & sic sentiunt, quasi solum corpus haberent. Nam si ratione, ac mente se præditos esse meminissent, sine dubio intelligerent, huic quoque parti, præsertim tanto præstantiori, suas actiones, suasque delectationes tribuendas esse. Non ita Aristoteles, quàmquam ethnicus, & à fidei lumine tam alienus, à quo est illud sapienter scriptum septimo libro ethicorum, omnes homines naturæ instinctu delectationem querere, quoniam omnibus rebus diuinum quiddam impertitum est, quo inclinantur in optimum. Sed tamen quia corporis delectationes magis notæ sunt, atque omnes ferme illuc trahimur, ideo has solas, quasi hereditario iure, delectationis nomen occupasse, multosque esse, quibus ita persuasum sit, nihil aliud esse, quod delectet. Atque idem etiam Aristoteles libro decimo *Eth.* 10. *Eth.* 3.5.6. ita scribit, delectationes turpes, ac foedas, non esse vere, & absolute

1.2.9.31.
art.4.

absolute delectationes; quoniam non tales videtur, nisi iis, qui male sunt affecti: iudicium autem veræ delectationis sumendum esse ex delectatione hominis boni, ac virtute præditi quippe qui regula sit omnium actionum, & delectationum humanarum, & illæ tantum veræ sint delectationes, quibus ille delectetur: quod autem alia aliis iucunda videantur, id euenire ex corruptela, eaque non esse absolute, & omnino iucunda, sed iis tantum, qui sic affecti sint. Nā vt pueri, quæ ipsi amant, & quibus capiuntur, præstantissima putant, quæ eadem tamen à viris nihili æstimentur, sic alia placere bonis, alia improbis, qui autem sinceræ, ac liberalis voluptatis gustum nō habent, eos ad corporis voluptates confugere. Hæc omnia Aristoteles: ex cuius etiam principiis illa vberius à S. Thoma in hæc eadē sententiā disputantur, ad delectationem tria omnino requiri, primū aliquod bonū, quod coniungatur, deinde id cui coniungitur, tertio ipsam coniunctionem; quæ omnia, quo maiora sint, & perfectiora, eo maiorem consequi delectationem. At bonum quidem spirituale maius esse, quam bonum corporis, idemque homini magis carum, & dilectum: quod ex eo apparet, quia nemo sit, qui nō oculorū lumine carere malit, quā lumine mentis, vt carerent bellæ, vel amentes. Præterea vim cognoscendi acriorem esse in menti & multo nobiliores, quam sensui; de quo dubitari non potest. Quod verò ad coniunctionem pertinet, hanc quoque esse tum interiorē tum perfectiorem, tum etiā firmiorem. Interiorē quidem quia sensus hæret in externis accidentibus, vt in sapore, aut colore, aut reliquis; ratio, peruadit, ac penetrat essentiā ipsam: perfectiorem autem, quia nō potest sensus cōiungi cū re obiecta, sine motu quodā, qui est actus imperfectior; ex quo fit, vt huiusmodi delectationes nō possint totæ simul existere, cum necessaria ita fluāt, vt parte vna labēte, altera pars superueniat. At mentis delectationes omnis motionis expertes sunt, suntque totæ simul, vt res ipsæ omnes, quæ cogitando intelliguntur. Denique quod firmior sit, ex eo fieri, quoniam quæ corpus permulcent, sunt omnia corruptioni obnoxia, citoque deficiunt, vt cibi, vñ reliqua; bona autem spiritalia semper manent, neque vnquā vel ysu, vel vetustate deteruntur. Vnde igitur ex S. Thomæ auctoritate reliqua nostra manet oratio, hoc primū deteriores sunt voluptates omnes, quæ corpore sentiuntur quod, cū ex re creata percipiātur, omnem casū conditionem subire necesse est, quæ in ipsis rebus creatis

creatis insit, inter quas illa maxime incommoda est, quod perpetuo quodam cursu abeunt, ac defluunt, & ad finē tendunt, quin etiam cum earum vsura, ac fructus cum tēpore coniunctus sit, ipsarum quoq; dulcedo eiusdem temporis mensura concluditur, vt pars partem sequatur, & singulis temporis pūctis singula delectationis puncta respondeāt, denique ita sint fugitiuæ, & volaticæ, vt est ipsum tempus, quo nihil velocius. Atq; hoc illud est, quod Augustin⁹ quo- *Ser. 25. de*
dam loco egregie differit. Vbi sunt, inquit, deliciæ vestræ, *ver. Ap.*
propter quas ambulatis vias prauas? Nō dicimus vbi erūt, cum hæc vita transierit, sed modo vbi sunt? Cum hesternū diē hodiernus dies abstulerit, & hodiernum crastin⁹ ablaturus sit, quid eorum, quæ diligitis, non transcurrit, & trāsuolat? Quid non fugit pene antequam capiat, cum ex ipso hodierno die nulla possit vel hora retineri? Ita enim secunda excluditur à tertia, sicut prima exclusa est à secunda; ipsius horē vnus, quē præsēs videtur, nihil præsens est: omnes enim partes eius, & omnia momenta fugitiua sunt. Sic Augustinus. Huic etiam accedit, quod materia ipsa taliū delectationū humilis sane est. quid enim generosum, aut quid homine dignum habent epulæ exquisitæ, ciborum condimēta; & reliqua huius generis, omnia plane infima, & terrena? Ergo ipsam etiam iucunditatem, quæ ex his nascitur, necesse est *Ser. 4.*
nihilō esse nobiliorem: de quo recte Bernardus. Cō- *vig. Na*
solatio, inquit, mundi vilis, & ad nihilum utilis, & quod ma- *riuut.*
gis metuendum est, verē & salubris consolationis impedimentum. Accedit quod istæ voluptates aliquam ferme fœditatem admixtam habent, alię quidem maximam, alię minorem, sed aliquam tamen: quod ex eo apparet, quod etiam in rebus necessariis, qui moderatiores sunt, occultāt, ac dissimulant appetitum volūptatis; quo indicio natura ipsa demonstrat, esse eā indignā hominis præstantia: quod cōtra euenit in solatiis animi, quæ eū potius puriorē, viuidio remque reddunt; vt verum sit illud Augustini, Fœlix anima, quæ huiusmodi delectationibus delectatur, vbi turpitudine nulla inquinatur, & veritatis serenitate purgatur. *Ser. 5. de*
verb.

Quin etiam, si interiorem naturam, ac vim harum delectationū inspiciamus, intelligemus nihil eas per se cōtinere optabile, ac iucundum, nisi quod vt fomentum quoddā, aut medicamentū applicantur ad oppositos dolores leniendos. Quod etiam recte ab Aristotele dictū est, qui philosophiā ait mirabiles habere delectationes & firmitate, & pu- *10. Eth. 6.*
7.

dispensare sine tribulatione eadem temporalia non valēt, ea cura punguntur miseri, qua premuntur. Manēt sub sentibus, & hoc ipsum delicias æstimant, quia & dura quidem ex præsentis vitæ amore tolerant, & tamen affectu nimie cupiditatis obligari, laborem eiusdem tolerantie voluptatem putāt. Plura alia Gregorius de eodem argumento disserit, inter quæ illud optimū, quod eiusmodi homines veteribus Hebræis per similes esse ait qui Aegyptias ollas, pepones, porros, & cepas suspirabant. Quid enim, inquit, signatur per ollas carniū, nisi carnalia vite opera in tribulationū dolorib⁹, quasi ignibus excoquenda? Quid per pepones, nisi terrenæ dulcedines? Quid per porros, & cepas exprimitur, quæ plerumq; qui comedunt, lacrymas emittūt, nisi difficultas vitæ præsentis, quæ à dilectoribus suis & nō sine luctu agitur, & tamen cum lacrymis amatur? Manna igitur deserētes, cum peponibus, ac carnib⁹, porros, cepasq; quæsierūt, quia videlicet peruersę mentes dulcia per gratiā quietis dona despiciunt, & pro carnalibus voluptatibus laboriosa huius vitæ itinera etiā lacrymis plena concupiscūt, contemnunt habere vbi spiritualiter gaudeant, desiderāter appetūt vbi & carnaliter gemāt. Horū itaq; recordiā veridica voce Iob reprehēdat: quia nimirū peruerso iudicio perturbata trāquillis, dura lenib⁹, aspera mitib⁹ trāsitoria æternis, suspecta securis anteponūt. Hacten⁹ Gregorius, nō minus in hoc, vt quidē solet in omnib⁹, ver⁹, quā disertus. His omnibus potest alia quoq; adiungi ratio, quæ est apud Bernardū. Etenī si anima corporis, cui iūcta est, voluptates sentit, quāto magis suas ipsi⁹ sentiet, quæ eā poti⁹, & veri⁹ at-

Ser. Ecce nos re-
liq.

ratio aduersus carnē suā, qua vt iumento vehitur. Ex quo ita cōcludit: Noli ergo errare, noli seduci, vt nō magis spiritualibus spiritum credas, quā in corporalibus oblectari. Maxime autem in hanc partē illud quoque valet, quod res omnes eo cuiq; suauiores, iucūdioresq; sunt, quo illius naturę aptius cōgruant. Sic enim videmus alios cibos hominib⁹, alios belluis esse gratiores, atq; inter ipsas belluas, alias carnib⁹, alias granis, alias herbis libētius vesci: omnibus tamen id maxime dulce esse, quod cuiusq; naturæ maxime cōuenit. Videam⁹ igitur quæ sit hominis natura, ne per rationis compos; nā licet eius etiam vitæ particeps sit, quæ sensu, & motu, & nutritione cōtinetur, hæc tamē in illo in-

fima sunt, nec ei propria, sed cōmunia cum brutis : propria autem est ea, quā dixi, intelligentia, & ratio, quę videlicet hominis naturā ita constituit, ac perficit, vt sine ea homo non sit, sed brutū. Ergo illud sequitur, vt eę delectationes, quę cum ratione cōiunctę, & in ipsa ratione insitę sunt, humanę naturę propiores sint, & ob eam causam etiam gratiores, præsertim si hoc addam⁹, quod iure addi debet, cum in homine multe sint facultates, tanto quamque maiorem vim habere, plusq; posse, quanto sit superior, ac nobilior, quare cum mens tam longo interuallo nobilior sit, quam sensus, hęc quoque oportet sua perfectius munera exequi, quam sensum sua, atq; vt in reliquis, ita ad delectationes quoque percipiendas multo esse aptiorem. Denique in harum delectationū comparatione magnopere attendendū est, quod egregie scriptum est à Gregorio, hoc distate inter delicias corporis, & cordis, quod corporales, inquit, delicię cum non habentur, graue in se desiderium accendunt, cū vero auide eduntur, comedentē protinus in fastidium per facietatem verrunt. At contra spirituales delicię, cum nō habentur, in fastidio sunt, cū vero habentur, in desiderio, tantoque à comedente amplius esuriuntur, quanto & ab esuriēte amplius comeduntur. In illis appetitus placet, experiētia displicet. In istis appetitus vilis est, & experiētia magis placet. In illis appetitus saturitatē, saturitas fastidium generat. In istis autē appetitus saturitatē, saturitas appetitum parit. Augent enim spirituales delicię desiderium in mente, dum satiant, quia quanto magis earum sapor percipitur, eo amplius cognoscitur quod auidius ametur: & idcirco non habitę amari non possunt, quia earū sapor ignoratur. Non poterat expressius ostendi quātum sit interual- lum inter earum suauitates, ac mentis, quam eo quod Gregorius dicit, illas quidem periclitatas nauseā mouere, has vero, quo abundantius hauriantur, eo magis cupiditatem accendere. Nā vt vinum bonū à deteriori nulla re melius discernitur, quā gustū, isque demum est certissimus index, ita solidū gaudium à falso, & mendaci tunc optime diiudicatur, cum vtroque tentatō, & explorato, in altero quidem omnia vacua, & inania, in altero ita omnia vera, & certa inueniuntur, vt etiā opinionem superent, nosq; semper magis oblectēt. Satis igitur & rationibus, & sanctorū Patrum testimoniis hoc probatū est, in genere voluptatum primū, ac præcipuam locum animi voluptatibus tribuendū esse. Sed

tamen

Hom.
36. in
Euang.

tamen quia apud plerisque nescio quo modo sanctorum Patrum auctoritas suspecta esse solet, quasi altius prouecti, & maiora loquuti sunt, quam communis ferat infirmitas, libet etiā præter illa, quæ ex Aristotele supra attulimus, locum hunc cōcludere luculēta Platonis ratiocinatione, hoc ipsum quod hic agimus, confirmantis. Vt enim, inquit, *Dial. 9. de Rep.* mes, ac sitis vacuitates sunt quædam corporis, sic ignorantia, & imprudentia vacuitates sunt animi: utque corpus impletur, dum alimenta capit, ita animus, dum cognitionem, ac scientiam. Quæ autem repletio verior? nonne ea, quæ fit per res illas, quæ magis sunt, veriusque sunt? Quænam igitur purioris sunt substantiæ, cibus ne, & potus, obsonium, & quodcumque alimentorum genus, an veræ opinionis species, & scientiæ, & in summa virtutes vniuersæ? Certe illud verius existere dicendum est, quod semper inheret rei immortalī, & immutabili, & quod ipsum quoque immortale est, atque immutabile, qualis est rei cuiusque essentia, & consequenter eius scientia, quam quod inhæret rei mutabili, & ipsum mutabile est; quo in genere sūt ea omnia, quæ ad corporis curam pertinent. Igitur si repleti rebus naturæ consentaneis, iucundum est, illud utique quod verius impletur, & verioribus rebus, voluptate afficietur & veriori, & magis naturali. Et hic est animus. Homines igitur virtutis expertes, epulisque, ac similibus rebus dediti, numquā verā, ac puram voluptatem degustant, sed veluti pecora in terrā proni spectant, ventrique obediētes, ætatem consumunt, proque iis potiendis calcibus inter se, & cornibus, vnguibusque decertant. Itaque necesse est, homines istos eiusmodi voluptates sequi, quæ multis doloribus mixtæ sint, quæque vnibræ sint, & simulacra voluptatis veræ, quo modo Stesichorus poëta Troianos ait veram ignorantes Helenam, de ipsius tantum imagine contendisse. Hæc Plato.

Veram animi delectationem non esse nisi in Deo.

CAPVT II.

CVM igitur hoc positum, ac stabilitū sit, verā hominis delectationē in solo animo cōsistere, nunc etiā videntum est, hæc ipsa animi delectatio in quo cōsistat. Atque hoc quidē facile, ac breue dictu est hominī præsertim Christiano, qui nouit, quique certissime persuasū habet, verū animæ cibū, verāque vitam, vnū esse Deum. Quāquā hoc quidem ita clarū, atque apertum est, ut etiā veteres illi ethnici,

10. *Et h.*
7. *6. 8.*

quicumq; paulo elegātius , doctiusq; philosophati sunt, nō aliud sentire potuerint; ē quibꝰ Aristoteles, cum multa de felicitate, in qua summa est delectatio, disseruisset, tū illud ad extremū concludit, sitam eam esse in cognitione, & contemplatione Dei, & mētium, vt ille ait, à corpore, & ab omni concrezione abstractarum. Hanc enim rationis humane functionē esse ex omnibus suauissimā, & iucundissimam, præterea sibi quoque ipsi sufficientē, neque externis indigentem rebus, quas contemplanti non modo non necessarias esse ait, sed etiā magno impedimento. Cum autē Deo, & mentibus illis separatis, aliqua actio tribuenda sit, (non enim stupidas esse putandū est, & inertes, semperque dormientes) hāc esse omnium actionum nobilissimā, & maximam, vt in perpetua contemplatione versentur: ex quo fit, vt quicūque hominum in terra eiusmodi vitam instituerint, ea censenda sit & perfectissima, & Deo simillima. Hæc igitur cū ab homine cæno, & euangelicæ veritatis experte tam bene dicta sint, quid à nobis dici, aut existimari par est? Augustinū igitur audiamus Christianū philosophum, qui multo hoc clarius, & expressius, vt in lumine, quam ille in caligine: Bonum, inquit, tuum quære, ò anima. Est enim bonum aliud alteri, & omnes creaturæ habēt quoddā bonum suum, bonū integritatis suæ, & perfectionis naturalis suæ. Interest quid cuique necessarium sit, vt perficiatur. Quære tuum bonum. Nemo bonus, nisi vnus Deus. Summum bonum, hoc est bonum tuum. Quid ergo deest, cui summum bonum, bonum est? Sunt & inferiora bona, quæ aliis, & aliis bona sunt. Pecori quid bonum est, nisi implere vētrem, carere indigentia, dormire, gestire, viuere, sanum esse, generare? Tale tu bonum quæris? Cohæres Christi quid gaudes? quia socius es pecorum? Erige spem tuam ad bonum bonorum omniū. Similitudinem pecudum iis exprobat Augustinus, qui bestiarū ritu nullum aliud bonum norunt, nullas delectationes, nisi ad sensum permanētes, quod eo turpius est eis, qui ita facti sunt, vt possint esse hæredes quidē Dei, cohæredes autem Christi, id est, qui Dei filij nominentur, & sint. Recte autē animæ bonum non epulas, non somnum, non etiam alia indigniora, sed Deum solum esse confirmat, quoniam, vt idem ait, id est cuique bonum, à quo perficitur, & fit melius: at illa non modo animum non perficiunt, sed deteriorem etiam faciunt: detrahunt enim illum à sublimibus, ad quæ factus est, & abiiciunt ad infima,

ma, quorū amore, & cōtactu sordescit. Atq; hoc etiam alia ratione demonstrari potest. Certū enim est, atq; necessariū cum ceterę res omnes creatę finem aliquē habeāt, multo magis hominē quoq; suum habere, ne tam prastās natura tāto bono careat, ex quo cetera ferme pendent oīa. Hic vero humanę naturę finis, quem omnes appetunt, neq; aliud est, quam beatitudo, nec beatitudo alia vlla est, quā Deus. Quod B. Thomas huiusmodi ratione confirmat, quia bonū illud, in quo sita sit beatitudo, necessario tale, ac tātum esse oportet, vt omnino appetitū inpleat, atq; ex omni penitus parte exsatiēt. Neq; enim vltimi finis vel ratio, vel nomen illi conueniret, si aliquid pręterea appetendū restaret. Cum igitur humanę voluntatis obiectū sit bonum vniuersale, obiectū autem rationis, atq; intelligētię sit vniuersale verum, hinc efficitur, nihil posse huic vtriq; tantę, tamque capaci facultati satisfacere, nisi ens vniuersale, quod idem est etiam bonū vniuersale; quod quidem in rebus creatis non est inuenire, quoniā habent omnes finitā, ac limitatā tum naturā, tum bonitatē. Restat igitur vt in solo Deo hominis felicitas collocata sit, in quo omnia sunt infinita. Quo etiā pertinet illa docta, & accurata Augustini disputatio in eo libro, quē scripsit de morib⁹ Ecclesię, vbi ita disserit, Omnib⁹ infixū, & innatum esse, vt velint beate viuere, ad beatitudinē autem tria requiri, vt id quo beatitudo quæritur, sit hominis optimū, deinde vt ametur, tertio vt etiā habeatur. Nā & qui appetit quod adipisci nō potest, cruciatur, & qui adeptus est quod appetendū non est, fallitur, & qui nō appetit quod adipiscendū esset, ægrotat. Addit deinde, hoc quod homini optimū sit, aliquid esse oportere, quod nō sit ipso homine deterius, aut min⁹, quia quisquis id sequatur, quod ipso deterius est, fieri ipsum quoq; deteriozem: sed id tātum, quod sit homine ipso melius, & excellentius, idque habere possit, & ita habere, vt nūquam inuitus amittat, qui enim de bono, quo fruitur, certus non est, ac securus, eū in amittendi perpetuo timore beatū esse nō posse. Quare hoc nihil aliud esse posse, quā virtutē, & Deum, cui virtute coniungimur, quē nos si sequimur, bene, si assequimur, nō tantum bene, sed etiam beate viuere. Hęc Augustin⁹, quę omnino vera, ac poti⁹ necessaria sunt. Ea enim est natura finis, vt quicquid finē habet, nec cōquiescere possit, nisi eo adepto, nec eo adepto nō possit non cōquiescere; insuper etiā, quo propius ad eū quibusdā quasi passibus accedat, eo ma-

*1. 2. q. 2.
ar. 8.*

Cap. 2.

gis quiescat, & gaudeat; quo vero lōgius recedat, turbetur, ac peius habeat. Sic igitur et si perfectū gaudium tum futurum est, cum reuelata facie videbimus Deum, sicuti est, tamen quā hoc verum est, tam necessario illud quoq; sequitur, vt in hac etiam vita, quo magis ei propinquamus, quo diutius cum eo versamur, quo clarius eum cognoscimus, eo maiora gaudia in animo gignantur, quæ eiusdem sint generis, atque naturæ cum illis cœlestibus, quamquam eo differunt, quod illa minora, hæc maiora sunt.

Verū quid multis opus est in re tam euidenti? Quantum enim distat Dei natura à natura cuiuslibet rei creatæ, tantum inter vtriusq; iucunditatem interessere oportet. Quid autē sunt epulæ, quid horti, quid reliqua eiusmodi ad oblectationē facta, si cum Deo comparentur? Vtrum enim melius, Deus qui est ipsum bonū, an caro vituli, aut quoduis obsonium? Quod si tāta est distātia, vt etiam pudeat huius comparationis, illud quoq; consequēs est, vt maior existat ex illo suauitas, cum animi palato gustatur, quā horum, cū corporis. Iure ergo Bernardus, Re vera, inquit, illud verū, & solum est gaudiū, quod non de creatura, sed de creatore pereipitur, & quod cū possederis, nemo tollet à te: cui comparata omnis aliūde iucunditas mœror est, omnis suauitas dolor est, omne dulce amarū, omne decorum fœdum, omne postremo quodcumq; aliud delectare possit, molestum. Accedit postremo ad hæc omnia illud, quod quia in hoc genere maximū est, breuissime quidem, sed quā planissime dicendū est. Nihil enim est in rebus creatis, quod vere sit, nullus gradus bonitatis, nullus pulchritudinis, qui non idē multo abūdantius, & perfectius insit in Deo. Primum, quia illa natura infinita est: si autem aliquid ei deesset, nō esset infinita. Deinde quoniā quicquid ista habent, habēt à Deo. nemo autem alteri dare potest quod ipse non habeat. Itaq; recte Bernardus, Miraris, inquit, in sole splendorē, in flore pulchritudinem, in pane saporem, in terra fœcunditatem? sed à Deo hæc vniuersa sunt, nec dubium quin multo amplius reseruauerit sibi, quā dederit creaturis. Hoc igitur cū ita sit, sequi necesse est, vt qui Deū teneat, simul etiam vniuersa teneat, eamque ipsam, ac multo maiorem ex illo delectationē percipiat, quā ex singulis rebus perciperet, si iis singulis frueretur. Vt enim qui aureū nummū possidet, ita pretiū possidet multorū argenteorū, ac si illos ipsos argenteos haberet, sed hoc cōmodius, quod illius molis, ac ponderis

Epist. 114

*Serm. 1.
em. san.*

deris molestia caret, quæ esset in argento: sic qui cum Deo coniunct⁹ est, succū, vt ita dicam, habet omnis boni, quod in tanta rerū huius mundi varietate dispersitū est, reiectis tantum, ac refecatis incommodis, quæ cuiusq; natura finita, & exilis, & corporea necessario continet. Itaq; hoc illud est, quod, vt accepimus, B. Franciscus adeo in ore habere solebat, Deus meus, & omnia; quod illi ita erat infixū, vt nihil pene aliud cogitaret, & in huius meditatione totas noctes pōnere soleret. De quo etiā egregie illa ab Augustino dicta *10. Conf.* sunt, quibus ita Deum alloquitur. Quid amo, cum te amo? *c. 6.* Non speciem corporis, nec decus temporis, nec cādorē lucis ecce istis amicum oculis, non dulces melodias suauium cantilenarū omnimodarū, non florum, & vnguentorum, & aromatum suauē olentiū, non manna, & mella, non membra acceptabilia carnis amplexibus. Non hæc amo, cū amo Deum meum: & tamen amo quandā lucem, & quandā vocem, & quendam odorem; & quendam cibum, & quendam amplexum, cum amo Deum meū, lucem, vocem, odorem, cibum, amplexū interioris hominis mei, vbi fulget animæ quod non capit locus, & vbi sonat, quod non rapit tēpus, & vbi olet, quod non spargit flatus, & vbi sapit, quod nō minuit edacitas, & vbi hēret, quod non diuellit satietas: Hoc est quod amo, cum Deum meum amo. Hactenus Augustinus. Quare cum omnibus his rationibus, quas ita strictim attigimus, certum sit omnis eius naturæ, quæ mente, atque intelligentia constet, summam iucunditatem esse ipsum Deum, facile iam est videre, quam iucundum esse oporteat religiosum statum, qui ad Deum fruēdum totus factus est, & ad eum fruendum tot vias, totque modos tam aptos habet. Sed hoc tamen planius fiet, si singula eius oblectamenta, quæ varia sunt, percūramus.

De prima iucunditate religionis, quia careat secularibus molestiis.

C A P V T III.

INter multas religiosę vitę suauitates, quas iam aggredimur, hæc quoq; primo loco numerāda est, quod omnibus molestiis, quę secularē statū molestissimū reddunt, nos omnino expedit. Quod beneficiū quanti æstimandū sit, etiā si nihil sit aliud, vel hinc intelligi potest, quod nō defuerunt veteres philosophi, iiq; nō obicuri, qui beatitudinē ipsam

in

in indolētia, siue in omnis doloris vacuitate reponerent; ex quo appareat hoc ipsum, carere malo, nō mediocre esse bonū. Sed tamē huius boni magnitudinē nemo satis estimare potest, cui nō perspecta sit illa infinita malorū, ac miseriarū sēges, quibus seculū scatet. Hę vero tantę, & tā multę sunt, & tam frequētes, vt facilius eas oculis spectare liceat, quā oratione describere, cum adeo omnia doloribus, calamitatibus, ærumnis redundant; vt in hoc etiā seculū Aegypto simillimum dicere possimus, vbi, quod in Exodo scriptū est,

Exo. 12. nulla domus erat, quę primogenito orbata, non luctuosis clamoribus personaret. Et si ergo vsu hęc poti⁹, & experientia cognosci possunt, hic tamē locus à multis sanctis eleganter, & copiose tractat⁹ est, atque in primis à Chrysostomo,

De virg. c. 57. qui vt virginitatis, quā laudabat, felicitatē ostenderet, tam multa de coniugij infelicitate congerit, vt ea legētes pene exhorreamus, ita enim disputationem hęc instituit, vt tum ante nuptias, tum in nuptiis ipsis, tum vero deinceps semper, nullū vnquā esse tempus ostendat, quod dolore, ac perturbatione vacet, ac non potius ingenti molestiarum concursu refertum sit: quib⁹ nullo modo comparādū sit, si quid aliquando interuenit latitię, cum illud ipsum quicquid est, & præsentium, & porro impendentium ærumnarum acerbitate extingatur. Similia plane sunt apud Nyssenum,

Lib. de virg. c. 3. qui item multus est in his malis describēdis, quę certe vel ipso auditu, vt ipse ait, tragię speciem repræsentant. Primū enim, vt anteriora taceantur, incredibiles omnino esse ipsius partus dolores, ac cruciatus, quibus miserę parentis vterus discerpitur, quorū sensus in virum quoq; redūdare necesse sit, si modo vllō humanitatis affectu tāgitur: deinde vt hęc abierint, periculumq; cum cruciatu cessarit, diuq; optatus fili⁹ in lucem editus sit, tamen plorādi potius auctā esse materiā, quam imminutam: incipere enim statim educādi sollicitudinem multo semper metu plenā, ne quid aduersi accidat, ne fortuiti casus (cuiusmodi casib⁹ tū omnis ætas, tum præsertim infantū proposita est) aut febrim, aut alium morbū afferant. Denique, inquit, varia, & multiplex est malorū copia, quę ex matrimonio existūt. Dolorē enim liberi afferunt, & nati, & non nati, & viui, & mortui. Hic liberorū multitudine gaudet, sed gemit, quia non habet unde alat. Ille contra, qui in diuitiis quęrendis multum laborauit, nūc hærede caret, cui eas relinquat. Itaq; vnus bona fortuna, alteri⁹ est calamitas, cum sibi vterq; illud euenire vclit,

velit, quo alterum cruciari videt. At huic mortuus est suauissimus puer, illi vero viuit filius perditus: verq; sane cōmiseratione dignus: vnus enim filij morte, alij vita dolet. Affect⁹ porro, & perturbationes, rixas, tum ex rebus veris, tum ex falsis suspicionib⁹ temere ortas, quis enumeret? Hæc fere Nyssen⁹, & multa alia, quæ eadem pene ad verbū copiosissime, & disertissime cōmemorantur item à Basilio in eo libro, quē inscripsit de vera virginitate: eadem etiam nec minori copia, atq; vbertate à Hieronymo in libris ad *Lib. 1.* uersus Iouinianum. Atque in hac miseriarum iliade illud etiā verum puto, quod est à Chrysostomo dictū, qui re ipsa *De virg.* expertus non sit, nō satis eas posse cogitatione cōplecti: *c. 57.* qui autem experti sint, solos nosse, quanto plus in iis, quas homines delicias putant, laboris sit, atque ærumnæ, quam deliciarum, ac voluptatis. Addamus etiā illud, quod est verissimum, hæc incommoda, vt alia omnia, necesse esse, vt multo minora videantur cogitando, aut legendo, quam deinde experiendo. Semper enim minus feriunt mala, dum ea adhuc quasi procul dissita, & præcipue dum quasi aliena animo tantum quisque cōplectitur, quam cum eadem iam præsentia ipsa re sentiuntur.

Hæ sunt igitur communes, ac generales secularis status ærūnæ, quas ne ea quidem vita euadere potest, quæ vulgo beata videri solet, vt pote otiosa, & remota à negotiis, & in sola re familiari, vel liberorū educatiōe occupata. Sed sunt alia vitæ negotiosa, turbulēta, laboriosa, vt militum inter assidua periculā, inter æst⁹, & frigora, deniq; inter incōmoda omniū generum: vt etiam mercatorum, qui omne tempus traduces cogitando, scribendo, numerādo nō multo leuius opus sustinere mihi videtur, quā agricolæ in versanda terra, nisi quod hi in sole, illi in vmbra. Sed illorū quidē multo maiores sollicitudines, curæ, anxietates, met⁹ incommodorū, ne nauis, quæ expectatur, in mari perierit, ne frumētī pretiū copiā minuat, ne aliquis aduersus casus, qui multi incurrere solēt, rem longo sudore congestā vna hora auferat. Quid vero dicam⁹ de honorū cupidis, qui libertatem suā aliis addicūt, & dominatus desiderio, eoque incerto, sūt ipsū certissima aliorū mancipia, quorū ex nutu pendent, ad quorū arbitrium se totos effingunt? Quos enim ab istis quoq; dies, quas noctes sustineri putemus? aut quæ flamma est, per quam non currant qui hæc ambiunt, qui tamen cum etiam adepti fuerint quæ volunt, maiori flamma torquentur.

Ep. 121. quentur, vt vere illa ab Augustino scripta sint. Diuitiæ, atq; fastigia dignitatū, ceteraq; eiusmodi, quibus se felices esse putant mortales, veræ illius felicitatis expertes, quid afferunt consolationis, cum sit eis non indigere, quā eminere præstantius, quæ plus excruciant adeptæ timore amissionis, quam cōcupitæ adeptionis ardore? Quæ quidem huius vitæ miseria elegāter mihi videtur à S. Paulino expressa, cum *ips. Au-* ille iuuenem Licentium Romanæ ambitioni seruientem *gust. 36.* ad Christi obsequium longiori carmine reuocans, hæc ei scribit inter alia,

Nunc te sollicitat varijs male suada figuris

Hæc validos etiam vertere Roma potens.

Quod autem de Romano illo seculo Paulinus dicit, vt etiam validos, id est, virtute robustos propositis inanibus caducarum rerum figuris sæpe peruertat, & à virtutis cursu auertat, idem de omnibus aliis mundi locis dici potest. Ille vero honorum deinde inanitatem, & pericula commemorat,

Scandere celsa iuuat, tremor est descendere celsis:

Si titubet, celsa peius ab arce cades.

Quis autem ita fortis est, vt numquam titubet, præsertim in tam lubrico locō: Itaque denunciat illi futuram aliquando pœnitentiā, quam rerum istarum experientia afferre solet.

Seruis, & incassum spes accusabis inanes,

Et modo qua nectis, rumpe vincula voles.

Sæpe enim ita euenit, vt in eos laqueos nos induamus, vt etiam si velimus, eos abrumperè nequeamus, nisi id mature fiat. Itaque descripta copiose talis vitæ miseria, inuitat eum ad Christi seruitutem multo leuiorem, ac feliciorem.

Quid retrahis fera colla iugum? mea sarcina lenis,

Suaue iugum Christi: vox pia, crede Deo.

Hæc bona libertas, Christo seruire, & in ipso

Omnibus esse super, non dominis hominum

Non vitijs seruit, non regibus ille superbis

Tantum qui Christo se dedit domino.

In qua comparatione pergit ille pluribus, & eorū libertatem qui Deo seruiunt ostendere, & eorum seruitutem, qui vt ipse ait, *aulas, & palatia magna frequentant,*

Et quisquis Romam, sponte miser, patitur.

Seite omnino, quod nouo more non Romæ viuere, sed Romam

Romam pati dixit, quasi rem grauem, & laboriosam. Illud autem optimum, quod eiusmodi homines sponte miseros appellat, quod nihil aliud est, quam bis miseros esse. Nam cum quis inuitus malum aliquod perfert, sed tamen adhuc iudicio sanus est, id ipsum est maximum solatium, nec solatium modo, sed sæpe etiam eius mali remedium: qui vero ipsa mala, in quibus est, amat, non solum in mentis errore versatur, quod per se est miserrimum, verum ne effugium quidem quærit, estque eius desperata curatio. His igitur omnibus malis, his angoribus, his omnibus miseriis tam multis, tam magnis, quæque ita hominum pectora lacerant, & fodicant, expers est religiosa vita. Id autem quantopere æstimandum sit, satis intelligi potest exemplo corporis. Ut enim corpus etiam si nulla peculiari mulceatur voluptate, tamen hæc ipsa magna putatur voluptas, si recte valeat, si nulla iacteretur febris, nulla humorum inæqualitate perturbetur; quod quidem quanti sit, indicat contrarium, si forte vel laterum, vel pedum, vel alterius membri doloribus crucietur: quod ergo est in corpore ista generalis, & perfecta sanitas, idem est in animo hæc ægritudinum, ac molestiarum secularium vacuitas, ut per se ipsam dulcis, & iucunda videri debeat. Itaque si sanitas illa corporis ita hominibus cara esse solet, ut eam & longo tempore, & magnis impensis quærant, sintque qui eius rei gratia, ut mulier illa in Euangelio, omnem suam substantiam erogarint, & præterea ferrum, & ignem patiantur, seque secari, & vri sustineat, an non simillime, ac multo etiam magis hæc religiosi status tranquillitas omni studio, ac contentione expetenda esset, eiusque adipiscendæ causa omnia vel eroganda, vel toleranda? Recte enim Chrysostomus in eo libro, quem scripsit in monasticæ vitæ defensionem *Libr. 2.* *cont. vi-* inquit, leuius est, atque tranquillius, tantisne, & tantarum *tu, vita* rerum curis implicari, earumque custodiæ, ac seruituti obnoxios fieri, & in quotidiano metu, ac sollicitudine viuere, ne res familiaris distrahatur, ac pereat, an vero his omnibus curis, atque vinculis expediri, liberumque esse? Nam etsi quis non plus eo, quod habet, desideret, nec pro augendis diuitiarum sarcinis laboret, ut interim hoc concedamus, nonne multo præstantius est, iam impositas sarcinas abiicere, quam ab ijs ipsis opprimi? Denique si, ut ante diximus, maximum bonum est, paucis, minimisque esse contentum, certe maioris felicitatis erit, necessitate omni superiorem euadere. *Hom. 16.* *ad pop.* Similia sunt quæ idem Chrysostomus homilia quadam dis-

ferit, vbi monachorum vitam, quæ grauis putatur, & onerosa, multo dulciorem, atque optabiliorem esse (eius enim omnia hæc sunt verba) confirmat omni illa vita, quæ facilis, ac mollis videtur. Cuius rei testes citat ipsosmet seculares, ad quos illa loquebatur, quos ait, cum se ærumnis, & angoribus circumseptos vident, solere eos appellare beatos, qui coniugij expertes in cœnobiis cum tanta tranquillitate viuunt, quia non secularem tristitiam, non dolorem, non curas illas, non pericula, non intidias, non inuidiam, non zelotypiam, non absurdos amores, non aliud quidquam eiulmodi patiuntur. Hæc ille.

Intelligendum est autem in hoc bono, quod tractamus, duo maxima bona inesse. Primum vt tam graui onere, atque, vt eam Chrysostomus vocat, sarcina seculari alleuemur, deinde vt alleuati, & quodammodo soluti, libertate quadam potiamur, quæ quidem libertas incredibili plena est voluptate. quod quoniam vnus Dei manu, atque potentia effici potest, iure Dominus de hoc suo opere glorians apud

Iob. 23. B. Iob, illum se solum esse profitetur, qui onagri vincula soluerit, eumque liberum dimiserit, ei que in solitudine domum dederit. Sic enim hunc locum de religiosis egregie, vt solet, exponit Gregorius: Onager, inquit, qui in solitudine commoratur, non incongrue vitam eorum significat, qui remoti à turbis secularibus conuersantur. Qui apte etiam liber dicitur, quia magna est seruitus secularium negotiorum, quibus mens atteritur vehementer, quamuis in eis sponte desudet. Cuius seruitutis conditione carere, est in mundo nihil iam concupiscere. Quasi enim quodam iugo seruitutis premunt prospera, dum appetuntur, premunt aduersa, dum formidantur. At si quis semel à domina, hunc desideriorum temporalium colla mentis excusserit, quamquam iam hic in hac vita libertate perficitur, dum nullo desiderio felicitatis afficitur, nullo aduersitatis terrore coarctatur. Asperum quippe, & duræ seruitutis pondus est, subesse temporalibus, ambire terrena, retinere labentia, velle stare in non stantibus, appetere quidem transeuntia, sed cum transeuntibus nolle transire. Liber ergo dimittitur, qui calcatis desideriis, ab appetitione rerum temporalium securitate mentis exoneratur. Hactenus Gregorius. Quare vt concludamus, quemadmodum si quis compedibus, aut carcere liberetur, aut ex aquis, quibus iam penemersus esset, eripiat, etiamsi nihil ei amplius donetur, hoc ipsum pro ingenti beneficio

ficio accipit : ita qui ex seculo educitur, cum non ex vno malo, vnâve molestia, vt hi, sed ex plurimis, & grauissimis educatur, licet nullum aliud bonum in hoc statu esset, nōne hoc ipsum solum maximum esset, & maxime optandum? Hoc enim illud est; propter quod Spiritus sanctus, si Bernardo credimus, in Canticis religiosam vitam lectuli, & quidem floridi vocabulo descripsit, cum dixit, Lectulus noster floridus : quia vt nullus est locus, in quo suuuius homines requiescant, quam in lecto, ita in religione. In Ecclesia, inquit, lectum in quo quiescitur, claustra existimo esse, & monasteria, in quibus quiete à curis viuatur seculi, & solitudinibus vitæ. Atque is lectus floridus demonstratur, cum exemplis, & institutis patrum, tamquam quibusdam bene olentibus floribus, fiatrum conuersatio, & vita resulget. Sic Bernardus.

Cant. 1.

Ser. 46.

Cant.

De facilitate religiosa disciplina.

CAPVT IIII.

NON sufficit remouisse à religione difficultates, ac molestias omnes seculares. fieri enim posset, vt his carens, alias tamen haberet proprias, ac suas quæ eam grauem nihilominus, odiosamque redderent. Quare hoc quoque ostendendum, omnem eius disciplinam facilem, ac leuem esse, idque eo diligentius faciendum, quoniam nihil remotius pato à vulgi opinione, qui fere hæc instituta ita animo concipiunt, tamquam onera montibus grauiora. Primum igitur, vt à naturæ principis ordiamur, hoc ponendum est, nihil tam amicum, & conueniens esse hominis naturæ, quam virtutem. Virtus enim, si recte inspiciamus, nihil est aliud, quam ipsa ratio exulta, & perfecta. Cum ergo ratio ita naturalis sit homini, vt ipsemet sibi, quoniam sine eâ ne homo quidem sit, sequitur, vt perinde illi virtus etiam conueniat. Hoc idem etiam ostenditur ex ea inclinatione, ac propensione, quæ omnes sentiunt, animi lætitia in benefactis, & contra eiusdem animi contractio, & mœstitia in peccatis. Quod si ita est, vt tantus sit naturæ impetus ad virtutem, illud quoque sequi necesse est, vt virtutis functio sit ei & facilis, & certe etiam iucunda. id enim perpetuum est in omnibus rebus, vt quæq; res eo maxime gaudeat, quod eius naturæ est maxime aptum, vt aues volatu, pisces natatu, & omnia animantia suo alimento. Nam etsi hic, quem diximus, naturæ cursus ad virtutem multum debilitatus est plaga illa originali, ac deinde

1. Ethic.
e. ult. &
1. Polit.
cap. 2.

etiam propriorum peccatorum multitudine, tamen quia hæc impedimenta sunt tantummodo extrinsecus addita, ut nubes soli, aut cineres igni supposito, vivit semper intus illa vis, manetque semper pondus illud insitum in ratione ad veram honestatem, ut remotis illis impedimentis, eo sponte deferatur. Cum igitur hoc ita sit in ea animi parte, quæ est superior, videamus etiam inferiorem cuiusmodi sit. At hæc quoque, ut ait Aristoteles, ita nata, itaque facta est, ut alteri parti superiori, quæ est ipsa ratio, obediat, atque obtemperet: in quo quidem differte illam docet à ceteris facultatibus vitalibus, ut ea, quæ vel nutriendi, vel augendi causa est, quæ rationis imperio non subduntur, nec eius audiunt præcepta: at appetitus etiam suos quosdam habet motus in bonum delectabile, tamen & se, & illos motus mentis lumini subiicit; nam alioquin, inquit Aristoteles, & maiorum obiurgationes, & æqualium admonitiones, & deprecationes inferiorum frustra adhiberentur. Neque illud paruum est huius argumentum, quod naturale est rebus omnibus, ut sui similibus, sui generis rebus delectentur. Quare cum anima nostra sit plane spiritalis, consequens est, ut spiritualibus eam magis capi oporteat. Unde est illa Abbatis Isaac sanctissimi viri sententia apud Cassianum, animum nostrum lenissimæ plumæ comparantis. Ut enim pluma, nisi aqua aut humore aliquo crassiore superfusa fuerit, vel exiguo flatu in aërem à terra extolleretur, sic animus hominis, utpote spiritus, naturalem habet insitam levitatem, qua, nisi vitiis, curisque mundanis aggrauetur, ad superna facile efferatur, & humilia fastidians ad cœlestia euolet. Denique quid pluribus opus est argumentis, cum qui de hoc dubitet, divinam ab eo sapientiam quasi minus sapientem accusari necesse sit? Nam cum homines omnes ad hunc unum finem condiderit, ut rectis, honestisque operibus æternam sibi felicitatem acquirerent, id quoque sine dubio ad illam providentiam pertinuit, quæ omnia suauiter disponit, ut talem eis tribueret naturam, quæ etiam si sola, & per se non sufficeret, tamen non modo non repugnaret, hominemque à suo fine non abstraheret, sed eo potius impelleret, & quantum eius vires sese protendunt, etiam proueheret. Cur enim de hoc ambigamus, cum in reliquis naturis creatis hoc ipsum à Deo optimo artifice perfectum videamus. Nam & igni, ut supera semper appeteret, qui ei finis erat, levitatem inseruit, terræ contra, gravitatem, cuius centrum in medio mundi situm: idemque in reliquis omnibus

tum

Coll. 9.
cap. 4.

tum animatis, tum vitæ expertibus. Igitur quod in rebustan-
to interuallo minoribus, & quibus tanto ignobilior finis ef-
set, tamen à Deo seruari uni est, non idem efficeret in natura
omnium harum præstantissima, & ad præstantissimum finem
progenita? Hinc igitur profecta est illa S. Basilij oratio, quæ
licet de caritate sola, ad alias tamen virtutes nihilominus *Reg. fus.*
pertinet. Sic enim ille virtutem hanc confirmat esse homini *initio.*
facillimam, & maxime naturalem. Caritas, inquit, erga
Deum non in doctrinæ præceptis posita est. Neque enim aut
luce gaudere, aut vitam diligere, aut eos, à quibus geniti,
educatique sumus, caros habere, ab illo didicimus. Sic igitur,
& multo etiam magis, nulla est externa disciplina, quæ
nos doceat Deum amare, sed simul ac homo constitit, ita-
tim insita est ei naturalis quædam rationis vis, quæ in se cõ-
tinet initia cuiusdam necessitatis eum amandi. Probat hoc
deinde Basilius longa argumentatione, quoniam cum ad
omnia quæ Deus homini præcepit exequenda, naturales ipsi
dederit facultates, ne queri posset quod mandata Dei graui-
sint, multo magis necessariũ hoc fuisse in eo præcepto, quod
omnium est maximum, de Deo diligendo: itaque in ipso or-
tu nostro vim nos quandam nancisci, qua ad id impellamur.
Hæc, & multa alia Basilius, quæ si in solam, de qua ille loquitur,
caritatem conuenirent, tamen fatendum esset, magnũ
in natura principium inesse ad omne bonum, ob illud impe-
rium quod caritas habet in virtutes vniuersas: sed eadem cõ-
munia sunt cum omnibus virtutibus. Etenim valet in omni-
bus illa Basilij ratio, vt faciliior esset diuinorum præcepto-
rum obedientia, oportuisse etiam in natura principia quædã
gigni, quibus adiuta non resisteret, sed quali promptius cur-
reret, quo præceptum impellebat.

Atque hactenus quidem de ea facilitate, qua Deus natu-
ram ipsam præditam esse voluit. Sed hæc sine dubio, quan-
tacumque sunt, nihil sunt, si cum diuinæ gratiæ vi conferatur.
Nam in natura quicquid est, nihil aliud est, quam vt diximus
initium, aut semen quoddam, quod tamen per se nihil possit.
Gratia autẽ veram formam affert, ex qua elici possint actio-
nes; eaque, vt breuiter dicamus, alium hominem in homine
creat, & quidem, vt ait Apostolus, cœlestem, ac diuinum ea *1. Cor. 15.*
nobis dat cor nouum, & in visceribus nostris spiritum rectum
innouat. Cuius gratiæ vis recte mihi videtur à Machario de-
scripta in homilia quadam, vbi ait, dominum nostrum Iesum
Christum de cœlo venisse, vt naturam nostram conuerteret, *Ho. 44.*

transmutaret, renouaret, & hanc animam, quæ propter peccata, prauis esset affectionibus inuoluta, reformaret, contemperans eam cum suo spiritu diuino. Venit itaque, inquit, vt nouam mentem, nouam animam, nouos oculos, nouas manus, nouam linguam spiritualem, & vt semel dicam, nouos homines eos, qui in se crederent, efficeret. *Qui* enim materiam quinque panum adauxit, ac multiplicauit, & asini naturæ prorsus mutæ sermonem dedit, & ignis naturam vrentem quasi ventum roris flantem reddidit, qui leonum feritatem in Danielis gratiam mansuefecit, is etiam potest animum desertum, & à peccato agrestem effectum in suam bonitatem, & pacem conuertere, bonoque spiritu implere. Verum ad communem hanc gratiam, de qua tam multa hic Macharius, accedit etiam illa propria, & peculiaris gratia religiosæ vocationis, quæ quamcumque subierit animam, eam ita informat, nouisque auger viribus, vt facile, ac nullo propemodum negotio possit quæ nec alij possunt, qui ea gratia carent, nec ipsa prius eadem anima poterat. Vt enim animal si rationem non habeat, nullum ei omnino rationis op^{us} efficere licebit, non consequentia cernere, non iudicare, non consilium dare, aut futura providere; homini vero, cum ratione præditus sit, tam procliuè id est, quam vti manibus, aut pedibus: sic qui nondum à Deo vocationem hanc, & spiritum hunc consequutus est, in quo & paupertas, & obedientia, & aliæ multæ virtutes concluduntur, nihil ei grauius erit, quam nihi possidere, seque ipsum alterius voluntati subijcere: qui vero illam consequutus sit, etiam cum gaudio hæc faciet. Postremo vero loco ad hanc naturam, & ad hanc gratiam accedit vsus diuturna exercitatione contractus, ex quo gignitur in animo habitus ille, qui vere, ac merito quasi altera natura existimatur. Certe enim eandem habet efficaciam, idèque pondus, isque cum acquisitus, & stabilitus fuerit, virtutis officia tum agilia, tum etiam iucundiora reddit. Recte enim S. Leo, Hic, inquit, affectus, quo amor terrenus excluditur, bonorū operū cōsuetudine roboratur, quia necesse est, vt bonis actibus conscientia delectetur, & libenter faciat, quod fecisse se gaudeat. Dum igitur in religione, perpetua quædā vigeat virtutum omnium tractatio, atque exercitatio, consequens est etiam, vt eæ in dies magis, ac magis faciles efficiantur, ita vt cum studio, ac tempore adauctæ fuerint, simillime vt arbores excultæ, fructus vberimos ferant, non solū ad copiam, & vtilitatem, sed etiam ad suauitatem. Hic enim acquiritur

ser. 5.
de ieiun.
7. men.

ritur ille habitus, quem quodam loco Cassianus describit, cū animus (sic enim ait) transijt in ipsius virtutis affectum, idest *Col. 11.* iam ei assuevit, itaq; eam ama, vt nihil pretiosius ea iudicet *cap. 9.* sitque ei per se graue supplicium, vel virtutum pernicioſa transgressio, vel vitij virulenta contagio. Ad hunc igitur statum cū animus peruenerit, multo eum magis gaudere necesse est continentia, & sobrietate, quam alij gaudent incontinentia, & crapula, multoque ei dulciorem esse castitatis florem, quam impudico suarum voluptatum cœnum: denique maiori etiam lætitiâ perfundi, cū humiliatur, & cū pro Christi domini amore aliquid ei pati contingit, quam superbos omnes in hominum plausu, & gloria, & in ijs honoribus potiundis, quos acerrime cōcupiuerunt. His igitur causis, alijsque similib' illud efficitur, vt, quod initio diximus, disciplina hæc religiosa, nō modo nō aspera, & difficilis, sed etiā admodū suaui sit. Declarauit hoc aliquādo Reginaldus ex Dominicanorū familia, & ex ipsius B. Dominici socij inter primos, ac præcipuos. Hic enim cum in seculo diues, & opulentus esset, vitæque molli, ac delicatæ assuetus, postea laboriosum illud, & graue institutum suscepisset, qui eum prius cognouerant, sæpe cū admiratione quærebant ab eo, num magna afficeretur molestia; quibus ille & animo, & vultu alacri respondere solebat, Atqui scitote ita mihi hæc omnia iucunda & suaui videri, vt sæpe ex animo doluerim, quod nimis molli ter viuerem, & certe nullum me in hac vita meritum cōsequi arbitrarer. Hoc ergo, quod hic Reginaldus dixit, plures dicerēt, immo omnes probi religiosi dicerent, si idem interrogarentur, vt nos ipsi multos sæpe audiuius non solum hoc dicentes, sed etiā grauiter dolentes, quasi otiosam, & inertē vitam agerent, eam tamen ipsam, quæ secularibus ex suo sensu rem metientibus adeo seuera, & grauis videri solet.

*De iucunditate vitæ religiosæ ex passionum
mortificatione.*

CAPVT V.

MAGNAM omnes in nobis ipsis, si nos bene introspicimus, affectuam turbam gerimus, quos quidem vtiliter admodum in natura Deus inseruit, vt tamquam boni, obediētesque famuli sic ad rationis imperia, ac nutus præsto essent, eique in rebus omnibus inseruirent. Ex quo intelligi debet, nihil deinde vel turpius, vel periculosius esse, quam cum eiusmodi appetitus rationis, obedientia abiecta)

camquam infrenes equi aurigam, à quo regi debuerant, ita hominem pertrahunt, aut impellunt quo volunt. Etenim cum hæc nostri pars, in qua vel cupiditas, vel irarum fomes exiit, eadem sit in nobis, quæ in belluis, manifeste constat, nihil in ea non modo sapientiæ, sed ne lucis quidem, atque intelligentiæ inesse posse. Quod si in humano corpore hoc fieri posset, ut ordine membrorum inuerso, moueret se quispiam capite in terram depresso, plantis autem suis sum erectis, primū quidem id fœditatis sequeretur, ut quicquid esset luti, vel sordium, in faciem eiusingereretur, præcipuam hominis partem: deinde hoc quoque, quod inoleabili labore, & dolore conficeretur, tantum immutata illa naturali membrorum colloca-tione. Quod igitur in hoc exteriori homine eueniret, si hoc fieri posset, id euenire necesse est in interiori, cum ita sit, ut ordo ille superioris, atq; inferioris partis perturbetur.

9. Eth. 4.

Quam sane miseriam, ac calamitatem recte descripsit Aristoteles ipse, qui ita ait, vitiosos homines ne secum quidē ipsos concordiam habere; agitari enim, ac distrahi eorum animos in cōtrarias partes, quasi intestina seditione, dum vna animi pars dolet iis, quibus caret, altera de ijs gaudet, quib' turpiter fruitur, ut quasi diuisus huc, illucque trahatur; & quamquā non possunt simul & dolere, & lætari, tamen dolere mox quia lætati sunt; ex quo fieri, ut talium hominum vita semper plena sit pœnitentia. Igitur cum tanta sit horum infelicitas, qui ita turbidis istis animi moribus, ut aculeis quibusdam, vel potius ut furiis aguntur, sic è contra, qui omni vacāt concitatione, & in quibus omnia pacata sunt, & tranquilla, in iis & placidissimam pacem, quæ omnē sensum exsuperat, & vitam omnino suauissimam effici necesse est. De qua re operæ certe pretium est videre: quid vnus ex veteribus philosophis, idemque elegantissimus, & disertissimus, quamquam ethnicus, scriptum reliquerit. Quid (inquit) illum, quem libidinibus inflammatum, & furemtem videmus, omnia rabide appetētem, cum inexplibili cupiditate, quoque affluentius voluptates vndique hauriat, eo grauius, ardentiusque sitientē, nonne recte miserrimum dixeris? Quid? elatus ille leuitate, inanique læticia exultans, & temere gestiens, nonne tāto miserior, quanto sibi videtur beator? Ergo ut hi miseri, sic contra illi beati, quos nulli merus terrent, nullæ egritudines exedunt, nullæ libidines incitant, nullæ fuitiles lætitiæ languidis liquefaciunt voluptatibus. Quod si quis est, qui vim fortunæ, qui omnia humana quæcūque accidere possint, tolerabilia ducat,

Cic. 5.
Tusc.

ducat, ex quo nec timor eum, nec angor attingat, idēque si nihil concupiscat, nulla efferatur animi inani voluptate, quid est, cur is beatus nō sit? Et si hæc virtute efficiūtur, quid est cur virtus ipsa per se non efficiat beatos? Hacten⁹ ille, de cuius hoc tam præclaro dicto idem mihi videtur dici posse, quod Augustinus, cum eiusdem sententiam quodā loco attulisset, adiunxit, Quid tibi videntur hæc verba? nonne ab ipsa veritate per quemlibet hominē dicta sint? Possumus ergo hic dicere quod Apostolus ait de quodam propheta Cretēsi, cum eius illi sententia placuisset, Testimonium hoc verū est. Similia sunt apud alterum philosophum ex eadem gētilitate, qui insuper hanc quoque affert rationem quod quemadmodum omnis eius delectationis, quæ corpore percipitur, fundamentum est ipsius corporis valetudo, & firmitas: quoniam si hæc perturbata fuerit, vel in optimis cibis nauseatur: sic ad animi voluptates fruendas, oportere, ut ipse prius animus valeat, id est, ut motus vacuitatem, & tranquillitatē teneat; quæ sanitas si deest, numquam ullam lætitiæ partē gustabit. Nam etiam si quid aliquando bonæ spei, aut delectationis arrideat, subito eam cura aliqua, ut sollicitudo erumpens confundet, ac perturbabit, sicut tranquillo cœlo navigantibus obiectus repēte scopulus. At vero si hæc adsit, quæ admodum morbo depulso, naturalique calore restituto, iudē qui antea delicatissimas epulas salti diebant, deinde cibatio quouis pane, & caseo, aliisque eiusmodi vulgaribus escis, auidē, iucundēque vescuntur, ita qui animum à noxiis affectibus perpurgarit, ei in summa inopia bene semper fore. Cōtentus (inquit) eris te ipso, si didiceris, quid bonum sit, atque honestum. Abundabis in paupertate, & rex eris, vitamque priuatā, & otiosam non minus gratam habebis, quam in imperijs, & magistratibus. Cum igitur tanta felicitas, & iucunditas, eo præsertim maxime expetenda, quia naturæ humanæ maxime conuenit, ex sedatis, sanatisque his turbulentis animi motibus consequatur, restat ut videamus quid ad eos sanandos religiosa disciplina conferat. Confert autem hoc primum, quod eorum causas præcidit. Nam ut medici noxios quosdam cibos interdicare solēt, qui prauos humores in corpore gignūt, sic religio ea omnia submouet, ex quibus eiusmodi concitationes oriuntur. Etenim, quod Gregorius ait, *Ho. 27.* omnem caritatis conscissionem ex terrenarum rerum cupidi *Euang.* tate nasci, dum quæ diligimus, alij nobis eripere conantur, id multo latius patet. Omnis enim animi perturbatio, quæ

fese foras iactet, atque impetu quodā in alios incurrat, nō aliud de originē habere potest, nisi ex amore alicuius rei terrenæ. In harum enim rerum tractatione incidunt iurgia, contentiones, dissidia, pericula, iactationes, ditiones, & alia eiusmodi, quæ animos humanos sollicitant, ac pene discerpunt.

Hom. 3. Quam ob causam egregie dictum est à Machario, filios, ut ipse appellat, seculi, similes esse frumento, quod quasi in cribrum terræ huius coniectum, volubilibus mundi cogitationibus concutitur, & assidua tempestate rerum, atque cupiditatum terrenarum iactetur. Ut enim triticum in cribro alliditur, agitur, assidueque versatur, sic principem nequitia diabolus homines omnes, quos terrenis occupationibus obligatos tenet, per eas ipsas occupationes perpetuo agitare, & commouere, neque illis horam vilam quietis permittere. Atque hic quidem ita de mundanis. De religiosis autem, quæ dicit Chrysostomus homilia quadam in Matthæū, ubi tantum ait esse interuallum inter iucundissimam (sunt enim hæc eius verba) monachorum vitam, & secularium voluptates, quantum inter portum tranquillissimum intet, & mare procellosum, ac fluctuosum: eius autem felicitatis illud esse fundamentum, quoniam fori, & platearum tumultus fugientes, ibi degunt, ubi nihil cum secularibus rebus commune est, ubi nihil humanarum rerum perturbat, non mœstitia, non dolor, non acerbior cura, non pericula, non liuor, non turpis amor, non aliud eiusmodi, sed ea tantum omnes, quæ futuri sunt regni, meditantur. Hoc igitur primum efficit in nobis religio ad hos animi æstus mitigandos.

Alterum est huic simile medicamentum, quo quidem totius etiam morbi radix funditus tollitur. Intelligendum enim est, omnem eiusmodi motum duplici tantum causa fieri in animis nostris, opinione boni, & opinione mali. Nam ut primum obiecta est sensui species aliqua boni, tum ex ea quasi applicatione naturæ ad rem sibi congruentem, exoritur in appetitu amor, ex amore, si nondum res teneatur, cupiditas, si teneatur, voluptas. Contra autem si res quæpiam mali, ac noxij speciem ostendet, primum omnium in appetitu existit odium, ex odio fuga, & recessus, aut si cuitari non possit, iamque præsens sit, tristitia. Similiter in illa altera parte, in qua est vis irascendi, binæ solent esse commotiones ex opinato bono, spes, & desperatio, binæ de malo impendenti, timor, & audacia, una de præsentis, nempe ira: hæc enim ita differt à tristitia, quod non succumbit ingruenti malo, sed re-

sed repugnat, ac resistit. Quare cum omnis hæc affectionum multitudo vnâ habeat originem, hanc quam diximus opinionem boni, vel mali, sequitur, vt qualis fuerit hæc opinio, ac iudicium tum de bono, tum de malo, tales etiam appetitiones, & animorum commotiones existant. Igitur hoc præcipuum est religionis, in eoque tota versatur, vt nos à terrenis, quæ falso appellâtur bona, ad spiritualia, quæ vera sunt, bona, traducat; quinimmo expoliet omnino, atque exuat illis omnibus, vt in vno horum studio, & inquisitione contineat: quod qui fecerit, is quasi vno falcis ictu omnes perturbatorum radices, fibrâsque præciderit. Quid enim cum perturbet? aut quid ille timeat? an ne merces naufragio pereant, aut grando vineas deuastet, aut ne filio impuberi aliquid mali eueniat? an verò ne principes offendat, vel hominum gratia excidat? at si se vltro his omnibus subduxit, itaque præuenit omnes istos casus, vt se aduersus eos inexpugnabilem reddiderit. Denique hoc est maximum discrimen inter res spirituales, & temporales, quod hæc, quia facile perdi possunt, suntque multis calibus expositæ, earum vel procuratio, vel defensio magnis semper curis, angoribusque plena est. Contra verò spiritualia vltro etiam à Deo offeruntur, nec vlla est potestas vel in terra, vel etiam in inferno, quæ ea nobis inuitis eripere valeat. Itaque qui hæc tractant, ij omnis omnino timoris expertes viuunt, illo timore excepto, quæ Prophetâ sanctum vocat, id est qui nos domino Deo, tantæ potestatis cognitione, subiicit; qui tamen timor non modo placatus est, & sedatus, sed etiam miro quodâ modo ipsam auget securitatem. Accedit ad hæc omnia & proprium cuiusque studium, & studium propositorum in extirpandis, atque eradicandis eiusmodi affectibus cum nihil ferme aliud feruentius in hac disciplina agatur, isque sit pulvis, id studium, in quo se quisque strenue exerceat. Accedit etiam ipsius virtutis amplitudo, ac dulcedo, accedunt spiritualia gaudia, & illa suauissima mentis ebrietas, quæ ex Dei cōsuetudine hauritur; quæ quidem, cum ex mente vt solet, in ipsum etiam appetitum, ac sensum redundarit, ita omnem eius famem nobilioribus his cibis replet, vt deinde communes, vulgaresque cibos vltro fastidiat. Postremo illud quoque adiuuamentum præstat religio ad has omnes commotiones comprimendas, quod est ex victus, cultusque temperantia, ac sobrietate. Vt enim multo cibo, ac potione completi, epulisque referti, tum mentis vires imminuunt, tum sensuum vires augent, sic contra per continentiam

psal. 18.

*Ser. de
abdi. re-
rum.*

tiam & pars illa nostri, quæ voluptate alitur, tamquam iumentum hordeo imminuto, minus ferox redditur ad calcitrandum, & pars altera, in qua mens, ac consilium inest, vegetior, robustiorque euadit De quo utroque illud egregium est apud Basilium: Quemadmodum (inquit) fons aquæ, si in plures riuulos dissectus sit, vicinas glebas, per quas funditur, viriditate conuestit, & cundâque facit, sic gulæ vitium, si per cordis venas se effuderit, atque inde per meâs, sensus omnes irrigarit, tum libidinum multarum syluam conseret, tum animam quoque ferarum habitaculum efficiet. Hæ sunt igitur rationes, ac viæ, quibus religiosæ animæ ad eum statum perducuntur, in quo omnibus turbulentis motibus sedatis, atque compressis, vna dominetur, quæ dominari debet, ratio, eaque ipsa, quoniam nulla vi tenetur, facile sese diuinæ subdat voluntati, itaque fiat, vt tamquam in bene constituta familia, nihil iam dissideat, nihil resiliat, aut discorde, sed omnia in officio sint, suumque munus prompte obeant. Itaque hoc quidem dubitandum non est, quin animus ita constitutus statum teneat felicissimum, ac iucundissimum, iamque in terra primitiis quibusdam fruatur illius cælestis status, vbi omnia ad summam perfectissimamque pacem rediguntur. Hanc ego crediderim illam pacem, ac sensionem, & illam requiem, internumque silentium, quod ab Esaia Propheta iustitiæ amplissimæ virtuti promittitur, cuius proprium munus est, vt suum cuique tribuat: id autem præcipue elucet in religione, quæ nos Deo, cuius, vt antea diximus, omnes sumus, restituit, perfecteque subiicit. Et erit (inquit) opus iustitiæ, pax, & cultus iustitiæ silentium, & securitas vsque in sempiternum. Et sedebit populus meus in pulchritudine pacis, & in tabernaculis fiduciæ, & in requie opulenta. Quid enim optabilius homini, quam requies, & ea quidem non iners, & vacua stultitia, cuiusmodi in plerisque mundanis otiosis esse solet, sed vt hic describitur, opulenta, & diues, & omnibus spiritualibus bonis affluens?

Esa. 32.

De iucunditate, quam religiosi capiunt ex oratione.

C A P V T VI.

Accedunt ad hæc solatia ea quoque solatia, quæ ex oratione, Deique meditatione capiuntur; quæ quidem meditatio, si verè cogitemus, magnam religiosæ vitæ partem occupat. Eius autem quanta sit dulcedo, & quam eius proprius locus sit religio, vtrumque coniunctim indicasse videtur

videtur Esaias his verbis. Filios (inquit) aduenæ, qui adhærēt Domino vt colant eum, & diligant nomen eius, & sint ei in seruos, omnem custodientem sabbatum, ne polluat illud, & tenentem fœdus meum, adducam eos in montem sanctum meum, & laticabo eos in monte orationis meæ holocausta eorum, & victimæ eorum placebunt mihi super altari meo, quia domus mea, domus orationis vocabitur cunctis populis. Hoc est amplissimum spiritus sancti promissum, cuius vel exterior ipsa species, non modo interior sensus, ita religioso cuique congruit, vt etiam vix expressiori interpretatione indigeat, ne, vt quodam loco in simili re ait Augustinus, prophetici eloquij obtundatur sapor. Quid autem mirum, cum prophetis futura Ecclesia ostenderetur, ostensam simul esse tãto ante religionis formam. Ecclesiæ pattem tam præstantem? His igitur primû aduenarum nomen egregie conuenit, qui scilicet nihil hic proprium possidentes, & tamquam peregrini vtuntur hoc mundo, quasi non vtantur, nec habent ciuitatem permanentem, sed futuram inquirunt. ij etiam adhærent Domino, cum quo valido, atque insolubili votorû nexu astricti sunt, suntque ei in seruos, tum re, tum etiam nomine, quoniam & in eius famulatu viuunt, & hoc nomine libenter gloriantur. Quin ijdem quoque crebra holocausta, id est se ipsos totos Domino offerunt, eiusque colunt sabbatum, nimirum otium, atque vacationem non inertem, & infructuosam, qualis sæpè est in seculo, sed sanctitatis, pietatisque plenissimam, in qua à terrenis operibus feriat, totos se Deo contemplando, & amando tradunt. Illa verò domus orationis, quam Deus suam vocat domum, cur non ipsa Religio dici possit, quæ & iuge studium orandi exigit, & simul commoditatem omnem tribuit id optime faciendi? Primum enim religio externas curas remouet, non modo maiores illas, vt agrorum culturam, vt mercaturam, vt reliquas negotiationes, sed etiam minores, vt administrationem rei familiaris, liberorum educationem, denique omnes alias. Hæc enim quasi venena sunt meditationis rerum diuinarum, tum ipsa occupatione, quæ tēpus subtrahit, tum multo magis affectibus, qui in eam tractationem incurrunt, iræ, timoris, tristitiæ, pro variis rerum euentibus; qui sane affectus partim animum perturbant, ac de statu suo dimouent, quod plane impedit contemplationē, partim ita absorbēt, vt eius omnes vires, & succum exsugant. Certa sunt enim, quæ in hoc genere apud Cassianum præcipit Isaac, vir magnus, ad bene orandum

18. Cini.
cap. 28.

Coll. 9.
cap. 3.

dum

dum omnino necessarium esse, vt sollicitudo rerum carnaliū (sic enim loquitur) generaliter abscondatur, deinde nullius negotij nō modo cura, sed ne memoria quidem admittatur, tum verò detractiones, vaniloquia, seu multiloquia amputanda, præ ceteris autem iræ, ac tristitiæ perturbationem: denique etiam concupiscentiæ carnalis, & avaritiæ noxium fomitem funditus ejciendum. Quæ si ita sunt, sine dubio necesse est, quam frequentia sunt in seculo eiusmodi incommoda, tam rarum esse orationis studium: contra verò in religione nihil pene negotij habere, quod illa iam impedimenta longe submota sunt ab ipso statu. Aduuat deinde maiorem in modum etiam continentia, & castitas; quod tum evidenti

1. *Cor. 7.* ratione apparet. tum ex Apostoli auctoritate, qui ideo virginitatem, & cœlibatum tantopere commendat, quod facultatem. vt ille ait, præbeat sine impedimento Dominum obsecrandi, credo ob eam causam præter alias, quod humanus animus, vt corporis voluptate ingrauescit, & ad infima deprimitur, sic continentia fit quodammodo leuior, vt quasi alis quibusdam ad Deum se efferat, ac puritati illi sua quoque puritate coniungatur. Aduuat etiam humilitas, quæ est in ipso statu paupere, & remoto ab omni humana gloria. Quod enim in Saluatoris vita legimus fecisse aliquādo, vt paruulos ad se adductos amanter amplexaretur, quin etiam discipu-

Mat. 19. los, qui prohibebant, obiurgaret, dicens, Sinite paruulos venire ad me, talium est enim regnum cœlorum: id videtur adhuc de cœlo seruare, vt cum talibus sit sermocinatio eius. Nam si hæc beneuolentiæ signa ijs impendebat, in quibus præter ætatis infirmitatem nihil aliud erat humile, quanto magis ijs, qui se sponte humiliauerunt, & ad paupertatem, infimumque locum ultro demiserunt? Igitur & ob has, & ob alias complures causas dubitari non potest, quin religio sit domus orationis, id est locus omnium aptissimus, & maxime idoneus ad mentem in oratione, ac cœlestium rerum meditatione perpetuo continendam. In quo opere vno omnium nobilissimo, & maximo, quantum deinde iucunditatis sentiatur, indicat idem Dominus illis verbis, Lætificabo eos in domo orationis meæ. Auctor se facit huius lætitiæ, & verè, quoniā & ab ipso, & de ipso est ab ipso, quia eam ipse in animum nostrū infundit, ipsius nos radij illuminant, ipsius sanctitas, & lux in corda nostra illabitur. Est autē de ipso, quoniā nulla res alia proponitur, ex quo id gaudiū gignatur, nec

Ser. 18.

Cant.

gigni potest tantum gaudiū, nisi ex Deo. Rectè ergo Bernardus,

dus, Orando, inquit, bibitur vinum lactificans cor. vinū spiri-
 tus, quod inebriat, & carnalium voluptatum infundit obli-
 uionem. & Augustinus: Dulciores sunt lacrymæ orantium, *In Psal.*
 quam gaudia theatrorum. De sancto autem Francisco hoc *127.*
 accepimus, cum ille religiosus magnopere solitus esset com-
 mendare lætitiā spiritualem, vt magnum præsidium ad-
 uersus Satanæ tentationes, adicere etiam solitum, hanc læ-
 titiam, tamquam ex fonte nasci ex puritate animæ, & acquiri
 bonis operibus, maxime verò oratione; & ideo in eius sinum,
 ac portum confugiendum esse, cum aliqua nos mæstitiæ
 tempestas iactet. Quod si hominum consuetudo, qui vel do-
 ctrina præstent, vel prudētia, ita delectare solet, vt totos dies
 cum eis iucundissime consumamus, quæ oportet esse collo-
 quia, quosve congressus, qui assidue habentur, modo cum
 angelis, quorum caritati, atque in nos prouidentia tantopere
 debemus, modo cum aliis sanctis, qui hanc corporis sarcinā
 aliquando ipsi etiam gestarunt, modo cum omnium horum
 Regina, qua post Deum nihil est in rerum vniuersitate pul-
 chrius, nihil ad cogitandum, & ad amandum dulcius? Quid
 autem de Deo ipso dicemus? Primum enim ipsa eius natura,
 quæ infinita bonitate, ac potentia, bonisq; omnibus con-
 stat, immensa quædam suppeditat spatia, quæ dum animus
 peregrinetur, nulla in extremitate consistens, abyssō quadam
 deliciarum immergatur. Deinde cum hic idem animus ad
 eius beneficia recolenda se conuertit, non solum quæ sola
 voluntate, ac propensione quadam largitatis contulit, sed in
 quibus conferendis adeo maiestas illa laborauit, cumque
 ipsius dolores, ac cruciatus, illud præsepium, illam pauper-
 tatem, verbera, spinas, crucem, secum attentius cogitat, eaq;
 omnia tamquam suas opes, suasque diuitias, ac thesauros
 infinitos contemplando tractat, cum verò quæ lætitiæ, quæ
 in eo gaudia oriuntur? Hic lacrymarum, hic suauissimi fletus
 copia, hic cordis exultatio, in ipsam quoque carnem sæpè
 erumpens, cum tot, & tanta diuini in se amoris monumenta
 colligit, quod ipsum per se iucundissimum esset: deinde ob
 ipsos etiam huius amoris fructus, defensionem, curam, gra-
 tiam in hac vita, certā verò spem æternæ vitæ. Quamquam
 vel præcisa omni vtilitatum nostrarum cogitatione ipse ta-
 men ad Deum accessus, qui fit orando, & colloquendo, mi-
 rum in modum oblectaret. Etenim vt qui igni propinquant,
 de eius calore incalescunt, & quicquid cum melle cōmisce-
 tur, eius dulcedine dulcescit, ita quicūque se cum Deo, iotius
 beatitudinis

beatitudinis fonte, coniungit, & quodam modo in eum mergit, quod sit meditatione, & precatione, eum oportet illius quoque beatitudinis aliquo modo participem esse. Cuius *Exo. 34.* exemplum exitit in Mose, qui ex consortio sermonis Dei, ut sacræ litteræ narrant, tantum splendorem animo conceperat, ut etiam ex ipsa fronte cornuum more emicaret. His igitur delitiis, & his epulis, quibus nullæ epulæ terrenæ comparari possunt, frui solent Dei famuli, eorumque animæ hoc quotidiano pastu saginari, ut nil mirum sit, si adipe isto, ac pinguedine spirituali repletæ tantas vires habeant ad opera tam præstantia tam facile obeunda. His fruebatur Antonius, quem, ut scribitur, sæpè ineunte nocte orare ingressum matutina lux in eodem vestigio oppressit, eum etiam querebatur, quod ea nimis propere aduenisset. His etiam Arsenius, de quo idem pene commemoratur, cum vespere se in preces dedisset occidenrem à tergo solem relinquens, sæpenumero immotum stetisse, donec lucescente iterum die faciæ sol afflaret. Sylvanum quoque accepimus ob longam precationem oculos comprimere solitum, ne videlicet, ut aiebat, rerum harū infirmarum deformitatem videret, qui à supernarū illarum tam admirabili spectaculo veniret. Quid Franciscus, qui modo ad vnius hominis, modo ad arborum, sæpè etiā ad nubium altitudinē ipso quoque corpore extollebatur? Quid deniq; alij innumerabiles, quorum ecstases, raptus, & lōgissimas orationes eiusmodi miraculis plenas legimus, quorum ne hac quidem nostra tempestate deest copia; multaque eiusmodi, si id ageretur, afferre possemus? Nos autem de grege, ut dicitur, atque ex communi vita, etsi ad hæc tam magna aspirare omnino non possumus, in ea tamen ipsa, quam Dominus concedit, mediocritate, tantum suauitatis experimur, ut hoc ipsum exiguum, quod gustamus, desiderabilius sit super aurum, & topatium, & dulcius super mel, & fauum.

De alijs multis spiritualibus religiosorum gaudijs.

CAPVT VII.

LAVRENTIUM Iustinianum, de cuius sanctitate, & sapientia sæpè iam nobis incidit mentio, hoc inter alia de religionis laude dicere solitum accepimus, consulto à Deo esse factum, ut eius iucunditatem absconderet, atque occultaret, quoniam si eam homines cognoscerent, futurum esset, ut mundus plane totus exhauriretur, ita se omnes tenere non possent, quin ad eam concurrerent.

Est autem

Est autem hoc tanti viri testimonium eo pluris faciendum, quod & hoc, quod testabatur, ipse expertus erat, eamque laudabat vitam, in qua ab ineunte ætate semper vixerat, & præterea tanta ingenij præstantia, & quod caput est, divinæ gratiæ lumine abundabat, ut eius iudicium maximam habere merito debeat auctoritatem, Sed non huius tantum hæc fuit sententia, atque iudicium, verum omnes, isque maxime, qui vitam hanc tenuerunt, idem professi sunt, idemque semper prædicarunt. Palladius certe de Apollo, cuius nonien inter veteres Patres celebre est, ita commemorat, cum ad quingentos haberet discipulos, sic eos instituere consuevisse, ut essent semper alacres, & læti, ita plane, ut nullam similem in terris lætitiā, atque exultationem videre liceret, cuiusmodi inter illos perpetuo erat. Sic enim aiebat, non decere eos tristes esse, qui tam certam spem habeant felicitatis æternæ: & quidem gentilibus, aut Iudæis, aut etiam improbis Christianis luctum esse relinquendum, iustum, ac verum: at vero Dei famulis semper esse lætandum. Quod si qui terrena animo agitant, gaudent in rebus terrenis, religiosi qui tanta bona & præsentia tenent, & futura tam certo sperant, cur non perpetua viuant lætitiā? Sic Pater ille, & vere. Primum etenim inest in hoc statu illa iucunditas bonæ, rectæque consciëntiæ, quæ & secundas res ornat, & aduersas, si quæ interdum incidunt, consolatur, & denique omne hominis religiosi tempus exhilarat. Est enim hic quasi magister, monitorque perpetuus hominibus datus, nimirum lumen in mente, quod etiā nullo monere bonum, à malo, iustum ab iniusto dignoscit; deinde inclinatio in voluntate ad illud bonum amandum; & ad malum illud, quod cognoscitur, fugiendum; ex quo fit, ut qui huic lumini, & huic inclinationi renitatur, is semper in cruciatu, & in quadā carnificina viuat: qui vero ei pareat, eiusque ductum sequatur, viuat in gaudio. Sic enim Chrysostomus. Licet, inquit, virtus in eius exercitatione aliquid laboris habeat, multa tamen conscientiam implet delectatione, & tantam intrinsecus exhibet voluptatem, ut nullo sermone exprimi possit. Quid enim tibi de præsentibus iucundum videtur? Nonne laeta mensa, & corporis sanitas, & diuitiæ? Sed hæc suauia, si illi voluptati comparentur, amara videntur. Nihil enim suauius bona conscientia, & bona spe. Porro hæc conscientia tranquillitas in religione non per se tantum adeo suavis est, ut dicit hoc loco Chrysostomus, sed eam etiam consequuntur innumerabiles aliæ suauitates, quas optime Ma-

charius homilia quadam complexus est, in qua de hac ipsa spiritualium gaudiorum abundantia differens, ait, Dei seruos interdum sic se habere, vt qui in regio conuiuio magnificentissimo accumbunt, omni leuissimorum ciborum copia re-ferro, in quo satietate mirabili, & lætitia, quam nemo verbis æquare possit, exultant. Alio tempore habere se vt sponsam, quæ in diuinis amplexibus, cœlesti nescio qua voluptate liquefcat. Interdum fieri vt Angelos corporis expertes, tantamque leuitatem, ac simplicitatem acquirere, vt non magis corporis grauentur pondere, ac si eo carerent. Interdum se delectari, vt qui vinum optimum largius potant, ebriosq; fieri sancta ebrietate diuinorū mysteriorum, vt nihil iam de humana hac vita sentiant. Nonnumquam vero esse velut in luctu, & lamentatione totius humani generis, pro cuius salute preces Deo fundunt, suas pro ea causa animas deuouere parati. Nonnumquam etiam ita hoc proximorum spirituali amore inardescere, vt si fieri possit, omnes homines in sua viscera, nullo bonorum, malorumve discrimine, condere cupiant. Alias præ spiritus humilitate sic se infra omnes homines demittere, vt omnium mortalium postremos, minimos pessimosq; aestiment. Contra vero sic se interdum gerere, vt robuitus quispiam, qui resumptis armis in prælium ultro venit, & aduersus hostes fortiter dimicet: Sæpe in summo quodam silentio animam conquiescere, suauissima, tranquillissimaque pace perfruentem, qua incredibilem in modum oblectetur. Denique sæpe etiam euenire, vt eo Spiritus sancti dono, quod intellectus dicitur, & Sapientia, ita eorum mens inclarescat, easque res momento temporis doceatur, quæ nullius oratio explicare possit. Hæc Macharius. Quare cuiusmodi esse oportet illud institutum, quod assidue inter has delicias versetur, vt quemadmodum in conuiuio ferculum ferculo, sic in hac vita gaudium gaudio, delectatio delectationi succedat? Iure igitur David Propheta. Quam magna, inquit, multitudo dulcedinis tuæ Domine, quam absconditi timentibus te. Magna, sed abscondita iisq; tantum cognita, qui vere Deum timeant. Errant ergo, & multum errant, qui vtilitatem solam, & salutem iis qui se Deo consecrant, proposuimus, sed eam salutem magnis emi molestiis. Habet, habet etiam hoc iter spirituale oblectationes suas, & quidem multo maiores, quàm caro, & sanguis habere possit. Itaq; nihil fere magis in sacris litteris iteratum, & crebrius inculcatum est. Lux, inquit David, orta est iusto, & rectis corde lætitia: quod ideo dicit, quia

Psal. 30.

Psal. 90.

quia illa demum est vera lætitia, quæ ex animi luce, atque ex corde recto oritur. Quo etiam pertinet illud. *Quam dulcia* *Psal. 118.*
faucibus, meis eloquia tua super mel ori meo. & illa. Vox *Psal. 117.*
exultationis, & salutis in tabernaculis iustorum. Iusti an- *67.*
tem epulentur, & exultent in conspectu Dei. Anima autem
mea exultabit in Domino, & delectabitur super salutari suo: *Psal. 34.*
omnia ossa mea dicent, Domine quis similis tibi. Illud vero *Psal. 35.*
optimum, ac quodammodo nostrum, qui in domo Dei degi-
mus, inebriabuntur ab ubertate domus tuæ, & torrente vo-
luptatis tuæ potabis eos. Torrentem vocat propter copiam,
& quoniam hoc aquarum genus non è terra nascitur, sed de
cælo, & large demittitur. Ebrietatem autem, quia qui rali-
bus solatiis saturati sunt, non solum omnem uitium affatim
extinxerunt, sed nihil in terra vident, aut curant etiam ex iis,
quæ ante oculos sunt, intrus vero feruent spirituali æstu. qui
feruor ad multa impellit, quæ ab aliis fortasse vel inepta, vel
etiam stulta reputentur. Similia sunt apud Esaiam Prophe- *Esa. 55.*
tam, tum alibi sæpe, tum loco illo, Poner, inquit desertum
eius quasi delicias, & solitudinem quasi hortum Domini.
Gaudium, & lætitia inuenietur in ea, gratiarum actio, & vox
laudis. Felix desertum, in quo tanta sit gaudiorum copia.
Quid autem verius desertum hoc erit, atque hæc solitudo,
quam religio, locus remotus tum à vulgi consuetudine, tum
ab honoribus, ac diuitiis, & reliquis commodis huius mundi?

Hæc igitur, & eiusmodi multa cum in diuinis oraculis legimus, quæ mentiri non possunt, satis esse debent ut etiam si nobis ipsis usu nostro minus ista percipere licuisset, ea tamen etiam certius, constantiùsque crederemus, quam quæ oculis, quæque tactu explorauimus, quod hi sensus fallere possunt, Dei vero dicta non possunt. Sed præterea confirmantur hæc dicta per ipsam Dei naturam, & innatam bonitatem, quæ cum tanta fuerit, ut cum è cælo in flagella, in spinas, in crucem impulerit, idque pro inimicis, quid faciet pro amicis, quid pro filiis? præsertim cum illa quidem tam caro ei steterint, nempe sanguine, & vita, in his autem solatiis homini impertiendis, nihil iam ei labor adum sit, neque ullum propterea felicitatis suæ damnum sustinendum: ut nulla super sit dubitandi causa quin illa benignitas in suos famulos, pro suo more, pro sua etiam natura, semper liberalis futura sit. Itaque quæ tanta esse poterit huius vitæ molestia, quæ his suauitatibus non mitigetur? quæ tanta hominis infirmitas, quam non talia dona corroborarent? quid tam durum, & graue, quod talibus con-

*Ser. ecce
nos reli.*

dimentis non facile molliatur, ac dulcescat? Quapropter re-
cte Bernardus in sermone quodam bene longo, & disertio,
quem totum de religioso felicitate scripsit, hoc etiam addit,
diuinæ omnino largitatis fuisse, ut non solum æternæ vitæ
præmium proponeret, sed etiam huius vitæ spirituali gaudia
promitteret. Sic nimirum, inquit, & operariis huius seculi
solet cibus in opere, merces in fine dari. Sic militibus & sti-
pendia ministrantur pro necessitate laboris, & nouissime do-
natiuum maius pro quantitate laboris. Sic & filiis Israël, do-
nec terram promissionis intrarent, in deserto manna non de-
fuit.

Sap. 10.

Psa. 118.

Habes hanc duplicem promissionem & in Propheta
evidenter expressam, ubi ait, Reddet Deus mercedem labo-
rum suorum, & deducet eos in via mirabili. Ipsa est enim via
testimoniorum Domini, in qua Propheta alius sicut in omni-
bus diuitiis delectatum se esse testatur. Hanc igitur spiritua-
lium solationum, de qua loquimur, abundantiam, multo-
rum quæ legimus exempla testantur, ut Abbatis illius Ioan-
nis, quem scribit Cassianus, tanta perfundi solitum interiori
dulcedine, ut ne id quidem recordaretur, an pridie comedis-
set: ut etiam beati Ephren, qui dicitur, cum pene eius præ-
cordia cœlesti lætitia rumperentur, clamare sæpe solitum,

*Coll. 19.
cap. 4.*

Recede à me Domine parumper, quoniam vasis huius in-
firmitas ferre non potest. Bernardus quoque ita iisdem gau-
diis absorbebatur, ut toto die lacui obequitans, numquam
eum viderit, & toto anno vna in cella degens, adhuc igno-
raret, an ea cellatectum haberet. Ac similes quidem multos
illorum seculorum fructus ubique, & passim legimus, ut ni-
hil opus sit, plura eorum exempla colligere. Neque tamen
desunt etiam hac nostra ætate, vel deesse vnquam poterunt,
quoniam non perdit Deus bonitatem, ac liberalitatem suā,
à qua ij fructus manant: sed sunt fortasse occultiores, ut so-
let in viuentibus, aut recentibus, quibus videlicet nondum
antiquitas auctoritatem conciliauit. Certe de fundatore, ac
patente nostro Ignatio hoc cognouimus ab eius familiari-
bus, tamperennem fuisse in eo spiritualium lachrymarum
copiam, ut paulatim exesa luminis vi penè oculos perdiderit,
& sine dubio plane perditurus fuerit, nisi medicorum mopi-
tu, & suorum impulsu, illam etiam à Deo facultatem impe-
trasset, ut earum quasi habenas in manibus teneret, quas pro-
libito vel laxaret, vel astringeret. Franciscum quoque Xa-
uerium ferunt sæpissime cum solus esset, manu pectori admo-
ta, oculis in cœlum erectis, propter harum consolationum
abundan-

abundantiam huiusmodi voces edere solitum; Sufficit Domine, sufficit: quali ipse quoque, ut Ephren, de quo diximus, ferre non posset amplius. *Quin* etiam cum iter faceret, quod ille semper pedibus faciebat, adeo mentem suspensam, & in Deum absorptam gerēbat, ut sæpe de via deflectens in vepres, & dumerā, & lapides impingeret nec aduertens: quam sanè ob causam semper ei plantæ ac tibiæ sanguine, & tabo fluebant, cum tamen ille ne sentiret quidem. Ac nos quoque ipsi plures ex hac eadem Societate nostra nouimus, & de aliis pluribus atiduiimus, in quibus tanta fuit cum Deo communicatio, ut in his eisdem, vel propemodum eisdem gaudiis, & solatiis semper viuerent; qui etiam nominari possent, nisi institutum meum tenere mallet, nullius, quamdiu uiuat, nominandi. Verum hæc quidem extraordinaria sunt, & sine dubio non omnibus contingunt. Sunt autem alia etiam solatia magis communia, & frequentia, vel potius quotidiana, sed tamen magna, & magnopere expectanda, quæ videlicet ipsa communis, & ordinaria religiosorum vita consequi potest, & facile consequitur; quoniam ex corde puro, ex virtutum exercitatione, atque ex sui ipsius mortificatione proueniunt. Ut enim sol ita lucem suam cum aliis communit, ut illa ad capiendum apta sunt, & aërem quidem si purus sit, perfecte illuminat, si autem hūbilis, ac caliginosus, non ideo nihil illuminat, sed tantum immitit radiorum; quantum densitas illa admittit; idemque se in domum infundit per rimulas, quantum earum patiuntur angustia: sic Deus, cuius non minus propensa est natura ad benefaciendum, quam solis ad lucendum. Is enim in quibus nihil inuenit impedimenti, ut in magnis illi viris, istotam sese communicat, & impertit largissime, qui autem nondum omnino perfecti, & nubesulas adhuc aliquas retinent, non tamen eos omnino negligit, ac reicit, sed proportionem quadam, ut eorum fert captus, tantum eis sui luminis, suæque lucis tribuit. Itaque etiam si nostra infirmitas ad tantam illorum sanctorum altitudinem recedere non possit, ipse tamen Deus ad nostram sese infirmitatem inflectens, quicumque eum in hoc, quod paulo ante diximus, desertum sequuntur, numquam eos ieiunos dimittit, ne deficiant in viam, sed ita sariat, ut etiam multi fragmentorum cophini super sint. Tanta autem est vis horum gaudiorum, ut vel minima eorum particula omnem in nobis mundani gaudij sensum, de cupiditatem extinguat.

Sed hæc æneus de ea multiplici, ac varia iucunditate, quam rerum spiritualium fructus religiosis affert: quæ quamquam est in ipsis præcipua, non tamen omnino temporalium etiam rerum iucunditate carent. Quin potius ita hac quoque sæpenumero fruuntur, ut ne ipsi quidem mundani homines, qui temporalia tam avidè consecretantur, & se ijs quodammodo immergunt, tamen ita liquidam, & veram ex ijs voluptatem percipiant. Duas sane hoc loco excipio voluptates, vel oblectas, vel quæ cum peccato, & culpa sunt coniunctæ, quas utraq; nemo sanus verum hominis gaudium dixerit, cum altera bestiarum sint, altera in iurum gerant aculeum, qui semper pungat, plusque solus crucietur, quam illa oblectet. Sed his seclusis, si de homine, qui verus sit homo, queratur, id est, qui rectam rationem sequatur, & que obediat, hoc certo affirmandum, ex his ipsis rebus, quæ sunt in mundo, multo maiorem esse spiritualium, quam carnalium hominum voluptatem. Nam carnales quidem, quod minimum est in creatura, in eo toti hærent, nimirum in externa specie, quæ cum præter regulam, nimisque cupide fruuntur, quid faciunt, nisi id quo Augustinus seipsum accusat, ut in ista formosa, quæ Deus fecit, deformes iuvant? At vero spirituales longe alio modo, & ad iucunditatem etiam magis apti: quem modum ex B. Francisci amore accipere possumus, quem prolixè commemorat Bonaventura. Ita enim scribit, illum ex creaturis ipsis incredibilem delectationem capere, atque in ipsis, ut eius verbo utar, exultare solitum, cum omnia, tanquam Dei opera contuens, summan illam bonitatem in rebus singulis, tanquam in rivulis fontem hauriret, earumque naturas, & vires, & effectus à Deo ipsis tributa, tanto ordine connexa, tantaque pulchritudine ornata considerans, tanquam celesti quodam concentu recrearetur, atque in ipsis pulchris Deum pulcherrimum agnosceret, & amaret. Hoc igitur faciebat Franciscus, quod dem imitantur, faciuntque ij omnes, qui non oculos solum corporis, sicut equus, & mulus, in quibus non est intellectus, sed oculos etiam mentis adhibent. Atque hæc delectatio quanto sit maior, quam illa hominum rudium, & carnalium, indicat etiam Cyprianus, qui hoc ipso argumento utitur ad homines à theatri spectaculis revocandos, sic enim ait: Habet Christianus spectacula meliora, si velit, habet veras & profuturas voluptates, si se recollecterit, & ut omittam illa, quæ non solum contemplari potest, habet istam mundi pulchritudinem, quam videat

atque

co. Cbf.
cap. 27.

In eius
vita.

Serm. de
spectacu
lu.

atque miretur. Solis ortum aspiciat, rursus occasum mutuis vicibus dies, noctesque reuocantem, globum lunæ temporu cursus incrementis suis, decrementisque signantem, astrorumque micantium choros, anni totius per vices membra diuisa. Hæc Cyprianus, & multa alia, quæ addit de naturalibus Dei operibus admirandis, ex quorum aspectu multo ait maiorem capi posse ab homine Christiano voluptatem, quam ex vilius ludi, aut similium rerum, quibus vulgares homines adeo tenentur, aspectu. Quæ si omnia colligamus tum externa, tum interna, tum spiritalia illa, quæ mente videntur, tum hæc etiam, quæ modo diximus, quæ corpore constant, & corpore sentiuntur, facile conuincemus, nihil iucundius esse posse religiosa vita, in qua omnia plena sint gaudiorum, & in qua ita perpetuæ, & contextæ sunt voluptates, eaque puræ, & veræ, vt ait Cyprianus, profuturæ, vt vna aliam excipiat, immo plerumque vna aliam eodem tempore cumulet. Itaque in hoc quoque implet Veritas promissum suum, quæ ideo se venisse professa est, vt electi sui vitam haberent, & abundantius haberent, id est latiore, & alacriore, omnibusque gaudijs plenior, quam ipsi mundani.

104, 10.

De delectatione, quam religiosi capiunt ex paupertate.

CAP V T V I I I.

NON desunt etiam alij delectationis fontes in religione, & in primis ipsa paupertas. Quamquam hoc fortasse paradoxum quoddam, contraque communem hominum opinionem videatur, eorum videlicet, qui, vt Dauid ait, beatum dixerunt populum, cui temporalia affluant, filij, ac filia multæ, eaque admodum ornata, cuium greges plurimi, ac fertosi præputaria ita plena, vt ab vno in aliud rerum copia efferenda sit. Atque id quidem est vulgi iudicium, quæ errorum confutat statim Propheta, meliorem, verioreque subiiciens sententiam, Beatus populus, cuius Dominus Deus ei. Hunc autem populum, qui ita Deum habeat pro domino, ac principe, vt illi soli seruiat, nec alium dominum habeat, præter Deum, quis negabit esse religiosos, qui etiam propterea populus vocantur, quia non separatim id faciunt, sed loco, & legibus, & rerum omnium communione deuincti, ipsa multitudine sua vnâ familiâ, vnâque efficiunt gentem. Itaque in hunc quoque populum illud apte conuenit, quod ab eodem Propheta dictum est, Beatus populus qui scit iubilationem. Nam vt alia sint spiruales anime,

Ps. 143.

Ps. 88.

quæ spirituali dulcedine interdum recreentur, ex tamen singulæ per se, ac separatim res suas agunt religiosi autem ipso conuictu populum hunc constant, qui in perpetua iubilatione uiuit, & cuius iubilatio ex ipsa plurium coniunctione duplicatur. Beatus igitur hic populus, etiam si diuitijs illis careat, immo vero ob hoc etiam ipsum inter cetera beatus; quia illis diuitijs caret: caret enim simul multis, ingentibusque molestijs, quas ea rerum abundantia necessario secum adducit, ut qui à Deo illuminati interiora perspicere possunt, hanc ipsam intelligant primam esse felicitatem paupertatis, quod à diuitiarum infelicitate absit. Hoc vero bene, ut cetera, intellexit Gregorius, qui locum illum sacre scripturæ, Cum satiatus fueris, arctabitur, æstuabit, & omnis dolor irruet in eum, ita interpretatur, ut eum totum ad locupletem hominem referat; qui uidelicet satiatus sit rerum istarum copia. Prius namque, inquit, dolorem habuit in ipsa suæ concupiscentiæ defatigatione, qualiter concupita raperet, quomodo alia blandimentis, alia terroribus auferret. At postquam acquisitis rebus peruenit ad desiderium, alius hunc dolor fatigat, ut cum sollicito timore custodiat, quod cum graui labore, meminit acquisitum. Hinc inde insidiatores metuit, atque se hoc perpeti, quod ipse fecit aliis, pertimescit, formidat potentiorum alterum, ne hunc sustineat visentium: pauperem vero cum conspicit, suspicatur furem. Ipsa quoque, quæ congesta sunt, curat magnopere ne ex naturæ propriæ defectu per negligentiam consumantur. In his itaque omnibus, quia timor ipse poena est, tanta infelix patitur, quanta pati timet. Vere Gregorius hæc omnia, idque præsertim, quod ut cetera omnia pericula externa desint, illud nunquam deesse potest, quod intrinsicum est, & in istarum rerum natura penitus insitum, ut senescant semper, & ad interitum tendant, nisi perpetua cura conseruentur, & tamquam per se ruentes, studio, cautione, sollicitudine fulciantur. Ex quo fit, ut quo magis diuitiæ augmentur, eo magis hunc ipsum laborem augeri necesse sit, qui quidem labor ita mentem occupat, ut ne diuitiarum quidem fructu, si quis est, gaudere possit. Quod si ita est, parum ne solatij, ac felicitatis existimandum est, expectrem esse tot ærumnarum, præsertim tam ignobilium, & tam etiam inutilium? Sed hoc quidem, quod diximus, multis molestijs diuitias esse resperfas, ne diuitiarum quidem amatores negant. illud arte tenent, illas, quæcumque sunt, molestias, compensari pluribus

commo-

commodis, & voluptatibus, quas ea suppeditant. Itaque videamus iam, quantum valeat ista compensatio. Nam si naturæ principia, ut debemus, inspiciamus, hæc omnia, quæ sunt in mundo, facta esse videbimus ad hominis alimētum, quod fere cibo, portione, vestitu, domicilio, & si quid eiusmodi est, continetur; pecuniæ vero usus ad hominis vitam sustentandam per se nullus omnino est, sed ideo tantum inuect⁹, ut illa, quæ diximus alendæ vitæ necessaria esse, facilius commutari possent, ut, quemadmodum ait Aristoteles, qui vna re abundabat, aliam, quæ deerat, sibi compararet. Quare cum 1. Pol. cap. 6. pecunia nihil aliud sit, quam rerum istarum naturalium instrumentum, ac supplementum quoddam, ubi ea deficient, sequitur, ut ne ipsius quidem pecuniæ alius sit vel finis, vel usus, quam illarum, id est, ut corpus hoc sustentetur: quicquid autem amplius est, non solum vitiosum, sed superfluum, & inutile, & si vere æstimemus, etiam pondus est. Nam si hac naturæ mensura rem moderari velimus, nihil facilius, ac brevius, quam eius vel necessitatem, vel etiam desideria, non dicam cohibere, sed plane, ac penitus satiare: ita ea paucis, simplicibusque contenta est. In quo quid nos Stylicem, aut Arsenium aliquem, vel Macharium adhibeamus, quorum rigor paucis fortasse imitabilis videatur? philosophum audiamus, eumque ethnicum, quid de hoc aptissime, & verissimo disserat. Non illud, inquit, præcipio, ut aliquid naturæ ne- Seneca ep. 120. ges. contumax est, non potest vinci, suum poscit. Sed ut quicquid naturam excedit, scias precarium esse, non necessarium. Esurio, edendum est. Vtrum hic panis sit plebeius, an siligineus, ad naturam nihil pertinet. illa venire non delectari vult, sed impleri. Sitio, utrum hæc aqua sit, quam ex lacu proximo excepero, an ea, quam multa niue elisero, ut frigore refrigeretur alieno, ad naturam nihil pertinet. Illa hoc vnum iuber, sitim extinguui. Vtrum sit aureum poculum, ac chrySTALLINUM, an vitreum, an manus concaua, nihil refert. Fames me appellat: ad proxima quæque porrigatur manus. En ipsa mihi commendauit quodcunque comprehendero. Nihil contemnit esuriens. In hac eandem sententiam illa quoque à Hieronymo dicta sunt in libro contra Iovinianum posteriore. Quod mirandum sit, inquit, Epicur⁹ voluptatis assertor omnes libros suos repleuit olerib⁹, & pomis, & vilibus cibis dicit esse viuendum, quia, carnes & exquisitæ epulæ ingenti cūta, & miseria præparentur, maioremque poenam habeant in inquirendo, quam voluptatem in abutēdo.

Corpora autem nostra cibo tantum, & potu indigere. Sapientia quoque operam dare non possumus, si mentis abundantiam cogitemus, quæ labore nimio, & cura indiget. Cibo expletur naturæ necessitas, frigus, & fames simplici vestitu, & cibo expelli potest; unde & Apostolus, Habentes, inquit, victum, & vestitum, his contenti sumus. Deliciæ, & epularum varietates fomenta auaritiæ sunt. Grandis exultatio animæ est, cum paruo contentus fueris, mundum habere sub pedibus, & omnem eius potentiam, epulas, libidines, propter quæ diuitiæ comparantur, vilius mutare cibis, & crassiore tunica compensare. Tolle epularum, & libidinis luxuriam, nemo quætet diuitias. En igitur ex Hieronymo modus, ac ratio, qua paupertas dulcescat, si epularum, si ceteræ intemperantiæ cupiditas radicitus extirpetur. Quare quâdo paupertatis causa ex hoc pendet, videamus hoc etiam, quam nihil faciendæ sint istæ deliciæ, immo vero quam multo ea felle refectæ sint, eaque ipsa dulcia, quæ videntur, quam sint molesta, & amara. Hoc vero diserte, & copiose commemorat

Cap. 69. Chrysostomus in eo libro, quæ de virginitate scripsit. Sic enim ait, ex sumptuosis mensis ebrietates, vëtris intentiones, spiritus angustias, vertigines, & alia his grauiora gigni; atque hæc quidem præsentia, illa deinde subsequi. pedum dolores, tabes, sacrum morbum, neruorum dissolutiones; quorum malorum magnitudinem tantâ esse, vt nulla ratione tanti emenda sit exigua illa, ac brevis voluptas. At vero frugalitatem contra potius sanitatem, bonam uel valetudinem tueri, nec perturbari villo ex ijs malis, quorum singula per se voluptatē omnem extinguunt. Addit deinde Chrysostomus, etiam his omnibus malis præcis, maiorē tamē in paupertatē voluptatem reperiri, quam in diuitijs; quod etsi præter communem opinionem videtur, tamen tū hoc eodem loco, tum in quadā homilia id ita cōfirmat, vt nullam relinquat dubitationem.

Hom. 2. ad pop. Sic enim ait, vnum esse in quo diuitiæ paupertatem superare videantur, nimirum quotidianis diffuere delicijs, & multa in conuiujs repleti delectatione. Atqui hoc etiam in pauperum mentis contingere, & quidem multo melius, quam diuitum. Nam delectationem in conuiujs, inquit, non ciborum natura, sed ipsorum hominum dispositio facit; quia cū quispiam esuriens ad mensam accedit, quicumque sit cibus, etiamsi vulgaris, iucundior videbitur, quam quoduis obsonium innumeris illecebris conditum. At vero qui necessitatem, & famem præueniunt, vt solent diuites, etiamsi nobiles epulās

epulas viderint appositas, nullam sentient suauitatem, languente videlicet appetitu: quod præter quotidianam omnium experientiam, testatur etiam Scriptura, cum dicit. Anima saturata calcabit fauam. & anima esuriens etiam amarum pro dulci sumet. Quod autem de cibis dictum est, idem valet in potu. Vt enim fames voluptatem affert supra ciborum conditionem, sic & sitis iucundissimum facit potum, etiam si pura aqua bibatur. Vnde dictum est à Propheta, Et ex petra melle saturauit eos; non quia Moyses mel è sauo eduxerit, sed quia Iudæi sitientes in aquas illas inciderunt, ipsæ aquæ melle iucundiores visæ sunt. Hoc idem etiam fit in somno. Nō enim molle stratum, neque deargentatus lectus, neque silentium in domo indictum, neque aliquid eiusmodi somnum inducit, sed labor, & lassitudo, quæ facit, vt valde somno egeamus, & iam dormitantes in lectulo reclinemur, de quo Salomon, Iucundus somnus setuo, siue parum, siue multum bibat. Hæc Chrysostomus in vniuersum de paupertate. Sanctus autem Basiliius, nominatim etiam de religiosis loquens, ita ait, eos exiguam admodum, & yllissimam ciborum portionem tanta cum iucunditate accipere, cum quanta ne ipsi quidem seculares magnos epularum apparatus splendidissimis, & copiosissimis omnium generum ferculis instructos.

Pro. 27.

Psal. 80.

Eccl. 5.

Con. mo. cap. 27.

Denique illud etiam in toto hoc genere valde considerandum est, neminem esse qui ideo diuitias quærat, quod eas per se amet, sed quia se ipsum amat, sibi; per eas animi fructum, & gaudium quærit. Nonne igitur melius, optabiliusque esset, si fieri posset, hunc ipsum animi fructum, & gaudium quod diuitiæ per tot anfractus, totque labores, tanta rerum varietate inquirunt, sine vllis diuitiarum molestiis, quasi fructum sine cortice tenere? At hoc facit paupertas religiosorum, quæ tam gaudet, tamque contenta est nihil habendo, quam diuites omnes multa possidendo, immo hoc amplius, quod diuites, vt plurima, atque adeo vt omnia possideant, non possunt ad illam animi quietem peruenire, quam quærent. Non enim potest animus quiescere, nisi satietur, non potest autem satiari rebus externis, quia foris manent, sed satiatur virtute, quæ intus in animo ipso est, & præsertim hoc paupertatis voluntario affectu. Quamobrem egregie Chrysostomus ad Esaiæ locum alludens, paupertatem caminum quendam appellat, in quo renouari ac miraculorum trium illorum puerorum, quos in fornace non modo non flamma cōtriguit, sed etiam aura quædam in mediis ignibus refrigerabat.

Hom. 4. in Matt.

bat. Nam per se quidem paupertatem ignem esse acrem, & molestum, sed tamen si quis in eam se voluntarie cōiciat, & in ea Deo gratias agat, eius vincula dissolui, flammā extingui, aut si non extinguatur, quod multo est admirabilius, pro flamma rorem sentiri: id verò apparere in famulis, qui se paupertati deuouent, quoniā in paupertate ditiores sunt diuitibus, & in medio igne, purissimo, ac placidissimo rore perfunduntur. Maximum enim rorem, & ad animam recreandam aptissimum esse, non teneri diuitiarum concupiscentia. Atque ut pueri illi Regem cōtemnentes facti sunt Rege ipso clariores, sic qui omnia huius mundi prēmia despiciunt, toti mundo honorabiliores euadere. Hactenus Chrysostomus.

Sed tamen quoniam paupertatis nomen triste, odiosumque est, atque ipse eius sonus quandam quasi malorum turbam repræsentat, hoc etiam intelligendum nobis est, vnde hic error, ac fallacia in hominum animis oriat̃ur. Orit̃ur autem ex eo, quod cum, ut alibi à nobis dictū est, aliud sit genus paupertatis ignobile, plebeium, idemque graue, ac laboriosum, qui hæc diiudicare nesciunt, ambiguitate vocis decepti, huius paupertatis incommodo eadem etiā in religiosa paupertate inesse suspiciant̃ur. Quod quidem ita abest à verò, ut inter hoc vtrumque genus multa sint discrimina, sed præcipua duo. Primum, quod in illa paupertate, quam necessitas, non virtus peperit, coniunctum est etiam habendi desiderium, ex quo desiderio nascitur tum studium querendi, tum si nō suppetat quod queritur, angor, & mœror, & sollicitudo. In hac autem paupertate, quæ & voluntate suscepta est, & voluntate retinetur, nō modo procul absunt omnes illæ perturbationes, sed ne sentitur quidem inopia, quoniam ea ipsa amatur, & expetitur. ex quo illud est à Seneca Philosopho commode, & verè dictum. Nihil interest, vtrum non desideres, an habeas. Quamobrem nihil est in hac paupertate, quod eam torqueat, aut cruciet, sed in ea animus quasi in omnium rerum abundantia, ac copia, ita conquiescit. Altera est differentia, quod nostra hæc paupertas magno quodam præsidio nititur, quod non adeo habet illa vulgaris, nimirum Dei cura, ac prouidentia, atque etiam certā eius promissione. Hoc enim est pactum illud, ac fœdus, & quasi murua obligatio, quam sanctus Franciscus dicere solebat initam inter Deum, ac religiosos, ut ipsi ex sua parte omnia relinquunt, Deus autem pro sua parte eos sustentet, & alat, nō modo ut herus famulos, sed ut pater filios, & eos filios, qui & eius gratia,

gratia, & amore omnibus humanis adiumentis priuarunt. Quod si hanc caritatem natura inseruit coruo tam rusticae auis, ut pullis suis de nido cum inuocantibus escam aduehar, & quidem longè, non multo magis eandem curam præstabit Deus ijs, quos genuit, & quibustam excellentem vitam dedit? Immo verò hoc etiam admirabile habet paupertas ista; ut simul & diuitiarum incommodis careat, ijs quæ supra attigimus, & tamen diuitiarum commodis fruatur, ut ei videlicet vitæ alimenta non desint, aliorum laboribus curata, Dei verò benignitate prouisa; quod ipsum ad hanc quam tractamus iucunditatem pertinet. Nam qui se summo illi regum Regi tantæ curæ esse intelligant, eiusque curæ quotidiana hæc indicia accipiant, cur non eis hoc dulcius sit, quam omnes omnium diuitiæ? Cuius rei multa possent ex sanctis hominibus testimonia peti, sed omnium instar erit S. Franciscus, huius præcipuè virtutis amator acerrimus, qui cum alias alia eius bona, tum aliquando eius etiam dulcedinem ita demonstrauit. Cum enim iter in Galliam habens, ad fontis oram vna cum Masseo comite, prandij causa consedisset, expositis ab utroque exigui panis frustulis, quæ ostiarum mendicando collegerant, & quidem bonam partem acidis, & duris, ille spiritu exultans, fratremque compellans, excitare illum cœpit ad gratias Deo agendas de illo tam ingenti paupertatis thesauro, idque ipsum elata gradatim voce iterare. Quærenti autem Masseo, quisnam is esset thesaurus in tanta rerum etiam necessariorum inopia, ubi non obsonium, non vinum, non etiam mensa suppetere, respondit, illud ipsum esse magnum beneficium, quod illa omnia, quæ deessent, à Deo supplerentur, qui illum eis panem, ac fontem, illum etiam lapidem tam prouide præparasset. paulo autem post inde digressus, in quodam templo, quod primum occurrit, orare insistit Deum, ut sibi, & suis sanctæ paupertatis amorem inspiraret, idque tanto feruore, ut ex facie ignis emicare videretur. Itaque hoc diuino ardore incitatus, mouit se versus Massæum brachiis apertis, eumque magna voce ad se aduocans; qui cum admirans, ac stupens, in sancti Patris brachia se immisisset, tantus fuit Francisci æstus interior, ut anhelitu solo per oris hiatum erumpente, multis illum cubitis in sublime eiacularatus sit: in quo ascensu, is postea sæpius narrauit, tanta se dulcedine delibutum, quantam antea nunquam in vita sua gustasset. Tum Franciscus, Eamus, inquit, Romam ad sanctos Apostolos Petrum, & Paulum exorandos,

dos, vt nos doceant tam præclarum paupertatis thesaurum rectè ac fructuosè possidere: is enim ita præstans, itaque diuinus est, nos autem ita viles, & abiecti, vt indigni simus, qui eum talibus vasis teneamus. Hæc enim est virtus de cælo in nos influens, quæ nos ita instituit, & informat, vt terrena cuncta ultro conculcemus, quæque obices omnes è medio tollit, quo humana mens cum domino Deo suo liberrime, atque expeditissime coniungatur.

De iucunditate castitatis, & obedientie.

CAPVT IX.

*Coll. 12.
cap. 13.*

NON est minor castitatis, & obedientiæ dulcedo, quam diximus esse paupertatis, quin etiam eo maior, quo hæc maiores, præstantioresque virtutes. Sed de castitate quidem illud verè dictum est ab Abbate Chæremone, qui apud Cassianum de hac virtute disserens, tum alia multa præclare, tum hoc, quod eius indicat iucunditatem, nec qui expertus numquam fuerit, posse illam mente percipere, nec qui expertus fuerit, posse oratione explicare. Vt, inquit, si quis dulcedinem mellis ei, qui numquam id gustauerit, velit sermonibus enarrare, profecto nec ille saporis illius suauitatem, quam numquam ore percepit auribus capiet, nec iste dulcedinem, quam gustus voluptate cognouit, verbis poterit indicare, sed propria tantum agnitione suauitatis illectus, necesse est, vt experti saporis iucunditatem intra semetipsum solummodo tacitus admiretur. Sed tamen si hoc minus intelligitur, quam ipsa per se dulcis sit, sunt aliquæ viæ ad id æstimandum, comparatione aliarum rerum, & in primis earum molestiarum, quæ sunt in coniugio, cuius, si verè cogitemus, omnia tempora amarissimis angoribus referta inueniemus. Itaque rectè Hieronymus de virginitate aduersus Iouinianum disputans, Nos, inquit, ignari rerum putabamus nuptias saltem carnis habere lætitiā. Si autem nubentibus etiam in carne tribulatio est, in qua sola videbantur habere delicias, quid erit reliquum propter quod nubant, cum & in spiritu, & in animā & in ipsa carne tribulatio sit? Facile esset hoc loco infinitas propemodū commemorare ærumnas, ac misérias, quas partim inuicem sibi coniuges, partim liberi, partim etiam domestica administratio, & aliæ denique plurimæ congerunt causæ. Sed & hæc minime recondita, ac potius in omniū oculis, & eadem nos quoq; supra attigimus. Quapropter illud tantum Catonis, hominis ethnici, sed

*Lib. 1.
con. 10-
417.*

grauis,

gravis, & prudentis, afferendum videtur celebre omnino dictum, si sine vxoribus mundus esse posset, vitam nostram futuram esse, qualis est deorum cœlestium: quare eas malum esse sed malum necessarium. Rectè hic, vt in tenebris, qui rem hanc vidit malam esse, id est, incommodorum, ac miserrimarum plenam: illud non rectè, nec verè, quod necessariam esse dixit, & vitari non posse. Hanc enim vim humanæ naturæ adeo infirmæ, & corruptæ attulit Christi gratia, vt in cubilibus, id est, in ijs cordibus, in quibus prius dracones habitabant, nimirum turpitudine, & obscœnitas, oriretur viror calami, & iunci, omnisque suauis olentia pudicitia, atque sanctimoniam, neque hoc ita arduum esset, vt pauci ad hanc virtutis præstantiam peruenire possent, sed penè vulgaris fieret, itaque facilis, vt nulla vel ætatis, vel sexus inhæritas ab illa laude deterreretur. Atque hoc illud est quod Dominus apud Matthæum Eunuchorum nomine designauit, cum indicaret, quam facile eunuchus ab eo sibi temperat, cuius ne facultatem quidem habet, atque ideo nec cogitationem habere debet, tam facile etiam continentes voluntarios, quia quod in illis natura, idem in his effecit gratia: quamquam in his etiam plura sunt, & maiora, quæ castitatem faciliorem, procliuioremque reddant. Cogita tecum, inquit, Chrysostomus, si aut à natura eunuchus es, aut iniuria hominum sic effectus, quid faceres, cum & huiusmodi voluptate careres, & nullam carento mercedem consequeris? Gratiarum igitur Deo agas, quia magna præmia, rutilantesque coronas habebis, si ita viues, quemadmodum illi sine aliquo præmio, immo verò multo facilius, tutius, atque iucundius, tum quia spe retributionis corroboratis, tum quia conscientia virtutis gaudes. Et certè quid in religioso animo efficere possit ista spes cœlestis præmij, quam dicit Chrysostomus, cum etiam terreni præmij cupiditas, aut intensius aliquod studium, aut occupatio, facile homines ab omni obscœnitate auertat? Sic enim Plato ipse, quod mirandum est, ad pudicitiam colendam iuuenes adhortatur, adducto Tarantini cuiusdam, & aliorum plurium, quos nominat, ex eplo, qui vt corporis vires ad Olympica certamina integras, illibatasque seruaarent, omnem sibi totius huius generis continentiam indixerant. Illi igitur, inquit, vt ludando, & currendo, atque in ceteris eiusmodi alios vincerent, ab ea voluptate, quæ beata vulgo existimatur, abstinere voluerunt; nostri adolescentes, victoriæ causa longe præstantioris, non poterunt?

Esa. 35.

Mat. 19

*Hom. 63
in Matt.*

*Dial. 8.
de legi.*

poterunt? Cuius victoriæ? nempe vt voluptate profligata, feliciter viuant: præterea metus ille, ne flagitiū faciant, nonne sufficere poterit, vt ea videlicet superent, quæ alij quamuis deteriores superasse dicuntur? Quid dixisset Plato, si vim diuini amoris experiri potuisset, quandoq; hanc vim etiā rerum terrenarum amorī tribuit? Atqui diuinus amor ita mentem afficit, vt nullam aliam delectationem sentiat, quam ex diuinis, & cœlestibꝫ rebus: quæ verò cum aliqua turpitudine coniuncta sunt, multo magis, quam mortem ipsam, abominetur. Quod optime docuit Macharius hoc argumento, Si, inquit, carnalis coniugij dilectio hominē à patre, à matre, à fratribus separat, ita vt illa omnia quasi extranea reputans, coniugē tantum, & quæ coniugis sunt, quasi propria, & sua diligat: si ergo carnis amor sic hominem soluit ab omni alio amore, quanto magis qui se cum Deo intime coniunxerint, illiūsq; amorem hauserint, omnium aliarum rerum amorem, & delectationem contemnent? His igitur de causis tam facilis sit omnium istarum voluptatum continentia, nec facilis modo, sed & iucunda, vt sit quod ait Hieronymus de huius virtutis laude, Quanta, inquit, felicitas, non vxoris seruum esse, sed Christi, non carni seruire, sed spiritui? qui enim adhæret Deo, vnus spiritus est. Recte ergo, & vere S. Bernardus tum de castitatis, de qua agimus, tum de aliarum virtutum, quæ cum ea coniunctæ sunt, suauitate illud inducit, quod est à Propheta breuiter verbis, sensu amplissime dictū, Delectare in Domino; hanc autem delectationē in Domino ita religiosi omnibus concessam, vt eorum nemo negare possit se eam nosse. Fratres mei, inquit, seculares hoc dicere possunt, vos non potestis. Quis enim vestrū est, qui non sæpe expertus cōscientiæ bonæ delectationem, qui non gustauerit saporem castitatis, humilitatis, caritatis? Non est hæc delectatio pot⁹, neq; cibi, aut similis cui⁹ libet rei: delectatio tamē est, & maior omnibus illis. Diuina enim est, & nō carnalis delectatio. De hac etiā castitatis iucūditate egregie S. Ephren, quasi ei⁹ admiratione defixus, O castitas, inquit, mater dilectionis, & angelicæ vitæ ratio. O castitas, quæ mundo es corde, & dulci gutture, hilarique aspectu. O castitas, quæ homines angelis similes reddis. O castitas portus tranquillus in summa pace, ac securitate constitutus. O castitas, quæ cor possidentis te iustificas, & animæ ad cœlestia alas adiungis. O castitas, quæ spirituale gaudium paris, & mœrorem aufers, O castitas, quæ passiones minuis, & animum à perturbatio-

nibus

Hom. 4.

Lib. 1. cōtra Ioni.

Serm. 1. Quadr.

Psal. 36.

Ser. de Cast.

nibus liberas. O castitas currus spiritualis possessorem tuū in sublime euehens. O castitas, quæ rosæ instar in medio animæ, & corporis efflorescis, & domum vniuersam flagrantia complex. Hæc, & alia sanctus iste, & antiquus Pater. Et reuera si ipsamet obscæna turpitudine tantam habet illecebram, tantumque ardorem quibuldam immittit; cum tam fœda sit; honestas, & puritas, & omnis ille tantæ virtutis decor non multo maiorem illecebram habebit? quæ enim comparatio lucis ad tenebras, aut luti, quod est porcorum volutabrum, ad illa lilia, inter quæ ita patet sponsum, vt sine illis nulum admittat partum? Hactenus de castitate. *Cant. 6.*

Restat nunc obedientia, cuius etiam suauitas aliquanto manifestior est, quod nec illa habet annexa incōmoda, quæ Paupertas, nec tam acrem habet hostem, quam Castitas, id est corpus, quod puritatis gustum sentire non potest, & potius ad voluptatem toto impetu fertur. Obedientia autem in sola mente consistit, quæ cum tantæ virtutis pulchritudinem intueri possit, & facile sibi ipsi persuadere potest, vt eam amet, & cum persuaferit, aut leue, aut nullū ei amplius restat externum bellum. Accedunt deinde aliæ etiam suauitates, primū quod nos iis molestiis, & angoribus liberat, quæ sepe nos torquent in vita nostra gubernanda, in negotiis suscipiendis, vel non suscipiendis, deniq; in omni pene re, & in omni tempore. Deinde quia nos in manib⁹ Dei collocat, eiusq; brachijs committit gestandos, regendos, fouendos. Hoc autem quid dulcius, aut optabilius? Nā si honor queritur, qui ipse iucundus esse solet, nō potest esse maior, quā ita amari, ita etiam tractari à tātā maiestate: si utilitas, in qua itē multū est delectationis, nihil salubri⁹, quā nostrā omnem vitam, omnesque actiones tali ductore niti: denique in hoc vno omnia solatia, omniaque delectationū genera continentur, quod ita coniuncti simus cum illo, qui vnus est pater misericordiarum, vt ait Apostolus, & Deus totius consolationis. Sed hoc quoque, vt cetera spiritualia, *2. Cor. 1.* non satis est imari potest, nisi ab expertis. Qui vero experti sunt, ita libenter, & cupide obedientia fruuntur, vt ipsam libertatem pro cruce accipiāt; quod de B. Aegidio Franciscano, scriptum legimus, cui cum S. Franciscus propter eius singularem sanctitatem, potestatem fecisset eundi quo vellet, & manendi vbi vellet, ille vix quatuor diebus in ealibet tate exactis, animaduertit spiritum suum nullam requiē inuenire. quare ad Franciscum rediit orans, & obsecrans,

vt certū sibi locū, mansionemque definiret, quoniam in illa libera, & laxa obedientia plane conuiuiscere nō posset,

*De religiosorum delectatione ex spiritualium
fratrum conuictu.*

C A P V T X.

VENIO nunc ad aliud solatij genus, quod est ex sua uisissima spiritualium fratrum consuetudine quod iā nou in animo solum consistit, sed sensibus quoque ipsis quodammodo percipitur, videndo, loquendo, audiēdo eāque ob causam certius est, & communius, nec tanto labore indiget, vt sanctiatur. Quam autem magnum sit, intelligi potest, quia non vnā, sed multas in se habet suauitates. Prima illa est, quod etiam si nihil aliud sit; tamen ipsum amare, & ipsum amari, dulcissima quādam res est; quod quā vim habeat ad delectandum, facile intelligi potest, si animum reflectamus non modo ad gratia, sed etiam ad ipsius naturæ humanæ principia, quæ ita facta est, vt societatem appetat, solitudinem verò exhorreat: quod apparet, quia nemo sit, qui omnibus copiis circumfluere, atque in omnium rerum abundantia viuere velit hac tamen conditione, vt nec ipse diligat quemquā, nec ab vīlo diligatur. Quare cū hac applicatio, & aggregatio hominis ad alios homines adeo sit secundum naturam, necesse est, vt eam magna etiam sequatur delectatio. Certe Aristoteles hoc ipsum confirmat, ideoque in amicitia magnam ait esse oblationem, quia maxime naturæ congruat, idque constare exemplo ipsarum bestiarum, siue volucrum, siue natantiū, ac non solum cicurum, sed etiam agrestium, & ferarum, quæ cum aliis eiusdem generis sese coniungunt, & cum iis esse gaudent: in homine tamen id esse euidentius, cum nemo sit, qui non tenuem vitam, & inopem, modo cum copia hominum, multo præferat vitæ atque abundanti, & beatæ, in qua hominem non videat. Ex hoc principio tum Aristoteles, tum veteres omnes docti amicitia fructū magnopere commendarunt, eiusque fontem dixerunt à natura ipsa constitutum, non tam mutui auxiliij indigentia, quod in ea aliquid sane est, sed minimum, quam inclinatione quadam ad amandum. Itaque illud Aristotelis dictum à Laertio commemoratur, maximum bonum esse bonorum amicitiam: id quod is fortasse à Socrate hauserat, quem idem Laertius scribit solitum dicere, nullam possessionem

8. Eth. c.

1.

sessionem vero, bonoque amico pretiosiores, nec aliā rem ullam esse in mūdo, ex qua vel maior utilitas, vel maior etiam voluptas capiatur. Quæ si vera sunt, satis apertum est, quantum esse oporteat fructū illum, quē diximus, religionis cōiunctionis, qui ex mutuo amoris sensu existit, siue cū amamus, siue cū redamari nos sentimus, quando utrumq; ita naturale est, ut nihil ferme magis. Quare si ex hoc amicorū genere, quod à philosophis illis descriptū est, in oībus seculis vix tria, aut quatuor paria nominātur, quib⁹ ipsi etiā immanes tyranni inuiderēt, quāto sit maior religionis felicitas; in qua tā magni, & referti videntur sodaliū greges, tanta caritatis cōspiratione cōsentientes, ut quotquot in ea sunt homines, tot sint nō iam dicā sodales, aut amici, sed verissime & animo, & re, & vocabulo fratres? Etenim si vulgares, quæ vidētur, amicitias melius inspicere voluerim⁹, vix ullam reperiemus dignam hoc nomine. Qui enim propter utilitatem aliqua coniuncti sunt, aut etiam propter delectationem, ij non amicum diligunt, sed seipsos: quam ob causam eiusmodi consociatio ne amicitia quidē appellanda est: Hoc enim modo agros, & prata, & pecudes, aut si de hominibus loqui volumus, hoc etiā modo medicos, & nautas, cum eorum opera nobis commoda est, diligimus, aut scurras quorum salibus oblectamur. Restat igitur ut veræ amicitia fundamentū sola sit honestas, solaque virtus, eaque demum stabilis, ac solida sit, quæ hoc vinculo colligetur. Hæc Aristotelis fere ab eadem, quæ eadē conuincunt, ita perfectam esse inter religiosos amicitia rationē, ut præter eos in paucissimis reperiatur; quoniam nullū est inter eos aliud fundamentum necessitudinis, præter religionem ipsam, & reliquarū virtutum studium: quod cum ita sit, illud etiam sequi manifestum est quicūq; sint verissime amicitia fructus, qui tam multi à sapientibus commemorātur, eos maxime religioni convenire. Accedit deinde etiā similitudo, quæ ad animos copulandos plurimum valet; quoniam nihil est appetētius sui similitudinem, nihil rapacius (ut ita dicam) quam natura. Quanta autem inter religiosos similitudo, nō naturæ solum, ut inter omnes homines, nō fidei, ut inter Christianos, sed vitæ, morum, studiorū, institutorum, etiā ipsius habitus, ac vestium; ex quibus admirabilis quedam exardescat oportet benevolentia mutua magnitudo, quæ benevolentia quo maior est, eo etiam dulcior. Ut enim secum cuique esse, secumq; viuere iucundum est, nec

8. Eth. c.
3. & 4.

potest quemquam sui ipsius tedere, sic quo aliorum hominum coniunctiones strictiores fuerint, & ad hunc gradum propius accesserint, eo sunt iucundiores. Iam vero si hoc facit coniunctio in quoscunque homines, ut videmus in propinquis, & in filiis, qui vel improbi, & deformes, tamen diliguntur, & quantum diliguntur, tantum eorum oblectat consuetudo, quanto maior erit voluptas, si huic vinculo, etiam adiuncta fuerit virtus: Ea enim est vis probitatis, ut se amari cogat, ubicumque ea sit, quod maxime apparet in iis, quos nunquam de facie nouimus, aut etiam qui nobis aliquando nocuerunt. In quibus tamen si aliqua virutis significatio eluxerit eos nobis conciliat tacita quadam commendatione. Hoc ergo si in alienis quoque sit, quanto facilius fiet in iis, quibus cum usu coniuncti sumus, & quorum nobis pietas, ac religio quo familiarior, eo notior, ac perfectior. Absurdum enim esset, cum videamus, quam multi inanibus rebus adeo delectantur, ut venatione, ut equorum cursu, ut hominum plausu, aut vestitu eleganti, aut edificio, dubitare nunquam maior sit delectatio ex eiusmodi animo, qui tamen sanctimonia ornatus sit, tum etiam amoris vicem nobis referat. Et quidem scita, & vera fuit illa Platonis sententia, virtutem, si oculis corporis cerni posset, mirabiles sui amores excitaturam esse. Atqui in religioso conuictu, si bene consideremus, cerni potest. Ut enim animum corpore inclusum, etsi ipsum non videntur, videmus tamen in eius operibus, in motu, in sermone, in rationatione, idem ita clare, ut non magis in dubium venire possit, quam si sub oculos caderet: sic etiam virtus ex suis officiis externis ita spectatur, ac si oculis pene ipsis subiiceretur. Spectatur enim caritas, cum se ad fratres curandos, fovendosque exerit. Spectatur humilitas, cum se ultro ad quavis abiecta demittit, quae in vita religiosa sunt frequentissima. Spectatur etiam patientia in duris tolerandis, in cruce amplectenda. Denique omnia ista animi ornamenta ita se oculis etiam ipsis ostendunt, dum foras prodeunt ad sua opera impigre exequenda.

Quamquam praeter hanc probitatis, & sanctitatis, quam diximus, pulchritudinem, sunt in plerisque, religiosi alia quoque non pauca, quae eorum familiaritatem optabile efficiant, ut in aliis doctrina, & eruditio, in aliis prudentia, in aliis sermonis gratia, quam Apostolus inter alia dona connumerat, quae omnia quam sint suavia testari possunt seculares ipsi, qui cum gustatum mundi saporibus infectum gerant, tamen ita-

sepe

sæpe religiosorum domos visitant, ut seorum presentia, & colloquutionibus magnopere recreari profiteantur. Ab iis enim in rebus aduersis solarium, in dubiis lucem, & consiliū, in omni porro tempore salubres præceptiones, & mōitiones hauriunt. Igitur id quod illi vna, aut altera hora cum fruuntur, multum se allequutos putant, religiosi non solum quotidianum, sed etiam perpetuum, ac potius proprium est, idque eo abundantius, quo confidentius, & liberius inter se, ut fratres & domesticos, quam cum alienis cōmunicant. Itaque illam quoque suauitatem affert hæc religiosa societas, quod conuiuendo frequentem, ac potius assiduam præbet quorundā officiorū copiam, quibus amor fraternus, quasi ignis suo pabulo, & alitur, & augetur primum cōsuetudine & vsu tam familiari, ut nō possit esse interior, cōgressibusq; & colloquijs humanissimis: deinde beneficiis datis, & acceptis & vicissitudine quadam studiorū, & obsequiorum, non inanium, cuiusmodi inter seculares pleraque sunt, in specie & ad propriū ferme cōmodum, sed spiritualiū, & in quibus aliud nihil, quā fraterna vtilitas, vel Dei honor queritur. Neq; enim ita existimandū est de virtute, ac sanctitate, tāquā dura sit, & quasi ferrea, vel quæ semper silentiū, semper penitentiam meditetur. Est enim virtus omnib; in rebus, sed præcipue in proximorum consuetudine, tenera atque tractabilis: idque bonum, quod certe magnum, & maxime cōmodum est, ex caritatis dulcedine haurit, ut sese ad alterum alterius causa accommodet, & quasi diffundat. Quare quid inueniri potest dulcius ista remuneratione beneuolentiæ & tam amanti concertatione officiorum, in qua tum vincere, tum etiam vinci æque ferme optabile sit: Verum est igitur quod scripsit Aristoteles, & multo etiā *s. Eth. c. 3.* verius in hoc tam sancto nexu, quam in illo, quem ipse describit; etiam si amicitia ortus multo nobilior, generosiorq; sit, quam delectatio, vel vtilitas nimirum ex virtute, & honestate, tamen cum à virtute nata sit, ne illa quidem duo ei deesse quin potius vtilitates cōsequi, & quidem magnas, ex mutuis beneficiis, delectationes verō multo etiam maiores, quā aliarum amicitiarū; quoniā ut sua, cuiq; virtus ac virtutis opera iucundissima sunt, sic etiā amicorū. Addamus postremo illud quasi pro condimento omnium delectationum, quod vulgares quidem amicitia sæpe ex opinionum dissensione, vel ex morum, aut status, aut etiam ætatis mutatione, sæpe ex contentione alicuius rei, quam

utrumque; amicus habere non possit, aut ex aliis pluribus cau-
sis, ita discinduntur, ut etiam magnæ iræ, atque odia exar-
descant, quæ non solum posteaquam euenierint, amicitias
funditus tollunt, sed etiam ante quam eueniât, eas infidas,
suspectasque reddunt, ut ex nulla fere eiusmodi amicitia
extare soleant solida illa, quæ diximus, solatia, præsertim
cum adeo ubique regnet venenum illud, ac pestis, amoris
proptij ad se ipsum omnia referentis, quo nihil potest ini-
micus esse amicitiiis. Quare hoc etiam dulcior est amabi-
lissimus hic nodus religiosorum, qui cum caritate affectus
sit, & præterea remotus ab omni cupiditate, minime expo-
situs est iis, quæ diximus, periculis, & casibus. Quod opti-
me docuit Abbas ille Ioseph apud Cassianum, qui cū mul-
ta genera seculariū necessitudinum commemorasset, om-
nia ait incerta esse, vnum autem illud insolubile, quod sola
virtutū similitudo deuinxit; hoc enim nullis vnquā casibus
scindi, quippe quod quod non solum dissociare, vel delere
locorum, aut temporum interualla non præualent, sed ne
mors quidem ipsa diuellat.

Verum hæc quidē iucundias,quam hætenus diximus, ex singulorum fratrū conuictu,& congressu existit. Qualis ergo existet ex tota familia,aut collegio simul coniuncto? Quis enim nostrū non sæpe expertus est,cum eiusmodi fratrū copiam,cum eō corporis habitu,quo tales homines solent,ad omnem modestiā,& deuotionē, & grauitatem cōposito,aspexit,vel in choro psallētem,vel ordine procedentē,vel ad spirituales sermones confedentē,vel in aliquo opere occupatā,vel denique in ipso etiā communi cœnaculo accūbentem,quis(inquam) tali spectaculo non sæpe se commotū sensit,secumq; ipse dixit,Castra Dei sunt hæc,& quidem castra non militum, sed filiorum Dei? Hanc ob causā dicebat S Leo,plurimum se gaudere,cū Dei famulorum frequentiam videret,& in tot sanctis, Angelorū præsentiam se sentire,nec dubitare quin abundantiore Dei gratia visitaretur omnes,quando simul adsunt,& vno lumine micant tot speciosissima tabernacula Dei,tot mēbra excellentissima corporis Christi.Egregiū dictum. Dei tabernacula,& Christi mēbra eos vocat,qui Deo cōsecrati sunt,& quidem admodum excellētia,qui etiā si singuli per se luceant, plurium tamen luce coniuncta, multo maiorem, multoque iucundiorem lucis amplitudinē excitari necesse est,vt iam nihil dubitandum sit,quin post ea gaudia, quæ ex ipsis

ipſius

ipſius Dei contemplatione, & amore percipi ſolent, proxima ſint gaudia, quæ ex fratrum amore, & conſuetudine aſſidue percipiuntur. Optimũ vero huius ſpecimẽ, & viua quedam imago extitit in illa ſanctiſſima B. Iob familia, in qua *Iob. 1.* tam multi filij, & tanta inuicem vincti erant caritate, vt etiam ſua quique domum haberet, vna tamen omnium domus, vna omnium res videretur; quoniã, vt ait Scriptura, mutua ſibi quotidie per orbem conuiuia exhibebant, vnusquisque in die ſuo: ex quo fiebat, vt & ſimul omnes ſemper viuerent, & iucundiſſime viuerent, nepe inter perpetuas epulas. Sorores autem quamquã fratres ſuos inuitare non poterant, inuitabantur tamen ipſæ à fratribus, vt comederent, & biberet cum illis. Sic igitur religioſus quiſque quaſi ſpirituales quaſdã epulas aliis fratribus quibuſcũ viuít, & verſatur, aſſidue præbet, non ex vilibus, communibuſque cibis, ſed ex virtutibus, ex ſermonibus, ex factis optimis; idque in orbẽ, quoniã omnes omnibus tales ſe præbent. Quare hoc quoque nos amplius habemus, quod filij illi Iob ſingulis diebus vna ſingulorum menſa fruebantur, nos ſiniul, & eodem tempore, omnium. Quinimmo ſi qui ſint etiã inter religioſos, vt ſorores illæ in ſexu, ita ipſi in virtute, ac feruore paulo infirmiores, & imperfectiores, cuiuſmodi ſi qui ſunt, pauciſſimi omnino ſunt aliorum reſpectu (nam illas quoque ſorores tres tantum fuiſſe, maſculos vero ſeptem fuiſſe legimus) hi licet non eam fortalſe virtutum copiam habeant, qua aliis conuiuium exhibere queant, hoc tamen luctum ex fraterna coniunctione faciunt, quod ab aliorum conuiujs minime excluduntur, ex quibus tum præſenti voluptate afficiantur, tum etiã paulatim proficientes, & quaſi adipe, ac pinguedine repleti, tales ſe reddant, vt ipſi quoque aliis deinde eadem aliquando conuiuia dare poſſint.

De religioſi oblectatione ex ſtudijs litterarum.

CAPVT XI.

POS T ſpirituales voluptates, quæ ſupernaturalẽ omnino habent originẽ, ſequuntur eæ voluptates, quas ſciẽtiarũ, & artium variarum doctrinæ pariunt, in quibus etiã quãta ſit iucunditas, ex duobus cognosci poteſt, primũ ex nobilitate, cum ea ſtudia & nobiliſſimæ partis, ideſt, mentis, atque intelligentiæ ſectus ſint, & eã partẽ viciffim ornent, ac mira-

*Iuit. v. 11.
ta.*

biliter illustrēt: deinde ex hoc, quod naturā humanā intime attingunt. Etenim, ut ait Aristoteles, omnis homo natura trahitur, & ducitur ad cognitionis, & scientiæ cupiditatem: cuius ille hoc signū affert, x amore sensuum, maxime autē eorum, qui maxime seruiūt cognitioni, ut visus, & auditus. Igitur hac posita tama hominis inclinatione ad sciendum, magnā deinde necesse est ex scientiis sequi voluptatem. Ita enim euenit cuique rei, ut eo opere præcipue gaudeat, quod ei præcipue propriū, eiusque naturæ consentaneum est, ut auiculæ volando, pisces natādo; quod idem faciunt hominis sensus, ut oculi vidēdo, gustus vescendo, aures audiendis concentibus. Cur nō igitur, & multo etiam magis, ratio, atq; ingenium intelligendo, ac veritate inuestiganda, quod est eius propriū pabulum, pastusque suauissimus? Quā ob causam nō dubitauit Aristoteles id dicere, quī voluptate frui, & tristitia caterē veli, nullū aliud esse remediū, quam philosophiā: eius enim multas, & omnino magnas esse delectationes. Quod dictum nemini mirū videbitur, quī earum rerū, quæ in philosophia tractantur, & multitudinem, & amplitudinē, & pulchritudinem etiā quādam perspiciat. Etenim si vere cogitem⁹, cum philosophia nihil aliud sit, quam naturæ inuestigatio, quā late patet, & quam pulchra est vniuersa natura, tam etiam patet, & tam admirabilis est ipsa philosophia. Nihil enim in illa est quod hæc sciētia non scrutetur, ac peruestiget. Primū quatuor illa principia, & causas, quæ ad omnia efficienda concurrūt: deinde tēpus, motum, locum, res ita semper præfærites, & tamē adeo obscuras, & inuolutas: tum vero hominis totius fabricationē, animā, corpus, & omnes vtriusq; partes, & facultates: deniq; quæ in terra, quæve in aere fiunt, ut ventorū, fulminum, pluuiarū originem, postremo cœlū ipsum, & ea tam multa, quæ ad eius notitiā pertinent, magnitudinē, perspicuitatē, lucem, numerū orbium, præsertim vero motū ita constātem, ac ratum, & efficientiam ad conseruationē, & salutem rerū omnium. Quæ cum tā multa sint, & præter hæc, alia etiā innumerabilia cognitu iucundissima, potest ne aliquis dubitare, quin animus eiusmodi res tā magnas, tam admirabiles, & cōmuni hominū capta ita remotas intuens atq; in omnes partes, oraque circumspiciēs, in maximis sēper delectationib⁹ viuat? Quid enim absurdius, et cum oculorum, vel aurium tāta sit vis atque voluptas, animi ipsius, per quem & oculi, & aures gaudent, nullam.

*2. Pol.
cap. 5.*

nullam esse putare? Nam si eleganti equo, exēpli gratia, vel patula arbore intuenda oblectamur; cur nō maior sit oblectatio, cum vel equi, vel arboris naturā, & essentiā animo contemplamur, in qua contemplatione & illa insunt, quæ oculis videntur, & insuper alia multo maiora, & meliora? Etenim ut imago, aut tabula bene picta omnes quidem tenet, sed est præcipue, qui pingendi arte peritus sit, quiq; in ea non colores tantum, ac lineamenta inspiciat, sed eorum etiam rationem intelligat, ac tum umbrarum, tum partium extantiū convenientiam, aptitudinem, mutuāque inter se colligationem notare possit: ita in rebus omnib; vulgares quidem homines externū modo corticem spectant, eoque adeo capiuntur; doctiores autē aliquid interius perspiciūt, quæ earum natura, quæ vires, quam apta dispositio; quæ ut sunt longo interuallo præstantiora, sic etiam iucundiora. Quæ omnia cum quemuis capere possint, & adeo caperent veteres illos philosophos, ut nihil beatius putaret otio literato, tum deinde religiosi nescio quod dulcius habere possunt condimentū, quod illi nō poterant, ut cum illa non tam naturæ opera, quam Dei, qui auctor est naturæ, aspiciant, ita consuecant, ut in his operibus artificis potētiam, sapientiam, amoremque agnoscant, & quasi oculis ipsis videāt, qua cogitatione quid dulcius, aut etiam quid vtilius?

Hactenus de naturalium rerū cognitione; ex quibus facile intelligitur, quanto maiorem porro incunditatem necessario efficiat diuinarū rerum cognitio, quam nobis præstat Theologiæ lux: Cuius quidē scientiæ triplex quodammodo sortus est, vnus eius partis, quæ Scholastica dicitur, quæ ratione, ac via, atq; eo ferme modo, quo humanæ disciplinæ cōscripta, & tradita est, de cuius dulcedine quid maius dici potest, quā hoc, materiam ei subiectam solū esse. Deū? Hæc enim omnia, quæ de illo numine ab hominis ingenio cognosci pōssunt, cōplectitur, vnitatem, infinitatem, potētiam immensam, simplicitatē, scientiā, quam nihil latet, prouidentia, qua tum reliqua omnia, tum maxime hominū salutē gubernat. Deinde vero quosdā eius processus, tum interiores, quib; tres personæ in vna constituuntur essentia, tum exteriores, quæ est ipsa rerū creatio: quo in genere cū principem locū teneant angeli, eorū quoque natura, præstantia, ordinesque in multis diuisi classes studiose inuestigantur. Homo vero, quod est alterū Dei opus, dignitatē secundum, ipse quoque longū in hac disputatione argumentū, locum-

que obtinet; quis eius finis, quæ ad hunc finem vitæ, & adminicula, gratia in primis, tū Dei præcepta, ac leges, tum etiā virtutes, & illæ, quæ ideo theologales vocantur, quia Deum ipsum petunt, & aliæ morales, inter quas de iustitia, ac de eius partibus longissima disputatio, qua omnia Christiani viri officia in dando, accipiendo, rebusque contrahendis continentur. Illa verò theologiæ pars vberissima, & iucundissima, qua totum mysterium humanæ carnis à Dei verbo susceptæ explicatur: deinde quod huic, quasi effectus causæ, coniunctum est, sacramentorum quoque vis tractatur, eorumque materia, forma, efficacia, denique etiam ceremoniæ exponuntur, qui sunt quasi alvei, per quos omnis virtus ex Christi passione in homines deriuatur. Quamobrè si eorum, qui in cælo degunt ideo beata vita est, quoniam in Deo semper mentem defixam tenent, quid iucunditatis necesse est habere hanc scientiam, quæ eundem Deum tota pertractat, nisi quod illud interest, quod in cælo perspicue, nulloque interposito velo conspicitur, hæc vero scientia non quidem aspectu, sed ratiocinatione, certissimis tamen fidei fundamentis nixa in eodem Deo defigitur?

Atque huic materia similis, dignitate etiam, & auctoritate superior est sacra Scriptura, altera ex tribus, quas proposuimus, theologiæ partibus. Hanc vero Augustinus iure & merito delicias ac diuitias spiritus nostri appellat: diuitias quidem ob plenitudinem, copiamque omnium bonorum, quibus abunde animus hominis ad omnem virtutem instruitur, & eruditur: delicias autem propter incredibile, quæ in ea latet, dulcedinem; quam etiam ob causam idem alio loco easdem litteras de cæli melle melleas; & de Dei lumine luminosa vocat. Hieronymus autem ea epistola, qua Rusticum monachum ad optimam vitæ rationem informat, eas pomario comparans, ipsum hortatur, ut varia earum poma decerpant, his utatur deliciis, harum complexu fruatur. Bernardus quoque hos Dei sermones epulis comparat, quæ triplici emineant, ut ille ait, gratia, deliciofa ad saporem, solida ad nutrimentum, efficaci ad medicinam, quousque & ex eo quod suauiter sonant, affectum mulceant, & de sensuum vbertate mentem impinguent, ac nutriant, & de altitudine mysteriorum dum intellectum simul & exercent, & terrent, miro modo tumorem sanent inflatis scientiæ. Illud vero optimū, quod Abbas Serenus apud Cassianum ita differens inducitur, ut diuinam hanc scripturam

In psal.

145.

Conf.

9. 4.

Epist. 4.

Ser. 67.

Cant.

nam opimo, & fertili agro comparandam dicat multa gignenti, & proferenti, quorum alia ita ut nascuntur, cruda, usus sunt, alia, nisi prius flammis mitigata, ac mollita fuerint, propter asperitatem, vel minus grata sunt, vel etiam noxia: quædam vero ad utrumque apta, ut nec incocta displiceant, & tamen ignis calore lenita magis arrideant, & salubriora reddantur. Sic enim sacras litteras quædam continere, quæ ita accepta ut voces sonant, pascunt, ac nutriunt; alia vero, quæ nisi explanatione aliqua extenuentur, damnū potius afferunt; nonnulla etiam esse ad utrumque; usum communia. Hæc Cassianus, & vere: hoc enim distat scripta illa ab hominum scriptis, quod homines quidam voces tantum, & verba adhibere possunt ad animorum sensa expromenda, Deus autem, qui rerum etiam, & factorum auctor, moderatorque est, ipsis quoque rebus, factisque; utitur ad mentis suæ arcana indicanda: ex quo multiplex ille scripturarum sensus existit, qui cuiusmodi sit, & quæ multa refertus dulcedine, optime à Gregorio declaratur in illum B. Iob locum Tunc super omnipotentem deliciis afflues Super omnipotentem, inquit, deliciis affluere, est in amore illius, Scripturæ sacræ epulis satiari: in cuius nimirum verbis tot delicias inuenimus, quot ad profectum nostrum intelligentiæ diuersitates accipimus, ut modo nuda nos pasciat historia, modo sub textu litteræ velata medullitus nos reficiat moralis allegoria, modo ad altiora suspendat contemplatio, in præsentis vitæ tenebris iam de lumine æternitatis intermicans. Talis est igitur religiosorum vita inter has fer: perpetuas, continentesque; laticias: quam eorum felicitatem veram, & solidam præclare homilia quædam describit Chrysostomus, in qua cum multa de aliis cœnobij gaudiis. disseruisset, post eam delectationem, quæ oratio, & contemplatio percipitur, hæc etiam reponit, quæ sacra hæc studia afferunt. Diuinis, inquit, libris affixi, iucundissime afficiuntur. Choro enim soluto plerumque alius cum Isaia colloquitur, alius cum Apostolis, alius lætitat, & philosophatur de Deo, de creaturis, de visibilibus, de invisibilibus, de vilitate huius vitæ, de beatitudine future. Ita non brutorum animalium decoctas sibi carnes, ut alantur, assument, sed Dei verba melle, atque fano iucundiora. Hoc mel non sylvestres apes collegerunt, nec digestum more suo alucaribus immiserunt, sed spiritus gratia constituens pro fauis aluaribus, atque fistulis in animis sanctorum imposuit, ut quicumque vult, continui possit comedere. Illi igitur apes imitari,

sacrorum librorum fauos circumuolant, magnam inde voluptatem carpentes. Haftenus Chrysostomus.

Restat tertius horū studiorū fructus ex accurata sanctorum patrum lectione, qui doctrina, sanctitate, eloquentia etiam excellentes, tam multa nobis monumenta reliquere, ut iis versandis vix hominis vita sufficiat, nō modo ei desit in quo t: impus iucunde consumat. In quo ipso, quasi ad leuandā satietatem hoc etiam egisse Deus videtur, ut quemadmodum in magno cōuiuio alium alia dapes saporē habent, ita illis, quos dixi, tantis auctoribus suum cuiq; inesset suauitatis genus. Etenim si Grēcos inter se conferre velimus, Basilij stylus doctrinā redolet, ac praeceptis sanctitatis mirifice abūdat. Profundior ubiq; Nazianzenus, atq; in altissima mysteria sese vltro inferens, cū magno verborum ac rerum pondere. Athanasius lenior, sed tamen plenus, ac sermone temperato sibi semper similis, multaue cum auctoritate docens. Epiphanius contra haereseis acer, Theodoretus in scriptura interpretanda diligens, & planus. Damascenus doctissimus, atque in difficillimis fidei dogmatis enodandis aptissimus. Chrysostomus vero, ut suo nomine prae se fert, disertus, ac popularis, & in audientium animos influens, atq; eleganti verborū copia quasi pleno eloquentiae flumine in omnem partem impellens. Inter latinos Cypriani oratio pura, & copiosa, nihil tamen redundās, plena dignitatis, & ponderis, denique, ut de ipso testatur S. Hieronymus, instar fontis purissimi, dulcis, & placida incedēs, ut merito Augustinus quoque eum Doctorem suauissimū appellet. Ambrosius autem suum ipse quoque habet dicēdi genus, sententiarū vbertate refertum, verbis fluens lectissimis, ac praeterea numeris suis aptissime astrictum, ut plane vel theologum oratorie, vel oratorem theologice dicētem audire videaris: de cuius dulcedine quid maius dici potest, quam quod ab ipso Deo grandi prodigio praesignificata sit iam tum, ut accepimus, cum infantis in ore apertum examen confedit: Hieronymi quoque sermo doctus, & antiquitatis exemplis abundans, inuitoque acumine, deinde, quod caput est, ad omnia exprimenda apprime factus, siue scriptura ad verbum interpretanda, siue praecepta omni vitæ generi praescribenda, siue quidpiā laudandum, aut vituperandum sit, siue deniq; aliquis ad virtutem cohortandus, in quibus omnibus ita valet, ut plane illa coelestis eloquentia videatur. Augustin⁹ autem vberissimus, copiosissimus, lenissimus,

idem

Epist. 13.

2. doct.

Christ.

c. 40.

idem ad arduas quasuis quæstiones, idem ad populares cō-
 ciones aptissimus, in quibus multa cū gratia & mentem in-
 struit, & mouet voluntatem. Leone vero quis grauior, nu-
 merosior, atque, vt sic loquar, rotundior? cuius oratio ma-
 iestate plena, & quibusdam quasi verborum fulminibus in-
 structa: Gregorius totus vbiq; moralis, quo in genere miri-
 fice excellit, idēque suauissima quadā exemplorum, ac si-
 militudinū copia lectorem retinens, eumque tum ad virtu-
 tem doctrina erudiens, cum etiā styli lenitate, ac varietate
 demulcēs. Quid de Bernardo dicamus, quem vere appella-
 re possumus plane mellitum, qui spiritualibus documentis
 scatens, iisque optimis, ac perfectissimis, id etiā præcipuum
 habet, vt ita scripturas sacras in suum stylū immisceat, &
 contexat, vt vel ipse scripturæ verbis loqui, vel scriptura ip-
 sius ore sonare videatur, quæ res vna cum lepore grauita-
 tem quoque, ac vim habet mirabilem: Itaq; ne pluribus re-
 censendis longiores simus, id apparet, quod antea posui,
 omnibus istis Patribus suā cuique inesse formā oblectan-
 di; quod ad delectationis cumulum accedit, vt tamquā in
 vnius hortis satiati ad alterius hortos trāseam⁹, et, si quod
 obrepat fastidium, tantæ varietatis vicissitudine leuemus.
 Quod si dum ij adhuc in terra viuerent, cum singulis con-
 gredi, eosque tātos viros audire, magna quædam voluptas
 fuisset, cur non idem etiam existimeretur, iis in cælo viuenti-
 bus? imino vero multo etiam magis, cum & illis, quæ scri-
 buntur, acrius quoddā studiū, ac lima adhibeatur, quā iis,
 quæ viua voce ex tempore profunduntur, & eorum gloria,
 qua iam fruuntur, maiorem scriptis ipsis auctoritatem cō-
 ciliet. Satis igitur de triplicis huius theologiæ fructu dictū
 sit, si vnum illud addiderimus. Cum enim ad res diuinas, &
 præsertim ad sacras Scripturas percipiēdas, nō tam ingenij
 acumine, solertiaque nitendum sit, quam humilitate, & as-
 suetudine diuturna spiritualium sensuum, satis apparet, re-
 ligiosos quosque tanto aptiores esse ad ea haurienda sola-
 tia, quanto ad virtutes illas, quæ huc ducunt, comparandas,
 & plura, & efficaciora habent adiumenta.

*De gaudio, quod ex proximorum profectu re-
 ligiosi capiunt.*

C A P V T XII,

HA B E N T etiam religiosi plerique aliud solatij genus,
 cui nequaquā conferenda est vlla carnalis, aut terrena
 voluptas,

- voluptas, cū animas, in quibus excolēdis elaborant, vel ex vitiis ad sanctitatem sese conuertere, vel in ipsa sanctitate quotidie magis proficere, & in omni virtute efflorescere vidēt. Quæ quidē res quāta animo affert gaudia: quas etiā ex ipsis interdū oculis lacrymas elicit: Etenim si, vt ait Propheta, exultāt victores capta praeda, quāto maior esse debet exultatio in talib⁹ victoriis, & in tali praeda? Nā illic quidē alterius partis bonū, alteri⁹ damnū est: hic cum nostro fructu proximorū quoque fructus coniungitur, atque hoc ipsum proximorū bonum, nostrū quoque auget gaudiū. Testatur hoc etiā labor, sollicitudo, cura, qua sæpe, atque adeo vt plurimū, constare solent eiusmodi fructus: de quo Paulus Apostolus ad quosdā discipulos suos ita scribit, Filioli, quos iterum parturio, donec formetur Christus in vobis. Parturiēti se comparat mulieri, quod significat morā, & laborē & cruciatū etiā, qui in eiusmodi opera sæpe intercurrit. Itaq; non dubitandū est, quin in hunc etiā partum conueniat illud, quod est à Domino dictum, Mulier cū parit, tristitiā habet, cum autē peperit, iam non meminit pressuræ, quia natus est homo in mundū. Hic vero maior est etiā lætitia, quia non natus est homo in mundum, sed verius in cælū: vita enim corporis breuis est, vita autem animi sempiterna. Quid igitur sentire nos oportet in hoc sempiterno fructu, cum videamus philosophū ethnicum in discipulorū profectu exultare, & ita iudicare, eā esse iustissimā causam exultandi: Si agricolā, inquit, arbor ad fructum perducta delectat, si pastor ex fætu gregis sui capit voluptatē, si alūnum suū nemo aliter intuetur, quā vt adolescentiam illius suam iudicet, quid euenire credis iis, qui ingenia educauerunt, & quæ tenera formauerunt, adulta subito videant? Hec ille de eo fructu, quem cognoscere potuit, temporali, breui, & caduco: noster autē fruct⁹ spiritualis, & immortalis. Quare si, vt Saluator testatus est, gaudiū est in cælo super vno peccatore pœnitentiā agente, non eadem quoque causa erit lætādi in terris, seu cū hominem ad pœnitētiā cōverti, seu cū pleno gradu ad perfectionē cōtendere cernimus? Multæ enim concurrūt lætitiæ rationes, Dei in primis honor, proximi sal⁹, quē vt nos ipsos diligere iubemur, deinde maximū quoddā, gratissimūque spectaculum diuinæ bonitatis, & clementiæ, & patientiæ in perdita ouicula non solū tolerāda, sed etiā super humeros reportāda; cuius quidē clementiæ nos ipsi testes, & spectatores sum⁹. Denique

que illud quoque accedit, quod tam præclari operis, ac muneris nos etiã ipsos aliquo modo participes esse sentiam⁹, vt cum Paulo dicere, & quodãmodo gloriari nobis liceat, *1. Cor. 3.* Ego plantaui. Est autem hoc vel maxime naturale, vt in eo quisque delectetur, idque diligat, in quod aliquid studij, atque operæ contulit, eoque magis, quo ea res præclarior est. Quid autem maius, quam alios homines sanctos efficere, quod non modo proprium est Dei opus, sed etiam maximũ inter eius opera? Itaq; quomodo exultabat Paulus in Philippensibus, Gaudium meum, inquit. & corona mea. Quo- *Phil. 4.* modo in Corinthiis, quos gloriam suam in die Domini ap- *2. Cor. 1.* pellat? Ad Thessalonicenses vero, Quæ est, ait, nostra spes, *1. Thes. 2.* & gaudiũ, aut corona gloriæ? Nonne vos ante Dominum nostrum Iesum Christum estis in aduentu eius? Vos enim estis gloria nostra, & gaudium. Quare cum religiosi plerique in hac animarum messe tam attente versentur, & ita versentur, vt tam multa habeant ad fructum in eis faciendum propria adiumenta, de quibus superiore libro à nobis dictũ est, id etiam sequi necesse est, vt hæc eis solatia, hæc gaudia sine dubio certa, & perpetua sint.

De centuplo religiosi promisso.

CAPVT XIII.

MAGNA sunt omnino, quæ hactenus de religiosæ vitæ suauitate dicta sunt. Sed restat adhuc quiddã multo maximũ, in quo videlicet sunt omnia, & quod omniũ instar esse debet: id autem est amplissimũ illud, ac magnificentissimum Veritatis ipsius promissum, Omnis qui reliquerit *Mat. 19.* patrem, aut matrem, aut fratres, & sorores, aut doinum, aut agros, centuplum in hac vita accipiet. De quo promisso recte illa à Bernardo scripta sunt. Hæc sunt, inquit, verba, quæ contemptum mundi in vniuerso mundo, & voluntariam persuasere hominibus paupertatem. Hæc sunt quæ monachis claustra replent, deserta anachoretis. Hæc, inquam, sunt verba, quæ Aegyptum spoliant, & optima quæque eius vasa diripiunt. Hic sermo viuus, & efficax, conuertēs animas felici æmulatione sanctitatis, & veritatis promissione fidei. Quamobrẽ cum & tanta res promittatur, & is qui promittit, nec fallere, nec obliuisci etiam promissum possit, diligenter est nobis hic quasi thesaurus noster inspiciendus, & pertractandus, vt quæ in eo bona
continen

Col. ult. continentur, cognoscamus. Cassianus quidem collatione extrema, qua Abbatem Abraham differentem inducit, ita plane, atque expresse, ut sonat, hoc putat intelligendum, ut etiam ipsa quantitas eorum, quæ reliquimus, multiplicetur. Centuplam namque, ait, fratrum, parietumque recipiet quantitatem quisquis patris unius, vel matris, seu filij pro Christi nomine, caritate contempta, in omnium qui Christo seruiunt, dilectionem sincerissimam transit, pro vno scilicet tot inueniens patres, fratresque seruentiore, ac præstantiore sibi affectione deuinctos. Multiplicata etiam domorum, atque agrorum possessione ditabitur quisquis vna domo pro Christi dilectione reiecta, innumera monasteriorum habitacula tamquam propria possidebit, in quacunque orbis parte velut in suæ domus iure succedens. Quomodo enim non centuplū, & si Domini nostri sententiæ superadiici aliquid fas est, plus quam cētuplum recipit, qui decem, vel viginti seruorum ministeria infida, & coactitia derelinquens, tot ingenuorum, ac nobilium spontaneo fulcitur obsequio: Præclare Cassianus, & iuculente, quem tamen ne quis de illis in modo religiosis loqui arbitretur, qui certos redditus in commune obtinent, de omnibus plane loquitur, etiā iis, qui euangelicā hanc paupertatem ita seruāt, ut neque priuatim, neque communiter aliquid possideant: nā his quoque videmus centuplum suum reponi ex elemosynis, quas eis fidelium hominum pietas benigne suppeditat. Testatur hoc Beda in homilia quadam, ubi de religiosa hac paupertate differens, sic ait. Ad lætissima, inquit, Domini, & Saluatoris nostri promissa conuertamus auditum. Videamus quæ tantæ gratia pietatis, non æternæ tantummodo vitæ præmia suis sequacibus, sed & præsentis muneris pollicetur eximia. Omnis, inquit, qui reliquerit domum, vel fratres, aut agros propter nomē meū, centuplū accipiet. Qui enim terrenis affectibus, siue possessionibus pro Christi discipulatu renūciauerit, quo plius in eius amorem profecerit, eo plures inueniet, quod se interno suscipere affectu, & suis gaudeat sustentare substantiis. Hic igitur est primus gradus huius cētupli in his ipsis externis. Tamen sunt etiā alia multo maiora & optabiliora, quam hæc externa, idest, interiora illa bona, interior suauitas, ac satietas, quæ longo interuallo omnē terrenā superat suauitatem. Hoc sentit Hieronymus, eumque promissi illius sensū esse confirmat. Qui, inquit, carnalia pro Salvatore dimiserit, spiritualia recipiet, quæ cōparatione, & merito

*De nat.
S. Bened.
dict.*

*Lib. 3. in
Matt.*

merito sui, ita erunt, quasi si paruo numero centenarius numerus comparetur. Quid igitur amplius quaerimus? Etenim si ideo terrena ista expetuntur, ut nos oblectent, & suis inquirendis oblectationi nostrae seruiamus, habemus ubi multo maior delectatio, veriusque & uberius gaudium inueniatur. Ita enim affirmat Dominus, quanta erat illa voluptas, quam quisque ex parentibus, quam ex fratribus, reliquisque propinquis, quam etiam ex agrorum amoenitate, vel vbertate, denique ex reliquarum rerum omnium possessione, & usu capiebat, eam ipsam, & praeterea centupla proportionem adauctam, percipiturum ex religione. Hoc enim illud est quod Gregorius quoque quodam loco disserit, sed hoc etiam addit, hoc centuplum in eo consistere, quod nimirum gigni ut in nobis habitus quidam animi ita gaudetis, immo multo amplius gaudentis paupertate, quam homines cupidi, & auari gaudeant quibusvis diuitiis, & terrenarum rerum copia. Sanctus, inquit, quisque non ideo terrena deserit, ut haec possidere in hoc mundo multiplicius possit, quia quisque terreno studio tertam relinquit, terram non relinquit, sed appetit. Nec qui unam uxorem deserit, centum recepturus est, sed per centenarium numerum perfectio designatur; quia quisque pro Dei nomine temporalia, atque terrena contemnit, & hic perfectionem mentis recipit, ut iam ea non appetat, quae contemnit, & in sequenti saeculo ad aeternae vitae gloriam peruenit. Centies itaque recipit quod dedit, qui perfectionis spiritum accipiens, terrenis non indiget, etiam si haec non habet. Ille autem pauper est, qui eget eo quod non habet. Nam qui & non habens, habere non appetit, diues est. paupertas quippe in inopia mentis est, non in quantitate possessionis. Nam cui cum paupertate bene conuenit, non est pauper. Similia sunt apud Cassianum, qui de hac centupla dulcedine sic loquitur, Recipietur sane etiam de continentia coniugali maior centuplo suauitas ab illa, quae eis inuicem per commixtionem sexuum praebatur: pro letitia quoque illa, quam in unius agri, ac domus possessione quis habuit, centuplo maiore diuitiarum gaudio perfruetur, qui in adoptionem transiens filiorum Dei, vniuersa quae aeterni sunt Patris, ut propria possidebit, & affectu, atque virtute ad imitationem veri illius filij proclamabit, Omnia quae habet Pater, mea sunt, nec iam cum ulla penali distensionis, aut solitudinis cura, sed securus, ac laetus, velut in propriis ubique succedit, audiens quotidie ab Apostolo sibi praedicari, Omnia vestra sunt, siue mundus, siue praesentia, siue futura: &c. à Sa-

*Hom. 18.
in Ezech.*

*Col. vlti.
cap. vlti.*

*Ioan. 16.
1. Cor. 3.*

lomone, Fidelis viri totus mundus diuitiarum est. Habes ergo istam centupli retributionem in magnitudine meriti, & in discretione tam incomparabilis qualitatis expressam, Neque enim si pro æris, aut ferri, aut vilioris cuiusquam metalli certo pondere, tantundem ponderis, sed auri quispian reddidisset, non etiam amplius, quam centuplum restituisse videretur. ita cum pro cōtemptu voluptatum atque affectuum terrenorum spiritale gaudium, & pretiosissimæ caritatis iucunditas repensatur, etiamsi ipse sit numerus, centuplo tamen hæc maior, atque præclarior est. Hæc ex Cassiano. Augustinus autem non solum hæc eadem probat, sed illud quoq; asserere non dubitat, maiorem fore hanc iucunditatem centupla: hoc autem numero, vt omniū perfectissimo, omnia esse comprehensa quæcumque vel haberi, vel optari possunt, vt fiat in istis quod ait Apostolus, Quasi nihil habentes, & omnia possidentes. Alio vero loco tum hoc repetit, tum illud etiam adiungit, quod huius centupli gaudium cumulat, ne pauperes quidem, qui nihil, vel perparum reliquerunt, ab illa felicitate exclusos esse, sed omnibus hanc, quam diximus, tam amplam, tam vberem iucunditatis remunerationem communem fore. Sic enim is illum psalmi locum, Illic passerēs nidiucabūt, interpretatur, vt eiusmodi passerēs, minutæ quippe auiculæ, sint pauperes, ac paruī, qui audientes in Euangelio, vade, vende omnia quæ habes, & veni sequere me, toto id animo amplexi, deo conuerunt non iungi vxoribus, non macerari cura filiorum, non habere propria sedes, quibus deligarentur, sed ire in vitam quandam communē. Quid igitur, inquit, dimiserunt isti passerēs? Quid magnam dimiserunt? Alius se conuertit, dimisit cellam patris, & materem, vix vnum lectum, & vnam arcam. Non illi inuicem, non dicamus. Nihil dimisisti. Non superbiat qui multa dimisit. Petrus vt sequeretur Dominum, nouimus quod piscator erat, quid potuit dimittere? Vel rater eius Andreas, vel filij Zebedæi, Ioannes, & Iacobus, etiam ipsi piscatores, & tamen quid dixerunt? Ecce nos dimisimus omnia, & sequuti sumus te. Non ei dixit Dominus, Oblitus es paupertatem tuam? quid dimisisti vt totum mundum acciperes? Mulum dimisit, fratres mei, multum dimisit. Non solum dimisit quicquid habebat, sed etiā quicquid habere cupiebat. Quis enim pauper non turgescit in spe seculi huius? quis non quotidie cupit augere quod habet? Ista cupiditas præcisa est. Ibat in immensum, accepit modum, & nihil dimissum est? Prorsus totum mundum dimisit

Epi. 89.
quæst. 4.

In Psal.
103.
cons. 3.

dimisit Petrus, & totum mundum Petrus accepit. Quasi nihil habentes, & omnia possidentes. Faciunt hoc multi. Ista faciunt qui parum habent, & veniunt, & fiunt passeres viles. Hactenus Augustinus. Quare hoc teneamus, religiosis omnibus non solum centupla bona, & centuplam ex iis bonis voluptatem, ac felicitatem in hac ipsa vita promissam esse, sed centupli nomine totum plane mundum. Quod licet adeo magnum sit, & excellens, tamen restat adhuc alius quidam gradus huius centupli: isque summus, quod non solum hunc mundum & omnia quæ in eo sunt, continet, ut diximus, sed Deum etiam mundi auctorem. Sic enim ait Ambrosius, qui per hoc centuplum Deum ipsam intelligit, quoniam qui omnia reliquerit, Deum possidere incipit, & ipse est, inquit, merces utique perfecta virtutum, qui non centupli enumeratione, sed perfectæ virtutis æstimatione censetur. Affert etiam exemplum Leuiticæ tribus, quæ quia Domini iussu, nullam inter alias tribus terræ partem habuerat, ideo Dominus ipse ita promisit, & sæpius confirmavit, se eius partem, & possessionem fore. Itaque de hac istorum tam præstanti, tamque iucunda hæreditate, illa etiam vere, & merito addit. Cui portio Deus est, totius possessor est naturæ. Pro agris ipse sibi satis est, habens bonum fructum, qui non possit perire. Pro domibus satis est sibi, ut sit habitatio Dei, & templum Dei quo nihil potest esse pretiosius. Quid enim pretiosius Deo? Ea est portio, quam terrenæ partes æquare non possunt. Quid magnificentius hospite cœlesti? Quid beatius possessione diuina? Hæc & alia multa de hoc eodem Ambrosius, idque inter cetera egregie, quanto ditiores sint, qui omnia reliquerunt, quam ipsi diuites huius mundi, qui scilicet quantumlibet possessionum suarum spatia extendant, certos tamen fines habere necesse est, & tributa etiam maiora pendere, quam sint fructus. At vero, inquit, iste nihil possidens nulli nisi Deo militat, supra terram eius est portio, non eum terra decinet, non mari clauditur. Quod si verum est, quæ regum opes, quæ ullius hominis terrenæ diuitiæ, & comoda, & voluptates sunt cum religionis diuitijs, & voluptatibus conferendæ? Hæc ita esse tum aliorum multorum testimonio discere possumus, tum Arnulphi illius Cisterciensis, cuius mirabilem vocationem in eius ordinis historiis legimus. Hic enim cum in seculo utpote nobilissimus, & ditissimus, inter omnes delicias vitam egisset, deinde Bernardi concionibus impulsus, monasticam disciplinam in Clareuallensi cœ-

*In Psal.
118. 8.
octon.*

*Deu. 10.
6. 18.*

nobis professus est: in quo tam paupere, & rigido instituto, cum insuper aliquando viscerum doloribus gravissime cruciatus, diu examinatus, mutūq; iacisset, ut ad se rediit, in eam vocem erupit, Vera sunt omnia, quæ dixisti Domine Iesu: quod cum sæpius iteraret, omnes qui aderant, stupentes, percunctabantur quomodo haberet. ille autem nihil aliud respondēbat, quam illud idem, Vera sunt omnia, quæ loquutus est Deus. Quare suspicatus quibusdam, & ita dicentibus, eum mentis errore ex doloribus affici, & aliena loqui, Ego vero, ait ipse, integra mente hæc protuli, quoniā Dominus in Euāgelio testatus est, si quis propter ipsius amorem, mundi divitiis, & propinquorum consuetudini renunciauerit, fore ut cē-
 tuplum accipiat in hac vita; id quod ego nūc re ipsa experior. Etenim hæc ipsa tam ingentis cruciatus acerbitas adeo mihi dulcis est propter spem diuinæ miserationis, quam in ea repositam sentio, ut hac molestia caruisse me nolim, non modo pro illis, quas reliqui, opibus, sed etiam si centum partibus ampliores fuissent. Quod si mihi homini nequam, & peccatori, etiam mei dolores centies dulciores sunt, quā mea pristina felicitas, secularis, quid facient probi, & feruentes religiosi in suis solatiis, & gaudiis spiritualibus? plane enim ita res habet, ut spirituale gaudium quodcumq; sit, etiam in spe, centies millies exsuperet omne seculare gaudiū etiam in re. Hæc ille, quæ cum loqueretur, admiratos ferūt vniuersos, qui audierant maxime quod homo litterarū rudis tam bene ista & intelligere, & eloqui potuisset; eoq; certius omnes cognouisse, non aliunde illa provenire, quam à sancto Spiritu, qui in eius pectore residebat.

Comparatio religionis, & paradisi.

CAPVT XIII.

LI B E T iam his omnibus, quæ de religionis oblectamen-
 3. par. 11.
 16. c. 10.
 §. 11.
 tris dicta sunt, clausulam adiungere ex Antonio scriptore doctissimo, eodēque sanctissimo. Is enim quodam loco, ubi multa theologicè de hoc statu disputat, hoc etiam inter cæteras eius laudes habet, simillimum esse terrestri paradiso, qui locus erat totus gaudij, & voluptatis, ac deliciarum, ipsius Dei, tanti, tamque sapientis artificis manu consitus, ut homines in eo felicissimam vitam agerent. Itaque in hac etiā auctoris dignitate nihilo inferior est religio. tanta enim res nec ab alio inueniri, quam à Deo potuit, nec ab alio nunc quoque conseruari potest. Illius enim inuentum, ac do-
 num

num est ista viuendi ratio, tam sancta, tamque salubris, ab eo & in vniuersum hoc votorum consilium, & deinde in vnoquoque animus, ac desiderium huius disciplinæ, ab eodem perseverantia, & victoria in tentationibus, ab ipso etiam regulæ, & instituta, denique ab illo omnia. Ex quo illud etiam appareat, quam perfectum, atque absolutum, omnique bonorum copia affluens esse oporteat id opus, quod à tantæ sapientiæ, tantæque bonitatis fontibus fluxit. Ac in illo quidem horto, atque elegantissimo viridario plantauerat Deus omne arborum genus pulchrum visu, & gustatu suauē, ne quid ei in omni delectationis genere deesset. Hic vero sua quoque est spiritualium fructuum copia, qui multo iucundius oculos, ac palatū mētis demulceant. Hic enim illa cōscientiæ integræ, ac pacatæ securitas, hic lumen mentis, quo diuinæ res manifestantur, hic orationis, & contemplationis solatia, hic tam multa alia, de quibus ante diximus, & genere varia, & dignitate adeo præstantia. Neque veto deest lignum viæ, quod Antoninus gratiam interpretatur, quod & status hic nō ex natura, sed ex gratia fluit, & in eo tam multæ sunt, tamque faciles viæ ad gratiam hauriendam, & quotidie magis adaugendam. Quin illud quoque conuenit, quod erat in illo summa aëris temperies, nullus immodicus calor, nullum frigus nimium, non fames, non sitis, non febris, non alia corporis incommoda: quæ si ad animum transferantur, respondet iis in religione illa omnium perturbationū, omniumque cupiditatum tranquillitas, cum ita mens temperetur, atque instituat, ut turbidis illis æstibus vacans, in vno, atque eodem æquabili tenore perseveret; qui status si corpori iucundus fuisset, quanto erit iucundior animo? Quatuor vero flumina, 2. Mor. cap. 27. quæ ex illo paradiso erumpebant, cuiusmodi sint, docet Gregorius, qui quatuor virtutes significari putat, quia dum iis, ut ille ait, cor infunditur, ab omni desideriorum carnalium aestu remperatur. Illud autem quam congruens, quod à Domino dictum est de viro, Non est bonum homini esse solum, faciamus ei adiutorium simile sibi. Quid enim hoc aliud est, quā Gen. 2. utilitas ea, quæ ex fratrum societate tum ad salutis nostræ profectum, tum ad alia opera proximis utilia percipitur? Vere bonum non est homini ad virtutem aspiranti solitarium esse, quin potius damnosum, & periculosum, quonia & facilius à dæmone supplatur, & ipse citius in cursu fatigatur, & fidelibus consiliis, atque etiam salutaribus exemplis destituitur. Magnum ergo adiutorium ex fraterna societate, & quidem

*Hom. 69
in Matt.*

*Ad cle-
ric. c. 21.*

similius etiam quam illud Adami. Nam illud in natura tantum erat simile, hoc etiam in sexu, in habitu, in moribus, ac denique in omni vitæ instituto. Iam si statum mentis, quod ille hominū princeps fruebatur, inspiciamus, in eo quoque non parvam inueniemus similitudinem, quam indicat Chrysostomus, qui de monachorum felicitate disserēs, Adamo illos comparat paradisi regionem incolenti. Cur enim, inquit, isti peius habeāt, quam ille, quando ante inobedientiam in operando paradiso fuit constitutus? Nulla illi secularis erat cura: nulla etiam istis. Integra ille conscientia cum Deo colloquebatur: id faciunt etiam isti, immo vero tanto liberius, quanto maiore fruuntur gratia dono spiritus attributa. Denique huius paradisi delicias, modumque, ac viam eoperueniendi præclare Bernardus exponit, idque ab eo discere possumus, Nec vero, inquit, locum reputes corporalem paradysum hunc voluptatis internæ. Non pedibus in hunc hortum, sed affectibus introitur. Nec terrenarum tibi commendatur arborum copia, sed virtutum utriusque spiritualium iucunda, decoraque plantatio. Hortus conclusus, vbi fons signatus in quatuor capita deriuatur, & ex vna sapientiæ vena virtus quadripartita procedit. Splendidissima quoque inibi lilia vernant, & cum flores apparent, etiā vox turturis auditur. Illic nardus sponsæ flagrantissimum præstat odorem, & cetera quoque aromata fluunt, Austro spirante, Aquilone fugato. Ibi media est arbor vitæ, malus illa de cantico, cunctis pretiosior lignis sylvarum, cuius & umbra sponfam refrigerat, & fructus dulcis gutturi eius. Ibi continentiae nitor, & sinceræ veritatis incuitus oculos cordis irradiat, auditui quoque dat gaudium, & læticiam dulcissima vox consolatoris interni. Ibi quibusdam spei naribus infuit iucundissimus odor agri pleni, cui Dominus benedixit. Ibi auidissime prælibantur incōparabiles deliciæ caritatis, & succis spinis, ac vepribus, quibus antea pungebatur, vñctione misericordiæ profusus animus in conscientia bona feliciter requiescit. Quæ quidem non inter vitæ æternæ præmia, sed inter temporalis militiæ stipendia deputantur, nec ad futuram pertinent, sed ad eam magis quæ nunc est Ecclesiæ promissionem. Hoc enim centuplum est, quod in hoc seculo seculi contemptoribus exhibetur. Hæc Bernardus, quorum vel sola commemoratio quem non moueat, vt tantis bonis potiri, & in tanta felicitate semper esse velit?

Quamquam cur adeo miremur, religiosum statum magnam

gnam habere similitudinem cum paradiso illo terrestri, cum multo maius illud sit; quod magnam etiam habet similitudinem cum cœlesti? Certe enim si ipsam rei naturam intueri velimus, inueniemus religionem nihil esse aliud, quam imaginem quandam, aut speciem illius supernæ domus beatissimæ, ac felicissimæ, ut quidem huius mundi status illius boni capax esse potuit. Quod ne quis à me temere dici putet, tractat hoc ipsum argumentum diserte, & prolixè B. Laurentius Iustinianus in eo libro, quem scripsit de perfectione monastica, ubi ita ait. In humanis rebus, & in hac peregrinatione, nihil tam efficaciter gerit in se imaginem cœlestis patriæ, quam monastica conuersatio, & congregatio diuino cultui dicata. Quod cum posuisset, pergit id deinde multis rationibus veris, atque euidentibus confirmare, quas ab ipso petere poterit, cui libebit. Atque hæc etiam fuit expressa S. Basilij sententia, qui cum multa de religiosi instituti præstantia disseruisset, ad extremum ita concludit, nihil esse in terris tam magnum, & tam pulchrum, quod ei comparari possit. itaque è solo cœlo petendam eius similitudinem; quoniam sicut in cœlestibus omnibus incorruptio viget, ita viget etiam in religiosis, & sicut cœlestes caritate inter se coniunctissimi sunt, sic etiam religiosi. Prima ergo similitudinis causa, auctore Basilio, est in incorruptione, id est, in castitate; quia quemadmodum in cœlo neque nubunt, neque nubentur, ut Dominus dixit, ita neque in religione. Altera causa est caritas illa, ac summa concordia, quæ est inter omnes cœli ciues, eaque non ex natura, aut ex vlla humana inclinatione, sed in Deo solo, Deique amore fundata. Quid igitur huic similius, aut propinquius, quam religio, in qua tanta est consensus animorum, tanta communio omnium rerum, tantus inter se omnium amor, ut, quod sæpe à nobis dici oportuit, non multæ animæ, sed vna anima in multis corporibus esse videatur, idque ipsum non propter naturæ nexum, aut vllius humani studij, qualis est inter mercatores, aut milites, sed caritate nixus, caritate conglutinatus? Hæc enim caritas, cum, ut ait Apostolus, numquam excidat, eademque ipsa in cœlis duratura sit, quæ hic est in terra, iam nunc dum est in terra, cœlestem illum statum quodammodo repræsentat. Quamobrem Chrysostomus religiosos laudans, non dubitat ipse quoque dicere eos cœlestem plane conuersationē elegisse, nihiloque deterius affectos, quàm sint angeli (hæc enim sunt eius verba)

Cap. 6.

Con. mod.
ca. 19.

Matthi.

21.

1. Cor.
13.Libr. 3.
con. vit.
mo. vi.

quia ut in angelis nulla est inæqualitas, nec dum alij lætantur, alij dolent, sed eodem omnes gaudio gaudent, eademque exultant quiete, sic omnino idem fieri in monasterijs.

*Con. mo.
ca. 19.*

Expressius etiam S. Basilus, qui communitatem illam vitæ, quæ est inter religiosos, comparat ei, quæ est inter angelos, redditque rationem, quoniam utrisque sunt eadem diuitiæ, nempe spirituales, & omnis materiæ expertes, quæ scilicet sine vlla diminutione à pluribus possideri possunt. Itaque ob hanc causam religiosos aut cœlestis vitæ statum egregie effingere, & futuræ beatitudinis dona iam nunc præcipere. Illud vero quam simile, quod sicut in cælo sunt omnes Deo perfectissime subiecti, Deique voluntas omnes omnium voluntates mirabiliter absorbet, ut ea quasi regula sola moueantur, quocumque mouentur, ita in religione omnis voluntas propria eradicatur, & euellitur sancto obedienciæ voto, cuius vi hoc agitur, ut homine interprete voluntas Dei in omnibus dominetur, & regnet. Accedit deinde etiam paupertas. Nam apud cœlites illos nulla est cura auri, vel argenti, sed solis tantummodo diuitijs spiritualibus intenti sunt; quod idem faciunt etiam religiosi, cum ipsi quoque omnia à se terrena remouent, & nihil omnino terrenum possident, eoque gloriantur. Præterea in cœlesti illa regia vnica est omnium occupatio, vnicum negotium, Deum amare. Deum laudius celebrare. At hoc etiam conantur, & student religiosi. hanc enim ob causam mundum reliquerunt, ut vacarent, & viderent, quoniam suavis est Dominus, eique toti adhererent: eamque rationem ait Dionysius fuisse, cur ab initio Monachi sint appellati, quoniam eum hoc nomen ab unitate veniat, eo significata est unitas illa, quam cum Deo religiosa disciplinæ efficit. Itaque ut Augustinus dicit, eos, qui in cælo sunt, ideo beatos esse, quoniam nihil aliud agunt, nisi hoc, ut Deum laudent: nam, ut ipse ait non arant, non seminant, non molunt, quod hæc opera necessitatis sint, ibi autem necessitas nulla est: non etiam furantur, non deprædantur, non adulterantur, quoniam hæc opera sunt iniquitatis, ibi autem nulla iniquitas est: sic de religione dici potest: nam alterum quidem capit, quod iniquitatem continet, hic locum non habet, alterum autem quod ad necessitatem pertinet, tum magna ex parte præcisum est, resecta cupiditate, tum ita institutum, ut ad ipsius Dei gloriam dirigatur; quod cum fit, ut idem Augustinus docet non cessatur à Dei laude, quoniam hæc ipsa ad Deum relata, Deum laudant. Sic enim, inquit, laudas Deum, cum agis negotium,

*Eccles.
hie. c. 10.*

*In ps.
148.*

*In ps.
145.*

negotium, laudas cum cibum, & potum capis, laudas cum in lecto requiescis, laudas cum dormis. Denique illa quod est maxima paradisi similitudo in religiosa anima, quod celestium mores imitatur, ut ait quodam loco S. Bernardus. Vnum Deum adoratur, & colitur, quomodo angelus, casta est quomodo angelus idque in carne peccati, & fragili corpore, quod non angelus, queritur postremo, & sapit quæ apud illos sunt, non quæ super terram. Quare quod in Apocalypsi scriptum est, Vidi civitatem Hierusalem novam descendentem de cælo, non immerito idem Bernardus applicat Christo salvatori, qui dum, ut ipse ait, celestis disciplinæ magistrum terris intulit, simul etiam super in illius Hierusalem visibilem quandam imaginem, & speciem in se ipso expressam ostendit, additque causam; Nec frustra, inquit, visus est homo celestis, cum de terrenis celestes quamplurimos fecerit sibi similes. Ex tunc igitur in terra vivitur more celestium, dum instar supernæ illius, beatæque creaturæ hoc quoque, quæ à finibus terræ venit audire sapientiam Salomonis, celestis viro nihilominus casto inhæret amore. Ultima est similitudo etiam in gaudio, ac felicitate. Nam et in gradu ipso, & magnitudine huius gaudij necessario est differentia, quoniam in cælo Dei facies videntur, hic per speculum, & in ænigmatibus, tamē hæc ipsa iucunditas & magna est, & eiusdem naturæ cum illa celesti. Viriusque enim idem est fons, eademque materia, quoniam non ex carne, & sanguine, non ex rebus creatis percipitur, sed ex Deo, quod est summum, & infinitum bonum. Horum autem gaudiorum quanta copia in religione, eaque quam perpetua, quam multiplex, & certa, ac solida nullisque externis casibus exposita, dici hic posset vberissime, si non satis dictum esset hoc toto libro. Quare ita iam concludendum est, nihil felicius esse posse religiosam vitam, quæ etiā tam similis sit celesti vitæ, ut iam nunc futurā illā beatitudinē præcipiat, & quasi largissime prægustet. Itaque recte huic loco accommodare possumus illud diuini Prophetæ dictū, Benedicite Dominum omnes serui Domini, qui statis in domo Domini, in atriis domus Dei nostri. Omnes enim Dei seruos, quos ad Deum laudandum excitat, duplici ordine distinguit, alios qui in domo ipsius Dei sunt, alios qui in atriis. Ac illi quidem sunt, qui in cælo degunt, ubi Deus tamquam in domo habitat. In atriis vero religiosos esse intelligimus, nondū in domo, sed proximos tamen domui, ac in eius quasi aditu, ac vestibulo; ex quo hæc duo magna commoda sequuntur,

tur, primum ut, nisi pedem referant, eo facilius, & celerius, cum tempus fuerit, in ipsam etiam domum recipiantur, deinde ut iam nunc, nimirum è propinquo loco, multas illius domus utilitates, multasque suauitates, tanquam micas ex illa diuina mensa cadentes, excipiant.

De ijs quæ obijci solent contra religionem, & primum quod hæc gaudia sunt paucorum.

CAPVT XV.

SECVLVM quidem ipsum, si pro se loqui possit, neque tam cæcos, surdosque habeat amatores, ac defensores, non dubito, quin concessurum sit religioni, non solum de dignitate, verum etiam de gaudiorum magnitudine, ac copia. Est enim non modo impudentis hominis, sed vix hominis, ac potius pecudis, & belluæ, pluris esse putare dulcedinem corporis, atque carnis, & titillantem ex rebus infimis, atque vilissimis natam lætitiā, quam eam voluptatem veram, ac solidam, quæ & in animo nascitur, & ex Deo nascitur, quod solum est verū bonum, & omnis boni bonum. Hoc igitur est suauissimum illud manna, quod ex Ægypto in desertum eductis Dei bonitas è cælo demittit.

Sed quoniam, ut antea attigimus, tum in hoc exitu de terra Ægypti, tum etiam post exitum, non desunt aduersarij, atque hostes multi, illic quidem Pharaon cum suis equitibus, totoque exercitu, hic autem Philistæi & Iebusei: hoc quoque nobis faciendum restat, ut eorum tela, ac machinas, quibus ad oppugnandum vtuntur, non solum inspiciamus, & cognoscamus, quod ipsum ad victoriam magni interest, verum etiam confringamus. Primum igitur illud sit, quod quidam obiicere solent, hæc quæ enumerauimus, gaudia non omnibus esse concessa, sed paucis insignibus, & excellentibus viris, qui singulari Dei priuilegio, vel longis ieiuniis, ac diuturna corporis maceratione id meriti sunt: reliquos vero communes, ac mediocres homines longe abesse ab istis suauitatibus, neque has vnquam gustare delicias.

Ad hunc errorem (sic enim appellandus est) confutandum, hoc primum intelligendum est, quæcumque totis his libris, vel de utilitate, vel etiam de excellentia, vel postremo de iucunditate religionis dicta sunt, de statu dicta esse, non de homine. Quid enim ad me, si qui sint homines socordes, ac negligentes, qui in media copia egeant, inter plenissimas mentes esuriant, in quos est illud prouerbum, Abscondit piger

piger manum suam sub ascella, nec ad os suum applicat eam? Simillime enim religiosi non paranda sunt ea bona, quæ tam affarim suppeditat religio: ea enim iam parata sunt, & præsto sunt: sed ijs tantum bonis utendum, iisque quasi cibi ad os applicandi: quod si tantulâ laboris, quod est in utendo, ferre non possunt, id quidem ipsorum vitium est, non verò status. status enim plenus est ingentibus commodis, ipsi autem si vacui, & inanes sunt, sua culpa sunt. Ut igitur cum physici de humani corporis constitutione disputant, ita disputant, ut à natura factum est, integrum, atque perfectum, ut brachiis, & manibus, ut tibis, pedibus, ceterisque membris constet: si verò cuiquam homini vel manus, vel oculus, vel pes desit, nihil ad illos pertinet, cum id tantum doceant, idque spectent, quod rei natura requirit: sic cum de religione agitur, eæ utilitates, eæ etiam iucunditates persequendæ sunt, quas huius status natura per se efficere potest, & solet. quare si quis sit, in quo hæc non efficiantur, id, ut diximus, homini ipsi, non statui adscribendum est. Sed tamen horum ita segniù, ac negligentium audeo dicere minimum esse numerum inter religiosos. nam hoc ipsum ad religionis bonum pertinet, ut etiam torpentes excitet, & tardiores impellat, frigidolque incendat, idque perpetuo facit. Verum qui hoc dicunt, hoc fortasse volunt, quæ de Antonio, de Dominico, aut Frâncisco, & aliis eiusmodi excellentibus viris legunt, vel audiunt, illos eorum raptus, illas ecstases, illa miracula, non eadem omnibus contingere. Quod verum est, neque à nobis negatur, sed hoc, si attendamus, nihil religioni detrahit. Ut enim agri cuius ubertas, ac fertilitas ostenditur ex eo, si centesimum reddat, quod si cui minus reddat, non id ex agri infertunditate provenit, sed ex eius tarditate, & negligentia, qui non colit, nec subigit, ut oportet; sic idem mihi de religione dicendum videtur. Est enim quasi ager, cuius admirabilis fecunditas in sanctioribus illis viris ostensa est, quam si nos adhuc non experimur, nostra hoc sit culpa, non ipsius: atque hoc tamen nos excitare, & animare debet ad diligentiam, cum sciamus, quam uberes futuri sint laborum nostrorum fructus, & quam fuerint alij.

Quamquam ne illud quidem ambigendum est, quin etiam si ad illam tam insolitam, atque extraordinariam gaudiorum copiam peruenire non liceat, multum tamen sit, atque adeo plutum, quo fruamur, & quo etiam saturemur. Et enim si non stigmata, ut quidam ex illis, cõsequamur, si non ad
tertium

tertium cœlum rapiamur, aut ad illos mentis excessus perueniamus, hoc tamen facile, & ordinariū est, vt legendo, orando, & diuina contemplando, ita delectemur, vt eam delectationem non cum omnibus mundi delitiis, ne si plures quidē sint mundi, commutare velimus. Sunt enim ista Dei charismata vt oleum illud à Propheta multiplicatum, cuius copia tantum manat, quantum vasorum ad capiendum subiicitur, vt quamuis minora, vel pauciora sint vasa, non ideo nihil manet: manat enim, vt dixi, etiā si parum, idque ipsum quod est iucundissimum est. Neque verò illud etiam omitendum, qui hoc timeant, ne Deus tam care suas hæc vendat spirituales delectationes, de illius bonitate, ac beneficentia indigne admodum sentire, eumque suspicari auarum, ac tenacem, quod ab eius natura abest quamplurimum. Cogitent hi quā large quam prompte, quam etiam profuse cetera beneficia ad naturalem hanc vitam tuendam impertiat, quotidianum solem, tempestiuas pluuias fumenti, vini, olei copiam, reliquorum omnium fructuum abundantiam, non ad necessitatis modo mensuram, sed ad delectationis quoque cumulum. Quibus autem hæc impertitur? hominibus improbis, blasphemis, impijs, aut saltem maxima ex parte ingratis, qui hæc ipsa cum ab ipso accipiunt, nihil de eo cogitant, ac potius in illius iniuriam ijs abutuntur. Ergo cum tanta sit Dei bonitas, ac largitas in rebus huic, quam dixi, naturali vitæ idoneis, cur non sit etiam eadem, & multo maior bonitas, ac liberalitas in vitam illam nobiliorem, quæ spiritu ducitur, quam vt nobis daret, vltro de cœlis descendit, vltro etiam mortuus est? Videmus in conuiuio illo tam lauto, tamque magnifico, ac regie instructo, quod genus hominum aduocari scribantur. An forte diuites tantum, & honorati, aureisque vestibus nitentes? Exi (inquit) cito in plateas, & vicos ciuitatis, & pauperes, ac debiles, & cœcos, & claudos introduce huc. Qui verò sunt debiles isti, & isti cœci, & pauperes, si, vt in parabola, spiritualiter interpretemur, nisi imperfecti, ac rudes spiritu, qui nec ad cœlestia videnda satis oculis valent, nec satis pedibus ad currendum in hac via, & denique qui, virtutum, & reliquorum spiritualium bonorum inopia laborant? Et tamen hi quoque ab illarum epularum suauitate non modo non excluduntur, sed vltro accersuntur, rogantur, immo verò vt etiam Euangelista narrat, compelluntur. Nemo ergo timere debet, ne si ad religiosam vitam accesserit, ieiun⁹ futurus sit, eorūque fructum expeis, quos

quos tam multos cōmemorauimus, aut etiam ne nimis diu laborādum ei sit ad istam aquarum viuentium venam effodiendam. Hoc enim amplius habet religiosa vita, quam vita secularis, quod sine dubio manifestum est, quod in hac seculari tantum quis uel consequitur, quantum viribus proprijs, proprioque studio connitatur. In religione autem ipse status multa nobis quasi ultro offert beneficia, & sapè etiam nescientibus in sinum congerit. Hic enim valent non nostra solum, sed fratrum etiam nostrorū merita, de quorum communione quanta sit, & quanti referat, alio loco à nobis abunde dictum est. Valet etiam ad hoc ipsa instituti dignitas, & gratia quædam, quæ nos Deo mirifice commendat. Valet illa tam præclara, tamque præstans, & generosa actio, qua nosmet, & omnia nostra Creatori nostro resignauimus; cuius actionis tantum est prærium, ut una illa plurimjs secularium actionibus iure præponderet. Denique valer ipsius Christi promissio, qui centuplum illud, quo omnia continentur, non Arsenio tantum alicui, vel Hilarioni pollicitus est, sed omnibus plane, qui sua reliquissent, nulla additione, nulla, ut videmus, exceptione. Quam in sententiam præclare Bernardus inanem eorum metum confutat, qui ita loquuntur: Ille quidem sic, ego forte non ita. Delicatus sum, homo peccator sum, nec subsistere in tanto labore, sine gratia multa, nec ipsam gratiam valeo promereri. Quasi verò gratia non sit gratia, sed operum merces: quasi non omnes peccauerint, aut non omnes egeant gratia Dei. Æstimas, o homo, quia personarū acceptio sit apud Deum, & non omnes omnia relinquētes tam copiose consoletur? Noli esse incredulus, acquiesce, vel veritati, de cuius testimonio nulli licet dubitare fidei. Et omnis (inquit) qui reliquerit patrem, aut matrem, aut domum, aut agrum propter nomen meum, centuplum accipiet. Neminem Christus excipit. Miseri igitur qui dicunt, præter nos. Nimirum indignos se iudicant multo magis vita æterna, qui nec ipsum quidem centuplum sperant. Sed quia Deus verax est, qui promittit, homo utique iudex est, qui diffidit. Hæc Bernardus.

Sed quoniam si quod est tempus his timoribus obnoxium, sunt maxime initia, cum adhuc animus in rebus spiritualibus habes ac tardus est, in firmus autem ad prælia, multumque de seculi fece retinens, propterea hic potissimum metus minuendus est, ut intelligatur, hæc ipsa tyrocinia, & prima rudimenta omnium maxime his solatijs abundare. Si enim id credimus,

*Ser. ecce
nos reliq.*

credimus, de quo ne dubitare quidem fas est, summam illam bonitatem ita suorum providentiam gerere, quasi eos inter brachia sua, & in sinu suo portet, illud quoque ad hoc ipsum officium necessario pertinet, ut illi tamquam spiritali infantia det lactis potum, ut ait Paulus Apostolus. Nam si Deus naturæ auctor eam curâ corpori huic tribuit, ut dum adhuc dentium, nervorumque firmitate careret, lactis alimento tam dulci, nullis, & laboribus comparato, nutriretur, an putandum est, eundem in genere gratiæ, cuius item est auctor, curam hanc animi, donec ipse quoque infirmior est, negligere? Hoc enim illud est, quod ipse ultro per Esaiam prophetam promittit, Ad vbera (inquit) portabimini, & super genua blandientur vobis. Quomodo si cui mater blandiatur, ita ego consolabor vos. Quid mollius, aut quid amantius dici poterat, quam quod infinitum illud numen etiam ad nutricularum affectum illum teneriorem, & officium, ac sedulitatem sese demittat? Et si in hoc ipso non suam tantum Dominus commendat pietatem, dum se matri similem facit, sed dum nos infantibus comparat, hoc ostendit, ut cælestes illas delicias percipiamus, nulla nostra ab eo respici merita. Quid enim egerunt, aut quid agere potuerunt infantes, quorum præsentium erga se benevolentiam, & caritatem colligerent, hoc excepto, quod filij sunt, quod tamen non ipsi egerunt, sed parentes? Ac si de meritis agitur, quid fecerat filius ille prodigus, ut, non dicam patris blanditijs, sed aspectu dignus esset? potius multa fecerat, quibus supplicium, & magna poena deberetur. Et tamen quanta fuit in eius reditu lætitia, quod conuiuium, quæ symphoniæ, quæ cantus, & quod sine dubio omnium illi dulcissimum videri oportuit, quæ patris in illum indulgentia, qui amplexus, & oscula, quæ etiam lacrymæ super eius collum? In quo illud etiam est magis mirum, quod cum hæc ei exhibita sunt, qui domo discesserat, qui sua omnia in luxu, & vitijs decoxerat, tum alteri filio & maiori, & qui nunquam patrem vel factum, vel dictum contristauerat, tamen nihil ex ijs unquam datum fuerat, ut ille quidem etiam cum quadam querela commemorabat. Ex quo apparet, tantum abesse, ut solaria ista non nisi perfectissimis dentur, ut etiam sæpè plura dentur imperfectioribus, & qui recens in Dei domum tamquam novi hospites advenire. Cuius quidem rei rationem sapientia, & providentia plenam rectè assignat Gregorius: Divinæ (inquit) gratiæ dispensatione agitur, ne in inchoatione sua tentationum asperitate

1. Cor. 5.

Esa. ult.

Luc. 15.

24. Mor.

cap. 7.

asperitate frangantur , quia si eorum initia amaritudo tentationis exciperet , tam facile ad ea quæ reliquerant , redirent , quam nec longius discesserunt. Nam contemptis prius vitijs quasi iuxta positis replicatentur. Vnde & scriptum est, *Exo. 13.* cum emisisset Pharaon populum , non eos duxit Dominus per viam terræ Philistiim , quæ vicina est , reputans ne forte periret eum , si vidisset aduersum se bella consurgere , & reuerteretur in Ægyptum. Ex Ægypto itaque exeuntibus è vicino bella subtrahuntur , quia derelinentibus seculum quidam prius tranquillitas ostenditur , ne in ipsa sua teneritudine , atque inchoatione turbati , ad hoc territi redeant , quod euaserunt. Denique hæc summa huius rei est , quæ non modo nouitijs in hac spiritali vita , sed alijs quoque imperfectioribus communis est , quod alius est hominum mos in dando & benefaciendo , alius Dei. Homines enim quia angustam rem habent , eamque ipsam eius naturæ , vt cum alijs communicata minor fiat , ac præterea cum aliorum opera , ac subsidio egeant , propter has causas nullam fere mercedem , aut præmium alteri impetuntur , nisi vel propter sperata , vel propter accepta iam obsequia. Deus autem , qui nullus est indigens , ijsque opibus infinite abundat , quæ dando , & largiendo nunquam exhauriuntur , nulla alia causa ad largiendum mouetur , quam sua natura , & bonitate ad benefaciendum propensa. Itaque semper in omnes diues , semperque munificus est , & prolixè liberalis , in eoque non tam hominum merita , quam suam ipsius , vt dixi , spectans clementiam. Quinimmo hoc posito , aliud quoque maius quiddam , ac mirabilius sequitur , vt interdum etiam effusius ijs sua hæc dona tribuat , qui non ita perfecti sunt , neque tam magnos in sanctitate progressus habent , nimirum non quo plus merentur , sed quo plus egent. Facit enim quod pater quilibet , qui cum suis omnes liberos diligit , sanos quidem ne attendere quidem videtur ; si quis autem ægrotat , ei non solum fomenta , & medicamenta adhibet , quæ ad necessitatem pertinent , sed etiam multas addit delicias. Facit etiam quod agricolæ , qui firmioribus iam plantis nihil pene operæ impendunt , infirmiores autem arbusculas tum crebro irrigant , tum etiam sulciunt , & obsepunt. Talis enim , ac multo etiam maior est Domini benignitas in suos , quam ipsemet *Matt. 9* professus est , cum dixit , non esse opus valentibus medico , sed male habentibus.

*De bono status Religiosi
De eo quod quidam obuiant in religione
esse multa aspera.*

CAPVT XVI.

Phil. 3. **N**on solum animales homines, qui terrena sapiunt, ut ait Apostolus, multa in religioso statu quasi difficilia, & aspera exhorrent, sed ipsamet huius disciplinæ facies, & primus aspectus oculis corporis quiddam triste, & durum, ac senibus odiosum representat. Quod nisi esset, meo quidem iudicio, nemo inueniretur, qui non libentissime & audacissime ad hæc instituta accederet, quibus se & æternæ salutis gloriam, & præsentis vitæ tranquillitatem, curarumque omnium vacuitatem adipisci videret. Verum illa, quam dixi, asperitatis species tantum potest, ut ea plerique perterriti has tantas utilitates tantis, quas sibi fingunt, molestis emendas non putent. Quare cum nulla ferme maior sit dæmonis machina ad hæc tam salutaria consilia disturbanda, magnum omnino operæpretium fore videtur, si hoc temptationis genus penitus conuellatur. Est autem duplex via ad id conuellendum: primum ut fateamur, atque etiam gloriemur, aliqua hic esse paulo difficiliora, & duriora. Quæ enim esset hæc vita, si in voluptatibus tota duceretur, si nihil in ea patiendum occurreret, si nulla vnquam molestia aspergeretur, nihil plane sentiretur, quod displiceret? Si enim ita esset, quid haberet laudabile? quid esset, in quo virtus, in quo fortitudo, patientia, caritas exerceretur? denique quæ esset materia vel meritorum, vel gloriæ acquirendæ? Est igitur potius magna laus instituti religiosi, quod aliquid habeat, quo virtutem exerceat, exercendo augeat, auctam autem remuneret. Sed tamen ne quis hanc ipsam difficultatem, quamquam adeo, ut diximus, utilem, ac salubrem, nimium pertimescat, sciendum hoc est, quicquid est difficultatis, ita molliori, condiri, temperari, ut appareat quatenus valet ad meritum, non appareat quantum attinet ad laborem. In quo certe nunquam satis admirari, satisque amare posse videmur illam Dei sapientiam, ac bonitatem, quæ duas res adeo contrarias, ut non magis dissidere possint, tamen ob nostras utilitates incredibili quodam nexu deuinxerit, ac conciliari. Nam si hæc vitæ degendæ ratio levis, ac procliuis esset, quid ei, ut dixi, præmiij deberetur? Sin valde grauis, & laboriosa, quis ferre posset, præsertim in tanta humanæ naturæ imbecillitate?

imbecillitate? Igitur ille hominum amator, & custos ita
 vtrumque commiscuit, vt & res per se omnium grauissima,
 maximèque esset ardua, & tamen tantis tamque mirificis
 condimentis mitigaretur, vt eadem esset suauissima, & iu-
 cundissima: quod ipse Dominus demonstrauit, cum seruitu-
 tem suam oneris, atque iugi nomine expressit, sed ita, vt hoc *Matt. 11.*
 iugum suaue, hoc onus leue appellaret. Verum de hac diffi-
 cultate illud primum cogitandum, & tenendum est, quècum-
 que ea est in Dei obsequio, non ex ipsius natura prouenire,
 quod nimirum cum rationi valde congruat, sequitur vt etià
 valde congruat homini ratione prædito. quare nihil est quod
 repugnet, præter carnis, appetitusque corruptionem. Cum
 igitur altera nostri pars condelectetur etiam, vt ait Paulus *Rom. 7.*
 Apostolus, legi Dei, non dubitandum est, si hæc, vt pote supe-
 rior, ac nobilior, sese intenderit, studiūq; ac diligētiam ad-
 hibuerit, quin alteram illam partem, quæ inferior est, & ad
 obediendum tacta, in officio continere possit. Primum quia
 ipsa nostra industria, ac conatus ille, ac studium, quod dixi,
 magnam vim habet; quod etiam veteres illi philosophi co-
 gnouerunt, e quibus vnus, Nihil est, inquit, tam difficile, & ar- *Sene. lib.*
 duum, quod non humana mens vincat, & in familiaritatem *2. de ira*
 perducatur assidua meditatio, nullique sunt tam feri, & sui iuris *cap. 12.*
 affectus, vt non disciplina perdomentur. Quodcumq; sibi im-
 perauit animus obtinuit. Quidam ne vnquam riderent, con-
 sequuti sunt. Vino quidam, alij venere, quidam omni humo-
 re interdixere corporibus. Didicerunt alij tenuissimis, & ad-
 uersis funibus concurrere, & ingentia onera, vixque huma-
 nis viribus toleranda portare, & in immensam altitudinem
 mergi, & sine vlla respirandi vice perpeti maria. Alter autem *Plut. lib.*
 philosophus aptissime omnino ita scribit, eos qui se morum *de profe.*
 disciplinæ tradunt, initio fortasse in hæitationes & errores, *virt.*
 atque labores incidere, vt ij faciunt, qui patria terra relicta,
 nondum eam, quam petunt, videntes, sollicitudine anguntur;
 breui tamē omnia facilia, plana, & expedita reddi exercita-
 tione ipsa, & illato, vt ipse ait, in philosophandi conatum lu-
 mine, ac splendore.

Atque hæc quidem, quæ hæctenus diximus, quoniam ex
 consuetudine, & ex habitu proficiuntur, ferme naturalia
 sunt. Quid igitur erit, si ad naturam gratia etiam accedat, cu-
 ius tanta vis est, vt hominem plane commutat, & trāsformet
 in alterum, & quod est apud Prophetam, nouum infundat spi- *Ezec. 11.*
 ritum, & pro corde lapideo carneum, & tenerum reponat? De

Psal. 67. hac enim gratia illud quoque est in psalmis, Dominus dabit
Psal. 17. virtutem, & fortitudinem plebi suæ. Item, Benedictus Domi-
Psal. 40. nus Deus meus, qui docet manus meas ad prælium, & digitos
 meos ad bellum. Et illud aptissimum in alio Propheta. Qui
 sperant in Domino, mutabunt fortitudinē: assument pennas
 sicut aquilæ, current, & non laborabunt, ambulabunt, & non
 deficient. Quid enim amplius desideremus? Non modo pe-
 des ad currendum per hanc viā, sed alas promittit ad volan-
 dum, ut quod etiam additur, non deficiamus, ac ne laborem
Abac. 3. quidem. At vero alter Propheta quomodo exultat, & trium-
 phat, non in se, sed in Domino? Deus, inquit, Dominus forti-
 tudo mea. Ut enim æris lumē est sol, nec multū interest, utrū
 hoc lumen innatum ei sit, an à sole mutuatum, modo, ita ei
 promptum sit, ac si esset innatum, sic nos Dei viribus utimur,
 ac si essent nostræ, ideoque ipse est fortitudo nostra. Quid au-
 tem hæc eius fortitudo in nobis efficit? Poner, inquit, pedes
 meos quasi ceruorum, ut impigre, alacriter, & sine fatigatio-
 ne currant, neq; solum in infimis, & in planitie, ut solent vul-
 gares homines, sed ad ardua quæq; , & difficilia: addit enim,
 Et super excelsa deducet me victor in psalmis canentē. Ille
 ergo pro nobis pugnabit, ille nobis vincet, & profligabit ho-
 stem, nōsq; in hac via deducet non laborantes, sed in psalmis
 canentes; quod perpetuā lætitiā, & gratiarum actionem si-
 gnificat. Admonet me hic locus, ut prætereundū non putem,
 quam aliquando vini hoc ipsum Prophetæ huius dictum ha-
 buerit in Andrea Spinula, antequam Societati huic nostræ
 nomen daret. Is enim cum proecltiori iam ætate, nempe, ut
 ipsemet humili quodam ioco de se queri solebat, triginta, &
 octo annos habens in infirmitate, de seculo relinquendo de-
 liberaret, atq; in partem contrariam, tum valetudinis imbe-
 cillitas, tum deliciarum consuetudo, familiæ nobilitas, digni-
 tatis, quam in Ecclesia gerebat, amplitudo, denique discipli-
 næ difficultas, & multæ aliæ rationes quasi agmine factæ ad
 terrorem ei sese offerrent, repente Dei bonitas hunc ipsum,
 quem diximus, versiculum eius menti obiecit, Poner pedes
 meos quasi ceruorū; eoque versiculo, tãquam lumine quodā
 oborto, ita illustratus est, ut quemadmodum ipse narrabat,
 omnes illæ timidæ, ad diffidentes cogitationes momento
 euanuerint, isque animo penitus confirmato, ac constanti ad-
 uersus illa omnia incōmoda permanferit. Et quidem id bre-
 uiter etiam re ipsa expertus est. Nam cum antea adhuc secularis,
 quoties noitrorum mensæ interesset, quod amicitia causa
 nonnun-

nonnumquam faciebat, multa fastidire soleret, utpote delicatioribus epulis, argenteę suppellectili, & exquisitę cuidam munditię assuetus domi suę, idem deinde Societatem nostrā iam ingressus, cum primum ad communem mensam venit, omnia ei visa sunt longe alia, quam prius viderentur, mantilia nuditissima, patinę, atque orbes quasi ex argento, ipse vero locus totus optimo odore fragrans; ita ut nihil apud se dubitarit, quin illa omnia præter nostrum morem parata essent Rectoris iussu, ad suam videlicet infirmitatem extraordinariis eiusmodi delitiis releuandam. Itaque & tum de hoc cum Rectore questus est serio, & postea suum hunc errorem sæpius ipsemet amicis familiariter narrauit. Hoc ergo promissum Spiritus sancti, quod in eius animo tantum pondus habuit, idem pondus apud omnes habere debet, ac vel solum sufficere ad cuiusvis infirmitatem roborandam. Quamobrem, ut illuc redeamus hoc facit Dei gratia, ut quicquid est in religione asperum, ac durum, id ita emolliat, ut omnem asperitatis sensum adimat, ac potius dulce efficiat, & amabile. quod quidem numini mirum videri debet. Etenim si quædā sunt artes, quę vel cucurbitas omni sapore carētes, vel, quod plus est, poma adhuc immitia, acrisque & acerbo succo prædita, tamen admixto melle ita condiunt, ut fiant suauissima, an nullam eiusmodi artem in Christiana sapientia esse putabimus ad mitigandas difficultates carnis, & sensus? Immo vero hoc etiam facilius, quoniam totum in animo positum est, qui si confirmatus fuerit, nihil ei graue, omnia leuia videbuntur. Quare ut hoc etiam sit euidentius, quando tam magni est momenti, videndum nobis est, quodnam artificium, quæve rationes habeat religio ad has difficultates, ut diximus, condiendas, ut ex amaris etiam dulces fiant: multos enim habet modos certos, & efficaces. Primus autem ille est, quod proposita premij cœlestis, quod eiusmodi laboribus debetur, magnitudine, iucunditate, æternitate, eius amorem in nobis accendit, quo accenso, nullus est tantus labor, qui labor videatur. De quo optime, & vberime S. Augustinus sermone quodam, ubi multa hominum in rebus humanis exempla adhibet, ut eorum qui secari se, & vri patiuntur, ut paucos, cōsq; incertos vitę dies prorogent, ut militum, & venatorum tantos labores, & pericula etiam subeuntium, exiguę mercedis, vel delectationis spe: ex quibus denique ita concludit. Quanto ergo certius, ac facilius ad veram beatitudinem caritas facit, quod ad miseriam quantū potuit, cupi-

*Serm. 9.
de verb.
Dom.*

ditas fecit? Quam facile toleratur quælibet aduersitas temporalis, vt æterna pœna vitetur, æterna requies comparetur? Hæc Augustinus, & plura; quæ eadem & intellexisse, & vno verbo expressisse videtur magnus ille Franciscus, quem ferunt, cum aliquando carnalis frater, & vere carnalis, aspexisset in summa hyeme seminudum, horrentemque frigore, & ad eum misisset, qui per ludibrium amatori quodam ioco, quam fratrem deceiet, ab eo peteret, vt sudorem sibi drachma venderet, respondisse lætum, Dic fratri meo, me iam totum Domino meo vendidisse, & quidem ingenti pretio. Quin idem etiam post aliquot annos, cum grauissimis, continuisque doloribus, & insuper nouis à dæmone molestiis ita cruciaretur, vt nullæ iam hominis vires ferre posse viderentur, emissa est ad eum vox de cælo, qua gaudere iubebatur, quoniam per eas tribulationes tantum sibi thesaurum acquireret, cui nullus in terra comparari posset, etiam si tota terra in aurum, omnes lapides in gemmas, omnes aquæ in balsamum verterentur. quo ille audito ita recreatus est totus, vt iam non sentiret dolores, statimque fratribus præ gaudio aduocatis, narravit quod de cælo solatium accepisset. Quem igitur laborem; quàmve molestiam religionis non mitigabit hæc cogitatio, si in Francisco tantos, tamque diuturnos cruciatus, tam subito mitigauit, ac depulit? Concludendum est igitur cum Bernardo timorem hunc, qui vt ipse ait, nostræ conuersionis primordia agit, quæque statim intransibis horror vitæ æctionis, & inuictæ disciplinæ austeritas ingerit, esse timorem illum nocturnum, de quo est in Psalmo quem ideo nocturnum vocari docet, quoniam si dies ille luceret, in cuius lumine pariet & labores, & præmia videremus, timor omnino quorumuis laborum nullus esset præ desiderio præmiorum, dum clara luce appareret, quoniam non sunt condignæ passionibus ad futuram gloriam, quæ reuelabitur in nobis. Nunc vero, inquit, quoniam abscondita sunt ab oculis nostris, & nox interit est in hac parte, tentamur nimirum à timore nocturno, & pro bonis, quæ non videmus, formidamus præsentia mala tolerare,

Hoc est igitur, vt diximus, primum remedium, & quasi fomentum eorum incommodorum, quæ sunt in vita religiosa. Alterum est huic proximum ex spiritualibus solatiis, quorum est hic tanta copia, quantam supra diximus. Itaque idem euenit, ac si tantulum aquæ in amplissimum optimi vini dolium

Ser. 33.
Cant.

Psal. 90.

dolium immittatur : sic enim quicquid est in hoc statu molestiæ, ita obruitur suauitatis abundantia, vt nihil nisi dulce sentiat. Quo pertinet illa Bernardi sententia, qui ad Apostoli locum alludens, tum hanc ipsam, tum alias utilitates perstringens, sic ait. Non sunt condignæ passionibus huius temporis ad præteritam culpam, quæ remittitur; non ad præsentem consolationis gratiam, quæ immittitur, non ad futuram gloriam, quæ promittitur. Denique nulla est tanta amaritudo, quam non prophetica farina dulcoret, quam non sapidam reddat sapientia lignum vitæ. Atque hoc etiam eo facilius est factum, quod hæ religiosorum molestiæ quæcumque sunt, si recte cogitemus, minimæ omnino sunt, & in rebus minimæ. Nam maiores illæ, quas coniugium, quas casus aduersi, vel offensiones famæ, aut rei familiaris in secularem vitam inferre, tam frequenter solent, ab hac quidem vita longissime absunt. Accedit his omnibus Dei bonitas, & clementia, quæ vt Danielis ob eius cultum in ferarum caueam coniecto, tam longè prædium misit, ita quo plus ærumnarum eius amore pertulerimus, eo plus gaudiorum spiritualium infundat. Hæc est enim regula, hic Dei mos, vt ex vnius mensura ac modo, alterum quoque meretur : quod se expertum David profitebatur illo loco, Secundum magnitudinem dolorum in corde meo consolationes tuæ lætificauerunt animam meam. Quod certe diuinæ pietatis institutum ita ordinatum, perpetuumque est, vt id in multis religiosis etiam miracula declararint, vt in Rabaudo principe viro in Gallia, quem illustri miraculo ad religionem vocatum accepimus. Hic enim cum religiosæ vitæ asperitatem, vt pote lautiori vitæ assuefactus, grauius ferre cœpisset, Abbas quidem, qui tum erat, nomine Porcatius, indulgentia quadam, separatos ei cibos paulo commodiores præberi iubebat, quibus tamen ille quo magis utebatur, eo in dies tenuior, graciliórque fiebat. Itaque accidit, vt quadam die dum fratres reliqui communi mensa, arido scilicet pane, & fabis vescerentur, videre sibi visus sit duos senes, alterum caluunt, cui binæ clauæ de collo pendebant, alterum habitu monachum, qui cristallinam pixidem manu gestabat. Hi toto cœnaculo circumeuntes, vnicuique monacho nescio quid edulij de vase illo impertiebant, Rabaudum solum ita prætereuntes, vt etiam seuerò, ac potius subirato vultu eum intuerentur. Ille tamen ex eius, qui proxime assidebat, portiuncula aliquid suffuratus, vt illud gustauit,

Psal. 93.

visa est illi eius suauitas omnium ciborum, quos vnquam in vita sua, etiam seculari, comedisset, suauitatem longe antecellere. Quod visum cum ter iam contigisset, ad Abbatem accessit, diligenter inquisiuit, quinam essent hi duo senes. Intellexit Abbas facile, alterum eorum Petrum Apostolum esse, in cuius tutela erat monasterium, alterum autem Honoratum monasterij auctorem, causam autem cur ipsi vni communis illa esca negaretur, eam esse, quod communem aliorum seueritatem non sequeretur: quod audiens Rabaudus animo confirmato ad omnem eius vitæ disciplinam perferendam, multo eam faciliorem, & leuiorem reperit, quam antea putasset, ac paulo post eosdem Sanctos vidit, qui sibi quoque, perinde ac alij de illo tam suauis cibo tribuerent, quo incredibiliter ad omnem laborem, ac duritiam confirmatus est. Idem pene contigit Andreæ Virdunensi Archidiacono, diuiti, & valde nobili, quin in ipsis ferme Cisterciensis familiae initijs institutum illud magnum seruiore suscepit. Sed tamen cum Satanas idoneam materiam nactus tentationis ex corpusculo tenui, & nimis delicato, ita eum oppugnaret, vt iam vix sustineret, die quodam hanc ei diuina bonitas medicinam fecit. Accumbenti in mensa apposita sunt pro more legumina, quod cibi genus ille præ ceteris maxime fastidiebat. Verum fame compulsus, vt repugnanti stomacho vim faceret, sumpsit tandem aliquid, quod vbi ore attigit, tantam sentire visus est suauitatem, vt nunquam simile aliquid in vita sua expertum se esse recordaretur. Itaque residuo quod erat auidè exhausto, deinde ad Abbatem adit, nihil dubitans, quin suæ patinæ proprium aliquod additum esset condimentum. Vt autem comperit, plane fuisse commune ferculum, in quo videlicet nihil præter aquam, & salem ad condiendum adhiberetur, intellexit statim diuinam erga se prouidentiam, & gratias agens, in religionis proposito confirmatus est, eoque magis quod postera etiam, ac tertia die, & deinceps multo tempore eandem suauitatem in eiusmodi cibis persensit. vt postea dicere soleret, se iam magis delectari pisces, atque oleribus, quam antea altilibus, & nobilibus eiusmodi epulis. Sed hoc vtrumque vnius fuit, illud vniuersæ familiae, quod in vita sancti Bernardi legimus, recenti adhuc Clareuallensi cœnobio, cum tam seuerè vita duceretur, vt non alio pane, quam fere terreo vescerentur, ac reliquus quoque victus & supellex, & domus, omnino pauperrima essent, ita tamē omnes sine murmuratione, immo vero cum

tanta

tanta delectatione omnia ferre solitos, ut illa ipsa delectatio non modicum eis scrupulum, dubitationemque iniecerit. Nam cum iucundius (sic enim scribitur) vivere sibi videretur in eremo, quàm antea vixissent in seculo: suspectos se ipsos habere cœperunt, ne per aliâ viâ reducerentur in regionem suam: donec ea quæritione ad Bernardum prius, deinde ad Caralaunensem Episcopum, qui tunc apud eos hospes diuersabatur, delata, longa, & accurata oratione edocti sunt, esse id Dei donum, ac beneficium, minimeque respendum. Ex quo apparuit quid possit habitus, & mos, Dei præsertim gratia adiutus, quando hoc effecit, ut tam rigida vita in tanta hominum multitudine ita suavis esset, ut etiam scrupulum in eorum animis moueret, ne nimis voluptuose viuerent.

Cum igitur talia à Deo parata sint nobis præsidia, quis dubitare possit, ne nimium aspera sit eiusmodi disciplina, nec eam etiam cum gaudio ferre possit? Quamquam quid nos ista tam multis disputamus in religionis defensionem, quasi seculares homines, quorum comparatione hæc in religiosam vitam obijciuntur, nullis ipsi molestiis præmantur, nullos angores sentiant? Immo vero horum etiam & multo maiores sunt labores, sollicitudines, ærumnæ; non dico iam inopum, ac pauperum, aut mediocrium quoque, in familia alenda, in tuendis liberis, sed eorum, qui vulgo putantur, quorum interior vita maximis, & maximarum rerum angoribus referta est. Itaque tum multo maiores sunt huius vitæ dolores, tum etiam diuinorum illorum solationum expertes, quibus qui carent, propemodum in inferno degere dixerim. Nostræ autem molestiæ quid simile habent? omnes ex causis leuissimis, quas vel remouere, vel cõtemnere, vel ridere, vel si ita oporteat, vel expediat, etiam amare, atque complecti facillimum sit. Ergo ex vna parte omnis tribulationum, ac molestiarum materia in religioso statu exigua, ac fere nulla est, ex altera vero parte adeo abundant in eo cõsolationes Christi, ut vel si maxima, & grauissima esset, facile tamen mitigari possit. Præclare ergo Bernardus, qui quod in ecclesijs deditandis rite obseruari solet, ut pictæ cruces *Ser. 1.* oleo facto inungantur, idem ait in religiosorum animis per *dedic.* gratiam fieri. Nam, inquit, necesse est ut vnctio spiritualis *Eccl. 5.* gratiæ adiuuet infirmitatem nostram, obseruantiarum, & multimodę pœnitentiæ cruces deuotionis suæ gratia leniēs: quia nec sine cruce sequi Christum, & sine vnctione crucis asperitatem ferre quis posset? Hinc est quod multi abominantur,

& fugiunt pœnitentiã, crucem quidẽ videntes, sed non vidẽtes vnctionẽ. Vos, qui experti estis, ecce scitis, quia vere crux nostra inuncta est, & per gratiam spiritus adiuuantis suavis, & delectabilis est pœnitentia nostra, & yt ita dicam, amaritudo nostra dulcissima. Quam sententiam idem Bernardus alibi vberius tractans, religiosi cuiusque animam, quippe intus formosam, foris humilem, & despectã, veteri illi tabernaculo similem esse differit, quod cum intus inauratum esse totũ, foris tamen saga tantũ cilicina, & pelles arietum ostendebat: quod tegumentum etsi adeo vile, tamen vt tabernaculo commodum erat ad pulueris, imbriumque iniurias depellendas, sic istam ait religiosi externam humilitatem interiorem eius gloriã conseruare; vt vnaquæque eiusmodi anima de se verissime dicere possit, Nigra sum, sed formosa. Affert etiam exemplum Isaac, qui cum immolandus esset, non ipse tamen, sed aries pro eo immolatus est, ipse autem vixit, & lætius vixit, confirmata spe tantæ posteritatis. Sic enim etiam si religiosi se ipsos gaudio priuare videantur, tamen non perire gaudium, sed contumaciam, & vitium, cuius nimirum cornua vepribus hærentia indicant, numquam sine anxietatis aculeis esse posse. At vero Isaac viuens, inquit, viuet, & eleuatus super ligna, vt in sublime gaudens, nec in carne propria, sed in cruce Domini gloriæ. Hæc nimirum conuersatio perfectorum, hæc sanctorum vita, hæc gratia spiritualis. Denique tamquam tristes, inquit, semper autem gaudentes, tamquam nihil habentes, & omnia possidentes, tamquam morientes, & ecce viuimus. Simillima sunt, quæ Abbas Abraham differit apud Cassianum. Pie, inquit, ac fideliter seruientes, cum tulerint iugum Domini super se, & didicerint ab eo, quia mitis est, & humilis corde, iam quodammodo terrenarum passionum deponentes sarcinam, nō laborem, sed requiẽ animabus suis Domino præstante reperient. Fient namque eis continuo praua in directum, & aspera in vias planas, & gustantes videbunt, quoniam suavis est Dominus: audientesque Christum in Euangelio proclamantem, Venite ad me omnes qui laboratis, & onerati estis, & ego reficiam vos, depolitis ponderibus vitiorum, ea quæ sequuntur, intelligent. Quia iugum meum suauē est, & onus meum leue. Et reuera si comparare volueris splendētem virginittis florem: & suaue olentem calimonie puritatem tetris, ac fetidis libidinũ volutabris, quietem, securitatemque monachorum periculis & ærumpis, quibus mundi huius homines implicantur, perturbatis

Ser. Ecce nos reliq.

Canti. 1.

2. Cor. 6.

Coll. ult. c. 25.

perterritis nostræ requiem edacibus diuitum tristitiis, ac per-
 uigilibus curis, quibus nō absque summo vitæ periculo die-
 bus, ac noctibus consumuntur, suauissimum iugum Christi,
 onusque leuissimum facile comprobabis. Hæc Cassianus.
 Vbi igitur illa asperitas, vbi illæ molestiæ, quas adeo Satan
 ad homines perterrendos augendo exaggerare solet? An
 non potius omnia ita plena suauitate, vt ipsorum, quæcum-
 que sunt, incommodorum sensum omnem, aut pene omnem
 auferat? Quamobrem perstringamus omnia breuissime. Vt
 enim si quis magnam aliam quam haberet sarcinam, quæ tamen
 alterius humeris deferretur, ipsius quidem esset utilitas to-
 ta, labor autem totus alterius: ita in hoc onete religiosæ di-
 sciplinæ, præmium quidem nostrum est, molestia autem pro-
 ptemodum nulla; quoniam alius est, qui pro nobis id gesserit.
 Testatur hoc Paulus, qui cum multa incommoda, multasque
 tribulationes suas commemorasset, paupertatis, nuditatis, *1. Cor. 15.*
 peregrinationum, persecutionum, adiunxit ad extremum,
 Non ego autem, sed gratia Dei mecum, quasi hoc cognoscēs,
 atque etiam aperte prædicans, non illa à se, sed à Deo in se
 perfecta Optime ergo Bernardus, qui suorum fratrum, quos *Qui ha-*
 allo uebatur, labores connumerans, & quotidianas morti- *bitat. in*
 ficationes, in ieiuniis multis, in sudoribus frequenter, in vigi- *præm.*
 liis supra modum, præter ea, quæ intrinsicus sunt, contritio
 cordium & multitudo tentationum, addit, minime quidem
 eis expedire, vt hæc ita graua, & onerosa minuantur, quoniā
 si pœnitentia minuat, eorum corona paulatim gemmis
 priuaretur, quam ille miserationem crudelem appellat, siqui-
 dem modica sementis detractio non modicum messis est de-
 trimentum. Quod igitur remedium? Vt retineatur labor, &
 tamen hic labor dulcescat diuina dulcedine. Quoniam, in-
 quit, si abundat tribulatio vestra pro eo, abundabit consolatio
 vestra per eum, vt in eo delectetur anima, quæ in his renuit
 consolari. Apud ipsum namque ipsa quoque tribulatio ma-
 gna quædam consolatio poterit inueniri. Nonne enim certū
 est, supra vires humanas, vltra naturam, cōtra consuetudinē
 esse quæ sustinetis? Ali⁹ igitur portat ista, ille sine dubio, qui
 secundum Apostolum portat omnia verbo virtutis suæ. Quid *Heb. 1.*
 igitur timendum nobis, si adest, qui portat omnia? Hactenus
 Bernardus. Quamobrem nemo oculos ita assuefacere debet,
 vt externa tantummodo, quæ sunt in religione asperiora, in-
 tueatur, sed vt dulcedinem intus latentem perspiciat, & ad il-
 lam ipsam asperitatem leuiter, ac molliter perferendam

Ep 39.

tantam sibi gratiæ copiam affuturam sciat, vt quicquid est durum, & graue, multis partibus superet. præsertim vero vsu, ac consuetudine adiuncta, quæ & laboris sensum, tamquam callo obducto, imminuit, & in ipsius virtutis suauissimam familiaritatem inducit. Quam familiaritatem S. Augustinus aptissime amplexum vocat, cuiusque vim ita describit. Sapien- tia, inquit, quos alligauerit, & exercitatoris quibusdam la- boribus edomuerit, soluit postea, liberatisque sese donat ad fruendum, & quos primo temporalibus nexibus erudiuerit, post æternis amplexibus alligat. Quo vinculo nec iucundius, nec solidius cogitari quicquam potest. Prima hæc ali-quantu- lum dura conhteor, illa vero vltima nec dura dixerim, quia dulcissima sunt, nec mollia, quia firmissima. Vincula vero huius mundi asperitatem habent veram, iucunditatem fal- sam, incertam voluptatem, durum laborem, timidam quie- tem, rem plenam miseriæ, spem beatitudinis inanem. His tu ne inferas collum, & manus, & pedes.

*De eo quod obijcitur, religiosos priuari dele-
ctationibus huius vitæ.*

CAP V T X I V I I.

HI s iam expositis, facile est respondere ad aliam reli-
giosi status accusationem, quod ea omnia eripiat, quæ
sensibus & carni iucunda sunt. Nam etiam illoposito, quod
adhuc satis confirmatum est, nullam esse sub cælo viuendi
conditionem, quæ ad spirituales delicias fruendas ita apta
sit, potest tamen aliquem fortasse mouere, quod non etiam
carnis delicijs fruileceat, sine quibus hominis lætitia man-
ca, & quodammodo claudicans videatur. Etenim cum sit
in nobis duplex illa natura, corporis, & animi, non desunt
qui existiment, non satis bene esse sibi posse, si animus tan-
tum epuletur, carne, vt ita dicam, ieiunante: quod illos eo
etiam magis commouet, quoniam animi delectationes sub-
tiliores sunt, & tenuiores, neque ita facile percipi possunt, car-
nis autem crassiores, & quæ oculis ipsis pateant, vt qui illas
habeat, nihil pene tenere, qui has habeat, is vero felix à ple-
risque existimetur. Itaque hoc tentationis genus in veteribus
Hebræis expressum mihi videtur, quibus cum manna de cæ-
lo adeo abundanter mitteretur, vt loca omnia late comple-
ret, idque nullo ipsorû labore, præterquam colligendi, esset
autem cibi genus ita suaue, vt esse oportebat quod Angelorû
manibus

manibus erat cōfectum, quid tamen dicebat, & quid querebatur vulgus illud ignarum, ac rude? Nauseat, aiebant, iam anima nostra super cibo isto leuissimo. Nimirum ad ollas Ægyptiarum carniū suspirabant, quæ quouīā ventrem distendere cōsuerant, eas homines carnales celesti escæ perferrebant, cuius leuitatem fastidiebant. Ergo ad hunc errorem, ac dementiā sanandam considerandū est, hoc totum incommodum, de quo nunc loquimur, ex eo pendere, quod ita homines existiment, qui has corporis voluptates non habeat, eum aliquo bono carere. Hoc autem carendi nomen si ita accipiatur, vt prima eius species sonat, tristitiam quandam importat. Habet enim eam vim, vt aliquid deesse significat, quod desideretur, & quod requiratur: quod tamen non semper ita est. Multis enim rebus sæpè caremus, quibus neque indigemus, & quorum desiderio non mouemur. caret enim homo cornibus, caret plumis, aut squammis, & aliis, quæ alia quædam habent, neq; tamen ea desiderātur, aut quia desunt, propterea nobis male esse putamus. Totum igitur positum est in desiderio; & ideo qui non desiderat, non caret. Itaque honorum quidem, vel diuitiarum cupidi, si ea non habeant, ijs molestum est carere, qui verò illa non concupiscunt, etiā si careant, non possunt dolere. Immo verò illud etiam amplius sequitur, vt multo iucundius sit, non cupere, quā cupere, & frui: quod ex eo apparet, quoniam illi ipsi, qui quascunque voluptates auide, & rabide appetierunt, iisdem cum expleri, & satiari fuerint, iucundius est ab ijs abstinere. Quanto ergo melius est, quod sero isti faciunt, id mature facere, & quod illis viriosa saturitas affert, consilio & virtute anteuertere? Quamquam ne hoc quidem illis concedendum est, vt æqualis sit in vtrisque satietas. Nam si de explenda cupiditate agatur, in quo omnis felicitas consistere videtur, multo id perfectius faciunt qui nihil concupiscunt, quā qui potiri sunt eo, quod cōcupierunt. Hoc enim inter cetera etiam religiosa vitæ cōmoda cōmemorat Chrysostomus. Est enim, inquit, quemadmodū si quis ita siti ardeat, vt antequā vnum calicē hauserit, alium atq; aliū postulet, atque vt multū bibat, ardorem tamen extinguere nequeat, certē quantūuis ei suppetat aquæ ad bibendum, non ideo beatus est, sed is potius, qui hac ipsa necessitate bibendi liber nullā sentit sitim, nec ad bibendum vlla ex causa adigitur: nam alter similis est ei, qui æstu, febrique iactetur, alter vera sanitate sanus, atque integer est. Atque hoc quod Chrysostomus ratione, idem exemplo

Lib. 2.

con. virtut. vitæ mon.

6. Conf.
cap. 6.

suo cōfirmat Augustinus, ubi inter ceteros secularis suæ vitæ errores hoc quoq; cum dolore narrat, cum adhuc ambitioni, & lucro inhians, quodam die nescio quam orationem de Imperatoris laudibus habiturus per urbē iret, cogitationū, ut ipse ait, tabificarum febribus æstuans, forte medicum aduertisse hilariter locātem, & lætum; quo viso ingemuisse se, & cum sequentibus se amicis, multa loquutū de sua insania, qui sub stimulis cupiditatum traheret infelicitatis suæ sarcinam, & trahendo exaggeraret, ex qua nihil aliud quæreretur, quam ad securam lætitiā peruenire, quo iam mendicus ille peruenisset, ipse autem numquam fortasse esset peruenturus. Quid enim ille pauper paucis emēdicatis nummulis adeptus erat, ut animo gauderet, & lætus esset, ad illud ipsum se tot ætūrosis anfractibus aspirare. Hoc igitur, quod Augustinus de paupere isto, idem, sed multo verius, multoq; honestius de religioso statu dici potest. Quæ enim causa est, cur voluptates istæ ab hominibus expectantur, nisi ut in ijs lætetur, & gaudeant? At religiosi hoc iam habent, ut gaudeant, sed ex alijs melioribus, ac nobilioribus causis, quā ex voluptatibus istis; quo fit, ut cum eas non denderēt, ne tristari quidem possint, quod eas non habeant. Deinde quid habent terrenæ istæ delectationes; ut tantopere amari, & queri debeant? Mitto iam quæ dāna in animam, & quas clades inuehant, utque indignæ sint hominis præstantiā, & communes cum belluis. tantum illud ago, quod hic agimus, de ipsius voluptatis titillatione. Quid tandem adeo magnū esse potest in his rebus caducis, & fluxis & omnino ex terta compositis, ut tanti earū fructus æstimeretur? Quid enim est ista magnificentia, & sumptus epularum, quid spectacula, quid horti, vel aurati currus, aut famulorum agmina, ut non dicam sanctum hominē, sed mediocriter sapientem, magnopere tenere debeant? præterquam quod si, ut ante diximus, id agimus, ut gaudiū, & oblectationem ex his rebus queramus, non id in saturitate, sed potius in ipsa temperantia, & sobrietate positum est, ijs præfertim adiunctis tam multis condimentis, quæ religiosam paupertatem consequuntur, quæ ita absunt à diuitū deliciis, ut hæc infinitis molestis aspersæ sint. De quo illud aptè dictū est in proverbijs, Melius est vocari ad oleam cum caritatē, quam ad vitulum saginatum cum odio. & alio loco: Melior est bucella sicca cum gaudio, quā domus plena victimis cum iungio. Denique illud etiam sciendum est, ista corporis oblectamenta non tam in religione relinqui, quam in melius ali-

Pro. 15.

Pro. 17.

quid

quid commutari. Nam cum animus in Dei vberri-
 res incidat, tum deinde tam multa vasa habet ad hos fontes
 hauiendos, quot antea diximus esse in religione solatio-
 rum genera: hæc autem solatia, atque hæc suauitates non in
 animo solo permanent, sed ex abundantia quadam redun-
 dant etiam in ipsum sensum, & in appetitum, & in corpus
 propter vtriusque propinquitatē, & nexum eiusmodi, vt non
 possit esse maior. Hanc enim ob causam dictum est à Pro-
 pheta, Cor meum, & caro mea exultauerunt in Deum vi-
 uum. & à Sapiente in Prouerbijs, Animus gaudens ætatem
 floridā facit, spiritus tristis exsiccatur ossa. Vt enim animi tri-
 stitia ipsum etiam corpus confici videmus, sic cōsequens est,
 vt animi lætitia cum eodem quoque corpore, quatenus qui-
 dem capax est, communicetur. Quod cum ita sit, num dubi-
 tari potest, vtro in loco melius, ac iucundius ipsi corpori futu-
 rum sit, in religione, an in seculo? Non habet in religione ca-
 pulas, & saltationes, & cōuiuia, aut venationes. At vero mul-
 to maiora, & pretiosiora habet, quæ ex superiori animi parte
 ad hanc inferiorem delabuntur, eodem modo, quo in magna
 domo cum paterfamilias nuptias celebrat, etsi ad illū vnum
 nuptiæ pertinent, reliqua tamen domus, & famuli ipsi eius
 festiuæ lætitiæ participes sunt. Ita igitur fit, quod dixi, vt re-
 ligiosi ne corporis quidē oblectatione priuentur, sed eam,
 quæ vilis, terrena, & brevis, semperque vel curarum stimulis,
 vel conscientiæ morsibus infesta, & inquieta est, cum ea
 cominutent, quæ & honesta, & permanens, & hoc ipso iu-
 cundior est, quo vtrique hominis parti, & toti eius naturæ
 conuenientior.

Psal. 83.

Prou. 17.

*De tentationibus, quas aliqui obijciunt in
 religione multas esse.*

CAP V T X V I I I.

Alij sunt qui contra religiosam vitam illud ex scriptura
 sancta afferunt, Fili accedens ad seruitutem Dei, sta in
 timore, & tremore, & præpara animam tuam ad tentatio-
 nem. Qua denunciatione ita terrentur, quasi inter assidua
 prælia viuendum semper sit. Itaque satius esse putant, pu-
 gnā declinare, quam hostem irritando, vtro se in pericu-
 lum conicere. Quibus sane hoc primum respōdemus, Scrip-
 turam, quando eius auctoritate nituntur, cum de futuris in
 Dei seruitio tentationibus nos admoneret, non tamen id
 consilium dedisse, vt propter eas tentationes hanc Dei serui-
 tutem

Eccles. 2.

tutem refugeremus, sed potius, ut multo ante illud certaminis tempus meditantes, nos ad illud & animo, & armis instrueremus, tum alijs, tum præsertim ijs, quæ ibidem nominantur, timore, & tremore. Ea enim est veluti cos industria, ac diligentia totiusque virtutis. Nam milites quoque huius mundi tametsi futurum sciunt, ut sæpè ad manum cum hoste veniant, non idcirco militiam deserunt, quin potius ideo militiam susceperunt, ut cum hoste congredierentur; quoniam nec nisi pugnent, victoriam, nec nisi vincant, coronam, & præmium se adipisci posse vident. Quamquam hoc etiam amplius est, quod in eo genere belli, quod inter homines geritur, si quis domi sedeatur, licet ei securo esse, & quieto, nec cum hoste ferè dimicat, qui non ad exercitum, & ad castra se conferat. At vero nostrum hoc bellum nemo, etiam si velit, subterfugere potest. Sunt enim dæmones communes omnium hostes, omnibus insidiantur, omnes ultro inuadunt, non religiosos tantum, sed seculares etiam, atque hos quoque multo magis, quo plura in eorum vita patent ipsorum telis, & illi magis improuidi. Quapropter non religio inimicum in te immittit, quem prius non haberes, sed quem prius habebas, & quem omnes habent, ei ut repugnare, atque etiam ut ipsum oppugnare valeas, arma tibi, & vires, animum, atque consilium suppeditat. Quod autem in religiosos duriora bella excitari videantur, ea causa est, quoniam tum primum ea sentire incipimus, cum spirituales nostras rationes subdere incipimus, & cogitare qui sumus, unde sumus, & quo gressus nostri tendant, & in summa quid in animo nostro dolorum, & plagarum sit. Nam antea quidem non quia non sentiebantur, idcirco nulla erant vulnera: erant enim, sed non aduertebantur: quod ipsum maximum erat vulnus, & apertum non modo cæcitatibus, sed mortis, qua tenebamur, indicium. Quamquam nec mirum erat, non ei bellum inferri à dæmonibus, qui ita se ijs constrictum dederat, ut etiam sine bello, ad nutum seruiret, faceretque quicquid illi iuberent: quem verò intelligant id agitare, ut se ex eorū faucibus eripiat, eum infestius quasi fugitium seruum persequuntur; quod præclare docet Gregorius in libris moralium, Hostis, inquit, noster adhuc in hac vita nos positos quanto magis sibi rebellare conspicit, tanto amplius expugnare contendit. Eos etenim pulsare negligit quos quieto iure possidere se sentit. Contra nos verò eo vehementius incitatur, quo ex corde nostro quasi ex iure propriae habitationis

tionis expellitur. Verum ne quis hos illius improbos conatus audiens, fortasse expauescat, videamus quid idē Gregorius non multo post adiungat. Sed quia, inquit, misericors Deus probari nos permittit tentationibus, non reprobari, sicut scriptum est, Fidelis Deus, qui non patitur vos tentari supra id quod potestis, sed facit cum tentatione etiam prouentum, ut possitis sustinere: citius nobis consolationis ope succurrit, & surgentes tentationum stimulos mitigat, impugnantēsq; se cogitationum motus interna pace tranquillat. Moxque anima immensam de spe cælesti lætitiā percipit, quod tolerauit, ut iure de hoc tentato, liberatoque homine dici debeat, Videbit faciem eius in iubilo, &, Liberauit animam suam, ne pergeret in interitum, sed viuens lucem videret. Hæc Gregorius, & verissime. Si enim hæc tentationes ex sola dæmonis malitia prouenirent, ut quas ille vellet, & quantas, aut quoties vellet, inferre posset, iure ac merito essent formidandæ. Nunc vero cum nequam ille ne mouere quidem se possit Dei iniussu, non licet dubitare, quin bonitas illa pro suo in nos amore, ac prouidentia, ita inimici insultus ex virium nostrarum mensura moderatura sit, ut non solum non supra quam possimus, sed etiam multo minus quam possimus, tentari nos sinat. Recte enim B. Ephren de hoc ipso: Si, inquit, homines cum tam parum sciant, sciunt tamen discernere quantum oneris singula iumenta ferre valeant, ut mulus, aut camelus, tantumque imponunt, quantum eorum vires tolerant: si etiam figulus vasa efformans, nouit quanto ea tempore in igne relinqui oporteat, ne si diutius relinquatur, adurantur, si minus, dissoluantur, nec vsui esse possint: quanto magis Deus, cuius est infinita sapientia, nouit quibus tentationibus, aut probationibus indigeant animæ ipsi placere volentes, neque maiores permittet, quam ipsarum utilitati conducant? Hoc igitur cum ita sit, non solum nulla est materia timendi, sed potius multa est gaudendi; quoniam nec vllum, ut dixi, damnum & aliquod potius lucrum, atque adeo magnum lucrum ex his tentationibus in Dei famulos redundat; nempe, ut scriptum est à Cassiano, ut numquam nos Domini auxilio non egere sentiamus, & ob id semper in eius meditatione, atque inuocatione persistamus, nec inertī otio dissoluamur, nec bellandi vsum, & exercitia virtutis amittamus. Frequenter enim, inquit, quos capere non potuerunt aduersa, securitas, & res prosperæ colliserunt. Ex quibus illud apparet harum tentationum emolumentū magnum,

1. Cor. 10

Iob 33.

Ser. de
patientia.Coll. 4.
cap. 6.

gnum, quod quemadmodū equus, quanquam fortis, & acer, legnius tamen currat, si calcaria ablint, sic isti dæmonis aculei id religiosis conferunt, vt eos ardentius ad Deum orandum, ad se ipsos, suamque carnem mortificandam, denique ad omne virtutis genus perfectius excolendum adigant, ac propemodum compellant.

Cum igitur tanta sint tentationum commoda, quæ causa est, cur vel tentationes ipsas, vel religionem, in qua sunt eiusmodi tentationes, metuamus? An forte ob periculum ne succumbamus? Quod periculum? Nam si hostes nostros, si nos etiam ipsos inspiciamus, sine dubio timendum est: sin verò præsidia, & auxilia, quæ cælum suppeditat, dicemus nos quoque fidenter, Si consistent aduersum me castra, non timebit cor meum. Ostensum est hoc aliquando vni ex veteribus illis Patribus, cui nomen erat Moses, qui grauissimis tentationibus agitatus contulit se ad Abbatem Isidorum, eique pugnas, ac prælia sua exposuit. Isidorus autem, vir prudentissimus, primum & rationibus, & sacræ Scripturæ testimonijs consolari eum conatus, denique eductum è cella respicere iussit versus Occidentem; vbi ille magnam vidit dæmonum multitudinem horribilem, & furentem, quasi se ad eum inuadendum accingeret. Rursus iussit respicere versus Orientem; hic verò innumerabiles vidit angelorum copias magna luce fulgentes, & tamquam cælestes exercitus instructos, ac quasi paratos ad auxilium ferendum. Cognosce ergo, inquit, plures nobiscum esse, vt dixit Elysæus propheta, & quod Ioannes Apostolus ait, Quia maior est qui in nobis est, quam qui in mundo. Addamus nos non solum multo plures numero esse, qui à nobis stant, sed robore etiam tanto maiores, vt qui eorum minimus sit, omnes illas damnatas belluas solus abiicere, & fugare possit, quia nimirum, non suis, sed Dei viribus fortes sunt. Neque vero Deus Angelos suos tantummodo immittit in circuitu timentium eum, sed ipse quoque in eorum adiutorium descendit, vt ait Dauid sæpe hoc expertus. Ipse arma, & scutum apprehendit, vt pro nobis pugnet. Ipse mittit sagittas suas, & dissipat aduersarios nostros, fulgura multiplicat, & conturbat eos. Neque tamen hoc satis illi, vt nobis sedentibus, & otiosis, hostem ipse nostrum conficiat: Hoc enim tum nobis, tum ipsi quoque Deo minus gloriosum esset, illud vero vtrisque magis gloriosum, vt nobis quoque tam infirmis, tamquā Dauidi puero, aduersus non vnum, sed multos gygantes, & animum pugnandi,

pugnandi, & facultatem tribuat vincendi. Ille enim docet manus nostras ad prælium, & digitos nostros ad bellum: ille ut arcum arcum ponit brachia nostra, ne vlla fatigatione dissoluantur; ille nos virtute præcingit, & dilatat gressus nostros, ut inimicos nostros persequamur & comprehēdamus illos, & nō conuertamur donec comminuam⁹ illos ut puluerem ante faciem venti. Quid igitur facilius, quam tali adiutore vincere? & quid etiam optabilius, quam pugnare tam certa victoria? Ad hæc auxilia tã firma accedit de inde etiam locus ipse, in quo stamus. Notum enim est, quãtũ inter sit, utrum ex æquo, aut etiam ex inferiore loco pugnetur, an vero ex superiori. Igitur qui in seculo decertant, valde iniquo loco cum Satana congregiuntur. Est enim lubricus admodum & pronus ad lapsum, & quem sæpe insuper etiam aduersi turbines, aut alię difficultates impeditio rem faciant. At religiosi omnes quasi ex edita quadam arce depugnant. Talis enim est ipse status, tum propter altitudinem, tum etiam propter firmissimas munitiones. Itaque neque ipsi iaculis inimicorum patent & facilius inimicos referire, quã ex loco altiori, possunt. Denique religiosi illud etiam aduersus omne tentationũ genus habent optimum, & præsentis virtutis antidotum, ipsos suos superiores, ac rectores, qui non solum consilio, ac ratione, atque prudentia iis medentur, sed sæpe etiam, atque adeo ut plurimũ ita euenit, ut nulla sit ferme tentatio, quę simul ac eis patefacta sit, non eadem opera eodemque tempore etiam victa, & profligata sit. Res certe miranda, & in corporis morbis valde optanda, si eiusmodi medici inueniuntur, quibus ostensi statim sanarentur. Sed quod in his morbis effici nō potest, id in animi languoribus ferme perpetuum est: idque confirmatum quotidianus vsus, tum omnes spiritualium rerũ auctores, inter quos optimus harum rerum auctor Cassianus hanc veterum illorũ patrũ disciplinã fuisse scribit, ut subditi ita instituerentur, ut nullas penitus prurientes in corde cogitationes celarent, sed cōfestim, ut exorte essent, eas rectori suo aperirent; quod qui faciat, nulla callidi inimici fraude circumueniri posse. Hoc autem, quod Cassianus docet, multo magis, ut dixi docet communis experientia, cum etiam hoc sæpe euenire soleat, ut nō solum ea narrando, sed sola deliberatione narrandi, omnia euanescent; quia nimirũ diabol⁹, ut qui male agit, lucem odit, & nō potest sustinere lucem, id est oculos, & aspectum Superiorũ.

Verum ne in tam aperta re diutius immoremur, ostendendum est breuiter, quanto magis ad hos inimicorū impetus expositi sint, qui in seculo, quam qui in claustro degunt. Nam cum tentationes omnes ex tribus principiis, atque fontibus fluere soleant, aliæ ex nobis ipsis, idest ex nostra infirmitate, & corruptela, aliæ ex rebus externis, quæ sensibus obiectæ cupiditatem incendunt, aliæ denique mali dæmonis instinctu; ex hoc triplici capite necesse est multo peius esse secularibus, quam religiosis. Nam si de propria infirmitate agitur, cui dubium, in vtiis ea sit maior? Nā illi quidem in rebus spiritualibus rudes, præterea malis moribus deprauati, & passionibus, ac turbidis animi motibus vt plurimum pleni, quos tantum abest vt studio, ac diligentia comprimere conentur, vt potius quotidie eis indulgendo magis, ac magis corroborent: cum contra religiosi nihil ita diuigenter tractent, quam mortificationē, ab hac enim spiritualis vitæ fundamenta ordiuntur, hanc deinde semper retinent, assidueq; magis excolunt, & cum ea ceteras quoq; virtutes asciscunt, qui sunt quasi nerui, ac vires spirituales; quo fit vt bono religioso nihil forti⁹ esse possit. Externæ vero occasiones, atq; illecebræ, quæ possunt esse in hac vita, in qua & aures, & oculi, & sensus omnes tā bona custodia cōtinentur, tum regularum, tum superiorum, tū ipsorum parietum, quibus omnia noxia arcantur: At secularibus⁹ in media pene flamma assidue versandum est, cū ea videant, & audiāt, iisque perpetuo intersint, quæ & mala sunt, & ad malum inuitant. ob hoc enim dictum est à Propheta, mortem ingredi per fenestras. tot autem fenestræ, quot sensus. Itaque in hoc etiam secundo nulla est comparatio. Restat tertium genus, quod à dæmonibus ortum habere diximus: quos quidem dæmones, nimirum vt latrones, vtros sæpius aggredi putemus, eos ne in quibus quas volunt, & quoties volunt, prædas agunt, an eos qui acriter resistunt, & qui fere semper sine damno effugiunt, in terdum etiam, & sæpius cū lucro? Quod si quis duos hostes habeat, alterū pene inermē, & ignarum, ac timidum in pugnando, quēq; primo quouis congressu prosterneere soleat, alterum bene armatum, impigrum, pugnandiq; peritum, deniq; à quo se pessime ipse victus sit, quis dubitet, vtrum ex his duob⁹ crebrius, audaciusq; inuadeat? Idē igitur faciunt inferni illi spiritus; de quibus etiam scite Abbas ille Isidorus, vt refert Palladius, qui procacem eorum naturam canibus comparabat,

rabat, qui in macello frequentes sunt, quādiu illic est quod eos inuitet, si verò macellū claudatur, vel ex macello saepe fustibus abigantur, nec detur illis quod edant, numquam amplius apparēt. Has igitur ob causas ita omnino credēdū est, rariores, & leniores multo in religiosam vitā, quā in secularem tentationes, pugnaſq; incurrere, & si quē tamen incurrant, eas tā facile, tantoq; cum lucro vinci, vt nisi nimia sit fiducia, potius optandæ, atque expetēdæ vide ātur.

Responsio ad eos qui dicunt contra naturalem inclinationem esse, vt quis viuat sub aliena potestate.

C A P V T X I X.

EX omnibus difficultatibus, quas specie magis, quā re ipsa graues, religiosus hic status ostētat, illa plerisq; grauissima videri solet, quod alieno arbitrato semper viuedū sit, cum multis ita sit persuasum, libertatem, ac facultatem agendi quæ velis, esse maxime secundū naturā, eā verò vitam, quæ ex aliorum præscripto pēdeat, instar esse seruitutis. Quare ad hunc errorem, qui in ipsam religionis arcem inuadit, eiusque quodammodo ingulum petit, accuratius extirpandum, hoc nobis primo videendū, cuiusmodi sit hæc libertas, & quā sit homini naturalis. Nam si quis ita existimat homines à natura liberos esse factos, vt quicquid libeat, & quicquid in mentem veniat, id faciant, nulla lege, nulloque superiore viuant, is vehementer fallitur. Recte enim de hoc Augustinus in epistola quadam, vbi de felicitate, veroq; hominis gaudio, hoc inter cetera. Primū, inquit, attende vtrum acquiescendum sit eis, qui dicunt eum beatum esse, qui secundum suam viuit voluntatem. Sed absit, vt hoc verum esse credamus. Quid enim si nequiter velit viuere? nonne tanto inferior esse conuincitur, quāto facilius mala eius voluntas impletur? Merito hanc sententiam etiam ipsi qui sine Dei cultu philosophati sunt, respuerunt. Nam quidā eorum eloquentissimus ait. Ecce autē alij, non philosophi quidē, sed prompti tamen ad disputandum, omnes aiūt esse beatos, qui viuāt, vt ipsi velint. Falsum id quidem. Velle enim quod non deceat, idē ipsum miserimū. Nec tam miserum est, nō adipisci quod velis, quā adipisci quod nō oporteat. Hęc Augustinus: quin ipse etiā Aristoteles optimam reipublicę formam exquirens, illud præcipue

Ep. 131.

Cicero in Hortensio, qui liber nūc non extat. s. Pol. 9.

Lib. de
audis.

monet tollendum esse eū errorem, quo ferme homines laborare solent, vt vnusquisque agere velit quod placet, & viuere vt placet, quod sibi persuaserint, in hoc sitam esse libertatem, vt faciant quodcumque libuerit; atque id quidē falsum esse, quia scilicet nulla sit seruitus, viuere secūdm leges, sed ipsa salus. Idem quoque scripsit Plutarchus, moralium scientissimus, qui ita ait, eos, qui à pueritia ad virilē ætatem euadunt, si sana sint mente, sic existimare debere, non se abiicere pædagogi imperium, sed pædagogum mutare, cum hominis loco mercede conducti, aut are empti, diuinam vitæ ductorem accipiant, ipsam videlicet rationē, cui parere idem sit, quod Deo parere, ei autem qui pareāt, solos esse liberos. Solos enim illos viuere vt volunt, qui quid velle debeant, didicerunt: animi verò cogitationes rationis expertes vmbra[m] quandam esse falsæ libertatis, eamque cum multa, pœnitentia coniunctam. Hoc igitur cū philosophi illi senserint, multo nos magis idem sentire oportet, maxime cum id ex naturæ nostrę conditione confirmare possimus, quam illi non adeo cognouerūt. Si enim humana natura nullum haberet superiorē, liceret sane ei suo modo, ac sua voluntate viuere; idque ei naturale esset atq; id faciendo iucunde viueret non faciendo iniucunde. Verū cum Deum habeat superiorē, à quo facta est, & cui ipsi⁹ etiam naturę lege subiecta est, illud sequitur, vt naturalem habeat inclinationem ad seruiendum tanto numini, seque ipsam, ac suas omnes actiones ei subiiciendas: quod expresse docet Augustinus, eique confirmando argumentum affert ex præcepto quod Deus Adamo primo homini iniunxit de abstinendo ab arbore; in quo, inquit, præcepto commendata est obedientia, quæ virtus in creatura rationali mater quodammodo est omnium, custōsque virtutū, quandoquidem sic facta est, vt ei subditam esse sit vtile, perniciosum autem suam, non eius à quo creata est, facere voluntatem. Sed dicet aliquis, Quæ ergo est in homine libertas, si adeo in rebus omnibus ex Dei præscripto, ac nutu pendere eum oportet? Hęc nimirum, nō vt pro libito nostro nos gubernemus, sed vt diuinā voluntatē voluntarie amplectamur, & volūtarie exequamur. Nā lapides, aut stipites, aut etiā bruta, superno quidē ductu reguntur oīa, sed quia id ignorant, nō se ad id sponte accommodare possunt: quicquid autem eiusmodi est, nec meriti est capax, nec præmij. Hoc igitur posito, vt amor dominandi nobis ipsis, nosque ipsos regendi,

ei, funditus sit eiectus, nostra quidem parum interest, num Deus nos per se, an per suos gubernet, presertim cum numquam ita per alios gubernet, ut non ipse semper adsit, & utrosque in sua voluntate deducat. Sic enim euenire videmus aut regnis, in quibus omnis labor is est, ut regi alicui subiciantur: cum autem semel subiecta fuerint, perinde illis est, utrum eius regis imperia ipsius voce, an præconis voce accipiant. Ex quo perspicue apparet, quam naturale est hominem Deo subdi, & rationi, quæ lumen quoddam est à Deo promicans, tam etiam esse naturale, ut eiusdem Dei respectu subdatur homini, quod si naturale, ne laboriosum quidem, aut arduum esse potest, sed proclive, & potius iucundum.

Si verò attentius cogitare velimus, quid sit illud, quod quibusdam hac in re tenebras offundit, eos reperiemus errore quodam laborare, ut externa, nescio qua similitudine decepti, seruilem obedientiam cum ingenua hac obedientia confundant, ideoque illius difficultates, & odium quoddam huic etiam tribuunt. Quare hoc intelligendum est quantum inter utramque & dignitatem, & iucunditatem intersit. Hanc autem differentiā ab Aristotele repetemus, qui ita docet, duplicem esse principatū, unū dominatiuū, cuius, videlicet hæc est natura, ut dominus præcipue, ac per se, utilitati sue studeat, subditi autem per accedens, ut nimirum eius utilitas sibi quoque utilis est: alterū æconomicū, ut patris in liberos, viri in uxorem: in quo contra, superior subditi comoda per se procurat, sua ex accedenti, propterea quod ita fortasse contingat, ut eadem quoque sibi comoda sint, quomodo gubernator navis primū quidam, ac præcipue vectorū saluti consulit, suæ vero ex accedenti, quoniam ipse quoque unus ex iis est, qui naui vehuntur. Hæc Aristoteles ad verbum, quibus consensunt quæ dicit Plato in dialogo de republica primo. Ut pastor, inquit, quia pastor, curat gregem ad ipsius utilitatem, non suam, id enim agit, ut id quod custodit, quam rectissime habeat; sic qui hominibus præest, nihil aliud propositum habet, quam eorum bonum, qui sub ipso sunt. Ex his igitur facile iam est videre, quo in genere collocandus sit religiosus hic stat. Quod eo apertius est, quia non eam tantum potestatem, quæ inter religiosos est, sed omnis plane potestas, quæ à Christo domino in Ecclesia relicta est eius generis est, ut non ad eum, qui eam habet, sed ad subditorum utilitatem dirigatur. Quod Dominus ipse eius potestatis auctor verbis illis expressit, Reges, inquit, gentium dominantur eorum, & qui potestatem habent, super eos benefici vocantur. Vos autem non sic, sed quia maior est

3. Pol. 2.

4.

Luc. 22.

Lib. 2.

vestrū, fiat sicut iunior, & qui præcessor est, sicut qui mlti⁹ strāt. De quo quidē Domini dicto recte S. Bernar. ad Pont. Eugenium. Forma apostolica hæc est: dominatio interdicitur, indicitur ministratio, quæ et commendatur ipsius exemplo Legislatoris, & sequutus adiungit, Ego autē in medio

Lib. 3.

vestrum sum, tāquā qui ministrat. Cōparat etiā Bernardus hoc potestatis gen⁹ villico, vel pedagogo: nā & illi villa, & huic, inquit, parvus dñs est subiectus, & tamen neq; ille villæ, neq; hic domini sui dominus est. Ita, inquit, & tu præsis, vt prouideas, vt consulas; vt procures, vt serues: præsis vt pro sis, præsis vt fidelis seruus, quē cōstituit dominus super familiā suā. Ad quid? Vt des illis esca in tempore. Hoc est, vt dispenses, nō vt impēres. Si igitur hæc, quā Bernard⁹ descripsit, immo quam Dñs ipse præscripsit, omnis ecclesiasticæ iurisdictionis est formula; quāto magis eadem erit etiā religiosæ gubernationis, cū vtraq; ex vna fluat origine, & vna sit vtriusq; ratio, ac vis, atque etiā religionis professio hāc humilitatē multo magis requirat, & exigat? Ex quibus apparet, cū qui in religione præsit, nō modo aliorum dñm nō esse, sed omnium seruum esse. Seruit enim omnium cōmodis, & profectib⁹, neq; animorum solum, sed corporum quoque, eorū sua studia, & cogitationes dirigit; deniq; id vnum agit die, ac nocte. Itaq; Bernard⁹ idē munus esse ait

Ser. 25.

Cant.

Ser. 23.

Cant.

rektorū spiritualiū, quod medicorū, quorum oīs cura ad ægroti vtilitatē refertur. Alibi autē eos etiā matres appellat, idq; eorū officium ita exhortādo demonstrat, Suspendite, inquit, verbera, producite vbera, pectora lacte turgescāt, non typho turgēat. Cū ergo ita sit, vt oīs rektorū potestas in religiosis ordinibus ad inferiorum vtilitatē dirigatur, quid sequitur, nisi, vt quā naturale est cuique suæ vtilitatis studium, tā sit etiam naturale, & iucundum viuere sub tali potestate? De quo quid plures quærimus testes, cū ille ethnic⁹, & magno inter ethnicos ingenio, naturæ principia inquirēs hoc quoq; habeat? Huic (inquit) veri vidēdi cupiditati adiuncta est appetitio quēdā principat⁹, vt nemini parere anim⁹ bene à natura informatus velit, nisi præcipiēti, aut docēti, aut vtilitatis causa iuste, & legitime imperāti, Cuius sentētiæ quoquo modo pars altera habeat, certe hāc partem nō possumus nō admirari, qua homo, vt dixi, ethnic⁹, & superbię, ambitionisq; morbo ita demersus, tamē ex naturæ lumine sic censuit, cū hæc cōcurrunt, doctrina, vel institutio, aut deniq; quoduis commodum, non modo nō, abhorrere

Cicero

1. off.

abhorrere à natura, sed vel maxime ei conuenire, vt se homo in hominis obedientia cōtineat. Sed hæc quidē multo melius in luce Christiana eminent, Videmus enim esse in angelis ipsis hūc ordinem, vt alij præfint, alij subsint: quem ordinē tum in eorū natura Deus inseruit, tum deinde confirmauit in gratia. Tradunt etiam theologi, idem futurum fuisse in statu innocentie, si perpetuus fuisset. Sic enim quodam loco disserit B Thomas statum illum, cum omnis miseria, atque imperfectionis expers esset, ne illum quidem dominatum admissurū fuisse, in quo alter altero ad suum ipsius vtitur quæstum: id enim seruire, & miserum est. Qui vero dominatus ita in liberos exercetur, vt ij ad ipsorum proprium bonum, vel ad commune bonum dirigantur, de hoc dubitandum non esse, quin futurus esset, cum id tum ad pulchritudinem, ornatumque faciat, tum etiam ad illorum ipsorum, qui obediunt, vtilitatem.

1.p. q. 96.
ar. ult.

Et si quid opus est pluribus in re hac philosophari, cum tam innumerabiles homines videamus aliis hominibus exigui quæstus, vel honoris spe, se ipsos vltro mancipare? Quanta enim mortalium pars in alieno famulatu viuit, alij ob menstruam mercedem, alij videlicet lautiores serui, sed tamen serui, ob maioris alicuius præmij cupiditatem, qui ita se potentioribus addicunt, ita ab eorum nutibus pendent, ita denique in illorum obsequio suas omnes cogitationes, & studia defixerunt, vt bene cum religiosis agatur, si illorum in obediendo alacritatem, & agilitatem exæquare possint? An igitur hos quoque dicentis id facere inuita, & repugnanter natura? Atqui si hoc esset, non adeo libenter, ac studiose id facerent, neque eas condiciones tam cupide ambirent, tamque magno mercarentur. Quod si id illis naturale, & facile est, quoniam natura suorum commodorum auida est, quæ autem ei consentanea sunt, omnia sunt facilia, cur non eadem etiam sit causa religiosi? Immo vero quanto hic facilius, quod illi omnes tam parui, tamque breuis præmij expectatione, eaque admodū incerta faciunt, idem faciet tam certa spe perennium præmiorum, ipsiusque æternæ felicitatis? Adde quod multo est durior illius seruitutis conditio: primum quod homo homini se subiicit, qui natura est æqualis, deinde quod tam dubia, & mutabilis est voluntas hominis, vt sæpe eius gratiam ne multorū quidem annorum labores promereri possint, aut cū multis annis, multisq; laboribus collecta fuerit,

vno saepe momento tota profundatur, etiam sine culpa, tantum ex alterius libidine. Quod non est in seruitute Dei: nam & Deo seruire, eiusque esse famulum, vel maxime honorificum est, ac regium, & qui ei seruit, rationi ipsi, regulę vni omnium rectissimę, ac constantissimę seruit, vt nihil aliud verendum sit, quā ne ipse ab ea discedat. Illud enim fixe tenendum, semperque ante oculos gerendum est, religiosos non homini, vt homo est, subiectos esse, sed Deo; homini autem, vt Dei vicem repręsentat. Declarat hoc ipsa sollemniss formula, quę votis nuncupandis adhibetur, quę non eos ulli homini, sed Deo astringit, & obligat. Itaque, vt hoc ex nostra parte, sic Deus ex sua parte nunquā nostri gubernationem deponit, neque ita nos alteri tradit, vt ipse deferat, quin potius ipse est qui regit, qui flectit, qui mittit, qui reuocat. Hoc enim ipse promittit, cum dixit Apostolis, Qui vos audit, me audit: Itaq; hoc mandat, vt Deo obedire non est contra hominis naturam, immo ita aptum eius naturę, vt in ea penitus insitum, & cum ipsa natum sit, ita neq; homini, cui Deus suas partes tribuerit, & in quo nullā aliam causam obediendi inuenimus, pręter ipsum Deū. Ex quo sequitur, non modo non difficile esse debere, voluntatē nostram hoc quem diximus modo diuinę volūtati aggregare, sed etiam facilius, & dulcius id esse debere, quam ipsi voluntati nostrę satisfacere; quod ita verū est, vt Bernardus etiā ipsius nostrę volūtatis seruitutem esse existimet, & quidem durissimā. Sic enim ille Domini sententiā exponens ait, Venite ad me omnes, quos vestrę, seu alienę voluntatis dura premit seruitus, & inuenietis requiem animabus vestris. Iugū enim meū suauē est. Quanto enim benignior, & dulcior est diuina clementia quolibet homine, tāto suauius esse manifestū est iugum ei ceteris omnib⁹.

Verum hactenus quidem ita fere loquuti sumus, quasi in religiosa obedientia inesset aliquid seruitutis; sed tamē amabiliis, & honoratę, & maxime naturalis. Restat nunc, vt demonstrēmus, nullū in ea seruitutis vestigiū esse, quin potius verissimā, & perfectissimam libertatem. Quid est enim libertas? Viuere vt velis. Vtri igitur magis viuunt vt volūt, iusti, & probi, an vitiosi? Bernardū audiamus. quę de auaro dicat, Quære, inquit, a quouis eorum, qui insatiabili corde lucris inhiant, quidnā de iis sentiāt, qui sua vendentes, & dātes pauperib⁹, regna cęlorū pro terrena mercantur substantia, sapienter agant, nec ne. Proculdubio respondebit, sapienter.

Luc. 10.

Ser. quō.
vol. no-
stra di.
sub.

Ser. 21.
Cant.

sapienter. Quære item, cur hoc, quod approbat, ipse nō facit. Non possum, inquit. Quare? profecto quia domina avaritia nō permittit, quia liber non est, quia nō sunt sua quæ possidere videtur, sed nec ipse sui iuris. Si vere tua sunt, expendē ad lucra, & pro terrenis cœlestia cōmutato. Si nō vales, fatere tē pecuniæ tuæ non dominum esse, sed seruū, custodem, non possessorem. Quod ergo Bernardus de pecuniæ cupiditate, idem nos, ipso quoque auctore, de luxuria, idem de gula, & de iracūdia dicere possumus, vt qui his, vel aliis vitiis teneātur, non liberi sint, sed serui; maxime vero de ambitione, de qua illud ab homine gentili dictū est. Cauenda est, inquit, gloriæ cupiditas. Eripit enim libertatem, pro qua magnanimis viris omnis debet esse contētio. Igitur vt omnes isti serui sunt, quoniā nō possunt agere quod volunt, & cōguntur agere quod vitiū imperat, multo durior, turpiorque dominus, quā quiuis homo feras, ac barbarus: sic contra ille liber, qui ex virtutis regula viuit. Non enim inuitus bene facit, sed volens, & gaudēs. Superiorum autem imperia, aut scriptarū regularum præcepta sic accipit, & sic exequitur, ac si sua sponre ea faceret. Vt enim cū iter facienti recta via digito ostenditur, nemo dicat vim illi inferri, quoniā cui ostenditur, eam magis desiderat, quā qui ostendit; ita in via hac spiritali, quicquid ad illuminandam religiosi mentem, vel voce, vel scripto prætenditur, id ita accipitur, vt proprię saluti vel maxime conueniens, quā quisque amat, & curat. Quam ob causam dictū est ab Apostolo Paulo, Iusto non esse positam legem, non (ait. Bernardus) quia viuere debeat sine lege, sed quia non sit sub lege: vel vt scripsit Aristoteles, quia sibi ipsi est lex, & sine lege ita se gerit, ac si legem haberet. Atq; Ambrosius quoque epistola quadā, hoc ipsum argumentū luculente, & copiose tractans, id ita confirmat, quoniā ille liber sit, qui faciat quod velit, iustus autē quāquam legi, vel homini obediat, semper tamen faciat quod velit, quia id ipsum bonū velit, quōd præcipitur, idque exequitur non vi illius extrinseci imperij adactus, sed proprio nutu, atq; inclinatione. Quæ cum ita habeant, quæ verior est libertas, quā religiosorū, in quibus etiā illud est amplius, quod quicquid est obligationis, ac nexus, quod libertati officere videatur, id ipsi sua spōte induetār, vtroq; complexi sunt? Itaq; in eos optime cadit optimū illud eiusdem Ambrosij in alio quodā loco dictū. Quis, inquit, Christum refugiat, quem sequuntur al-

*Cic. 1.
offi.*

*1. Tim. 1.
De prac.
& disp.
4. Eth. 6.
8.
Lib. 2.
ep. 1.*

Ep. 83.

Qui ha-
bi.

Serm. 9.

In Ps. 99

ligati vinculis, sed vinculis voluntariis, quæ soluunt, nō al-
ligāt: Hinc etiam illa Bernardi ad monachos suos, qui cum
religiosa huius, ut ipse appellat, captiuitatis duritiam
exaggerasset, qua nimirū homo voluntates proprias mor-
tificare, & animam propriam in hoc mundo perdere festi-
nans, in hos tam rigida disciplinæ compedes, in hunc tam
grauis pœnitentiæ carcerē semetipsum dedit, addit deinde
luculentam consolationem, quod videlicet omnis hæc ser-
uitus miseranda videretur, sed si coacta esset, non autē spō-
tanea. Nunc vero cum voluntarie sacrificemus Deo, nec
vlla violentia ingeratur volūtati, nisi per ipsam volūtatem,
quicquid hoc modo propter Deū agatur, quamlibet labo-
riosum, & graue, dignum potius esse gratulatione, quam
compassione. Præclare vero, & iucunde Augustinus in can-
dem sententiā, Omnis, inquit, seruitus amaritudine plena
est, omnes conditione seruili obligati & seruiunt, & mur-
murant. Nolite timere illius domini seruitutē. Non erit ibi
gemitus, nō murmur, non indignatio. Magna felicitas est,
esse in ista domo seruum, etsi cum compedibus. Libera ser-
uitus est apud Dominum: libera seruitus, vbi non necessi-
tas, sed caritas seruit. Simul es & seruus, & liber. Seruus,
quia factus es liber, quia amaris à Deo, à quo fact⁹ es. Noli
seruire cum murmure: non enim id agūt murmura tua, vt
nō seruias, sed vt malus seruus seruias. Seruus es Domini,
libertus es Dñi. Non te sic quæras manumitti, vt recedas
de domo manumissoris tui. Omnia hæc Augustini egre-
gia, idque in primis, quod omnes homines ita in Dei po-
testate esse ait, vt etiāli murmurent, & resistent, tamen ve-
lint, nolint, ei seruire, eiusq; voluntatē implere cogantur.
Omnia enim illius nutu gerūtur, nihilq; eius effugit pro-
uidētiā. Cū ergo homo & naturā, & necessitate seruus sit,
quāto ei salubrius est, seruire voluntarie, ita vt ex seruitu-
te libertas fiat, idque cum præsentī lætitiā, & futuro præ-
mio, quam calcitrando inuitum tamen adigi in Dei consi-
lium, & prouidentiam, nulla alia mercede, quam & præ-
sentis tristitiæ, & futuri supplicij?

*Responsio ad eos qui putant melius esse retinere res suas ad
pia opera, quam omnino relinquere.*

C A P V T XX.

EST etiā alia dēmonis fallacia aduersus religiosum in-
stitutū, eoque damnosior, quoniā pietatis simulatione
obtenđi

obtenditur. Ita enim quibusdā persuadere conatur, melius esse, & ad salutem aptius, diuitias à D^{eo} tributas retinere, quo facultas suppetat ad omnia bona opera, maxime vero ad subleuandos egentes, quos Deus tantopere *Mat. 25.* commendauit, vt extremi iudicij die in hoc ferme vno illius sententiæ summam positurus videatur, prout se quisque gesserit in proximos, vel cum esurirent, reficiendos, vel vestiendos, cum nudi essent, vel cum ægrotarent, refovendos, aut etiam cum in carcere essent, visitandos. Harum autem rerum facultatem eripit religio, tum quia ad paupertatem redigit, tum vero quia tollit libertatem, vt etiam si subdito ista facere libeat, non liceat, nisi rectorum consensus, nisi instituti suscepti ratio patiatur. Accedit etiam Aristotelis auctoritas affirmans, diuitias instrumentum esse ad felicitatem acquirendam aptissimum, eademque materiam virtuti præbere. Hæc pro ista parte, quæ sine dubio in magnis, & periculosis erroribus versatur. In primis enim diuitiarum administratio tam multis culpis implicata esse solet, vt hæc culpæ bona omnia, quæ iis effici possint, longe superent. In iis enim inest superbia, & animi tumor, in iis licentia peccandi, atque etiam commoditas; denique si nihil aliud sit, ipsa mentis occupatio magnum est malum, quæ à spiritualibus, & interioribus rebus abstracta, nihil iam cogitare assuescit, nisi terrenum, & humile: ex quibus fontibus innumerabilia deinde peccata fluere necesse est. Quamobrè quod inter sancti Iob *Iob 21.* erumpnas legimus, Chaldaeos in tres turmas diuisos, illius camelos inuasisse, Gregori⁹ moralium sensuum peritissimus sic interpretatur, vt per Chaldaeos quidem ipsos dæmones per camelos qui aliquid mundū habent, aliquid immundum, etiā bonas temporalium rerum dispensationes intelligi putet. Omnis enim (inquit) qui dispensandis terrenis rebus præsidet, occulti hostis iaculis latius patet. Nonnulla enim prouidēs agere nititur, & sæpe dū cautus futura subtiliter præuidet, incautus dāna præsentia nequaquā videt. Sæpe dum aliqua torpens agit, quæ vigilāter agēda sunt, negligit. Sæpe dū plus iusto vigilante se in actione exhibet, ipsa actionis suæ inquietudine, rebus subditis poti⁹ nocet. Plerūque autem tantis cogitationū voluminibus implicatur, vt ipsa ferre vix valeat, quæ intra se prouidus versat, & cū nil opere faciat, sub magno cordis sui pondere vehementer insudat. Hæc sunt incommoda in terrenarum opum procura-
tione,

1. Eth.

c. 9.

Iob 21.

2. Mor.

c. 26.

tionem, licet ea iusta sit, & nemini nocens (nā de hac ipsa loquitur Gregorius) ut non tanti emenda videatur illa commoditas benigne aliis faciendi cum suo damno. Sed tamē et si omnia hæc damna abessent, quæ quidem vix vniquam abesse possunt, ita sunt coniuncta cum harum rerū inferiorum natura: verum ut fingamus ita esse, quæ comparatio iniri poterit inter hoc vtrūque op⁹? In altero enim aliquid ex nostris rebus impendimus, idque terrenum, & minimū: in altero nos ipsos totos, eamque quæ summa est in homine, & quæ summo pretio æstimari solet, voluntatis libertatem. Itaque in hanc etiam comparisonem cadit illa Anselmi similitudo, quā supra attulimus, arboris, & fructuum: nam ille quidem fructus, neque sane omnes, sed partē aliquam, religiosus autem & totam arborem donat, & quod sequitur, omnes plane fructus. Itaque quicquid est in illo opere virtutis, ac splendoris, id etiā totum in hoc continetur, sed in hoc multum insuper additur, & quidem tantum, ut non sit quod addi possit; quoniā qui omnia donat, exhaurit usque ad fundum liberalitatem suam, idque semel, ac simul, quæ maior est alacritas, & hilaritas in dando, quam qui paulatim, & minutatim: tales autē datores diligit De⁹, ut ait Paulus Apostolus. Verum quid opus est plura? Hæresis hæc olim fuit Vigilantijs, quæ iam pridem à Hieronymo primū doctissime confutata, deinde Ecclesiæ quoque vniuersæ auctoritate damnata est; de qua sic Hieronymus. Quod, inquit, asseris, eos melius facere, qui vtuntur rebus suis, & paulatim fructus possessionū suarum pauperib⁹ diuidunt, quā eos qui possessionibus venditis semel omnia largiuntur, non à me, sed à Domino respondebitur, Si vis perfectus esse, vade, vende omnia quæ habes, & da pauperibus. Ad eum loquitur, qui vult esse perfectus; qui cum Apostolis patrē, & nauiculā, & rete dimittit. Iste, quem tu laudas, secundus, & tertius gradus est, quē & nos recipimus, dummodo sciamus prima secundis, & tertijs præferēda. Hæc Hieronymus. Quod si ex sanctorū Patrum testimoniis hoc confirmari placet, quanto sit nobis vtilius, quanto gratius Deo, ut cuncta simul exuamus, quā retinendo etiam in pias causas erogemus, possumus primo Augustinū producere, cuius illa est sententia, Bene faciebant, inquit, qui de sua substantia Christo, & discipulis ei⁹ necessaria subministrabāt, sed melius qui omnē substantiā dimiserunt, ut expeditiores eundem Dñm sequerentur. Idemque in alio loco.

Bonum

2. Cor. 9.

Lib. contra Vig.

Lib. de bo. coniug.

Bonum est facultates cum dispensatione pauperibus erogare, melius pro intentione sequendi Dominū semel donare, & absolutum à sollicitudine cum Christo egere. *Ab- cle. dog. c. 71.* solutos appellat à sollicitudine, qui se ipsi absoluerūt à diuitiis. Ex quo intelligitur, in euāgelica paupertate curam, aut angorem nullum inesse, cum ea potius ab omnib⁹ curis, angoribusque liberet. Ambrosius quoq; in officiis, quo loco de liberalitate disserit, cū vitiosum esse dicat proprias facultates perdere, easque non profundendas, sed dispensandas esse moneat, vnū excipit tamen, nisi forte, inquit, vt Elysæus boues suos occidit, & pauit pauperes ex eo quod habuit, vt nulla cura teneretur domestica, sed relictis omnibus in disciplinam se traderet propheticam. Diadochus autem optimus auctor, & antiquus, in libello quem græce scripsit de spirituali perfectione inter alia hoc quoq; discrete; Res apta, inquit, & omnino utilis est, post cognitā vitā pietatis in Deū, vendere statim omnia nostra, & pecuniam redactā secundū mandatum Domini dispensare, ac nō potius per simulationem, obediendi mādati Dei monitū salutare non audire. Hinc enim sequetur primū quidē optima vacuitas sollicitudinis, tum deinde secuta, & ab insidiis tuta paupertas, quæ altiora cogitat, quā de vlla iniuria, aut lite: idque quia non amplius habet materiā, quæ ignē auaritiæ inflamat. Fouet autē nos tunc magis, quam reliquæ virtutes, humilitas, quæ sinu suo, & complexu nudos recreabit, sicut mater puerū suum gremio exceptū fouet, cum is puerili simplicitate ductus vestitū suū exuit, & procul abiecit, magis tūc nuditate, vt omnis malitiæ expers, quam vestimentorū varietate lectus. Hæc Diadochus: deinde quæstionem proponit eorū, qui obiciūt, Vnde ergo fiet eleemosyna pauperibus, qui quotidie nostris bonis alebatur, si omnia semel vendiderimus? Cui quæstioni idem sic respondet. Sane quidem secundū id quod habemus, nō autem secundū id quod non habemus, reposcet à nobis Dñs rationem eleemosynæ. Si ergo quod diu poteram largiti, breui tempore propter metū Dei benigne dispersio, de qua re amplius, cum nihil habeam, accusabor? Sed dicet aliquis, quid igitur fiet iis pauperibus, qui solebāt nostris medicrib⁹ bonis paulatim gubernari? Disceat iste non exprobrare Deo per occasionem auaritiæ suæ. Nō enim deerit Deo facultas, suos quos fecit, gubernandi, vt à principio gubernauit. Nec enim prius quam hic, aut ille adtribuendam eleemosynam

Lib. 1.
c. 30.

Cap. 65,
c. 66.

eleemosynā excitati essent, cibus, aut vestitus pauperibus deerat. Hæc ille, quibus etiam addit vtilitates, quæ ex hoc facto proueniūt, quia diuitiæ superbiam quandā ingenerant, nō solum si male vtaris, sed etiam si bene: facile enim esse propter quotidianā opum largitionem sibi ipsi placere, quasi magnū aliquid fiat, quod Deum promereatur. At vero diuitiis relictis, cum iam egentibus nihil dari possit, videri nobis nihil nos boni agere; ex quo salutarem dolorem, & humilitatē in animo oriri, & insuper stimulū quendam, vt quod iam per eleemosynā comparare non possumus, conparemus per orationem, per patientiā, per humilitatem. Similia sunt quæ Theonas ille disputat apud Cassianum, vbi ita ait, qui ex suis facultatibus decimas, & primitias pie persoluit, & pauperibus benigne facit, difficile tamen esse, vt non in laqueos peccatorū frequenter incurrat. Necesse est enim, inquit, dum tardat, aut negligit, aut in qualitate earum, aut in quātitate, aut in quotidiana distributione peccare: & paulo post, Impossibile est, quātauis opes suas magnanimitate dispense, vt se ad plenum eruat à dominatione peccati, nisi forte per gratiā Saluatoris, cū re etiā ipsum affectū deposuerit possidēdi. In illis vero qui consiliū Domini non spreuerunt, sed omnem substantiam suam pauperibus prærogantes, sumpta sua cruce, largitatē cœlestis gratiæ subsequuntur, peccatū non potest dominari. Non enim cū dispensantem sacratas iam Christo opes, & quasi alienas pia distributione pecunias infidelis seruandi vict⁹ cura mordebit, nec eleemosynę hilaritatē abiicit, mœsta cūctatio, quia quod semel totū obtulit Deo, id iā alienū sine propriæ necessitatis recordatione, aut angusti vict⁹ timore dispergit, qui certus est, cū ad desideratā peruenit nuditatē, multo magis à Deo se, quam volucres cœli esse pascēdū. Præclare autē Gregorius, vt diaboli astutias non ignorans, inter alios eius laqueos occultos, hunc quoque luculēte describit. Alius, inquit, non solū decreuit terrena cōmoda non querere, sed etiā cūctis quæ possidet, renunciare, vt in discipulatu cœlestis magisterij tātō se liberior exerceat, quanto & expeditior reddit⁹, ea quæ possidentem premere poterāt, deserēs calcat. Huius cor hostis insidiās occulta suggestionē alloquitur dicēs, Vnde hæc temeritatis tātę surrexit audacia, vt credere audeas, quod omnia relinquēdo subsistas? An nō pleriq; & terrena patrimoniana nequaquam deserunt, & tamen ex his per misericordię opera

Coll. 21.
c. 33.

32. Mo.
c. 17.

opera supernæ fortis bona æterna mercatur? Hæc bládiēs suggerit: seorsum vero in iisdem rebus, quas retinere admonet, ante retinentis oculos delectationes pestiferas decipiens apponit, quatenus seductū cor ad blandimenta exteriora pertrahat, & intima perfectionis vota peruertat. En igitur, si Gregorio credim⁹, ex quo fonte ista præpostera pauperū cura procedat. En etiā quid dæmon ista suggerendo moliat⁹, ut dum nos tam specioso caritatis, ac misericordiæ prætextu in terrenarum rerū tractatione, quasi in lubrico loco retinet, eo facilius in lapsum præcipitet. Ut enim difficile est ita picē tractare, ut non digitis adhæreat, ita difficile est, animū, quacūq; id sit occasione, sic diuitias, & opes administrare, ut nō eis amore, & affectu, & cupiditate aliqua cōglutinetur, eoque quasi cōtactu sordidetur.

Merito ergo Hieronymus in epistola quadam ad Iulia *Epist. 34* num, qui & diues, & prolixè in pauperes liberalis erat, eum tamen ad omnia potius deferenda exhortatur, idque multo perfectius, & salubrius esse ostendit. Et tu quidem, inquit, bene facis, quod sanctorum diceris vñibus ministrare, fouere monachos, ecclesiis offerre quamplurima. Sed hæc rudimenta sunt militiæ tuæ. Contemnis aurum, contēpserunt & multi philosophi, è quibus vnus, ut ceteros sileam, multarum possessionū pretium proiecit in pelagus, Abite, dicens, in profundū malæ cogitationes, ego vos mergam, ne ipse mergar à vobis. Philosophus gloriæ auidus, & popularis auræ vile mancipium, totam simul sarcinam deposuit, & tu te putas in virtutum culmine constitutum, si partem ex toto offeras? Te ipsum vult Dominus hostiam viuam, placentem Deo. Te, inquā, non tua. Quod si te ipsum Domino dederis, & apostolica virtute perfectus sequi cœperis Saluatorem, tunc intelliges vbi fueris, & in exercitu Christi quam extremū tenueris locum. Nolo tantū ea offeras Domino, quæ potest fur rapere, hostis inuadere, proscriptio tollere, quæ & accedere possunt, & recedere, & instar vndarū, ac fluctuū à succedentibus sibi dominis occupātur, atque, ut vno sermone cuncta comprehendā, quæ velis, nolis, in morte dimissur⁹ es. Illud offer, quod tibi nullus hostis possit auferre, nullus eripere tyrānus, quod tecū pergat ad inferos, immo ad regna cœlorum, & ad paradisi delicias. Extruis monasteria, & mult⁹ à te sanctorū numerus sustētatur: Sed meli⁹ faceres, si & ipse sanctus inter sanctos viucres. Hęc ad Iulianū. Eadem scribit etiam ad Pam- *Epist. 26.*
machium,

machium, & ad id Zacchæi illius staturam, vt legimus, pusillâ scite accommodat: Hæc moneo, inquit, vt nō solum pecuniam, sed & te ipsum Christum offeras. Corium pro corio, & omnia quæ homo possidet, dare potest pro anima sua. Scit hostis antiquus, maius continentia, quā nummorum esse certamē. Facile abiicitur quod hæret extrinsecus. Intestinum bellum periculosius est. Coniuncta disglutinamus, vnita dissuim⁹. Zacchæus diues erat, Apōstoli pauperes; reddidit ille quadruplum quod rapuerat, diuisitq; pauperibus medietatam substantiæ suæ, quæ remanserat. Suscepit Christum hospitem, & tamen quod paruulus erat, & apostolicæ proceritati se non poterat extendere, non fuit in duodecim numero Apōstolorū. Apōstoli autem quātum ad diuitias nihil, quantum ad voluntatem totū mundū pariter reliquerunt. Si offeramus opes cum anima nostra, li-

Epist. 28. benter accipiet. Addamus his aliud eiusdem Hieronymi testimonium, qui Lucinium amicum sic hortatur ad perfectam abrenuntiationem. Aurū, ait, deponere, incipientium est. non perfectorū: fecit hoc Crates Thebanus, fecit Antisthenes: seipsum offerre Deo, propriū Christianorum est, & Apōstolorum. Abundantia tua multorum inopiam sustentauit, vt & horum diuitiæ in manu indigentium redundarent. Fecisti tibi amicos de mammona iniquitatis, qui te reciperent in aterna tabernacula: laudanda res, & Apōstolicorum temporū virtutibus cōæquāda. Sed Domin⁹ magis querit animas credentium, quam opes. Legimus, Redemptio animæ viri propriæ diuitiæ: possumus quidem diuitias proprias intelligere, quæ non de alieno non de rapinis sunt: sed melior est intelligentia, vt diuitias proprias cognoscamus thesauros absconditos, quos nec fur possit suffodere, nec latro violentus eripere.

Pro. 13.

Ergo cum Hieronymi tam multis locis tam diserte hoc dicentis, & tot aliorū Patrum, quos attulimus, sententiam teneamus, nihil nos sane Aristotelis auctoritas, quāquam contra sentientis, mouere debet. Sed tamen ne is quidē aduersatur. Nam quod supra ex eius primo ethicorum libro prolatū est, id ei libro apte cōuenit, in quo de ea felicitate disputat, quæ ad actiuā vitam pertinet, cuius sine dubio instrumentū sūt diuitiæ: nō enim alioquin haberet, quo hominibus subuenire, & opitulari posset; in quo vno magnā ex parte positū est illud felicitatis genus. At vero ad contemplationē, in qua, ex eiusdem Aristotelis sentētia, verior est felicitas,

felicitas, diuitiæ quidem nihil conferunt, vt potius eam impediunt: turbant enim animi quietem, opes illi in primis necessariam. Quare Aristoteles ipse alio libro moralium, quo felicitatem hanc, quæ est in contemplando, tractat, hoc quoque affirmat, ad actiones opus esse multis, speculanti vero nullam esse eiusmodi rerum necessitatem, sed potius magnum esse impedimentum speculationi. Itaque hoc stabilitum sit, multo vtilius, multoque etiam excellentius esse, quicquid homo habeat, simul relinquere, vicamque Evangelicæ paupertati dicare, quam sua retinere, etiam eo consilio, vt in pauperes erogentur: quod quidem egregia quoque Hilarionis tanti viri sententia confirmare possumus, quem narrat Hieronymus, cum Orionum ditissimum hominem à dæmonum legione liberasset, isque paulo post cum ingentibus donis ad monasterium reuertisset, constantérque recusantem etiam cum lachrymis vrgeret, vt si non in suos, saltem in pauperum vsus acciperet, ita respondisse prudentissimum senem. Multis nomen pauperum occasio auaritiæ est, misericordia vero artem non habet. Nemo melius erogat, quam qui sibi nihil reseat.

10. Ethic.
cap. 8.

In vita
S. Hilar.

Responsio ad eos, qui malunt in seculo manere, vt fructum in proximis faciant.

C A P V T XXI.

EST etiam alia quædam opinio retrahens à religione, eorum, qui in seculo plus se proximis in spiritu profuturos putant: similis omnino error ei, quem proxime profligauimus, nisi quod ille in materia terrena versatur, hic in spiritali. Itaque huius etiam honestior quidam est prætextus, aptiorque ad decipiendum. Ita enim ratiocinantur, & quasi contra religiosum statum disputant, sepeliri quodammodo talentum à Deo datum, & voluntatem, ac zelum promouendi alios ad virtutem; quoniam qui sub obedientia viuunt, non adeo libere huc illuc excurrere possunt, interdum etiam ab opere bene cæpto auocantur, aliisque rebus, ac locis applicantur. Contra vero qui libertatem suam retinent, licere eis omni hora, & omni tempore, omni hominum generi adesse, nullo interpellante, ac prohibente. denique esse vtrósque vt canes venaticos, qui præda visa incitentur ad sequendum, sed illos sæpe vinculis teneri ad aliorum voluntatem, hos autem quasi sine vinculis, expedite, & impigre statim

tim accurrere. Consideremus igitur quam hæc parum valeant ad infringendum hoc tantæ perfectionis consilium. Primum enim hoc scire oportet, caritatem, quæ tanta virtus est, ordinatam esse debere, idque adeo necessarium esse, ut si ordinata non sit, ne caritas quidem sit, sed aliud aliquis effectus caritatem simulans. Ordo autem præcipuus hic est, ut in iis, quæ spiritualia sunt, & quæ ad gratiam Dei, nostramque salutem attinent, prius quisque se ipsum, suamque utilitatem, & profectum amet, ac curet; quam proximi vilius; idque ita præcipit Deus. Quod tum Theologi omnes vno consensu docent, tum B. Thomas hoc etiam argumento solido, & graui confirmat: quoniam, inquit, caritas fundatur in communicatione bonorum spiritualium. atqui post Deum, qui est fundamentum, quisque sibi primus est, qui particeps sit huius boni, proximos autem diligimus ut socios in tali participatione. Quamobrem sicut vnitas potior est, quàm vnio, ita quod homo tali bono fruatur, potior est ratio diligendi, quàm quod alius ei socius sit in fruendo. Quo quidem posito, illud etiam verè, ac necessario concluditur, non posse caritatis habitum inclinare, ut pro aliis hominibus, quicunque sint, etiam ad omne hominum genus saluandum, non dico vel minimum committatur peccatum, sed ne ipsius quidem caritatis vllum detrimentum admittatur non magis, quam ex glacie ignis existat: atque hoc etiam a Theologis omnibus pene traditur, Quod cum ita sit, & cum etiam negari, aut dubitari non possit, quin ad perfectionem ac virtutem propriam acquirendam sine vlla comparisone aptior sit religiosus status, quam vllus status secularis, hoc quoque aperte atque expresse sequeretur, etiam si ex aliquo seculari statu plus utilitatis in proximos manaret, tamen hanc utilitatem alienam posthabendam esse propriæ. Habemus autem de hoc manifestam Saluatoris sententiam. Quid prodest, inquit, homini, si vniuersum mundum lucretur, animæ vero suæ detrimentum patiatur? quam sententiam ne quis de lucro temporali tantum intelligendam putet, certe eam S. Bernardus ad hunc ipsum spirituales proximorum profectum diserte applicat. sic enim ait in libris de Consideratione, Si totus, inquit, esse vis omnium, instar illius, qui omnia omnibus factus est, laudo humanitatem, sed si plena sit. Quomodo autem plena, te excluso? Et tu homo es. Ergo ut integra sit, & plena humanitas, colligat & te intra se finius qui omnes recipit. Alioquin quid tibi prodest, iuxta verbum Domini, si vniuersos lucreris, te vnum perdas?

Hæc

1.2. qua.
30. ar. 3.

Mat. 10.

1. de Cōsider.

Hæc Bernardus primo libro, eadēque ferme repetit in secundo, inter quæ illud commodè, In acquisitione, inquit, salutis nemo tibi germanior vnico matris tuæ. Est autem in hac istorum ratione duplex incommodum, primum quod dum in seculo viuunt, quocumque consilio id faciant, expositi sunt labendi, & peccandi periculis, iisdem ferè, quibus seculares ipsi: quoniam cum in eodē mari nauigent, iisdem etiā fluctibus agitari necesse est, presentium scilicet illecebrarum, honoris, diuitiarum, pulchrarum rerum, quæ & oculos, & animum assidue pulsan, vt difficillimum, & rarissimum sit, semper resistere, & ita resistere, vt semper vincas. Hoc est igitur primum malum. Alterum est, quod, etiam si hoc demus, eos in ista pugna semper vincere: restat tamen illud perfectionis, ac virtutis detrimentum, quia multis, & magnis bonis priuantur, vt voluntariæ paupertatis, & obedientiæ, & aliorum eiusmodi, quæ sunt in religione communia, atque, vt ita dicam, vlgaria. Quæ autem stultitia est, cum nostro tanto dispendio, aliorum lucris seruire velle? Quare illud potius audiendum, & semper ante oculos habendum est Spiritus sancti consilium, quo hoc ipsum ita monemur, Recupera proximum tuum secundum virtutem tuam, & attende tibi, ne incidas, id est, ne cadas, & labaris ipse: nam qui lapsus sit, primum male ipse habet, deinde ne alios quidem iacentes subleuare potest. Meminisse etiam oportet virginum illarum, quarum ideo ipsius ore Domini laudata est prudentia, quia cum ab aliis virginibus rogarentur, vt de oleo, quod habebant, ipsis impertirent, responderunt, Ne forte non sufficiat nobis, & vobis, ite potius ad vendentes, & emite vobis. Sic enim dictum hoc huius ipsi rei, de qua agimus, scite applicat Sanctus Bernardus in Canticis, actum alia multa addit in hanc sententiam, tum illud quod nos etiam ante tractauimus, non esse hoc veræ caritatis, vt cum sua ipsius iactura aliis quilibet prodesse velit, quia caritas, inquit, vult abundare sibi, vt possit omnibus. Seruat sibi quantum sufficiat, vt nulli deficiat. alioquin si plena non est, perfecta non est. Itemque illud. Ego nullum ad salutem pietatis gradum illi gradui antefereendum existimo, quem sapiens posuit dicens, Miserere animæ tuæ placens Deo. *Ecccl. 29.*

Hæc igitur ita valent, vt etiam si ad faciendum in aliis fructum aprior esset vitæ secularis, tamen quia ad proprium fructum aprior est religio, non sit dubitandum, quin hæc illi

Psal. 83.

Ioan. 5.

longe anteferenda sit. Quid igitur, si addamus etiam religionem ad alienum fructum longo intervallo aptiorem esse? Hoc vero ita certum est, ut ne pluribus quidem confirmari opus sit: & nos tamen multa in hanc sententiam secundo libro attulimus, ubi plurima, quæ hic status habet ad homines iuuandos, adiumenta commemorauimus. Summa vero hæc est, quod animarum conuersio ad Deum, earumque omnis profectus, & incrementum à nullo existeret potest, nisi à Deo. Sic enim scriptum est, Gratiam & gloriam dabit Dominus, & Dominus ipse, Nemo potest venire ad me, nisi Pater, qui misit me, traxerit eum. Quid ergo faciunt homines in aliorum hominum conuersione? Hoc unum, quod à Deo tanquam instrumenta adhibentur, ut calamus solet ad scribendum, terra ad secandum. Itaque ut instrumentum, si se per se mouere velit, nihil efficiet, si vero ab artifice moueatur, omnia efficiet, sic homo in his diuinis, & supernaturalibus operibus tantum efficiet, quantum cum Deo coniunctus fuerit, & ab illo mouebitur. Videamus igitur vter coniunctior sit cum Deo, secularis, an religiosus. Ne hoc quidem dubium esse potest. Nam præter coniunctionem illam, quæ est ex caritate, cuius ipsius tanto maior est facultas in religione, sunt deinde aliæ virtutes, & in primis duæ illæ ita insitæ in statu ipso, humilitas, & obedientia, quarum altera ab omni mundano fastu nos remouet, altera ita nos tradit maiestati illi, ut nos perfectissime possideat, & quo velit ducat, & reducat: quibus deinde omnibus adiungitur etiam votorum vinculum perpetuum, & irrevocabile, quod cum Deo nos astringit, & inseparabiliter astringit, ut nulla iam maior, firmiorque coniunctio in terris ne cogitari quidem queat. Quid igitur mirum, si talia instrumenta, nempe in manibus tanti, & talis artificis, & adeo in eius manibus, opera præclara, & mirabilia efficiant? Accedunt deinde ad has causas interiores etiam aliæ extrinsecæ, ut multorum consociatio, magnū certe præsidium ad res gerendas, quoniam quod quisque non habet in se, habet in fratre: tum auctoritas illa, quæ apud homines nascitur ex contemptu terrenarum rerum, qui quidem contemptus non in animo latet, sed in ipso statu, totiusque vitæ contextu elucet: quibus omnibus, aliisque similibus adiumentis carere necesse est eos, qui in seculari vita operam aliis nauant. Nam ut alia omittantur, quanti illud interesse putamus, quod religiosi, ut in aliis omnibus, ita in hac quoque animarum tractatione, à suis rectoribus dirigantur, informantur, & quodammodo illuminentur? Primum enim

enim consilia ipsa prudentum hominum, ac peritorum multum profunt : deinde illud multo maxime iuuat, & in eo ferme sunt omnia, quod per eos à Deo reguntur. cum autem Deo auctore aliquid aggredimur, quicquid illud fuerit, non potest non felicem exitum habere. Itaque, ut ad illud etiam respondeamus, quod supra ex venatione allatum est, non ne hoc ipsum ad prædā capiendam magnopere confert, si canum impetus venatoris scientia, & arte gubernetur, ut in tempore, & loco, vel immittantur, vel reuocentur, vel retineantur? quod adeo necessarium est, ut alioquin canes quidem per se ad venandum inepti sint. Sed quid pluribus opus est in hoc fructu animarum? Aperiamus oculos ipsos, & re ipsa inspiciamus Ecclesiam Dei, ut nunc est, ut quæ fuit à multis iam seculis. Quis enim hoc toto tempore in conditionibus habendis, aut excursionibus, Christi more, per oppida, per vrbes, per castella, faciendis, mortales à peccatis excitare, & ad Deum impellere institit, præter religiosos? quis iam ferè in pulpitis auditur, nisi ex his ordinibus? Denique qui sunt alij huius vineæ operarij, vere operarij, qui scilicet pondus diei, & æstus perferant, & nihil aliud agant, nisi ut Dei gloriam, hominumque salutem curent, nullo suo cōmodo, nullo temporali emolumento? Nam etsi aliquid fortasse ex statu seculari in hanc messē incumbunt, tamen ij adeo pauci sunt, ut propterea nemo illum generalem fructum, quo Ecclesia sustentatur, & consistit, secularibus potius, quam religiosis tribuendum putet.

Sed dicet aliquis, hæc vera esse de hoc generali fructu, se vero non de Ecclesia tota sollicitum esse, sed tantum de patriæ, vel parentum, aut propinquorum suorum profectu, ad quos docendos, ac iuuandos aptior futurus sit, si cum ipsis maneat, quā si religionē ineat. Ridiculum hoc quoque. Nam hic etiā valent quæcumq; hactenus dicta sunt de comparatione status religiosi cū seculari in hoc ipso genere faciendi fructus. Immo vero hic etiam multo magis; quoniam ita ferme euenire solet, ut inter cognatos, & notos nō modo non amplius proficiatur, sed minus etiā proficiatur: quod quidem vix credibile videretur, nisi & experientia, ut dixi, perpetua testaretur, & ipsa Veritas tanto iam antepredixisset verbis illis, Non est propheta sine honore, nisi in patria sua, & in domo sua, & in cognatione sua. Atque id quidem Dei filius non solum dicto, *Marc. 6.* sed etiam exemplo suo confirmauit. Nam cum ubicumque esset, etiam inter Samaritanos, perditam gentem, & adeo à

Iudæis dissidentem, omnes eius sapientiæ, & sermoni auidissime inhaerent, in patria quidem sua despectus, & irrisus est, ita ut de eo illud scriptum sit, Non poterat ibi, virtutem ullam facere, & mirabatur propter incredulitatem eorum.

Quid igitur nos speremus, infirmi, & imbecilli, si illa sanctitas, & illa maiestas inter carnem, & sanguinem nullum fructum efficere potuit? Iure ergo S. Bernardus inter vulpes illes paruulas, quæ in Canticis vineas demoliri dicuntur,

Ser. 74.
Cant.

hanc etiam occultam tentationem commemorat, quæ non solum à religionis ingressu impediat, sed quosdam etiam iam ingressos rursus ad seculum retrahat. Vidi ego, inquit, hominem currentem bene, & ecce cogitatio, Quantum bonum quo solus fruor? Si essem in patria, possem utique impertiri fratribus, & cognatis, notis, & amicis. Amant me, & facile acquiescerent suadenti. Ut quid perditio hæc? Vado illuc, & saluo multos ex illis, & me pariter. Nec verendum in loci mutatione. Etenim dum bene faciam, quid interest vbi, nisi quod illic proculdubio satius, vbi fructuosius degam? Quid plura? It, & perit miser, non tam exul ad patriam, quam canis reuersus ad vomitum. Et se perdidit infelix, & suorum neminem acquisiuit. En vna vulpecula, ista videlicet frustratoria spes quæ habuit in acquisitione suorum. Hæc Bernardus, ex quibus tam recte, & expresse ab eo dictis, alijsque supra allatis, hoc iam euidentius est, quicumque vere animarum zelo ducatur (sunt enim, qui non vere hunc zelum habent, sed ideo in seculo manent, quia eos seculum delectat, eique cupiditati hanc quasi honestam speciem prætendunt) sed si quis sit, qui sincere Dei obsequium propagatum cupiat, eique propagando se ipsum dicare velit, iam dubitari non potest, quin id multo perfectius, & certius, & abundantius in statu religioso assequutus sit, vbi præsertim non vni genti, aut familiæ sese alliget, quod est animi nimium restricti, & pusilli, sed generaliter omni loco, & omni hominum generi paratum se præbeat, ut quemadmodum prophetica illa animalia, ubicumque sit impetus spiritus, illuc statim gradiatur. Quod etiã eo deinde commodius, & facilius efficitur in religione, quam in seculo, quod, ut ante diximus, tam multa hic sunt, quæ nos ad omnem perfectionem, & sanctitatem promouent, contra vero illic tam multa, quæ à perfectione reuocant, & ad vitium impellunt. Sic enim res habet, ut qui naufragos ex periculo eripere velint, nisi ipsi in tuto sint, idem sæpe periculum adeant, ac propterea ne illis quidem opitulari possint. Simillime igitur, qui
proximos

Exec. I.

proximos in seculo periclitantes eruere nitatur, necesse est, ut seculo iam emerferit, omniaque secularia supergressus sit.

*Ad eos qui dicunt satis esse relinquere mundum
affectu, etiam si non effectū.*

CAPVT XXII.

HVic, quam modo diximus, fallaciæ; finitima est eorum ratio, qui dicunt frustra tantum laborem, tantaque suscipi incommoda, deferendis rebus omnibus, quæ possidentur, cum sufficiat affectu, & cupiditate deferere: idque ex eo confirmant, quoniam omnis perfectionis summa in caritate posita est: quare quicumque maiori præditus sit caritate, eum perfectiorem esse, siue is secularem, siue religiosum teneat statum. Addunt etiam exempla ex sacris historijs, commemorant Isaac, Iacob, & ipsum Abraham, qui in matrimonio, in tanta opum, ac diuitiarum abundantia, tamen insigni sanctimonia fuere, ita ut cum eis Deus quàm familiarissime, & amicissime versaretur. Sed videndum est, ne hæc quoque oratio sit blandientium sibi, causasque ultro neccentium, ut mundi vincula, quibus libenter astringuntur, non abrum pant. Itaque hoc etiam diligentius, & prolixius, quam superiora illa, reuellendum est: quoniam multi sunt, & quidem ex ijs, qui se doctiores, & prudentiores existimant, qui hoc errore ducuntur. Nam et si negari non debet, quin, quod isti aiunt, in caritate sita sit perfectio, religio autem non ipsa sit perfectio, sed via, & quasi instrumentum acquirendæ perfectionis, eiusmodi tamen instrumentum est, ut qui id habeant, facile, & breui, & sine errore ad perfectionem peruenire possint, qui autem eo careant, alij numquam, alij cum maximis difficultatibus, longoque tempore possint. Ut enim si cui transiendum esset flumen, nauem, vel pontem requireret, ne se periculo exponeret, aut si terra iter facturus esset, mallet iumento ire, quam pedibus, quod tum ad celeritatem, tum etiam ad commoditatem faceret: sic in ista tam longa, tam ardua, tamque salebrosa via ad culmen virtutis, & caritatis ipsius, quanti æstimandum est id adiumentum, quod nos non modo ad ambulandum, sed etiam ad currendum confirmet, aut potius quali vehiculum suauissime deportet? Quale autem est hoc vehiculum? Satis multa de hoc diximus toto primo libro, ubi demonstratum est, duplex nobis à religione salutis præsidium suppeditari, alterum, quod impedimenta secularis vitæ, quæ sunt innumerabilia, re-

licto seculo, effugiuntur omnia: alterum, quod deinde plurima, & maxima commoda spiritalis vitæ consequimur. Quæ fuit causa, cur sancti viri, cum probe intelligerent, perfectionis summam in caritate consistere, tamen ita ad seculi fugam hortarentur, quali sine ea non possit ac-

Coll. ult.

c. 24.

Rev. sus.

cap. 8.

quiri perfectio, ut Cassianus, cuius est illud: Necesse est, inquit, cum qui facultatibus pristinis, opibusque suffultus est, nec integram humilitatem cordis, nec mortificationem plenam noxiarum suscipere voluntatum. Optime vero, & discretissime Basilius, qui cum hoc posuisset, abnegationem illam, quam Dominus præcipit, in eo sitam esse, ut quilibet omnem sui ipsius amorem exuat, nihilque de se ipso sit sollicitus, siue de vita, siue de morte, addit deinde quid necessarium sit ad hunc tam perfectum mentis habitum adipiscendum. Porro (inquit) huiusmodi renunciatio initium sumit ab alienatione rerum externarum, veluti possessionum, inanis gloriæ, consuetudinis vitæ superioris, affectionis ad res inutiles: quomodo sane ut faceremus, suo nos exemplo admonuerunt sancti Domini discipuli, Iacobus quidem, & Ioannes, relicto patre suo Zebedæo, ipsoque de quo tota illorum victus ratio pendebat, nauigio. Idemque paulo infra. Quamquam quod dico quid aut rationibus à nobis inuentis, aut sanctorum virorum exemplis attinet confirmare, cum ipsa Domini verba liceat in medium afferre, ipsæque ipsis religiosam, ac Dei timentem animam commouere, quibus ille aperte, accitra controversiam testificans sic dicit, Sic igitur quicumque ex vobis non renunciat omnibus quæ possidet, non potest meus esse discipulus. Et alio loco cum post oblatam conditionem illam,

Luc. 14.

Mat. 19.

Si vis perfectus esse, verba illa subieciisset, Vade vende quæ habes, post illud adiecit, Veni sequere me. Quo etiam spectat illa negotiatoris similitudo, qui inuenta vna pretiosa margarita, vendidit omnia quæ habuit, & emit eam. Planum est enim, pretiosam margaritam regnum cœleste significare, quod regnum nos assequi posse Dominus negat, nisi omnia simul quæ habemus, diuitias, gloriam, genus, & si quid sit aliud eorum, quibus plerique ambrosiose inhiant, pro eo parando neglexerimus. Hæc dicit Basilius, & plura, quid autem grauius & seuerius in hanc sententiam dici poterat? Eadem etiam videmus apud Macharium in quadam homilia. Fieri non potest, inquit, ut quispiam animæ suæ possessionem cōparet, aut caritatem spiritus cœlestis, nisi ab alienatus ab omnibus;

Hom. 9.

nibus;

nibus, quæ pertinent ad hoc seculum, se ipsum applicet ad inuestigandam Christi caritatem, mensque segregetur ab omnibus crastis sollicitudinibus, & distractionibus terrenis, ut circa scopum vnum penitus incumbere possit, ut omnibus dimissis, omnia etiam impedimenta materialia, & terrena amputans, & à dilectione carnali, aut affectione erga parentes, aut cognatos semotus, nulli alij rei permittat animum suum operam dare, aut aliunde distrahi, sed totus prorsus animus in spiritualium rerum cura, & inuestigatione occupetur. Hactenus S. Macharius vere ac sapienter. Quamuis enim si subtilius ista disputemus, atque, ut in se hols dici solet, metaphysice rem ad viuum reuocemus, possit etiam tene-ri inter opes sanctitas, inter honores humilitas, inter epulas castimonia; tamen, si ea spectemus, non quæ optantur, aut finguntur animo, sed quæ ut plurimum conueniunt, quæque vius, & communis vita ferat, non potest esse obscurum, quid melius, tutius, salubriusque sit. Quod quo planius intelligatur, discernenda sunt quæ in re hac certa sunt, ab ijs, quæ in disputatione. Illud certum, qui terrenis bonis quibuscumque animo, atque amore inhaereat, hunc aptum non esse regno cælorum; ideoque eiusmodi res relinquendas esse, saltem affectu, idque omnino, & omnibus, & semper. Sic enim ait Propheta, Diuitiæ si affluant, nolite cor apponere. & alibi Dormierunt somnum suum, & nihil inuenerunt omnes vii diuitiarum in manibus suis. Idem etiam indicat Saluator ipse illo tam severo dicto, Facilius camelum per foramen, uam diuitem ad cælum intrare. Hoc igitur certissimū. Illud in quæstionem venire potest, quod quidam ita se hæc terrena retinere posse confidunt, ut tamen spiritu pauperes sint, ut cor non apponant, ut nihil in eis fiducia suæ collocet, denique nihil ob eorum amorem de Dei amore deperdant. Alij contra, quoniam hæc omnia difficillima esse intelligunt, & in statu isto tot salutis impedimenta, tot vitiorum incitamenta esse vident, malunt eum omnino exuere, quam ob adeo breuem caducarum rerum delectationem, æternam salutem periculo obijcere. Vtrorum igitur ratio melior, rectorque iudicetur? Mihi quidem dubiū non est, quin ut in omnibus rebus, eoq; magis quo sint grauiore, prudentiæ est, in tutiorem, securioremque partē inclinare, ut si in alterutro peccandum sit, potius nimis cauti, quam parum prudentes videamur, sic idem, & multo diligenrius, in hac re omnium grauissima, & maxima faciendū sit. Est difficillimum,

Psal. 61.

Psal. 75.

Mat. 15.

& omnino eiusmodi, vt humanam facultatem superet, cum multa possideas, ita possidere, vt affectum sustineas ab eorum amore. Basilii quidem eodem, quem supra dixi, loco, hoc quasi certum ponit, quicumque quancūque rem ex his terrenis, ac caducis sibi reseruet, necesse esse (sic enim loquitur) eius mentem in illo quasi corno cōsepultam teneri, eique aditum ad celestia meditanda præludi, ex quo ita demersa iaceat, vt de supernis bonis à Deo nobis promissis cogitare non possit. illa enim bona assequi nos non posse, nisi quædam vehemens, & indiuisa cupiditas ad ea nos incitet, & inflammet, eaque tanta vt pro ijs adipiscendis labores omnes reddat leues. Hæc Basilii; quod si cui rigidiora videantur, is animaduertat, ne ex aliorum, & ex sua fortasse molitie, non ex ipsa perfectionis natura, de perfectione iudicet. Certe Chrysostomus quoque ita sentit, multo faciliorem esse medicinam ad nostros affectus sanandos, nihil omnino, quam aliquid habere, etiam moderate. Nihil, inquit, ita sedat cupiditatis sitim, vt desistere à lucrandi concupiscentia, sicut amaram choleram abstinencia, & euacuatio. Facilius enim est, vt humanum corpus volet, quam vt plura addendo quietum reddamus desiderium. Et certe ita res habet, vt, quod dixit philosophus ille, quædam facilius omnino abscindantur, quam ex parte temperentur. Nam quod scriptum est à Cassiano, facilius, inquit, vidimus viros, qui ab escis corpulentioribus omnimodis temperarent, quam moderate vsos pro neccitate concessis, & qui totum sibi pro continentia amore denegarent, quam qui eas sub infirmitatis occasione sumentes, mensuram sufficientia custodirent. Hoc igitur quod Cassianus de gula temperantia scribit, latius omnino patet, & ad plura pertinet pertinet enim ad omnia, quorum præsentia oculos mouere, & el animum mulcere possit, vt multo procliuus sit, ab ijs penitus abstinere, quam ijs temperate frui. Ferme enim id euenit, quod ei, qui se ex alto demittit, sperans, cum ad medium peruenit, posse se, cum voluerit, insistere. Sic enim non in hominis manu est, seipsum cohibere, vimque delectationis reprimere, atque ei modum præscribere, cum potius ipsa sibi imbecillitas indulgeat & paulatim prouehatur, & quidem, quod miserius est, imprudens, ac nesciens: de quo bene S. Leo, Per licitos, inquit, vsus ad immoderatos transitur excessus, dum per curâ salutis irrepat delectatio voluptatis, & non sufficit concupiscentia, quod potest satis esse naturæ.

Est præ

*Hom. 43
in Mat.*

*Seneca
ep. 110.*

*Libr. 5.
c. 7.*

*Ser. 12.
Quadr.*

Est præterea illud quoque in hac re animaduertendum, *Hom. de humil.* quod optime scriptum est à S. Baillio, quantum exteriora profint ad interiora reformanda. Sic enim ille præcipit, ad humilitatem animi acquirendam, vt in omni cultu externo humilitati studeatur, in vestitu, in mensa, in cathedra, in domo, in lecto, in domestica suppellectili, deniq; in omnibus redditque causam, quæ non humilitati modo, sed omnibus virtutibus, & huic rei, quam tractamus, adptime conuenit, quod anima similis fiat ijs studijs, atque operibus, quæ tractat, & in quibus versatur, & omnino configuretur, inquit, & conformetur ijs, quæ exterius agit. Neque id mirum, cum tantam habeat coniunctionem cum corpore, vt ijsdem eam moueri oporteat, omnes sensibus corporis proponuntur, immo verò, quod nos assidue cum nostro damno experimur, plus etiam moueatur ijs rebus, quas per oculos, per aures, per tactum, reliquosque sensus percipit, quam ijs, quas sola cogitatione, ac mente, quæ eius est propria actio, percipit. Quod si ita est, non est iam dubitandum, quid inter sit inter eum, qui solo affectu mundum, & mundana deferere velit, re autem, & opere inhærere, & eum qui affectu simul, & opere se ab eo segregauit, & seiunxit. Ille enim quasi aduerso flumine remigat, & ideo difficilius, tardiusque progreditur, grauius fatigatur, facilius relabitur, atque adeo vt plurimùm relabitur; quoniam vix vllus est, qui in ea perpetua contentione, ac lucta aduersus tot difficultates, & impedimenta durare possit. Alter vero quasi propitijs ventis fertur, quoniam nihil eum impedit, aut retardat, omnia iuant, & impellunt, locus, status, socij, occupationes, & studia, quibus tenetur, denique quicquid videt, quicquid audit. Quæ cum ita sint, bene etiam S. Gregorius, & ita apte omnino ad nostrum negotium, ac si tanquam honorarius arbiter causam hanc definire voluerit. Sic enim eos reprehendit, qui Dei obsequijs militare se posse confidunt, sètuatis rebus, & possessionibus suis. Sunt, inquit, plerique qui iam aliena non appetunt, atque ab huius mundi iurgijs inchoatæ quietis amore diuiduntur: erudiri sacris eloquijs appetunt, vacare supernis contemplationibus concupiscunt, nec tamen perfecta libertate curam rerum familiarum deserunt, cui sæpè dum licite seruiunt, etiã illicitis huius mundi iurgijs implicantur, cumq; terrenas res studiose tueri desiderant, cordis requiem deserunt, quam quærebant, & cum substantia fugiens cõtinuata prouisione protegitur, conceptus in animo diuinæ scientiæ sermo

7. Mor.
14.

sermo dissipatur, quia iuxta Veritatis sententiam abortum semen spinæ opprimunt, & verbum Dei à memoria importunæ terrenarum rerum sollicitudines expellunt. Dissolutis itaque gressibus ambulant, qui dum mundum perfecte non deserunt, semetipsos gradiendo obligant, ne gradientur. Quid clarius dici potuit? Id autem inter cetera optimum, quod terrena omnia substantiam fugientem appellauit: quoniam hæc est eorum natura, vt semper diffluant, ac vel ad aliorum manus, vel ad interitum fugiant, vt propterea magno labore, studio, & attentione opus sit, vt retineri, & conseruari possint: inter quæ quis locus, vel certe quam exiguus locus esse potest studio celestium? Quod autem putant uti se eiusmodi res facile tenere posse sine ullo affectu, ij quidē meo, & omnium rectè sentientium iudicio in magno errore versantur. Ita enim euenire videmus, vt in ipso vsu, & consuetudine, hominis animus ijs rebus, quas possidet, adhærescat, etiam nesciens, tumque maxime illigatus sit, cum tibi solutus, ac liber videtur. Accidit enim nescio quo modo, vt si quis lectulo, in quo iaceat, aut sedi, in qua sedeat, clam deuinciatur, neque ille aduertat, donec surgendi tēpus aduenerit. Sic enim nos quoque in terrenarum rerum amore fallimur, vt nobis liberi, & expediti videamur, nec compedes sentiamus: sentimus autem, cum vel nos ab eis morre, vel ea à nobis casu aliquo abeunt. Cuius rei quem meliorem, grauioremve testem quæramus, quam S. Gregorium, qui hoc ipsum non solum ratione docet, sed ex sua ipsius experientia? Sic enim se quoque, cum adhuc in seculo versaretur, deceptum esse narrat. Aperiebat ut (inquit) mihi iam tunc de æternitatis amore quod quærerem, sed inolita me consuetudo deuinxerat, ne exteriorem cultum mutarem. Cumque adhuc me cogeret animus præsentī mundo quasi specie tenus deseruire, ceperunt multa contra me ex eiusdem mundi cura succrescere, vt in eo iam non specie, sed, quod est grauius, mente retinerer. Igitur cum hoc Gregorius de se ipso fateatur, facile alij videre possunt, quāto eos magis sibi timere, & cauere oporteat, cum tanto inferiores sint virtute, ac robore, quam Gregorius. Hæc enim est causa, cur, vt idem alibi confirmat, sancti viri magis in hoc mundo prospera, quam aduersa formident. Sciunt namque (inquit) quia dum mens blanda occupatione premitur, aliquando libens ad exteriora deriuatur. Sciunt quia sepe sic hanc clandestina cogitatio decipit, vt quomodo permutetur, ignoret.

*Ep. ante
lib. mor.*

*s. Mor.
cap. 1.*

Atque

Atque hætenus quidem de religione, vt de instrumento, sed aptissimo & maximo, ad perfectionem acquirendam, quippe quod eos tollat spiritualis huius vitæ obices, qui prope modum viam omnem obstruunt. Videretur tamen quiddam etiam amplius in ea esse, quod per se expetendum sit, & quo qui careant, etiam si cetera omnia (vt hoc demus) habeant, magnis quibusdam bonis, præcipuisque ornamentis careant. Primum autem est voluntatis propriæ abdicatio, res ita perfecta, & ita euangelica. Nam qui liber est, & solutus, sæpe in ipsis bonis operibus, quæ agit, in oratione, in elemosyna, in ceteris, potest aliquid, atque adeo multum commiscere voluntatis suæ: quantum autem de ea commiscet, tantum imminuit de operis laude. Itaque non dici potest, quam magnum bonum sit, hanc voluntatem omnino exuere, & abicere, idque in omnibus, & in totam vitam. Hoc autem proprium est obedientiæ voto. Quanquam dicet aliquis, posse haberi pro duce vnius Dei voluntatem. Hæc quidem magnifice, & speciose dicuntur, magnumque aliquid videntur, quamdiu speculando tractantur, cum autem animus ad rem, praximque ipsam traducitur, tota illa perfectionis imago euanesceat. Primum enim hæc Dei voluntas quam obscura, & incerta est, quam magni in ea collimanda errores, quam crebræ perplexitates? deinde, quod etiam magnum est, qui in ea ipsa coniectanda, & interpretanda proprium sensum adhibet, aliquid sui adhibet: melius autem facit, qui ita vitam instituit, vt nihil penitus de suo adhibeat: hæc est enim illa perfecta abrenunciatio, & illa abnegatio, quam Dominus cum præcepit, hoc præcepit, vt ita nosmet ipsos deseramus, vt nihil omnino nostri retineamus. Itaque veræ virtutis est id, quod ait Climachus, cuius verba ponam, quoniam ipsa eorum simplicitas delectat. Humilis (inquit) semper abominabitur voluntatem suam, velut deceptricem, & errantem; & quamuis omnes eius cogitationes, & facta diuinæ regulæ sint congruentia, adhuc tamen non sequitur voluntatem suam, nec credit sensui suo. Humili enim grauis est stimulus niti voluntati suæ, sicut superbo est stimulus, & onus intolerabile, subesse alienæ voluntati. Optime autem Gregorius illum ait sine dubio sublimioris discipulatus ordinem apprehendere, qui relictis omnibus, quæ exterius possederat, etiam intimas frangere voluntates parat, vt se alterius voluntatibus subdens, non solum prauis desiderijs, sed ad perfectionis cumulum, etiā in bonis votis sibimet renun-

Gra. 25.

32. Mor. cap. 17.

. ciet,

ciet, & cuncta quæ sibi agenda sunt, ex alieno arbitrio obseruet. Itaque has omnes istorum rationes, quas nos adhuc confutauimus, ad Satanæ tentationem refert: sic enim ait. Hunc hostis callidus tanto mollius alloquitur, quanto ab excellentiori deijcere ardentius conatur, moxque virulenta suggestionem blandiens dicit, O quanta per te metipsum miranda agere poteris, si nequaquam te iudicio alterius subdis.

Cur profectum tuum sub studio meliorationis imminuis?

Quæ enim dum voluntate propria usus es, peruersa perpetrasti? Qui ergo tibi plene ad bene viuendum sufficis, alienum super te iudicium cur requiris? Hæc blandiens insinuat, seorsum verò in voluntatibus eius proprijs exercendæ superbiæ causas parat. Sic Gregorius, ex cuius testimonio hoc iam euidenter constat, quod tractamus, quanto perfectius, & quanto etiam securius sit, omne sui arbitrium relinquere, quam id retinere, etiam bene vtendo. Accedit, quod negari non potest, quin maior submissio sit, obedire Deo in homine, quam Deo ipsi aliquid per se iubenti. nam & regibus nemo sit, qui cum ex ipsorum ore aliquid accipiat, resistere audeat: seruis autem, & nuncijs obtemperare multo difficilior. Accedit quod qui re ipsa mundum, & omnia reliquit, idem etiam reliquit animo: id enim sponte fecit, & libenter fecit: qui autem animo tantum relinquere vult, primum hoc minus habet, quod non etiam re, deinde illud considerandum, quod facile errare potest, reliquisse se existimans quod verè non reliquit. Ita enim res habet, vt in rebus omnibus, ipsque præsertim, quæ sensui graues sunt, multum distet voluntas ab opere: illa enim nihil facilius, hoc durum, & laboriosum: quin etiam opus plerumque voluntatem explorat, & quasi examinat, cum sæpe etiam feruidus animus ad opus applicatus, ipsa difficultate perculsus, claudicare incipiat. Denique illud etiam maximum in hoc genere, quod cum in Saluatoris nostri Christi domini vita perfectissima vitæ forma enituerit, qui ad eum propius imitatione accesserit, is etiam perfectior haberi debet. Quoniam igitur ille non sola voluntate paupertatem, & humilitatem amplexus est, sed etiam operibus ipsis, ac toto vitæ statu, consequens esse videtur, vt qui in hoc utroque eius in se effinxerit similitudinem, ei plus laudis debeatur, quam qui tantum in

*Hom. ec-
ce nos
reliq.*

altero. Quæ fuit etiam Bernardi sententia, vbi ait, antiquis patribus satis fuisse spiritum Domini solo spiritu sequi. At, inquit, vbi Verbum caro factum est, & habitauit in nobis,

iam

iam nobis in eo tradita est imago vitæ, & perfectionis exemplar, quod oporteat etiam corporaliter imitari, ut utroque sequentes vestigio, non ulterius cum Patriarcha Iacob, altero femore claudicemus. Neque id dicimus, tanquam saluari quis vel hoc tempore nequeat, si secus egerit, sed ut gradum agnoscat proprium, & locum perfectionis, aut discipulatus officium non usurpet. Hæc Bernardus.

Sed tamen quia obiecta est initio auctoritas antiquorum patrum, ut Abrahami illius, & Isaac, ei quoque satisfaciendum videtur. In quo idem Bernardus festine, *Quid respondimus*, ait, novis imitatoribus sanctorum veterum? Imponant certè vitulos super altare Domini, mactent arietes, hircos immolent, quia hoc & Abraham fecit. Pergit igitur ita differere, temporales illas diuitias figuram fuisse spiritualium diuitiarum, quæ nobis sunt reseruatæ: quare euauuisse illas, has nunc esse tenendas. Addit etiam quod verum est, ex illis ipsis patribus nullum fere fuisse, qui non aut afflictus grauius, aut non grauius in huius seculi prosperitate tentatus, forte etiam periclitatus sit: & illos quidem in profundo maris diuisi, in luto aquarum multarum ambulasse, terrena licite possidendo, nos autem nouo quodam, & mirabili modo gradiendi, ipsas quoque vndas calcare, omnia relinquendo; quæ quidem gratia, ac prærogatiua euangelico statui, & Petro, quasi duci, & antesignano debebatur. Eadem pene in re simili dicit Chrysostomus in libro de virginitate, non mirum esse si præci illi patriarchæ suas & opes, & coniuges habuerunt, quoniam non idem à nobis, & ab illis virtutis modus exigitur. Neque enim, inquit, nunc quisquæ perfectus esse potest, nisi vendiderit omnia, nisi omnibus renunciauerit, neque pecuniæ solum, aut domui, sed propriæ etiam vitæ curam abiecerit. At tunc nullum omnino tantæ perfectionis specimen fuit. Quod argumentum vberius deinde tractans, causam etiam addit, cur maiora nobis, quam illis posita sint præcepta, quoniam maior etiam in nos Spiritus sancti gratia effusa sit, maioraque dona ex Christi aduentu impertita, qui nos ex infirmis perfectos reddit. Quare ut homines à suis liberis, cum iam adoleuerint, plura requirunt, quam antea à pueris, & quæ in teneriori illa ætate delectabant, eadem deinde in robustioribus annis reprehenduntur, ita Deum prioribus illis temporibus multa indulgisse, quæ iam in euangelica luce imperfectiora appareant, maxime etiam cum vberior

Idem.

Cap. 83.

nunc

nunc merces proposita sit, pro terra cœlum, pro temporalibus sempiterna. Denique, vt concludamus, quamquam vel ex veteribus illis, vel etiam ex recentioribus aliqui, vt scimus, extiterint, qui inter diuitias, vel honores, vel inter coniugij delectationes, aut in regno ipso, virtutem retinuerint, tamen quæ temeritas, vel quæ potius dementia sit eius, qui sibi tantum arroget, vt se eis æqualem putet, & periculum quod illi euaserunt se quoque euadere posse confidat?

2. 2. q. 186. art. 1. Recte enim & sapienter S. Thomas hoc ait illos assequutos excellentia quadam sanctitatis, & quadam virtutis eminentia quam ijs Dominus Deus, qui omnia operatur ex proposito voluntatis suæ, tribuere voluit: neque tamen infirmiores ita sibi confidere debere, vt se quoque cum ijsdem impedimentis ad perfectionem peruenire posse putent: sicut nemo tam stultus sit, qui quoniam audierit Sampsonem vna asini mandibula multos hostes peremisse, propterea ipse etiã hostilem exercitum solu, & inermis inuadere audeat. Hæc igitur dicta sint ad demonstrandum, quanto melius, & perfectius, securiusque sit (hæc enim omnia cōmoda concurrunt) mundum, & cuncta mundana, non solo deliderio, quod incertum est, magnisque erroribus expositum, verum re quoque ipsa, & facto, prorsus deserere, in quo innumerabiles in-
sunt utilitates.

*Ad eos, qui dicunt, perfectius esse viuere in seculo
propter maiores difficultates bene viuendi.*

CAPVT XXI I.

RESPONDENDVM est etiam illis, qui præstantius esse aiunt, maiorisque meriti, bonam, & honestam vitã in seculo ducere, propterea quod tam difficilis sit illic virtus, & pietas, ob tam multa impedimenta. Contra vero religionis laudem ob id ipsum eleuant, vnde nos eam tantopere ornauimus, quod extra omnem periculi aleam tuto, ac securo otio perfruatur. Quid enim (inquiunt) magnum, ac mirabile est, quod nihil concupiscat, qui cella conclusus nihil videt concupiscendum, quod pacem animi conseruet, qui nulla molesta negotia tractat, nullãque rei vilius detrimenta sentiat, quod numquam iracundia efferatur, qui cum fratribus mitissimis, eiusdemque animi, & instituti habitat? Illa est virtus, versari inter pulchras rerum formas, & esse abstinentem, misceri hominum turbis, interesse maledicis verbis, audire, & videre quæ ad peccandum possint
illicere,

illicere, & tamen se semper sustinere, numquam labi. Ideo enim & Propheta gloriatur, quod cum iis, qui oderant pacem, esset pacificus: & de Iob non sine causa hoc ipsum commemoratur à scriptura, quod esset in terra Hus; quoniã ut ait Gregorius, non valde laudabile est, bonum esse cum bonis, sed bonum esse cum malis. Hæc quosdam dicere audimus interdum, alios ignorantia, & errore, alios malitia quadam, & simulatione, ut seculum quod libidine complectuntur, ratione potius se complecti ostendant. Verum & illos docere, & hos refutare non magnus labor est. Nam si ita res haberet, ut in istis præliis, ac pugnis, semper superiores, & intacti abirent, nullum unquam vulnus acciperent, haberent fortasse aliquid, quo gloriari possent. Sed non ita est. Non enim fieri potest, ut qui inermis inter tot hostium millia semper versatur, nullo præsidio alieno, ac ne studio quidem, & diligentia sua, non multas quotidie plagas accipiat, eoque maiores, quo minus ipse aduertit; idque declarat eorum vita, qui sic loquuntur, viriis, & perpetuis culpis referta, Falso igitur se iactant, qui ita se iactant; non enim id est pugnare cum hoste, sed capi, & cædi, & mactari ab hoste. Atque si illud etiam daremus, ut quispiam per annos multos sæpe victor esset, multosque dæmonum impetus fortiter sustineret, quid hoc refert, si post tot annos vel semel cadat, semelque in illorum manus veniat? quod quidem ita facile, ac proclive est, ut vix vitari possit in tam præcipiti, & periculoso loco. Sed ponamus hoc quoque, nunquam vllum vulnus accipi: habet tamen religiosus status tam multa alia, in quibus excellat, assiduam virtutum omnium exercitationem, humilitatem, obedientiam, fraternam caritatem, ut etiam si hæc quæcumque est, secularis vitæ laus vera sit, quod non est, infinitis eam partibus obruat. Sed quoniã de merito loquimur, hoc ipsum indagandum est, an difficultas hæc, quæ est in seculari vita, meritum augeat. Cui questioni docte satisfaciunt Bonaventura in eo libello, qui est ab eo inscriptus, Apologia pauperum. Is enim ita dissertit, triplicem inveniri in bonis operibus difficultatem, unam ex ea causa, quod opera quædam nobilia sunt, & magna, & ardua: quæ autem eiusmodi est, magnum merito cumulum addere. Atque huius quidem difficultatis permultum esse in religione: multa enim continere gravia, & supra communem hominum morem, ac facultatem etiã, si naturæ vires æstimemus. Itaque recte Hieronymus in epistola ad Rusticum monachum, Si perfecta sequi

Psal. 199
Iob. 1.

1. Mor.
cap. 1.

desideras, exi cum Abraham de terra tua, & perge quo nescis. Si habes substantiam, vende; & da pauperibus, si non habes, grandi onere liberatus es. Nudum Christum nudus sequere. Durum grande, & difficile, sed magna sunt præmia. Alterum deinde ait esse genus difficultatis, quod nascitur ex hominis vitio, siue propter naturalem imbecillitatem, siue propter habitus iam contractos. Nam & avaro grauius est donare, & superbo subdi, & guloso abstinere à cibis, quod sane genus non modo non auget, sed imminuit meritum; quoniam repugnantia illa voluntatis quasi vigorem eius retundit, facitque minus voluntarium. de quo bene idem Hieronymus in alia quadam epistola ad Eustochium: Soror tua Blesilla ætare maior, sed proposito minor, post acceptum maritum septimo mense viduata est. O infelix humana conditio, & futuri nescia. Nam & virginittatis coronam, & nuptiarum perdidit voluptatem, & quamquam secundum pudicitie gradum teneat, quas tamen illam per momenta singula sustinere cruces æstimas, spectantem quotidie in sorore quod ipsa perdidit, & cum difficilius experta careat voluptate, minorem continentie habere coronam? Tertia est, auctore Bonauentura, difficultas quam afferunt causæ extrinsecæ, vt rei præsentia, quæ magis mouet, vt pulchritudo, & similia, quæ si vincantur, augent illa quidem interdum ex accidenti, & indirecte præmium, sed tamen quia per se, atque ex sua natura potius impellunt in ruinam, ideo fugienda, omniq; studio ab omnibus declinanda sunt; quod qui non faciat, non solum tum peccat, cum labitur, sed etiam cum se exponit periculo labendi. Hinc enim est illud Augustini, qui inducens cuiusdam sermonem dicentis velle se habere quod vincat, quia id præclarum sit. Quid, inquit, est, volo habere quod vincam, nisi, viuere desidero sub ruina? Quibus paucis verbis hoc indicatur, vt stultus sit, qui cum domum ruentem videat, non ex ea profugiat, sic multo stultior em esse, qui ex proximo animæ discrimine non se item fugiendo eripiat. Quod si quis sit fortasse, qui fugam istam turpem existimet, contraq; laudabile putet, immorari in periculo, idq; fortis animi esse, audiat quid de hoc ipso Hieronymus aduersus Vigilantium hæreticum disserat. Respondebis, inquit, hoc non est pugnare, sed fugere. Sta in acie, aduersariis armatus obssiste, vt postquam viceris, coroneris. Fateor imbecillitatem meam. Nolo spe pugnare victoriæ, ne perdam aliquando victoriã. Quid autem necesse est, certa dimittere, & incerta sectari? Tu qui pugnas,

Epist. 22.

Ser. 250.
de temp.Lib. cont.
Vigil.

pugnas, & superari potes, & vincere. Ego cum fugero, nō vincar in eo quod fugio, sed ideo fugio, ne vincar. Nulla securitas est, vicino serpente dormire. potest heri ut me non mordeat, tamen potest fieri ut me aliquando mordeat. Hic Hieronymus humanæ, ut quidem ipse ait, imbecillitati consulens. Sed tamen re vera nihil fortius, quam eiusmodi imbecillitas, nihil imbecillius, quam illa temeritas. Illa enim dum fugit, vincit, nec fugere posset, nisi voluntatem præsentis rei obiectæ vicisset, & contemplisset. hæc autem dum eius dulcedine illecta, in periculo commoratur, hoc ipso iam victa est, & hoc ipso se inferiorem ostendit, quod se abipere non potest. Est autem eo stultior hæc temeritas, quod in animæ tantum malis prouidendis, & præcauendis cæca est, cum in corporis malis nimis etiam sit oculata. Nullus enim est, qui in nauigando sponte se in tempestatem immittat, ut peritiam seruandæ nauis ostendet, sed potius portu se continet, vel se prope- re, & mature in portum recipit. Quare hoc idem eo magis *Eccle. 3.* in causa animi faciendum esset, quoniam verum est quod ait scriptura, Qui amat periculum, peribit in illo.

Ad id quod obijcitur, religiosos maioris perfectionis obligatione teneri.

C A P V T XXIII.

QUO P à Domino dictum, & in Euangelio scriptum est, *Luc. 12.* Cui multum datum est, multum quæretur ab eo, cum ideo sit dictum, ut omnes homines in virtutem exstimulentur, non tamen defunt, qui ita accipiant, ut à virtute retardentur. Sic enim existimant, securiores se fore, si mediocritatem quandam teneant, quam si appetendo perfectione, tantam suscipiant obligationem, ut ei satisfacere laboriosius sit, & si non satisfaciant, damnosius. Qui quidem quam perperam agant, est breuiter ostendendum. Primum enim intelligere oportet, hanc Saluatoris vocem non in solos cadere religiosos, sed in omnes omnino Christianos, qui tot diuinis donis ornati, tot ditati thesauris, qui Dei sanguine empti sunt, & denique tot à Deo beneficia perceperunt, & singulis horis, singulisque momentis percipiunt. Non igitur putare debent ij, qui religiosi non sunt, se citius, ut ipsi existimant, seueritatem sententiæ effugisse, sed quoniam tam multa, & tam immensa sunt, quæ ipsis quoque data sunt, ipsos etiam ex eorum numero fore, à quibus multum, seu potius immensum quiddam reperatur. Religio autem, quod ad nostrā

consolationem magnopere valere debet, etiam si plura con-
gerat beneficia, tamen hæc beneficia eiusmodi sunt, vt etiam
adiuuent ad exsoluendum, ac dependendum quod debe-
mustunt pro iis ipsis, tum etiam pro aliis communibus.
Nam si ieiunare, si castum esse, si obedire donum Dei est,
simul etiam idem ieiunium, eadem castitas, eadem obe-
dientia ferme Deo reddit quicquid donum ipsum valet. Ac-
cedit etiam quod non a deo terrere nos debet illa seueria de-
nuntiatio repetendi quod datum est, quam recreare illa
Mat. 13. promissio, Qui habet, dabitur ei, & abundabit. Sic enim res
habet, isque Dei mos est, vt diuites, & plenos, pleniores
etiam, discolorisque efficiat. Videtur enim nescio quo mo-
do, vt ita dicamus, ipsius Dei interesse, vt iis, quibus mul-
ta bona concessit, ea bona non pereant, & plura insuper
concedat, quibus priora illa confirmentur, ac stabiliantur.
Vt sæpe videmus lutores, ne perdant, plura perdere, aut
qui litigant, quo plus vel laboris, vel pecunie iam insum-
pserint, eo plus incallescere ad insumendum. Denique illud
quoque considerandum est, quod à nobis supra positum hic
etiam locum habet, non ita à religiosis perfectam virtutem
exigi, vt perfecti esse cogantur. In hoc enim falluntur, qui
hanc religionis obligationem reformidant. Sed satis est, vt
ad perfectionem aspirent, & quasi in via sint, vt ad eam ten-
dant. Quemadmodum discipuli non eo quia discipuli sunt,
ideo postulantur, vt iam docti, iam excellentes sint: suf-
ficit enim vt cupiant, & studeant esse: quod idem de religio-
sis dici potest, qui modo virtutis cogitationem non penitus
deposuerint, sed ad eam aliqua cura, & studio connitantur,
etiamsi deinde aliquid habeant imperfecti, non ideo ab offi-
cio discedunt; isque passus, quicumque est, eos quotidie ad
Deum promouet. Ex quo apparet, quam non rigide, vel se-
uere, sed potius benigne & laauiter cum religiosis agatur, ac
non modo supra vires, sed aliquantum etiam intra vires gra-
uentur. Quamobrem qui propter hunc metum, ne plura à
se repetantur, religiosam vocationem reiicit, is simillimus
Mac. 25. videtur ei seruo inutili, & nequam, qui socordiam suam ita
excusabat, Timui quia homo durus es: metis vbi non semi-
nasti, & colligis vbi non sparsisti. Falsum hoc quidem, & im-
pium. Tantum enim abest, vt repetat plus, quam dederit, vt
etiam minus multo, quam dederit. Sed tamen recte à Do-
mino ex ipsius ore conuictus, damnatusque est. Nam si hanc
eius seueritatem, ac duritiam esse putabat, eo magis oportuit

tuit illum esse diligentem, impigrum, & strenuum in fructu augendo. Idem igitur in istos conuenit. Primum enim in hoc peccant, quod de infinita illa bonitate, & caritate tam indigne sentiunt, ut ei quoddam crudelitatis, si vere dicendum est, crimen aspergant. Deberent enim existimare id quod res est, illius dona nunquam in perniciem nostram, sed in profectum, salutemque futuram, & si quid à nobis postulet, id eum prius ultro large, liberaliterque daturum. Deinde si hoc timet, ne si vocationis acceptæ minores fructus exriterint, seuerè plectantur, quanto magis timere debent, si vocationē oblatam non acceperint? Nam hoc iam ipsum, quod oblatum est, in datis numeratur, cum vere datum sit; quod qui respuat, non modo drachmam in sudario inuoluit, aut defodit in terra, sed etiam, quæ maior est contumelia aspernatur, & abiicit. Hoc igitur eis extimescendum esset, simulque atrox illa sententia in seruum illum pigrum lata, Ligatis manibus, & pedibus, proiicere eum in tenebras exteriores. Atque hæc quidem sic habent.

Sed pertinet ad hunc locum alia quoque quæstio ex illorum opinione; qua nescio an plerique hominum teneantur; qui ita existimant, religiosorum peccata multo esse grauiora, quam secularium, multoque maiorem penam mereri. Quod si esset, durior sine dubio esset eorum conditio. Quamobrem hoc quoque diligenter videndum. Ponit hanc ipsam quæstionem Chrysostomus, eique respondet his verbis ipsis. At inquires, eiusdem criminis non est, eum qui seculo addictus sit, peccare, & eum qui semel sepenitus Deo deuouerit, religionis proposito excidere. Neque enim ex eadem altitudine decidunt, ita nec eadem quidem vulnera suscipiunt. Fallis remetipsum prorsus, ac decipis, si aliud puras à secularibus viris, aliud à monachis requiri. Quod argumentum Chrysostomus cum copiosius, multisque rationibus allatis, tractasset, deinde ita concludit. Itaque quod ad eandem vitæ diligentiam, supremumque perfectionis fastigium per diuinas leges æque secularis, ac monachus cogantur, quodque ambo si ceciderint, æqualia sint accepturi vulnera, neminem iam, quamlibet impudens sit, & contumacius negaturum existimo. Pressius hoc quoque, ac subtilius disputans B. Thomas, & plane ex theologorum rigore; duobus locis ostendit, iis exceptis, quæ vel contemptu, vel contra voti sponsonem committantur, reliquas culpas nec veniales solum, sed mortales etiam minui potius in religiosis,

*Libr. 3.
cont. vit.
vita mō.*

*1. 2. q. 73.
arti. ult.
2. 2. qua.
187. arti.*

quam augeri. Quod quia incredibile fortasse nonnullis videatur, affert etiam triplicem rationem. Prima est quia eiusmodi peccata, quæ non ex habitu, ut in secularibus procedunt, sed repentino quodam quasi vento, sic animi impetu incitantur, minus sunt voluntaria, idcirco & rarius committuntur, & si committantur, non se adeo in illis profundit voluntas. Deinde quia quicquid illud mali est, facilius absorbetur à multis bonis, quæ Dei bonitatem ad misericordiam propensam multo plus conciliant, quam vnum factum exasperet, cuius exemplum apparuit in Iosaphat, cui sic dictum est à Propheta: Et idcirco quidem iram Domini merebaris, sed bonâ opera inuenta sunt in te. Accedit tertium, quod religiosus ut maiorem Dei notitiam ex diuturniori familiaritate consequutus est, non ita se potest in peccatum abijcere, & quasi demergere, ut ille qui nec virtutis pulchritudinem, nec vitij scditatem vnquam cognouit. Nam & in corporis casu multum interest, utrum quis fallente pede labatur, an se ultro præcipitet: ille enim sustinet se quantum potest, rursusque statim erigit; hic autem tum grauius alliditur, tum etiam de surgendo non cogitat: ex quo etiam sequitur, ut hic quidem ad relabendum pronior semper sit, ille contra post lapsum cautior, & firmior. Hoc enim est quod in psalmis dicitur de homine iusto: Cum ceciderit, non collidetur. Confirmantur hæc omnia auctoritate Basilij grauissima, qui cum hanc ipsam quæstionem posuisset, Num eadem peccata æqualia sint in religioso, atque in vulgari homine, respondet, in religioso potius esse leuiora. Qui enim religiosus est (inquit) is cum de quærenda Dei gratia sit sollicitus, & in eo totus elaboret, non de industria, sed casu aliquo, & præter animi sui sententiam labitur. Vulgaris autem ille, cum nullam neque sui, neque Dei rationem habeat, neque quicquam referre existimet, peccet ne, an recte agat, vel Deum contemnit, vel omnino esse Deum non putat, ut ait scriptura, Dixit inipiens in corde suo, Non est Deus. Corrupti sunt, & abominabiles facti sunt in studiis suis. Atque illud quoque scire conuenit, peccata religiosorum plerumque etiam euenire ex consilio Dei ad ipsorum vtilitatem, cum videlicet Deus labi eos interdum permittat ad sanandam in eis aliquam animi elationem, quæ præcesserit, ut Petro Apostolo contigit. Hæc S. Basiliius ad verbum. Quamobrem si hoc confert religio ut peccata ipsa extenuet potius, atque eleuet, quam exaggeret, cui timendum erit, ne in recte factis plus ab eo repetatur

2. par. c.
19.

Psa. 30.

Reg. br.
c. 81.

Psa. 52.

tatur quam commodissime, & facillime ferre possit? Concludamus igitur, & dicamus cum gaudio id quod scriptum est in sacris literis, Dominus bonus propitiabitur cunctis, *ui 2. Para.* in toto corde requirunt Dominum Deum patrum suorum, 30. & non imputabit eis quod minus sanctificati sint.

Contra eos, qui obijciunt aliquos religiosos non bene viuere.

CAPVT XXV.

FRequens est etiam illa vituperatio religionis ex eorum vitiis, aut lapsibus, qui vel religione ipsa parum se probant, neque loci, in quo sunt, sanctitati satis respondent, vel etiam, quod multo deterius est, ab ea discedunt, & missa ad aratrum manu retro deinde aspiciunt. Quod ut ita sit, tamen nihil iniquius, quam paucorum culpam vel reliquis omnibus, qui sine culpa sunt, vel ipsimet instituto, quod sanctum, quod à Deo conditum est, aspergere. Illud quidem verum est, ex illis ipsis criminibus, quæ contra religiosos circumferuntur, multa falsa, multa improbe coniecta esse, agente id dæmone, ut Dei famulorum, quos sibi infestos esse sentit, auctoritatem eleuet. Quid enim mirum (ait Augustinus) si homines seruis Dei detrahunt, & qui eorum vitam peruertere non possunt, famam decolorare nituntur, cum ipsum Deum, dominum eorum quotidie blasphemare non cessent, cum eis displicet quicquid contra eorum voluntatem iusto, & occulto iudicio facit? Est etiam alia causa, quia ipsa status pulchritudo, ac dignitas facit, ut aduertatur quicquid vel leuiter ab ea dissonet: ut in veste nobili, aut in candido panno vel minima labes dedecet, cum in sacco grandiores ne notentur quidem, non quia non sint grandiores, sed quia id, quo recipiuntur, ita deforme est, ut noua illa deformitas non appareat. Sic enim in seculari statu plurimæ, & ingentes culpræ silentio prætereuntur, quoniam ea res nihil noui habet: in religioso autem statu etiam minimæ magis conspicuæ sunt, sed tamen minimæ. Verissimum est etiam illud S. Basilij, *Cō. mo. 6.7.* seculares istos nescio quam opinionem de religiosis cepisse, quasi vna cum statu ipsam etiam naturam mutarint, & aliam quandam naturam induerint plane ab humana diuersam, adeoque eos iniustos esse aduersus Dei famulos, ut perinde ac si carne, & corpore carerent, ita eos nullis, aut fere nullis cibis uti velint, quod si aliquem videant corporis necessitati

Ep. 136:

subuenire, cum statim conuicijs, calumnijsque proscindant, deriuataque ab vno in reliquos omnes petulantia, vniuersos pariter lurcones, & hellucines appellent, neque illud reputent, se, cum quotidie epulentur, & quidem sæpius in die, multaque carniū copia saginentur, & vino se ingurgitent, ita tamen mensis inhiare, tamquam canes post diurnam famem è cathena dimissos. Hæc Basilius omnia in religiosorum defensionem.

Verum vt fateamur in religiosos quoque aliquos interdū & vitia irreplisse, & lapsus, alios etiam ex eo statu cecidisse, & cadere, non propterea damnandum est religionis consilium, neque ex istorum segnitia de toto statu iudicandum. Scite enim Augustinus ad eos, qui hoc monachis obiciebant: Et nos (inquit) nouimustales, sed non periiit fraternitas pia, propter eos, qui profitentur quod non sunt. Tam sunt enim monachi falsi, quam & clerici falsi, & fideles falsi. Hieronymus etiam verissime dixit in omni conditione, & gradu optimis mista esse pessima: quod certe eo etiam amplius locum habere necesse est, quo gradus ille altior, perfectior, eminentiorque sit. Quanto enim onus grauius fuerit, eo minus mirū, in hac humanæ naturæ imbecillitate aliquos esse, qui vel remissius deferant, vel etiam abiiciant: neque tamen horum inertia tantum talis instituti splendorem obscurare debet. Heluidius hæreticus cum virginitati bellum indixisset, inter cetera id quoque accusabat, quod quædam virgines essent, vt ille aiebat, tabernariæ. Quo autem modo confutat eum Hieronymus? Ego (inquit) plus dico, esse in iis & adulteras, &, quod magis mireris, clericos esse caupones, & monachos impudicos. Sed quis non statim intelligat, nec tabernariam virginem, nec adulterum monachum, nec clericum posse esse cauponem? Nunquid virginitatis est culpa, si simulator virginitatis in crimine est? Licet autem huius exemplum capere ab Ecclesia, & ex toto corpore de membro vno argumentari. Nam etsi in Ecclesia multi tam perditæ viuunt, ea tamen nihilominus sancta appellatur, neque id impedit, quo minus hæc fidelium vniuersitas à Paulo Apostolo sine ruga, & sine macula dicatur, quoniam ipsa per se institutio, quo modo à Deo condita est, non quo modo à plerisque deformata est, inspicere debet. Sic igitur idem dicendum de religiosis institutis, nihil de eorum sanctitate deperire, quoniam nonnulli in iis inueniantur non sancti. Quinimmo si recte consideremus, plus etiā aliquanto

In Ps.
132.

Ep. 4.

Lib. ad-
uer. Hel.
uid.

Eph. 5.

quanto hoc valet in religionibus. Etenim si Ecclesia, cum plures sint mali, & qui per spatiosam latamque viam, quam per angustam ingrediantur, tamen tota pulchra, totaque Dei amica appellatur, quanto magis hic idem honor sacris hisce institutis debetur, in quibus tam multi sunt boni, ceteri tam pauci, tamque rari? Igitur præter instituti sanctitatem accedit etiam hæc altera ratio, quod quicquid aliqui peccent, id aliorum recte factis, & virtutibus abunde compensatur. *Cant. 4. Ep. 34.*

Noli (ait Hieronymus) respicere Iudam negantem, sed Paulum respice confitentem. Addamus nos plus confirmare debere tam multos Paulos, quam deterrere vnum Iudam. Quia etiam pertinet illa Nysseni sententia in libro de virginitate, ubi iis, qui ita sanctiorem hanc vitam calumniabantur, quod nonnulli eam ingressi, postea superati, ac deiecti essent, respondet. nec se quidem negare, rem esse difficilem, minimeque communem; neque mirandum, quod in negotio tam arduo alios labor, alios aliæ causæ vincant. Sed tamen non debere nos ita animo cadere, ut tam præclaram rem ob eum metum repudiemus: quin potius fidenti animo aggrediendam esse tam fructuosam navigationem, navigatio continentia, gubernatore Christo, Spiritus sancti afflatu. Neque enim qui mare nauigant, mercaturamque exercent, ab instituto delistere, propterea quod aliquos aliquando naufragium fecisse sciant. Præterea per absurdum, perque iniquum esse, qui semper bene vixerit, deinde in aliquam culpam lapsus sit, eum putare improbum, eiusque vitæ genus detestari: cuius vero omnis vita in vitijs, ac flagitijs consenuerit, hunc putare melius sibi consuluisse. Si enim graue est, semel peccare, ob eamque causam satius putas à sublimioribus illis consilijs abstinere, quanto peioris est conditione, qui semper in vitiorum cœno volutatus est? Hæc Nyssenus. Est igitur ista miseriæ huius vitæ, quamdiu peregrinamur à Domino, fragilitas, ut quemadmodum Saluator prædixit, necesse sit euenire scandala, ut qui hoc miretur, ignorare videatur, ubi viuatur, & qualis etiam ipse sit, qui hoc in alijs miratur. Quare Cassianus cum illustrem Paphnutij illius patientiam commemorasset, qui ab altero monacho furti accusatus, ultro innocens pœnam subiit, eam narrationem ita concludit. *Matt. 18. Cell. 18. cap. 16.*

Nec (inquit) peruersos, atque execrabiles quosque sanctorum virorum numero insertos latitare miremur; quia dum huius seculi arena conculcamur, atque conterimur, necesse est etiam paleas igni perpetuo deputandas inter electissima frumenta.

T t 5 misceri.

miseri. Denique si vel Satan inter Archangelos, vel Iudam
 inter Apostolos, vel Nicolaū prauissimæ hærescos inuen-
 rem inter diaconos reminiscamur electos, hoc quod nequis-
 simi homines sanctorum ordini deprehendantur inserti, mi-
 rum esse non poterit. Sed ut ab hoc Paphnutio non tam ci-
 to discedamus, atque ex hoc exemplo de nostris etiam tem-
 poribus argumentemur, si quemquam offendit, quod in
 illa sanctitatis domo, in illa etiam ætate tam feruenti, ali-
 quis inueniri potuerit tam perditæ maleuolus in fratrem,
 cur non idem æque ædificetur Paphnutij ipsius humilitate,
 patientia, caritate, qui ut proximi, & talis proximi famæ
 parceret, ipse potius eius criminis procellam subire, tan-
 ramque tam turpis delicti infamiam sustinere decreuit? An
 non maior istius bonitas, & simplicitas, quam illius inuidia,
 atque malitia? Sed præterea in toto illo monasterio vnus in-
 uentus est improbus, idque intra tot annos, reliqui probi, &
 digni statu tam sancto. Quæ igitur peruersitas est, plus mo-
 ueri ad vituperandum vnus vitio, quam ad laudandum vir-
 tute tam multorum? Hyppone in cœnobio Augustini gra-
 ue inter duos exarserat iurgium, cum alter alteri magnum
 crimen intendisset, ut necesse esset, alterutrum ingentis cul-
 pæ reum esse, vel turpis facti, vel enormis mendacij: qua de
 re, cum orta esset in populo nō mediocris admiratio, ac que-
 rela, Augustinus ad eos luculentam scripsit epistolam, in qua
 primum illos reprehendit, quod vnus factum in omne reli-
 giosorum nomen retorquerent, deinde id dicit quod paulo
 ante Cassianus, non esse mirum, aut nouum, quod inter ho-
 mines tales quidpiam interdū eueniat. Ad quid aliud, inquit,
 sudant isti, & quid aliud captant, nisi ut quisquis episcopus,
 vel clericus, vel monachus, vel sanctimonialis ceciderit, om-
 nes tales esse credant, sed non posse omnes manifestari? Et
 tamen etiam ipsi eū aliqua maritata inuenitur adultera, nec
 proijciunt vxores suas, nec accusant matres suas. Cum autē
 de aliquibus, qui sanctum nomen profitentur, aliquid crimi-
 nis, vel falsitatis sonuerit, vel veri patuerit, instant, satagunt,
 ambiunt, ut de omnibus hoc credatur. Idemque paulo
 infra, Quantumlibet vigilet disciplina domus meæ, ho-
 mo sum, inter homines viuo, nec mihi arrogare audeo, ut
 domus mea melior sit, quam arca Noë, ubi inter octo ho-
 mines reprobos vnus inuentus est: aut melior sit, quam do-
 mus Abraham, ubi dictum est, Eijce ancillam, & filium eius:
 aut melior sit, quam domus Isaac, cui de duobus geminis di-
 ctum est,

Ep. 137.

etum est, Iacob dilexi, Esau autem odio habui: aut melior sit, quā domus Iacob, ubi lectum patris filius incestauit, aut melior sit, quam domus Dauid cuius filius cum sorore concubuit, cuius alter filius contra patris tam sanctam mansuetudinem rebellauit: aut melior, quam cohabitatio ipsius domini Christi, in qua undecim boni perfidum, & furem Iudā tolerauerunt: aut melior sit postremo, quam cælum, vnde angeli ceciderunt. Denique ad extremum ita religionis causam tuetur, vt ostendat, etiamsi ista effugere non possit, quanta tamen sit eius dignitas, ac splendor. Ecce, inquit, contristamur de aliquibus pu gamentis, consolamur tamen etiam de pluribus ornamentis. Nolite ergo propter amurcam, qua oculi vestri offenduntur, torcularia detestari, vnde apothecæ dominicæ fructu olei luminosioris implentur. Apothecas dominicas vocat ipsam Ecclesiam, & fidelium animas, quas hoc oleo, id est, religioso statu, eiusque opera, & exemplo illuminari indicat. Postremo illud est etiam in hoc genere considerandum, quod si hæc nobis angeli aliqui obijcerent, quorum vita & carnis, & omnis peccati est expers, ij quidem iure suo hoc facerent, & nobis optandum esset, si fieri possit, nostra hac vita relicta, ad illorum vitā transferri. Cum vero hæc à secularibus proponantur, omnisque hæc comparatio inter illorum vitam, & nostram vitam versetur, equidem nescio quid sibi velit hæc eorum ratio, cum ne ipsi quidem tam impudentes esse possint, vt religioso statui suum statum præferre audeant, in quo experiuntur tam frequentes esse lapsus, tam raras virtutes, tam exigua merita. Quam in sententiā optime Anselmus in quadam epistola, *For-* Ep. 3.
tam, inquit aliquis dicet, quia & in ordine monachorum est periculum. O homo qui hoc dicit, quare non considerat quæ dicit? O rationalis creatura, an ne hoc rationabile est cōsiliū, vt quia ubiq; est periculū, ibi eligas manere, vbi maius est periculum? Deniq; si ille, qui solum Deum nititur amare, seruat propositum vsque in finē, certa est eius salus. Si vero ille, qui mundum vult amare, non deserit suum propositum ante finem, aut nulla, aut dubia, aut minor est salus. Sic Anselmus.

*Responsio ad illud argumentum, quod si omnes fierent
religiosi, mundus periret.*

C A P V T X X V I.

Illud quoque à nonnullis interdum aduersus religiosa instituta assertur tanquam magnū incommodum, quod
interitum

interitum ferme mundo minitentur; quoniam si omnes continentiam amplectantur, omni posteritate succisa, necesse sit, orbem terrarum incolis exhauriri. Est autem hæc quæstio non noua, ac recens, sed plane vetus, & multis iam ante se-

De bono coning. cap. 10. culis agitata. Sic enim ab Augustino quodam loco proponitur, Noui, inquit, quosdam qui murmurent, Quid si omnes velint ab omni concubitu abstinere, vnde subistet genus humanum? Chrysostomus autem tum eandem quæstionem proponit, tum etiam plura mala, quæ ex hoc sequi possint,

De virg. cap. 15. commemorat. Si id bonum, inquit, sequerentur omnes, vt mulierem omnino non attingerent, perirent omnia, & vrbes, & familiæ, & agri, & artes, & animantes, & cuncta, quæ ex terra oriuntur. Nam vt in acie cum imperator cecidit, omnes ordines dissipari necesse est, sic homine, qui in mundo princeps est, sublato, nihil est reliquorum, quod consistere, & saluum esse possit; quo fieret, vt consilium hoc totum orbem innumeris calamitatibus completeret. Itaque, vt dixi, antiquum est hoc argumentum, & à sanctis scriptoribus iam pridem iugulatum. Respondet enim Augustinus, Vtinam hoc omnes vellent, multo citius Dei ciuitas compleretur, & acceleraretur terminus seculi. Rectè id quidem, quanto enim melius esset, vt regnum illud Dei, quod quotidie

Matt. 6. precatur, nosque ita precari Dominus docuit, adueniret, *1. Cor. 15.* essetque Deus, vt ait Apostolus, omnia in omnibus, quod erit, cum Christus Dominus omnia Patri subiecerit, quam in ista perturbatione, rerumque omnium confusione diutius viuere? Quod si hoc, quod Augustinus optat, contingeret, vt omnes cœlibem, puramque vitam amplecterentur, id verò apertum esset indicium diuinæ voluntatis esse, vt mundo huic finis imponatur, nec posset melior, aut optabilior tunc imponi, quam si tam generaliter omnes & animas, & corpora sua sanctimonix consecrarent. Hieronymus alio modo

Lib. 1. con. Iovin. eidem quæstioni occurrit. Noli, inquit, metuere, ne omnes virgines sint. Difficilis res est virginitas, & ideo rara, quia difficilis. Quod Hieronymi dictum multo magis confirmari

Mat. 19. potest illa Saluatoris sententiâ, Non omnes capiunt verbum hoc. Multi enim sunt, quos De⁹ ex suis occultis iudicijs huius beneficij participes non facit, alios vocat, vt sint participes, quam illi vocē non admittunt, sed præsentis seculi voluptatibus deliniti ex earum quasi retibus explicare se nequeunt. Denique alij alijs causis, variisque impedimentis ita tenentur, vt existat id quod in euangelio à Veritate dictum est,

angustiam

angustam esse viam, quæ ducit ad cælum, & à paucis inue- *Luc. 13.*
 niri. quod si dictum est de communi viâ Christianorum,
 quanto magis conueniet viâ religiosorum, quæ tanto an-
 gustior est, quam illa, vt secularis viâ huius respectu latissi-
 ma sit? Accum ea infirmitas, quæ in plerisque est, non sinit
 hoc beneficium vulgare esse, multisque cõmune, tum etiam
 ad Dei sapiëntiam pertinet, quandiu mundum hunc infe-
 riorem constare velit, prouidere, ne desint qui hanc propa-
 gationem curent; quæ prouidentia cum nec pecudes, nec
 vermiculos deserat, quorum vnumquodque genus vt ab ini-
 tto conditum est, deinceps conseruatur, non possumus dubi-
 tare, ne hominum genus deserat. Scire etiam Chrysostomus *De vrg. cap. 15.*
 istos, qui hæc obiiciant, irridet, quod de terrarum orbe con-
 seruando solliciti sint, & cum de eo laborent, ne hominum
 genus aliquando deficiat, quod ad ipsos nihil pertinet, ani-
 mæ suæ tamquam alienæ rei curam negligant. Quare non
 eos id facere studio boni communis, sed suæ pigritiæ, ac ne-
 gligentia prætextum quærere. Docet autem non connu-
 bium per se humanum genus augere, quoniam, vt in Abra-
 hamo contigit, sæpe sit sterile: sed vim illam, quæ ei inserta
 est à Deo. Quare posse eundem Deum quoquo modo velit
 homines propagare. Addit denique duas fuisse instituendi
 matrimonij causas, alteram ad gignendos liberos, alteram
 ad restringendam naturalem cupiditatem: ac prioris qui-
 dem causæ omnem iam cessasse necessitatem, orbe adeo re-
 pleto, ac potius redundante: de altera dubitare non licet,
 quin cupiditas illa multo perfectius à Dei gratia, & ab hac
 ipsa virtute quæ Castitas vocatur, quam vlllo matrimonij vsu
 extinguatur. Sed dicet fortasse aliquis, Frustra igitur erit in
 ijs, qui non nubunt, tum sexuum distinctio, tum generandi
 vis, quæ à natura, vel, quod idem est, à Deo constituta est.
 non autem cadit in sapientem aliquid frustra facere. Hoc ar-
 gumentum plâne hæreticorum est, tum veterum, tum etiam
 recentiorum, cum salutarem continentiam, qua Dei Ecclesia
 tanto pere ornatur, ac fecundatur, improbe cauillando in-
 sectantur. Respondendum est igitur illud idem, quod hære-
 tici responderi solet, ea nimirum, quæ ad totius speciei bo-
 num instituta sunt, non ideo otiosa esse, propterea quod ab
 aliquibus eius speciei indiuiduis non exerceantur, modo ab
 alijs exerceantur. Videmus hoc in rebus plerisque naturali-
 bus. nam & in ponis, & in herbis multa seminum copia in-
 nascitur, quæ non omnia feruntur, sed potius pars eorum
 exigua,

exigua, neque tamen ullus vnquam de ijs naturam accusauit, quasi hæc frustra fecisset. Similiter igitur in homine: sed in homine hoc etiam amplius est, quod cum huius generis continentia libera sit, ac voluntaria, & vniuscuiusque arbitrio permissa non debuit hæc differentia à natura ipsa, sed ab hominis voluntate proficisci, nec nobiscum nesci, sed à nobis iudicio, & consilio ascisci. itaque omnibus æque eandem oportuit inferi facultatem, tum iis quicquid vsuti, tum ijs etiam, qui eius vsum propter regnum cælorum erant relin-
cluri. Sed de hoc satis.

Nunc confutanda est quorundam ratio huic, quam nunc confutauimus, simillima; quia non de mundi quidem perennitate, sed de suæ domus, familiæque propagatione solliciti sunt. Itaque si vnicus filius, vel vnica filia religiosum statum eligant, ita mærent, ac lugent, & quod iniquius est, ita renitentur, quasi tota familia radicitus excindatur. Ineptus plane, & stultus dolor. Vtrum enim pluris est, animæ sanctitas, an posteritas, in qua quid tandem boni inest? Nam si id timeant, ne hæredes desint, quibus sua relinquunt patrimonia, primum nimis etiam magna copia aderit cognatorum, deinde numquam deerunt pauperes, in quibus Christum dominum hæredem faciant, longe meliori conditione, quam vel ipsum filium. Homo enim quicumque sit, cum defuncti hominis hæres est, gratiam referre non potest. Christus autem tum maxime refert, & æternam refert. Deinde quid isti facerent, si, vt sæpè contingit, vnicus ille, quem habent, filius, sterilis esset? Sic enim eadem generis orbitas consequeretur, sed, quod infelicius est, sine vlla gratia, & sine præmio. Quare hoc potissimum argumēto vtitur etiam Hieronymus ad Furiam, vt nuptias repudiet. An vereris, inquit, ne proles Furiana deficiat, & ex te parens tuus non habeat pusionem, qui reptet in pectore? Quippe ni omnes habent filios, qui habuere matrimonia. Ridiculum est sperare pro certo, quod multos & non habere videas, & cum habuerint, perdidisse. Cui dimittes tantas diuitias? Christo, qui mori non potest. Quem habebis hæredem? Ipsum quem & dominum. Sed vt hoc etiam demus, aliquod bonum in ea familiæ conseruatione contineri, quam est id paruum, quam breue, & omnino impar tanto religionis bono? Est enim non hominum solum, sed etiam familiarum sua mors, suusque exitus, vt quantumcunque earum ætas protendatur, ipsas quoque consenesce-
re, & aliquando interire necesse sit. Itaque cum tam multi

Ep. 10.

eis casus impendeant, nonne stultus omnino sit, qui sperare audeat, gentem suam semper extitutam, & pro eo tantam contentionem suscipiat, ut etiam Dei consilia disturbare, & impedire conetur? Postremo quid sibi vult in homine Christiano ista sobolis propagandæ cupiditas? Nam in ethnico, & infideli tolerabilius tamen esset. Sic enim scribit Aristoteles, hanc esse causam cur procreandi appetitus & hominibus, & brutis insit, quoniam, inquit, omnia semper esse, ac perpetuo manere desiderant: sed quia hoc in se ipsis consequi non possunt, cum sint morti obnoxia, id agunt, ut saltem in sua specie consequantur, in qua quodammodo ipsamet durare videntur, cum quædam ipsorum pars ab eis præcisa daret. Hæc igitur ratio quem locum habeat in luce Christiana, quæ nobis ipsius nostri corporis, & animi æternitatem tam certo spondet, ut nihil sit, quod eam in alijs quæramus, quando in nobis ipsis, quod natura præcipue optat, habituri sumus? Sed nimirum is error est, quod plerique non ex huius diuinæ lucis ductu vitam instituunt, sed appetitus, sensusque impetu abripi se sinunt, quo nihil est vitiosius, & damnosius.

1. Pol. c. x.

*Contra quorundam metum ne desint
necessaria ad vitam.*

CAPVT XXVII.

Occurramus etiam, medeamurque, si possumus, illorum timori, qui si sua omnia deserant, verentur ne non habeant, quo vitam tueantur: de quo quidem timore quid aptius dici possit, quam quod est in psalmo, Et male loquuti sunt de Deo, & dixerunt, Numquid poterit Deus parare mensam in deserto? Recte enim Bonauentura in Apologia pauperum, omnem hanc diffidentiam ad duo capita reuocandam putat, vel infidelitatis, qualis est eorum, qui res humanas vel ipsorum saltem, à Deo curari non credunt, vel pusillanimitatis, cui quidem annexam ait esse remissionem amoris diuini & inuersionem amoris proprii. Qui autem de Dei prouidentia, & bonitate sentiunt quod oportet, ne dubitare quidem possunt, quin multo magis eorum vita sit Deo curæ, quam illis ipsis. Vnde est illud Augustini, Non potest quotidianus cibus deesse iusto, cum scriptum sit, Non occidet Dominus fame animam iusti, & iterum, Iunior fui, etenim senui, & non vidi iustam derelictam nec semen eius quærens panem, Et iterum, quærentibus regnum Dei, & iustitiam

Psal. 77.

De ora.
domi.

Pro. 10.

Psal. 36.

Luc. 12.

iustitiam eius omnia promittit apponi. & cum sint Dei omnia, habenti Deum nihil deerit, si Deo ipse non desit. Sic Danieli in leonum lacu, iussu regis, incluso prandium diuinitus procuratur, & inter feras esurientes homo Dei pascitur. Sic alitur Helyas in fuga, coruis ministrantibus, & volucribus cibum apportantibus, in persecutione nutritur. Eadem breuius dicit Hieronymus: In promissis inquit, veritatis nemo dubitet. Sit homo qui esse debet, & mox addentur ei omnia, propter quem facta sunt omnia. Vera, & docta ratio. Nam cum omnia, quæ in mundo sunt, hominis gratia facta sint, numquam illa se ab hominis obsequio subtraherent, nisi ille se à Dei obsequio subtraheret. Quare si ille ad eam, quam Deo debet, seruitutem redierit, iure quodam suo reliqua tamquam sua, & sibi debita recuperabit. Ambrosius etiam illam exponens Apostolici hominis formulam, quæ in Luca à Domino describitur, Sine sacculo, & pera; Fide, inquit, tutus putet sibi quo minus ea requirat, eo magis posse suppetere. Quamobrem cum tam habeamus tum sanctorum virorum, tum sanctæ scripturæ testimonia de hac Dei providentia, curaque suorum, ut nulla res vel crebrius commendata, vel expressius operibus exhibita videatur, non potest, ut ante dixi, leue crimen esse, quod quis de ea addubitet. Hoc enim nihil aliud est, quam Deum vel avarum, vel obliuiosum suspicari, quod utrumque illa maiestate indignissimum est, quæ nihil esse potest vel diutius, ac largius in dando, vel effusius in amando, vel diligentius in providendo, vel denique præsentius in consulendo. Iure ergo eos, qui id faciunt, reprehendit Augustinus, Tu, inquit, Christiano, tu Dei seruo, tu bonis operibus dedito, tu Domino tuo caro, aliquid existimas defuturum? An putas, qui Christum pascit, à Christo ipse non pascitur? An putas, terrena deerunt, quibus cælestia, & diuina tribuuntur? Vnde hæc incredula cogitatio? Quid facit in domo Dei perfidum pectus? Hæc Augustinus, quæ etiam clariora, atque euidentiora fient, si consideremus ius quoddam proprium, ac peculiare, quod in hoc genere habent religiosi, tum respectu hominum ipsorum, tum etiã respectu Dei. Nam quod attinet ad homines, multæ sunt causæ, cur religiosi alimenta ab ijs debeantur. Primũ enim hoc ipso, quod religiosi omnia sua pauperibus erogarunt, seque ipsos ad paupertatem sponte redegerunt, vicissim promerentur ut ab hominibus rependatur eis vnde viuãt, recteque sentiunt, qui hoc non solum caritati, sed nonnulli etiam iustitiæ

In cap. 6.
Matth.

Lib. 6.
in Luc.

Lib. de
eleemos.

iustitię debitum esse cōfirmant. Altera est ratio ex illorum opera & labore in proximorum salute curanda Dignus est enim operarius mercede sua, ait Apostolus, & qui spiritalia 1.Co. 9^o
 ia seminant, debent carnalia metere. Idemq; Paulus alibi, 2.Tim. 2^o
 laborantem agricolam ait oportere primum de fructibus percipere. Quę sane ratio eo maiorem vim habebit, si causam cōsideremus, cur Pręlati iure, atque ex iusticia alimēta exigant. Non enim quasi honor potestati, vel auctoritati, sed quasi merces operi, ac labori debētur. Cum ergo religiosi in huius laboris, operisque partem veniant, & quidē tanto studio, tantoque ardore, æquum est sine dubio, vt etiam fructuum sint participes, & pręsertim eorū fructuū, sine quibus in opere perseverare nō possent. Neque verō hoc in cōcionibus modo valet, aut in iis studiis, quę proxime in alios homines conferuntur sed in ceteris quibus libet, quę quoquo modo vtilia, & fructuosa sint proximis. Nā & qui altari ministrant, cuius videlicet sacrificium cōmune est omnibus fidelibus, tum qui cōtemplationi, & orationi, aut sacrarum scripturarum lectioni sese impendunt, ac denique qui aliis eiusmodi spiritualibus functionibus distinentur, quę sunt omnes ad communem Ecclesię vtilitatē, his omnibus idem, quod diximus. convenit ius, vt populorum liberalitate ali debeant. Tertia est ratio ex religiosa perfectione. Cum enim in hoc omnes theologi consentiant, eleemos nam potius, ac prius meliori tribuendā, sequitur, vt qui in statu sunt perfectiori, & quorū ipse stat^o multis ornatur virtutibus; ij reliquis omnibus longe anteferendi sint. Quam ad rem optime Hieronym^o illum euāgelij locum aptat, qui est Lucę decimo sexto capite, Facite vobis amicos de mammona iniquitatis, vt cū defeceritis, recipiant vos in ęterna tabernacula: quoniam id dictum nullo modo convenire possit vulgaribus pauperibus. Num, inquit, isti pauperes, inter quorum sordes & illuviem flagrans libido dominatur, possunt habere ęterna tabernacula, qui nec pręsentia possident, nec futura? Non enim simpliciter pauperes sed pauperes spiritu beati appellātur, de quibus scriptum est, Beatus qui intelligit super egenum, & pauperem, in die mala liberabit eū Dominus. In vulgi pauperibus sustentandis nequaquā intellectu, sed eleemosyna op^o est, in sanctis pauperibus beatitudinis intelligentia, vt ei tribuat, qui erubescit accipere, & dum acceperit, dolet metens carnalia, & seminans spiritalia. Simile quiddam, Lib. con.
Vigil.
Psal. 40.
 V v est

In psal. est apud Augustinum in psalmis: Cedri, inquit, Libani nobiles, & diuites excelsi huius seculi quandocum timore au-
103. diunt, Beatus qui intelligit super egenum, & pauperem,
con. attendunt res suas, villas suas, & omnes superfluas copias, quibus videntur excelsi esse, & præbent illas seruis Dei, dant hortos, ædificant ecclesias, monasteria, colligunt passeret, ut in cedris Libani nidificent. Est igitur, ut ita loquamur, hoc quasi tributum nescio quod religiosis debitum à secularibus, idque ipsi seculares sentiunt, ex eoque nascitur illa eorum beneficia voluntas, & prompta ad subueniendum omnibus eorum usus.

Altera pars huius iuris (sic enim libet appellare) multo etiam firmitus nititur, nimirum Deo ipso, non solum propter
Math. 6. generalem illam providentiam, qua omnibus consulit, etiam liliis, & passeribus, vel quam omnibus hominibus præstat, & ipsis etiam improbis, super quos tamen pluit, suumque solem oriri facit, vel denique quam probis iustis que impendere semper solet, de quibus illud scriptum est,

Psal. 36. Non vidi iustum derelictum, nec semen eius quærens panem; sed in religiosis, præter hæc omnia, est etiam ratio quedam ipsorum propria, quoniam relictæ se sua relictæ etiam spe, totos se in eius paternam caritatē proiecerunt. Quare si nihil aliud sit, hoc ipsum sufficit ad illam bonitatem quodammodo obligandam, ut eorum curam gerat, quam solet pater filiorum. Neque enim is est Deus, qui se liberalitate, & largitate vinci patiatur. Itaque tantum abest, ut nobis aliquid pereat, cum nostra relinquimus, ut potius magnum lucrum ticiamus, cum illa Dei sapientia nostrorum commodorum procuracionem suscipiat. Sic enim certos esse nos oportet, nihil nobis deesse posse. Contra verò dum nobis ipsi nostra prudentia, & cautione consuiere, & providere volumus, quam multa deesse necesse est: ea enim ita angusta, itaque contracta est siue in futuris previdendis, siue in præsentibus quoque disponendis, ut in magnos læpes incideret, & magna damna incidamus. Hinc illud Chrysostomi,

Ho. 50. Ne cures, inquit, tua, sed ea Deo permitte. Nam si satagas,
ad pop. tamquam homo satagis, si verò dimittas, Deus providebit.

Ho. 57. Idemque in homilia, quæ tota est de monasticæ vitæ laudibus, hoc ipsum pro magno beneficio commemorat, quoniam si Deos omnem pascit carnem, multo magis famulos suos sibi dicatos, itaque omnia illis, quæ ad vitam necessaria sunt, ex Dei providentia, tamquam ex fonte fluere. Quæ
 fontis

fontis similitudine indicare voluit tum abundantiam, tum perennitatem, tum illud etiam, quod nullo eorum labore hæc eis proueniant, vt aqua ex fonte.

Iucundum est autem huius diuinæ prouidentiae in religioſos exempla, ac monumenta videre, quæ plurima, ac pene innumera extant in historiis, ſcd illud præclarum, quod Palladius narrat de Abbate Hellen, qui poſt ieiunium, cum in ſomnum incidiffet, acceſſit Angelus excitans eum, & iis, quæ adeffent, veſci iubens. Surgens ille vidit enatum repente fontem vberem, herbarumque viridantium, & olerum circumfuſam copiam, ex quibus cū & cibum ſumpſiſſet, & potum, affirmabat deinde numquam ſe in vita iucundius e pulatum. Poſtea verò cum quoque ſemper morem tenuit, vt cum cibo egeret, genibus flexis Deo ſupplicaret. nec mora, apparebant ſtatim varia eſculenta, panis recens, oliuæ, alique fructus. Quid benignius, aut quid ſuauius tali prouidentia, quæ ſe etiam ad œconomi curam demittit? Cur autem alios ſuos ſamulos deferret, quæ huic ſamulo ſuo tali miraculo, eoque quotidiano, viſtū quaſi promus ſuppeditabat? Sed plenæ ſunt, vt dixi, eiufmodi exemplis omnes ſanctorum vitæ, è quibus duo nos potiſſimum ſeligemus ſimilima, & quæ in duabus ſimillimis familiis contigere. Nam cum B. Dominicus, recenti adhuc ordine, ſuos alumnos in varia loca ad pœnitentiam prædicandam binos ex Chriſti formula dimitteret, accidit aliquando; vt ex his duo, hora iam nona diei præterita, ieiuni, admodumque feſſi agerēt inter ſe ſubtriſtes, ecquid cibi, aut vnde, in regione ignota & paupere cōſequi poſſent. inter quos ſermones ecce adfuit vir quidam ſtatura procerus, & elegans, habitu peregrino, qui illorū inſirmā, modicāque fidem grauiter reprehendens, Potuiſtis, inquit, credere Deo, vt ei⁹ cauſa omnia relinqueretis nunc autem non credere poteſtis, illi curā eſſe de vobis? Qui dat iumentis eſcam ipſorū, nō ſineꝝ filios fame emori; quod vos ipſi hodie reiſa abunde experiemini. Qui bus dictis, cū euaniſſet (erat enim Angelus) ex corū cōtpectu ij paulū progreſſi, in proximū pagum exiguū venerūt, vbi dū in eccleſia orant; a ſacerdote benigniſſime inuitati, cum ab eo domū abduccerentur, ſuperueniens miles eripere illos omni ope nitebatur; vt ad ſe diuerterent: verū iis duob⁹ inter ſe pie litigantib⁹, oppidi domin⁹ forte incidens, & illos, & ſimul ſacerdotē, ac militē pro poteſtate ad domū ſuam duxit, omneſque lauto conuiuiο excepit. Ferant

etiam B. Franciscum, quoties suos peregrinatum mitteret, nullum eis aliud viaticum dare solitum, quam illū ex Psalmo versiculum, Iacta cogitatum tuum in Domino, & ipse te enutriet; cuius versiculi fides instar erat omnis pecunię.

Psalm. 54. Cum autem duobus contigisset, ut diem ferme totum ambulantes, fame iā, & defatigatione pene deficerent, insuper etiam eleemosyna postulata, nihil ab ullo accepissent, occurrit eis adolescens, qui causam sciscitat, cur adeo lassī, ac inestī essent, duos protulit panes, quibus dum illi sedentes vescerentur, ccepit idem eos durius increpare, Homines, inquit, modicę fidei, cur diuinę curę iā diffidebatis? Non vobis in mentem veniebat verborū illorum Prophetę, quę tam sępe vobis sanctus Pater vester inculcauit, Iacta cogitatum tuum in Domino, & ipse te enutriet, cū eius videlicet bonitas ne bestiis quidem agri desit? Quamobrē hoc scitote nullam ob alia causam distulisse Dominū opē suam, nisi ut fame ipsa diffidentiam vestram puniret. quę verba, aliaq; similia eloquutus, abiit ex oculis. Quę cū ita sint, habeant alij agros suos, & fundos, & vestigalia sua, laboriosa, operosa, modo grādinis, modo vredinis, modo imbrium, & aliorum casuum iniuriis exposita. Nobis autē hi duo sunt agri certissimi, & ab omni calamitate remotissimi, Dei providentia, nō solum eius bonitate, sed nostro etiam factō cum omnia pro eius amore reliquimus, quodā modo obligata, deinde proximorum subsidia, tum caritatis, tum iustitię etiam cuiusdā nomine debita. Hoc enim

Esai. 60. per Esaiam prophetam promitti videtur, cum ait, Sugēs lac gentium, & mamilla regum lactaberis: gentium, idest, populorum; regum autem, idest, hominum diuitum, & potentiorum, quorum quidem benignitatem Esaias mamillę, & lacti comparat, quod lactis liquor ex cibo duriori conficitur, qui cibis & cum labore comparatus, & cum aliquo etiam opere à nutricibus confectus, tamen ab infantibus nullo cum labore, sed suauissime exsugitur. Sic enim religiosis ea gratis suppeditantur ad victum, quę alij multo sudore, & molestia, ac sępe etiam cum periculo quasierunt, ut in hoc quoque hebręorum veterum similitudinem gerant de quibus scriptum est, Et labores populorum pos-

Psalm. 104. sederunt. Quare hoc ita statuendum est, qui dubitet an religioſę paupertati necessaria deesse possint, cū non modo mentem, ac consilium non habere, sed ne oculos quidem quibus videat, quam multa millia virorum, & fęminarum

rum Deo consecrata, & hoc ipso tempore, & omni semper tempore, illius cura, & benignitate sint sustentata, & quidem tam certe, & abundanter etiam ut nulli seculares suis patrimoniis certius niti possint. Habent enim ipsi quoque fundum suum, duplicem illum, quem modo dixi, ita opimum, ac feracem, ut si eos Dominus, sicut olim Apostolos, interroget, *Quando misi vos sine sacculo, & pera, numquid aliquid defuit vobis?* cogantur ipsi quoque idem, quod *Ap- Luc. 22.* postoli, cum gaudio, & cum gratiarum actione, respondere, Nihil.

De aliorum timore, ne acceleretur mors ex corporis incommodis.

CAPVT XXVIII.

HOc metu adempto, alius etiam restat metus, vitam ipse quoque attingens, quæ ut est omnibus carissima, sic nihil odiosius, aut iniquius, quam quæ eam velo mino extinguant, vel ex parte imminuant. Videtur autem imminui laboribus, vigiliis, defatigationibus, incommodis multis, quæ necessario incutunt in religiosum institutum. Ex quo alter quoque, oritur in quibusdam scrupulus, ne præter hoc damnum celerioris mortis, sit etiam peccatum aliquod, quasi ipse si sibi manus afferant, si de præstituto vite tempore aliquid sibi ultro illis corporis vexationibus detraxerint. Itaque ut his respondeamus, incipiendum est ab hoc scrupulo, ut eo sublato reliqua sint faciliora. Sciendum est igitur, ne theologos quidem, qui hæc exactius tractant, sed dubitare, quin & licite, & verò etiam laudabiliter, & cum merito, possit quispiam vitæ suæ spatia breuiora facere. Nam etsi id sponte agere, ac de industria, ut vitam perdamus, non licet; tamen aliquid bene agere, ex quo vitæ diminutio, etiam plusquam mediocris, consequatur, non solum licet, sed sæpe Deo gratissimum est. Quod tum multorum exempla declarant, tum vetustus Ecclesiæ mos in longissimis ieiuniis, aliisque acerrimis pœnis imponendis, quibus dubitari non potest: quin aliquantulum, atque adeo fortasse etiam multum, de vitæ cursu adimeretur. Hoc autem in religiosis eo certius esse debet, quod eorum incommoda quæcumque sunt eiusmodi sunt, ut eadem fere ab aliis hominibus variis ex causis tolerantur. Nam si ij de nocte vigilant, vigilant etiam artifices pro victu querendo. Si frigus, si famem perferunt, si pedibus iter faciunt, quia multi sunt in populo inopes, qui & vestitum, & ciborum, & omnium eiusmodi rerum maiorem penuriam

patiantur, quos tamen viuere videm⁹ ? Vnde apparet, nullā esse temeritatē, nec religioni habēdū esse, cum ea facimus propter Dei obsequiū, quā tant multi faciunt propter obsequiū mūdi. Igitur hoc posito, eoq; omni scrupulo sublato, ne nostri ipsorū homicidæ videamur, si hoc ita haberet, vt Religio aliquid ad mortis celeritatē cōferret, quid præclarius esset, quā talis animi fortitudo, humana omnia, ipsamq; propriā contemnens vitā: Hæc enim etiam vna esset causa, cur religio ad martirij laudem proxime accederet, si vt martiriū vitam eripit, sic religio eam minueret. Nam etsi non subita, aut cruenta morte nos afficeret, nō id magnopere referret, cum etiam inter martyres Marcellus numeretur, qui in ferarū catabulo diuturno pedore cōfectus est, & Pontianus, qui in Sardinia, insula iis temporibus pestilente, paulatim consumptus, & alij denique, qui vel fodiendi laboribus, vel cathenarū grauitate longo tempore enecti sunt. Igitur si hoc quoque religio faceret, quā præclare de nobis mereretur, quos martyres efficeret ? Daret enim hoc tantum bonū, quantum est cœlestis gloria, idque celerius daret, quod ipsum optari solet in bonis, vitā vero præsentem auferret, in qua exiguum bonum & certe illius comparatione nullū est bonū, & in qua potius mala multa. Versatur enim inter tot, tamque assiduos laqueos, vt nihil aliud esse videatur, quā propagatio miserrimi temporis & magnarum acerbiratum, & quandiu prorogatur, tamdiu fuxuissimum, & incertissimum in nos demonū bellum prorogatur. Itaque quid, vt dixi, melius, quam finire tot mala, totque pericula, & ita finire, vt sit in religione? Multa enim à nobis primo libro dicta sunt de præsidiis, quæ præstat religio, vt exitum illum aliis ita horribilem, nobis etiam suauem, securum, optabilemque reddat, iis omnibus resecti, quæ quasi vincula abeuntes impedire solent, deinde multis additis solatiis, & inter cetera, præsentia; precibusq; sancto- rum fratrum Quare cum in hac vita omnia sint ita acerba, & molesta, in morte autem religiosi omnia adeo tuta, & fausta, ipsaque mors initium sit, & quasi adit⁹ beatioris vitæ, etiam si religio nos ad mortē celerius deferret, quid nobis noceret? Immo verò si sciperemus, hanc quoq; ob causam vltro expetenda esset. Sed tamen hoc vere videmur dicere posse, falsum hoc crimē religioni imponi, quod hominū sit carnifex. hoc enim re dicunt, etiam si non dicant verbo, qui id obiciunt. potius autem, si vere estimemus, con-

fert ad vitā producendam, quod satis apparet ex tam multis senibus, quibus religiosas familias refertas videmus, & ex multis, quos legimus. & quidem ex eorum numero, qui vel seuerissime, durissimeque vixere. Ex quibus Hieronymus, vt accepimus, centesimum, Antonius autem centesimum, & quintum annū attigit, quem Pacomius quinquennio superauit, Arsenius vero centum, & viginti compleuit, quod idem de Romualdo scribitur, ex quibus is quidē totos centum in religione exegit. Multos etiam Cassianus eorum, quos ipse vidit, commemorat, nec fere de villo scribit, qui non ad summam senectutē peruenisset, inter quos illi tres præcipue, Nesteros, Ioseph, & Cheremon, quē iam omnino grandem natu, nempe centesimo vitæ anno ab se visum narrat, incuruum, multaq; canitie venerabilē. Quod si vel victus tenuitas, vel assidua diuinarum rerum meditatio, vel eiusmodi labores, vt quidam existimant, hominem extinguere, quid his omnibus continentius, quid austerius fuit, vt, si id verum sit, breuissime eos extinguere necesse fuerit? Hoc vero ipsa etiam ratio demonstrat. Nam seculares, diuites præsertim, qui ferme inter delicias, epulasque viuunt, tum vinolentia, tum cruditate, tum etiā insomnia ferme perpetua laborāt: sæpius in morbos incidūt, grauius agrotant, tristius etiam curantur; denique eorū vita multo plures mortis casus habet, & ob has causas, & ob alias multas, quas sæpe vel propria, vel aliena temeritas in tam crebris iurgiis importat. Quæ omnia absunt à vita religiosa, cuius summa moderatio, idemq; semper tenor siccitatē, siccitas valetudinis integritatē inducit. Itaq; Chrysostom⁹ hoc quoq; confirmare non dubitat, religiosos præter spiritualia bona, quibus abūdant, abūdare etiam corporis sanitate, eosq; ob victus temperantiam, & sobrietatē, agrestiu, vt ait, instar animantium vigere, ac vegeto esse corpore: cum isti cōtra diuites, ac delicati, qui vulgo beati habētur, velut in cœno iacētes, molliores sint, & teneriores, ac morbis omnib⁹ magis obnoxij. His conueniūt quæ à Hieronymo cōtra Iouinianū disputantur, vbi castigatum victū ipsū corpori tuendo cōferre, etiā ex medicorū aphorismis probat, & illud addit. Legimus quosdam morbo articulari, & podagræ humorib⁹ laborātes, proscriptiōe bonorū ad simplicem mēsam, & pauperes cibos redactos, cōualuisse. Caruerunt enim sollicitudine dispēsandæ domus, & epularum largitate, quæ corpus frangūt, & animam. Neque vero illa

Coll. 11.

c. 4.

Lib. 2.

con. vit.
mon. vi.

Lib. 2.

etiam parua est causa, cur diuturnior sit vita religiosorū, ex tranquillitate, & animi lætitia, quæ in eis pereunīs esse solet. Neque enim dubitandū est, quin ut mentis angores, æstusq; turbulenti vitā conuellūt, ac dilaniāt, sic contra ad eam tuendā magnā vim habeat illa, quā dixi, mentis iucunditas, quæ necessario in corpus quoque redundat, propter summā vtriusq; coniunctionem. Quamquā ne illud quidem tacendū est, quod est apud Hieronymū in eadem disputatione contra Iovinianū, ut concedatur, ex his studiis, istaq; vitæ moderatione non tantas effici vires, quantas, ut ille ait, habuit Milo Crotoniates, id parum admodū referre. Nā quid necesse est, inquit, viro sapiētī, & philosopho Christi, tām habere fortitudinem, quæ athletis, ac militibus necessaria est, quā cum habuerit, ad vitia prouocetur? Igitur, ut omnia breui colligamus, duplex est ad hoc caput, quod religioni obiicitur, responsio. Possum⁹ enim negare aliquid diminui de vitæ cursu, cui poti⁹ aliquid additur ex continētia, ac sobrietate. Possumus etiā confiteri, & tamen hoc ipsum inter eius commoda numerare, quod cū omnibus hominibus, etiā dynastis, ac regibus necessario mors impēdeat, id nobis præstet religio, ut dum ei aduentanti paululū obuiā procedimus, illa ipsa moriendi necessitas quodammodo voluntaria fiat, ideoque ad magnū meritum, præmiumq; nobis cedat, pauciq; dies huius vitæ miseris detracti æternæ felicitatis cumulo cōpensentur. Cōtra vero qui eiusmodi metu retinentur, valde care æstimāt paucos hos annos, quos hominis ætas recipit, ut propter tam exiguam iacturam tam ingēs bonum reiiciant, & salutem suam æternam tam ingentibus periculis obiciant.

Ad eos, quos retardat amor corporis proprii.

CAPVT XXIX.

EX omnibus aduersariis, quos habet religio, nullus est ferme grauior, & infestior, quam caro propria. Hęc enim luxū, libertatem, cibi, potusq; & somni delicias amat, contra vero laborem, ac dolorē refugit, solitudinem horret, ieiunia, & paupertatē, eiusq; incōmoditates, quasi crucem, auersatur. Itaq; qui carni obedire velit, aut eā in consilium cogitationum suarum adhibere, is numquam hoc Christi iugum suscipiet, aut susceptum constātē perferet. Hanc igitur ante omnia excludere necesse est ab ista delibēratio

beratione, & in ordinē, ac locū suum redigere, id est, serui-
 lem, vt obediāt, & subiecta sit, non vt præcipiat, & regat.
 Oportet (ait Basilius) totum corpus castigare, & quasi cu-
 iusdam bestię motus coercere, ac motus eos, qui ab ipso
 in animo excitātur, rationis imperio, veluti flagello, cōpe-
 scere, neq; mente neglecta totę volūtati habenę laxandę
 sunt, ne tamquā auriga ab effrenatis equis distracta fera-
 tur. Sed Pythagorā imitemur, qui cum videret quendam ē
 suis in sui corporis curā, ac saginā incumbere, cur, inquit,
 carcerem tibi ipsi ædificare pergis? Vnde etiā Platonem fe-
 runt, cum bene intelligeret quę damna à corpore in ani-
 mum prouenire solent, de industria Athenis locū insalu-
 brem Academiae elegisse, vt ea ratione nimis bonū corpo-
 ris habitū præcideret, veluti luxuriantem quandā vitis fer-
 tilitatē. Atq; hoc quidem Basilius. Nos autem intelligere
 debemus, cum caro, vt paulo ante diximus, ad serniēdū fa-
 cta sit, duo hinc sequi, primū vt facilius sit eam subicere,
 quę scilicet naturaliter subiecta sit, deinde si nō subicia-
 tur, eo turpius, ac detestabilius esse. Nā si quis à superiori,
 fortiorique vincatur, dolendū quidem, sed ignoscendū sit:
 nunc autem cū spiritus tanto maiores vires habeat ad car-
 nem, cuiq; omnes appetitus contringēdos, eo turpior est,
 si id nō faciat: præsertim quia si non carni ipse imperet, ne-
 cesse est vt seruiat, & ad eius nutum in omnia indigna cor-
 ruat. Igitur si, vt plerūq; euenit, in hac suscipiēdę religio-
 nis salutari cogitatione illa reluctetur, ac resistat, si victus,
 cultusq; asperitatem, si cetera incommoda pertimescat, eo
 magis cōfirmāndus est animus aduersus illius illecebras, ac
 mollitiem, ac vel inuita cogenda ad id faciendum, quod si
 fecerit, & ipsi carni, & spiritui sã utem afferet. Imitanda est
 Hilarionis constantia, qui, vt scribit Hieronymus, cum in
 adolescētiā flore tã durum institutū cepisset, quoties cor-
 poris pugnā sentiebat, sic ei insultabat, Ego a felle faciā, vt
 non calcitres, nec te hordeo alam, sed paucis, fame te cōfi-
 ciam, & siti, graui onerabo pondere, vt cibum potius, quam
 lasciuia cogites. Verum obijciēt fortasse aliquis id quod
 est apud Apostolum, Nemo carnem suam odio habuit, sed
 nutrit, & fouet eā. Est hoc quidem, neque nos negamus in-
 sitam esse cuique sui corporis caritatem; ita enim natura
 exigit, vt nos ipsos, omnesq; nostri patres diligamus. Qua-
 re quod de eo coercendo, & castigādo dictum est, ita intel-
 ligere oportet, vt non ex odio, sed ex amore fiat; tātum vi-
 dendum

Or. de tē
per.

In vita
Hilar.

Eph. s.

dendum est, quis amor verus, quod verum odium. Cum aliquis in morbum incidit, ipsumque corpus male habet, si medicus dietam, qua corpus attenuetur, vel sanguinis missionem præcipiat, vel etiam, ut interdum contingit, membri alicuius immedicabilis sectionem, qui id faciat, inne corpus illud oderit, an amabit? potius oderit, qui non faciat: nocet enim ei, morbumque auget, & fieri potest, ut etiam interimat, quod est summi, & capitalis odij. Igitur quod sit in his morbis naturalibus, cum humorum æqualitas perturbatur, idem, & multo magis faciendum est in maioribus illis, & damnosioribus morbis, quæ sunt vitia. Neque enim minor febris est agitari libidinis, aut luxuriæ, vel alterius cupiditatis ardoribus, quàm februm æstu: quin etiã eo periculosior, quod ista febris æternam mortem intet. Itaque qui corpori sic affecto medicinam facit, etiam si insuauem, aut etiam amaram, non ille (ut ante dixi) corpus odit, sed maxime diligit. Quam in sententiam illa egregie ab Augustino scripta sunt, sed neque corpus suum, inquit, quisquam odit. Et quod nonnulli dicunt, malle se omnino esse sine corpore, omnino falluntur. Non enim corpus suum, sed corruptiones eius, & pondus oderunt. Non itaque nullum corpus, sed incorruptum, & integerrimum corpus volunt habere. Quod autem continentia quadam, & laboribus quasi persequi videtur corpora sua, qui hoc recte faciunt, non id agunt, ut non habeant corpus, sed ut habeant subiugatum, & paratum ad opera necessaria. Quia enim hoc erit post resurrectionem, ut corpus omnimodo cum quiete summa spiritui subditum immortaliter vigeat, hoc etiã in hac vita meditandum est, ut consuetudo carnalis mutetur in melius, nec inordinatis motibus resistat spiritui. Igitur hæc est Augustini sententia, qui carnem castiget, & in seruitutem redigat, tantum abesse ut eam oderit, ut is solus eam vere, ac perfecte amet, non enim eam perimit, aut destruit, sed perficit, ac reformat ad eam pulchritudinem, quam tum habebit, cum erit conformata claritati Christi: ut verum sit quod à S. Leone in quodam sermone dictum est, Tanto amplius se quisque amat, quanto amplius pro Dei amore se non amat. Sed clarissime, & apertissime Saluator, qui ita præcipit, Qui amat animam suam, perdet eam, & qui odit animam suam in hoc mundo, in vitam æternam custodit eam. Animam enim hoc loco non superioris partem, qui spiritus dicitur, accipere debemus, sed eam, quæ cum carne, & sanguine coniuncta, vitam efficit. Ille ergo

1. Doct.
Christ.
c. 24.

Ser. ult.
de pass.

Io. 12.

odit

odisse nos iubet, non quod verum sit odium, sed quia ita tractanda est, vt solemus eos, quos odimus, in quos duri, & feneri sumus. Hoc igitur sancto, ac salutari odio ratio, ac mēs cōfirmāda est, ne se carnis blāditiis à religiosis officiis abstrahi sinat. Confirmatur autē multis rebus, vt Dei amore, cuius propriū est, vt etiā gaudeat in suppliciis pro illius obsequio perferendis: deinde Christi Domini imitatione, qui tāta passus, & pro nobis passus, & ideo passus, vt sequamur vestigia eius, tum vero diuinis solatiis, eaque dulcedine, quā Dei bonitas laboribus, ac molestiis religiosis aspergere solet. Facit enim vt ij, qui pueris potionem ex ablynthio præbētes, & antequā sumant, & ea sumpta, ad illam amaritudinē abstergendam, dulcius aliquod condimētum adiungunt. Deus autem hoc quoq; amplius, quod istæ eius cōsolationes tam magnæ sunt, vt omnem rerum molestiarum iniucunditatē omnino, ac penitus obruāt, vt nec sentiat. Accedit ad hæc omnia æterni præmij cogitatio, spēque illa futuræ retributionis, quā qui sibi proponat, necesse est idem sentiat, quod S. Bernardus, qui omnes has volūtarias corporis molestias semini comparat, in quo iaciendo etiā si damnum aliquod fieri videatur, insipiens tamen esset qui eius damni metu sementem facere noller: multo enim maius est lucrū, quod percipitur. *Quomodo*, inquit, dicūt nobis carnales, Crudelis est vita vestra, non parcitis carni vestræ. Esto, nō parcim⁹ semini. In quo ei magis parcere poteram⁹; An nō melius est illi renouari, & multiplicari in agro, quā in horreo putrefieri? Sic vos parcitis carni vestræ? Sim⁹ nos crudeles interim nō parcendo: at vos plane parcendo crudeliores. Siquidem etiā nunc caro nostra requiescit in spe. Deniq; multum etiā, ac nescio an ferme omniū maxime adiuuant exempla tam multa, vel potius innumerabilia eorū quos scimus asperimā, durissimamque vitā tenuisse, vt Antoniū, vt Hilariōnem, vt duos Macharios, Pacomium, Romualdum, Bernardum, Frānciscū, & alios prope infinitos, tum sanctitatis, tum huius, quā dixi, seueritatis laude præstātes. Et quidem si verū quærimus, aut si eos ex communi hominū regula metiamur, fortasse nimios fuisse, & mēsurā illā, quæ in medio posita est, prætergressos fatēdū sit. Sed hoc ipsum De⁹ in illis voluit, tātamque iis gratiā, ac robur tribuit, non vt reliqui homines ad eundem penitentiae rigorem aspirarēt, eumque exæquare tentarent, id enim absurdum, & temerarium esset, sed sal-

*Qui ha-
bit.*

Ser. 10.

tem

tem vt ad eam rationem, ac modum, qui iam religiosorum ordinum institutis receptus est, sese libentius, alacriusque accommodarent, neque in iis quicquā intolerabile esse crederēt, cum illos viderent tanto maiora, tātoque grauiora tolerasse. Quare quid timendum sit in ea via, quam tot hominum vestigiis tritam videamus, & in qua tanta sit copia cœlestium gaudiorum, quātam multis capitibus supra exposuimus, vt quicquid amarum in tantam dulcedinis vim coniectum sit, dulcescere oporteat?

Verum hæc quidem medicina ad confirmandū animum proprie pertinet. Ipsi autem carni nulla ne erit? est ea sane difficilis; quoniā caro nec cōsiliij est capax, nec virtutis suauitatē degustare, vel futurorū spem præcipere potest. quare imperio tantū vrgenda, frenisq; quasi iumentum, & virga, vel, si opus est, fuste adigēda est, insuper etiā vsu, ac cōsuetudine assuefaciēda. Sic enim fiet, vt minus dies abhorreat à disciplina. Sed tamē vt quoquo modoliceat, suis eam quoque rationibus ad continentia, laboremq; impellam, adhibeamus ei elegantem illā S. Bernardi cohortationem, in qua hoc religiosæ, sanctæque vitæ studiū, carni ipsi magnopere expedire demonstrat. Noli, inquit, ò corpus, noli præripere tēpora. Potes enim impedire animę tuę salutem, tuā ipsius operari nō potes. Omnia tempus habent. Patere vt nunc anima pro se laboret, magis autē etiā collabora ei, quoniā si compateris, & conregnabis. Quātum eius impedis reparationem, tātum impedis tuā, quod nimirum ante reparari non poteris, donec suā in ea Deus imaginem videat reformatā. Nobilem hospitem habes, ò caro, nobilem valde, & tota salus tua pēdet de eius salute. Da honorē hospiti tāto. Tu quidē habitas in regiōe tua: anima vero peregrina, & exul apud te hospitata. Quæro te, quis rusticus, si forte nobilis, & præpotēs quispiā apud eū vōluerit hospitari, non libēter in angulo domus suæ, aut sub gradibus suis, vel in ipsis cinerib⁹ accubabit, cedēs hospiti suo locū, sicut dignū est, potiorē? Et tu ergo fac similiter. Iniurias vel molestias tuas ne reputaueris, tantū vt hospes tuus honorifice possit apud te demorari. Ac ne forte despicias, aut paruipēdas hospitem tuū, pro eo, quod peregrinus tibi videtur, & adueniens, diligēter attende quid hospitis huius tibi præsentia largiatur. Ipse enim est qui tribuit oculis visum, auditū auribus præstat: ipse est qui linguę vocē, palato gustū, motum mēbris omnibus subministrat. Si quid vitæ, si quid sensus, si

quid

Ser. 6.
aduen.

quid in te decoris est, huius hospitii beneficiū recognosce. Deniq; discessus eius probat qui præsētia cōferebat: protinus senim, anima discedēte, lingua filebit, oculi nihil videbūt, obsurdescēt aures, corp⁹ omne rigebit, facies expalescet. In breui quoq; totum cadauer putidū simul, & fiet, & decor omnis in saniem conuertetur. Vt quid ergo pro temporali qualibet delectatione contristas, & ledis hospitē istum, quā nec sentire quidē vllō modo poteras, nisi per ipsum? Ad hæc si tantū tibi confert exul, & inimicitiarum causa à facie domini sui eiectus, quantum tibi præstabit reconciliatus? Noli ò corpus, noli impedire reconciliatiōē illam, quoniā grādis tibi exinde gloria paratur. Patienter, immo & libenter temetipsum expone ad omnia, nihil dissimules quod huic videatur reconciliatiōi posse prodesse. Osi forte gustare dulcedinem hanc, si forte gloriam istā valeas æstimare. Ipse dominus Sabaoth, dominus virtutum, & rex gloriæ, ipse descendet ad reformanda corpora nostra, & configuranda corpori claritatis suæ. Quāta erit illa gloria, quam ineffabilis exultatio, quando creator vniuersitatis, qui pro animabus iustificandis humilis ante venerat, & occult⁹, pro te glorificāda, ò misera caro, sublimis veniet, & manifest⁹, non iam in infirmitate, sed in gloria, & maiestate sua? Quousq; igitur caro misera, insipies, cæca, demēs, & prorsus insana, trāsitorias, & caducas querit cōsolationes, immo desolationēs, si forte cōtingat, repelli, & indignā iudicari hac gloria, magis autē nihilomin⁹ ineffabili in æternū excruciari pœna: Hæc Bernardus.

De ijs, qui amore seculi impediuntur ne fiant religiosi.

C A P V T X X X.

NON est dubitādum, quin tātus sit religionis splēdor, ut omnes homines inuitare, & allectare possit, si non seculi blādimenta, & quādā falsā iucunditatis species eos quasi vinculis illigatos retineret. Multos enim esse & fuisse scimus, qui tum à Deo vocati fuerant, tum ipsi quoque eius vocationi sese accommodauerant, & tamen mundi commodis, ac delectationibus irretiti, semper in iis tamquam pedicis herētes, numquam euolare, numquā se explicare potuerunt. Quod igitur iis remedium applicetur melius, atque efficacius, quam ut doceantur, quid sit seculum, in quo viuunt, id est, quantum malorum sub illa iucundi

iucunditatis specie lateat? quæ mala, si ad genera quædam reuocanda sint, hæc numerari possunt, fallacia, breuitas, miseria, cæcitas, peccata. Primū enim quid magis fallax, magisve mendax, quā seculum, quod tā multa pollicetur, quæ deinde non præstat, & ea ipsa quæ præstat, non sunt vt pollicetur. Ita enim ab eo monstrantur, quā magna quædam bona, & plena gaudiorum, cum tamē nihil veri gaudij habeant, nihil solidæ lætitiæ. Atque in hæc quidem non est multis rationibus philosophandum. Est enim res in oculis, & plane apparet, quā innumerabiles honorum spe illecti, quos tibi certis cogitationibus desponderant, multos annos aulas attriuerint, qui tamen neque eos, quos appetierant, honores, neque vllum præmium acceperunt, sæpe etiā damnum, iacturam, exitiū. Alij autem mercaturis, ac negotiationibus rem augere quærentes, pauci id assequuti sunt, multo plures naufragiis, vel aliis incommodis conciderunt. Sed tamen vt & hi, quas volebant, opes, & illi, quos ambiebāt, honores sint adepti neutri certe illū animi fructum, & illam, cuius causa hæc concupierunt, voluptatem

Gen. 25. repereret. Optabat Rebecca prolem vtero concipere, eiusque deliderio quid non fecerat? aut quid nō tentarat? tamē postquā voti compos facta est, cum filios in vtero pugnātes sensisset, Si sic, inquit, mihi futurum erat, quid necesse fuit concipere? Idem igitur gemunt quotidie multi, qui cū ex liberis, quos diuturnis votis à Deo postularunt, infinitas molestias percipiunt, mallent eos non susceptos. Ac quod isti in filiis, idem faciunt alij in alijs rebus huius mūdi, quarū incommoda postquā experti sunt, non tanto eas prius ardore quæsiuerunt, quanto deinde fastidio adeptas æspuunt. Nec mirum; nā quæ antea procul spectantib⁹ aliquid iucunditatis ostendebant, eadem postea in vsu ostenderunt, quantum in eis fellis, ac molestiarū occultaretur.

Hom. 49 ad pop. Quod argumentū diserte, vt omnia, tractans Chrysostomus, Multi, inquit, sponsas concupierunt, & tamen quo die iis potiti sunt, beatos vocauere eos, qui coniugij expertes essent. Si vero matrimonio iuncti molestā eam vitā existimarunt, quid dicemus de iis, qui in meretricias voragines proiecti, magis serui quā vllum vilissimum mācipiū, in iis deliciis cōtabuerūt, ipsiq; corpori innumeros morbos inuexerunt? Sed gloriā dicet aliquis esse iucūdā. Immo nihil amari⁹ ea seruitute. Omnib⁹ enim seruis magis est seruus gloriæ cupid⁹, omniū gratiā captās. Hanc vero pessundans omnibus

omnibus est superior. At amabile est habere pecunias. Immo vero sæpius iā ostēdimus, qui pecuniis absoluti sunt, & nihil habent, in maiori abudantia, & quiete degere. Igitur carere diuitiis iucundius, quā habere diuitias, & vxore carere, quā coniugio vinctū esse, & inani gloria liberū esse, quā vētosā gloriolā aucupari, & delicias fugere, quā deliciis iminergi. Hæc Chrysostomus. Aliud mūdi malum est breuitas. Nam si rem ad rationem reuocamus, nulla mūdi felicitas lōgior potest esse, quā hominis vita, qui ea fruitur felicitate. Hæc autē quā brevis in omnib⁹ sua natura, quāto breuior in multis ob calus fortuitos? Itaq; multi, vt scimus, pontificatū adepti, nō toto cum anno gesserūt: alij cū ad purpuram, & infulas peruenissent, breuissimo tēpore iis prærepti sunt, cū vix eos magistrat⁹ attigissent. Sed demus sane longissimu tempus, expectemus quamlibet diuturnā ætatem: tamen ad aliquod extremum veniēdum est, quod cum aduenerit, illud quod præterit, effluxit, & iam nihil est, tumq; demū apparet, quod antea diuturnum videbatur pene punctū fuisse, si præsertim cū futura mox æternitate comparetur. Hic enim videtur sensus eorū verborum, quæ sunt in Ecclesiaste, Si annis multis vixerit homo, & in iis *Ecclesi. 11.* lætatus fuerit, meminisse debet tenebrosi tēporis, & dierū malorū, qui cum venerint, vanitatis arguentur præterita. Esaias autem totā hanc felicitatem somniū vocat, quia ni- *Esa. 29.* hil in ea verū, nihil solidū, & permanens, sed omnia inania. Sicut, inquit, somniat esuriens, & comedit cū autem fuerit expergefactus, vacua est anima eius, & sicut somniat sitiēs, & bibit, & postquā fuerit expergefactus, lassus adhuc sitit. Sed tamen si hæc tam brevis felicitas aliquod spatiū haberet, quo homines pure oblectaret, tamen si exiguū, esset fortasse aliquid, quod videri posset optabile. Verū ne hoc quidem. Instat enim tertium illud malum ex supra propositis quod tam multæ admixtæ sint calamitates, & molestiæ, vt voluptatē omnem quasi multo felle illiniāt. Hic enim corporis morbi, hic iurgia, hic infortunia rei familiaris, hic casus innumeri. Ali⁹ in honore, alius in facultatib⁹, alius in vxore, aut liberis, aut propinquis, ali⁹ in aliis rebus plagam accipit; neq; id vlla hominis prudētia, aut etiam virtus, ac probitas effugere potest. Recte igitur, & vere Gregorius, *3. Dial. c. ult.* Despiciēdus, inquit, à nobis hic mūd⁹ fuerat, etiā si blādiretur, etiā si rebus prosperis demulceret animum. Ac postquam tot flagellis premitur, tāta aduersitate fatigatur, tot nobis

nobis quotidie dolores ingeminat, quid nobis aliud, quā, ne diligatur clamat: Quartū est malum, de quo satis multa alibi à nobis dicta sunt, ex tam multis, assiduisque periculis peccādi, quæ animum vñdique semper obsident. Ferme enim, quot sunt in mundo res, tam multæ sunt peccati occasiones, dum earū vel pulchritudo, vel iucunditas cōcupiscentiā illicit, atque inflammat. Quot etiam in nobis sensus, tot ianuæ, & viæ ad ruinā: alia enim per oculos irruūt, alia per ores, multa per gustatum, & per alias animæ vires, ac facultates: vt de hoc in Psalmo illud dictum videatur, *Psal. 10.* Pluet super peccatores laqueos: quasi enim pluitia, ita sunt frequentes laquei in omnibus mundi rebus iniecti, in paupertate, & diuitiis, in amicitiiis, & in aliorū odiis, in hominum multitudine, & in solitudine, in prosperis, & aduersis, in infamia, & in honore. Cui malo accedit malū cōcitatis, admodū familiare mūdo; quo etiā fit, vt eo minus, quasi in tenebris, laquei illi cuitari possint. An vero nō magna cecitas est, sic viuere, vt passim viuatur? plus homines curare, quā Deum, & attēti⁹, diligētius, studiōsi⁹ leges mūdi, quā leges Dei obseruare, & pro corpore adeo sollicitos esse, animā ita negligere, ac si nulla esset, deniq; pro tēporalib⁹, caducisq; tātopere laborare, pro eternis ne digitum quidē mouere, & cum tā certo se morituros sciāt, tamē ita cogitare, ita loqui, ita spes suas in lōgum protēdere, ac si nunquam essent morituri? Nihil mirū igitur, si ex his laqueis, his etiā adiunctis tenebris, tantaque mentis caligine, vltimum illud malum omnium malorū maximum sequatur, tanta nimirum scelerum, flagitiorumq; multitudo, in quibus omnia fœdissime prostrata iacent. Licet enim intueri omnes fere homines brutorum ritu viuentes suarū cupiditatum impetu trahi, atq; inter se inuicem incurrere, seque belluarum more, tamquā calcibus, & morsibus appetere, odia, similtates, cadesq; sœuire, contemni bonos, diuites tātū, & potentes honorari, opprimi pauperes, deniq; aut nullum, aut exiguum esse locum relictū veritati, sanctitati, simplicitati: contra vero regnare vbique simulationes, dolos, assentationē, vanitatem, & quod omniū horum fons est, miserabilē tum Dei, tum propriæ salutis obliuionem. Hæc est igitur tamquā seculi facies, quam si quis rekti, iusti⁹; iudicij oculis aspexerit, non modo non ea delectabitur, sed eam quā maxime abominabitur, nihilque ei longius erāt, quam vt ex tam tenebricoso carcere, aut inextricabili

inextricabili errorum labyrintho sese propiciat. Sic enim optabat Hieremias Propheta, *Quis* dabit me in solitudine diuersorium viatorum, vt derelinquam populum meum, & recedam ab eis, quia omnes adulteri sunt cœtus præuicatorum.

Cap. 3.

D I C E S, Ergo ne omnium, qui in seculo viuunt, desperata est salus, iique omnes improbi, & perdit? Sunt quidem etiam inter seculares, quos Dominus sibi conseruat, ne current genua ante Baal, sed ij pauci, & rari aliorum comparatione, & ij ipsi tardius, ac multo difficilius proficiunt, facilius prolabantur, ac recidunt. Semper autem in concilijs capiendis id respiciendum est, non quod vni, aut alteri euenerit, sed quod vt plurimum, & omnino quid rei illius, de qua consilium cupitur, natura ferat. Habet ignis hanc naturam, vt exurat, aqua vt suffocet: tamen & tres pueri in fornace, & Petrus in mari, pluresque alij in vtroque periculo nihil mali perpassi sunt. *Quis* ergo ita stultus sit, vt hoc argumento ductus, quia istis bene cesserit, vel in aquas, vel in ignes se coniciat? Est enim, vt dixi, rei vis spectanda, non autem quid aliquando peculiari aliqua Dei voluntate, extra ordinem contigerit. Idem igitur dicendum est de seculo. Cum enim appareat, cuius naturæ sit, quàmque late in eo pateat peccari peltis, quam sit difficile eam euadere, & quàm pauci euadant, denique quam rari in eo sint qui arctam illam salutis viam inueniant, etiam si aliqui inuenirent, tamen fugiendus esset, vt aqua, aut ignis, de quibus diximus. *Quis* enim præstare tibi potest, te vnum ex illis paucis futurum? Quæ autem stultitia est, vt rem tantam, quanta est æterna felicitas, vel æternum supplicium, tam euidenti periculo obicias, aut etiam ita te fortunatum putes, vt mundus, cuius in alios virus pestiferum esse fatearis, in te solum vim illam suam non retineat? Amentis id quidem est, suamque salutem omnino negligentis, cum & ante oculos tam innumerabilia habeamus aliorum naufragia, & ad aures tam seuerè insonet nobis sacra scriptura tum alia multa, tum illud præcipue, *Adulteri* nescitis quod amicitia huius mundi inimica est *Iac. 4.* Dei? *Quicumque* ergo voluerit amicus esse seculi huius, inimicus Dei constituitur.

X x

Contra

*Contra quorundam timorem ne non possint
exuere malos habitus.*

CAPVT XXXI.

ALII sunt, quos neque seculi, neque suæ carnis amor impedit, nimis videlicet aperta, & crassa tentatio, sed alia subtilior, quod vereantur, ne à vitiis in seculo contractis nimium acriter oppugnentur. Nam neque ea se satis extirpare posse confidunt, utpote longo iam usu confirmata, ac roborata, & nisi iis extirpatis, nec pacem, aut quietem, neque vero perseverantiam ipsam se tenere posse arbitrantur. Verum qui hæc cogitant, ij primum trepidare videntur timore, ubi non est timor; quoniam non dubia esse debet horum omnium vitiorum in religione victoria: deinde nō satis intelligo, quæ sit istorum ratio in hac cogitatione. Nam si ideo in seculari vita persistendū putāt idq; melius esse, quod prauos mores eicere se posse diffidunt, idē faciunt quod is qui in longo itinere de via aborrasse se sentiens, tamen redeundi labore perterritus, progredi mallet, cum quo plus progrediatur, eo longius aberret, ut vel numquam in viam bonam rediturus sit; vel si aliquando redire decernat, multo id maiore labore sit facturus. Sic enim his contingit, ut vel vitia vitiis semper eos cumulare necesse sit, desperantes semetipsos, ut ait Apostolus, aut si aliquando sese corrigere, & ad iustitiam, ac virtutem remigrare voluerint, id eo difficilius, & grauius futurum sit, quo diutius in ea vita perseuerauerint. Sed huius quidem tentationis profligatio in eo posita est, ut ostēdamus, quanto errore teneantur, qui mores istos deprauatos insuperabiles esse existimant, cum in religione vinci, & facillime vinci possint: quod primum ex ipsorum natura, deinde ex Dei gratia ostendendum est. Ex ipsorum natura argumentum ita ducitur, quod vitia nihil sint aliud, quam habitus: habituum autem vis ea sit, ut quemadmodum usu, & frequentatis actibus inducuntur, sic si actus cessarint, paulatim ex animo obliterentur, & abeant. Licet exemplum capere ex artibus omnibus. nam & canendi, & pingendi scientia, & scribendi, & quæcumque peritia cuiuslibet rei faciendæ, ut studio, & exercitatione acquiritur, ita si non exerceatur, immo quod amplius est, si remissius, aut negligentius exerceatur, necesse est labefactari, sensimque destrui. Quare non dubitandum est, quin idem eueniat in vitiis, ut

Ephē. 4.

tiis, ut si quis iracundus, si intemperans, aut ventri deditus, his vitiis indulgere desierit, illa omnia vitia, ut antea quotidianis peccatis quasi quotidiano quodam pabulo crescebant, virésque acquirebant, sic eo pabulo substracto, magis in dies remitti, ac minui oporteat. Adde deinde contrarias consuetudines, cum videlicet religiosus non modo nihil iam superbe, aut elate facit, sed etiam humilitatem, suique contemptum ex animo amplectitur, cum pro diuitiarum amore, pro deliciis pristinis paupertatis duritiam adamare incipit, cum nullus abit dies, quo ipse status religiosus non ei plurimarum virtutum materiam præbeat, vltroque offerat. Quibus causis sit quod dixi, ut sicut antea prauæ actiones vitia illa induxerant, sic contra hæc virtutum officia virtutum habitus paulatim inferant. Sed quid pluribus opus est in tali re? Non modo hoc studium, & hæc animi applicatio, quam dixi, tam efficax est, verum ipse aspectus, & ipse conuictus bonorum hominum, qui est in religione, vel solus ferme sufficit ad ferum quemuis, ac barbarum paulatim immutandum, ut eorum bonitate, & virtute sensim imbuatur. Belluas ipsas videmus si ex sylvis translatae aliquamdiu inter homines teneantur, feritatem illam relinquere, itaque mitescere, & cicures fieri, ut nihilo ferme à catellis differant, non ceruos tantum, aut capreas, quibus innata est timiditas, sed leones ipsos, & vrsos, quorum est propria immanitas. Et tamen nihil hæc interius agere possunt, aut conari ipsæ ad suam naturam exuendam, sed sola oculorum consuetudine fit in eis, ut paulatim etiam nescientes mansuescant, aliámque omnino naturam, alios mores induant. Quanto ergo magis hoc in hominibus valebit, in quibus præter oculorum usum, est etiam animi iudicium, & ille interior conatus, ac studium ad se ipsos expoliendos, & perficiendos? Quod si tantum potest natura, & hominis ipsius industria, & labor, quid deinde poterit Dei gratia? Hæc vero etiam multo potentior, atque efficacior est, & breuiori etiam tempore totum hominem sanum facit. Nam, ut ait Sapiens, facile est in oculis Dei subire honestare pauperem. Et hoc auxilium, ac subsidium sæpe nobis Deus per Prophetas pollicetur, ut per Esaiam, Ne timeas, inquit, quia ego tecum sum, ne declines, quia ego Deus tuus. Confortaui te, & auxiliatus sum tibi, & suscepi te dextera iusti mei. Addit deinde certam victoriam. Ecce confundentur, & erubescunt omnes, qui pugnant aduersum te: erunt quasi non sint, & peribunt viri, qui contradicunt tibi.

Eccle. 11.

Esa. 41.

tibi. Quæres eos, & non inuenies, viros rebelles tuos, & etunt quati non sint. Qui sunt igitur hi nostri rebelles, nisi vel habitus, vel animi motus peruersi, qui rationem non audiunt, neque ei obtemperant, neque omnino eos ita in potestate tenere possumus, vt non interdum etiã nobis inuitis incitentur? Hi ergo ita manebunt, ac si non maneant, id est, non ad ruinam, sed ad exercitationem, vt nos excitent, non vt perimant, denique vt sint coronæ materia. non autem laquei. Quam etiam ob causam Paulus Apostolus pugnam illam carnis suæ non gladium, aut telum, sed stimulum appellauit, quod stimulus non confodere, aut etiam vulnerare, sed pungere tantum possit, quo nihil facit aliud, nisi vt ad curiendū, & vigilandū, & ad opera quæuis bona acius, ac diligentius peragenda nos excitet. Hæc igitur efficit diuina gratia, vt in quos effusa sit, eorum voluntatem, & mentem, & appetitum, omnisque animæ vires, miro quodam modo reformat, & quasi in alium statum transferat, quæ est noua illa creatura, de qua tam sæpe Paulus disserit. Quam tantam, tamque subitam in Dei famulis mutationem vix credere possemus, nisi & ipsi in nobis experiremur, & eandem in aliis quasi oculis ipsis intueremur, & denique sanctorum omnium, qui de religiosa, spiritalique via scripserunt, auctoritate testatam sciremus. Cassianus quidem id quod est in Psalmo. Mirabilia opera tua & anima mea cognosceat nimis, ad illa præsertim opera reuert, quæ Dominus Deus in sanctis suis quotidiana, vt ipse ait, operatione dispensat. Quis enim, inquit, in se opera Domini non miretur, cum insatiabilem ventris ingluuiem, & sumptuosam gulæ perniciosaque luxuriam ita in se viderit fuisse compressam, vt vix ipsum exiguum, ac vilissimum cibum raro, inuitusque percipiat. Quis non obstupescat opera Dei, cum illum ignem libidinis, quem naturalem antea & velut inextinguibilem esse credebat, ita refriguisse persenserit, vt ne simplici quidem se corporis motu sentiat incitari? Quomodo non virtutem Domini contremiscat quisque, cum homines quondam diros, atque truculentos, qui ad summum iracundiæ furorem etiam blandissimis subditorum iritabantur obsequiis, ad tantam transisse viderit lenitatem, vt non solum nullis iam commoueantur iniuriis, sed etiam cum illatæ fuerint, summa magnanimitate congaudeat? Quis plane non miretur opera Dei, ac toto proclamet affectu, Quia ego cognoui quod magnus est Dominus, cum vel se, vel alium quempiam ex rapacissimo

2. Cont.
12.

Coll. 12.
cap. 12.
Psal. 138.

Psal. 134

cissimo

cissimo liberalem, ex prodigo continentem, ex superbo humilem, ex delicato, & tenero squallidum, hirsutumque perspexerit, & egestate, atque angustia præsentium rerum etiam voluntarie perfruente? Ista sunt profecto mira opera Dei, quæ peculiariter anima Prophetæ, similiūque eius mirificæ contemplationis intuitu stupefacta cognoscit. Ista sunt prodigia, quæ posuit super terram; quæ idem Prophetæ considerans ad admirationem eorum cunctos populos aduocat dicens, Venite, & videte opera Dei, quæ posuit prodigia super terram, auferens bella vsque ad fines terræ, arcum conteret, & confringet arma, & scuta comburet igni. Quod enim maius potest esse prodigium, quam sub momento breuissimo ex rapacissimis publicanis Apostolos fieri, ex persecutoribus truculentis prædicatores Euangelij patientissimos reddi, ita vt eam quæ prosequerantur, fidem etiam effusione sui sanguinis propagarint? Ista sunt opera Dei, quæ se quotidie vna cum Patre operari filius protestatur dicens, Pater meus vsq; hodie operatur, & ego operor. Hæc Cassianus. Bernardus autem ita hæc eadem cōfirmat, vt etiam hac causa animam quodāmodo omnipotentem euadere doceat, sed Dei vitibus non suis. Sic enim locū illum interpretatur, Quæ ascendit de deserto, deliciis affluens, innixa super dilectū suum. Sane, inquit, etiam contra se innitens inualefcet, & facta se ipsa validior, coget pro ratione vniuersa, iram, metum, cupiditatem, & gaudium, veluti quendā animi currū bonus auriga reget, & in captiuitatem rediget omnē carnalem affectum, & carnis sensum ad nutum rationis in obsequium virtutis. Quidni omnia possibilia sint innitenti super eum, qui omnia potest? Quantæ fiducia vox, Omnia possum in eo, qui me confortat? Nil omnipotentiam Verbi clariorem reddit, quam quod omnipotentes facit omnes, qui sperant in se. Ita animus si non præsumat de se, sed si confortetur à Verbo, poterit vtique dominati sui, vt non dominetur ei omnis iniustitia. Ita, inquam, Verbo innixum, & indutum virtute ex alto, nulla vis, nulla fraus, nulla iam illecebra poterit vel stantem deicere, vel subicere dominantem. Hæc igitur si vera sunt, quæ scribit Bernardus, quis timere poterit, ne plus possint vitia sua, quam Dei gratia, aut grauius eorum pondere deprimatur, quam huius suauitate subleuetur? Hoc enim non tam hominis est, quam Dei ipsius negotium, vt quicumque se illius manibus commiserit, totūque tradiderit, huius vicissim Deus vulnera,

Psal. 45.

Ioan. 5.

Serm. 85

Cant.

Cant. 8.

Phil. 4.

- & plagas curet, veteres inclinationes nouis inclinationibus, vetera desideria, & delectationes, nouis desideriis, & delectationibus, tamquam clauum clauo expellat, vt ait S. Bernardus. Audiamus de hac re testem non mediocrem, sed certe grauissimum, Augustinum, qui quod in mutatione vitæ instituenda expertus erat, ad communem hominum vtilitatem, ita in omnibus notum esse voluit. Retinebant, inquit, me nugæ nugarum, & vanitates vanitatum, antiquæ amicæ meæ, & succutiebant vestem meam carneam, & submurmurabant, Dimittis ne nos? & à momento isto non erimus tecum vltra in æternum? & à momento isto non tibi licebit hoc, & illud, vltra in æternum? & paulo infra. Retardabant me cunctantem abripere, atque excutere ab eis, & transi lire quo vocabar, cum diceret mihi consuetudo violenta, Putas ne sine istis poteris? Atque hoc quidem in illa lucta, & grandi, vt ipse appellat, rixa carnis, ac spiritus: at vbi disruptis vinculis, quibus tenebatur, ita se in Dei obsequium toto animo contulit, vt iam nec uxorem, nec aliquam spem seculi huius quæreret, quid in se sensit, aut quid expertus est? Quam, inquit, suaue mihi subito factum est catere suauitatibus nugarum, & quas amittere metus fuerat, iam dimittere gaudium erat. Eliciebas enim eas à me veratu, & summa suauitas, & intrabas pro eis omni voluptate dulcior, sed non carni, & sanguini, omni luce clarius, omni secreto interior, omni honore sublimior, sed non sublimibus in se. Testatur hoc idem ex proprio item sensu Cyprianus, qui vtrumque hunc animi sui statum his ipsis verbis describit. Ego cum in tenebris, atque in cæca nocte iacerem, cumque in salo iactantis seculi mutabundus, ac dubius vestigijs oberrantibus fluctuarem, difficile prorsus, ac durum, pro illis tunc moribus, opinabar, quod in salutem mihi diuina indulgentia pollicebatur, vt quis renasci denuo posset, corporis licet manente compage, hominem ex animo, ac mente mutaret. Qui possibilis, aiebam, est tanta conuersio, vt repente, ac perneciter exuatur quod vel genuinum situ materiæ naturalis obduruit, vel vsurpatum diu senio vetustatis inoleuit? Alta hæc, & profunda penitus radice sedunt. Quando parsimoniam discit qui epulatibus cœnis, & largis dapibus assuevit; & qui pretiosa veste conspicuus in auro, atque in purpura fulsit, ad plebeium se, ac simplicem cultum quâdo deponit? hic stipatus clientium cuneis, frequentiore comitatu officiosi agminis honestatus, pœnam putat esse, cum

esse, cū solus est. Tenacibus sēper illecebris necesse est, vt solebat, vinolentia inuitet, inflet superbia, iracundia inflammet, rapacitas inquietet, crudelitas stimulet, ambitio delectet, libido precipitet. Hęc egomet sępe mecum. Nam vt ipse quampluribus vitę prioris erroribus implicatus tenebar, quibus exui me posse non crederem, sic vitijs adhærentibus obsecundans eram, & desperatione meliorum, malis meis veluti iam proprijs, & vernaculis fauebam. Sed postquam vnde genitalis auxilio superioris cui labe deterfa, in expiatum pectus, ac purum desuper se lumen infudit, postquam cœlitus spiritu hausto in nouum me hominem natiuitas secunda reparauit, mirum in modum protinus confirmare se dubia, patere clausa, lucere tenebrosa, facultatem dare quod prius difficile videbatur, geri posse quod impossibile putabatur vt esse. Hęc quidem, & multa alia Cyprianus, quę eadem & in se recognoscere, & de se prædicare potest religiosus quisque. Nam quod illi baptismus fuit, nobis est religio, in qua nos quoque mundo, ac vitę priori penitus morimur, sed Deo, & vitę spirituali penitus nascimur: quin etiam hoc amplius confert ad mutationem hanc, quod non solum multa habet præsidia ad interiorem gratiam, quam baptismus confert, augendam, sed externa multa addit adiumenta, & quasi instrumenta ad perfectionem omnem & breui, & facile acquirendam.

Ad eos qui timent ne non perseuerent in religione.

C A P V T X X X I I.

Confutato hoc timore, qui ex ante vitę corruptela nasci solet, facile est alium timorem huic simillimum, & qui ex hoc ferme nascitur, confutare, ne voluntate, quę initio quidem feruere videtur, aliquo tempore reposita, retro aspiciamus, rursusque à seculo resorbeamur.

Hunc metum incutit primum humanā infirmitas, qua nihil est imbecillius, præsertim in rebus ita arduis, augent etiam aliorum tristes exitus, qui interdum bene currentes in medio cursu conciderunt, vt prudentiæ esse à nonnullis putatur, illorum periculo discere, sibi que mature cauere. Sed hoc tentationis genus, atque hostilis doli egregie Gregorius reteggit, & conuincit his verbis. Multos sępe videmus vitam quidem sanctę conuersationis appetere, sed ne hanc assequi valeant, modo irruentes casus, modo futura aduersa formidare. Qui incerta mala dum quasi cauti prospiciunt, in

Pro. 15.

Iob. 6.

Rom. 11.

Mal. 3.

4. Conf.

cap. 9.

Ioan. 6.

Iac. 1.

peccatorum suorum vinculis incauti retinentur. Multa enim ante oculos ponunt, quæ si eis in conuersatione eueniant, subsistere se non posse formidant. De quibus bene Salomon ait. Iter pigrorum quasi sepes spinarum. Nam cum viam Dei appetunt, eos velut spinæ obstantium sepeum, sic formidinum suarum oppositæ suspensiones pungunt. Et Gregorius quidem hoc modo. Mihi vero videtur in istos omnes optime conuenire quod à beato Iob dictum est, *Qui timent pruinam, irruet super eos nix*: dum enim futurum periculum, idque incertum, metuunt, in præsentibus malis certissimis & maximis immorantur. Sed ut radices ipsas huius diffidentiae petamus, videndum est accurate, quæ causæ existere possint huius horribilis dissidij, quod nos post votorum nexum, post fidem Deo datam, tamen ab illo separet, ac sciungat. Non enim alia causa esse potest, quam si vel Deus à nobis recedat, vel nos à Deo: id est, si vel Deus nos deserat, suumque sanctum spiritum à nobis auferat, vel nos aut tædio, aut labore, aut inconstantia victi, eum deseramus. At alterum quidem de bonitate illa credi non potest, ut ijs, quæ semel dedit, villo nos vnquam tempore exspoliet, quod testatur Paulus, cum ait, dona Dei esse sine pœnitentia, testatur, & ipse Deus apud Prophetam, cum ait, *Ego Dominus, & non mutor*. Ex quibus illud necessario sequitur, quod est ab Augustino dictum ad Deum, *Te nemo amittit, nisi qui dimittit*. Numquam ergo Deus eos, qui ipsum quærunt, expellit, nunquam foras eiecit, qui ad ipsum veniunt, ut ipsemet professus est, & prius cælum ac terra transibunt, quam in eum vlla cadere possit mutatio, vel vicissitudinis obumbratio. Itaque cum ex hac parte nullum nobis imminet periculum, totius periculi summa in nobis ipsis cõsistet, & in nostra fragilitate. Sed tamen quia nemo sponte malus est, nec vllus adeo perditus inuenitur, quem ipsum per se peccatum delectet, nisi aliqua impellat causa, videamus quæ causa esse possit, quæ nos ab hac quasi societatis, & fœderis cum Deo initi sanctitate diuellat. Nam in humanis quidem amicitijs multa huiusmodi incidere possunt, ut si vitium aliquod ex ipsa consuetudine patefactum sit, si iniuria aliqua, vel si damnum in re familiari acceptum, denique ut sæpe euenit, ipsa satietas. Verum hæc omnia longe absunt à Deo. neque enim timendum est, ne vel eius vsus nobis damnosus sit, cum potius & nostra omnia ab ipso habeamus, & præterea suæ etiam omnia nobiscum largissime communicet, vel
in eius

in eius familiaritate vllum obrepere possit fastidium, cum de sapientia illa ita scriptum sit, Intrans in domum meam *Sap. 8.* conquiescam cum illa. non enim habet amaritudinem conuersatio illius, nec tedium conuictus illius, sed lætitiā, & gaudium. Ex quo fit quod alibi eadem sapientia de se ipsa *Ecc. 24.* prædicat, Qui edunt me, adhuc esurient, & qui bibunt me, adhuc intient. Itaque tantum abest, vt Deo fruendo, eius desiderium minuatur, vt semper porius augeatur, quo semper plures quasi gradus illius pulchritudinis, ac bonitatis melioribus, purioribusque oculis conspiciuntur. Quod si cum adhuc in seculo essemus, tenuis tantum radius ex religionis splendore inter illas tenebras emicans, tantum potuit, vt nos tanquam è regione longinqua ad se pertraheret, idque tanto impetu, vt is impetus vincula omnia à dæmone iniecta distrumperet, quid faciet hæc eadem lux, ac dignitas, cum longiori iam vsu cognita, atque etiam possessa, nos magis ceperit, acriusque incenderit? Et si solutos adhuc, & vagos ad se compulit, quanto magis iam sibi nexos, triplicique illo *Ecc. 4.* funiculo, qui difficile rumpitur, deuinctos retinebit? Quæ igitur cogitari potest causā, quæ nos ad voluntatem cum tanto nostro damno, tanto etiam dedecore ac nota mutandam impellat? An difficultas, vel asperitas vitæ? Parumne igitur multa à nobis & de utilitate, quæ vel sola sufficere deberet, disputata sunt, & vero etiam de suauitate, & oblectamenti religionis? Itaque si hominum natura adeo voluptate trahitur, eiusque vmbra inane ex rebus inanibus tam auide consecratur, non timendum est, cum verum eius fontem, qui Deus est, inuenerit, quin ei magis, ac magis hauriendo semper inhæreat. Nulla est igitur causa ex parte nostra, cur vnquam poenitere nos debeat eius rei, quæ à Christo domino inuenta, & commendata, à tot sanctissimis viris tanto studio exulta, à nobis ipsis ardentè expetita, postea etiam ipso vltu, atque experientia, multo opinione, ac spe nostra vtilior, iucundiorque inuenta fuerit. Quid ergo metuendum restat? Num dæmonum inuidiæ, vel aperti impetus? At de his quoque multa ante dicta sunt, cur contemnendi essent, cum tot præsidia habeamus ad vincendum, statum ipsum, in quo viuimus, tamquam arduam munitionem, angelorum custodiam, Dei propugnationem, & alia innumera. Quæ cum per se tam firma, & valida sint, tum vero accedit Dei gratia diffusa in cordibus nostris per spiritum sanctum, quæ nos ita virtute induit ex alto, vt instabiles confirmet,

Luci 10.

debiles roborer, languentes excitet, denique quasi de latronum manu, qui nulli sunt alij, quam dæmones, semiuiuos erutos, in hoc religionis humili quidem, sed salutifero stabulo repositos, oleo curet, & vino. Est enim vinum, vt actius, disciplina ipsa, & incommodorum, quæcunque sint, perpestio. Sed hoc vinum oleo temperatum est, id est, suauitate admirabili, qua omnia illa incommoda condiuntur. Igitur etiam si naturam multis vulneribus, plagisque confossâ, debilitatam, conscissam in religionem afferamus, nihil tamē de perseverantia dubitandum est, vbi ad eam sanandam, lenia illa quidem, sed tamen adeo efficacia adhibentur diuinæ gratiæ medicamenta.

Sed hoc quidem fatentur omnes, & fateri coguntur, hanc esse huius gratiæ viam. Ille scrupulus angit nonnullos, ne suis culpis, & erratis indignos se hac gratia reddant, eaque deserti, atque orbat, in pristinos errores recidant. Sed qui hoc timeant, & ob eum timorem Dei seruitutem refugiunt, magno pere errant, nec satis intelligunt, quid sit gratia, quæ ideo dicitur gratia, quoniam gratis datur, non ex meritis nostris. Cuius quidem rei quid est, quod vel ex Paulo persecutore, vel ex Mathæo publicano, aut ex Maria muliere peccatrice exempla repetamus, cum in nobis ipsis expressum, & euident, & recens exemplum habeamus? Etenim si cum adhuc inimici essemus, si cum porcos in regione longinqua pascereamus, aut quasi ouis centesima perdit, errareamus, tamen nos Deus vltro quæsiuit, fugientes sequutus est, reluctantes impulit, tergiuersantes, & cunctantes expectauit, denique etiam in humeris suis reuexit, quid faciet, cū nunc in eius domo, & obsequio viuamus? Comparemus tempus temporis, statū statui. tūc quidem, vt in densis tenebris, nihil in nobis erat boni, omnia mala, omnia terrena, omnia ad huius mūdi seruitutem directā, factā, dictā, cogitationes, sūma Dei obliuio, sūma rerum cælestium incuria. Nunc autem tota vita in virtutū studio, in Dei cultu, in abnegatione nostri, vt etiā si quæ culpæ intercidāt, & illæ multo minores, leuiorēsq; sint, & recte factorum copia facile obruantur. Itaq; si tanta fuit Dei bonitas, vt eam ver^o illa nostra deformitas nō retardarit, quin ex illo cæno extractos in suum nos sinum acciperet, nūc cū loci sim^{us}, etiam si quid sit, cur lauandi sint pedes, proiciet, & abiiciet ex sinu? Et qui alienos, immo vero etiam hostes, tam benigne tractauit, vt in filios adoptaret, & in suam familiam alscisceret, nūc filios, & quidem post multa obsequia impēsa.

multos.

multosq; annos in eius domos exactos, extrudet, & ex aliorum, quibus nos aggregarat, filiorum numero exturbabit? O absurdam, indignamque tum tali patre, tum filiis tam liberaliter educatis suspicionem ac timorem. Quanto melius, & verius S. Bernardus de hoc ipso Dei in religiosos omnes amore, ipse, inquit, ipse colligit vos, qui diligit vos tamquam viscera sua, tamquam fructum pretiosissimum crucis suæ, tamquam dignissimam recompensationem effusi sanguinis sui. Fructum, & recompensationem, eamque maximam passionis Christi religiosos esse dicit, quoniam in ipsis potissimum eius vis elucet, & quia licet alius nullus ex Cruce fructus extitisset, hic vnus satis esset, cuius gratia Dei filius suos omnes labores, ac cruciatus bene collocatos putaret. Igitur si mercator nullus ita insanus est, vt gemmas multo pretio quæstas, cum seruire possit, abiciat, ac perdat, cuius animi erit timere, ne Deus quos filij sanguine æstimauit, quos tantis donis, tantisque thesauris diuauit, eos repente proijciat, ac præcipiter? Quare hoc etiam cogitandum est, hanc esse differentiam inter seruum, & filium, quod seruus si peccet, aut etiam si inutilis sit, dimittitur, nimirum quia seruus est, qui, vt dixit Dominus, non manet in domo in æternum. At filius etiam si ægrotet, vt nihil vilius operum facere possit, addo etiam, si aliquid delinquat, si paucem offendat, virga fortasse, & baculo corripitur, quæ tamen ipsa magis consolentur, vt ait Propheta, quam contristent, sed non à facie patris expellitur. Non enim id fert paternum pectus, non caritas, quæ etiam de longinquo venientem cum symphonia in domum suscipit, ne dum iam susceptum è domo expellat. Quod si cum altero homine res tibi esset, iniuriam illi faceres, si eum vt tetricum, ac seuerum formidares, qui scilicet leui quapiam offensione ita exardescat, vt cum eo nulla diuturnior amicitia manere possit. Quanto ergo maiorem iniuriam faciat diuinæ bonitati, qui hoc idè de illa suspicetur, quam scilicet videmus quotidie tam innumerabilia omnium hominum peccata & ferre, & dissimulare propter pœnitentiam? Porius igitur vt fratri contidimus, vel patri, vel cuius homini à quo nos præcipue diligi intelligamus: sed quid de alijs loquor? sicut si perseverandi potestas in nostra manu esset, securo, ac quieto animo essemus, ita esse debemus, cum in manu Dei sit, & quidem tanto magis, quanto maiorem scimus illius esse in nos amorem, quam nostrum ipsum, & quo ardentius eius desiderium salutis, profectusque

Ep. 109.

Iob 3.

Psal. 22.

Sap. 11.

I. Thef. 4

8. Conf.
cap. 11.

fectusque nostri; quod testatur Apostolus, cum ait, Voluntas illius sanctificatio vestra. Quid ergo faciendum? quod fecit Augustinus, cum ipse quoque in hac eadem trepidatione versaretur, ne satis virium non haberet ad sustinendam nouam illam vitam, de qua suscipienda anxie deliberabat. Sic enim ipse scribit, sensisse se interiorem hanc sibi vocem insinuari, & in anima imprimi, Projice te in eum, noli metuere. non se subtrahet, ut cadas; projice te securus, excipiet te, & sanabit. Nam si nullus umquam fuit tam æreus, & ferreus homo, modo homo, cuius si brachijs quispiam ex superiori loco sese committat, subtractis brachijs, cum ad terram allidi patiatur, quin immo hoc ipsum, quod aliquis nobis confidat, seque ac suam vitam fidei nostræ hac spe committat, nos eo magis obligat, ne cum nostris officijs desertum perire velimus. Si igitur hoc inter homines etiam agrestes hominum natura recusaret, quis id potest de illa benignitatis, & clementiæ abyssu suspicari, ut eos derelinquat, & relinquendo, ut ita dicam, prodat, qui illius se bonitati, providentiæ, ac promissis quoque totos crediderunt? Denique illud etiam intuendum est, duo esse diuinorum operum genera, naturam, & gratiam. Atqui in operibus naturalibus nemo umquam fuit, qui vereretur, ne uniformis ille tenor, perpetuusque fluxus diuinæ beneficentiæ rumperetur. Numquam enim dubitauit ullus, ne sol quotidie non oriretur, certò que spatio pro anni tempore terras illuminaret, aut ne imbres, ac pluriæ tempestiue non aduenirent, sine quibus fruges nullæ essent. Itaque sic arantur agri, sic setuntur, sic arbores, & vites coluntur, ac si illa certissima essent, quæ tamen si fallerent, labor omnis & impensa perderetur. Quin etiam longissimi sæpè aquæ ductus, ingentisque fornices multis passuum millibus deducuntur magno sumptu, magno dispendio, quæ omnia essent irrita, si semel aquæ caput deficeret. Sed ita certum, ac fixum est, non posse deficere, ut nemo umquam ob eam causam cunctatus sit in sumptibus illis subeundis. Igitur si in rebus istis naturalibus nullus omnino eiusmodi timor incidit, cur non item in spiritualibus sperandum sit, de fluxum illum cælestis gratiæ perennem fore? Et, si ineptus habeatur, qui propter eos merus ferere, aut plantare, aut eiusmodi opus facere cesset, quanto stultior esset qui spirituale opus, & tantum opus, quantum est religiosæ vitæ professio, hac de causa omittat, quia videlicet timeat, ne sibi in medio die sol obscuretur, aut fons diuinæ gratiæ in medio cursu exareseat?

Tamen,

Tamen, dicet aliquis, cadere quosdam videmus: quis autem nouit an ego ex illorum numero sim futurus? Hanc ipsam quæstionem proponit Chrysostomus in apologia vitæ *Lib. 3.* monasticæ, vbi disputans aduersus eos parentes, qui filios suos à religiosa vita reuocant, ita eos facit obijcientes. Vnde nobis cōstare poterit, quod filius meus perseuerabit, & numquam proposito hoc excidet? Multi enim excidere. Ad quos Chrysostomus, Et ego tibi respondeo: Vnde verò tibi cōstat, quod non perseuerabit? Multi enim perseuerauerunt, & quidum multo plures, quam qui exciderunt. Itaque istorum causa magis confidendum est, quam illorum causa metuenda. Conuincit deinde eos ex ipsorum facto, qui filios ad scholam liberalium artium, idque cum sumptu mittunt, in qua tamen pauci ad eruditionem prouehuntur, propter impedimenta plurima cum contra in religione non magno ingenio aut magnis viribus corporis opus sit, vt quis perseueret, & ad virtutis perfectionem perueniat, sed animi alacritate, & studio. Ex quibus ita concludit, Quam igitur iniquum simul, & indignum est, vbi sunt pleraque spei opinæ indicia manifesta, & viciniora saluti, ibi timere, & desperare, vbi autem spes longior est, & tantis impedimentis exposita, vbi non desperare, immo verò rei difficillimæ spem sibi maximam, & certissimam proponerere? Hoc autem quod Chrysostomus dicit de doctrina, & litteris, idem de omnibus humanis studijs dici potest. Nam neque mercatura ideo ab omnibus reiicitur, quia multi ea exercenda rem amiserint: neque homines ideo nauigare cessant, quoniam multi nauigando naufragium fecerint: neque deseritur militia, quamuis innumerabiles quotidie alius alio mortis genere absumantur. In quibus artibus hæc omnia pericula ita sunt frequentia, & pene quotidiana, vt merito magis metuendi sint aduersi exitus, quam sperandi prosperi, præsertim cum aduersos nulla humana ratio, aut sapientia effugere possit. At verò in religione eiusmodi casus & multo sunt rariores, vt vix paucis inter multos eueniant, & certe aliqua cura, ac diligentia præcaueri, euitariq; possunt, & semper euitantur, si iustitiam, qui esse debemus, hisq; præsidijs vti velimus, quæ nobis status ipse suppeditat. Rectè igitur, & commode Gregorius hoc tētationis genus tum ratione, tum scripturæ auctoritate iugulat. Alius inquit, despectis carnis desiderijs cuncta relinquere, & omnipotentis Dei se subdere seruitio pertractat, *Hom. 3.* sequē ipsum restringere sub continentia, & castitatis freno *Ezech.* deliberat:

Ecc. 11.

Mat. 14.

deliberat: sed cum cecidisse alios etiā post castitatem cōspicit, hoc ipsum facere, quod deliberat, pertimescit, sitque ut retro per cogitationem redeat, qui ad interiora respiciens iā mentis gressibus ad alta ibat. De quo bene per Salomonem dicitur, *Qui observat ventum, non seminat, & qui considerat nubes, numquam metet.* Ventī quippe nomine malignus spiritus, qui mentem tentationibus impellit: nubes verò appellatione peccator exprimitur, qui tentationis impulsione cōmouetur. Qui ergo attendit ventum, non seminat, & qui considerat nubes, numquam metit, quia is, qui tentationes maligni spiritus metuens, & iniquorum lapsus conspiciens, se ipsum desperat, neque nunc exercetur in bono semine operis; neque post reficitur de munere iustæ retributionis. Hæc Gregorius. Quare hæc argumēti huius tota summa sit. Nam si religiosæ vocationis consilium ex nobis oriretur, aut si ita ex Deo oriretur, ut tamen meritum nostrū requireret, esset nobis sine dubio ab hac tantā fragilitate, & inconstantia nostra metuendum. Nunc verò cum ita à Deo veniat, ut in nostra voluntate non exigat meritum, sed afferat, hoc sicut ab initio Dei gratia facit, cū nos vocat, ita semper deinceps facit, dum nos cōservat. Fuit autem huius rei aptissimum exemplum in Petro Apostolo, cum Saluatoris voce invitatus, ingressus est super aquas, idemque cum propter metum cœpisset mergi, illius dextera subleuatus. Est enim hæc expressa quædam similitudo status religiosi. Ut enim miraculum est, quod humanum corpus, graue, & onerosum in aquis sustentetur, sic cum nostra hæc corruptio, quæ semper ad terram, ad carnis opera, ad libertatem, ac licentiam suo pondere deprimitur, omnes istos impetus, castitatis, & obedientiæ, paupertatisque vi frangit, non minus supra eius naturam est, quam corporis, si non deorsum feratur. Itaque non suis hoc viribus facere potest, sed Dei; idque in nobis agit illa vox, *Veni*, qua Deus, ut tum Petro, ita nunc nobis hanc potestatem magnam, & miraculo plenā dedit: cuius vocis virtus quamdiu durat, tam etiā diu manet in nobis eadem potestas, cum eadem facilitate, eademque agilitate. Quid ergo esse potest, quod huius interdum vocis efficientiam in nobis debilitet, aut obscuret? Idem quod in Petro, diffidentia, cum fluctuum magis, aut ventorum, id est, molestiarum, aut tentationum, quæ nonnumquam intercurreunt, gravitatem, quam diuinæ huius gratiæ vim attendentes, trepidare incipimus, & trepidando mergi. Quod tamē si aliquādo contigerit, ut nostra hæc

hæc fragilitas titubet, paratum est remedium, ac perfugium eiusdem Dei, qui nos manu extensa statim eriget, & retinebit: & qui, ut ait Apostolus, dedit velle, idem etiam dabit *x. Cor. i.* perficere, idem confirmabit usque in finem, sine crimine, in die aduentus domini nostri Iesu Christi.

Contra tentationem de differendo ingressu religionis.

CAPVT XXXIII.

VT in bello qui se viribus inferioribus sentiunt, ad inducias petendas confugere solent, & in omni molestia, quæ omnino depelli non possit, id saltem agitur, ut quoad liceat differatur, ita dæmonis ars est inter alias artes, ut quod à salutari religionis consilio dimouere nequeat, ijs saltem varias morarum causas iniiciat. Alijs enim teneriorē obijcit ætatem, quasi adhuc imminaturam iugo Domini ferendo, alijs persuadet in re tanta diu deliberandum, ut amici consulantur, ut vires explorentur, ut aliqua præcedens bonorum operum exercitatio viam quasi complanet ad ista difficiliora, & maiora. Itaque videndum est, quantum hæ causæ valeant, quamque iustæ sint. Certe, quod attinet ad ætatem, tantum abest, ut adolescentia non apta sit ad Domini seruitutem, ut sit vel omnium aptissima; quod à Propheta expressum est, cum ait, Bonum est viro cum portauerit iugum ab adolescentia sua. Videtur autem adiungere quæ ex eo sequantur utilitates, Sedebit, inquit, solitarius, & tacebit, quia leuauit se super se. quod B. Thomas ideo dictum interpretatur, quoniam qui ab ineunte ætate iugum religionis sustulerint, se ipsos multo facilius, ac melius supra naturam suam, naturæque inclinationes erigunt, eamque vitam viuunt, quæ maxime quieta est, & ab omnibus mundanis curis, turbari neque tumultibus remotissima, quam ad rem Anselmi quoque affert auctoritatem, qui eos, qui à pueritia in monasterijs nutriti sunt, Angelis comparat, qui verò in prouectiori ætate, comparat hominibus. Habet igitur ea res multas utilitates, & primum illā, quod cum ea ætas improvida sit, & quasi cerea ad vitium, ob rationis imbecillitatem, si quis eam in seculo transigat, inter tot occasiones, laqueosque peccatorum, nihil est proliuius, quā ut ijs sese irretiat erratis, quæ deinde impediunt, ne se ad virtutem, & salutem referre possit, aut si quando referat, quasi tot vulneribus acceptis tardior, debiliorque ad hunc spiritualem cursum reddatur. Quod contra euenit,

Thré. 3.

*Opus. cō.
ret. à rel.
cap. 3.*

*Lib. de
simil.*

cuenit, cum ipse flos vitæ Deo consecratur, eripiturque ijs quæ dixi periculis, & casibus. Accedit, quod id tempus est omnium aptissimum disciplinæ, dum adhuc animus velut rudis, & puta cartha, omnibus quæ inscribantur, recipiendis idoneus est, & velut tenera arbor in omnem partem facile deducatur, ac flectatur. Cuius rei euident exemplum in plerisque animantibus habemus, vt in equis, & in canibus, auiбусque nonnullis, quæ si dum adhuc teneriores sunt, erudiantur, sunt omnes in suo quæq; genere disciplinæ cuiusdā capaces, cum autem id tempus effluerit, ita obdureseunt, vt indociles fiant. Homines autem semper quidē ad virtutem tempestiui sunt, sed si facilitatem, & agilitatem quandam quærimus, est sine dubio maior in illa ætate, quæ nondum obcalluit, vitijs, aut vanitati. Accedit etiam, quod quidquid tum addiscitur, nescio quo modo firmitus inhæret, vixq; obliterari potest. Sic enim Hieronymus in quadam epistol. Difficulter eraditur quod rudes animi perbiberunt. Recens testadiu & laporem retinet, & odorē, quo imbuta est. Aristoteles etiam non parum ait referre. quomodo quispiam ab ineunte ætate assæuetit, sed quam plurimū, immo totum penitus in eo consistere. Atque idem alio loco docet, omnia prima capere, & præoccupare animum. quam ob causam iubet ille in bene instituta republica omnia turpia procul à pueris remoueri, vt ne pictum quidē aliquid eiusmodi videant, aut etiam ne comœdias, tragœdiāsve spectent. Sed hæc quidē custodia in seculo nec seruari, nec sperari potest, in religione perpetua, & certa est. Quin illa etiam non minima est vtilitas, quod inest in illis annis vigor quidam mētis, dum adhuc eius vires nullis alijs vel operibus vel cupiditatib⁹ distractæ sunt, ac diminutæ, ac si vt sunt, integræ, atque illibatæ Domino offerantur, earū cursus ad virtutem intensior erit. Quā rem videtur grauiissimus ille ethnicorum philosophorum optime expressisse. Quemadmodum, inquit, ex amphora primū quod est, sincerissimum effluit, grauiissimū quodque, turbidūq; subdidit, sic in ætate nostra quod est optimum, primū est. Id exhilare in alijs poti⁹ patimur, vt nobis fecem referuamus. Inhæreat istud animo, & tamquam missum oraculo placeat. Optima quæque dies miseris mortalibus æui prima fugit. Quare optima? quia restat quod incertum est. Quare optima? quia iuuenes possumus discere, possumus facilem animum, & adhuc tractabilem ad meliora conuertere, quia hoc temp⁹ idoneum est laboribus, idoneum agitandis per studiū ingenijs, & exer-

Epist. 7.

2. Ethic.
cap. 1.7. Pol. c.
vlt.Seneca
ep. 110.

& exercendis per opera corporibus. Quod superest, segnius, & languidius est, & propius à fine. Hæc ille. Est autem & hæc vilitas, & ceteræ quas diximus, euidenter declarata visione quadam cœlesti, quam Humbertus vir clarissimus, Generalisque Magister fratrum Prædicatorum narrare solebat: religiosum quendam vita functum apparuisse aliquando de nocte fratri, socioque suo, magno splendore collucentem, cumque cum ex cella eduxisset, ostendisse magnum numerum hominum candida veste, mirabilique luce micantium, qui pulcherrimas cruces humeris deferebant. erat autem omnium iter in cœlum. Postea modico intervallo alius sequebatur ordo, isque multo pulchrior, multoque lucidior, quorum unusquisque ornatissimam crucem, non iam humeris, sed manibus gestaret. Deinde tertius ordo omnium longe splendidissimus, & speciosissimus, quorum item cruces forma, & pulchritudine reliquorum cruces superabant, neque eas ipsi portabant: sed suus, qui singulos præibat, Angelus, ut ijalacres, & ludibundi sequerentur.

Quod spectaculum cum ille miraretur, exposuit ei socius, primos illos esse, qui prouecta iam ætate religiosam vitam amplexi fuissent, secundos qui in virili, postremos autem, quos adeo expeditos, hilarisque vidisset, eos esse qui in adolescentia. Atque hæc quidem, quæ hætenus diximus, ita teneriorem ætatem confirmare debent, ut tamen prouectiorem non terreant. Primum enim melius est, recurrere, ut dicitur, etiam si cum labore, quam semper male currere: deinde si facilitatem querimus, ne adultioribus quidem sua defunt solatia, & adiumenta ad viæ asperitatem complanandam, molestiamque leuandam, de quorum suauitate, & copia hoc ipso libro multa à nobis supra allata sunt. Denique ne illud quidem negandum, contingere sepe, ut Ioannes quidem, nempe iunior, præcurrat citius Petro, & tamen senior Petrus introeat prius in monumentum, id est in perfectam mortificationem perfectamque Christi Domini similitudinem, & operarij sextâ, aut nona hora aduocati, licet vna tantum hora facientes, eandem mercedem recipiant, quam qui summo mane conducti fuerant. Numquam enim seruum est, ad Dominum conuerti, semperque satis maturum, & opportunum, quacumque hora ad eum venire, qui nos semper expectat, quin & semper ad ostium pulsât, ac venientes cum gaudio, & complexu excipit.

Ioan. 20.

Mat. 20,

Sequitur nunc, vt de aliis causis dicamus, quas dæmon tamquam zizania superseminare solet ad diuinam illam sementem vel omnino, si possit, præfocandam, vel certe retardandam. Ad quas omnes, vt breui dicamus, tentationes, illud est vnum optimúmque remedium, hoc sibi certo persuadere, & hoc scire, quidquid temporis in re tam vtili, tamque salutari, tam etiam multis inimicorum insidiis obiecta interponatur, non solum inutile esse, sed maximis omnino damnis expositum. Hoc enim illud est, quod sancti quique, vt potestuari quantum in his consiliis laqueorú lateat, clamant omnes vno consensu, atque in vna voce, rumpendas esse omnes moras, nihilque omnino cunctandum. Clamat enim Hieronymus, Festina, inquit, quæso te, & hærenti in salo nauiculæ funem magis præcide, quam solue. Chrysostomus autem homilia quadã ad populum cum religiose vitæ pulchritudinem, ac præsertim iucunditatem mirabiliter extulisset, ait ad extremum, Forte multi nunc incalulistis, & tam pulchræ conuersationis desiderium concepistis. Verum quid prodest, si dum hic estis, hunc ignem habetis, egressi veto flammam extinguitis, & ardor ille euanescit? Quid igitur remedijs? Dum tibi teruens est hic amor, abi statim ad illos ipsos Angelos, eúmque magis accende. Ne dicas, Alloquar prius propinquos, resque meas expediam. Torporis initium est hæc dilatio. Patrem sepe pelire discipulus voluit, nec id Christus permisit. Quid itaque quoniam acer instat diabolus, vt se in animum insinuet, & si vel breuem arripuerit vocationem, vel prorogationem, ad magnum inducit teporem. Ideo quidem admonet, Ne differas

Ecll. 5.8. de die in diem. Augustinus autem quid de hoc sentiat, ipse
Conf. 5.5. indicat, cum suam illam tarditatem, ac cunctationem præteritam ita luget. Non enim erat quod tibi responderem dicenti mihi, Surge qui dormis, & exurge à mortuis, & illuminabit te Christus; & yndique ostendenti vera te dicere, non erat omnino quid responderem veritate conuictus, nisi tantum verba lenta, & somnolenta, Modo, & ecce modo, sine paululum. sed, Modo & modo non habebant modum, & Sine paululum in longum ibat. Ac cum se ipsum de hoc incusat, tum quos illos fratres maiorem in modum collaudat, qui lecta Antonij vita, adeo exarserunt ad imitandum, vt ex illa hora, illo ipsos, quo legerant, loco, Dei seruitio sese consecrarint. Itaque
Cap. 6. alibi sic omnes exhortatur, Ecce, inquit, indulgentiæ dator
Ser. 59. aperit tibi ostium: quid moraris? Gaudere deberes, si aperiret
de verb. Dom. aliquando pulsanti. Non pulsasti, & aperit, & foris remanes?
 Ne ergo

Ne ergo differas. De misericordiæ operibus quodam loco scriptura dicit, Ne dixeris vade, & reuertere, cras ego dabo, cum possis continuo benefacere: non enim scis quid sequenti contingat die. Audisti præceptum non differendi, vt in alium sis misericors, & differendo in te es crudelis? Exhibe & animæ tuæ eleemosynam. Non dicimus vt tū ei des, sed ne repellas manum dantis. Anselmus quoque in eandem sententiam præclare in quadam epistola, Festina ad tantum bonum, quia nullo bono efficacius peruenies ad summum bonum, Plures vidi promittentes, & differentes, quos ita mors tulit, vt nec id perficerent, quo se impediabant, nec id inciperent, quod promittebant, Atque idem eodem loco, **Qui differt in futuram, & forsitan non futuram ætatem, suam vitam corrigere, certum bonum dimittit** prœcûldubio, & contemnendo quod perdit, probat se non amare quod expectat, & meretur non accipere. Est autem in hac quoque re magni ponderis sententia S. Thomæ vt Theologi, & talis Theologi, qui tum in Opusculo quodâ, tum in suâ Theologica, hac ipsa quæstione posita, an laudabilis sit huius consilij diuturna deliberatio, multis argumētis grauissimisque rationibus hoc, quod agimus, confirmat, obediendum esse Deo quam citissime, eiusque vocem impigre exequendam. Quamquam quid hæc ex auctoribus istis colligimus, cum præsto sit Euangelij auctoritas? Sic enim videmus Petrum, atque Andream, vt à Domino vocati sunt, continuo relictis retibus, & naui sequutos esse vocantem: sic Iacobum, sic Ioannem, sic etiam in causa grauiori Matthæum, qui præter communia vincula fratrum, ac propinquorū, humana etiam vt ait Chrysostomus, paruipendit pericula, quæ illi à principibus acciderent, & consolidatis, discessisset. Sed nihil apertius, quam cum ille, qui à Domino ad apostolatū inuitatus non quidem recusauit, sed prorogationem alicuius temporis postulauit, idque ad pium opus, vt patrem sepultura afficeret. Et huic tamen ipsi quid illa sapientia respondit? Sequere me, inquit, & dimitte mortuos sepelire mortuos suos; quod exponens idem Chrysostomus. Hoc dixit, inquit, non iubens contemnere amorem erga parentes, sed monstrans, quoniam nihil cœlestibus negotiis magis necessarium nobis videri oportet, & quod toto studio his nos applicare debemus, quamquam impedimenta, quæ obiciuntur, & maxima, & maxime necessaria, aut insuperabilia videantur. Hoc igitur idem sen-

Prov. .3.

Epist. 1.

Opus. 17. cap. 9. & 10.

2. 2. quæ. ult. art. ult.

Matt. 4.

Marc. 2.

Matt. 8.

Hom. 27

in Matt.

1.2.9.68.
artic. 1.
7. mort.
Eud.
cap. 18.

Ser. Ecce
nos reliq.

tiendum, faciendumque est omnibus, qui interiorem vocem Domini vocantis, & inuitantis, & trahentis etiam audiunt. Recte enim S. Thomas hoc quoque inter cetera, quod Aristotelis sententiam ex moralium libris inducit, ubi cum quaerit, quid sit in anima primum, ac princeps ad eam mouendam, ceterarum quidem partium ait esse rationem, rationis autem aliquid, quod sit ipsa melius, non scientiam, vel doctrinam (haec enim non esse meliora) sed Deum: pauloque post addit, eos qui à Deo mouentur, non indigere consolatione, quippe qui meliori principio gubernentur, quam sit ratio, vel consilium. Egregie vero, & luculente S. Bernardus, Quantos mundi sapientia maledicta supplantat, & conceptum in eis extinguit spiritum, quem voluerat Dominus vehementer accendi? Noli, inquit, spiritum, quem voluerat Dominus vehementer accendi? Noli, inquit, praecipitanter agere, diu considera, diligentius intueri. Magnum est quod proponis, & opus habens multa deliberatione. Experire quid possis, amicos consule, ne post factum poenitere contingat. Haec sapientia mundi terrena, animalis, diabolica, inimica salutis, suffocatrix vitae mater tepiditatis, quae solet Deo vomitum prouocare. Caue tibi ait Vt quid enim? Cum à Deo verbum esse non dubites, quid opus est deliberatione? Vocat magni consilij Angelus; quid aliena consilia praetolaris? Quis enim fidelior, quisve sapientior illo? Deduc me Domine, & deducar, fortior esto, & inualeſce. Noui ego quana sint, quae oportet fieri cito. Ab ore putei gehennae eripior; & inducias petam, & retardabor & cunctabor exire, si forte interim fiat aliquid? Abscondi ignem in sinu meo, & exusto iam latere, iam nudatis visceribus, iam sanie defluente, diu mihi deliberandum est, an expergiscar, an excutiam, an abiiciam illum? Magnum omnino est quod offertur, sed eo utique libentius, & festinantius suscipiendum, & obuiis arripiendum manibus, cum feruore, & hilaritate. Prober autem seipsum, qui de propria virtute praesumit. Nam diu na quidem omnino probata est, Amicos consulat qui non legit, Inimici hominis domestici eius. Quid frequentat Euangelium, qui Euangelio non obedit? At in eo sane legimus, promittenti cuidam sequi Dominum, sed defunctum prius patrem sepelire volenti, responsum ab eo, vt ſinceret mortuos sepelire mortuos suos. Alteri quoque tantum suis, qui in domo erant, vale dicere cupienti, Nemo, inquit, mittens manum ad aratrum, & respiciens retro, aptus est regno Dei. Hactenus Bernardus.

Luc. 9.

Verum

Verum ad has omnes moras, quas prætexit dæmon, ab-
 rumpendas, illa quoque cogitanda sunt. Primum quod ait
 S. Thomas, cum in Christo sint omnes thesauri sapientiæ, ac
 scientiæ Dei absconditi, iniuriam plane illi facere, qui illius
 audito consilio, mortalis adhuc hominis cōsiliū requiren-
 dum putet. Deinde, ut nihil aliud sit mali, ipsam per se mo-
 ram magnum esse malum, quoniam tātorum bonorum iru-
 ctu priuat, & quidē fructu itreparabili. quotquot enim dies,
 ac prope dicam quotquot horas eripit nobis ista consultatio,
 tantū nobis de lucro nostro eripit: quoniam in religione
 nullus dies, nullāve hora abit sine magno lucro. Tertiō loco
 est periculum inconstantia, ne, ut sumus omnes mutabiles,
 & fragiles, & infirmi, cedamus aliquando, manusque de-
 mus vel instanti diabolo, vel mundo blandienti, vel etiam
 ipsi carni nostræ recusanti, ac reluctanti. Semper enim na-
 uis quamdiu extra portum est, in periculo est, nec aliquid
 magis optare debet, quam ut quam celerrime in portu sit.
 Ac cetera quidem negotia, etiam si graniissima, & maxima, &
 quæ ipsum vitæ statum deuinciant, & obligent, quanto citius
 confici solent? Quis enim in prælatura suscipienda, aut in
 matrimonio contrahendo ita cunctatur? & tamen quantum
 est in altera oneris, in altero molestiarum, atque incom-
 modorum? At in religione quidem cum Deo ligamur, cu-
 ius iam naturam notam habemus, lenissimam, facillimam,
 benignissimam, & tum in donando, tum in ferendo clemen-
 tissimam. Matrimonium autem cum femina nos necit, ho-
 mine primum, deinde sexu etiam imperfectiori, qui multis
 vitiis facile, ac plerumque laboret, iracundia, temeritate,
 arrogantia, loquacitate, & aliis maioribus, ut mirum sit non
 in talem incidere. Præterea si de religionis iugo quærimus,
 id iam à tam multis exploratum est, quam multi & ante fue-
 runt, & nunc sunt in religione. Quare quid timeas, ei te va-
 do cōmittere, quod à tam innumerabilibus tentatum, & pe-
 riclitatum videas? Denique his omnibus accedunt mor-
 tis casus, qui semper omnibus impendent: de quo Augusti-
 nus, Crastinum diem quis tibi promisit? Vbi mihi legis in-
 dulgentiam recepturum, si te cortexeris, ibi mihi lege quan-
 tum victurus sis. Nescis ergo quantum sis victurus. Esto
 correctus, & semper paratus. Quid differis in crastinum?
 Quam ob causam Bernardus in epistola ad quosdam suos no-
 uitios, laudat eos, quod religionis consiliū opere exequu-
 ti essent, quia non apparebit, inquit, ultra vacua in vobis crux

*Opus. 17.
cap. 9.*

*Ser. 10.
de verb.
Dom. 10.*

Epi. 9

Christi, quemadmodum in multis filiis diffidentia; qui tardantes conuerti ad Dominum de die in diem, improuila morte subtracti in puncto descendunt ad inferos. Hæc igitur aduertere debent, quicumque Dei instinctu à seculi iactatione ad religionis quietem impelluntur. Quo enim pertinet ille vel consilij capiendi, vel experientia; faciendæ prætextus, nisi ut dæmonis laqueos ut latentem mundi aniozem honesta specie occultent, ut tarde deserant quod inuiti deserunt? quod quidem vix credi potest, quam sit periculofum, quia nihil facilius, quam ut nunquam deserant, quod tam lente deserunt. Audiant ergo isti Bernardum tam scientem, tamque harum rerum peritum, quid in simili causa ad Romanum Romanæ curiæ subdiaconum scribat, idem ue sibi scriptum, & dictum putent. Quid tardas, inquit, ipsum quem iamdudum conceperas, spiritum parturire salutis? Nil mortalibus vel morte certius, vel incertius hora mortis, siquidem tamquam fur in nocte, ita veniet. Vt prægnantibus illa die. Si superuenerit, & præuenerit hunc tam salutiferum partum, heu perfodiet domum, sanctum germen extinguet. Cum enim dixerint, pax, & securitas, tunc reueitinus superueniet eis interitus, sicut dolor in vtero habenti, & non effugient. Eia ergo festina, eai, recede, moriatur anima tua morte iustorum, quo hant & nouissima tua, horum similia.

Ep. 108. O quam pretiosa in conspectu Domini mors sanctiorum ei. Fuge quæso, in via peccatorum ne steteris. Quo modo vivere potes, vbi mori non audes. Quin etiam idem Bernardus ad alterum, qui ad studia literarum absoluenda annuas quasi inducias postularat, Obsecro, inquit, redi ad cor, & aduerte hunc annum terminum, quæ tu tibi indulxisti in iniuriam Dei, non esse annum placabilem Domino, sed discordiæ seminarium, iræ fomitem, nutrimentum apostasiæ, qui spiritum extinguat, gratiam intercludat, teporem afferat illum, qui Deo solet vomitum prouocare.

De tentatione, ex parentibus aut propinquis.

C A P V T X X X I I I.

Ep. 1. Ecce autem aliud dæmonis telum aduersus religiosam vocationem ex tepiori affectu in suos, quod in merito Hieronymus arietem pietatis appellat, quia duobus quasi cornibus ad hanc salutis munitiõem quatendam instructum est. Alterum est enim amor, & caritas illa naturalis, quæ etiam iure iis deberi existimatur, à quibus quisque ge-

nitus sit, vel qui ex iisdem geniti sint. Alterum insuper omnia complectitur, quæ à propinquis ad hanc voluntatem labefactandam adhiberi solent, preces, obsecrationes, lacrymas, argumenta etiam ex domesticis rationibus deprompta, & reliqua id genus. Contra hanc inimici nostri subdolan simul, & tamen acrem, ac vehementem (vtrumque enim hic coniunctum est, quod in aliis raro contingit) tentationem ita nos armari oportet, vt hoc teneamus certum, & fixum, cum semel de Dei voluntate, nos ad religionem vocantis consiterit, quocumque modo constiterit, quicquid deinde proponatur, quod ab hoc distrahat, aut auocet, non posse nisi à dæmone proficisci. Quare illa omnia, quæ parentes, amici, propinqui, aut alij quiuvis (omnium enim eadem est causa) in hoc genere vel loquantur, vel faciant, ita audienda, itaque accipienda sunt, vt ab illo auctore constata, qui omnibus quidem insidiatur, sed vt lauro multo magis vbi maior est præda, & de quo scriptum est, Cibum eius electus. Is enim quos per se ipsum expugnare non potuit, eos sæpe huiusmodi instrumentis, quibus, vt pote gratioribus, molliores sunt ad pectora nostra aditus, expugnauit. Vetus autem est ars ista diaboli, quæ illi ip parente nostro Adamo nimium bene processit. Nam quid interest (ait Augustinus in hac ipsa re) vtrum in vxore, an in matre, dum tamen Eva in qualibet muliere caueatur? Nam ista umbra pietatis de foliis illius arboris venit, quibus septimum parentes nostri damnabili pietate texerunt. Recte ergo Climachus. Melius est, inquit, contristare parentes, quam contristare Dominum Iesum. Hic enim nos creauit, & saluauit: ille sæpe suos amando perdiderunt. Amor Dei, ipsiusque sanctum desiderium extinguit in anima carnalem parentum amorem: qui autem vtroque amores in vno corde claudi posse putet, is se ipsum decipit. Ne te moueant tuorum lacrymæ, ne tu tibi ipsi æternas lacrymas parias. Cum te parentes, & propinqui circumdant, sicut apes, immo sicut vesperæ, plangentes, & lamentantes, tu tibi propone peccata tua, vt dolorem dolore vincas. Hæc Climachus. Sed tamen quia ab ignaris, atque indoctis naturæ ius, ipsumque Dei præceptum de parentibus honorandis sæpe prætenditur, videndum est quam hoc vim habeat. Est autem hoc pro certo ponendum ex communi theologorum sententia, nullam iis hoc genere obedientiam deberi, idque ob triplicem causam. Primam licet sumere ex B. Thoma, qui in iis, quæ ad corporis naturam per-

Abac. 8

Ep. 38-

Grad. 3:

2.2.q.
 194.47.
 vl.
 9.Eth.
 c.2.
 Lib. con-
 tra A-
 dim. c.8.
 A. 1. 1. 1.
 Ep. 3.
 Ep. III.
 Mat. 10.

tinent; omnes homines pares esse affirmat, atque in eiusmo-
 di rebus nec servum esse inferiorem domino, nec filium
 patre, ut sunt quæ vel ad corporis necessitatem, vel ad pro-
 les ingigendam pertinent. Ex quo ille efficit vult, nullam esse
 rationem, cur vllus cogi possit, ut ex alterius, etiam paren-
 tis, arbitrio vel matrimonium ineat, vel se seruet conti-
 nentem. Simile est quod ex natura principii docet Aristot-
 oteles, quicquid multa de filiorum obligatione aduersus parentes
 dixisset, ad extremum tamen quærit, num in omnibus om-
 nino officijs ita ex eorum obedientia viuendum sit, ut num-
 quam ab ea liceat discedere? Respondet autem non in om-
 nibus: nam si filius ægrotet, magis eum medico obtempera-
 re debet, et in iis, quæ ad sanitatem cõferunt; similiter; potius
 duci in iis, quæ ad bellicam disciplinam spectant. Quod si quis
 veteris legis præceptum obiciat, quo parentes honorare iu-
 beamur, respondebimus idem quod olim Augustinus Adimã-
 to hæretico, cuius impietas cõvsque eruperat, ut ob hanc cau-
 sam euangelium calumniari non vereretur, quasi Decalogo
 à Deo dato contrarium. Respondet enim, & honorandos esse
 parentes, & tamen propter annuntiandum regnum Dei nul-
 la impietate posse contemni; quoniam honor ille in suo gra-
 du seruandus est, sed in diuini amoris comparatione, præser-
 tim si parentes hãt amorem impediunt; exui, ab illicque opor-
 tere. Altera ratio est; quod cum paternum ius in liberos nihil
 sit aliud, quam participatio quadam eius auctoritatis, quæ
 est in Deo, à quo, ut ait Paulus Apostolus, est omnis paterni-
 tas, ex eo fit, ut vicaria tantum, & delegata potestate nitatur.
 Quare si ita accidat, ut aliud Deus, aliud parentes præcipiant,
 cui dubium sit; quin tunc cesset patris iurisdictio, quoniam
 eius voluntati repugnat, à quo ea accepta est. Idem enim
 ait; si Rex familiæ suæ; vel vrbi quempiam suo nomine
 præfecerit; ita deinde aliquid præfectus ille imperet, Rex
 autem contrarium. qui enim illi pareat, hic in Regem con-
 temnat, & peripso habeatur. Quam ob rem Bernardus in
 epistola, quam Helyæ monachi sui nomine ad eius paren-
 tes scripsit, sola inquit, causa; quæ non liceat obedire paren-
 tibus, Deus est, ipse enim dicit; Qui amat patrem, & matrem
 plusquam me, non est me dignus, Si me vere ut boni, & pii
 parentes diligitis, si fidelem erga filium pietatem habetis,
 quid me patri omnium Deo placere satagentem inquietatis,
 & ab eius seruitio, cui seruire regnare est, abstrahere tenta-
 tis? Vere nunc cognosco quia inimici hominis domestici eius.

In hoc vobis obedire non debeo, in hoc vos non agnosco parentes, sed hostes.

Tertia etiam causa huius est, quia si vere, quasi rationibus subductis, supputare velimus, quid parentibus nostris debeamus, tam parum nos ab eis accepisse cognoscemus ut Dei respectu verius nihil sit. Nam cum homo animam habeat, & corpus, in anima quidem, quæ præcipua in homine pars est, ac pene totus homo, constat nullam eos partem, ne minimam quidem habere: hæc enim tota à Deo creatur, nec vlla vis inest vel homini, vel etiam angelo, qua eius effectum attingere queat. Restat ergo corpus, quod etiam si totum ab homine compingeretur, tamen paulo amplius ei deberemus, quam si vestem nobis, aut instrumentum aliquod ad aliquid faciendum, aut vas ad aliquid capiendum confecisset. Hæc enim præstat corpus animæ, & certe paulo plus; quin etiã in multis eam impedit, & perturbat, & obtundit, ut ne perfecti quidem instrumenti ad omnia animæ opera peragenda vim habeat. Itaque, ut dixi, etiam si totum corpus soli nobis homines dedissent, tamen quota pars nostri illa esset? Nunc vero in ipso quoque corpore quam prope nihil est, quod parentes de suo conferunt? Ut enim si cum quis in terram spuisset, de illo sputo Deus statim vel statuam, vel aliam rem efformaret, vter illius rei auctor diceretur, Deus, an is, qui casu in terram expuerat? Sic enim Dominus Deus informem materiam ab homine excisam ad corpus conformatum adhibet: ipse fingit, ipse distinguit, ipse ex vna illius parte nervos, ex alia vero ossa, & sanguinem, & cetera membra compaginat, quæ tantum abest ut homines efficiant, ut quo modo ea fiant, & an fiant, non intelligant; quod apparet, quia sæpe cum maxime prolem cupiunt, eam tamen habere non possunt. Scite ergo Augustinus, Illis, inquit, generantibus Deus creat. Nam si tu creas, dic quid tua mulier paritura sit. Quid dicam, tu dic? Dicat ipsa, quæ quod portat ignorat. Accedit etiã illud, quod quidquid illud est tam exiguum quod illi de suo conferunt, ne suum quidem iure appellare possunt, quoniam illud ipsum à Deo accipiunt, veriùsque Dei est, quàm illorum. Bene hoc agnoscebat Bearus ille Tob, qui sui corporis, ac singularum eius partium cōfectionem ita Deo tribuebat; quasi nullius hominis opera, illius tantum manibus, digitisque; ut ille loquitur, torum in circuitu plasmatum esset. Nōne, inquit, sicut lac mulisti me, & quasi caseū coagulasti, ossibus, & nervis compegisti me, & visitatio tua custodiuit

- Esa. 63.* spiritum meum? & alter propheta, Tu pater noster, & Abraham nesciuit nos, quasi diceret, Quid nobis dedit Abraham, ut ei progenitoris nomen debeat? Omnium vero apertissime, & grauissime ipse Dominus, & Saluator noster, Nolite
- Mat. 23.* vobis patrem vocare super terram. vnus est enim pater vester, qui in cælis est. Quamquam hæc quidem omnia ad naturalem vitam pertinent, quæ vix vita, & certe si sola sit, ne vita quidem appellanda est, quoniam mortua est. Vera enim vita est illa, quæ in nobis efficit Dei gratia: in qua conferenda quis locus fuit vel patri, vel matri, quæ nos potius in peccatis, ut Dauid queritur, concepit, ut ante damnati, quam nati essemus? Quod cum adeo verum sit, hic solus erit pater noster, à quo duplicem hanc vitam accepimus, illi soli ut patri obediendum, & obsequendum, & gratificandum. Huc anim respicit illud Hieronymi præceptum ad Furiam matronam.
- Ep. 10.* Contristabitur pater, sed lætabitur Christus. Lugebit familia, sed Angeli gratulabuntur. Faciat pater quod vult de substantia sua. Non es eius, cui nata, sed cui renata, & quite gradipretio redemit, sanguine suo. Quam ob causam non solum licebit, sed etiam decebit vnumquemque religiosum ea dicere, quæ Helias ille apud Bernardum ad parentes suos sibi infestos dicit, Quid à vobis habeo, nisi peccatum, & miseriam? Hoc solum, quod gesto corruptibile corpus de vestro habere me fateor, & agnosco. Non sufficit vobis, quod me in hanc seculi miseriam miseri miserum induxistis, quod in peccato, & peccatorem peccatores genuistis, quod in peccato natum de peccato nutritis, nisi etiam inuidendo mihi misericordiam, quam consequutus sum ab eo, qui non vult mortem peccatoris, filium insuper gehennæ faciatis? Hæc igitur si cogitentur, facile erit naturalem illum affectum tenerum, ac mollem aduersus carnem, & sanguinem, cum nos à tanto bono reuocat, inhibere, multoque facilius, si illam adeo seueram Domini sententiam attendamus, Qui amat patrem, aut matrem plusquam me, non est me dignus.
- Mat. 10.*
Ser. 20.
Cant. Quam sententiam sic interpretatur S. Bernardus, ut plus propinquos diligere, quam Christum, sit propinquorum respectu, non implere quæ Christus in carne manens, verbo, & exemplo docuit. Merito autem illa benignitas adeo seueram in hac culpa præstat. Sic enim animo quisque suo representare debet, quasi duo sint, qui nos vterque ad sese vocent, hinc Christus, hinc pater. Vterque igitur amoris suum, vterque sua merita commemorat, sed longe dispari causa.

Nam &

Nam & ea, quæ Deus nobis dedit, infinito interuallo maiora sunt, & quæ pater dedit, à Deo accepit, ut daret, eaque ipsa verius dedit Deus. Ergo uterque ad se, allicit, sed ille promittendo cœlestia, quæ sunt maxima, & certissima, hic terrena, quæ minima sunt, nec in eius manu sunt, ut cum velit præstare possit. Et ille quidē, ut nihil aliud promittat, tamen cum sit ipsa pulchritudo, & ipsa dignitas, & bonitas, satis per se ampla merces est omnis nostri laboris. Homo autem quid est, ut ei adhæreamus? Non enim propter hominem sati, & creati sumus, sed propter Deum. Itaque cum Deo nos subtrahimus, cum hominis voluntatem illius voluntati præferimus, maximam quandam ei iniuriam facimus. Quod igitur supplicium, quam pœnā is mereatur, qui mortalem immortalis, tenebras luci, lutum cœlo præponere non dubitet? illam nimirum, qua nulla maior, nulla etiam iustior, & conuenientior. Non est me dignus. Nam nec grauius aliquid contingere potest homini, quam ut à Dei sui cōsortio tamquam indignus separetur, nec verò quicquam æquius, quam ut ab eo separetur, qui creaturam prætulit creatori, inuitanti præferri, seque ultro offerenti. Videamus igitur quomodo tam noxium affectum sanare conetur Gregorius, & quot mala ex eiusmodi affectu ptouenire indicet. Sicut, inquit, plerique qui non solum aliena non appetunt, verum etiam cuncta, quæ possederant in mundo, derelinquunt, semetipsos despiciunt nullam præsentis vitæ gloriam requirunt, ab huiusmodi se affectibus separant, & pene quicquid prosperitatis arripserit, calcant. Sed tamen adhuc vinculo carnalis cognitionis obligati, dum amor propinquitatis indiscrete deseruiunt, ad ea sæpe per affectum cognitionum redeunt, quæ iam & cum proprio despectu subegerant. Cūque plusquam necesse est, carnis propinquos diligunt retracti exterius, à cordis parente diuiduntur. Quo itaque isti nisi in rete ambulant, quos à præsentis seculo inchoata iam vitæ perfectio soluerat, sed inordinatus amor terrene cognitionis ligat. Hinc enim veritas dicit, Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Quo in loco videlicet dum propinquorum odio, animæ quoque nostræ odium subinfertur, patenter ostenditur, quia sic propinquos, sicut nosmetipsos odio habere, præcipimus, ut hos ad æterna rapientes, eorumque carnalem gratiam, cum præpedi, postponentes, discamus temperata eos discretionis

7. Mor.
cap. 14.

Luc. 21.

atte

arte & conuenienter diligere , & salubriter odio habere, quatenus sic sciat per amorem odium surgere, vt valeamus
Deu. 33. eos verius per odium amare. Hinc rursum per Moysen dicitur, *Qui dixerit patri suo, & matri suæ, Nescio vos, & fratribus suis, ignoro vos, & nescierunt filios suos, hi custodierunt eloquium tuum, & pactum tuum, & seruauerunt iudicia tua.* Ille etenim scire Dominum familiarius appetit, qui præ amore pietatis nescire desiderat, quos carnaliter sciuit. Graui etenim damna scientia diuino minuitur, si cum carnis notitia partitur. Extra cognatos ergo quisque, ac proximos debet heri, si vult parenti omnium verius iungi, quatenus eisdem, quos propter Deum viriliter negligit, tanto solidius diligat, quâto in eis affectum solubilem copulæ carnalis ignorat. Hæc Gregorius, & plura, quæ ad extremum ita concludit, vt licet naturalis hic affectus nos lacessat, & pungat, tamen cõprimendum esse doceat, neque ideo virtutis iter deserendum. Affert ad hoc ex scriptura exemplum in duabus vaccis, quæ ad plaustrum in quo arca Dei vehebatur, adiunctæ, mugiebant illæ quidem vitulorum desiderio, quos domi clauſos relinquebant, sed tamen ibant, nec vsquam vel ad dexteram, vel ad sinistram declinabant. Sic enim, inquit, sic necesse est, vt incedere debeant, qui sacræ legis iugo suppositi, iam per internam scientiam Dei arcam portant: quatenus per hoc, quod propinquorum necessitatibus condolent, à cõpro rectitudinis itinere non declinent.

Rectè hæc quidē, & eleganter Gregorius: sed tamen quoniam hæc omnino difficilis pugna, & anceps, & in qua multos periclitari, nonnullos etiam interdum cadere videamus, adhibeamus acriorem aliquā cohortationem, eamque non ex nobis, sed ex ijs auctioribus, quorum non eloquentia solū admiranda, sed etiam sanctitas, & auctoritas reuerenda sit. Veniat primum Hieronymus, cuius illa sunt grauissime ad
Ep. 1. Heliodorum scripta. Audi, inquit, edictum Regis tui. *Qui non est mecum, contra me est, & qui mecum non colligit, spargit.* Recordare tyrocinij tui diem, quo Christo in baptismo consepultus, in sacramenti verba iurasti, pro nomine eius non te patri paritum, non matri. Ecce aduersarius in pectore tuo Christum conatur occidere. Ecce donatium, quod militaturus acceperas, hostilia castra suspirant. Licet paruulus ex collo pendeat nepos, licet sparso crine, & scissis vestibus vbera, quibus te nutrierat marer ostendat, licet in limine pater iaceat, per calcatum perge patrem,
 ficeis

siccis oculis ad vexillum crucis euola. Solum pietatis genus est, in hac re esse crudelem. Veniet, veniet postea dies, quo victor reuertaris in patriam, quo Hierosolymam cœlestem viæ fortis coronatus incedas. Neque verò nescio, qua te dicas nunc compede præpediri. Non est nobis ferreum pectus, nec dura præcordia. Et nos per ista transiuimus. Nunc tibi blandis vidua soror hæret lacertis, nunc illi, quibuscum adoleuisti, vernulæ aiunt, Cui nos seruituros relinquis? Nunc & gerula quondam iam anus, & nutritiu secundus post naturalem pietatem pater clamat, cui nos morituros relinquis? Facile rumpit hæc vincula amor Christi, & gehennæ timor. At contra scriptura præcipit, parentibus obsequendum, sed quicumque eos supra Christum amat, perdit animam suam. Gladium tenet hostis, ut me perimat, & ego de matris lacrymis cogitabo: Propter patrem militiam Christi deseram, cui sepulturam Christi causa non debeo, quam etiam omnibus eius causa debeo? Domino passuro timide Petrus confusus scandalum fuit. Paulus retinentibus se fratribus, ne Hierosolymam pergeret, respondit, Quid facitis flentes, & conturbantes cor meum? Ego enim non solum ligari, sed & mori in Hierusalem paratus sum pro nomine Domini Iesu Christi. Aries iste pietatis, quo fides quatitur, euangelij retundendus est muto, Mater mea, & fratres mei hi sunt, quicumque faciunt voluntatem patris mei, qui in cœlis est. Si credunt Christo, faueant mihi pro eius nomine pugnaturo; si non credunt, mortui sepeliant mortuos suos. Sapiēter omnia Hieronymus, & hoc in primis extremum, quod qui in Christum credant, daturus ait operā, ut ei faueant, qui ad Christi obsequium pergit. Quare si qui non modo nō faueant, sed etiam impediāt, retineant, & omnibus artibus auocent, quid sequitur, nisi eos vel non credere, vel vix credere? Audiamus etiam Augustinum, ut simili eloquentia, & rationum

Mat. 10.
Act. 21,

Mat. 12.

Ep. 38.

pondere Lætum amicum ad sæculi contemptum virgeat. Is enim post alia multa, Nec succenseant, inquit, parentes, hoc præcipere Dominum, ut eos oderimus, quomodo nobis hoc de anima nostra præcipitur. Nam sicut nunc de anima iubetur, ut eam propter Christum cum parentibus oderimus, ita quod alio loco de anima idem Dominus dicit, in parentes quoque potest congruentissime convenire. Qui amat, inquit, animam suam, perdet eam. Dicam etiam fidenter, Qui amat parentes suos, perdet eos. Ecce rapit te studium veritatis cognoscendæ, atque percipiendæ voluntatis Dei in scripturis

in scripturis sanctis. Rapit euangelicæ prædicationis officium. Dat lignum Domini, ut vigilemus in castris, ut ædificemus turrim, de qua hominem sempiternæ vitæ & prospicere, & propellere valeamus. Rapit militem Christi tuba cœlestis ad prælium, & retinet mater. Sed quid dicit, aut quid alligat? Forte decem illos menses, quibus viscera eius onerant, & dolores parturitionis, ac labores educationis? Hoc hoc interficere verbo salutari, hoc perde matris, ut in vitam æternam inuenias eam. Hoc memento ut oderis in ea, si diligis eam, si tyro Christi es, si turris fundamenta posuisti. Carnalis enim affectus est iste, & adhuc veterem hominem sonat. Hunc carnalem affectum & in nobis, & in nostris militia Christiana ut perimamus hortatur, nec tamen ita, ut ingratus quisque sit parentibus, & eadem ipsa beneficia, quibus in vitam hanc eductus, susceptus, atque nutritus est, enumerata derideat: seruet potius ubique pietatem. Habent hæc locum ubi maiora non vocant. Mater Ecclesia mater est etiam matris tuæ. Hæc nos de Christo concepit, hæc martyrum sanguine parturiuit, hæc in sempiternam lucem peperit, hæc fidei lacte nutriuit, & nutrit, cibosque maiores præparatis, quod adhuc paruuli, & sine dentibus vagiæ vultis, hortescit. Hæc mater toto orbe diffusa, tam varijs, & multiplicibus errorum infestationibus agitur, ut abortiui iam filij eius aduersus eam infestis armis belligerare non dubitent. Ignantia etiam atque torpore quorundam, quos gremio continet, membra sua frigidescere pluribus locis, & fouendis parvulis minus ideo fieri dolet. Vnde ergo nisi per alios filios, vnde nisi per alia membra, quorum è numero es, iustum, ac debitum poscit auxilium? Huius ne tu necessitates deferens ad carnalia verba conuertaris? Nonne hæc grauioribus querelis insonat auribus? Nonne hæc cariora viscera, & cœlestia vbera ostentat? Hactenus Augustinus, & multo plura, quæ qui volet, ab ipso petat. Nos Bernardum quoque addamus in simili argumento non minus disertum. Sic enim ad Gualterum quendam doctum, & insignem verum, *Quid ad hæc respondebo tibi? Ut matrem deferas? Sed inhumanum videtur. Ut cum ipsa maneat? Sed neque ipsi expedit, ut sit filio causa perditionis. Forte ut & mundo simul milites, & Christo? Sed nemo potest duobus dominis seruire. Mater tua vult contraria tuæ, ac per hoc & suæ ipsius saluti. Elige ergo tu è duobus quod vis, aut vnus videlicet satisfacere voluntati, aut vtriusque saluti. Verum si multum eam diligis, deferere*
potius

potius ipsam, ne si Christum deseras, ut mancas cum ipsa, propter te pereat & ipsa. Alioquin male de te meruit, quæ te peperit, si propter te perit. An non propter te perit, quæ ipsum quem peperit, perimit? Et hæc dixerim, ut tuo aliquo modo carnali condescendam, consulamque affectu. Ceterum fidelis sermo, & omni acceptione dignus, ut etli impium est contemnere matrem, contemnere tamen propter Christum, pijllimum est. Nam qui dicit, Honora patrem, & matrem, ipse etiam dixit, Qui amat patrem, aut matrem plusquam me, non est me dignus. Atque hæcenus hi Patres. Sed tamen nulla nobis maior, grauiorque esse potest cohortatio in hoc genere, quam Christi Domini exemplum, qui cum matrem haberet, & talem matrem, tamen ipso anno ætatis duodecimo, triduo toto sine ea manere voluit in vrbe Hierusalem, ut ea quæ patris sui erant exequeretur. Fuit autem hoc prologium quoddam eius quod postea fecit, cum ætate iam virili eiusdem conuictum, consuetudinemque deseruit, ut se in hominum salutem curandam penitus demitteret, quo in opere dum occuparetur, cum ei nunciatum esset matrem adesse, respondit, Quæ mihi mater, aut qui fratres? Denique quod omnium maximum est, in eius ipsius oculis mortem sustinere non dubitauit, ut nos his omnibus doceret, nullo carnalium propinquorum respectu relinquendum esse virtutis, ac perfectionis studium. Itaque quantum id in omnium animis valere debeat, declarauit aliquando adulescens, Albertus nomine, ex Germania oriundus, illustri admodum familia, quippe Falchembergensis Comitibus filius, & Regi Galliarum affinitate coniunctus; ad quem missus, ut cum eius filijs Lutetia educaretur, ille contra ad cœlestem militiam animum adiecit, eamque in Prædicatorum ordine, adhuc pene nouo, aggressus est circiter annum Domini MCCCXXX. quod ubi ad patrem perlatum est, etli iam natu grandis, tenere se non potuit, quin Lutetiam cum magno suorum comitatu aduolaret, omnesque machinas, & omnes conatus ad filij (erat enim illi vnicus) voluntatem expugnandam intenderet. Sed frustra, cum Dei amor iuuenile pectus aduersus carnalem amorem, paternasque blanditias obdurasset. Illustrior autem fuit eiusdem congressus cum Theodorico consobriuo, qui dolore ardens, omnia videlicet attulit ad illud consilium labefactandum apta, lacrymas, preces, argumenta, matris denique commemorationem, quam præ animi ægritudine, aut iam mortuam esse,

Luc. 2.

*Marc.
12.*

aut

aut moribundam decumbere confirmabat. Considerant autem è regione iconis cuiusdam, in qua Christus, vt pingi solet, inter matrem, ac Ioannem discipulum in cruce pende-
bat. Tum Albertus oculos, ac digitum in eam tabulam intendens, En, inquit, Dei filius, cum matrem, & cõsobrinum, vtrumque sibi tam carum, doloris gladio confossum videret, tamen è crucis patibulo, quod facile poterat, descendere noluit, sed in ea cum suo, & illorum cruciatu vsque ad mortem permansit. Quare ne ego quidem hanc religiosæ vitæ crucem, quam semel conscendi, deseram ynquam, quamvis & matrem, quam narras, & te consobrinũ ad pedes meos exanimis iacere viderem. Quin tu potius in hanc eandem crucem mecum conscendis, téque mundi huius laqueis expedis, in quibus hæres cum tanto periculo? Quid plura? tantum valuit hic adolescentis sermo, vt eum permouerit ad idem institutum, seculo relicto, complectendum, mirante, & obstupescente tota ciuitate, eo magis, quod is antea mundanis nugis, atque omni vanitate valde obligatus tenebatur. Simile est, nec minus admirabile, quod Antoninus commemorat, cum in eadem vrbe Lutetia insignis doctor Frãcis-
næ familiæ se addixisset, matrem eius, quæ inopia haud mediocri premebatur, idque ad alia beneficia addiderat, quod illius litterariũ oriũ suarũ manuũ laboribus sustentarat, multis lachrymis, & clamoribus suam orbitatem, ac paupertatem lamentari cõpisse, actum filium, tum illius ordinis patres omnes tamquam inhumanos, atque iniustos etiam accusare. Quibus cum ille commotus, iam in proposito nutaret, & ante Crucifixi imaginem oraret, quasi veniam ab eo petens discedendi, ad matrem subleuandam, vidit è Christi latere perfosso manantem cruorem, simulque hanc vocem audiit, Ego te carius nutriui, quam mater tua: quare non me deserere debes propter matrem. quo ille & stupefactus, & ita roboratus est, vt deinceps maternas omnes vel blanditias, vel querelas facile contempserit.

In eos qui liberos, vel propinquos à religione reuocant,

C A P V T XXXV.

HA CT E N V S sic eos, qui ad religiosam vitam vocantur, confirmare conati sumus, vt ipsis animum, virẽsque adderemus aduersus propinquorum importunitatem. Nunc aliquid etiam dicendum est, quo hi ab hac importunitate deterreantur. Sic enim certior erit victoria, vt in pugna aduocatis alterius

Par. 3.
rit. 24.6.
9. § 7.

alteri⁹ partis viribus, alterius imminutis. Quid autem grauius ad hos deterrendos dici potest, quā hoc, quod vel scientes, vel nesciētes re ipsa tamē bellū contra Deū ipsum suscipiunt, tum impium, tum verō, quod necesse est, iis ipsis valde funestum? Certe enim diuinum consiliū impugnare idq; destruere quod ille ædificauit, & spargere quos cōgregauit, militesq; quos ad suū vexillū vocat dissipare, nihil est aliud, quam conspirare cū dæmone, & cū Deo bellare; quod, vt dixi, tum maximum est peccatum, tum iis, qui id audeant, sine vlla dubitatione damnosissimū. Itaque sæpissime etiam Deus iram suā in diuini modī culpa euidētib; supplicis demonstrauit. Pontianus seruus hominis feri, ac barbari, cum, vt narrat Gregorius Turonensis, diuina caritate incensus, ad monasteriū profugisset, herusque illi repetendo instaret, nec negari posset rem suam exigenti, repente excæcatus est. Itaque statim pontientia perculsus, vimque numinis agnoscens, haud grauate consensit, vt in Dei obsequio remaneret. Neque tamen lumen ante recepit, quā cū Pontianus manus imposuit, vt eo manifestius cæcitaris causa appareret. Atqui, vt dixi, hic iustum, & æquum postulabat. Est enim tum S. Thoma, tu

De vita
Patrum
c. 5.

2. 2. q. vi
ar. 6.

theologorum omnium sententia seruū alteri mancipatum inuito subtrahi non posse, quinimmo ipsum professio nis vinculum irritum, ac nullum esse, quod in aliis omnib; ita validum, & sanctum est. Sed si in mancipo reposcendo adeo offensus est Deus, eamque offensam tali poenā declarauit, non multo magis offendetur, impediendo vel cognato, vel fratre, vel etiam filio, in quem pater, quod ad hoc attinet, nihil omnino iuris habet? Ambrosi⁹, tant⁹ auctor, puellam commemorat adhuc viuētem, cum ipse hoc scriberet, nobilem, vt idem ait seculo, postea multo nobiliore Deo, quæ cum religiosa vitæ amore ad altare confugisset, instarentque propinqui, & sponsum offerendo, & diuitiarum commoda proponendo, illa semper constans, & inuicta perstiterat. Ac cū vnus præfractius vrgēs dixisset, Quid? si pater tuus viueret, an te inuictā viuere pateretur? respondisse eā, Et ideo fortasse mortuus, est, ne impedire posset. Neq; verō multum tēporis intercessisse, cum hic, qui ita instabat, morte, sublatu; est, tāq; persuasum fuisse omnib; ob hanc causam esse sublatum, vt ceteri idem sibi quisque metuentes fauere cœperint, qui antea tātopere repugnabant. Sed illud terribile, quod Hieronym⁹ his ipsis verbis cōme-

Ep. 7.

morat in epistola ad Lætan. Prætexata, inquit, nobilissima quondam femina, iubente viro Hymetio, qui patruus Eustochij virginis fuit, habitum eius, cultumque mutauit, & neglectum crimen mundano more pexuit, vincere cupiens & virginis propositum, & matris desiderium. Et ecce tibi eadem nocte cernit in somnis venisse ad se angelum terribili voce minitantem pœnas, & hæc verba frangentem. Tu ne ausa es viri imperium præferre Christo? Tu caput virginis Dei tuis sacrilegis atrectare manibus, quæ iam nunc arefcet, vt sentias excruciatâ, quid feceris, & finito mense quinto ad inferna duceris. Sin autem perseueraueris in scelere, & marito simul orbaberis, & filiis. Omnia per ordinem expleta sunt, & seram misere pœnitentiam velox signauit interitus. Sic vlciscitur Christus violatores templi sui, sic gemmas, & pretiosissima ornamenta defendit. Hæc Hieronymus. Possent autem alia afferri etiam recentia: verum quidnâ grauius, aut ex grauiori auctore producat, quàm hoc, quod modo diximus: Quare hoc positum sit, hoc peccati genus à Deo acerbis, ac præsentibus ferme suppliciis semper vindicatum esse, vt in eo quoque extet illud Apostoli Pauli, Si quis templum Dei violauerit, disperdet illum Deus. quod si in lapideum templum conuenit, quanto magis in animam ipsam, quæ sanctius templum est, & Deo longe carius? Itaque si id faciunt parentes, propterea quod filios suos diligant, usque carere durum putent, hoc cogitare debet, nulla re scilicet, quos tantopere diligunt, magis nocere posse, atque ideo non eum esse amorem, sed summum odium. Sin autem ob suum quoque commodum, aut solatium id faciunt, tamen hoc ipsum timendum est eis, ne & Deum offendant, & simul id, quod querunt, solatium, vel utilitatem non consequantur. Neque verò mirabimur tam seueris pœnis hoc à Deo scelus

Ad Gof-
fridum.

vindicari, si eius grauitatem attendamus; de qua recte Anselm^{us} in epistola quadam: Si inquit, qui separat pretiosum à vili, nempe animam à seculo, erit tamquam os Dei, ille

Hier. 15.

cuius os, & manus extrahat animam adhærentem Deo ad seculum, qui d erit? Nōne super eum cadit quod Dominus

Luc. 11.

dicit, Qui nō colligit mecum, dispergit, & qui nō est mecum,

Lib. 3

cōtra me est? Grauiissime autem Chrysostomus factum hoc

cōtra vi-

tup. vita

mon.

exaggerans, quam multa peccata in vno hoc peccato contineantur, ita colligit. Nam primus malitiæ, & improbitatis

Exod. 23

gradus est, iumenta & pecora ipsa inimicorum errantia,

vel lapsa negligere, quod lege diuina prohibebatur. Secun-

du-

dus, & maior, inimicis ipsis, si qua re egeant, non subueni- *Deut. 22*
 re. Tertius, proximos ignotos aspernari. Quartus, despice-
 re familiares. Quintus, non solum corpora, sed animas eti-
 am fratrum percunctes negligere. Sextus, ipsos filios per-
 untes negligere. Septimus, nec eos per se curare, nec alios,
 qui curent, comparare. Octauus, prohibere insuper eos, qui
 sponte iuuare illos velint. Nonus, non modo eos à salute
 arcere, sed etiam eorum salutem ultro oppugnare. En igitur,
 auctore Chr. sostomo, ad quem sceleris, ac scuitiæ gra-
 dum præpostera ista parentum caritas perueniat, vt dum
 maxime se eis consulere arbitrantur, ita noceant, vt etiam
 parricidium committant, tanto grauius, ac sceleratius, quã
 to melior est animi vita, quam vita corporis. Iure igitur S.
 Bernardus, O durum patrem, ò sauam matrem, ò parentes *Ep. IIIA*
 crudeles, & impios, immo non parentes, sed peremptores,
 quorum dolor salus pignoris, quorum consolatio mors fi-
 lij est. Qui me maluit perire cum eis, quam regnare sine
 eis; Mira abusio. Domus ardet ignis instat à tergo, & fugi-
 enti prohibetur egredi, euadenti suadetur regredi. Et hæc
 ab iis, qui in incēdio positi sūt, & obstinatissima dementia,
 & dementissima obstinatione, fugere periculum nolunt.
 Proh furor. Si vos contemnitis mortem vestram cur etiam
 appetitis meam? Si, inquam, negligitis salutem vestram,
 quid iuuat etiam persequi meam? Quare vos non potius
 sequimini me fugientem, vt non ardeatis? An hoc est vestri
 cruciatu leuamen, si me etiam perimatis, & hoc solum ti-
 metis, ne soli pereatis? Ardens ardentibus quod solatium
 præstare poterit? Quæ, inquam, consolatio damnatis, soci-
 os habere suæ damnationis? quodve remedium morienti-
 bus alios videre morientes?

Igitur parentes ne in his filiorum tam salutaribus consi-
 liis disturbandis; in tanta quæ Bernardus cōmemorat, inci-
 dant mala (quod autem ad parentes dicim⁹, ad ceteros pro-
 pinquos, & deniq; ad omnes dicim⁹) tum his, quas dixim⁹,
 rationibus se cōfirmant, tum etiam eorum fortibus exem-
 plis, qui liberorum amissionem ita cōstanti animo tulerūt,
 vt etiam Dei causa lætarentur. Cogitent in primis matrem,
 illam Machabæorum, quæ vna hora nō vnū, aut duos, sed
 septem filios perdidit, neque ita perdidit, vt licet ab ipsa
 seiuncti, viuerent, tamen, vt fit in religione, sed in ei⁹ oculis
 omnibus suppliciis, inauditq; cruciatibus lacerarētur. Et
 tamen quæ eius scribitur fuisse oratio, & quæ ad illos oēs

3. *Mach.* 7. adhortatio? Singulos illorum, ait scriptura, hortabatur voce patria fortiter, repleta sapientia, & foemineæ cogitationi masculinum animum inferens dixit ad eos, Nescio qualiter in vtero meo apparuistis; & reliqua quæ fortissime prosequitur. Cuius etiam robur imitata est in nouo testamēto Beata Felicitas, quæ totidē ipsa quoque filios sic post se timuit, vt ait Gregori⁹, in carne relinquere, sicut carnales parentes metuere solent, ne mortuos præmittant. Similis etiā huic fuit Melithonis parens, qui vnus fuit ex quadraginta martyribus, omniū natu minim⁹, & adhuc adolescēs quē cū cruribus fractis, viuentem tamen vidisset, ad cōstantiam cohortata est, quin etiam auctis ceteris, ipsa eum in humeros sustulit, & vehiculū persequuta, mortuum ceteris adiunxit. Quid verò de Abrahamo dicamus, qui, non vt mulieres hæ illatam ab aliis necem à filio non repulit, sed ipse Dei iussu propriis manibus inferre nihil cunctatus est, & quidem ei filio, in quo totam posteritatis tam optatæ, spem repositam habebat? Hic est anim⁹ fideli homine dignus, præsertim autem Christiano, hæc constantia euangelij professioni respondens, filios suos malle Deo, quam sibi obedientes esse, non, vt quotidie videmus, non modo nō ad mortem, sed ad vitam, & iucundiorē vitam eūtes omnibus dolis, atque artibus peruertere, & magnum quiddā se assequutos putare, si cuiuspiam propositum ad religiosam perfectionē aspirantis quoquo modo expugnarint. Nō ita Anna Samuelem mater, quæ cum filium, quem post multos annos steriles susceperat tandē, triennē adhuc, lacta, & gaudens obtulit sacro templo. Itaque ne Dominus quidem liberalitate se vinci passus est, qui pro vno plures liberos, quasi fœnore quodam, reposuit. Talis fuit etiā in Euangelij luce Paula illa Romana, quam propterea tantopere laudat S. Hieronymus, quia ob hanc vnā causam patriæ desiderio teneretur, vt filium, nurum, neptem renunciasse seculo, & Christo seruire cognosceret; quod etiā ex parte cōsequuta est. Talem etiā accepimus fuisse Bonauenturæ matrē quem illa adhuc infantem Franciscano ordini deuouit, cui voto is deinde satisfaciens, tantus vir euasit. Quod idē cōtiguit Andreæ illi Fesulano episcopo sanctissimo, quē cū steriles parentes à Domino impetrassent, voto factō se cum Carmelitanæ familiæ dicaturos, ille autem seculi deinde licentia pene seductus, alia omnia cogitaret. illius mater & sexū, & matris affectum vincēns, suis eum cōsiliis, & hortationibus

tionibus compulit, vt se in ipsa adolescentia Christo diceret. Sunt sane pauca huius generis exempla, tanta est hominum in hoc genere infirmitas, sed quæ sunt, satis esse possunt ad quemlibet permouendum, idq; in primis, quod de S. Bernardi matre legimus, quod etiam eo magis valere debet, vt quæ esset iã mortua, & iã in cælo, eiusque iudicium à veritate discrepare non posset. Sic enim ferunt, cum is de seculo deferendo cogitaret, idque simul ageret, vt ex fratribus, & propinquis quam plurimos secum adduceret. Andream natu minorem, noueq; militiæ spiritu ferocem, difficiliorem se aliquamdiu præbuisse, donec cœlesti viso impulsus exclamauit, Video matrem meam. Viderat enim eam, nec solus ipse, sed Bernardus quoque, læta facie arridentem, & salutari filiorum deliberationi hilariter gratulantem. Sed hæc quidem vel viuēs idem effecisset, quoniam ita semper pietatem coluisse scribitur, vt filios singulos, vt nasciebantur, in templo statim Domino offerret, itaque deinceps educaret, quasi illos non mundo, sed ferme monasterio educare videretur. Sed tamen discant parentes huius exemplo, quis sibi sensus in hac re futurus sit post mortem, tum cum illius vitæ æternitatem, huius ante mundi breuitatem manifeste intuebuntur. Quæ enim tū erit eorū poenitentia, si filiū aut filiā tāto bono priuatos in tantum malū cōiecerint? Quod igitur facerent, si, vt huic, ad filios suos adhortandos ex illa vita redire daretur, idem nunc faciant, dum hic sunt, cum ita certi esse debeant de rebus illius vitæ, ac si eam vidissent.

Deniq; si ad se ipsos in hac carnis, spiritusq; pugna robRANDOS fomentum aliquod habere desiderant, hæc attente considerent. Primum qui filium, aut etiā plures filios Deo donat, nihil ei donare, sed reddere, quod iam suū erat. Nā vt ante, à filiis ipsis præcipiebamus, vt in carnali parentum amore profligando id cogitarent, quam pene nihil esset, quod à parentibus acceperant, ita nunc parentes quoq; ipsi, ne nimio filiorum amore superentur, vtque eos facilius, & alacrius Deo offerāt, hoc idem hortandi sunt, vt meminerint, eos nō ipsorum esse, sed Dei: fere vt statua nō scalpelli, vt pictura non pennicilli, sed vtraq; sui est artificis. Itaq; cum Deus illos repetit, iure repetit, suumque exigit: & qui eos retinet, alienū retinet, quod genus est furti, vel potius ^{4. regis} crilegij: quoniā res talis Deo eripitur. De quo recte S. Gregorius, Cū, inquit, festinātes ab omnipotentis Dei seruitio ^{p. 44.}
Z z 3 incaute

incaute retinemus, illi inuenimur negare quædam, qui dedit omnia. Hoc cogitabat, atque etiam prædicabat illa, de qua paulo ante mentionem fecimus, Machabæorum mater: sic enim & se, & filios animabat. Non ego spiritum, & animam donaui vobis, & vitam, & singulorum membra non ego compegi, sed mundi creator, qui formauit hominis natiuitatem, qui quæ omnium inuenit originem, & spiritum vobis iterum cum misericordia reddet, & vitam, sicut nunc vosmetipsos despiciatis propter leges eius. Idem igitur etiam reputandum est omnibus parentibus in eiusmodi tempore. Sic enim fiet ut nihil se perdere putent, si filios propter Dei obsequium perdant. Dicant etiam sibi ipsis, Quid facerem, si hic meus filius vel morbo, vel gladio, vel casu alio, quales in hominis vitam multi incurrunt, mihi eriperetur? Autum quoque contra Deum, quo auctore hæc omnia eueniunt, insanirem? Quæto ergo & illi, & mihi ipsi hoc melius, & utilius, ut viuatur in Dei domo, quasi in obsequio tanti principis? Nam quod ad absentiam attinet, qua nonnulli torqueri solent, quod iis non fruatur, quos genuerint, & quos diligunt, primum quidem nimis muliebris, & effæminat⁹ videtur hic amor, qui digressum, præsertim tam fructuosum, ferre non queat: deinde quam multi multos annos variis ex causis suos nunquam vident, alij ut mercaturam alij ut militiam exerceant, alij etiam ut magistratum gerant, quos tamen omnes à se abesse pariuntur, & illorum quos amant, quæstus, ac commodum suis solatiis præferunt? Postremo multum etiam valent quæ à Chrysostomo de hac ipsa re tractantur, cum tam multa faciant, & perferant homines, ut filiis suis thesaurizent, eis quoque quam amplissimas opes relinquant, non posse eos ditiores ac locupletiores relinquere, quam si veræ pietatis, ac religionis studiosos efficiant: quoniam hæc diuitiæ & in vita, & post mortem firmæ, stabilesque permaneant, & possessores suos tutos, inuiolatosque conseruent. Deinde tum quemque maxime, & verissime filios suos habere, cum eos Domino tradiderit: quoniam multo eos ille melius salubriusque moderabitur, ac reget, maioremque illorum curam geret. Itaque si qui ex paterna domo à principe aliquo abducti, & alicui muneri præfecti fuerint, illustriores sunt, quam si domi consenuissent, ipsisque parentibus & honori sunt, & gaudio, quanto magis hoc eueniet iis, quos Deus ad suum seruitium euocat? Debere ergo parentes permittere ut filij sui in cælesti ministerio famulentur, non in templum

Lib. 3.
con. vitu.
at om vi.

eos introducētes, vt Anna Samuelem, sed in ipsum cœlum cū Angelis, diuino ministerio dedicandos: religiosos enim vna cum angelis Deo ministrare: ex quo etiam illud sequatur, vt multo magis ad parentum suorum gloriam, ac felicitatem conferant, quam si in seculo permāserint. Hæc Chrysostomus, & vere. Si enim esset in Christianis ea fides, & id lumen, quod ipsum Christiani nomen profitetur, non modo non lugere deberent, sed tum sibi, tum filio gratulari, quem Deus suo dignetur famulatu, cui videlicet seruire verius regnare est. Nam quid in hoc plura dicamus? Aegyptij olim quoniam crocodilum pro Deo venerabantur, si ita contigisset, vt liberorum quispiam à crocodilo deuoraretur, nefas esse putabant lacrymam mittere, quin etiam magno gaudio efferri consueuerant, eumque diem festum agere, tamquam in eo magnum beneficium accepissent. Quanta est igitur Christiani illius cœcitas, qui doleat de filio ad Dei viui, & veri obsequium euocato, cum præsertim non ad mortem, & mortem adeo miseram, sed ad vitā, & iucūdiorem vitam euocetur? Quamobrem iusta & salubris est illa S. Basilij admonitio, Cum, inquit, tam eximia *Præfat.* præmia iis proposita sint, qui Christi militiam sequuti fue- *in Asce.* rint, libenti animo patres filios suos, & matres filias suas ad eum venire patiantur, prolemque ipsi suam ad eum alacriter adducant, lætosque eos faciat spes bonorum immortalium, quorum vna cum liberis suis futuri sunt participes, eosque apud Deum patronos habere studeant. Caueamus quæso, ne nimis angustum animum in hac importuna filiorum caritate præ nobis feramus, neue nos terreāt labores, ad quos ire videntur: sed gaudeamus potius, quod tam magnam gloriam sint inuenturi. Offeramus Deo quod ab ipso accepimus, vt in laudis, ac gloriæ filiorum nostrorum societatem ipsi quoque veniamus, nos ipsos vna cum illis offerendo, simulque exhibendo. Qui enim hanc animi alacritatem ostenderint, atque hoc modo fortiter perseuerarint, iis apte conueniet illud ex psalmis, Benedicti vos à Domino qui fecit cœlum & terram, & quemadmodū Moyses orabunt, pro eis dicentes, Benedic Domine operibus illorum, frange supercilium eorum qui resisterunt ipsis.

*Responsio ad eos qui dicunt non posse se cognoscere
Dei vocationem.*

CAPVT XXXVI.

Psal. 41.

RESTAT quæstio quædã, ac dubitatio similis ei, quæ proponitur in psalmo, Multi dicunt, quis ostendit nobis bonum? Cui nos item respondere possumus quod in eodem psalmo subiicitur, Signatum est super nos lumẽ vultus tui Dñe. Sunt enim, qui eum eiusmodi consilia religiosæ vitæ parturiunt, ita sibi constituti videantur, vt Dei voluntatem, si sibi constaret, parati sint sequi, sed eam causantur non satis expresse constare; atque id quidem alij ex animo, alij autẽ potius prætextu, qui quoniã à seculi delectatione inuiti auelluntur, ea excusatione vitiũ suum obumbrant. His igitur vtrisque demonstrandũ est, non modo rem hæc non in obscuro, ac recondito positam, sed facilem, atque in

Ad cler.

c. 1. & 2.

promptu esse; quod testatur Bernardus. Plane, inquit, conuersio animarũ opus est diuinæ vocis, nõ humanæ. Nec sane laborandũ est, vt ad vocis huius perueniatur auditum. Labor est poti⁹, aures obturare; ne audias. Nimirũ vox ista se offert, ipsa se ingerit, nec pulsare cessat ad ostia singulorum. Est enim non tantum vox virtutis, sed & radius lucis, annunciãs pariter hominibus peccata eorũ, & illuminans abscondita tenebrarũ. Quæ Bernardi sententia illam quoque rationẽ habet certam, & euidentem, quod cum Deus ideo nos vocet, vt ad se accedamus, frustra vocaret, nisi ita vocarẽt, vt à nobis percipi posset. Quis enim herus seruo aliquid imperãs, quod eũ exequi velit, non ita imperet, vt ille intelligat? Magistri autem cum id spectent, vt discipulos suos erudiãt, non solũ ea afferant oportet, quæ ab illis capiuntur, sed ad illorũ quoque intelligentiam adhuc tenuent sese accommodẽt, eadẽq; si opus sit, sepius iterẽt, & inuoluta explicent: quod nisi faciant, vitio illis detur; quod quidem vitiũ nõ cadit in Deũ. Hoc ergo cum ita sit, quædã tamen veluti regulæ, ac præcepta ponendã sunt ad hæc sine errore iudicãda, si prius quid in hoc negotio maxime vitiosum, atq; damnosum sit, exposuero. Nã cum vitæ status, & ratio totius ætatis degendæ vna sit res omnium fraxima, & quæ maximo egeat consilio, tamen hoc videmus, nihil esse ferme inter homines, quod maiori negligẽtia, minori cura agatur. Ac in ceteris quidẽ actionibus huc prætermissum, siue ignoratum est quidpiam, non plus incommodi

commodi accipitur, quā quanti quæque cærum rerum est, in quibus neglectum sit aliquid. In hoc autem tamquā vitæ omnis cardine, si erratur, totam viuendi rationem aberrare necesse est. Sunt autē homines fere omnes in hoc ita oscitantes, vt ad eū se vitæ cursum applicent, in quem eos vel casus aliquis, vel tenuis aliqua occasio, siue spes cōmoditatis impulerit. Alij multitudinis iudicio abrepti ad ea ferūtur, quæ vulgo maxima putātur, & quæ ad honores, vel opes proxima via videatur: pleriq; etiam parentum præceptis, vel exēplis imbuti, ea ipsa sectantur, vtiq; in eorū moribus innati sunt, ita deinceps & adoleſcunt, & cōsenescit. Quamobrem alij ad ius ciuile, alij ad medicinæ scientiam deferuntur, aulicam alij seruitutem, vel militiam, vel mercaturam complectuntur: deniq; nihil in hac re delectus à plerisq; hominibus, nihil consilij, nihil deliberationis adhibetur, sed quod cuique libuit, aut quod maxime adamauit, id arripit, quodcumque, & qualecumq; sit, in quod primū inciderit, vel quod ei fors obiecerit. Quæ cū ita temere, ac fortuito gerantur, nil mirū est, si postquā certo genere, ac conditione viuendi se implicarint, pletosque deinde sui facti pœniteat, aut etiā si non pœniteat, innumerabiles tamen errores consequantur. Quod si homines ratione se moderarentur, id primū esset faciendum, vt cum ad pubertatem ventū esset, aut paulo post, mature dispicerent, vnum esse hominis finem, nempe æternā gloriā, eamq; ab omnibus quærendā, quo tamen cum diuersis studiis, atq; occupationibus, quæ ad humanam societatem sustentādā necessaria sunt, quasi diuersis viis perueniatur, eā cuiq; viam ingrediendā esse, ac capeſſendā, quæ eum maxime iuuare possit, vt ad finem illū beatitudinis perueniat, &, quod caput est, quæ maxime Deo domino placeat. Nam eo denique reuocāda sunt omnia. Neque enim in manu serui, cuiusmodi omnes sum⁹, esse debet, vt in domo heri sui ordinem, ac statum accipiat, quem ipse velit, sed quē herus præscribat, ac decernat. Hoc igitur, quod in illo quasi ætatis biuio, faciendū esset, si tunc non factū sit, eamq; ob causam in deligendo vitæ statu erratū fuerit (modo adhuc sit integū, nec matrimonij, vel alterius status immobilis vinculum accesserit) idem huic cōsiliū dari oportet, quod in aliis errorib⁹, vt potius corrigātur, quam diutius in iis permaneat: præstat enim, quodcumq; sit illud dispēdium, regrediendo subire, quā progrediendo longius semper aberrare.

rare. Quare tū in constituenda ab initio vitæ ratione, tum in facienda deinde, si ita opus sit, morum, institutorūq; mutatione, hæc sit regula, componendum esse animū nostrum ad eam, quæ maxima esse possit, æqualitatem, ita vt nihilo plus in vnam, quam in alteram partem propēdeat, sed hoc vnum cupiamus, Dei placitum, quodcunque id fuerit, explere. Hoc enim est in primis officium boni, ac fidelis serui, vt antea diximus, quod nisi faciat, non tam Deo, quam sibi, suæque voluntati seruit: qui autem id fecerit, is facile, tamquam nube omni discussa, Dei lumen, ac lucem accipiet. Sic enim Climachus quoque scribit, in diuina voluntate indaganda, necessarium esse nos ita comparare, vt nostra oīnis volūtas cesset, ac in neutrá partē magis vergat: nam cum ea ab omni proprio affectu penitus purgata, ac nudata fuerit, aptam fore ad Dei instinctum percipiendū.

Gradu.
20.

Altera regula est, non esse in toto hoc negotio vel expetendas, vel expectandas reuelationes diuinas, aut miracula quædam, signave extra naturę ordinem. Cuius ea causa est, quoniam cum Deus nobis lumen mentis, atque intelligentiæ in seuerit, quod fide instructum, diuinaq; adiutum gratia, satis sufficit ad omnia, quæ salutis nostræ conueniant, cognoscenda, id à nobis adhiberi, exerceriq; vult, & ipse eo nobis tamquam interprete loquitur, & indicat quę oportet. Quamobrem magnopere fallūtur, qui in ista deliberatione angelum aliquem de cœlo ad se delabi cupiunt, aut in summa aliquod eiusmodi signū diuinę voluntatis requirūt, quod nihil dubitationis admittat: quod non est faciendum, neque omnino aliud exigendum, quam ferat communis vsus, ac mos Dei cum hominib⁹. Hic autem est Dei mos, vt licet suo nos lumine adiuuet, hoc tamen sit lumen fidei, non autem apertæ visionis, ac propterea obscuritatem semper aliquam habeat admixtā. Qua in re est sane notatu digna quædam Ignatii parentis, ac Fundatoris nostri sapiens, & vera sententia, si à Deo expetenda sint signa, multo plura, & clariora expetenda esse ad retinendum statum secularem, quam ad euangelica consilia sectandar: quoniā ad consilia Christus dominus aperte hortatus est, contra vero in statu illo, in diuitiis, & honorib⁹ quæ status ille cōplectitur, magnā ostēdit difficultatem magnumque, ac certū periculū. Ex quo fit, vt si recte reputemus, reuelationes illæ, ac signa illa potius requiri debeāt ad secularem statū eligendū, quā ad religiosum. Quin etiā cum duę sint animi

animi partes, voluntas, & ratio, duo etiã esse solent genera vocationũ, alterum quo voluntas accenditur religiosæ vitæ desiderio, totumq; hominem eo rapit, sine vlla cunctatione, aut hæsitatiõne, & potius cū magna voluptate. Alterũ est, cū ratio illuminatur, vt mundi vanitatem, ac periculũ, cõtra vero religiosi status quietẽ, securitatẽ, thesaurorũque ingētes agnoscat, etiãsi affectus nõ ita inec̃sus sit, tardiusq; ac lentius rationis ductũ sequatur. Et quidẽ, si verũ quærimus, hæc optima est vocationis ratio, quæ à sapientibus viris, & harum rerũ bene peritis fortasse etiam magis probetur, quã altera illa, quæ in solius volũtatis motu cõsistit. Hæc enim certior est, minusq; erroribus patet, quoniã lumine nititur: quin etiã, vt illi iidem aiunt, aliquanto præstantior est; quoniam ratio, ac mens ea est, qua homo maxime belluis præstat, præsertim cū ad tarditatem illam, pigritiamq; volũtatis sanandã multa sint remedia, multiq; stimuli, quibus impellatur, & incitetur, meditando, & cogitãdo ea, quæ ad rem faciũt. Quod cum ita sit, valde ij quoque errant, qui vocari se à Deo non putãt, nisi eos animorum motus sentiãt, vt toti ardeant, & quasi rapiãtur ad religionem, nulla difficultate, nulla molestia. Nã & hoc naturæ nostræ cõditio tam grauis, tamq; terrena nõ patitur, vt ad res tam arduas sine labore, & sudore cõscendat, & diuinæ sapientiæ mos est, non destruere naturã, sed iuuare, nec hostem nostrum omnino perimere, vt non habeamus cum quo pugnemus, sed potius gratiã, & robur nobis suppeditare, vt pugnando vincamus: id enim nobis ipsis vtilius, & ad multa salubrius. Hoc igitur posito, quod ad hãc Dei voluntatẽ cognoscendã, mentis nostræ ratiocinationẽ, ac iudiciũ adhiberi oporteat, hãc in eo viã, ac methodũ certissimam præscribunt spiritualium rerũ magistri. Primum vt, quod ante dixi, vnum illum finem nobis proponamus, cuius causa facti, & nati sum⁹. Hic vero finis nullus est alius, quam vt Deo amando, & colendo ad æternã felicitatẽ perueniremus. Deinde, vt omnes vitæ degēdæ modos, de quibus consultatur, quasi ob oculos proponamus, singulosque accurate examinemus, atque exploremus, quid in iis insit cõmodi, quid incommodi ad finẽ illũ consequendũ, idq; demũ ex omnibus complectamur, quod tum ex sua, tũ ex nostra ipsorũ natura ad hoc aptissimũ iudicetur. Vt qui in aliquem locũ profecturi sunt, iter illud accipiũt, quod planius, breuius, ac cõmodius existimãt. Tertio vt memincri-

mus nos certissime morituros, atq; insuper rationē etiam Deo reddituros de tota villicatione nostra. Quare quod tunc se quisque fecisse volet, id nunc faciat, & quod in illa hora magno mercaretur à se electum, eligat in præsentī. Quid enim stultius, quam id committere in re tanta, cuius scias futurum vt te poeniteat, sine vllō fructu?

Sequitur tertiū præceptum, vt qui hāc Dei vocationem cognoscere, ac percipere cupiat, non putet se id consequi posse in media vanitate, & negotiationibus, ac turbis secularibus. Segreget igitur sese paululū de strepitu mūdi, vt quasi aurē admoueat, & audiat quid in se loquatur Dominus Deus suus, & ante omnia, si opus est, purget se diligenter generali omnium peccatorū confessione, quod iuuat, vt depulsis tenebris, Dei lumen ingredi possit: deinde, dedat se orationi, ac meditationi paulo diligentius, erigat cor à terrenis ad cœlestia, deniq; sistat se Deo quasi discipulum docilem, & attentū, & cupidum cœlestis huius doctrinæ. Quid mirum enim, si cum animus aliis occupatus fuerit, quasi obstrepentibus mortalium rerū curis, & amoribus, aut delectationibus, diuina illa vox exaudiri nō possit? Itaq; Bernardus ad Thomā quendā, in hoc ipso seculi relinquēdi cōsilio versantem, Tu, inquit, o carissime, huic voci Dei tui dulciori super mel, & fauū, si preparas aurem interiorē, fuge curā exteriorem, vt expedito, ac vacante interno sensu dicas & tu cum Samuele. Loquere Dñe, quia audit seruus tuus. Vox hæc nō sonat in foro, nec auditur in publico. Secretum cōsiliū secretū quærit auditum. Auditui tuo gaudiū pro certo dabit, & lētitiā, si sobria aure perceperis. Sed tamē illud hic quoq; addēdum, vt qui illuminari cupit, nō solum ad Deum, vt Bernardus monet, accedat, sed sic accedat, vt animo plane obfirmato, ac deliberato sit, se omnia perfecturū, quæcumq; à Deo audierit. Sunt enim qui nō bona fide, nec sincere agunt cum Deo, sed curiositate quadā ducti, scire volunt eius voluntatē, nō vt faciāt, sed vt sciāt, & vt aliquo modo officio functi videātur, qui quidē tātū abest, vt officio satisfecerint, vt illa ipsa maior sit culpa, tamquā serui, qui dñi voluntatem intelligit, nec tamē exequitur. Quin etiā hoc ipsū impedimento est, ne iis De⁹ lucem suā impertiat, quā se frustra impertiri videt, ac maiore etiā illorū damno. Scriptum est enim, Intellect⁹ bonus omnibus facientibus eum: quoniā qui faciūt, vel facere decreuerūt bonū, quod intelligūt, iis bon⁹ intellectus

Ep. 107.

1. Re. 3.

Psal. 110.

lectus datur; idq; monet Gregori⁹: Qui vult, inquit, audita intelligere, festinet ea, quę iā audire potuit, opere implere. *Ho. 23.*

Quarto loco hoc sciendum, quod certe in hac omni cō- *Evang.*
sultatione tum ad securitatem, tum etiam ad solatiū ani-
mi mirum in modum valet, omnem cuiusmodi instinctum,
qui hominem ad religiosam vitam impellat, non nisi à spi-
ritu sancto esse posse. Hoc docet Beatus Thomas, tum in *Cap. 10.*
libello, quem inscripsit contra retrahētes à religione, tum *2. 2. q.*
etiam in secunda parte summę theologicę, quo loco ait, *ult. art.*
qui ad religionem accedit, non posse ambigere, an à diui- *ult.*
no numine moueatur, cuius est, vt ait Propheta, ducere in *Pf. 142.*
terram rectam, cum videlicet sibi conscius sit, non se vllō
prauo fine ad hoc impelli, sed desiderio virtutis, ac diuini
obsequij. Quare quod dicitur in scriptura, Probate spiri- *1. Io. 4.*
tus si ex Deo sint, id de dubiis tantum intelligendum esse;
quod quidem locum habet in iis, quorū est ad religionem
admittere, qui cum accedentiū mentem, ac finē quo mo-
ueantur, perspicere nequeant, ij recte faciunt, quod illorū
spiritus probent, & explorent. Quin etiam hoc adiungit,
quod maius est; si ita contingeret, vt Satanās in lucis se an-
gelū transfigutans, nos ad religionem incitaret, tamen ni-
hil esse metuendū. primū quia quamdiu ea suggerit, quę
ei cū angelo bono sunt communia, nullum est periculū,
neque nos prohibemur etiam ab inimico vilitatem cape-
re, præsertim ignorantes esse inimicū. Deinde quia quam-
quam à dæmone incitemur ad religionem, is tamen solus
nūquam nos mouere possit, nisi Deus interiore vi attrahe-
ret. Ex quo concluditur, religionis propositū, à quocumq;
proponatur, ab vno Deo proficisci. Hęc sanctus Thomas,
cuius auctoritas illa etiam ratione confirmatur, quoniam *Coll. 1.*
cum, auctore Cassiano, tres omnino sint cogitationū no- *c. 19.*
strarum origines, & quasi fontes, spiritus bonus, spiritus
malus, & noster spiritus, facile est intelligere, cuiusmodi co-
gitationes de carne mortificanda, de libertate abdicanda,
deniq; de cruce suscipienda, non posse à nobis ipsis mana-
re, cum natura omnem asperitatē refugiat, atq; aspernetur.
Multo vero minus à dæmone. Quid enim illi cū castitate
perpetua, quid cū obedientia, & cum voluntaria humilita-
te, quibus nihil potest esse superbix principi odiosius? Im-
mo vero si malus hic spirit⁹ nō potest ad singulas virtutes
inducere, vt ad Dei amorē, ad maiorem fidem, vel spem,
vel ad veram, solidamque humilitatem, non magis, quam
ex glacie

ex glacie ignis, aut ex igne glacies prodire possit, quanto minus ad eam virtutem, quæ omnes fere virtutes in se vna colligit? Quod si quis hoc veretur, ne id dæmon simulatione faciat, quo deinde grauius noceat, is valde errat, & errat vt olim Iudæi, qui illud nō min⁹ inepte, quā impie Christo

Luc. 11. domino obiecerunt, In principe dæmoniorū eiicit dæmonia. Quare iis item conuenit idem Christi responsum, non posse Satanam scindere regnū suum; quod hic etiam faceret, si vitia ex hominibus expelleret, aut, quod idem est, in eum locū adduceret, vnde facile expelli possent. Neq; enim ille tā fatuus est, aut tam rudis in hoc bello aduersus animas, vt prædam, quā vnguibus iam tenet, dimittat, & in locum tam munitum, tāque sibi infestum abire sinat, & ipse vltro impellat, ea spe, vt eam deinde aliquando cū maiore lucro recipiat. Quare cū hic timor omnino inanis, ac stultus sit, eiusq; plane qui dæmonis artes parū nouerit, solus restat spirit⁹ bonus, cui tā præclari operis & initia, & progressus, & perfectio debeat. Quod si quis obiiciat, Atqui *Psal. 32.* aliqui deficiūt, retroq; abeūt, ergo hi quidē non à Deo vocati fuerāt, quoniā Dei consiliū manet in aternū; huic respondēbimus ipsis S. Thomæ verbis. Nō enim, inquit, omnia quæ à Deo sunt, æterna sunt: nā si hoc esset, corruptibiles creaturæ nō essent à Deo cōditæ, quæ fuit hæresis Manichæorū. Atq; vt hoc in natura, sic itē in gratia; hæc enim ita datur, vt dū in hac peregrinatiōe versamur, amitti possit, quoniā manet volūtatis libertas, quæ cœleste donum vt initio oblatū reiicere poterat, ne acciperet, sic acceptum abiicere. Ex quo hoc efficit S. Thomas, consiliū de ingressu religionis nō indigere probatione, vtrū sit à Deo, sed quicumque eiusmodi motū in animo suo senserit, ita eum admittere debere, vt Dei dñi, ac creatoris sui vocē, & vocem adeo salutarē. Hęc paulo fufius prosequi visum est; quoniā si hoc semel stabilitū, ac fixū fuerit, non posse tam sanctas, ac salubres cogitationes neq; ex dæmonis dolis, neque ex carnis nostrę inclinatione oriri, sed ex vna Dei Saluatoris nostri benignitate, ac liberalitate, magna siue dubio omnibus dubitādi, & trepitādi, & hæsitādi causa præciditur. Vnde etiā illud sequitur, de quo antea satis dictū est, diuturniorē quā par sit, deliberationē nō modo inutile esse in re tā certa, sed etiā periculosa, vt quæ Satanę pugnas aduersum nos proroget. Sequitur itē illud, quod idē B. Thomas præcipit, & oēs vno ore præcipiunt; cū hæc consilia agitā-

tur, non esse adhibendos amicos carnales, multoq; minus propinquos, tum quia naturali illo affectu impediuntur, ne verum videant, tum quia, vt Dñs ipse dixit, Non omnes capiunt verbum hoc; quod autem consiliū dare possint in re, quam ne intelligant quidem: Quare vt qui ædificare velit, non pictores, aut aurifices aduocat, nec qui ægrotat, iurisperitos, sed ille architectos, hic medicos, & eos quidē quā possit optimos, & peritissimos; atq; vt in aliis rebus iis utimur cōsiliariis, qui in illo genere & scientia, & vsu valeāt: ita in hoc tāto opere, quo ædificanda est illa spiritualis domus, quæ stare possit aduersus ventos, & flumina, & curatio non corporis, sed animæ instituenda, an eorū iudicium requiremus, qui partim nullū habent in his rebus iudicium, partim etiā variis, vt dixi, affectibus peruersum, & euersū? Solum igitur communicandū est cum viris probis, & vero, si quærimus, cum iis potissimū, qui antea hanc ipsam triuerunt viam, id est, cum religiosis ipsis, qui sua experientia edocti, alios quoque fideliter, ac sine errore perducere possint. Quid enim stultius, quā si vel mari, vel terra iter facturū sis, cum ducem accipere, qui numquam in vita sua iter illud confecerit, cum ad manum habeas multos, qui nihil aliud tota sua vita egerunt?

Sequitur quinta regula, non esse Dei vocationes ad vnā omnes formulā, eundemq; modū exæquandas, vt si ab illo discedatur, non ea vera, & legitima vocatio censenda sit. Ditiore enim est De⁹, & vberior in consiliis suis super filios hominū, vt eos variis modis ad sese attrahat: & homines ipsi cum variis habeāt naturas, atq; exercitationes, varios etiam habitus, & mores, ita dissimilibus quoque modis ad Deū attrahendi fuerāt. Nam vt aucupes non vnū habet rete, neque vnā escam ad aues capiēdas, sed alias aliis proponunt, vt quamque delectari norūt, sic Dominus & pro hominum vtilitate, ad eos sibi facilius adiungendos, & vt illā suæ prouidentie suauitatem retineat, ad eorū se conditionem inflectit, & accommodat. Itaq; vt Petrū, & Andrēā ē nauicula, Matthæum autem ē telonēo euocauit, quoniā hic publicanus erat, illi piscatores, Paulum autem in ipso ardore persequendæ Ecclesiæ, quoniam eo tum studio tenebatur, sic in vocationibus religiosis accidit, vt alius alia occasiōe, quidā etiā ex ipsis interdū peccatis à Deo cōuersi sint. Merito ergo Cassianus inter ceteros, multiformē hāc, *Coll. 134*
vt ille ait, Dei sapientiam admiratur, quæ salutem homi- *c. 15. 17.*
num

Rom. 11.

num multiplici, atque inscrutabili pietate dispensat, ac secundū capacitatē vniuscuiusq;, gratiā suā largitatis impertit, diuersis, atq; innumeris, & inscrutabilibus viis, dum quorūdam volentiū, atq; sitientium cursū ad maiorem inuitat flagrantiam, quosdam inuitos, nolentesq; cōpēllit, nūc vt impleantur ea, quæ vtiliter à nobis desiderātur, adiuuat, nūc verō etiā ipsi⁹ sancti desiderij inspirat principia: quam dispensationis diuinæ multiplicem largitatē cū Apostol⁹ consideraret, exclamasse, O altitudo diuitiarū sapientiæ, & scientiæ Dei, quā incomprehensibilia sunt iudicia eius, & inuestigabiles viæ ei⁹. Hoc autē ita esse, vt Cassianus dicit, facile appareat, si quis consideret quib⁹ vel loci, vel temporis opportunitatibus interdū Domin⁹ vsus sit, vt hominēs religioso huic iugo subiiceret; vt in Paulo, quē scribit Hieronymus casū in specū ingressū, quo Decij, & Valeriani scuitiā fugeret, cū aliquandiu ibi latuisset, cōpisse etiam delectari solitudine, & quod prius necessitate, deinceps volūtate fecisse, idq; tota vita tenuisse. Arsenio autē, tāto viro, Arcadij itā adolescentis, quē instituebat, causam prębuit, vt seculū fugiens totum se Dei obsequio consecraret. quare dū corporis saluti consulit, animæ salutem multo optabiliore inuenit. Quid alter ille Paulus cognomento Simplex, qui vxore in adulterio deprehensa, & illam, & domum relinquens, recta se ad Antonij scholam contulit, in qua ad summā sanctitatis perfectionē breuissime progressus est? Illud autē admirabili⁹, quod de Abbate Mutio sanctissimo, & celeberrimo viro legitur, cū gentilis esset, & latro, & ad virginū quarundam cōnobium spoliā dum in tectū ascēdisset, in ipso tecto consopitū, vidisse regem quendā, à quo moneretur, vt tandem à sceleribus desisteret: quo ille permotus, baptismum illico, deinde etiam monasticā vitam suscepit, in qua tantam adeptus est sanctitatem, vt præter alia miracula, solem etiam tanquā alter Iosue stare iusserit. De Mose autē æthiope, homine sicario, & homicida idem fere traditur, cum in vitæ discrimen adductus ad monasteriū, quod forte occurrerat, perfugisset, illic religione tactum constitisse, nec amplius discessisse. Ac Romualdum quoque casus quidā ad monasticā disciplinā, in qua adeo floruit, adduxisse videtur. Nam cum eius pater Sergius, qui item postea filij exēplo monachus fact⁹ est, propinquū, à quo capitaliter dissidebat, occidisset, in Classense monasteriū sese recepit ad aliquot dies; quo

quo loco partim monachi cuiusdam adhortationibus, partim iterato S. Apollinaris viso impulsus est ad terrena relinquenda. Itaque illa cædes à parte perpetrata, cuius ipse quoque ex aliqua parte particeps fuerat, tanti boni occasum ei dedit. Sed nihil hoc in genere tam mirabile, quam quod à Sophronio vetere, & graui auctore commemoratur, iuuenem quendam, cum nobilem virginem sepulcro condi vidisset, pretiosiore ornatu amictam, victum cupiditate, ausum esse proxima nocte tumultum subire, eamque vestimentis omnibus nudare: tum vero illam repente cum impetu surrexisse, latronisque manus tenuisse. & cum grauissima obiurgatione, ad extremum etiam cominatum, se illum numquam dimissuram, ut ibidem tabe, ac fætoe coniceretur. Sed tamen cum ille multis precibus supplex instaret, denique eam obtulisse conditionem, se ita illam relaxaturam, si sancte promitteret, se quam primum religiosam vitam suscepturum; quod non modo perlibenter promisit, sed etiam ita celeriter exequutus est, ut à sepulchro statim ad monasterium se recta contulerit, cuius abbas, Ioannes nomine, qui hunc excepit, & recenti adhuc factò, totam rem Sophronio narrauit, hoc etiam adiciebat, tam profusus illius fuisse ad se adeuntis lacrymas, ut facile tam euidentis miraculi fidem facerent. Itaque hanc quoque iustam, ac veram vocationem fuisse exitus declarauit, tam bonus tamque salutaris. Quid vero de iis dicemus, qui molestiis, aut calamitatibus domesticis, aut morbo, aut offensione vel in re, vel in fama accepta, aut aliis grauibz incommodis, animum ad religionem appulerunt? Vulgus quidem ita de his omnibus loqui solet, quasi non diuino instinctu, sed desperatione id faciant. Verum insipienter loquitur. vident enim quod foris est, interiorem autem Dei gratiam non vident. Ita igitur cogitandum est, nec paupertatē, nec morbum, nec vllam huius mundi acerbiteratē tantam vim habere, ut aliquem à seculo auellere, & ad hunc statum allicere valeat. Quod si quis id faciat, & eo fine, & modo faciat, quo debet, intelligendum est, Dei sapientiam exterius quidem illud quasi instrumentum adhibere, dum, ut hominem à rebus temporalibus abstrahat, ipsas res multo felle aspergit, intrus autem lucem suam, & veritatem suam emittere, quæ eum de illo statu deducat, & adducant in montem sanctum suum, & in tabernacula sua. Quod ita esse probari potest hoc euidenti argumento. Etenim quam multi & sunt, & semper fuerunt in

*In prato
Limon.
cap. 78.*

- eadem paupertate, in iisdem morbis, iisdemque calamitatibus, qui tamen nullam unquam de religione cogitationem susceperunt, & potius seculum obstinatius sunt amplexi? Cur ergo ex eodem naufragio illi non emerferunt, hi vero emerferunt, nisi quia à Deo adiuti, eiusque manu extracti sunt?
- Epi. 34.* Intellexit hoc Hieronymus, qui Iulianum longa, & diserta epistola ad seculi contemptum impellens, hoc quoque inter cætera affert. Cum enim ille duas filias, iunctis pene funeribus, & insuper uxorem amisisset, præterea multa rei familiaris dāna & hostiū incursione accepisset, hæc omnia Hieronymus eo refert, ut illum à Deo commoneri dicat, & quemadmodum scriptum est de Israël, plagis, & doloribus erudiri.
- Ho. 32.* Quin etiam Macharius in homilia quadam hoc sæpe euenire affirmat, ut Deus ærumnis, ac tribulationibus hominem exagitet, ut is qui nimirū terrenis rebus animo, ac desiderio inhiæret, cū omnia sibi infelicitè succedere vider, ita secum ratiocinari incipiat? Quandoquidem non possum in mundo consequi quæ volebā, ecce mundum relinquo, & ad Deū vado, ut ei vniseruiam: itaque ut gratias deinde agat de aduersa fortuna, quoniā eius occasione impulsus sit ad suauissimum Dei famulatū. Ac Cassianus quoque cum tria vocationū genera commemoret, hoc postremo loco ponit, cum vel bonorū amissione, vel carorū morte, vel aliis eiusmodi casibus ad Dominum Deum, quē sequi in rerum prosperitate contempsimus, saltem inuiti compellimur, ut Hebræi illi, de quibus in psalmo scriptum est, Cum occideret eos quærebant eum, & reuertebantur, & diluculo, id est, impigre, ac celeriter veniebant ad eum. Addit etiam, licet hic modus vocationis infirmus videatur, in eo tamen perfectos homines, & spiritu feruentissimos extitisse, illis; nihilo inferiores, qui optimo principio Dei seruitutem aggressi, reliquam vitam cum laude exegerunt. Optime vero Climachus, qui hunc quoque Domini morem esse ait, ut interdum homines bono dolo capiat, & in suam salutem deceptos inducat, eius hæc verba sunt. Non cōtemnāmus, inquit, quosdā mundo renunciantes sine sapienti deliberatione, quia spiritus quandoque pie decipit animas. Sæpe enim talis renunciatio meliori fine terminatur, quam illa, quæ fuit deliberata, sicut semen cadens de manu agricolæ ubi non vult, vberius interdum germinat, quam de industria seminatum. Vidi quosdam ad monasterium euntes non sancta intentione, sed necessitate coactos, qui deinde fuerunt capti à multa sapientia Abbatis, & placida conuersatione

satione monachorum. Hi postmodum receperunt à Deo lumen gratiæ, & perueniunt ad altum statum. Ita Climachus,

Reltat vltima regula de dignoscendis, ac iudicandis inter se religiosis ordinibus. Nam hoc quoque necessarium est, & in eo perâcri iudicio opus est. Etenim cum in religione complectenda, vt antea diximus, in vniuersum quidem errari non possit, tamen in hoc, vel illo ordine complectendo, tum nos errare, tum dēmon multas nobis tenebras offundere potest. Sæpe enim perfectionis desiderio flagrantes eo se ceciderunt, vbi perfectio minime vigeat, vt illorum desideria euanescant, sæpe etiam præpostero quodam seruire inflamat, vt plus oneris suscipiant, quam corporis vires ferre queant; & in summâ ad hoc omnes eius insidiæ nituntur, vt modo ad nimium, modum ad parum impellat. Quare ne in instituti quo, uel defectu vllus error contingat, duo sunt videnda, primum vt sit ipsum, quam maxime perfectum, deinde vt perfecte, & exacte seruetur. Nam licet aliqua familia sanctissimas habeat constitutiones, ac decreta, si deinde eis non pareant, vel pauci pareant, id quidem parum prodest, nec debet vllus ita sibi confidere, vt se multitudini resistere posse speret, & cæteris errantibus rectam viam tenere. Itaque non tam illud videndum, quis sit antiquior ordo, aut etiam ob res olim gestas, vel ob antiquos patres nobilior, & clarior, sed quis in præsentī sanctior, ac regularum suarum obseruantior, & præsertim illius primæui spiritus, quo quisque ordo fundatus, ac ceptus est. Cuius si signa aliqua, ac veluti indicia quærantur, hæc esse poterunt. Primum, si rerum omnium communitas exacte seruetur, nemo vel pecuniam, vel aliud quicquam proprium teneat. Alterum, si floreat caritas, & cōcordia, nulla sint iurgia, aut contentiones, animorumq; dissidia. Tertium, si procul absit ambitio, & honorum affectatio, potiùsque hæc munera in speciem honorifica declinentur. Quartum, obedientia in superiores incorrupta seruetur, neque vllæ in ea exceptiones, aut limitationes introductæ sint. Quintum: si sit quam rarissima cum carnalibus propinquis communicatio, eaque vt debet spiritualis. Denique, si animarum zelus conseruetur, eaque causa nullus labor, nulla fatigatio defugiatur. Hæc sunt potissima, & maxima. Accedunt deinde alia minora, nec tamen contemnenda, cuiusmodi est, præter cætera, ipsa ordinis amplitudo, si copiosius sit & magnus, multâque in partes diffusus, & multas, ac varias nationes complexus. Sic enim & doctrina, ac pru-

dentia vberior efficitur. & maiora suppetunt ad res gerendas adiumenta, & quo maior hominum copia, eo etiam maior copia bonorum operum, ex quorum mutua communicatione ampliores etiam consequuntur fructus. Idem enim euenit quod in flamma, vt quo maior sit lignorum copia, eo maius confletur incendium, cuius incendij vis in singula etiam ligna redundet, vt facilius, & celerius, & magis etiam ardeant, quam si separatim quodque arderet. Sed hoc quidem quodcumque est, extrinsecum est: illud essentiam attingit quod paulo ante dicere coepit de ipsius instituti perfectione; cuius perfectionis, quoniam in tanta varietate multi sunt gradus, si eorum inter se contentio, & comparatio facienda est, nimirum adhibendus est auctor Beatus Thomas, qui hanc ipsam questionem ita dissoluit. Vltima, inquit, rei perfectio in sui finis consequutione posita est.

*Opus. cōt.
imp. reli.
cap. 1.*

Quare ex duobus potissimum spectanda est instituti cuiusque religiosi maior perfectio, primum si finem habeat nobiliorem, deinde si instrumenta ad eum finem consequendum aptiora. Nam quæ præstantibus operibus diriguntur, illa etiam præstantiora sunt iudicanda: & quæ his operibus efficiendis tum plures, tum efficaciores continent rationes, eadem etiam meliora sunt, & præferenda. Sed tamen quia nemo potest nouam vitam inchoare, nisi cum veteris vitæ poeniteat, & ob hanc causam qualibet religio, per quam scilicet homo nouam vitam aggreditur, quidam poenitentia status est, ideo tertia quoque comparatio fieri potest in paupertate, & asperitate, ceteroque eiusmodi rigore. Sed tamen priorēs illæ duæ comparationes cum religionis natura, & essentia magis coniunctæ sunt, atque ex his magis, vel minus perfecta existimanda est; tum quia perfectio vitæ magis interiori iustitia, quàm in exteriori abstinentia, collocanda est; tum quia hæc austeritas maior bona, & maxime in proximum, impedire potest. Hæc fere sanctus Thomas, quæ breuiter, & vniuersim dicta, ad vniuscuiusque ordinis dignitatem æstimandam facile applicatur.

*Lib. 6. in
lib. regu.
cap. 2.*

Quod autem extremo loco dicit de austeritate, idem confirmari potest auctoritate Gregorij alio loco à nobis ipsis allata, vbi ita dicit, Longe altioris est meriti, propriam voluntatem alienæ semper voluntati subicere, quam magnis ieiuniis corpus atterere, aut per compunctionem se in secretiori sacrificio mactare. Verum vt ad beati Thomæ regulam

regulam de æstimanda religionum dignitate redeamus, ad eandem regulam pertinet quod alibi ab eodem Doctore scriptum est, primo loco eas collocandas, quæ ad docendum, & prædicandum referuntur; quoniam cum eiusmodi opera ex abundantia contemplationis promanent, utrumque bonum, tum contemplationis, tum actionis, coniunctum complectuntur. Secundo vero loco eos ordines ponendos, qui solam retineant contemplationem, tertio qui solam actionem. In his autem ipsis generibus, & quasi classibus, præstare illos, qui ad plura diriguuntur, & aptiores regulas, ac leges habent, ut si ad proximum iuvandum pluribus, & melioribus adiumentis nitantur; quod idem de aliis dicendum est.

2.2. qua.
188. art.
d.

Postremo loco ille quoque quorundam error refellendus est, qui in instituti delectu eos ordines refugiunt in quibus propter illustrium hominum copiam, se minus illustres fore putant, eo inclinant, ubi propter doctrinæ, & aliorum eiusmodi bonorum inopiam, se videlicet regnatos sperant. Inepta prorsus, & stulta ambitio, in ea præsertim re, in qua omnium minime decet. Itaque ad eam explendam non multis est opus. cum sufficiat indicasse, sed Anselmi tantum tam insignis viri, auctoritatem afferam, cui ipsi quoque de certo loco ad profitendam vitam monasticam deliberranti, cum duo occurrissent monasteria, Cluniacense, in quo nulla erant literarum studia, & Becense, quod erat celebri opinione doctrinæ, ab illo quidem retrahebatur, quoniam cum nullam ipse litteris operam dedisset eam omnem perdi videbat, ab hoc vero contra, quia verebatur ne inter tot doctos nullo ipse loco esset. Et ille quidem hæc secum eotempore, quo, ut ipsemet postea hæc narrans, confiteri solebat, nondum esset edomitus, nondum in eo vigeret mundi contemptus. Sed tamen in se reuersus, *Quid*, inquit, an monachus esse, est aliis præponi velle, & honorem quærere ac nominis celebritatem? Illum ergo potius locum delige ubi omnibus propter Deum postponaris, ubi obscurus, omniumque infimus iacens. Hoc igitur consilio, quod erat à diuino spiritu, Becensem prætulit familiam, sed alio quam ipse putarat euentu. Nam inter doctos esse non modo nihil offecit eius doctrinæ, sed hoc insuper contulit, ut doctior ipse effectus, multo magis enituerit, quam in ipso seculo; quod omnibus fere euenire solet.

EXpositis iam religioſe vitæ tantis opibus, tantisque vtilitatibus, & commodis, perſpecta etiam tam excellenti eius dignitate, ac ſplendore, non ſolum in Dei oculis, ſed hominum quoque ac demum adiuncta tanta ſuauitate, & voluptate, quantâ nulla omnino terrena habere poſſit, videamus nunc quid hæc omnia in eius animo efficere debeant, qui tot tamque ingentium bonorum participem ſe effectum videat, idque à Deo, qui ſolus huius muneris auctor eſt. Etenim ſi vel ſola vtilitas, aut in ſolo vtilitatis genere vnum duntaxat beneficium, vnumve lucrum magni æſtimari deberet, præſertim æternum, quid erunt tam innumerabiles vtilitates, quid erit cum his vtilitatibus addentur etiam illæ tot cauſæ ampliſſimæ, ac veriſſimæ dignitatis, denique coniuncta etiam tanta ſolatorum, gaudiorumque copia? Videtur enim dominus Deus feciſſe in hoc tanto opere gratiæ idem, quod in præcipuis naturæ operibus, ſiue quæ ad cuiuſque indiuidui, ſiue quæ ad generis conſeruationem pertinerent, vt in ijs præter neceſſitatem, magnam quoque voluptatis illecebram permiſceret, vt in tali munere natura numquam ceſſaret. Sic enim hanc viuendi formulam tam ſalutarem inſtituit, vt etiam ſi auſterior, amariórque eſſet, tamen vt medicina, propter ingentes fructus valde ſit appetenda: & ruruſus eam tantis conditiue lætitijs, vt etiam ſi non adeo fructuoſa eſſet, tamen propter vnâ dulcedinem maxime amanda, & omnibus mortalibus rebus anteferenda ſit. Quæ cum ita eſſe totis his tribus demonſtratum ſit, quo tandem animo à nobis viciffim tanta, & tam ſalubris res excipienda, ac fruenda erit? Mihi quidem tria præcipue poſtulari videntur, quæ multa deinde alia comprehendunt, primum gratia pro tanto beneficio, deinde ſtudium perfectionis quotidie augendæ, denique accuratiſſima, & exactiſſima cuſtodia tam diuitis, tamque pleni theſauri. Primum igitur, vt dixi, beneficij magnitudo animum à nobis poſtulare quàm gratiſſimum. Nam ſi in leui quouis munere, quod homo ab homine accipiat, rullici videatur, ita accipere, vt non aliqua gratiarum actio reddatur, quanto magis in re tanto maiori, ac diuiniore, quæ à Deo accipiat, cuius ea eſt dignitas, vt minimum quiduis ab eo acceptum,

tum, maximum videri debeat? Sed in hoc animo, quem dixi, grato, multa insunt. Inest enim cognitio, inest memoria, deinde amor, ac benevolentia, denique etiam gaudium, & quidem perpetuum. Nam nisi cognoscas, & intelligas, quod datum est, ingratus sis: si autem cognoscas, sed cito obliuiscaris, tamen us ingratus. Quod si cognoscas, & memineris, necessario summam in Deum caritatem incendi oportet, quoniam non potest non amari, qui tam bonus, & nobis ipsis tam bonus perspicitur. Et qui illius liberalitate ita se diuitem, & ornatum videt, non potest non gaudere, & magnopere latari. Sed quoniam hæc omnia ex illo fonte procedunt, si quam grande sit beneficium perpendamus, ita omnino cogitandum, itaque apud nos statuendum est, hoc summum esse, & maximum, quod à Deo in hac vita accipere homo possit. Quid enim amplius expetatur? an honores, an opes, aut doctrinam, aut dicendi copiam, vel etiam rotius orbis imperium, ac possessionem? At hæc quæcunque sunt, temporalia sunt, & ideo parua, & caduca. Illa vere magna, quæ apud Deum magna sunt, ut sunt spiritualia. Ex his autem spiritualibus, quæ virtus, aut quod bonum est, quod non congestum sit in statum religiosum, ut qui eum teneat, omnia simul teneat? Hoc enim illud est quod Bernardus quodam sermone adeo commendat. Et prius quidem, inquit, te cum ceteris, & inter cetera creauit, non sine magna prærogatiua dignitatis. post hæc vehementissimo tui amore inflammata maiestas illa redemit te. Numquid verbi facilitate? Non, sed triginta annis operatus est salutem tuam in medio terræ, affixus cruci, additus morti, ludibrijs depuratus. Adiecit autem erga nos speciale quoddam, quod de lata nos, & spatiosa via, quæ ducit ad mortem, digito suo traxit, & posuit in concilio iustorum & congregatione. Quid ultra debuit facere, quod non fecit? Cuius vel saxeum pectus tanta, & talia à tanto, & tali collata beneficiorum multitudo non emolliat? Recte igitur Bernardus, qui a religiosis memoriam tantorum munerum, eamque gratam, & caritate inflammaram, postulat. Cogitemus quam Deus memoriam suorum beneficiorum à veretibus illis Iudæis exigebat, quibus ex Ægypti seruitute liberatis, pro tantæ rei monumento paschatis celebratam tot ritibus, tot ceremonijs consecratam indixit, nec fere vllum insignius beneficium conferebat, cui recolendo certum aliquem in anno, solemnemque diem non destinaret. Nos, igitur, nos quoque de Ægypti, id est, de mundi huius tenebrosi,

*Ser. 2. de
ver Ap.
Non est
regnum
Dei.*

& laboriosi ergastuloliberati, nos in deserto, ut antea diximus suauissimo manna pasci sumus, nos etiam legem in dispositione angelorum accepimus, nimirum leges scriptas, & Dei voluntatem, quæ quotidie rectorum nostrorum lumine, quasi interprete nobis innotescit. Quanto ergo iustius est, in nobis quoque nostri huius beneficii recordationem iugè, ac perpetuam vigere? Quin etiam ut Deus illorum, quæ attingi, veterum beneficiorum commemorationem non cuius temporis sed diebus festis illigauit, tamquam hoc indicans, eam commemorationem festiuam, & cum gaudio agi velle, sic in nobis etiam oportet hanc vocationis nostræ cognitionem semper hilarem, ac lætam, & omni iucunditate plenam esse. Quid enim est, quod religiosum contristare possit, si suam norit felicitatem? Etenim quicquid est incommodi, quod ei contingere possit, nihil est, si comparetur cum ijs gaudijs, quibus hic status refertur est. Cum Anna sterilitatem suam lugeret, sic eam Helcana vir eius consolatus est, Anna cur flet? & quamobrem affligitur cor tuum? Nunquid non ego melior sum tibi, quam decem filii? Hoc igitur si homo homini dicebat, multo magis poterit Deus, qui si possideatur, ut certe in religione possidetur, pluris est vnus, uam res omnes creatæ, isque vnus omnium rerum amissionem abunde compensat. Itaque ex hoc etiam illa animi altitudo enascitur, qui cum omnia abiecerit, eamque ob causam omnia contemplerit, & contemnat, nihil deinde vel tam pulchrum in terris esse potest, cuius amore illicitatur, vel tam durum, cuius metu terreatur. Itaque hoc primum sit, si vere esse volumus, qui debemus, & quos Deus esse voluit, numquam nos in gratiis Deo agendis defatigari oportere, & quoniam nec agere pro dignitate, ac ne habere quidem licet, habendas tamen esse, quantas maximas animorum nostrorum imbecillitas capere potest, & hoc saltem agnoscendum, & conitendum, ita nos cœlestis huius muneris amplitudine superari, ut ne cogitanda quidem gratia pares esse valeamus.

Sed hæc quidem ranti beneficii æstimatio, si vera sit, illud quoque alterum, quod supra attingimus, in nobis efficiet, ut summa quadam, ac perpetua perfectionis adipiscendæ cupiditate ardeamus, idque ita, ut eo semper omnis nostra cogitatio, & vires omnes connitantur. Primum enim hoc à nobis postulat Deus, cuius voluntas est sanctificatio nostra, postulat etiā ille eius amor, qui cum in nos adeo effusus, ac profusus fuerit, nullo alio modo ei cumulati⁹ respondere possumus,

quatin

quam amando, & ita nos ornādo, vt ab eo quū maxime amari mereamur. Deinde postulat & status, in quo sum⁹, qui nihil aliud est, quam virtutis, ac perfectionis professio. Itaque vt in militia turpe est, esse ignauium, aut in schola, esse indoctum, idq; homines sibi probo ducunt, ita in hoc loco, vbi vnū hoc viget pietatis, ac sanctitatis studium, turpe est esse imperfectum, aut tepidum: quod Dominus in Apocalypsi exprobat. Denique sunt etiam duo illi stimuli ad omnes religiosos excitandos aptissimi: primum quod quicquid à nobis toto hoc volumine vel vtilitatum, vel etiam voluptatum tam ingentiū descriptum est, inest illud quidem, plus etiam, quam a nobis describi potuit, in religioso statu, sed ita, vt tamquam aurū, quod in terræ venis lateat, aliquo studio, & industria eruendum sit. Quis enim est ille ager, qui, vt valde ferax sit, ac fertilis vllum tamen fructum asserat, nisi scindatur, seratur, & omnis reliqua cultura adhibeatur? Sic igitur istæ religionis opes, & commoda, etsi per se adeo magna sunt, enim tamen animum requirunt qui ea norit, & magni æstimet, & quod hinc sequitur, ijs auide vtatur, & pro ijs quotidie augendis elaboret. Alter stimulus est facultas ipsa, & commoditas huius perfectionis consequendæ, omnibus videlicet detractis impedimentis, omnibus contra additis adiumentis, tanta interioris gratiæ copia, tātō influxu cœlestium munerum, vt nisi perfecti, & sancti simus, nihil nobis præter nos ipsos defuisse videatur. Itaque ad nos pertinet illud Apostoli dictum, quo dicto vtrumque nobis ante oculos ponitur, & magna, si hoc faciamus, felicitas, & si nō faciamus, summa miseria. Terra, inquit, sæpe venientem super se bibens imbrē (vbi autem frequentius pluunt isti cœlestes imbres, quā in religione?) & germinans herbā opportunā illis, à quibus colitur, accipit benedictionem à Deo: proferens autem spīnas, & tribulos, reproba est, & maledictō proxima, cuius consummatio in combustionem. Sed auerter Dominus maledictum hoc à nobis, ac potius vberem gratiam dabit, vt, quod idem Apostolus alibi hortatur, quoniam eramus aliquando tenebræ, nunc autem lux in Domino, sicut filij lucis ambulemus, fructūsque lucis edamus in omni bonitate, & iustitia, & veritate.

Apor. 3.

Heb. 6.

Eph. 5.

Restat tertium, quod diximus, vt omne nostrum studium, omnis diligentia, omnisque cura defigatur in tam ingenti bono. retinendo. Neque vero hoc vlla confirmatione indiget. Sequitur enim ex ipsa tam magni boni noticia, nam qui ad semel cognouit, citius mortem millies oppetat, quam id

Ep. III.

dimittat, aut id ab aliquo sibi eripipatiatur. Et in summa nihil omnibus religiosiis ita horribile, aut luctuosum, nihil tam formidandum, & execrabile videri debet, quam excidere tali statui, exui tantis bonis, & quasi Adamum de paradiso ejici. Id enim nihil aliud est, quam, ut ait sanctus Bernardus, rursus in naufragium, unde nudi euaserant, reuocari, rursus in ignē, unde vix semiuisti exierant, relabi, rursus in latrones, à quibus semiuivi relictī fuerant, sed miserrante Domino iam conualuerant, recidere: & militem Christi prope iam raptō cœlo triumphantem, ab ipso iam introitu gloriæ, tanquam canem ad vomitum, tanquam suem ad lutum redire.

Ses. 35.

Cant.

Itaque recte etiam idem Bernardus id quod quasi minitando Sponsæ dicitur, Egredere, & abi, sic intelligit, ut nihil validius, & efficacius ad terrendum, religiosæ animæ à Deo dici possit. Quod & tu, inquit, advertere potes, si bene attendas, unde, quo egredi iubeatur. Unde enim, quo putas, nisi de spiritu ad carnem, de bonis animi ad seculi desideria, de interna requie mentis ad seculi strepitum, & inquietudinem curarum exteriorum, in quibus omnibus non est nisi labor, & afflictio spiritus? Quæ enim anima semel à Domino didicit, & accepit intrare ad se ipsam, & in intimis suis Dei præsentiam suspirare, talis, inquàm, anima, nescio an vel ipsam gehennam ad tempus experiri horribilius, pœnaliusue ducat, quam post spiritualis studij huius gustatam semel suauitatem, exire denuo ad illecebras, vel potius molestias carnis, sensuumque inexplebilem repetere curiositatem. Hæc Bernardus, quæ eadem dicunt vno consensu omnes spirituales auctores. Etenim ut qui ex aliquo loco præceps cadit, quo is locus, unde cadit, altior fuerit, eo grauius colliditur, ita qui ex religioso statu, qui sine dubio editus est, & arduus, præcipitat, eum necesse est totum frangi, eiúsque omnes animæ vires conuelli, comminui, ac dissipari. Hoc enim est sal illud infatuatum, quod sapore amisso, quem & sibi, & alijs condiendis acceperat, ad nihilum valet ultra, ideoque nihil restat aliud, nisi ut mittatur foras, & conculcetur ab hominibus. Iusta omnino, & vera pœna, ut quem antea status ipsius dignitas inter alios homines efferebat, ac venerabilem efficiebat, idem eo ornamento detracto, æqualis primum alijs hominibus reddatur, deinde hoc etiam abiectior, quo maior eius culpa, eamque ob causam despiciatur ubique, hominūque linguis, ac probris tamquam pedibus obteratur. Quid autem faciunt hi, qui breui, ac fluxa huius

Mat. 5.

rundi

mundi voluptate illecti, tantum Dei beneficium sponte deserunt, nisi quod olim improbus, & reprobus Esau, qui primo-
Gen. 25.
 genita sua vendidit, insuper etiam abiit contemnens, quod ea vendidisset? Quo autem pretio vendidit? Vna lentis scutella. O miserum, & cæcum, qui simul cum esca illa tam vulgari, tamque vili, tam copiosam hæreditatem vno momento deuorare, paternamque benedictionem, omnia primogeniti iura perdere in animum induxerit. Verum ille quidem, qui tum hoc parui duxit, venit postea tempus, cum id damnum clamore magno irruens, deplorauit, sed sera, atque inani pœnitentia. Simillime igitur, si seculares religiosis comparentur, sunt quidem vtrique Dei filij, sed hi primogeniti, qui & maiora nunc bona spiritualia in ipso statu acceperunt, & deinde, si statui conuenienter vixerint, maiorem etiam cœlestis illius hæreditatis portionem acceperunt. Quæ igitur amentia est, tantam spem, tot præsentia, tot futura bona, tot vtilitates, & delectationes, denique tam multas, tam magnas benedictiones, quas si alius eripere vellet, vitæ ipsius oppositu tuendæ essent, abicere, & profundere, propter vnius infelicis, eiusque abiectissimi cibi intemperantem cupiditatem? Quantas vero lacrymas, & quantos luctus in hac vita afferet aliquândo illa breuis, ac momentanea delectatio sempiterno dolore empta? Quid autem dicemus de iniuria, quæ Deo fit, cuius pactum violatur, obsequium deseritur, inilitia repudiatur, cuius familiaritas, & intima consuetudo mundi amicitia, ac rerum caducarum amor aperte posthabetur? Hæc igitur causa est, cur cum maiestas illa aliorum scelerum pœnas futuro seculo reseruare soleat. hoc tamen scelus præsentibus etiam pœnis, ut plurimum, vindicari videamus, ut fere qui sic labuntur, vel semper miserrimam vitam ducant, vel cito miserrimam mortem obeant: ut ille, quem in fratrum Minorum historijs legimus, annu circiter M C C L X. qui à Satana victus, cum ordinem, & domum deseruisset, sequuti sunt eum fratres duo caritate adacti, ut reditum persuaderent, quorum is consilia dum obstinatissime reijceret, arrum canem misero illi imminentem viderunt, eoque spectaculo territi exclamare cœperunt, ut caueret à tam intormi bestia: is verò eo magis insaniens, habitum exiit, procul abiecit, in fugam se dedit. Ecce autem, paucis confectis passibus, monstrum illud, quod hætenus dum habitum gestaret, nocere non potuerat, potestate ruin accepta, in eum insiluit; & ad terram detractum strangulauit, tam subito, ut fratres

In lib.
Scala
cæli.

fratres illi accurrentes, mortuum iam repererint. Atque alia quidem similia pene innumerabilia in omnibus ordinibus contigere, vt de vno Carthuliano Dionysius integrum fere librum scripserit, plenum eiusmodi calibus funestis, & mirabilibus: & nos si ea modo, quæ in hoc nostro ordine contingere, narrare velimus, iusti voluminis res sit, quod fortasse aliquando conficietur. Libet tamen pauca attingere non antiqua, sed recentissima, nempe à biennio, aut paulo amplius. Primum enim hoc constat, cum duo Societatem nostram reliquissent, in qua quandiu vixerant, alterum paulo post aliquot plagis occisum esse, alterum robustissimum, & integerrimum, in ipso iuuentutis flore, feбри extinctum, in cuius cadauer, cum efferreretur, quidam item è nostris incidens, quem eo ipso tempore dæmon ad defectionem sollicitabat, ita est exterritus, vt statim omni tentatione abiecta, in religionis cursu confirmatus sit. Tertius etiam nouitius à propinquo seductus, post dies paucissimos, quos, vt excecatus, in popinis, & compotationibus, & in omni licentia egerat, cum inter alios multos vna cum suo seductore ad manus cum inimicis venisset, in tanta gladiatorum euagatione, hi duo soli vulnus acceperunt, quod initio quidem, vt videbatur, leuissimam, postea tamen ita intruduit, vt vtrumque extinxerit, & quidem eodem die, sed non eodem euentu. Nam qui vocationem reliquerat, vt pote nocentior, subito vocem, ac sensum perdidit, itaque mortuus est, vt neque confessione expiari, qua sane indigebat, nec alijs sacramentis muniri potuerit. Ac eodem pene tempore alius in media iuuentute validis febribus consumptus, quamquam sacramentis omnibus acceptis, vociferari tamen non cessauit, se damnatum esse, à quibus clamoribus nullius adhortatione deduci potuit. Fœdius verò, & miserius alter, qui non toto anno post hunc nostrum ordinem desertum exacto, plumbea glante traiectus interiit. Nec minus miserabile quod sacerdoti contigit, qui cum in eadem esset causa, à suo ipsius villico propter zelotypas quasdam suspiciones ligone mactatus est: & alteri, qui in insaniam versus in communem cisternam se proiecit; ex qua post biduum casu extractus, & agnitus, totam eam ciuitatem consternauit, nemine dubitante, quin id euenisset ob vocationem relictam. Denique eodem fere tempore alius quoque, qui à Societate hac nostra adhuc quidem nouitius detecerat, ita deinde flagitijs mergi cœpit, vt ad extremum infami supplicio sit affectus, quo cum ducendus

cendus esset, post peractam cuidam nostro confessionem, multa etiam addidit in dolore, se ipsum incusans, quod Paradisum hunc (sic enim appellabat) reliquisset; ubique visum esse cum religiosam vestem exuit, Christum exuisse, simulque peccatis omnibus ianuam in se patefecisse. Atque hi omnes quos dixi, ita recentes, & noti sunt, ut hanc ob causam nominibus ipsis parcendum putem, ne mortuis infamia addatur. Itaque quid ex aliorum scriptis tristes horum exitus repetamus, cum ante oculos habeamus adeo frequentes, & adeo horribiles? Alios enim sponte omitto, ne longior sim in tam luctuoso argumento. Multum tamen hec valent ad hoc ostendendum, quantopere Deus ista, quam dixi, iniuria offendatur, & irritetur, quando eam tam presentibus, tamque atrocibus poenis ulciscitur.

Quod tamen non mirabimur, si cogitemus quantum sit peccatum, Dei seruitutem deserere, cui etiam sacramento sis obligatus, ut ad seculi vanitatem, & ad mundi seruitutem te referas. de quo peccato præclare Basilii, Qui se ipsum, *Re. fus. cap. 14.* inquit, Deo semel deuouit, hic si deinde ad aliud vitæ genus transierit, sacrilegij scelere sese obstrinxit, quippe qui se ipsum Deo, cui se consecrauerat, subterfurus sit. Idemq; alio loco *Cō. mon. cap. 22.* vberius. Illud, inquit, certissime tenendum est, cum qui semel spiritualis fratrum societatis coniunctione se deuinxerit, ab ijs sine scelere abscindere se, & segregare non posse. Si enim homines ubi se semel in coniunctionem fragilis huius vitæ dediderunt, ab ea se amplius præter inita inter se fœdera separare nequeunt (alioquin qui id facit, is statutis poenis sit obnoxius) sine dubio multo magis qui spiritualis conuictus fœdus inierit, cum ea vnio indissolubilis sit, & perpetua, non licebit seiungere se, ac præcidere ab ijs quibuscum vnui veluti est corpus effectus. Alioquin si hoc facit, grauissime se à Deo constitutis supplicijs addicit. Si enim mulier ad viri societatem matrimonij lege prouecta, & vna cum eo copula carnali coniuncta, morte mulctatur, si fidem sefellisse deprehensa sit, quanto is magis subiacebit grauiori poenæ, si se ab iunxerit, qui spirituali communionem copulatus sit, teste, atque sequestri ipso spiritu sancto? Quemadmodum igitur mēbra corporis naturæ vinculo colligata à corpore auelli non possunt, aut si auellantur, mori necesse est, sic monachus, qui religiosorum fratrum corpori iunctus est, & firmiore quam sit vinculum naturæ, tenetur compage, nempe ex pacto, quod is cum spiritu sancto contraxit, nullo modo purandus est, ab
ijs

ijs se posse diuellere, quibuscum copulatus sit: quod si id faciat, & animæ vitam amittit & vna cum ea gratiam spiritus sancti, utpote qui initium ipso auctore fœdus violauerit. Hæc Basilius, & plura alia, inter quæ illud notabile. Quamobrem qui eiusmodi est, is veritatis ipsius iudicio damnatus habendus est, quippe qui magnam scandalorum segetem multis præbeat, peruerso quæ exemplo alios ad sui imitationem instiget. Hæres fit illius horrendi Væ, expeditque ei ut suspendatur mola asinaria circa collum eius, & demergatur in profundum maris. Is enim animus, qui semel in defectionem hanc se præcipitarit, omni vitiorum genere cumulatur, intemperantia, auaritia, edacitate, falsitate, omnique morum peruersitate, & denique extremis malis infixus in profundum nequitiae præceps abit. Ecce quod supra diximus, qui ex tam alto statu cadat, necesse esse, ut omnibus quasi animæ

Ep. 137.

membris collidatur, ex quo fiat, ut in omnia vitia proruat: quod confirmat hoc loco Basilius. Idem etiam grauissimis verbis confirmat Augustinus: Simpliciter, inquit, ræcor coram domino Deo nostro, qui testis est super animam meam, ex quo Deo seruire cœpi, quomodo difficile sum expertus meliores, quam qui in monasterijs profecerunt, ita non sum expertus peiores, quam qui in monasterijs ceciderunt, ita ut

Apo. 22.

hinc arbitrer in Apocalypsi scriptum, lustrus iustior fiat, & sordidus sordescat adhuc. Hanc eandem generalem cladem omnium spiritualium bonorum, nec spiritualium modo, sed

Quinci-

pit, Non

de cetero.

temporalium quoque, describit etiam luculente B. Ephrenesimone quodam. Sic enim ait. Si post renunciationem, & abdicationem vitæ, in virtutis stadio claudicare quis inceperit, & sensim à recta via resilire, oculoque retrorsum conuertere, hic & in vita præsentis erit exemplo, & post hanc vitam regno cœlorum priuatus, indignum se ipsum sanctorum choro reddet. Quin & parentibus ipsis eius ignauia in confusionem erit: amici dolore concident, & inimici gaudebunt super illius desidia, atque ruina. Propinqui, & affines mortem illi imprecabuntur, quod terrenis exutus, cælestia non apprehenderit, & sub prætextu pietatis diaboli iugum subierit. Deplorent parentes damna animæ illius. Hic autem, qui corde sanctus est, & vias suas corruptit, abiecta pietate, impudentiam induit, & turpiter agere non erubescit. Neque enim homines veretur, neque Dei indignationem animo expendit. Et quemadmodum impius cum in profundum malorum venerit, contemnit, ita & hic in tantam temeritatem

Prov. 18.

impingens,

impingens, nequaquam terretur, sed instar illius qui vendidit *Mat. 9.*
 vniuersam suam substantiam, vendensq; stolam suam magni
 pretij, deniq; furore incitatus eam impleuit assumentis panni *Mar. 2.*
 rudis, ac sordidis; qua si utetur, non amplius in laudem, & ho-
 norem, sed in subsannationem, & improprium utetur. Quis
 enim non irrideat aspiciens eum, qui heri in monasterio se
 ipsum ad ministeriũ fratrum in vnum habitantium præcin-
 xerat ad imitationem Domini nostri Iesu Christi, hodie fa-
 mulorum comitatu stipatum? Aut quis eum non reprehēdat,
 qui externo die sponte omnia temporalia abiecit, inopiã am-
 plectens, hodie autē assidet in iudicijs, & quæ damnarat, stu-
 diose reuocat, suamque mentem à cœlestibus ad terrena tra-
 ducit? Hæc & plura alia in hanc sententiã B. Ephren. Grego-
 rius quoq; in epistola ad Venantiũ desertorem, atque erro-
 nem, multa de huius criminis grauitate, & hæc præsertim, In *Lib. 1.*
 quo, inquit, habitu fueris recolis, & supernæ districtiõnis *Ep. 33.*
 animaduersione postposita, ad quid sis deuolutus agnosce.
 Culpam ergo tuam pensa, dum vacat: Districtiõnem futuri
 iudicis, dum vales, exhorresce, ne tunc illam amaram sentias,
 cum eam iam nullis fietibus euadas. Ananias Deo pecunias
 youerat, quas post, diabolica victus persuasione, subtraxit. Sed
 qua morte mulctatus est, sapis. Si ille igitur mortis periculo
 dignus fuit, qui eos, quos dederat, nummos Deo abstulit, cõ-
 sidera quanto periculõ in diuino iudicio dignus eris, qui non
 nummos, sed temetipsum omnipotenti Deo, cui te sub mo-
 nastico habitu deuoueras, subtraxisti. Bene etiam Cæsarius *Hom. 3.*
 in quadã homilia ad monachos suos, Quid, inquit, grauius *ad mon.*
 est, quam vt subito eradiceris de loco, ad quem te Dominus
 tunc vocauerat, in quo te primum illuminauerat, in quem te
 post mala seculi, quasi ad portũ de graui tempestate induxe-
 rat? Obluisci subito fraternitatis, societatis, & consolationis,
 obliuisci loci illius, in quo primum pristinũ habitum, & secu-
 lares mores exueras? Aues ipsæ diligunt nidos suos, amāt fere
 loca, in quibus nutritæ sunt, amant cubilia, & pascua. Et tu
 intellectu prædictus, ratione munitus, ita interdũ sensu alie-
 nus efficiens, vt præferas Dei beneficijs voluntates, vel inten-
 tiones tuas, & sequaris proprias cogitationes, quæ quãlibet
 ad dueros labores, quãlibet ad salutis naufragia, atque ani-
 mæ detrimenta te rapiant, totum hoc, præ nimia cordis in-
 dignitate, non sentis. Chrysostomus etiam longam, & valde
 delectam epistolam scribit de eodẽ argumento ad Theodo-
 rum monachum lapsum, cuius quam lugubre est ipsum ini-
 tium?

tium? Quis dabit, inquit, capiti meo aquam, & oculis meis fontem lachrymarum, & cetera, quæ cum magno dolore prosequitur. Deinde illa, Tu reiecto Domini mandato, & Domini tam mansueti, tamque humilis, atrox imperium sustines tyranni, qui nostram salutem sine ulla humanitate oppugnat. Tu suauis iugo dissipato, leuique onere abiecto, illorum vice, ferreis vinculis collum inseruisti, quodque amplius est, lapidem molarem ad tuam ipsius ceruicem ultro appendisti. Vni igitur subditis, qui animam tuam miserrimam in tam vastum pelagus demersisti, & in eam te necessitatem induxisti, quæ te deinceps magis, ac magis semper in profundum cogit. Mulier in euangelio quando drachmam inuenit, vicinas conuocauit participes lætitiæ, dicens, Congratulamini mihi. At ego amicos conuocans ob causam plane contrariam, dicam illis, Lugeate mecum, ploratum assumite, & debili terque exclamate. Maximam enim iacturam fecimus, non aurum, aut argentum, aut lapidum pretiosorum, sed eius, qui omnibus istis pretiosior est, qui nobis cum hoc mare magnum, & vastissimum nauigans, nescio quo modo excussus ad profundum perditionis peruenit. Bernardus vero in eandem sententia grauissime, & certe non illi, qui ad seculum, sed qui ad laxiorem religionem idque impetrata Pontificis facultate, se transtulerat, O intenses puer, quis te fascinauit non soluere vota tua, quæ distinxerunt labia tua? Et quid tibi frustra quispian blanditur de absolutione apostolica, cuius conscientiam diuina ligatam tenet sententia? Nemo, inquit, mittens manum ad aratrum, & respiciens retro, aptus est regno Dei. Attende cor tuum, discute intentionem, consule veritatem. tua tibi conscientia respondeat, cur abieris, cur ordinem tuum, cur fratres, cur locum deserueris. Si ut arctius, ut rectius, ut perfectius viueres, securus esto, quia non retro aspexisti. Sin alias, noli altum sapere, sed time. Hæc Bernardus epistola illa, quæ inter scribendum tam insigni miraculo nobilitata est. Hæc vero eius dicta eo etiam maius pondus habent, quod ut modo dixi, is quem tam vehementer accusat, non ad secularem statum redierat, sed ad perfectionis statum minorem descenderat; & tamen hoc ipsum vir tantus, Deique lumine plenus non dubitat ita damnare, quasi sit retro aspicere. Quod idem alia epistola de hoc ipso interrogatus, non tam suis, quam B. Gregorij verbis, sane præter suum morem, confirmat. Sic enim scribit. Sanctus Papa Gregorius in libro pastoralis. Quisquis bonum maius subire, inquit, proposuit, bonum minus,

Ep. 1.

Luc. 9.

Epi. 94.

3. Part.
past. cap.
25.

minus, quod potuit, sibi illicitum fecit. Ad quod probandum subiicit testimonium de Euangelio, dicens, Nemo mittens manum suam ad aratrum, & respiciens retro aptus est regno cælorum. Et infert. Qui igitur fortiori studio intenderat, retro respicere conuincitur, si relictis amplioribus ad minima retorquetur. Item ipse in homilia tertia super Ezechielem, Sunt nonnulli qui bona quidem, quæ nouerunt, operantur, atque hæc operantes, meliora deliberant, sed retractâtes, meliora quæ deliberauerant, immutât. Et quidē bona agunt, quæ cœperant, sed à melioribus, quæ deliberauerant, succumbunt. Hi uimirū ante humana iudicia stare videntur, sed ante omnipotentis Dei oculos ceciderunt in deliberatione. Hæc Bernardus, seu potius Gregorius, aut simul vterque, vt eo firmior sit tantorum hominum coniuncta auctoritas. Ex quibus hoc euidenter intelligitur, si is, qui à perfectiori religione ad imperfectiorem delabitur, scelerate facit, nec euadet Dei iudicium, quanto sceleratius peccet, qui à religione in seculi lulum recidit. Sunt enim qui culpam hanc inconstantia eo prætextu excusant, quod non ideo seculum repetunt, vt vitia reperant, quin potius certum sibi esse, ac deliberatum, semper puram, integramque vitam agere, idque sibi ex Dei gratia, quæ nunquam homini desit, despondent: quare non referre vbi viuant, modo bene viuant. Contra quem errorem stultum plane, & exitiabilem multa à nobis dici possent, sed vnus sufficiet. Basilius ad eos consutandos, qui ita ait, Quicumque Christi signa deferit, propterea quod nihilominus se putet posse virtutem colete, Deoque placere, eum vehementer decipi. Qui enim, inquit, in eo vitæ genere, quod nullis distrahentibus curis vexatur, idēque minime obnoxium est peccatis, tamen aduersario resistere non potuit, quomodo credibile est, eum in vita illa, in qua multi ad peccata aditus pateant, & quæ sui ipsius arbitrium in sua potestate retineat, aliquid facturum esse, quod cum virtute coniunctum sit? Verum vt hoc quoque concedamus, certe notam illam numquam effugiet, quod à Christo descuerit, vt discipuli illi, quos aperte diuinus Euangelista notat, cum dicit, Multi autem discipulorum abierunt retro, & iam cum Iesu non ambulabant, dicentes, Durus est hic sermo. Addit deinde idem Basilius multa ad hanc inconstantiam condemnandam, idque in primis, qui se de statione, ac de gradu suo delinquant, ludibrio, ac risui omnibus esse, atque vna cum animæ suæ perniciē, multitudini quoque reliquæ scandalum afferre,

De abd.
sec.

Ioan. 6.

nempe cum occasionem plerisque præsentent existimandi Christi seruitutem difficilem, & intolerabilem esse.

Sed satis multa iam contra huius peccati fœditatem, fortasse etiam nimis multa, vt nimirum in re tristi, & funesta. Quare redeamus potius ad suauem cominorationem eorum bonorum, quæ largissime Deus congestit in hunc statum, quoniam nulla maior, acriórque exhortatio ad perseuerantiam adhiberi potest, quam vt sciamus, & bene cognoscamus hoc donum Dei. Itaque credat vnusquisque sibi di-

Apo. 3. Etum monitum illud, quod de cælo descendit, Tene quod habes, vt nemo accipiat coronam tuam. Vere enim Dei seruitus coronæ nomen meretur, quod est nomen honoris, & dignitatis, & plane regium. Hanc igitur coronam renere debemus, ne vllus eam nobis auferat, id est omnes labores, molestias, omnia aspera proferre, denique ipsam quoque potius vitam amittere, ne eam amittamus. Verum quid melius in hoc genere ad religiosos omnes cohortandos audiri potest, quam illa magni Antonij oratio, qua illum scribit Achanasius ad suos vti solitum? Quæ quoniam tanti viri est, & religiosi omnibus communis, simulque suam eis felicitatem proponit, aptissima nobis visa est, quæ omnem hanc nostram de religione disputationem concluderet. In præsentem, inquit, hac vita æqualia sunt pro rerum commutatione cōmercia, nec maiora recipit ab emente qui vendit. Promissio autem vitæ sempiternæ vili pretio comparatur. Scriptum

Psal. 88. est enim, Dies vitæ nostræ septuaginta anni. Quando ergo octoginta, aut centum annos laborantes in Dei opere vixerimus, non pari tempore regnaturi sumus in futuro, sed pro annis prædictis omnium nobis seculorum regna tribuentur. Non terram hæreditabimus, sed cælum: corpus quoque corruptum relinquentes, id ipsum cum incorruptione recipiemus. Ergo filioli non vos aut tædium defatiget, aut vanæ delectet ambitio. Non sunt enim condignæ passionibus huius temporis ad futuram gloriā, quæ reuelabitur in nobis. Nemo cum aspexerit mundum, reliquisse se arbitretur ingentia, quia omnis terra ad infinitatem comparata cælorum, parua atque exigua est. Si ergo nec vniuerso orbi renunciantes, dignum aliquid habitaculis cœlestibus compensare possumus consideret se vnusquisque, & statim intelliget, paruis thesauris, & parietibus, vel modica auri portione contempta, nec gloriari se debere, quasi magna dimiserit, nec

Rom. 8. tædere, quasi parua sit recepturus. Vt enim contemnit aliquis

quis vnā æream drachmam ac drachmas centum aureas acquirendas, ita etiam qui totius orbis dominium reliquit, centuplum de melioribus præmiis in sublimi sede recipiet. Denique illud perspicere debemus, quod etiam si nostras velimus retinere diuitias, mortis lege ab ipsis diuellemur inuiti. Cur ergo non facimus de necessitate virtutem? cur non ad lucranda regna cœlestia vltro relinquimus quod in fine istius vitæ perdendum est? Consideremus Domini nos esse famulos, & seruitutem debere ei, à quo creati sumus. Nemo post tergum, respiciens, vxorem Lot imitetur, præsertim cum Dominus dixerit, neminem qui ponat manum super aratrum, & respiciat retrorsum, dignum esse regno cœlorum. Respicere autem retrorsum, nihil aliud est, quam in eo pœnitere, quod cœperimus, & mundanis rursus desideriis obligari. Nolite quælo virtutis nomen pauere tamquam impossibile, nec peregrinum nobis, aut procul positum videatur hoc studium, quod ex nostro Dei gratia præcedente, pendet arbitrio. Huius operis homini inserta natura est, & eiusmodi est res, quæ nostram tantum modo expectat voluntatem. Vnde Dominus in euangelio ait: Regnum Dei intra vos est. *Luc. 27.* Hæc ex pluribus B. Antonij dictis excerpta sunt, quæ nos etiam accipere, ac meditari debemus, quasi nobis ipsis dicta, vt quoniam sanctum hoc religionis stadium ingressi sumus, ita in eo currere pergamus, vt etiam aliquando feliciter comprehendamus.

Epilogus totius operis ad seculares.

C A P V T XXXVIII.

PO S T R E M O alloquendi sunt nobis etiam seculares, non omnes quidem, sed ij modo qui religiosæ vocationis aliquam de cœlo lucem acceperunt. nam alios, qui nullam acceperunt, nec mouere licet, nec libet mouere, & ad eos in suo officio continendos alia quædam est adhibenda oratio. Quos autem hoc tanto beneficio Dominus dignatus est, vt in eos tamquam in telonio sedentes respiceret, & in eorum cordibus illucescens, terrenis curis, & à communi vita ad cœlestem hanc vitam inuitaret, ij tamen & monitore, & hortatore, & adiutore etiam indigent. Magna enim iis instat pugna tum à dæmone hoste externo, tum à carne, quæ eo periculosior est hostis, quo interior. Quam pugnam, quamuis ex suo quisque sensu atque experientia melius cognoscere

24. mor.
cap. 7.

possit, licet tamen Gregorij verbis optime expressam recog-
noscere. In prima, inquit, conuersionis vice grauis mœror
est, cum sua vnusquisq; peccata considerans, curarum secula-
rium vult compedes rumpere, & viam Dei per spatium secu-
ræ conuersationis ambulare, desideriorum temporalium gra-
ue onus abicere, & leue iugum Domini libera seruitute por-
tare. Cogitanti enim ista occurrit illa familiaris sua de-
lectatio carnalis, quæ inueterata ludum, quanto eum diutius
tenuit, tanto arctius astringit, atq; à se tardius abire permit-
tit. Et quis ibi mœror, quæ anxietas cordis, quando hinc
spiritus vocat, hinc caro reuocat: hinc amor nouæ conuersa-
tionis inuitat, hinc vsus vetustæ peruersitatis impugnat: hinc
desiderio ad cœlestem patriam flagrat, & hinc in semetipso
carnalem concupiscentiam tolerat, quæ eum etiam aliquo
modo inuitum delectat? Hæc Gregorius: quæ tamen ne no-
uos præsertim milites exterreant, videnda sunt quæ in his
præliis subsidia, & auxilia à Domino suppeditentur, & quam
facilis sit victoria. Addit enim. Sed quia diuina gratia diu
nos istis difficultatibus affici non permittit, turpis peccatorum
nostrorum vinculis, citius nos ad libertatem nouæ conuersa-
tionis consolando perducit, & præcedentem tristitiam subse-
quens lætitia refouet, ita vt conuersi vniuscuiusque animus
eo magis ad votum suum perueniendo gaudeat, quo magis
se pro illo meminit laborando doluisse. Fit cordi immensa læ-
titia, quia ei, quæ desiderat, iam per spem securitatis propin-
quat; vt recte de hoc dici debeat, Deprecabitur Deum, &
placabilis ei erit, & videbit faciem eius in iubilo, vel certe, Li-
berauit animam suam ne pergeret in interitum, sed viuens
lucem videret. Cum ergo ita sit, vt ait Gregorius, quis hæc
certamina timeat, quæ & tam breuia sunt, & in quibus tot sunt
parata adiumenta ad vincendum? In primis autem illa est om-
nino exuenda opinio, quæ has de liberationes vel maxime
retardat. vt qui secularia hæc deserit, magnis se bonis orbari
putet. Porius enim putare debet, nec illa vera esse bona, &
tamen quæcumque sint, non perdi, sed in aliquid multo me-
lius, & præstantius commutari. Hoc enim est, quod Bernar-
dus Sophiam fœminā nobilem, & locupletem admonet, cum
ea, mundo relicto, Deo se dicare constituisset. Modica, in-
quit, transitoria, terrena sunt, quæ despicias: maxima, æterna,
cœlestia sunt, quæ appetis. Plus dicam, & vera dicā. Tenebras
deseris, & lucem ingrederis. de profundo fluctuum emerge-
as ad portum, & de misera seruitute. in felicē libertatem respicias,
& de

Job. 33.

Epi. 114.

& de morte denique transis ad vitam. Siquidem vsque modo tua viuens, non Dei voluntate, tua viuens, non Dei lege, viuens mortua eras. Ambrosius aurem ob hanc eandem causam, istam rerum omnium voluntariam priuationem, depositum vocat, quoniam in deposito illud ipsum, quod datur, suo tempore recipitur, idque lucri fit, quod in reea in tuto, ac securo loco custodiendum ponitur. Sic enim virgines Deo sacraras alloquimur. Esto, maneant vos damna patrimonij. *Virg.* Nonne caducarum, & fragilium dispendium facultatum futura cœli regna compensant? Quamquam si verbis cœlestibus credimus, nemo est, qui reliquerit domum, aut parentes, aut fratres propter Christi nomē, & non recipiat multo plura in hoc tempore, & in seculo futuro vitam æternam. Crede fidem tuam Deo, quæ homini pecuniam credis. Fœnerate Christo. Bonus depositæ spei custos multiplicatis fidei ruz talentum soluet vsuris. Non fallit veritas, non circumscribit iustitia, non decipit vittus. Hæc autem Ambrosij ratio quantum valeat ad seculum deferendū, declaratum est in B. Laurentio Iustiniano cœlesti quadam visione. Hic enim cum annum ageret vndenicesimum, qui ætatis flexus lubricus esse solet, ac periculosus, apparuisse ei dicitur Dominus Iesus, virginis specie, cuius splendor solis splendorem facile suppleret, vultūque placidissimo hæc ei dixisse, Cur adolescens cor tuum effundis, & pacem sectando, te ipsum per multa spargis? Quod quæris, penes me est. Ego, si me sponsam accipere decreueris, pacem hanc certissime polliceor. Ille & tanta pulchritudine, & tam magnifico promisso delectatus, quæsiuit, quod ei nomen, quod genus esset. Tum illa, Ego sum Dei sapientia, quæ ad homines reformandos humanam formam indui. Quare cum Laurentius se vero eam libentissime accipere respondisset, illa dato osculo, læta, & gaudens, vt videbatur, abcessit. ipse autem non multo post in monasterium ad oblatas nuptias se contulit, in quibus abunde id expertus est quod diximus, non modo nihil se perdidisse, sed multo plura, ac meliora, quam in seculo haberet, acquisisse. Ergo hac opinione sublata, ille quoque timor tollendus est, difficultatum, quæ sint in religiosa disciplina, vt vel ferri nequeant, sintque humana imbecillitate maiores, vel certe si ferantur, vitam efficiant iniucundam, & acerbam. Inanis plane, & puerilis timor. Nam, vt alibi à nobis dictum est, non ita externam faciem, quæ tristior videretur, intueri debemus, quin interiora stiam illa perspiciamus, quæ facile omnem asperitatis

Ep. I.

sensum mitigant, & plane tollunt, immo etiam faciunt, ut nihil sit religione dulcius. Nam hoc quoque est vnum Hieronymi argumentum ad Heliodorum. Paupertatem, inquit, times? sed beatos Christus pauperes appellat. Labore terre- ris? At nemo athleta sine sudoribus coronatur. De cibo cogitas? Sed fides famem non sentit: Super nudam humum me- tuis exesa ieiunijs membra collidere? Sed Deus tecum iacet. Squallidi capitis horret inculta cæsaries? Sed caput tuum Christus est.

Quamquam quid rationibus, vel argumentis opus est in re, quæ oculis ipsis pateat, cum partim legamus, partim etiam spectemus nos ipsi tot iam exempla eorum, qui seculo abie- cto in religioso statu vixerunt, & hodie viuunt, tanta facilita- te, tanta etiam alacritate? Num igitur alia ijs corpora, aut alias animas putamus esse, quam nobis? Ergo si illis vigiliæ, si ieiunia, si obedientiæ iugum, si paupertatis incommoda, si denique labores ceteri adeo leues, adeo etiam iucundi sunt, quæ vecordia est, vni sibi hæc grauias, & intolerabilia fingere? An non eadem illorum natura, idem omnium Deus, nullius per- sonæ acceptator, sed omnium pater, omnium adiutor? Hoc il- lud est, quod Augustinum tantum hominem in ista cogitatio- ne relinquendi omnia mundana, non solum adiuuit, sed per- mouit, ac penitus impulit. Nam, quod scriptum extet, ex om- nibus, qui à lata, & spatiosa via, in angustam Christi semitam se conuertere, nullum scimus, qui tam timide, tamque lente eum gradum fecerit, atque Augustinus. Ita enim ipse com- memorat, itaque describit suas luctas, hæsitaciones, difficul- tates, propter veterum morum habitus adeo fixos, ut nouam illam vitam nimium exhorresceret. Quas tamen difficultates hac, quam diximus, ratione tandem profligauit, cum cogita- ret, quam innumerabiles non modo ipsi æquales, sed etiam vel ætate, vel sexu infirmiores, quam ipse, illam eandem vi- tam tam iucunde tolerarent. Sic enim ait, Aperiebatur ab ea parte, qua intenderam faciem, & quo transire trepidabam. ca- sta dignitas continentiae, serena, & non dissolute hilaris, hone- ste blandiens, ut venirem, neque dubitarem, & extendens ad me suscipiendum amplectendum piæ manus, plenas gregi- bus bonorum exemplorum. Ibi tot pueri, & puellæ, ibi iuuen- tus multa, & omnis ætas, & graues viduæ, & virgines, & anus, & in omnibus ipsa Continentia nequaquam sterilis, sed fer- cunda mater filiorum gaudiorum, de marito te Domine. Et irridebat me irrisione exhortatoria, quasi diceret, Tu non potes is

8. Conf.
cap. 11.

poteris quod isti, & istæ? An vero isti, & istæ in semetipsis possunt, ac non domino Deo suo? Quisquis igitur in hac eadem deliberatione versatur, proponat sibi hoc idem Continentiæ, & Religionis sçhemæ ab Augustino depictum, in cuius sinu tot millia virorum, adolescentum, senum, fœminarum etiam, foueantur, qui cum in seculo plerique diuitem, & commodam, ac delicatam quoque vitam ducerent, tanto deinde ardore hanc religiosam paupertatem, & seueriora hæc instituta expetiuerunt, eodémque ardore in ijs perseverant. Quem enim hic aspectus non confirmet, aut etiam non moueat, vt se quoque inter tales domini Dei greges, tam illi caros, inferi gaudcat?

Sunt autem alia quoque ad hoc ipsum incitamenta multa, & magna, breuitas huius vitæ, vanitas rerum omnium temporalium, mortis timor, timor gehennæ, spes cœlestium præmiorum, ipsa etiam religiosæ vitæ pulchritudo elucens ex habitu, & incessu, & vita religiosorum. qui stimuli modo vnus, modo plures in hominum animis valere solent, & valere debent, vt eos à seculi amore auellant, & ad religionem adducant. In Dominicanorum historijs legimus, virum nobilem, & copiosum, Rolandum nomine, cum festum diem totum solennibus epulis, lusibus, & choræis, & reliqua eius generis vanitate consumpsisset, ipse insuper nouis vestibus ornatus, splendidis, ac sumptuosus, tandem vespere ad se reuersum, ita cogitasse: Hem, vbi nunc est festum, quod egimus, vbi tota huius diei lætitia, quæ iam abiit? Itaque perpendens secum, vt dies ille transierat, sic transituram vitam cum sua felicitate, nihilque permansurum, præter poenitentiam, & dolorem, postero die religionem ingressus est, in qua deinceps multis annis Domino militauit, clarus tum sanctitate, tum etiam doctrina. Ac in eodem quoque ordine, eodem etiam fere tēpore, illustris fuit: omni item lætitaris, & doctrinæ laude Petrus Consalius, cuius conuersioni causam dedit res leuis in speciem, sed quæ ei mundi vanitatem plane ostendit. Nam cum episcopo Valentino nepos esset, & ab eo optima beneficia ad oleſcentulus adhuc ante legitimam ætatem consequutus esset, quibus ille ad delicias, & inanem fastum fruebatur, ita contigit, vt quadam die dum in equo vna cum aliquot æqualibus tota urbe, hic, illic, lasciui-ret, in profundum lutum caderet; ex quo cum totus madidus, ac cœnosus extractus esset, accidit insuper vt à puerorum manu, quæ forte circumstabat, cum risu, & scommate

Esa. 14.

multo procaciter exciperetur. Quare pudore perfusus, sibi-
que ipsi iratus, ita secum loqui cœpit, quandoquidem sic à
mundo, cui seruierat, tractaretur, se quoque vicissim eum
tractaturum ut decebat. Itaque eodem momento constituit
se Deo famulaturum, quod etiam paulo post cum magna ci-
uiuim omnium admiratione aggressus est in ea, quam dixi,
familia. In alio vero, ut accepimus, inferni potius timor v2-
luit. Nam cum omnibus delicijs mollem vitam ageret, ac
nullum sibi de couersione verbum fieri pateretur, religiosus
quidam tomiter eum inuicē, ad extremum in digressu, vnū
illum ex propheta versum protulit, Subtuste sternetur ci-
nea, & operimentum tuum erunt vermes. qui versus ita
eum pupugit, ut iam nihil aliud animo voluere posset, quam
vermes illos, & illas tineas; quin etiam cum molestam hanc
recordationem ludis varijs, & æqualium solatijs abstergere
conaretur, ita nihil proficiebat, ut potius magis, ac magis in-
figeretur. quare hoc reputans, si ipsa cogitatio illius pœnæ
tam erat intolerabilis, quanto intolerabilior futura esse ip-
sa pœna manus denique Deo dedit, seque ei in religione di-
cavit. Bononiæ autem in primis fere Dominicani ordinis ini-
tijs vir magnus, clarusque doctrina, cœlestium bonorum
amplitudine ad hanc vitam illectus est. cum enim Reginal-
dus, vnus ex præcipuis illius familiæ, magno hominum con-
cursu, & approbatione, verbum Dei prædicaret, Monctus (sic
enim is appellabatur) de industria illius congressum, & ser-
monem fugere consueuerat, multum sibi ab eo metuens. ra-
men in Stephani martyris natali, ad eius concionem comi-
tum importunitate pertractus, primis statim verbis captus
est, cum illam vocem exponeret, Ecce video cœlos apertos.
Ita enim diserebat, nunc quidem cœli portas ad beatitudi-
nem patere, ita ut quisvis ingredi possit: qui autem negligentes
essent, & qui Deo cor suum clauderent, ijs vicissim cœlos
claudi, ut deinde intrare non possint. Nec pluribus opus fuit.
statim enim corde immutatus, qui ad eam horam tam alienus
fuerat à religione, religionis voluntatem concepit, finita cō-
cione Reginaldum adiit, animum suum exposuit, eumque vo-
ti etiam vinculo adiuncto confirmauit. Nec minus admirabi-
lis Andreas ille, quem legimus inter illustres viros Cisterciens-
is ordinis, qui cum esset Virduñensis Archidiaconus, insuper
etiam nobilissimus, & ditissimus, Clareuallē venit, ut nascenti-
bus illius donius pietatem, de qua multa audierat, præfens in-
spiceret, nihil adhuc minus cogitans, quā de eo vitæ genere
suicipiendo.

ſuſcipiendo. Sed capitulum ingreſſus, quo omnes conueni-
rant, vt ſe eorum precibus commendaret, videns ſanctæ illius
multitudinis ordinem, quietem, & velut angelicum habitum,
cōmotus eſt vehementer, & inſiliente in eum ſpiritu Domini,
mutatus eſt in virum alterum, denique tantus eorum feruor
cepit, vt ne ad tempus quidem domum ſibi repetendam puta-
rit, vel ad ſuos ſalutandos, vel ad ſua ordinanda, ſed illico om-
nibus ruptis moris, omnia reliquerit, vt Chriſto citius adha-
reret. Similem etiam mutationem ex diſſimili cauſa accepi-
mus Beati Nicolai Tolentinatis. Cum enim Auguſtinianus
quidam in publica platea concionem haberet ſuper illo *1. Io. 2.*
Ioannis dicto, Nolite diligere mundum, neque ea, quæ in
mundo ſunt, multisque verbis, & magno feruore, de mundi
vanitate, & periculo diſſeret, affuit caſu hic iuuenis, vt ad-
huc erat, adeoque illa commemoratione incenſus eſt ad hu-
mana deſerēda, vt ſermone abſoluto recta ad monaſterium,
cum illo concionatore perrexerit. Multa his ſimilia hoc
etiam noſtra ætate operatus eſt, & operatur quotidie ille ho-
minum cuſtos, & ſaluator, vt in noſtro illo, quem æternita-
tis cogitatio permouit ad ſeculum, in quo magnopere deſi-
xus erat, abiſciendum cum ita ratiocinaretur, finiti ad inſini-
tum nullam eſſe proportionem: quare nō vnā modo vitam
hominis, ſed plures etiam vitas, ſi eſſe poſſent, non ſufficere,
immo nihil eſſe, ſi cum ſempiternis præmijs comparentur.
Alter item cum in ſeculo magnus iuriſperitus eſſet, multoſ-
que & aſſiduos labores in clientum cauſis toleraret, denique
ita ſecum conſtituit, ſi laborandum ſit, multo ſatius eſſe la-
borare Dei cauſa, quā tantam mercedem reddit, quam cau-
ſa mundi, cuius merces vel nulla, vel exigua, & breuis eſt.
Itaque ipſe etiam recepit ſe ſtatim in Societatem noſtram.

Sed illud optimum, quod vt ſcimus, Claudium Aquau-
iam generalem noſtrum Præpoſitum, communemque pa-
trem, in hac ſeculi relinquēdi cogitatione permouit, cum ei
in mentem veniſſet illud Domini dictum, Oves meæ vo-
cem meam audiunt. Simul enim inuaſit eum timor, ne ſi *1. Ioan. 10.*
leſti illi conſilio non obediret, non eſſet ex ouibus Chriſti.

Quam ob cauſam eadem hora, ac pene momento ad no-
ſtros venit, ſequē eis toto animo addixit. Nec minus memo-
rabile id, quo Franciſcus Borgia alter Societatis noſtræ præ-
poſitus generalis permotus eſt. Nam cum eſſet Gandiæ Dux,
magnæque apud omnes auctoritate, ita contigit, vt Iſabellæ
quæ Caroli V. Imperatoris vxor fuerat, nuper mortuæ cor-

pus Granatæ sepelendum honoris gratia comitaretur.

Quare cum necessitas incidisset, ut, aperta capsâ, cadauer inspiceretur, idque scaturientibus vermibus putridum, & corrosum aspexisset, illico hæc eius animum subiit cogitatio, quo tandē venisset illa tantæ fæminæ potentia, & gloria, cuius paulo ante viuentis vel ipsi nutus terrori fuerant, quàmque nulla sit in morte, post mortem differentia inter principem, & pauperem. Itaque illa humanæ fragilitatis cogitatio tantum valuit in ipso, ut ad principatum deponendum, & religiosam humilitatem amplectendam cum adegerit.

Fit igitur omnes, & alij tum veteres, tum recentes, quos per censere longum esset, alius alia causa ad religionem impulsii sunt, quæ tamen causæ ad duo capita reuocari possunt, eaque nosse, & semper ante oculos tenere oportet. Alterum enim est seculi miseria, alterum felicitas religionis. Atqui in illa miseria quam infinitæ, & quam ingentes miseriæ: Cōtra vero in hac felicitate quam ingentes, & quam innumeræ felicitates: sic enim cogitandum est, mundum, & omnia quæ mundus proponit, eius esse conditionis, ut & ipsa à nobis auolent, & nos ab ipsis. Quare quid stultius est, quam velle perire cum perituris? quid autem sapientius, quam mature relinquere quæ omnino perdenda sunt, cum ita res habeat, ut si spōte relinquamus, cum laude, & cum magno præmio id faciamus, sin vero expectemus donec eripiantur, sæpe supplicium, certe nullum præmium referamus? Hinc enim illa Gregorij obiurgatio, Superba, inquit, mens nostra adhuc hoc non vult sponte deserere, quod quotidie perdit inuita. Veniet enim tempus, & certe celeriter, cum tu, qui nunc iuuenis, nunc florens, & validus, atque, ut tibi quidem videris, beatus, honorum ac dignitatum ambitione, hominum gratia, terrenarumq; rerum dulcedine, tamquàm ebrius retineris, tunc affixus lectulo, febris, macie, doloribusque cōfectus, inter propinquorum lacrymas, inter vxoris, & filiorū, quos tunc adeo habere gestis, complorationem, momentis singulis extremā illam spiritus, & corporis dissolutionem expectabis. Quid igitur tunc animi tibi futurū censes, quem dolorem, quē mentis angorem, ac cruciatū, cum te videas & illa cœlestia perdidisse, quæ neglexisti, & hæc caduca perdere, quibus inhæcisti? Illam igitur horam cogita, illūq; tibi tempus propone, & si sapis, nūc perface quod illo tempore, quod euadere non potes, tātō opere perfectum cupies. Quid tibi vis (ait Propheta)

in via

Hom. 5.
Evang.

Hier. 2.

in via Ægypti, vt bibas aquam turbidam? & quid tibi cum via Assyriorum, vt bibas aquam fluminis? Quæ enim est hæc via Ægypti, vel Assyriorum nisi via secularis, in qua delectationes omnes, fluuiorum more, defluunt celerissime eademq; cœnosæ, ac lutosæ, nempe terra permixtæ, atque ex terrenis rebus ortæ? Itaque quæ indignitas est hominis animum, qui de cœlo venit, & ad cœlestia tendit, qui Dei sanguine ablutus, ac super niuem dealbatus est, talibus aquis mergi, cum præsto sint aquæ viuæ salientes, in vitam æternam? Præsto sunt enim delectationes religiosæ, castissimæ, atque purissimæ, quæ & hic oblectant, & simul saliant in vitam æternam, quoniam non imminuunt præmium illud futurum, sed potius augent, dum nos alacriores in Dei opere faciunt. Præsto est illud centuplum, quod Dominus promisit, vt viaticum huius peregrinationis, vt solatium præsentis laboris, vt artham, ac pignus futuræ mercedis; cui quidem centuplo, quid habet mundus totus, quod conferri possit, cum id qualecumque sit, centuplo tamen superetur? Itaque si iucunde, si felicitè, si beate viuere volumus, vbi id quærimus, nisi vbi Christus ipsa veritas hoc esse demonstrauit? Homo si nobis viginti, aut paulo amplius pro vno promitteret, non cunctaremur ei tradere quicquid pecuniæ haberemus, insuper etiam cuncta vendere, vt redactam pecuniam tam fructuose collocaremus. Et tamen homo est homo, & fallere potest, & mutare voluntatem, aut perdere facultatem. Deus autem quem vnquam fefellit? aut quo modo fallere potest, aut se ipsum negare? Citius enim Deus esse desinat, quam vel iota vnum, aut vnus apex de eius promissis irritus cadat. Iure igitur Bernardus, & verè; Interim, inquit, vnde cumque centuplum sint accepturi, dummodo sit centuplum, dum valeat centupliciter, centupliciter placeat, consoletur, delectet, ametur, quid insanix est quod cunctentur homines relinquere simpla pro centuplis? Vbi est cupidus? vbi est ambitiosus, vbi conquisitor huius seculi? Quid ad fidele negotium, & nundinas quæstuosissimas auaritia intepuit, & obdormiuit humana? Cui id iudico negares. o homo, qui in vanum accepisti nomē Domini Iesu Christi? Cui sacrilego dare quicquid habes pro centuplo cunctareris? Mira nonitas, sed eius qui noua omnia facit, iugum tollens, inuenit requiem; relinquens omnia, centuplū habet. Tanta est igitur huius centupli. & huius præmij amplitudo, vt homines in flammam ipsam, non modo ad paupertatem, vel obediētiā adigere debeat. Qui autem

*Ho. Ecce
nos reliq.*

tanta

tanta mercede, tantòq; lucro proposito relinquendis diuitijs, eas tamen retinere maluit, quid sequitur, nisi vt vel sua lucra respuant, quod fieri non potest, cum omnes homines natura duce & sc, & suas ament vtilitates, vel, quod vnū restat, non satis confidant huic centuplæ remunerationi? Hoc enim illud est, quod Ægydius ille, vt accepimus ex primis Beati Francisci discipulis, eique in primis carus ob excellentem sanctitatem, seculari cuidam litterato exprobrauit aliquando: à quo cum quæsisset, Credis ne magna esse præmia, quæ Deus præparauit diligentibus se, & seruientibus sibi? isque respondisset: Credo, Atqui ego, inquit, ostendam te non credere. Quantum valent possessiones tuæ? Mille, ait ille, aureos. Si hos ergo ita collocare posses, vt subito centum mille conficerent, nonne statim eos exponeres? Ergo cum non exponas manifeste apparet, te nō fidem habere Christi promisso. Sic Ægydius. & verissime. Atque hoc quidem, quod hæcenus dictum est, lucri tantam imminutionem continet, sed lucri magni, & in re magna, atque æterna. Quare multo illud grauius, & miserius, quod insuper periculum etiam æternæ damnationis intentat. primum propter communia pericula, quæ sunt in vita seculari, de quibus alibi à nobis abunde dictum est, deinde propter propria quorundam, quibus fieri potest, vt nulla alia salutis ratio sit, quam religionis, & nisi id faciant, omnino perituri sint. Docet hoc Gregorius in epistola, qua Mauritium Imperatorem reprehēdit de edicto quodam, quo ille certa hominum genera monachos fieri prohiberat; quam legem ait iniquam esse, quia per eam cælorum via multis clauderetur: reddítque rationem, quoniā licet multi sint, qui etiam in seculari habitu bonam vitam ducere possunt, tamen, inquit, plerique sunt, qui nisi omnia reliquerint, saluari apud Deum nullatenus possunt. Quod dictum tam sancti, tamque sapientis viri valde sane notandum, valdeque considerandum est; quoniā scilicet sibi quisq; metuere debet, nec est causa cur non metuat, ne sit ipse ex his plerisque, præsertim deinde ij, qui Dei vocationē vel admittere nolunt, vel admissam postea repudiant. Tantū enim est hoc crimen ingrati animi, & quidem ingrati in Deum, vt quemadmodum ait sanctus Bernardus, sit ventus vrens siccans sibi fontem pietatis, rorem misericordiæ, fluēta gratiæ: isq; Dei mos est, quem ipse denūciauit, vt qui mnā acceptam non auget, & multiplicat, non solum non ei plura, & maiora largiatur, sed eum etiam illo ipso, quod iam dederat, exspoliet,

Ep. 61.
lib. 2.

Cant.
Ser. 51.
Luc. 19.

liet,

liet, vt habenti insuper detur, & abundet, ab eo autem qui non habet, etiam quod habet auferatur.

Sed tamen est aliquid etiam in religione maius, & quod vehementius fortasse allicere debeat, quam hæc omnia, ipsa huius vitæ pulchritudo, & dignitas, ac forma quædam, quæ eo magis clarescit, si cum seculari perturbatione, atque etiam vt pluriū mores sunt, sceditate, quasi lux cum tenebris, comparatur. Est enim hic status; quod profiteretur, & præferret, perfectionis. Quid autē perfectione melius, aut optabilius? Etenim si perfectum equum, perfectum arborem, perfectam domum adeo probamus, vt ab ea spectanda, & laudanda nec oculos, nec animum auellere possimus, quanto magis hominis animus, res per se tam perfecta, addita etiam virtutis, & sanctitatis perfectione, nescio quid adeo pulchritudine existet, quo nihil melius ex iis quæ in terra sunt, vel cogitari, vel amari possit? Quamobrem recte Hieronymus ad nobilissimum virum, cui seculi fugam suadebat: Sed hoc ais Apostolica dignitatis est, & eius qui velit esse perfectus. Cur autem & tu nolis esse perfectus? Cur qui in seculo primus es, non in Christi familia primus sis? Mirum enim certè est, quod cum homines cetera extra se quam perfectissima habere cupiant, solam animi perfectionem, quæ tanto præstantior, & tanto utilior est, & salubrior, non modo non cupiant, sed sæpè cum facile consequi possint, negligant. Villam emis (inquit Augustinus) bonam quæris. Vxorem ducis, bonam eligis. Filios tibi vis nasci, bonos optas. Caligas locas, & non vis malas, & vitæ amas malam. Quid te offendit vita tua, quam solam vis malam, vt inter omnia bona tua solus sis malus? Ex quibus eorum quoque error refutatur, qui ita se à religiosa vocatione subducunt, itaque se excusant: Non iussit hoc Deus, sed liberum reliquit, vt qui velit, recte faciat, qui non velit, non tamen male faciat. Cui verè stolido atque insipienti argumento egregie aliquando responsum est à Sacerdote quodam Societatis nostræ rerum spiritualium perito; qui cum insignem theologiæ Doctorem spiritualibus exercitationibus informaret, isque à Dō se vocari sentiens, hac ipsa quam diximus fallacia vocationem eluderet, Dic mihi, inquit, si necessario in Indiam nauigare cogereris, ac cum multæ naues præsto essent, aliæ meliores, aliæ deteriores, classis Præfectus in suam te nauim inuitaret, nouam, & firmam, rebûsque omnibus instructam, velis rudentibus, gubernatore, & nautis optimis, an tu, eius beneficio contempto, aliam malles quassatam,

*Ep. 34.
ad Iulian.*

*De Ver.
Dom.
Ser. 16.*

quassatam, & cariosam, suisque armamentis spoliatam? ac non potius summa cum gratia acciperes quod offertur, immo etiam ultro rogares, & vrgeres? multo igitur magis ad euitandum animæ naufragium, quod æternum est, eiusmodi statum eligi oportet, qui nos tutius, securiusque perferat in hac tam dubia, & scopulosa huius mundi nauigatione. Nihil clarius, atque euidentius dici potest. itaque illi etiam Doctori adeo euidentius visum est, ut conuictus, omni dubitatione deposita, Societati nostræ se adiunxerit. Sed ponamus cessare periculum, quod diximus, fingamus etiam promissum alicui cælum certissime, tamen nõne melius est, hoc quoque omni ope curare, ut non solum cælesti beatitudine potiamur, sed etiam quam maximo eius cumulo potiamur? Etenim si quis tibi stannum, & argentum, vel argentum, & aurum offerret, ut alterutrum acciperes, esset ne dubium, utrum accepturus sis? Aut si redditum centum millium habere possis, num ducentis tantum, aut trecentis annuis contentus esses? Si ergo non solum hæc magna lucra, sed nullum est fere tam exiguum lucrum, quod homines contemnunt, & oblatum non cupide arripiant, quæ hæc cæcitas est, cum possis diues esse illa cælesti gloria, id est multis eius gradibus trui, magna gaudij, magna felicitatis copia abundare, eaque immortalis, & æterna malle æternam paupertatem, & parce hic seminando, id agere, ut postea cælum ingressus, sitamen aliquando ingrederis, parce etiam metas? Videamus quid Apostolus, seu magis Dominus per Apo-

1. Cor. 7. stolum omnibus hominibus præcipiat. Tempus breue est reliquum est, ut qui habent uxores, tamquam non habentes sint, & qui flent, tamquam non flentes, & qui gaudent, tamquam non gaudentes, & qui emunt, tamquam non possidentes, & qui vtuntur hoc mundo, tamquam non vtantur. præterit enim figura huius mundi. Quid hoc sibi vult, nisi quod etiam si liberum cuique sit sua retinere, non tamen liberum est, uti quoquo modo velit? Ita enim uti debet, ut corde non inhæreat, ut tantum sicut instrumenta ad vitam sustinendam adhibeat, ut & amittere, si Domino placuerit, & sponte abijcere etiam, si eius honor tulerit, paratus sit. Denique quid pluribus opus est? ita uti debet, ac si non vteretur. hæc enim ipsa formula ab Apostolo præscribitur, idque in omnibus, in uxore, in liberis, in possessionibus, in pecunia, in honore. Si ergo hæc est hominis conditio, si hæc est lex in istarum rerum possessione, quanto melius non uti, quam

sic uti? Primum enim multo hoc facilius, non amare, si non habeas, quam habere, & non amare: deinde multo etiam iucundius. nam affectum ab ijs, quæ possideas, diuellere, vis quædam perpetua est, quæ ideo nec perpetua esse potest, & tamen quamdiu durat, difficilem, & arduam, & laboriosam pugnam affert, quam non sentiunt, qui à se pugna illius materiam, ac fomitem remouerunt.

Atque hæc, quæ hætenus diximus, ad propria pertinent detrimenta, quibus se ipsos afficiunt, qui religiosam vocationem tot bonis refertam à Deo sibi oblatum respuunt, ut secularem licentiam, vanitatemque sequantur. Consideremus nunc etiam quanta sit Dei iniuria, quanta offensa. Primum enim subtrahunt se ab eo, cuius quicquid sunt, toti sunt. Ab illo enim facti, & eius causa facti sunt, ab illo insuper empti pretio tam magno, ut Paulus ait: denique, ut alia omittam, *1. Cor. 6.* hoc etiam promiserunt, cum per baptismum eius seruituti consignati, & quasi militari sacramento eius militiæ obligati sunt. Ergo qui se illi eripit, & suus esse vult, idem facit quod qui mancipium, aut rem quamlibet alienam sibi vendicat, quod furti crimen est. Accedit quod, ut horum nihil sit, hoc ipsum tamen iniuria est, quod ab ipso inuitari ad eius amicitiam, ac familiaritatem, & quidem diu, ac multum rogati, tamen recusemus, eiusque promissis, ac præmijs omnibus remittamus, quasi vel parua sint, vel incerta. Principes quidem huius mundi si sic rogantes repudientur, læsos se putent. Sed hoc in principes istos numquam euenit, vltro enim eorum gratia, & obsequium ambitur, viæque omnes quæruntur, quo se quisque insinuet. Solus est Deus (res tane dolenda, multumque lugenda) qui cum tanto maior sit, & tanto maiora polliceatur, relinquitur tamen, & abiicitur cum suis promissis. Quantum ergo hoc crimen est? Nempe, ut supra demonstratum est, summam esse eorum culpam, qui postquam Christum in religione sequi cœperint, deinde retrorsum abeunt, sic eorum proxima quodammodo videtur esse culpa, qui ad religionem vocati, Dei vocem, consiliumque sperant. Nam detracto voto, & sponsonis illius nexu, quod quidem ad iniuriam attinet, de qua hic agimus, eadem fere est, vel amicitiam iam factam dissuere, vel oblata respuere, æqualisque fere contumacia existimatur, iussu regis postquam facere cœperas omittere, vel numquam incipere. Quare ut generi illi hominum tanta semper parata esse ostendimus supplicia, quæ diuinam

iram

Psalm. 108. iram testarentur, idem omnino de his credendum, & tenendum est. Impletur enim in ipsis illa ex psalmis vera, & iusta sententia, vt quoniam noluerunt benedictionem, clongetur ab eis, & quia maledictionem dilexerunt, eueniat eis, eamque induant sicut vestimentum, & intret sicut aqua in interiora eorum, aut sicut oleum in ossa eorum. Impletur etiam quod in libris Sapientiae diuina minitatur iusticia: Vocauis, & renuistis, extendi manum meam, & non fuit, qui aspiiceret. Despexistis omne consilium meum, & increpationes meas neglexistis. Quae igitur poena reprehenderetur tali culpa? Subijcitur statim, Ego quoque in interitu vestro ridebo, & sublannabo, cum vobis id, quod timebatis, euenerit. Cuius quidem tam seuerae denunciationis quae sit vis aperte ostendit id quod Antoninus narrat cum quidam aliquando Franciscani ordinis votum suscepisset, postea vero mutato consilio factus esset Canonicus, post paucos menses incidisse in morbum lethalem: quam ob causam admonitum a suis de anima per confessionem expianda, respondisse, nihil esse opus, quoniam consensum sibi esset, se esse damnatum, quate ne amplius non molesti essent, quia non posset confiteri. Apparuit enim mihi, inquit, Dominus iratus, dicens, Vocauis, & renuisti, ideo vade ad poenas inferni. quo dicto expirauit. Tristis sane, ac miserandus huius exitus: melior alterius in simili periculo, qui cum adhuc iuuenis Cisterciensē institutum sequi decreuisset (neque se tamen voto obligarat) dum de die in diem differt, coepit in teperescere. Quare cum ex Compostellana peregrinatione domum redisset, eadem ipsa nocte, apparuit illi Christus Dominus cum duobus Apostolis, Petro, & Iacobo. Petrus autem pulcherrimum librum tenebat coram Domino apertum, in quo adolescentis nomen, Ioannes, descriptum erat. Tum Dominus ad S. Petrum, Dele, ait, istum de libro meo. Iacobus vero supplicare ei coepit pro suo, vt appellabat, peregrino, insuper etiam illius emendationem promittere. At Ioannes hoc de se agi videns, pauebat, & tremebat, nouamque vitam in futurum pollicebatur. Dominus autem, quasi illius inconstantiae minus credens, tunc eius florem illius voluntatis postulauit, quem se obtulit sanctus Iacobus. Inter quae cum iuuenis excitatus esset, secumque haec admirans rursum obdormisset, iterum est illi eadem obiecta species, idque amplius, quod in libr. illo apparuit eiusmodi inscriptio ex Cantabrigiae. Murenulas aureas faciemus tibi, vermiculatas argento. Ille igitur & hoc iucundo promisso inuitatus, & illis minis exterritus,



~~manuscript~~ 16 pages
Sel Fests





A. Tab. IV. n. 14: